

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社


四庫全書存目叢書

史部
第一六八冊



責任編輯：孫言誠 賀 偉

ISBN 7-5333-0535-3



9 787533 305352 >

EB97/07

四庫全書存目叢書·史部一六八

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 52.5 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六八冊目次

史部・地理類

大明一統名勝志二百八卷目錄一卷(二)

〔明〕曹學佺撰
中央民族大學圖書館藏明崇禎三年刻本

.....一

大明一統名勝志二百八卷

目錄一卷(二)

〔明〕曹學佺撰

中央民族大學圖書館藏明崇禎三年

刻本

山西總叙

臣學佺謹按山西有冀寧冀南冀北河東四道云
冀寧治太原一府本于元之冀寧路也冀北治大
同一府冀南治潞汾二府澤沁途三州元時以冀
寧諸路直隸省部而今且分冀爲三矣曰北曰南
視太原之方向爲名也惟河東道設自唐開元時
治蒲州宋置河東路經畧安撫使以太原守臣兼
領而元置河東山西道宣慰司于大同廉訪司于
冀寧則國朝之河東道分守駐蒲州分巡駐平
陽者實仍唐之舊也山西古冀州地禹貢冀州惟
山西名勝志

總叙

一

華

西河充都平陽河正在西故以河爲西河而地曰
河之東也河黃河也山西者太行山之西也秦晉
兼得而言之也三家分晉以後秦併吞之則燕秦
韓趙魏六國之地皆爲山東矣國朝以齊爲山
東晉爲山西蓋自太行首尾處目之云○禹貢諸
州各著疆域惟冀爲帝都著而不著而疆域最廣故自
舜時分爲幽并二境幽并俱在太行之北幽今屬
燕無論已并州凡太原鴈門雲中之境皆是而太
行西南爲冀州河東上黨之境屬之若常山河北
諸郡今分隸于畿輔河南蓋河東端王冀而常出

以外則冀東境懷衛以內則冀南境也今之山西非昔冀并全地乃得冀并之分耳况西淪河套保德無藩籬之固北弃東勝偏頭與犬豕爲隣其懷桑土之思者可不思所以預防之者哉

山西名勝志總叙

二

山西名勝志卷之一

關中曹學佺能始著

太原府

附省

領州五縣二十

尚書舜典肇十有二州王肅注云舜爲冀州之地太廣分置并州釋名并兼也言其州或并或設而無定稱也禹貢既脩太原孔安國注高平曰太原也按晉大鹵太原大夏夏墟平陽晉陽六名其實一焉帝王世紀云本高辛氏之子實沈金天氏之子臺駘之所居也按左傳高辛氏有二子長曰閼伯季曰實沈居於曠林不相能也日尋干戈后帝不臧遷實沈於大夏王參故晉爲參星金天氏有裔子曰昧爲玄冥師生允格臺駘以處太原是矣又爲帝堯夏禹之所都也世紀云帝堯始封於唐徙晉陽及爲天子始都平陽禹自安邑徙都晉陽至桀復都安邑也史記周成王與叔虞戲割桐葉爲珪曰以是封汝周公請封之於唐以啓晉侯此晉國之始其後三家分晉是爲趙地故地理志云趙西有太原矣秦本紀莊襄王二年蒙驁攻趙定太原三年遂置太原郡漢高二年魏豹反爲楚盡有太原上黨之地九月韓信虜魏豹定魏地置河

東上黨太原等郡故魏志云并州左有恒山之峯
右有大河之固是矣凡并州太原河東軍冀寧路
唐宋元以來沿革不定我朝後爲太原府○周
禮職方氏并州宜五稷鄭玄注曰黍稷麥稻菽后
稷社稷皆取此以其該五種名之也○元和郡縣
志曰太原出赤銅卽黃銀也隋高祖時辛公義守
并州州嘗大水流山黃銀以上于朝唐太宗用以
飾帶而樂陽房杜諸臣卽本草所云鍮石出太原
者佳○太原出鍮鑄鏡用之唐喬琳鍮鏡賦云晉
人用鍮今從革無方其或五金同鑄百鍊爲剛也

山西名勝志

卷之一

二

三

苗中彭憲范爲予言太原府城中有巨鐵在街道
上名蟬鐵常露其頂人將掘而取之則深入不出
世謂之鐵母茲有蟬鐵祠在旗纛廟東○漢郭伋
茂陵人光武時爲并州牧所過問民疾苦行部到
西河有兒童數百各騎竹馬拜迎於道次伋問其
故皆曰間使君到喜故來奉迎事訖諸兒復送郭
外問伋還期伋計日告之及還先期一日伋謂遣
信於諸兒遂止野亭湏期乃入○東觀漢記段熲
爲并州刺史有異政上賜曲蓋采旂以寵異之○
晉劉琨時并土饑荒琨爲刺史撫循百姓甚得其

情○崔日用有德政于并及卒并人懷之縞服送
喪者數百人見唐書○張說預脩國史勅齋藥卽
軍中論撰時說檢校并州長史也○宋馮京知太
原與左丞王安禮唱和建有籌邊樓在府治內○
歐陽脩廬陵人以右正言爲河東制置使條陳募
耕城役諸事有河東奏草一卷○文獻通攷晉陽
事跡雜記十卷唐河東節度李璋纂序言十四卷
唐志亦同今刪爲十卷蓋治平中太原府所刻本
也從苗田李氏借錄自南渡以來關河阻絕圖志
泯亡得見一二僅存者猶足以發傷今思古之歎

山西名勝志

卷之一

三

然唐并州治晉陽太原二縣國初徙治陽曲而
墟其故城則唐之故跡亦不復存矣○金石畧云
後周并州總管宇文舉碑廬師道撰楊畧正書神
龍二年十五日○唐并州長史崔敬嗣碑胡皓撰
郭謙光八分書景雲二年九月○金石畧又載唐
劉統軍碑字畫雖殘缺猶歷歷可辨以昌黎集本
云公會祖考爲朔州守祖令太原再世北邊樂其
高寒棄楚之不還逮于公身三世晉人而墓誌亦
云曾大父諱承慶朔州刺史大父巨敖爲太原晉
陽令遂著籍太原之陽曲今此碑乃云考令太原

又云再世晉人且碑旣言陽曲之別錄公祖遷則其晉人非再世明矣余故曰石本誤也○李白太原早秋歲落衆芳歇時當大火流霜威出塞早雲色渡河秋夢遠邊城月心飛故園樓思歸若汾水無日不悠悠○馬戴答太原從軍楊員外贈別君將海月珮贈之光我行見知言不淺懷恨意非輕衰柳搖邊吹寒雲冒古城西遊還賦賦應許託平生○歐陽詹和嚴長官登太原龍興寺閣百丈化城樓君登最上頭九霄開棧路八到視奔州煙火遺堯庶山河改聖猷短垣齊介嶺片帛指汾流清

山西名勝志

卷之一

四

陽曲縣附郭

本漢縣晉地記云黃河千里一曲此當其陽故曰陽曲曹魏郭淮以討平關中叛胡功封陽曲侯隋開皇間改名陽曲蓋反之也漢縣在今忻州定襄縣界漢末徙太原縣之北境北魏徙孟縣之南境隋徙治汾陽故縣今縣東北界有汾陽城存金天會間始置郭下○志云陽曲川在縣東北七十里

山西名勝志

卷之一

五

之本井城俗名故縣城卽汾陽城也魏土地記曰陽曲胡寄居太原界置陽曲縣治其水西南于汾水○汾河在府城西城上有山亭下臨汾水唐時建張弘靖詩刻尚在城西二里有石橋河自孟縣界西南流合洛陰水又有沙河自太原縣西之風谷流經晉陽故城南又有孔河自交城縣東北之塔沙谷南流俱入于汾水側有石孤立高十餘丈俗名石尖峯汾隄之東有溪周廻五里汾水所注也四旁種柳萬株中有亭臺爲上已脩禊之所宋元祐時韓絳韓維兄弟相繼出守因建杖華

源界柵山接孟縣界○大孟城在柵山下春秋昭
二十八年分祁氏之邑爲七孟其一也後魏仍曰
曰大祁城城左右夾澗幽深南面大壑謂之很馬
澗其城亦曰很孟城史記秦始皇十六年伐太原
取很孟春秋晉獻子以孟丙爲孟大夫者也王莽
之很調矣按今名黃頭者是○阪泉山在城東北
八十里左氏僖二十五年晉文公卜遇黃帝戰于
阪泉之兆卽此有黑白二龍池及阪泉神祠歲以
亥秋之孟月祀○紫舟山在城東北九十里舊經
以禹治水會紫舟于此其石如環軸然山下有谷

山西名勝志

卷之一

六

曰薛融谷五代晉弘文館薛融讀書于此融平
遙人時爲太原觀察使○牟陽坂在城北界唐崔
願傳詔問何處有牟陽坂願曰漢地里志上黨壺
關帝曰非是又曰晉皇甫士安撰地里書太原北
九十里之帝曰是也○城邑攷云三交城在府
城北五里世傳晉大夫竇鳴犢所築舊有三交驛
通忻州其東北百二十里俱走忻州路也玉海云
三交城虜之所保五季時多出此入寇乾德二年
八月癸亥命潘美屯三交口滑州襲之卽此○天
門關在府西北四十里通舊嵐管州其東北崖隋

煬帝爲晉王時所開謂之楊廣道○洛陰城在府
東北六十里隋洛陰府也有仁壽中脩寺碑驃騎
將軍王整所立今名羅陰村以唐初置羅陰縣于
此○受瑞壇在舊倉城中唐高祖舉義獲瑞石有
文曰李淵萬吉因築壇祠○廢白馬府在城西北
五十里隋書謂之故府也又有十八廢府在府城
中及太谷榆次孟各縣皆以居府兵者○嘯嘯寺
在城西北四十里北蘭村晉王李克用與子存勖
題名刻石存宋治平元年賜今額○平晉寺在府
城南宋太宗行營也御製有平晉賦命從臣和○

山西名勝志

卷之一

七

金忻州人元好問赴府試行道中見一捕鴈者云
捕得二鴈內一死一脫網去空中上下盤旋哀鳴
良久投地亦死好問聞之遂以金贖得二鴈瘞於
汾水邊壘土爲丘好問有鴈丘詞見本集

太原縣

在府西南
四十五里

春秋昭元年晉荀吳敗狄於大鹵註云大鹵卽太
原晉陽也中國曰太原夷狄曰大鹵矣晉陽縣舊
理太原郡內高齊移于汾水東 本朝移汾水西
復古太原之名惟宋曰平晉邇前至秦漢皆曰晉
陽○晉陽者縣臨晉水水北曰陽也帝王世紀堯

始封唐後徙晉陽及爲天子始都平陽而封其別
子于此仍爲唐國亦乃晉之舊都左傳定十三年
趙鞅以晉陽叛後乃爲趙趙簡子使尹鐸治晉陽
尹鐸請曰繭絲乎保障乎簡子曰保障哉智伯攻
趙襄子襄子走晉陽三家圖晉陽而灌之城不沒
者三版沈竈產竈民無叛意卒爲韓魏而滅智伯
○太原舊城晉并州刺史劉琨築今按城高四丈
周廻二十七里城中又有三城其一曰大明城卽
古晉陽城也左氏言董安于所築郡國志以爲唐
堯所築城東有汾水南流與城西之晉水滙故史

山西名勝志

卷之一

八

記云智伯引汾水以灌城春秋後語云決晉水其
說不同矣高齊于此置大明宮因名大明城姚最
行記曰晉陽宮西南有小城內有殿號大明宮是
也又一城南而因大明城西而連倉城北而因州
城東魏靜帝於此置晉陽宮隋又更名新城又一
城東而連新城西北面因州城隋開皇十六年築
今名倉城高四丈周廻八里唐義旗初高祖起兵
使子元吉居守卽斯地矣○縣西北二十里有三
角城其城三向一日徙人城一日捍胡城一日看
胡城相傳爲趙襄子所築城下爲狄梁公故里今

名狄村舊碑在慈觀寺中○王陵城在舊縣東南
汾水側今名黃陵村○平晉故城在今縣東北二
十里高一丈三尺周圍四里內有故碑字多剥落
宋永利監在焉○嬰山在縣西三里隋圖經嬰山
并州之主也山麓有奉聖寺卽唐尉遲恭別墅○
懸甕山在縣城西二里一名龍山晉水所出山腹
有巨石如甕水出其中故名山海經云懸甕山多
紫魚食之不驗卽此按通志龍山懸甕本自兩山
相距里許其爲晉水發源則同故北齊兼置龍山
縣至隋始省唐宰相裴休嘗隱于此其北有童子

山西名勝志

卷之一

九

觀休所居也物產志云龍山出自魚泉泉在明仙
寺北多產白魚上有介子推廟詳水經下○象山
在縣西北十里前趙錄劉聰征劉琨不克畧晉陽
之人踰象山而歸卽謂此山上有楊忠祠忠爲周
將討齊戰勝隋開皇初追紀功烈始建此碑忠卽
文帝之考謚武元皇帝按本志作蒙山通典曰晉
陽有蒙山亦載縣西五里恐一山耳縣西南七里
有卧虎山山形如伏虎因名又八里磯石山有槐
子谷入天龍寺○駝山在縣東北三十里以狀平
簷若駝峯然○潛丘在縣東南八里汾晉二水之

間爾雅天下名丘五晉潛丘其一也長四千五百步高四丈隋開皇二年于其上置大興國觀今廢

○後魏土地記曰太原郡山有石室方丈四尺四壁有篆字人莫之識按在今城西南七里又城西十里古驛道有風谷巖石上鐫字云立一箭附一箭金鍋耳子露一半溝之南道之北二輛金車露枝輻不知謂何相傳穴內神至則颯然有聲志謂距城四十里接交城界○縣西十八里有黃蘆谷又西南二十里有蓄谷谷內有青龍白龍二池北齊神武帝建避暑宮于上俗稱皇家宅又有井谷

山南名勝志

卷之一

十

水後改名爲晉故子夏叙詩稱此晉也而謂之唐倫而用禮有堯之遺風也晉書地道記及十三州志並言晉水出龍山一云結細山在縣西北非矣北山經云懸甕之山其上多玉其下多銅晉水出焉郭璞注在晉陽縣西名曰汲甕晉智伯之遇晉以水灌晉陽其川上源後人踵其遺蹟蓄以爲沼沼西際山枕水有唐叔虞祠水側有堂結飛梁于其上左右雜樹交蔭希見曠景至有石朋密友羈遊宦子莫不尋涼契集川相娛慰於晉川之中最爲勝處晉水又東過其縣南又東入于汾水汾水

山南名勝志

卷之一

十一

在縣西北二十五里距十五里爲胡谷○蓮池在縣南蟾酥池在縣西南各去縣五里以產蓮花及蟾酥故名又二十里有白龍池在天龍寺內深丈許又沙河出水出縣西十五里風谷中經晉陽故城○水經曰晉水出晉陽縣西懸甕山註云縣故唐國也左傳稱唐叔未生其母邑姜夢帝謂己曰余名而子曰虞將與之唐偏之參及生名之曰虞叔虞與成王居王授桐葉爲珪以授之曰吾以此封汝虞以告周公周公請曰天子封虞乎王曰余戲耳公曰天子無戲言時唐滅乃封之于唐縣有晉

侍衛都督并州諸軍事鎮北將軍太原成王之碑
水上舊有梁并州于梁下豫讓死于津側亦襄
子解衣之所在也汾水西逕晉陽城南舊有介子
推祠祠前有碑其字剝落無可尋并俗寒天禁火
民多凍死汝南周舉移檄子推乃勅止之○寰宇
記云縣東一里有橋架汾水上曰汾橋卽豫讓伏
刺襄子處呂氏春秋云趙襄子游于園中至於梁
馬却不進使青并進視則豫讓佯爲死人叱青并
曰吾日有事青并退而自殺史記索隱引古本趙
策云襄子使持衣與豫讓讓拔劍三躍而擊之衣

山南名勝志

卷之一

十三

盡出卽此橋也橋長七十五步廣六丈四尺按
趙城縣亦載之○志云望川亭在懸壺山上北齊
天保中建又有清華堂相傳亦同時建○晉祠西
偏有浮屠七級高十五丈周圍有鐵佛像六軀各
高七尺鑄法工巧其一云飛去不知所在○晉祠
前池島上水中翠草冬夏一色多蘋藻之屬可櫨
而茹之其難老善利二泉各覆以亭土人云此泉
大旱不涸隆冬不凍溉田百餘里所利甚溥故擅
斯名矣池西岸有均福亭堂後有仁智軒軒南有
湧雪亭今俱廢惟二泉亭尚存○集古錄云晉祠

銘唐太宗御書筆法倣聖教序其序畧曰懸崖百
丈救日虧紅絕嶺萬尋橫天聳翠霞無機而散錦
峯非水而開蓮石鏡流輝孤巖宵朗松蘿曳影重
谷晝昏云爾李益春日晉祠宴集風壤瞻唐本山
祠閣晉餘水亭開帝幕崑崙引簪裾地綠苔猶少
林黃柳尚疎中州有遼鶴好爲繫邊書宋歐陽脩
晉祠七言古詩古城南出十里間鳴渠夾路何潺
潺行人望祠下馬謁退卽祠下燒水涼地靈草木
得餘潤鬱鬱古柏含蒼煙晉水今人并州裏稻花
漠漠流平田鳥啼人去廟門閉還有山月來娟娟

山西名勝志

卷之一

十三

○金石畧云唐晉祠新松記令狐楚撰顏頤正書
憲宗元和元年立○志謂舊晉祠距縣西南三十
里祠下出泉曰滴瀝泉今屬王李村又稱叔虞墓
在縣西南十五里俗稱晉公墓亦曰晉王嶺舊經
云其子晉侯癸墓俱在○塚廟記云臺駘神廟在
晉澤南金天氏有裔子曰昧爲玄冥師生臺駘能
業其官宣汾洸障大澤以處太原帝嘉之封諸汾
川後人爲立廟祀按郡國志以晉澤卽臺駘之澤
矣有洞過水出樂平縣北山流入縣東南二十里
入於汾卽晉水下口也劉琨爲并州劉淵要擊之

合戰於洞過卽此○傳稱王烈太原人少師陳寔以孝義稱鄉里爭訟者將質于烈或至途而返或望廬而還嘗有盜牛者主得之盜詰罪曰刑戮是甘乞不使王彥方知今名爲德感里○皇甫謐高士傳云宋勝之南陽安衆人少孤至長安受易通明以信義見稱乃遊太原從郇越牧羊以養書自娛丞相孔光聞而就辟之不至元始三年卒于太原○閔貢字仲叔潔清勵節周黨以爲不及也黨兄仲叔食無菜遺以生蓀仲叔曰我欲省煩耳今更作煩邪受而不食○郭泰字林宗身長八尺餘

山西名勝志

卷之一

十

少事父母以孝聞家貧郡縣欲以爲吏嘆曰丈夫何能執鞭斗筲哉凡司徒辟太常趙典舉有道皆不就○三國孫資曹操爲司空辟不應荀彧見而嘆曰北州賢知零落今復見孫彥龍乎已上俱太原人○雍大記云富嘉謨武功人唐長安中舉進士轉晉陽尉時新安吳可徵亦尉晉陽旣相友善又有太原王薄吳谷倚並負文辭時稱北三傑力矯徐庾浮靡之文根抵經術雅厚雄邁爲學士所宗號吳富體

榆次縣

在府城東南六十里

春秋左氏昭八年石言于晉魏榆服虔注曰魏地榆州里名也史記秦莊襄二年使蒙驁攻拔趙魏榆次漢以爲縣晉因之北齊省入中都隋後置相沿至今○唐肅應物送林明府之榆次無嗟千里遠亦是宰王畿策馬雨中去逢人關外稀邑傳榆石在路繞晉山微別意方蕭瑟新秋一葉飛○寰宇記云中都故城在縣東十五里左氏昭二年晉侯執陳無字于中都者亦漢文帝爲代王之所都也武帝元封四年上幸中都宮殿上見光因赦中都死罪以下○水經注云洞渦水西北逕中都

山西名勝志

卷之一

圭

縣故城又西過榆次縣南縣故涂水鄉晉大夫智徐吾之邑也志云涂水有二大涂水發源縣東南二十里之八磚嶺下又六十里有鷹山小涂水出焉西流入大涂水故十三州志以爲漢之塗陽縣矣其水俱西北流以入洞渦水○洞渦水源自樂平縣來當縣東八里有源渦水縣東南十里有片谷水三十里有牛坑水又三十里有大瓜水縣東北五十里有芹谷水俱流注之○郡國志云洞渦水側有磬臺史記智氏信韓魏從而伐趙攻晉陽韓魏殺之於磬臺之下說苑曰智氏見伐趙之利

不知榆次之禍蓋謂此也按唐代宗初年僕固懷恩叛其子場圖榆次旬餘不拔郭子儀將白玉焦輝等攻瑒殺之亦于此臺下○水經注云洞渦水又西南逕武觀城西北盧諶征難賦曰逕武館之故郭問厥隳之遠近卽此攷武觀城在縣西南二十里陳侃村一名武館城晉謂之故郭城○榆次古城在今治西北隅漢故城也王莽之太原亭矣○城西南隅爲孟母宅子輿氏之母并人其地有二徙鄉○縣西北之鳴李村有上井相傳漢昭聖后徵時於此汲水灌麻今麻地有故蹟右去縣二十

山西名勝志

卷之一

六

里○金不畧云思鳳臺在治縣內晉荀藐爲令鳳集其境吏民爲之立碑作亭○縣東九里有原過祠史記智伯率韓魏攻趙襄子奔保晉陽原過從後至于王澤過三人自帶已上可見帶已下不見與原過竹二節曰爲我遺趙無恤原受之以告襄子襄子齋三日親自剗竹有朱書曰余霍太山出陽侯天使也三月丙戌子將使汝反戒智氏汝亦立我百邑襄子拜受遂滅智氏祠三神于百邑使原過主之又二十里爲麓臺山上有祠號智伯祠卽其剗腹絕腸之處○信都城在縣東十八里舊

通志

圖經以縣之東鄉今名來暮者是○縣東南十里有一區堂壁昔傳區堂所居今名福堂寨又十五里爲長寧壁乃李長寧所居今名長寧寨已上俱後魏人○縣東南二十里爲前交相傳前相如宅并地苦寒此獨無霜五穀蕃衍人咸異之有古墳訛云卽相如塚後有人穿塚見碑文唐咸亨四年歲次癸酉葬始知非是○縣東南三十里之張平村有廢臺土記云卽閭爲并州刺史嘗置臺壁以避秦禍俗因久廢故名廢臺又三十里爲卧虎山積石曉鼎人跡罕到交陽曲界○單雄信墓在縣

山西名勝志

卷之一

七

東八里原戈村唐遼擊將軍也○李良臣墓在縣北十里與其子光進光顏孫昌元等五墳並列墓前有碑良臣本姓阿跌世爲河曲九部酋長至唐貞觀始內屬云

太谷縣

在府城東南
百二十里

山海經云少山有玉清漳水出焉晉地記云少山卽太谷也在縣西南十里有咸陽故城亦名咸陽谷秦伐趙時以咸陽卒戍此今其地猶名咸陽村有諸葛武侯祠又縣東南之奄谷崖壁鐫千佛像號千佛崖奄谷水出焉東北流合象谷水象谷一

云蔣谷谷中水西北流武村堡戍臨之三面石崖
勢極險阻唐武德初築又有間馬谷在縣東南三
十里出葡萄其佳其水流合成陽谷水晉太康地
記曰并州不以衛水爲號又不以恒山爲名而言
并者以其在兩谷之間乎斯太谷縣當之矣○寰
宇記云陽邑故城在縣東南十五里晉大夫陽處
父之邑也陽邑漢縣至隋始改今名○水經注云
涂水出陽邑東北大嶺山涂谷西南逕羅營亭南
與蔣谷水合按羅營亭郡國記謂之羅摩亭俗訛
爲洛漠城在縣西北十五里相傳秦將王翦伐趙

山西名勝志

卷之一

太

所築唐玄宗嘗遊幸立永豐頓于上有青城宮今
屬登豐村○縣西北十里有萬年頓亦玄宗所立
本名龍泉頓北都留守杜暹奏易今頓○志云鳳
凰山在縣南十里山形似鳳故名有隆道觀在其
下唐白將軍建爲香火院者宋政和間改今頓又
稍東十里有鳳翼山卽鳳凰山之右翼也山十耐
泉山焉北流合成陽谷水邑人引之爲池中植菱
荷因建鳳洲亭于上其地又有灰泉亦可灌爲池
其山名灰泉山有谷德將軍祠○郡國志云副井
城在縣西南七里之副井村趙所戍也箕城在縣

東三十五里左傳僖三十三年晉敗狄于箕杜預
曰城在陽邑南水經注云蔣谷水西北流逕箕城
北水北卽陽邑縣故城也竹書梁惠成王九年與
秦邯鄲榆次陽邑王莽之繁穰矣○長城在縣東
南界廻馬嶺上自平城至魯口沿山屈曲長三百
里路通邢州有馬陵關五代梁伐太原刺史張歸
厚自馬陵關入卽此出葡萄味甚佳按馬陵卽雁
涓爲孫武子戰敗處今有馬城坡龐涓洞入榆坎
縣界○唐初李靖爲馬門太守突厥寇太原靖以
江淮軍屯太谷禦之○耿湋送太谷高明府詩縣

山西名勝志

卷之一

九

屬并州北近胡悠悠此別宮仍狐應知史筆思循
吏莫料轅門笑魯儒古塞草青宜牧馬春城月暗
好啼鳥凋殘貴有親仁術梅福何須去隱吳

祁縣

在府城南
百五十里

古昭餘所之藪春秋晉大夫祁氏邑也漢爲祁縣
治今東南十五里故縣村後魏始移今所○按祁
城有二其一在縣西七里亦以爲漢所置縣又六
十里有鴿城左氏成十三年晉絕秦書焚我箕鴿
者也鴿城舊謂之郛城在縣西高城村其地名東
冀里相傳晉大夫解狐所居至今其人多解姓祁

案墓在焉有祠碑文脫落○水經註曰侯甲水又西北流逕祁縣故城南自縣連延西接鄆澤是爲祁縣卽爾雅所謂昭餘所矣數側有殷王成湯廟歲旱土人基河聚祠中禱雨輒應亦左傳賈辛邑也辛貌醜妻不爲言與之如皋射雉雙中之則笑也王莽之示縣矣 國朝豫章中尉謀堽箋云按左傳昭二十八年賈辛爲祁大夫將適其縣見魏獻子魏子舉叔向適鄭因礪茂收器一言而善下執其手曰昔賈大夫娶妻而策三年不言不笑御以如皋射雉獲之其妻始笑今女有力於王室吾山西名勝志 卷之一 卅

是以舉女行乎敬之哉仲尼聞其命賈辛也以爲忠詳此則貌醜者自是賈大夫非賈辛也○城壕記云縣西五里有沙村城相傳南燕慕容垂所築又里許爲趙襄子城今名趙武村村東有土臺三所亦云襄子所築又十五里有雲州城後魏孝武帝寄理并州以此爲界○縣東南十里小韓村漢周黨宅墓在焉光武賜黨帛詔曰自古明王聖主必有不賓之士伯夷叔齊不食周粟太原周黨不受朕祿亦各有志也其賜帛四十疋後乃隱居澠池卒葬于此○漢溫序墓東觀記序字公次太

原祁人也任護軍校尉行部至隴西爲隗囂將賊劫欲坐降之序大怒以節撻殺人賊趨欲殺序荀宇止之曰義士欲死節賜劍令自裁序受劍銜鬚著口中嘆曰無令鬚汚土遂劍死更始憐之送葬到洛陽城旁爲築冢長子壽爲印平侯夢序告之曰久客思鄉壽卽棄官上書乞骸骨歸葬帝許之○縣東二十里六支都有段大隱墓魏段干木之裔也墓前古碑其字泯滅畧猶可識又十里有隆舟城五代劉繼元築以拒周茂河東記云宋太平興國四年春王師克嵐州因次隆州卽此地也又山西名勝志 卷之一 卅

三十里有隆舟谷胡甲水自太谷縣西南流入谷西合隆舟水谷中有關曰北關路通沁州○水經注曰侯甲水發源胡甲山有長坂謂之胡甲嶺卽劉歆遂初賦所謂越侯甲而長驅者也蔡邕曰侯甲邑名在祁縣按胡谷水一名通光水出縣東南四十里胡城谷中又謂之胡城水隆舟水本名龍舟水發源縣東南百六十里胡甲山西名胡甲水北流出龍舟谷亦名龍舟水又逕侯村名侯甲水至介休縣北張南村流入汾○志云噴山在縣東南六十里東接太谷南接武鄉有上噴下噴二

又有麓臺山一名頂山亦名蒙山下有龍洞禱雨輒應有宋張商英所撰麓臺山銘○唐貞觀頌德碑邑人爲令尹鄧義立○宋司馬旦知祁縣時大旱乏食群盜剽奪富室陳兵自衛旦開諭以禍福使出粟減值以鬻饑民獲濟盜患遂息○溫大雅墓與其弟彥博俱葬縣之東北大雅學師文中子彥博累官尚書左僕射有古碑

文水縣

在府城西南五六十里

春秋晉平陵邑趙曰大陵史記趙武靈王遊大陵夢處女鼓瑟而歌曰美人榮榮兮顏若君之榮命

山西名勝志

卷之一

世三

平命乎曾無我虞吳廣進孟姚焉卽此縣也王莽改曰大寧矣○寰宇記云漢大陵縣古城在今縣東北十三里晉南單于所居周圍十餘里後魏廢始置受陽縣今理隋開皇以縣西有文水而改今名○按志文水發源石州之方山流入交城縣界歷古榆城流至縣西北十五里文谷口逕縣城南入于汾有沁水出縣之北山下東南注文水又謂之神福泉水經注云沁水出大陵縣西南山下武泉穿鑿給養井至幽深其後一朝汎溢平地東南注于文水逕大陵縣東南屈到平陶縣東北郛

國志云平陶漢縣在城西南二十五里後魏改爲平遙縣西胡內侵徙居京陵矣○平陶故城南有隱泉山亦名陶山十子夏退居西河之上卽此地也山有石窟號隱泉洞亦曰子夏室按隱泉亦名謁泉水經注曰汶水右會隱泉口水上俗云陽雨愆時是謁是禱故山得其名非所訐也其山石崖絕險壁立天固中有石室去地可五十餘丈爰有磐松飾巖列柏綺壑唯西側一處得歷級升陟頂上平地一十許頃沙門釋僧光表建二剎泉發於兩寺之間東流瀝石汾注山下又東津渠隱沒而

山西名勝志

卷之一

世三

不恒流故有隱泉之名雨澤豐澍則通入文水○志云縣南二十里之武潞泊東南三十里之伯魚泊縣東北二十里之猷水西南四十里之甘泉水俱注汶水以入于汾唐玄宗時戴謙爲文水令嘗于縣東北鑿甘泉蕩沙靈長千畝四渠引文谷水溉田數千頃○水經注云汾水於縣左逕爲鄔澤廣雅曰水自汾出爲汾陂其陂東西四里南北一十餘里陂南接鄔地理志云九澤在北并州數也呂氏春秋謂之大陸又名曰區夷之澤俗謂之鄔城志云卽古文水城也在縣東十里後魏建子城

二里二百步歷隋唐至宋圯于水○舊經云柵城在縣北二十五里雲州城在縣東三十里俱魏武帝築柵城當文谷口今名開山村雲州城寄理于此亦名雲州村又縣南十里有大千城晉劉元海所築令其兄延年居之胡人謂兄爲阿干因名○志云雙峯山在縣北二十里柵城之右又十里爲熊耳山亦以奇峯雙嶺而名○縣西南十五里獅子山其狀類伏獅又西南爲白虎山相傳有白虎穴因立白虎廟于此○後魏書郭世儒文水人七世同居其宅犬豕共乳烏鵲通巢文帝遣宇文弼

山西名勝志

卷之一

晉

七

省視之○金石畧云周武士護碑武后時追尊爲先上孝明帝命李嶠撰文相王旦書石按戎幕開談載李德裕言昔爲太原從事見公牘中有文水縣牒稱武士護墓碑元和年忽失龜顧所載碑上有武字九十一處皆鐫去碑高大非人力所能及未幾武元衡遇害今此碑武字最多刻畫完好無誤缺者以此知小說所載事多妄誕不可信

清源縣

在府城南
南八十里

地理志曰榆次有梗陽鄉魏戊邑也本春秋祁大夫地晉殺祁盈遂滅祁氏分爲七縣以魏戊爲梗

陽大夫註疏梗陽在太原晉陽縣南是矣隋開皇六年于梗陽故城內置清源縣以水爲名○寰宇記云清源水出縣西北平地東流逕縣東南流注于汾鄴善長水經注云汾水又南逕梗陽縣故城東有白石水中隱水俱來注之按白石水出縣西五里之白石谷中隱水出縣西北八里之中隱谷白石者以谷中多白石而名縣界四圍高峯有谷中隱故曰中隱谷也○志云梗陽城在縣南一百二十步周六里左傳襄十八年晉中行穆子見梗陽之巫臯卽此地也縣東南四十里有陶唐城相

山西名勝志

卷之一

晉

九

傳陶唐氏自涿鹿徙居于此俗謂之姚城縣西南二十三里行有印駒城相傳漢文帝置牧于交城築此城以印駒按縣西北十五里之馬名山亦以文帝牧苑名矣○涂陽城在縣東二十里卽春秋魏獻子以知徐吾爲涂水大夫者今名屠賈村有谷曰屠各谷夏則水漲冬則涸又有鷺城在縣東南二十三里晉陽秋永嘉元年洛陽步廣里地陷有鷺二色蒼者飛冲天白者不能飛蒼色胡夷之象劉曜以爲己瑞因築城以應之○廟記云晉梗陽大夫祠在縣南門外以其能保愛子民也故祀之

○閻沒祠在縣西南左傳梗陽人有獄魏戍不能斷以獄上其大宗賂以女樂魏子將受之魏戍謂閻沒女寬必諫許諾退朝待於庭饋入召之比置三嘆魏子問對曰或賜小人酒不夕食饋始至恐其不足中置白咎曰豈將軍食之而有不足及饋之畢願以小人之腹爲君子之心屬厭而已獻子辭梗陽人○里克祠在縣治北克晉大夫獻公諸公子之難曰中立其免乎春秋書弑其君之子奚齊見傳九年○趙簡子祠在縣西北平泉村按此泉平地湧出卽清涼水之源也又名不老池溢

山西名勝志

卷之一

九

則注于汾

徐溝縣

在府城南
八十里

本清源之徐溝鎮金大定間析平晉榆次清源三縣地置此○通志云徐溝有嶠峪渠分爲三道其在城東者源自李青村來其在城西者源自果村來又有一源亦自李青引至集義庄子等村俱分灌民田金水河源出太谷縣東北大塔山下經榆次之東陽鎮至縣境山道村西北合嶠谷水入清源界以注于汾○唐李淳風墓在縣北後移葬白

圭南

交城縣

在府城西南
百二十里

西北有古交城隋開皇置縣取焉唐初立大通監于此天授二年長史王及善同縣移理南山却波村卽今治也○寰宇記云大通監西治在北山義泉社取狽突山鉄礪烹煉按山海經少陽之山峻水出焉其上多玉其下多赤銀郭璞注云銀之精者故唐設立大通監距今縣西北四十里○狽突山在城北五十里縣之鎮山也晉大夫狽突及子偃墳廟俱存縣西門外有趙襄子墓宋大通監判李隨撰碑去城三十餘步○卧牛山在縣東北七

山西名勝志

卷之一

七

里又三里爲白鹿山其下有白鹿泉又三里爲虎頭山今名玉川金皇統間所更額○錦屏山在縣西北五里紅崖綠樹燦若錦屏故名又北爲萬卦山衆峯交錯若卦之陳列也其下爲童子谷谷中有佛像高一百丈北齊天保時有數童子牧于谷見巨石如人因倣而鐫之云○石壁山在縣西北二十里四山壁立古栢參天上有永寧寺元魏延興二年建唐貞觀元和間重脩有缺彌勒林謬捨造金石畧云石壁寺內有碑唐參軍房璘撰文其妻高氏手書筆法遒勁開元二十九年六月並○

少陽山在縣西北四十里山海經云少陽之山酸水出焉其味微酸流入文谷水○其地有高離山危峯獨聳遠離衆阜故名又十里爲四垂山山脊四乘而趨下矣其麓爲文山以文水所逕而名上多榆樹古榆城設焉又三十里爲龍樹山黑龍是潛因建龍堂于此山下滴水穿石曰爲餘涼石又三十里爲大小阿蘿山石崖臨江中有洞穴世傳仙人張果老乘白驢至此以鉄簪指石爲穴并其所乘驢入焉穴深數十步內不可測其傍又有黑石樓山洞穴中有兩石如盆盎泉水焉山上黑石

山西名勝志

卷之一

攢起如樓閣狀○穀積山一名骨集山龍王暉山一名劉暉山俱在縣西北百五十里連石州界穀積者山形側豎如穀積也劉王暉以昔劉淵都離石時所遊而名○孝文山連石州及靜樂縣界上有元魏孝文廟孝文帝臨汾陽時置行宮于此○城邑攷云汾陽故城在縣東北五十里亦後魏之陽谷曲城也又二十里有盧川城盧川唐縣今廢又二十里當孔水汾水交流之處卽古交城也按孔水出縣北百二十里龍樹山南經馬蘭村東注漢魏北齊皆爲牧馬之所里人謂之孔河置馬蘭

城于其上○志稱縣界注汾之水曰文谷曰步泉者出縣西北孤突山有孤突墓在焉曰塔沙曰福泉者出縣東北之塔沙谷福泉出俱流注于汾○晉高祖陵在縣西北六十里五代晉石敬瑭也近爲汾水所沒○三交墓在縣西南汾水上金大定中汾東岸崩得古墓有鼎十餘鐘磬各數十鼎大者幾三尺鐘磬小者僅五寸許大至三三凡十有二蓋音律之次後世之制以厚薄爲準大小其制度皆周鼎非秦漢以後作○墓在縣界即羊腸坂也在縣東北百五十里石磴繁秀名羊腸然後

山西名勝志

卷之一

廿九

魏于此立倉名羊腸倉皇甫謐云羊腸塞在龍山古西河上郡置關處也隋煬帝大業四年經此幸汾陽改名深谷嶺今嶺上有故石堞俗云魏太祖避暑之所○盧川故縣在縣東北七十里唐初建縣今廢○下馬城在縣北一百六十里接靜樂界相傳魏孝文避暑往來下馬處

山西名勝志卷之二

閩中曹學佺能始著

太原府屬

壽陽縣在府城東
百六十里

春秋馬首邑晉分祁氏以韓周爲馬首大夫是矣
寰宇記云馬首故城在縣東南十五里漢爲榆次
縣地晉始置今縣廬謀征南賦歷壽陽而總轡者
也郡國志以石姥祠在治內有石形如姥故名○
水經注曰洞渦水東流南屈受陽縣故城東志云
洞渦水自樂平縣界流入縣南五十里入榆次界

山西名勝志

卷之二

一

縣南境有渦山舊經謂之過山以其高過于羣山
也又洞渦水逕其下亦名渦山○洞渦水又西有
蒲水南出蒲谷北流注之又西與原過水合水西
阜上有原過祠史記趙襄子南并知氏北有代遂
祠三神於百邑使原過主霍太山祠祀括地志云
三神祠今名原過祠在霍山側蓋懷道協靈受書
天使憂結宿情傳芳後日棟宇雖淪撤木猶茂故
層巖水取名焉其水南注于洞渦水也○志云壽
水河在縣南二里其源有二一出要羅村南一出
頡訖村北合流逕縣西南十里入洞渦水又童子

河源出縣北二十五里曹村亦名曾河流逕縣西
南四里合壽水昔李通玄長者過此羣兒迎于水
側因名○龍門河在縣西北三十里其源有一一
出西箭村一出西張村合流入于壽水又黑水河
源出縣西四十里黑水村之西山三源合一東流
至縣西壽水曲折南流五十里至冷泉入洞渦水
○志云雙鳳山在縣北三十里兩峯如飛鳳故名
山之東有刺水泉○鷓鴣兒谷在縣東南三十里昔
有人迷谷中見鷓鴣飛鳴得路于此世傳契丹備王
戰敗入此谷也縣西北五十里有黃嶺嶺上多黃

山西名勝志

卷之二

二

沙又二十里爲却畧嶺又十里爲紫巖山崖石皆
紫故名○鷓鴣山在縣西三十里隋圖經以山中
有穴多蟄燕○方山在縣北四十里卽神福山也
頂方一里故名方山唐李長者隱此著華嚴合論
○芹泉山在縣東二十里泉源有二出南山谷口
南芹山北山谷口北芹二泉合流東入平定州界
亦名琴泉○冀州圖云受州故城在縣東北隅本
晉壽陽縣唐武德初徙受州于此貞觀中廢○燕
州北齊置于縣西二十五里之西方都今名煙竹
村又三十里之北定都有賀魯城相傳曰大夫趙

簡子所築亦名故盧城又進北有西渠塞高五丈周圖約十畝不知何本○牟舌大夫祠在縣治東祀晉大夫牟舌氏○昌黎祠在縣東開朝陽閣外祀韓文公初公爲國子祭酒時鎮州亂殺田洪正而立王延奏詔愈宣撫道經于晉夕次壽陽驛題詩曰風光欲動別長安及到邊城特地寒不見園花兼巷柳馬頭惟有月團團後人鐫詩于石立祠祀之○法藏筆嚴決疑論四卷李通玄撰通玄既爲華嚴合論又著此言宋張商英使河東得之壽陽縣東浮屠廢書中

山西名勝志

卷之二

三

孟縣 在府城東北
二山四十里

晉大夫孟丙之邑漢以爲縣因名孟○寰宇記云故孟城在陽曲縣東北界八十里今縣乃隋初之原仇城分自石艾置者大業二年始改原仇爲孟○一統志云仇猶山在縣北七里故仇猶岡也仇猶岡君既城後人于此立廟祀焉韓非子曰智伯欲仇猶道不通行因鑄大鐘遺之仇猶大悅除道而納赤章蔓伯數諫不聽斷轂而馳仇猶遂亡故隋名縣曰原仇○舊經云縣東三十里有皋牢城在上艾縣界又縣西百二十里有撫城縣唐武德

山西名勝志

卷之二

四

初改名烏河貞觀省入○潞沱水西自代州五臺縣流入南去縣百里○龍花河在縣北四十五里亦名興龍泉南流至榆泉口入潞沱縣西南有細水河又縣北界有溫泉三穴出磐石中南流注于潞沱○山海經云白馬之山其陽多玉石其陰多鉄赤銅木馬之水出焉按白馬山在縣東北四十里有白馬關相傳後魏時築其水俗謂之牧馬河源有二一出當縣一出忻州俱名白馬山至三交村之牛尾莊合流經城南七里東北入定襄界注于潞沱○治南六里之滋氏山一名重門山治北七里疎山形狀孤矛皆縣之掖山也又進東三里水神山相傳周世宗女秉性貞烈不欲適人潛于此山樹下涕泣飲食泉壤枯槁而死後人爲立祠焉○縣東南有牽牛山西南有李賓山各去城二十里牽牛以昔有牽牛廟而名李賓乃李長者葬地也長者名通玄自涪州來日惟啖十棗一栢葉小餅掩室著論後至冠蓋村逢一虎馴伏長者語虎曰吾欲釋華嚴經可與吾擇一棲止處虎遂起引至神福山得一龕居之著論成年九十六化於龕中○藏山在縣北五十里舊傳程嬰公孫并

曰藏趙孤之處山有廟祀嬰及杵曰其藏孤處
壘環堵石溜澹澹旁有聖水出焉嶺山卽鹿○榆
泉關在縣東一百里路通平山漳沱水所經也

靜樂縣在府城西北一百一十里

隋大業初置以邊境靜樂爲名曰汾源曰管州曰
樓煩部皆有故城存今縣理乃三堆城也城中有
堆阜三開皇初曾移岢嵐鎮于此城○寰宇記云
管涔山當縣北界其山多管草故名一名管涔前
趙錄劉元海族子曜嘗隱此山夜有二童子入隨
曰管涔土使小臣奉謁趙皇帝獻劍一口置前再

山西名勝志

卷之二

五

拜而去以燭視之劍長二尺光澤非常背有銘云
神劍服御除衆毒雖遂服之隨時而變五色其出
谷中汾水出焉故隋初之汾源管州皆以是名○
冀州回經樓煩部在縣東北七十里史記樓煩句
奴國趙武靈王置有鹽官是也今爲樓煩鎮臨春
龍和二山峭壁嵯峨環遶左右其西一甲監河出
焉東流入汾趙武靈王城在南山下臨汾水○岑
峯山在縣東五十步城跨其上南麓在城內北麓
在城外○天柱山在縣南三里後魏天柱將軍傅
朱榮過此上有大砥泉○黑風山在縣西北五里

山側有竅秋冬時出黑風故名上有神祠居民以
三月十八日祀按祀神禹亦以是期疑卽禹廟也
○馬頭山在縣北三十里以山似馬頭狀上有後
魏孝文廟金天會中建○桃子山在縣東南五十
里有宋崇寧間賜額照潤公廟廟前清泉一泓旱
時立澍○屹嵯山在縣東北六十里北接刀湖西
通磨官谷谷中磨川水出焉又十五里爲懸鐘山
以形似名有石馬寨○周洪山縣南七十里其形
鬼竅奇秀俗訛作周公山或宇文周時所巡幸也
又五里有石門山石峽如門渚注水出其中晉人

山西名勝志

卷之二

六

以屈產之乘假道于虞蓋出是山寰宇記云爲北
屈矣又五里有龍和山峭壁嵯峨瑞雲環遶恍若
龍象因名○水經注云桑乾河水潛承汾陽縣北
燕山之天池俗名祁連山卽管涔山谷也在縣東
北百四十里燕京山之上陽旱不耗陰霖不溢方
里餘謂之天池其水澄渟鏡淨潭而不流若安定
朝那之湫淵矣清水流潭皎馬冲照池中常無片
草及其風篠下淪輒有翠色小禽投淵銜出若會
稽之耘鳥無能測其淵深古老相傳嘗有人乘車
池側忽大風飄之入水後乃復其輪於桑乾泉故

六十步注矣池東甯有一各池方

馬溝按北史云魏孝文帝以金珠穿七魚於池漬

後于桑乾得所穿之魚又以金縷箭射池之巨

鯨亦于桑乾獲之隋煬帝於池南立宮每至夜風

雨輒吹破宮竟不成今池側有祠謂之天池祠唐

龍紀中李克川表置天池縣于此宋熙寧間省今

謂之天池村○汾河其源有二一出天池一出林

溪山隋煬帝避暑之地經支鍋石村合流至古襄

陽城又至縣城西南以入樓煩故交城陽曲太原

山西名勝志卷之二

之境經河津榮河諸縣注入黃河而當縣有半兒

河源出城西五十里鹿統嶺下又有嵐河出縣西

南六十里汾陽都接嵐縣界有古石門又碾河源

出縣東北一百二十里巾子山下與馬寨側水合

流俱入于汾○水經注云汾水東南流右會馬邑

川水水出馬邑西川俗謂之磨川蓋狄語譌馬磨

聲相近故爾汾水又南與東西溫谿二流異注雜

樹交蔭雲垂煙接自是水溢潭漲波裏轉泛又南

逕一城東憑壙積石側枕汾水俗謂之代城汾水

又南出二城間其城角倚翼枕汾流世謂之侯莫

城○唐楊收傳宣宗時潞陽耕者得古鐘高八寸

收扣之曰此姑洗角也既削狀有刻在甬鑿果然

收博學強記常言惡通黃鐘姑洗無射三均側出

諸調○塚記云昌寧公墓在縣北五十里定河溝

口卽古臺駘神也有碑記存又四十五里之寧化

鎮有祠文通墓地名倉息溝

河曲縣在府城西北

宋之火山軍也金改爲隰州貞元初增置河曲縣

以黃河在其東北隰與曲二義通○志云火山在

縣西五里山上有孔以草投孔中煙焰上發可熟

山西名勝志卷之二

食不生草木上有礪砂窟下有氣砂窟山高四五

丈黃河過此如遇覆釜而河流爲之曲折云山有

禹廟在河東岸巨石上水不能侵有司以三月十

八日致祭○大澗水去縣城一百步西流入黃河

泉在縣西北八十里平地出泉西流入黃河

正縣北百一十里源出朔州界流經偏頭關

入黃河○隰州在縣東八十里木峯勇鎮宋太

平中置州于此元省入保德○唐岑參火山

雲歌火山突兀赤亭口火山五月火雲石火雲蒲

山疑未開飛鳥千里不敢來平明乍逐胡風斷薄

若潭隨寨雨間綠繞斜吞缺園樹氛氲半掩交河
戍迢迢征路火山東山上孤雲隨馬去○宋火山
軍巡檢何灌以賈胡曠有泉遼人常越境而汲灌
遇其來遼人忿而舉兵灌迎高射之有發輒中間
著崖石皆沒鏃寸許敵驚以爲神徙去邊境爲之
寧謐

平定州 在府城東二百里 領縣一

本漢上艾縣後魏改爲石艾唐改爲廣陽一統志
云廣陽故城在州南三十里之廣陽村曰平定宋
縣也曰州金設也城東北有湧雲樓以資覽眺

山西名勝志 卷之二

九

又有湧泉亭距城三里南川上爲脩禊之所皆州
守趙秉文所築又城南五里有冠山卽元好問詩
所謂冠山移得近城頭者也有鵲山平地泉出焉
有嘉山黑水出焉俱在城西北七八里按鵲山上
有靈應王廟祀鵲者其池爲靈應池卽泉水所
出嘉山以草木美暢故名上有晉公子祠及豐樂
亭○寰宇記云浮山在州東南三十里卽浮化山
也其山有二浮化皆祀女媧神○州西南有四角
山其勢四起下出三泉州西北有獅子山山旁石
穴其深若井名曰石齋齋端覆石遇旱祈禱舉杖

挑之石開卽雨按各去城三十里○綿山在州東
九十里一名紫金山澤發水之源也注水經云澤
發水經董卓壘南其水一名阜漿水亦名妬女泉
初出大如車輪皆青碧色婦人袷服靚粧過此必
興雷雨故以妬女名郡國志云子推妹也故老傳
此泉中有神似鼈晝伏夜遊神出水隨神而湧其
水東北流入井陘界按志井陘故關在州東八十
里卽韓信破趙之所董卓壘在州東北九十里
有古碑刻唐李諱譔○盤石帶澤二關俱在州東北
七八十里內其地卽古承天關也俗謂之娘子關

山西名勝志 卷之二

十

亦以妬女祠而名隋置常澤縣于此唐改承天軍
爲太原恒山之界五代唐莊宗會趙王鎰于承天
軍者其地有張果老洞唐人多所題詠○城塚記
云平潭城在州西北二十五里世傳趙簡子築○
受州城唐武德初受州治也去州二十里俗名寒
魚城○關寶顯墓在州治北寶顯石艾人魏冀
刺史有武定八年紀德碑○唐殷開山爲石艾長
高祖義旗初召補大將軍掾從征累著勞績○金
秉文德政碑在儀門內舊政苛于用刑盜賊愈繁
秉文政尚寬簡旬月之內盜皆屏跡歲饑捐俸入

以賑之民賴全活爲監碑○元時平定開府監
與其子熙載相繼在州二十年以恩信及民尤有
學行爲時所推

樂平縣在州城東南六十里

本漢沾縣復于此置樂平郡郡廢而今名沿之寰
宇記云樂平山在縣東七十里卽古東山阜落氏
之墟也春秋註疏阜落氏赤狄別種漢置縣今廢
按志阜落山一名靈山阜落水出焉東流入鳴水
東北合沾水沾水源出縣西少山之沾嶺北流十
八里復折而南名爲迴流水又南入和順縣合梁
山西名勝志卷之二

十一

榆水經遼州城東七十里又南經黎城縣北九十
里入河亦謂之清漳水山海經云少山清漳出焉
亦名河逢山福地記云河逢山在樂平沾縣高八
百丈可避兵水此卽恒山之佐命也在縣東南三
十里○水經曰清漳水出上黨沾縣西北少山大
壘谷南過縣西又從縣南屈酈道元注引淮南子
曰清漳出揭戾山高誘云山在沾縣今清漳出沾
縣故城東北俗謂之漳山漢分沾縣爲樂平郡治
沾縣故晉太康地記曰樂平縣舊名清漳縣也其
山亦曰鹿谷山水山大要谷南流逕沾縣故城東

不歷其西矣又南逕昔陽城左傳昭十二年晉荀
吳僞會齊師假道于鮮虞遂入昔陽杜預曰樂平
沾縣東有昔陽城是也一名夕陽城在縣東五十
里七國時趙戍于此○按志鳴水出縣西四十里
之隄泉山亦名隄泉水流逕縣南三十里合牧馬
水入沾水又十里有小松水發源松子嶺經縣東
入沾水又縣西南三十里之石馬水出石馬谷中
流入沾水又縣東南六十里之水谷山谷中出水
流經壽陽縣城入沾水又二十里有白巖巖下有
楊趙水北流合沾水與縣東七里之石甕潭潭在
山西名勝志卷之二

十二

山峽間上覆巨石有窟深不可測通揚趙水也○
志云隄泉嶺之傍澗水出焉至平定州合浮化水
西流至壽陽縣界合黑水經榆次縣東十五里合
大涂水又西五里合源澗水又西南至太原縣北
注于汾水經曰洞澗水出沾縣北山註云其水西
流與南谿合水出南山西北流注洞澗水又西
北黑水西出山三源合舍同歸一川者也按沾縣
故城在縣西南三十里隋置遼州于此遺跡尚存
○志云縣東南六十里有石梯山石磴陡絕如梯
故名又十里爲橫山山勢橫亘入壽陽界縣東北

九十里。有孔子巖。巖下設立宣聖顏魯諸亭。
像又二十里。爲畫菴山。一名望川樓山。○縣有秦
山。金末元初。王无咎磁州武安人。徙居于此。築室
山下。有秦峯。小隱圖。元代名公多所題詠。其子曰
構。仕至國子司業。有秦溪集行于世。

代州

在府城東北領縣三

漢梅福曰。代谷者恒山在其南。雁塞在其北上。谷
在東。代郡在西。是其地也。代郡有石鼓。橫卧高一
丈八尺。腰細有過繩處。水經注謂近神火。水火澤
矣。志云。卽州東南之谷口河也。自五臺縣楊林嶺

山西名勝志

卷之二

十三

發源流經谷口村。故名。谷中常產獸。其名曰獐。狀
如羊。一角。一日日生耳。後鳴則自呼。○沿革志云。
春秋晉地。三家分晉。其地屬趙。史記世家趙有代
句注之北是也。○河東記云。句注者以其山形句
轉。水勢注流也。在州西北三十里。故雁門縣界初
定。襄子欲併代地。以妹爲代王夫人。遇于句注。因
訪代王北登憂屋。使厨人操銅卧擊殺之。遂有代
地。至武靈王破林胡樓煩。築長城。自代傍陰山下
至高闕爲塞。而置雲中雁門代郡。秦莊襄二年。攻
狼孟取三十七城。雁門代郡俱在焉。秦併天下立

山西名勝志

卷之二

十四

雁門郡。始皇十三年。移樓煩郡于善無縣。卽今句
注山北下館城。應劭注。漢書云。雁門郡領縣十一。
陰館也。後漢末。匈奴侵邊。其地荒廢。魏文帝移雁
門郡南。度句注。置廣武城。卽今州西故城是。晉宋
如之後。周大象開。移理于此。隋開皇改爲代州。州
理漢之廣武縣也。避太子廣諦。仍改爲雁門縣。漢
高祖伐匈奴。劉敬諫不聽。械敬于廣武城。卽此。○
志云。雁門廢縣在州北四十里有東陘。西陘二關。
十六國春秋云。晉末雁門郡吏賈相入句注。西陘
見老人言。四十年後聖人出於北方。時當大樂。老
人隨化爲石。卽此地矣。唐崔顥雁門胡人歌。高山
代郡東。接燕雁門。胡人家近邊。解放胡鷹。逐塞鳥
能將代馬獵。秋田山頭野火寒。多燒霧裏孤峯濕。
作煙開道遼西無。閑戰時時醉向酒家眠。○寰宇
記云。句注山一名西陘山。爾雅謂北陵。西陘雁門
者也。注水經云。雁門郡北對句注。東陘爲九塞之
一。晉咸寧元年。句注碑曰。蓋北方之險。有盧龍飛
狐。句注爲之首。天下之阻。所以分別內外也。漢高
祖不從婁敬之說。遂踰句注。困於平城者矣。○志
云。憂屋山在州城東北三十里。一名下壺山。爾雅

云下壺之山有獸形如菟相負其行俗名爲廢側有西義谷又有殺子谷後人以秦扶蘇太子被殺于此故名中有恨斯水其地爲赤土溝○漳沱水在州城南水側有河神祠唐開元中并州刺史張說奏置今州南門外蓮池卽漳沱水所溢元好問詩汀樹微茫岸草青漳河四月水冷冷鳳山可是生來巧堪與南樓作畫屏○州西三里有三里河又七里有七里河又三里有牟頭神河州西北二十五里有龍躍泉又十里有九龍河城北四十里有豹突泉又東北三十五里有東關水俱流入山西名勝志卷之二 五

漳沱按牟頭神河有二俱自黃龍池發源流分東西二河合注漳沱口龍躍泉卽水經注之雲龍泉也出雁門西平地其大三輪泉源湧沸騰波奮發以巨石投之水輒噴出故老傳云潛通燕京山之天池矣豹突泉亦自平地湧出厥勢雄猛如豹之突故名○東關水發源于過雁峯此峯巍然特高以雁常出其中故曰雁門雁門山下有水東南流經州城外東關廟名東關河都國志云雁門有常溪水合注漳沱卽此水也○志云舜山在州城東南十五里山上有舜井建寺其中曰舜子寺以祠

虞舜故名又十五里爲覆宿山一名牛心山又十里爲滴水巖懸崖十丈中有一泉長流不竭又東荆山在州城南十五里峯形如筆架多產紫荆木又十里爲鳳凰山相傳隋仁壽中鳳凰見於此亦名嘉瑞山因建來儀觀于上其東南有青龍觀傍有洗參飲虎二池桃花水巖丹砂藏劍諸洞爲孫真人煉丹處其下有洗心池以宋臣潘美所遊息也○白仁巖在州城西北四十里晉惠遠法師建遠雁門人少年爲射雁者後乃出家于此巖上有山西名勝志卷之二 五

說法臺定心石天然石塔諸勝巖下有五井其二已涸餘尚清冽又二十里爲壘頭山卽勾注西北三十五里山也○塚記云秦家怡墓在州東北二里趙李牧墓漢郅都墓俱在州東北界牧爲趙將姑雁門匈奴不敢犯邊郅都雁門大守威名大著胡人刻木爲像射之亦不中墓傍古栢五十餘株號郅都君栢○州東北二十里薄村漢文帝母薄太后所瘞之地又城西四十里有斷景樹相傳文帝迎立時猶豫不決逐日遊思卧于樹下遂寢日過樹影不移今卽其地建白楊廟蓋文帝自代而

直爲帝云○後唐李克用墓在城西十里馬站都土人呼爲李王陵其弟克讓子嗣服二墓俱在栢林寺東有花園村相傳晉王遊賞之所○圖經云郡池井泉鹹苦民皆負輦遠汲魏太守牽招鑿泉爲渠注水城內迄今民賴之按本傳招爲雁門太守通河西鮮卑附頭等十餘萬家繕治陞北故上館城置屯戍以鎮內外○唐薛仁貴檢校代州都督嚴令大行狄人畏恩不敢犯境繼之者張公謹也乃置屯田以省餽運○王忠嗣代州別駕數以輕騎出塞豪猾閉門自歛不敢戾法○李光進與

山西名勝志

卷之二

七

其弟光顏俱以御史大夫領州軍中但呼爲大夫而以大小別之光進尤破賊有功○宋張齊賢雍熙中知代州時昇丹薄州城齊賢伏步卒于土鎗嚴掩擊大破之凡北宋一百二年與契丹小八十餘戰惟太原一捷此之謂也○劉舜卿者知代州途人遣謀盜西關鎖舜卿乃密更舊鑄而大數百虜遣使持鎖來舜卿曰吾未嘗忘鎖也引視納之不能受遂慚去誅謀者

五臺縣

在州城南百四十里

本漢慮虜縣因慮虜水而名隋大業中改爲五臺

縣因五臺山而名○寰宇記云五臺山在縣東北一百四十里水經注曰此山五臺巍然故謂之五臺晉永嘉三年雁門郡後縣人百餘家避亂入此山見山人爲之先驅因而不返遂寧巖野往還之士稀有望見其村居者至請訪莫知所在故俗人以此山爲仙都矣中臺山頂方三里近西北脈有一泉水不流謂之太華泉蓋五臺之層秀也仙經云此山名紫府常有紫氣仙人居之內經以爲清涼山文殊師利所居之地唐柳宗元集曰雲代間有靈山焉與竺乾鷲嶺角立相應者也○志云五

山西名勝志

卷之二

太

臺周環五百餘里五峯高出雲表頂皆積土有似于臺山中圓光不次呈現有金蓮鉢裝熱綿花之瑞亦產天花菜大如盤花瓣數層其色晶潤口中臺高四十里頂平廣周六里西北有太華池正東左畔去臺五里有雨花池前三十里有飯仙山即中臺案也東南有鸞峯西側有耳露池○東臺高三十八里頂周三里東畔有那羅延洞僅容人身側入洞中風寒盛夏有水五色光采嘗從內出又東有樓觀谷內有習觀巖西北去臺十五里有華嚴嶺仙人洞東南嶺畔二十里有明月池人傳以

汾陽障目下視或見月在水中西南有青峯一名
大羅頂南連望聖臺臺下有東谷池西南石上有
羅侯顯跡又有善財庵又東去臺有溫湯池溫泉
寺口西臺高三十五里周二里頂上有魏文帝人
馬跡北有秘魔巖洞天陰中有聲如風臺西北有
八功德水東北嶺下有文殊洗鉢池口南臺高三
十里周二里南去七十里麓畔有聖僧巖又名滴
水巖西南二十里有三賢巖又名七佛庵東三十
里交口下有聖鐘山狀如覆鐘故名西北十五里
有清涼嶺及清涼泉上有羅漢洞東北有竹嶺東

山西名勝志

卷之二

尤

南十里有金剛嶺口北臺高三十八里周三里名
掖斗峯頂南畔有羅侯臺臺頂有黑龍池即天井
也南下二十里有白水池與天井連其水經繁時
縣峩谷口入潞沱其麓有七佛池南又有飲牛池
泉北有寶陀峯又名寶山產銀石碌東北二臺麓
有金剛窟又名金剛洞去二臺各二十里昔佛陀
波利入此不出口清涼寺即五臺山之清嚴嶺亦
名華嚴嶺舊傳文殊現相處嶺畔有雪浪亭俗名
七里亭爲登山之徑游山記云下山游玉華真容
圓通諸寺皆清幽曠遠寺傍飲三珠泉聲冽異常

其沸正如珠狀去泉百步許觀七寶珠樹高二丈
許下爲一幹岐分七條上復拱合爲一然後枝葉
行縱披覆而四下矣○唐張籍送僧遊五臺兼謁
李司空遠去見雙節因行十五臺化樓仗曉出雪
路向春開遠寺連峰出胡兒曉法未定知巡禮後
解夏始應廻釋善生遂遣徵上人遊五臺禮本師
寒空金錫響欲過渭陽極目多來雁孤城少故
人與師雖別久于法本相親又對清涼月中宵語
宿因○寰宇記云仙人山在縣東南五十里石鼎
上有人坐跡山腹有手跡山下有雙腳跡皆西向

山西名勝志

卷之二

干

立縣西南四十八里有聖人阜水經注云潞沱水
東流經聖人阜阜下有泉泉側石有十二手跡其
西復有二腳跡甚大莫窮所自○志云縣東四十
里之慮虜水漢以此名縣者本南流入潞沱又縣
東北百六十里清河水出華嚴嶺縣西北三十里
之泉巖河入焉俱流合潞沱○慮虜故城即今縣
北舊屬太原郡西晉末南單于鎮佛劉武居于新
與慮虜之間即此地也有張公城在縣北五里十
六國春秋石勒將軍張平所築有碑近剝落又有
蒼城在縣西南三十里之白村周圍一百三十步

不知所本

繁峙縣 在州東七十五里

本漢舊縣東魏僑置武州于此亦即金元之堅州也圖經云州城三回枕澗東接峻坂極爲險固

國朝改縣仍漢舊名○寰宇記云泰嶽山一名武夫山亦曰氏天山今名孤山在縣東北三十里山海經曰泰嶽之山無草木多金玉滹沱之水出焉刻如品字名三泉滹沱之水東流注于叟水又經繁峙故城西與三泉都之三泉合亦刻如品字又西南入樓煩郡秀容界又還入崞縣又八秀容城

山西名勝志 卷之二

主

界東北入五臺南入恒出界水經注云東崞川水北流逕繁峙故城東王莽之當要也又北逕巨魏亭○志云縣北一里有卽嶺關又十里有茹越山俱通大同屬縣縣南十里淨明山縣治之案山也上有淨明寺一名端橫嶺又八十里石寶山路通山東其中曰南治谷平地嶺皆車騎馳驟之所○縣東南八十里慈山其勢聳拔崎嶇人涉之者難辨正方故名○縣東百里圍城故福都也周圍三里一百一十步正東及西南西北三門其地多鹵土故名俗傳朝霞雲霧中呈現樓堞門內似有人

馬現則多雨人在西則見在東不見遠則分明近則隱沒其東五里有齊城其隱見亦同今不復見見則凶

崞縣 在州南六十里

漢縣其東十五里之大陽都則樓煩城也南五十里之唐林城則廣武縣也水經注云崞川水出崞山縣故城南王莽之崞張矣縣南面玄嶽石背崞山處三山之中故以崞張爲名其水又西出山謂之崞口○志云崞山在縣西南二十里上有崞山神廟相傳漢世建邑之時有神兵出入山麓以助

山西名勝志 卷之二

主

板築至今祠之廟左有甘露池歲旱民置瓶池中瓶上自然露滴味甘立雨○崞山之西五里爲栢枝山又三十里爲前高山又二十五里爲黃鬼山○縣東二十五里五峯巍然者曰五峯山也又五十里曰將軍山上有將軍廟廟前石上有馬蹄跡寺晉慧遠薙髮于此其宴坐處有白石巖松蘿擁護鳥獸馴服後乃入廬山○廣武故城非漢之廣武也唐武延縣析五臺崞二縣置者後改曰唐林五代梁改白鹿石晉改廣武宋初省入○縣西南

七十里之永興都有盧板寨城隋志云雲中故城
在崞縣西南今名蘆板寨是矣其地有三泉東流
入不舊傳漢高帝駐師于此常禱天以槍擲地
三穴泉故名○塚廟記云湧泉神祠在縣西
北二十里龍泉都唐李靖統兵過此亦有擲地
湧泉之驗人爲之立祠○魏徵墓在縣東南四
十里之西此地有天涯山形類美渠俗名蓮
花畧祠石鼓神唐雍陶詩云十年馬足行多少兩
度天涯地角來○宋李翼爲代州西路巡檢使屯
崞縣金人取代來諭令降射却之率士卒堅守城

山西名勝志

卷之二

圭

土

破被執不屈歿之其時有張忠輔者亦同崔中折
可與守崞縣金人來攻固守拒敵崔中叛殺忠輔
首以畀金人而可與亦不屈歿

崞嵐州

在府城西二百里

領二縣

舊記在樓煩郡百里隋大業中置崞嵐鎮于此唐
長壽初李迥秀請立爲軍金始置州以東界崞嵐
山爲名○一統志云崞嵐山高二千餘丈長百餘
里與雪山相接雪山在州東北七十里高三十里
長三十里有東西二山卽嵐朔之分界○州東十
里有石巖高二丈形類飛簷行人避雨其中名十

山西名勝志

卷之二

圭

土

里巖又二十里爲長城山山下有白龍泉流合崞
漪河其味甘美冬溫夏涼寰宇記云古長城從東
北朔州界入州境六十里州北過西九十里入嵐
州合河縣界卽秦之長城也武州城距州治一百
二十里入朔州界卽漢書武帝誘匈奴入塞處晉
改縣曰新城○焚臺山在州西境地中出火因名
焚臺上復有火井○乏馬嶺在州東四十里入嵐
縣界山嶺高峻士馬至此疲乏故名○巨麓嶺在
州西南五十里其上多松又名萬松嶺二嶺俱有
水下與嵐漪河合漪河源出州東黃道川北之分
水嶺與舟道溝水合流經州城西南流入黃河州
北五十里有名源水西北七十里又有旂竿水出
旂竿山俱東南流注之○霸王山在州西北七十
里以昔有霸王提兵于此○香巖寺在州城內肅
穆街宋元豐二年建明蕭宗詩方丈香銷客未眠
山城頓覺夜如年烏啼霜落僧歸院雲滿空山月
滿天其二烏啼霜落夜漫漫風入疎櫺客枕寒戍
鼓敲殘雞亂唱半軒明月照欄杆○幙府燕間錄
十卷晁氏曰皇朝畢仲詢撰仲詢元豐初嵐州推
官纂當代怪奇可喜之事爲二十門

嵐縣

在州東南
百四十里

後魏之嵐州也亦以岢嵐山爲名今州則昔縣界之岢嵐鎮矣縣理秀容城卽漢之汾源縣也蔚汾水出岢嵐山下故曰汾源城相傳劉淵所築元海因感神而生姿容秀美故自名其城曰秀容城按前趙錄元海身長八尺四寸鬚長三尺餘當心有赤毫毛三根長三尺六寸其母呼延氏禱于龍門而生○志云蔚汾水源出縣之尖山流經興縣南十二里入黃河又有大賢河出縣南四十里之柳峪村流經劉莊合昭濟聖母廟前泉至樓煩鎮入山西名勝志卷之二

圭

汾按寰宇記地本春秋晉國之分晉滅後爲胡樓煩王所居趙惠王滅樓煩而有之故隋唐設樓煩郡于此亦曰東會州縣界有羊腸坂石磴縈委若羊腸古積粟之所也○黃嶮山在縣西二十五里銅鼓山在縣南四十里舊有銅鼓故名雙松山在縣北四十里上有雙松樹高一餘丈其形矯然大萬山在縣西南六十里山下有白龍池雨雨帳應○志云趙龜順嵐縣人唐開元間出家紫極宮喜靜坐經行衣破衲食藜藿一日曝粟于庭忽有一大鳥食粟龜顧以杖逐之鳥隨去隨來凡三復既

而依戀于龜顧跨下遂悟爲鶴乃乘之飛集于松頂隱隱入雲間似有墜物落于城西高阜視之乃前所衣之衲也號其地爲脫衣坡越明年此地生小桃一株每歲早得春色奇花異狀非世所有

興縣

在州西百
五十里

金之興州也國朝降爲縣後魏之蔚汾縣矣蔚汾水出岢嵐山下流主縣東有通惠泉三穴湧出合于蔚汾西流入黃河故唐之臨津合河二縣皆取此按興縣以近新興郡而名也合河縣在西北六十里唐貞觀置至宋時廢臨津縣在東南六十山西名勝志卷之二

圭

里南川河流經其城南合蔚汾處南川河與湫水皆出查山下又名臨川河此臨津縣所由名也○志云石鼓山在縣東北五十里一峯孤聳百餘丈四面陡削不可攀緣惟向北一小徑盤旋可達于頂俛視群山若丘垤然○采林山在縣西南六十里其峯高峻下有龍池又六十里爲紫金山山色常如金光故名南麓有聖母泉北麓石壁間有穴山風能偃苗常封不啓旱禱卽雨○晉劉殷新興人曾祖母王氏盛冬思董食殷方九歲往澤中勸哭董忽生得斛餘而歸又嘗夢人謂西離下有粟

掘之果得粟十五鐘銘曰七年粟百石以賜孝子劉殷鄉人異之有子七人五授五經一授太史一授漢書一門之內七業俱興永嘉末陷于劉聰

忻州 在府城北六十里 領一縣

本漢陽曲縣地後漢末于此置九原縣土地十三州志云九原山在州城西其仍有九故曰九原亦名九龍崗漢末大亂匈奴侵邊自定襄以西盡雲中雁門之間遂空建安中曹公集荒郡之戶以爲縣聚之九原界立新興郡卽此地也隋開皇十八年改爲忻州取縣內忻水爲名○注水經云潁沱

山西名勝志 卷之二 壬

南歷欣中口俯會忻州水忻水又東歷程侯北山山甚層銳其下舊有株金處亦名金山按忻口山在州北五十里土地記云漢高祖出平城圍還師次于此六軍忻然故名有忻口城相傳卽高祖所築○新興城在州南二十里魏曹公所築亦名建安城又稍西三十里有雲中城設雲中山下多產藥草有谷雲中水出焉雲中水在州北七十里一名肆慮川又名忻水與州南牧馬水俱入潁沱○程侯山在城西北三十五里俗傳程嬰匿趙孤于此故有程嬰墓在九原崗上又公孫杵臼墓在州

西北七里之遼村○元好問金山詩云儂青疊翠幾何般玉鏡脩眉十二鬟常著一峯煙雨裏苦不多思是金山志稱好問金時名士忻州人有墓在州北十里又有野史亭在州東南之韓嚴村卽好問著述處也○雲母山一名獨擔山在州西南五十里山出雲母其上有穴入四五里產玉芝唐貞觀初勅使薛通度採雲母玉芝于此有獨擔神廟○廣峪山在州東南二十里中有石巖廣三丈建齋堂于此○鐘乳山在州西北三十里雙峯並峙狀類乳形亦名雙乳山建層樓于其上○志云凌雲臺在州城隅俯臨川水李中立詩山圍平野四回環天迥臺高眼界寬雲漏殘陽明遠岫浪翻急雨漲前灘一川勝趣四時好千里雄風三伏寒誰見凌雲清絕處夜涼空翠濕欄干○平寇廢縣在州東十五里漢設後周廢又忻水東有諸兒寨元時官兵戍守之地 我朝正統末北虜猝至有石巨者手射殺四十七騎虜始退邊境賴以安

定襄縣 在州東五十里

河東記云漢之定襄今朔州也今定襄乃漢陽曲縣治後移陽曲于太原乃于此置定襄縣古定襄

城在縣城外相傳夏后氏所築○水經注云三會水出九原縣西東流入清泚水經定襄界一統志云三會泉出叢象山山下有泉三穴流合爲一故名按本志作叢蒙在縣南二十五里三會水與聖旱水合聖旱水出縣東北二十里接五臺縣界○七巖山在縣東南十五里其巖有七故名又十里爲居士山山下有流泉泉側石室有碑其畧曰魏武定四年十月任城王居士室宋歐陽脩集古錄跋云魏宗室封任城王者數人其國中絕不知武定中封任城王者何人也有居士臺臺上有浮岡

山西名勝志

卷之二

七

七級○忻州志云南有石嶺之關北有雲中之塞寰宇記云石嶺關甚險固在定襄南界路通陽曲太宗伐北漢分道攻太原乃使郭進爲石嶺關都部署以斷燕薊援師

保德州

在府城西
北五百里

本嵐州地宋折置定襄軍于此景德初改保德軍尋止爲州○一統志云州治東有翠峯其形如覆斗色恒蒼翠又有赤山山皆楓樹經霜盡赤故名○黃河西北自大同府流經州界舊卽州在黃河北岸今沙漠地城址磳磨猶存元初置此州後省

入有水寨在州東北二十里義興黃河中流歸然屹立高二十八丈周圍如之其地用石花魚以食石花肥而味美○老鴉泉在州城東一里七步去城西南一里有南溝井城西百餘步有四溝泉皆注入黃河○九邊輯畧云山西所轄郡惟太原大同隣遼東自平州關石窰庵起西至樺林堡老牛灣止延袤千餘里分爲三路寧武開爲中路雁門關爲東路偏頭關爲西路各設兵將所在分布每歲防秋撫臣移駐代州以便調遣該鎮山川扼塞在諸邊稍爲腹裏稱易守自嘉靖壬寅歲虜寇太原邊患遂自此始嗣是率歲一入蹂躪雖苦城邑固無恙也隆慶丁卯歲虜陷石州益受其荼毒矣總三關形勢論之平州開之寇家梁雁門開之廣武站寧武開之陽方口極爲衝要虜窺東中二路必由此出然從平虜而下猶藉大同以爲藩

山西名勝志

卷之二

辛

離惟西路偏頭關突出山房地如人介之偏然敵稱偏頭關與老營堡水泉營相爲犄角老營遊日雖設副將然自叛卒投虜之後人情洶洶不自安且四山高迫城垣勢易窺伺隆慶三年俺答奄至城下賴總兵郭琥覺知疾馳赴援底復保全水泉設

一守備士馬卑弱殊甚石州失事虜山西路鹽皮
審八其正北曰歸化城青山負焉益大虜之巢穴
也曩慕盈眸清笳滿耳板升十萬之衆皆我中國
逋逃之民耳心負戴與水泉營僅僅一隔之隔西
臨套虜亦盈盈一水耳冬春之間水堅可渡彼嘗
乘機以肆侵劫蓋他鎮防秋而該鎮西路兼之防
冬及春焉偏閑去東勝衛三百里向稱唇齒緩急
藉爲外藩自東勝失守故此關特重大將建牙千
此嗣後雲中弛防朔南頻擾陽方啓蒙太原告警
嘉靖三十二年虜薄代州撫臣趙時春撰甲督戰

山西名勝志

卷之二

圭

兵潰幾不免于是移總兵于寧武以居適中之地
識者往往寄憾焉蓋虜犯山西路而入者什九由
東中二路而入者什一且偏關門戶也寧武堂奧
也堂奧有急而以門戶之守守之計亦左矣今款
貢閑暇三道城堡皆用磚石包砌足稱金湯惟主
帥彈壓之區邊方輕重係焉安可不權衡于緩急
間也至若雁門之控弦不宿廣武而宿代州偏老
之擊技不居水泉而居馬站黃花嶺之限在水草
偏頭關之難在轉餉此皆旦夕之所當講求者豈
可以虜款無事而漫視之也○極衝老營堡北接

日利民堡偏頭關河曲縣寧武關廣武站神池堡
八角堡水泉營草垛山盤道梁堡○坎衝崞嵐州
保德州代州平刑關汾州興縣嵐縣○紅門邊外
大成比妓老小兵馬約有二萬離邊約達二百餘
里多羅上蠻友言黃台吉男蓮花台吉兵馬二千
七百有餘冬駐地名黃河套南岸離水泉營三百
餘里夏移駐兀蘭哈兒圪離邊八十餘里○麥力
民台吉部落老小約有二萬離邊約達二百餘里
冬駐地名泥河兔離水泉營三百餘里夏移駐哈
喇河小離邊七百餘里○禿兀兒慎哈木台吉兵

山西名勝志

卷之二

圭

馬二千有餘十失兔台吉安兔台吉等兵馬一千
五百有餘以上各夷東犯宣府南路蔚州順聖等
川西犯朔應出一帶合爲一處仍犯山西內地隆
慶元年俺答攻破石州滿載而歸是時出口井泉
先皆填塞人馬溺歿盡棄輜重狼狽而走倘有輕
騎尾其後可使隻蹄不返云○老營堡水泉營邊
外板升者中國之叛人也以白蓮教策入虜地升
板築牆蓋屋居住虜人呼爲板升自嘉靖初年以
來亡命之徒潛逃出邊有衆餘十萬南至邊牆北
至青山東至威寧海西至黃河兩岸南北四百里東

西千餘里一望平川無復陡澗山陂耕種市廛花柳蔬菜與中國無異各夷酋分管之或二十家三十家百餘家二三百家歲時貢令供送或服役工作惟順義東西兩哨所營管數千家統以頭目修蓋樓臺殿閣不可勝計仍築城一座名曰歸化城大虜俺答居之酋長丘富趙全等最為愛幸川事嘉靖間虜入犯攻城殺將皆此輩導之隆慶辛未年俺答歿貢縛送中國悉正典刑其餘尚衆仍舊附虜如計龍計虎二生員也其心爲其王文一切文檄皆其手筆虜稱中國知文字之人爲筆寫衆山西名勝志卷之二十

山西名勝志卷之三
閩中曹學佺能始著
平陽府隸山西布政司同領州六縣二十九
帝王世紀云堯都平陽以其在平河之陽也春秋屬晉三家屬韓韓康子從智伯伐趙智伯智伯曰絳水可以灌平陽卽此秦漢河東郡地三國魏置平陽郡亦隋之臨汾郡唐宋之晉州矣 國朝曰平陽府○冀州岡經引禹貢冀州既載注云堯所都也先施賦役載於書故書傳曰惟彼陶唐有此冀方○唐柳宗元晉問云平陽堯之所理其入至今溫恭克讓好謀而深和不怒此堯之遺風也河中志云虞夏治迹之所經行夷齊清風之所漸染其薰而善者與陶而化之者固宜○漢季布爲河東守文帝欲召爲御史大夫弗果用布進陳其所以帝曰河東吾股肱郡故特召君耳○後魏元淑爲河東太守俗多商賈罕事農桑淑下車勸課馴致給足民爲之謠曰秦州河中杼柚代春元公至止田疇始理○唐郭子儀以河東居兩京之間扼賊衝要乃自洛交引兵趣渡河河東司戶韓旻等翻城應之殺賊無數安祿山將崔乾祐踰城而

免賊鋒大挫遂成收復之功○金石畧有漢楊州刺史敬君之銘碑已殘缺畧可辨者云管仲司隸從事又爲治書御史年五十三光和四年閏月遭疾而卒他不復可考按姓苑載風俗通有敬飲漢末揚州刺史元和姓纂亦云敬平陽人而後周書敬珍傳唐書宰相世系表敬皆作韶余後得後魏敬職造像碑亦作韶乃知姓苑姓纂之謬又集古錄此碑凡再出其一題敬仲碑云名字已摩滅獨首有敬仲字其一題無名碑所載事皆同蓋歐陽公未嘗見其額爾

山西名勝志卷之三

臨汾縣附郭

水經云汾水出平陽壺口山東經狐谷亭寰宇記云壺口卽平山在城西南二十五里姑射山之支也平水出焉春秋僖十六年狄侵晉取狐厨註疏平陽臨汾縣西北有狐谷亭卽此處○冀州圖云汾水東北從西河界歷郡西南有晉水潞水滴水夏池水天井水俱入之按晉水卽平水也其傍有故城宮闕基地皆前趙劉聰遺跡搜異記云晉永嘉之亂劉元海僭稱漢於此置都築平陽城晝夜興作不久旋崩募能城者賞之先有韓媼者仁野

田見巨卵傍有嬰兒收養之字曰媼兒時已四歲乃白媼曰我能城母其應募媼從之媼兒乃變爲蛇令媼持灰隨後遺誌謂媼曰憑灰築城可立矣竟如所言元海問其故媼兒速化爲蛇投入山穴露尾數寸使者斬之仍掘其穴忽有泉湧出激流奔注與晉水合流東入於汾至今近泉出蛇悉皆無尾以爲靈異○潞水源出烏嶺山俗名長壽水志云出浮山縣界經府城西北入汾○滴水源出龍角山亦自浮山縣來西北流合高梁水入汾○夏池水出縣西南三十里郡國志云其水六畜不

山西名勝志卷之三

三

敢飲一名翻鑊池卽煮着間赤頭處鑊翻成池池水上猶有脂潤西流合晉水入汾○天井水在城北五十里晉將曹抽襲趙平虜上休於此其水東流入汾○堯祠在城南十里碑云舊設汾水西晉元康中移於汾水東顯慶三年從移今所有禮城卽堯妻舜二女之地○姑射神祠在縣北之姑射山山有姑射蓮花二洞唐武德元年勅置稍前爲石孔山九孔相連深不可測其東有龍子祠茂林蒼鬱俯矚清流卽平水發源處門莊子曰藐姑射之上有神人居焉肌膚如冰雪綽約若處子不食

五穀吸風飲露乘雲氣御飛龍而遊乎四海之外
堯見之宵默喪其天下宋張昌詩我然姑射山中
有玉洞仙脂膚若冰雪被服行踰蹕朝塗石上芝
夕飲淵中泉有時駕飛鸞飄然凌紫煙○水經注
曰汾水又南過平陽縣東漢初曹參擊魏王豹走
之盡有魏地後封列侯食邑平陽固斯境矣汾水
又南逕白馬城西魏刪白馬所築故世謂之白馬
城卽今平陽郡治也汾水又南逕平陽縣故城東
晉大夫趙懿故邑應劭曰縣在平河之陽堯舜並
都之焉竹書晉烈公元年韓武子都平陽漢昭帝

山西名勝志

卷之三

四

封度遼將軍范明友爲侯國王莽之香平也晉立
平陽郡治此水側有堯廟廟前有碑魏土地記曰
平陽城東十里汾水東原上有小臺臺上有堯神
屋石碑永嘉三年劉淵徙於汾水得白玉印方四
寸高二寸二分龍紐其文曰有新寶之印王莽所
造也淵以爲天授改永鳳二年爲河瑞元年汾水
又南與平陽水合水出平陽西壺口山尚書所謂
壺口治梁及岐者也其水東逕狐谷亭北又東逕
平陽城南東入汾汾水西南過高梁邑西瀕水合
汾水亂流西北逕高梁城流入于汾故高梁之墟

矣春秋僖二十四年秦穆公納公子重耳於晉
懷公于此地竹書晉出公二十二年晉自高梁
漢高十二年封酈介爲侯國○按志白馬城在東
北劉淵城在西南各去今治二十里高梁城在治
東三十七里之程王庄後魏孝文帝所置郡也○
城塚記云陶唐氏陵在臨汾城東七十里俗謂之
神林又曰神臨陵高一百五十尺廣二百餘步又
丹朱墓在城西北二十里之王曲林有前後二塚
塚上有祠○晉州城西石上相傳有聖人跡高齊
王馮淑妃欲往觀之時周師在平陽齊將士攻之

山西名勝志

卷之三

五

將陷齊王恐弩矢及妃乃抽攻城木造遠橋周人
以木拒塞城遂不下○晉山書院在城東北隅國
初曾改爲臨汾縣治旋復○稅駕堂宋黃庭堅書
扁在府學大成殿後○四賢堂在府學元鎮守河
東李守賢建以祀荀卿楊雄王通韓愈後增孫明
復司馬光趙鼎三賢皆河東人○城北有七星臺
在會仙觀內元王泰亨詩雲低天濶七星臺鳴鳳
遙銜霜信來汾水晉山今古夢夕陽無語重徘徊
○唐趙瑕汾上別詩雲物如故鄉山川知異路年
來未爲客馬上春色暮一樽花下酒殘日水西樹

不待管絃終搖鞭背花去

襄陵縣在府城西北二十里

漢舊縣以晉襄公陵于是也亦大夫卻犇之食邑有卻犇城在縣東南二十里王莽之幹昌矣○按舊襄陵距今治西南十里地名宿水店宋天聖間徙之晉橋爲今所○志云三磴山在縣西南三十里山長九十餘里其形三層故名山北有龍岡略祠龍岡神○龜山在縣東二十五里以山在平地隆然特起如龜首然山麓掘得石誌云漢留侯張良墓○崇山一名回龍山在縣東南四十里西嶠有附龍岡連亘二十餘里三交之水出焉合晉水流入于汾縣北二里之灰泉縣西十五里之娥英泉西南十五里之丹朱泉又五里之八眼泉俱注入汾○古巢父襄陵人年老以樹爲巢寢處其上乃有此號○三國賈逵襄陵人仕魏爲豫州刺史外脩軍政內治民事通運渠二百里名賈汝渠○晉鄧攸故居在縣東二十五里北鄉村今府城西南有鄧子坡相傳爲伯道棄兒處○縣東南四十里安李村唐太宗爲秦王時曾駐兵于此石刻云秦王駐蹕村○元末景素陽襄陵道士師事梁石

山西名勝志

卷之三

六

賓居阜山道院至正兵亂相得石寶殿之素陽日師老矣願以身代兵即以刀砍素陽刀誌斷爲三衆皆驚異羅拜而去

洪洞縣在府城北十五里

春秋楊侯國晉城之以賜大夫羊舌肸漢爲楊縣魏晉因之唐義旗初收爲洪洞縣取縣北故洪洞鎮爲名○寰宇記云故楊城在縣東南十八里范東村又名危城晉叔向所築有高梁亭左傳杜注曰高梁亭在楊縣西南○故洪洞城在縣北六里後魏鎮城也姚最序行記曰周建德五年從行討齊師次洪洞百雉相臨四周重複控據險要城王張元靜率所部肉袒軍門詣降○故白馬城卽廢擒昌縣也在城東南二十里後魏太武帝於此擒赫連昌因置縣高齊省○志云九箕山在縣東十三里厥狀類箕南向有九故名相傳許山隱此○縣北右玉峯門有玉峯山自九箕來西臨汾水復與箕山對峙爲兩○箕山在圍頭村東南與姑射山相接建有舜祠仍設娥皇女英像○婁山在縣西三十里北接趙城之羅雲嶺按水經註霍水出趙城縣東三十八里廣勝寺大郎神祠西流至洪

山西名勝志

卷之三

七

洞鎮今之南霍小霍等渠是也○塚廟記云皇陶墓在縣南十三里之阜陶村有古碑二墓前有虎尚存○師曠祠在縣東二十里師村與漢馬門太守郅都墓相連○牟懈故墟在城南二十五里相傳帝堯時牟生懈角之瑞故名○水經注曰汾水又南過錫城西王莽之有年亭也攷志汾河在縣西二里源自岳陽縣來而縣東十里之李保村有華池泉縣西二十里之萬安北里有普潤泉南里有普濟泉縣東南二十五里之侯泉里有深泉寶泉及師村有雙泉坊堆村有無底泉俱引以溉田

山西名勝志

卷之三

八

浮山縣

在府東九十里

志云浮山在縣東六十里相傳堯洪水時此山隨水而消長也水經注云滴水出巢山東谷北逕浮山又西南與澇水合纂宇記云巢山在襄陵縣十

五里唐武德二年僕射裴寂奏分襄陵以東之地置浮山縣明年以吉善行於羊角山見神人因改爲神山縣金始復前名○按龍角山在縣東南三十五里兩峯對峙南峯有珍珠洞華池池上有嘉潤侯廟本名羊角山唐武德中有神見於山下語曲沃人吉善行曰報大唐天子得聖理千年其年勅遣通事舍人柳憲立老君祠于此因改爲龍角山○澇投交水出龍角山之西橋東北流入縣又有鳴山在龍角山東每天欲雨輒颯然有聲○南堯山在縣東八里北堯山在縣東北三十里俱有山○澇投交水出龍角山之西橋東北流入縣又有鳴山在龍角山東每天欲雨輒颯然有聲○南堯山在縣東八里北堯山在縣東北三十里俱有

山西名勝志

卷之三

九

堯祠山南有石壇三級名天壇壇東有龍井○黑山在縣北四十里一名牛首今名烏嶺山黑水出焉卽澇水也西流入汾○秦王嶺在縣東北四十里舊志唐太宗南破宋老生從霍山潛行至此以扼前鋒後人因號爲秦王嶺又趙城靈石二縣俱有之○故郭城在縣南十里其城南西北西三面險絕惟東面平夷舊圖經載神山縣有故郭城是也又名丹朱邑有丹朱飲馬泉○縣北十五里東漢鮑永安故君建武初永安破青犢賊報光武曰賊已平國已寧時人因目爲平寧里○桑維翰故宅

在縣北四十里夾伏村遺堽帝左

趙城縣在府城北十五里

周穆王封造父之邑也春秋趙簡子居之故曰趙城有簡子祠在縣城內按趙城故縣距今治南三十五里周造父受封于此○志云羅雲山在縣西四十里常有雲氣舒布於上舊有七佛峽寺即今雲巖是也第一河之水出焉流經蒲縣西入黃河○伏牛臺在縣南十五里按帝王世紀伏羲風姓蛇身人首嘗居此服牛乘馬故名臺下有卧牛池其傍有牛跪處名伏跪坑○女媧墓在縣東南二

山西名勝志卷之三

十里高二丈上有松柏成林按城塚記女媧墓有五其一在趙簡子城東五里是也○豫讓橋在縣南十里昔豫讓爲智伯報仇伏此橋下韓襄子至橋馬驚索之得豫讓遂殺之後人目爲國士橋○漢紀信祠在縣東二十里即誑楚以自焚者祠後有墓○宋宗澤知趙城令下車請升縣爲軍疏報不盡如所請澤曰承平時固無慮他日有警當知吾言○打鼓泉在縣境霍山絕頂休糧寺左泉水湧出其聲如鼓故名又有說法臺拴虎石諸勝

太平縣在府城西南九十里

本漢臨汾縣地後魏武帝於縣東北二十里太平

故關城置縣因取爲名唐貞觀初徙縣于敬德堡乃今治也縣東北五里有尉遲恭飲馬路相傳敬德飲馬于汾河處○汾陽山在縣南十里汾水北自臨汾縣界來逶之有源泉出縣北景毛村滑流地中至西郭村復出東注於汾又有龍谷水出縣之柴村雷鳴水有二一出縣西北十五里之蔚村一出縣西北二十五里之西侯村俱流入汾○志云晉城在縣南二十五里晉士蔣所築獻公都之故墟尚存漢置臨汾縣於此說苑獻公築九層臺

山西名勝志卷之三

其臣荀息諫曰臣能累十二墓子加卵于上公曰危哉遂止其役今爲涼馬寺基○塚廟記云趙盾祠在縣西南十八里有墓在縣南二十一里程嬰杵臼墓在盾塋傍宋元豐中因議郎吳處厚奏建廟加封嬰成信侯杵臼忠智侯今縣西北二十五里又有公孫杵臼室乃其藏孤之所○李牧祠在縣東北十三里牧趙將也白波壘在縣東南二十里漢黃巾餘賊郭大于汾西白波谷築壘以寇太原後黃巾滅其壘遂廢今名永固村○子奇壘在縣東三十里後秦姚興遣弟安北將軍義陽公平

字子奇與征虜將軍狄伯支等步騎四萬伐魏攻平陽陷之遂據柴壁魏軍大至截汾水以守之平大敗將麾下三千騎赴汾水而死狄伯支等十將四萬人皆爲魏擒今按此壘西臨汾水壘側有柴村子奇投汾卽此處也○隋文中子祠在縣東南三十里萬王村龍門溝上乃王通之故里有洞深二丈餘文中子讀書于此通以仁壽三年詣闕獻太平十二策不用遂罷歸弟子從遊者甚衆

岳陽縣在府城西南九十里

禹貢既脩太原出于岳陽以在太岳之陽也太岳

山西名勝志

卷之三

十一

卽名霍山在縣東北界有堯城書傳堯都岳陽是矣今縣本漢上黨郡之穀遠縣地後魏之安澤縣也隋始改今名亦後魏冀氏縣及隋和川縣之境也元俱省入○寰宇記云安澤故城在縣西北六十里冀氏廢縣在縣東南一百里和川廢縣本後魏義寧縣今爲和川鄉在縣東九十里卻缺墓在廢和川縣南三十里冀氏縣名本此○東池堡在縣南三十里北面臨崖三面各一丈五尺周廻一里卽隋大業間所移理○赤壁城在縣西一里有赤壁水在縣南西北流合澗水一名通軍水按志

澗水源出縣西北之金堆里一出縣北吉嶺西南流入洪洞界入汾赤壁水出縣西漏崖入地過南三十里復入澗水又縣東北二十五里有下冶泉出西山石崖下經下冶村以合澗水入汾○志云露巖寺在縣北五十里鳳凰山頂有風洞二水出洞內六月凝水孫繼武詩乘閒一宿露巖山樹影沉沉月影寒○又四十里爲千畝原左傳桓二年晉楊侯夫人生太子命之曰仇其弟以千畝之戰生命之曰成師卽此今原下沁水所經○沁水出沁源縣南流逕岳陽界有蘭水在縣北保豐村東南流入沁又有八十里川源出長子縣之發鳩山西南與沁水合以川長八十里故名其地有刀黃嶺高八里長二十里入長子界

山西名勝志

卷之三

十一

曲沃縣在府城南百二十里

春秋桓二年晉文侯弟成師封曲沃卽此有陞庭故城在縣西北左傳曲沃武公伐翼次於陞庭者也攷隱七年曲沃武伯卒子稱代立是謂武公請命于周列爲諸侯矣○寰宇記云本漢絳縣後魏孝文帝始于縣東南絳山北置今縣以復曲沃之名○開山圖云絳山在縣南十三里出銅鉞一名

紫金山山頂有泉下注石崖冬則凝而成冰亦名水巖其水出山東谷南距白馬川注于汾水又有汾水西北自太平縣來滙左傳成六年晉人謀去故絳徙居新田云有汾滄以流其惡者也新田城一名王官城去縣西南二里卽漢周勃所封絳侯國○縣東南十里太陰山崖壁峭絕陽景不到接連太行勢極高峻西北諸峯皆其支委山下有佛泉峽源出遼遠奔流十丈青崖點黛素湍委練見之者詫爲美觀矣縣南有金溝水出隘口山又有濟溪水出紫金山縣北有合水自兩崖中合流又

水又西涑水注之涑水西經仲虺鄉其又西逕潞鄉城北竹書翼侯伐曲沃武公請城于是至桐溝乃返涑水又西與沙渠水合水出東南近川西北流注于涑水涑水又西南逕左邑縣城南故曲沃地晉武公自晉陽徙此秦改爲左邑時所謂從子干鵠者也春秋傳曰下國禮有宗廟謂之國在絳曰下國矣卽新城也王莽改曰洗亭涑水自城西注水流急潏潏輕津周緩故詩人以爲激揚之水不能流移東新耳水側卽狄突遇申生處僖十年傳曰狄突適下國遇太子太子使登保曰夷吾無禮吾請帝以昇秦對曰神不歆非類君曰諾請七日見我於新城西偏及期而往見焉涑水又西逕王官城北在南原上成十三年四月晉侯使目相絕秦曰康猶不悛入我河曲伐我涑川俾我王官故有河曲之戰今世人謂其城曰王城也○按志桐鄉城在縣西南四十五里接聞喜縣界漢書武帝元鼎六年將幸緱氏至左邑桐鄉間南越破卽此又五里爲虜祁官故基寰宇記收入絳州恐謬○太子陂在縣北五里世傳晉太子常以舟戲陂中而沒後水決得其遺骸遂卜高阜葬焉陂水仍復

舊居民爲之建祠○程公祠在縣界之龍頭城印
子華子也與孔子相過傾蓋接轂與語孔子以東
帛贈之死葬於此○齊姜墓在縣西北關晉中
母也高一丈周三十六步○里克墓在縣南五里
左傳申生之難克曰爲人子者愚不孝勿愚不得
立君子謂其善處父子之間○荀息墓在今荀王
村後裔猶存○絳縣老人晉綽夫人食城杞者絳
縣人或年長往與食使問年曰臣不知紀年臣生
歲正月甲子朔四百四十有五甲子矣師曠曰七
十三歲趙文子召之而謝過焉曰武不才使君子

山西名勝志

卷之七

七

辱在泥塗久矣使助爲政辭以老與之田使爲君
後陶以爲絳縣師

翼城縣

在府城南
百三十里

晉故絳也春秋隱五年曲沃莊伯以鄭人邢人伐
翼詩譜曰穆侯遷都于絳曾孫孝侯改絳爲翼是
矣故後魏明帝置北絳焉寰宇記云郭壁城後魏
之北絳都及縣也隋開皇十六年改爲翼城○志
云故翼城在縣東十五里卽古絳都都城方二里
父命之爲故唐城昔帝堯之裔子所封也春秋夏
后時有劉累者以豢龍之術事孔甲夏后嘉之賜

氏曰御龍以繼豢龍之後及龍一雌死而食之
夏后更使求之不得懼而遷於魯縣始別封累之
孫至成王時唐人作亂滅之而封其弟太叔虞更
遷唐人子孫於杜謂之杜伯卽范會所言在周爲
唐杜氏也○古熒庭城在縣東南七十五里左氏
襄二十三年齊侯伐晉取朝歌爲二隊入孟門登
太行張武軍於熒庭杜預註云張武軍謂築壘壁
熒庭晉地名水經注云紫谷水東出白馬川西經
熒庭城南而西出紫谷與乾河合卽教水之支川
也○熒庭城在縣西三張村春秋鄭太子所封名曰

山西名勝志

卷之三

七

熒庭城太子有墓在雲唐村唐盧照隣爲之銘○晉
厲公墓在縣東南十六里故城村高一丈六尺左
傳公被弑以車一乘葬于翼城東門之後杜預注
云不以君禮葬故小耳○武子庄在故城村魏武
子犇食采地晉大夫畢萬之孫也○皮牢城在牢
寨村史記周顯王七年敗韓趙之師于皮牢卽此
○志云覆釜山在縣西北十五里周馬山在縣北
二十五里羊角山在縣東北三十里皆以形似而
名有介子推廟在覆釜山頂俗呼小綿山○滄高
山一名許高其形似鳥張翼又名郭州山在縣東

南二十五里山出銅鐵前有深潭其北有千佛窟古老傳云驪姬塚在其下○鳥嶺山在縣東七十五里山南北有長嶺嶺上東西通道即穆天子傳所謂鉅磬也澮水所出水經注云澮水滎源東北黑水谷西南流逕翼城北在河北川水出平川南流注之亂流西南入澮水澮水又西南與諸水合謂之澮交又有賀水高泉水俱出東南近川西北趣澮又有女家水出於家谷竹書紀年曰莊伯以曲沃叛伐翼公子萬救翼荀叔軫追之至於家谷者也其城方二里左傳莊二十六年晉士蒍城山西名勝志卷之三

大

絳以深其官是矣二水合而西北流至澮按志澮交在縣東北四十五里其名爲大交鎮○志云賈逵魏終邑長郭援來攻城陷達被執不肯拜伏援幽之土室中時有憐其忠正者乃夜引出之拔械遣去○宋文彥博知翼城有善政建一亭于河側後人目之爲潞公軒元王思誠詩潞公軒下聊清流清絕如臨鸛鵲洲

汾西縣在府城西北百八十里

本漢彘縣地東漢爲永安縣高齊設汾西郡于此隋初郡廢改縣曰汾西○寰宇記云青山在縣南

六十里南入趙城西北至溫泉總一百六十里晉天寶六年勅改爲汾西出亦姑射之連延也○汾水北自汾州靈石縣界流入去縣三十五里東南入霍邑縣界○縣東北五里小潞澗其源曰白龍泉縣東十五里轟轟澗澗東南有廟潭深不測澗中有穴望前壑而出聲望後壑而入聲其聲如雷故名又縣城東隅有泊池元天曆初開鑿至今冬夏不涸已上諸水俱流入汾○商山在縣東南六十里頂有商山神祠故名

蒲縣在府城西百四十里

山西名勝志卷之三 九

漢蒲子縣春秋晉蒲城公子重耳邑也寰宇記云晉文公廟在縣西南坡上唐武德二年勅置○故蒲城在縣西南二里唐武德初移縣治于城東此城遂廢蒲水源出縣東北之石樓山流入蒲川經縣西○故石城在縣西六十里後魏置石城縣者周大象元年改置蒲縣於此○故竹城在縣西北六十里後魏太武置竹城縣正平間又置竹城郡尋俱廢遺址尚存○志云峨嶓山在縣南一里又西南爲翠屏山俱以羅列森秀而名孤山在縣北三十里昔有劉黑兒居此因名黑兒嶺嶺沿五鹿

山下至縣東北界長五十里又十里為龍興洞洞
居群山中產五色花乳石○治西南有山曰翠屏
峯圓而聳松柏鬱蒼樓閣崔嵬縣之勝境也巖下
湧泉疾者禱而飲之汗出旋愈亦有晉文公祠祠
前有歲寒亭○水經注云河水又南之蒲川石樓
山南經蒲城東其上有關即重耳出奔處也又南
歷蒲子縣故城西今汾州治徐廣晉紀稱劉淵自
離石南移蒲子即此關駟曰蒲城在西北谿漢武
帝置其水南出得黃盧水口東出歷蒲子城南東
北入谷極谿便水之源也又南合紫川水水出東
山兩名勝志卷之三 二十

蒲州在府城西南四百里領縣五

漢蒲坂縣帝王世紀云舜都蒲坂亦堯之所都也
注水經曰河東有堯山上有堯城即堯所理山下
有鳩汭二水為鰲降二女之所郡國志云南流者

曰為北流者曰內異源同歸渾流西注而入于河
○輿地志云蒲坂在州城東五里亦名長坂史記
秦始皇東巡見長坂是矣其原出龍骨有漢蒲坂
城基雷首在其南大河在其西河西岸有蒲津關
子路問津處也魏武帝西征馬超韓遂夜渡蒲津
于此後魏大統四年造船為梁九年築城乃關河
之巨防路通陝西朝邑縣界即秦孟明濟河焚舟
之所三晉記云春秋魏壽餘僞以魏叛士會既濟
而謀因名蒲津是也唐玄宗早發蒲津鐘鼓嚴更
曙山河野望通鳴鑾下蒲坂飛旆入秦中地險關

山西名勝志卷之三 廿一

逾壯天平鎮尚雄春來津樹合月落戍樓空馬色
分朝景鷄聲逐曉風所希常道泰非復棄繯同從
臣率有和章然罕及之○郡國志云河東有三輅
山北曰大輅西曰小輅東曰荀輅右三山谷距城
三十里相傳舜耕歷山即此地禹貢壺口雷首至
于太岳注云雷首在河東界此山有九名謂歷山
首山薄山襄山甘棗山渠猪山獨頭山隔山雷首
也尚書大傳湯伐桀升自陟注云陟在河曲之南
是矣首陽山即雷首之南阜夷齊餓死于此下晉
阮籍詩步出上東門遙望首陽峯下有采薇士上

有嘉樹林唐李頎詩古人已不見洛水竟無遺矣
寔首陽山白雲空復多○水經注云涑水自蒲坂
雷首山一名雷水逕桑泉縣界志云涑水故城在
州東北二十六里左傳成十三年晉侯使呂相絕
秦曰伐我涑水註疏涑水出河東聞喜縣西南至
蒲坂縣入河又有鞏馬故城在城南三十六里今
謂之涉丘亦左氏所云剪我鞏馬者也○風陵故
關一名風陵堆在州南五十里與陝西潼關相對
其下有風陵渡及風后墓風后黃帝時臣妃葬于
此○中條山在州東南十五里跨平陸芮城安邑
山西名勝志卷之三 廿一
夏縣解州之境以其中狹不絕故名山有棲嚴寺
後周建有桃花玄女二洞及谷口蒼龍等泉又有
瀑布水自中條之天柱峯懸流百尺而下出王官
谷入河○水經注云河水又南過蒲坂縣西地理
志曰縣故蒲也孟康曰晉文公以賂秦秦人還蒲
於魏魏人喜曰蒲反矣故曰蒲坂也薛瓌注漢書
曰秦世家以垣爲蒲反然則本非蒲耳○市南門
舜都或言蒲坂或言平陽及渰者也今城中有舜
廟魏秦州刺史治太平遷都罷州置河東郡郡多
流離謂之徙民民有姓劉名墮者宿擅工釀採地

河流醞成芳耐排於桑落之依故酒得其名而香
醕之色清白若滌漿焉別調氛氲不與他同自董
蔚越自成馨逸方土之貢選最佳酌曰王公庶友
牽梯相招耆每云索郎有顧思同旅之語索郎友
語爲落桑也北周庾信有蒲州刺史中山公許乞
酒一車未送詩細柳望蒲臺長河始一迴秋桑幾
過落春蟻未曾開塋角非難馭提輪稍可催只言
千日飲舊逐中山來○水經注云河水又南逕雷
首山西山臨大河北去蒲坂三十里尚書所謂壺
口雷首者俗亦謂之堯山山上有故城名之曰堯
山西名勝志卷之三 廿二
城也河水又南涑水注之水出雷首山北與蒲坂
分出有夷齊廟關駟十三州志曰一名獨頭山夷
齊所隱也山南古塚陵柏蔚然攢茂丘阜俗謂之
夷齊墓○開山圖云首陽山在蒲州南四十五里
與華本一山當河河中過而曲行巨靈 hands 踏脚
踏開爲兩山手足之跡猶存山有二賢祠祠門之
外有古柏二其一大二十圍高二丈許形狀殊怪
其次圖殺三之二二根相距數尺厥幹上交若兄
弟之相倚因傳二賢手植祠像爲宋元祐中塑歷
代石刻其最古者唐開元十二年葉昇州碑祠之

右卽二賢葬處高墳並峙上多古碑自墳之前爲屋中壁山谷老人碑及刺首陽山古賢入墓七字○穆天子傳曰壬戌天子至于雷首大戎胡觴天子於雷首之阿乃獻良馬四六天子使孔牙受之於雷水之平昔趙盾田首山食提彌明翳桑之下卽於此矣涑水又西南流注于河春秋左傳謂之涑川者也俗名陽安澗水○志云州南十五里筆架山在中條北面數峯橫列拱揖州城中高旁下形如筆架故名又五里爲八盤山又十里爲麻谷山其下曰虞原相傳以下木隱處○峨嵋原在州

山西名勝志

卷之三

齒

九歲

東五里自西而東綿亘逶迤跨臨晉倚氏之地○寶玉峯在州東南三十里常有寶玉現光峯頂故名又九十里爲玉替山玉泉澗水所出永樂城設此山下卽後周之永樂郡也其地有絳生臺相侯道華昇仙之所○唐大曆中宰相元載疏曰河中之地左右王都黃河北來太華南倚總水陸之形勢壯關河之氣色議欲建爲中都久矣蓋自春秋獻公城魏以其地賜畢萬十代之後魏文侯列爲諸侯與韓趙鴈行實用茲地起秦併天下爲河東大郡項羽封魏豹爲魏王王河東韓信喪沙于河

水之上度其半渡決而擒之漢文謂今布曰河東吾股肱郡故召召君唐武德元年置蒲州總管府及開元十二年昇河中府爲四輔誠重之也按自五代及宋俱置護國軍節度金始復今名其曰蒲州自後周明帝始○志云河東廢縣在州西北隅國初併入州者有逍遙樓故址金石畧載唐太宗登逍遙樓詩長孫無忌楊師道行書貞觀十二年二月又玄宗有登逍遙樓作自爲八分書其後顏真卿正書王璵表附○薰風樓在州城中心後唐廣明中王重榮建舊名克復樓宋真宗祀后土幸

山西名勝志

卷之三

莖

蒲嘗登此樓以舜故都更今名命陳堯叟爲記○鵲鵲樓在州南城上卽城樓也文人多所題詠唐宋佐詩白日依山盡黃河入海流欲窮千里目更上高樓暢當詩迴臨飛鳥上高出世塵間天勢鎮爲純陽官○樂安莊在州城東北宋薛侯以樞密直學致仕歸築室于此因其封郡樂安故名有南北二園范純仁記○鐵人在州治前高四尺昔唐玄宗幸蒲臣民爲鑄金人于此又鑄八牛置東西岸各四一人策之牛上有出入地丈餘皆鐵

也并鐵柱十六夾岸以爲浮橋今西岸缺其一舊傳沉于河○金石畧載漢上谷長史侯用碑云侯氏出自倉頡之後踰殷歷周各以氏分或者楚魏或顯齊秦晉卿士爲斯其裔也食華陽今蒲政北亭是○戰國策秦伐蒲蒲人恐胡衍救蒲衍謂鄒里子曰攻蒲爲魏則善爲秦則不可請釋勿攻以德魏君于是遂解去後人立祠祀之有古碑刻不存○唐蒲州刺史李公德政碑正書無撰人姓名乾封元年九月○唐開元間蒲州刺史陸象先政尚寬簡每謂人曰天下本無事庸人擾之耳句

山西名勝志

卷之三

共

蓋

通鑑周郝王五年秦魏會于臨晉在今同州朝邑縣界此爲春秋晉桑泉地故隋置縣曰桑泉至唐天寶始改今名亦漢河東之解縣地也後魏設北解縣於此南解則在廢虞鄉縣後有晉人使史記秦世家昭王敗魏師于解因築壘以臨之臨晉之名取此○寰宇記云故桑泉城在縣東北十三里左傳僖二十四年重耳圍令狐入桑泉注曰桑泉在河東解縣西故解城卽春秋解梁城也廢址去今縣東十八里僖十五年晉惠公許賂秦伯以河外列城五內及解梁是矣桑泉在此城中汲之不枯矣之不流既湮復出志謂卽釀桑落泉也○虞鄉廢縣在治南六十五里西魏之南解縣後改爲綏化郡者周保定元年郡廢改爲虞鄉縣元時省○水經注云涑水西南逕解縣故城南又西南逕瑕城晉大夫詹嘉之故邑也僖三十年秦晉圍鄭鄭伯使燭之武謂秦公曰晉許君焦瑕朝濟而夕設版京相璠曰今河東解縣西南五里有故瑕城又有郇城在縣東北十五里文王庶子郇所封國成公六年晉人謀去故絳諸大夫皆曰必居郇瑕者也○志云五老山在縣西南五里上接中條一

臨晉縣 在州東

山西名勝志

卷之三

廿七

蓋

名靈峯名出記謂非登首山觀於河洛有五老人
飛爲流星入昂處也山有三公洞三洞在歸雲
巖下洞在北峯有東西錦屏峯峯之陰有張果老
洞洞東西有所乘白驢行跡又有韓公隱處號韓
峯峯東南有韓君洞及羅通微所居號真人洞又
有青城太乙玉峯蒼龍太白王母白沙玄武諸洞
其陽有葉縣巖卽嵩山羽士李皮囊棄酒瓢以奠
山神者亦號皮囊洞傍有龍井唐玄宗勅玉真公
王投金龍于其中號玉真洞又有飲鹿金龜金沙
玉女諸泉俱出此山麓○我嶺坡在縣北五里東
山西名勝志卷之三

新置步池塘逸韻偏宜夏景長扶起綠荷承早露
驚聞白鳥入殘陽久無書去時曾時有僧來自
故鄉不用名山訪直訣退休便是養生方口道名
山記畧云登西山觀秦王觀觀大如礪盤無口下
如尖底禮表聖山中記已有此石謂秦敗晉師于
王官時所遺者自硯傍不出故徑直下蒼崖觀雙
人石石在天柱峯西北倚峯而立上有圓石一枚
恍若人面又似北望秦觀而欲濡毫者旣乃趨掛
鶴臺有瀑布自天柱峯直下而臺在其左每有白
鶴二月來五月生子去以爲常候臺東北瞰天柱
山西名勝志卷之三

連衙氏西抵黃河以狀似我嶺故名又有大隄小
隄南北並峙宛然九疑之分支也在縣東北三十
五里其東南六十里有王官谷以王官廢壘爲名
唐司空圖隱焉城塚記云王官故城在廢虞鄉縣
南二里左傳文三年秦師涉河焚舟取王官卽此
○本志王官谷在中條山中巖洞深邃泉谷幽清
有天柱掛鶴諸峯瀑布貽溪諸水山水之勝甲於
河東唐司空圖虞鄉人佐黃巢亂隱居于此作亭
觀素室悉圖畫唐興文人節士像名其亭曰休休
又有石硯竹徑濯纓鳴憲諸景仍自爲詩云擢冠

殊突兀昔人題云四瞻雲日俱無影止有一峯高
接天蓋真境也有蘆葦泉今名蘆子泉舊傳武后
因術士言虞鄉有王氣遂斷縣南龜背岡至見蘆
根而止鮮血漉出因化爲泉其地在天柱峯之北
○志云縣西三十里有吳王渡與關中郃陽渡相
對卽韓信襲魏王豹處以有吳王二姓居之因名
○水經注云縣有西陂卽張澤也西北去蒲坂一
十五里東西二十里南北四五里冬夏積水時有
盈耗志謂唐張嘉貞與弟嘉祐住此陂每朝軒蓋
盈巷時號其所居曰鳴珂里卽名出記所云五姓

湖之地凍水姚暹渠所匯也西流至州入黃河○
集古錄云漢樊太守墓在縣西十里斷碑內載一
名亢以誅諸呂功封晉寧侯一名濟為京兆尹○
晉平南將軍侍中王廙右軍之叔父工草隸飛白
祖述張衛法後得索靖書七月二十六日一紙每
寶翫之遺永嘉寶亂乃四疊綴於衣中以過江今
蒲州桑泉令豆盧器得之疊迹猶存○金石畧云
唐嚴俊碑徐浩書題禮部尚書襄陽縣開國子席
某撰而其名殘缺不可辨按天寶中席為此官而
碑未有云豫平生交好知其為席像撰也唐書列

山西名勝志

卷之三

三

榮河縣

在州北百
十里

古綸地夏少康之邑漢汾陰縣也高帝六年封周
勃為汾陰侯於此城北去汾水三里西北隅有丘
曰睢丘上有后土祠封禪書武帝以男子公孫祿
言有寶物之精上見因獲寶鼎于汾陰收元元鼎
四年始立后土祠于睢丘宣帝神爵元年幸萬歲
宮東濟大河而神魚舞水按萬歲宮在縣北九里

山西名勝志

卷之三

三

后土祠在故汾陰城西北二里唐開元中改汾陰
為寶鼎宋真宗祀汾陰改寶鼎為榮河後改諸此
○水經注云河水又南漢水入焉爾雅大川尾上
曰漢郭註今河東汾陰縣有水口如車輪沸湧其
深無限與河合也昔趙簡子沈樂激于是河曰吾
好士六年不進一人吾好聲色而子致之是長過
而黜吾善也君子以為能謹矣○志云故汾陰城
后土廟後有亭以覆漢武帝秋風辭石刻其祠曰
秋風起兮白雲飛草木黃落兮鴈南歸蘭有秀兮
菊有芳懷佳人兮不能忘汎樓船兮濟汾河橫中
山西名勝志

流兮揚素波蕭鼓鳴兮發催歌歡樂極兮哀情多
少壯幾時兮柰老何○金石畧唐汾陰后土祠銘
胡愔撰并八分書開元四年八月立○文獻通考
祀汾陰記五十卷宋丁謂撰大中祥符三年八月
降祀汾陰御札至明年春禮成四年詔謂與陳
年編次事跡儀注踰二年成書上之○故汾陰城
在縣北九里通鑑周顯王十四年秦伐魏取汾陰
者也俗名殷湯城郡國志云殷湯陵在汾陰縣北
四十二里後魏太和中右縣人張恩破陵求貨其
陵下先有石罅以銅為鑲盜開埏門矢發中三人

皆斃思更爲他計卒取得墓中物其物多是鐘磬
及諸樂器再得其銘思恐人知投之汾水後事泄
爲王司所理乃於水次得其銘銘曰昔死後二千
年終困於思由是執事不復深其罪元時淪於汾
河以石柩遷於陵傍今其地爲百祥村○董澤在
縣西北與絳州聞喜縣界左傳文公六年晉改蒐
于董卽此也○唐司空裴寂墓在縣東北十七里
墓碑卽秘書虞世南文率更令歐陽詢書今入臨
晉界

猗氏縣在州東北百二十五里

山西名勝志

卷之三

圭

圭

漢縣也高帝時陳遼以舍人从起豐爲都尉擊項
羽有功封猗氏侯孔叢子曰猗頓魯之窮士陶朱
公教畜五牂乃適西河大畜牛羊於猗氏之南以
興富於猗氏故曰猗頓地里志猗氏屬河東郡今
縣南二十里有猗氏故城地名王寮村頓故居也
○寰宇記云古郇谷之地有郇城在縣西南四里
左傳成六年晉人謀去故絳欲居郇瑕氏之地韓
獻子曰郇瑕氏土薄水淺不如新田有也按已見
臨晉下又有令狐城左氏傳二十四年晉文公從
秦返圍濟河圍令狐卽此故城在縣西十五里今

名狐村○志云涑水自安邑縣界流入經縣南六
里其山有峩嶺陂舊設神羗堡于其上後漢書張
禹圖安邑定河東卽此地也在縣東北十五里○
水經注云涑水又西逕猗氏縣故城北春秋文七
年晉敗秦于令狐至于剗首先農奔秦士會從之
闕駟曰令狐卽猗氏也縣南對澤卽猗頓之故居
矣涑水又西逕郇城詩云郇伯勞之蓋其國也杜
元凱釋地云今解縣西北有郇城服虔曰郇國在
解縣東郇瑕氏之墟余按竹書晉惠公十有五年
秦穆公率師送公子重耳圍令狐秦泉曰秦皆降
山西名勝志

卷之三

圭

圭

焉秦師狐毛與先軫禦秦至于廬柳乃謂此也王
思詒猗氏縣詩世傳今猗頓本屬古令狐四境村
墟僻千年壁壘狐郇瑕宣撫地秦晉戰爭區對澤
空城在桑林故邑無黎民如欲富何必問陶朱
萬泉縣在州東北百九十里
漢汾陰縣地後魏道武元年赫連勃勃僭號夏州
東侵河外于時有縣人薛通率宗族千餘家西出
汾陰縣城八十里築城自固因名薛通城唐武德
初割復山安邑猗氏汾陰龍門等五縣地於其故
城置今縣以城東谷中有井泉百餘區而名○寰

宇記云介山在縣南里許晉文公臣介之熊從文公逃難友國賞不及怨而匿此山文公求之推不出乃封三百里之地又號爲介山按志介山者以其不連他山而介然孤立也故又晉跡出山麓有東谷澗北流入里入于沙澗其發源處有泉久暖人呼溫泉又有檻泉在山南麓其右雙泉出焉酈道元以介山卽汾山矣其山特立高可十餘里山上有神廟廟側有靈泉祈祭之日周而不耗世亦謂之子推祠揚雄河東賦曰靈輿安步周流容與以覽下介山嗟文公而愍推兮勤大禹於龍門

山西名勝志

卷之三

三

晉太康記及地道記並言子推避隱在於是山其實非也余按介推所隱綿山在西河介休縣是○志稱後漢董永當縣人自幼喪母家貧至孝備刀以事父父卒就傭主貸萬錢葬父一日道遇一婦人求爲妻永與俱詣主人令織絹三百匹以償其錢償訖其婦辭歸乃曰吾天之織女也緣君至孝天帝令我助君償債耳言訖凌空而去不知所之○唐臨武德初爲萬泉丞有輕囚久繫臨說令云方春宜使田可就農畝令不許偶恙在告臨悉縱歸與之約皆如期而歸○志又云龍柏在縣之下

生寺相傳漢光武繫馬鞭于上故樹枝宛成龍形又有桃花洞在狐山南麓洞傍種桃樹極多相傳唐羅士信隱此

河津縣

在州東北

史記漢高二年魏豹絕河津友爲楚辛氏三秦記曰河津一名龍門水陸不通魚鼈莫能上也故後魏置龍門縣焉宋宣和中改爲河津禹貢浮于積石至于龍門卽此處矣寰宇記云黃河北自慈州太寧縣入今縣北二十五里龍門口有大禹廟在龍門山上廟南絕頂有唐高祖祠書儀衛國簿之山西名勝志卷之三三像蓋舉義旗初至此○郡國志云縣南十二里耿城殷王祖乙所都古國也晉獻公滅之以賜其大夫趙夙秦置爲皮氏縣今攷皮氏故城在縣西一里八十步又二里之新豐村有卜子夏墓子夏退老西河卒因葬焉○水經注云河水又南出龍門口汾水從東來注之昔者大禹導河積石疏決梁山卽經所謂龍門也魏土地記曰梁山北有龍門山大禹所鑿通孟津河口廣八十步巖際鐫跡遺功尚存岸上并有廟祠祠前有古碑三所二碑文字紊亂不可復識一碑是太和中立竹書晉昭公

元年河赤于龍門三里京房易妖占曰河水赤下
民恨也或謂龍門沙洲之上有禹穴高不踰咫尺
水漲溢雖千尋之濤不能侵一坏余觀禹穴記稱
禹治水得黃帝水經於穴中按而行之蓋亦有神
助焉然於經無取矣河水又南過皮氏縣西赤水
出西北罷谷川東謂之赤石川東入于河河水又
南洛水自獵山枝分東派東南注于河昔魏文侯
築館洛陰指謂是水者乎皮氏王莽之延平也故
城在龍門東南不得延逕皮氏方屈龍門矣汾水
又西逕鄧丘北故漢氏之方澤也賈逵云漢法三
山西名勝志卷之三
年祭地汾陰方澤澤中有方丘故謂之方澤丘卽
鄧丘耳許慎說文稱從邑登聲汾水又西逕耿鄉
城北故殷都也帝祖乙自相徙此爲河所毀故書
叙曰祖乙圯於耿杜預曰平陽皮氏縣東南耿鄉
是也盤庚以耿在河北迫近山川乃自耿遷于毫
焉汾水又西逕皮氏縣南竹書魏襄王十二年秦
公孫爰率師伐我圖皮氏翟章率師救之十二年
城皮氏者也漢河東太守番係穿渠引汾水以溉
皮氏故渠尚存汾水又逕冀亭南昔曰季使過冀
野見卻缺釋其妻媼之相敬如賓言之六公文公

命之爲卿復與之冀京相璠曰今河東皮氏縣有
冀亭古之冀國所都也按志耿城在今縣東一里
龍門山在縣西北三十里冀亭今屬如賓鄉○漢
趙岐爲皮氏長會河東太守劉祐去郡而中常侍
左悺兄代之岐耻卽日棄官西歸○文中子故里
在汾水之曲疏屬山南雲中城設焉卽通曰云登
雲中之城望龍門之闕也○冀王官花品一卷陳
氏曰題景祐元年滄州觀察使以五十種分爲三
等九品而潛溪緋平頭紫居一品姚黃及居其下
此不可曉也

山西名勝志

卷之三

三

山西名勝志卷之三

山西名勝志卷之四

閩中曹學佺能始著

解州 在府城西南二百四十里

寰宇記云後魏及周之南北二解俱在臨晉縣界今解縣乃隋開皇十六年於廢虞鄉縣置唐武德元年仍於蒲州界別置虞鄉矣五代漢乾祐元年蒲師李守貞及榷鹽制置使鄭元昭奏請於解縣置州以捍兗渠於是授元昭為刺史仍割蒲之安邑絳之間喜併解縣屬焉 國朝省解縣入州領安邑等縣凡五○寰宇記云鹽池在州城東五里山西名勝志卷之四

春秋成六年晉人謀去故絳諸大夫皆曰必居郇瑕氏之地沃饒而近鹽杜預曰鹽鹽池也其池東西長五十一里南北廣六里周廻一百十四里呂忱云河東鹽池水出石鹽自能成印朝取夕復終無減損但廣狹深淺古今不同蓋以載代興衰盈縮不定故也又有女鹽池在州西北三里東西二十五里南北二十里其西南為蔚林土人引水法畦水耗土自成鹽味小苦不及大池俗言此池亢旱鹽即凝結如逢霖雨鹽則不生今大池與安邑池總謂之兩池官置使以領之又中池北百步許

不遠至二區味甚甘冽俗謂鹽得此水方咸又西十五里有硝池六天旱則生謂之六硝其池一日實凡二日金井三日開四日製耳已上味俱淡五日夾凹六日蘊老味皆鹹○鹽池錄云中條山在池之南西起蒲州東接太行南跨芮城平陸北跨臨晉安邑夏縣間喜諸境形如卧弓環池而遠之其頂桃花澗水出焉流入鹽池又有分平嶺以雲至此東西兩分而名其相連為壇道山陡徑出自陘趣陝州之道也山嶺參天左右壁立間不容軌謂之石門凡百餘纔可上又謂之百梯山出東嶺出水噴流如雪澄渟為池呼曰天池上有盤漿俗名止渴泉山海經曰崑崙之山其上有水甚寒而清謂之帝臺漿郭璞注云今河東解縣南壇道山有水潛出焉而不流即此處矣故老傳言有玉女在中條山得道今名其處曰聖女崖亦名玉女溪有劉明於此學道後人為明立祠謂之明公祠碑文尚存曰惟漢安二年後漢安即後漢順帝之年號也○郡國志云熒一阪在州城西二十里魏正始中穿以繫船今廢形似熒斗故名○姚暹水在州北十五里源出夏縣之小咸谷經安邑至常

○人亦歸都水監姚暹所落其子有姚暹榮
有經注云涑水又東與景水合出景山北谷山海
經曰景山南望鹽敗之澤其草多諸萸奈取其陰
多茹其陽多玉郭璞注云鹽敗之澤卽解縣鹽池
也按經不言有水今有水焉西北流注于涑水
○古名畧云唐鹽池靈應公神祠碑崔放撰肅宗正
書貞元十三年八月日鹽風亭碑唐大曆十二年
解建鹽池北之巖峭坡宋元祐間河東宣撫使范
仲淹重修○志云風后解州人軒轅帝夢大風吹
天十座垢皆去嘆曰風爲號令垢土去而后在也
山西名勝志卷之四

天十其有姓風名后者哉於是求之得風后于游
隅登以爲相解州舊號渤解之海所謂海隅卽此
也菰文志風后著兵法十二篇圖三卷孤虛十卷
○州城西百步許有關侯祠南面條山北連涑水
建自宋大中祥符甲寅歲爲侯假陰兵以破蠻尤
勅脩至元祐壬申歲又拓而新之攷鄭南加封記
云宋崇寧元年追封開侯忠惠公大觀二年加封
武安王今燕續通鑑長編云宣和五年正月己卯
禮部奏開羽勅封義勇武安王從祀武成王廟詔
從之按國朝萬曆末年加封爲帝襲以蕩魔天

尊之號金大定十七年張開闢氏祖宅塔記界
云義勇武安王世爲解人興于漢靈帝中平元年
當時志氣曾分漢室之憂今日威靈猶錫生民之
福本庄社人王興將一千五十四年祖塔重加完
葺塔在中條山麓鹽池當其後盤踞山川之秀宜
爲神靈之所鍾者與

安邑縣在州東五十里

帝王世紀云堯以二女妻舜爲築宮室封之于虞
故曰安邑又云禹受禪平陽徙安邑卽虞夏之兩
都也故唐武德元年置虞州於此而北魏析安邑
山西名勝志卷之四

置夏縣亦以禹所都矣○按志縣南二十里有虞
坂相傳以舜都而名縣西北三十里之安坂口有
鳴條岡舜所葬也孟子曰舜卒於鳴條卽此尚書
伊尹相湯伐桀戰于鳴條註在安邑之西又縣西
南一里有比吾亭比吾助桀拒湯湯先伐之左傳
註云比吾以乙卯日與桀同誅是矣○水經註曰
涑水又南逕安邑縣禹所都也禹娶塗山氏女思
戀本國因築臺以望之今城南門臺基尚存余按
禮天子諸侯臺門闕阿相降而已未必一如書傳
也故晉邑矣春秋時魏絳自魏徙此晉文侯懸師

之奏於其門以爲言成也劉向說苑云師經鼓琴魏文侯起舞曰使吾言而無見違師經援琴而撞文侯中旒潰之文侯將烹經經曰堯舜唯恐言之而人不違桀紂唯恐言而人違之臣撞桀紂非撞吾君也文侯令懸琴下城門以爲寡人戒武侯二年又城安邑益增廣之秦始皇使左更白起取安邑置河東郡王莽改名泚陽縣曰河東也有項寧都學道升仙忽復還此河東人號曰升仙王充論衡作項曼都號曰升仙漢世閔貢字仲叔隱遁市邑罕有知者老病家貧不能得肉日買猪肝

山西名勝志

卷之四

五

片其令聞之勅吏常給焉仲叔知而歎曰我豈以口腹累安邑邪遂去涑水又西南逕鹽池縣故城城南有鹽池水鹽水又逕安邑故城南又西流注于鹽池地理志曰鹽池在安邑西南許慎謂之鹽池長五十一里廣六里周一百一十四里從鹽古聲呂宿曰河東鹽池謂之解鹽池水紫色澄渟渾而不流唯水暴雨澍甘潦奔決則鹽澤用耗故公私共竭水徑防其淫濫而鹽水亦謂之竭水也澤南而層山天巖雲秀地谷泉深左右端立間不容軌謂之石門路出其中名之曰陘南通上陽北望

澤池西又一池謂之女鹽澤東西二十五里南北二十里在猗氏故城南本司鹽都尉治常領兵一千餘人守之周穆王漢章帝並幸安邑而觀鹽池故杜預曰猗氏有鹽池後罷尉司分猗氏安邑置縣以守之縣西二里有魏豹城城本魏文侯所築後因魏豹居之故以豹名其南有韓信溝○寰宇記云龍池水在縣南二十里流入鹽池唐開元間勅置龍宮于此又有鹽宗廟在鹽池上呂忱云宿沙氏煮海謂之鹽宗尊之也以其滋潤生人故得置祠按宿沙一云夙沙乃炎帝魁之諸侯炎海

山西名勝志

卷之四

六

爲鹽富溢他國左傳有夙沙衛乃其裔耳○司鹽城在縣西二十里鹽冶在縣西南三十里中條山之銀谷皆唐大曆間建又有風谷每風出吹沙飛石樹木傾摧俗謂之鹽南風又有黎蔭谷謂之藟谷水其水自夏縣來經縣西南四十里入蒲州界○玉鈎山在縣東北二十里其山東西連亘十里狀如玉鈎故名山下有玉鈎泉又縣南三十里中條山之石槽有泉出焉曰青石泉流經縣東又有湫泉在鹽池北池水皆鹹此泉獨淡可汲而飲又名耳泉○清原在縣北五十里春秋僖三十一年

晉苑于清原作五軍以禦狄卽此○縣之張董里有蔡倫墓漢黃門也始作紙以綱爲之倫榮陽人僑寓安邑卒葬焉○縣東十七里有高塢原原上有衛瑾墓晉陽秋曰太保涪陽侯衛瑾河東安邑人瑾父覲後漢末曹操辟司空掾以文章顯撰述凡數千篇瑾子恒恒子玠舊傳云衛瑾葬高塢今墓前有高枹古道者是○金石畧晉安邑令徐君碑太康九年立唐安邑縣新亭記劉師老撰李銳正書元和元年閏六月○志稱安邑人好以葡萄酒釀酒味畧酸飲之動暢精神宋王孚詩風含翠蔓

山西名勝志

卷之四

七

何必問涼州

夏縣北一百里

本安邑縣地後魏太和元年析置今縣以禹所都爲名故夏城在縣西北十五里禹建都時所築今謂之禹王城城內有青臺高百尺夏靜與洛上人書云安邑塗山氏臺俗謂之青臺上有禹祠○寰宇記云巫咸祠在縣東五里巫咸山下故商臣也相太戊保父王家其子巫賢又相祖乙爲商之世臣矣注水經云鹽水西北流經巫咸山北出海經

云巫咸國在女丑北有子持水鏡在登葆田其巫所從上下也大荒西經云大荒之中有靈山巫咸巫卽巫盼巫彭巫姑巫貞巫孔巫來抵巫謝巫羅凡十巫從此升降百樂爰在郭景純曰言羣巫上下靈山採藥往來也蓋神巫所遊故出得其名矣今谷口嶺上有巫咸祠又有巫咸墓在縣南五里之巫咸頂隋書謂之瑤臺頂下有谷名巫咸谷○志云柳谷在縣北五里中條山之支也唐諫議大夫陽城隱君夏縣柳谷以學行著聞宰相李泌薦之徵拜諫議大夫○湧金泉在縣西南十五里西入

山西名勝志

卷之四

八

安邑之黑龍潭世傳鹽池得此水始凝結又縣北三十里有青龍河其形屈曲如龍盤故名○皇川在縣東南五十里西條山內者舊相傳夏后避暑離宮之所夏靜與人書云有石殿金戶丹庭紫宮俗人呼爲驪姬故房○建山在縣西北七十里之石碓村卽義眉坡高阜也涑水在縣北四十里從聞喜縣界來川旁有宋丞相司馬光墓蘇軾撰碑○雜說云溫公私第在縣宇之西北數十里古村嚴緊去市不遠如在山林中廳事前有棣華齋爲諸弟子肄業之所轉齋而東有柳塢水四環之

月亭及竹閣西東水亭也丞成樹乃附縣城爲之
正對巫咸山後有賜書閣貯三朝所賜書籍諸處
榜額皆公染指書其法以第二指尖抵第一指頭
指頭上節微伸染墨書之字亦尺許大如世所見
公生明等字惟巫咸樹三字差大爾周圍在它之
東溫公堂宿於閣下東畔小閣侍史唯一老僕一
更二點卽令老僕先睡看書至夜分乃自晷火滅
燭而睡至五更初卽自起發燭點燈著述夜夜如
此天明卽入宅起居其兄且或坐於床前問勞語
畢仍回閣下口石林避暑錄云溫公之任崇福寺

山西名勝志

卷之四

九

夏多在洛秋冬在夏縣每日與從學者十許人講
書用一大竹筒筒中貯竹簽上書學生姓名講後
一日卽抽簽令講講不通亦徵數責之公每五日
作一煖講一盃一飯一麵肉菜各一而已公先攜
在鳴條山墳所有餘慶寺公一日省墳至寺中有
父老五六輩上謁云欲獻薄禮乃瓦盆盛粟米飯
瓦罐盛菜羹也公享之如太牢既畢復前啟曰某
等聞端明在縣日爲諸生講書村人不及往聽今
幸畧說公卽取紙筆書庶人章講之既已復前自
曰自天子章以下各有毛詩四句此獨無有何也

公然少許謝曰某生平慮不及此當思其所
奉答村父笑而去每見人曰我講書會難倒司馬
端明公聞之畧不介意王翰禹輓辭云縣治西
十五里有禹故城城中民聚爲村極地得輓方尺
餘而中畫十二方方容一字以篆書之其文曰海
內勛臣歲豐登穀路無饑人雖累千百不異訛傳
謂禹所陶者人人爭寶之遠至千里易以重寶或
以遺人難事可濟元末多事夏當衝要使臣絡繹
至則求于縣官縣官亦著于民於是上下病焉當
時名公巨儒無有辯其非者豈非愛異好奇之過

山西名勝志

卷之四

十

也哉予竊疑故城與司馬公墓近其時葬公之時
必陶於近處用之餘者既無所措則必瘞之詳于
文義字畫頗近不然何不見於宋之前而得於宋
之後何不聞諸載記而得於傳聞其不爲禹時所
造也明矣予姑辯之以解後來之感

聞喜縣

在州東北
百二十里

本漢左邑之桐鄉也武帝元鼎六年將幸緱氏至
此聞南越破大喜因立聞喜縣後漢陳寔爲聞喜
令清靜不擾邑人思之爲立祠相帝永康元年錄
定策功封竇武爲侯國金石畧云唐開喜令江彥

晉碑永徽二年十月立○按桐鄉故城在縣南八里俗以此城爲伊尹放太甲之處非也孔安國曰桐鄉湯葬地一統志云縣東南三十里有湯山蓋以此名山上有成湯廟○寰宇記云故龍頭堡在縣東北二十八里後周正平郡及開喜縣所理也武帝移于柏壁在廢正平郡西南二十里唐開皇中又移于甘谷口去今縣東二十里甘泉出焉○經曰涑水出河東聞喜縣東山黍茂谷註云涑水所出俗謂之華谷至周陽與泚水合水源東出青野山世人以爲清襄山也其水東大嶺下西出兩名勝志卷之四

黃龍陵清楊柳可以爲箭其澤東西七里南北三里○山海經云景山草木多諸華著黃秦椒其陰多赭其陽多玉寰宇記云在縣東南十八里卽所謂南望鹽澤者也○縣東北二十里有避暑城晉元鄉乃獻公所築以避暑者其城夏熱之時比他處差涼○周陽侯故城在縣東二十九里史記田蚡傳景帝三年田蚡弟勝爲周陽侯卽此○國魏毋丘儉晉郭璞南北朝裴松之皆聞喜人松之注三國志其子嗣江史記唐裴行儉有知人之鑒裴度平淮蔡之功皆其裔也○宋趙鼎開喜人山西名勝志卷之四

南渡中興宰相力圖恢復與秦檜和議不合還政謫嶺南至吉陽不食而卒按忠簡公世居董澤其後六世孫贊翁仕元爲國子博士歸作董澤書院于故里虞集爲記

平陸縣在州城東南九十里

漢大陽縣地後漢之河北縣地也唐天寶元年陝郡太守李齊物鑿三門山路以便漕運於所開漕中得古鐔鉏甚大上有古篆平陸二字其年二月因奏置平陸縣○寰宇記云黃河去縣二百步沙澗在縣東三十里水經注云沙澗水北出虞山東

南經傳崑崙傳說隱室俗名聖人宿水西懸崖去水一丈立祠焉虞山一名吳山漢地理志大陽縣西有吳山山麓有吳太廟故名楚客謂春中君曰昔騏驎駕鹽上吳坂遷延負轅而不能進坂自上及下七山相重有故虞城在其內晉假道于虞以伐虢卽此城也唐胡曾詩悠悠虞坂路歌斜遲日和風簇野花未省孫陽身歿後幾多騏驎困鹽車○郡國志云鄆城在縣東北二十里左氏晉荀息曰並爲不道入自鉅軻伐鄆三門杜注河東人陽縣有大軻坂又云並伐虞至鄆鄆虞邑也且城司山西名勝志卷之四 三

迴四里○開原在縣西六十里俗呼讓畔城至今其田民無耕者詩云虞芮質厥成文王蹶厥生毛長註云虞芮之君相與爭田久而不平乃相謂曰西伯仁人盍往質焉及境見行讓路耕讓畔咸相謂曰我等小人不可以侵君子之庭乃相讓所爭之地以爲閑田而返天下聞之歸周者四十餘國右原東西七里南北十三里○漢地理志河東郡大陽虞所封邑有天子廟水經云河水又東逕大陽縣故城南風俗記曰城南大海之陽也河北郡治此縣治內城界○三四名曰神門鬼門人門

道元云三穿既決謂之三門也蔡氏書傳謂三門爲底柱蓋底柱三門之中山矣志云砥柱峯在縣東南五十里黃河自蒲津而來至是微折而南至縣東流五十里曰砥柱達于垣曲底柱西有神廟廟側有老君爐世傳老子煉丹於此上流列石如川字老子經之渡河○水經注曰河水又東過砥柱間砥柱山名昔禹治洪水出陵當水者鑿之故破出以通河河水分流包山而過山見水中若柱然故曰砥柱也三穿既決水流疎速指狀木曰亦謂之三門矣山在魏城東北大陽城東搜神記轉山西名勝志卷之四 四

齊景公渡于江沈之河龜銜左膝沈之衆皆驚愕古冶子於是拔劍從之邪行五里逆行三里至于砥柱之下乃龜也左手持龜頭右手挾左膝燕躍鵠踴而出仰天大呼水爲逆流三百步河水翼岸夾山巍峩舉重嶺于霄自砥柱以下五戶以上其間一百一十里河水竦石桀出勢連襄陵蓋亦禹鑿以通河者也其山雖闊尚使湍衝激石雲洄浪波怒溢合有一十九灘水流迅急勢同三峽破害舟船自古所患漢鴻嘉四年楊焉患砥柱隘欲鑄廣之裁沒水中不能復去而令水益湍怒害甚

魏景初二年二月帝遣都督沙丘部監運譚
護大夫寇茲晉泰始三年五月武帝遣太中大夫
是國都匠中郎將河東樂世帥衆五千餘人常加
修治事見五戶祠銘雖世代加功水流湍湍潯波
崇屯商舟是次鮮不踟躕而難濟矣五戶灘名有
神祠通謂之五戶將軍亦不知所以也河水又東
交澗水水出吳山東南逕人陽城西南流注于河
又東北合沙澗水水出溪中亂流逕大陽城東河
北郡治南流徑注于河○按志交澗水出縣西北
五里中條山東西二溝流與中澗合俗名三双澗

山西名勝志卷之四

五

者是沙澗出縣東二十里傳崑崙十三州志云大
陽縣有傳崑崙在其界今在穴猶存唐呂溫嘗作傳
崑銘其序畧曰昔殷高宗恭默思道至誠動天
將報之以說爲瑞審形旁求實得于此貞元九年
子由鏞徂洛息駕于虞號之間升墟瞰衆彷彿其
地遠跡雖昧清風若存○志云縣東北九十里箕
山其狀如箕故名相傳堯時詩山隱此有塚在焉
司馬遷曰箕山有許由塚下有水曰清澗卽由洗
耳處東有土竅號錫窟唐胡會詩寂寂箕山春復
秋更無人到此溪頭棄瓢品畔中宵月千古空聞

許山○虞城在縣東北卽虞公故城開田在縣
西各去縣六十里北號也王莽改爲勤田孔安國
注尚書傳說隱于虞號之間以此○志云縣南二
里有金鷄堡前臨黃河其頂高峻有思鄉廟昔人
望鄉于此壁上王思誠詩金鷄堡峻壓崇墉傑
帶關山幾萬重芮伯故城連境內羗戎舊邑入疆
同山頭百折顛輪坂水面三門砥柱峯驪負鹽車
逢伯樂賢備敗築遇殷宗但聞虞號亡各事不見
東山洗耳蹤○樂善錄云蜀人魏野隱居不樂仕
官善爲詩以詩著名卜居陝州東門之外有陝州

山西名勝志卷之四

六

平陸縣詩云寒食花藏縣重陽菊遶灣一聲離岸
櫓數點別州山最爲警句

芮城縣在州城西
南九十里

史記芮國在焉翊界周封同姓爲芮城伯魯相三
年芮伯多嬖爲母姜所逐遷居于魏後爲晉獻公
所滅以賜畢萬是也漢以其地爲河北縣謂在河
之陽矣○水經注云古魏城內有龍泉南流出城
源濶五寸深一寸地理志云魏城東五里有魏始
祖墓高一丈樂史謂畢萬也段干木墓在魏城東
十五里墳高三丈有祠存卽其冢退秦兵之地唐

○襄寧記云古芮城在縣西二
十里尚書秦誓作旅巢命于此有芮王廟在其內
芮王周之司徒爲附庸國梁開平中感夢天庭再
立祠今名鄭村○注水經云河北縣有涇水名涇
澤穆天子傳自賓軫次于涇水之陽卽此也其水
南入于河河水故有涇澤之名○一統志云涇泉
在縣東北三十里其水入河處謂之涇津渡又縣
西二十里有舊涇澗縣南十五里有太安池縣北
二十二里有泉祝泉俱流入河泉祝者俗傳魏文
侯自安邑駐師道渴中心默祝以鞭示之得泉故
山西名勝志

卷之四

七

名○郡國志云薄山在縣城北十里穆天子傳登
薄山賓軫之陞南北狹薄謂之薄山亦卽中條之
異名耳封禪書云自華以西名山七薄山其一也
水經注云薄山一名襄山有蓼水出襄山蓼谷有
恭水出甘泉山俱流入河經曰河水又東永樂澗
水注之水北出薄山南逕河北縣城西故魏國也
城南西二面並去大河可二十餘里北去首山十
許里處河山之間土地迫隘是以魏風著十畝之
詩矣經又云渠猪之山渠猪之水出焉南流注于
河括地志以爲雷首山一名中條山亦曰襄山

皆其支委所分總一山耳今按永樂溪
水源注河正與渠猪勢合亦不殊乎襄嶺故楊
雄河東記曰河靈饒賜掌華踏襄者也○志云萬
壽堡在縣西北八里周顯王時芮民西接于秦葺
此堡以爲防守廢址尚存○太尉堡在縣東南十
五里唐劉世讓嘗屯兵于此本名鳳凰堡芮民呼
世讓爲太尉故以名之○龍潛宅在縣西二十五
里李叫村西南崖下唐高祖微時隱焉後成帝業
築臺壇立石表刻唐高祖神堯皇帝寓居九宇大
中十一年縣令高玄修○姜太公祠在縣東南二

卷之四

八

十五里之呂坡周太師封于齊三十君呂德仁晉
泰始元年出爲河北郡太守至後秦洪始十六年
隴西太守呂凭創基立廟有二碑見在○陳平祠
在縣東北二里平葬于蒲陰縣八世孫漢魏郡太
守陳康於此分居乃立祖廟令宗族祭祀又有陳
平北廟在縣北一十五里按碑文云二十六世孫
陳處靜以唐武德四年爰從故墓自南遷北廟有
古碑二柏森然○縣有涼軒宋嘉祐間河南李實
作記李鴻詩云盛夏暑已極此軒涼復生天除前
吏酷地借長官清種竹風千樹敲茶月一枰方知

北窓傲不獨是淵明○于夏青院在縣東北之馮村莫詳所始及廢里人尚呼爲于夏學○馮武其先南陽人寓芮城光武中興爲先鋒破敵退則殿後封陽虛侯

絳州在府城南領縣三

故絳新田俱在曲沃之境今州則後魏武帝之東雍州也周武成二年改爲絳州唐初義師將入關次古堆去絳十餘里郡守陳叔達堅守不下高祖命尉人日明日早下絳城然後食乃引兵攻城自旦及辰破之○寰宇記云柏壁在州城西二十里

山西名勝志卷之四

高一丈周八里今爲鎮唐太宗以秦王時擊敗宋金剛于此因建堡曰秦王壁卽後魏東雍州及後周所置絳州理也建德六年移州理于稷山縣之玉壁隋開皇二年又自玉壁移今理○唐史代宗寶應元年絳州突將王元振以儲積不克殺行營都統李國貞諸軍因剽掠不已朝廷遣郭子儀鎮之子儀軍至元振頗以爲功子儀曰汝臨賊境輒害王將若賊乘其釁無絳州矣乃收元振殺之由是河東諸鎮始知有法○郡國志云臨汾故城在州東北二十五里漢縣也隋徙於晉州始改爲

因正平郡爲名而東雍州卽正平郡所改者

○經注云汾水又西逕正平郡南故東州治魏太和中罷州立郡又西逕王橋澮水入焉○汾澮二水俱在治南東北自曲沃縣界流入漢臨汾縣以水而名春秋左氏晉平公齊景公至澮上有大鼠狸身狐尾隨車卽此水也又昭公二十九年龍見于絳郊今有龍谷水在州東北十八里是矣古老傳云後周與齊王交聘使者於此賦詩曰臨龍谷○州西北六里哺饑坂卽晉趙盾哺桑間餓人處舊有靈輒祠今廢又十五里有晉靈公臺在修城

山西名勝志卷之四

中左傳宣二年晉靈公不君從臺上彈人觀其避九卽此臺也修水出其城下西南逕臺側漢高二年封杜恬爲侯國今名長秋鎮又有古水出九原山西九原一名九京檀弓趙文子與叔向觀於九原卽趙盾之葬所也古水俗卽謂之鼓堆泉泉上有堆形如覆釜人行履之其聲如鼓故水分二派東曰清泉西曰灰泉引入州城以注于汾廊道元曰汾水又西與古水合出臨汾縣故城西黃阜下其大若輪西南流故橫溝出焉東注于汾○志云絳守居園池引鼓堆泉爲之池中建泗漣亭旁

花柳唐樊宗師刺是州刻石記之其文鈎
于石仍爲之序歐陽修詩嘗聞紹述絳守君偶來
覽登周四門異哉樊子惟可吁心欲獨出無言初
窮荒搜幽入有無一語詰曲百盤紆執云已出不
刺製句斷欲學盤庚書荒烟古木蔚遺墟我來嗟
祇得其餘柏槐端莊偉丈夫蒼顏鬱鬱老不枯觀
容新麗一何姝清池翠蓋擁紅蕖胡虜虎搏豈足
道記錄細碎何區區虞氏八卦畫河圖禹湯旱魃
暨唐虞豈不古奧萬世模倣世妓巧日卑汚以音

山西名勝志卷之四

矯薄駭羣愚用此猶得追韓徒我思其人一踟蹰
作詩聊謔爲坐娛○石刻絳帖舊在儒學宋淳化
間摹勒古名人書于石 本朝宣德初移置晉王
府○文獻通考詩一卷兩朝國史云歐陽修於絳
州得注本卷首殘缺因補成進之○金石畧云唐
絳州刺史李公德政碑崔巨撰劉鈞八分書大曆
二年二月○絳州碧落觀天尊像高丈餘唐龍朔
中刺史李謨所造上有篆文爲二道士來求因閉
戶成之篆畢化二鶴飛去按趙明誠勘定絳州碧
落碑文乃高祖子韓王元嘉四男訓誼譔謀爲其

先太妃所製陳惟玉書今此碑在州治內盛傳于
世○金石畧載唐裴耀卿碑許孟容撰宋次道春
明退朝錄載皇祐中王沂公之弟子融守河中以
唐明皇所題裴耀卿碑額之上仁宗遂御篆賜沂
公額曰旌賢此碑元和中立文與額皆歸登書非
明皇題疑子融所上者乃明皇書裴光庭碑耀卿
光庭二碑皆在絳州也又按新唐史列傳云耀卿
字煥之而碑字子煥其不同如此○金石畧又載
唐康日知墓誌李紆撰唐書日知傳云祖植開元
中爲左武威大將軍而誌云祖端石生傳云日知

山西名勝志卷之四

終晉絳州有字故空節度使而誌云卒於左威衛
上將軍傳云累加檢校尚書左僕射贈太子太師
而誌云爲檢校兵部尚書其卒乃贈僕射紆與日
知同時人墓誌所書宜得其實也○歐陽公序參
知政事薛奎集畧云公絳州正平人自少以文行
推于鄉里旣舉進士獻其文百軸于有司由是名
動都下

稷山縣

在州西五十里
漢聞喜縣地後魏文帝置高涼縣於東南三十里
界隋開皇初改高涼爲稷山○水經注曰汾水又

逕稷山北在水南四十許里山東西二十里南北三十里高十三里山上有稷祠下有稷亭春秋宣十五年晉侯治兵于稷以畧狄土者也○志云稷神山在縣南五十里后稷始播穀于此陵廟在焉其麓跨萬泉安邑間喜夏縣界南有澆澆泉又縣北三里佛閣寺西有葫蘆泉又縣西之賈家莊有碧水泉其東北小社村有白楊泉皆注于汾○城塚記云蕪城在縣東北十里趙將蕪頗所築人名蕪城村○華谷城在縣西北二十里北齊斛律光攻後周勳州時築今名華谷村○玉壁故城在縣

山西名勝志

卷之四

三

西南十三里後魏大統四年東道行臺王思政表築此城而因自鎮之八年高歡寇玉壁思政有謀畧攻竟不克卽後周文帝移高涼縣所理也又有高歡城在縣西五里乃東魏高歡築與常孝寬對壘處孝寬爲思政所表代者地立勳州以孝寬故劉遂初詩魏相旌麾夕未還郎公名節蓋人間盛時文化無烽火玉壁關頭月滿山○耆老相傳縣東北十七里有義和墓堯時義氏和氏掌天地之官也二塚並立有祠○唐李商隱賦題稷山驛吏王全詩絳臺驛吏老風塵耽酒成仙幾十春過客

不勞詢甲子唯書亥字與時人

絳縣

在州東南一百里

亦漢開喜縣地後魏孝文帝置南絳縣因絳山爲名恭帝去南字直爲絳縣舊理車箱城唐武德元年移於澮川卽今理○鄆道元云縣南對絳山而背皆水漢高帝六年封越騎將軍華無害爲侯國○絳山在縣北十六里西入聞喜縣界東距白馬山絳水出其谷內懸流奔壑一十許丈青崖點黛素湍委練極爲奇觀一名沸泉水西北流注于澮史記稱智伯曰吾始不知水可以亡人之國今乃

山西名勝志

卷之四

四

知汾水可以浸平陽絳水可以浸安邑也於是韞魏之君共殺智伯○車箱城在縣東南十里晉侯聚城邑處羣公子之所在太陰山北麓四面懸絕陽景不到西魏大統五年修此城東西形長如車箱故名○太行山在縣東二十里山極高險西北諸山多其支委○橫山在縣南四十里東南跨垣曲界名太橫嶺涑水出橫嶺之乾洞伏流盤東地中復出西流逕聞喜縣界○山游經云教山多玉而無石教水所用考志教山今名効山亦名單山在縣東南八十五里入垣曲界○城塚記云晉文

公墓在縣東北二十里左傳文公卒將殯於曲沃
出絳柩有聲如牛唐貞觀初詔致祭禁樵薪青箱
雜記承議郎任隨成字師心劉景文甥也嘗謂余
言景文昔爲忻州守間數日率一謁晉文公祠既
至祠下必與神偶語久之乃出文公亦時時來謁
景文景文閉閤若與客語者則神之至也一日於
廣坐中謂一掾曰天帝當來召君吾亦當繼往坐
客皆相視失色已而掾與劉相繼而亡去後一日
死而復甦起作三詩乃復就塋其一云中宮在天
半其上乃吾家紛紛鸞鳳舞往往芝木華抑千謝
山西名勝志卷之四

垣曲縣在州東南三十里

人世聳身入雲霞公暇詠天海我非人世譚其二
云仙都非世間天神繞樓殿高低霞霧勻左右亂
龍徧雲車山岳聳風簾天地壘從茲得舊淫萬劫
毫端變其三云從來豪傑自消磨好笑人天事更
多良上異中爲進發千車安穩渡銀河詩成謂其
家人曰吾今掌雷部中不復爲世間人矣

下春秋襄二十三年齊伐晉戎郡部是矣白水
故垣縣在今縣西北城東有白水西南流合清水
○注水經云清水東南經陽壺城卽垣縣之壺丘
亭也後魏文帝置郡於陽壺舊城南臨大河左
傳襄元年晉人以宋五大夫在彭城者歸宣諸姪
丘註疏云河東東垣縣東南○清水又逕清廉縣
北郡國志云後魏割開喜安邑二縣地置以清廉
山爲名在縣西北五十二里隋大業間廢水經注
曰清水出清廉山之西嶺世亦謂清管山其水東
南流出峽峽左有城蓋古關防也清水厝其南東
山西名勝志卷之四

流經臯落城北服虔曰赤翟之都也世謂之倚毫
城蓋讀聲近傳因失實左傳閔二年晉侯使太子
申生伐東山臯落氏卽此其水與倚毫川水合水
出北山礦谷東南流注于清清水又東南流會南
溪水水出左人嶺下南流俗謂之扶蘓水又南歷
馬頭山亦曰白水東南西南逕垣縣故城北史記魏
武侯二年城安邑至垣卽是縣也其水西南入清
水色白而濁初會清流乃有玄素之異焉清水又
東南注于河經曰河水又東與教水合水出垣縣
北教山南逕輔山高二十許里上有泉源不測其

山西名勝志

卷之四

七

深山頂周圍五六里少草木山海經曰孟門東南有平山水出于其上潛于其下又是王屋之次疑卽平山也其水南流歷鼓鐘上峽懸洪五丈飛流注壑夾岸深高壁立直上經崖秀舉石有餘劖峯坎青松崑懸巖石於中歷落有翠栢生焉丹青綺分望若綢繡矣水廣一十許步南流歷鼓鐘川分爲二澗一澗西北出一百六十許里出岫迴岫纔通馬步今聞喜縣東北谷口猶有乾河里故溝存焉一水歷治官西世入謂之鼓鐘城城之左右有遺銅及錢城西阜下有人泉西流注澗與教水有遺銅及錢城西阜下有人泉西流注澗與教水

七

山西名勝志

卷之四

七

別校降之瀑水西屈逕關城南歷帳閣前亭西亭故周之苗邑矣又東流注于河經書清水非也是乃瀑水耳按志鼓鐘城在縣東北阜落城在縣西北各去城六十里王屋山在縣東北界詳見河內霍州在府城北百四十五里領縣一
寰宇記云沁水源出霍山經縣南一里西入汾水按卽漢鼓縣也周厲王無道周人流王於彘有厲王陵在州城東北是矣隋初置汾州于此後改爲呂州以西南十里有呂坡晉大夫呂甥之邑也州名取焉至大業置霍州郡唐宋如之金爲霍州○霍山一名太岳在州城東三十里禹貢曰既修太原至於岳陽風俗通曰霍者言萬物霍然大也爾雅西方之美者有霍山多珠玉正義曰今河東鼓縣有霍太山周禮職方氏冀州鎮曰霍山是也有觀堆祠在山下堆高二里周迴十里史記曰智伯率韓魏攻趙襄子懼保晉陽介過從後至於王澤有三神與過竹二節介遺無恤襄子齋三日剖竹有朱書曰余霍太山陽侯天使也余將使汝反滅智氏卒如其言遂祠三神使過王之俗謂其處爲觀阜○唐書云隋末喪亂武牙郎將宋老生屯兵

州學正所著有四書說太極圖通書西銘釋文孝經述解性理文集儒家宗統及有疑錄夜行燭筆書座下足着兩磚處皆穿在霍十餘年後調蒲州學正霍諸生上章乞留蒲諸生亦上章爭之霍先上得允竟終于霍

靈石縣 在州北一百里

水經曰汾水又南過通晉津與桐水合注云汾水關名也在雀谷一名晉津谷俗謂之雀鼠谷寰宇記云介休縣東有高壁嶺雀鼠谷汾水關皆汾西險固之所隋開皇十年因巡幸傍汾開道取其平

山西名勝志 卷之四

圭

直得石文曰大道好吉因分置靈石縣故有介山縣在治北三十里界汾水在縣北十步深一丈濶三丈北自介休縣來西南流入河○郡國志云晉出山在縣東北二十里即太岳也下有五龍泉晉文公封介推綿上田處冀州圖云綿上田有五龍水即龍泉也以供祭祀感動則泉流聲絕則水竭也此○志云綿山在縣東二十里與沁水介休地里毗連山下有白口谷谷水出焉流過縣城入汾又有仁義河出縣東南五十里之尖陽山流經仁義驛入于汾○魯班縛在縣西南三十里世傳魯

班所修故名又其地有宋老生寨高四里與秦頭相對蓋老生所築以拒唐兵之處其近有賈錫保唐義兵次霍邑屯此後因神語從微道進云

吉州 在府西一百七十里 領縣一

隋開皇之吉陽郡宋之吉鄉軍也金為吉州東魏會置定陽郡以定陽胡人渡河居此後周之西汾州則以汾水所經為名唐貞觀之慈州則以治內慈烏戍為名亦春秋赤狄庸咎如之國晉北州公于夷吾所居○水經注曰河水又南合水入焉東出牟求川西逕北州縣故城南城即夷吾所介

山西名勝志 卷之四

圭

邑王莽之朕北也汲郡古文曰崔章救鄭次于南屈應劭曰有南故加北國語晉二五言於獻公曰蒲與二屈君之疆也其水西流注于河河水又南為採桑津春秋僖八年晉里克敗狄於採桑是矣河水又南逕北州縣故城西十里有風山上有穴如輪風氣蕭瑟習常不止當其衝飄也而畧無生焉蓋不定衆風之門故耳風山西四十里河南有孟門山山海經曰孟門之山其上多金玉其下多其壑涅石淮南子曰龍門未闢呂梁木壅河出孟門之上水溢逆流無有丘陵高是城之名曰洪水

出疏通謂之孟門故穆天子傳曰北登孟門九河之踰孟門即龍門之上口也實謂黃河巨阨兼孟津之名矣此石經始禹鑿河中激廣夾岸崇深西崖返捍巨石臨危若墜復倚古人有言水非石鑿而能入石信哉其中水流交衝素氣雲浮崩浪萬尋懸流千丈渾洪鼎怒鼓若雲騰濤波頗疊迄于下口往來遙觀者常若露沾人方知慎子下龍門流浮竹非駟馬之追矣又有燕完水注之異源合今西流注河河水又南得鯉魚歷澗東入窮溪首便其源也爾雅曰鯉鮪也出羣穴三月則上山西名勝志卷之四

三

渡龍門得渡爲龍否則點額而返非夫往還之會何能便有茲稱乎按志風山在州北三十里又二十里爲包山上有伏羲古廟因名曰壺口即禹貢之既載壺口也孟門在州西七十里界黃河北自文城縣界流入去州六十里州之南有南澗流入河臨河有城後秦姚萇所築曰姚萇城又有耿城以殷祖乙會遷于此隋改吉陽郡爲耿州故名取焉

鄉寧縣在州城西北

後魏之昌寧縣也五代改爲鄉寧蓋分自臨汾太

一縣置按泊城在縣西三里即古鄉寧縣也因水忠徙今所○圖經云柏山在縣東十五里其山多相故名○林山在縣西二十五里上有白起亭○尖山在縣東南二十里上有廉頗祠○馬頭山在縣南六十里其山峭崿如馬首漢置驛縣于此武帝分爲國駒幾爲侯東漢省又十里爲南乳山山有兩岫望之宛若乳形○城邑攷云廢長寧縣在縣西四十里人名西寧村○廢昌香縣在縣東南八里後魏置昌縣于此唐貞觀初改名昌香以舊昌本縣爲名周顯德年併入○倚梯故城在山南名勝志卷之四

三

縣西南一百五里累石爲之東北兩面據嶺臨谷西南二面俯瞰黃河懸崖絕壁百有餘尺其西南角即龍門之上口也以城在高嶺非倚梯不得上因以爲名城中有禹廟後魏文帝西巡立碑今見存○寰宇記云黃河北從吉昌縣界流入去縣七十九里城南有鄂水出縣東北五十里之宋家溝三郭下里引爲四渠溉田以入黃河又縣東自三十五里有路都口每大雨西山諸水會于此口入河

隰州在府城西北領縣二

○曰隰州前後皆爲龍泉郡矣隰州溫泉二
里隰元省人爾雅下濕曰隰以州帶泉泊下濕故
有取于此也○寰宇記云龍泉山在州北七十里
石樓縣界山下牧馬多產名駒乃有龍泉之號○
又十里爲蒲子城晉文公所居也有斬裾垣在其
地按蒲子山在州城東北五十里世傳堯師伊蒲
子隱處漢以此名縣有蒲水源出蒲川之石樓山
經州城西又南流入大寧縣界今州固改自蒲子
云○紫川水源出隰川縣東與黃櫨水相近黃櫨
水出縣東北之黃櫨谷並流入蒲川有故橫城在

山西名勝志

卷之四

五

縣南二十五里隋仁壽四年楊諒作逆遣僞將吳
子通屯兵于此橫絕蒲川道矣○溫泉縣唐武德
間置有溫泉在縣廨宇內東北五十步有池方圓
十二步其水冬溫故名○縣南高嶺有蒲谷山爲
煎鍊絲礬之處其城爲殺城俗訛以神聖穀於
此有天井關在太行山上魏武帝轉輸之處羊腸
道也按志龍泉城在州東二里溫泉縣廢縣在州東
南五十里○一統志云州東七十里五鹿山山上
有五鹿大夫廟北七十里妙樓山有龍泉池山
宇高廣可容千人因得妙樓之稱○明月泉在

北十里其東石壁蒼黑中有白石光瑩如月照水
故名○州南十里龍子秋亦名瀑布泉水出山谷
門西人大昕川嘗有龍見于此又有柴子川在州
西南之合流城川至大寧縣馬關關入黃河○唐
義旌初起隰城尉房玄齡謁李世民於軍門秦王
一見如舊識署記室參軍引爲謀主○文獻通考
劉景文集十卷陳氏曰左藏庫使知隰州劉季孫
景文撰環慶死事將平之子也蘇軾嘗薦之軾在
杭季孫寄詩有四海共知霜鬢重陽會柿菊花
無之句

山西名勝志

卷之四

五

太寧縣

在州西南
九十五里

後魏于北屈地立作城縣作城既廢因立太寧有
翠微山在城澗河南爾雅山未上曰翠微此山隔
河故以名之○本州志云孔山在縣西北二十里
耆老傳云此山頂上二孔如車輪三所東西相去
二丈其深不測唐天福間建廟其東崑石上有聖
水泉流入日斤川○日斤川在縣東南從隰川及
蒲縣兩界水並呼爲日斤川其水屈曲入黃河有
退過谷在縣東北二十五里耆老云其谷內草牛
馬食之常瘦因名退過谷其水流入日斤川○志

云石子神山在縣西南四十里世傳石其姓子爵
而大夫碁之後廟食于此又二十里爲龍窠水北
徐永和縣界南流入慈州文城縣界其水峻急不
可舟楫禹貢導河積石至于龍門亦此地也又有
龍窠在縣南三里半崖上其龍形以唐大曆初黃
龍養子此山故名○浮圖鎮在縣城北齊河清四
年築隋移縣治於此大業間廢○南北寨在城南
北各去縣一里元末石丞相公權院使李子厚置
守○鎮關山在縣西七十里以西臨馬關關故名
河水自關下過

山西名勝志

卷之四

三

永和縣

在州西
百五里

統志云仙芝谷在縣北五里谷內常產芝草故名
有五花泉在治城內北齊河清四年有龍自泉中
出其水流入仙芝谷有索隨谷在縣西北三十里
其水西注仙芝谷以入黃河寰宇記云仙芝谷西
卽縣理也本曹魏之譙郡縣高齊之臨河縣矣隋
開皇中改永和以縣西永和關爲名○志云永和
城在縣西南九十里譙郡城在縣西南三十五里
又有石羊城在縣西南五十里後魏太武置石羊
軍于此孝文移之茲城遂廢又樓山廢縣在縣南

十里後周置歸化縣隋改曰樓山唐貞觀廢○樓
山有二一在縣東南三十五里曰北樓一在縣南
四十八里曰南樓兩山相對其狀如樓唐取以名
焉○佔北山在縣東三十五里舊有佔北神祠
不知所本○烏龍山在縣西四十里北齊時有烏
龍見于此立有烏龍廟

山西名勝志卷之四終

山西名勝志

卷之四

三

山西名勝志卷之五

閩中曹學佺能始著

大同府隸山西布政司 領州四縣七

大同縣附周之大同川地也唐天寶元年于此置

大同軍節度使秦之雲中郡漢之平城縣遼金之

別都也冀州圖云古平城在白登臺南三里漢書

匈奴呂頤南踰句注攻太原高帝自將擊之至平

城呂頤縱精兵三十萬圍高帝于白登七日故當

時諺曰平城之下亦良苦七日不食不能發弩按

志云白登山在府城東七里○寰宇記云元魏道

山西名勝志卷之五

武帝徙都平城置司州牧及代尹有行宮在都田

貴山俗曰河頭殿按後魏西京即雲中城也宮垣

有臺東西對峙蓋雙闕之制云又有方山宮宋固

陵俱在郡城西北五十里方山上北史魏文帝母

馮太后遊方山顧川阜有終焉之志因築宋固石

室曰百歲後神其安此乎○志云魏宮垣在府城

北門外有土臺東西對峙即雙闕處後爲天王寺

○遼金宮垣在府城西門亦有二土臺如雙闕之

制路寢之基猶存城內有保安殿金大定中建城

西北隅有粧褰樓相傳遼時蕭太后所翫○尚堂

寺在治東南一名永寧寺建自後魏內有金玉像

高一丈八尺外有九級浮圖高九十餘丈上剎復

高十丈鈴鐸聲聞十里○華嚴寺在城西門實建

于遼內有南北閣東西廊北閣下銅石像數尊中

石神主五男三女二銅神主六男四女二內一銅

人袞冕帝王之像垂足而坐餘皆巾幘常服危坐

舊傳乃遼帝后真形也重熙七年建薄伽教藏于

正殿東南 國朝洪武三年改正殿爲大有倉二

十四年卽敎藏置僧綱司而寺復立焉○注水經

云雲中御河水西流合桑乾河水郡國志以爲如

山西名勝志卷之五

渾水也一名御河其水兩源合而爲一歷府城東

南流與武川水合注桑乾河武川水源出縣西二

十里之武川山水溢峪中有石窟寺謂之石窟寒

泉魏孝文帝所遊幸也流至府城南注如渾水

寰宇記引唐書貞觀十四年勅自朔州北界定襄

城移雲州及定襄縣于此按定襄城在治西北二

十八里漢定襄郡也領定襄成樂等縣有成樂城

後魏初拓拔力微都此號盛樂城一名石盧城唐

于此置振武軍因爲振武縣矣又西北二十里有

平地縣城本金平地泉設在石碌山下其山出石

舊故名元始置縣 國初廢○志云陰山道青陂道皆在定襄城北冀州圖云雲中城周廻十六里北去陰山八十里南去漢長城百里卽白道川也白道川當原陽鎮北高阪有土穴出泉古曲云飲馬長城窟卽此欲至山上當道有千餘步地土白如石灰遙望百里卽見之皆陰山路矣長城在府城北十里大同以西紫河以東橫亘而至碣石連綿千餘里崔豹古今注云秦築長城土色皆紫故稱爲紫塞也○青陂道自平城東南四十里西北出至紇真山東北斜向平城西門東出經白登山

山西名勝志 卷之五

三

南一百步仍東回二十里出渴鉢口更北行六十里至陽門口其道始魏聖武田于山澤神自天降聖武感而生男卽神元帝魏始祖也按梁元帝橫吹曲有朝敔青陂道暮上白登臺之句卽此○紇真山在治東北五十里胡言紇真猶漢言千里也其山冬爰積雪諺曰紇真山頭凍殺雀何不飛去生處樂又有神泉人歌曰紇真山頭有神井入地千尺絕骨冷○寰宇記云平城馬邑凌原二丈積水五十尺唾出口成冰牛凍角折然火山焚泉于中是出注水經云西溪水導源火山山有火井南

北七十步廣數尺許深不見底炎熱上升常若雷霆發響以草爨之則烟騰火發亦名榮臺井東五六尺又有湯井廣輪與火井相狀熱勢亦同以草內之皆沾濡露結故俗以湯井爲日井比百步有東西谷廣十許步南崖下有風穴劣容數人其深不測穴中肅肅常有微風雖三伏亦漬重裘○舊經云郡內有漢三都尉理所有唐三受降城城朔方總管張仁愿所築也冀州圖云柵過城在郡西五十里漢縣卽中部都尉理所武進故城在郡東一百四十里漢西部都尉理所北學城鎮在郡北

山西名勝志 卷之五

四

四十里漢右部都尉理所○東受降城在廢東勝州東北八里隋之勝州也東北有河濱關唐河濱縣設焉其津曰君子津詳水經注下○自東受降西行三百里至中受降城卽漢九原縣唐之雲中都督府也仍置橫塞軍于城內遼改爲雲內州州有夾山與古豐州之黑山並峙山有九十九泉流爲黑河又有紫河在豐州之黑峪口流入雲內州注黑河黑河源出官山西流至東勝州入黃河黃河北遶東受降城歷廢武州二百五十里南流入太原之保德州界○自中受降西北八十里至

西受降城卽漢之五原郡也治九原縣隋改爲
州矣志云今府城北四百餘里有七寶山山下有
城相傳卽漢五原郡城入塞圖云從平城西北行
五百里至雲中又西北五十里至五原又西北行
二百五十里至沃野鎮又西北行二百五十里至
高闕又西北二百五十里至郎君戍又直北三十
里至燕然山按沃野者其地沃良沙上盡黑功省
稷倍每至七月皆燕隋富民縣設焉高闕塞在豐
州河之西趙武靈王築長城自代傍陰山至高
闕者也唐書地理志云雲中都護府有燕然山
山西名勝志卷之五

上有李陵臺蓋陵思漢不得歸登此以望故鄉又
謂之拂雲堆矣漢書竇憲出雞延塞鄧騭出稠陽
塞遂至燕然山云五原有延雞郎君二城皆漢時
戍守之地又有沙井在豐州西北其外卽沙陀地
城塚記云王昭君青塚在豐州西六十里地皆白
草此塚獨青故名青塚唐杜甫詩一去紫臺連朔
漠獨留青塚向黃昏○水經注曰羊水出平城縣
西苑外武周塞北東轉逕燕昌城南按燕書建興
十年慕容寶軍敗于柔合死者六萬人十一年
柔比至見積骸如山設祭吊之禮死者父兄皆號

泣哀慟垂慚憤嘔血因而寢疾舉過平城北四十
里疾篤築燕昌城而還比俗謂之老公城羊水又
東注于如渾水亂流逕方嶺上有文明皇太后陵
東北有高祖陵二陵之南有永固堂堂之四周隅
雉列榭階欄及扉戶梁壁椽瓦悉文石也檐前四
柱採洛陽八風谷黑石爲之雕鏤隱起以金銀間
雲雉有若錦焉內外四側結兩石趺中有青石屏
風竝隱起忠孝賢像題刻貞順之名廟前鐫石爲
碑獸在家左右列栢四周迷禽暗日院外西側有
思遠靈園園之西有齋堂南門表二石闕闕下斬

山西名勝志卷之五

六

山累結御路下望靈泉宮池峻若闕鏡矣羊水又
東注如渾水又南至靈泉池池東西一百步南北
二百步池渚舊名白楊泉上產白楊樹因以名焉
其猶長楊五柞之流稱矣南面舊京北背方嶺左
右山源亭觀繡峙方湖泛景若三山之倒水也如
渾水又南逕北宮下舊宮人作薄所在如渾水又
南分爲二水一水西出南屈入北苑中歷諸池沼
又南逕虎圈東魏太平真君五年成之以牢虎也
春秋之月觀御園上勅虎士効力於其下事同奔
戎生制猛獸卽詩所謂袒裼暴虎隄于公所故魏

有捍虎岡矣又遷平城西郭郭外有郊天壇壇側有碑建興四年立其水又屈遷平城縣故城南史記曰高帝先至平城史記音義曰在雁門卽此縣矣王莽之平順也魏天興二年遷都于此太和十六年造太極殿及朝堂夾建象魏東西掖門皆飾以觀閣近東接和殿殿階下有一碑卽太和中立殿之東北接紫宮寺寺對承賢門門南爲皇信堂四周闔古聖忠臣烈士之容刊題其側是辯章郎彭城張僧達造堂南對白臺臺甚高廣列壁閣路自內而升國之圖錄秘籍咸積其下臺西卽朱明

山西名勝志卷之五

七

關直侍之官出入所由也如渾水右合火山西谿水其水東北流合武州水武州水又東南流水側有石祇洹舍并諸窟室比丘尼所居也其水又東轉逕靈巖南鑿石開山因崖結構真容巨壯世法所諦山堂水殿煙寺相望林淵錦鏡綴目新眺川水又東南流出山魏土地記曰平城宮西三十里武周塞口者也自山口枝渠東出入溉諸園池苑囿一水自枝渠南流東南出火山水注之水發火山東谿東北流出山山有石炭以水鍊之熾同樵薪矣又東注武周川逕平城縣東南流注如渾水

又南逕白登山西服虔曰白登臺名也去平城七里平城傍之若丘陵焉今平城東十七里有臺卽白登臺臺南對置阜卽白登山孫暢之述書曰漢高祖被圍七日陳平使能畫作美女送與呂嬃呂氏恐冒頓勝漢其寵必衰說呂嬃解圍于此矣其水又逕寧先宮東獻文帝之爲太上皇所居故宮也宮之東次下有趙石虎鄴城東門石橋柱建武中造以其石作工妙徙之于此余爲尚書祠部與宜都王穆熙同拜北郊親所經見柱側悉鏤雲烟上作蟠螭其背形狀去于丹碑側達矣其水又南

山西名勝志卷之五

八

逕平城縣故城東司州代并治皇都洛陽以爲恒州水左有大道壇廟始光二年少室道士寇諷所建兼諸嶽廟碑亦多其畧立廟階三成四周欄檻土階之上墜木爲圓基令干相枝梧以板砌之欄墜承阿上員之制準于明堂專室四戶室內有神座座右列玉磬皇輿親降受錄靈壇壇之東北舊有靜輪宮神廡四年造抑亦柏梁之流亞也臺廟高廣超出雲間欲令上延賓客下絕羣浮太平貞君十一年又毀之物不停固白雲亦繼覆矣水右有三層浮圖真容驚傑結石爲之鋼鏤麗質厥

善庭中有祇道碑題大篆不必爲作然亦帝
聖佛法豐盛神圖妙塔築時相望法輪東轉茲爲
上焉其水自北苑南出歷京城內河于兩涘悉累
石結崖夾塘之上雜樹交蔭郭南兩石橫水爲梁
又逕籍田及藥園東西明堂上闢下方四周十二
戶九堂而不爲重隅也室外柱內綺井之下施棧
輪備繚碧仰象天狀畫北辰列宿每月隨上所建
之辰轉應天道加靈臺于其上下則引水爲辟雍
矣○注水經又云河水出塞外西逕定襄武進縣
故城北西部都尉治王莽更名代蠻世祖建武中
山西名勝志卷之五 九
封趙慮爲侯國白渠水西北逕成樂北郡國志曰
成樂屬定襄魏土地記曰雲中城東八十里有成
樂城今雲中郡治一名石盧城也白渠水又西逕
魏雲中宮南魏土地記曰雲中宮在雲中故城東
四十里白渠水又西南逕雲中故城南虞氏記云
趙侯自五原河曲築長城東至陰山故趙地矣又
于河西造大城一箱屢崩不就乃改卜陰山河曲
而禱焉晝見群鵠遊于雲中徘徊經日見天光在
其下武侯曰此爲我乎乃卽于其處築城今雲中
城是也秦始皇十三年立雲中郡縣曰遼服矣白

渠水又西北逕...故城南王莽之希恩縣也
其水西注沙磧湖又有芒干水出塞外南逕鐘山
鐘山卽陰山故郡中侯應言于漢曰陰山東西千
餘里單于之苑囿也自孝武出師攘之于漠北匈奴
失陰山過之未嘗不哭水出山南逕武臯縣王
莽之朮武矣又南逕原陽縣故城西又西南與武
泉水合其水東出武泉縣故城西南縣卽王莽之
順泉也水南流又西屈逕北與縣故城南地理志
曰五原有南與縣故此加北舊中部都尉治其水
又西南入芒干水西南逕白道南側帶長城背山
山西名勝志卷之五 十
面澤謂之白道南谷口有城自城北出有高阪謂
之白道嶺嶺上土穴出泉挹之不窮余每讀琴操
見琴懷相和雅歌錄云飲馬長城窟及其樂勝斯
途遠懷古事始知信矣顧瞻左右山上有垣若額
基焉公谿亘嶺東西無極疑趙武靈王之所築也
芒干水又西南逕雲中城北白道中谿水注之水
發源武川北塞中其水南流逕武川鎮城以景明
時築禦北狄于此其水西南流歷谷逕魏帝行宮
東世謂之阿計頭殿宮城在白道嶺北阜上其城
圓角而不方四門列觀城內唯臺殿而已其水又

西南歷中谿出山西南流于雲中城比南注芒于水芒于又西塞水出懷朔鎮東北芒中南流還廣德殿西山下余以太和十八年從高祖北巡屆于陰山之講武臺臺之東有高祖講武碑碑文是中書郎高聰辭自臺西出南上山山無樹木唯童阜耳卽廣德殿所在也其殿四柱兩厦堂宇綺拱圖畫奇禽異獸殿之西北便得焜煌堂雕楹鏤角狀古之溫室也其時帝幸龍荒遊鸞朔北南秦王仇池楊難當捨蕃委誠重譯拜闕陛見之所故以廣德爲名魏太平真君三年刻石樹碑勒宣時事碑

山西各勝志

卷之五

上

頌云肅清帝道振攝四荒有蠻有夷自彼氏羌無思不服重譯稽顙恂恂南秦歛歛推亡幟幟廣德奕奕焜煌侍中司徒東郡公崔浩之辭也碑陰題宣城公李孝伯尚書盧遵等從臣姓名其水歷谷南出陰山西南入于河河水濟有君子之名昔漢桓湖湖水西南入于河河水濟有君子之名昔漢桓帝十三年西幸榆中東行代地洛陽大賈濟金貨隨帝後行夜迷失道往投津長田子封送之渡河賈人卒死津長埋之其子尋求父喪發冢舉尸資費一無所損其子悉以金與之津長不受事聞帝

曰君子也卽名其津爲君子濟去雲中城西南二百里○志云古大同城在白羊川有白羊城今爲虜所沒因設白羊堡以鎮之古玉林衛今之大同右衛是雲門衛今之左衛是也我正統間主將急守虜騎突來接關不支因徙于此東西有天成威遠二衛天成東南有晚霞山勢最高聳日落之後返照成霞故名又以其形似蓮花亦曰蓮花出城西比角百餘步有泉一人汲之不溢百人汲之不窮俗謂之湧泉○威遠衛去郡西百二十里城南百五十步有滄頭河再一百八十里之駱駝山下

山西各勝志

卷之五

上

有兔毛河俱由東勝州入黃河又一里爲大鹽澤沒越澤卽古豐州治

懷仁縣

在府城南七十里

五代晉李克用與阿保機會于東城有懷想仁人之語故縣取名焉遼始置本雲中縣地也縣有清涼山在城西二十里錦屏山在西南二十五里又十里爲金龍山此山泉與馬邑金龍池脉相通故名又有玉龍山在城西北四十里中有七峰石洞天橋皆自然之勝○志云灰泉在縣東二十五里元大德間地震漂出松柏朽木卽此泉也神泉在

縣北四十里泉有二眼其味甚甘又有涉泉在縣
治內魏設縣曰涉泉本此○唐張仁愿祠在縣儀
門卽築受降城者縣西南五十里有偏嶺口過此
有大嶺蘆子阿毛四口皆往受降城之路也

渾源州在府城東南
百二十里

州以川名按渾源川源出州西南嘆士嶺分流至
西北界灤爲大澤西流至城北五里之神溪溪中
有派石方一畝高丈餘上有律呂神祠祠下水曲
折而西北入桑乾河唐初置渾源縣于此宋因之
金陞爲州元析置縣曰恒陰後省入○名山記云

山西名勝志

卷之五

五

恒山在州南二十里卽北嶽也水經謂之玄嶽舜
北巡狩至此山南有玉華峰形如削玉故名又有
翠屏山其色秀麗如屏又有栢山山高多栢一名
栢梯朱弁渾源州記云層巒疊嶽林木鬱蒼中有
香爐峰突起而屹立者此栢梯之奇觀也瀝水出
焉西南合溫泉水入系乾○志云恒山高侵霄漢
其頂名天峰嶺下建北嶽觀觀側有飛石竈相傳
石自塞外飛來因建后土祠以鎮之觀前風出如
虎吼名虎風口距東南五十里有潛龍泉旱禱立
應兼能愈疾上建龍泉觀觀之東有夕陽巖巖下

有通玄谷東面有碧峰嶂東南有古老嶺嶺下有

白虎峰觀之比峰頂百餘步有翠棋臺會仙府聚

仙臺得一卷又東北有白雲堂初入山之徑名步

雲路行數里有翠雪亭上高敞曰望仙嶺半崖有

集仙洞東北有紫芝峪西南有石脂園金元好問

詩大茂維嶽古帝孫太朴未散真巧存乾坤自有

靈境在地位豈合他山尊中原旌旗白日暗上階

樓觀蒼烟屯誰能借我兩黃鵠長袖拂玄都門

○封龍山一名龍山在州西南四十五里夏時雨

過山氣上騰如虹故名州東北五里有玉泉山其

山西名勝志

卷之五

五

東連栢山山之東北有惠嶺秀麗可愛又名秀麗
峰下有黑龍池雲氣上昇不三日而雨其東有五
峰山上有三陽洞東北有玉泉山皆爲勝槩金末
李冶元好問張德輝嘗遊此山時號龍山三老○
孫臏山在州東南六十里上有孫臏寨因名相距
數里有龐涓寨舊傳孫龐二人聚兵制敵于此山
南麓有千佛洞皆鑿石而成○崞川在州東北二
十里漢設崞川縣以此流經州南十五里之崞家
庄合渾河○嘔夷水發源州東南五十里之崞峰
嶺灤峰石溝堂山諸水自西北來東南流經崞馬

臨沁水出焉山海經曰沁水出焉是山注水經謂
溫夷之水蓋古今異名也今名纏河○懸空寺在
州南磁窑口內石壁巉巖如削懸空結構飛閣相
望下臨無地游者股栗石峽上刻張君祥統扇若
葫蘆狀人過此雖暑熱亦似風生

應州

在府城南
百二十里

領縣一

古陰館縣漢書有下館在山之陰矣曰陰城曰金
城皆隋唐縣也唐復于縣置應州以龍首雁門二
山相應而名○按龍首山在州東北三十里山勢
南跨雲中雁門山在州南山之北與龍首相望也
山西名勝志卷之五

五

南有茹越口東南有北要口較黃沙胡略諸口差
大按界則爲鹵城鹵城漢縣屬代郡東漢屬雁門
郡○志云舊州城在今治東十里後唐李克用遷
金城于天王村南此城遂廢城內有金鳳井相傳
晉王生時有金鳳飛入故名又云劉知遠宅在州
東北二十里有石甃井存○廢金城縣本漢陰館
縣建安末廢唐改置金城縣 國初省改爲偏學
未樂間掘出金城縣印四字又有廢汧城在治西
之大定街北後因兵燹而廢○舊傳州有三關四
鎮趙霸關在城東黃花岡在城西護駕關在城南

安邊鎮在城東大羅鎮在城南司馬鎮在城西神
武鎮在城北元好問詩南北東西俱有名三關四
鎮護金城○志云雲山在州東南四十里又十里
爲翠微山○黃花嶺在州西北三十里龍灣山在
州南四十里上有龍池西南距越嶺連繁時界又
五里爲香峰山上有香降古寺及石甃井其水入
桑乾河○水經注云濕水出雁門陰館縣東北過
代郡桑乾縣南地理志曰濕水出累頭山一口治
水泉發于山側沿坡歷澗東北流出山逕陰館縣
故城西縣故樓煩鄉也漢景帝後元三年置上蔡
山西名勝志卷之五

六

更名富城矣魏天安三年齊平徙其民于縣立平
齊郡濕水又東北流左會桑乾水縣西北上平洪
源七輪謂之桑乾泉卽漆涪水者也耆老云其水
潛承太原汾陽縣北燕京山之天池

山陰縣

在州西
六十里

本陰館縣地金析置今縣亦以陰館而名○縣南
二十五里復宿山古碑云文殊大師經行留宿之
處一名佛宿山山下出水名何家泉縣北四十里
黃花嶺一名黃灰堆後魏文帝于嶺上築三城俗
以日沒城爲黃昏城早起城爲雞鳴城併日中城

外有龍灣谷黃水河出焉流注桑乾水○水經注曰武州塞水出故城東南流出山逕日沒城南蓋夕陽西頽戎車所薄之故城也東有日中城城東又有早起城亦曰食時城在黃爪阜北曲中其水又東流右注桑乾水桑乾水又東南逕黃爪阜曲西又屈逕其堆南徐廣曰猗盧廢嫡子曰利孫于黃爪堆者也又東有令枝津津上承桑乾河東南流逕桑乾郡北大魏因水以立郡受厥稱焉又東北左合晏崖山水水南出晏崖山之東豁西北流

山西名勝志

卷之五

七

逕故城北又西北入桑乾枝水枝水又東流津委浪通結兩湖淵潭相接水至清深晨見夕雁泛濫其上黛甲素鱗潛躍其下俯仰池潭意深魚鳥所寡唯梁木耳俗謂之南池池北對涅陶縣之故城南故曰南池也池水又東北注桑乾水爲濕水並受通稱矣濕水又東北逕魏亭西蓋魏天賜三年所經建也濕水又東北逕白狼堆南魏烈祖道武皇帝于此遇白狼之瑞故阜納稱焉阜上有故宮廟樓榭基雉尚崇每至鷹雉之秋羽獵之日肆閱清野爲昇眺之逸地矣濕水又東流四十九里東

逕巨魏亭北又東畔川注之按志龍門山在縣南三十里亦名隘門上有御射臺後魏文成帝嘗較射于此有碑記其陰刻從臣姓名

朔州

在府西南二百里

領縣一

樓神記云昔秦人築城于武州塞內以備胡城將居而前者數矣忽有馬馳走周旋反覆父老異之因依馬跡以築城城乃不崩遂名馬邑案宇記云馬邑城卽州理也史記漢高帝以韓王信居太原郡爲韓國以備胡信以晉陽去塞遠請理馬邑卽此城矣按忠馬邑城在今州城之東又有新城鮮

山西名勝志

卷之五

太

卑猗盧所都晉劉琨表鮮卑猗盧封代公徙馬邑是也後魏始都代孝文遷洛之後于州北三百八十里定襄故城置朔州高齊天保六年移置州西南四十七里之新城卽猗盧城八年乃移馬邑○志云鄯陽廢城在州城西北隅古城內本秦馬邑隋改鄯陽國初省入州○州境內有桑郡城冀州圖云在治北二十里卽爾朱榮所居秀容川也白樓在此城內十六國春秋後魏納姚興女爲后建此樓以望故國飾以鈴粉故名○安邊城唐開元十七年置安邊縣在橫野軍內其後移理不完

○太平城後魏穆帝所理冀州圖云太平城上埤垣却敵東西南北各十里內有統萬所送大釜二口各受二百石城外有元姬山道武侍人李姓者善謳死葬此山魏主思之命樂府製曲傳焉○大同城一統志云州北界之牟那山隋大同城之舊墟也附近爲耳背城及秦長城俱在山麓去州三百里按今屬新平堡邊外黃台吉五路部落所居○武州城在州西一百五十里本趙武州塞漢晉之新城縣也後唐李克用生于神武川之新城即此冀州圖云武州山在郡西北東西數百里南北山西名勝志卷之五 尤

厚五十里山之南面千仞壁立有神武尖其別峰之一耳賀拔氏宗族居之又西二略曰東靈口白羊金蕭融爲武州刺史嘗于東靈建臺榭以備遊觀白羊谷中水卽武州川之源也東南流至府城南十五里注如渾水○寧武城在州西南七十里之翠峰山東連石碣北接馬驤西至陀羅臺南卽寧武軍口盤踞凡二百餘里州南三里之灰河源出此山口北流至洪岸村伏流十五里湧出經城南入桑乾水九邊輯畧云寧武關之陽方口極衝虜窺東中二路必由此入近移總戎于此以爲適

之地○葛榮城城中有揚泉冀州圖云後魏太和中文明皇太后來幸遂釣鯉魚一雙長三尺以黃金爲鎖穿腮放于池內後皆長五尺其一浮天爲五色虹而去久之乃滅後一在池至孝昌元年六月行臺元淵北伐頓此池取魚鱗甲非常淵忌而殺之得金二斤八兩淵來年爲葛榮所殺因築城以處之○水經注曰馬邑川水東逕馬邑故城南或謂代之馬城也漢以斯邑封韓王信後爲匈奴所圍信遂降之至武帝時馬邑豪赫壹因大行王恢言遣將軍騎材官匿馬邑旁谷中以致匈奴

山西名勝志卷之五

平

奴匈奴入武州塞始覺大驚引兵還漢將追之不及卽斯處矣其水流注桑乾水桑乾水又東南流水南有故城東北臨河又東南右合濕水亂流枝津南分桑乾水又東左合武周川水水出縣西南山下二源翼導俱發一山東北流合成一川北流逕武州縣故城西王莽之桓州也又東北右合黃山水西出黃阜下東北流聖山之水注焉水出聖山東流注于黃水黃水又東注武周川又東歷故亭北會如渾水如渾水夾御路南流逕遼臺西魏神瑞三年毀以建白樓樓甚高竦加觀榭于其上

以石粉瞞瞞綴紛故世謂之白樓也後置
大城于其上晨昏伐以千椎為城里諸門啓閉之
候謂之戒晨鼓又南經皇舅寺西是太師昌黎馮
公晉國所造按後魏書馮熙字晉國文明太后兄
也官定州刺史進爵昌黎王在諸州鎮建佛圖精
舍今七十二處孝文帝為侍中太師寺有五楹
浮圖神圖像皆金青石為之加以金銀火齊衆綵
之上燁燁精光如渾水又南逕永寧七級浮圖其
制其巧工緻寡雙又南逕出郊郭郭外陰街絲楊
被浦公私引裂用周閭繞長塘曲池所在布設故
山西名勝志卷之五

不可得而殫述矣○隋薛道衡及命河朔始入武
州輕車初逐李定遠未隨班受詔祈連返中威疎
勒還飛蓬損腰帶秋髮落客顏寄信舊相識知余
生入關唐釋無可送李騎曹之武寧一歲一歸寧
涼天數騎行河來當塞曲山遠與沙平獵獵旗風
卷聽旂帳月生新鴻引塞色廻日滿京城

馬邑縣在州東四十里

古大同城也唐于此置馬邑縣取古馬邑為名建
中間嘗徙朔州治此○縣西北十里洪濤山一名
累頭山澧水出焉仰桑乾之源也漢書謂之治水

水經謂之漆涪水矣又北有雷山上源泉水出焉
西北有金龍池盧澤泉龍泉寺水皆合注之○志
云紫金山在縣南連亘數百里極為險要廣武城
在其下漢書韓王信與匈奴也廣武以南是也縣
西北有魯臺世傳唐李靖築以觀星者縣東南六
十里有太和嶺嶺北口西出十里有雁門關兩崑
峭拔中路盤旋崎嶇以達山頂置關戍守焉附近
有佳古楊六郎各寨○九邊輯畧云古大同城在
大同山上今離新平堡外一百五十里黃台古五
路部落駐此極強悍夏移聚白海子○圖經云

山西名勝志卷之五

圭

乾河源出縣北洪濤山下與金龍池水合流經山
陰應州大同縣界東南入蘆溝河又按水經其河
源自太原汾陽北下之天池伏流至朔州馬邑縣
雷山之陽源為七泉曰上源曰玉泉曰三泉曰司
馬洪濤曰金龍池曰小盧曰小浦七泉合而為一
是謂桑乾河之源山縣治之西東南流朔州北有
七里河西北下峪有獵河南山有灰河及雁門關
太和嶺凡水自南而北者悉歸之過應州則渾源
水自東來至順聖則蒭蘆河水注之經廣靈靈仙
定安而西以至渾陽之楊河懷來之瀉河又滑石

之水自東北來者及山西之水皆合是爲合河至宛平縣境分而爲二一從葫蘆溝東南入海一從金口絡都城東合白河入海此河之源委也唐賈島詩客舍并州已十霜歸心日夜憶咸陽無端更渡桑乾水却望并州是故鄉

蔚州在府東南三十里 領縣三

周宣帝始置蔚州古代郡也漢高帝元年項羽徙趙王歇爲代王今有代王城在州東二十里一名參合城韓王信以馬邑降胡與胡同居參合漢將軍柴武屠其城是也○志云九官山在州東三十

山西名勝志 卷之五 壹

里口通易州玉屏山在州北六十里西接襄山鴛鴦口在州東六十五里兩山相峙如鴛鴦然路通保安右衛○倒刺山在州東七十里又號雪山俗傳靈仙所居與五臺山畧等按五代晉改興唐縣爲靈仙以此志云一名太白山上有奇石形如馬頭俗謂之馬山旁有石洞產赤土相傳周穆王乘七駿至此而斃其血化爲土也○高是山在州西北七十里山海經云高是之山滋水出焉又嘸夷河源亦出此山周禮并州川曰嘸夷是矣嘸夷河亦曰嘸麻河上槽狹下流濶有似嘸麻故名○滋

水在州西南三十里之南馬庄名流水泉東北流入壺流河州西有煖泉其水夏涼冬溫又西十里許有飲馬泉父老傳云唐太宗飲馬于此州北界天城內之海水泉及舊州代王城內金波泉俱流注之雜志曰代王城周迴二十九里九門遺址俱在金波泉發源其北夾城東南流卽搜神記所謂初築時亡西南板于澤中自立者也○志云定安廢縣在州東七十里本漢代郡東安陽縣詳水經下又弘州城在州西北九十里漢陽原縣唐之安邊郡也遼置此州今之弘賜堡沿其名○水經注

山西名勝志 卷之五 壹

云如渾水又南流逕班氏縣故城東王莽之班固也閼駟曰班氏在郡西南百里北俗謂之芸留城如渾水又東南流注于濕水濕水又東逕平邑縣故城南趙獻侯十三年城平邑地理志曰屬代王莽所謂平胡矣十三州志曰城在高柳南八十里俗謂之醜寅城濕水又東逕沙陵南魏金田之地也事同曹武定鄴中矣濕水東逕班氏縣故城北漢書孟康注云班氏字音權精王莽更名之曰班聚也十三州志曰縣在高柳南百三十里俗謂之吉力干城濕水又東逕道人縣故城南地理志曰

王莽之道仁也地理風俗記曰初築此城有仙人遊其地因以爲名城北有淵潭而不注故俗謂之平湖濕水又東逕陽原縣故城南地理志曰代郡之屬縣也俗謂之北鄉城濕水又東東陽水注之水出縣東北澤中俗謂之太拔迴水水自源東南流注于濕水又東逕東安陽縣故城北趙惠文王三年封長子章爲代安陽君此卽章封邑王莽之號安矣地理風俗記曰五原有西安陽故此加東濕水東逕昌平縣濕水注之水出南境下三源俱導合而南流東北逕濕水濕水又東逕昌平縣故

山西名勝志

卷之五

五

城北王莽之長昌也昔牽昭爲魏鮮卑校尉屯此濕水又東北逕桑乾縣故城西又屈逕其城北王莽更名之曰安德魏土地記曰代城北九十里桑乾城城西渡桑乾水去城十里有溫湯魏任城王彰以建安二十三年伐烏丸涿郡逐北遂至桑乾止于此矣水又東流祁夷水注之水出平舒縣東逕平舒縣故城南澤中史記趙孝成王十九年以汾門子燕易平舒徐廣曰平舒在代王莽更名之曰平涼後漢世祖建武七年封陽武將軍馬成爲侯國其水控引衆泉以成一川魏土地記曰代

流西九十里平舒城西南五里代水所出東北流矣祁夷水又東北逕蘭亭南又東北逕石門關北舊道出中山故關也又東北流水側有故池按魏土地記曰代城西南三十里有代王魚池池西北有代王臺東去代城四十里水西北流逕南舍亭西又逕句環亭西西北注祁夷水祁夷水又東北流逕城西盧植言初築此城板幹一夜自移于此故乃就以爲治城固匪而不方周四十七里間九門更名其故城曰東城趙滅代漢封孝文爲代王王莽更之曰厭狄亭魏土地記曰城內有二泉

山西名勝志

卷之五

五

一源流出城西門一源流出城北門二源皆北注代水祁夷水又東北熱水注之水出綾羅澤澤際有熱水亭其水東北流注祁夷水又東北谷水注之出昌平縣故城南又東北入祁夷祁夷右會逆水水導源將城東西北流逕將城北在代城東北一十五里疑卽東代矣逆水又西注于祁夷之水逆之爲名以西流故也祁夷水東北逕青牛淵水自淵東注之耆諺云有潛龍出于茲浦形類青牛焉故淵潭受名矣祁夷水又北逕一故城西西去代城五十里又逕昌平郡東魏太和中置西南去

故城六十里又北連水入焉水出離晉縣東西北流逕離晉縣故城南又西到刺山水注之水出到刺山西山甚層峻未有片其巔者魏土地記曰代城東五十里有到刺山山上有作大黃其水北流逕一故亭東城北有石人故世謂之石人城西北注連水又北逕當城縣故城西漢書高祖十二年周勃定代斬陳豨于當城應劭曰當桓都山作城故曰當城也又逕故代東而西北流注祁夷水祁夷水西有隨山山上有神廟謂之女郎祠祁夷水又北逕桑乾故城東而北流注于濕水地理志曰

山西名勝志

卷之五

毛

祁夷水出平舒縣北至桑乾入濕是也濕水又東北逕石山水口水出南山北流逕空侯城東魏土地記曰代城東北九十里有空侯城其水又東北流注濕水濕水又東逕潘縣城北東合協陽關水水出協溪魏土地記曰下洛城西南九十里有協陽關關道西通代郡其水東北流歷并頭山關驪曰并頭山在潘城南卽是山矣又北逕潘縣故城左會潘泉故瀆瀆舊上承潘城中或云并所都也魏土地記曰下洛城西南四十里有潘城城西北三里歷山山上有虞舜廟十三州記曰廣平城

東北一百一十里有潘縣王莽更名樹武其泉經廣十數步東出城注協陽關水雨盛則通注陽旱則不流惟并泉而已關水又東北流注于濕水又東逕雍洛城南魏土地記曰下洛城西二十里有雍洛城桑乾水在城南東流者也濕水又東逕三臺北濕水又東逕無鄉城北地理風俗記曰燕語呼亡爲無今改爲宜鄉濕水又東溫泉水注之水上承溫泉于橋山下魏土地記曰下洛城東南四十里有橋山下有溫泉泉上有祭堂雖晉華字被于浦上石池吐泉湯湯其下炎涼代序灼焉無改

山西名勝志

卷之五

宋

能治百疾池水北流入于濕水濕水又東左得于延水口水出塞外于玄鎮西長川城南小山山海經曰梁渠之山無草木多金玉修水出焉東南流逕且如縣故城南應劭曰當城西北四十里有且如城故縣也代稱不拘名號變改校其城郭相去遠矣地理志曰中部都尉治于延水水出縣北塞外卽修水也修水又東南逕馬城縣故城北漢東部都尉治十三州志曰馬城在高柳東二百四十里俗謂是水爲河頭河頭出戎方土俗變名耳又東逕寧丁城南右合延鄉水水出縣西山東逕延

陵縣故城北地理風俗記曰常城西北有延陵故縣也俗指謂之琦城川又東逕羅亭又東逕馬城北又東注修水又東南流逕大寧郡北右注雁門水山海經曰雁門之水出于雁門之山雁出其間在高柳北高柳在代中其山重巒疊嶽霞舉雲高連山隱隱東出遼塞其水東南流逕高柳縣故城北舊代郡治秦始皇二十三年虜趙王遷國爲郡王莽之所謂厭狄也建武十九年世祖封代相舉爲侯國昔年招斬韓忠于此處魏志李招字子經太祖辟爲從事遣詣柳城時韓忠爲公孫康使

山西名勝志

卷之五

无

者擅拜峭王爲單于招提忠頭頻繁拔刀欲斬之峭王驚怖抱招救請跪伏受勅教焉其城在平城東南六七十里于代爲西北也雁門水又東南流屈逕一故城背山面澤俗謂之叱嶮城雁門水又東南流屈而東北積爲潭其陂斜長而不方東北可二十餘里廣一十五里蒹葭叢生焉敦水注之其水導源西北少咸之山南麓東流逕參合縣故城南地理風俗記曰道人城北五十里有參合鄉故縣也敦水又東燕水注之出東阜下西北流逕故城北俗謂之和堆城又北合敦水亂流東北注

雁門水故山海經曰少咸之山敦水出焉東流注于雁門之水郭景純曰水出雁門山謂斯水矣雁門水又東北入陽門山謂之陽門水與神泉水出葦壁北水有靈神及其密雲不雨陽旱愆期多禱請焉水有二流世謂之比連泉一水東北逕一故城東世謂之石虎城而東北流注陽門水又東逕三會亭北又東逕西何道城北又東託台谷水注之水上承神泉于葦壁北東逕陽門山南託台谷謂之託台水汲引泉露澤潯東注行者間一十餘渡東逕三會城南又東逕託台亭北又東北逕馬

山西名勝志

卷之五

辛

頭亭北東北注雁門水雁門水又東逕大寧郡北魏太和中置有修水注之卽山海經所謂修水東流注于雁門水也地理志有干延水而無雁門修水之名自下亦通謂之于延水矣水側有桑林故時人亦謂是水爲桑桑河也北土寡桑至此見之因以名焉于延水又東逕置城南按史記燕人蔡澤謝病歸相秦號置成君疑卽澤所邑矣世名武置城延水又東左與寧川水合水出西北屈東南流逕小寧縣故城南地理志云寧縣也西部都尉治王莽之博康矣魏土地記曰大寧城西二十里

有小寧城昔邑人班丘仲居水側賣藥于寧百餘年人以爲壽後地動宅壞仲與里中數十家皆死民人取仲尸棄于延水中收其藥賣之仲被裴出從而詰之此人失怖叩頭求哀仲曰不恨汝故使人知我耳去矣後爲夫餘王驛使來寧北方人謂之謫仙也于延水又東黑城川水注之水有三源出黑土城西北奇源合注總爲一川東南逕黑土城西又東南流逕大寧縣西而南入延河延河又東逕大寧縣故城南地理志云廣寧也王莽曰廣康矣魏土地記曰于洛西北百三十里有大寧城

山西名勝志 卷之五 三

于延水又東南逕茹縣故城北王莽之殺武也世謂之如口城土地記曰城在鳴鷄山西十里南通大道西達寧川于延水又東南逕鳴鷄山西土地記曰于洛城東北三十里有延河東流北有鳴鷄山趙襄子殺代王于夏屋而奔其土襄子迎其婦于代姊曰代已亡矣吾將何歸遂磨笄于山而自殺代人憐之爲立祠焉因名其地爲磨笄山每夜有野雞鳴于祠屋上故亦謂之鳴鷄山魏土地記云代城東南二十五里有馬頭山其側有鐘乳穴在代郡東南二十五里一名磨笄山長老云昔有

代王者居代城中與蘇約有誓相救置鼓爲信胡人入傳鼓蘇救不至代王出奔國爲丘墟又曰廢城南數里小山卽鼓臺也余尋之果然仍名其處曰擂鼓塢○暖泉書院在城西三十里暖泉村元工部尚書王敏建遺基尚存

廣靈縣 在州南六十里

後唐置本開元之安邊縣地也輟說云今之鎮邊堡是元慎台古部落駐此地名柳溝離城六十餘里夏移駐龍會距三百餘里○志云縣西北五里有千夫山山出花斑石千人取之不盡上有神祠

山西名勝志 卷之五 三

民常祈禱于此亦名千福山又十里爲九層山山有九層崖出泉僅斛許可供百餘家名一斗泉○加斗山在縣東南十五里上有圮城不知所本或傳以爲寡婦城也又其地有智老岩昔人築此以避兵亦名智老岩○平頂山在縣北三十里其頂方平故名又有一山居中四圍七山相向謂之巧八山有滴水巖泉竇自穴中出滴水成池左近爲牛欄窩山周圍有天生石欄故名○老山在縣東北三里其山皆石百草環生若點翠然亦名翠山越三十里爲瓦房山形如瓦屋可居百人又其地

有三分皆設樺山上樺山者其山多產樺樹也○
壺流川一名滋水源出縣西三十里莎泉山下其
水名莎泉東注合壺川山下其水名神泉二水合
流形乃如壺流經蔚州城北注順聖川入桑乾河
○城南五里有集興障池其水清湛冬夏不竭注
壺流川縣西南十五里有小河出直峪山下又五
里有枕頭河發源滋雨泉出直峪山之崖孔間又
二十五里有勒漢砦有家泉出焉潯源林管山下
俱入壺流川○縣西十三里有作障池方十畝其
水潛縮中約五畝遇雨雪脈動則池湧漲東注壺
山西名勝志 卷之五 壺

廣昌縣 在州南百

本漢縣魏封樂進爲廣昌侯卽此在隋曰飛狐縣
以縣北飛狐口而名飛狐者相傳有狐于紫荆嶺
食五粒松子成飛仙也邢勵曰古長城在飛狐界
漢書酈食其說漢王曰杜白馬之津塞飛狐之口
皆一方之阨也謂之飛狐道晉中興書云建興中
竊琨自代出飛狐口奔于安次卽此道矣○志云
飛狐洞在縣南十里未及洞有七山相連名曰七
山河水出焉卽漆水之源也相傳宋將楊彥朗拒
敵于此亦名拒馬河縣東南二十里有山嶺以彥
朗曾插箭其上名插箭嶺○縣東南五十里有白
山西名勝志 卷之五 蔚

流又三十七里有白羊山舊傳白羊寺遺址在馬
下有小河亦注壺川俗傳此山有泉濤瀑奔騰聲
如唾玉名曰瑞泉卽其源也○漆源泉出縣城南
里許東流合拒馬河入紫荆關又縣東南平地上
亂泉湧出上建豐水神祠東流爲葫蘆河入定安
縣西界此豐水也志云水源出天井山深五六尺
雖旱不竭有寺曰天井寺水伏流自城東南平地
始湧耳天井山西南去縣二十里洪池理志嘯夷
所經有豐水神祠是也

山多白石其山口曰白石口又南三十里有倒
馬關山路險峻馬行常蹙側因名已上諸口皆通
保定府之易州及唐縣界○漆水又東水仄澗水
入焉唐乾寧間李克用討燕帥劉仁恭過此一名
交牙川水經注云唐昌縣南有交牙城以交牙川
爲名又云祁夷水西逕廣昌城南代南二百里石
廣昌城西通大嶺十三州記曰平舒東九十里之
廣平城是也○鏡嶺在縣東四十里山石皆鏡色
其山有鐵山堡又十里爲紂王城城內有比干廟
又迤北十餘里爲黑石山山石多黑與白石口

對○登梯山在縣西南四十里山路險峻直上如梯故名又十里爲驛馬嶺又二十里爲雕窩崖有洞產銅舊設銅山冶唐貞元間廢○李存孝祠在縣西北十五里交牙川側存孝晉王克用養子在唐戰功獨多後以讒死而晉王始哀存孝當邑人其鄉里爲立祠○馬戴次飛狐縣作遠歸從此別親愛失天涯去國頻廻首方秋不在家鳴咽塞路冷雁背龍砂西次桑乾曲洲中見荻花

靈丘縣在州西南百五十里

本漢縣以趙武靈王葬此地也寰宇記云靈丘故

山西名勝志

卷之五

靈

城在縣東十里又二十里爲武靈王臺王阜尚存○縣南二里有楊六郎城其西三十里有蕭太后城六郎城僅南一面俗傳蕭太后與六郎聚兵相敵六郎誑其築城實逸已兵也又有歆城及水側有莎泉亭詳水經註○志云縣有龍泉源出東北二十里之龍泉山又有聖水泉出西北三十里之聖水山又有黑龍河出縣西四十里之黑龍谷又有白馬泉出縣西北四十里之白馬谷其水皆南入滹河滹河卽滹水也水經注云滹水出代郡靈丘縣高是山卽嘔夷之水也高是山直縣西北安

若廻嶺連麓接勢滋水經此嶺懸流五丈湍激之聲響動山谷樵伐之夫咸由此渡巨木淪胥久乃方出或落岬石無不粉碎滋水東南過石銘陁有石銘其上云冀州北界其水又南逕候塘川名也又東合溫泉水水出西北眩谷其水溫熱如湯故謂之溫泉焉東南流逕興豆亭北亭在高原上歆傾而不正故世以歆城目之東流注于滹水又東泉水注之水導源莎泉南流水側有莎泉亭東南入于滹水又東逕靈丘縣故城南應劭曰趙武靈王葬其東南二十里故縣氏之縣古屬代漢靈帝光初元年中山相臧晃上請別屬地理志曰靈丘之號在武王前又按司馬遷趙敬侯九年敗齊于靈丘則名不因靈王事如漢注矣滹水自縣南流入峽謂之隘門設隘于峽以譏行旅歷南山高峰隱天深溪埒谷其水沿澗西轉逕御射臺南臺在北阜上臺南有御射石碑南則秀郭分霄層崖刺日積石之峻壁立矗上車駕每出所游藝焉魏土地記御射臺側有御射碑後魏文帝南巡至此路左有山高七百仞令群臣射之不過半帝乃射之箭過其頂三十餘仞落山南三百步遂刻石其碑

山西名勝志

卷之五

靈

見存陰刊從臣姓名流承又南流東屈逕北海王
祥石碣南崩石柱北而南流○按志御射碑在縣
南十里太白山上上有鐘乳穴其深不測仰望穴
中乳如懸穗滴瀝在小石井內北海王諱祥魏文
帝之子也石柱在縣東十五里之隘門山亦曰隘
口今呼爲龍門枚廻嶺在縣西北之鹵城○靈寶
許論九邊圖論曰大同古雲中地川原平衍故多
大舉之寇西則平虜威遠中則右衛水口等處皆
稱要害蓋虜南犯朔應諸城必窺之路也東則大
城陽和爲虜入順聖諸處之衝而平虜西連老營
山西名勝志卷之五

期二也二邊旣復宜寧等縣棄地亦可漸理三也
文錦失處而致變後人懲噫而廢食可乎高山聚
落二堡蓋在鎮城兩腋間實爲東西虜衝募軍分
駐則按伏之費省犄角之勢成無容別議顧募軍
之糧所宜亟補耳北虜貢路例在大同先襄毅巡
撫時三年兩貢各邊有寧宇者數年往歲榆林款
塞說者謂似涉和議拒而不納亦典章之未備也
夫北虜稱款難矣反自疑阻然則歲歲侵暴而勞
費者是當然耶河南山西歲運多不及額而屯田
又多通負是故是食之計非例外發銀專官糴買
山西名勝志卷之五

督守雲中當日給士卒饗軍更無所不周使廣靈
斥堠就水草頓止人人自便是以能用其衆以制
匈奴今之邊臣有能愛將士若此者乎先襄毅巡
撫之日雖不敢擬諸古人至裁占役禁掃寇恤調
遣優死傷未嘗不誠心以求之是以鎮人至今不
能忘焉今平日恩德既無以結其志臨時節制又
無以宣其威不幸有變遂因而爲姑息之政姑息
必疑疑則阻威之不服而思之不懷祇成一驕悍
之習耳由今之道馭今之卒厝火積薪因以爲安
吾不知大同所終也○輯畧云 國初封代王于
山西名勝志 卷之五 五

大同築大邊二邊以備胡虜宣德間又設東勝玉
林雲川衛所及豐州雲內榆林二縣置官更兵民
以守之正統時主帥宴樂于樓子寨致虜突入樓
戰不前遂將玉林移于右衛雲川移于左衛豐州
雲內縣民遷于應朔等處大邊二邊併衛所州縣
盡失之與諸胡連袂矣又川原平衍虜騎馳驅朝
發夕至疾如風雨東犯則掠順聖諸城南犯則窺
應朔諸州論險隘雖各路俱衝而中東二路之北
及西路之新平堡更甚嘉靖三年巡撫張文錦等
築弘賜五堡尋以部軍作難中止嘉靖十八年

督毛伯溫總兵周尚文相繼成之爲內五堡復增
設鎮羌等爲外五堡嗣是靖虜滅胡新平雲嗣偉
林等堡先後修繕分副帥于西陲布列特于險要
各蒞以兵備使者而督撫建牙並峙于百里之內
綢繆區畫已無遺策嘉靖末年俺荅強盛板升奸
民丘富等敢以攻城之術右衛被圍者七月始解
攻尅墩堡屠掠之慘至今談之色變款市以來乘
暇修築沿邊垣牆屹然改觀三雲形勢非復昔日
殘破之舊矣第款貢四十餘年人狃于姑息法弛
于因循我之情形虛實虜備知之且板升逆黨適

山西名勝志 卷之五

罕

來蟻聚更繁儻一旦淪盟其害恐不止如往日者
頃夷酋五路與素囊構隙彼此治兵謀欲相攻素
囊召匠數百打造盔甲器械演放鳥銃極其精熟
夫虜悍我者火器爾鍊器礮礮法禁森然沿邊奸
民闖出無忌使中國之長與虜共之此他日莫大
之患也豈可視爲末節而不嚴爲之防禁者乎○
極衝平虜城大同右衛助馬堡新平堡井平堡大
同城得勝堡天城城平遠堡保平堡鎮羌堡弘賜
堡破虜堡威虜堡寧虜堡威虜堡殺胡堡雲石堡
威平堡威胡堡鎮川堡乃河堡迎恩堡高山堡○

次街大同左衛陽和城朔州城永嘉堡靖虜堡鎮邊堡鎮虜堡鎮河堡牛心堡靈丘城馬邑城應州城懷仁城渾源城廣靈城○新平堡邊外黃台吉五路台吉青把都松木兒台吉段奈台吉哈木台吉等部落老小兵馬五萬餘精兵實有八千冬駐地名大同山離新平堡一百五十里夏移駐白海子北岸離本邊三百餘里極強悍○堡平堡邊外毛明暗台吉兵馬二千有餘冬駐地名北漢赤老兔離堡四百餘里夏移駐無囊素太離邊六百餘里○守口堡邊外擺腰兀慎台吉老少兵馬一萬

山西名勝志

卷之五

聖

餘精兵一千七百有餘冬駐地名哈喇圪蛇離堡二百餘里夏移駐一克失人兒太離邊五百餘里○鎮邊堡邊外兀慎台吉部落二千有餘冬駐地名柳溝離堡六十餘里夏移駐龍會離邊三百餘里○得勝堡邊外順義王三娘子老小兵馬約有五萬歸化城駐牧離邊百有一十餘里○助馬堡邊外打郎台吉等下老小兵馬約有二千離邊二百餘里駐牧○施家口邊外不他失禮子素蒙台吉老小兵馬一萬有餘離邊一百里與三娘子駐牧相去不遠○右衛殺胡堡邊外順義王下倚兒

野邊沙赤星老小兵馬約有三萬冬駐豐州離堡君墓離堡二百餘里夏移駐青山後失喇教卜離邊六百餘里○殘胡堡邊外順義王下打賴阿拜台吉兵馬五萬餘冬駐地名忽重兔那林離邊二百五十餘里夏移駐失喇跌不哈離本邊五百里○威遠堡邊外及言黃台吉麥力良台吉着力兔台吉等老小兵馬約有三萬餘離邊約遠一千里駐牧○那家堡邊外麥力良台吉老小兵馬二萬離邊約四百里○平虜衛邊外冷克木台吉哈台吉宰生儻不浪打兒漢儻不浪老小兵馬二萬有

山西名勝志

卷之五

聖

餘精兵實有八千冬駐地名哈喇兀南離邊三百餘里夏移駐青山後一克失人兒太離邊八百餘里○井平堡邊外哈木台吉兵馬約有一千離邊一百里駐牧○志云舊大同右衛城北四十里有蘇武廟子卿奉使匈奴時過此後人立祠祀之唐孫飛卿詩蘇武魂飛漢節前古祠荒樹兩茫然雲邊雁斷胡天月隴上羊歸塞草烟迴日樓臺非甲帳去時冠劍是丁年茂陵不見封侯印空向秋波哭逝川

山西名勝志卷之五終

潞安府隸潞安府領縣八

本黎侯國湯所封也近於上都助紂爲虐西伯伐之書傳西伯戡黎卽此春秋爲赤潞子所據宣十五年晉滅潞子復立黎侯三家分晉屬韓別都戰國策謂秦有安邑則韓必無上黨後以遠韓近趙故卒歸趙秦併天下以爲上黨郡釋名云黨所也在山上其所最高故曰上黨後周建德七年始置潞州因潞水爲名唐開元二年以玄宗潛邸陞爲府後仍改州 我朝嘉靖中復陞爲府名曰潞安○志云黎侯亭在府城西南三十五里黎侯嶺上

山西名勝志

卷之六

云卽黎侯所築基址○德風亭在府治後崇臺唐玄宗建○城西北隅有啓聖宮卽明皇龍潛處按唐史景龍二年玄宗以衛尉卿兼潞州別駕後以所居爲啓聖宮有欹枕斜書壁存又啓聖宮之右建四十九瑞閣皆當時所上瑞應也閣成白鶴來翔侍臣張九齡等獻圖稱頌○唐王昌齡潞府客亭寄崔鳳童蕭條郡城閑旅館空寒煙秋月對愁客山鐘搖暮天新知偶相訪斗酒情依然一宿阻長會清風徒滿川○金石畧云唐上黨宮述聖頌張說撰裴淮正書開元十一年正月○唐明皇賜

上黨故吏敕書天寶十一載十月○唐上黨啓聖公亦明皇撰并八分書天寶十二載二月○遼游志異物志汲冢古文釋各十卷晉續咸撰咸上黨太守○聲律要訣十卷唐上黨郡司馬田疇撰序畧云一切樂器依律呂之聲皆須本月貞響若但執累黍之文則律呂陰陽不復諧矣故據經史參校短長焉

長治縣附郭

本漢壺關縣高后封惠帝子武爲侯國隋開皇中分壺關置上黨 國初省入州嘉靖中陞州爲府

山西名勝志

卷之六

因析今縣以由此長治爲名○一統志云壺關山其形似壺口也在縣東北十三里春秋哀四年齊國晏伐晉取八邑有壺口註疏晉地在潞縣東又東北有百穀山相傳上古神農嘗百穀於此山多栢樹一名栢谷山有百穀泉井在神農廟前巖壁幽邃風洞泉谷諸處尤稱殊絕宋元石刻俱在斗崖上○寔宇記云五龍山在縣東南二十里本名上黨山燕慕容永時有五龍見山上因置祠以禮祭五方之神故更今名其山松栢參霄煤煙可取爲墨唐李白詩上黨碧松煙益指此○周禮職方

潞州其川漳其水潞關關曰潞水卽漳水也十六國春秋苻秦苻與燕慕容評相禦於上黨評當水與軍人絹一水二石此無他大川可以爲沒所有惟漳水耳故上俗謂濁漳卽潞水也志云濁漳水在城西南二十里經襄垣梁城與清漳合○故城水在城西南十六里北流二重合石于河西流入濁漳○黎水出黎侯嶺下流經治西合故城水注濁漳又鷄鳴水出鷄鳴山下洶水出雄山下俱流與漳水合○八諫水在縣城南六十里出八諫山下八諫者相傳趙括之將八諫於軍中而括山西名勝志卷之六 三

不從因自刎死後佚其名但以八諫字之其水西流至長子縣界會於濁漳又城東南有靈泉山石洞出泉城西有龍潭水深不測俱流入漳○隋圖經云上黨南陽古以爲縣實都也上黨記云曹公圍壺關起土山於西城內築界城以遮之今縣內有子城周圍三里一十步爲郡治是○寶雨寺古塔在城西南隅製作工緻按卽晉潞州節度使李嗣昭所築夾寨以禦梁師者太平之日因爲塔基○戰國馮亭墓在城西北一里亭上黨太守史記秦伐韓上黨道亭以上黨歸趙不受封曰吾不

忍賣土地而食之也卒葬於此○後魏陸都督墓在府城西三里君諱旭仕至安北將軍都督并州史○慕容永墓在城西南營有記可攷永僭號西燕後爲慕容垂所滅卒葬此○唐都尉宋舉墓武德初起義將也功成辭賞晦跡樓真銘誌載之甚詳在西南二里○韓王書樓唐高祖子元嘉爲潞州刺史年甫十五聞母姬病涕泣不食居喪瘠毀太宗數慰勉之性好學積書至萬卷遺址尚存○粹經樓元太史王綱建著有五經會粹若干卷編脩程文爲之序

山西名勝志卷之六 四

長子縣在府城南五十里

漢縣班稱爲長子今彪之父也按左傳襄十八年晉人執衛行人石買於長子註疏屬上黨郡周史辛甲所封之地辛甲紂臣七十五諫而紂不聽乃去召公與語賢之告於文王武王克商始封於此○十道圖云長子城相傳堯子丹朱所築有慶雲山在縣東南五十里堯時五色慶雲見此寧宇記有堯水在縣西南十三里俗謂之洩水詳見下○縣南四十里之紫雲山與壺口相接唐明皇瑞應錄云帝潛潞邸重九與郡官登壺關山東北有紫

雲見光彩照日

縣谷在縣城西有大道入

靈口東出達襄陽

靈口東出達襄陽

千里○慈林山在縣東南三十里潛山在縣西南

十三里白佛頭山在縣西二十五里俱與慶雲紫

雲二山相連○武訖嶺在縣南四十五里風上記

曰秦趙戰於長平趙軍敗退秦將白起逐之至此

嶺上有廢長平關即坑趙卒四十萬者○發鳩山

在縣西五十里濁漳水出焉山海經曰發鳩山其

上多柘木有鳥狀如鳥而文首白喙赤足名曰精

衛其鳴自相呼云炎帝之女名女娃遊於東海溺

而返化為精衛常取西山之木石以堙東海發

鳩山上有靈湫泉即濁漳之源也以涉縣有清漳

故此稱濁○縣西南有傘蓋山一名散蓋其水曰

傘蓋水東北流入漳又縣西有刁黃山山多雜木

與發鳩山相連五代史後唐李克用將兵於刁黃

嶺即此山也其水入濁漳注水經以洹水出洹川

泰水出西方山俱在縣界流經沁水以達於漳○

水經注曰濁漳水出麓谷與發鳩連麓而在南淮

南子謂之發苞山左則陽泉水注之右則散蓋水

入焉三源同出一山以南北為別耳東過其縣南

山西名勝志卷之六

五

東堯水自西山東北流逕虎廟北又東北流合

於梁水梁水出南梁山北流至長子縣故城南竹

書梁惠成王十二年鄭取屯留尚子尚子即長子

之異名也梁水又北入於漳按梁山在縣東二十

里堯水散蓋水已見上○梁山之麓有鮑宣墓漢

司隸校尉坐辱宰相徙上黨卒葬於此其後子孫

散處屯留上黨之間○後魏風土記曰古神農城

在縣東南五十六里羊頭山山下有神農泉相傳

為得嘉穀之處上黨記云古之神農縣也縣西五

十步有石泉二所一玄一白甘美異常俗呼白穀

泉按羊頭山以有石狀如羊頭故名後漢安帝時

羌寇河東以任尚為御史擊破羌於羊頭山即此

○神農廟前有熨斗臺舊傳丹朱所築燕慕容垂

更修○崔元靖祠在縣治東南唐時邑令有善政

邑人祀之○宋劉絢知長子時督通賦不假鞭撻

而集歲大旱府遣吏視傷所蠲財什二絢封還其

揭請易之富公弼歎曰真縣令也

屯留縣

在府城西北五十五里

晉大夫余吾邑有故城在今縣西又名屯留水經

注曰故留子國潞氏之屬春秋宣十六年晉人滅

山西名勝志卷之六

六

漢以爲縣唐自霍壁移今理○一統志云疑山在縣西南十里後魏文帝見此山有伏龍疑不敢進因名其後唐玄宗自潞州入蓋其驗也○縣西北二十五里有三嶠山尚書湯伐三嶠卽此又卽后羿射九鳥之所志云此山三峯高峻故名山下有三嶠水神女泉西流注之○縣西南八十里有三嶠山岩岫盤曲孤峯秀拔藍水出焉通考云潞有藍水道書以爲福地冀州圖經絳水出留之鹿瀆山與藍水俱東南流入長子縣界與濁漳水合統

山西名勝志

卷之六

七

志以絳水亦出盤秀山也○水經注曰漳水東經屯留縣南又屈逕其故城北竹書梁惠成王元年韓共侯趙成侯遷晉桓公於屯留史記趙肅侯奪晉君端氏而徙居之於此矣其水又東流注於漳故許慎曰水出發鳩山入關從水章聲也漳水又東陳水注之水出西發鳩山東逕余吾縣故城南光武建武六年封景丹尚子爲侯國○按余吾城在縣西北十八里屯留故城在縣西十里之平村一名卞和莊楚卞和墓在焉碑文剥落又二十里有蒲谷水出蒲子谷又四十三里有高麗水出高

麗村及縣東北二十里之積石水出積石谷縣南八十里之八泉平地穴中湧水凡八又十里之霜澤水出霜澤山俱東北流入絳水以注於漳○後漢鮑永屯留人鮑宣之後也性至孝從吏始以擊破青犢光武時以誅彭豐累功賜爵關內侯○南北朝李業興潞州人博涉百家爲校書卽以造曆勳封屯留縣子其子崇祖能世其業○縣之構澤村有藕澤書院元隱士宋思約建○余吾驛在縣西關明學憲王汝孝有書余吾驛壁詩遊子倦行後悠悠懷故鄉明星燦夕輝飛旆疑朝霜髮以

山西名勝志

卷之六

八

憂時改心緣問道長歸田欲有賦豈學院生狂襄垣縣在府城北九十里以趙襄子所築也秦縣之後周置韓州於此有韓城在縣治北甘羅水之陽按志甘羅水距縣西三十五里東北合濁漳水有小漳水卽銅鞮水也自廢銅鞮縣流入漳又有涅水源出沁州之覆甌山東流入縣界注小漳水至縣南與濁漳合○志云鹿臺在縣南二十里臨濁漳水○錯上洪山在縣北三十里山峯業雜名呼不一故名又二十里爲五陰山相傳周公至此天陰霧者凡五日○仙堂

在縣東之五十里山勢鬼戩上有龍洞及仙堂
寺山岡有琉璃巖巖中有石如人又有石九圈如
草轆環水其中雖旱不涸前有隙地生石于藥九
隨人采取去則復生○寧宇記云天井關在縣東
南四十里天井谷內深邃如井魏武帝初遷鄴於
此置關○五嶺山在縣西六十里上有關隘戍守
○冀州圖云松門嶺在縣北一百三十里通太原
驛路○虎亭在縣西北五十里春秋昭八年叔弓
如晉註云賀虎祈也虎祈宮名顏師古曰虎音斯
今廢爲虎亭鎮○安仁城在縣北之十二里晉書

山西名勝志

卷之六

九

石勒攻破上黨安仁城卽此又十七里有寧城以
趙簡子寧所築因名○水經注曰銅鞮水東逕銅
鞮縣南城以水名也又東北流逕襄垣縣故城南
王莽之上黨亭矣銅鞮水又東南逕女諫水北則
諸池水與公主水合而又注之南則倫父水與皇
后水合而左入焉亂流東南注於銅鞮攷水經已
上七水俱在襄垣縣界惟銅鞮水出銅鞮縣北石
磴山志以縣西十里之雍子水出雍子村又五里
之下谷水出李谷村西北六十里之史水出三史
村俱入銅鞮以注於漳○銅鞮故城在縣西南漢

縣唐貞觀初廢韓翊送客之潞州詩官柳青
馬嘶迴風暮雨入銅鞮佳期別在春山裡應是人
參五葉齊○宋黃庭堅嘗寓襄垣有所遺像及薄
酒歌石刻士人至今寶重之方技傳有張騫者精
醫藥活人不責報魯直母安康君病秘結醫不能
治騫投七卽愈魯直厚致謝之騫一無所受按史
稱魯直性至孝以母疾辭官正其時事

潞城縣

在府城東北四十里

帝王世紀黃帝封其支子於潞春秋爲潞子嬰兒
國晉滅之漢爲潞縣十三州志云潞縣潞水出焉
山南名勝志

卷之六

十

流入濁漳是也隋加城字至今沿之○寧宇記云
微子城在縣東北二十里紂都朝歌潞在畿內微
子食采於此○大禹祠在縣東南十五里其山亦
名大禹山居民歲祀之○關龍逢祠在王屋山頂
與王屋縣接壤上黨記有關龍逢祠卽此○志云
鳳凰山在縣西北五里一名天冢岡相傳神農時
鳳凰棲於此山頂有風洞洞中有玉女泉深五尺
未嘗盈竭泉內時有白氣盛出蒙覆其上則雨土
人謂之玉女披衣○伏牛山在縣東南十五里相
傳昔有神牛爲民害踐食田苗晝伏夜出後有人

見一神逐牛入山更不復出因名又十里爲蓋井
山頂有泉石覆於上若天成然○三番山在縣
西南二十七里前趙劉聰遣將喬乘攻晉上黨太
守寵和於壺關晉北將軍王廣韓柔救之聰將喬
乘敗之於三番卽此處○冀州圖云潞縣西三十
里之黃阜山有城亦名黃沙嶺劉聰將恭母劇敗
晉將崔恕於黃阜因斬之○武王塢在縣西南四
十里塢東有後魏天柱將軍爾朱榮碑文曰建義
元年東討逆壁葛榮軍次上黨武王祠東原有後
兗從賊方而來天柱變弓射之口中則擒榮不中

山西名勝志

卷之六

十一

則否應弦而殞遂擒榮○交漳水在縣西三十五
里之交漳村濁漳水與絳水至此交流故名○壁
臺漳水逕其南光映如壁故名本潞子所創世名
之爲臺壁燕慕容垂伐慕容永於長子軍次潞川
永率精兵拒戰阻河自固垂陣壁臺一戰破之卽
此處矣○金石古文唐李衛公上西嶽神書刻在
潞城縣東北三十里衛公廟中宋崇寧二年立

壺關縣

在府城東
二十里

漢縣隋移置潁陽岡唐貞觀又移治清流川卽今
壺也俗名進流川○志云壺水在縣西北二里壺

關山下北流經府城北漢靈關三老令狐茂上
明廢太子寃者有墓存○東山在縣東南春秋閔
二年晉申生所伐名無辜也栲栳山在縣西南以
形似而名馬駒山在縣東十一里趙石勒時有人
於此獲一石形如馬駒因名唐書上黨有馬駒山
矣○縣東南二十二里大王山後魏書望氣者言
此山有王氣太武帝因疊石爲三峯以厭之後日
唐玄宗龍潛於此始應○黃山在縣南二十八里
其山色黃故名烏泉山在縣東南三十里以山色
皆黑也山半出泉伏地而流○太峪嶺在縣西南

山西名勝志

卷之六

十二

三十里上有鉞鑛趙屋嶺在縣南六十里亦產鉞
鑛及赤白石脂○縣東南七十里之安公山相傳
昔有比丘安公來隱於此未幾卒山頂忽有石棺
自出時人收而葬之因以名山又二十里爲三
山其山三面壅障故名山下出泉名藥水東流入
林慮界○道書福地記云抱犢山在上黨東南地
高七十丈有石城高十丈方一里南角有草名玉
枝冬生花高五六尺味頗甘取其葉末服之方寸
二三日不飢宜五穀多食物無惡毒寇賊不至玉
匱經云抱犢山東北去恒山南數百里南有穴行

三百里出美陽縣西七十里石洞口卽羊腸阪也
距縣東南一百六里名洞口沽水出焉漢地里志
壺關有沽水矣王莽命五威將軍王嘉曰羊頭之
阨北黨熊趙舊有關亦名壺山後魏移縣於此鷄
鳴嶺亦在內輿地志壺關有鷄鳴嶺矣○壺關在
縣東與長治界卽漢呂后立惠帝後宮子武爲壺
關侯者水經以濁漳水先屯留而後壺關非也唐
玄宗賜崔日知出守詩潞國開新府壺關寵舊林
○縣東二十六里有陽護城又四十二里有照城

山西名勝志卷之六

十三

平順縣在府城東四十里

國朝嘉靖間析壺關之東潞城之東南澤州陵川
之北三縣地置有靖林山在縣東五十里原屬壺
關者又一百里爲麥積山以形似而名又十里爲
紫團山出紫團參也志以青羊絲鳳二山俱在縣
界青羊山多松樹絲鳳山多桃樹亦卽潞城之桃
花山矣○志云大小溫泉二在縣內又有赤崖流
泉石洞深可里許洞口有泉因土色赤故名洞內
產盧耳石又有翠微洞樂氏二仙女采真處樂氏

陵川人商微子之後也繼母嚴酷冬使其採薪二
女泣血浸土化爲苦苗其葉有赤斑若血痕然得
一筐以歸後移居壺關之紫團鄉一日黃雲下降
小者先升須臾長亦升去金縷絳衣鳳冠緇履仙
樂異香經宿不散土人立廟祀之○仲章者平順
人春秋宣十五年晉伯宗數狄罪而滅之有曰奔
仲章而奪黎氏其見重如此○縣有照城原屬壺
關後燕慕容永築以拒慕容垂者縣界又有晉石
勒城

黎城縣在府城東北一百十里

山西名勝志卷之六

十四

春秋晉荀林父滅潞置黎侯而還有黎侯城在縣
東北十八里漢馮奉世黎城人城東二里有奉世
及其女昭儀墓○志云潞祠山在縣東南十五里
上有潞子嬰兒祠嵐山在縣西十五里山麓龍井
早禱甚靈○白巖山在縣北十五里俯臨漳水水
經注云漳水左得黃須水口水出壁臺西張諱巖
下世傳巖赤則土羅兵害惡其變化無常恒以石
粉汗之令白俗因目之爲張諱巖按齊武帝謂此
巖是天蟒口張赤則殺人故諱之其水南流逕臺
壁西又南入於漳漳水又東北歷望夫山山之南

有石人竚立山上狀有懷雲表因以名焉郡國志云在縣西北界又謂之石竚山其側爲積布山以山形似積布而名○清漳水在縣東北三十里濁漳水在縣西北五十六里其合流處謂之交漳村○縣西北五十里有玉泉水自石穴中湧出三竅流合爲一入河南涉縣界注於清漳

山西名勝志卷之六終

十五

山西名勝志卷之七

閩中曹學佺能始撰

汾州府

隸山西布政司

領州一縣七

萬曆初年陞汾州爲府兼管晉西河郡縣云西河郡魏黃初三年置治茲氏縣茲氏漢縣也晉改爲隰城縣唐貞觀改爲西河國朝以西河縣省入州州曰汾本左傳金天氏之後臺駘能業其官宣汾洮也西河亦以在汾河西而名後魏於西河郡兼置汾州初理蒲子城後乃移治西河即今汾陽縣所設○金石畧云唐弘濟寺碑在今汾州今伯山西名勝志卷之七

藥撰唐太宗初卽位下詔建義以來交兵之處爲義士凶徒隕身戎陳者各建寺刹分命儒臣爲銘凡七碑今所得者汜水等慈昌州普濟幽州昭仁與汾州弘濟凡四而虞世南褚遂良所撰皆亡之矣按當州卽太宗破劉武周處○因話錄云郭子儀在汾州嘗奏一州縣官而勅不下判官張雲言於同列以令公勲德而請一吏致阻是宰相惜體甚也汾陽王聞之謂察屬曰國步艱難以來朝廷姑息方鎮武臣求無不得以故專恣跋扈使朝廷疑之今子儀奏一屬官不下或足所請不當聖意

上恩親厚不以武臣待子儀諸公可以見賀矣聞者服其公忠焉○唐詩紀事裴士淹贈白牡丹詩註云開元末士淹爲郎官使幽冀廻至汾州衆香爭得白牡丹種植於長興私第都下人聚觀之其詩云長安年少惜春殘爭認慈恩紫牡丹別有玉盤承露冷無人越就月中看○文獻通考三國典略二十卷唐汾州司戶參軍丘悅撰以關中郡都江南爲三國起西魏終後周而包東魏北齊南總梁陳凡三十篇今卷第多遺自二十卷以下闕焉○相牛經一卷序云齊威傳之百里奚漢世河西山西名勝志

卷之七

二

薛公得其書以相牛千不失一因作細字注○文中子集十卷王通字仲淹生於隋代知聖人之道不行歸河汾間以著述爲事弟子從之者魏徵而一若干人○薛許昌集十卷晁氏曰薛能字大拙汾州人會昌六年登進士第○唐蘇頲餞陸長史再守汾州詩河尹改成期爲汾昔所推不榮三入地還美再臨時權傳雲初合聞鶯日正遲傷人多出餞別有吏人思

汾陽縣

附郭

圖經云汾河在城東二十里經介休平遙二縣有

文谷水一名萬谷水東北自廢文成縣流入至縣東十里謂之西河泊其水入汾○禹門河在城西十里相傳禹導洪水至此其河水會西山諸谿從河口而出伏沙潛注有麻屈水平地湧出又二十里有向陽水出向陽峽一名懸泉水流逕澗河合壺河水東南流俱入於汾又城南十里有清溝水一名董師河出尉陵溪谷水流注會費家水流逕城南人橋東諸村以注於汾又城西南四十里有靈浮泉出趙王村舊傳趙王時水泉應故名城西北三十里有馬跑泉出白彪山麓後魏賀虜將軍

山西名勝志

卷之七

三

駐師此山馬跑泉出故名俱東南與文湖水合溢則並注於汾○水經注曰文水又南逕茲氏縣故城東爲文湖東西一十五里南北三十里世謂之西河直縣東十里湖西側有一城謂之豬城按許氏說文水澤所聚謂之都亦曰豬蓋卽水以名城也文湖在城東十五里一名豬城潞漚原公淵河文谷諸水所成原公水卽馬跑泉也水經曰原公水出茲氏縣西羊頭山東過其縣北註云縣故秦置漢高帝更封沂陽侯嬰爲侯國上莽之茲同也魏黃初二年西河恭王司馬宇盛廟碑文云西河

舊處山林樸樸百姓失所魏興更開疆宇分割太原四縣以爲邢邑其郡帶山側塞王以咸寧四年改命爵土其年十二月喪國臣太農閭崇離石令宗群等二百三十四人刊石立碑以述勲德碑北廟基尚存城內又有西河王斌碑文字殘缺經曰原公水又東入於汾注云水注文湖不至汾矣按志亦以湖溢則注於汾也羊頭山在城西北十五里狀似羊頭故名○郡國志云臨汾宮在城東二十里隋書大業十四年帝北巡至五原夏四月敕於汾州地四十里臨汾置宮卽管涔山麓汾河源

山西名勝志

卷之七

四

所出之處當盛暑時臨河鹽潑涼風凜然如八九月其地多雨經夏罕有晴日雖高嶺千仞嶺上居人掘地二三尺卽見清泉○萬戶山在城西二十里高八十丈李永初山川記以堯時洪水諸山皆沒惟此峯獲免濟者萬戶故名又十里爲石室山山多巖窟可居昔麻衣仙姑隱此名麻衣洞國朝永樂初有仙姑任氏棲遁脩真家人求之弗得後有人見之遂逃入石室中有聲殷殷如雷其壁旋合手蹟仍存又二十里爲栢山山多栢樹故名昔離石侯牙將趙鼎號白虎將軍遇虜戰死民改

之山下又名將軍山再十里爲黃蘆嶺與文公相並○石婆神山在城北三十里俗傳此山無水有老嫗日行汲以濟人不憚勞遠役後鄉人建祠山上因名又十里爲謁泉山一名隱泉山上有石室相傳子夏隱處俗呼爲子夏山石室去地五十餘丈頂上平地可十頃巖頂盤紆其水伏流故謂之隱泉山北有愛子鎮相傳子夏哭子之處○治內三賢祠祀子夏田子方段干木也漢郭林宗宅在城東後廢爲僧寺寺名大中初建于唐今改爲天寧○郡國志云西河廢縣在府治東茲氏城

山西名勝志

卷之七

五

在府南十五里之葦村舊傳魏文帝殺甄后于此城俗名甄子城○祝融城在治西相傳祝融氏所築八門城在治北十五里前趙錄劉元海遣將喬嵩攻西河因築此城以自固高九丈有八門俗亦名八門城○偏城在治西南五十里之廣城村後趙離石侯築此以防西北諸胡其城北古山阜南臨絕澗有湫側之狀故名○比干城在治西北九十里相傳殷紂令比干築今名爲比干山○禁火臺在城南一里州人寒食祭介之推於此○仙槐樹在治西城隍廟內年久樹朽如剝舟今呈統中

有英人授藥其中樹復長茂因號仙僊○黃華老人石刻在儒學內金學士上庭筠也其父遵古爲汾州觀察判官省覲至此行書詩石二面庭筠書法學米元章而端雅過之○宋開寶初州人於城東掘地得石碑隱隱有仙降二字衆因禱請叩懸筆書曰瑞氣迴空鳳鶴飛相隨王母宴瑤池夜闌拜畢乾坤會聖蹟蛟龍石上揮州人因建聖仙廟祀之而樹其碑於廟中每天將雨碑必先潤時人謂之雨漬仙碑○西河舊事云西河有鍾在水中秋朔輒鳴聲響悲激羈人遊士聞而悽愴焉○全

山西名勝志 卷之七

六

石畧載唐西河太守劉宗碑孫寧撰鄆邢行書天寶九載立○唐汾州刺史崔弘禮有惠政升人祠之在城內通衢○陸璟西河守也屬邑多虎前守設檻牢環悉撤之修德布政虎乃絕踪○晉王延西河人事繼母至孝嘗盛冬母索魚食延至汾河扣冰而哭忽有巨魚躍出母知之感懼撫延如親子官至尚書左丞○宋之問字延清唐則人石時與張說等奉敕撰三教珠英嘗作唐詩相推爲第一○狄青在宋仁宗朝爲延州指揮使嘗披銅面上陣西夏不敢犯後以平僭智高功拜樞密使卒

謚武襄○文彥博宅在府治南石刻神宗御賜詩并彥博所撰記已上俱西河人

孝義縣在府城東三十五里

史記趙世家秦人侵我西河中陽後魏於此置中陽縣矣唐貞觀初以縣人鄭興有孝義因改今名志以孝子郭巨墓在治北青義村巨太原人流寓於此卒塋焉但未合史傳姑闕之○塚廟記云魏文侯祠在縣治內有墓在城西五里段干木墓在縣東北五十里○安生原在縣南十里舊經上地沃饒有西河之美者惟安生原焉即此○元象泊

山西名勝志 卷之七

七

在縣西十里以里人元象有孝行躬耕於此故名原名勝水陂山海經曰狐岐之山勝水出焉按狐岐山一名薩頽山在縣西八十里右左水一名賈願水在縣南二十里土京水在縣西南二十里板谷水在縣西北三十里俱東流合勝水注於汾溢爲此陂○按志勝水一名孝河又名義河亦出狐岐山之麓但孝水逕縣西十五里義水逕縣北十五里其入汾則一耳縣名孝義或以水故也○郡國志云瓜城在縣北十里木虢城也相傳晉滅虢虢遷其人於此乃築城以居之因有虢號二城志

以虞城在縣東北八里又有魚城在縣北十五里又一里爲東多城縣西北十八里有團城後魏孝昌中築今屬田同村○六壁府在縣西南十五里俗以城有六面故名後魏書太平真君五年討胡賊於六壁卽此城也六壁者縣所轄貞壁黃壁白壁許壁柳壁併六壁爲六故名在今縣西八里唐時以居府兵故曰六壁府○水經注云勝水東逕六壁城南魏朝舊置六壁於其下防離石諸胡因爲大鎮太和中罷鎮仍置西河郡焉勝水又東合陽泉水出西山陽谿東逕六壁城北又東南流注

山西名勝志

卷之七

八

於勝水勝水又東逕中陽故城南又東合文水文水又東南入於汾水○冀州圖云雀鼠谷在縣南二十里長一百一十里南至臨汾郡霍邑界汾水出於谷內南流入河卽周書調鑒谷也縣南三十里汾水側有比干臺相傳殷紂遣比干於騶虞山築臺避暑因名○縣西七十里有玉泉山山下噴泉如漱玉也又二十里爲高唐山山有溫泉其地名溫泉鎮又七十里爲上殿山厥山高峻爲汾隰諸山之冠上有突厥祠墓民以其能致風雨歲時致禱

平遙縣

在府城東八十里

漢平陶縣後魏以太武帝名燾改爲平遙○志云縣東七里有京陵城周宣王北伐所築也春秋爲九京地卽趙文子與叔向觀九原處唐於此置京陵縣旋廢又十三里爲青城開元十年玄宗舊都五色龍見從西南入青城宛轉上升卽此○城塚記云縣西北二十五里有屈煩城昔漢武帝於汾隄側屈曲爲煩後因汾水泛溢不存今所存城址乃蔚州城耳後魏遷北蔚民居焉又十五里有羗城漢建安時築以處羗人者按十六國春秋劉氏

山西名勝志

卷之七

九

之先有羗城之號趙滅之其城遂廢又有亭岡城在縣南二十八里有亭岡水石巖中出圖經謂此水自亭岡谷橫流者也又有思歸城在縣東三十里前趙錄劉淵攻并州刺史劉琨於太原築壘拒戰因思歸而夜遁故名○志云迢山在縣東南四十里以高出於諸山耳麓臺山在縣南四十七里爾雅山足曰麓土高曰臺也一名蒙山又名謁辰山山海經曰謁辰之山嬰侯之水出於其陰流爲嬰澗去縣東三十里○冀州圖云侯甲水起平遙縣北入太原界中都水在縣東二十里舊經其水

直中郡谷西流合源祠水入於汾源祠水在縣東南十五里又五里爲鹵澗水又城南之鄔城泊水西北之張趙泊水俱與中都水合○城塚記云周尹吉甫墓在縣東門外一百步漢中都城在縣西十二里又十一里爲來城後漢來欽所築遺址尚存○陰符經碑在縣內太平觀金井樓在城中心樓下有金井故名○太子寺在城隅敬義坊隋開皇間建名寶昌寺後改名脩念中有淨飲王太子像氣韻如生會唐武宗毀佛寺有顯上人者以像匿南河壩坎崖至大中復興其宇以置像始名曰

山西名勝志

卷之七

十一

太子寺 國初以集福小太子寺併入○宋杜衍山陰人知平遙縣決訟明允民不能欺後累官宰相封祁國公○金董師中平遙縣丞也捕誅劇賊境內以安時大軍之後野多枯齒悉爲瘞之遷綿上令○國朝紀要洪武七年平遙縣主簿成樂考績州上其考曰能恢辦商稅吏部以聞上曰地之所產有數官之所取有制若曰恢辦是額外剝削主簿之職在佐理縣撫安百姓豈以恢辦爲能因卻之○是年九月詔求直言平遙訓導葉居昇上三事其畧曰分封太侈求治太急用刑太繁言甚

切直忤旨下獄死

介休縣

在府城東七十里

漢縣治介山西北寰宇記云介山在縣東南二十里一名橫嶺地名綿上左傳僖二十四年晉侯賞從亡者介之推不言祿祿亦不及遂與毋偕隱焉晉侯求之不獲以綿上爲之田以志吾過且旌善人郡國志云介山上有子推塚併祠存又有忌坂在縣西南二十里即子推自焚處後人因爲之忌故名○水經注曰石桐水西流注於汾又西南逕介休縣故城西王莽更名之曰介美矣石桐水即綿水也水出綿山北流逕石桐寺西即介子推之祠也按石桐水志作洞水其地名石洞村灰柳泉出焉西北入汾地多白柳故名在縣東二十里又二十五里有武城水秦造武安君白起伐趙經此○縣西四十里有沂陽水出沂陽谷中縣南五十里有蜂房泉水出抱腹巖下巖石倒垂小窾百餘形若蜂房泉由中滴故名○縣東南二十里有碣石澗出綿上之箭桿嶺又其地有龍泉平地泉湧昔有龍見於此又五里有鸞鸞泉出狐岐山下又十五里有懸泉出猗谷南四圍皆山中有石磊

橫空數仞周廣三里巔頂有泉倒流如瀑布故曰
懸泉又其地有白牛泓黑龍池諸水白牛泓者東
嶺谷中水也水泓三穿濬深莫測嘗有白牛來飲
故名黑龍池即東嶺谷河水色常黑世傳有黑龍
潛焉○縣西南十里有謝谷水源出谷南磨子溝
平地潰沫十數穴流入谷中又十里有雀鼠谷水
經注曰汾水又南過冠帶津汾津名也在介休縣
西南俗謂之雀鼠谷數十里間道隘阻水左右悉
結偏梁閣道縈石就路縈帶巖側或去水五六尺
一戴山阜下臨絕澗俗謂之魯般橋蓋通古之津

山西名勝志

卷之七

十二

臨矣又十里有西嶺谷西谷水出焉○縣東北六
里有三道河源出宋脂村後流分三派至十站村
又十里爲小橋泊又五里爲鄆城泊春秋晉大夫
司馬彌牟之邑也漢置鄆城縣後魏徙於武陵遂
廢水經注謂之鄆陂又其地有板戣泉俗傳唐尉
遲恭與單雄信戰雄信敗走棄戣於此衆軍拔不
能起敬德一手拔之因湧出泉故名今在段同村
西尉遲敬德常縣人○縣西北八里有開遠府西
北諸村水出焉又十里有板橋城世傳元海擊劉
琨於此其城阻水以板橋爲度故名已上諸水皆

分流翼注而至於汾矣○水經注曰介美縣城東
有徵士郭林宗宋子浚二碑子浚名冲泰之友也
以有道司徒徵林宗當縣人辟司徒舉太尉俱以
疾辭其碑文云將蹈洪崖之遐跡紹巢由之逸軌
翔區外以舒翼超天路以高峙稟命不融享年四
十有三建寧四年正月丁亥卒凡我四方同好之
人永懷哀痛乃樹碑表墓昭銘景行云陳留蔡伯
喈范陽盧子幹扶風馬日磾等遠來奔喪朋友
心喪其年者如韓子助宋子浚二十四人其餘門
人著錫衰者千數蔡伯喈謂子幹曰碑曰吾爲天

山西名勝志

卷之七

十三

下碑文多矣皆有懽容惟郭有道無愧於色志云
林宗墓在縣城東五里○金石畧載唐介休令張
君清德碑李愿撰文李敬八分書永昌元年九月
立○宋文彥博介休人在仁宗朝出將人相五十
餘年封潞國公致仕卒其宅見府下

石樓縣

在府城北
九十里

水經注云蒲水出石樓山按隋開皇初改吐京縣
爲石樓以此吐京即漢土軍縣胡俗音訛故曰吐
京也寰宇記云石樓山在縣東南六十里黃河在
縣西百里北從石州界下合吐京谷至上平關南

流○吐京城在團圓山下其城圓而不方俗謂之團城山頂高而狀圓故謂之團圓也有漢高祖廟山東西一百八里小蒜谷在其內聖水泉出馬北流六十里入黃河又百井谷在團圓山分水下者老云泉脉約百所西流八十里入黃河○水經注云河水又南過吐京縣西漢高十一年封武侯宣義爲侯國有龍泉出城東南道左山下牧馬川上多產名駒史記晉獻公以伯產之乘假道於虞仲此地產也亦名屈產泉在縣東南四里有公子夷吾館在縣北六里後魏孝文置長壽縣於此又五

山西名勝志

卷之七

十五里有臨河廢城後周之臨河郡及縣隋唐時省○翠金山在縣南三十里有臺駘神廟亦名臺駘山又有百井谷通典云在石樓山

臨縣

在府西北二百里

本漢離石縣地後周之烏突郡隋之太和縣也唐之臨泉縣而元之臨州也 國朝降縣仍曰臨初屬太原府後改今屬按臨泉水去縣北一百步○志云黃雲山在縣東北三里有漢高祖廟相傳高帝微時遊此山下榆林河水出焉南流入黃河黃河西南自嵐州合河縣界流入去縣北二十餘

里○紫金山在縣西北三十里山巔石壁間有一穴禱旱得水立應於此建崇應侯廟○連枝山在縣東七十里枝脉蔓延連接群川故名

永寧州

在府城西北一百一十里

趙之離石邑也東北有離石水因取名焉史記秦伐趙取離石是矣有南單于庭卽左國城前趙記曰今離石左國單于所徙庭也晉惠帝以劉淵爲離石都尉故元海起事於此後石勒惡離改爲永石矣北齊於城內置西汾州後周建德六年改爲石州 國朝以隸太原府至萬曆初年設汾州府

山西名勝志

卷之七

十五

時始改今屬而易永寧之名○寧宇記云治東二十里有盧城晉并州刺史劉琨所築以攻劉曜有遺址存○志云雲鳳山在州城北二里山上土穴有二相傳宋陳搏墓在焉城西南二十里有烏巖山山下有烏巖泉其村曰琵琶村又三十里有仙洞洞深邃莫測常有仙人乘白馬出游又名白馬洞○呂梁山在州治東禹貢治梁及岐春秋成五年梁山崩皆謂此也志謂梁山在州東北一百里俗名穀積山山下有東川河流經州城西北與北川河合以入黃河○州西六十里有青龍泉平地

澤水湧出其色甚青流入黃河又六十里有靈泉
 出南山上南山者以在孟門之南也隋置孟關於
 此地甚險固宋設孟門縣元併入國朝置離石
 巡檢司城垣廬舍不減於舊○胡公山在州界之
 離石山今名赤洪嶺故離石水亦名赤洪水也北
 齊高歡大破爾朱兆於赤洪岡卽此○胡公城在
 州東北三十里古離石界方山城在州北百四十
 里後魏孝文之南都也宋爲縣元省入有文水源
 出方山下流入交城至文水縣界以注於汾○傳
 稱吳希尹石州人其父名水廣蓄書籍榜其塾曰
 山西名勝志卷之七
 十六

寧鄉縣在州西南五十里

本離石縣地後周析置一統志云清河水在縣南
 三十五里流入石州有車轍泉出車轍山下合清
 水以入黃河又有焦泉水出焦山下西流合車轍
 泉○卧龍岡在縣東高里許形如卧龍北自故石
 州界迤邐而東抵汾州盤踞五十餘里○仙明山
 在縣南十里山下有朱明洞又二十里爲屏風山
 ○寰宇記云樓子山在縣東南三十里厥勢危聳
 狀若層樓山頂有劉公洞昔劉公修道於此因像

祠之

山西名勝志卷之七
 山西名勝志卷之七
 十七

山西名勝志卷之八

閩中曹學佺能始撰

遼州

直隸山西布政司

領縣二

後魏置遼陽縣隋唐間置州去陽字初治樂平縣後乃移理遼山唐武德初曾改爲箕州先天初改爲儀州尋復舊名○志云故遼陽城在州北三里遼陽山上有遼陽水從廢平城縣西北八賦嶺下名八賦水東南流經古遼陽城南過謂之遼陽水又東過合清漳水號漳水○箕山在州城東南七十里石室壁中文字人莫能識唐以此山名州

山西名勝志

卷之八

一

二

後魏風土記云太原郡箕山有許由塚按許由箕山已見洛陽偃師縣下○平城縣即趙簡子所立平都故城至唐始廢按平城古儀城也唐名儀州以此○相傳州城爲祝融所焚邦人立廟祀焉今在城西二里又城南二里有先軫廟軫春秋晉大夫與狄人戰死見傷三十三年○千畝原在州南二十里地廣平約千畝上有泉自石穴中湧出分溉膏腴衆沾其利○五指山在州東五十里李穆叔趙記云遼陽東北有五指山岩石依聳上有手足跡其大如箕指數俱全北齊宣王遣人量之長

七十六國春秋云石勒當生之時此山草木皆成鉄騎形○許有壬元祐間遼州同知也會關中有警隣州聽民出避奔嬰兄於道路有壬獨誓衆閉城固守卒無他虞有所迫逮惟給信牌令執里後者呼之民不煩而事集

榆社縣

在州城西一百里

輿地志云武鄉城北有榆社注水經云榆水出梁榆城西大嶮山其源有二北水東南流逕其城東南注南水南水亦出西山東逕文堂城北又東逕梁榆城南盧諶征艱賦云梁榆之虛郭乃閼與

山西名勝志

卷之八

二

之舊都也史記秦伐閼與趙奢救之曰譬如兩鼠鬪穴中將勇者勝即此地矣漢高八年馮解散爲侯國其水右合北水東南入於清漳○志云秀谷山在縣治東南山勢迤邐西達定襄縣界○紫金山在縣西南七里山下有洞悉鑄佛像入洞有金石聲空谷相應名響堂寺○黃花嶺在縣西五十里嶺上多黃花故名又二十里爲祥隱山其下有道人泉又縣西北八十里山曰頂山群峯突起此山爲之冠也○郡國志云箕城在縣東三十里僖三十二年晉人敗狄於箕即此○偃武廢城在

縣北界唐初置屬榆城等省○武鄉廢縣在西北二十里晉置唐武德初廢○水經注云涅水又東南與武鄉水會水源出武山西南逕武鄉縣故城西而南出得清谷口水源出東北長山清谷西南與鞏縣白壁二水合南入武鄉水又南得黃水口黃水三源洞注一壑東南流與隱室水合水流西北出隱室山東南注涅水東入武鄉水又東南流注於漳水○城塚記云龐涓墓在縣西北馬陵關石勒墓在縣北趙王村舊有祠在墓南半里遺塔尚存○古寨在縣東南二里高三丈臨東南俱有

山西名勝志

卷之八

三

流

澗溝傍有洞洞中黯黯昔有避兵於此

和順縣

在州城北九十里

本漢沾縣地後魏孝昌二年於此置樂平郡及縣隋開皇十年移沾城乃於今所置和順縣因東北界和順城爲名亦名榆城○寰宇記云趙王臺在縣西二里狀如伏虎人傳爲趙襄子避暑臺又有襄子鹿苑在焉方廣千畝○趙奢壘在縣東五十里卽其收關與大破秦軍處○孫臏坡在縣西南百二十里山勢盤曲西接馬陵關相傳孫臏伏兵於此○志云清漳水在縣北其源有二一自縣西

之故儀城流逕州南一里而東一自縣西北之石堠嶺流逕州東七十里而南至交漳村二水合流入潞州黎城縣界○南松子水出縣西南四十里之南萬嶺又有北松嶺水總謂之萬水泉經嶺北松子嶺下故謂之松子水流注於漳○武鄉水自武鄉縣西南經榆社縣東流入縣界趙石勒其鄉人也有飲馬池在縣西山之陰相傳勒飲馬於此又有瀝麻池在縣東北三十里之李陽村勒嘗與李陽爭此池及勒爲王引陽臂而語之曰孤往日厭卿老拳卿亦飽孤毒手○龍泉寺在州西關元

山西名勝志

卷之八

四

力

好問詩云懸秋白雨映層崖過盡行雲晚照開可

沁州

在州西北九十里

領縣二

隋開皇初置沁州於沁源縣之孤遠城按本漢潞遠城音訛爲孤遠耳國朝以宋威勝軍之銅鞮縣省入仍爲州理銅鞮見左傳成九年鄭伯如晉晉人執諸銅鞮者也卽晉大夫羊舌赤采邑時號赤爲銅鞮伯鞏○志云伯鞏墓在州城南四十五里之太里村高一丈五尺銅鞮城在州南十里有晉宮闕臺基子產曰銅鞮之宮數里在此城矣銅

鞞山在州南四十里山高一千五百五十尺有銅鞞水水經云出覆釜山經襄垣縣界入銅鞞城謂之銅鞞水矣冀州圖云岵嵺城在銅鞞縣西十里本名閼與城史記漢高二年韓信破代擒代相爰說於閼與是也有石梯山在縣西南七里水經注云銅鞞西有石梯山矣○漳水發源州西三十里之伏牛山經州城西南與聖鼓水合水出城東北五里聖鼓嶺嶺上有大石壁之其聲如鼓下有流水入漳河按漳源有二其一出伏牛山谷一出州西北滑山流至交口與下廟水合名西漳河又名山西名勝志卷之八 五

小漳水遶州城西經襄垣縣穽亭鎮至其縣城西南十里之甘村合注濁漳○水經注云漳水歷鹿臺山與銅鞞水合銅鞞水東經晉李憲墓墓前有碑碑石破碎以太和元年立晉諸公讚曰李憲字季和上黨人少有高行爲僕射年老遜位拜光祿大夫羊叔子所謂光祿大夫憲乘節高亮正身在朝者也其水又東逕故城北城在山阜之上下臨岫壑東北三面岨藁二里世謂之斷梁城即故縣之上虎亭矣銅鞞水又東逕銅鞞故城北城在水南山中晉大夫羊舌赤銅鞞伯華之邑漢高祖攻

韓王信於此銅鞞水又東南流逕傾城西即縣之下虎聚也後魏地形志長子有應城傾城幸城而前漢地志銅鞞縣有上虎亭下虎聚則後魏之傾即漢之銅鞞矣○寧宇記云斷梁城在州東北三十里故甲水城在州北七十里後魏之陽城縣隋之甲水縣也志云護甲嶺在州西南界一名侯甲山涅水出焉亦漢之涅縣地今名故城村○水經注曰洹水西出覆釜山而東流與西湯溪水合水流謂之西湯水又東南流注涅水又東逕涅氏縣

山西名勝志卷之八

六

故城南縣氏涅水也東與白鷄水出縣之西山東逕其縣北東南流入涅水○水經云沁水出上黨涅縣謂之沁水沁水即洹水也或言出穀遠縣羊頭山世靡谷三源奇注逕瀉一陞左右近谿參差翼注沁水南過穀遠縣東王莽之穀近矣水經又云絳水出穀遠縣東發鳩之谷西流爲瀘水也○志云龜山在州城北五里龜山在州西二十里下有池曰鼈池流入漳河滑山在州西北三十里上多蛇虺有浮屠鎮之舊傳即漳水所出○萬山在州南四十里其地有文中子洞屬故銅鞞

北紫金山畔蓋隋王通讀書之所時房玄齡魏徵
李靖薛收並受業迄今廟貌碑文頗存○碑目云
駐蹕臺在州城外東北一百八十步宋太宗駐蹕
於此刻石碣曰太平興國四年征北漢所經

沁源縣在州城北
二百里

志云沁源有二一自縣西北綿山東谷南流一自
縣東北馬閣溝俱南流至交口村合又至縣城東
一里○縣東六十里琴泉山琴高真人廟側靈泉
水出焉縣北五十里青裴山寒泉出焉又縣東二
十里之青龍河出青龍溝再四十里之馬跑泉出

山西名勝志卷之八

七

靈空山俱西南流入沁河○綿上廢縣在縣北八
十里綿山有介子推廟後爲大覺寺地○太清觀
在縣西岡上金天會開縣令閻密棄俗學道結菴
於茲尸解而去

武鄉縣在州城東
北六十里

晉置以武鄉水爲名前趙石勒曰武鄉吾之豐沛
敕改爲郡卽此處也有鞏山在縣東北相傳石勒
微時於此聞鼓聲因告其母母曰作勞耳鳴非有
感耳石勒城在縣北原上十里周圍四百六十步
○寰宇記云涅水出侯甲川注水經以涅縣胡甲

山有長嶺謂之胡甲嶺劉歆述征賦云登胡甲而
長驅者也遼州圖云涅城在縣西六十里卽漢涅
縣地按涅城今入州界胡甲嶺仍在縣界○水經
注曰青水出武鄉縣西名青谷水按志城西三里
有八角山山形八角故名青水所出縣西北有珍

珠泉水噴出如珍珠縣東南又有靈應池旱禱輒
應宋宣和間賜額各去縣四五里○志云爛柯山
在縣西五十里俗傳晉時王質樵採入山遇二仙
圍棋質觀局未終斧柯已爛舊有祠廟又五十里
爲石盤山又二十里爲西交山○黃巖在縣東北

山西名勝志卷之八

八

六十里其色正黃故名又四十里有龍巖巖洞深
邃龍潛於此東接太行山又十里爲羊徑山路若
羊腸入太行徑○仰車關在縣北與沁源之柴店
關俱唐時置○金楊士元邢安國皆武鄉人士元
好學力耕十歲舉明經宗族有貧者悉爲婚葬鄉
人咸高其行誼云安國少以詞賦名年踰四十不
應科舉以詩酒自娛避亂客沁陽十年餘每感慨
輒形諸篇什

澤州在州西
南政使司領縣四

泰上黨之高都縣後魏之建興郡也隋開皇中置

澤州以舊理漢澤為名唐貞觀初始理晉城晉城即貞觀所置縣也以三家分晉後封晉君於此注水經云午壁在晉城東界則晉城之名已久縣自貞觀置耳宋程顥為晉城令置鄉校六十餘處故有明道先生祠在城內 國朝以晉城省入州即今高都村是也唐盧顯賁盧澤州詩關路通泰壁城池接晉墟○案宇記云白水在州城南二里源出湖泓水穿太行過與丹水合漢地里志高都有竟谷丹水所出矣丹水源發州治北十二里之司馬山俗傳秦坑趙眾流血丹川斯得名焉隋置丹

山西名勝志

卷之八

九

川縣於此司馬山者晉司馬懿征伐所繇也○太行山在州南三十里自此東西一帶諸山雖各因地立名其實皆太行也天井關設焉其上有泉三所極深難測曰天井泉流入於丹水漢書陽朔二年秋關東大水詔書流民欲入天井關者各多計謂叩此湫水經云天井關上有宣聖迴車轍跡深入石尺許長百餘步○五門山在州治西十二里形若城廂有門凡五變象之上中秋望月注射其間最為圓則他處所無○浮山在州東二十五里高峻若浮故名又五里為硤石山東西兩崖壁立

古篆硤石二大字上有青蓮寺西有擲筆臺即遠八師置澄潭經疏載之所下有嵌巖長二丈餘廣半之夏秋之際暴雨時絲中罅若雷鳴然又七里曰天池嶺亦有石壁天門可容千人其中有池水俗呼天池○州西北四十里有成湯池舊傳商王旱禱於此鑿池者二元至正間重修湯廟工徒渴飲池水水暴湧作雷鳴聲衆因建亭其上名曰顯化池○李鶴鳴故宅在州城東南隅內有鶴鳴堂今廢元忽必烈大書石刻今置文廟西○後唐澤州刺史裴約祠在城東二里梁師來攻約死難故

山西名勝志

卷之八

十

祠○巴公鎮在城北三十五里五代史周世宗自將兵禦北漢主陣於巴公原親犯矢石以摧其鋒因敗漢兵於此○橫望隘在州西南八十里唐狄梁公望雲思親處也又八里為石人山山有石類人形故名龍潭水出焉又二里為碗子城其水曰碗子水兩崖夾立中有城如缺甕行者徒步扶策而過相傳宋太祖微時有石處俱在太行絕頂入河內界注水經曰丹水又逕石人北而各在一山角犄相望而為河內北曰上黨二郡以之分境○澤州產長松草患大痲疾者服之兩眉再生傳云

自世菩薩所化，顯文忠集有謝王澤州寄長松詩，莫道長公浪得名，能教覆額兩眉青，便將經寸同千尺，知有奇功似茯苓。

高平縣 在州城北八十三里

漢汝氏縣，以在汝水之側，爲名竹書，梁惠成王九年，晉取汝氏縣，是矣。北齊改爲高平縣，卽戰國之長平也。故長平關在縣西北二十里。秦白起坑趙卒四十萬於此，處後人收其頭顱葬之，城西五里有頭顱山，山下爲楊谷，絕水出焉。秦軍築絕不令趙飲也。唐開元十年正月，玄宗行幸至此，感而薦

山南名勝志 卷之八

十一

度之，因名爲省寬谷。○光狼城在縣西南二十五里，史記秦昭王二十一年，白起攻趙，拔光狼城，今其村尚名秦趙村，有山曰金門山，崖土赤絕如金，當趙壘之門矣。○寰宇記云：汝水一名丹水，源出縣西北之仙公山，南流合白水，地志云：汝水出上黨縣唐貞元間，有縣令開丹河入縣城，澤人謂之汝泉，郡國志云：丹水一名長平水，以水出長平故耳。○水經注曰：丹水自潞東北流，又屈而東，注左會絕水，絕水楊谷所出入，長平水也。上黨記曰：長平城在郡之南，秦壘在城西，二軍共飲流澗，相

去五里，秦坑趙衆，收頭顱築臺於壘中，因山爲臺，崔嵬衆，卽乃號曰趙臺，城之左右，汾山巨隄，南北五十里，東西二十里，秦趙壘壁存焉。漢武帝元朔二年，封將軍衛青爲侯國，丹水又東南，歷西巖下，神泉湧發，洪波巨輪，淵深不測，蘋藻冬片，竟川會綠，雖嚴展肅，月燕麥，暄姜丹水，又南，白水注之，水出高都縣，故城西，所謂長平白水也。東南流，歷天井關，故劉歆遂初賦曰：馳太行之嶮峻，入天井之高關。太元十五年，晉征虜將軍朱序破慕容永於太行，遣軍至白水，去長子一百六十里，白水又

山西名勝志 卷之八

十二

東，天井溪水會焉，水出天井關北，流注白水，世謂之北流泉。○志云：源紫泉在縣西南三十里，原村其泉周圍四丈，深一丈五尺，泉源湧出色清味甘，冬溫夏涼，東西分引入於丹河，按原村以漢谷口令原臣而名，蓋周大夫原伯魯之後也。其子孫乃遷於陽城。○碑目云：炎帝陵在縣東北三十里之羊頭山，舊傳炎帝嘗五穀於此，至今山下有黍二畝，其南陰地黍白，其北陽地黍紅，其傍有五音澗，卽大愚和尚隱禪五音關韻處也。○宣聖小影在縣治內，吳道子筆。○無題詩碑在縣廳事後，我弘

治開修廨宇掘地得之草書絕句云載酒欲尋江
上月出門共路水流黃昏悶倚東風立看去來
總獨地愁額傍並無題識○唐李賀高平縣東私
路作優優櫛葉香木花帶塞雨今夕山上秋未謝
無人處石礫遠荒澀棠實懸辛苦昔者定閤寺呼
君作私路

陽城縣在州城西一百里

漢渡澤縣也墨子云舜漁於渡澤即此唐初為澤
州治天寶改曰陽城以縣西南境析城山而名禹
貢底柱析城至於王屋應劭漢書注云三山在陽
山西名勝志卷之八 三
城西南山頂有湯王池相傳湯旱禱雨於此今池
四岸生龍鬚草無林木按志即桑林也○水經
注曰沁水又南與渡澤水合水出澤城西白澗嶺
下東經渡澤又東逕渡澤縣故城南蓋以澤氏縣
焉竹書梁惠成王十九年晉取玄武渡澤者也其
水際城東注又東合清澗水水出其城北東南逕
澤城東又南入於澤水澤水又東得陽泉水口水
出鹿臺山澗而不流澤水又歷嘒嘒山下與黑嶺
水合○通志云嘒嘒山在陽城縣東有龍泉百聚
泉靈泉諸水注之按志龍泉在縣東二十五里

有白兔街經之異因建寺曰會海寺寺傍有鳳凰
竹清夜無風自響龍泉水出焉又五里為百聚泉
其泉鼎沸百流噴騰亦名百眼泉東流入沁河○
靈泉在縣西四十里東西裂山環遶寺居其中月
上松杪始見冰輪誠絕景也有萬松堂在靈泉寺
南坡宋刺史楊廷秀記

陵川縣在州城東北一百四十里

法氏縣地隋初析置陵川因縣境陵阜環列故也
○一統志云棲鳳山在縣西南四里馬武山在縣
東五十里漢馬武屯軍於此孤峯山在縣東七十
山西名勝志卷之八 十四
里孤峯突起故名有平田水出其下○蒲水在縣
西北二十里西流入丹水漸水在縣東北四十里
東流入壺關縣界○寰宇記云九仙臺在縣西六
十里之古賢村壁立萬仞三回泉流古老相傳九
仙曾會於此○華州圖云太行析城接陵川界又
云石勒陵在縣西南四十里之天河墳高四丈
沁水縣在州城西一百里
注水經曰沁水又南出山過沁水縣北志云有杏
谷水自城西楊谷水自城西北合流東入沁河又
有蕘河源出縣南三十里之鹿臺山西流至縣東

十八里入於沁沁水故城在縣西三十里之故城
 村縣以水名○志云石樓山在縣城南山下有濯
 纓泉流入杏谷水○假月山在縣東三十里俗呼
 車欄山其水爲車欄水○春秋左氏晉侯蒐於黃
 父杜預注云黑壤晉地也在絳之東案宇記云周
 宇文帝諱黑改爲烏嶺距縣西五十里李賀皇詩
 烏嶺全坑跋扈臣蓋其時正誅劉稹所作○東輔
 山在縣西南九十里其山及西輔山與析山相連
 有若輔車之勢○郡國志云馬邑城在縣東二十
 里置在山上秦趙拒戰時築此城以養馬其處險
 山西名勝志卷之八
 峻南臨小澗北拒大川○王離城在縣東北五十
 六里秦將王離所築阻險臨崖四面懸絕○廢端
 氏縣在縣東九十里又五十里爲空舍嶺白起詭
 糧以給趙括處○隗山礪山在廢端氏城東南安
 平故城在端氏縣西北三十里○水經注云沁水
 又南與秦川水合水出巨峻山東帶引衆流積以
 成川又西南逕端氏縣故城東昔韓趙魏分晉澤
 晉君於端氏即此處矣按史記趙成侯十六年與
 韓魏分晉封晉君以端氏徐廣云端氏在平陽正
 義雲端氏澤州縣名也其水南流入於沁水○畫

史云山水受筆法一卷唐沁水荆浩浩然撰

山西名勝志卷之八

山西名勝志卷之八

十六

陝西道叙

陝西者周公分陝其地在西也關中者秦以函關爲東門隴關爲西門而地在二關之中也禹貢雍州之域天文井鬼分野說文四面積高曰雍言有河山之固如物處井陰氣壅關也惟漢中屬梁州周合衆丁雍故漢都關中無置涼州部刺史察舉隴西北地等郡而不常所治矣唐開元中置京畿等四道採訪處置使而京畿道治京城關內道亦以京官領之隴西道治西平山南西道治漢中宋初置陝西路後因元吳寇邊增置永興鄜延環慶陝西各勝志

通叙

一

道轄鳳翔平涼二府隴右道轄臨洮鞏昌二府河西道轄延安慶陽二府又有商洛潼關榆林寧夏并肅西寧等道則各以其所駐地方而名國初封建之時自長安秦愍王榑而下又有韓府在平涼慶府在寧夏肅府在蘭州藩屏西土實磐石之宗也○秦府第在西安府之左府治在省城近西燕樓直其南秦簡王誠詠記曰予間閱始祖愍王起居注內載事洪武十三年九月初一日長興侯耿炳文左長史文原吉右長史湯誠之偕陝西布政司左布政王廉西安府知府王宗周於東殿啓知起建鼓樓是日微雨愍王始建逮今蓋百十餘年矣攷之長興侯耿炳文當時蓋爲王相而左右長史則其參佐也文原吉未知終何官湯誠之後改吉安知府王廉會稽人所謂交山先生者有文名不知所終而王宗周者亦無從可攷噫諸君子皆百餘年人物而此樓乃踞然獨存予每過其下不容不爲之太息云按志稱王從幼喜讀書吟詠時接賓客話談竟日不倦有賓竹椅行于世賓竹亭名在邸內西南隅

通叙

二

陝西名勝志卷之一

閩中曹學佺能始撰

西安府 附省 領州六縣三十三

漢長安郡之名以古有長安鄉在渭水南卽成蟾之所封也我明西安府之名以漢有西安亭在昔路門卽北對未央宮者也或云元爲安西路

國朝顛倒其名用之○禹貢雍州已詳上文及周文武豐鎬所都平王東遷始以岐郿之地賜秦至秦孝公徙都咸陽始皇并天下置內史以領關中漢高入關定三秦卽帝位仍舊置內史景帝分左

陝西名勝志卷之一

右焉武帝太初元年改左內史爲京兆尹左馬翊右內史爲右扶風謂之三輔其理俱在長安城中又置司隸校尉以總之光武都洛陽以關中地置雍州迄晉唐宋雍州之名不改而司隸三輔已省惟京兆郡則時置焉十六國劉聰石勒苻健姚萇之徒相繼僭竊赫連勃勃號爲南臺唐天寶歲始曰西京後魏孝武自洛陽徙都長安隋文帝則自長安徙都洛陽更置不一按西漢書高帝五年嬰敬說曰陛下都洛陽豈欲與周室比隆哉周之都洛以爲此天下中四方納貢職道里均有德則易

以王無德則易以亡凡居此者欲令務以德致人不欲阻險令後世驕奢也今陛下欲比隆成康之時爲不侔矣且夫秦地被山帶河四塞以爲固卒然有急百萬之衆可其因秦之故資甚美膏腴之地是之謂天府陛下入關而都之山東雖亂秦故地可全而有也此所謂扼天下之吭而拊其背也高帝問羣臣羣臣皆山東人爭言周王數百年秦二世則亡不如都周高祖疑未能決及留侯明言入關便卽曰駕西都關中六年擒韓信田肯賀高祖曰甚善陛下得韓信又治秦中秦形勝之國帶

陝西名勝志卷之一

二

河阻山持戟百萬秦得百二焉地勢便利以其下兵於諸侯譬猶居高屋之上建瓴水也風俗傳云秦有四塞之固漢高納劉敬之言都之因徙齊諸田楚昭屈景燕趙韓魏之後豪族名家十關中強本弱末以制天下自是每因諸帝山陵則遷戶止縣率以爲常故五方錯雜風俗不一漢朝京輔稱爲難理○漢左內史兒寬勸課農桑卑體下士吏民大信愛之○黃霸字次公自潁川太守徵拜京兆尹以循良稱及其爲相功名擬于治郡云○韓延壽爲左馬翊民有比第高田者延壽因閉閭閻

過所是郡中轉相飭勵恩信周遍于屬縣趙廣漢守京兆尹善爲鈎距以得事情發奸摘伏如神明自廣漢後吏數尹皆不稱惟張敞能繼其跡敞性喜風流每郡事之暇入閤中爲其內子畫眉其後有王尊王章王駿亦俱有能名故京師稱曰前有趙張後有三王也後漢李膺升京兆尹民謠曰我府君道教舉愛如母訓如父益端任德化云○唐因詔錄劉林州校楚爲京兆號令嚴明人不敢犯先是京城惡少名沽商賈多繫名諸軍不遵府縣法劉公皆窮治之甚至有軍人名曰白稱

陝西名勝志

卷之一

三

百姓者當時人人似頭上各有劉尹不敢爲非然公與屬吏言未嘗傷氣不叱責一官人嘗謂府縣察曰諸公各自了本分公事暗天美景任意遊賞勿致拘束其又豁達如此○韓愈爲京兆尹六軍肅然私相謂曰是尚欲燒佛骨何可犯耶○宋大中祥符七年蜀人陳亮咨以龍岡閣直學士尚書工部郎中知永興府事以城內井泉大半鹹苦民不堪食乃親相度城東二里之龍首渠其水清冷甘冽可五六丈間渠引注入城散流歷閭民飲咸足事聞下敕嘉美之國朝入順元年開

唐子俊以宋渠湮塞乃相城外西南有交濟二水清流不竭而地勢高下因之導引灌注城市其水清耳樹蔭資生皆取給焉按交濟一水俱自終南山流出也

長安縣

附郭

史記秦始皇弟成蟜封長安君將兵擊趙者秦亡楚懷王封項羽漢高帝封盧縮俱爲長安侯漢定天下始爲縣屬京兆尹王莽曰常安矣潘岳關中記云長安城皆黑壤赤城今尚赤如火堅如石父老傳云鑿龍首山土以爲之賈耽縣道記云長安

陝西名勝志

卷之一

四

縣故城今謂之苑城漢京兆府在故城內尚冠里長安蓋古鄉聚名在渭水南隔渭水北對秦咸陽宮漢于其地築未央宮謂大城曰長安城五年始置○隋胡師耽詩結廬終南山西北望帝京煙霞亂鳥道步見長安城宮雉互相映雙闕雲間生朱閣臨槐路紫蓋飛縱橫望來極已甕廂秋風驚○按已上稱長安俱屬故城至隋遷大興城內此城遂廢

咸寧縣

附郭

咸寧之名唐天寶七年所命前後皆爲萬年縣也

萬年木漢縣屬左馬即設在櫟陽城東北今臨潼縣境三輔黃圖云漢太上皇葬櫟陽北原起萬年陵因置萬年縣矣隋開皇三年遷都大興城因別置萬年于城內與長安縣配並爲赤縣而櫟陽遂廢至唐大寶始改今名○城闕記云萬年縣門樓隋宇文愷造唐高宗末太平公主出降薛紹于此縣納婚初以縣門隘窄議欲毀之高宗勅曰萬年縣門屋宇文愷所造制作多奇勿得毀折仍以別地開之○據志云郡南六十里有石鼈谷益終南山下太乙谷也以谷口有巨圓石如鼈故名長安

陝西名勝志

卷之一

五

咸寧以此分界雍勝畧亦謂太乙山隸長安咸寧之間其下有谷谷內有太乙祠漢元封二年建口唐岑參石鼈崖舊廬招工學士詩驟雨鳴淅瀝颶颶谿谷寒碧潭千餘尺下見蛟龍蟠石門吞衆流絕峯呀層巒幽趣倏萬變奇觀非一端抱版尋舊圖敎廬臨迅湍釀酒漉松子引泉通竹竿何必淮滄浪不能釣嚴灘此地可遺老勸君來考察○長安志云終南山在郡城西南五十里五經要義曰終南長安南山也詩云終南何有有條有枚毛註周之名山終南也皇南譚高士傳云秦有東園公

夏黃公綺里季角里先生時呼四皓共入商洛隱地岫山以待天下定及秦敗漢高帝重其節四人乃深自匿終南山不能屈之潘岳關中記云終南一名中南言在天下之中居都之南也一名太乙張衡西京賦云終南太乙崇嶺崔率唐王維詩太乙近天都連山到海隅是終南太乙本一山也按元和間李吉甫撰郡國志核關中終南山所歷而著諸郡縣自鄠郿武功以至長安萬年每縣皆著終南山名言相望矣○程大昌雍錄曰龍首山在長安縣西北一十里長六十里首入渭水尾達樊

陝西名勝志

卷之一

六

川秦時有黑龍從南山出飲渭水其行道因成土山漢張衡賦云疏龍首以抗殿註曰疏山爲臺殿不假板築高比長安城又龍首原在咸寧縣東即其北行之勢垂坡東下以爲平原者也隋唐都城皆在此原上開皇初令開渠引澧水北流入苑謂之龍首渠按今由景龍池入城以注秦宮者是○漢武故事云武帝建元三年起上林苑召丘壽王所奏東南至藍田宜春鼎湖御宿昆吾傍南山而西至長楊五柞北繞黃山濱渭而東漢舊儀云上林苑方三百里按其故基跨今藍田鄠藍田咸寧

長安五縣之境續漢書百官志云上林苑令一人
六百石王苑中禽獸內宮館之事屬水衡廣漢後
有罪誅沒入爲官園鳥獸草木皆入上林苑中
司馬相如上林賦云蕩蕩乎八川謂灞澇涇渭豐
鎬澇澇也世稱長安之地瀉鎬終其前涇渭遠其
後灞澇界其右豐澇合其右乃其大勢也○按志
渭水北去城五十里發源鳥鼠山西自郿縣界流
入灞水出藍田山北流注之澇水與灞水同源至
灞則合灞水又有長水出自鹿原亦流于灞漢封
神書云秦都咸陽灞澇長水皆非大川以近咸陽

陝西名勝志

卷之一

七

畫得祠之卽此後因姓長據有長安遷其諱改名
荆溪故釋澇水者曰荆溪之下流也○說文曰澇
水出杜陵今名沈水自南山皇子陂西北流入渭
澇水出南山澇谷北流入于渭亦上林故地也涇
水源出安定東至陽陵與渭同流而清濁不混詩
云涇以渭雜湜湜其汜是矣○渭水又東豐水從
南來注之如淳曰去長安四十里源出長安縣秦
嶺北西北經子午谷又得豐谷口水故豐取名焉
文王遷豐依此水也詩曰豐水東注維禹之績箋
云昔堯時豐水汎濫爲害禹治之使人渭東注于

河之功也按子午谷在漢都城正南終南山下
有微徑從杜陵徑達漢中謂之子午道○鎬水源
出太白山西谷中合滴水以入渭三輔決錄曰鎬
在豐水東豐在鎬水西相去二十五里書傳文王
作鄆武王理鎬孔安國注云鎬水昆明池北鎬陂
是也○鎬京故基在府城南三十里詩曰考卜維
王宅是鎬京惟龜正之武王成之亦謂之宗周也
梁載言十道志云鎬池一名元阨秦始皇毀之又
云漢武帝穿昆明池于此地鎬京基構淪陷無可
究矣○唐魏王泰括地志云鎬水今亦不入渭有

陝西名勝志

卷之一

八

渭河西自長安入注于渭漢武帝元光六年所開
注水經曰城南漕渠有漢時靈臺北與未央宮對
有銅表題云太初四年造○水經云渭水又東逕
長安城北漢惠帝三年造六年始成之城十二門
東出北頭第一門本名宣平門潘岳西征賦踐宣
平之清閭廋于山云望宣平之貴里言貴戚所居
也王莽更名春王門正月亭亦曰東城門其郭門
亦曰東都門卽逢萌掛冠處矣第二門本名清明
門一曰凱門王莽更曰宣德門布恩亭內有籍田
倉亦曰籍田門第三門本名灞城門王莽更名仁

壽門無疆亭秦民見門色青又名青城門或曰青綺門亦曰青門門外舊出佳瓜昔廣陵人邵平爲秦東陵侯秦破爲布衣種瓜美世謂之東陵瓜是以阮籍詠懷詩曰昔聞東陵瓜近在青門外惜此門也南出東頭第一門本名覆盎門王莽更名永清門長茂亭其南有下杜城應劭曰杜陵之下聚落也故曰下杜門又曰端門北對長樂宮第二門本名安門亦曰鼎路門王莽更名光禮門顯樂亭卽西安亭北對未央宮第三門本名平門王莽更名信平門城正亭西出南頭第一門本名章門

陝西名勝志卷之一 九

王莽更名萬秋門億年亭亦曰光畢門也又曰便門第二門本名直門王莽更名直道門端路亭故龍樓門也張晏曰門樓有銅龍三輔黃圖曰長安西出第二門卽此門也第三門本名西城門亦曰雍門王莽更名章義門若道亭其水北有函里氏名曰函里門又曰光門亦曰突門北出西頭第一門本名橫門王莽更名霸都門左幽亭如淳曰音光故曰光門其外郭有都門有棘門徐廣曰棘門在渭北三輔黃圖曰棘門在橫門外漢書徐厲軍於此備匈奴又有通門亥門也其第二門本名洛

門又曰朝門王莽更名建子門廣世亭一曰高門蘇林曰高門長安城北門也一曰厨門其內有長安厨官在事故城曰厨門如淳曰今名廣門也第三門本名杜門亦曰利城門王莽更名進和門臨水亭其水有客舍故曰客舍門又曰洛門也凡此諸門皆通達九達三途洞開貫山至言曰秦爲馳道於天下東窮燕齊南極吳楚道廣五十步三丈而列樹厚築其外隱以金椎樹以青松者也左出右入爲往來之經行者升降有上下之別漢成帝爲太子元帝嘗急召之太子至龍樓門不敢絕馳

陝西名勝志卷之一 十

道西至直城門方乃得度上樞遲問其故以狀對上悅乃著令太子得絕馳道也渭水東合昆明故渠渠上承昆明池東口逕河地陂北亦曰女觀陂又東合沔水亦曰漕渠又東逕明堂南舊引水爲辟雍處在鼎路門東南七里其制上圓下方九宮十二室四嚮五色堂北三百步有靈臺漢平帝永始四年立渠南有漢園丘成帝建始二年罷雍五時始祀皇天上帝於長安南郊應劭曰天郊在長安南卽此也故渠之北有白亭博望苑漢武帝爲太子立使通賓客從所好也太子巫蠱事發砍杜

門東出史良娣苑葬於苑北宣帝以爲及園故渠
又東而北屈逕青門外與沆水枝渠會渠上承沆
水於章門西飛渠引水入城東爲倉池池在未央
宮西池中有漸臺漢兵起王莽死于此臺又東逕
未央宮北高祖在關東令蕭何成未央宮何斬龍
首山而營之山長六十餘里頭高二十丈尾漸下
高五六丈其北有玄武閣卽北閣也東有蒼龍閣
闕內有閭闔公車諸門未央殿東有宣室王堂麒麟
合章白虎鳳凰朱雀鸞鷟昭陽諸殿天祿石渠
麒麟三閣未央宮北卽桂宮也周十餘里內有明
陳西名勝志卷之一 十一

有長信長秋永壽永昌諸殿殿之東北有池池北
有層臺俗謂是池爲酒池非也故渠北有樓閣漢
京兆尹司馬文預碑故渠又東出城分爲二渠卽
漢書所謂王渠者也蘇林曰王宮家渠也猶今之
御溝矣在城東霸門外一水逕楊橋上卽青門橋
也本側城北逕鄧艾祠西而北注渭其一渠東逕
奉明縣之廣明苑南史王孫及王夫人葬于郭北
宣帝遷苑南史王孫及王夫人上以爲悼園益園
民千六百家立奉明縣以奉二園園在東都門昌
邑上賀自灞上御法駕鄧中令龔遂驂乘至廣明
陳西名勝志卷之一 十二

光殿走狗臺柏梁臺舊乘復道用相逕通故張衡
西京賦曰鈎陳之外闕道穹窿屬長安與明光逕
北通于桂宮故渠出二宮之間謂之明渠也又東
歷武庫北舊樛里子葬於此樛里子名疾秦惠王
異母弟也滑稽多智秦人號曰智囊葬于昭王廟
西渭南陰鄉樛里故俗謂之樛里子云樛里子曰
我百歲後是有天子之宮夾我墓穴以昭王七年
葬至漢長樂宮在其東未央宮在其西武庫直其
墓秦人諺曰力則任鄙智則樛里也明渠又東逕
漢高祖長樂宮北宮周二十里殿前列銅人殿西

東都門是也故渠東北逕漢太尉夏侯嬰冢西葬
日樞馬悲鳴輕車閭進下得右鄧銘云于嗟滕公
居此室故遂葬焉冢在城東八里飲馬橋南四里
故時人謂之馬冢口渭水又東沆水注之水上承
皇子陂於樊川其地卽杜之樊鄉也漢祖至標陽
以將軍樊噲灌廢丘功最賜邑于此鄉矣沆水又
西北逕下杜城卽杜伯國也沆水又西北支合故
渠渠有二流上承交水合於高陽源而北逕河池
陂東北注沆水沆水又北與昆明故池會又北逕
泰通六基東又北逕塢水陂東又北得陂承其波

東北流入于沔水沔水又北逕長安城西與昆明池水合水上流承池於昆明臺故上仲都所居也桓譚新論稱元帝微病廣求方士禁中遂道士仲都詔問所能對曰能忍寒暑乃以昆明池上環水而馳御者衣裘寒戰而御獨無變色卧于池臺上然自若夏大暑日使卧坐環以十爐火亦不言熱池水北逕鑄京東泰阿房宮西史記曰秦始皇五年以咸陽之人多先王之宮小乃作朝宮於渭南亦曰阿城也始皇先作前殿阿房上可坐萬人上可建五丈旗周爲閣道自殿直抵城南山陝西名勝志卷之一

表山巔爲闕爲複道自阿房度渭屬之咸陽象天極閣道絕漢抵營室也關中記曰阿房殿在長安西南二十里殿東西千步南北三百步庭中受十萬人其水又屈而逕北東北流注渭水陂陂水北出逕漢武帝建章宮東於鳳闕南東注沔水又北逕鳳闕東三輔黃圖曰建章宮漢武帝造周二千餘里千門萬戶其東鳳闕高七丈五尺俗言真女樓非也關中記曰建章宮圓闕臨北道有金鳳在闕上高丈餘故號鳳闕也沔水又北分爲二水一水東北流一水北逕神明臺東傳子宮室簿口上

於建章宮中作神明臺并幹樓高五十餘丈皆作懸閣輦道相屬上有九室今人謂之九子臺沔水又逕漸臺東漢武故事曰建章宮北有太液池池中有漸臺高三十丈漸沒也爲池水所漸一說星名也南有壁門三層高三十餘丈中殿十二門階陛咸以玉爲之鑄銅鳳五丈飾以黃金屋上椽皆薄以玉壁因曰壁玉門也沔水又北流注渭俗謂是水爲滴水亦曰高都水前漢之末五侯王氏大治池沼引入長安城故百姓歌之曰五侯初起曲陽最怒壞決高都竟連五柱土山漸臺像西白虎陝西名勝志卷之一

卽是水矣渭水又東過長安縣北渭水東分爲二廣雅曰水自渭出爲渠其猶河之有雍也北流東北流逕魏雍州刺史郭淮碑南又東南合一水逕兩石人北秦始皇造橋鐵鉞重不勝故刻石擬力士孟賁等像以祭之鉞乃可移動也又東逕陽侯祠北水漲輒祀之此神能爲大波故配食河伯而後人以爲鄧艾祠悲哉讒勝道消事忠受害矣渭水又東注北水水上有梁謂之渭橋秦制也亦曰便門橋橋廣六丈南北二百八十步六十八間七百五十柱一百二十二梁橋南北有隄激立石柱

柱南京兆立柱北馮翊立合丞各領徒千五百人
橋之北首壘石水中故謂之石柱橋也舊有村留
神像此神嘗與魯班語班令神出村留曰我貌穉
醜卿善圖物容班於是拱手與言曰出頭見我村
留乃出首班於是以前畫地村留覺之便還沒水
故置其像於水唯背以上立水上後董卓入關遂
焚此橋魏武帝更修之橋三丈六尺三秦記曰燕
太子丹質于秦秦王遇之無禮乃求歸秦王爲機
發之橋欲以陷丹丹過之橋不爲發又一說交龍
捧轡而機不發卽此處矣渭水又東與沔水枝津

陝西名勝志

卷之一

五

合水上承沔水東北流逕邵艾祠南又東分爲二
水一水東入逍遙園注藕池池中有臺觀蓮荷被
浦秀實可翫其一水北流于渭渭水又逕長安城
北口霸水又左合漡水歷白鹿原東逕霸次漢文
帝葬其上謂之霸陵上有四出道以瀉水在長安
東南三十里故王仲宣賦詩云南登霸陵岸廻首
望長安文帝嘗欲從霸西馳下峻坂袁盎攬轡不
動上曰將軍怯耶盎曰臣聞千金之子坐不重堂
百金之子立不倚衡聖人不乘危今馳不測如也
驚車敗柰高廟何上乃止晉文帝若濡陵其

指新豐路示慎夫人曰此走耶郾道也因使慎夫
人鼓瑟上自倚瑟而歌悽愴悲懷顧謂羣臣曰以
北山石爲鄧州紆絮散陳漆其間豈可動哉釋之
曰使其中有可欲雖錮南山猶有隙使無可欲雖
無石梯又何戚焉文帝曰善拜廷尉蕭昭曰高岸
夾水爲厠今斯原夾二水也霸水又北會兩川又
北故源左出焉霸水又北逕芷陽宮南秦襄王所
造謂之霸上漢高帝回軍以待項羽於斯處霸水
又北逕王莽九廟南莽地皇元年博徵天下工匠
壞撤西苑建章諸宮館十餘所取材凡以起九廟

陝西名勝志

卷之一

六

竿及吏民以義入錢穀助成厥工殿皆重屋太初
祖廟東西南北各四十丈高十七丈餘廟半之爲
銅薄檻飾以金銀雕文極窮技巧麗高增下工費
數百巨萬卒死者萬數霸水又北逕枳道在長安
縣東十三里秦王子嬰出降沛公處高后世有白
鶴羣飛自東都門過于枳道五行志曰高后八年
三月被霸上還枳道見物如蒼狗機高后拔忽不
見卜之趙王如意爲祟遂病掖傷而崩注云機謂
狗持之也水上有橋謂之霸橋地皇三年霸橋木
災言東起卒數千以水汎沃救不滅晨熒夕燭

恭憲之下書曰甲午火橋乙未立春之日也子以
神明年終冬絕城霸駁之橋欲以興成新室統
一長存之道其名灞爲長存橋灞水之北左納漕
渠絕灞左出焉東運霸城北又東運子楚陵北皇
甫諡曰秦莊王葬于芒蕩之麗山京兆東南霸陵
山劉向曰莊王大其名立墳者也戰國策曰莊王
字異人更名子楚故世人猶以子楚名陵○按志
秦莊襄王墓在故長安通化門東二里俗名尖塚
皇覽謂曰不韋塚○楊里子墓在故長安城內未
央宮東唐元和志曰未央長樂二宮相距一里程

陝西名勝志

卷之一

七

大昌雍錄云以二宮垣牆之相抵而言也中央一
里卽武庫地楊里子墓介乎其間○蝦蟆陵在舊
城南六里騰脂陂唐書述西京記云本董仲舒墓
李肇國史補曰昔漢武帝幸芙蓉園毋至此墓十
馬時人謂之下馬陵歲月深遠遂誤爲蝦蟆耳近
興慶宮故基○周穆王陵在府城西南二十五里
屬咸寧之張恭村○漢文帝霸陵在灞水之東白
鹿原上因山爲墳其廟卽頤成廟遺址也薄太后
葬附文帝陵東南謂之南霸陵口霸陵大道南有
秦時銅人十二董卓壞以爲錢餘二枚尚有卽

子訓與老人摩挲銅狄處口灞上有亭亭有尉主
之李廣屏居南山下射獵歸爲亭尉所呵口寧識
故將軍耶口灞橋原跨水上西京送行者多至此
折柳贈別故唐人語曰詩思在灞橋風雪中也至
王莽時橋災隋乃更造以石唐取江淹別賦黯然
銷魂之語因曰爲銷魂橋石灞水今已徙去橋在
平陸去城東二十有五里○灞南五里卽樂遊原
本杜縣之東原一名鴻固原漢宣帝所樂遊築以
爲陵曰杜陵因以樂遊原併置縣曰杜陵漢張仲
蔚蒲宅逢高蔣詡開三徑惟與二仲往來俱在杜

陝西名勝志

卷之一

七

陵內口杜陵東南十餘里又有一陵差小相傳許
皇后附葬者漢書宣后葬杜陵南園師古注謂之
少陵也今屬咸寧縣之司馬村口少陵之東卽杜
曲近啓夏門長安志云唐李抱玉碑在杜曲村有
墳口柳宗元墓碑韓退之文在少陵原之北相傳
陵西卽杜子美舊宅祁國杜公佑奇童牛公僧孺
之居皆在焉後杜牧卽祁公別墅增築之名樊水
園與常曲相埒當時語曰城南常杜去天尺五言
二家皆歷代顯宦云○常曲在府城南二十里自
漢以來諸常居之至唐屬常安石別業極林泉花

木之勝杜子美詩常山花無賴家家惱殺人李白
亦嘗遊此故張浮休水磨賦云參以太白忘機脫
屣者也韓昌黎別墅在常山東與孟郊賦詩及
其子讀書之所名曰韓莊有鄭莊在其東南卽少
陵集鄭十八虔之居也又其西有塔坡者何將軍
之山林也其地有浮圖產稻極美土人謂之塔坡
米云○樊川在城南三十里滴水所經也本名後
究川曰樊川者以樊噲食邑而名今其地有華嚴
寺但謂之華嚴川云按宋曾改大年縣爲樊川縣
至金始復咸寧○皇子陂在常山之西陂周七里

陝西名勝志

卷之一

七

十道志云秦葬皇子起家陂北京上因名杜甫詩
曰天寒皇子陂一本作黃子者謠○三輔黃圖云
渭水上有三橋曰中渭橋在城西北二十五里秦
始皇造始皇離宮夾渭南北因作此橋以通之故
曰渭水貫都以象天漢橫橋南渡以法牽牛也曰
東渭橋在城東北五十里漢高祖時造以通櫟陽
之道曰西渭橋在舊長安城西漢武帝造以通茂
陵卽名便橋者也○三輔故事又載橫橋漢承秦
制廣爲六丈南北長三百八十步置都水令以掌
之號爲石柱橋橋南屬京北北屬扶風此之橫橋

卽中橋也○漢都城北橫門外別有橫橋不在跨
渭之數三輔黃圖曰長安城下有池周繞廣三丈
深二丈石橋各六丈與街正等則橫橋乃其跨城
壕以爲之者非跨渭也○三輔故事云長安城中
有八街九陌漢京兆尹張敞走馬章臺街丞相劉
屈楚妻鼻首華陽街陳湯斬郅支王懸首藁街三
輔黃圖有香室街夕陰街尚冠前街漢書又有太
常街熾盛街張衡西京賦云觀其城郭之制則旁
開三門參塗夾庭方軌十二街衢相經後秦時百
姓歌曰長安大街夾桐楊槐下走朱輪上有鸞栖

陝西名勝志

卷之一

七

英彥雲集誨我萌黎○長安市凡九所各方二百
六十六步六市在道西二市在道東四里爲一市
凡九市致九州之人在突門夾橫橋大道又有常
市樓以望遠道張衡西京賦云廊開九市通閭帶
闔旗亭五重俯察百隧者也○元和郡國志云長
安大俠萬子夏居柳市太學諸生期望集槐市司
馬季玉于東市其西市在醴泉坊隋口利入市
因立西市署又有二十四獄近西市傍○唐時有
宮市貞元間吳凑爲京兆尹奏罷之民極稱便嘗
于官街樹槐及奏卒人民指樹而懷之○唐九

街有試官石在武安王廟前橫臥街側色黑而瑩長四五尺高二三尺衆人就試者以釘釘之十其
中石即今石上有釘數十餘釘頭皆露亦有半入
而上曲者皆如此類○長安志云秦阿房宮在縣
西二十里殿東西五百步南北五十丈上可坐萬
人宮前置銅人十二積十五年始成頗師古曰阿
房者言殿之四阿皆爲房也又曰宮成而天下亂
未暇浮命名但以阿房名之○長樂宮本秦興樂
宮也在舊長安城東亦謂之東宮長安記云興樂
宮秦始皇造漢脩飾之宮前銅人二其背有銘李
陝西名勝志卷之一 世一
斯撰蒙恬書漢紀高帝五年都長安九月治長樂
七年宮成諸侯皆朝宣帝元康四年神雀五采以
萬數集長樂宮五鳳三年鸞鳳集長樂宮東闕中
樹上二輔黃圖云長樂宮前殿東西四十九丈七
尺兩軒中二十五丈深十二丈漢太后常居之故
有長信長秋永寧諸殿在長樂宮之西長樂正殿
內有溫室卽人間孔光溫室樹何木光默然不爲
處○未央宮在舊長安城內西南隅漢書高祖十
年蕭何起未央宮立東闕西闕前殿武庫太倉上
元其壯麗甚怒曰天下匈匈勞苦數歲成敗未

知是何治宮室過度也何曰天下方未定故可因
以就宮室天子以四海爲家非壯麗無以重威且
今後世無以加也上悅乃從櫟陽徙居之○西京
雜記云未央宮周廻三十二里九十五步五尺街
道周廻七十里臺殿四十三其三十二在外其十
一在後宮池十三田六門閤凡九十五又曰昭陽
殿在未央宮中織珠爲簾風至則鳴如環珮聲窓
戶扇多是琉璃皆通照毛髮不得藏椽桷皆刻作
蛇龍縈繞其間鱗甲分明見者莫不驚慄○漢宮
殿疏曰未央宮有金馬門青瑣門朱鳥堂畫堂甲
觀非常室又有延年合權四車宣明昆德諸殿玉
堂瑤璽宣室天祿石渠諸閣宣室祕室也文帝受
釐之所卽召見賈生處石渠天祿俱在未央宮大
殿北石渠者渠石爲渠中藏蕭何所得秦世圖籍
天祿異獸也揚雄校書于上又有鈎盾弄田鈎盾
宮寺名弄田者燕遊之田天子所戲弄也又有曲
臺天子射于此如淳曰行射禮于曲臺后舍爲之
記○桂宮漢武帝造漢書曰桂宮有紫房複道通
未央闕中記云桂宮在未央宮北周廻十餘里中
有明光殿殿上有複道從宮中西上城西至建章

宮神明堂蓬山三秦記云未央宮明光殿皆金玉珠璣爲簾箔處明月珠金祀玉階晝夜光明又云桂宮一名井泉宮作迎風臺以避暑西京雜記云武帝爲七寶床雜寶案廁寶屏風列寶帳設於桂宮時人謂之四寶宮漢書又曰北宮中有神君居壽宮張羽旗設供具以禮神君神君來則肅然風生帷帳皆動又有太子宮甲觀漢書曰孝成皇帝母曰王皇后元帝在太子宮成帝生于甲觀壽堂也按桂宮一名紫宮三秦記云未央宮卽紫宮李善曰未央宮爲總稱紫宮其中別名耳○建章宮

陝西名勝志

卷之一

三

漢書武帝太初元年作建章宮度爲千門萬戶前殿度高未央其東則鳳闕高二十餘丈其西則商中數十里虎圈其北治大池漸臺高二十餘丈名曰太液池中有蓬萊方丈瀛洲壺梁象海中神山龜魚之屬其南有玉堂璧門大鳥之屬立神明堂井幹樓高五十丈輦道相屬焉二輔舊事云建章宮周廻數里殿東別起鳳闕高二十五丈上高以望遠又于宮門北起圓闕高二十五丈上有銅鳳凰赤脊賊壞之西京賦云圓闕從以造天若雙碣之相望廟記云建章北闕門也有鳳凰闕高十七

丈五尺俗人謂鳳凰闕爲貞女樓古歌辭云長安城西有雙闕上有雙銅雀一鳴五穀生再鳴五穀熟按銅雀卽銅鳳凰也故址在未央宮西南上林苑內顏師古曰上林苑中有宮十二建章其一也又西有葡萄宮漢書哀帝元壽二年單于來朝以太歲厭勝所在舍之因起此宮口按建章宮因柏梁災武帝以越巫方之言而建柏梁臺擗自元鼎初年卽武帝宴羣臣作七言詩處世所謂柏梁體也臺以香柏爲之香間數里云○太液池在建章宮北周廻十頃中有采菱越女鳴鶴之舟及趙飛燕結裾避風之臺又有曝衣閣在池之西漢武故事云七月七日宮女出后衣曝于其上○曲江去咸寧縣南十里周六七里亦名芙蓉池本秦隄洲司馬相如賦曰臨曲江之湄洲顏師古云曲岸之洲曲江也漢武帝穿以爲宜春苑其水曲折有侶廣陵之江故名唐開朝隱詩注以似嘉陵江矣常述記云宣帝起樂遊苑於曲江池以爲校文之所唐開元中更疏鑿之池邊栽蒲蔥翠柳陰四合都人遊賞中和節三月三日最盛玄宗嘗錫臣宴飲焉後以秀士每年登科第賜宴曲江蓋不忘

陝西名勝志

卷之一

曲

女之義也○慈恩寺在曲江西杏園內唐進士賜宴後率題名于慈恩寺塔本隋無漏寺地唐初廢貞觀十二年高宗在青宮爲文德皇后請立寺故以慈恩爲名寺南臨黃渠竹樹森邃浮圖七層崇三百尺有辟支佛牙大如斗光采煥爛南部新書曰高宗初及第偶于慈恩塔下題名後人慕效遂爲故事謂之雁塔題名此塔做西域製名亦本之○昆明池在長安縣西南三十里地名鵲鵲莊漢書元符三年城隴西北地上郤戍卒之半發謫使穿昆明池臣瓚曰西南夷傳有越嵩昆明國有滇

陝西名勝志

卷之一

五

池方三百里漢使求身毒國爲昆明所閉帝欲伐之故作昆明池以習水戰周廻四十里凡三百一十頃按括地志云豐鎬二水皆已堰入昆明池無復流派水經云交水西至石碣有石閘堰是也口王季年拾遺記云武帝思懷李夫人不可得見始穿昆明之池泛翔禽之舟帝自造歌曲使女伶歌之時日已西傾涼風激水女伶歌聲甚道因賦落葉哀蟬之曲其詞曰羅袂兮無聲玉墀兮塵生虎房冷而寂寞落葉依于重廊望彼美之女兮安得感予心之未寧口西京雜記云昆明池有二石人

如牽牛織女有戈船樓船各數百艘樓船上建樓檣戈船上建戈矛四角悉垂幡旄旌葆麾蓋照燭涯溪口漢武鑿昆明池極深悉是灰炭無復土以問東方朔朔曰臣愚不足以知之可試問西域胡人後漢明帝時有西域胡人來洛陽時有憶別言者問之胡人曰天地大劫將盡則有劫燒此劫燒之餘灰也池中有豫章臺及石麒麟至雷雨魚常鳴吼鰲尾皆動代祭之以祈雨往往有驗口三秦記云昆明池有沼名神池舊傳堯時治水停船于此其地通白鹿原有人釣魚綸絕而去見夢武帝

陝西名勝志

卷之一

五

求去其鉤明日藏于池見大魚銜鉤曰豈非昨所夢乎去鉤放之間三日帝復遊池于池濱得明珠一雙帝曰豈昔魚之報耶口三輔黃圖曰宣曲宮在昆明池西漢宣帝曉音律嘗于此度曲因名杜佑通典云唐神龍中安樂公主恃寵請昆明池中宗不與王怒自以家財別穿池號定昆池地長安縣西南十五里張說有三月三日宴定昆池官莊詩口雁鵠陂地方六頃承昆明下流在鎬池北沈約詩云東出千金堰西臨雁鵠陂口河池亦承昆明而東注涇一名女觀陂口唐宋之間

日昆明池應制詩春豫靈池會滄波帳殿開舟凌
石鯨渡槎拂斗牛迴節晦冥全落春逢柳暗催象
漢有落景燒劫辨沈灰鎬飲周王樂汾歌漢武才
不慈明月盡自有夜珠來按是夕則天后賜羣臣
宴卽席賦詩命上官昭容選其尤者一篇以製新
曲無清此詩爲第一 洞冥記云漢武帝於望鶴
臺西起俯月臺臺上穿影娥池每登臺眺月影入
池中使宮人乘舟吹月影因名影娥池唐上官
儀詠雪詩有珠散影娥池之句惟張柬之能解其
用事焉○拾遺記曰漢昭帝幸淋池引太液之水
陝西名勝志 卷之一 七
池中植分菱荷一莖四葉狀如帳蓋花葉離萎芬
馥之氣徹十餘里宮人貴之每遊宴出入必皆含
嚼或剪以爲衣或折以蔽日以爲戲帝時命水
嬉以文梓爲船木蘭爲棹刻飛燕翔鷺于船首臨
風輕漾畢景忘歸乃使宮人歌曰秋素景兮汎洪
波揮纖手兮折菱荷涼風淒淒揚棹歌雲光開曙
月低河萬歲爲樂豈云多○漢博望苑武帝爲戾
太子置接賓客之所在金城坊戾園東南○漢思
后園漢武帝衛皇后之陵園也后字子夫其家號
曰衛氏出平陽侯邑千八百平陽王諡者武帝

位子夫人宮有寵生戾太子遂立爲皇后巫蠱事
起江充爲姦太子懼不能自明遂與后謀誅江充
發兵兵敗太子走后自殺宣帝卽位改葬置園邑
于此在金城坊卽故城杜門外大道東漢書戾太
子敗皇孫及妃王夫人皆遇害葬廣明慈林注云
苑名也又曰史皇孫位在廣明郭北文潁注云位
塚位也宣帝卽位以爲悼園八年立奉明縣以奉
陵寢西征賦云北惟奉明也○太極殿戴延之西
征記云苻秦築宮于長安東城中有太極殿殿上
有金井按唐之西內正殿亦名太極殿本此又太
極宮有四海池東南西北皆以爲名○望春宮隋
文帝建煬帝改曰長樂宮在城東十里漣水西岸
唐沈佺期詩東望春春可憐本此○大明宮在
城東北五里唐東內也貞觀中建初名永安後改
曰蓬萊又改曰大明賈至有早朝大明宮詩王維
岑參杜甫皆和之宮內有紫宸蓬萊含元麟德宣
政諸殿殿前東西廊有日華月華二門日華門在
鸞儀樓月華門有結璘樓其中則麟德殿也又含
元殿西有光範門卽韓愈上書得伏光範門外者
○學士院在蓬萊殿西李肇國史補曰學士院

廟前有花磚道冬中口及五磚爲入直之候李程性懶好晚入常過八磚始入口金鑾殿在宣政殿北玄宗于此召見李白論當世事奏頌一篇帝賜食親爲調羹詔供奉翰林至德宗時嘗移院于金鑾殿故世稱翰林學士爲坡云○興慶宮在城東南五里唐南內也玄宗建內有文泰南薰大同諸殿有沉香亭開元禁中初種木芍藥得四本上因移于沉香亭前一日與楊貴妃坐有所感欲製新曲因召李白白已醉賦清平調四首有解釋春風無限恨沉香亭北倚欄干之句○又有勤政務本

陝西名勝志

卷之一

苑

樓花萼相輝樓俱開元時建帝與諸王同榻飲宴及千秋節賜酺處也雜錄曰勤政樓在南花萼樓在西俱隸興慶宮蓋玄宗西樓以譙兄弟南樓以脩政事云○按興慶宮本玄宗舊宅在城東南角隆慶坊玄宗卽位之後以宅爲宮因避諱改爲興慶唐六典云宅內有井忽湧成小池常有黃龍出其中名曰龍池唐諸臣有龍池應制篇卽此○廟記云漢高帝廟在長安城西南原廟在渭水北惠帝所造春薦櫻桃之始○文帝廟在金塢北大道南一名頤成廟崔豹古今注曰頤成廟有玉龍

黃金爐二槐樹悉爲扶老鉤闌畫雲龍角虛于其上應劭曰文帝廟謂之頤成廟者言其制度卑狹若頤望而成也帝出頤成廟外無宿館實太王因獻長門園武帝以爲長門宮陳皇后始被廢居之司馬相如爲作賦如淳曰長門者因長水以爲名也○景帝廟在德陽宮漢書曰德陽宮乃景帝廟也帝自作之諱言故爲宮○武帝廟見茂陵下○昭帝廟宣帝廟俱見二陵○孝元廟王莽壞之更爲文母太后起廟留其正殿爲文安泰食堂後漢書云光武徙都洛陽乃于長安合聚一廟于高廟

陝西名勝志

卷之一

三

命太宰一人掌焉○漢書長安十二城各有侯蕭望之爲小東門侯者長安城距今城十三里自光化門向西趣北乃高帝七年脩本秦離宮也按惠帝元年正月城長安二年九月城成周六十五里十二門形如北斗故名北斗城一名陽甲城甲始也謂一陽初生期福祿于未艾云○大興城卽今城也按隋書開皇二年以長安故都年代既久宮宇朽腐謀欲遷都僕射蘇威太師李穆并太史令庾季才等議合于帝旨遂以其年六月十八日詔規建制至三年三月十八日移入新都其地卽漢

故城之東南屬杜縣宇文周之京兆郡萬年縣界南直子午谷西北據渭水東臨漣灊西枕龍首原僕射高穎總領其事安平公宇文愷創制規模將作大匠劉龍鉅鹿郡公賀婁子幹等凡使營建謂之大興城以帝始封大興公因以爲名或曰其地本大興村嘗有僧坐大木下曰此後當爲宮殿大木卽大興殿基址也是年隋始遷都改萬年爲大興縣唐因之永徽四年增築改名長安城○長安志云唐京城南面三門正中曰明德門北當皇城朱雀門南出抵終南山之境東曰啓夏門門外卽陝西名勝志

卷之一

三

街有朱雀門街乃前街也東西廣百步萬年長安二縣以此街爲界萬年領街東五十四坊及東市長安領街西五十四坊及西市有玄都觀在朱雀街西之安善坊蓋宇文愷之管隋都也曰朱雀街南北盡郭有六條坡象乾卦六爻故于九二爻置宮殿九二爻置百官諸司謂九五貴位不欲常人居之故酈玄都觀及興善寺于其地玄都觀卽劉禹錫看花賦詩處○唐舊制京城內金吾昏曉傳呼以戒行者馬周請置六街鼓號曰鑾鑾鼓唐時又有夾城蓋玄宗以降慶坊爲興慶宮附外郭爲陝西名勝志

卷之一

三

寧縣治所此元時奉九路城圖所載○雍勝略云唐禁苑在今省城北東西二十七里南北三十二里苑中有疑碧池安祿山亂賊徒張樂于此樂工雷海清不勝憤擲樂器慟哭王維被禁菩提寺聞之賦詩曰秋槐葉落深宮冷凝碧池頭奏管絃○唐西內有三城外一重曰京城外郭城也南近樊川北連禁中一重曰宮城惟列府寺不使雜人居止又內一重是內宮城而太極宮在其內即隋大興宮今省城正直宮城之地所謂易卦六爻九二位也東內大明宮在省城東北今含元殿故基高陝西名勝志卷之一

福寺本漢諫議蕭瑀宅隋煬帝在藩亦居之唐天授初改立爲寺神龍以後凡佛經皆于此翻譯寺有浮圖俗呼爲小雁塔李嶠諸人俱有大薦福寺應制詩按在今長安縣南五里古朱雀街東又里許卽大興善寺隋文帝所建段成式曰靖善坊大興善寺取大興兩字坊名一字爲名有天王閣太和二年移此高大爲宇內之最口長安志云興善寺有費長房碑文及不空和尚塔東廊素和尚手植紫桐四株○雍錄云香積寺近昆明池錦水發源之處唐郭子儀傳云距豐水臨大川蓋寺在豐水東交水西也子儀收西京陣于此蓋先時敗于清渠至此循南山出都城據險以待之也然則寺直子午谷正北而微西無疑○普光寺一名天池寺寺上下有二上寺有天池及無壞尊者塔下寺殿宇環麗爲一時之偉觀今不復存○興教寺在華嚴川之西有玄奘法師葬塔上多唐人石刻又西有牛頭寺在牛頭坡遍照禪師道場有姜洵書碑杜甫詩青山意不盡滾滾上牛頭指此也○石經在府學內文廟之碑洞唐文宗時國子監鄭覃以經籍刊謬詔與張次宗孔溫業等共力鐫刊

平漢舊事鏤石太學九經并孝經論語爾雅共一百五十九卷字樣四十卷開成二年告成初置在務本坊宋元祐五年漕司呂公移置京兆學祭持爲之記○孝經爲唐玄宗天寶四載隸書未有太子亭石相林甫左相適之等題名○聖教序唐太宗文有高宗後記及心經俱集于石軍書○夫子廟堂碑唐武德九年虞世南奉勅撰并書首有相王日書額蓋此碑舊無額武后始增之耳是碑評者謂與歐陽率更齊名而前體過之今傳是五代時翻刻○皇甫君碑唐于志寧撰歐陽詢書向稱

陝西名勝志

卷之十

三五

完好我萬曆二十四年亭圯壓碑斷裂○家廟碑顏真卿撰書李陽冰篆額其碑四面環轉丰稜秀出後廟燬宋初有李延襲者語郡守移置于此○多寶佛塔感應碑唐岑勣撰顏真卿書徐浩題額○陰符經唐忠恕三體書尚全○草書千字文唐釋懷素書又有張旭草書千文僅存五十餘行○爭坐位帖顏真卿草書○馬公神道碑柳公權書右前後碑刻凡二百二十餘座今舉其尤者餘不悉錄○張羽王西遷注云孔廟東城虞永興碑雖斷裂有亭覆西卽皇甫碑歐率更書露立無恙但

右角稍夷狀似宜亭其上蓋隋碑至今絕少永興所書經宋翻刻豈以其碑曰廟堂故覆之耶廟後有碑院石刻林立中爲玄宗隸書孝經其後聖教序四壁皆石經乃唐人所爲或疑歐率更者非是其外歐陽通及僧建初所書碑文各一皆佳又有降闢法師碑無姓名亦佳餘唯顏魯公張旭懷素而已有心經草書僞題右軍心經乃唐玄奘所譯右軍安得先有此草或曰聖教序後亦有心經非耶蓋彼乃集右軍行書爲之此草字畫牽連不斷非集也明矣右丞懶川圖多剝落幾就磨滅其畫

陝西名勝志

卷之一

三六

竹尚存更有會昌年間刻禹迹圖李龍眠陽關圖後有歸去圖已亡其半想亦龍眠筆徽宗竹雀一褚河南聖教序在他所甚佳○宋陳堯佐知永興軍時以太后遺宮者監浮圖前守姜遵盡毀古碑碣充磚瓦之用堯佐奏曰唐賢臣墓石十亡有七八矣子孫深刻大書欲傳之後世乃一日與瓦礫等誠可惜也其未毀者願勅所司完護之詔如其言

陝西名勝志卷之二

關中曹學佺能始著

西安府屬

咸陽縣在府城西
北五十里

西京賦曰秦里其朔實為咸陽薛綜注云朔北也里居也秦邦居北是為咸陽三秦記以在九峻山南渭水北山水俱陽故名按志九峻山在今醴泉縣界高六十餘丈其山九峰俱峻故名山之麓即咸陽北坂渭水西南自興平縣界流入水上舊有便門橋即今理也縣南門曰渭陽北右門曰九峻

陝西名勝志

卷之二

一

其名本此○古咸陽城在縣東二十里亦漢高帝元年之新城武帝元鼎三年之渭城縣也隋開皇中移於故咸陽城西北三里為秦杜郵亭址唐武德六年始移便橋橋去長安四十里長安西門曰便門此橋與門相直故名便橋唐時亦名咸陽橋○秦本紀孝公十一年衛鞅築冀闕于咸陽徙都之其後惠文王悼武王昭襄王莊襄王孝文王始皇帝胡亥並都于此秦初併六國收天下兵聚之咸陽鑄以為錄金人十二重各千石置庭中徙天下豪富十有二萬戶居焉每破諸侯輒寫傲其官

室作之咸陽北坂上南臨渭水殿屋複道周閣相屬所得諸侯美人鐘鼓以充之北至九峻甘泉南至長楊五柞東至河西汧渭之交東西八百里南北四百里離宮別觀相望于道木衣綿繡土被朱紫宮人不移樂不改應窮年忘歸猶不能遍至胡亥時天下苦秦四方兵起漢高帝入關秦王子嬰降項羽引兵西屠咸陽燒秦宮室三月不滅長安志云秦漢瓦形製精妙雖塵壤漬蝕殘缺漫漶破之如新瓦頭皆作古篆盤屈隱起以為華藻其文有作楚字者亦秦瓦也秦做六國宮室于咸陽

陝西名勝志

卷之二

二

意者必用其國號以別之與○水經註曰渭水又東豐水從南來注之水所滙處無他高山異巖唯原阜石激而已水上有便門橋漢書建元三年造服虔曰在長安西北茂陵東武帝常山長安西門以趨故門口便門橋口便橋矣渭水又逕太公廟北前有太公碑文字褫缺今無可尋渭水又東北與鎬水合水上承鎬池於昆明池北周武王之所都也故詩云考卜維王宅是鎬京維龜正之武王成之自漢穿昆明池於是地基構淪褫迄無可究春秋後傳曰使者鄭容入柏谷關至平舒置九華

山有素車白馬問容安之谷曰之咸陽曰吾華山
君使願託書致鄠池君子之咸陽過鎬池見大梓
下有文石取以欸梓當有應者以書與之勿妄
發致之得所欲鄭容行鄠池見一梓下果有文石
取以欸梓應曰諾容如睡覺而見宮闕若王者之
居焉焉者出受書入又見頃間語聲言祖龍死卽
是處矣鄠水又北流西北注與彪池合水出鄠池
西而北流入于鄠毛詩云漉流浪也鄭玄曰豐鎬
之閒水北流也鎬水北逕漢靈臺西又逕磁石門
西門在阿房前悉以磁石爲之故事其日令四夷
陝西各勝志卷之二

雨金周太史僂見曰周故與秦國合而別別五百
歲復合合七十歲而霸王出至孝公作咸陽築其
闕而徙都之漢高帝更名新城武帝元鼎三年別
爲渭城在長安西北渭水之陽王莽之京城也始
隸扶風後併長安按志鎬京在縣東二十五里
介于咸陽長安之間矩原在縣西南二十里前有
高山後有此原形方如矩故名鄠池在縣西南二
十五里鄠水之原也與彪池水合流入渭又十三
里爲杜郵亭昔杜伯見惟于宣王處漢宣帝築杜
陵以此爲下杜蘭池宮在縣東二十五里今名
陝西各勝志卷之二

今縣北左門曰五陵本此口漢長陵高帝陵也在
縣東二十五里亦曰長山漢爲縣去長陵三里置
唐杜牧之詩小市長陵在卽此也其北有蕭城世
傳蕭何所築以守長陵故名漢書呂后六年成之
考漢初徙關東豪族以奉陵邑長陵茂陵各萬
戶其餘諸陵各五千戶皆屬太常不隸于郡漢百
官注曰長陵令秩千鍾祿人其城有南北西三面
而東面無城陪葬諸臣有蕭何張良曹參紀信各
墓俱在其東一安陵漢惠帝陵也去長陵又東十
里秦安陵縣周之程邑也雍勝錄云安陵有程地
陝西名勝志 卷之二 五

一十三里有平陵縣去陵一里置漢書曰帝作陵
制令流水而已石槨廣一丈二尺長二丈五尺東
北作廡長三丈五步外爲小廡裁足祠祀萬年之
後掃地而祭口渭陵元帝陵也與平陵同里漢書
口王莽使壞渭陵園門口勿使民思漢氏云口延
陵成帝陵也在縣西北十五里三輔舊事曰成帝
作延陵及起廟嘗將軍有青苗地在廟角恐犯蹈
之放言作陵不便乃徙昌陵涉渭取土與果同價
不成仍就延鄉口義陵哀帝陵也在縣西八里漢
書臣瓚曰義陵屬石扶風去長安四十六里以今
陝西名勝志 卷之二 六

比四十里按縣有周氏陂在城東南三十里勃以
安劉功賜此陂因以氏稱焉七國反勃屯軍于細
柳營距縣西南三十里今名細柳舍近石微地三
輔故事曰周亞夫軍于細柳今石微是也○鉅鹿
冢蒙恬冢李左車冢馮唐冢唐尉遲敬德冢俱在
縣境○雍勝錄云唐史肅宗在彭原召房琯爲先
鋒收兩京戰于陳濤斜父李晟與懷光會于咸陽
之陳濤斜今俱失其故處斜亦墓之類也或曰斜
者山澤之稱故又名陳問澤杜甫有悲陳問詩蓋
傷其事葛常之詩話云昭臨敗猶持重中人邢延
陝西名勝志卷之二 七

恩促戰遂大潰故子美悲之按陳陶斜亦名咸陽
斜在長安城西北舊屬咸陽

興平縣 在府城西一百里

周犬丘之地秦始皇曰廢丘項羽封章邯爲秦王
都此漢高帝三年改置槐里縣武帝析置茂陵縣
昭帝復析置平陵縣魏黃初中改爲始平縣故晉
及後魏設始平郡于此唐景龍時郡廢改爲金城
縣治馬嵬肅宗至德二年始爲興平縣今治所在
槐里故城南口按犬丘周懿王奔狄所都國語泰
仲之子莊公伐西戎復其地爲西垂大夫者也以

此地久廢于戎故曰廢丘亦曰舒丘後漢桓帝封
皇甫嵩爲侯國○章邯臺在縣東南十里文學武
學二城在縣東十一里各崇一丈五尺相傳俱即
所築十道志曰永安初移扶風縣于文學城治卽
此今謂之故縣城○注水經云渭水又東逕槐里
縣故城南其道途左右悉種槐樹漢書槐里環隄
是也王莽更名槐治世口之爲大槐里其城遙帶
隄陴舊渠尚存又有小槐里李奇曰卽槐里之西
城矣魏志太祖以陽阜爲武都太守徙其郡于小
槐里百姓襁負從之○城塚記云漢武帝葬槐里

陝西名勝志卷之二 八

之茂鄉故號其陵曰茂陵高十四丈方一百四十
步三輔舊事曰武帝在槐里茂鄉徙戶六萬一千
置茂陵縣有龍淵廟在縣東北二十四里武帝廟
號也口茂陵西北有李夫人冢冢形三成俗謂之
英陵有臺名習仙臺高二十丈周二百六十步口
衛青墓霍去病墓俱在縣東北十九里近茂陵衛
青冢象廬山去病墓象祁連山口公孫丞相弘墓
去衛霍冢一里口霍光墓在茂平二陵間光葬詔
賜黃腸卽柏心也耕者時時得朽木如槩形謂之
柏槩○平陵城與茂陵城相去二里魏黃初改名

始平以始平原爲名也原長數百里其人井汲巢
窟泉深可五十丈長安志云始平原在縣北亦名
北芒巖漢富人袁度于此築園激流注其中構石
爲山高十餘丈連延數里養白鸚鵡紫鴛鴦鹿牛
青兕後皆徙置上林苑焉○黃山宮在縣西南三
十里宮闕簿曰漢惠帝二年建東方朔傳云武帝
微行西至黃山宮遇盜處按在潯水入渭之下渭
直宮南揚雅其泉賦北繞黃山者也或謂卽北芒
之西坂庾肩吾詩黃山開廣路王維詩黃山舊繞
漢宮斜皆指此○金城縣在縣西二十五里本馬
陝西名勝志卷之二 九

者出百錢爲稅收之人因以致富故劉禹錫過馬
嵬坡有不見巖畔人空遺淩波襪之句○寰宇記
云馬牧澤在縣東南二十里南北廣四里東西二
十一里按卽長安志之四馬務也第一口飛龍務
次大馬務次小馬務次羊澤務凡三百七十頃南
渡渭河又百頃澤在縣西二十五里周廻十六里
多蒲魚之利亦渭水南所溢爲澤云○星石在縣
治內郡國志云晉穆帝時有星隕縣西南汗澤化
爲石色黃白形如甕高五尺唐韓琬爲興平令移
置縣齋題詩云前的隆芊芊蒼葦不記年幾逢疑
陝西名勝志卷之二 十

嵬城唐景龍四年車駕送金城公主至縣因改爲
金城也孫景安征遼記曰馬嵬人名舊傳于此築
城避難未詳何代十六國春秋姚萇時扶風王驤
以數千人保馬嵬故城是也唐天寶末玄宗西幸
次馬嵬驛爲禁軍不發縱殺楊貴妃于此有家存
口長安志曰史家泉在楊妃家西家上有端正樹
又云馬嵬泉在驛北周數十步深百尺流入白渠
唐杜牧詩楊柳依依水拍隄春晴蒨屋燕爭泥海
棠正好東風惡狼籍殘紅襯馬蹄口開天遺事云
玄宗代楊貴妃製羅襪銘妃死遺襪一雙往來

虎將應逐犯牛仙擇地依蘭曉題詩問錦箋何時
成五色却上女媧天○塚廟記云原氏阡在縣境
漢書原涉自以先人墳墓儉約乃大治起家舍初
武帝時京兆尹曹氏葬茂陵人民謂其道爲京兆
阡涉慕之買地開道立表曰南陽阡人不肯從謂
之原氏阡○漢馬融墓在縣西南三里俗呼馬逆
塚○晉王嘉塚在縣東北一里字子年撰拾遺記
者○韓信廟在縣東南十里信從高祖屯軍於此
故祠之○董宣廟在縣北門內強項令也元時茅
輔有詩吊之○丁蘭廟在縣北五里孝子村河內

人卒葬于此有塚存

臨潼縣在府城東六十里

本驪戎國秦驪邑也漢高帝七年置新豐縣後漢靈帝末移安定郡之陰盤縣寄理于此封段熲爲盤侯亦謂之陰盤城後魏太和中復移陰盤于縣東二十里司馬村故城內其新豐縣自陰盤寄理後移徙不一唐垂拱二年改新豐爲慶山縣天授中于此置鴻州別置鴻門縣附郭未幾州縣俱廢復爲新豐縣玄宗天寶初析置會昌縣于溫泉官七年改會昌爲昭應以新豐省入宋大中祥符間陝西名勝志卷之二十一
避玉清昭應名改曰臨潼以臨潼水爲名潼水詳潼關下新豐縣距府城東五十里凡自長安東出而趨潼關必由此故漢文帝指新豐示慎夫人曰此走卿卿路也言出關而向卿卿此其東趨之始也○驪戎故城在縣東二十四里西京道里記曰城高一丈五尺周迴四里昔晉獻公納驪姬于是處○驪山在縣東南二里山海經云驪山其陽多寶玉其陰多黃金溫泉水出焉左右皆峻嶺雲霞繡錯內有繡嶺之名東南山谷中有石若斧形以杖觸之則動取之輒不出謂之金斧山亦名

金谷也衛宏古文奇字序云秦既改古文爲篆恐天下不從乃密令冬月種瓜于驪山谷中溫處皆熟詔博士諸生說之前後七百人人各異則皆使往視因伏機陷之後人號其處曰坑儒谷唐天寶中改爲旌儒鄉立廟賈至作碑○三秦記云始皇作閣道至驪山八十里人行橋上車行橋下今石柱猶存山上立祠名曰露台不齋戒往則風雨迷道城塚記云秦始皇陵在縣東八里驪山下役徒七十萬人積年之功蓋以驪山水泉本北流皆陂障使東注北逕始皇陵下水積成池謂之魚池又此山無石取于渭北諸糜費工力由此也有恨石距陵北里許始皇遠採將致之驪山至此不復動石形似龜高一丈八尺周迴十八步皇甫湜有恨石銘唐中宗泰始皇陵詩言君失德驪邑想秦餘政煩方改象愚俗乃歷久已滅閣道遂成墟欲厭東南氣翻傷捧鱗車○新豐城在縣東十八里新豐原上漢高以太上皇思東歸乃于此置縣徙豐人以實之故曰新豐僞移份倫四社街衢棟宇一如舊制士女老幼各知且室雖雞犬泚放亦識其家西京雜記以爲胡寬所營矣別

本曰太公平生所好皆屠敗少年酤酒賣餅鬪雞
蹴鞠以爲歡故新豐少衣冠子弟多無賴少年所
居唐王維詩新豐美酒斗十千長安遊俠多少年
○後漢書延光二年鳳凰集新豐有鳳凰原在縣
東北十里之豐陂谷中層崖疊壑淙淙水世語
云谷水清天下平指此也唐書嗣立于此構別廬
中宗嘗臨幸之賜名幽棲谷注水經云冷水出
浮肺山戲水出驪山鴻谷又北歷戲亭東卽周章
軍西至戲泰將章耶拒破之者浮肺山蓋驪山之
別麓有百丈水亦冷水之異名歷陰盤新豐兩原

陝西名勝志

卷之二

七

間北流于渭故後魏地圖記于冷水西戲水東移
理陰盤城矣周語云幽王滅于戲史記幽王以申
侯女爲后父愛褒姒之子伯服爲太子申侯怒乃
與犬戎共攻王殺之驪山之下虜褒姒取周賂而
去潘岳西征賦曰履犬戎之侵地疾幽王之亂惑
舉僞烽以沮衆淫嬖褒而縱軍敗戲水之上身
死驪山之北赫赫宗周滅爲亡國者也按戲水在
縣東二十七里以幽王與褒姒遊戲于此故名史
記項羽軍至戲欲攻沛公卽此地○鴻門坂距戲
水十里舊大道坂口卽沛公見項羽處故唐之鴻

州及鴻門縣以此名也注水經云新豐原坂長一
里條塹通原道南北洞開有同門狀謂之鴻門至
霸城五十里內有卽亭相傳爲張良追高祖者
○慶山在縣東南三十五里唐武后時忽風雷湧
出此山初高六尺餘漸高至三百餘尺武后以爲
祥因曰慶山而設縣焉荊州喻文俊上書曰地氣
不和而堆阜出今陛下以女主處陽位山變爲災
及以爲慶何也后怒貶之嶺外給事中魏瓘曰地
生骨堆何足爲慶竟賜死○昭應縣舊新豐縣也
初玄宗每歲十月幸溫湯以新豐縣去湯稍遠故

陝西名勝志

卷之二

七

廢新豐而立會昌其昭應則自會昌改者王建昭
應縣官舍詩繞廳春草合知道縣家開行見雨遮
院臥看人上山避風新浴後請假木醒間朝客平
新吏從他不往還○溫泉在驪山西北麓漢武故
事曰秦始皇于此砌石砌宇武帝遊幸加修飾焉
三秦記云入湯濱以三牲祭之不爾則爛人肉張
衡賦序云余適驪山觀溫泉浴神井嘉洪澤之普
施乃爲之賦今按泉有三其一所名皇堂石井周
武帝天和四年大冢宰宇文護所造隋文帝列樹
松柏唐開元十年置溫泉宮十此大寶六年改爲

華清宮又築會昌城卽於湯所置百司及公卿卽
第又造長生殿以祠神玄宗與楊太真歲常幸焉
故長慶集有七月七日長生殿夜半無人私語時
之句口開天遺事云貴妃生日宴長生殿南方適
進荔枝故以荔枝香爲曲杜牧華清宮絕句長安
彌望繡城堆山頂千門次第開一騎紅塵妃子笑
無人知是荔枝來口長安志云長生殿齋宮也天
子有事於朝元閣卽齋沐此殿山城內多馴鹿飲
澗水因號飲鹿泉及金沙洞玉藥峯皆玄宗所命
名又有簞殿殿側有魏溫泉堂碑其石瑩澈見人

陝西各勝志

卷之二

五

形影宮中號瓊黎碑王建溫泉宮行十月一日天
子來青繩御路無塵埃宮前內裏湯各別每箇白
玉芙蓉開朝元閣向山上起城繞青山龍暖水夜
開金殿看星河宮女知更月明裏武皇得仙王册
去山鷄晝鳴宮中樹溫泉泱泱出宮流宮使年年
修玉樓禁兵去盡無射獵口西麋鹿登城頭梨園
弟子偷曲譜頭白人間教歌舞○櫟陽廢城在縣
北五十里史記秦獻公二年自雍徙都此漢元年
項羽封司馬欣爲塞王都櫟陽故泠水東藏水西
有司馬村也高帝定關中亦嘗都之七年始之長

安王莽改曰師高後漢建武二年封驃騎景丹爲
侯國丹辭世祖曰富貴不還故鄉如衣錦夜行故
封卿耳口按封禪書秦獻公時櫟陽由金自以爲
得金瑞遂作畦畦時以祀白帝註云畦時形如韭畦
各一土封也在櫟陽廢縣東北三十里郡國縣道
記云漢葬太上皇於櫟陽北原因置萬年縣于櫟
陽大城內以奉陵邑注水經云沮水東逕萬年縣
故城是矣○寰宇記云清水陂在縣西南十里多
水族之利者鹽澤在縣南十五里澤多鹹鹵苻秦
于此煮鹽周迴二十里○長安志云昌平驛在故

陝西各勝志

卷之二

六

縣西南五十里三輔黃圖以漢成帝于長昌亭起
昌陵取土東山與粟同價糜費巨萬積年無成卽
此處也○安墓砌在縣東二十里相傳漢高帝幸
新豐時安營幕于此又二十里爲零口鎮以泠水
得名○靈臺觀在零口店北二百步唐天寶初供
奉睦霞奏置○寶雲寺在零口鎮市東坡上其縣
三十六里隋開皇中置號靈嚴寺寺有飛閣綠甍
道而上亦名鷲嶺寺○福嚴寺在縣之南山半腹
臨石甕谷懸泉激石有似甕形舊名石甕寺宋太
平興國始改今名唐開元中以造華清宮餘材修

繕上有層樓比丘懸幢于欄楯斜引修綆長二百餘尺以汲甕泉出于紅樓喬樹之杪殊稱險絕樓上有玄宗題詩草八分每句爲體及王維山水兩壁按儲光義有石兌寺詩沈佺期有紅樓院應制詩俱卽此寺前孔雀松下有赤茯苓入土千年成琥珀○塚廟記云漢馮衍墓在縣東十四里衍字敬通卽爲郎不調者○唐段公實墓在縣西十五里三輔會要云斜口鎮有段烈士廟卽秀實太尉祠也許渾絕句徒想追兵緩翠華古碑荒廟閉松花紀生不向榮陽死豈有山河屬漢家○僧一

陝西名勝志

卷之二

七

涇陽縣在府城東七十里秦舊縣本紀昭王封同母弟嬴涇陽君十五年以爲質于齊請孟嘗君者漢地理志云涇陽屬安定在今平涼府屬詩云侵鎬及方至于涇陽是矣按當縣卽漢惠帝之池陽縣後魏之咸陽郡也隋文帝罷郡移涇陽縣理此○寰宇記云涇水發源峴頭山西北自醴泉界經縣南七里東南入高陵縣注上渭左傳襄十四年諸侯伐秦濟涇而次秦人亦涇上流師人多死按卽今雕城渡漢唐之通津也津口有橋曰涇橋述異記云漢武帝祠其泉至

陝西名勝志

卷之二

太

此見女人浴于涇水乳長七尺問東方生以爲齋祀不潔則見近來曰花池渡通長安又東曰宋村渡通臨潼○郡國志云望夷宮北臨涇水秦始皇建二世夢白虎嚙其左驂心中不樂上涇水爲祟齋于望夷宮欲祠涇沉白馬趙高使其嬖閹樂綈之于是處矣口長安志云秦望夷宮在縣東南漢池陽宮在縣西北各距八里池陽舊城俗名迎冬城城內有尹吉甫碑去縣二十八里○寰宇記云龍泉陂在縣南三里周廻六里多蒲魚之利石安原在縣西南七里高二十丈東西三十八里南入

咸陽縣界十六國春秋後秦苻健登之而嘆曰美哉斯原有終焉之志也○志云縣北有豐稔原近治谷口曰輿車原抵洪門監曰西城原又治谷東岸曰百頃原西岸曰豐樂原東南岸曰清涼原其勢蜿蜒不盡或潤或狹隨在殊稱○百頃原北爲文川水村花卉達望如畫自清涼原折而西乃唐李靖故居其地時有仙樂出焉洪門一名洪口亦獺口之訛也白渠所經○寰宇記云太白渠在縣東北十里中有中白渠首受太白渠水與南白渠水俱東流入高陵界○焦穫數在縣北亦名獺口卽

陳蕭名勝志

卷之二

七

爾雅十藪之一詩云雉毚匪茹整居焦穫者也河渠書韓水王鄭國說秦孝公令鑿涇水自中山西抵獺口爲渠水經注云涇水東南流經獺口鄭白二渠出焉當時民得其利歌曰田於何所池陽谷口鄭國在前白公在後舉重成雲決渠爲雨涇水一石其泥數斗且澆且糞長我禾黍衣食京師億萬之口按白渠起于趙國中大夫白公奏穿渠引涇水起谷口出于鄭渠南故名白渠漢左內史倪寬又於此渠上流開六小渠以補助之定水令以廣溉田名六輔渠○注水經云渭水又東得白渠

口又東南逕池陽城北縣在池水之陽故以名之也枝瀆出焉東南逕藕原下得治谷口水○一統志云治谷水出縣西北之治谷經嵯峨鄉在縣北五十里嵯峨山下亦云慈峨山山巔雲起輒山按嵯峨字音截齧血慈峨音異但嵯峨山之東別有慈峨山故俗訛爲一耆老相傳黃帝昔鑄禹于是山也長安志以叢紫山屬三原縣界治谷屬淳化縣界然其地皆得有之口振錫寺在嵯峨山上唐元和中建山頂有三峰東曰鉢盂臺中曰仰天池西曰石窟次西有二峰漸低小不得並又二十里

陝西名勝志

卷之二

十

爲仲山○圖經云仲山北接嵯峨西拒治谷南並九峻涇河自中而出故名中山後訛爲仲俗傳漢高帝兄劉仲所居上有仲子廟歲旱國此射獵則有風雨其山出竹箭按唐折衝府之一曰仲山府其名本此仲山有泉曰小師泉冬夏不涸不涸城塚記云唐德宗崇陵在嵯峨山宣宗貞陵在仲山○寰宇記云甘泉山在縣西北百二十里亦名石鼓原其泉水出焉漢甘泉宮在其上揚子雲作賦夢吐鳳于楮上耆東方朔記曰漢武幸甘泉至長平坂上馳道有蟲盤而伏地亦如生肝狀頭目

口鼻耳齒皆具先驅旌頭馳還以聞方朔從在後
上使往視之還對曰秦始皇拘繫無罪衆庶恨怨
憤氣所生是地必秦之故獄處也詔丞相孫弘按
圖地果然上曰善當何以去之朔曰積憂者得酒
而忘寢酒其上必消以酒澆之其惟遂息上大笑
曰東方生真先生因賜帛百匹按長平坂在縣西
南五十里漢長平觀在坂上○三秦記曰漢鈎弋
夫人居其泉宮三年不返遂卽其地葬焉名爲思
令墓雲陽記曰鈎弋夫人從武帝至其泉而卒尸
香聞十餘里昭帝卽位更葬之棺空但有絲履又

陝西各勝志

卷之二

廿一

以武帝思鈎弋夫人爲起通靈臺於其泉官有一
青島集臺上往來至宣帝時乃止○志云縣東南
隅有唐十八學士所登瀛州故址臺垣東西相回
柱礎猶存其地名東甫村○塚廟記云漢第五倫
墓在清谷口今名第五村李陵母墓在仙法村夏
侯淵墓或作夏侯勝墓在蔣村已上二村俱屬雲
陽鎮按雲陽故縣詳邠州淳化縣下但唐天授間
析雲陽置鼎州者則屬當縣之長街鎮○志云牛
首池在渭水南秦上林苑傍牛首池也池中有一
生之韭一名韭澤○仇里渡近呂不韋宅史記不

童少年報其父仇此渡近其家云

高陵縣

在府城北
八十里

本秦舊縣昭王封同母弟顯爲高陵君范曄說秦
王曰高陵進退不請卽此漢隸左馮翊後漢書左
馮翊自長安出治高陵者也曹魏改爲高陸隋復
舊名唐析置鹿苑縣旋廢○按志左馮翊城在縣
西一里鹿苑故城在縣南二十五里三輔黃圖曰
高陵有果園鹿苑縣名取此鹿臺祠在鹿苑原上
百姓祈禱水旱有驗今號鹿臺將軍○長安志云
渭水自咸陽縣界來西南距縣二十里有涇水自

陝西各勝志

卷之二

廿二

涇陽縣界來注之並流入櫟陽城南○白渠自涇
陽界三限下中限爲一渠流至彭城兩下分爲四
渠按唐寶曆間縣令劉仁師請更水道渠成故名
彭城堰○水經注云白渠又東枝渠出焉東南逕
高陵縣故城北地理志曰左輔都尉治王莽之千
春也太康地記謂之曰高陸車頻秦書曰苻堅延
元十二年高陸縣民穿井得龜大二尺六寸背文
負八卦古字堅以石爲池養之十六年而死取其
骨以問吉凶名爲客龜大卜佐高夢客龜言我將
歸江南不遇死于秦高十夢中自解曰龜三萬六

千歲而終終必亡國之徵也爲謝玄破于淮肥自
繼新城浮圖中秦祚因卽淪矣○寰宇記云龍躍
宮在縣西十四里唐高祖龍潛處武德六年置宮
德宗改爲脩真觀內有神堯御容御井靈柏翰林
學士吳通微撰碑沈佺期龍池應制龍池躍龍龍
已飛龍德先天天不遺池開天漢分黃道龍向天
門入紫微卽第樓臺多氣色君王鳬鴈有光輝爲
報寰中百川水來朝此地莫東歸○塚廟記云後
秦二王冢在縣東十三里卽姚萇姚興也○唐西
平王李晟墓在縣東南十里裴度撰碑柳公權書

陝西各勝志

卷之二

七

○長安志云崇皇寺在縣南十里奉正原世傳漢
文帝誕生于此○正道觀在縣北十三里有吳道
子畫今存○法隆院在縣南十五里唐大曆元年
置○唐韋應物高陵書情直方難爲進守此微賤
班開卷不及顧沈埋案牘問兵凶久相踐徃役豈
能閒促戚不可哀寬政身致患日夕思自退出門
望故山君心倘如此攜手相與還按沈作詰傳曰
應物嘗爲京兆功曹攝高陵令故作此詩○于志
寧宅在縣治西志寧字仲謹高陵人爲唐高祖記
室識崔亮于囚虜中引與同列貞觀三年遷中

侍郎卒

鄠縣在府城西
南七十里

漢縣秦之鄠其泉也其亭在縣南五里以在其水
之東而名尚書夏啓伐有扈誓師于其之野是矣
故鄠城在縣北二里卽扈國也春秋左氏傳夏有
觀扈杜預曰鄠縣有扈鄉按至秦始改爲鄠○扈
水出扈陽谷今名馬腹陂唐韋應物扈亭西陂作
杲杲朝陽時悠悠清陂望嘉樹始氤氲春遊方浩
蕩綠野際遙波橫雲分疊嶂公堂日爲倦幽襟自
茲曠○水經注云扈水上承扈陽池陂爲崇侯虎
陝西各勝志

卷之二

七

國文王伐之故詩云旣伐于崇作邑于鄠也鄠宮
在縣東五里周武王雖遷鎬而豐宮元不改每遇
大事皆步自宗周而往以其事告于鄠廟示不敢
專也距豐宮二十五里卽文王靈囿之地中有靈
臺高二丈周圍百二十步詩所云經始靈臺者秦
秋晉惠公十一年秦晉戰于韓秦獲晉侯以歸舍
諸靈臺故唐魏王泰括地志云辟雍靈沼無復故
基惟靈臺介然孤立矣○寰宇記云縣理終南山
下有五林山牛首山鷄頭山皆終南之支也水之
大者爲豐而潞谷檀谷太平谷諸水入焉同注于

渭故尚書云豐水攸同以同于渭矣按郊祀志郭有五林今此山在境內口牛首山在縣南二十五里班固西都賦繞黃山而款牛首者也澇水出焉而注于澇是多飛魚狀似魴可已痔疾山海經云此山有鬼草其葉似葵其秀如禾服之使人不受按志牛首山之東有白雲山與縣相直又東有圭峯以形似而名○鷄頭山在縣東南三十里十六國春秋云僞趙王苻生棄長安欲西上隴士卒散盡遂入鷄頭山爲追兵所害是矣○豐水出終南山豐谷東流入縣南詩云豐水東注維禹之績老

陝西名勝志

卷之二

五

子云豐水出深十仞而不受塵垢金鉄在中形見于外者也有龍臺澤一名觀水在豐水西北上林賦所謂登龍臺卽此馬祖壇在龍臺澤中每歲太常太僕四時祭焉春祭馬祖夏祭馬先秋祭馬社冬祭馬步○長安志云高觀谷水濶三步深一尺其底並碎沙石北流入豐水去今縣東南三十里口志云豐谷內有石穴龍潭極靈有石刻宋縣令祀高觀谷留悲龍潭題名而去刻在棲禪寺石壁寺爲姚秦所造請鳩摩羅什譚經其中本名草堂寺唐易以今名○澇谷水出終南之澇谷涇縣里

西北經黃陽宮漢地里志云鄂縣有黃陽宮秦孝文王所築宣帝甘露二年冬幸焉在縣西南二十三里○澇陂在縣西三里其始自胡公泉與西南諸水合而爲陂同澇谷水以入于渭有澇陂水來注之十道志云漢陂者以其產五味魚甚美也陂周十四里唐寶曆間勅漢陂令尚食禁採捕文宗始勅還府其水西北流入澇澇溪二陂之間有宜春觀漢武帝所造唐杜甫秋興詩昆明御宿自透池紫閣峯陰入澇陂紅稻啄餘鸚鵡粒碧梧棲老鳳凰枝佳人拾翠春相問仙侶同舟晚更移彩筆

陝西名勝志

卷之二

六

昔曾于氣象白頭吟望苦低垂按子美有同岑參兄弟遊漢陂歌行此作蓋追憶其事○檀谷水長安渠水之上流也源亦出終南山與太平谷水同源隋置太平宮以對此谷而名宋程顥遊此有記顯字伯淳以嘉祐進士調鄂縣主簿云○塚廟記云禹王廟在縣之禹泉鄉按卽潛泉也近日民間得聖水觀碑記係元丞相賀仁傑父賁所立今移置廟左按聖水觀原以禹泉而名去縣東南三十里又其地有周王季陵王季文王之父也○漢陳平墓在縣南十里方勝村斐敬墓在縣北三里之

婁村漢書朱雲字游本魯人成帝時上書直檻
幸不死常居鄆田間出乘牛車以遊諸生所過皆
敬事焉薛宣爲相雲往見之宣備賓主禮留中宿
从容謂雲曰在田野久無事且留我東園可以觀
四方奇士雲曰小生乃欲相吏耶宣不敢復言○
北朝李順興石像在雲際山大定寺順興自魏孝
帝時隱居此山誦持金剛經聚疊瓦塔以記之其
地舊爲寺隋大業初以賜駙馬都尉尉遲安夢一
老人素服謂安曰此古寺基何不再葺之因掘得
順興先生像云

陝西名勝志

卷之二

七

藍田縣

在府城東南九十里

周禮玉之美者曰球其次曰藍此山出玉故曰藍
田秦置縣漢魏因之後周析置玉山白鹿二縣玉
山卽藍田山也杜子美九日藍田山莊詩有藍水
遠從千澗落玉山高並兩峯寒之句今南關外千
澗橋沿其名○白鹿縣以城西五里白鹿原而名
相傳周平王時白鹿遊此晉書苻融與桓冲戲于
白鹿原卽其地三秦記云鹿原東有霸川之西坂
故芷陽也括地志云芷陽去雍州藍田縣六里秦
悼太子塚在焉○雍勝錄云白鹿原名南山之麓

坡陀爲原也東西十五里南北二十里自南山分
行至藍田以及漢城之東霸水行於原上凡霸城
芷陽霸上霸陵皆此原也○先儒呂氏考古圖云
藍屬白首父敦得于藍田白鹿原皆徑六寸五分
深二寸容二升半銘十有六字又張仲熊得于藍
田縣中形制皆同縮七寸有半衡九寸有半深二
寸容四升唇蓋有銘皆五十一字周宣王所鑄○
長安志云藍田故城在縣西十一里城內有勝因
寺卽唐法池寺也寺舊有池張說有藍田法池寺
二法堂讀大中後改今名○篆字記云藍田有古
華胥氏陵括地志以藍田山中三皇之所居矣范
計然曰其山出玉英去縣西三十里亦名覆車山
郭緣生述征記謂山形如覆車之象也漢書昭帝
元年於覆車山鑄一鼎高三尺受五斗刻其文曰
宜君王和四方卽此山矣○史記漢李廣屏居藍
田山下嘗出獵兄草中石以爲虎而射之中石沒
羽視之石也杜甫詩故將移住南山邊短衣匹馬
隨李廣看視猛虎終殘年○藍田有虎侯山祠秦
孝公時置後魏風土記云山巔方二里劉雄鳴學
道之所雄鳴縣人少以射獵採藥爲事居覆車

晨夜行雲霧中不迷其道。人因謂之能作雲霧。有祠甚嚴。仙聖所遊集也。又有王順山。咽猷泉。湘子洞。涼風原。石門溫湯。諸處俱載異踪。○按志。王順山在縣東南二十里。以道人王順居之。唐置謁仙祠。有藍谷水。發源秦嶺西流。經藍橋。過王順山下。藍橋卽裴航遇雲翹夫人以詩酬答處。航遂升仙。○咽猷泉在縣北十七里。唐李荃遇驪山老母授以陰符經。既畢。令荃携猷汲泉。因而不見。故名。舊有古桂一根。植此泉畔。○湘子洞在縣南四十里。唐韓湘之所隱也。韓愈示姪湘詩有雲橫秦嶺家。

陝西名勝志

卷之二

九

何在。雪擁藍關馬不前之句。相傳韓湘洞在縹緗關南。○石門溫泉在縣西南四十里。此地雪落卽融。唐時有異僧見之。云必溫泉也。已而掘之。果然。凡有病者浴之。輒愈。後有白魚之瑞。神女屢降立玉女堂於泉側。明皇賜名大興湯院。王維遊石門精舍詩。落日山水好。漾舟信歸風。翫奇不覺遠。因以綠源窮。遙愛雲木秀。初疑路不通。安知清流轉。偶與前山通。舍舟理輕策。果然慙所適。老僧四五人。逍遙蔭松柏。朝梵林未曙。夜禪山更寂。再尋恐迷誤。明發更登廬。○涼風原距縣西五十里。南接

石門山。北入故萬年縣界。道中開山圖云。驪山之西有涼風原。亦雍州之福地也。又有水井。在終南至案山。近長安界。井深數丈。水落井中。輒作水經。夏不消。長安不藏水。但于此井取之。○案。宇記云。藍田關卽秦之峽關也。史記。沛公引兵攻峽關。未下。踰箕山。擊秦軍。大破之。按。峽嶺在縣南二十里。又東南卽黃山。秦置黃山縣于此。峽關在縣東南九十里。一名藍田關。後周武成中。自峽關置清泥故城。側改曰清泥關。晉桓溫伐苻健。使將軍薛珍擊清泥城。破之。卽此處。縣理卽峽柳城。後周建德

陝西名勝志

卷之二

三

中。復改青泥關爲藍田關。杜氏通典云。七盤十二絳皆藍關之險路也。唐貞元初。刺史李西華自藍關至內鄉。開新道七百餘里。迴山取途。人不病涉。謂之偏道。○按志。青泥城在縣南七里。峽柳城卽今治也。縣東南三十里有思鄉城。舊說宋武帝入關築城于此。南人思鄉。因以名之。又其傍多柳。故亦名柳城。○注水經云。渭水又東。過瀾陵縣北。關水從縣西流。注之。水出藍田縣。藍田谷所謂多王者也。本名滋水。秦繆公欲章盛霸功。改名霸水焉。西北有銅公水。次東有桐谷水。二水合流而西。注

之又西流入湓水湓水又西逕峽關北歷柳曉城
魏置清泥軍於城內世亦謂之清泥城泥水又西
北流入霸霸水又北歷藍田川逕藍田縣北竹書
梁惠成王三年秦子向命爲藍君蓋向之故邑矣
川有漢臨江王榮冢榮帝以罪徵之將行祖於江
陵北門車軸折父老泣曰吾王不父矣榮至中尉
郢都急切責王王年少恐而自殺葬於是川有燕
數萬壻土置冢上百姓矜之而立冢焉霸水又北
長水注之水出杜縣白鹿原其水西北流謂之荆
谿谿水又西北左合狗柳川水水有二源西川上

陝西名勝志

卷之二

三

承礪山之欽繁谷次東有苦谷二水合而東北流
逕風涼原西關中圖曰麗山之西川中有阜名曰
風涼原在礪山之陰卽是原也其水傍谿北注原
上有漢武帝祠其水右合東川水出南山之石門
谷西北歷風涼原東又北與西川會東逕白鹿原
原上有狗柳堡三秦記曰襄公時有大狗來下有
賊則狗吠之故一堡無患川得斯目焉川水又北
逕杜陵縣東漢宣帝元康年更自杜陵縣王莽之
饒安也其水又北注荆谿荆谿水北入霸水又有
溫泉入焉水發自原下入荆谿水亂流注于霸俗

謂之湓水史記音義文帝出安門注云在霸陵縣
有故亭卽郡國志所謂長門亭也湓水出京兆藍
田谷北西北流與一水合水出西南莽谷東北流
注湓水湓水又北歷藍田川北流注于灊水合夢
子澗澗水出縣南山西北流合輞谷水○雍勝錄
云霸水出商州上洛縣西北行至藍田縣境始出
谷谷卽驪山之口亦名藍田山也輞谷水谷當縣
正南八里川口爲兩山峽無路量勢鑿石行之計
三里許其險隘過此則豁然開朗村野相望○長
安志云金山神廟在輞口金山前舊傳黃帝時風

陝西名勝志

卷之二

三

后藏蚩尤之衆於此蓋風后之祠也按郡國志商
嶺水自藍橋伏流至輞谷如車輞環轉故名有千
聖洞細水洞錫水洞諸水合之谷內有清源寺本
宋之間別圃延清有藍田山莊詩卽此及王維摩
詰奉母供佛山居營草堂精舍仍表乞施爲寺谷
之首尻凡十三區圍轉而南行二十里至鹿苑寺
爲右丞別業有孟城坳華子岡斤竹嶺茱萸灣二
十景右丞與秀才裴迪書云夜登華子岡輞水淪
漣與月上下寒山遠火明滅林外深巷寒犬吠聲
如豹村墟夜春復與疎鐘相聞此時獨坐僮僕靜

嘿毋思曩昔携手賦詩當待春中卉木蔓發輕條出水白鷗矯翼露濕青皋麥雉朝雛倘能從我遊乎○韓文公祠在秦嶺上嶺居縣東南凡入商洛漢中者必越境而後達遇雪則阻韓昌黎阻雪處馬跡尚存官爲立祠今秦嶺東西居民以文公爲土神祀之○按昌黎集有藍田縣丞廳壁記爲博陵崔斯立撰其畧曰丞廳故有記壞漏汚不可讀斯立易桷與瓦畫墁治壁悉書前任人名氏庭有老槐四行南牆鉅竹千挺儼立若相持水漲澗循除鳴斯立痛掃溉對樹二松日哦其間自後送火

陝西名勝志

卷之二

三

府詩多有哦松之句蓋本此

盤屋縣

在府城西南百六十里

山曲曰盤水曲口斥地當山水之曲漢縣也唐初改宜壽以隋有宜壽宮在縣東南而名至德年復○一統志云治西有新食堂唐貞元間建柳宗元記爲十八年五月日○避世堂在縣東南二十五里宋蘇軾序云南溪之南竹林中新建一茅堂予愛其所處深遂因以避世名之○漢書注師古曰芒竹在盤屋南界芒水之曲而多竹林也穆天子傳曰天子西征至玄池奏廣樂三日是曰樂池乃

植之竹寰宇記云今去縣十三里之司竹園是其處周廻百里以供國用故有司竹都尉管領歲終以竹功之多少爲考課唐義師初起高祖第三女平陽公主舉兵於司竹園號娘子軍者也宋嘉祐中眉山蘇軾至盤屋適冬月司竹監燒筆園都巡檢柴貽勛左藏以其徒會獵園下子瞻賦詩焉又其地有五郡城舊說有義兄弟五人共居此城後爲道觀唐明皇登碑蘇軾來遊詩曰古觀正依林麓斷居民來說水泉其亂溪赴渭爭趨北飛鳥迎山不復南羽客衣冠朝上象野人香火祝春巫汝

陝西名勝志

卷之二

四

師豈解言符命山鬼如何託老聃○華陽錄記云秦始皇好神仙于尹先生樓南立老子廟晉元康中重更修葺蔣木萬株連亘七里給戶二百供酒掃水經注以就水北經大陵世謂之老子陵矣按尹先生相傳爲老子之師著尹真人經者有紫雲樓在縣東三十里尹先生結草爲樓望紫雲西邁處今名樓觀是也晉惠帝時修唐武德改名宗聖觀○漢書武帝後元二年幸長楊宮崩於五柞按水經注長楊五柞二宮相去八里長楊本秦宮有長楊數畝因名史記司馬相如從帝至上林上苑

諫獵揚雅作長楊宮賦以諷成帝蓋二帝俱好獵故三輔黃圖曰長楊宮門有射熊館秦漢遊獵之所矣五柞宮宮門有柞樹五皆連三抱上枝覆蔭數畝故名又有青梧觀在五柞南觀前有三梧桐按二宮距縣東南三十五里○寰宇記云馬融讀書臺在縣東北三十七里按志以縣東南有芒谷芒水出焉谷中有漢馬融石室乃其讀書處○太微峯在縣東南四十里形勢嵯峨直接太虎又其地有五峰高峙秀拔俗呼五福山越十里爲王女洞洞門高四尺傍有飛泉其水飲者愈疾水經注

陝西名勝志

卷之二

三五

曰芒水經王女房水側山際有石室世謂之主女房也蘇子瞻至其處愛此水既自致兩瓶恐後復取爲使者給因破竹爲契使主僧藏之以爲往來之信戲謂之調水符○姜維嶺本名沉嶺在縣南五十七里蜀延熙中大將軍姜維率衆出駱谷經沉嶺卽此處也唐武德初高祖于此立廟名駱谷關距縣西南百二十里道通梁州魏畧云少帝正始四年曹爽伐蜀諸軍入駱谷三百餘里不得前牛馬轉運宛畧盡由褒斜而達梁州爲此路若取道駱谷則險而且迂云○注水經曰渭水屈南

山就谷北逕大陵西與就水合就水歷竹園北與黑水合上承三泉就水之右三泉奇發言歸一清北流左逕就水就水又北流注于渭渭水又東合田谿水水出南山田谷北流長楊宮西又北逕蓋屋故城西又東北與一水合水上承蓋屋南泉北逕其縣東又北注田谿田谿水又北注于渭東有渭水出南山赤谷東北流逕鞏關西亦謂之仙澤又北逕望仙宮又東北耿谷水注之水發南山耿谷北流與柳泉合東北逕五柞相去八里並以樹名宮亦猶陶氏以五柳立稱矣○按長安志潭水

陝西名勝志

卷之二

三五

在縣東北五里望仙澤在縣東南三十里周十里澤中有石盤龍鱗甲動有雲氣聲若鳴鐘又五里卽長楊宮故址稍南爲仙遊潭濶二丈其水深黑號五龍潭唐時每歲降中使投金龍于此其西爲董龍社舊圖經曰董龍蓋屋人家貧村社衆人祭社逐出之龍乃以泥造什祭焉後穿地得黃金因大富遂名董龍樹○唐郎士元蓋屋縣鄭礪宅送錢大詩暮蟬不可聽落葉豈堪聞共是悲秋客那知此路分荒城背流水遠鴈入寒雲陶令門前菊餘花可贈君

三原縣在府城北九十里

後魏太平元年置曰三原者此地南有鄠原西有孟侯原北有白鹿原也本漢池陽縣地符秦于縣西北之截葉山置三原護軍按截葉山去今治四十里一名嵯峨山山有五峰相連如筆架踞天齊原之上原長七里南連白鹿北連截葉清谷水出焉一名鬼谷卽蘓秦張儀師事鬼谷先生處○按志天齊原在縣西北二十里又十里爲堯門山又縣北二十里爲浮山○寰宇記太白渠在縣南十里清峪水入焉又十里爲黃白城後漢李傕輔政

陝西名勝志卷之二

天子東遷三輔饑歉乃移保黃白城卽此處矣城內有秦時曲梁宮今廢○注水經曰渭水又東得白渠枝口又東與五丈渠合水出雲陽縣石門山謂之清水東南流歷黃嶺山西歷泉南出渭之清水口又逕黃白城西本秦曲梁宮也南絕白渠屈而東流謂之曲梁水東南絕白渠瀆又東南入萬年縣謂之五丈渠又逕藕原東東南流注于渭水○鄭渠又東逕捨車宮南絕冶谷水鄭渠故瀆又東逕截葉山南池陽縣故城北又東絕清水又東逕北原下濁水注焉水上承雲陽縣東大黑泉東

南流謂之濁谷水又東南出原注鄭渠又東歷原逕曲梁城北又東逕太上陵南原下北屈逕原東與沮水合分爲二水一水東南出卽濁水也至白渠與澤泉合俗謂之漆沮水○寰宇記云永安故城在縣北五十里卽後魏北雍州城也周地圖記明帝孝昌二年蕭寶寅逆亂關右刺史毛洪賓立義柵以捍賊永安元年于此置北雍州唐肅宗勅改爲建京郡旋廢○志云縣故城本漢池陽縣址距今治東北三十里元至元間始移于龍橋鎮今治之唐韋應物春日郊居寄三原元少府倖詩谷

陝西名勝志卷之二

三

烏時一轉田園春雨餘光風動林早高因照日初獨飲欄中水吟詠老氏書城關應多事誰憶此間居宋歐陽修送王尚哲三原尉初仕便西轅驪駒兩佩環山河識天府風雨度函關桑柘千疇富人煙萬井閒欲爲京洛詠應苦簿書間○縣有浪井見唐書開元十六年三月京兆三原浪井出宋志曰浪井不鑿自成王者清靜則應○塚宅記云唐永康陵在縣西北清河鄉莽高祖大父景皇帝也高祖獻陵在縣東北浮陽鄉有廟陪葬諸王十六公王一功臣六○德宗崇陵在縣西北之堯山山

下爲崑山空洞如門故名○武宗端陵在縣東北
神昇鄉文宗莊陵在縣西北太平鄉按唐貞元四
年遣左諫議大夫修葺陵寢自獻昭而下有八在
三原者有四又訪長孫皇后故宅在縣之樓宅村
村南有美人渠相傳長孫皇后濯髮于此○寶應
金輪寺在縣東北靖川乃李靖舊宅基唐寶應間
置寺因以爲名國朝金鉤詩秋櫺曲徑草青青地
布黃金佛有靈東土老禪翁似雪雲花香裏獨翻
經○俠士傳唐李靖字藥師從太宗定天下封衛
國公三原人宅有古碑斷缺國朝王恕詩胡運成

陝西名勝志

卷之二

功屢出奇文韜武畧荷君知故鄉居第今何在獨
有行人看古碑○金石錄云唐御製通微道訣碑
肅宗皇帝勅道士達觀大師楊重濟于渭北大化
觀立石距今縣東三十里○唐高祖神堯皇帝廟
碑在獻陵側宋開寶年重修臣扈蒙記○唐故右
武衛將軍臧懷恪神道碑銘顏真卿撰文○唐故
冠軍大將軍臧懷亮碑李邕撰文并書俱在北原
上○唐故戶部尚書楊州大都督李國貞神道碑
銘權德輿撰文○唐銀青光祿大夫進襲陽郡王
路應神道碑銘韓愈撰文○元封異國公郝和尚

神道碑銘翰林學士王磐撰文○大明光祿大夫
柱國太師端毅王公神道碑銘太學士李東陽撰
文按公諱恕字宗貫別號石渠老人弘治初爲吏
部尚書選法公嚴請託不行所著有介菴奏議石
渠意見等書卒葬在縣西二里之西園卽公別業
也吳郡沈周有西園八詠賦○唐韋端符觀李衛
公故物記云二年冬端符于三原縣令坐中揖其
群官有客曰李丞彦芳是衛公之曾也其家傳賜
書與他服繩十餘物俱無恙頃之端符卽丞居
爲客調丞延入就次端符因跪請曰蔣君僕射公

陝西名勝志

卷之二

聖

之嗣因願見僕射公之烈雖其事辭史記或闕畧
且天下耳舌久矣聞君世傳文帝詔與公服物者
願得一觀丞慘慘曰諾卽其家僮僕躍步奉賜書
一函他物一器出發視有玉帶一首末爲玉十有
三方者七挫兩隅者六每綴環爲附而固以金丞
曰傳云環者列佩用也玉之粹者若含怡然澤者
若渙釋然公擒蕭銑時高祖所賜于閣殿玉帶十
三此其一也素錦袍一其襟袂促小裁制絕巧密
紫文綾襖一促製小袖如袍其爲文林樹於上有
馳馬射者又雜爲後倪虎雜索馳者靴袴一往來

爲鈎屬錄歟文疑非華人所爲也自始傳至於今
莫能名其物象笏一差狹不類今笏者佩筆一以
木爲管殺刺飾以金別爲金環以限其間火鏡一
大觴一小觴一筭囊二柳盃一盞嘗佩於玉帶環
者十三物亡其五存者八帝爲兒時與公子某年
上下文帝命居宮中侍我兒職卽賜皇子服物黃
綾袍皆爲龍鸞文素錦襖絳五采爲若鳥者素錦
半袖小笏皆緻巧今之良工不能也文帝賜書二
十通多言征討事原春勞苦信必感賞而巳其兵
事節度皆付公吾不從中制也樂公疾親召石數
陝西名勝志 卷之二 聖一

時每閱省是物人雅謂子工文辭幸爲記吾得觀
以慰吾思慕也故爲衛公故物記按今志中佚故
書之

渭南縣 在府城東一
百四十里

漢初有渭南郡因以名縣述征記謂置自苻堅也
本新豐縣地後魏孝昌三年置南新豐縣于明光
原西魏廢帝始改今名隋文帝西幸以原上乏水
乃移今理口長安志云明光原在縣東四里卽新
豐原也又東有半日村以此村山高蔽虧陽景惟
及其半故名唐大曆間鄧士元居此○縣成內有
陝西名勝志 卷之二 聖一

姜泉相傳周尚父所鑿有梁泉相距東南二百步
唐陸贄爲尉其詩曰環渠流渺渺夾砌樹陰陰自
註云縣郭多引流泉蔭以雜樹盛夏無暑又有三
門水卽秦始皇引渭貫都以象天漢者晉書曰漢
祖龍興矯秦之弊分內史曰三部三內史者渭南
河上地也○縣西門外有酒橋跨渭水上卽經之
首水矣首水出縣西南石樓山北經秦嶺高峯寺
二宮合東賜谷水而注于渭經云渭水又東得東
賜谷水西得西賜谷水正南出廣鄉原北垂入渭
是也三秦記云東賜谷爲晉王于年隱居處弟子

受業百餘人鑿穴而居後因石季龍兵亂遷于倒獸山一名玄象山按志渭水源出縣西南石鼓山一名石樓山東賜谷在縣東十三里玄象山在縣東南三十七里黃壽宮在縣西南三十里渭水距縣北十四里西自臨潼縣來流入華州界○注水經曰渭水又東首水南倒虎山而總五水單流注逕秦裝高宮東世名立市城歷新豐原東而北逕步壽宮西又北入渭渭水又過下邽故城南以邽戎之人來此爲縣秦有上邽故曰下邽魏志董卓遷長安華歆求出爲下邽令卽此○城塚記云下

陝西名勝志

卷之二

四

邽城東南有物定倉城西京雜記以物定倉近渭河岸收貯五穀各先定其姓物則不汜壞俗訛爲武底倉○元和志云唐之下邽卽漢之蓮勺也按下邽故城在今縣北五十里元時始省又二十里爲蓮勺城○蓮勺漢縣關駟云草名也漢宣帝紀帝數上下諸陵嘗困于蓮勺如淳曰爲人所困辱也張禹自河內徙家于此隋時始省○白渠又東南逕蓮勺城南有鹽池縱廣十餘里其鄉人名爲南中如淳曰鹵者鹹地也又東注金氏陂陂在下邽東南二十里漢車騎將軍金日磾有功賜此地

按史記日磾以匈奴休屠王太子從渾邪王將衆五萬來降賜田于此卒因葬焉冢在下邽故城內東南三百步高三丈○蓮勺故城有漢光武及粟邑縣二城經云沮水又東逕光武故城北又東逕粟邑縣故城王莽之粟城也光武城去蓮勺東南七里粟邑詳同州白水縣下○長安志云縣東南有六石人趙石勒所造西魏入關移石入于府門外經宿仍歸本處今縣東十五里有二枚東北一里二枚東南七里二枚○後魏孝武陵在縣東南二十二里高六丈周一百一十步石人虎齒有窟廣

陝西名勝志

卷之二

四

鄉原○漢廷尉翟公塚在縣東三十五里翟公下邽人○漢孝子恭順墓在縣東南一十里有古碑○唐少傅白樂天墓在臨津北原○宋龍圖學士白敏中墓在縣東北○寇萊公墓在縣北五十里按治內儒學有三賢祠卽祀此三公○宋仁宗曹后渭南人其故里在縣東南靈臺山下至高陵其頂方平周正故以臺名有曹氏所建靈臺寺

富平縣

在富城北一

漢縣也屬北地郡前漢理在靈州廻樂鄉界曹魏移于寧州彭原縣界晉又移于縣西南之懷德城

後魏大統間乃自懷德城移今理唐開元中又移于義亭城蓋古之鄉亭也後唐同光初割屬耀州國朝萬曆三十八年從守臣請徑屬府蓋以吏部尚書孫丕揚爲邑人故○志云荆山在縣西南十里懷德故城北禹貢荆岐既旅又曰導沂及岐至于荆山孔安國注荆在岐山東非荊州之荆山也帝王世紀禹鑄鼎于荆山其下有荆渠矣按懷德縣乃後漢建安時因漢舊名於此立縣又非漢之懷德縣也○禹貢導渭水東至于漆沮寰宇記云漆沮水又名石川水西北自耀州華原縣界流入

陝西各勝志

卷之二

五

按縣有石川常平二堰卽此水之支流也鄭曰二渠水自雲陽谷口東入注焉今湮○三秦記云洛水出疆梁原在縣西南荆渠之側又東五里有鹹泉味同鹽井別于常泉矣○澤多泉在縣西十三里東流入漆沮河文昌渠在縣西北十七里卽引漆沮水以入渠者也又八里爲高望渠又五里爲長澤渠又十里爲白馬渠又五里爲偃武渠互相灌注舊屬義林鄉○直市在縣南十五里秦文公所辦物無二價故名又十五里爲秦穆公城西南面各崇一丈五尺東北而無牆○八公埧在縣東

南二十五里其埧兩畔各有小谷象公字中心有堆故曰八公埧卽宋賀師範與金人戰處壘壁尚存○天乳山在縣西北二十五里兩峯相對類於乳形○迤山在縣西南二十五里孔氏謂之靡迤昔周東遷以岐豐之地賜秦襄公遂有周畿內八百里東至迤山是也○雨金堡在縣東南三十里周八百步有一泊每天雨水流入似金色俗以雨金呼之按史記秦獻公十八年雨金櫟陽因以名堡今地卽古櫟陽界○中山在縣北四十五里界于涇陽以其在治水西涇水東也漢書武帝元鼎

陝西各勝志

卷之二

六

元年獲寶鼎于汾陽薦之甘泉鼎至于中山風氣有黃色蓋焉卽此處○金石錄云漢宣帝時扶風美陽縣民得寶鼎獻之有司議宜薦宗廟如元鼎故事京兆尹張敞議鼎出周都之地刺文曰王令尸臣官此徇邑賜爾旂鸞黼黻玃戈尸臣拜手對揚景命以臣詳之卽周賜大臣之鼎不足以見宗廟制曰京兆尹議當按美陽縣本秦之頻陽縣也頻山在今縣東北七十里頻水出焉卽大小石谷二澗矣秦厲公於山南立縣曰頻陽苻秦時以頻山有二土門因置土門護軍亦後魏之土門縣唐

咸亨中之美原縣也○注水經云宜君水南出十門山西謂之沮水又東南歷土門南原下東逕懷德城南城在北原上又東逕漢太上皇陵北陵在南原上沮水東注鄭渠昔韓欲合秦無東伐使水工鄭國開秦鑿涇引水謂之鄭渠渠首上承涇水於中山西緣口所謂缺中也爾雅以爲周焦誤矣渠並北山東注洛三百餘里以溉田中作覺欲殺之鄭國曰始臣爲問然渠成亦秦之利卒使就渠渠成而周注填闕之水溉澤國四萬餘頃皆畝一鍾關中沃野無復凶年秦以富彊卒並諸侯命曰

陝西名勝志

卷之二

聖

鄭渠渠漬東逕宜秋城北又東逕中山南河渠書曰鑿涇水自中山徐廣史記音義曰關中有中山非冀州之中山也○塚廟記云西魏文帝後魏武帝二陵俱在縣東南二十五里○後周太祖文宣陵在縣西北十三里○唐玄宗陵在縣東北九十里金粟山入蒲城界○唐中宗定陵在縣西北一十五里龍泉山又五里爲文帝章陵在天乳山又十五里爲代宗元陵在檀山上又十五里爲順宗豐陵在金甕山又四十里爲懿宗簡陵在紫金山○秦王剪墓在縣東二十七里剪頰陽人○漢薄

昭墓在縣西十三里昭薄太后之弟封軹侯注水經云沮水東流逕薄昭墓南塚在北原上又十二里爲司馬欣墓欣章即長史降項羽封塞侯又十五里爲李光弼墓光弼在唐有興復功卒葬長安南原勅百官送之延平門外後遷葬于此顏真卿書神道碑存○唐富平縣尉顏喬卿魯公之兄也有墓碣卽魯公書大曆四年四月○金石錄載有富平尉韋器墓誌趙臯撰文吳通微楷書永泰二年十一月○又有符令奇及其子璘墓以田悅之叛令奇使子璘歸馬燧令奇遂被害贈尚書左僕射璘加輔國將軍卒從父葬富平李宗閔撰碑文柳公權書○南部新書云古押衙者居富平以遊俠聞多奇計往往通于宮禁按虞初志所載古押衙爲王仙客以明珠一顆贖其故妻死後復生完聚卽今梨園所演明珠記豈因新書而附會之邪

陝西名勝志

卷之二

四

醴泉縣

在蒲城北一百二十里

寰宇記云醴泉宮在縣東南三十里漢宣帝置宮傍有泉湧出宣帝聞其味如醴故名唐貞觀間重脩魏徵銘歐陽詢書按隋開皇置醴泉縣蓋取諸此本漢谷口縣地而東漢及晉之池陽縣也縣理

舊城有谷口城在其東北四十里王莽曰谷
口漢郊祀志公孫卿言黃帝升仙於塞門水經注
云涇水出山之處在九峻山東仲山西謂之谷口
即塞門也鄭子真嘗隱于此○一統志云九峻山
高六百餘尺在縣東北四十里其側爲承陽山左
右有水合流入其河三輔黃圖所謂浪水也有溫
宿嶺在其處漢溫宿國人內附牧飲于此唐初析
置溫秀縣以之名矣後魏書曰武帝于谷口置溫
秀寧夷二護軍此亦溫秀之始也涇河達其麓有
甘水西北自其北鎮來涇謂之涇甘渡去縣東北

陝西名勝志

卷之二

宛

三十里又十里爲洪口堰元英宗至治初陝西屯
田府言自秦漢至唐宋年例八月差使水戶自涇
陽西仲山下截河築洪堰改涇水入白渠溉田七
萬餘頃詔從之又十里卽白渠故跡○塚宅記云
唐太宗昭陵在九峻山下有陪葬功臣岑文本馬
周房玄齡李靖李勣魏徵高士廉尉遲敬德長孫
無忌蕭瑀虞世南唐儉等諸不脩述杜甫行次昭
陵詩云艸昧英雄起謳歌曆數歸風塵三尺劒社
稷一戎衣翼亮貞文德不承哉武成聖圖天廣大
宗祀日光輝陵寢盤空曲熊羆守翠微再覓松栢

路還見五雲飛○昭陵內石刻六駿像曰青驪曰
什伐赤曰特勒驪曰颯露紫曰拳毛騶曰白蹄烏
皆其平實建德王世充宋金剛劉黑闥薛仁果及
東都所乘者像各有贊又有瑞臺寺在其西○唐
肅宗建陵在武將山一名馮山陪葬功臣一尚父
汾陽王郭子儀○五將山在縣西北二十里卽武
將山也漢末辛孟隱居之所○櫻籠山在縣東北
四十五里又五里爲青峰山又五里爲石泉谷又
三十里爲白水谷○要冊三廟一在市北一在城
西二十里一在西三十五里攷漢志縣內有大齊

陝西名勝志

卷之二

辛

公牀昔仙人五帝祠四所圖經俱不載○醴陵有
玉仙觀相傳古仙王子喬所居有玉像一軀故云
唐釋護國題醴陵王仙觀歌王喬一去空仙觀白
雲至今凝不散星垣松殿幾千秋往往笙歌下天
半瀑布西行過石橋黃精採根還採苗路逢一人
擎藥碗松花夜雨風吹滿又言家住東坡白犬
相隨邀我過南山石上有碁局曾使樵夫爛斧柯
○文獻通考論家書十四篇唐禮泉令馮伉著時
縣多鬻爵數犯法伉爲著此書皆務農進學教以
孝弟之事使鄉井間轉相勸授民風翕然丕變○

唐宣宗時李君奭爲醴泉令有異政考蒲當罷百姓詣府乞留慮不允群聚禱于佛祠帝校獵渭上見之問知其故時懷州刺史缺上手除君奭入謝面加辨論左右歎伏

陝西名勝志卷之二終

陝西名勝志卷之二

至

陝西名勝志卷之三

商州

在府城東南三百六十里

領縣四

閩中曹學佺能始撰

中

漢洛縣通記曰郡在洛上故以爲名竹書晉烈公三年人伐南鄙至于上洛是也後魏爲洛州周顯德始改今名以古爲商於地云志云州城爲秦衛鞅所築商於驛在州西五里上洛故城今爲鎮距州東九十里○江水經曰楚水源出上洛縣西南楚山其水兩源合于四皓廟東又東經高車山南東流北轉入于丹水皇甫謐高士傳南出口商山又名地肺山亦稱楚山漢四皓河內軹人曰東園公角里先生綺里季夏黃公皆脩道累已非義不動秦政方虛避於商山作歌曰莫莫高山深谷逶迤曄曄紫芝可以療饑唐虞時達吾將安歸騶馬高蓋其憂甚夫富貴之屈人不如貧賤之肆志人共入商山以待天下之安定按志四皓墓存州西四里墓多棟子樹高車嶺在州北二里相傳漢高后使張良詣迎四皓之處丹水在城南一里呂氏春秋堯有丹水之戰以服南蠻是也史記漢高入秦王陵起丹水以應之故水偶有王陵

城○寰宇記云熊耳山在州西五十里其山東西各一峯狀如熊耳故名山海經曰熊耳山其上多漆其下多櫻澹濠之水出焉西流注于洛古經謂此山有仙草得而服之成仙西京雜記云終南山多離合形似江蘼而紅綠是也又有丹青樹其葉一青一赤如錦繡長安謂之丹青樹○秦嶺在州西一百里三秦記云秦嶺東起商洛西盡渭隴東西八百里嶺根水北流入渭號爲八百秦川亦卽丹水所出也水經注曰水出丹魚先及至十日夜伺之魚水郭側亦光上照如火網而取之割

陝西名勝志

卷之二

其血以塗足可步行水上故丹水縣以此名丹水東南流與清池水合又以爲丹水清池本一水也○商峒云清池山在州北六十里禹貢正義曰四瀆河爲大故先言河漢入于江故先言漢商州江河之交也秦嶺西水入于河東水入于江熊耳山北水入于河南水入于江清池山南水入于江東水入于河然其要不外楚水洛水丹水○古老傳云州有商君商國商密商顓曰五商按世紀堯女女瑩舜次妃也封于商號商君生九子路史云商洛有堯女慕今城東九子墓是矣又云女

生義均及季瑩義均封于商曰商君○商國者湯以爲有天下之稱也書傳昇爲虞司徒歷明五教封于商荀子曰契玄王生昭明居于砥柱遷商邑是啓商湯○周禮職方氏分九州爲商密之地杜預曰丹水縣西南有密鄉楚申息之師所戍也亦春秋之三戶矣秦時諺曰楚雖三戶亡秦必楚○史記秦孝公十一年城商密曰峽關曰武關曰白羽城曰荅野聚皆稱險要處按峽關在州西百六十一里史記沛公攻武關入秦引兵繞峽關踰黃山擊水軍至藍田是也武關許商南縣下白羽今脩

陝西名勝志

卷之三

陽故城是史記楚襄王元年秦出武關有衆五萬取析一十五城析卽白羽也在脩水北故曰脩城左傳昭十八年楚使王勝遷許于析出師以臨上洛哀四年左師軍于鬼和右師軍于荅野皆此地

在州南百四十里○商顓漢武帝時臨晉民引洛水在商顓下岸善崩乃鑿井深四十餘丈往往爲井井下相通行水水顓以絕商顓矣宋邵雍詩十舍到商顓雖遙不甚艱東西遡洛水表裏看秦山文獻通考有商顓雜錄二十一卷臨川樂史撰○商

峒云州舊城上有迎翠樓取李白雲窓拂青霄

壁橫翠色語也州東五里曰石佛灣有洞曰東巖
泉曰東溪太白有題東溪幽居詩又十里東原上
有紅崖冶其地產銅舊有錢官又三十五里之洛
源監亦錢官也又四十里曰桃花原又十里曰老
君峪北有路通函谷關谷口有老君廟其山形如
商字曰商山仙館云寧真子在夏禹時降于商山
校以九疇書及洛水真文于是處唐王維詩商山
包楚鄒積翠雷沈沈驛路飛泉灑關山落照深野
花開古戍行客響空林板屋春多雨山城書欲陰
丹泉通魏畧曰羽林荆岑若見西山爽應知綺里
心○州西三里曰權平原漢以來有名也又一
里為金鷄原其下有鹿跡村又七里曰仙娥峯其
麓有西巖洞壑幽邃李太白嘗遊焉有橫天徑翠
壁噴壑鳴紅泉之句有仙娥驛去州十五里白居
易詩云谿上郵亭氣早秋桐邊溪色繞床流行人
亦羨郵亭吏生向此中今白頭有崇明禪院唐初
建下臨丹水石洞相接宋知州事王禹偁作西巖
冷溪會集五縣令登舟賦詩于此○踰丹水曰馬
蘭峪峪口有都土地廟相傳唐玄宗寢疾夢商州
土地獻桔梗服食遂愈因賜廟祀之像設寃旒為

王者廟今尚然又十里曰野人峪林谷深僻秦末
避難野人者居此晉董景道隱焉不草食樹人
多效之又十里曰麻澗山礪環抱厥地宜麻故名
其山曰熊耳峯即禹貢導洛至熊耳者也詳見上
又五十里為良餘山亦曰秦望山乳水出焉亦曰
楚水出楚山軍嶺為漢高入秦出師之地○自麻
礪行六十里至秦嶺史記曰秦嶺天下之大阻也
韓退之南遷經此有雲橫秦嶺家何在之句嶺上
有昌黎祠其礪曰忌邪礪丹水之所出也丹水南
有丹崖山山皆赤壁霞舉若紅雲秀天矣又東南
有南鄉郡割南鄉石礪以為城者晉宣帝孫暢封
顯陽王因立顯陽郡城南門外舊有郡社柏樹大
三十圍蕭忻為郡伐之言有大蛇從樹腹墜下數
圍長三丈群小蛇數十隨入南山聲如風雨伐斷
之前兄夢於柏樹不以厝意及伐之少日果宛興
寧太守王靡之改築今城城北半距水中左右夾
溪溪深長及春夏水漲望若孤洲焉兩懸之淵歷
於中北所謂商於者也宋陳與義避金虜寓商經
顯陽城晚步詩六尺枯藜了此生顯陽門外看新
晴樹連翠篠圍春盡水從青天入古城夢裏偶來

那計日人謂多事更聞兵只應十載溪橋路欠我
盤纏勃率行○州南二里曰高車山卽漢時高車
網馬以迎四皓處也古有四皓廟又南曰文屏山
相連曰龜山其山三級首西尾東隆負若龜俯南
秦川又南有楚水出焉與丹水乳水合流逕鶴籠
山又三十里曰劉嶺嶺甚危峻萬木森羅唐高太
素結廬于此有報時猿侏子午二時猿卽鳴啼其
餘爲凝碧池清心亭諸勝溫庭筠贈以詩曰茅堂
對薇蕨爐煖一棗輕醉後楚山夢覺來春鳥聲朱
茶溪樹綠者若石泉清不問人間事忘機過此生

陝西名勝志

卷之三

六

○州北三里曰戴雲峯其山欲雨先雲翠律高出
望之若旂俗謂之擲刀山蓋州主山也亦名智亭
山相傳四皓所隱世人推其有避世之智矣其下
爲大雲寺寺東曰少谷泉西曰西平泉合之爲普
濟渠通入城市便於飲汲又二十里曰黃砂嶺嶺
上有馬跑泉合于普濟又三十里曰安山山下有
安山驛川曰泉村曰大荆曰紫榆淵卽清池水所
出○輿地碑目云倉頡古跡今存二十八字舊有
廟在城南秦少游記○商州刺史歐陽陸碑顏真
卿撰并書○後唐中書省照令勅賜太傅工部尚

書任國謚忠愍祭葬其裔孫慶雲曰吾家千年舊
物也慶雲嘉靖間歷官轉運使撰商畧

商南縣

在州北
八十里

古商國卽商所封者盛弘之荊州記云武關西北
百二十里有商城是也舊屬商縣地 國朝成化
陞縣爲州始析其扶川北佛等里置縣名商南○
志云商洛山在縣南一里商洛川在縣東南八里
班固西京賦曰商洛綠其隈漢書高祖祭巴蜀之
民定三秦遷其渠率處于商洛之地當此處矣○
武關在縣東南九十里左傳哀四年楚使謂晉大

陝西名勝志

卷之三

七

夫士蔑曰晉楚有盟好惡同之若將不廢寡君之
額也不然將通於少習以聽命杜注云少習商縣
武關也將大開關道以伐晉也考括地志武關山
爲地門史記秦昭王與楚懷王書云願與君會武
關而約結盟昭王詐令一將軍出兵武關號爲秦
王至則閉執懷王以歸卽此晉杜篤論曰杜口絕
津朔方無從一夫舉壘千夫沈滯者也唐岑參題
關西詩來亦一布衣去亦一布衣羞見關城吏還
從舊路歸李涉前題遠別秦城萬里遶亂山高下
入商州關門不鎖寒溪水一夜潺湲送客愁○志

云勝治唐層峯驛址也杜牧有宿層峯驛寄李諫
議詩又韓昌黎集公自序云去年自刑部侍郎貶
潮州乘驛赴任家亦謫逐小女道苑殯之層峯驛
旁蒙恩還朝過其墓因留題驛梁有數椽藤束木
皮棺草葬荒山白骨寒之句○縣東二十五里廵
檢司唐之富水驛也有古漢王城世傳沛公所築
○兩河在縣南西入雷家灣東出金斗溝斜流一
百餘里自雷家灣以下名上兩河自徐家店以下
名下兩河○扶川有上中下凡三各去縣南一二
百里與兩河水俱入商河○分水嶺在縣西十里
陝西名勝志卷之三 八

洛南縣 在州東七百里

漢上洛縣地晉之杜陽縣也隋開皇間改今名理
在清池川○郡國志云南齊有上洛郡領陽武攷
陽渠卽洛南也清池川出州界安山下之紫榆礪
曰大小黃川春秋盜跖之藪匿矣又八十里爲玄
扈水河圖玉版云舍頤爲帝南廵狩登陽虛之山

臨於扈洛泗之水靈龜負書丹甲青文以授之按
玄扈山距縣西北一百里黃帝錄云帝在玄扈山
與大司馬容光左右輔周呂等百二十人有鳳銜
圖以至帝前圖以黃玉爲匣署曰黃帝詔司命某
集帝行錄帝令問之其文可曉乃再拜受圖焉○
志云大谷龍龕山在縣東八十里其山北接秦嶺
多出麴金又北爲魚難山魚難水出焉崖高五十
餘丈謂之撲水崖魚不能過故曰魚難又南流經
石門入洛兩石相夾中通行路崖高萬仞極爲險
阻俗謂之鬼門也玄扈水乃洛川上流今名黑潭
陝西名勝志卷之三 九

子水經曰謹舉山玄扈山陽虛山獲輿山龍餘山
蟲尾山鹿蹄山冢嶺山竹山皆一出而異名耳又
盛清池山旁東合武里水水出武里山東北注于
洛洛水又東門水出焉爾雅所謂洛別爲波也洛
水北有發戶山發戶水又東三要水入焉南出三
要山西北逕拒陽城南東流入于洛洛水又東與
獲輿川水合水南出獲輿山俗謂之倫水也東北
逕獲輿川世名爲却川北有墨山繪綠奮發黝然
若墨俗謂之墨洞水以注于洛東北至盧氏人河
南界○按志洛水泉在縣西一百里秦嶺下南流

入洛縣以此名○王喬山在縣東南一百里相傳
仙人王子喬隱此又縣北二十里書堂山以張良
辭漢讀書其中而縣東郊外之藏修洞則宋陳希
夷先生來藏修于此後乃之華山

山陽縣在州東南一百一十里

國朝成化丙申歲商山盜王彪之亂既平撫治尚
書原公傑分商州地與商南同置按古有陽亭聚
在故陽亭縣半陽水出焉斯縣以之名也其山曰
安武山其水曰關棚色河匯甲水入于漢圖經亦
以甲水漢江在縣境○志云甲水又西南一里曰
陝西名勝志卷之三

十

花水河其水清冽見底其溪有雲蓋寺唐賈島隱
處注水經云表德溝兩河入洵水即晉河二水之
分界也又東合甲水口水出秦嶺山東南流逕金
井城南又東逕上庸郡北與關棚水合出上洛陽
亭縣北出泥山南逕陽亭聚山俗謂之平陽水南
合豐鄉川水出弘農縣東山西南流逕豐鄉故城
又西南合關棚水又南入上津注甲水以達漢江
按甲河在縣南一百一十里以方向而名俗口夾
河者非是又三十里為兩河發源商州至竹林關
與銀花河合故有兩河之稱○志云孤山在

六十里四周平坦中直一山○大柱山在縣南八
十里壁立萬仞形如天柱其上平坦有清池可資
汲飲唐羅公遠宋邵雍皆隱焉康節先生從商守
給戶帖詩曰一簇煙嵐鎖亂雲孤高天柱好棲真
從今但作西歸計免向人間更問津○任嶺在縣
東南百三十里與上津接壤而縣東二百餘里之
光照山錯入湖廣兩界內○雍大記云縣之圓
覺寺有古碑云大德元年丁酉歲華藏僧掘地獲
之已斷裂惟留大唐貞觀三年六字其後增書大
元國奉元路商州豐陽縣等字豐陽置邑唐已前
陝西名勝志卷之三

十一

無考至元成宗時始見 國初廢豐陽為巡簡司
後移巡司于漫川復立此縣焉 按豐陽乃後周
時縣名自漢至晉皆曰農陽十六國春秋秦苻健
都長安以荊州刺史鎮農陽是也農陽以縣有弘
農鄉而名後訛為豐

鎮安縣在州南五十里

本漢洵陽縣地唐之安業縣也故今縣曰鎮安矣
唐之乾元五代之乾佑皆以年號名縣至元廢為
乾佑巡簡司 國朝景泰二年仍置縣改今名○
長安志云泮水在縣東五里出秦嶺下流入金

洧陽縣界車輪山在縣南二十五里其水流出爲鎮安河連縣治南○乾佑河在舊乾佑縣東三里距今治八十里又縣東八十里曰秋林川通乾佑洞宋知永興軍寇準得天書于乾佑山卽此○按邵國志唐萬歲通天元年析豐陽置安業故乾佑渠卽豐水也宋高宗以地界西割商秦之半止存上津豐陽以劉嶺爲界南屬宋北屬金 國朝割上津入卽豐陽曼川二界俱有之知州劉永學詩我上卽陽三往過蠻上六南北朝發時期定豐陽宿豐陽益屬要津圖經以爲地常秦楚之交者也

陝西名勝志

卷之三

三

○志云蠻王若卽曼川古戎蠻子之國左傳哀四年單浮餘圖蠻氏蠻潰子赤奔晉陰地公羊曰赤者何戎蠻子之名○兩河洧水在縣南關樹水在縣北兩河關樹見山陽下右洧水去縣一百里唐府兵之制商州有二口洧水王京是也○長安志云蘊水在舊縣西南七里出考山下流入洋河故乾祐鄉鄉下有蘊谷里○長陵山在縣北二十里以崖岫綿延而名又十里爲石馬山上有心如馬狀○谷山在縣東北三十里其山危峻常有雲起八

谷重疊望之無窮○聖燈崖在縣南百五十里雲蓋寺側清夜有聖燈自崖畔出○縣西南二十五里有聖燈龕其下爲白龍洞洞深里許清泉出焉流入于洧○縣西四十里有瀑布泉唐太宗詩東望香爐山西觀瀑布水飛流三千丈崩岬數十里

華州

在府城東

領縣二

周畿內國宣王二十二年封庶弟友于鄭是爲桓公地名咸林故國語曰鄭桓公爲周司徒采地咸林也春秋秦晉分境僖十五年晉侯許奉秦伯以河外列城五南及華山是矣後魏太平真君二年

陝西名勝志

卷之三

三

于此置華山郡西魏廢帝始曰華州遼秦則爲內史兩漢及晉之京兆弘農二郡地也州理鄭縣城北三里有長城故址史記魏築長城自鄭濱洛卽此寰宇記云古城連接今州城官路經其中縣設周智光生祠邊是矣唐書列傳智光與魚朝恩善永康中爲華州節度使恃功脅王自設生祠令民禱賽詔郭子儀討之智光尋爲其帳下所殺子儀鄭縣人○洧水經云鄭縣城南山有五部神廟東南向華岳其廟前有碑後漢光初四年縣令裴畢君先所立今按碑文有石隄樹谷御史大夫

軍牧伯其廟中題署有五部者謂石西戌樹谷明神五婁先生東臺御史王翦也○名山記云少華山在華州東南十五里山海經曰太華之西八十里少華山其木多荆杞其獸多狝牛其陰多磬石其陽多瑇瑁鳥多赤鸞爾雅云西南之美者有華山之金石矣○注水經云渭水又東石橋水注之水南出馬嶺山積石據其東麗山距其西源泉上通懸流數十丈與華岳同體其水逕鄭城西經又云沈水北逕沈城西鄭道元以石橋水故沈水也按州東南十五里驛路南石橋東有沈陽城漢

陝西名勝志

卷之三

五

蓋關駟曰蕃在鄭西然則今驢城是矣俗名之爲赤城符健入秦據此城以亢杜洪小赤水卽山海經之灌水也水出石腕之山北逕蕭加谷於孤柏原西東北流與愚水合水出英山北流與招水相得亂流西北注于灌灌水又逕觀愚之山北流入于渭渭水又東逕鄭縣故城北史記秦武公十年置桓公友故邑也春秋國語曰鄭桓公爲周司徒以王室將亂謀於史伯而寄孥與賄於虢郃之間幽王卒於戲桓公死之平王東遷鄭武公輔王室滅虢郃而蕪其土故曰周之東遷晉鄭是依後漢

陝西名勝志

卷之三

五

上行人去安得有英雄迎歸大內官酒酣與從人
悲歌泣下或云古昭慶院有棲雲樓假以駐唐宗
蹕其後遂因之爲州治云○城東關外有太平橋
在古唐城內今大雲橋是其遺蹟西關外曰小石
橋受石隄峪及諸泉水按石隄樹谷卽五部神廟
碑所載者小石橋以東北有石橋水故此稱小○
少華峰東連華山以視華山差低小耳右爲獨秀
峰或曰玉女峰其下爲敷峪敷水所出唐開元中
姜師度鑿之使通渭漕宋元祐間小敷峪崩天禧
五年近峪口阜頭峰崩其崩處名半截又曰復成

陝西名勝志

卷之三

十六

山又東爲方山接華陰境○少華峰之西曰白石
峪潭峪水峪水峪之麓有甘露寺唐鄭谷詩石門
蘿逕與天隣雨檜風篁遐邇聞飲澗鹿喧雙派水
上樓僧踏一梯雲孤煙薄暮關城沒遠色初晴渭
曲分長欲燃燈來此宿比林猿鶴舊同羣○白石
峪之西爲鄭南峰以後周所移鄭縣而名又西卽
石隄峪峪水流至良侯村北曰五港河合赤隄峪
入沙澗石橋河以達于渭近西一帶諸水曰西溪
時人目之爲小曲江以杜子美爲州司功時所曾
遊也少陵題鄭縣遊春亭子詩鄭縣亭子澗之濱

戶牖憑高發興新雲斷嶽連臨大路天晴官柳暗
長春巢遠野雀吟欺馬花底山蜂遠越人更欲題
詩蒲青竹晚來幽獨恐傷神○自遊春亭西南三
里爲鄭縣故址鄭縣東十三里曰武城史記魏文
侯三十八年伐秦敗我武下卽此一名光武城相
傳光武帝征隗囂時所築○又西卽唐郭令公故
里遺裔尚多其故宅有井一口人稱曰汾陽王井
聚而汲飲之○金石錄云漢東方朔墓在州西南
三十里題曰漢大中大夫東方生之墓○唐華州
新廳堂記吳丹撰并書元和八年二月立○唐華

陝西名勝志

卷之三

十七

州後閣記李正撰辭正書元和八年三月立○詩
話云杜少陵集有鄭南伏毒守瀟灑到天心殊不
曉伏毒守之義按守當作寺在伏毒巖上劉中山
集有貞元中侍郎舅氏牧華州時予再忝科第前
後出華觀謁陪登伏毒巖是也華州圖經亦載之
華陰縣在州東
禹貢華河積石南至于華陰春秋之陰晉也今縣
東南五里有陰晉古城是左傳宣二年晉趙盾救
焦遂自陰地侵鄭杜汪陰地晉河南山北自上洛
以東至陸渾也三家分晉是爲魏境魏納于秦是

曰寧秦漢書高帝八年更寧秦爲華陰縣以在太華之北故名○山海經云太華之山削成而四方其高五千仞廣十里鳥獸莫有有蛇焉名肥蠃六足四翼見則天下大旱此山遠而望之有若華狀故名華山注水經云華岳有三峯直上數千仞基廣而峰峻疊秀屹於嶺表有如削成今博山香爐形質象之又華山與首陽本一山河神巨靈擘開以足踏離其下分爲兩山以通河流故掌與脚跡存焉曹植述征賦表神掌於巖首張衡西京賦綴以二華巨靈竊高掌遠躋以流河曲也山頂有

陝西名勝志

卷之三

六

池生千葉蓮服之羽化因名華山白虎通云西方華山少陽用事萬物生華也爾雅云帛似帛布似布華山有之郭璞註草葉似布帛王處一亦云草布曰西岳布者是也韓子曰泰昭王令工施鈎梯上華山以節柏之心爲博箭長有八尺而勒之曰昭王常與天神博云太元真人茅盈內記謂始皇三十年九月庚子盈曾祖父蒙於華山乘雲駕龍白日昇天先是邑人謠曰神仙得者茅初成駕龍上昇入太清時下玄洲戲赤城繼業而往在我盈帝若學之臘嘉平漢武內傳魯生女長樂人初創

胡麻乃永絕穀八十餘年少壯色如桃花一日與知穆人別入華山後五十年先識者逢生女于廟前乘白鹿從王母云神仙傳中山衛叔卿常乘雲車駕白鹿兄漢武帝將臣之叔卿不言而去武帝悔未得其于度世令還追其父度世登華岳見父與數人博於石上勅度世令還山峯雲秀故能懷靈抱異耳上有二泉東西分流狀若山雨滂湃洪津泛灑桂湘騰虎直瀉山下詩神含霧云華山上

陝西名勝志

卷之三

九

有明星玉女手持玉漿服之成仙矣○按華岳志岳頂中峯曰蓮花峯太上崖明星玉女祠玉女洗頭盆石馬玉龜躡鎮岳宮玉井蓮○東峯曰仙人掌石日月○西峯曰巨靈足○南峯曰落鴈峯黑龍潭五粒松仰天坪李白登落鴈峯嘆曰此山呼吸之氣可通帝座恨不携謝朓驚人詩來問青天○岳北腹中曰瀑布石仙人洞水簾洞○岳頂東南曰老君洞太上泉丹爐菖蒲池焦公巖碁石白鹿龕三公石室基○西北曰毛女峯壺公石室太極總仙洞洞玄石室肥蠃穴箕場盧花池○東北曰雲臺峯試鑿穴長春石室公主峯漢末王莽之將篡也南陽公主避亂奔入華山中後以仙去公

王既于山中得道驢馬王咸追之不及留數椽以示之晉潘安仁有公主峯記曰山麓有集靈宮存神殿存仙殿集仙宮望仙觀皆漢晉時宮觀名也漢書云華陰縣有集靈宮三輔黃圖云望仙觀在華陰縣晉武帝造故張昶華岳碑云漢武慕其靈築宮在其後矣口圖經云雲臺觀在縣南六里以華山嶮峻難登先置下方下山麓唐天寶元年勅于熊宇嶺置中方號曰太清宮口慶岳宮在縣西十八里隋大業四年本名敷水宮唐顯慶中改今名按縣有敷西城以在敷水之西而名郭延生述

陝西名勝志

卷之三

十

征記爲符號所置鄜道元云渭水又東敷水注之是矣去敷水谷七里車箱谷方而長似于車箱祈雨者以石投之有一鳥飛出應時獲雨杜甫望嶽詩云車箱入谷無歸路箭筈通天有一門○廟記云縣南山下有南北二廟北廟有古碑九所其一是漢鎮遠將軍段熲更修之碑黃門侍郎張昶書魏文帝與司徒校尉鍾繇弘農太守毋丘儉各於碑陰刻二十字刻其姓名庶六行懃懃循平其一是太康八年弘農太守衛叔始爲華陰令裴仲衡役民逸力脩堽壇廟夾道樹柏迄于山陰事見

永興元年華石所造碑南廟是華北君祠今有北君靈臺上仙十仙四神童院其廟外柏樹二千餘株後周文帝所植口郭緣生述征記云山下一白華岳廟列柏南行十一里又東迴三里至中祠又西南出五里至南祠南入谷七里又至一祠又南一里至天井井內空觀明如在室窺窓出井東南二里至峻坂斗上又東至東柯坪僕馬皆屏去無川上石丈崖皆直拔絕挽葛而後行按青柯坪在山谷盡處初登太華之所西北有瀑布泉水來注之又有種藥坂昔王渾真人居焉嘗駕虎豹種

陝西名勝志

卷之三

廿一

蒼術黃精爲餌詠九字詩百餘言人莫解其意又有陳希夷菴希夷名博字圖南唐長興中舉進士不第因肆意山水後之華山靈臺觀居焉宋太宗賜號希夷先生口岳之東曰王刁洞仙人王遙與友人刁自然昇仙處口藏馬谷相傳漢武求仙時有神馬出藏此谷中故名口文仙谷賈君所居有詩碣今呼爲羽谷菴口又東口碧雲洞碧雲溪黃神谷牛心谷口迤西仰車箱谷谷內有脩羊公石榻坐穿之跡猶存又有霧谷後漢張超能布五里霧者谷口有泉色如饒漿俗稱霧泉又西有石羊

城乃黃初平叱石化羊之處今但名仙谷口西南曰桃谷甕谷竹谷羅敷山大敷谷又西南曰華陽藪○山海經云華山首曰錢來山其上多銅有鳥名鸛渠狀如鷄黑身赤足與松果山相連按松果山在縣東南二十七里又十二里有潼谷水南經松果山北流入于黃河神靈經云馮夷者弘農華陰潼鄉人也食水八口得仙于此唐天授初置潼津縣長安二年廢今爲驛有石橋尚名潼津橋卽潼關水所逕也潼水在關西一里關因以名而其阨寒處則曰桃林寒左氏文十三年晉侯使詹陝西名勝志卷之三

嘉守桃林之寒註疏桃林在弘農華陰縣東潼關是矣自函谷至斯高出雲表幽谷秘邃深林茂木白日成昏又名雲潼關本名衝關河水自龍門衝激至華山東也按今關乃隋大業七年移于鎮城門坑極谷置去舊關已四里餘至唐天授二年移近向北臨河爲路玄宗開元十三年於華岳祠南通衢立碑御製其文并書卽此是新關南路也舊路在岳北自後牧是州者多帶防禦潼關軍使國朝以備兵使者治之潼關衛屬中軍都督府西距華陰縣四十里唐杜甫有題潼關吏詩卽此○

帝王世紀云女媧陵在潼關衛城東三里黃河北崖唐天寶初風雨晦冥忽失所在至乾元仍復按卽風陵堆也○三輔故事云漢太尉楊震改葬華陰之潼亭先葬十餘日有鳥高丈餘集喪前悲鳴葬畢始飛去時人刻石像鳥立于墓前與符泰丞相王猛墓相近二冢並在今潼關西渭河岸北楊震碑見存周文帝破東魏軍殺大將竇泰于此貞觀十一年太宗因幸墓所傷其忠赤非命親爲文以祭之○江水經云渭水東逕平舒城史記秦始皇三十六年秋使者從關東夜過華陰平舒道有陝西名勝志卷之三

人持壁遮使者曰爲我遺鎬池君祖龍君死是歲始皇崩于沙丘渭水又東逕定城述征記云段熲所造去潼關三十里夾道各一城城下有泥泉水出焉水出南山靈谷而東北流注于渭水也按志平舒城在縣西南定城縣置于後魏永熙三年等廢今定城驛是渭水又東沙渠水注之小出南山北流西北入長安城城自華山北逕于河歐陽修華岳銘曰秦晉爭其祠立城建其左者也○西事珥云華陰有鳳君山唐開元間鳳逐二龍至此龍墮地化清泉二道鳳懷而死僧以石函其骨瘞

之山巔累石爲塔覆之我景泰間鄉民取甃石築城函遂露啓兩鳳脰骨長二尺股骨長一尺五寸色如玉云

蒲城縣在州城北

西魏廢帝三年改南白水縣爲蒲城縣以東有故蒲城而名唐開元四年改爲奉先縣以本睿宗橋陵而名宋開寶二年復爲蒲城○寰宇記云故奉先城距今縣治三十里卽古蒲城也有晉城又有重泉城俱在縣東南五十里晉城卽傅胄公子重耳所築史記秦簡公城重泉王莽改曰調泉後漢

陝西名勝志卷之三

廿

書王阜字代公爲重泉令鸞鳥集縣屋旬日聞奏雅樂應聲而舞○三秦記云長城在縣東五十里洛水所經關駟以爲洛水卽沮水也名曰湫洛亦卽秦孝公築長城自鄭濱洛處矣偏南有水疑掘四在沮水岸舊說禹治水至此屺下棄泥積之成塹各周二里崇一百尺又水側有沙城英雄記云曹操與馬超隔渭水陣渡渭輒爲超騎所衝突要子伯說操以今時天寒可起沙爲城以水灌之一夕而成卽此處也○縣西南十八里有賈城古之賈國左傳桓九年芮伯梁伯賈伯伐曲沃者是又

二十二里爲魯王官城大統記曰卽魯哀公城也視其餘迹尚有官城板築之象今屬內政村○長安志云堯山在縣北二十里舊經堯時洪水爲災此山獨浮亦名浮山又有一山在堯山前曰重山以其附堯山有重疊狀○金粟山在縣東北三十里天雨山出碎石若金粟然又五里爲白堂山圖經云白起立寨於此南有不平山以諸峯相接惟此獨峙故又名孤山○豐山在縣西北二十里一名蕪思山其南有仙臺觀唐金仙王真二公主入道所置○蟠龍山在縣西三十里唐明皇遊此俄

陝西名勝志卷之三

廿

雲霧中有若黃龍狀觀而異之於下得石宛似蟠龍因以其地爲龍樂鄉又十里卽西鹵池也長安志曰白鹵鹽池東入沮水濶五十尺深二丈蓋鹵水汎漲流注故曰鹵渠又有東鹵池在縣南二十里漢書宣帝微時困于達勻鹵中卽此唐至德後鹽不復生○志云唐睿宗橋陵在縣西北二十里豐山龍樂鄉所管○玄宗泰陵在縣東北三十里金粟山高力士陪葬○憲宗景陵與泰陵同里屬金嶺山○穆宗光陵在縣北之堯山山已見前○長安志云縣有唐折衝府曰相原曰孝德曰溫湯

日宣化曰懷仁凡五按相原今之贊相鄉舊官勳
貴里者又有崇德善德懷仁各鄉即孝德宣化懷
仁諸府所出名也溫湯在縣東六十里源出沮水
岸西流二里入于沮水其沮水西岸舊有晉太子
庶糧寨○塚廟記云唐張建墓在縣西三里有碑
剝落又十二里爲李思訓墓李邕書碑即雲麾將
軍碑也○金石錄載有唐薛平碑唐史列傳云平
父順爲奉先尉而此碑及元和姓纂皆云名順先
蓋史誤爾○杜甫題奉先劉少府山房水障歌有
友思前宵風雨急乃是蒲城鬼神人之句

陝西名勝志

卷之三

共

同州 在府城東北領縣五

禹貢漆沮既從澧水攸同言二水之所同流入渭
也故西魏以之各州父集古錄云同州有白樓唐
臂跳詠之所合狄楚作賦刺其上○雍大記云同
州蓋昔河西地左傳秦穆公送晉公子夷吾夷吾
謂曰誠得立請割晉之河西八城與秦夷吾立背
約不與戰于韓原虜晉君以歸夷吾始獻河西地
東至河史記韓信傳涉西河正義云即同州龍門
河從夏陽渡者地里志關內有關三十餘同之龍
門其一也○一統志云漆河源出扶風古漆縣西

沮河自延安宜君縣西北俱至舊富平縣界合流
入同州朝邑縣東南注于渭按沮水即洛水也以
沮入洛故水經云洛水東逕沙阜北其阜東西八
十里南北三十里俗名之曰沙苑西魏大統三年
宇文泰與高歡戰大破之其時泰兵少隱伏沙草
中以奇取勝後於兵立之處建忠武寺令騎士種
柳各一株數及七千至今沙苑多柳樹仍以其地
宜六畜置沙苑監秦養隴右牛羊諸畜以供尚方
之用故杜甫沙苑行有云君不見左輔白沙如白
水綠以周牆百餘里苑中驟牝三千疋豐草青青

陝西名勝志

卷之三

七

寒不死口集異記唐明皇十三載重九獵於沙苑
雲際有孤鶴獨翔上親御張矢一發而中其鶴帶
箭墜而復起及幸蜀遊道觀中視所掛箭道上徐
佐卿題乃上獵沙苑之日也○注水經云洛水南
經商原西俗謂之詩原原下有泉水味鹹苦羊飲
之肥而肉美諺曰苦泉羊洛水漿即此按沙苑在
州城南十三里商原在城北三十五里○志云州
東南八里有九龍泉出沙阜中以九穴同注而名
唐韻會注馮翊南有九泉同于一流故名其州也
又有龍泉洞在州西北二十五里西漢村唐太和

六年倍慈義開闢有龜蛇峯清凉洞諸勝○重泉在州西北三十里卽漢武帝爲李夫人築城處遺址尚有漢書武帝時嚴熊言臨晉民願穿洛以溉重泉田萬餘頃故惡地減得水可令畝十石者也○紅善泉在州西南四十里又十里爲蘇村泉俱自平地湧出流入渭渭河在沙苑南今謂之馬坊頭○郡國志云州所理城後魏永平三年刺史安定王元燮築其東城正光五年刺史穆弼築西與大城通其外城大統元年刺史王熙築其地卽漢之臨晉縣在景帝爲左內史武帝爲左馮翊者也

陝西名勝志 卷之三 廿八

按馮翊縣本州理所元始省入故址在文廟東有古碑畧云馮翊故城如龜形至唐始易爲方城○首于前尾于後云○志云鉞鎌山在州北二十五里沮水之岸土具黃白赤三色其形如鎌故名○州西有黃堆山唐書廣德元年三月甲子党項羌寇同州郭子儀敗之于黃堆山是也○白馬池蓮花池俱在州西南三十里又十里曰清池○南溪池亭在九龍泉側唐咸通中太守王龜齡建後梁貞明節度使程暉復增飾之御史中丞蔡曙記其事有碑刻存○大興國寺隋開皇建文帝以西魏

大統七年誕生馮翊及得天下卽爲寺塔崇報母恩寺內有臺柱上塑蟠龍四周佛像極其雄麗唐開元間太守王琚縣令靳翰重脩○塚廟記云唐王仁皎墓在州西三十里玄宗后父封和國墓碑御書張說撰神道碑字畫剝落見在墳高一丈九尺其子駙馬都尉守一所請也○顏真卿祠在州治內魯公會爲此州守故祠之後貞元中鄭建克以金吾上將軍爲節度使出鎮是州有惠政民亦爲立祠○金石錄云後周同州刺史韋八如忠誌天和三月七日立○唐同州刺史解琬碑蘇頌撰梁昇卿八分書開元二十三年五月立○唐同州河濱紀瑞頌崔禹錫撰王敬宗八分書先天元年八月立○唐同州刺史崔滄遺愛碑楊憑撰韋縱書貞元十七年十月立○唐三藏聖教序太宗撰褚遂良書龍朔三年同州重立○唐崔滄謝廣利方表德宗貞元中白著方書號貞元廣利方頌行郡國淙時爲同州上表稱謝詔刻諸石

朝邑縣 在州東二十里

注水經云洛水東南歷強梁原俗謂之朝坂也按西魏以朝邑名縣本此其地在周爲大荔戎國有

故王城在縣東三十步左傳僖十七年晉陰飴生會
秦伯于王城註疏王城秦地馮翊臨晉縣東有王
城是也史記魏文侯十六年伐秦所築武王元年
與魏惠王會於臨晉卽此城縣道記曰臨晉城在
縣西南一里故芮鄉因秦築壘以臨晉地乃曰臨
晉○郡國志云長春宮在強梁原上周保定時宇
文護築初名晉城建德二年置長春宮隋開皇中
增構殿宇大業末唐高祖義旗起大軍濟河舍于
此宮休甲養士西定京邑自後凡牧是州多帶長
春宮使○水經云洛水經懷德城按在縣西南三

陝西名勝志

卷之三

三

十二里漢縣也漢書註云洛水東南入渭今故城
在渭水之北沙苑之南一名高陽城○洛水又經
蒲津關因蒲坂又以河津也戰國時魏置關於此
苻秦皇始四年十月霖雨河渭俱溢蒲津監寇登
得一履於河中長七尺三寸人指長尺餘深一寸
苻健見而歎曰覆載之內何所不有按河津處有
浮橋左傳昭公元年秦師子出奔晉造舟于河杜
預注云造舟爲梁通秦晉道也岸左有河濱祠郊
祀志云祀河于臨晉是矣西魏大統于漢祠更加
營造宇文天和中建碑一所大象元年勅江淮濟

各從本所祀惟此一祠依舊無改唐天寶間封爲
靈源公靈宇記以開元初州刺史姜師度引洛水
及景黃河作陂灌田二千餘頃名曰通靈陂○志
云臨晉渡在縣北六十里昔魏豹盛兵于蒲坂以
塞臨晉者也縣東二十五里有臨晉關一名潼津
關臨黃河岸唐玄宗早度潼津關詩鐘鼓嚴更曙
山河野望通鳴鑾下蒲坂飛旂入秦宮地險關逾
壯天平鎮尚雄春來津樹合月落戍樓空馬邑分
朝景鷄聲逐曉風所希常道泰非徒候緇同按今
名大慶關接蒲州界有鎮牛在關東岸四西岸三

陝西名勝志

卷之三

三

唐開元時鑄○儲光義與朝邑王簿期不會作詩
云下位日趨走久之賓會疎空遲何詞賦所婉止
園廬朝念池上酌暮逢林下書方將固封守暫欲
混畋漁衰柳隱長路秋雲滿大虛遙遙望左右日
入未迴車

郃陽縣

在州城東北
百二十里

郃水自西北經縣界東入黃河縣以此名詩大明
篇云在郃之陽漢高帝時匈奴攻代劉仲棄國而
走廢爲郃陽侯是也按郃本作洽唐置洽州于此
其後流絕去水加邑因降州爲縣改名郃陽○縣

道記云郃陽城魏文侯築占莘國地伊尹耕于有莘之野周散宜生爲文王求有莘氏美女以獻紂應劭云莘國在治水之陽矣武王母太姒卽此國女詩曰織女維莘長子維行謂此也系本辛姒姓夏商之後史記秦惠文君十一年更名少梁曰夏陽有太姒塚在夏陽城內按夏陽城在縣東四十里故莘城在縣南二十里又縣東有羈馬城卽左傳秦伐晉取我羈馬者也○水經注云郃陽城南有漢水東流于河與剗首水相近按剗首漢水出尾下郭璞註云在河東汾陰縣馮翊郃陽亦如之

陝西名勝志

卷之三

三

相去數里夾河中渚上又有漢水源皆潛通左傳文七年晉敗秦師于令狐至于剗首上注令狐在河東剗首坑在郃陽也志云漢水卽冷水也當縣有東鯉漢王村漢勃池漢夏陽漢俱沒入河見有白泉溫泉灰泉以資灌溉在縣東南四十里夏陽村○水經注云河水東南流絕驪泉又逕劉仲城北又逕姚武壁南寰宇記云夏陽縣界有姚武壁十六國春秋苻堅司馬姚萇爲慕容泓所敗懼罪奔渭北西州豪傑率衆歸之萇乃僭號于此築城曰姚武壁今址不存○志云梁山在縣北四十里

春秋公羊傳曰洽陽之山也爾雅以爲晉望矣平氏三秦記云梁山有故宮城亦名織錦城人謂城界○黃河在縣東四十里卽水經云河水東過郃陽者也飛浮山在縣東南四十里以與黃河相爲浮沒故名○瞿浮渡在黃河之側昔韓信設疑兵于此誑魏王豹以木罌渡者父里許爲茶峪渡通山西之榮河縣界

韓城縣

在州城東北

詩云有倬其道韓侯受命周武王之後也應劭風俗通云韓先與周同姓春秋韓武子事晉獻公封

陝西名勝志

卷之三

三

之韓原因爲氏○志云韓原在縣東南二十里有故城春秋秦獲晉侯以歸處史記范雎說秦王曰秦韓之地形相錯如繡者也又西南五里爲少梁城以西五里有大梁故此曰少梁以別之梁城梁山得名界于郃陽卽詩韓奕篇所云奕奕梁山也古今地名詳韓與梁在春秋時爲一國○水經注曰河水又南逕梁山原東晉之望也春秋成五年山崩壅河三日不流晉侯以傳問伯宗處矣河水又南嶢谷水注之水在縣南十里注于河河水經高門原南傳阜相承秀出雲表俗謂之馬門

原之曰三周山即嶺三成爲崑崙立也山下水
際有二石室南北皆因阿結肅連屬接闕所謂石
室相拒矣東廂石上杵臼之跡猶存北坎有微涓
石溜豐周縣飲似是棲隱遊學之所昔千夏教西
河疑卽此類而無以辨之其水又東南流注于河
河水又南達龍門口魏土地記曰梁山北有龍
門山大禹所鑿通孟津河口廣八十步巖際鑿跡
尚有并有古祠祠前有碑三所二碑字文紊滅不
可復識一碑是太和中立竹書晉昭公元年河小
赤上龍門京房易妖占曰河水赤下民恨也河水

陝西名勝志

卷之三

三

又南右合陶渠水水出西北梁山東南流逕漢陽
太守殷濟精廬南俗謂之子夏廟河下又東南逕
華池池方三百六十步在夏陽城西北四里許故
司馬遷碑文云高門華池在茲夏陽又東南逕司
馬子長墓北墓前有廟及碑晉永嘉四年漢陽太
守殷濟瞻仰遺文因建有室立碑樹柏焉太史公
自叙曰遷生于龍門是其墳墟所在矣○寰宇記
云龍門山在縣北五十里太史公墓在縣南二十
里之芝川鎮黃河在縣北有禹門渡通山西河津
縣芝川及黃河水河皆入焉瀘水卽嶺谷水也龍門

山之北有河口略似龍門而不能通相傳緣治水
時所鑿績用弗成今名錯開河○唐書白樂天本
傳樂天先世太原人北齊五兵尚書建者有功賜
田龍城子孫遂家焉後乃徙下邳○張昇字杲卿
韓賊人宋仁宗時月樞密院使與韓琦協心建儲
貳英宗立乃請老退居者十餘年司馬光嘗疏稱
昇忠清正直不可干以私云

澄城縣

在州城北

左傳文十年秦伐晉取北微漢爲微縣常昭云微
澄同後人訛爲澄也故微城在縣西南二十二里
陝西名勝志

卷之三

三

○水經注云雲門谷水源出澄城縣界有甘泉水
出縣西匱谷中其水特美堪造酒泉流東至坊新
里左傳僖十八年梁伯益其國而不能實也命曰
新里秦人取之文四年晉侯伐秦圍祁新城卽此
處矣按志甘泉在澄水左岸又云卽澄水也發源
大慶里西庄澗其水澄潔俗呼官泉雲門谷在縣
西北七十里谷口似門水氣雲蒸故名○雲門谷
又西北十里爲風谷山有洞穴出風歲時祀之按
其地有界頭山北與洛川縣界○注水經云澄城
溫泉其源有三奇川鴻瀉西注于洛漢武帝時臨

晉人嚴上願穿洛水於是發卒穿渠自微而起合龍首渠今縣西三十里有乾坑即龍首之尾也有洛河渡去縣西南三十里通蒲城○圖經云泉河在縣西二里有泉水流入于河故名又里許爲洗腸泉相傳晉佛圖澄洗腸于此旱禱極應又縣南三里有柳鈴泉以光武北征時柳鈴得泉于此○志云壹梯山在縣北五十里階級層峻有似懸梯每雲霧集必雨再十里爲將軍山秦封曰起武安君于此後人建祠祀焉再十里爲武帝山上有武帝廟相傳帝幸梁山經歷于此○臨高原在縣

陝西各勝志

卷之三

系

南五十里宋李顯忠知同州以計執金徽離唱後由漢村經臨高原即此又其地有龍吳快帶洛洛味耳如醴隋文帝居同州時取飲焉○集古錄云唐澄城令鄭君德政碑陳君京撰鄭雲遊行書貞元十四年正月立

白水縣

在州城西北二十里

水經注云洛水東南沮水入焉故洛水亦名漆沮水其境東南谷多白土因曰白水史記秦文公分清水爲白水縣是矣柳谷水亦名彭衙水南流至白水縣南東北注洛水○寰宇記云彭衙故城在

縣東六十里左傳文二年秦晉戰於彭衙者也言臨焉謂郃陽縣西北有彭衙城後漢安帝以上郡邊寇寇寄理于此又西北二十八里有栗邑縣僻在川中其人謹朴漢薛宣爲左馮翊以頻陽令薛恭換栗邑即此地矣○注水經云沮水又東逕栗邑縣故城北王莽之栗城也後漢封騎都尉耿襲爲侯國其水又東北流注于洛按栗邑唐貞觀中省入郃陽故郃陽縣上有栗邑鎮長安志以郃唐觀在栗邑鎮內又有栗邑渡即縣界石川河渡也今棣陽省入臨潼而栗邑則當縣仍有之○孔

陝西各勝志

卷之三

系

安國注尚書云洛水出北歸縣戎夷中自馮翊懷德縣入渭考漢懷德唐同州衙縣也白水朝邑俱有之漆水既自華原入沮又自白水縣入洛洛漆沮至白水始混爲一又自朝邑入渭故漢書謂洛即漆沮也華原今省入耀州漆沮下流爲石川屬富平○杜拾遺廟在縣治儀門內唐至德二載甫自賊中竄歸行在肅宗校左拾遺許至三川迎家甫挈妻子至白水依舅氏崔少府居焉後人立祠刺彭衙行于中五季兵燬鄉人訛爲杜十姨廟塑十婦人像金貞佑間縣令陳炳掘地得彭衙行

石祠乃知之亟命去十娘像仍塑拾遺像以祀攷
少陵集有白水明府舅宅喜雨得過字吾舅政如
此古人誰復過碧山晴又濕白水雨偏多精禱既
不昧歡娛將謂何湯年早頗甚今日醉絃歌日註
舅氏崔十九翁時爲白水縣尉云子美彭衙行中
亦有夜深彭衙道月照白水山之句○按志曰陽
武曰黃龍曰秦曰大神皆白水縣山也陽武黃龍
俱在東南以土色黃其形蜿蜒如龍故有黃龍之
名陽武相傳爲倉聖發靈處大神者山峯高峻似
若神形泰山即禹貢北條之一俗傳唐太宗爲祭

陝西名勝志

卷之十一

元

王時兵至此不得過十馬橋之山洞道通云

耀州

在府城北
百八十里領縣

唐天佑時李茂貞據鳳翔脩行墨制建置耀州實
西魏之宜州漢之役棚縣也注水經云宜水南出
土門山役棚故城漢書宣帝神雀二年鳳凰集役
棚仍于是處得玉寶乃建步壽宮詔赦天下其城
北原亦曰步壽原○按土門山在州東南四里積
土兩崖中豁如門故名唐杜甫詩我經華原來不
復見平陸北上惟土門連天接窮谷華原乃州界
下縣也○役棚城在州東北一里漢景帝時置縣

于此元魏廢帝三年改爲泥陽縣隋開皇中又改
泥陽爲華原縣元始省人考說文役從也从攷
示聲相音謂或說賊郭市里有不當人而人者暫
下以驚牛馬曰役故从攷示詩曰荷戈與役是矣
宋龍圖趙師民守耀州以爲役棚者祭神求福之
意本秦地尚武以樂兵得名非書見之謂也○志
云石磬山在州東五里山出青石可以爲磬自唐
朝侏用而泗濱之石遂廢白居易有詩紀之孫思
邈宅在此山陽有石洞其頂五峯對峙亦謂之五
臺山○鑑山在州東十里每遇年豐則光照入試

陝西名勝志

卷之三

元

之多驗州名耀者本此署後有望輝臺宋皇祐中
華原令楊凝所創○牛耳山在州西北十八里
兩山東西分若牛耳也又六十里爲木門山山坂
相去各二里許有上中下之稱今坂存而門堙○
玉女山在縣西北玉女堡又北爲桃兒天活二堡
皆險阻處其東爲緇女房溝有石洞相傳後周明
帝置緇女于此明帝嘗刺宜州云○案字記云漆
水自同官縣界來逕州北沮水自邠州入州至白
渠澤泉南合漆水俱入富平之石川河又有清水
在州西二十五里○道志云清水谷地谷先生所

星也水自雲陽界來南流入三原境州西北有澗谷河澗谷河俱自孝義鄉來注之○州北有通城渠及煙霧渠越城渠水磨渠皆引沮水者其渠渠出澗渠則爲漆水所注地理志曰沮水出嶺縣西東入洛今水自直路縣東南逕灃石山東南流歷柳堂川俗謂之柳亭水相而夾山西流又西南逕君川世謂之宜君水又得黃欽水口水西北山少陽縣石門山黃欽谷東南流注宜君水又東南南流逕襍襍縣故城西縣以溪名漢書二年置王水南合銅官水○長安志云襍襍廟在州東二里

陝西名勝志

卷之三

四

咸懷亮碑唐李邕書○咸氏糾宗碑工部尚書咸懷恪碑俱顏真卿書○左武衛中郎將咸希忱碑韓擇木八分書○號王元鳳碑殷仲容書○左僕射王播碑節度使王起碑俱柳公權書○步雲原南嶽上有大像閣元魏之龍華寺也隋仁壽中建閣後彌勒像高二十仞故名有宋永相富弼詩刻以鄭公父言倖耀州時嘗隨任讀書云○雷簡夫同居詩二十二首名刻見存益州圖也簡夫父孝先知耀州亦隨侍至後復自爲尉故仁此詩景中通判張架刻之○宋華原人趙光輔范寬皆精繪事見宣和畫譜

陝西名勝志

卷之三

四

同官縣在州城北十五里

水經注云銅官水出襍襍縣東北西南經銅官川謂之銅官水苻秦于此置銅官護軍後周立縣除金傍作同字考銅官護軍即今濟陽寨是也寨有土城高數丈與縣相爲犄角○長安志云同官縣城周一里無城壁西北倚虎踞山金山也漢孝宣堂二一在其北一在西南各去城一里亭子泉柏榆泉流達其下○文王山在縣西六十里上有文王廟雍大記云文王射豐于此其西爲武王山有武

王廟○寰宇記云女華夫人祠在縣北三十里女華山上其山高峻秀出每大風雷多從華岳至此里人立祠禱焉長安志注縣界有女回山以女華夫人回華岳必經此山也○志云縣有同川及同官川仰沮水也縣東有雄川烏泥川縣西有雷平川水皆入焉又有三泉山在縣東南白馬山在西北各去縣四十里再十里爲馬蘭山盤川水所出與漢井泉水同入烏泥川○按州自晉已來皆爲役相縣後改泥陽以此名矣馬蘭山漢張光所建興中盧水胡反攻北地太守張損死之光爲郡

陝西名勝志

卷之三

聖

都尉以百餘人戍馬蘭得全推新平太守○縣南有金牛嶺相傳秦王世民擒劉黑闥時過此嶺遇一牧童被虎噬其所牧牛與虎苦鬪牧童因得免秦王嘉之遂命捕殺此虎名曰金牛嶺又有唐太宗田獵獲兎處今名兔兒窩○女回山在縣東北五十里西高山之東俗傳秦築長城孟姜之夫戍死負其骸經此而返故名又東爲神水峽蓋通榆林路也石崖峻削道從石峽中行至險阻舊設金鎖關巡司三谷水之所徑矣石上往往有鑿孔深廣尺許皆古時礮礮跡○單雄信墓在城北故縣

村之間輻寺有石羊毀其半碑亦不存故老得云是雄信墓

乾州

在州城西北領縣二

亦李茂貞建本唐京兆之奉天縣也高宗乾陵在焉以位置長安乾隅故名光宅元年分醴泉好時等縣置此額以奉陵寢爰有奉天之號建中初術士桑道茂請增築其城後朱泚之變德宗因駕幸焉向爲乾州理所國朝省入舊州志云九峻諸山皆抱西北涇渭二水縈帶東南關中之奧區也○寰宇記云梁山在城西北五里卽周公踰梁山至于岐下者秦以此建梁山宮昔有盜繆公駿馬於岐下而食公飲之酒卽此處也○野人鳩頰接○好時縣距城七里其側有軒轅臺漢郊祀志云時者神明所依止也自古以雍州種高神明之隲故立時以郊上帝諸神祠皆聚焉後周省入莫西縣以莫谷水在城西北而名漁出永壽縣麻亭嶺來西南流入武功亦名武水水側有如已墓○水經注云渭水又南莫水注之水出好時縣梁山大嶺泉南逕梁山宮西故地理志曰好時有梁山宮秦始皇建水東有好時縣故城王莽之好邑

漢書雍王邯迎擊漢陳倉邯兵敗還走戰于好時
卽此處矣後漢世祖建武二年討建威大將軍耿
弇爲侯國○志云沙溝泉在州東十里又東北二
十里有耳谷水源自永壽縣溫秀嶺來流入醴泉
界合于涇水又武亭水西北自麟遊縣來經縣東
四十里入武功界○寰宇記云乾陵在州西北五
里梁出鄉封內周八十里與則天后同一陵陪葬
太子諸王章懷已下凡五義陽公主一又有于闐
國所進無字碑○僖宗靖陵在州東北十五里
陽鄉與乾陵相接關豹谷○漢蘄武墓在州東四

陝西名勝志

卷之三

壘

十里今名守節里○陸賈墓在州東北二十里屬
岑陽止泉兩鄉○長安志云漢楊喜將軍廟在縣
南二十里唐桑道茂廟在州西南三百一十步○
狄梁公墓在州下陽果正鄉墓前石碣舊有題詩
曰牝雞聲裏紫宸寒神器都歸竊弄間一語喚開
鸚鵡夢九霄奪得鳳雛還○李元紘開元初爲好
時令賦役平允不嚴而治大有政聲遷潤州司馬
祭離百里士民號泣遮路烏鵲之類飛擁行車有
詔褒美之并刺諸石○金楊貞墓在州東南十里
與字煥然號紫陽先生與其父振同葬元好問撰

誌銘貞與好問俱能文貞有還山集行于世

武功縣

在州城西

史記秦孝公作四十一縣聚美陽武功各其一也
武功出在故縣西南百里與太白山相連皆極高
上恒積雪望之皚然諺云武功太白去天三百山
下行軍不得鳴鼓角鳴則疾風暴雨直至上有洞
卽道書第十一洞天也又有太白神祠漢永平八
年所建山半橫雲如瀑布則澍雨人常以爲驗語
云南山瀑布非朝則暮南山卽終南山也道書謂
之太乙山亦名太白山山上有谷春祠春標陽人

陝西名勝志

卷之三

壘

成帝時病死而尸不寒後忽出標南門而入太白
山民爲立祠於山嶺春秋來祠中宿焉山下有大
白祠民所祀也魏畧云古茂蕪則值亂隱於太白
山中以經籍自娛杜彥達曰溫泉水出太乙山其
水沸湧如湯可治百病世清則疾愈世亂則無驗
○十六國春秋云劉曜光初四年五月終南山崩
長安人劉終於崩所得白玉方一尺有文字曰皇
亡皇亡敗趙昌井水竭竭五梁罅西小哀困器喪
嗚呼嗚呼赤牛套割其盡乎羣臣咸賀以爲石勒
滅之徵也曜大悅齋七日而後受之于太廟大赦

境內以終爲奉瑞大夫又有薛竹山距終南山一百里漢書古文以爲禹貢之敷物山矣亦斜水所出也○水經注云渭水於縣斜水自南注之水出縣西南衝嶺山北歷斜谷逕五丈原東諸葛亮與步騭書曰僕前軍在五丈原是矣原在武功十里水出武功縣故亦謂之武功水也是以亮表云臣遣虎步監孟瑛據武功水東司馬懿因水長攻瑛營臣作竹橋越水射之橋成馳去其水北流注于渭地理志曰斜水出嶺北至郿注渭水又東逕馬家北亮與步騭書曰馬家在武功東十餘里有陝西名勝志卷之三 渠

高勢攻之不便是以留耳渭水又逕武功縣故城北王莽之新光也○寰宇記云漢武功縣置在渭水南古郿縣地也唐武德三年于今理置郿州以堯封后稷于此處古爲有郿之國郿與漆音同新論曰民有會日以相與夜中市如不爲則有災咎今有后稷祠在縣城之西故實意寺址○故漆城在縣西南二十里漢縣也後漢省後移武功縣于此亦名武功城有豫亭在城內南惟爲景後漢王仲除郿令之官爲女子理冤收繫亭長因遂安○關中記云美原祠在郿城東城外有三時原高

五十丈水經注云五泉渠西自岐州扶風縣流入經三時原有六堰門西魏大統間築以節水又東會成國渠魏尚書左僕射衛臻征蜀所開也號成國渠按隋文帝泰陵葬此原上又西原上有隋煬帝陵唐武德初高祖葬之于此○康德涵武功志曰今武功太白二山屬郿縣五丈三時二原屬岐扶風太乙屬盩厔俱不之載惟古漆城在縣南八里又四里爲漆水川今之郿封里有漆村以漆水所經書云自土沮漆者也漆水自南山之南來北受漆水南受漆水以入于渭漢書云漆在漆縣是陝西名勝志卷之三 渠

俗以武水爲漆水者譌武水蓋縣之武亭川也○水經注云雍水俗名白水亦曰闔川下西北自扶風界流入莫谷水南經美陽縣與中亭川和合漢承元中更封耿秉爲侯國中亭水與上武亭川高望川合注南流入渭按武亭水北自好畤縣來在縣東十一里三百有二步又十里爲高望川有高望亭唐武后行宮在此內又云中宗葬以望乾陵也莫谷水卽武水自乾州境來入縣南合武亭水○志云美陽城一名周城縣西北之中水鄉周太王所居邑也詩云古公亶父來朝走馬率西水游

至于岐下又曰周原縣舊董茶如怡爰更我龜集
室于茲謂是邑矣今美陽故城在縣西原八里西
原卽周原亦曰雍原也秦宣太后宮設焉中亭川
爲後周建德三年別置武功縣者乃今理耳唐柳
子厚武功縣丞廳壁記宋有游站重修縣廳碑○
寰宇記云慶善宮在縣南十八里唐神堯舊宅太
宗降誕之所貞觀六年駕親幸之燕羣臣賦詩曰
壽丘唯舊跡豐邑乃前基粵子承累聖懸弧亦在
茲弱齡逢運改提劍爵臣時指麾八荒定懷柔萬
國東梯山咸入款駕海亦來思單于陪武帳日逐

陝西名勝志

卷之三

哭

衛文公端辰朝四岳無爲任百司霜節明秋景
水結水湄玄黃過原濕儲積京坻共樂還無
歌此大風詩起居郎呂才被之管絃爲功成慶善
樂名九功之舞後廢爲慈德寺又有東本寺實意
寺皆高祖之別宅也東向絕岸南臨渭水○李頎
祠在六門堰上唐咸通時廢已百五十年頎爲
武功令奏修之方歲饑乃發官倉儲民浚渠按故
道斷水溉田穀以大稔懿宗嘉之崔侍御史○長
安志云漢蘇武夢見西十里之蘇村按縣北二
十里有節義堂卽漢蘇故園也後徙于杜陵故

亦稱杜陵人○唐韋應物長安人漁陽兵亂流落
失職居武功相傳渭濱是其故宅應物有經武
功舊宅詩茲邑昔所遊嘉會常在目歷載俄二九
始往今來復慨然居人少茫茫野田綠風雨經舊
墟毀垣迷往躅門臨川流駛樹有蠶離宿多累恒
悲徃長年覺時速欲去中復留徘徊結心曲○文
獻通考杜陽雜編三卷晁氏曰唐蘇鶚字德翔撰
光啓中進士家武功杜陽川雜錄廣德以至咸通
時事○蘇氏演義二十卷陳氏曰唐方啓進士志
功蘇鶚德翔撰此數書者皆考究書傳訂正名物

陝西名勝志

卷之三

哭

辯證訛謬有益見聞尤梁溪以家藏本刻之當塗
縣○唐朱慶餘題武功姚主簿舍亭午無公事垂
簾闌色間僧來茶竈動吏散印床閒傍竹行過巷
當門立看山吟詩老不倦未省話官班○宋祥符
間張及爲武功令慕姚武功之爲人于是刻姚合
縣居諸詩四十餘首于石今錄其首篇云縣去京
城遠爲官與隱齊馬隨山鹿放鷄雜野禽棲連令
惟藤架侵階是藥畦更師嵇叔夜不擬作書題○
西遷注云縣西北倚高山其城半在山上卽武功
山也東下屬漆水唐蘇頌武功人縣西十里有蘇

許公神道碑一錄苦題不入武功志然予考雍大
記云蘇頌墓在縣北十里義門鄉與好時縣蘇武
墓地里相接又按德涵志亦載云蘇許公墓在縣
西南傅村但南北方向不同耳然其神道碑在新
寨內此似張羽士所見者志又云宋游師雄墓
在縣西北八里碑爲耕者所沒其地華表存師雄
字景叔直隴岡間久于邊陲著有勞績學師橫渠
先生○張載子厚有綠野亭在縣南郭卽爲橫渠
建也時有張山甫者爲武功簿與橫渠善故縣中
子弟多從先生遊因建此亭 國朝河東薛瑄過

陝西名勝志

卷之三

辛

武功題廳壁詩持節西來過武功扶桑日出曉光
紅渭河水遠波聲小太白山高樹影重遺址已無
慈德寺居人猶說故爇封東行無限前朝事盡在
黃塵綠野中○武功志列女傳內載苻秦時寶苻
妻蘇氏名蕙字若蘭陳留令武功蘇道質第三女
也年十六歸于寶氏苻甚敬之苻堅寇襄陽以苻
爲安南將軍留鎮襄陽苻龍姬趙陽臺往蘇氏
怨之不肯與俱而苻竟與斷音問後蘇氏悔恨自
傷因織錦爲題文縱廣八寸計六百餘言縱橫及
覆皆文章因以奇渚襄陽苻覽之感其意于是迎

蘇氏來襄陽而歸陽臺于關中恩好愈篤蘇著有
文詞五千餘言隋亂不傳只傳其間文間文有武
后記言蘇氏事甚詳

永壽縣在州城北
九十里

本漢漆縣地後魏大統元年分立廣壽縣以西二
十里廣壽原爲名故有南面城莫營關控扼險要
皆魏置也周大象中改爲永壽又云唐武德初置
縣永壽鎮因以爲名○寰宇記云烈山在縣東三
里有烈山神祠○翠屏山在縣西南卽武陵山
也狀如畫屏故名○高泉山在縣北三十里莫谷

陝西名勝志

卷之三

辛

水發源于此本名安陽泉南流經莫谷故曰莫谷
水○明月山在縣西南八十里其山閉塞夜望之
如明月然有妻敬祠在此山上永壽志稱漢建信
侯敬曉居明月山能種金其地口種金坪後人往
往于此掘得金云又十里曰峴山特高峻○錦川
河發源麟遊縣來經縣西南好時鎮其川出石如
錦爲世所寶按好時縣元至正間併入者漢書高
帝紀莊王章卽迎擊漢陳倉雍兵敗還走好時卽
此處也○呂公崇宋呂大防所開自爲記益邑無
井泉縣于遠汲呂公行近境得泉二欲導而入城

地勢高下有差公乃用考工置水法以準之旬日便疏爲渠至今民賴焉○縣北二十里有平泉從平地中湧出故名○漢陸賈好時人高帝使說南越尉陀陀稱臣授大中大夫有墓郿州界

郿州 在府城西北二百五十里 領縣三

尚書大傅公劉居郿度其原隰蔡氏以爲卽今郿州蓋從唐開元間例改古文詔古郿字直書爲郿也○金石錄郿州節度使院記唐李方直撰○文獻通考郿志二卷唐殷中侍御史凌準一撰郿軍卽朔方軍也歐陽文忠脩唐史嘗求此書不獲今

陝西名勝志 卷之三 五

得于忠憲范公之孫伯高紹興乙丑是公郿記○考漢書云公劉處郿其人有先王遺風好稼穡務本業故關詩言農桑衣食之本甚具然其俗尚勇力習戰脩蓋若處戎狄勢使之然也曰南郿州自後魏大統年始以北郡別有關故此爲南唐開元以關與關字相涉故改爲郿 國朝以新平宜祿二縣省入○按新平本漢漆縣屬右扶風後漢書世祖建武八年隗囂悉衆攻洛陽上至漆進止未定會馬援夜至聚米以爲山谷指軍所從入上笑曰虜在吾目中卽此地也符秦改爲新平縣○宜

祿本漢鵠祿縣屬安定周地圖記云秦使扶蘇蒙恬築城至此以祿爵莫祭乃有鵠鳥飛集祿上以爲靈異縣名取焉後魏廢帝元年以縣南臨宜祿川又改爲宜祿縣○按後漢興平元年分安定之

陝西名勝志 卷之三 五

鵠祿右扶風之漆畧新平郡水經注云漆水自宜祿界來又東過扶風漆縣北以水經驗之郿州所理漆縣是也漢書注云漆水在縣西今縣西南九里有白土川水東北流經白土原東陽原西又東北流注涇水或恐白土水是漢漆水耳卽隋開元中移白土縣人州城者也十六國春秋符堅至五將山姚萇將吳忠關之堅衆奔散神色自若召宰人進食俄而忠至執堅歸新平關之逼求傳國璽堅瞋目叱之曰小羌乃敢逼天子耶璽已送晉不可得也萇乃縊堅于新平佛寺有符堅墓在焉○水經注云涇水又東逕宜祿川俗謂之宜祿川水周禮職方氏雍州其川涇水詩大雅公劉之篇曰止旅乃密芮鞠之卽者也經又云芹川出羅山千于嶺東流經宜祿縣北過西入淺水原按鵠祿原一名淺水原唐高祖武德元年薛舉寇涇州太宗遣總管龐玉自淺水原南出賊之右因高而陣上率

大兵自原北出其不意斬首大獲卽此地矣按宜祿廢縣在州西九十里又北五里卽後魏廢茂水縣俗名折塘城唐初薛仁果居折塘城太宗圖之于此○志云新平今爲驛宜祿爲通運所皆踵舊名故邠州城在治南又有關谷在城東五十里舊三水縣治卽公劉立國處○唐杜甫石壕吏詩蔡夢弼註云石壕屬邠州宜祿縣卽漢鵠縣地昔北狄侵太王于此築城壕以禦之因名石壕下園曰石壕陝東城也其地在新安西自古有二說今並見之○形勝志云涇水迤其北邠嚴峙其南州陝西名勝志卷之三 焉

城西南隅有紫微山連跨外郭又南二里有狼乳溝卽后稷棄而狼乳處又城東有洪龍河兩河西有水簾河大峪河皆注于涇○邠嚴一名安定嚴有安定閣在巖頂隋代碑云分奇挹秀如列畫障然○舊學基在州治南門外宋范仲淹爲守時築有文正公自爲碑公復建有眉壽堂記畧云昔公劉以農事開國邠風葵葉之化流浹至今畊田鑿井野無惰農歲有高廩爲此春酒以介眉壽斯民熙熙然躋和氣之域斯以名其堂也以眺境內之物壽山最著四面翠嶺及頂夷曠茂林脩竹中往

往有數十家爲聚落似隱者之居○湘山野錄云江南徐鉉兒時戲於水濱有一狂醉道士怒目叱之曰我識汝只在金魚廟何得竊走將撻之遇其父母營救切至乃縱之曰金魚廟將遷于邠彼時種之未晚其後爲騎者果請于邠而卒門人胡仲容歸葬之于豫章西山○杜山有瘦馬行註云房瑄長師陳濤因罷相出爲邠州刺史時論惜之故作詩曰東郊瘦馬使我傷骨節硤兀如堵牆絳之欲動轉歛側此豈有意仍騰驤細看六印帶官字衆道三軍遺路傍皮乾剝落雜泥滓毛暗蕭條連陝西名勝志卷之三 臺

雪霜去年奔波逐餘寇驂駟不慣不得將士卒多騎內底馬惻惻恐是病乘黃當時歷塊誤一蹶委棄非汝能周防見人慘澹若哀訴失主錯莫無品光天寒遠放鴈爲伴日暮不收鳥啄瘡誰家且養頽終患更試明年春草長○張舜民芸叟邠州人爲文豪重有理致而最刻意于詩宋慶曆間范仲淹帥邠見其文而異之用司馬光薦爲諫官仕至吏部侍郎後以黨籍謫監郴州酒稅羈置房陵政和中卒

淳化縣 在州東三白里

本雲陽縣宋淳化間析置因以爲名○按雲陽漢縣也泰立有雲陽宮始皇時程遷得罪幽繫雲陽在獄中作大篆奏之後世以史籍所作爲大篆選爲小篆是也漢昭帝追尊母太后鈞氏夫人册爲雲陵以其地立雲陵縣元始中廢惟雲陽縣歷唐宋元皆有之至我 國初始廢耳志云雲陵城在今縣北二十里又十里爲雲陽故城唐司空文明雲陽館與韓紳宿別詩故人江梅別幾度隔山川乍見翻疑夢相悲各問年孤燈寒照雨疎竹暗浮煙更有明朝役離林惜共傳○開山圖云古雲陽

陝西名勝志

卷之三

五

先生之墟中有神書鉄券玉石爲記泰以前于此作雲陽宮王褒雲陽宮記曰車箱坂下有梨園漢武帝所築大一頃樹木數百株青翠繁密望之如車蓋因以爲鎮名按長安志梨園鎮在縣西北企龜鄉後唐李克用討郿岐駐軍梨園寨是也○注水經曰五龍水出雲陽宮西南今謂之五龍谷泉流遶長箱坂下接長箱坂距縣西北三十八里繁紆曲折單軌纔通卽雲陽宮記所云車箱坂矣上坂平原宏敞樓觀相屬故趨其泉道也其泉官置自山頂已距縣九十里○孟康注漢書曰其泉一

名林光師古曰泰林光官在磨石嶺嶺側有其泉故漢武帝建其泉宮卽取爲名其嶺高出它山距長安二百餘里而能望見長安城堞宮未有通天臺雲雨悉在臺下山中宮殿臺觀畧與建章相北百官皆有邸舍故帝以五月避暑八月始歸匈奴入寇烽火通其泉者以人王不常在長安烽火兩通之也○漢書雲陽縣有休屠金人及徑路神祠三所越巫貼鄉三所孟康曰貼音辜磔之辜越人祠也鄉音穰屑音除音義曰匈奴祭天處本雲陽其泉山下泰奪其地後徙休屠右地郊祀志徑路

陝西名勝志

卷之三

五

神祀祭休屠王也○雍州記云金泉在縣西三十里泉湧數穴清澈無底人來汲飲見有金色從山照水往取得金故名又曰入冷谷二十里有百里槐樹樹北有泉名金泉谷按冷谷河西北自縣界流入三原之嵯峨鄉卽封禪書所謂谷口是也後漢鄭樸字子真隱於谷口高尚不屈躬耕巖石之下有泉水出焉時人因子真所居曰鄭泉又謂之谷口石門唐石門縣設于此兩山壁立其狀如門史記秦獻公二十二年與晉戰于石門固此地矣在今縣北六十里○宋游師雄有題雲陽孟店

西寺後壁畫記述其人物花竹雲雷諸品並絕神妙蓋華原趙評事光輔所作○蘇子瞻有賦作畫像詩云佳人自控玉花驄嬌如飛燕踏秋鴻金鞭爭道金釵落何人先入明光宮按明光宮亦漢武所築在甘泉宮內嘗發燕趙美女三千人充之文忠蓋因婦人畫像用宮女事也又云武帝思李夫人不得見因圖其形于甘泉云

三水縣 在州城東北七十里

長安志云縣界有羅川谷三泉並流為名設在百畝原上有蘭亭背倚城隅面瞰湖水邑之偉觀也

陝西名勝志 卷之三

五九

攷後漢書三水人盧芳據城叛吳漢征之不克乃築三水城云○舊圖經鷄阜山在城北三里塔山在縣東四里俱以形肖而名又縣東北有石門山圖經糾紛于青秀出頂上石巖容數百人即甘泉賦所謂封巒石關施靡延屬者也又有馬嶺山俗名箭苦嶺霍道山一名千子山華池女郎山浴水出焉俱在邑界○按三水廢縣在淳化縣西百二十里元省入者本朝後析置此縣縣有三水河源出石門山流經縣東一里之玉泉在玉泉觀側又縣南三里之稍泉自高山湧出故名又縣北大像

寺之白馬泉合為一河故曰三水河○文獻通考三水小嶺三卷陳氏曰唐皇甫牧遵義撰天祐中人三水者安定屬邑也○唐書侯君集三水人從太宗討賀建德有功圖形凌煙閣又平高昌刻石紀功而還○平川府在縣北十五里即唐府兵之一云

長武縣 在州城北八十里

漢之鵠陂唐之宜祿縣也我明省入邠州改為長祿鎮萬曆十一年復置縣名長武○志云靜山在縣南十五里又五里為宜山峻山前後二川河

陝西名勝志 卷之三

五九

所經○涇河在縣北二十里○黑水河在縣東四十里流達黑虎山漢石內史汲黯切直強諫時渾邪王來降武帝帝令發車二萬乘以迎之縣官無錢從民貸馬馬不具上怒欲斬長安令黯曰長安令無罪獨斬臣黯民乃肯出馬且匈奴畔其王而降漢漢徐以縣次傳之何至今天下騷動罷敕中閭而以事夷狄之人乎上默然始止今有汲公祠在縣治內

陝西名勝志卷之三 終

陝西名勝志卷之四

關中曹學佺能始著

漢中府漢中府領州二縣十四

有度立十二牧梁州其一也秦始皇置三十六郡漢中其一也按梁州山在郡東南百八十里四面皆大山其中三十里其平曠相傳以為古梁州治漢山在郡西南二十里四界八面北距漢水南接巴山山頂有池冬夏不竭名曰天池其水入沔按州郡梁漢之名以是起矣史記秦子嬰降項羽封漢高帝為漢王都南鄭即此蜀先王亦嘗都之後陝西名勝志卷之四

乃還成都故先王初得漢中曰當公雖來無能為也唐德宗以朱泚之亂幸及梁洋貞元元年陞為興元府宋元皆因之國朝始復舊志云漢中故城在治東二里春秋秦厲公所築漢高帝之所都也宋嘉定間乃徙今治郡堂月臺左倏然一石圓長如鼓其蒼玉色又有二柱相傳俱漢時物又相樹古井周繞遺基亦漢七星臺之一也金石錄云隋梁州使君陳茂碑開皇十八年十一月立唐贈梁州都督徐秀碑文顏真卿撰韓擇木八分書李陽水篆大曆五年三月立唐興元節度

使裴玢碑裴度撰劉遵古行書元和九年十一月立

南鄭縣南鄭縣

周襄鄭和公沒於天戎其民南奔居此因曰南鄭秦厲公城之故址在今治東北即漢立南鄭縣處陷大業中徙郡西南臨漢水乃今理也水側高阜相傳漢高祖遊憩於此漢人立祠祀之甚靈迄今人畏莫敢生慢方輿勝覽云大漢樓在子城東北即蕭何語高祖曰人漢其名實美者也唐劉禹錫廳壁記云天漢之邦實居右部是矣有拜將壇陝西名勝志卷之四

在南城者老傳云高祖拜韓信為大將軍此壇以受命臺榭尚存○郡圃內有桂石堂四照亭盤雲塢諸勝宋洋州守文同皆有詩其題桂石堂云嘗聞陽朔山萬人從地起孤峯立亭下此石無乃似四照亭云盤嶺附梁山汀洲隨漢水秋容上屏障左右三百里盤雲塢云幾曲上層城盤盤次文石按志盤雲塢在天漢臺基下○一統志云漢節亭在憲司領要亭在城南隅俱宋庾亮文選益取杜子美漢節梅花外及佳處領其要語也又有栢杏亭在城內之梵天寺古栢一株枝幹分幹中藏杏

和花開繁密因取爲名又有泉芳亭宋興元帥晁公武建及漱芳擲芳二亭俱在左右文與可詩漢川一百二十里步步旂亭旂亭花○寰宇記云美農臺在府城東後漢書桓宣爲漢中守春月嘗登此臺以勸農故曰美農臺後華陽國志齊相田叔代蕭何爲漢中守常重農以饋師糧定權與十叔矣○東湖在府治東南有塔影蘆其中○武鄉谷在城北門內蜀漢封丞相亮爲侯國○赤崖在城西諸葛亮與兄瑾書云前趙子龍退師燒壞赤崖以北閣道是也按斜谷距城西北入谷至鳳縣界

陝西名勝志

卷之四

三

凡百五十里有橋閣二千九百八十九間險板閣二千八百九十二間○梁州記云范栢年漢中人謁宋明帝因語廣南食泉栢年對曰臣郡有文川武鄉蘆泉讓水足以爲名文川者郡界好水入漢處兩水合流如文字也武鄉谷在縣東北三十里十道志以爲在縣南諸葛亮受封之處蘆泉出大巴山北密谷中流出縣西十里龍岡山上以梁天監中有龍闔此而名華陽國志曰龍岡北臨漢水南帶無津者也遜水承蘆水一流溉田之餘東南流至古蘆城側舊傳范栢年宅在蘆遜之間卽此

○志云寶山在城北十里山中常得石如寶珠故名○中梁山在城西十五里以處梁州之中也高陵群擁勢類積谷山名因之而郡亦因以稱焉有乾明寺在山巔建自唐宋劍外叢林此稱最勝矣又二十五里爲聽山相傳漢時唐公昉仙去其婿歸聞空中歌樂之聲有水出焉亦謂之聽水○立石山在城西南三十里東連青鏗西接金華青鏗者有石如鏗也又十里爲霍騰山舊傳有仙人於此乘鶴飛去因名又五里爲精嚴寺開山第二代曰如觀法席最盛其山與黃牛山相連○黃牛者

陝西名勝志

卷之四

四

有石黃色遠望如牛故名山下爲黃牛川十道記云此川有再熟之稻土人重之○七峯山在縣北五十里峯巒峭拔其數有七宋蘓軾嘗遊其近有王子山聖水龍堂光啓延聖諸院古址尚存○金華山在城南七十里魏峯環繞傍有數泉合爲一池○玉泉山在城西南三十里舊名雍谷岡又三十里爲岬山山巔雲起卽雨故俗諺曰牛頭戴笠岬山晦家中乾穀莫相貸按牛頭山卽漢山也傍有石牛十二頭一云五頭蓋秦惠王所造以給蜀者○寶鼎山在城西南七十里上多芝草又十里

爲龍蓋山與巴山相接老渚河出焉東南流入漢
○天臺山在城北七十里頂平如臺郡治坐其間
脉山谷石堅潤有金星者可作硯又有飛泉數百
尺漚爲深淵號佛子潭○大巴嶺山在郡西南一
百九里周地圖記以此嶺之南古巴國也孤雲兩
角米倉諸山皆在其內孤雲勢極險峻行人三日
始達嶺上有兩峰對峙故曰兩角語云孤雲兩角
去天一握是也郡國志云韓淮陰廟在米倉嶺舊
傳蕭何追信至此○仙臺山在縣南百九十里上
有古城三門不可登山下時聞鐘磬之聲道家間

陳西名勝志

卷之四

五

生經云此山仙人王女所居亦名王女山○水經
注云漢水又東逕漢廟堆下昔漢女所遊水側爲
釣臺後人立廟於臺上世俗視其類基崇廣因謂
之漢廟堆傳呼垂實名之爲漢武堆蓋非也又東
過南鄭縣南縣故褒之附庸周顯王世蜀有褒漢
之地至六國楚人兼之懷王求弱秦畧取焉周赧
王二年秦惠王置漢中郡因水而名沛公入秦項
羽封爲漢王沛公意不欲之蕭何曰天漢美名也
遂都南鄭大城周四十里城內有小城南惡北結
環塹金墉漆井皆漢所脩築地沃川嶮魏武方之

鄧助曰釋騶騶而不乘焉皇皇而更求遂留杜子
緒鎮南鄭而還晉咸康中梁州刺史司馬勳斷小
東而三分之一以爲梁州漢中郡南鄭縣治也自
齊宋魏成相仍焉水南卽漢陰城相承言呂后所
居也有蘆水出巴嶺山北流逕縣蘆川故水得其
名矣蘆水又北注漢水漢水石合池水水出岬山
山下有祠列石十二不辨其山蓋社主之流百姓
禱焉俗謂之獠子水夾溉諸田散流左注漢水又
東過石臼嶺南按志石臼嶺在縣東南一百八十
里唐歐陽詹詩烏金蛇盤地半天下窺千仞到浮
煙因高圓望沾恩處認得梁州落日邊○元微之

陳西名勝志

卷之四

六

梁州夢註云是夜宿漢川驛夢與杓直樂入同遊
曲江兼入慈恩寺諸院條然而寤則迺乘及塔鄴
更已傳呼報曉矣因作詩曰夢君同遊曲江頭也
向慈恩院東遊亭吏呼人排去馬忽驚身在古梁
州○是日樂天正在曲江遊賞有懷微之詩花時
同醉破春愁醉折花枝作酒籌忽憶故人天際去
計程今日到梁州

褒城縣

在府城西北
四十五里

古褒國與夏同姓蓋禹所封周褒姒生于是處置

秦始漢曰褒中隋曰褒城其治俱設在打鐘
驛方徙於山河堰即今所有嘉泰元年廻功郎張
鹿卯重修廟宇碑○志云褒谷在縣東北十里又
十里爲七盤嶺自北南上盤廻七轉由此入連雲
棧唐沈佺期宿七盤嶺詩獨遊千里外高卧七盤
西山月臨隱近天河入戶低芳春平仲綠清夜子
規啼浮客空留聽褒城聞曙鷄○按褒谷長四百
七十里與斜同爲一谷北口曰斜南口曰褒兩谷
高峻中間谷道褒水所經史記張良送高祖至褒
中說以燒絕棧道者也去谷五里又有谷曰箕谷

陝西名勝志

卷之四

七

諸葛亮遺趙雲鄧芝等提箕谷即此谷口有石如
門曰石門廣二步深八步高一丈相傳蜀五丁所
鑿漢高帝通之以避子午之危其地在褒中北漢
中西入蜀之險蔽左思蜀都賦云岷以石門者也
唐元稹詩念昔白衣上結廬在石門蓋石門即谷
口爲鄭子真所居舊有王鳳三聘啓併子真名書
三通碑土人忌索取之投覆而泐之○谷口又五
里爲陽關漢褒中都尉理蜀先主斬魏將夏侯淵
處其後蔣琬姜維相繼屯守鍾會伐蜀維表請分
將護陽關口後主不從旋至敗亡○十三州志云

晉蜀王從車數千餘獵於褒谷秦惠王惟而問之
以金一筐遺蜀王及報欺之以土秦王大怒其臣
曰此秦得蜀之兆也秦王乃以石牛當金給蜀蜀
使五丁開路引至成都因以滅蜀其道曰金牛道
東漢永平中司隸楊厥又鑿而廣之有金牛縣唐
開元置在治西百八十里陽平關內晉孫資曰魏
武帝征南鄭取張魯陽平之役危而後濟者也帝
又自往拔岷山侯淵軍出斜谷遮要以臨漢中嘗
言斜谷道爲五百石穴如在天獄中○唐神錄載
唐溫造爲興元節度赴任將近漢中大雨平地水

陝西名勝志

卷之四

八

尺餘不可進乃禱鷄翁山神疾風驅雲即時晴霽
文宗聞其事勅封鷄翁山神爲侯右鷄翁在縣北
有石峯臨江突起如鷄冠狀○一統志云連城山
距縣西里許凡十二峯相連屬如城下瞰黑龍江
內有古塔高丈餘池水廣二畝相傳漢王所鑿其
山凹處即古將臺熊采之夫時得矢鏃蓋漢王練
兵處也亦名漢王山又五里曰鼎山以鷄翁漢王
三峯並峙故名又三十里曰黃草山有黃草坪即
連雲棧諸山也青橋驛設焉又五十里曰馬道山
馬道驛設焉有橋曰樊橋以樊哙所創也有關曰

其亭闢隋開皇置今爲其亭戍亦謂之其亭山又四十里爲四州山登頂四望褰汚洋風諸州歷歷可見矣○汚水在縣南四里源出金牛縣界南流合沮水水經注云褰水又東入漢故漢地里志謂汚漢同一水也縣西二十五里之華陽水縣南二十里之黑龍江縣北九十里之馬道水縣西南八十之鶴騰泉雙泉玉泉諸水皆由褰以注於漢其褰水出谷之處有石在水中作甃釜狀曰將軍石又有大白石如盆名曰白玉盆又有釣臺高廣七尺相傳鄭子真垂釣處○山河堰橫截龍江爲之

陝西名勝志

卷之四

九

起自漢相國蕭何而平陽侯曹參成之故有山河廟祀曹平陽額曰惠遠有宋慶曆年縣尹竇克碑○按志黑水馬道廢縣二城基相距百里古褰國則縣東三里駱駝坪是城內有褰姬井褰城驛則縣南二十里小柏鄉是唐孫樵有書褰城驛○牛頭寺在古褰城驛內寺有明上人與蘇子瞻爲方外友○注水經云漢水又東合褰水水西北出衙嶺山東南逕大石門歷故棧道下俗謂千梁無柱也諸葛亮與兄瑾書云閣道緣谷一百餘里其閣梁一頭入山腹其一頭立柱於水中今水

大而急不得安柱此其窮極不可強也又云項太水暴出赤崖以南橋閣悉壞時趙子龍與鄧伯苗一戍赤崖屯田一戍赤崖口但得緣崖與伯苗相聞而已諸葛亮宛於五丈原魏延先退而焚之百後案舊修路悉無復水中柱逕涉之人浮梁振動無不搖心而眩目矣褰水又東南逕三交城城在三水之會一水北出長安一水西北出仇池一水東北出太白山是城取名焉褰水又東南得丙水口水上承丙穴穴出嘉魚常以三月出十月入也穴口廣五六尺去平地七八尺有泉懸注魚自穴

陝西名勝志

卷之四

十

下透入水穴口向丙故曰丙穴下注褰水左思稱嘉魚出於丙穴良木橫於褰谷者也褰水又東南歷小石門門穿山通道六丈有餘刻石言漢明帝永平司隸校尉犍爲楊廣所開逮靈帝建和二年漢太中大夫同郡王升嘉其開鑿之功琢石頌德焉褰水又東南歷褰口即褰谷之南口北口口斜水出入褰褰水又南逕褰縣故城東褰中縣也本褰國矣漢昭帝元鳳六年置褰水又南流入于漢漢水又東逕萬石城下城在高原上原高十餘丈四面臨平形若覆瓮水南過水爲咀西北並帶漢

才其城宿是流襍聚居故世亦謂之流襍城○按志斜谷舊有棧閣二千九百八十九間板閣二千八百九十二間長四百七十里同爲一谷褒水所經又謂之褒谷歷代製作增損不定 國朝洪武二十五年遣普定侯監督軍大増損歷代舊路開通脩建鷄頭棧八十五間有鷄頭巡簡司大小石洞棧卽今鷄路關北橋棧三間石嘴七盤棧卽今七盤棧閣九十二間又河底七盤下橋棧一十五間獨架橋一百四十二間永樂中侍講方正學發褒城過七盤嶺宿獨架橋詩云險哉七盤山羊腸

陝西名勝志

卷之四

上

凌巘岨危橋帶褒水俯瞰波流惡鑿石勞衆工緣崖構飛閣下扶千柱壯上倚浮雲弱怒雷地底鳴懸瀑崖際落更關急雷雨洪濤相噴薄○倚雲棧今響水灘棧閣五十一間○石佛灣棧卽今盤龍塢棧閣八十五間○堡子舖棧六十間○飛石崖棧卽今老君崖橋閣二百八十間○關王舖棧二百二十間○東雲棧九十二間○石碑口棧十間○十二眼棧卽今白石崖棧閣八十間○青橋舖棧今古碑橋三間○曲攬橋卽今黃草山棧閣六上間○馬道舖棧卽今青橋棧十間○順平棧卽

今馬道關棧閣三十四間○逍遙棧卽今青橋五間○登空棧卽今老君崖閣八十六間○三岔舖橋卽今馬道南橋三間河底棧卽今浴馬澤棧閣二十六間長亭舖棧卽今甜竹礪棧閣三十八間○半坡棧今上天橋五十八間○燕子礪棧今燕子棧六十一間○滴水橋卽今火燒礪棧閣百二十一間○武曲舖棧南橋二間○馬玉棧今簾箕礪棧閣二十六間○虎頭關棧三十八間○盤虎棧一百一十五間○青雲棧今鵬魚棧三十六間○碧霄棧四十五間○焦崖舖橋四間○黑龍灣

陝西名勝志

卷之四

上

今武曲灣棧閣七十一間○飛仙關今武曲關北棧閣二十三間○黑龍棧今西溝橋十間○小灣棧卽今八里關棧閣二十三間○雲門棧今武關北橋十二間○登坡棧卽今新開嶺棧五十間○轉灣邊山崖子卽今安山灣棧閣八十五間○青陽棧今青水棧一十五間唐元稹詩東陵石門險西表金華湍劉夢得詩山中花帶煙嵐曉棧底江舍雪水寒供入棧時作也緣側逕于巖崑級危棧于絕壁石見陸贄狀○志載漢司隸校尉犍爲楊君頌漢中郡太守武陽王升撰其詞曰明哉仁知

豫識難易原度天道安危所繫勤勤竭誠榮名休
麗餘不具錄○魏太原王遠石門銘序略云此門
蓋漢永平所穿湮塞者久之至皇魏正始元年復
開○又有宋南鄭令晏表跋漢永平六年漢中郡
太守劉君修橋閣碑凡一百五十有九字刻于褒
谷中紀號先已官錢盆銘一○又有白玉盆鐫唐
詩曰石湮盆琢玉川激水拖藍

城固縣

在府城東
七十里

漢縣有二城南北相對南城蜀將劉豐所築北城
即漢城固縣也後魏正始中移縣之婿川鄉即今

陝西名勝志

卷之四

十三

理○婿水一名智水在縣東北六里注水經云左
谷水出漢北即智水也北發聽山山下有穴水東
南流歷平川謂之智鄉水口智水唐公房升仙之
日知其婿未還不獲同偕雲路約以此川爲居言
無繁霜蛟虎之患俗以爲然因號婿鄉水亦名婿
水志云縣北界有上清中清下清三溪源出馬盤
山俱流入婿水○縣東北十里有寶山地連牛蹄
嶺婿水遠其南上有寺曰惠香院相傳牛蹄山北
接龍泉多產藥餌即張良辟穀處○玉谷水在縣
西北二十五里漢水自魏興泝流百八十里至玉

谷溪口謂之玉谷水流至城南四里縣西南之南
北二沙河及西北之文水桃溪洞水俱流注之○
水經注曰漢水又左會文水水即門水也出胡城
北山石穴中長老云杜陽有仙人宮石穴宮之前
門故號其川爲門川水爲門水東南流逕胡城北
三城奇對隔谷羅布深溝固壘高臺相距門水右
注漢水謂之高橋溪口漢水又東黑水注之水出
北山南流入漢庾仲雍曰黑水去高橋三十里諸
葛亮牋云朝發南鄭暮宿黑水四五十里指謂是
水矣道則百里也漢水又東得長柳渡長柳村名
陳西名勝志 卷之四 十四
有漢太尉李固墓碑銘尚存文字剝落不可復識
漢水又東逕胡城南義熙十五年城上有密雲細
雨五色昭章人相與謂之慶雲休符當出曉乃雲
霽及角城崩半許淪水出銅鐘十二枚刺史索邈
奉遙洛陽歸之宋府南對扁鵲城當是越人舊所
逕涉故邑流其名耳漢水出于二城之間右會蓋
余水水出南山巴嶺上泉流兩分飛清派注南入
蜀水北注漢津謂之磐余口庾仲雍曰盤余去胡
城二十里○漢水又東過城固縣南又東過魏興
安陽縣南泝水出自旱山北注之華陽國記曰蜀

以城固爲樂城縣也安陽縣故隸漢中魏分漢中立魏興郡安陽隸焉洛水出其西南左谷水出其西而俱東北入漢左谷水卽智水也唐君字公房城固人學道得仙入雲臺山合丹服之白日升天鷄鳴天上狗吠雲中唯以鼠惡雷之鼠乃感激以月晦日吐腸胃更生故時人謂之唐鼠也公房升仙之日婿行未還約以此川爲居言無繁霜蛟虎之患其俗因號爲婿鄉故水亦卽名焉婿水南歷婿鄉谿出山東南流逕通關勢南山高百餘丈上有匈奴城方五里濬塹三重高祖北定三秦蕭何陝西名勝志卷之四十五

守漢中欲修北道通關中故名爲通關勢婿水又東逕七女塚塚夾水羅布如七星高十餘丈周迴數畝元嘉六年大水破墳墳崩出銅不可稱計得一磚刻云項氏伯無子七女造柳世八疑是項伯塚也水北有七女池池東有明月池狀如偃月皆相通注謂之張良渠蓋良所開矣婿水逕樊噲臺南臺高五六丈上容百許人相傳高祖齋七日置壇設九賓禮以拜韓信也婿水東迴南轉又逕其城京而南入漢水謂之三水口漢水又東會益口水出北山益口東南流注於漢水漢水又東黃沙

水左注之水北出遠山山谷遶嶮入跡罕交溪曰五丈溪水側有黃沙屯諸葛亮所開也具水南注漢水南有女郎山山上有女郎塚遠望山墳鬼鬼然高及卽其所栽有賢形山上直路下出不生草木世人謂之女郎道其下有女郎廟及倚衣石世言張魯女也有小水北流入漢謂之女郎水按黃沙水卽南北二沙河去縣西南三十里明月池今入洋縣界○志云斗山在縣北二十里山有五穴通崑崙隴山武當山城長安諸處或得肉芝食之千歲此道經所載又十里爲慶山平地突起及東陝西名勝志卷之四十六

西二峯俱若浮游曰浮游山又十里爲桃林山有石大士像隱然崖壁間林影莫蔽又十里爲九真山上有九真玉井故名道家謂之太白山長六百里與三嶠山相接周地圖云三嶠山在縣西四十里中多靈藥上有三峯如覆鼎足又西北有大山黑水所出卽武侯牋云朝發南鄭暮至黑水者也慶山之西南爲赤玉坡諸葛武侯屯軍以禦魏寇處○城塚記云黃帝廟在縣西南二十里漢王廟在縣東十里漢王城內城高十餘丈南北二百步東西三百步韓信臺在城東五里相傳韓信所築

街亭在城西十五里馬謖與張郃戰敗於此孔明誅之○伍子胥廟在縣南百丈堰張憲墓在縣西二十三里○有胡城相傳憲使西域還與胡妻居此又七里爲李固墓石表云漢忠臣太尉李公神道碑塞固當縣人○扁鵲城在縣西南四十里相傳扁鵲所居郡國志云坂下有泉天旱以羊投之即雨唐常臯碑在胡城內漢中記以時得銅鐘於胡城者

洋縣

在府東南百二十里

洋州魏廢帝立今人西鄉縣界唐天寶初初治秦

陝西名勝志

卷之四

七

城於此宋因之元以興道及真符二縣省入國朝降爲縣○按興道在郭下本後魏之興勢唐貞觀改曰興道開元析興道置華陽縣天寶八年因鑿山路得玉册改爲真符真符廢縣距今城東二十里○寔字記云興勢山在縣北二十三里蜀先王道諸葛亮出駱谷戍興勢山即此後魏於此山上置縣因以爲名山形如盆外特險而內有大谷爲盤道上數里方及四門○太白山距真符縣四百餘里山面隸鳳翔背屬當縣即天寶中開路得玉册處也褒水發源於此有青山驛在其內唐元

續詩五六百里真符縣四十八盤青山驛○龍亭山與真符廢址相連本漢龍亭縣也後漢元光二年蔡倫封龍亭侯於此至今龍亭數家造紙特盛其山顏色名曰赤坂司馬懿伐蜀丞相亮待之於赤坂是矣○儻谷在縣北三十里儻水出焉後魏之儻城郡以此名按儻谷亦名駱谷南口曰儻北口曰駱其中路曲屈八十里即元稹詩所云四十八盤者三國志蜀姜維出師駱谷魏曹爽自駱谷入漢中皆此地也○儻水源出石鍾山山頂有石如銼故名在縣北六十里儻水亦名駱谷水與縣

陝西名勝志

卷之四

十八

西北之芋溪水溢水及縣東之龍涓水潛水俱流入漢右駱水在城西漢水在城南各去縣一里常宗魏詩駱谷轉山圍境內漢江奔浪遠城邊○明月池在縣西北屬明月鄉中有一臺是漢高祖所造形似偃月故曰明月池也又有七女池漢中記以昔有人無男生七女父亡女負土各爲一塚羅列如七星各高七丈取土之處今成一池號爲七女池按志以塚屬城固池屬當縣矣又有大龍溪小龍溪大石上有赤書展溪二字相傳爲魯女困卧孕生二龍之所其水俱同注于漢○黃金水出

縣西百畝山之黃金谷南流經縣西入漢漢置戍張魯築城於此西魏之黃金縣也後省入眞符按蜀將王平拒曹爽於興勢張旗至黃金谷是矣○古諺云山水艱阻黃金子午顏師古注漢書曰子北方也午南方也道通南北故爾舊子午道在縣東百六十里入金州界梁將王神念別開此道卽魏延請從褒中循秦嶺而東當子午而北不十日可至長安者也今縣東之龍亭山乃出入子午道至谷六百餘里唐涪州貢生荔枝自涪陵取西鄉入子午谷至長安纔三日色香俱未變○按志縣

陝西名勝志

卷之四

十九

東百二十里金水河源出秦嶺下流與蒲河水水河院水河相合東流十里名子午河南流入漢○洋州記云東連襄漢南蔽巴蜀要地有三置關有八按褒谷駱谷子午谷皆衝要置關之處曰白椒水桐磯水蒟嶺三嶺重陽華陽併青銖寨凡八○唐祠部曹鄴出知洋州鄭谷贈之詩云爲儒欣出守上路亦戎裝舊製詩多諷分憂俗必康開懷江稻熟寄信露橙香郡閣清吟夜寒星識望郎○寶裕題洋州館亭家依楚水岸身寄洋州館望月獨相思塵襟淚痕滿○宋知洋州守文同與蘓子瞻

兄弟善多以題詠往復有書軒在州宅子由寄題詩云綠竹覆清渠塵心日日疎使君遺癖在依舊讀文書與可自題郡圃有云湖上雙禽泛泛橋邊細柳垂垂日永庭中無事使君來此吟詩○郡圃內有望雲樓極高峻巴山秦嶺南北在目唐德宗遊幸題字於梁上及還京鑿取以歸○二樂榭在郡圃北隅劉光祖同登二樂榭擬續四賢詩四賢謂二蘇與可及子駿也○醴泉院在城內開元坊其泉湧出甘冽如醴書史云文與可在洋州醴泉院蓋古柏八株根節壘柯筆勢飛動故和凝詩有

陝西名勝志

卷之四

二十

古柏數株堆翠色虛傳甘液逕寒聲之句○崇勝院在城外近郊有詩云曉色熹微麥隴閒杖藜徐步扣禪關兩流水足東西堰一抹雲收南北山宋鄭郎題崇勝院作也○蘓子瞻寄文與可詩云漢川修竹賤如蓬斤斧何曾赦籜龍料得清貧儂太守渭濱千畝在胸中是日與可同其妻正遊箕簣谷燒筍晚食餐兩得書噴飯消案右箕簣谷在城西北五里其地多竹子瞻爲之作記○橫湖在城西遠望狀如匹練之橫故名蘇軾題橫湖舍看翠蓋擁紅粧不覺湖邊一夜霜卷却天機雲錦帳從

教匹練瀉秋光○勝覽云孟春四日居人遊江上
遇藤葛纏繳草木者解之取解殃之義因而有會
謂之解繳遇中斡日遊人後集取石之穿者以絲
繫歸謂之宜蚕中斡後一日又將五穀攢於寺觀
中因而祝佛祛禳虛耗謂之送耗五月五日太守
率僚屬觀競渡江上謂之踏石又五六月間念佛
巖下有一潭面碧如鏡每巳午時輒有泡光出巖
采異常傾城往觀焉鴈節乃以蒲蕪蓋鵝公石上
江渚寒魚皆依之太守汎舟張樂揭取名曰揭蒲
右鵝公潭去縣西十五里中有石洞洞傍有石鵝

陝西名勝志

卷之四

二十一

一雙故名念佛巖去縣北十五里其地有錫杖泉
爲法照禪師卓錫處○縣東里許漢江中有飲馬
灘每子午時潮聲響如雷又十五里有上瀉下瀉
俱作雷聲水經注所載又五里爲鴛鴦灘江濱亂
石錯起相對如鴛鴦狀又三里爲石門灘○子房
山在縣西四十里上有子房廟多產靈藥即張子
房從其師赤松子遊處舊名白雲山○寒泉山在
縣北百二十里相傳李八百居此唐公房師事之
西鄉縣在府城東南
二百二十里
蜀先主分城固地立南鄉縣晉太康中改爲西鄉

治平西城後漢班超平定西域有功封定遠侯於
此故其城號曰平西城○寰宇記云泮水在縣西
南三百步發源星子山西北流入木馬河木馬水
一名馬源水出縣南大巴山東流入沔縣西南左
西空渠二水及縣北之清涼川縣南之金竹水皆
注焉唐武德初之洋州治及析置洋源縣俱因是
水矣○志云縣東南境歸仁山在漁渡壩口即蜀
漢置南鄉縣處○清涼川在今縣北五里蒿平山
下即洋川也唐德宗以朱泚之難幸梁洋至此梁
帥嚴震具車容來迎中書舍人齊映叱令爲至尊
陝西名勝志

卷之四

二十一

導騎上至行宮責之映曰山南士庶只知有嚴震
不知有陛下今使蜀人知天子之尊亦足盡嚴震
爲臣子節上嘉悅震拜謝映時議多之○金竹山
在縣南界多產金竹其水縈迴流入渡口凡七十
二處謂之七十二渡河去縣南五十里流入洋河
○皂軍山在城南十五里相傳蜀將張飛駐軍此
山又五里爲武子洞深邃莫測以石投之風輒起
龍泉水出焉其泉在石穴中湧出隨潮溢減潮生
則水渾潮息則水清○西龍江在縣東九十里又
三十里爲子午河源出子午谷西流入漢○水經

注曰漢水又東右合洋水川流漫濶廣幾里許洋水導源巴山東北流還平陽城漢中記曰本西鄉縣治也自城固南城入三百八十里距南鄭四百八十里洋川戚夫人所生處也漢高祖得而寵之夫人思慕本鄉追求洋川之舊高帝為驛致長安蠲復其鄉更名曰縣用表夫人誕載之休祥矣其城即定遠城漢順帝永光七年封班超以漢中郡南鄭縣之西鄉為定遠侯即此也洋水又東北流入漢謂之城陽水口○漢水又東合蘧蔭漢口水北出就谷在長安西南其水南流逕巴溪戍西

陝西名勝志

卷之四

二十三

又南逕陽都坂東坂自上及下盤折一十九曲西連寒泉嶺漢中記曰自西城涉黃金峭寒泉嶺陽都坂峻嶒百重絕日萬尋既造其峯謂已踰崧岱復瞻前嶺殊倍過之言陟羊腸超煙雲之際顧看向塗杳然不測山豐野牛騰巖越嶺馳走若空觸突樹木十圍皆倒山殫艮咀地窮坎勢矣其水南歷蘧蔭溪謂之蘧蔭水而南流注於漢謂之蔭口按大巴山在縣南百六十里星子山在縣東南百二十里

鳳縣

在府城西北三百八十里

本漢故道縣地後魏以來之鳳州也唐王勃詩寶鷄離舊城仙鳳歷遺墟宋陸游詩昔戍鷄籠北頻行鳳集南○南岐志云有周之興鸞鷟嘗鳴于岐繚翔至於南而集焉是以西岐曰鳳翔南岐曰鳳州按志鳳凰山在縣東三里相傳即鳳棲處南岐山在縣南十里有竹雲洞龍湫池諸勝後魏延昌中始置南岐州於此廢帝三年改為鳳州治梁泉縣唐宋皆因之元以梁泉省入國朝降縣初隸鳳翔後改今屬○寰宇記云涼泉在縣西二十里西流與嘉陵江合後魏置縣初名涼泉尋改梁泉梁涼字通用○嘉陵江出縣東界大散關之西去城九十里大散水入焉水經以大散水流入黃花川謂之黃花水又西南流入故道川謂之故道水○按大散關與縣界仙人關武休關馬嶺諸關皆秦蜀交界褒斜之要路也陳子昂西還散關詩攬衣度函谷街涕望秦川蜀川自茲始雲山方浩然有鬼迷店極其險阻陸游詩猿啼鬼迷店註云在大散嶺下○故道漢縣史記高祖引兵從故道襲雍敗章邯於陳倉是也黃花縣唐武德初置在城北六十里宋寶曆中省入梁泉薛逢黃花

陝西名勝志

卷之四

二十四

驛詩孤戍迢迢蜀路長烏鳴山館客思鄉更看絕頂煙霞外數樹巖花照夕陽○嘉陵江在縣北一里西自大散關來經兩當縣與川江合始通舟楫而縣東之斜谷河紫金水縣西之小峪河紅崖河縣南之東溝河野羊河俱流出注之其爲灘曰羊乳湍急可畏又有猴逕以多猿猴好乘危級飲故灘受斯名又稍遠有石門灘山峽也東會西水水北出秦嶺西谷南歷重山與寒泉合水東出寒泉湧起山頂望之交橫瀑布頽波激石勢同脈源風雨之他其水西流入於西水西水又南注漢謂之

陝西名勝志

卷之四

二十五

西口○勝覽云豆積山在縣北一里俯嘉陵江上有清溪巖冲妙先生之別隱也世傳張果梁泉里人各居鷲鷲爰居豆積卽此宋淳熙間憲使李大正鐫迹跡山三字於石上後袁桂有詩辨之云通元靈異不勝多此處名山未是訛豆積更名爲迹跡西康麥積合如何宋太尉楊從義有重脩聖祖殿及開石洞記○九峰山在縣東北五里以九峰攢起於一山也又二十里爲御愛山唐帝莊入蜀記以僖宗西幸愛其雄秀不忍舍去故名○君子山在縣西南十五里又名旂雲山上有三聖夫人

洞方池各一○父子崖在縣東北二十里周地畝記以大小石互相懷抱如父子之形又有父子谷在縣北十五里唐僖宗幸蜀至白石鎮有村叟進醪上問叟居曰父子谷因賜帛與金再問其姓名不答○和尚原在縣東三十里宋南渡後金兀朮會諸道兵數萬人造浮梁跨渭來攻吳玠自富平收兵保和尚原或謂玠宜屯漢中據蜀口以安人心玠曰吾戍此賊決不敢越界而入堅臨之彼懼吾躡其後此正所以保蜀也○武都山在縣東南六十里劉宋武帝封楊盛爲武都王於此山下有

陝西名勝志

卷之四

二十六

谷產雄黃瀝水出武都氏中南流入沔謂之瀝口又十里爲紫柏山有七十二洞仙人多隱焉周地圖記以此山兩頭狀高如龍又謂之龍女山野羊河是出○長松山在縣東北一百里山有二峰並多松樹亦名三松山○迴車戍在縣南百六十里梁太清年西魏將楊寬率衆七萬由陳倉取迴車戍入斜谷關卽此處矣○勝覽云常州出絲柳宋元豐間有吉取香醪百甌金絲柳百株卽邵雍詩楊柳垂金絲風動如葢飛者也堯夫登都樓書所見云鳥去林自空雲移山不礙晚角時斷續眉

遙明晦幾陽掛疎樹遠水去微瀨寒目煙岑審都城若天外記稱康節一時遊覽之興凡九十日而去○黃庭堅過鳳州詩有嘯歌山水重之句後人因建嘯歌堂在治解主簿喻柯重修

陝西名勝志卷之五

寧羗州

在府城西三百里

領縣二

古白馬氏羗之境西晉末爲氏楊茂搜所據劉宋氏之因有其地僑立華陽郡其城曰白馬城隋大業初廢爲鎮國朝以地當阨要設寧羗衛於沔縣之羊鹿坪成化二十二年始置州定漢之沮縣

陝西名勝志卷之五

一

地劉宋之東益州也經曰漾水出氏道縣東至沮縣爲漾水是矣○按白馬山在州西後漢張衡家傳云衡於灋口升仙時乘白馬後人遙望山上往往有白馬因以爲名亦神仙十化之一也灋水源出州北之獨石谷南流經城西二百步注漢水○百牢關在州西南隋開皇中置以蜀路險號曰百牢關一云置在白牢谷○鐵鎖橋在州東五十里連天臺嶺其山高而頂夷故有天臺之目○陽平關在州北九十里連嶓冢界陽平漢置蜀將傅僉守此武興督蔣舒出降於魏僉格關而死鍾會開

開口已下長驅而前即此處矣陽平今爲驛驛後有鷄鳴山相傳晉人屯兵於此其夜敵兵潛至鷄鳴乃覺又傍有擊鼓山亦因敵師至擊鼓進兵以拒之者○豬崖關在州東牢固關七盤關在州西畧陽關在州北皆秦蜀要衝之地○志云聖水崖在州南三十里崖畔懸一石如龍首狀水滴其下過客仰面而飲味甚甘又四十里有嘉魚洞在西流河岸畔秋冬水涸則魚藏春夏水漲則魚出味美似餅詩云南有嘉魚傳謂出自沔陽之丙穴也○五丁山在州北三十里其峽曰五丁峽亦謂金

陝西名勝志卷之五

二

牛峽華陽國志云秦惠王謀伐蜀患山峻隘乃作五石牛每旦寘金於尾下詭言能糞金欲以遺蜀王蜀王負力而貪乃令五丁力士開道引之秦因得引兵滅蜀故名金牛峽崖畔有洞磐石若鐘鼓高百丈許又六十里有七星洞崖畔七孔如星自遠窺之即見○水經注云沔水出武都沮縣東狼谷中導源南流街泉水注之出河池縣東南流入沮縣會於沔沔水又東南逕沮水戍而東南流注漢曰沮口所謂沔漢者也沔水又東逕白馬戍南灋水入焉水北發武都氏中南逕張魯城東魯

國張陵孫魯學道於蜀鶴鳴山傳業術衛傳於魯
魯至行寬惠百姓親附供道之費米限五斗故世
號五斗米道初平中劉焉以魯爲督義司馬往漢
中斷絕谷道用遠城治因叩嶠嶺周迴五里東臨
游谷杳然百尋西北二面連峯接崖莫究其極從
南爲盤道登陟二里有餘瀝水又南逕張魯治東
水西山上有張天師堂至今民事之庾仲雍謂山
爲白馬寨堂爲張魯治東對白馬城一名陽平關
瀝水南流入沔謂之瀝口其城西帶瀝水南而沔
川城側二水之交故亦曰瀝口城矣○攷漢水側

陝西名勝志

卷之五

三

有磻石相傳呂望釣處亦名磻溪宋樵軾自磻溪
將往陽平憩於麻田青峯寺之下院翠麓亭詩不
到峯前寺空來渭上村此亭聊可喜脩逕豈離門
谷映朱欄秀山含古木尊路窮驚石斷林缺見河
奔馬困嘶青草僧留馬晚餐我來秋日午早久石
床溫安得雲如蓋能令市瀉盆共看山下稻涼葉
晚籬籬

沔縣

在州西北
百十里

山海經曰嶓冢之山漢水出焉而東流注於江亦
曰沔水縣當其南即漢之沔陽縣矣沔陽故城在

縣東南十六里蜀漢昭烈於此城設壇即位者也
遺址尚存○一統志云治北有蓮池亭舍相傳爲
諸葛武侯讀書處花開特盛攷蜀志先主二年丞
相亮拔隴西千餘家還漢中築西樂城以處之城
在今縣西四十里與嶓冢山相近故後魏分置嶓
縣於此隋改爲西縣矣元分西縣置鐸水爲沔州
治國朝降州爲縣俱省入○縣南沔水所溢爲
東池唐賈島與范馮慶避暑東池有詩見與元集
○武興山在縣東北十五里劉宋之武興郡以此
名元和志云蜀先主以處當衝要置武興督以守

陝西名勝志

卷之五

四

之城甚牢固周迴五百許步惟開西北一門外有
倉壘三而周匝○石馬城在縣東二十里武侯屯
兵之所陳倉道在縣東北二十里由百丈坡入山
武侯出散關圍陳倉即此也○卓筆山在縣南二
十里峯形如卓筆故名又十里爲石頂原宋置石
頂關於上去城八十里○大安關在縣西八十里
舊大安軍治有河曰大安河自普明山發源南流
與漢江合有龍門山去軍城五里懸崖環合下激
清泉冬凝氷柱春散水簾四時無暑唐沈雲卿有
詩宋蘇元老有記刻於石壁○三泉在大安軍東

門外瀕江石上有泉如小車輪品列鼎峙故名唐
蘇頌詩三月松作花春行日漸除竹障山鳥路藤
蔓野人家透石飛泉下尋雲絕磴斜此中誰與樂
揮涕語年華○三泉之西即潭毒山宋紹興三年
金徽離喝入興元府劉子羽雷吳玠等守三泉子
羽以潭毒山形斗拔其上寬平有水乃下令築壘
壘成而金兵至子羽據胡床坐此山口諸將泣告
曰此非待制坐處子羽曰吾今日死於此金兵以
爲不可測尋引去子羽軍勢遂振○水經注云沔
水又東逕武侯壘南諸葛武侯所居也南枕沔水
陝西名勝志卷之五 五

德甘棠爲之不伐越王懷范蠡之功鑄金以存其
像亮德軌遐邇動益來世王室不壞實賴斯人而
使百姓巷祭戎夷野祀非所以存德念功追述在
昔者也今若盡順民心則黷而無典建之京師又
遏宗廟此固聖懷所以惟疑臣謂宜近其墓立之
沔陽勑斷私祀以崇正禮斯廟蓋所啓置矣鍾士
季征蜀枉駕設祠營東即八陣圖遺基畧在崩襠
難識每陰雨時聞鼓角聲○沔水又東逕西樂城
北城在山上周三十里甚險固其側有谷謂之容
襄谷山多群獠諸葛亮築以防魏後梁州刺史楊
亮保而居之爲苻堅所敗刺史姜宇潘猛亦相仍
此城城東容襄溪注之俗謂之洛水也水南遵巴
嶺山東北流水左有故城憑山即險四面阻絕言
先主遣黃忠據此以拒曹公溪水又北逕西樂城
東而北流注於漢漢水又左得度口水出陽平北
山水有二源一曰清澮出鰈魚一曰濁澮出鮒魚
常以二月及八月祀之美珍常味度水南逕陽平
縣故城東又南逕沔陽縣故城東而南流注於漢
水又東右合溫泉水口水發山北平地方數十步
泉源沸湧冬夏湯湯望之則白氣浩然山能瘳百

病赴集者常有百數池水通注漢水蜀志丞相築漢城於沔陽華陽國志沔陽有鎮官皆此地矣

略陽縣 在州西南三十里

本漢沮縣後魏於此置畧陽矣水經云沔水出沮縣東狼谷中酈道元註沔水一名沮水關駟以其初出沮洳然故曰沮水也○方輿勝覽云隗囂臺在縣治前囂據天水時所築光武將來欽攻破之因保其城宋吳玠據此以禦金人臺址尚存○鳳凰山去城南里許勢如鳳之翔也寰宇記以爲巾子山山半有洞名曰硃砂洞古語以鳳凰生於丹

陝西名勝志 卷之五

七

穴故因鳳鳥而名山○武興山在城西一里即古興州治也峯巒秀出竹栢參差特爲蔚茂出黃蘗及漆有靈巖寺寺中有閣曰郁閣漢蔡邕銘宋文同詩南征曾讀涪溪頌西邇今觀郁閣銘○東池在城東三里唐鄭谷朱餘慶賈島俱有東池避暑詩宋司光詩題晁都官東沼名郎遊勝地公跡繼風流管爲題詩著茲因好事修四山相映照五馬屢淹留想見波光淨依然一片秋蘓軾同前題百畝新池傍郭斜居人行樂路人誇自然官長如靈運能使江山似永嘉○盤龍山在縣西五里有

泉水變環若盤龍狀○飛仙嶺在縣東南三十里相傳徐佐卿化鶴跽泊之地上有閣道百餘間爲入蜀路唐杜甫詩有土門山行窄微徑緣秋毫之句其地有玉女山孤峯特立雲霞掩映半崖有白石如人冠冕坐於其側○青泥嶺在縣西北百五十里懸巖千仞上多雲雨行者屢逢泥濘故名宋楊粹中題青泥驛詩山猶連蜀道人已作秦音○嘉陵江在縣南一里縣東之黃坂水南街水縣西北之犀牛水與一百八渡河俱入嘉陵江中有石若蝦蟆曰蝦蟆石有楊使君祠在南岸即楊難當

陝西名勝志 卷之五

八

之神也土人祀之唐鄭谷興州江館詩向蜀還秦計未成寒蛩一夜透床鳴愁眠不穩孤燈盡坐聽嘉陵江水聲○鳴水廢縣在縣西百十里後魏地形志以長舉下有左溪水鳳溪水俱入嘉陵○注水經曰漢水又東逕武興城南又東南與北谷水合水出武興東北而西南逕武興城謂之北谷水南轉逕其城東南與一水合水出東溪西流注北谷水又南流注漢水漢水又西南逕開城北除水水出西北除東南流入於漢漢水又西南逕通谷通谷水出東北通溪上承漾水西南流爲西漢水

又西南塞水注之水東出塞川西流入漢漢水又西逕石亭戍廣平水西出百頃川東南流注漢又有平阿水東出西流注漢水○按志有厨谷藥谷厨谷在縣南界以崖穴常興雲霧如朝夕厨爨之狀藥谷在縣北界白江半崖藥水流注之○羅漢洞在嘉陵江上靈巖寺南深十餘丈淵數尋後有洞穴深不可測中央石柱承載宛如雕削○畧陽志云漢中畧陽內家山山勢起伏群峯環拱即冉閔故城基也十六國春秋冉閔廢趙主僭登帝位改國號魏晉穆帝使人圖其山水觀之以筆破

陝西名勝志

卷之五

九

其山脊山遂兩斷而閔爲燕所滅其山下有溝曰冉家溝水流八渡曰冉家灘○南北朝垣護之畧陽人仕至右衛將軍封益陽侯其弟詢之弟之子崇祖俱以勇畧稱○隋何妥畧陽人仕國子祭酒嘗言蘓威不可信任威街之出爲隴州刺史卒贈康

興安州

在府城東南六百四十里

領縣六

秦漢中郡之西城縣而蜀漢之西城郡也後王建興年申儀爲西城太守降於魏魏文帝使復守之因改爲魏興郡劉宋分置安康郡國初易今名

若兩用之○唐柳宗元江運記云崖谷峻絕十里百折又元和志云南臨漢水北阻方山秦頭楚尾爲一都會郡人相逢先淺慢數拜後急深六七拜如是者三乃止即宋皇祐間洋守王冲詩所謂鳴佩相逢拜不休也○寰宇記云西城山在州南三里應劭以舜居西城亦謂之姚墟矣有舜祠及漢高帝廟舊置民九戶歲時奉祀○注水經云漢水又東經西城故城南有胡鼻山其石酷類胡人鼻又有安康石在漢江邊歲饑則見歲豐則沒於沙磧間按劉宋之安康郡以此名矣有志歸亭在其

陝西名勝志

卷之五

十

城南宋陳師道記云廢丘故宮頽城敗冢溢於四境狐鳴鳥聲日夜間作者也○志云州東之黃羊河河北之傳家河州西之越河吉河嵐河洞河汝河任河俱流入漢其任河舊置有關○水經注曰漢水又東逕魚脯溪口舊西城廣城二縣指此谷而分廣城縣治王谷谷道南出巴嶺有鹽井食之令人癯疾漢水又東逕鰲池鰲池鰲大也蜀都賦曰流漢湯湯驚浪雷奔望之天廻即之雲昏矣漢水又東逕嵐谷北口嶂遠溪深澗峽峻遠氣蕭蕭以瑟瑟風颼颼而颼颼故川谷擅其目焉漢水

東有得大勢勢阻急溪故亦曰急勢也依山爲城
城周二里在峻山上梁州督護吉挹所治苻堅遣
偏軍常鍾伐挹挹固守二年不能下無援因陷漢
水右對月谷口山有大坂月川在中黃壤沃衍而
桑麻列植佳饒水田故孟達與諸葛亮書善其川
土沃美矣○漢水又西南合陽蘆川水水出西谷
衆水瀉流逕南縣故城北秦莊公伐西戎破之周
宣王封爲西番大人亦王莽之西治矣建武八年
世祖至陽河賓融等悉會天水震動隗囂將妻子
奔西城從傷廣廣死囂孤城窮守時潁川賊起車

陝西名勝志

卷之五

十一

駕東歸留吳漢岑彭圖囂岑等壅西谷水以縲慢
盛土爲堤灌城城木沒丈餘水穿壘不行地中數
丈湧出故城不壞蜀救至漢退保上邽以廣蘆
宇相狀後人因置陽蘆縣焉又東南流石會茅川
水水出西南戎溪東北流逕戎丘城南吳漢之圖
西城也王捷登城謂漢軍曰爲隗王城守者皆必
死無二心願諸將亟罷請自殺以明之遂刎頸而
死又東北流注西谷亂流東南入西漢水○方輿
勝覽云金泉在子城東下通漢川取金生水之義
西魏以爲金州併置金城郡舊有金華寺物產志

以爲出麴金也方于路入金州詩云棹尋椒岸紫
迴去數里時逢一兩花知是從來貢金處江邊牧
豎亦披沙○統志云心山在州治西北漢楊敞出
守漢中經此有樓通之志因學道於此山下有草
無風獨搖有風則偃○趙臺山在州南二里古時
漢水泛溢人避於上若樓臺然故名○翠光亭在
治西北宋楊徽之詩釣舟浮淺瀨岡舍僂重林雲
放千峯出花藏一徑深○牛山在州北五里綺川
亭春時花開錦繡奪目按王明清揮塵錄云唐中
和中黃巢凌邠州縣有太白山人謁金州刺史崔

陝西名勝志

卷之五

十二

堯封請奏掘破牛山則賊自敗堯討遂發義丁萬
人掘之有一石桶置劍其上桶中有黃腰獸因撲
劍而死是秋黃巢果衰中原尅乎○魏山在州西
南九里其山三面峻絕一面劣通八行晉吉挹爲
梁州督苻堅使將常鍾攻之挹於急口控山爲城
三年不拔因名吉挹城○天柱山在州西五十里
懸崖壁立秀出群嶺故名其頂有天柱寺寺內有
維摩詰像唐楊惠之塑宋蘇軾題其下有碧錫青
碌諸洞凡二十餘處唐宋俱采取入貢我朝始
停閉又有香溪洞香溪水所出也距州南二十里

○唐李翱姚合俱爲金州刺史李洞逢李侍郎赴金州詩雲明漆嶺高刺郡輟仙曹危棧窺頂公庭掃鶴毛侍郎即習之也○姚合金州書事有簿書風氣裡鼓角水聲中之句釋無可金州別姚合日口西亭上春留到夏殘言之別離易勉以道途難山出一千里溪行三百灘松間樓頂月秋入五陵看○按金州之名國初以至萬曆尚沿不改至癸未歲大水陷城參議劉公致中疏請移治於故城之南原二里許始名興安而倉曰金盈以志舊云○州故城南有安康橋本安康郡之名也州陝西名勝志卷之五

平利縣

在州城南九十里

本漢西城縣地唐晉置今縣以平利川爲名亦漢之長利縣也南北朝曰吉陽上廉以在楊廉之上吉河之陽矣○志云女媧山在縣東十五里崇巒

羅列形勢逶迤舊有女媧祠故名灌溪河發源於此西流入漢○風洞在縣西四十里其深莫測四時有風常從穴生又二十里爲錫義山漢錫縣以此名山形如城方員百里四面有門上有方石如壇長十餘丈世傳列仙所居樓玄道士被髮餌木恒數十人○藥婦山在縣東南八十里昔有夫婦入山獵夫墜崖下其婦以藥救之遂皆化爲石山頂藥臼尚存○界溪河東自湖廣竹山縣來秋河南自四川大寧縣來嵐河西南自達州界來松杉源自武陵關來俱流入漢江又逕長利谷南入谷陝西名勝志卷之五

石泉縣

在州城西八十里

亦西城縣地晉分置長樂縣西魏易今名以縣北有石泉也唐大曆中省入漢陽永貞元年金州刺史姜公輔奏復○寰宇記云石泉在縣南五十里

其泉清冽四時不竭漢水在縣東百步南岸有山
曲盤十八始達於巔號十八盤去縣南五里志
云縣西二里之珍珠河又八里之饒峯河發源于
谷經饒峯山下又七里之壩河發源秦嶺經大壩
峯又縣北一里之紅河源自五嶺嶺兩岸沙石皆
紅故名又南有龍湫水來有迳河各去縣五十里
俱入於漢運河者以此河易漲而難消也入漢之
處有巨石如蓮花曰蓮花石舊設運河巡簡司於
此○堰頭嶺在縣東五里漢江南岸下有灘曰堰
灘又二十五里爲馬嶺以形似而名又五十里爲
太平山其山高峻絕頂坦廣如平地亦在漢江南
岸○枯柳洞在縣北五里洞門有石臺香爐內有
蓮豆杯爵之屬皆出天成二郎洞在縣西十里洞
傍石上有大士手膝印跡宛然又五里爲煙波洞
其深莫測望若煙波也又二十五里爲風洞常有
風從穴中出祈禱輒應又二十里爲池山山頂如
池不濫不涸名曰天池○十八盤山在縣南五十
里漢江南岸高出雲表凡十八折始達其頂比諸
褒城七盤險峻倍之

洵陽縣

在州城東
百二十里

漢舊縣在洵水之陽也注水經云洵水北出洵山
東南經平陽戍下與直水合又北至洵陽縣東南
入漢有澗水在縣西三十里一名間谷水有洧水
在廢洧陽縣西一百步有冷水河在縣北三十八
里又七里爲乾溪河六十里爲乾佑河舊設清風
關於上又縣東北百里有蜀河仙河西岔河俱南
流以注於漢○梁州記云洵陽縣南山下有漢高
帝廟北山有懸書崖高五十丈刻石爲文字人不
能上莫知所述其東有臨崖山峯巒隱隱環於縣
治東顧漢江北連鶴嶺上有寺曰臨崖寺其西有
留停山峭拔殊甚行人登之每停留而縱覽焉○
紫荊山在縣東南南有深洞石池池畔有石蓮青
山在縣西亦有洞產碧鈿石各去城五十里○當
門山在縣東百七十里兩峯如門故也又十里爲
浮雲山山聳若浮雲狀上有迴龍觀又有西北山
以在縣西北百五十里界西岔河所出○寰宇記
云洧陽故城在縣東三十里晉於此置洧口戍後
魏大統元年始置洧陽縣唐大曆中併入洵陽按
後魏又於郡西分置黃土縣故漢水記云黃土縣
鷄鳴山北五十里有聖公館以光武屯義兵處矣

○伊陵城在縣西五十里卽木蘭寨也注水經云漢水又東逕木蘭寨南石崖有城名陵城周廻數里左峯累石數十行重累數十里人謂是處爲木蘭寨云卽三國吳遣木蘭救孟達處○禹廟在縣東二百三十里穴傍鐫禹穴二字有古碑刻落又西南一百五里有神仙洞內有石蓮花朵凡十九

閩中云

紫陽縣

在州城西二十五里

卷之五

十七

本朝正德壬申歲立紫陽堡次年陞爲縣按悟真記張平叔自號紫陽真人修真於安康山其洞口紫陽洞江上有灘亦曰紫陽灘故縣以之名卽古洵陽漢陰安康三縣地也○志云縣治所倚爲神峯嶺木石巉巖狀如屏風其中常出雲氣縣南大馬騰驤西則天城峙立西北層巒疊嶂似乎團螺因以名之○鴛鴦石在縣西五里漢江濱石作雌雄狀舊在洋縣鴛鴦壩順流止此漁人識之縣東南有汝河西北有任河淮河松河小石河俱流入

漢○望夫石在縣西南八里舊傳有婦人其夫從戎朝夕登望後化爲石於此又五十里爲鷄鳴坡高出雲霄昔漢高祖微行聞鷄鳴而止卽斯地矣○縣南四十五里有顯鐘溝昔溝中洪水湧出二鐘一流入均州一流入興安今天聖寺鐘是也

漢陰縣

在州城西五十里

本漢安陽縣有安陽故城在今縣西二十四里漢江北敕口之東矣晉太康中更名安康縣唐至德初改爲漢陰方干金州客舍詩云卷箔雲峯暮蕭條未掩關江流嶠嶂雨帆入漢陰山落葉秋眠後

陝西名勝志

卷之五

十八

孤砧倚望開此情偏耐醉難遣酒樽閒○方輿勝覽引南華經孔子過漢陽遇一丈人爲圓鑿隧而入抱甕而出子貢告以桔槔丈人曰有機心者必有機事吾不爲也今縣北有漢陽村是○志云雙乳山在縣東五里兩峯突起形如雙乳故名又十五里爲雲門山山上有雲門寺又四十里爲月嶺山有溪出焉名曰月河○周地圖云鳳凰山在縣南二十五里俗謂之龍子山疊嶂凡十二層上有仙人藥園又蒲溪澄溪二水出焉一流縣東與龍王板峪二河入月河一流縣西與青泥河入恒河

俱注於漢○直水源出永興軍乾佑縣弱嶺姜子關經縣治西入漢又其地有方山唐貞觀二年置北阻方山南臨漢水驛路之衝也又縣東二十五里恒河北岸有淘金場東北百八十里有箭幹山地產箭竹○古蹟志云漢王城在縣東三十五里相傳高帝自漢中經過所築遺址尚存而漢陰名縣以此

白河縣在州南百一十里

本朝成化歲壬辰置白河堡丙申歲陞爲縣亦昔洵陽漢陰安康三縣地也原隸鄖陽府旋改今屬

陝西名勝志

卷之五

十九

○志云漢江渡在縣北二里有臨江橋跨漢江躡長春溝尾近城一里之威仇橋則跨長春溝也縣東一里有白石河渡又十里有人黃灘渡縣西六十里有月潭渡又二十里有吳家渡其水俱流入漢○鳳嶺在縣城北環繞西南如鳳者然又去縣五十里有羅漢洞六十里有高瑱子洞九十里有神仙洞幽深莫測○白石河大小有二發源縣東南界有石河水自漫營嶺來○北注之縣西南界有大小冷水河馬床河自棕溪嶺來東北注之又

有環碧池在清風溝中華池在白溝○縣南三十

五里有仙人履石跡指痕如鑿名曰仙人脚

陝西名勝志卷之五

終

陝西名勝志

卷之五

二十

陝西名勝志卷之六

閩中曹學佺能始撰

鳳翔府

隸陝西布政司

領州一縣七

唐書肅宗至德二載復兩京十二月置鳳翔府與成都京兆河南太原爲五京本漢之右扶風與京兆尹左馮翊謂之三輔也後魏于此置秦平郡又郡東置雍城鎮後陞鎮爲岐州按春秋戰國秦始作都說文四面積高曰雍又四望不見四方故謂之雍史記秦德公始居雍卽今理也岐州以岐山取名周文王時鳳凰鳴于岐山鳳翔之名本此又陝西名勝志卷之六

有鳳臺及鳳女祠樂錄云秦穆公時有簫史者善吹簫能致白鶴孔雀穆公女弄玉好之公爲作鳳臺以居之積數十年一日隨鳳去故雍宮世有簫管之聲焉風俗通云天水隴西迫近戎狄修日戰備高尚氣力以射獵爲先六郡良家子選給羽林期門材官名將多出其處故曰山西出將秦詩謂王于興師脩我甲兵與子偕行又曰在其枚屋亂我心曲唐王維詩云板屋春多雨山城書亦陰郡國志云三時五水俱在郡界三時者封禪書秦文公作鄜時宣公作密時靈公作吳陽上時謂

之三時原五水汧渭岐漆雍也唐杜甫喜達行

在所詩西憶岐陽信無人遂却迴眼穿常落日心

死著寒灰霧樹行相引蓮峯望或開所親驚老瘦

辛苦城中來又愁思胡笳夕淒涼漢苑春生還今

日事間道暫時人司隸章初報南陽氣已新喜心

翻倒極鳴咽汨沾巾按註云肅宗卽位靈武移軍

鳳翔公脫賊西走謁帝行在拜左拾遺○宋嘉祐

間眉山蘇軾以進士調鳳翔僉判時元昊擾邊賦

稅增劇岐下歲輸南山木檝自渭入河經砥柱之

險衙吏接踵破家避役軾訪知利害爲修衙規令

陝西名勝志卷之六

二

自擇水工以時進止自是害特減半而民深便之

按文忠年譜公在鳳翔歷三載任滿開京云

鳳翔縣

附郡

釋同郡木秦之雍縣史記項羽封章邯爲雍王卽

此地也按志雍山在府城西北三十五里雍水出

焉秦以此名縣矣水經注云雍水又歷中牟溪谷

亦名中牟水○地理志云故長安城漢惠帝所築

今在大興縣城西北苑中唐至德初改雍爲鳳翔

縣仍析置大興旋以鳳翔省入金始熙大興而後

鳳翔○秦田中宮在縣治西漢書文帝十四年句

奴入蕭關燒田中宮伏騎至雍者也蒙泉宮在城東南隅本名祈年官秦惠公所居孝公更名蒙泉穆公葬其地子車奄息三良殉焉國人所爲賦黃鳥之詩矣蕪子瞻鳳翔八觀詩秦穆公冢其一也他爲石鼓詛楚文王維吳道子畫維摩像自李氏開東湖直興寺閣○石鼓原在縣南二十里之石鼓鎮石圓微長其數有十首云我車旣攻我馬旣同蓋紀周宣王敗獫之事其文卽同史攬唐吏部侍郎蕪勗記云自虞褚歐陽共稱古妙雖歲久訛缺尚有可觀按歐陽永叔集古錄云石鼓初弃于陝西名勝志

卷之六

三

野鄭餘慶守鳳翔始移置孔子廟中無文者一有文者九可見者四百一十七字可識者二百七十二字右自元季復移之燕京國子監佚其二鼓國朝因之○詛楚文有數本其文俱同惟神名有異此則爲巫咸神者子瞻自注云碑始獲于開元寺土中今移置太守使廳○吳道子畫在普門寺乃畫佛在雙林下入涅槃像王右丞畫竹兩叢交柯亂葉飛動若舞在開元寺東塔○維摩詰像唐楊惠之塑在天柱寺爲羯摩室示疾者○李氏閨在城北之東唐光啟鳳翔節度李元貞所築脩竹

萬竿中有竹閣傍引溪水灌入深林蕪子瞻詩亭破千家鬱鬱城之麓曩者李將軍自陰乘衰叔我今官正閒屢至因休沐人生營居止竟爲何人十口東湖在城治東雍渭二水所溢今城介于東北二河間蕪子瞻詩我家蜀江上江水綠於藍爾來走塵土意思殊不堪况當岐山下風物尤可慙有山秃如赭有水濁如泔不謂郡城東數步見湖潭入門便清興恍如夢江南○真興閣在城中央高十丈王彥超所創周木鳳翔節度使也子瞻詩云此閣高幾何前代所經營側身送落日引手攀陝西名勝志

卷之六

四

飛星當年王中令斫木南山積寫真置閣下鑲面眼有稜身長八九尺與閣兩睜睜○志云校經臺會景亭俱在城南凌虛臺喜雨亭俱在城東蕪子瞻亦俱有詩及記按校經臺本終南之一峯也崇聖觀在其側卽尹喜仙宅喜旣見老子授五千言退而居此臺賦詩云此臺一覽秦川水不待傳經意已空○會景亭在南溪處衆亭之間故名蕪子瞻移之西改名招隱亭○凌虛臺宋陳希亮守郡時創判官蕪軾記畧云四方之山莫高于終南而都邑之最麗者莫近于扶風以王近求至焉其

勢必得此凌虛之所爲築也。喜雨亭卽坡公建鑿池其南引流種樹爲休息之所自作文記之。志云杜陽山在縣東北二十五里杜水出焉下爲老君坡卽杜陽水所注山北有杜陽谷地穴至深淩之不知所極又東五里爲橫水源發廢杜陽縣大嶺側世謂之赤泥峴沿波歷澗俗名大橫水也疑卽杜水矣按詩大雅綿之篇曰自土漆沮釋云上作杜漢杜陽縣以此水名水距故城東北三百步世謂之故縣川又城北二十五里有鄧水出黃花谷口同注于渭。注水經曰渭水又左會左陽水世名之西水北出左陽谿南流逕岐州城西魏置岐州刺史治左陽水又南流注于雍水雍水又與東水合俗名之北出河水出桃谷南流右逕南源世謂之送眼泉亂流南逕岐州城東而又合雍水州爲兩川之交會也世亦名之爲渚空水東流鄧公泉注之水出鄧艾祠北數源俱發逕雍縣城南縣故秦德公所居漢書地理志謂之西號太康記曰號叔國也有號官平王東遷叔乃之上陽爲南號。志云玉泉在城西北五里塔寺泉在城東三里又東北十五里有靈泉二十里有虎跑泉俱

南流入渭按虎跑泉在大像寺內石刻東坡詩云金沙泉湧雪濤香酒作醍醐大地涼解妬九天河影白遙通百谷海聲長僧米汲月歸靈石人到尋源宿上方更續茶經校奇品山瓢留詩羽仙嘗。金石錄云唐鳳翔司李梁公遺愛頌房琯撰韓擇木八分書代宗廣德二年五月。杜子美樂府有悲青坂自注云在岐州太白山房琯起師于此。○蘇子由樂城集有岐下詩二十一韵寄詠子瞻鳳翔解舍內有牡丹一叢四十餘枝枝大如斗東坡以斗酒易之者在蓮池亭之北。岐山縣在府城東五十里。說文山有兩岐曰岐秦華以西名山七之一汧水逶于其陰卽禹貢導汧及岐者也河圖括地象云岐山在崑崙東南爲地乳上多白金周之王也鷲鷲鳴于山上時人亦謂此山爲鳳凰堆按在縣東北五十里昔周太王邑于岐及文王鳳鳴于岐山皆此處故縣西北杜城村有皋門應門遺跡亦俱太王所草創矣秦漢時俱屬雍縣隋開皇初移三龍縣于岐山南十里因改今名唐武德初移理于縣東十里之龍尾坡更名岐陽卽杜甫所云西憶

岐陽信也貞觀八年又移豬泉驛至德間仍曰岐山其名與地至今不改○寰宇記云姜泉在岐城外帝王世紀炎帝神農母有喬氏女登爲少典妃遊華陽感神而生帝長于姜水因以氏之經謂岐水又東逕姜氏城南爲姜水也○倉頡廟在縣西南五里倉頡黃帝史官廟解自秦代有墓在廟後石柱猶存○周原在城東四十里東西橫亘肥美寬平卽詩周原膃臄者也地在岐山陽故左傳椒舉曰成王有岐陽之蒐矣○召村在縣西南八里有召公亭以公嘗聽政處○縣西北十五里鳳

陝西名勝志

卷之六

七

山之麓有周公廟廟前有笙竹園及薜蘿樹又有枯柏黃巢作亂時廟殿柏枯久乃復生卽內有泉時平則流亂則竭引泉入池曰不溢池湘山野錄云宋雍熙年間鳳翔奏岐山縣周公廟有泉湧出賜號潤德泉有山蘇軾作詩紀其事○渭水在縣東北六里一名白水南流入扶風縣界唐渭水縣以此名又十里爲底寺水又十里爲鰲川水○城南河去縣三里卽渭河也俗傳太公釣處東南流十里與灘河匯名河交又二十里珍珠泉水出焉又二十五里爲石頭河又十里爲石谷水出斜谷

開又八十里有桃號二川史記秦孝公滅號置縣于此有桃號二城○水經注云渭水泉流左舍漆水水出杜陽縣漆谿謂之漆渠故徐廣曰漆水出杜陽岐山渠水南流大畷水注之水出西北大道川東南流入漆卽故岐水也淮南子曰岐水出石橋出東南流相如封禪書曰牧龜於岐文穎注云周放畜餘龜于池沼之中至漢得之于岐山傍漢書音義曰岐水名也謂斯水矣岐水詳麟遊下○按石橋川在縣城南三十里渭水所逕其側有五丈原蜀漢諸葛亮屯兵處有武侯廟元郭思恭記

陝西名勝志

卷之六

八

又十里卽南山也東接郭杜西抵大散關蘇軾詩南山連大散卽此○志云天柱山在縣東北十五里兩岐山之一也其峯高峻屹立如柱故名又三十五里爲五將山連亘扶風咸陽之界後秦錄苻堅爲慕容冲所逼率衆入五將姚萇遣將吳忠執之先是童謠曰堅入五將山長得卒以爲驗○岷山在縣東北四十里山多石穴唐乾寧間建耆閣岷山寺其上又十里爲梁山有秦所建梁山官址最高爲箭栢嶺嶺巔有缺故名周太王遷岐所經處其西爲三龍山昔建三龍縣以此今屬仁岐里

寶鷄縣

在府城西
南九十里

漢書郊祀志曰秦文公獲若石于陳以祠之其神來常以夜光輝若流星從東南來集於祠城則若雄鷄其聲殷殷如野鷄夜雊以一牢祠命曰陳寶祠側有臺曰祀鷄臺今爲龍宮寺遺址按陳倉本秦縣唐至德中始易爲寶鷄辛氏三秦記云太白山南有陳倉山山有石鷄與山鷄不別趙高燒山山鷄飛去而石鷄不去晨鳴山頭聲聞三十里或謂是玉鷄也○郡國志云陳倉城在縣東二十里鷄爪峯之下有二城上城秦文公築城內有羽陽陝西名勝志卷之六 无

官秦武王所造下城魏將郝昭築陳倉城內酒樓自唐至宋城邑累更兵燹獨此樓存蘇軾詩云曉入陳倉縣惟餘賣酒樓○石泉城距陳倉城南二十里諸葛亮所築水經注曰渭水對城亮與昭相禦處也亮攻郝昭不能克使昭鄉人靳詳說之昭不聽詳復來說昭曰前言已定我識卿耳箭不識也詳乃去東坡詩註云石泉在汧水之北卽武成鎮也○寰宇記云三交城在縣西四十六里司馬懿與諸葛亮相拒處地處三交因以爲名後秦苻建于此置武都郡又爲苻秦苑川縣界苻登太初

二年乞伏乾據苑川自號西秦卽此志云後魏武都郡治在魏國故城內周文王弟叔所封是曰西號有小號城秦武公所築也二城相去十里東南入岐山縣界○渭河在縣城南一里又里許爲流玉澗泉流如玉故名又三里爲九眼泉泉出九穴流注于渭○縣東南有箕谷水東北有掌羅泉又東南四十里有溫谷水及馬谷水又十里爲號川卽號縣川也又十里爲洛谷水俱北流入渭○縣東五里有金陵河源出五峯山又二十五里爲汧陽河東卽號川其城介于汧渭之間○縣西陝西名勝志卷之六 十

二十五里陸川地理志云陝之平川盡處過此而東則雍之秦川也又二十五里有麥澗澗西爲塔梢河及漆布泉河俱北流入渭按漆布泉發源秦嶺狀如飛練北流至益門鎮自秦田此入益故曰益門右在縣西南十五里○西平原在縣東北十里宋吳玠與金將撒離喝相持處虜曰善戰者立于不敗之地難與爭也遂引去○八角原在縣西二十里其形八角故名又有八魚原在城東南三十里俗傳太公釣時有八魚追釣至此○和尚原在縣西南三十五里大散關之東大玠楊政大破

金人于此原上按大散關在縣南二十里通褒斜
路有老子遺跡王勃詩云關山凌旦隔石路無塵
埃白馬高譚去青牛真氣來重門臨巨壑連棟起
崇隈卽今楊策度非是棄繻回○又相連有二里
關在高嶺上齒舉盤折長亘二里故名又十八里
有金牙關卽入大散關之路唐李商隱絕句劍外
從軍遠無家與寄永散關三尺雪迴夢舊鸞機○
清風臺在縣東南六十里元真人丘處機築呂華
記云西倚飛雲之壁東臨漱玉之溪北踰渭濱南
派山邑而中引清風也又二十里爲磻溪石相傳
太公釣處石上有兩膝所着痕宋蘇軾詩聞道磻
溪石猶存渭水頭蒼崖雖有跡大釣本無鉤墨突
不暇黔孔席未曾煖安知渭上叟跪石留數軒按
公集自註在號縣號與寶鷄原並設至元始省

扶風縣

在府城東
百一里

因古郡而有斯名曰扶風者所以扶助京師行風
化也本漢美陽縣地有高泉宮在美陽故城內秦
宣太后居之又有棧陽宮在縣東北三十里秦穆
公所築亦屬美陽境矣唐武德初于圖川故城置
圖川縣卽今理元和志云圖川字元帝後人訛曰

陝西各縣志

卷之六

十一

陝西各縣志

卷之六

十二

圖今按渭水在縣南五十步東入渭是也貞觀
八年始改扶風治內有鴻澤亭石刻云號剝落故
是漢唐間物○說文漆水出右扶風杜陽岐山東
南流入渭按當縣卽周之岐陽鎮有館原在治西
以詩云董茶如飴也其原逶迤故縣有之漆溪在
漢爲漆縣至隋爲普潤縣今漆溪屬扶風地元省
普潤入麟遊因詳彼下○漆河在城東一里跨河
有橋曰漆山橋志云非禹貢之漆也乃周太王遷
岐所渡處其謂率西水計是耳禹貢漆沮詳富平
下○史稱東漢馬融馬援漢末馬超皆扶風人今
按縣東南二十里有絳帳村縣東四十里有伏波
村又東北三十里有茂陵山林壑秀美云馬超所
居也俱有祠祀○史又稱唐憲宗迎佛骨處在當
縣之法門寺北去縣二十五里金石錄云岐州法
門寺舍利塔銘賀蘭敏之撰并書龍朔二年二月
志云飛鳳山在縣南一里隔渭川有漢伏波將
軍廟山頂有亭曰達愛宋蘇軾書元祐六年又二
十里爲賢人山昔有高士隱此洞穴尚存○義會
山在縣城北十里又四十里爲明月山有玉如石
其光映月故名○鳳泉在明月山之西其東有龍

泉俗傳龍潛于此流與浪店河合入渭川○縣東北有好事時河連密時鄜時爲三時也延邇南入武功界○萬楊池在縣城西二十里池岸楊柳萬林極稱幽勝又有杏林古驛其地多杏故名今爲杏林鎮○塚廟記云隋高祖陵在縣東南四十五里○漢司徒魯恭墓在縣北四十里魯馬村○唐武部尚書楊珣墓在縣北二十里美陽城東寧碑尚在○唐王昌齡集代扶風主人答云殺氣凝不流風悲月彩寒浮埃起四遠遊子迷不歡依然宿扶風沾酒聊自寬寸心亦未理長缺誰能彈王人就

陝西名勝志

卷之六

三

我飲對我還慨然便泣數行淚因歌行路難十五役邊城三迴計樓蘭連年不解甲積日無所餐將軍降匈奴國使沒桑乾去時三十萬獨自還長安不見沙場苦君看刀箭藏鄉親悲客落塚墓亦摧殘仰攀青松枝暢絕傷心肝禽獸悲不去路傍誰忍看幸逢休明代寰宇靜波瀾老馬思伏櫪長鳴力已殫少年與運會何事發悲端天子仍封碑賢良制羽翰二邊悉如此否泰亦須觀

郿縣

在府城東南一百一十里

本秦縣漢志郿音媚屬右扶風三輔黃圖云右輔

都尉理所秦寧公徙居平陽卽此也今去縣十五里渭水北故郿城是也後魏以爲平陽縣隋大業二年始復今名○地理志云郿有郿亭世本有虞封棄于郿者也周爲申伯封國詩曰申伯出封王假于潒是矣○郿塢在城東北十六里後漢董卓封郿侯據北阜築高七十丈號萬歲塢積金玉粟帛無算以爲長安城形其後爲王允所收誅之長安市○縣理城曰斜城城南當斜谷語云南口曰褒北口曰斜也按褒斜二水俱出縣西南十五里之衙嶺山褒水南逕褒城縣入沔斜水經斜谷過

陝西名勝志

卷之六

四

五丈原北流入渭右斜城去渭水南里許後周天和二年置雲州于此唐武德初于此置郿州旋俱廢○五丈原在縣西南積石原在縣西北各去二十五里三國魏蜀相持之地魏氏春秋青龍二年諸葛亮出斜谷郭淮并其必登積石原遂先據之亮至果不得上因屯渭南司馬懿諸將曰亮若出武功依山東轉是其勇也若西上五丈原諸君無事矣其西有落星村卽長星隆諸葛營處亮至夕殂司馬懿巡行其營歎曰天才也俗有死諸葛走生仲達之謠○武功故城在縣東四十里水經注

云渭水東經武功故城北南對太白山是也按太白山在縣東南五十里連武功縣因許彼下但嘉祥洞鳳泉湯屬當縣界○唐書天寶八載太白山人李渾上言金星洞內有玉版石紀聖皇福壽之符玄宗命御史中丞王珙往求獲之因御勤政樓大赦天下封太白山神爲神應公勅改金星洞爲嘉祥洞距五里有溫泉亦名鳳泉湯人求治病泉清則愈濁則無驗隋唐之鳳泉縣以此名武德初屬郿州旋俱廢○水經注云縣北有蒙龍源上承渭水于郿縣東逕武功縣爲成林源後志成國渠

陝西各勝志

卷之六

五

在縣東九里清遠渠在縣東北十里又二十里有清湫鎮皆與渭流相表裏民獲沾溉之利○史載秦武安君白起漢井丹法直三國法正吉茂魏則宋張載皆郿人丹字子春直號玄德先生皆博通圖典隱居不仕弟子自遠方至其家者數百人正字孝直仕蜀先主終尚書令以峻直著稱吉茂撫則俱魏人遇亂隱扶風南太白山以經籍自娛載字子厚號橫渠先生有橫渠書院在縣東五十里其所故居也卒封郿伯第載杭章論王安石出徙司竹監至舉家不食筍閣中號爲一張○橫渠鎮

有崇壽院舊子瞻太白山下早行王橫渠鎮題崇壽院壁云馬上續殘夢不知朝日昇亂山橫翠幃落月淡孤燈奔走煩郵吏安閒媿老僧再遊應春聊亦記吾魯

麟遊縣 在府城東北一百二十里

隋開皇間設仁壽宮于此義寧元年唐高祖輔政仁壽宮易隋之後乃置鳳棲郡及麟遊縣貞觀初太宗脩以避暑改名九成宮其址在城西五里之天台山山下有清池王勃賦序云松峯桂壑紅泉碧澄金石千聲雲霞萬色者也其側有鳴鳳山與天

陝西各勝志

卷之六

十六

台山相接舊傳有鳳鳥鳴其上隋末白麟見郡縣之名取焉元以普潤縣省入○按普潤廢城在縣西一百二十里漢漆縣地有缺官今城西一小城蓋置缺官之處隋大業中置縣以杜漆岐三水合流灌溉利溥而名其杜水卽杜縣水漆水卽漆縣水也岐水一名大轆水出縣東南流入漆水○志云石臼山在縣南十五里上有石臼清泉淳泓不竭又五里爲吳雙山雙峯並峙故名俗呼吳重山又三十里爲五將山卽苻堅被禽處○王女潭在縣西南十五里舊傳則天后浴此以勅賜今名又

五里爲青蓮山峯似蓮華四時交焉故名○碑曰
云石林亭在縣治東宋劉敞有詩蘇軾和石刻尚
存○龍泉亭在縣西北二里宋王堄碑記○唐劉
禕之九成宮詩云帝國疏金闕仙臺駐玉鑾野分
鳴鶴圃路接寶鷄壇林樹千霜積神宮四序寒蟬
急知秋早鳴疎覺夏闌怡神紫氣外凝睇白雲端
舜海詞波發空驚游聖難杜甫前題○香山入百里
崖斷如杵臼層宮憑風迥岌業土囊口立神扶棟
梁鑿翠開戶牖其陽產靈芝其陰宿牛斗紛披長
松倒揭嶠淮石走哀猿啼一聲客淚遙林散○王
陝西名勝志卷之六 十七

隴州

在府城西
百八十里

領縣一

史記秦非子伯益之後善養馬爲周孝王牧馬于
汧渭之間馬大蕃息王命分土爲汧庸邑之秦

續麗氏之祀故漢于此置汧縣後晉曰汧陰隋曰
汧源焉○汧山在州西四十里汧水所出禹貢導
汧及岐者也漢郁夷故城近汧水側詩云四牡騤
騤周道逶迤迤邐韓註作郁夷縣名因之其地距今州
西五十里大寧關口又以自關上隴盤紆屈曲逶
迤而進也○按大寧關本名大震關相傳漢武帝
登隴經此遇雷震故名俗歌震關遙望秦川如帶
卽此後周天和避諱改爲大寧關亦曰隴山關故
地道記云漢置隴關西當戎翟矣唐曰安夷關大
中二年防禦使薛平增築後名隴關岑參詩

隴西名勝志

卷之六

十八

輿臺萬里餘故園消息未應疎隴山縣誌能
爲報家人數寄書○注水經曰渭水又東逕郁夷
縣故城南地理志曰有汧水祠王莽之郁平矣東
觀漢書隴蜀關來嶽于畧陽世祖詔曰桃花水出
於隴皆至郁夷陳倉分部而進者也汧水入焉水
出汧縣之蒲谷鄉弦中谷決爲弦蒲數爾雅曰水
決之澤爲汧是也水有二源一水出縣西山世謂
之小隴山巖崿高險不通軌轍故張衡四愁詩曰
我所思兮在漢陽欲往從之隴坂長其水東北歷
澗注以成澗潭深不測產五色魚以爲靈而莫

敢採捕因謂是水爲龍魚水自下亦通謂之龍魚
川水東逕汧縣故城北史記秦文公東獵汧田
因遂都其地焉又東歷衆澤亂流爲一右曰龍泉
泉徑五尺源流奮通淪漪四泄東北流注于汧汧
水又東舍一水發南山西側俗以此山爲吳山三
峰霞舉疊秀雲天崩巒傾又危巖相捍望之恒有
落勢地理志云吳山在縣西古之汧山也國語謂
之虞矣山下石穴廣四尺高七尺水深百空應波
側注淵渚發源穴成川北流注于汧○按隴山
在州西北六十里說文隴山天水大改也其

隴山名勝志

卷之六

九

延泉流四注登者七日乃得越顧瞻悲歎然

隴頭流水鳴聲嗚咽遙望秦川肝腸斷絕又云隴
頭流水分離四下念我行役飄然曠野登高遠望
涕零雙隴登隴東望秦川四五百里極目泯然
壺合桑梓與雲霞一色高處可容百餘家下處容
十萬戶上有懸溜吐于山中漚爲澄潭石萬石潭
流溢散下皆注于渭○小隴山在大隴西魚龍川
出此山東北亦渭水之所發源也上有秦王廟相
傳穆公西征至此回車後人立廟焉周禮雍州其
澤數曰弦蒲川曰浮汭是矣唐杜工部詩水落魚龍

夜山空鳥鼠秋宋史金人柵于魚龍川口楊政帥
精兵却破之卽此○蒲谷鄉今爲蒲峪鎮吳嶽山
今爲西鎮上有五峯最稱秀異杜甫詩憶昨踰隴
坂高秋視吳嶽李義山詩吳嶽曉光連翠黛俱詠
此唐吳山縣以之名也右去州南八十里紫地龍
盤二山舊俱屬吳山界併南山長蛇華亭隴安四
縣入焉○南由縣後魏時置卽唐武德之合州也
長蛇亦後魏置華亭隋置以長蛇華亭二水名隴
安金置以隴安關名有馬頰社在其內元時省吳
山入汧源唐宋以來汧源爲州附郭 國初

隴山名勝志

卷之六

十

州治卽北魏之隴東郡及東秦州也西魏

十七年始改東秦州爲隴州○金石錄云唐新築
隴州城記邵說撰史惟則八分書大曆二年十月
又有雲義代碑以大曆中郡壘艱于得水荀氏獻
地于此因遷城社民獲攸濟故祠祀之○一經亭
在州治東唐隴州太守常景建取常賢教子之義
也今址存○唐盧照隣入隴州詩隴坂長無極峯
山望不窮石徑縈疑斷迴流映似空花開綠野霧
爲轉紫巖風春芳勿遽盡留賞故人同

汧陽縣 在州城東
九十里

志云汧陽廢城在縣西八十里漢後周廢乃于
馬牢故城置卽今理也隄廢澤在縣八里漢隄
廢縣以此名故隄廢城在縣東三十里卽耿况所
封者漢書郭欽隄廢人哀帝時爲丞相司直職事
王莽遁跡汧陽之境卧不出戶卽斯處天○汧陽
閭在縣治內唐韋莊詩汧水悠悠去似絳遠山如
畫翠綠橫僧尋野渡歸吳嶽鴈帶斜陽入渭城邊
靜不收蕃帳馬地貧惟賣隄山鸛牧童何處吹羌
笛一曲梅花入塞聲按吳嶽卽汧山也汧水所出
經縣界至寶鷄入渭又有雙清閣在縣東南

陝西名勝志

卷之六

七

王清宮傍邑人觀競渡之所有風月樓在城
河岸俯臨清流卽唐太和中別築臨汧城處○寰
宇記云磳川河在縣東五十步又五里爲天池溝
又十里爲曲子澗○馬跡泉在縣東南二十里石
上有人馬跡跡又有秦土鑄劍爐○珍珠泉在縣
南三里泉湧如珠故名縣西二十五里之三泉鄉
亦有泉如噴珠其曰列古泉則去縣二十里○縣
東南三十里有石墨洞以洞產石墨可書也縣西
四十里有魚隴相傳掘地破石得魚狀鱗鼠俱備
可辟衣裳○塚廟記云唐段太尉冢在縣西北四

十里之萬善鄉黑草川西段秀實以陽人以笏擊
其批血流被面德宗贈太尉有祠堂○唐貞元二
年吐蕃敗盟遊騎及好時李晟遣其將王使帥驍
騎三千伏于汧城成之曰虜過城下勿擊其首首
雖敗彼全軍而至汝弗能當也不若俟前軍已過
見五方旂虎豹衣乃其中軍也出其不意擊之必
大捷似用其言果敗吐蕃尚結贊僅以身免

陝西名勝志卷之六

終

陝西名勝志

卷之六

廿一

陝西名勝志卷之七

關中曹學佺能始著

平涼府隸陝西布政司領州三縣七

古涼州之地漢武帝元鼎三年析置安定郡治高平略又析置此郡撮平涼之名而無用之唐置行渭州于此故樂史以平涼潘原二縣入渭州下

國朝修舊曰平涼府置行太僕寺苑馬寺于府內

唐書至德元年玄宗入蜀肅宗自奉天至平涼大

閱監牧得馬數萬匹于此處○唐岑參送李太保

兼御史大夫充渭北節度使詩詔出未央宮登壇

陝西名勝志卷之七

近總戎上公周太保副相漢司空弓抱關西月旗

翻渭北風第兄皆許國天地荷成功高適陪賓

御史靈雲南亭宴詩序云涼州近胡高下其池亭

蓋以熙蕃落也幕府軍帥雄勇徑踐茂庭自陽關

而西猶枕席矣軍中無事君子飲食宴樂宜哉白

簡在邊清秋多興况水具川峨山無亭亭始臨汎

而寫煩俄登陟以寄傲絲桐徐奏林木更爽觸葡

萄以進歡拈蘭芷而可掇胡天一望雲物蒼然由

蕭蕭而牧馬駉聲風嫋嫋而邊歌幾處又足悲矣

員外李公曰七日者何十女之夕也夫賢者何

謹其時請賦南亭詩列之于後人幽宜眺聽目極
意泰道陪連唱波瀾動宜搜物象開新秋歸遠樹
殘雨擁輕雷簾外長天盡樽前獨鳥來常吟塞下
曲多謝幕中才河漢徒相望佳期安在哉

平涼縣附郭

隋與郡同置漢之朝那縣後魏之長城縣也志云
朝那城春秋時築有秦蒙恬墓在城東十五里胡
蘓墓在東南四十里以始自秦命築長城賜死于此
汪水經曰長城距朝那城十五里○寰宇記云天

陝西名勝志卷之七

壇山在城北五里亦名回虎山其西爲會盟壇唐

貞元中吐蕃請盟德宗詔渾瑊爲使往平涼又遣

李元諒韓游瓌軍潘原洛口以援之按潘原廢縣

在府城東四十里唐天寶間置以潘原谷爲名元

省入洛口卽水洛口也詳見下○可藍山一名都

盧山在郡西南二十里與并頭山相連涇水之所

發源也十六國春秋赫連定勝光二年畋平涼登

可藍山望統萬城泣曰先帝若不以朕承大業豈

有今日乎俄而有羣狐遶之鳴射之竟不得一噴

云咄咄此亦怪事也○雕巢峽在城南三十里兩

山如峽翠巒出入之路○崆峒山在郡西三十里
斧頭山之東大統山之西黃帝學道十廣成子處
有穴曰廣成洞人跡罕到其東巖有洞口見鶴鶴
出洞中飛鳴故名西巖有泉名西巖泉又有琉璃
泉朱俱甘冽有巨石橫口兩峰之間名仙人橋傍
有石基盤云仙人奕處其最高曰翠屏峰頂上圓
石繫如珠一名垂珠峯對面有香爐峯一名香
爐臺自臺俯瞰一巨石上平下銳名倒插石又有
青龍洞在翠屏峯頂雨晴雲輒歸洞中一名歸雲
洞游師雄詩相傳雷山收片片歸雲白者也其下

陝西名勝志

卷之七

三

爲撤寶若相傳秦始皇慕廣成子巡幸經此又十
里卽斧頭山其山如婦人斧頭狀涇水所出史記
黃帝西至于崆峒登斧頭之山卽此處矣○柳湖
在府城北三十里湖畔栽柳數千株有亭其上曰
柳亭宋治平間知渭州蔡挺建挺字子正熟兵法
謀告夏人集胡蘆河出奇兵迎擊之夏人奔潰時
游師雄判德順軍鄜延將劉瑄欲自延安入安定
師雄料賊有伏請由他道已而謀報黑水傍盡薄
溝騎始信其然○金佛峽在府城西六十里空穴
中望見有金佛故名宋王素詩來觀金佛峽卻入

玉門關是也又四十里爲彈箏峽涇水過此峽音
韻鏗鏘作彈箏之響唐儲光義詩晨過彈箏峽馬
尾凌兢行數壁隱靈曜莫能知晦明○圖經云涇
河自府西南曰巖發源至涇州又東南山邠州界
至高陵縣入于渭同流百里而不涸也縣東三里
有湫峪水又十里有大盆水縣南二里有南峪水
縣西五十里有橫河又西南有胡蘆河俱入于涇
水按胡蘆河本名蔚茹水唐志白草軍在蔚茹水
之西謂此○水經注云渭水又東南合涇谷水水
出西南涇谷之山東北流與橫水合又西北軒轅
谷水注之按軒轅谷卽崆峒山也杜甫詩云已喜

陝西名勝志

卷之七

四

皇威清海岱常思仙仗過崆峒

崇信縣

在府城東
南八十里

唐貞元中李元諒以鎮國節度使築崇信城宋因
置縣領鎮一曰赤城○志云高山在縣西南三十
里又十里爲斷萬山有銅城遺址又十里爲五馬
山赤城在焉俯赤城川爲鎮集而銅城亦宋之銅
城軍也趙元昊自河東還與諸酋歃血約先攻鄜
延欲自靖德寒門赤城三道並入卽此處矣○志
云汭水在縣北一里有汭子橋卽澁子坡也上爰

泉所經又右下煖泉在縣東五里白石川在縣南六十里三鄉川在縣西八十里○湫峪在縣西北二里左峪在縣西十五里又二十五里爲石餽峪又十里爲黃花峪皆防守要害之地

華亭縣在府城南
百二十里

五代周顯德六年置以華亭鄉爲名寰宇記云地近隴山節氣常晚仲夏花木始開不產絲繭惟與西戎博易爲利按本後魏晉泰二年築堡立華亭鎮以扼蕃戎隋開皇置縣旋廢至唐爲神策軍後唐同光元年爲義州周顯德復置華亭縣于州郭

陝西名勝志

卷之七

五

下非謂周始置也元以化平縣省入○志云王母山在縣南一里龍馬山在縣東十里齊山在縣西十三里爛柯山在縣北又西北爲望仙山各去十五里○隴山在縣西三十里北連沙漠南界汧渭唐武德初以縣省入隴州卽此○中山在縣西南五十里朝那山在縣西七十里按當縣在漢本屬朝那縣地矣品然山在縣西北七十里又三十里爲飛鳳山以形似而名又八十里爲瓦亭山舊設關其上今爲驛後漢隗囂令牛邯守瓦亭關宋吳玠與金兵戰于瓦亭大破之皆此地也又二十里

爲六盤關其山亦曰六盤山又有制勝關控帶隴山以西之路舊號大振門管沿坡小寨一十五處又有蕭關在金牛峽內峽長二十里峭壁崿峙不見天日國朝嘉靖間築城峽口復建清水紅沙二石墩于其上以增戍守按水經注秦水又西南歷隴川還六盤口過清水城卽此處也○志云涇河去縣西北八十里渭水在縣南一百步武村水出縣南十里之武村北河在縣北一里策底水出縣北三十里之策底村俱流入涇此際卽河西孔道

陝西名勝志

卷之七

六

鎮原縣在府城北
百三十里

漢安定郡之高平縣也舊郡所理王莽改爲鋪睦矣後漢建武八年光武征隗囂從高平第一城若水谷入卽此城也爾雅高平曰原故後魏明帝無置原州于此宋曰鎮原軍金改爲州元以臨涇東山三川彭陽等縣省入國朝降縣○按臨涇廢城在今縣西二里以臨涇水爲名原治郭下○東山在城東三里縣原設此山麓○三川卽經所云次水也在縣西北三十里與若水東水亂流參差合而爲一及縣北之蒲水肥水自延水俱入高平

川○彭陽漢縣以在彭水之陽也去今縣東八十里宋元吳人寇種世衡將景泰遇于彭陽城係山爲陣處矣○統志云潛夫山在縣北東漢王符所隱有讀書臺遺址符字德克著潛夫論故山亦因之名後人建亭其上曰思潛亭稍西有一坡種桃千樹曰桃坡○玉山在縣東山多白石明艷如玉陰雨之後其光不熄○雉頭山在縣西三十里以川若雉頭狀又二十里卽鷄頭山隗囂使其將王孟塞鷄頭以拒漢兵者也○水經注曰高平城西十里有阜阜上有故臺臺側有風伯壇故世俗呼

陝西各勝志

卷之七

七

此阜爲風堆述征記云劉表墓在縣西表卒其子琮以珍香數十石置柳內曹承嘉時郡人衛熙發之其貌如生香聞數十里因不敢犯○志云風堆在縣治東水峽在縣西南舊俱置關寨于上○古蕭關去縣西百四十里華亭接界漢書武帝元封四年行幸雍通回中道遂出蕭關應劭曰回中在安定平高有險阻秦置回中宮于此漢文帝十四年匈奴入蕭關使騎兵燒回中宮武帝乃整山堙谷令可通行自雍而次安定至安定而通回中以出蕭關叙其路徑次第云爾安定者蕭關之南也

縣之西北而甘泉之西南此匈奴入關燒回中宮烽火達于甘泉也唐人詩云君在蕭關妾在吳西風吹妾妾愛夫一行書信千行淚寒到君邊衣到無

固原州

在府城北百三十里

漢高平縣地高平川名水源出州南大盤山之若水谷又名若水有大小南川及乾川從東北來注之流入鎮原縣元置開平路于此 國朝改州曰固原○寰宇記云朝那湫祠舊設祀朝那神也湫淵四十里渟水不流冬夏無增減戰國時秦人詛

陝西各勝志

卷之七

八

楚授文于此按志朝那湫有二一在州東十五里一在州東北三十里合爲四十里土人謂之東西海泉眼東西長五里南北濶一里兩岸不生草木○水經注曰湫淵在四山中湫水西北流出長城北與次水會逕魏行宮故殿西又東注若水昔段熲爲護羌校尉于安定高平若水討先零斬首八千級於是水之上矣○志云州城西有馬屯山十六國春秋苻登與姚萇戰敗馬屯山卽是處也○大六盤山在州西二十里曲折險峻盤旋有六故名元世祖嘗駐蹕安西王因建樓其上清水發源

于此流入黃河有大黑水在州北五十里又七十里有小黑水合流注之又西北有海子河撒都兒川湏滅都河碩河諸水皆入焉○宋仁宗慶曆元年二月韓琦行邊至高平元昊遣衆入寇琦乃趨鎮戎軍盡出其兵又募勇士萬八千人命環慶副總管任福將之以耿傳察軍事桑慆爲先鋒朱觀武英王珪各以所部從福將行琦令福併兵自懷遠趨德勝砦至羊牧隆城出敵之後諸砦相距才四十里道近糧便勢不可戰卽據險設伏要其歸路且曰苟違節制有功亦斬福引輕騎趨懷遠標

陝西名勝志

卷之七

九

龍川遇鎮戎巡簡常鼎勳肅與敵戰於張家堡南斬首數百賊棄馬羊伴北桑慆引騎趨之福踵其後薄暮屯好水川觀英屯龍絡川相距五里時已陷伏中矣髣髴不繼士馬乏食者三日元昊自將精兵十營于川口詰旦福與慆循川西行出六盤山下距羊牧隆城五里與夏軍遇慆於道傍得數銀泥合封葉謹密中有動躍聲疑莫敢發福至發之乃懸哨家鴿百餘自中起騷飛軍上於是夏兵四合慆馳犯其鋒福陳未成列賊縱鐵騎突之自辰至午陳動衆欲據勝地忽夏人陣中樹鮑老旗

慆等莫測旣而旗左麾左伏起右麾右伏起自山背下擊士卒多墜覆崖墜慆肅戰死敵分兵斷其後任福力戰身被十餘矢揮四刃鐵簡挺身決鬪捨中左頰絕喉而死子懷亮亦死之敵乃併兵攻觀英珪自羊牧隆城引屯兵四千五百陳于觀軍之西趙津將尾亭騎兵二千繼至珪屢出畧陳陳堅不破英被重傷官軍大潰英珪傳皆死士卒死者萬三百人惟觀以兵千餘保民垣四向縱射會暮敵引去得還夏缺遣人收散兵得琦檄於福衣帶間言罪不在琦琦亦上章自劾猶奪一官云

陝西名勝志

卷之十

十

○九邊輯畧云固原古開成地也東有延綏西有寧夏爲之捍蔽向稱內地自正統以來火篩竊入河套亦不刺窺居西海及賓免駐牧松山告警始無虛日始卽州爲鎮城撫臣秋防駐此後改河州以重彈壓督臣移駐花馬池內外一體稱戒嚴矣該鎮與寧夏相爲唇齒其花馬池一帶邊人謂之大門倘併力而堅守之則周原自可無患而響石溝至靖虜營每遇黃河水合若履平地然賀蘭山後之虜踏水馳蹕勢如風雨議者以爲不添沿河之堡不屯久戍之兵未得常安枕也蓋防秋所調

兵卒多係西鳳臨華雜流之人非慣戰者且芻糧時復不給可爲隱憂云

涇州在府城東百五十里

後魏神鼎六年置蓋因涇水爲名實漢之安定縣後漢之烏氏縣也王莽曰烏亭矣漢梁統烏氏人○金石錄云隋安定縣官寺碑亡名氏開皇八年五月隋涇州興國寺碑李德林撰開皇十年二月○後魏化政寺石窟銘北史及魏書有宦者抱疑傳云炭終於涇州刺史自言其先姓祀後辟禍改焉今此碑題涇州刺史祀疑造疑後復改從其本

陝西名勝志

卷之七

十一

姓爾○唐戎昱涇州觀元戎出師寒日征西將蕭蕭萬馬叢吹笳覆樓雪祝纛滿旗風遶虜黃雲斷燒羗白草空金鉞肅天外玉帳靜霜中朔野長城閉河源舊路通衛青師自老魏絳賞何功槍壘休沙迴轅門壓塞雄燕然如可勒萬里願從公○王昌齡山行人涇州作倦此山路長停驂問賓御林巒信迴複白日落何處徙倚望長風滔滔引歸慮微雨隨雲收漾漾傍山去西臨有邊邑北走盡亭戍涇水橫白煙州城隱寒樹所嗟異風俗已自少情趣豈伊戀懷土解物且欣遇○志云筆岑在州

城南五里以三峰峭拔而名○其池在州北五里詩伐密之篇侵阮祖共註云阮國名今之共池是也內有華嚴海印寺殿脚水泉湧起派趨兩池云○百泉在州城西三十五里泉眼噴出亂流難計因名○安仁谷在州東南四十里中有長城砦昔范仲淹奏遣宋良等控守于此有龍馬寺在其內相傳宋太祖微時遇僧守嚴異其骨相陰使畫工圖于寺壁上今猶模糊可辨○續漢志曰烏氏縣有瓦亭一名薄落亭今在州界唐肅宗幸靈武牧馬于瓦亭川是也其源出隴山歷瓦亭北與新陽

陝西名勝志

卷之七

十二

岸水合卽隴水矣又西南合爲一水謂之瓦亭川○黃河堰在州治靖虜衛北唐刺史安敬忠築以捍河流傍多斥腴路入安西張籍涇州塞詩聞道涇州塞惟聞羌戍聲道傍雙古堠猶記向安西○唐書大曆八年吐蕃寇涇州郭子儀遣兵馬使渾瑊拒之瑊登黃負原望虜命據險布拒馬以備奔突蓋時爲西州刺史所治四鎮北庭咸相犄角故也○唐德宗西幸李晟復長安朱泚敗同姚合言將奔吐蕃其衆隨道散亡比至涇州纔有餘騎田希鑒閉城拒之泚謂之曰汝之節吾所授也奈何

臨危相負使焚其門希鑒取節投火中曰還汝節
泚衆皆大哭涇卒遂殺令言泚乃北趣驛馬關至
彭原西城屯其將梁庭芬射泚墜院中韓文等斬
之詣涇州降傳首行在

靈臺縣在州城南九十里

古密湏國左傳密湏之誠與其大輅文之所以大
蒐也杜註密湏姑姓在安定陰密縣按陰密城在
今縣西五十里城內有密康公冢文王廟在縣東
二十里左丘明廟在縣東北三十里○志云靈臺
縣隋析置取文王伐密而作靈臺之義元以良原
陝西名勝志卷之七

縣省入按良原卽廢縣西南三十里之白石原也
原分爲兩其一曰良原一曰梁社原漢書云屬安
定縣亦卽隋與靈臺同置者又有臥龍原在今縣
東十里望兒原在廢良原縣東三十里○圖經云
蒼山在縣南隱形山在縣東北各去二里其色蒼
翠而地與深也縣東北十里爲臺山多產奇木異
禽其泉秀石頂巒似臺故名又二十里爲保巖山
山勢峭拔圓環百折巔有涇臺雲霧所出入處溫
冷二泉俱發源于此○三交水在縣東南五里亦
名三香水有清水出縣南山蒲谷東北合涇川

三交水會○姐已川在縣西七十里舊傳姐已
生于此地又二十里爲無川泉其山兩重故取無
川之義又三十五里爲馬跑泉以秦王至此馬跑
泉出故名○塚廟記云晉皇甫謐墓在縣西北十
里謐安定人居貧稼穡帶經而農傳綜曲籍以著
述爲務號曰玄晏先生○金石錄云唐靈臺觀金
錄齋頌衛包撰并篆書又有脩三方功德頌衛包
撰并篆書俱天寶九載四月

靜寧州在州城西三十里 轄縣二

元置以靜寧邊境而名本渭州之隴干城也城爲
陝西名勝志卷之七

宋曹瑋所築嘗謂人曰此涇隴間有事所必爭者
州北十里橫山卽蕃部所居州南四十里有威戎
城在威戎川上宋置堡屬德順軍○水經注云水
洛水涼東逕隴山西得犢奴川口又西逕水洛亭
南西北注之亂流西南逕石門峽謂之石門水志
云水洛城去州西南百五十里其地平沃有水輪
鉛銅之利宋招討使鄭戢所築以捍西夏犢奴水
亦出隴山逕犢奴川口謂之犢奴水石門峽山石
如門其路嶄巖卽隴山北垂也江口有石門城屬
好水河之陰劉滬廟在焉滬西路都巡檢嘗破氏

羗子石門峽捍禦有功居人祀之○峪山在州東三里又三里爲上峽山○翠屏山在州南五里其下爲白土空又馬連空去州東七里牡丹空去州西南六十里其地產牡丹特盛

莊浪縣在州城東南九十里

元置莊浪路後爲州 國朝改縣邊邑之極衝者

○志云盤龍山在縣南四十里狀若盤龍故名若水川在縣西二十里又十里爲按桃原每花開時

其地如雪○曹務川在縣北三十里舊傳川傍有曹姓名務者居之陽三川在縣西南七十里山陽

陝西名勝志卷之七

有川三道合流處也又三十里卽蓮花城宋鄭戩

行邊至此天寒將佐置酒會幕塵起有報敵騎至者戩曰此必三川將校邊面也已而果然○國初

知莊浪縣事顧佐舉職庶能人咸畏服值端陽節

會射諸將領率以文士易之佐連發三中見者無

不驚歎後累官都御史

隆德縣在州城東九十里

宋天禧初置隆城寨于此金置縣加德字○志云

襟山在縣南十里山勢延袤若衣襟故名美高山在縣東南二十里山形聳秀底堡水出焉西南流

與好水合好水源出縣東六盤山西南流合于苦水卽任福與西夏人戰沒處○孤樹川在縣北三十里靈湫在縣東北四十里馬蘭川在縣西北六十里又十里爲武延川昔有武延者居此川之傍故名宋曹瑋知渭州日與陳興泰翰破章惇族于武延川卽此處也

陝西名勝志卷之七

陝西名勝志卷之七

十六

陝西名勝志卷之八

臨洮府

隸陝西布政司

領州二縣三

閩中曹學佺能始著

史記秦始皇遣蒙恬發兵三十萬北築長城起自臨洮燕林注云地居洮水之陽也後爲吐谷渾據之周明帝逐去吐谷渾因立洮陽郡于此其城卽吐谷渾所築南臨洮水極險今謂之洪和城矣宋爲鎮洮軍金曰臨洮府國朝因之○唐岑參發臨洮將赴北庭別開說輪臺路連年見雪飛春風不會到漢使亦應稀白草通疎勒青山過武威

陝西名勝志

卷之八

勤王敢道遠私向夢中歸○文獻通攷青唐錄一卷右班殿直李遠撰元符中取邈川青唐已而皆棄之遠紹聖武舉人官鎮洮奉檄軍前記其經歷見聞之實繁然可觀○熙寧收復熙河陣法三卷觀文學士九江王韶子純撰○武經龜鑑二十卷保平軍節度使王彥撰隆興御製序其書以孫子十三篇爲主而用歷事證之

狄道縣

附郭

秦舊縣本隴西郡治晉惠帝析置武始郡以狄道爲降狄道故十三州志云降狄道今日武始也宋

陝西名勝志

卷之八

熙寧收鎮洮軍爲熙州治內有熙春臺卽因熙州而名其後州廢而臨洮郡因焉○寰宇記云洮水源出西傾山亦名強臺山在縣西南百五十里入吐谷渾界按志洮河西自羗中流入郡境盤東山峽中千數百里始經城南浩然奔放其聲如雷故曰洮洮之爲言噴沫而怒咷也岑嘉州詩客舍洮水聒良指此西傾之山相與爲連華山夏牟山常家山其峽曰鎮林峽石井峽皆洮水所經而縣南之抹邦金川縣北之三岔打壁諸河俱入焉○夏牟山在縣西三十里山下產牟麥特盛故名常家山在縣西南六十里山有龍湫深廣衍爲九曲十八灣宋蘇明允嘗有頌又八十里爲蓮花山峯形疊登若蓮花然○鎮林峽在城南六十里林木鬱森四封蔽塞故名石井峽在城北百二十里峽內有泉冬夏不竭○抹邦河在城南三十里流經抹邦山下宋神宗時羗人入寇帥臣王韶趨抹邦出壓敵軍而陣焉又二十里爲邦金川卽神誼等驍鬼章夜渡邦金川至鉄城黎明大破之者也打壁河源出石井峽三岔河源出三結水俱在縣西北三十里○嶽麓山在城東二里上有超然臺又八

里爲滴水岩白石竇中出洒落岩下如珠故名
又二十里爲玉井峯峯頭有井其色如玉故名○
西平山在城西五里唐西平王李晟所封其地曰
西平里之蘭家灣又五里爲煌鼎山一名香爐峯
以形似故名又二十里曰騰脂嶺和傳呂布所乘
赤兔馬產于此又二十里有谷東西僅踰數百步
上有窾可親天日名曰通谷宋熙寧間置堡在谷
口○碧井山在城南二十五里又二里有嵐關坪
關口險隘坪上高敞廣袤可十餘里又四十里爲
贊嘉谷內有贊嘉神廟及靈湫池○太平原在城

陝西名勝志

卷之八

三

北三十里其地平原百頃故名又百二十里爲摩
雲嶺雄峻參天設巡簡司于上○魏書云狄道東
南有高山乃征西將軍陳泰自陳倉潛行夜至其
處多舉烽火鳴鼓角城中將士聞援兵至皆驚踊
初蜀將姜維領數萬人趣狄道泰救雍州刺史王
經進屯勿戰須泰軍到東西合勢乃進經不從與
維戰于洮西大敗乃還保狄道城及救至始得出
○雍大記引前漢書云白石山在狄道縣東王莽
曰操虜頗師古以狄種出此山下故云狄道又離
水出西塞外東至枹罕入河莽曰礫應應劭謂白

石山在其東矣○唐書大曆元年吐蕃悉衆擾邊
右軍都將李晟臨洮人自鳳翔帥千人蕪行出大
震關趨狄道入吐蕃定秦堡焚其積聚擒堡使暮
容谷種吐蕃聞之乃釋靈州之圍而去

渭源縣

在府城東
百二十里

漢首陽縣後魏大統元年改爲渭源寰宇記云渭
水出縣西二十里烏鼠山爾雅烏鼠共穴其烏名
餘其鼠名滕禹貢導渭自烏鼠同穴是也又西五
里爲南谷山山上有高城嶺嶺上有城號渭源城
渭水出焉三川合注東北流逕首陽縣西與別源
合水出南鳥鼠山渭水由此出谷按水經注渭水

陝西名勝志

卷之八

四

出南谷山在鳥鼠山西北大禹只自鳥鼠同穴導
之耳後周宇文迪詩渭源奔鳥穴輕瀾起客亭淺
淺蒲稠響蕩蕩竟川鳴潘生稱運石馮子聽波聲
斜去臨天半橫來對始平合流應不雜方知性本
清○志云清源河出縣西南三十里之五竹山東
流入渭又縣西十五里有分水嶺東流者入渭西
流者入洮○銀溝谷在五竹山下其山多產細竹
峯巒奇秀有巖曰秀峯岩去縣南五十里○七峯
山在縣東北七里上有七聖廟因名七聖山又北

爲鳳凰山○白椿嶺在縣南界路通岷州嶺上多生此樹故名○渭源堡在縣西北三百二十步宋熙寧間王韶大破羌人于此隋煬帝臨渭源詩西征乃屈此山路亦悠悠地幹紀靈異同穴吐洪流濫觴何足擬浮槎難可傳驚波鳴磬石澄岸瀉巖樓滔滔下秋縣森森肆神州長林嘯白獸雲徑想青牛風歸花葉散日舉烟霧收真爲求人隱非窮轍迹遊 國朝教英宿鳥鼠山西風無伴獨登樓鳥鼠山空屬叫秋家在五湖烟水外何人燈下說蓬頭

陝西名勝志卷之八

五

蘭州在府城北二里領縣一

隋開皇置以阜蘭山爲名山在州南五里漢書霍去病爲驃騎將軍擊匈奴屯兵阜蘭山下卽此地也山峽有五眼泉相傳去病士卒疲渴以鞭卓地泉湧者五隋因置五泉縣于此宋改爲蘭泉縣旋廢○一統志云黃河在州城北源出西域崑崙山經積石流至州城北灘渾三水入焉河岸有望河樓唐岑參詩古戍依重險高樓接五涼山根盤驛道河水浸城牆庭樹巢鸚鵡園花隱麝香忽如江浦上憶作捕魚郎○按泚水見郡下灘水在州

東十五里源出塞外經阜蘭山與甘肅水合泚水在州西百八十里一名金城河源出大小榆谷南流與泚水合○筍蘿河在州西南六里又里許爲黃峪溝西柳泉在州東二十里又十里爲東柳溝俱北注河夾河有灘宜播五穀距州西北十五里其地有缺馬亭漢武帝遣李廣利伐大宛候龍馬于此○志云州南有龍尾山蜿蜒入河壩卽馬塞山之支也河濱有石如龜伏城垣下俗謂夏禹決河故道謂之石龜城又有虛皇閣在河北岸突出戊樓間高九明矣足眺金城之勝○金城漢郡卽

陝西名勝志卷之八

六

允吾城也在州西南五十里昭帝年置應劭以爲築城得金故名薛瓚云金者取其堅固也故墨子有金城湯池之喻王莽之金屏也十三州志曰大河在金城北門金州北有金城關當河北岸是矣○石門山在州西南水經云瀉水東北經石門口者也東岡陂在州東二十五里唐太宗獲禘亮于此又十里爲女遮谷在天都山之下宋神宗時苗授李憲伐夏人取蘭州師次于此破賊斬首萬級○水經注云瀉水出塞外西北抵故允吾縣入鄯津水逆水源出允吾縣之參衙谷東南流經街亭

城又經杜陽縣故城東南入湟水東流有梁泉注之泉出金城之南山宇文周將梁暉至此爲羗所圍暉于無水暉以青羊禱於山神飛泉湧出兵士取給今呼爲梁泉水與湟水合注于河湟水又東逕允街縣故城南漢宣帝神爵二年置王莽之脩遠亭也縣有龍泉出允街谷泉眼之中水文作蛟龍狀或試撓破之尋復成龍畜生將飲者皆畏避而謂之龍泉下入湟水湟水又東南逕廣武城西故廣武郡尉治郭淮破叛羌治無載于此處矣按梁暉字始娥南川今名白石山在州東南八十里

陝西名勝志

卷之八

七

里參街谷在州西百二十里又一百里爲廣武城唐寶應後陷于吐蕃張祐登廣武城詩廣武原西并奉夷此浩然地盤出入海河遠國連天遠樹門邑高橋萬里船鄉心日云暮猶在楚城邊○琵琶山在州西百三十里峻嶒曲折似琵琶首故名○鸛嶺山在州南百七十里一名可狼山俗呼熱薄汗山昔西秦乙伏乾歸太子熾繁築城於此又有狄道安城在西南界昔研義留河屯聚之處漢榆中城在其東境後漢隴廩相曹鳳上言西羌爲害自建武以來居人小榆中土地肥美卽此處也

水經注云河水又東過榆中縣北昔蒙恬爲秦北逐戎人開榆中地徐廣曰榆中在金城晉阮嗣宗勸進文所謂榆中以比者按卽今之大小榆谷也

金縣

在州城東九十里

金正大間爲金州元以龔谷定遠二縣省入國朝降縣○志云龔山在縣南二十里小龔河發源于此漢趙充國宋狄青皆嘗所置寨處也縣北三十里有定遠城唐郭元振置韓遵表爲警州者按龔谷定遠二縣名取焉○馬寒山在縣西南三十里又名馬衙山綿亘數百里勢極高峻雖夏冰雪不消浩疊河所出水經註曰湟水又東與閣門河合卽浩疊河也水出西北塞外東入塞經浩疊城南漢義渠將騎備羌所築王莽之興武矣闕駟曰浩讀閣聲故亦曰閣門水志云閣門城在縣西二十里又縣南有閣門橋閣門河水所經計十五里小龔河出焉東流與浩疊河合○前川在縣東四十里又二十里卽後川也稍南爲好麥川前後有清水河稠泥河紅柳溝黑池諸水注之縣西有卧龍川野牧全縣北有把石溝賈子溝諸水皆由浩疊以注黃河右河水去縣北六十里○鷄爪山在

縣東四十里馬尾山在縣南七十里俱以形似而名○亂山在縣東北八十里其山稠疊數百峯參差如劒戟黃河又東北越亂山中過寧夏出塞外始轉入中國界○樓雲閣在馬衙山口石碣刻宋人詩倚天危閣帖重閣細路縈紆石磴長曲澗碧流疏宿雨夾山紅葉助斜陽後缺其半

河州在府城東南二百七十里

禹貢導河積石在金城西南河水之所經也州以是名○志云積石山在州西北百二十里南峯如削黃河中流西臨蕃界國初置積石關以易馬

陝西名勝志

卷之八

九

黃河于此有津渡焉經曰河水又東逕石城津是矣按志黃河上渡路通西寧積石關西有湫池周圍莊浪黃河上渡路通西寧積石關西有湫池周圍三十里池岸萬木森然葉落水上輒自堆岸積恍求之有玉采精光照映人嘆其神號曰顯神池關東有禹廟晉書地道記曰禹所出也在大夏故城南王莽之順夏矣志云大夏橋在城南三里大夏河所經一名白水又城東十里有招橋兩岸開鑿禹跡猶存又二十里爲淺湖橋舊傳禹未鑿時州地皆湖水既疏入黃河湖始爲陸按今之河州川

卽舊湖地東西二里南北十五里州北三里有萬頃原四望寬平居民稠密東西百里南北五十里唐及五代俱名廣大原亦昔時蕃漢所駐牧地也○鳳凰山在州東十二里山形若鳳凰然昔稱河州爲鳳林郡以此○雪山在州西南百五十里接洮州蕃界四時皆雪山之石如骨露又名露骨山○杜甫秦州雜詩其一云鳳林戈未息魚海路常難候火雲岑峻懸軍幕井乾風連西極動月過北庭寒故老思飛將何時議築壇按唐書河州有鳳林縣北有鳳林關魚海亦縣名郭子儀破柁罕等

陝西名勝志

卷之八

十

十寨取魚海等五縣是也西極北庭俱在雪山之下○河州故城在河州衛西南卽漢柁罕縣治獻帝時有宋建者因涼州亂據河湟曹操討平之其城遂廢爲曠野又有鄯州城本吐谷渾所築後周武帝逐之以置鄯州總管府隋唐或與洮河郡更爲廢置遼漢宣帝之世趙充國屯隴西羈縻諸羌不敢動卽此處矣其曰晉興城大夏城俱後漢置曰河津城達化城俱後周置曰廣威城米川城龍支城積石軍城俱唐貞觀間元大寶等年置曰定羌城寧河城俱宋初置而元之河州路當治定羌

按渭州自 國初置衛始廢至景泰二年復置為
督撫防秋所駐

陝西名勝志卷之八終

陝西名勝志 卷之八

十一

陝西名勝志卷之九

閩中曹學佺能始著

鞏昌府隸陝西領州三縣十四

後魏永安中置渭州因渭水以爲名禹貢導河自
鳥鼠同穴者也唐寶應後陷于吐蕃宋皇祐間置
右渭寨以示羈維崇寧改鞏州取鞏固之義金始
爲鞏昌府 國朝因之○邵志云隴以西相傳梁
云戎羗所居夫戎居北海羗居西海若風馬牛之
不相及也史記世家秦穆公伐強西徂戎狄得由
餘西戎八國服于秦故隴以西有綿諸緄戎翟獫狁
之戎各分散居谿谷猶緄巴之緄戎徐州之徐戎
也范曄後漢書云王莽之時以其比化東致南懷
惟西未附乃遣中郎將平憲等多持金幣誘塞外
羗使獻地內屬羗豪良願等獻西海鹽池平地自
居險阻爲藩籬然則隴以西春秋時戎始入錯居
西漢末羗始入錯居也秦州曰在其板屋蓋言從
征之人與戎相接云爾顏氏曰襄公出征婦人居
板屋中念其君子是也傳乃云西戎板屋大西戎
穹廬毳毼浮居沙漠而就水草顧安所得林木哉
則傳或未之詳耳

隴西縣 附郭

史記秦昭王伐義渠戎始置隴西郡郡有人坂名曰隴坻郡處坻西故曰隴西也按隴西水治成紀三國魏移治于襄武嘉平五年蜀將姜維圍南安襄武不克是美南安魏漢靈帝所止治獮道縣在城東二十五里後魏曰南安陽郡至隋始廢而襄武卽今理也○隴西記云襄武有錦鏡峽爲黑水所經其峽四望花卉明媚照影其中因名又有五谿楊盛分差爲部錯居谿傍每谿爲五聚于是有五谿之號○注水經曰渭水出隴西首陽縣渭谷陝西名勝志卷之九 二

亭南鳥鼠山又東南流逕首陽縣南右得封溪水次南得廣相溪水次東得其谷水左則天馬溪水次南則伯陽谷水並參差翼注而東南出按志故首陽縣在縣西四十里今爲首陽關鳥鼠山俗呼爲高武隴其山絕壁千尋山來乏水周武帝時且盧勣爲渭州刺史有惠政華夷悅服馬跡所踐忽飛泉湧出又有白鳥翔止廳前乳子而後去民爲之謠曰我有川陽山出玉漿濟我人夷神鳥來翔因呼其泉爲玉漿泉○經曰渭水又過襄武縣北廣陽水出西山二源合注成一川東北流注于渭

渭水又東南逕襄武縣東北則頭川水入焉水出荆谷東北逕襄武縣故城王莽更名相桓漢護羌校尉溫序行部爲隗囂部將苟宇所拘衛鬚自刎處也後漢書序字次房太原祁人建武六年拜謁者遷護羌校尉行部至襄武爲隗囂別將苟宇拘劫序大怒以節撻殺人乃衛鬚子口伏劍而死其水東北流注于渭又東泉水注之水出西南在富谷東北流入于渭魏稱咸熙二年襄武上言大人見身長三丈餘跡長三尺一寸白髮著黃單衣巾拄杖呼民王始語云今當太平十二月天祿永終陝西名勝志卷之九 三

曆數在晉遂遷魏而事皆按志崔富谷在城南十五里泉水在城西八十里又十里爲荆谷則頭水所出也○渭水又東過獮道縣南右則天馬溪水次則同水俱左則過水右注之渭水東南逕獮道故城西昔秦孝公斬西戎獮王于此秦本紀注云獮音桓應劭曰獮戎也漢靈帝五年別爲南安郡赤亭水出東南赤谷西流逕城北南入渭水渭水又逕城南得栗水水出西南安都谷東北流注于渭○志云渭水入郡城中分爲東南西北四池其北卽舊學池也皆前後溝引以資汲取又縣東十

五里之東山赤亭水所出縣西九十里之西山廣陽水所出縣東南三十里之華林山靈湫池所出西北三十里之湧泉谷湧泉水所出縣西南四十里之石門山灑水所出俱流注于渭○仁壽山在城南距十五里為赤崙山有赤崙山關又六十里為馬鹿山石崖險固郡之要區也又城東南十里在桃花山上有石峽香花寺○河北坡在城北七里鴉兒峽在城東四十里耳川谷在東北二十里○古諺曰郎樞女樞十馬九駒安陽大角十牛九犢謂其地宜于畜牧也輿地紀勝以郡有耕天村

陝西各勝志

卷之九

四

其田曰雲下田宋鮮于侁詩行行未省見平川雲下誰知別有田山聚邑居能習險人愁粒食自耕天○後漢趙壹唐李自俱隴西人壹為人恃才倨傲體貌超群舉至京師名動一時士大夫望其采木幾西還十辟公府皆不就終于家所著有賦頌箴諷書論及雜說十六篇又有見志詩以自況白字太白母孕夢見長庚星入懷而生謚以名之入長安賀知章見其所題詩于傳壁間歎曰謫仙才也

安定縣

在府城西北八十里

唐渭州西市貿馬之所宋元豐間始立定安城于此元改為安定州 國朝降縣○水經注曰渭水又東與新興水合志云古新興縣也今廢有興原山在城東二里又三里為照城山其支曰興雲山遶城東北又東迴一里曰鳳凰山○西巖山在城西二里有橋跨西河上曰西土橋東河味苦西河味甘俗名甘水河○苦水出麻子川距城南四十里其水出甸子川東西二十里南北三十里通渠流水物產繁盛內有烏龍關故址由城北歷錦溪原五川凡六十里○南安山在城南一里以古屬

陝西各勝志

卷之九

五

南安郡地名又五十里為雙峪嶺又三十里為胡麻嶺世傳張騫開西域時獲胡麻以歸因種于此○城北四十里有曉日關路通其肅又四十里有關川西通蘭州北通靖虜皆要區也又二十里為北山其山形勢自出稠疊難狀故名○隋安定縣官寺碑開皇八年五月立

會寧縣

在府城西北二十里

西魏之會州也唐武德初領烏蘭西寧二縣宋金隣于河西初治保川後僑治會川○志云西寧城在縣東二十里其城有三谷謂之連城元復置西

寧縣取此仍以會州徙焉故兩用之○烏蘭山在縣北二十里烏蘭縣設此山下金將郭蝦蟆與元師戰不利自焚其身處也○物產志云地產五色土可資藻繪其曰桃花山在城東南五里土石俱赤如桃花曰青土峯在城南二十里或云城北百里有之土色粉青峯係棟宇又城南十里有白土峯其土白膩如粉故名又有紅石崖石色皆紅卽本草所載代赭石也去城東一百二十里○黃河北去城可二百里城南有康岔河俗名南河迤東三十里有松樹岔河又南二十里有米家峽河

陝西名勝志 卷之九 六

城東有什字川里河又東一百里有響河城西北九十里有乾溝河又九十里有祖厲河已上俱入黃河而縣界之紅柳九眼懷戎諸泉及顯聖黑池金龍峪諸湫仍流出汪之○按什字河發源隱山諸谷在城東五十里米峽河發源蒸餅山諸谷去城南六十里卽今同寺牧馬場也響河出懸崖下湍急觸石聲聞數里又迤北爲祖厲河以邑舊名祖厲因以名之攷沿革表祖厲縣在漢爲枝陽屬金城郡廢址不可攷○雪山在縣北五百里春夏積雪不消蕃界之極寒也其下多產白草名白草

原

通渭縣 在府城東北六十里

渭水在城北有照城山在其上以渭水所經也渭水過城南二十步華川水入焉華川去城西八十里四圍平垣草茂水清 國朝置安定苑於此寄牧園長治之屬苑馬卿○城東三十里有海子川城西十五里有中川俱同華川注渭○錦鷄峽水在城西二十里又稍東十三里去城七里爲甜水河水出其谷此鷄川其谷二縣所由名也元時省入地爲襄武東北及其松甘谷鷄川三縣而鷄川爲多○錦鷄峽又西五里爲中林山上有太白廟又迤南二十五里爲十八盤山山路嶮阻經十八盤始可上又艾蒿山在城東北五十里徑東再四十里曰斗底出其形如斗故名○注選詩云秦嘉字士會隴西人爲郡士掾諸贈婦詩渾質典雅自出漢風其妻徐淑各詩亦不下士會按郡志嘉渭城人卽通渭之渭城里也俗呼爲秦家村其詩不具錄

漳縣 在府城南七十里

漢舊縣也漳水發源縣西之木寨坡西北會西傾

山水西南會東所谷水併流入渭按師谷水發源
箭筈山去縣三十里西傾山禹貢所載去縣西北
八十里詳臨洮下○水經注曰渭水又東北流與
彰川合水出西南溪下東北至郿縣南本屬故道
候尉治後漢縣之永元元年帝封耿秉爲侯國也
渭水又東逕武縣西武城川水入焉津源所道出
鹿部西山兩源合注東北流逕鹿部南亦謂之鹿
部水又東北昌丘水出西南丘下東北注武城水
亂流東北注渭水渭水又東入武陽川又有關城
川水出南安城谷水出北丘川參差注渭渭水又
陝西名勝志 卷之九 八

寧遠縣 有府城東

宋寧遠縣置因年號爲縣名大明通紀洪武二年
入兵下鞏昌邑民王肅率衆歸附處也○志云廣
吳山在縣西二十里有廣吳堡故城廣吳水迤其
下按廣吳水與山卅水同源岷山流經縣西十五
里之出卅鋪謂之出卅河又五里之廣吳山謂之
廣吳河縣東有瀉泉縣西有清泉又西南有湧泉
各去城半里許俱經縣北合廣吳山卅二水流注
于渭○石門山在城東北五十里四圍皆峽僅容
一門其下有洞光映如月名夜月洞又縣西四十
陝西名勝志 卷之九 九

里爲魯班山俗傳魯班鑿洞居此又十里爲尖峯
川山上有池曰太白池 國初王禕寧遠縣中書
事舊縣開新廨高城接垣水聲爭入渭川勢遠
連番雨非供春饌天桃照曉尊故人情意厚來此
駐歸軒伍福分司詠竹迺遞來聽來問俗喜見分
司兩叢竹蕭蕭涼韻度清風暮暮晴光鎖寒綠塵
爭渾無俗客看月明惟有靈禽宿

伏羌縣 在府城東
百八十里

春秋冀戎地爲秦武公所服因置冀縣後周曰冀
城唐改曰伏羌夫天寶末陷于吐蕃宋建隆三年

陝西名勝志 卷之九 十

復秦州上言吐蕃尚波十等以伏羌縣來納者也

○寰宇記云天門山在縣南三里山有兩穴如門

故名○宋開山在縣西南三里即禹貢之西傾也

俗名巖山又一里爲大像山石崖上有佛像一軀

自頂至趾凡一千二百三十尺緣閣道以登○又

西南二十五里爲錦鏡山渭水西自寧遠縣來流

之又經縣北三里縣西有永寧河西南有沙溝河

東北有散渡河俱流入渭○按志東漢冀縣屬漢

陽郡尋又置漢陽郡于此領漢陽平襄二縣魏明

帝時諸葛亮引兵至南安漢陽皆應亮是矣○經

曰渭水又東過冀縣北註云渭水至黑水峽又至

峽峽南有一十水注之北則溫谷水注之其水道

平襄縣南山溫溪東北流逕平襄縣南城故襄戎

邑也王莽謂平襄縣矣其水東南流歷三堆南又

東流而南屈入黃槐川春夏水盛通川汙渭次則

平谷水南入渭水又南有長塹奈水次東有安浦

溪水又有衣谷水並南出朱圉山在梧中聚有

石鼓不擊自鳴鳴則兵起漢成帝鴻嘉三年大水

冀南山有大石自鳴聲隱隱如雷有頃止聞于平

襄二百四十里野鷄自鳴石長丈二尺廣厚畧等

陝西名勝志 卷之九 十一

在崖脇去地百餘丈俗名曰石鼓鳴則有兵是歲

廣漢鉗子收死囚盜庫兵畧吏民衣繡衣號爲川

君堂與寇廣至明年冬伏誅自歸者三千餘人亦

信而有徵矣其水北逕冀縣城北秦武公十年伐

冀戎縣之故大水郡治王莽更名鎮戎縣曰冀治

漢明帝永平十七年改曰漢陽郡城即隄縣稱西

伯所居馬超之圖冀也涼州別駕閭伯儉潛出水

中將告急夏侯淵爲超所擒令告城無救伯儉曰

大軍將至咸稱萬歲超怒數之伯儉曰卿欲令長

者出不利之言乎遂殺之渭水又東合冀水水出

黃谷次東濁谷水次東有當里溪水次東有託里
 水次東有崇谷水次東黃土川水俱出南山北達
 冀城東而北流于渭渭水又東出峽入新陽川
 逕新陽下城南溪谷赤蒿二水並出南山東北入
 渭渭水又東與新陽崖水合卽隴水也東北出隴
 山其水西流隴右逕瓦亭南隴驛聞畧陽陷使牛
 耶守瓦亭卽此處矣其水出隴山東南流歷瓦亭
 北又西南合爲一水謂之瓦亭川西南流逕清溪
 溪北又西南與黑水合水出黑城北西南逕黑城
 西西南流莫古南川水注之水東北出隴山出西
 陝西名勝志卷之九
 南流歷黑城南注黑水黑水西南出懸鏡峽又西
 南入瓦亭川又有澹水自西東合世謂之鹿角口
 又南逕阿陽縣故城東中平元年此地羌胡與蹇
 章侵隴右漢陽長史蓋勲屯阿陽以拒賊卽此城
 也其水又南與燕無水合水源延發東山西注瓦
 亭水瓦亭水又南左會方城川西注瓦亭水○按
 志方城川今之中川渡是又懸鏡峽卽在錦鏡川
 中其曰清宿溪者唐貞觀之夷賓縣以是名也永
 寧河側有宋時永寧縣故城本羌戎之落門谷雅
 熙中知州溫仲舒發兵取之遂置永寧砦後爲縣

至元時省

西和縣在府城東南四百里

九域志云岷山土黑無樹木其西有天神洮水
 經其下帝禹於此見長人受黑玉書者也漢地理
 志洮水出西羌經岷山下北至抱罕東入于河按
 本秦之臨洮縣地西魏文帝置岷州矣宋紹興間
 洮岷叛將相繼降虜宣撫吳玠復五路以李永琪
 守岷遂移於白石鎮及金人請和始改岷曰西和
 以邵爲和政故也淮南有和州故此曰西字以別
 之州本治長道縣長道本漢上祿縣地後漢上祿
 陝西名勝志卷之九
 長和海諫黨錮之禍者○治西南有都公營唐行
 軍元帥鄴國公竇軌討薛舉部落駐軍於此○治
 西北百許步有官泉又倍之有盧泉出鳳凰山下
 盧家園內又三里有九龍泉卽長道故城也其
 水夏涼冬溫四時不竭流出白石鎮以漢時有星
 隕成白石如龜故名鎮城唐宣宗所築漢水經其
 下郭思正詩云落星一石幾千年門外何人叩漢
 川○白水江北從西蕃界來西漢水東北自秦州
 廢天水縣來俱經縣境舊傳西漢水卽鹽官水漢
 地理志隴西鹽官鎮有鹽官水是也白石水注之

○寰宇記云祁山在縣東十里上有城漢時築極嚴固開山闢以漢陽西南有祁山九州之名岷天下之奇峻也蜀後主建興六年諸葛亮率諸軍攻祁山製木牛馬以餽運處亮表云祁山去沮五百里有八萬戶瞻其丘墟信爲殷矣漢水遶其南有諸葛亮壘塹傍左右嘗有豐草蓋亮所手植也志云今之南北二岬卽祁山萬戶出租五百者古語南岬北岬萬有餘家是矣山上有高樓武涉之神每歲郡邑祠之宋大觀間郭思正作神廟記以屏風峽爲祁山止峯云○水經注曰漢水又西南逕

陝西名勝志

卷之九

五

祁山軍南鷄水出南鷄石北逕水南縣西北流注于漢漢水又西建安州水入焉其水導源建威西北山白石戍東南二源合注東逕建威城南又東與蘭坑水會水出西南近溪東北逕蘭坑城西東北注建安水建安水又東逕蘭坑城北建安城南其地故西縣之歷城也楊定自隴右徙治歷城卽此處去仇池一百二十里後改爲建安城其水又東合錯水水出錯水戍東南而北入建安水建安水又東北有雉尾谷水又東北有大谷水又北有小祁山水並出東溪揚波西注又北有舍胡谷水

水西出胡谷東逕金盤歷城二軍北軍在水南層山上其水又東北逕寒峽元嘉十九年宋太祖遣龍驤將軍裴方明伐楊難當將妻子北奔安西參將魯尚期追出寒峽卽是處矣漢水西南逕武植戍南水潞北山二源奇發合于安民戍南而西南流注漢水漢水又西南逕平夷戍南夷水注之水出北山南逕其戍西南入漢水漢水又西逕蘭倉城南又南右舍兩溪俱出西山東流注于漢水張華博物志云溫水出烏鼠山下注漢水疑是此水而非所詳也○一統志云鷄峯山在縣東北十五

陝西名勝志

卷之九

五

里山形如圭亦名圭山寶泉山在縣北二十里上有湫池○睦峒山在縣南百二十里通靈山在縣東南三百餘里四山環合一水縈流有清泉自巖竇飛瀝如玉繩○城塚記云石堡城在縣南十八里高百丈上有石城城中有石井深一丈水色湛然故老傳云昔人避難于此開水以飲敵人欲漏其水左右穿鑿不見水脉○鹽官城在縣南三十里隴西記云去嶓冢西四十里有鹽井水與岸齊味極甘美食之破氣今鹽官水流到城北二里○大潭縣故城在縣東南三百里西魏之潭水郡也

元和志以濁水從長道縣穿大潭入階州是矣宋初置縣懸寧中兵廢○仇池城在縣南與同谷縣界昔楊難當因川築城自固山之上屬長道下屬同谷按仇池山南去縣一百里四面壁立峭絕險固自然有樓櫓邦敵形絕頂平地方二十餘里又有溫水泉如湖水可煮鹽自下而上羊腸盤道三十六迴卽楊難當所據杜甫詩云萬古仇池穴潛通小有天神魚人不見福地語空傳近接西南境長懷九十泉何時一茅屋送老白雲邊

成縣

在府城東南六百里

陝西名勝志

卷之九

十六

西魏之成州也唐天寶中改爲同谷郡乾元復爲成州元以同谷栗亭二縣省入國朝降爲縣按同谷原在郭下栗亭廢縣在城東五十里之栗亭川○宋晁說之同谷人有清風軒記畧云守居東隅軒曰清風疊嶂前後爲之屏几清風無時而不來也吾郡昔武都之所領有漢武都郡太守河陽李翁德政碑在魚竅吹其辭曰民歌德惠穆如清風昔人或本此而名軒與按魚竅距城西二十里天井山之下漢耿勲磨崖碑在焉○同谷志云成州介秦隴間古爲用武之國漢高祖以曹參攻

下辨卽今地也宋郭執中詩下辨土風殊不惡我生薄賦自多屯○石洵直城隍記云俗重冬至饋遺慶賀獨盛或以地近西周尊周正也其民質朴勁勇有古腔峒之氣按史記黃帝至崆峒登鷄頭山志謂山在縣西南十五里狀如鷄頭故名中有龍洞院後有觀佛亭傍有五兄弟山以五峯突起如兄弟然○雙梧堂在成州舊郡廨張行成爲之記石洵直以唐長慶初遷郡下寶井卽今治也寶井山在縣東南十里與太祖山相接宋元豐間李宜記云巖巒聳秀林壑邃深下瞰數州歷歷可辨

陝西名勝志

卷之九

十七

○方輿勝覽云郡城有八景樓蓋取仇池鳳臺醉仙崖仙人龕鹿玉山泥功山裴公湖杜甫祠也按仇池在縣西北百里辛氏三秦記云仇池山有池百頃戰國時爲白馬氏之處范曄注後漢書河池方百頃左右悉白馬氏矣其山東西二門盤道可七里上有岡阜泉源叢土成鹽居人以萬數西晉末爲氏楊茂搜所據官室困食皆立板屋稱藩于晉因置仇池郡英雄記載許靖過仇池樹下有碑一覽無遺唐杜甫詩云讀記憶仇池蓋指此也仇池山下有飛龍峽昔氏楊飛龍據此而名杜子美

有倚居飛龍峽寄竹上人詩○縣東之東河水源
出秦州南又有南河即名下泝水源出青泉堡南
俱入龍峽注于嘉陵江嘉陵水即漢水也峽傍有
潭其深莫測口萬丈潭相傳有黑龍自潭飛出杜
詩云溪合冥漠神物有顯晦龍依積水盤屈壓
萬丈內即此也又有下泝泉在飛龍峽下萬丈潭
之左宋喻陟所題其詩云萬丈潭遙萬丈出根
寶落飛泉石去縣東南七里○越三里爲鳳凰
山漢世鳳凰棲焉其下爲鳳村溪中有雙石如闕
山腰有瀑布名道鏡泉相傳鳳凰時鳴此泉側唐

陳西名勝志

卷之九

六

杜子美詩亭亭鳳凰臺北對西唐州西伯父寂寞
鳳聲今悠悠巖上有天寶間哥舒翰留題又有唐
公廟唐高祖成紀人及卽位以隴州刺史請立廟
祀上人但目爲唐公公廟內有後唐天復中知成
州李彥琛脩經閣碑刊官常汶撰○醉仙巖南連
鳳凰山有仙像在崖壁如世人所畫醉仙狀宋魯
百能詩高倚青冥掛酒星小崖誰作醉仙形從來
天地爲余枕應笑人間有獨醒○鹿王山在縣東
十里雲徑如絲有獅子洞洞傍溪水漱石如玉名
曰玉井宋游師雄詩有玉井響侵獅子洞之句○

仙人窟在縣南三十里相連石洞五各去百步昔
傳有公孫八王子學仙于此亦名五仙山山後有
洞時流出小石如碁子○泥功山在縣西二十里
唐貞觀五年權置行州于此舊城基存有泥功廟
石像入成古惟殊甚唐趙鴻詩立石泥工狀天然
詭惟形未嘗私禍輻終不費用青○裴公湖在城
西南隅唐刺史裴守真所開種荷數十畝花柳夾
岸爲一邵之勝湖隈日雲錦張行成爲之記李師
中詩對面好峯橫翠幕繞城垂柳拂清漣○杜甫
祠在縣治儀門左唐大寶末闕輔饒亂甫以華州

陳西名勝志

卷之九

七

司功棄官之秦州寓居同谷躬負薪拾橡栗以自
給有同谷七歌○于美姪佐寓東柯谷後爲寺名
口有大樹人呼爲于美樹甫詩云傳道東柯谷深
藏數十家對門藤蓋瓦映竹水穿沙○統志載郭
執中平涼之華亭人建中靖國初應詔言事切直
忤蔡京籍爲元佑黨人斥居同谷二十餘年因家
焉紹興末金人南侵執中集鄉豪禦守于龍峽山
下虜遣說誘執中斬其使于雷洞輿地絕勝又載
有王澤者同谷農家六世不析居云

秦州

在府城東

領縣三

魏黃初中分隴右爲秦州因秦初封也秦本紀云
造父之後有非子善養馬周孝王召使主馬於汧
渭之間馬大蕃息孝王曰昔柏翳爲舜主畜多
息故有上賜姓嬴今其後亦爲朕息馬朕其分上
爲隴西縣秦亭也始皇併天下此爲隴西郡地漢武
帝分隴西置天水郡六郡之一矣初治冀城繼治
上邽唐大中元年始治成紀冀郡皆戎也秦武公
滅之因縣焉○成紀以帝庖義氏孕十有二歲而
生故曰成紀漢李廣今陵唐李適隴西成紀人漢

陝西名勝志

卷之九

五

趙克國段會宗上邽人蜀姜維黃人唐狄人傑權
德輿天水人○天水湖在州城南七里秦州記以
郡前有湖水冬夏無增減故謂之天水也王莽水
隴蓋據天水有故宮在城北今爲寺杜詩云秦州
城北寺勝跡隴蓋宮○漢高帝廟在城東有平隴
蓋時建又十五里之平蘭嶺有武帝廟唐開元中
建武帝幸隴西嘗憩斯地太平廣記載元時仿帝
西巡至赤砂驛氏羌進千里馬築臺拜表故此地
有進馬臺○諸葛臺在城東二里俗謂之下幕城
傍有司馬懿臺日上幕城魏太和中亮攻天水詔

懿拒之此其地也○紀信墓在州北門卽証楚僞
降者今墓在城南二里左近有姜維故居今城
東五里之營壘映有古塚相傳維相室也石筍參
差長者至丈餘小者可爲礪杜甫詩映形藏堂隍
壁色直橫鐵○西枝村去城三里巖竇玲瓏有杉
澗之清子美嘗欲居之故有西枝村尋置草堂夜
宿贊公上室詩○十道志云昧谷在州西南克紀
中命和仲宅西土曰昧谷鄭康成註西者隴西之
西今天水縣古上邽西縣地也按亦謂之兌出一
曰嶠嶠山○赤谷在州西南七里赤谷水出焉

陝西名勝志

卷之九

五

杜詩晨發赤谷亭艱險方自茲子美又有赤谷西
嶠人家詩註云昔曹操與劉備戰于此谷川水盡
冊因號赤谷公之秦州宿于西嶠人家因有此作
○州北五十里之黑谷叢山喬林連跨數縣有黑
谷關宋紹興郡守程俊置○通典云嶠嶠山有二
其在水天郡之上邽者西漢水所出也水經注云
瓦亭川水源出瓦亭山卽隗囂使將牛耶所守之
地西南流入偃人峽東北與街泉合流入漢水街
泉漢縣俗名街亭卽三國蜀將馬謖違制爲張郃
所敗處○馬泡泉在州東四十里唐尉遲敬德與

崔將金牙戰士卒罷渴敬德馬忽跑泉湧出三軍
飲足有鄂國公祠宋游師進飲之賞其清冽因與
葉康直詩云清甘一派右祠邊昨日親烹小鳳團
那恨竟陵無品目煩君精鑒爲軍看○麥積山在
州東百里狀如麥積故名上有姚秦所建寺併梁
庾信參積崖銘隋開皇中塔記杜甫詩云野寺殘
僧小川園細路高巖香眠石竹鷄鳴啄金桃亂水
無人過懸崖置屋牢上方重閣晚百里見纖毫按
大永圖經麥積山有瑞應寺佛龕刻石閣道縈旋
上下千餘尺山上有水縱橫可涉地在東柯谷之
陝西名勝志

卷之九

至

南玉堂閒話云隴城縣東柯僧院甚有幽致高檻
可以眺遠虛窗可以來風遊人如市其山北有隴
蓋避暑宮對面瀑布瀉出十蒼崖之間三伏生涼
人跡罕至宋李師中詩路人青松翠靄間斜陽倒
影下溪灣此中猿鶴休相訝謝傳東歸自有山

泰安縣

在州城西
北五十里

宋之納甲城也秦隴城鷄川三砦地金正隆中置
縣曰泰安元以隴城鷄川名入按泰即天水郡王
莽末隗囂所據者隴城以縣東大隴山而名東漢
書漢陽有大坂是也鷄川水出鷄川谷在縣西北

三十里牛駱水注之俗謂之水洛口○經曰瓦亭
川水又東南與受渠相會水東出大隴山西逕受
渠亭北又西南入瓦亭川川水又西南流歷僊人
峽路側巖上有死人僊尸窟穴故岫壑取名焉釋
鞍就穴直上可百餘仞石路逶迤劣通單步僊尸
倚窟枯骨尚全唯無膚髮而已訪彼川居之士云
其父老作兒童時已聞者舊傳此當是數百年物
矣其水又西南與畧陽川水合水出隴山香谷西
流右則單溪西注左則閭水入焉其水又西歷蒲
池郊右魯溪西北注之其水又西歷畧陽川西得

陝西名勝志

卷之九

至

破社水谷次西得平相谷水又西得金里谷水又
西得南室水又西得蹄谷水並出南山北流於畧
陽城東揚波北注川水又西逕畧陽道故城北歷
渠水出南山北逕塗峽北入城建武八年中郎將
來歙與祭遵所部護軍王忠右輔將軍朱寵將二
千人皆持鹵刀斧自安民縣之楊城歙從番須關
中伐樹木開山道至畧陽夜襲擊器拒守將軍金
梁成等皆殺之因保其城隗囂聞畧陽陷悉衆以
攻歙激水灌城光武親將諸走西城世祖以來歙
會于此其水自城北注川蓋囂所竭以灌畧陽者

也川水西得白楊泉又西得蒲谷水又西得龍尾
溪水與渭谷水合俱出南山飛清谷北入川水又
西南得水洛口水源東導隴山西逕水洛亭西南
流又得犢奴水口水出隴山西逕犢奴川又西逕
水洛亭南西北注之亂流西南逕石門峽謂之石
門水西南注畧陽川畧陽川水又西北流入瓦亭
水瓦亭水又西南出顯親峽石巖水注之水出北
山山上有女媧祠庖羲之後有帝女媧焉與神農
爲三皇矣其水南流注瓦亭水瓦亭水又西南逕
顯親縣故城東南漢封大鴻臚竇固爲侯國白石

陝西名勝志

卷之九

諸

巖坎得蝦蟆溪水得金黑水又得宜都溪水左右
參差入瓦亭水又東南合安夷川口水源東出更
胡谷西北流歷夷水川與東陽川水合謂之取陽
交又西得何宕川水又西得羅漢水並自東北西
南注夷水夷水又西逕顯親縣南西注瓦亭水瓦
亭水又東南得大羣谷又東南得折里溪水又東
得六合水皆出近溪湍峽注瓦亭水又東南出新
陽峽崖岫壁立水出其間謂之新陽崖水又東南
流于渭○按隴河在城西三十步亦曰龍陽河十
三州志云渭水自新陽下城南又與新陽崖水合

者也畧陽川在縣東九十里亦卽隴水之別名矣
縣東有岫龍川石坂川三甸川縣西有陽兀川神
泊了中川俱流注之○按僊尸穴在縣西南顯親
穴在縣東北漢顯親縣以此名○志云九龍川在
縣東四十里其山九峯狀若龍翔磅礴百里逕秦
隴以達長安迤西爲廟山三臺山七星嶺已中嶺
皆具支也龍川又東五十里曰盤龍山俗名南山
又十里卽大隴山又二十里爲斷山山當畧陽南
北之衝哉然中起不與衆山聯屬故名○長川在
縣南二里起自隴城延袤百餘里至社樹半迤邐

陝西名勝志

卷之九

圭

而西至縣東南翩然而集一名三陽山與秦州三
陽川相連按社樹平卽經之破社谷矣又稍西曰
單十川對峙隴河之陽與縣爲屏障然○夕山在
縣西二里山形如蓋夕暉掩映崖壑廻翔秦地精
最勝者又十八里爲黑龍山陽兀鎖峽隴水三川
相爲襟帶又四十里爲八龍山其阜有八廻合如
龍狀其勢如羈如御又謂之犯龍山○陽柳山在
縣北三十里崖巒聳特俯矚符川與皋山相連又
十里爲五女峯山形纍纍如培俗謂之五女墳也
又六十里爲小長安嶺山嶺脩長亦曰長安山

清水縣在州城東百五十里

縣以水名周地圖記漢和平中分畧陽置清水王莽末公孫述爲清水長稱能吏卽此○志云卽秦仲所封也上邽之治清水爲大故上邽縣在秦清之間而地近小隴唐初置邽州于清水城後唐移之上邽鎮爲今理所○邽山在治南秦伐邽戎而置縣也其山亦曰邽山寰宇記云邽山卽大隴山亦名關山聯絡縣東百餘里界平秦隴之間此山爲大邽山山前爲大震關段谷水出焉蜀將姜維被鄧艾敗于段谷士卒流離卽此處也縣北百五十里

陝西名勝志 卷之九 水

得清水口清水道源東北隴山西南出龍口流細野峽逕清池谷又逕清水縣故城東王莽之識睦縣矣其水西南合東亭川謂之清水又逕清水城南其水曰南道水

禮縣在州城西百六十里

元置禮店 國初爲千戶所成化九年從守臣請設禮縣于所城西岷江逕其下○志云岷峨山去縣二百里岷江發源于此縣東二里有捭城河又稍北二十里有平泉河又十里有長道河宋爲長道縣地又縣東五十里至八十里有夾石毛石二

陝西名勝志 卷之九 水

峽川縣南五里有聖泉水倍之有鴉鵲水出鴉鵲崖中再倍之有吳泉又西江水在縣西九泉出水在縣北各去城二十里俱入岷江○紅上出在縣東三里又七里曰翠峰山俱以上石采色而名○縣南四十里有王川又十里有蔡華山又二十里有金紫山亦以上色類紫金也縣東比十里有四角山又二十里有飛鳳山皆取形似目之

唐景福中置本西縣之武階郡而漢武帝之武都郡也西南夷傳元鼎六年以廣漢西白馬爲武都

郡是白馬故氏種雲劉曜入長安氏羗相率降伏有豪楊茂搜者勇健爲羗氏所服自王于武都之地茂搜玄孫盛乃公諸氏羗爲二十部護軍名爲鎮戎故郡國志云武都沮水之西有角弩谷曩時蜀將姜維勦五部氏羗處後魏置五部縣于盤隄山仍改爲盤隄縣與鄧又州持於茄蘆戎者也州北百里之楊家岸乃楊氏苗裔保據爲寨謂之家計寨臨控白江山路僅容一線最爲險阨宋紹興間吳玠兄弟相繼爲將犄角此城以保蜀口又素有積貯水泉之類寇至常不能攻云○漢地里

陝西名勝志

卷之九

完

志武都郡天地大澤俱在其西以有大澤故謂之都也又武都紫水有泥其水赤紫而粘朝貢用之以封璽書故詔稱有紫泥之美矣○一統志云隄龍山在州治北一名北川逶迤入川境又有露骨龍搜等山州東七十里石鷄山上有石鷄神廟又東十里有石鷄山○州西八十里有角弩谷在沮水岸蜀將姜維剿殺五部氏羗于此○物類相感志云階州峽中有石青質黑章其文有松栢人物溪橋水石山林之狀可斷爲屏名曰花石峽又有峯貼峽在州西百一十里與番戎相接又有仙

人峽在州北二百里○城邑攷云福津廢縣在縣東七十里後魏名覆津唐改爲福津將利廢縣在縣北三百十里後魏名石門唐改爲將利方輿勝覽以流山流石所出在將利縣界福津有青閣又有十閣閣及赤閣稱青閣者也唐末陷于吐蕃五代漢肅州刺史王弘贊之任添戶三千餘請復置將利福津二邑詔褒之元省入○白水江在州南二里源自西番界來東流入蜀州西有北峪河兩小河州東有紫水州北有犀牛江俱流注之白江南岸有五仙洞深不可測懸半山間中有缺橋及

陝西名勝志

卷之九

完

黃盧木橋橋下流水作環珮聲洞內如卧龍坪尤寬廣可容百十人舊傳神仙栖止之地○白水江又南三十里有盤隄山昔盤隄縣以此名元和縣志云魏將鄧艾與蜀姜維相拒于此置有懸鼓以警晨昏後因于此置縣○楊家寨在州北一百里控白水江宋紹興間吳玠吳玠保蜀口時四州俱未有城乃命擇地爲寨而楊家寨最險阻有積粟豐于水泉俗名家計寨是也

文縣

在州東二百里

方輿勝覽云文王廟在州治後孫正臣詩秋空獨

見周王廟者也寰宇記以文王爲西伯化行羗夷
文王薨後婦人以孝壻角至今未眠譙樓記云州
故城在直西五里唐末吐蕃之難徙茲高阜號曰
文臺鮮于侁詩序文臺居萬山中郡宅高原是矣
國朝降爲縣○安靜堂在故州縣內吳凝之詩峽
束秋空一線青萬山深處長官廳此堂虛曠無餘
物面面爲開碧玉屏潭父又有得要亭詩人在江
山窟裡居江山雖好不關渠使君獨見登臨眼亭
上江山畫不如○西池在故州治西王敏仲詩一
村烟火暝秋色十里江華浮雪香○祝和父引慈

陝西名勝志

卷之九

三

霽廟記云自城圍四出蒼崖絕壁屹然巨防過橋
而左則爲東墅右則爲南山○龍頭山在城西七
里從故松州党聚山末至常州絕故以形名又其
前有龍女山山列如屏卽南山之支也蜀廣政間
郡守夢一女子于此山自稱龍女因立廟焉孫正
臣詩烟籠合處日華明龍女山橫擁郡城耆馬遠
隨流水至遷人高入白雲耕○滴水巖在縣城北
亂山矗立劃開兩峯如丫髻飛泉千尺置槽引之
以給居人又達爲飛叩洞上清洞其高接天深邃
益不可窮○白馬峪在縣西南五十里古白馬氏

所居因以名之○太白山在縣南二百餘里山谷
高深常多霜雪春夏不消西接入羗界有素嶺山
亦以積雪不消而名黑水發源于此○水經注云
黑水出于羗中西南經黑水城西又西南入白水
按白水去城東五十步源從故松州赤磨嶺流下
東至縣縣南八十步有清水江注入又有東維水
出西北維谷白馬水出縣西南之白馬溪武州水
從縣東之故疊州來金珠水石馬泉俱從縣西之
故松州來悉東注白水○白水者以其清激擊物
無渣滓也宋閻若虛詩廣深無際燭影通者魂

陝西名勝志

卷之九

三

驚不敢窺爲語世人須具眼誰知此地有天池○
按天池在縣北二十里之天魏山尚書郎朱輅記
云予斥居階州進士杜防言自階接文州界山上
合衆山凹爲大壑環百五十里積水其中防嘗登
馬水平山之顙不見畔岸矣○城邑攷云鄧至城
在縣南三里又東二十二里有鄧至山城以此名
○姜維城在縣東七里卽與鄧艾相持者名麻閣
谷口唐建中年曾移州治于此○蘆北故城在縣
東五十里因葭蘆成爲號聖鹿城在縣西昔時羗
人見羣鹿于此欲捕之而入穴不知所去遂指城

以此名之○安昌故城在縣東北二十一里後魏廢帝遣儀同宇文昶殄陰平郡至二番立寧州脩築○廢曲水縣在南北二江之曲亦後魏置唐宋爲文州治元省入○廢長松縣在治南一百里後魏之建昌縣也隋開皇中以地多喬松因改今名唐貞元省○廢扶州本同昌郡卽後魏之寧州也隋開皇改寧爲扶以取扶持邊境之義唐廢爲鎮○廢陰平郡卽治所也十三州志云邑有蠻夷曰道漢武帝開西南夷置陰平道以統其衆晉永嘉後羗虜數叛因立郡以遏之宋及齊梁皆諸羗所

陳西名勝志

卷之九

三

據後魏平蜀始置文州按陰平道爲秦蜀出入處鑿山開徑攀木緣崖諸葛亮以爲全蜀之防其後鍾會伐蜀姜維請備陰平橋後主不從故華陽國志云鄧艾自陰平景谷步道懸兵束馬經江油出綿竹以伐蜀卽此路也有玉女驛在其內驛傍石如玉枕色白懸崖絕壁人力難取宋楊杲詩棧道險復險客懷愁更愁萬山俱絕壁一路不通州○注水經云白水西北出臨洮縣西南西傾山木色白濁東南流與黑水合水出羗中西南逕黑水城西又西南入白水白水又東逕洛和城南洛和水

西南出和遠東北流逕南黑水城西而北注白水白水又東南逕鄧至城南又東南與大夷視水合水出夷視城西南而窮溪北注夷水又東北合羗洪水出東南羗溪西北逕夷視城東又西北流屈而東北注于夷水夷水又東北入白水白水又東與安昌水合水源發嶺大西溪東南逕鄧至安昌郡南又東南合無累水無累水出東北近溪西南入安昌水安昌水又東南入白水白水又東南入陰平得東緄水水出西南維谷東南逕維城西東南入白水白水又東南逕陰平故城南王莽更名

陳西名勝志

卷之九

三

推虜矣卽廣漢之北部也廣漢屬國都尉治漢平帝永初三年分廣漢蠻夷置有白馬水出長松縣西南而東北注白水白水又東逕陰平大城北蓋其渠神自故城徙居也白水又東偃蹇水出西南偃蹇東北流逕偃城西而東北流入白水又東北逕橋頭昔姜維之將還蜀也雒州刺史諸葛緒邀之於此後期不及故維得保劍閣而鍾會不能入矣白水又與羗水合自下羗水又得其通稱焉白水又東逕郭公城南昔郭淮之改寧化於陰平也築之故因以名白水又東郿川水出岷南郿溪

北注白水白水又東合空冷水傍溪西南窮谷卽川源也白水又東南與南五部水會水有源西源出五部溪東南流東源出郡谷西南合白水白水又東南逕建昌郡東而北與一水合源同注共成三溪西南流入于白水白水又東南經白水縣故城東卽白水郡治也又東南與西谷水相得水出西溪東流逕白水城南東南入白水白水又南左會東流水東入極溪卽使水源也白水又南逕興城東又東南左得刺稽水口溪東北出使水源矣

陝西名勝志

卷之九

孟

徽州

在府城東四百里

領縣一

本漢河池縣晉永嘉沒於氐羗後魏置廣化郡於此隋開皇廢屬鳳州元置南鳳州尋改徽州以河池縣省入華陽國志云河池一名仇池郭仲產秦州記以仇池山本名仇維山山上有池似覆鉢有瀑布望之如舒素此山在成都界去縣稍遠今縣所處謂之河池水故取爲名○方輿勝覽云紫金水在城北一里源出紫金洞沿流自武休關入漢中爲山河堰卽褒水也○太白池在州東二十里周廻數千畝諸山環遶宋元豐間以麟游併入

侯○龍池在州西南二十里漢郡國志以爲卽天

池也○嘉龍江在州南七十里唐元稹經此有詩

云古時應是山頭水自古流來江路深若使江流

舍人意也應知我遠來心○鳳凰山距城西一里

圖經以昔有鳳凰見此應名杜甫詩首路栗亭西

尚想鳳凰村蓋指此也○伶倫山在州南十里崖

石如舞優狀木皮嶺在州西十五里杜甫詩南登

木皮嶺艱險不易論始知五嶽外別有他山尊○

舍坪山在州東三十里古黃沙驛舍也有碑存○

鍊山在州東南四十里懸崖萬仞石色如鐵又名

陝西名勝志

卷之九

孟

巾子山以形似巾子云○白崖洞游仙巖棲真洞

俱在州西南境有石榻流泉仙人出入之所又南

四十里有青泥山入劍州界唐史瑜詩溪從沮水

流瞿家嶺接青泥入劍天○按城南之小河關卽

秦蜀咽喉也河水經其下曰泥陽州西北之橫水

河入焉逕州南五十里白水峽口合注白水

南當縣

在州城東八十里

漢故道縣地後魏于此置南當郡及縣明何太復

入蜀記曰棧道有四其由兩當出者爲故道漢高

帝攻陳倉由之○注水經曰兩當水出陳倉縣之

大散嶺流入故道川謂之故道水註云渭水又與其悍水合水出周道谷北遷武都故道縣之故城西王莽更名曰善治也故道縣有怒特祠列異傳曰武都故道縣有怒特祠云神本南山大梓也昔秦文公二十七年伐之樹瘡隨合秦文公乃遣四十人持斧砍猶不斷疲士一人傷足不能去臥樹下聞鬼相與言曰勞攻戰乎其一曰足爲勞矣又曰秦公必持不休答曰其如我何又曰赤灰跋于子何如乃默無言臥者以告令士皆赤衣隨所砍以灰跋樹樹斷爲牛入水故秦爲立祠其水又東北歷大散關而入渭○方輿勝覽云兩當縣東抵汧江西抵益州皆三十六程故曰兩當趙閱道詩里數三千七百餘兩當冬夜宿中途按地志鳳州兩當縣以大散關與嘉陵地勢險隘相當故名○圖經云大夫山在縣東南唐末郡守蒲存移治于此鷲鷲山在縣東十五里古鳳州以此名也山下有登真洞高深各一丈有水自頂洒注盆中緣石而上有朝陽亭碧桃軒集休觀諸勝乃唐張果登真之所洞傍有列宿峯石鏡崖分水嶺其下爲分水溪○志云碧雲溪在縣北孝廉溪在縣東

陝西名勝志

卷之九

三

琶洲在縣南三十里有渚汗迴曰枉渚杜甫詩鷗鷺羣枉渚日色傍阡陌卽此○寰宇記云嘉陵江在縣南四十里發源大散關西嘉陵谷經縣界入蜀縣東有紅崖河北有獅子川諸水注之又尚婆水在縣西南境水多盤石木曰盤石水俗語音訛故爲尚婆也川中有鳥羣飛二月從北向南八月從南向北音如簫管俗云伎兒鳥春來則種禾秋去則種麥人以爲農候云水經注曰白水又南爲婆川城東南北注羗水是矣○唐吳郁兩當人爲侍御史言事被謫居家不仕與杜子美交遊集中

陝西名勝志

卷之九

三

有吳侍御江上宅詩寒城朝煙淡山谷落葉赤陰風千里來吹汝江上宅行邁心多違出門無與適於公負明義惆悵頭更白註云宅在縣西南

陝西名勝卷之十

閩中曹學佺能始著

慶陽府隴西領州一縣四

春秋義渠戎國秦滅之以屬北地郡後魏于此置

朔州矣隋文帝改爲慶州宋環慶路安撫使所治

因置府曰慶陽曾氏維海曰藝祖脩西戎用姚內

斌于慶州貢以自守斯其地也○通志云郡城有

周不窟廟塑像其中東西兩壁繪文王以下三十

七王像按史記周后稷子不窟因夏桀奔于戎翟

之間至公劉克修后稷之業民賴其慶故以之名

陝西名勝志卷之十

州也今府東南三里有不窟城及塚碑碣○安撫

使宅范仲淹建其子純粹後知慶州于郡廨內立

江漢堂是補之記○鷺池在郡治南二百二十餘

步暗通西河宋慶曆間經畧使王浚所鑿有臨川

閣在池上蔣之奇詩陝右號名郡慶陽雄鎮臨

撫多奇才結構甚閎峻城端聳華閣一里歸一瞬

不窟陵廟存其傍接烽燧人家在深巖危俯可

認咽穴尚遺風前書自傳信俯窺鷺池泉窈里深

萬仞黃河繚如帶激激以湍迅地險誠在茲賊騎

安可近○岐伯北地人與軒轅帝論醫有素問難

經行于世○公孫昆邪義渠人漢景帝時爲隴西
守以將軍擊吳楚有功封平曲侯著書十五篇

安化縣附

唐天寶初與安化郡同置漢之郁郅縣也周地圖

云郁郅城今名尉李城在白馬嶺西川交口水經

注云洛川南經尉李城東北合馬嶺水號白馬水

按馬嶺亦名箭箬嶺左右帶川相傳漢牧畜地也

在府城北二十五里中有果實猿鳥巖洞幽邃莫

窮所止唐設馬嶺縣旋廢嶺北有靈武縣漢地里

志屬北地郡者○城外東西二河以分城西東而

陝西名勝志卷之十

名俱來自沙漠東河合懷安川及靈溝水西河合

楊集澗水谷溝下馬汀諸水至城南會又有北空

河自城東七十里白豹寨來黑水河自城北百五

十里太白山來俱至城南與洛水會○城西北有

烏嶺卽青山也東觀漢記建武二十一年四月安

定屬國胡叛屯聚青山遣將兵長史陳訢討平之

○花坡在城東二十里山坡多植牡丹故名○景

山在城西一百里木石奇恠中多異獸見山海經

○鹽池花馬池紅柳池俱在城北五百里按鹽池

有二大者周圍八十里小者二十七里其水特

可者爲藍花馬池周圍四十三里與馬槽字羅澗泥銀底諸池相近紅柳池周圍二十六里石溝池在其西蓮花池在其東○牛園去縣境百里四傍皆沙磧惟中有園瀦水人馬給飲○按牛園與鳴沙寨相連唐大曆初朔方留後常謙光奏吐蕃寇鳴沙首尾數十里郭子儀遣兵馬使渾瑊將銳兵五千援靈州子儀自將至慶州爲之犄角吐蕃聞之始遁去○宋仁宗時環慶安撫使范仲淹築大順城于郡西北當後川橋口以斷夏人侵寇之路

合水縣在府城東七十里

陝西名勝志

卷之十

三

隋置合水縣在郡西南一里此則西魏之華池縣也義寧中析舊合水置樂蟠縣唐初又析置蟠交縣天寶始改蟠交曰合水宋以華池樂蟠二縣省入○華池廢縣在今治東北百二十里樂蟠廢縣在治西南七十里華池本漢歸德縣地史記封峽彭于此亦隋之洛源縣也寰宇記云洛水出縣北二十里之白於山一名女郎山山海經云白於山其上多松柏下多檀櫟獸多牝牛羗羊鳥多白鵲洛水出其陽東流以注于渭○樂蟠縣本漢畧畔道地有畧畔城去縣西南六十里後魏大統置

蔚州于此○南山在縣城南一里許子午山在縣城東五十里舊名翟道山一謂雞山有鳥雞水出焉西北注于洛統志謂之橋山相傳黃帝堊衣冠處有軒轅陵漢武帝巡行朔方還祭黃帝於橋山王莽更名上陵時也有玉梅川延鳩川鳳川建水諸源俱出子午山東流入華池水與北仝河合謂之合水縣以此名○鳳川有鎮在縣東五十里宋大中祥符間經畧使范仲淹置○聖公泉在縣治南寶泉在縣治北清水泉在縣西南一里天雨滂沱流而不濁故曰清水又有玉泉在縣西南七十

陝西名勝志

卷之十

四

里漢城原之側石崖上刻唐人詩云山脈逗飛泉泓浴傍巖石亂垂寒玉篠碎洒珠滴澄波潄萬象明鏡瀉天色有時乘月來賞詠還自適不書名氏○碑目載唐列聖碑在縣東百里金明昌中唐王十三世孫李大忠刻高祖至昭宣二十一帝像於上又二十里有郭子儀碑共十一世孫訥刻汾陽墓誌鐵券于塚傍

環縣在府城北二百里

環江在縣北七十里流經城西委曲環抱縣名取焉縣南五里有石泉水又三十五里有水波溝又

六十五里有黑河縣東七里有一里溝縣西二里有甜水溝又十五里有鴛鴦溝又六十里有合道川又二十里有佛堂溝俱流注之志云本靈州之方渠鎮晉天福中建爲威州周廣順中避諱始改環州宋以方渠元以通達二縣省入我朝降爲縣按通達卽五代所置軍也方渠漢縣以方渠水而名在城南七十里唐節度使楊朝晟次方渠乏水有青蛇下走朝晟依其蹟掘之遂爲清淵士飲給足因立祠焉○古長城在縣北一里秦所築也靈武臺在縣東北二里舊屬靈州唐肅宗卽位

陝西名勝志

卷之十

五

于此○烏侖城在縣北三十里烏侖山下東面受河又三十里爲需源城又二十里爲洪德城又合道城興平城安邊城水波城俱在縣界宋元符時築以防夏人者○胡盧泉在縣西鎮戎堡此堡舊有蕃部居之與明珠城城部相接○勝覽樓在環江側觀兵亭在城外舊教場宋神世衡與范仲淹俱有祠爲宇文虛中所奏建及隆興間金人陷環州統制強堯與其弟震不屈而死因立廟以旌之賜額旌忠○按史世衡知環州環原之間明珠城滅康奴三族最大其北有一川交通西界范仲淹

議築細腰城斷其路命世衡董其事世衡方以病櫬至卽將所部甲士晝夜興築城成而卒世衡在邊數年積穀通貨所至不煩縣官益兵增餼而武功自振夏戎知屬差不可誘又土人皆衛教之善射始不以環爲意

寧州在府城南領縣一

漢班彪賦至北關寧古公劉邑謂之北關春秋義戎國所居秦昭王母宣太后以計取之遂有其地因置北地郡北地郡尉理此西魏始置寧州相沿至今○圖經云西河亭在州治內相傳漢末王莽

陝西名勝志

卷之十

六

時創五柞亭在廢泥陽縣界續漢書泥陽縣有五柞亭是也右去州東南五十里○黃龍亭舊名高岡亭後漢建武中曹鳳字仲理爲北地太守政化尤異黃龍應于九里谷之高岡亭角長二尺十大圖稍至十餘丈天子嘉之賜帛百匹加秩中二千石○州學有六君子堂祀隋元諸梁毘唐李勣狄仁傑宋孔道輔李允皆有功德于寧者治圃有風月亭蓮池柳港花嶼蘭皋諸勝皆宋時闢以爲遊賞之所○安定崑在州城西五十里後魏之安定縣以此而名色濃如黛石可鐫觀宋張舜民有詩

詠之又以山石粲然若畫謂之畫山石其川曰珊瑚川水經云珊瑚谷水東南至桐邑入洛矣○縣南六十里有定平廢縣唐初析定安所置者城內有凝壽寺張舜民記以爲定平山不如木木不如寺寺不如凝壽也○金沙泉在州城南一里其水湧沙如金故名九龍湫在城東十里珊瑚湫在城西二十里水坡湫在城南五十里○橫嶺在州東百里蓋于午山別阜也奢延川水出焉一名小延川自橫嶺流至城東六十里襄樂故城合大延川又西流繞至城南會九龍川本志以川中有堆阜

陝西名勝志

卷之十

七

九九似陵亦謂之九陵水也又有走馬水出橋山流經長城俱北注奢延川昔段熲追羌出橋門至走馬水聞羌在奢延澤乃輕兵兼行一日夜二百餘里卽此處矣○傅介子墓在州境內介子北地人斬樓蘭王者○唐狄仁傑特祠在州城西有碑像豫州流民哭于其下卽此碑也梁公爲豫州刺史承武后制欲盡殺豫州民公力爲生全之纔得達徙○金石錄唐邠寧馬璘德政碑韓雲卿撰張少憐行書大曆三年四月立

直寧縣在州城東一百里

寧字記云羅川水出羅山下陪羅川縣以此名西南有寧陽城大陵小陵水至城南合蘭詩夾其黃潤許云卽陵水也唐開元二十三年八月玄宗夢群仙現於羅底乃詔訪焉使者行至羅川縣王堡利有一老人引入洞口化爲白兔不見遂得玉石仙像凡二十七各題姓名得道去處併老人亦一仙之數以應二十八宿乃勅置觀曰通聖別墅真容因改縣爲真寧治南有撫琴山山畔有洞風來作聲彷彿若琴韻卽玄宗夢見群仙處也○志云于庄溝在縣城東二十里又四十里爲要冊湫卽

陝西名勝志

卷之十

八

橋山之尾也周圖十畝傍有龍祠唐碑尚存○下馬汀在城北三十里水濱地曠行者多憩息焉又五里爲陽周城漢縣史記陳餘與章邯書曰蒙恬爲秦將北逐戎人開榆中地數千里竟斬陽周卽此城矣○同約景清真寧人爲僉都御史以耿直聞于時及靖難師至金陵死之其事與方孝孺同

陝西名勝志卷之十一

閩中曹學佺能始著

延安府改陝西布政使司領州三縣十六

春秋白翟地秦漢屬上郡晉陷于戎其後爲赫連勃勃所居後魏滅赫連昌以爲統萬鎮孝武帝置金明郡于此宣帝因置東夏州廢帝改爲延州隋開皇八年改爲延安郡此延安之始也○一統志云延水源出安塞縣西北之蘆關嶺東南流入郡城東又經延長縣界入黃河俗稱爲濯筋水相傳昔尸毘王割身救鴿身肉並盡于水中濯其筋骨

陝西名勝志

卷之十一

一

因名唐錢起延州聖僧穴詩昔日捨身緣救鴿今時出現有飛鷹○龍尾水出龍尾之龍尾溪清水出龍尾之老人谷鳥耶水出郡東北之鳥耶谷清化水出郡東四十里之嘉泉俱入濯筋河嘉泉者其水湧出飛一丈似團練風稱嘉美因設豐林縣焉○府城南卽延利渠宋司馬光祖龍尾詩文分清淺流縱橫貫城市是也渠水復穿城出溢而爲湖以多種柳於堤上名柳湖唐李益有路傍幾株柳此路向延川之句宋范仲淹詩種柳穿湖後延安盛可遊遠懷忘澤國真賞卽瀛州秀於千絲障

光緒世練乘折將贈歸客濯足向清流○湖上有修禱堂翠漪亭迎薰亭能蓋因諸勝韓魏公琦卿爲臨眺之所按史龐公籍時以龍圖閣學士出知延州悲鄉延路招討使在任繕城選卒因糧于敵而民不擾及去民遮道泣曰公川京數年無一事煩民錮以子爲香焚之亦難報也文正忠獻二公俱以陝西經畧安撫使駐延州夏虜大懼不敢近塞時目爲韓范云溫公奉使宣諭至邊其延安道中有暮烟凝塞上埃火落天涯之句○金石錄云唐延安郡幽堂碑王光庭撰于經野正書○雍大

陝西名勝志

卷之十一

二

記云漢初翟王董翳治高奴卽府治金明寨前據漢書云有洧水可醢王莽曰利平矣

膚施縣

附

史記趙武靈王滅中山遷其人於膚施漢書匈奴南侵至朝那膚施卽此處也本秦舊縣魏陷于戎隋大業中復置○志云嘉嶺山在城東南形勢高峻范文正公鑄嘉嶺山三字于石題曰慶曆四年秋日東吳范仲淹書○清涼山在城東北上有苑毘毘卽尸毘王脩行處有萬佛洞洞內大小佛像萬餘皆石鑄成又有石仙洞在山北金皇統九年

梁文仙繫山半有泉名鷺峯寺僧于懸崖上垂綆以汲又有定甲泉亦在半崖間其泉溫潔雖寒不凍流入延水○伏龍山在縣西南五里狀如臥龍故名郡國志云上郡之名山也縣北十里有五龍山帝原水出焉福地記謂之仙人神泉祠五龍山後有一峯峭如碧簪高數百丈名碧簪山一名虎頭山○牡丹山在城南四十里名曰花原頭產牡丹極多樵者以之爲薪歐陽永叔花譜所謂延州牡丹與荆棘無異也其川曰牡丹村相傳杜甫避亂時嘗遊此亦曰杜市川按子美詩云五城何陝西名勝志卷之十一
迢迢迢迢隔河水邊兵盡東征城內空荆杞延州秦北戶關防猶可倚馬得一萬人疾驅寒風子臣曰蘆子關在延州延昌城北以俗吐蕃蔡夢弼云去州百八十里之土門山兩崖峙立如門形若葫蘆故謂之蘆子矣○雜說云浮休居士張芸叟久經遷責既還快快不平嘗內集分題賦詩其女得蠟燭有云莫訝淚頻滴都緣心未灰浮休有慙色自是無復躁進意司馬村之室浮休之女也有詩在鄜延路上寺中一聯云蒲日烟含芳草綠憑欄露泣海棠紅或云便是詠燭者

安塞縣在府城西北四十里

後魏廣洛縣隋避諱改爲金明宋析置安塞堡元因置縣以敷政縣省入○寰宇記云洛水在縣西七十里穿蕃部未至城下金明川亦自蕃來經縣北五十里西過南流入膚施縣界按後魏廣洛隋金明二縣取此○志云縣西南百三十里有龍潭井水深無底四時不竭禱雨輒應卽敷政廢縣治也三埏山在其縣北一里土石相雜上有三家遙望如埏故名又三里有古城城內有金蹄犢子殿梵書云昔有犢子出于石縫中金蹄銀角化見破陝西名勝志卷之十一
黎王因立此廟○天澤山在今縣東五十步上有天澤泉○龍安山在縣西一里以狀如卧龍故名○靈臺山在縣北五里巨石高險舊建靈臺觀于上○蘆關在縣北百七十里東有東西二城唐杜甫寒蘆子詩五城何迢迢城內空荆杞宋司馬光詩固水猶傳檄蘆關未撤烽皆指此○縣東南有西川水小平川水縣西北有清水背水各東流注之延水○固水卽塞門水一名無定河宋史仁宗康定元年趙元昊陷塞門諸砦執砦主高延德以去時著作郎張方平上平戎策料賊入寇必自延渭

而興州巢穴之守必虛我師自麟府渡河不十日可至此所謂攻其所必救形格勢禁之道也宰相呂夷簡見之謂知樞密院宋綬曰大科得人矣

甘泉縣在府城西南九十里

西涼記云甘泉在縣南五里崑谷上其泉去地一丈飛流激射厥味甘美昔隋煬帝遊此飲之取入禁內故縣以此名泉側有鳥身臂頂白足赤尾如小山鵲上黑下白其聲數種亂人聽聞雖善射者不能致○纂宇記云雕陰山在縣南二十里山夾土石鷹雕所居去洛水西二百步又十里有阿伏

陝西名勝志卷之十一

五

斤水源出大盤山東南姚嶺谷流入洛川河伏斤夷虜名也水源隱伏川陸亦名伏陸水按當縣漢曰雕陰唐武德初曰伏陸至天寶二載始改爲甘泉○志云勞山在縣北二十里有大小勞相傳宋狄青與夏人相拒士卒疲困因憩于此○野豬峽在縣南四十里山峽險隘戍守之地○庫利川在縣東北廢臨真縣界耆老云土川沃壤五谷豐饒胡稱野豬谷爲庫利也黑城在縣東百七十里庫利川口赫連勃勃置依山爲址崎嶇不正故名黑城○宋史趙元昊入寇延州都監黃德和起援官

軍接戰德和望見軍却策馬遁走甘泉總管劉平石元孫皆沒于賊事聞德和竟論腰斬

安定縣在府城北百九十里

唐鄜州洛交縣地有白洛龍州二堡在其西北界此城中之安定寨乃宋慶曆間置元始陞爲縣縣有白水黑水二堡白水源出分水嶺卽水經所載者黑水在城北百里金李顯忠爲蕞尾九族都巡檢使駐兵黑水堡是也○志云二郎山在縣南一里雙峯並立故名又四十里爲鴉鵲山上產鴉鵲二鳥並居亦鳥鼠同穴之類又二十里爲神木山中古樹千株樵採不敢入人以爲神○于岔山在縣西五十里滴溜山在縣北一百里泉溜下滴右柏森然亦邊境之幽勝者

保安縣在府城西北百八十里

右延州之栲栳城也唐咸亨間駐禁軍于此宋設爲保安軍元因縣焉按栲栳城以縣界栲栳谷而名水經注謂泥水源出栲栳谷是矣吃莫河源出蕃部之吃莫川南流至城西十六里入洛水不勝船筏至府城而始大○聖人道在城東七里從蕃界末移家族來經縣境一百有五里入廢敷政縣

界卽赫連勃勃起自夏臺入長安芟平山谷開此
道也○志云候雨山在縣西一里傍有石室大將
雨則此山烟霧四塞人以爲候○空籠溝在縣南
十里唐阿武婆擔籠于此故名○紫馬溝在縣西
四十里相傳三國時獲紫馬處艾蒿嶺在縣東六
十里呂布生于此地有窟穴呼爲呂布窟○宋通
鑑仁宗寶元三年冬十月夏人寇保安軍巡簡精
練使狄青擊敗之青初以騎御散自從西征戰安
遂諸砦皆克捷臨陣被髮帶銅面具出入賊中衆
披靡莫敢當至是元昊寇保安鈴轄盧守勤使青
陝西名勝志卷之十一 七
擊走之及議和之後仍置推場于本軍但勿通青
鹽而已

宜川縣在府城東南一百八十里

寰宇記云汾川水在縣北源自其泉縣界來東流
入黃河丹陽川在縣西南水經注云蒲川水自鄜
州洛川縣來流入丹陽川川口有赤石因曰赤石
志雲品山在縣東北八十里山岵重疊如雲故名
門山在縣西七十里山形如門旁容車馬按當縣
後魏初置汾州廢帝以河東有汾州因改丹州領
宜川雲品門山諸縣宜川在鄂下是也○通志云

右汾州城在縣東七十里丹州城在縣東北二十
里唐永徽中移於丹陽赤石川口其城遂廢又有
故咸寧城在縣東四十五里隋開皇置宋初省入
宜川唐渾瑊城封咸寧郡王卽此城有祠在縣東南
五里之鳳翅山墓在縣西南五十里宋元豐中追
封忠武王○九域志云安樂山在縣南十里相傳
昔時屯兵於此王師命唱安樂詞以慰勞之故名
○縣北石澤十二里黃河中流有石扼之蓋禹鑿
石導流之處縣南十里有銀川河縣北八十里有
雲品河又二十里有澤經河俱入黃河○玉蓮池
陝西名勝志卷之十一 八
在縣北池廣數千頃多種異蓮爲一方之勝庫碯
川在縣西北二十里川南爲漢北爲菴菴人呼香
水爲庫碯故此名川○宋通鑑徽宗宣和四年夏
六月夏人救遼金襲敗之于宜水追至野谷澗水
暴至夏人漂沒者不可勝計宜水卽今宜川縣也
雍大記引本志云東帶黃河西阻鄜時北控孟門
南連韓奕爲上郡之藩屏攷孟門山在縣東南二
十里魚之遡河者扼于孟門不得上當此處矣其
相對卽安樂山

延川縣在府城東一百里

秦臨河縣地始皇遺家恬將十萬衆擊匈奴悉收
河南地因河爲塞築四十四城臨河縣其一也城
北可基川胡語灌筋卽吐延川寰宇記云吐延水
與骨胡川俱自綏德縣來流入黃河按後魏于此
置安民縣後又析置文安縣隋開皇中始改延川
○縣東城下有清澗水北流入延川東北有柏塆
溝五龍川縣西有王家溝唐家全縣南有王林溝
沙泉溝縣北有土谷分澗水川西北有紫溝社樹
平已上諸水俱流注之○縣西一里有山曰西山
上有西山寺又四十里爲官道山○青峯山在縣
西北六十里後魏土番青峯家族居此○五龍泉
在廢延水縣東里許平地石縫中湧出其聲雄吼
殊特甘美○縣北九十里有石油井其出石油每
歲六月取之冷已瘡疾按過庭錄云虜地境內
石油舊說高奴縣出脂水卽此也生於水際沙石
與泉相雜惘惘而出土人以雉尾裹之乃採人
中頗似淳夾燃之如麻但烟甚濃所需帷幕皆黑
予疑其烟可用試掃其煤以爲墨黑光如漆松墨
不及也遂大爲之其識文曰延州石油者是

延長縣

在府城東
百五十里

九

後魏之廣安縣隋避諱爲延安唐廣德初易今名
○通志云屏山在縣治南狀如畫屏翟水逕之水
面出沮可以燃燈○漱玉巖在縣東軒轅司容白
人泉出如練因有漱玉之稱其流入鴛鴦渚謂之
城東河○九連山在縣西十五里九峯相連不斷
又十五里爲關鷄臺相傳昔仙人關鷄于此○獨
戰山在縣北四十里其山險峻一人拒守可以當
千交口川逕之○獨轆山在縣東六十里耆老相
傳古時關戰牧人首數萬于此山因置廟祀其川
經獨戰山東入黃河

陝西各勝志

卷之十一

十

青澗縣

在府城南
百二十里

古有青澗水在綏州之廢城平縣內此爲寬州舊
壘今縣東三十里有石城故寬州也宋神世衡處
之處險無泉鑿地十五丈遇石世衡命屑石一
酬百金卒得泉萬人歡呼曰神乎雖虜兵重圍無
困渴之患矣按世衡以鄜州判官署青澗善推養
士卒得其死力及卒之日羗酋臨者數日青澗人
皆畫像祠之 國朝正德間虜患告急縣令趙輅
恐石井不足用更鑿一井引東河水自城下穿入
今謂之新井○青澗河西自安定縣來南流至延

川入黃河縣東有東河發源苜蓿嶺縣西有西河
發源烽臺川俱流注之○無定河在縣東八十里
北自故銀州撫寧縣界流入南注黃河一名奢延
川一名銀水唐志銀州東北有無定河卽周水也
後人因潰沙急流深淺不定因改今名唐陳祐詩
無定河邊暮笛聲赫連恭畔旅人情雨關歸路千
餘里一夕秋風白髮生○志云緩平寨在縣西一
百里宋李顯忠破紅巾寇乞卽羅于此顯忠縣人
世襲孫尼九族巡檢金人陷延安校其父永奇及
顯忠官永奇泣曰我宋臣也爲彼川耶會劉豫令
陝西名勝志卷之十一 十一

力爲辦其家事凡居室瞻從衣食悉具嵩感恩旣
深世衡反不禮以紅氍之或掠治械繫數日嵩雖
不勝其苦卒無一辭怨望世衡知可任以事居半
年召嵩謂之曰吾將以事使汝吾成汝所不言其
苦雖有甚汝能爲我卒不言否嵩泣對曰嵩貧賤
無狀蒙將軍恩數致身榮顯常誓以死報而未知
其所况敢辭簪楚乎世衡乃草遣野利書書辭如
起居儀惟以數句隱語似有私約而勸其速行之
意因官以蠟置衲衣間密縫之告嵩此非瀆死不
得泄如泄之頃當以負恩不能成吾事爲言并以
陝西名勝志卷之十一 十一

顯忠率兵赴汴永奇密戒曰汝得乘機卽歸本朝
毋以我貳志及豫廢金授顯忠知同州顯忠以計
執金帥撒里局急遣人告永奇學家出城爲金人
所及家屬二百口皆遇害○自警編云始趙元昊
寇邊王師屢撓虜焰益張常有併吞關中之意其
將剛浪凌號野利王又有號天都王者各統精兵
於別部元昊倚以爲腹心凡所以能勝我軍皆二
將之策也种將軍世衡謀欲以去之有王嵩者本
青澗僧世衡察其堅朴誘令冠帶因出師以賊級
予之自於師府表授三班借職充經略司指揮且

嵩龜一幅棗一部爲信俾遣野利嵩受教至野利
所居致將軍命出棗龜投之野利知見侮笑曰吾
素奇种將軍今何見女子足識慶高別有書索之
嵩曰左右既而答以無有野利不敢匿乃封其信
上元昊數日元昊召野利與嵩俱西北行數百里
至一大城曰興州先詰一官寺曰樞密院次日中
書有數胡人雜半野利與嵩召嵩廷詰將軍書問
所在嵩堅執前對稍稍去巾櫛加執縛至於極楚
極苦嵩終不易其言又數日召入一官寺聽事廣
楹皆垂斑竹箔綠水小壁立其左右嵩意元昊官

室也少頃箱中有人出又以前問責之曰若不速
已死矣嵩對如前乃命曳出誅之嵩大號曰言曰
將軍遣客遺野利王書戒不得妄洩今不幸空
死一將軍事吾負將軍箱中急使人追問之嵩
具以乃就納衣取書以進書入移刻始命嵩就
領優待元昊於是疑野利陰遣愛將假爲野利
使使于世衡世衡知元昊所遣未卽見命屬官日
館勞之問房中山川地形在興州左右則詳及迫
野利所部多不能悉適擒生虜數人囚令際中視
之生虜能言其姓名果元昊使世衡意決乃見之
世衡燕服據案坐屬官皆朝衣抱父籍危厓侍左
右于賓贊引使者出拜使者傳野利語世衡嫂罵
元昊而稱野利有心內附乃厚遣使者曰爲吾語
若王速決無遲留也度使者至嵩卽還而野利已
報死矣世衡因欲并開大都又爲置祭壇上作文
書於版以甲多迷野利與大都相結有意本朝悼
其垂成而失其文雜紙幣誠有虜至急慈之以歸
版字不可遽滅虜人得之以獻元昊天都以此亦
得罪元昊既失二將其勢始孤遂定講和之策

鄜州在府城南領縣二

漢郊祀志秦文公求獵汧渭間夢大蛇止于鄜時以
問史敦敦曰此上帝徵君祀之于是作鄜時祠以
祀天按後魏廢帝改東秦州爲鄜以是名矣州初
設杏城鎮後移理於五交城卽今治所杏城鎮者
漢將常胡伐杏木爲柵以抗北狄處也五交城以
洛水所交併大小塞門水爲五隋文帝置洛交縣
于此襄荷堅時爲長城縣後魏及周曰三川縣也
長城在州東南四十里秦蒙恬所築三川謂華
池水黑澗水洛水所會古三川郡取焉今爲三川
驛唐杜甫詩三川不可到歸路晚川稠落雁浮寒
水饑鳥上戍樓亂離今日見喪亂幾時休遠魏梁
江總還家尚黑頭註云公時家在鄜州墨制許徃
省視述其途中所見○水經注曰蒲谷水東南流
入三川破羅谷水南流經黃原祠東合蒲川按蒲
谷在城西北谷中多蘆葦故名亦名聖佛谷唐鄭
玉詩水會三川漾碧波雕陰人唱採花歌舊時白
翟今荒壤蒲谷淒淒風雨多○方輿勝覽云鄜州
樓曰保大樓以唐置保大軍節度於此武元衡詩
三川會合古鄜州紆紱來寬宵旰憂靜守化條無
一事東風獨上夕陽樓○志云州學孔廟戟門邊

陝西名勝志卷之十一

十三

陝西名勝志卷之十一

十四

祀唐杜甫宋范仲淹甫以祿山之亂避兵三川肅
宗立後自鄜州奔行在昇左拾遺仲淹爲鄜延安
撫使詳郡下○州內有塵王亭唐詩人羅虬作鄜
坊從事賦比紅兒其一解口花落塵中玉墜泥香
魂應上窈娘堤欲知此恨無窮夜長倩城烏夜夜
啼宋康識守鄜日因建亭治圃摘塵王二字爲名
○開元寺在州城北寺內有白松奇石相爲環抱
明張著詩葉墜銀釵細花飛香粉乾寺門烟雨裏
渾作玉龍看寺外有坡日間元坡唐常莊詩開元
坡下日初斜昇梯歸來走鈿車○龜山在州城西

陝西名勝志

卷之十一

五

一里以形似而名櫻桃山在城南四里上多櫻桃
樹○梅柯嶺在州西北二里相傳有梅樹爲少陵
手植者又有大迴嶺在州南十里以子羨入蜀時
迴車瞻望于此○黑鷹崖在州東北三十里舊多
黑鷹棲此又有馬尾崖在州南有二十里高數十
丈崖畔水流遙望如馬尾狀○直羅關在州西一
百里路通環慶唐太宗征突厥所開也今設有巡
檢司江家川餘樂川俱經此入洛交水○州理在
洛交之羌村杜詩有云崢嶸赤雲西日脚下平地
柴門烏雀噪歸客千里至妻孥惟我在驚定還扶

淚世亂遭飄泊生還偶然逢故人滿牆頭感歎亦
獻秋夜聞蓬水燭相對如夢寐正其自行在省家
時也○宋史趙元昊寇三川諸蕃經畧韓琦使副
總管任福等領兵七千聲言巡邊部分諸將夜趨
七十里至自豹城平明克之破四十一族焚其積
聚而還

洛川縣在州城東六十里

姚秦置因洛川水爲名元以鄜城縣省入寰宇記
云後魏置敷城縣隋改作鄜城攷宋史范仲淹知
延州請建鄜城爲軍以河中府同華諸州中下戶

陝西名勝志

卷之十一

十六

租稅就輸之春夏從兵就食可省糴十之二民免
遠輸勞苦詔以爲康定軍○鄜臺在鄜城廢縣東
南二百步宋范純佑詩兩載低眉看小冠一臺高
築地平寬向陽花木齊教放天下無春似此間純
佑文正公長子嘗雜亡者入虜中探其消息而歸
後成驚癘疾不起此臺蓋其爲監簿時所築○寰
宇記云楊班祠在縣東南六十里續搜神記謂姚
萇時立節將軍楊班居黃梁谷北卽此其谷西有
小谷由來無水夜中忽有人語就班借車牛十具
云欲移徙尋則聲絕班脩牛車十具置門前至明

車濕牛汗乃尋車轍至乾谷忽有水方二百餘步其水極深不可測冬亦湛然按志以黃河水源出爛柯山爛柯亦傳爲王質遇仙事其山去縣東北三十里黃梁水西南流出注于洛○志云縣南有仙官河東北有開撫川河西北有廂西河俱由宜川縣界來注于洛又縣南百二十里有聿津河自韓城縣界來西流入洛○雄兒山在縣東五十里又二十里爲聖公山故老相傳皆昔據要拒賊之地○黃龍山在縣南一百三十里此山常有黃雲籠罩其上望之彷彿如龍搖曳狀○界頭山在縣東南百五十里與澄城縣分界故名○北朝秦族洛川人性至孝父喪哀毀過禮然以母狂恐傷其心每慟哭于外酸感行路及母歿哭泣無時惟飲水而已終喪之後猶蔬食不入房室者二十餘年邑人王元達上其狀後周文帝旌表其門

中部縣在州城南百一十里

漢翟道縣地累搜中部都尉治故後魏武帝曰中部縣矣後周天和七年唐世祖作牧鄜州于州界置有馬坊武德二年高祖駕幸結搆之處猶存聖情永感因置坊州至元時廢○志云坊州在縣西

陝西名勝志卷之十一

陝西名勝志卷之十一

南翟道城在西北共四十里有石堂山卽翟道山也穆天子傳癸酉天子命駕八駿之駟造父爲御南征朔野逕絕翟道升於太行郭璞以爲隴西狄道非矣注水經云淺石川出翟道山與泥谷水及南北二香水合流入沮水沮水從縣西橋山下過橋山相傳黃帝所以葬衣冠也山前有新仙臺亦云漢武帝築山北有上善泉唐刺史崔駢導入城中以資溉汲居人至今賴之○鳳凰山在縣西一里每遇金秋黃菊芬芳香氣襲人又四里有玉仙山時聞仙人往來于此○一線泉在縣西南一百八十步泉垂如綫其味清甘又里許爲滴珠泉泉出石崖滴瀝如珠舊名黃花泉○縣東十里古川口沮洛交會處謂之龍首川卽縣川也縣西北七里有谷河水及子午水流至葛家川與沮水合謂之三河○沮水自縣西一百里子午嶺東南流入洛川縣界洛水在縣東北三十五里西北自鄜州來南流入洛川

宜君縣在州城西百二里

符秦初置宜君護軍後魏爲縣唐貞觀十七年廢旋因建王莽宮仍于宮前置宜君縣永徽元年宮

與縣俱廢龍翔二年坊州刺史竇師倫奏請再置
卽今理也去宮二十六里○玉華宮在縣西南鳳
凰谷內此谷常有五色雀翔集因名谷中有地九
頃唐太宗建玉華宮九殿五間勅正殿覆瓦餘皆
葺茅其地本縣人秦小龍宅太宗曰小龍出大龍
入也當時以爲清涼勝九成宮云後改爲玉華寺
寺內有蕭成殷玄奘法師於此院譯經每言此寺
乃關雎之塋率天也宋雍熙間于山前獲一角獸
時以爲麟金復置玉華鎮○杜甫玉華宮詩溪曲
松風長蒼鼠窺古瓦不知何上殿遺構絕壁下陰

陝西名勝志

卷之十一

九

房鬼火青壤道哀湍瀉萬籟真竺秋色正瀟灑
美人爲黃土况乃粉黛假當時倚金輿故物獨石
馬憂來藉草坐浩歌淚盈把冉冉征途問誰是長
年者梅聖俞註曰玉華宮側近有晉苻堅墓前有
溪曰醴醪蓋取溪水如酒色之碧也○寰宇記云
慈烏水在縣西四十里流經芝蘭谷石盤水在縣
東五十里流經大石盤谷子午水在縣北百三十
里流經中部縣又縣東北有雷聲溝水西南有姚
曲川水俱東流入縣界之沮洛洛水去縣東北八
十里自邠州界來南流入白水縣界○龍尾山在

縣西五里以形似而名縣南又有龍頭山泉水出
焉曰官泉水○烽火原在縣南五里又五里爲野
火谷以山石皆紅如火焰也又二十里有泉舊說
孟姜女逃寒衣于其夫經此疲渴仰天而哭泉忽
湧出因名哭泉○香山在縣西北三十里又有西
二十里爲芝蘭谷以產此二草而名○太子山在
縣東南四十里世傳秦扶蘇築長城時所憊又五
十里曰泰山則以秦王田民所畋獵也縣西有驛
驛廬相傳太宗嘗駐蹕于此玉華川水出焉

綏德州

在府城東北領縣一

廿

秦始皇二十三年遣蒙恬將兵畧地河南公子扶
蘇監之始皇因以爲上郡漢武帝徵六郡良家子
此其一也春秋白翟地晉文公初霸攘戎翟居于
西河剛洛之間其後三家分晉魏有西河上郡是
矣史記項羽立董驩爲翟王都高奴今高奴城在
州東五里建安末荒廢後魏始置綏州宋置軍加
德字時爲夏人所侵據鄜延總管种諤世衡子也
戰後綏州夜渡大理水駐師城西蘇軾有種將軍
諤被西賊志喜詩卽此○州城唐貞觀年築四面
石崖東高八十尺西高百四十八尺南高四十八尺北

高有二十尺周旋四里二百步有綬德衛與州同
城○長城一在州西十五里大力川一在州北二
十五里無定河俱蒙恬所築唐本在詩漢家今上
郡秦塞古長城有日氣長慘無風沙自驚○州西
北四十里有吳兒城赫連勃勃破劉裕子義真于
長安遂虜其人築此以居之故曰吳兒城○通志
云朔方臺漢李廣築廣爲上郡太守征朔方所建
也州東有李廣塞及西之土門北之孤山西北之
柏林凡十六塞俱隸戎籍○志云曉角山在州城
內諺以曉角初曉爲臺這照爲對臺即秦扶蘇
陝西名勝志卷之十一 廿一

也虬因醉誤殺之醒廼悔而作此紅兒首其一
云能將一笑使人迷花艷何須上大堤疏屬使同
巫峽路洛川真是武陵谿○無定河在州東開外
一名閼水西北自米脂縣來流入青澗縣界州東
南有懷寧河西北有大理河俱流注之○黃河渡
在州東百二十里黃河水所經也○漢書成帝時
馮野王爲上郡太守其弟立亦自五原太守徙西
河上郡治行畧與野王相等民歌曰大馮君小馮
君兄弟繼踵相因循聰明賢智忠吏民政如魯衛
德化鈞周公康叔循○若按括地志云上邽故城
陝西名勝志卷之十一 廿二

在綏州上縣東南五十里漢永初五年罷始徙于
衙在同州白水縣東北○唐書崔仲方傳武德初
授司農少卿奉令發兵三萬于朔方郡築長城東
至黃河西距綏州南抵勃出嶺綿歷七百餘里以
拒胡寇又開渠溉田民獲其利甚溥

米脂縣在州城北

本延川縣之米脂川宋置寨金縣之元以嗣武克
戎二縣省入米脂者以其地沃宜粟米汁如脂也
米脂水在縣東南百步○志云暖泉寨在縣東四
十里地有溫泉故名銀州關在縣西九十里上有

古城故銀州治也虜人牧馬於此谷其鄉語以
驄馬爲乞銀故名又六十里爲永樂城○界子山
在縣西十里又南一里爲高梁山○石佛山在城
東相連山在城西各去七八十里○無定河西北
自沙漠地來流經縣入綏德州界有大理河小理
河各注之俱在縣西百里又有馬胡谷飲馬河撫
寧谷磨石溝皆千川諸水俱入無定河唐無名氏
詩無掃何奴不顧身五千貂錦喪胡塵可憐無定
河邊骨猶是青閨夢裏人志以爲陳陶作

葭州在府城北五里領縣三

陝西各勝志卷之十一

三

漢西河郡周陰縣地以在開水之陰矣後周置中
鄉縣隋改貞鄉宋卽葭蘆川立寨金隄爲州葭蘆
河在城西五里中多葭蘆故名傍河有嶺逶迤宋
將韓義敗夏人于葭蘆西嶺者也州東城下有渡
曰桃花渡卽真鄉川水由沙漠界來東流入葭蘆
○志云州北五里有峯特出曰第一峯又橫嶺在
州南十里以狀橫若屏風也再四十里爲壇家坪
其地濱河有壇姓者居之再十里爲艾蒿坪山多
艾蒿蒙茸故名○桃園子箭括塢俱在州西三十
里以其地多產桃樹及竹箭也又十里爲白草窪

蓄水故曰天池○轆轤石在縣東南八十里拍窰
山頂半露其形酷似轆轤又有轆轤塢在縣東北
一百里兩山之頂大樹架其中爲路行人若轆轤
下過

吳堡縣在州城南八十里

唐石州定胡縣地宋置吳堡寨于此金爲縣故城
西二里有山口寨西存其舊也○寰宇記云孟門
關在定胡縣東一百步周大象中設津湫水北從
樓煩部來南經呂梁尸子云呂梁未關河出孟門
爲二此之謂也按黃河在縣東一里又縣南二十
里萊園渡東過黃河通山西路○清河溝橋在縣
西二十里黃河水渾而此獨清故名縣北十里有
傍仙坪傳云仙人集此

神木縣在州城東北三百里

通志云縣西十五里楊家城內有神松二株元置
縣以之爲名實古銀勝二州地唐之麟州元之雲
州也按麟州城在縣北四十里漢新秦地新秦者
武帝徙貧人於關以西及朔方以南謂之新秦矣
寰宇記以新秦連谷銀川三縣俱列麟州下宋廢
爲成管神堂靜光寺寨志云屈野川舊屬銀城縣

者在城西南百五十里○燕然山李陵堂石塚光祿塞俱在縣西北境內燕然卽漢車騎將軍竇憲出鷄鹿塞遂至燕然者也李陵臺石爲之單于樓騎多候於此青塚相傳爲王昭君塚塞草皆白惟此冢上獨青故名光祿塞舊名五原塞漢光祿徐自爲出五原城數百里築城列障至盧朐山因謂之光祿塞○唐賈至出塞曲萬里平沙一聚塵南飛羽檄北來人傳道五原烽火急單于昨夜寇新秦

府谷縣在州城東北五百里

陝西名勝志

卷之十一

五

唐之府谷鎮也土人折太山折嗣倫代爲鎮將後唐莊宗陞爲縣嗣倫等招回紇歸國仍于縣置府州界之有百花塢在治圃折氏子孫世官所創也○志云五虎山在城東突起五峯如伏虎狀又其地有香爐峯借傳神仙煉丹于此○桃花洞在縣南崖洞口通東崖其中有硃砂洞門光艷若桃花然南崖畔有千佛洞鑄設甚古○黃河去縣一百十步西南流入神木縣界清水川在縣北五十里西北自沙漠來邊方士騎賴以汲飲設有營堡卽以清水爲名共曰瓦窪山在堡西曰古城山在堡

南各去二里○陶家山在縣北二十里梁家山在縣東五十里俱以二姓所居而名又有水寨山兩川夾流峙立江中距今縣北十五里

陝西名勝志卷之十一 終

陝西名勝志卷之十二

圖中曹學佺能始著

寧夏衛屬陝西都司

秦屬上郡漢分置朔方武帝元朔二年遣將軍衛青李息出雲中歷高闕遂至符離收河南地置朔方郡按地理志朔方理曰屬并州郡王莽曰渠搜是矣漢晉以來常爲關中之根柢後爲赫連勃勃所據嘗自謂夏后氏之苗裔因僭稱大夏燕沙以築其城名統萬城以統天下臨萬國爲義故立此名至後魏孝武滅之置統萬鎮孝文太和初陝西名勝志卷之十二

改置夏州後周復改懷遠郡隋開皇間郡廢設懷遠縣隸靈州唐中和初跋拔恩恭討黃巢有功賜姓李鎮夏州世有其地宋眞宗景德時其五世孫德明款塞內附假以本道節制始自夏州遷于懷遠節今之鎮城也元爲寧夏路國初設府洪武九年編諸戎籍增置前後左右中屯凡六其有靈州千戶所則沿後魏靈州之名也興武營守千戶所則沿宋興州之名也○赫連京都鎮云背名山而面洪流左河津而右重塞朔方風俗記云漢武帝攘却夷狄開邊置郡多徙關中貧民或報怨

犯法者以充制之其習俗頗殊地廣人稀逐水草畜牧以兵馬爲務酒醴之會上下通焉○按今五衛國初會徙其民于關陝城內一空及置衛仍召五方之人實之其城周圍十八里東西倍于南北元末寇賊侵擾遂棄其西之半我正統間生齒日繁復修築之所謂新城是也○水經注云統萬城蒸土加功色白而堅雄傑雖久崇墉若新城南門口朝東北門曰平朔東門曰招魏西門曰服涼其子城在羅城東門曰鳳陽本有三門夷人多尚東故東向開城內有眞珠樓通天樓皆勃勃時建

陝西名勝志卷之十二

唐羅隱詩百尺高臺勃勃州大刀長戟漢諸侯○李益登夏州城賦得六州胡兒歌註云六州者魯州麗州含州塞州依州梁州也唐高宗時置以唐人爲刺史謂之六胡州○一統志云賀蘭山在城西六十里丹崖翠壁巍峻鉅麗盤踞數州山上多青白草遙望如駿馬北人呼駿馬爲賀蘭故名鮮卑之類多依山谷爲氏族今賀蘭姓者亦以依此山也趙元昊宮在賀蘭之東阻河爲岡宮垣尚存元昊死其子諒祚立仁宗皇祐元年十月契丹伐夏獲諒祚之母于賀蘭以歸卽此山矣○峽口出

在城西南百四十里注水經以兩山相對河出其間卽上河峽也俗謂之青山又謂之大石山○黃河自靈州故懷遠縣界流入黑水谷延水從東來注之黑水出故朔方縣平地當契吳山之麓右夏州城在黑水南有廢址俗呼爲忻都城○奢延水一名朔方水亦曰無定河源出朔方縣南卽漢李陵失利處○黃河在城東南四十里遠城爲漢延渠有官橋覆之西南爲康渠賀蘭橋覆之又南有新渠紅花渠秦渠漢渠俱分河水溉田數萬餘頃其所溢而爲湖城北曰金波曰三塔曰月

陝西名勝志卷之十二 三

湖東南則曰異湖距城西百里有曰觀音湖乃賀蘭山大水口也○契吳山在衛城北七十里赫連勃勃嘗遊契吳山而歎曰美哉斯阜臨廣澤而帶清流行地多矣自馬嶺以南大河以北未有若斯之壯麗者因築城曰吳城隋置白城鎮廢○保靜城在衛西南八十里漢築乃舊薄骨律鎮倉城也後魏立弘靜鎮徙開東人以克屯田隋立爲縣有典農城在其內註水經曰河水逕弘靜縣典農城東世謂之胡城河水又北逕上河城東世謂之漢城薛瓌以上河在西河富平縣也昔馮參焉

上河典農都尉治所○靈武營在城北百里漢置渾遼郡尉理所水經云河水又東北逕渾懷郭西是也後魏太和初三齊平徙歷下人居此遂有歷城之名後周因置歷城郡旋廢唐武德初移舊靈武縣來治肅宗卽位靈武故此處矣城東南有帝州千戶所舊屬靈武郡地宋張舜民詩有青銅峽裏帝州路之句 國初慶藩分封所居洪武辛巳始遷寧夏城中尚留群牧千戶所一云○省鬼山在衛東北百四十里有省鬼城枕黃河○金積山在城南二百里山多積土日照之其色如金東漢

陝西名勝志卷之十二 四

有泉自地湧出三尺許如湯狀清冽可飲過四十里爲蠡山層巒疊翠其狀如蠡故名有泉曰富泉又東北有小蠡山又有狼山其山多狼鹿山共山多鹿麥梁山形如積麥梁八山譯言駁雜俱在東西南界○鎮遠關在衛平虜城北八十里爲夏州要衝總制王瓊因築花馬池城遂廢此關虜患猶迫論者嘗言之

寧夏中衛 領千戶所五

後魏靈州漢北地之富平縣也水經曰河水又北逕富平縣故城西註云秦置北地都尉治河水又

北逕薄骨律鎮城沿河渚隨水上下未嘗陷沒故曰靈州後周宣政二年破陳將吳明徹遷其入於此因有江南之風崇禮好學習俗相化人謂之塞北江南唐呂溫詩山橫舊秦塞河遠古靈州常蟾詩賀蘭山下果園城塞北江南舊有名○金石錄云唐靈州都督李琳碑上撰人姓名殘缺杜湜元八分書天寶三載二月○寰宇記云太山在河東北連亘彌遠故名隱山以多雲霧常若隱沒又有警山時遇警急此山輒鳴又有石樓山山形似樓其為奇峻水經謂河水東過石樓山是矣○沙山陝西名勝志卷之十二 五

在城西五十里因沙所積日久成山米鉢山在城南七十里下有米鉢寺石空山在城東七十里有洞曰石空洞其寺為石空寺無名氏題詩云疊嶂玲瓏疎石空誰開蘭若碧雲中僧閒夜夜燃燈坐遙見青山一滴紅○蒲塘在衛城北四十里塘中多產蒲草故名又有中渠白渠羚羊渠聚園渠七星渠自漢已來有之東西分繞屯營灌溉資焉○唐書大曆十三年虜酋馬重英以四萬騎寇靈州塞御史尚書光祿等渠其後都督長史李聽仍開導之○黃河在衛西南自靖虜衛來分流入正河

東北流注衛城衛城西二十里有龍潭水東北二十五里有馬槽湖水入焉其大河西北有山口啓刺八山河南有山口雪山泰山皆近平涼蘭州界○郡國志云鳴沙城北枕黃河人馬行沙上有聲異于常沙故曰鳴沙隋置縣屬環州按志卽後周之會州唐咸亨之安樂州大中之威州也元於此直沙州尋廢距衛城東南百五十里○溫池故城在衛治東南唐神龍間置縣取溫池水為名周三十里產塩漢書以言塩澤在朔方縣南是矣今塩池大小有二大塩池在北界地名三山兒小塩池陝西名勝志卷之十二 六

在塩州西北其塩皆不假人力自然凝結○人物傳漢傳燮傳亮南北朝傳昭瑛釋俱靈州人家世傳綜善文辭時人目為學府○宋洪邁容齋三筆云西夏葉霄之族其謀皆出華州士人張元吳昊而其事本末國史不書比得田畫承君集紀其事云張元吳昊及姚嗣宗皆關中人負氣倜儻有縱橫才與友善常薄遊塞上觀視山川風俗有經畧西鄙之意姚題詩崆峒山寺壁云南粵干戈未息肩五原金鼓又轟天崆峒山叟笑無語獨聽松聲春晝眠又有踏破賀蘭石掃清西海塵之句張為

鸚鵡詩卒章曰好着金籠收拾取莫教飛去別人
家吳亦有詩將謁韓范二帥耻自屈不肯往乃磨
大石刻詩其上使壯夫拽之於通衢三人從而哭
之欲以鼓動二帥既而召相見請圖未果用間張
吳徑走西夏公以急騎追之不及乃表姚入幕府
張吳既至夏國夏人倚爲謀主以抗朝廷連兵十
餘年西方至爲疲敝皆此二人爲之時二人家屬
羈縻隨州間使謀者矯中國詔釋之人未有知者
後乃聞西人臨境作樂迎此二家而去其深秘大
都類此○自纂編云康定間元吳寇遼韓魏公領
陝西名勝志卷之十二 七

西路招討駐延安忽夜有人携匕首至卧內遞塞
帡帳魏公坐問誰何曰某來殺諫議又曰誰遣汝
來曰張相公遣某來蓋是時張元昊國正用事也
魏公復就枕曰汝携匕首去其人曰不忍願得諫
議金帶足矣遂取帶而出明日魏公亦不治此事
俄有守陴卒報城櫓上得金帶者命納之時范純
佑在延安謂公曰不治此事爲得體蓋行之則沮
國威今然受其帶亦墮賊計中矣魏公握其手再
三歎服曰非琦所及也○九邊輯畧云寧夏城後
倚賀蘭山爲固前拒黃河爲險東起大盤池抵延

綏定遼西至石空寺抵固原蘆塘界邊長一千八
百里內有秦漢唐舊渠引水灌田設屯田都司主
其事黃河入中國多爲患而該鎮獨受其利故有
陰固饒沃之稱 國初虜遠遁北患在河西自入
套以來患始在河東夏秋間率用渾脫浮渡擾我
耕牧嚴冬之時踏水猝入乘我不備甚至取道賀
蘭山後往來莊涼間一捷巡也惟花馬池號爲咽
喉每歲防秋督臣移駐于此河東河西兩備兵畫
河分布勢若常山之蛇首尾相應而中衛切近賀
蘭山向苦山後之虜自松山恢復循索橋而上直

陝西名勝志

卷之十二

八

接鎮番築塼固守虜患較前稍差然衛銀定負
隅耽耽之勢猶未已也曩者撫臣堯馨以苛刻失
士心劉東陽時并乘機煽之率衆鼓噪戕殺鎮撫
提城以叛勾引套虜與我爲難莫可誰何督臣葉
慶熊召集南北官兵費金錢數百萬攻圍逾年竟
不能克城中食盡乞降賊始就縛然而地方生靈
受其荼毒多矣任邊陲之責者可爲殷鑒云說者
謂朔方風氣異宜鎮城砂水反背以故叛逆輒作
趙元昊終宋之世負固不服 國朝正德末年慶
府宗室寅鑑妄意大物拮据劉瑾爲名稱兵犯闕

嘉靖間有靈州之變不數十年又有時拜之變周
山川氣運使然抑亦人事之不臧與○河以東城
堡衛六十一處內橫城堡與武營花池與榆林定
遠等營接境套虜切盡黃台吉部落約二萬餘逾
河而西則犯寧夏取道賀蘭即達莊浪山花馬池
南王固原環慶皆受其害○河以西城堡營衛共
七處內平虜城三面受敵西北各關皆當虜衝東
當套虜浮河之機冬深雖有凍牆不能遏禦且黑
山營鎮遠關在平虜之北階沒未復鎮城肩背尤
薄○中衛左聯寧夏右通莊浪賀蘭山雖稱天險
陝西名勝志

卷之十二

九

然通城隘口甚多自鎮關墩至勝金關九十餘里
俱虜騎出沒之處防禦維艱亦卽曩者漢武帝所
開地也○磽兒都司趙胡兒等部落約有萬餘離
邊三百餘里○銀定台吉兵馬五千駐牧賀蘭山
後逼近鎮城○筆駕氣黃台吉板布台吉等下兵
馬三萬離邊約遠二百餘里駐牧○布魯台吉方
明台吉青把都台其兵馬五萬餘昔年被瓦喇殺
傷萬餘人請俺答報復日相講殺邊人患之

榆林衛

隸陝西都司
史記秦却匈奴樹榆爲塞所謂榆溪塞卽此也亦

涉雲中都之沙南縣五原郡之南興縣地隋置勝
州煬帝復置榆林郡唐宋其名不改但時沒于梁
師都趙德明耳○志云馬神山在衛城東北二里
秋祭馬社于此紅山在城北五里山皆紅石地近
沙阜因築紅山墩其上山左峽中有水自沙漠來
從石穴流下斗落數千仞舊傳李繼遷築其祖塋
昌處○黑山在衛城南十里水草且茂虜騎內侵
率由此駐牧我成化中始築砦堡種柳萬株以防
衝突山下黑水出焉合大川河流遠衛城○三岔
川距城南十里又東南爲扇馬溝○芹菜溝直衛
陝西名勝志

卷之十二

十

西界源自沙漠來水際常產芹菜因名○唐王維
榆林郡歌山頭松柏林山下泉聲傷客心千里萬
里春草色黃河凍流流不息黃龍戍上游俠兒
逢漢使不相識○九邊輯畧云榆林亦古朔方地
國初建鎮城於綏德州拍米脂魚河於外正統間
虜入河套邊患始劇小王子火節吉囊相繼稱雄
每入犯長驅無忌成化中督臣余子俊徙治榆林
遠出綏德三百里蓋倣昔開邊并虜意也東起黃
山川西至定邊營延袤一千二百里墩堡牆臺東
西聯絡橫截河套之口內復斬山澗谷名曰夾道

地利自我收之已算無遺策嗣後數遣大臣行邊
經畧亦只乘時脩輯而已虜酋卜失兔者古費之
孫也尚擁虛名稱為太子每歲各酋聚會於神水
灘取決進止然此中軍士素稱忠勇慣戰虜人畏
憚之呼為駱駝城人馬惟地居沙漠不堪耕種米
珠草柱自昔為患開鎮之初芻牧取諸邊外尚稱
給足邇來虜衆環視如射雉然鎮城士馬衆多平
時已為束手坐困一遇凶歲餓殍相望議者欲于
府谷至葭州由黃河而上造船轉運以水道應緩
不果乃若乘時糴市廣貯糧糗以備緩急河今日

陝西名勝志

卷之十二

十一

之所當亟者該鎮分三路自黃甫川抵建安堡
為神木道自雙山堡抵清平堡為榆林道自鎮靖
堡抵定邊營為靖邊道三路俱當虜衝而西路為
甚嘉靖初年督臣魯鏡議復河套閣臣夏言居中
贊之經畧區處頗有條貫虜間且欲轉徙會咸寧
侯仇鸞忌成議以啓蒙二臣受法誅死後遂噤不
敢言夫當銳議復之時套虜尚弱今呼群引類蔓
延充斥愈難為力頃聞試闢射策甚言河套不宜
復卽復亦難守因噎廢食其喻良然不知黃河自
寧夏橫城繞八虜地至山西老牛灣方入中國沃

地千里與關中郊圻相接附屬之內豈容大羊羴
睡况畫河而守每年喫緊祇在冬春四閱月調移
兵馬分布防範自有餘力豈憂難守哉祇惡復之
之不易耳且河套松山皆關隴要地頃者大小松
山復為我有耳固臨洮三鎮咸利賴之惟套久不
歸深可歎惜今特詳始末以俟來者 國初設東
勝備于套比又設延綏鎮于套南藉如帶之河相
為犄角與雲川玉林衛所聲援聯絡以故關陝晉
雲之間安無虜患套地長幾二千里橫數百里界
在延慶二郡之比卽古朔方周命南仲城之獵狁

陝西名勝志

卷之十二

十二

上襄者也秦取匈奴河南地勢益強盛漢武帝鞭
笞四夷置朔方郡以斷匈奴右臂唐初築三受降
城于河外為套地打蔽設烽燧千八百所匈奴
厥不敢南牧今東勝衛卽東受降地也正統以朱
東勝失守虜始踰河入套初但圖獵而去至小
子火節始稱雄而窟穴其中矣火節之後不肖
囊最強南犯榆林則開陝戒嚴東犯偏關則直雲
驚擾夫唐築三城能遏虜於河外今拒河為守尚
不能支虜得橫擡套內長驅突犯形勢日蹙邊患
彌劇不知所究竟矣成嘉開咸寧伯王越毅然刺

除功未成而中廢令人尚有遺憾嗣後曾銑慷慨
任事卒至殺身豈不哀哉萬曆十八年寧夏遊擊
金城者建造四艘蓄健兵器械于其中乘黃河泛
漲之時自橫城順流而東月餘至山西老牛灣始
還頗有斬獲兩岸虜騎聚觀矢石莫之敢近邊方
內外共奇其功夫復令搜公籌邊之士言之詳矣
本有言水路乘船者此亦可備恢復之一策云○
重賞許論邊鎮論門榆林四望黃沙不產五穀
不通貨賄一切芻糧皆仰給于腹裏迨我弘治間
布政文貴奏改西安延慶二府本鎮之稅爲拋荒
陝西名勝志卷之十二 十四

恐寇迫門庭餽道險遠臨時雖予金如山不可食
也况今鹽法已壞飛輓計失在官羅買一繭數倍
戊子之歲束草價至二錢有餘他可知矣愚故以
爲論榆林者急在草糧他非所慮若本色不復則
榆林之爲榆林未可知也黃河自陝州而上至綏
德近境春時皆可舟行若計沿河郡縣改徵本色
水陸轉輸而上亦不甚苦難至若延寧甘肅適中
之地另設倉場以戶部官一員主之每鎮歲發鹽
銀十餘萬令其羅買儲蓄以備客兵之用出入會
計聽其稽核邊臣無得那移借貸倘客兵一年不
至則有一年之積行之數年底幾僥裕視之邊方
有事而後徵兵請糧者利病相去遠矣
洮州衛 隸陝西都司

谷渾得其地因置洮陽郡城在洮水之北今謂之洪和城也治美相縣或徙臨渾及洪和二城○志云東隴山在衛城東番人耕墾相雜又三十里有黑松嶺嶺多松樹其上置松嶺關又十里黑松關又十里爲三分高樓等關皆極險要○石嶺山在城北十五里山形勢峭拔草木不生唐置石嶺關於此又三十爲羊撒關又城西北九十里白石山以山多白石因名○郡國志云秦長城在郡界史記蒙恬所築東至碣石西入臨洮者也有鳴鶴鎮念三足諸城俱吐谷渾時築今廢爲鎮○洮州陳西名勝志卷之十二 五
古城在衛西南七十里即徙臨渾縣時所築今爲洮州關又南界有疊州城乃唐初析洮州之合州置疊州者武德時柴紹將洮州吐谷渾突來圍經使人彈琵琶二女對舞虜相與聚觀紹潛遣相擊擊其後虜將大潰○西平王李晟臨渾人朱泚之難尅復京師于愬平淮蔡功居首○青海在洮水之西周迴千餘里中有小山隋將段文振西征逐虜於青海即此唐天寶十三年築城置神策軍哥廢亦即漢平帝時王莽所立西海郡也名磨神川○雍大記云今衛 國初洪武十二年西平侯沐

英開設漢南都尉所理有安西莫門二軍俱唐貞觀儀鳳間置尋廢即後唐及宋之保順軍也既乃立洮州團練使元末李思齊據之洪武四年始歸附
岷州衛 隸陝西都司
岷山在衛城北山黑無樹木洮水經其下夏禹見長人受黑王書於此岷州古城本秦臨洮城也東漢時隴西羌反中騎將軍馬防擊平之此城遂廢○雍大記云岷州置自西魏文帝唐時開岷州都督府宋熙寧間改隸熙州元至元間割隸思麻陳西名勝志卷之十二 六
國初建衛因於岷州舊基築城二東西相連有索西城在治東南九十里亦馬防所築一名臨洮東城又名赤城有宕州城在治南百二十里向市茶馬于此金人據洮遂併番市歲鬻馬數千宋馬斂馬堡宕州人元將來攻皆不屈力戰而死有西岡城在治南四百里今爲千戶所隸衛○志云金童山在城南里許山勢嵯峨亦名金通山○岷州山在城西隋唐書俱以州西有岷峒山也唐書又有岷州山在故和政郡志云在當衛境○冷落山在城東五十里春夏多陰晦雨雪不生草木故名又

七十里。有遮陽山。以日景為山所蔽也。夷門山在其右。俗名大王洞。山雲叟張舜民題曰夷門山有溪及洞。俱以雲叟名。其鑄石曰西溪東源及東石門數字。○西征錄云。凡白岷州趨宋州。沿水而行。稍下行大山中。入棧路。或百十步。復出。略崖嶮。岑不可乘。騎必步至臨江寨。得白江。至階州。須七八日。其所經皆使傳所不可行。山水秀絕。人下無有。臨江之上。一處當大山中。西望雪山。山日見如銀。其高無際。出參山上。居人口北。雪山佛居也。此

河州衛 隸陝西都司

陝西名勝志 卷之十二 十七

河州詳臨洮府下今衛 洪武三年置魯氏雜洮云乞伏仁據洮罕稱秦即此按周地圖記抱罕洮縣即故罕羗侯邑也屬金城郡後魏至唐河州皆理于此有大夏縣以大夏水而名即白水也唐貞觀初入抱罕其年又分河州置烏州及鳳林縣以河側鳳林關而名○寰宇記云積石山在衛西北七十里一名唐石山今名小積石山禹貢浮於積石是矣又五十里為積石關戍守之要害也金劍山在廢大夏縣西二十里亦有金劍故城前涼張駿曾設金劍縣于此○石門山在廢鳳林縣界注

水經云瀾水又東北逕石門口山高險絕對崖如門故峽得名旋即阜蘭山門也漢武元符二年驛騎將軍霍去病出隴西至阜蘭今是山去河不遠應謂此○北史念賢抱罕人少時在學遇善相者衆說品之賢笑曰男兒生死富貴皆在天何用相乎邈水無間歷官都督秦河二州刺史○輯畧云河洮等處西番即吐蕃也其先本羗屬有七十二族種類繁夥散處洮岷階文間其俗以牧為屋凡內屬人貢者謂之熟番其餘謂之生番 國初河洮西寧三衛各設茶馬司頒給金牌為符每歲以茶易馬凡四千八百餘疋中國頗得其利遇警征調有事亦藉其力但夷性匪常順逆不一非重兵宿將無以制之近北虜累次渡河侵擾內地不惟中國受害屬番亦遭殺戮故特設總兵官以備番亦防虜也

靖虜衛 隸陝西都司

後魏置會寧縣西魏之會州矣志云會川城在衛西南一百里為金帥郭斌死節處又二十里為州屬城祖厲漢縣屬安定郡前涼張軌時廢唐置為蘭縣于此按烏蘭山在衛城南百二十里祖厲河

在西南百三十里比流經祖厲城入河水唐史有
河池因雨生塩卽此處也○黃河在城北一里河
源遶雪山來過會州入常靜山石峽險隘自上垂
流直下高數十丈按雪山距衛城比境百二十里
山勢高峻積雪不消故名與虜爲界○輯畧云靖
虜衛邊外火落赤真相台古兵馬萬餘駐牧松山
離邊六百餘里常犯莊浪臨洮地方又有內圪免
臭久假不抄大邵卜素莽喇比把什各酋亦過河
來擾攫莽二川套虜且耽耽窺伺之冬春河凍之
時尤所當戒嚴也

陝西名勝志

卷之十二

一九

陝西名勝志卷之十三

關中曹學佺能始著

行都司治其州衛

漢以前月支地後爲匈奴所據武帝時始置酒泉
武威張掖等郡以斷匈奴右臂時號河西五郡晉
時張軌據河西爲前凉呂光繼之爲後凉及李嵩
遷酒泉號西凉沮渠蒙遜據張掖號北凉後魏始
分置西凉州西魏更名其州唐天寶後沒于吐蕃
大中始收復宋金俱爲西夏所據理宗寶慶二年
蒙古滅夏人元世祖立其肅路總管仍置行中書
省我 國初洪武五年宋國公馬勝定河西二十
四年置其州衛越二年改置行都司領衛十二守
禦千戶所二又設行太僕寺與之同城○河西人
物志十篇張武孟著武孟少好獵母憂之爲不食
始發憤讀書記問淹博仕至右臺御史唐神龍初
張掖人

其州衛 左右中前後凡五 俱附郭

漢張掖郡取張國臂掖之義後又置屬國都尉以
主蠻夷降者後魏于張掖郡分置西凉州西魏改
今名以城西南有甘淩山矣寰宇記云其淩山一

名糾峻山計水經以張水歷糾峻山南與張掖河
合卽鮮水也亦名合黎水南自吐谷渾界流入禹
貢道弱水至于合黎餘波入于流沙按西域傳弱
水在條支自長安西行萬二千里又百餘里始至
流沙者居延海是也○志云張掖河在司城西十
里又城北二十里有橋北洋弱水流沙之處掖河
西岸有泉數十處俱生蘆草飼林資焉其西有都
濬溝又西有麥泉沮渠蒙遜與西凉交鋒于其上
居延海在西北界渡張掖河至黎口映傍河東
端曲屈行千五百里始達○合黎山一名要塗山

陝西名勝志卷之十三 二

在賊北人祖山在城東各去四十里皆不毛之地
又五里爲人祖山谷○馬蹄山在城南百里巖石
上有神驥足跡至今存又有臨松青松丹霞三碧
○晉永嘉中張掖臨松山有石如張掖字後掖字
漸滅張字分明又有文曰初祐天下四方安萬年
後魏置臨松郡在此山下吐蕃贊普卽其郡異稱
也○通達山口在城南八十里又十里爲順化口
又十里爲宣化陽化和寧諸口又二十五里爲大
小慕化口又二十里爲洪水口又城西南有大小
磁窰山口各去七十里已上諸口皆通祁連○祁

連山在城西南百里木名大出匈奴呼天爲祁連
故名西河舊事曰祁連山在張掖酒泉二郡界內
松柏五木美水茂草山中冬溫夏冷宜放牧牛羊
充肥乳酪饌好炎夏渴酪不出器物刈草着其上
不解散作酥特好一斛酪得酥十餘又有仙樹人
形山中饑渴者食之則飽不得持去漢書霍去病
攻祁連山得胡房首二萬餘級卽此處也有石井
出祁連山下石洞中四時不竭○居延城在張掖
東北漢居延縣武帝使路博德築遮虜障于其地
李陵戰敗與士卒期至遮虜障卽此矣袁氏故城
陳西名勝志卷之十三 三

亦漢縣在其西北或謂之昭武城按張掖水亦謂
之覆袁水隋書煬帝巡幸河西至浩亶吐谷渾伏
名師衆保覆袁川是也○千秋萬歲二城皆光武
將實融所築以控邊夷又有驛馬戍者老云昔人
驛馬二疋爲匈奴掠去數載自還因立戍於此
輯畧云北州衛邊外真州台吉火落赤台吉兵馬
萬餘駐牧青海地方離邊約三百里切近西陲莊
涼等處不時入犯東南過河則臨洮戒嚴
肅州衛在都司城西五百里
我 洪武初宋國公兵至河西元肅州路守臣掠

其人馬遁去沙漠遂置今衛蓋昔月支之地爲匈奴所滅今休屠昆邪王守之漢武時昆邪率衆來降以其地爲武威酒泉郡郡乃卷胡通譯之路人月支大夏皆由此也漢以公主妻烏孫王而分匈奴西方之援卽其地前涼張軌西涼李嵩北涼沮渠蒙遜並都之後魏太武平沮渠牧犍分置永州仍立酒泉郡于此初屬甘肅隋大統中分甘肅之福祿縣置肅州河西舊事云福祿城謝艾所築城下有金泉味如酒故曰酒泉按金泉在今衛下古酒泉也又有金河高君誨使于閭記云其州西

陝西名勝志

卷之十三

四

五百里至肅州渡金河西百里出天關唐李益詩鴻鴈新從北地來卽此一半却飛迴金河戍客腸應斷更在秋風百尺臺○漢書金日磾休屠王子沒入宮武帝奇之拜爲侍中賜姓金氏與大將軍霍光同受顧命晉書祁嘉酒泉人清貧好學教授門生拜床下者至二千餘人夜忽聞窓中有聲呼云祁孔賓隱去來嘉字孔賓○寰宇記云呼蠡水一名潛水亦名羗谷水俗謂之福祿河西南自吐谷潭界流入漢地理志呼蠡水出南羗中東北至會水入羗谷會水一名白亭水十三州志云衆羗

之水所合故曰會水北有白亭俗因謂之白亭海也○白亭海在衛東北三十里西南有五調谷水流入以水潔白故名有天生橋覆之水流地下人行于土宛似橋梁不假人力○清水河在衛城北沙河在衛城東各四十里俱流入計來河距城北一百里源出雪山流三百里注于黑河○漢地理志黑水出張掖縣鷄山與紅白二水合按黑水在衛城西北十五里經黑山下穆天子傳天子循黑水至于於戲王之山卽此水矣白水在城西南二十里紅水在城東三十里壁王山今名王石山一名

陝西名勝志

卷之十三

五

嘉峪山在城西七十里有嘉峪關國初畫此爲界置燉煌地于外築哈密城使番酋守之以捍其肅成化間哈密失守遂喪藩籬○衛東南六十里崆峒山史記黃帝披山通道西至於崆峒者也九州要記云涼州武威郡有天山昔黃帝受金液神丹于此近崆峒山頂有魏太祖塢○崆峒山在酒泉縣西南百八十里前涼張駿詢太守馬岷曰酒泉南山卽崆峒之體也昔周穆王見西王母樂而忘歸其山有石室王堂珠璣餼餼煥若神宮禹貢崆峒在臨羗之西此爲明矣官立王母祠以禪朝

廷無疆之幅駿從之考漢書平帝時金城塞外羌
獻魚鹽之地遂得西王母石室卽此○九隴山在
城南二百里周地圖云昔有仙人坐張掖西方山
上射酒泉郡西金山之日神射得九籌書此山上
遂成九隴因以爲名○又云酒泉出石漆在延壽
城中有山泉出注地其水肥如肉汁燃之似油極
明但不可食北方人謂石漆得水愈熾本此又有
石鹽出獨登山巖石上其味美于海鹽又有赤鹽
水出金山東爲漆用○治南劉師祠出珠丹卽字
疏訶沮渠時人西求仙山至此卒嘗化爲珠其血

陝西各勝志

卷之十三

六

皆丹門人因之立廟辦至心者謁之往往獲珠丹
焉○志云曲尤城在衛西臘脂城在衛北瓜州城
距衛城西五百餘里唐張守珪刺郡時虜奄至衆
皆失色守珪置酒城上會諸將作樂虜疑有佛引
去守珪因縱兵擊破之有宜禾城在其西北漢宜
禾都尉治苻堅徙江漢人萬餘戶於此後魏明帝
僞立會稽郡○王門縣在衛西北十八里縣長三
百里石門周匝山間截徑一十里衆泉流此人延
興界漢罷王門關徙其人以居之故名班超出西
域願生入王門關卽此也○沙州城在衛治西八

百餘里卽漢武帝所置燉煌郡也昔張軌據此置
商州其後梁武帝昭王都之唐改沙州 國初置衛
正統間徙其衆于內地但名存耳有鳴沙山在其
城南七里一名沙角山天氣清明沙鳴于城內故
名又十餘里爲三危山卽舜竈三苗禹導黑水之
處○龍勒山在衛治東百里漢龍勒縣以此名後
魏改壽昌縣有渰注水在其境漢元帝四年天馬
生于渰注者也又有北塞山漢匈奴傳天馬朝發
京師夕至燉煌北塞卽此壽昌西六里有陽關昔
都尉治漢燉煌郡西北一候卽此唐王維詩西出

陝西各勝志

卷之十三

七

陽關無故人○考其肅一鎮番虜雜處三面受敵
獨遼東一面由蘭州過河通省會三千里而遙聚
若松山未復寔虜爲梗往來一綫之路幾于斷絕
人始爲坦途矣策昔虜犯必由賀蘭山後而入米
去有時聲息可以預知自亦不刺窺居青海嗣是
火落赤真相台吉賓兇若力免等相繼竊入而自
北流米之虜每呼群引類如水赴壑蓋河西川原
遼曠水草豐茂虜所垂涎至卽戀爲窟穴該鎮每
奏斬獲皆零星流虜而已邇時邊臣以微功爲戒
將士不敢出塞賊益橫行無忌恐從此流來日衆

虜勢日強卽諸番亦折而從虜矣月今松山雖復虜酋木珍土魯番雖貢无刺尤強此當事者所憂也○九邊圖論云哈密其肅藩離諸番之領袖也成化以來陷于土魯恢復之議至勤累朝顧在今日有難者二當緩者四不可例以往日何也哈密累敗之餘民亡畧盡營之重死之人身不自持縱今段國豈能固守此一難也恢復之計曉諭不從必煩聲討唐喝謾恐難以震動試言今日可復能爲先衷毅深入之事乎此一難也往建哈密以其能制諸夷爲藩蔽也今尚能乎立之何益是故哈

陝西名勝志

卷之十三

八

密者昔爲要區今爲散地盛衰之會強弱之形異耳當緩一也哈密轉徙之衆已長于孫身事國遺我以難是彼無共天之美我有同角之急此何爲乎當緩二也累朝以哈密之故勞費萬狀論議無已是以夷人視之爲奇貨以爲中國一日不可無哈密也今日索金幣明日求進貢今日送金印明日還城池譬之以果哨兒舞弄在手假令自今不復言哈密恢復事彼將何爲乎以爲將遂有哈密也則豈待中國棄之而後取之以爲不能則哈密猶舊也尤閉關絕貢尤可以制諸夷之命乎當

緩三也亦斥蒙古安定間先等衛亦皆中國藩蔽赤斤破于土番安定破于海賊何不聞爲彼恢復而切切于哈密乎當緩四也審于六者之間則哈密應否當復固機之士必當有以破衆說矣至于亦不刺者迤北逋寇盤據西海不并屬番爲西南患頃歲已許內附亦因其敗弱而棄之頗爲失計何也其肅之患北虜倏去倏來南番坐守之夷耳惟土番兩犯其肅大肆荼毒漸不可長若敗海上之虜置之哈密近境結以恩德西制土番北制瓦刺此千載一時也倘有成績卽合職西域之貢何

陝西名勝志

卷之十三

九

所不可議者祇恐別生事端而不思遠地無虞祇云夷心叵測而不知窮虜易用視今日自西海散處河岷何如邪矧以虛糜收實用借虜地爲干城得失利害不較可知又今河西敵矣二千里內計丁一萬七千耳防守不設耕種難也累遭殘破生聚難也廢削無已休養難也是故人益貧口益耗食益歛兵益弱而屯田益不興矣近日差官添築新堡廣招佃種夫豈有舊堡未充而更能實新堡者乎豈有不設防守而勤遠耕者乎豈有將不休養而人得生聚者乎如李淮之議曰欲將見堡量

給以馬無事令其瞭望而耕耘有事得以聯絡而馳逐拯溺救焚此其近策之可行者也因著論如左

山丹衛在都司東西百三十里

漢刪丹縣也界內山上多紅故名○衛東南百里有焉支山亦名刪丹山西河舊志云焉支山東西百餘里南北二十里上有松柏五木其水草茂美宜畜牧與祁連山同匈奴失祁連焉支二山歌曰亡我祁連山使我六畜不繁息失我焉支山使我婦女無顏色唐哥舒翰建有神祠于山麓天寶間

陝西名勝志卷之十三 十

封山神爲靈濟公○志云花門山在城北三里石延海在城東北五里○南草湖在城南西草湖在城西各去十里石峽口在城東八十里兩峰相對下有石井故名紅白鹽池在城北五百里○城東南有髮塔寺我洪武初築城址得餽佛五香爐一石函一函內有髮爐上刻髮塔寺三字又有紅山寺在城北二十里

永昌衛在都司東南三百十里

元永昌王宮殿在焉本漢之蒼松縣也後梁改爲昌松○寰宇記云金山在昌松故城南去今城北

二十里麗水出焉又有青松山在衛南八十里亦名大黃山瑞獸山蓋一山而連跨數處○麗水一名烏逆水漢地理志烏卒逆水出金城郡允吾縣之參街谷東流至枝陽入湟卽此水也周地圖云

允街漢縣故城臨麗水一名麗水城允音況其城地勢極險沮渠蒙遜增築以爲防守之所○寰宇記有鸞鳥城傍山而砌卽因山以立名其山有鳥形似雀見人卽以嘴啄石自圖其形以示人○水磨川一名雲川源出鸞鳥山之平羌腦兒都出口水勢洶激能轉水磨故名又六十里有考水河又

陝西名勝志卷之十三 十一

西南三十里之煖泉俱東北流入磨川又城東南西南各有水關一俱在城外諸山口○雪山一名白嶺山在衛西南界山頂冬夏積雪望之皚然寒氣異於餘處鳥飛不下與京州南山相連絡塞占口澗發源于此

京州衛在都司東南五百里

釋名西方寒涼又以河上田薄故曰涼也京州漢元禹間置亦卽武帝之武威及昭帝之金城郡矣漢書太初二年武帝遣浚稽將軍劉敬奴將二萬騎擊破匈奴因立武威郡今有浚稽山在武威廢

城北○地理志曰武威郡治姑臧縣王隱晉書云此城匈奴所築舊名蓋臧城後人語訛爲姑臧西河舊事云漢末建安初州邑大擾而河西獨安姑臧猶爲富饒○魏太武帝勅其太子曰姑臧城東西門外湧泉合於城北其大如河自餘溝渠流入漠中其間乃無燥地○姑臧廢城在今衛城東北○里臧南山在姑臧西南百二十里冬夏積雪不消亦名雪山魏書姑臧城南天梯山上冬有積雪深至丈餘春夏消釋下流成川地理志云南山若水所出北至武威入海行七百九十里○武威城內有沮渠蒙遜所造七級木浮圖故名七級城又卧龍城卽郡城之異名也○檀道鸞築土以造若盤龍狀四隅有頭尾曲翅一名烏城劉昫燉煌實錄云晉安帝隆安元年五月涼州牧李嵩微服出城逢一虎在道邊因化爲人遙呼嵩爲西涼君嵩還等狐符之又遙呼嵩曰汝無疑也嵩知其異乃投弓於地虎人仍前謂嵩曰燉煌空虛不足幅地君之子孫王於西涼不如遷徙酒泉言訖不見未幾嵩移都酒泉○鷄陰城在衛治東鷄水名漢鷄陰縣也今廢城存有七里潤距城東七里又四十

三里爲紅泉以水作緋色故名○龍夷城在衛治西卽漢戍也校尉所理戍已言在內以御統四方也王莽之西海郡矣又西二十里爲蓮花峰峰下有五石紋如獸形遠望復如蓮花○十六國春秋云靈泉池在南城中張玄站五年有人鳥青白色生於池上舒翼二丈餘後涼呂光宴群寮於池上酒酣與參軍段業語及政理尚嚴峻業曰奈何以中婦之末法臨道義之神州乎光改容謝之又有人梯山去城南八十里○休屠城在衛治北休屠王所居之地禹貢至于潞野是也今名屠野澤陝西名勝志

上催醉卧沙場君莫問古來征戰幾人回黃河遠
上白雲間一片孤城萬仞山羌笛何須怨楊柳春
光不度玉門關鳳林開外水東流白草黃榆六十
秋邊將皆承主恩寵無人解道取涼州已上爲魏
子升王翰王之渙張籍諸人作之渙即唐詩紀事
所云教坊少妓最末歌其一篇者

莊浪衛在都司東
百五十里

元之莊浪縣也國初縣廢始置衛衛城西有河
源出分水嶺南者爲莊浪河北爲古浪河○東山
在衛城東一里又東北三十里有石佛山○松山

陝西名勝志卷之十三

在衛東百二十里山多大松又東北一百里有小
松山又西北百三十里有葡萄山與雪山相西大
通河所逕○輯畧云松山東臨黃河北阻賀蘭西
亘莊浪南綴蘭靜延袤千餘里號爲沃壤隆萬之
間款貢日久招攷虜酋賓免族屬盤窟其中時肆
侵掠內地制臺僅存一綫萬曆二十六年撫臣田
樂鎮臣達雲招集夷漢健丁遠出塞外大加剿殺
虜衆聞風遁散尅復大小松山建堡築城屯戍相
望乃割崖塘等處屬固原紅水河三眼井等處屬
臨洮阿壩嶺大靖城土門兒等處屬莊浪白黃河

索橋起至土門山其長四百里而蘭靜莊浪千四
百里之衝邊始獲安枕矣第蘆塘二眼井地方土
疎易見時費脩葺而舊址自鎮番直接寧夏中衛
通樹長邊以力訓木泉尚屬一貫云

西寧衛在都司東南
三百五十里

宋曰西寧沿後漢建安西平郡之號也固隋唐之
鄯州而漢之破羌縣矣漢書西羌傳曰無弋爰劍
者爲秦所執後亡藏于巖穴中秦人焚之有景象
如虎爲其殺火得免遂入三河間諸羌共神而畏
事之推以爲豪主爰劍曾孫志季父印畏秦之威

陝西名勝志卷之十三

因將其部落南出賜支河西數十里與衆羌絕
遠不復相通子孫分別各自爲種忌及弟舞然留
湟中忍生九種舞生十七種羌之興盛從此起羌
湟中月氏胡其先大月氏之別也及霍去病征匈奴
奴取西河地間湟中縣築令居塞以其地屬金城
郡於是月氏來降與漢人錯居十六國春秋南涼
秃髮烏孤都此後漢至唐皆屬西平郡上元開漢
于吐蕃始號青唐城○西寧志云萬山環抱三峽
重圍紅崖峙其左青海潞于右離羌胡糾處綽有
華風又其先是木渾可汗子孫故爲狼種旌旗皆

有狼形倚衛稱曰附離卽彼謂狼也俗左衽射袴不聞襦又羌人多祈女因有養女嶺云 寰宇記云湟水一名樂都水後魏樂都郡附湟水縣以此名湟水發源牛心堆經四聖山陽東至允吾縣入河有浩疊水又名閤門水自西塞外東至允吾縣入湟有峽口山在其城東地極險阻爲鄯都往來咽喉地漢時謂之湟廐唐人嘗修閤道于此宋置省章城控制要害又名緩遠關其地有牛心堆卽湟水發源處唐書列傳李靖伐吐谷渾敗其王于牛心堆是也○志云西寧河在衛城北百步源出

陝西名勝志

卷之十三

太

熱水山山在衛西南五百里山南出煖水流入山海西北出冷泉卽西寧河源也西海方數百里有魚無鱗背負黑點漢平帝時王莽諷旱禾羌獻地置西海郡于此俗呼青海○積石山在衛境歷龍支縣南卽禹貢導河積石者也黃河在衛東南五百里西寧河合伯顏川至衛城又與那孩川合注之○龍支本漢允吾縣地後魏武帝置金城縣廢帝改龍支縣以縣西龍支谷爲名谷中有唐述窟高四十丈其窟有物若似今書卷謂之精嚴嚴因時見神人往返益古仙所居耳羌胡懼而莫近

以思爲唐述故指此中爲唐述窟○輯畧云衛設萬山之中漢土番夷雜居耕牧東至河州南至緱德西至青海北至毛家山邊牆設有巴海等一十三族各授官頒印中納金牌茶馬故衛西置有茶馬司自正德七年虜亦不剌阿余禿廝二酋占據青海將安定等四衛併臨近深藏等番夷搶殺散亡見在臨番巴哇等八番頗守法度連年中馬貿易率當其巴沙冬沙寫爾思阿思箇等族倚憑山險或搶掠行旅或攻打莊寨至無虛日先年調集兵馬剿捕後頗安靜近年又復爲惡雖遣撫夷官

陝西名勝志

卷之十三

七

禁諭跳梁如故倘不早爲處治夷性犬羊尤而效之日益滋蔓非細故也

鎮番衛

在都司東五

洪武間置轄左中千戶所二元之小河灘城也小河自涼州五礪谷來在衛南十五里○志云張掖河源衛城西四里黑河是有黑山關在西南六十里又十里爲紅崖子土色皆赤故名又迤北四十里有來伏山其山脊高首銳如丹伏狀○治東有新中沙池西有鴛鴦池小白池南有三礪池西北有小白池并俱產鹽○舊經云蘇武山在衛東

二十里俗傳蕪武牧旌處雍大記曰西北供米伏之岫東南峙子卿之山謂此也

高臺守禦千戶所 在都司西南一百六十里

漢樂涪縣王莽之樂亭矣前梁置建康郡距今城西南四十里元魏屬甘州張掖郡自宋元後其城荒廢 國朝正統間張掖人劉寬建言于甘州衛西南境立千戶所以高臺者以其地稍高控扼戎虜之要衝也

古浪守禦千戶所 在都司東南一百四十里

唐和戎城也古浪水名流達關城其地東至粉沙

陝西名勝志 卷之十三 六

西連武威南界與河北抵燉泉廣袤四百五十里領

百戶所十

鎮夷守禦千戶所 在都司西一百三十里

洪武二十九年置千戶河之北後為河水衝決天順間始移今所其地東抵高臺西接酒泉南臨番夷北隣胡境廣袤一百三十里領百戶所十

河南通敘

河南者大河以南也曰衛輝彰德懷慶三府實兼河北而有之矣中州之名雖為汝寧而設然猶得渠稱焉○宋程大昌北邊備對云漢史凡記三輔以及虜事而曰河南者非洛陽之河南也上郡北地隴西朔方西河皆在積石豐勝龍門三河之南故曰河南然其語黃河則一也○黃河有四大折自鹽澤西來暨達潼關其面勢所向迭進殊變或與夾狄分境或當北狄來路其初一折出積石而逕湟中則鄯蘭也是一折也及至靈州西南遂北轉而行凡千餘里北河岸即為涼肅甘沙四郡是又一折也迨其北流千里而遙至九原豐州則又轉而東流故豐州北面正抵大河是又一折也豐州之東為榆林北境固抵大河而河從此州之東又轉而南故勝州北東兩面皆抵大河也自此而往直至潼關皆是河南矣此又一折也河水出潼關入故弘農靈寶縣始為河南府為邑之境然中州既以河名則當迴源而及其委云○按樂史太平寰宇記始于河南道蓋北宋以河南為京畿道也王象之輿地紀勝視移方輿勝覽起于浙江臨

安府蓋南宋以臨安府爲京畿道也此卽禹貢首冀州西京首三輔之遺制我

國家南北直隸各有京畿道矣今十三道御史以掌河南道爲首一應考核事宜及內計察典皆其職掌而外官之入賀應

朝及聽選預考察者又以浙江爲首此不無相沿兩宋之遺意而所當釐正者云崇禎元年臣

謹識

河南道敘

卷之二

二

開封府省領州四縣三十

春秋鄭地戰國魏都漢以來陳留郡也高祖起兵沛上鄴生說曰陳留爲天下衝四通五達之交無名山大川之阻謂此地矣東魏始分陳留兼置開封五代梁始顯置開封府號東京北宋之所都也元改爲汴梁路國朝設府仍曰開封○志云漢汲黯爲開封太守郡大治卽武帝稱臥理淮陽處○後漢李祥光武時開封太守喪亂之餘得循有方流移復業者萬餘家○王元京兆人爲陳留太守務行德教蝗不入境○石馴壽春人章帝時爲開封府志卷之一

陳留太守有治迹廣鑄刀劍錢物以通民用○渠祗潁川人歲旱軍食不給乃于陳留建置屯田所在積粟倉廩皆滿○唐李道廣爲汴州刺史突厥寇河北詔發河南兵擊之百姓震擾道廣悉心撫定民無離散○宋呂餘慶呂夷簡包拯馮京歐陽脩皆治開封有名皇祐五年安州鄭獬知開封以不肯按問新法爲王安石所忌而能按一統志既以東魏始分陳留兼置開封而府志謂汲黯李祥俱爲開封太守是兩漢時已有開封郡矣長孺本傳出爲淮陽太守今府屬陳州地未云治開封也

想必府志之訛攷青箱雜記載梁高祖爲宣武節
帥及受禪乃升汴州爲開封府其詔曰興王之地
受命之邦集人勲有異庶方沾慶澤所宜加厚故
豐沛著啓祥之美襄鄧有建都之榮川壯鴻基且
旌故里則汴州爲開封府斷自朱梁時也○宋浚
儀王應麟玉海云開寶武功仁德頌太常博士董
淳進○太平興國南郊頌太子中允王樞獻○淳
化三年賜楊億及第億年十二讀書秘閣因進東
西京賦太宗嘉之五年九月眞宗以詩王爲京尹
吳王元傑獻公政銘○咸平四年知制誥錢惟演
開封府志勝八卷之一 二
獻東京賦元豐七年以太學生周邦彥爲太學正
邦彥獻汴都賦故擢之○隋經籍志陳留風俗傳
三卷漢議郎國稱撰高帝紀臣瓚註多引用之○
陳留耆舊傳一卷晉江敝撰唐書十五卷蓋廣耆
舊傳而成之○東京記二卷宋宋敏求撰○汴都
名實志三卷紹興間環中撰○汴京遺蹟汴京佚
事俱明李濂撰濂字川父大梁人○開封府志
周府宗正睦樺郡人兵部侍郎曹金同編○唐儲
光義大梁途中詩快快步長道客行渺無端郊原
欲下雪天地殘殘寒當時每酣醉不覺行路難今

日無酒錢悵惶同誰歎常建客高十五留別便呈
于十一詩累薦賢良皆不就家近陳留訪耆舊韓
康雖復在人間王霸終思隱嚴賓清冷池水灌園
蔬萬物滄江心澹如妻子歡同五林柳雲山老對
一床書昨日公車見三事明君賜衣遣爲吏懷章
不使郡邸驚待詔初從闕庭至散誕由來自不羈
低頭受職爾何爲故園壁掛烏紗帽官舍塵生白
接離寄書寂寂於陵子蓬蒿沒身胡不仕慕羹被
褐環堵中歲晚將貽故人耻

祥符縣附

開封府志勝八卷之二

三

本漢浚儀開封二縣地魏晉因之唐以開封省入
浚儀宋祥符間改今名○輿地志云浚儀者縣有
浚儀渠也水經注曰渠水東南逕赤城北戴延之
所謂西北有大梁亭非也竹書梁惠成王二十八
年穰苴率師及鄭孔夜戰于梁赫鄭師敗逋卽此
城矣左則故瀆出焉秦始皇二十年王賁斷故渠
引水東南出以灌大梁謂之梁渠又東逕大梁城
內本春秋之陽武高陽鄉也於戰國爲大梁周梁
伯之封國梁伯好土功大其城號曰新里民疲而
潰秦遂取焉後魏惠王自安邑徙都之故曰梁耳

竹書梁惠成王六年四月甲寅徙都于大梁是也
秦滅魏以爲縣漢文帝封子武於梁孝王以土地
下濕徙都睢陽自是置縣以大梁城廣居其東城
夷門之東夷門卽侯嬴抱關處也續述征記以此
爲師曠城言郭緣生曾遊此邑踐夷門升吹臺終
古之跡緬焉盡存余謂此乃梁氏之臺門魏惠之
朝居非吹臺也當誤證耳按志梁王城在府西北
二里卽梁惠王之故城也亦城在府東北十二里
今名霍赤岡信陵亭在城內隔河相國寺前卽魏
公子勝榮之地王昌齡詩曾爲大梁客不負信陵

開封府志勝卷之一

四

恩○竹書惠成王三十一年三月爲大溝于北郭
以行圃田之水陳留風俗傳曰縣北有浚水像而
儀之故曰浚儀詩曰爰有寒泉在浚之下註云其
水冬夏常冷因曰寒泉攷寒泉陂在縣西六十里
漢武帝元年廢新里城而立浚儀本此志稱陸雲
爲浚儀令市無二價人不能欺及去官百姓圖像
配食縣社○開封古城是漢所理相傳春秋時鄭
莊公築以開拓封域爲名在今郡城西十五里
紫微詩話云開封有二尉一治內一治外范正平
治外尉乘一馬常卑少謝公定贈之詩云一官如

馬小衆眼似衫青是開封在宋時置縣如故未嘗
省入浚儀或唐省後更置○注水經云渠水又東
南逕開封縣睢渙二水出焉右則新溝注之其水
出逢池漢高帝十一年封陶舍爲侯國陳留志稱
阮簡字茂弘爲開封令縣側有劫賊外白甚急數
阮方闢基長嘯吏云劫急阮口局上劫亦甚急其
號樂如是○水經云魯溝水南際富城東南入百
尺陂卽古逢澤徐廣史記音義曰秦孝公會諸侯
于逢澤陂卽此也故應德理西征賦曰鸞衡東指
弭節逢澤其水東北流爲新溝新溝又東北流逕

開封府志勝卷之一

五

牛首鄉北謂之牛建城又東北注渠卽沙水也音
蔡許慎正作沙音言水散石也從水少水沙見矣
其國多池沼時池中出神劍其民像而作之號大
梁氏之劍渠又北屈分爲二水續述征記曰汴沙
到浚儀而分也汴東注沙南流逕梁王吹臺東陳
留風俗傳曰縣有蒼頡師曠城上有列仙之吹臺
北有牧澤中出蘭蒲方一十五里俗謂之蒲蘭澤
梁王增築以爲吹臺城隍夷滅畧存故迹今層臺
孤立於牧澤之右矣臺方一百步詩卽阮嗣宗詠
懷詩所謂駕言發魏都南向望吹臺者晉世喪亂

乞活憑居削墮故基遂成二竹上基猶方四五
步高一丈餘世謂之乞活臺又謂之婆亭城梁水
於此有陰溝鴻溝之稱焉項羽與漢高王指是
水以爲東西之別昔蘇秦說魏襄王曰大王之地
南有鴻溝是也今蕭縣西亦有鴻溝亭梁國睢陽
縣東有鴻口亭先後談者亦指此以爲楚漢之分
王非也蓋春秋之所謂紅澤矣○按張泊論云陰
溝鴻溝非一水也昔禹于滎澤下分大河爲陰溝
引注東南以通淮泗至大梁浚儀縣西北復分爲
二渠一渠元經陽武中牟臺下爲官渡水又一渠

開封府志勝八卷之

六

乃始皇疏鑿以灌魏郡謂之鴻溝蓋良蕩渠自滎
陽出五池水來注之其鴻溝卽出河之溝亦曰良
蕩渠也漢靈帝于故城西北壘石爲門以遏渠口
東合濟水渠水至此又兼鄭之名鄭音返卽汴字
昔人避反字而改耳返者言河水既出渠又反與
濟合也楚漢分王處舊在滎陽今屬河陰然則浞
儀及睢陽之鴻溝蓋渠水之下流矣○倉頡臺在
縣東北二十里有倉頡家按通紀云倉頡居陽武
而葬利鄉卽此處○大梁城有十二門東曰夷門
侯藏爲夷門吏年七十隱焉魏公子無忌與之遊

處有土阜亦名夷山唐王維夷門詩七國雖雄猶
未分攻城殺將何紛紛秦兵益圍邯鄲急魏王不
救平原君公子爲龐停驂馬執轡愈恭心愈下亥
爲屠肆鼓刀人龐乃夷門抱關者非但慷慨獻奇
謀意氣兼將身命酬而風羽頭送公子七十老翁
何所求○寰宇記云縣東六里有蓼堤高六丈廣
四丈梁孝王徙都睢陽乃築此堤東至宋三百餘
里隋煬帝復修築之改曰隋堤志云隋堤一名汴
堤卽汴口也唐崔顥晚入汴口詩昨晚南行楚今
朝北汴河客愁能幾日鄉路漸無多晴景搖津樹

開封府志勝八卷之

七

春風起棹歌長淮亦已盡寧復畏潮波劉夢得楊
柳枝詞煬帝行宮汴水濱數枝殘柳不勝春晚來
風起花如雪飛入宮牆不見人李益汴河曲汴河
東流無限春隋家宮闕已成塵行人莫上長堤望
風起楊花愁殺人○沙海在縣西北十二里戰國
策齊欲發卒取周鼎顏率說曰夫梁之君臣欲得
九鼎謀于沙海之上蓋指此隋文帝疏鑿舊渠引
汴水注之習舟師以伐陳陳平之後立碑于側以
紀功焉大業元年又以汴水迂曲迴復頗難乃自
城西南鑿梁引汴水入號通濟渠在今城南二里

又九里曰琵琶溝西從中牟縣界入通濟渠楊帝
欲幸江都始鑿此溝卽葭蕩渠也舊圖經云形似
琵琶故名又有湛渠在城外唐載初元年引泚水
注白溝以通漕其色湛潔故名又有五丈河宋初
之惠民河也引泚水以入開寶初吳越錢俶進寶
帶太祖曰朕有惠民五丈河一條卽此○一統志
云黃河舊自汜水縣入在府城西北四十里 國
朝洪武二十四年決原武縣黑洋山下東經城北
五里又東南至項城縣界入淮故道遂淤永樂八
年復疏入故道自是河分爲二正統十三年又決

開封府志勝八卷之一

八

滎陽縣東經府城西南又東南出項城而城北之
新河復淤自是已來屢溢屢修迄無寧歲元陳孚
詩千載金湯擁上流只今惟有荻花秋江南客子
笑無語閒看黃河入汴州○汴河舊自滎陽縣來
經府城內又東合蔡河亦名通濟渠唐宋汴州以
此名後累因河決蔡河遂湮而汴自府城至中牟
縣入黃河矣李濂汴京遺蹟云今省城延慶觀前
有小磚橋乃汴渠故址俗名臭河兒王建汴河驛
詩晚泊水邊驛柳塘初起風蛙鳴蒲葉下魚入稻
花中去舍已云遠問程猶向東近來多怨別不與

少年同○志云伯俞河在城西南三十里孝子韓
伯俞居此故名東南經木魚寺北合泚水至通許
清水口入黃河○泚水河有二一在城南戴樓門
外東流一在城東楊州門外南流俱至赤倉保入
于黃河此河從古未有 國初始開導○九域志
云靈臺在城南三十里戰國魏侯瑩所築俗名梁
惠王臺○沙瓦臺在城東南鄭店保上有鄭安平
廟安平魏丞相舍人卽救范雎者今廟廢臺存○
迎秋臺在府城固子門外後唐莊宗所築宋都人
九日登高于此○繁臺在城南五里梁開平年改

開封府志勝八卷之二

九

爲講武臺卽古吹臺也一名平臺漢梁孝王增築
之後以里人有繁氏者居其側因名繁臺○臺上
有禹廟廟後爲三賢祠祀高適李白杜甫唐天寶
中三人聚于梁宋共飲吹臺之上後人慕其高風
因祀之今又增李獻吉何大復爲五賢李慶陽人
古籍開封何信陽州人我弘治間所稱李何也○
凝碧池在繁臺之側卽唐之牧澤也宋真宗鑿爲
池今亦淤○新亭在府城西南隅唐汴州刺史令
狐楚建劉禹錫記按 時曾置有新里縣後省入
陳留城屬開封今名亭以此○流杯亭在城西北

隅李商隱題云身屬中軍可得歸木蘭花盡失春期
偷隨柳絮絮到城外行過水西聞子親○大梁亭
在大梁門外韋應物詩梁王昔愛才千占化不泯
至今蓬池上遠集四方賓車馬平明合城郭滿埃
塵孤亭待長望白日下廣津富貴良可求歸來西
入秦秋風旦夕起安得客梁陳○望京樓卽西城
樓舊無名取令狐綯登樓詩有望京二字因名之
韓愈以開封推官入汴題詩于上○蓮花樓在城
西鄭門外宋時士大夫餞別于此○豐樂樓在城
內景明坊卽樊樓也劉子韋詩梁園歌舞足風流

開封府志勝八卷之一

十

美酒如刀解斷愁憶得承平多樂事夜深燈火上
樊樓○汴京和藍之東有錄事巷舊傳以爲朱梁
時名妓崔小紅所居見老學菴筆記○芳林園在
城東北宋太宗潛邸時其祖賜此地爲園及卽位
號曰潛龍後改爲芳林園○金明池在瓊林苑北
宋太平興國初鑿引金水河注其中故名神宗御
馬有白玉逍遙者蓋楮白也嘗幸金明池歸乘之
司馬光詩日華臨蕩金明春波光淨綠生魚鱗煙
深草青游人少道路苦無車馬塵○玉津園在城
南五代時已有此園宋沿其舊址爲都人遊賞之

所劉敞詩垂楊冉冉龍清禁細草茸茸覆路莎長
闌園門人不見禁渠流出雨殘花○宜春苑在麗
景門外宋人號東御園良嶽在城東北有良嶽記
詳見後○甲馬營在城北四十里宋太祖誕生之
地後卽其處爲法祥寺○陳橋驛去城二十里宋
太祖征北漢行至陳橋兵變卽此時有韓通者柴
周臣也懷甲誓師出抗而死東京夢華錄云北城
有四門從東曰陳橋門乃遼人使驛路所由○按
趙德麟侯鯖錄云開封舊城周迴二十里一百五
十五步卽汴州城唐建中五年節度使李勉重築

開封府志勝八卷之一

十一

宋初號曰開城亦曰裏城是也周世宗顯德二年
四月詔別築新城周迴四十八里二百一十二步
號曰外城又曰羅城亦曰新城皆韓通王朴二人
所經度○岳珂程史云開寶戊辰藝祖初修汴京
大其城址曲而宛如蚓曲焉者老相傳趙中令鳩
工奏圖初取方直四面皆有門坊市肆經緯其間
井井繩列上覽而不悅自取筆塗之命以幅紙作
大園紆曲縱斜旁注云依此修築時人咸罔測其
意熙寧乙卯神宗在位欲改作而未果第增陴而
已及政和間蔡京擅國亟奏廣其規制以便宮室

苑囿之奉凡周旋數十里一徹西方之如矩唐崇
樓櫓雖甚藻飾而蕩然無復曩時之堅樸矣靖康
胡馬南牧粘罕幹離不揚鞭城下有得色曰是
攻下令植砲四隅隨方而擊之城既引直一砲所
望一壁皆不可立竟以此失守藝祖沈幾遠觀至
是始驗曩宸筆所定圖宋永平時尚藏秘閣今不
存○明李濂汴京遺蹟云汴城舊有十三門南曰
南薰陳州戴樓東曰新宋楊州新曹西口新鄭萬
勝固子北曰陳橋封丘酸棗衛州今道路所通者
惟曹鄭陳州楊州南薰固子封丘七門口和維愚

開封府志勝

八卷之一

十二

見紀忘云汴之城門取名各有意義如云鄭門以
其通往鄭州也如酸棗門以其通往延津卽舊酸
棗縣也惟固子門未知其義近閱宣和遺事內載
上清寶籙宮成浚濠水流三丈東則景龍門橋西
則天波門橋二橋之下壘石爲固引舟相通而橋
上人物往來不覺又郡城沿革云西面門從南曰
順天門俗名新門次曰利澤水門汴河自此入城
次北口開遠門又名萬勝門次北口金輝門俗名
固子門歐陽公歸田錄亦云飲子固子橋然則以
壘石爲固而名橋因以名門也周禮掌固之職

城隊牛之形北視黃河爲子而子不敢害其母云
○宋朝會要曰今大內卽宣武軍節使治所宋梁
建都遂以衙署爲建昌宮晉天福初爲大寧宮但
改名號而已周世宗雖加營繕猶未合古制建隆
三年發開封浚儀民廣皇城四年五月太祖命有
司畫洛陽宮殿按圖修之自是皇居始稱壯麗○
葉少蘊石林燕語云國初宮室藝祖命都尉李懷
義與中貴人董役按圖營建凡諸門與殿須相望
無得輒差故垂拱福寧系儀清居四殿正重而左

開封府志勝

八卷之二

十三

右掖與升龍銀臺等諸門皆然惟大慶殿與端門
少差爾宮成太祖坐福寧寢殿令闕門前後召近
臣入觀諭曰我心端直正如此有少偏曲處汝曹
必見之矣羣臣皆再拜後雖營經火屢修率不敢
易其故處○洪邁容齋隨筆云大慶殿初名乾元
殿太平興國祥符間皆因火改然一時興創玉清
昭應會靈祥源諸宮觀實本諸軒臣之譏諛議者
固以崇侈勞費爲戒卒未有若政和蔡京所爲也
京既柄政招權璫童賈楊戩賈祥藍從熙何所五
人分任其事五人者各爲制度不相沿襲故宮名

曰延福取五福之義宮門南向東五景龍門門祇
天波門次宮曰藥珠有亭曰碧琅玕其東門曰晨
暉其西門曰麗澤宮左復列二位其殿則有穆清
成平會寧廣謨凝和昆玉座玉其東閣則有蕙儀
報瓊蟠桃春錦疊芳麗玉寒香拂雲鑑益翠
葆延英雲錦蘭薰摘金其西閣有繁英雪香披芳
鈴華瓊華文綺絳夢微華絳綺瑤泉清陰秋香叢
玉扶玉絳雲會寧之北甍石爲山山上有殿曰翠
微旁爲二亭曰雲歸曰層嶽凝和之次閣曰明春
其高踰一百一十尺閣之側爲殿二曰玉英曰玉

開封府志勝天卷之一

西

潤其背附城築土植杏名曰杏岡覆茅爲亭脩竹
萬竿引流其下宮之右爲佐武閣曰宴春廣十有
二丈舞臺四列山亭三峙盤園池爲海跨海爲二
亭架石梁以升山亭曰飛華嶺度之四百尺有奇
縱數之二百六十有七尺又疏泉爲湖湖中作隄
以接亭隄中作梁以通湖梁之上又有茅亭鶴莊
鹿岩孔翠諸欄蹄尾動數千嘉花名木類聚區別
幽勝宛若生成西抵麗澤不類塵境周密癸辛
雜志云京師有八卦殿八門各有樹木山石無一
相類皆嵌石座亦穿空與石竅相通上欲有所往

與所幸美人自一門出宮門左扶輪一輪
則仙樂競奏雲霄間石竅中騰翕煙起若雲霧然
○楊輿汴故宮記云己亥春三月按部至于汴汴
長吏宴于廢宮之長生殿懼後世無以考爲纂其
大梁云皇城南外門曰南薰南薰之北新城門曰
豐宜橋曰龍津橋北曰丹鳳而其門三丹鳳北曰
州橋橋少北曰文武樓遵御路而北橫街也東曰
太廟西曰郊社正北曰承天門而其門五雙闕前
引東曰登聞檢院西曰登聞鼓院檢院之東曰左
掖門門之南曰待漏院鼓院之西曰右掖門門之

開封府志勝天卷之一

五

南曰都堂承天之北曰大慶門而日精門左昇平
門居其東月華門右昇平門居其西正殿曰大慶
殿東廡曰嘉福樓西廡曰嘉瑞樓大慶之後曰德
儀殿德儀之東曰左升龍門西曰右升龍門正門
曰隆德曰蕭牆曰丹墀曰隆德殿隆德之左曰東
上閣門右曰西上閣門皆南向東西二樓鐘鼓之
所在鼓在東鐘在西隆德之次曰仁安門仁安殿
東則內侍局內侍之東曰近侍局近侍之東曰嚴
祇門宮中則曰徽合門少南曰東樓卽校除樓也
西曰西樓仁安之次曰純和殿正寢也純和西曰

雪香亭雪香之北后妃位也有樓西門外
西曰涼位有樓樓北少西曰玉清殿純和之殿
寧福殿寧福之後曰苑門山苑門而北曰仁智殿
有二大石左曰敷錫神運萬歲峰右曰玉京獨秀
太平巖殿曰山莊莊之西南曰翠微閣苑門東曰
仙韶院院北曰湧翠峰峰之洞曰大滌湧琴東連
長生殿殿東曰湧金殿湧金之東曰蓬萊殿長生
西曰浮玉殿浮玉之西曰瀛洲殿長生之南曰閼
武殿閼武之南曰內藏庫山殿祗門東曰尚食局
尚食東曰宣徽院宣徽北曰御藥院御藥北曰右

南封府志勝

卷之一

六

藏庫右藏之東曰左藏宣徽東曰點檢司點檢北
曰秘書監秘書北曰學士院學士之北曰諫院諫
院之北曰武器署點檢之南曰儀鸞局儀鸞之南
曰尚輦局宣徽之南曰拱衛司拱衛之南曰尚衣
局尚衣之南曰紫微門紫微南曰安泰門安泰西
與左升龍門直東則壽聖宮兩宮太后位本明後
殿試進士之所官北曰徽音殿徽音之北曰燕壽
殿燕壽殿垣後少西曰震肅衛司東曰中衛尉司
儀鸞之東曰小東華門東滿在焉中衛尉司東曰
祇肅門祇肅門東少南曰將軍司徽音壽聖之東

曰太后苑苑之殿曰慶春慶春與燕壽並小東華
門與正東華對東華門內正北尚廐局尚廐西北
曰臨武殿左掖門正北尚食局局南曰宮苑司宮
苑司西北曰尚醞局湯藥局侍儀司少西曰符寶
局器物局西則徽合門嘉瑞樓西曰三廟正殿曰
德昌東曰文昭殿西曰光興殿並南向德昌之後
宣宗廟也宮西門曰西華與東華並其北門曰安
貞二大石外凡花石臺榭池亭之細並不錄觀其
制度簡素比十塔茅茨則過矣視漢之所謂千門
萬戶珠壁華麗之飾則無有也然後之人因而損
關封府志勝

卷之一

七

蓋之以求其稱斯可矣 皇明通紀洪武二年
太祖高皇帝駐蹕開封駕回勅留大旗卓于行宮
之高臺以鎮中原今府城南薰門外有封臺布政
司後有奉天臺皆洪武初年所築以為燔柴祭祀
之所至十二年始即宋故宮建 周王府第 王
太祖第五皇子也分封之國宗室繁衍甲于他藩
城中井水悉苦鹹汁人每於城外汲飲惟 周府
宗廟前井水甘蓋宋大內舊井云 東京夢華錄
云宋內諸司皆在禁中如學士院皇城司四方館
客省東西上閣門通進司內弓劍鎗甲軍器等庫

翰林司內侍省入內內侍省內藏庫奉宸庫景福殿庫延福宮殿中省六尚局尚藥尚食尚節尚醴尚舍尚衣也內香藥庫後苑作翰林書藝局醫官局天章等閣明堂頒朔布政府皆是○葉夢得云藝祖初平僞國得其幣藏金帛以別庫儲之口封椿庫本以待經營契丹也其後三司歲終所用常賦有餘亦併歸之管論近臣欲候滿三五百萬卽以與契丹贖幽燕故土不從則爲用兵之費益不欲常賦之外橫歛于民故不隸于三司今內藏庫是也○容齋三筆云神宗嘗憤北狄囁嚅慨然有

開封府志勝

卷之一

八

恢復幽燕之志於內帑置庫自製四言詩曰五季失圖倫仇孔熾藝祖造邦思有懲艾爰設內府期以募士曾孫保之敢忘厥志凡三十二庫每庫以一字揭之儲積皆滿又別置庫賦詩二十字分揭于上曰每度夕惕心妄意謹遺業顧予不武資何日成戒提其用志如此○夢華錄云宋外諸司左右金吾衛仗司法酒庫內酒坊牛羊司乳酪院儀鸞司車輅院供奉庫雜物庫雜賣務東西作坊萬全修內司文思院上下界綾錦院文繡院軍器所上下竹木務酒場車營致遠務驛務驛坊象院作

坊物料庫東西密務內外物庫油醋庫京城守具所鞍轡庫養馬曰左右驛驛院天驕十監河南北十炭場四熟藥局內外柴炭庫軍頭引見司架子營樓店務店宅務權貨務都茶場大宗正司左藏大觀元豐宣和等庫編佑局打套所諸米麥等自州東虹橋元豐倉順成倉東水門裏廣濟裏河折中外河折中富國廣盈萬盈永豐濟達等倉陳州門裏麥倉子州北夷門山五丈河諸倉約共五十餘所日有支約下卽卽有下卽指揮兵士支遣卽有袋家每人肩兩石布袋遇有支遣倉前成市近

開封府志勝

卷之一

七

新城有草場二十餘所每遇冬月諸鄉納粟稈草牛車填塞道路車尾相銜數千萬輛不絕○沈括夢溪筆談云藝祖朝常戒禁兵之衣長不得過膝買魚肉及酒入營門者皆有罪又制更戍之法欲其習山川勞苦遠妻孥懷土之戀無外戍之日多在營之日少人人少予而衣食易足又京師衛兵請糧者營在城東者卽令赴城西倉在城西者令赴城東倉不許備餽車脚皆湏自負營親登右掖門觀之蓋使之勞力制其驕惰故士卒足食無外慕安辛苦而易使云○李廉汴京官署志云宋中

書省在左掖門之東宰相之所流稱東府焉掌進擬庶務宣奉命令行臺諫章疏羣臣奏請興創改革及中外無法式事應取旨事凡除省臺寺監長貳以下及侍從職事官外任監司節鎮知州軍通判武臣遙郡橫行以上除授皆掌之○宋樞密院在闕門之西南與中書省對持文武二柄號爲二府東府掌文事參政佐之西府掌武事副使佐之宋初魏仁浦以宰相兼樞密使建隆三年以樞密副使兵部侍郎趙普爲簡校太保充使樞密不帶正官自普始太平興國四年以石熙載爲樞密直

關對府志勝

卷之一

學士以簽書院事簽書之名始此淳化三年以張遜知院事溫仲舒寇準同知院事同知院之名始此治平中以郭逵同簽書院事同簽書之名始此時陳升之至樞府神宗欲稍異其禮乃以爲知院元豐改官制議欲廢樞密院歸兵部神宗曰祖宗不以兵柄付有司故專命官統之互相維制不從然以密院職輔弼非出使之名乃定置知院同知院二人專以兵機軍務爲事○每吏部尚書補外除龍圖閣學士戶部以下五曹則除樞密直學士相呼謂之密學○御史臺在城東澄清街北石

林燕語云京師省寺皆南向惟御史臺北向蓋自唐以來如此說者以爲隋建御史臺取其與尚書省便道相近故唐因之或云御史彈治不法北向取肅殺之義二說皆通○諫院起明道元年七月辛卯陳執中爲諫官以諫官無治所屢請置院乃以門下省爲諫院而別創門下省於右掖門之西宋置諫院自此始○宋學士院在樞密宣徽院之北表其深嚴宥密又謂之北扉在浴堂之南便於應詔至和三年詔學士院從官兩員掌管勾編錄國朝以來所撰制誥文字承旨不常置以學士久

關對府志勝

卷之一

次者爲之○馬端臨文獻通考云學士掌內庭書詔指揮邊事曉達機謀天子機事密命在焉不當預外司公事蓋防纖微間或漏省中語故學士院在金鑾殿側號爲深嚴自禁祖以來藉其才用始令判三銓及知太常禮院事間實二年以李昉盧多遜並直學士院直院之名始此六年以知制誥張洎權直翰林院○翰林學士無定員凡他官入院未除學士謂之直院學士俱關他官暫行文書謂之權直宋率以從官兼直院若左右史少監類不稱權天聖元年詔學士遇隻日至晚出宿蓋故

事以雙日鎖院隻日降麻也夢溪筆談云學士院玉堂太宗曾親幸至今惟學士上日許正坐他日皆不敢獨坐故事堂中設視草臺每草制則具衣冠據臺而坐今不復如此但有空臺而已玉堂東承旨閣子窓格上有火燃處太宗嘗夜幸玉堂時蘇易簡爲學士已寢遽起無燭具衣冠官嬪自窓格引燭入照之至今不欲更易以爲盛事○湘山野錄云咸平中翰林李宗諤初知制誥至西掖追尋故事獨無紫微自別墅移來植之夢元獻爲題賦于壁云觀茂悅以懷舊藉蔽節而思人○崇文

南封府志勝

八卷之六

圭

院卽三館也李燾長編云梁遷都汴貞明中始於今右長慶門東北設屋數十間謂之三館蓋昭文集賢史館也初極湫隘繞蔽風雨周廬微道環於其側太宗卽位因臨幸周覽顧左右曰若此之陋豈可蓄天下圖書延四方賢俊耶卽詔有司於左升龍門裏舊車輅院地別建三館輪奐壯嚴甲于內庭二月甲辰朔詔賜名崇文院西序敕便門以備臨幸蓋遷舊館之書以實之院之東廊爲昭文書南廊爲集賢書西廊有四庫分經史子集四部爲史館書六庫書籍正副本分八萬卷冊府之文

煥乎一變矣玉海云祥符中秘藏四庫書皆盡武弁趙球收藏萬卷表上之特授三班官終右侍禁○朝集院在朱雀門外咸平四年四月癸丑朔建以待士大夫之聽除授者宋朝燕翼詒謀錄云真宗以朝官注擬于堂貧者留滯逆旅無以爲資乃置朝集院于朱雀門外院旣成詔升朝官以上到闕並館于院中官給公券出入則乘馬開封府差兵士隨直惟可至廟堂省部鈐曹官廳而已雖欲出入市廛不可得也故陞朝官以上造朝則先匿於親戚故舊之家俟所幹置悉備方敢報開門放開封府志勝

八卷之一

圭

見益閣門卽日闕報朝集院開封有人馬卽至迎入院中雖不可出入而同院中士大夫日夕遊從情如兄弟或商推文字或彼此詢問風土或因而結交互相推薦其况味與栖栖逆旅者大不侔矣景祐二年十月辛亥詔復增置以士大夫之來者日多故也○宋敏求春明退朝錄云太常寺舊在興國坊今三班院是也景祐初燕侍郎肅判寺廳事西寒林屏風時稱絕筆其後爲判寺好事者竊取之嘉祐八年徙寺於福善坊其地本開封府納稅所英宗在藩邸判宗正寺建爲府舍旣成而已

立爲皇子遂爲太常所請云 太學建隆中龔觀
止於南宮城後爲國子監真宗以書庫迫隘易其
隣錢俶居第中隙地十步以益之設齋凡二十每
齋有爐亭仁宗慶曆六年詔以錫慶院蓋之大中
祥符五年建閣藏太宗御書東有禮賢宅徽宗崇
寧初又建辟雍于城南外園內方爲屋千八百七
十二楹金貞祐時以其地當改築泮城徙之東南
城下廢缺爲多至元改爲泮然路太學之規制盡
廢 國朝洪武三年改爲開封府儒學後比於水
永樂五年乃遷府學于麗京門內西北而宋太學
開封府志勝不卷之一 五

諸碑刻皆移寘其中於辛雜志云東京天津橋上
有青石一大片上有天然華夷圖山青水綠河黃
路白粲然如畫真異物也近移置泮京文廟中按
今亦不知所在○開封府治在浚儀街西北卽唐
舊汴州也宋四朝志云開封府以親王爲之
號判南衙凡命知府必帶樞密以翰林爲之翰林
學士及雜學士若待制則權發遣而已於辛雜志
云開封府其題名起于建隆元年居潤繼而晉王
荆王而下皆在焉獨包孝肅公姓名爲人所指指
痕甚深後衙有蠟梅一株亂結人以爲奇遂舁梅

於堂云○祥符縣在唐爲浚儀縣舊在京城內宣
化坊後晉天福元年徙于崇仁坊周世宗顯德六
年徙徙城北北封丘門外路宋太祖乾德六年又
徙安遠門外旌孝坊街之西真宗景德五年正月
天書見于承天門上有大中祥符字以此改元因
改浚儀縣爲祥符縣燬于金季元至治間徙治雲
老寺西至正間又爲兵燹 國初移今所乃元朝
稍田提舉司遺址○良獄取位在東北之義徽宗
登極之初皇嗣未廣有方士言京城東北隅地協
堪輿但形勢稍下倘一增高之則皇嗣繁衍上遂
開封府志勝不卷之一 五

命植土培其岡阜果叶多男之應乃卽其地大興
工役令宦者梁思成董厥事而朱緬取江南珍異
花木竹石以進號花石綱踰年獄始成徽宗御製
記畧云於是按圖度地庀徒僇工累土積石設洞
庭湖口絲谿仇池之深淵與泗濱林慮靈壁芙蓉
之諸山最瑰奇特異瑤琨之石卽姑蘇武林閩越
之壤荆楚江湘南粵之野移枇杷橘柚橙柑椰枯
荔枝之木金蟻玉羞虎耳鳳尾素馨棠那茉莉含
笑之草不以土地之殊風氣之異悉生成長養于
雕欄曲檻而穿石出罅崗連阜屬東西相望前後

相續左山而右水沿溪而傍隴連綿而彌滿春山
懷谷其東則高峰峙立其下植梅以萬計綠萼承
跌芬芳馥郁結構山根號芳綠華堂又旁有承嵐
崑雲之亭有屋內方外圓如半月是名書館又有
八仙館屋圓如觀又有紫石之巖所真之磴攬秀
之軒龍吟之堂其南則詩山巉峨兩峰並峙列嶂
如屏瀑布下入鴈池池水清泚連漪是鴈浮泳水
面棲息石間不可勝計其上亭曰壠壠北直終霄
樓峰巒崛起千疊萬複不知其幾十里而方廣兼
數十里其西則參朮杞菊黃精芳艸被山彌塢中

開封府志勝水卷之一

三

號藥寮又禾麻黍麥菽豆杭秫築室若農家故名
西莊上有亭曰巢雲高出峰岫下視羣嶺若在掌
上自南徂北行岡脊兩石間綿亘數里與東山相
望水出石口噴薄飛注如獸面名之曰龍淵濯
龍峽蟠秀練光踰雲亭羅漢巖又西半山間樓曰
倚翠青松蔽密布于前後號萬松嶺上下設兩閣
出閣下平地有大方沼中有兩洲東為蘆渚亭曰
浮陽西為梅渚亭曰雪浪沼水自池東出
為研池中分二館東曰流碧西曰景山館有閣曰
巢鳳堂曰三秀以奉九華宮其安妃聖像東池後

結棟山下曰揮雲亭後由磴道盤行縈曲捫石而
上既而山絕路隔繼之以木棧倚石排空周環曲
折有蜀道之難躋攀至介亭此最高於諸山前列
巨石凡三丈許號排衙乃惟巉巖藤蘿蔓衍若龍
若鳳不可彈窮麓雲半山居右極目蕭森居左北
俯景龍江長波遠岸彌十餘里其上流注山澗西
行游淩為漱玉軒又行石間為煉丹亭流真觀閣
山亭下視水際見高陽酒肆清斯閣北岸萬竹蒼
翠翁鬱仰不見天有勝雲卷躡雲臺清開館飛岑
亭無離花異木四面皆竹也又溪流為山莊為回

開封府志勝水卷之一

三

溪白山蹊石罅寒條下平陸中立而四顧則巖峽
洞穴亭閣樓觀喬木茂草或高或下或遠或近一
出一入一榮一彫四面周匝徘徊而仰顧若在重
山大壑深谷幽巖之底不知京邑空曠坦蕩而平
夷也又不知郭郭聚會紛萃而填委也真天造地
設神謀化力非人所能為者此舉其梗槩焉耳○
僧祖秀陽華宮記云政和初天子命作壽山艮嶽
於禁城之東取詔闔人董其役舟以載石與以輦
土驅散軍萬人築岡阜高十餘仞增以太湖靈壁
之石雄拔峭峙功奪天造石皆激怒底觸若提若

齒牙角口鼻首尾爪距千態萬狀彈奇盡怪轉以
蟠木溲藤雜以黃楊對青竹陰其上又隨其幹旋
之勢斬石開徑憑險則設磴道飛空則架棧閣仍
於絕頂增高樹以冠之搜遠方珍材盡天下蠶工
絕伎而經始焉出之上下致四方珍禽奇獸動以
億計猶以爲未也泰池爲溪澗壺石爲隄岸任其
石之惟不加斧鑿因其餘土積而爲山山骨暴露
峰稜如削飄然有雲姿鶴態曰飛來峰高於雉堞
翻若長鯨腰徑百尺植梅萬本曰梅嶺接其餘岡
種丹杏鳴脚曰杏岫又增土壘石間留隙穴以栽
開封府志勝八卷之一 无

黃楊曰黃楊獻條岡以植丁香積石其間從而
設險曰丁香嶂又得赧石任其自然磨而成山以
椒蘭雜植于其下曰椒崖接水之末增土爲大陂
從東南側柏枝餘奈密捺之不斷葉葉爲幢蓋鸞
鶴蛟龍之狀動以萬數口龍柏披循壽山而西移
竹成林復開小徑至百數步竹有同本而異餘者
不可紀極皆四方珍貢又雜以對青竹十居八九
曰斑竹麓又得紫石滑淨如削而徑數仞因而爲
山貼山卓立山陰置木檻絕頂開深池車駕臨幸
則驅水工登其頂開閘注水而爲瀑布曰紫石壁

又名瀑布屏從艮嶽之麓琢石爲梯石皆溫潤滑
滑曰朝真磴又於洲上植芳木以海棠冠之曰海
棠川壽山之西別治園圃曰藥寮其宮室臺榭卓
然者聞者曰瓊津殿絳霄樓夢綠華堂築臺高千
仞周覽都城近苦捐顧造碧虛洞天萬山環之開
三洞爲品字門以通前後苑建八角亭于其中央
懷挾窓楹皆以瑪瑙石間之其地琢爲龍礎導景
龍江東出安遠門以備龍舟行幸東西嶺景二園
西則湖角造景龍門以幸曲江池亭復自滿湘江
亭開闢通金波門北幸擲芳苑隄外築壘衛之瀕
開封府志勝八卷之一 无

水時絳桃海棠芙蓉垂楊畧無隙地又于舊地作
野店簾泊農圃開東西二關夾懸巖磴道隘迫石
多峰稜過者膽戰股栗凡自苑中登羣峰所出入
者此二關而已又爲勝遊六七曰躍龍澗漾春陂
桃花闌鴈池迷真洞其餘勝迹不可殫記工已落
成上名之曰陽華宮然陽華大抵衆山環列于其
中得平蕪數十頃以治園圃以闢官門於西入徑
廣於馳道左右大石皆林立僅百餘株以神運昭
功敷慶萬壽峰而名之獨神運峰廣百圍高大仞
錫鸞盤固侯居道之中東石爲亭以庇之高五十

尺御製記文親書建三丈碑附於石之東南
餘石或若羣臣入侍帷幄正容凜然若不可犯或
戰栗或敬天威或奮然而趨又若僂僂趨進其狀
狀餘態娛人者多矣上既悅之悉有錫號守史以
奎章畫列於石之陽其他軒榭庭徑各有巨石基
列星布並與賜名唯神運峰前巨石以金飾其字
餘皆青黛而已此所以第其甲乙者乃命羣峰其
畧云朝日昇龍望雲坐龍矯首玉龍萬壽老松棲
霞捫參銜日吐月排雲衝斗雷門月窟蹲螭坐獅
推青凝碧金鼉玉龜疊翠獨秀棲煙躡雲風門宙
閣對府志勝八卷之一 圭

火玉秀玉寶鏡雲巢鳳雕琢渾成登封日觀蓬瀛
須彌老人壽星卿雲瑞霭玉噴玉蘊玉琢玉積
玉豐玉叢秀而在于渚者曰翔麟立于渚者曰舞
仙獨踞洲中者曰玉麒麟冠于壽山者曰南屏小
峯附于池上者曰伏犀怒猊儀鳳鳥龍立于沃泉
者曰留雲宿霧又為藏煙谷滴翠巖搏雲屏積雪
嶺其間黃石什于亭際者曰抱犢天門又有大石
二枚配神運峰異其居以壓眾石作亭庇之宜于
寰春堂者曰玉京獨秀太平巖寘于萼綠華堂者
曰慶雲萬態奇峰括天下之勝藏古今之美於斯

盡矣至靖康元年閏十一月大梁陷都人相與排
牆避虜于壽山艮嶽之巔時大雪新霽丘壑林塘
宛若畫本凡天下之美古今之勝在焉祖秀周覽
累日咨嗟驚愕信生平之傑觀而天造有所未盡
也明年春後遊幸陽官而民廢之矣○陳仲醇妮
古錄云唐太宗玉石蘭亭舒元興作壯丹賦刻之
碑陰宋大觀中詔取人宣和殿後置艮嶽之瑪瑙
亭靖康亂胡虜以為庸石不之奇也東都留守宗
澤馳進行在虜騎南侵仍復失之○元李孝光遊
艮嶽詩一沼何堪復萬民一峰將使九州貧江山
南對府志勝八卷之一 圭

假設方成就直箇江山已屬人明善集汴梁人家
瓶小石峰詩天星何代墮虛空化作玲瓏一小峰
自是宣和殿中物上頭銘刻護雙龍又微廟走馬
溝中得古銅燈盞詩剝盡金釧土色如幾經溝底
引鑿與君土無復重遊幸留與山人照讀書楊奐
錄汴梁宮人語一首之六其一云自入深宮裡經
今十五年長因批帖子呼到御床前其二歲歲逢
元夜金蛾鬧簇中見人心自怯終是女兒身其三
殿前輪直罷偷去賭金釵怕見黃昏月殷勤上玉
階其四仁聖生辰節君王進玉卮○柳兼壽表開

待北還時其五遷奏行臺急東華夜啟封內人推
步輦不候景陽鐘其六駕前雙白鶴日日候朝回
自送鸞輿去經年更不來○塚廟記云魏信陵君
墓在府城東楊州門南○朱亥墓在城西南俗名
屠兒塚宋蘇軾詩昔日朱公子雄豪不可追今來
遊故國大塚稱屠兒○段干木墓在城西北廿里
卽魏文公欲兄之而踰垣避去者○樊於期墓在
縣南十三里史記樊於期逃秦入燕燕荆軻謂曰
須君首可以謀秦上乃自殺函首送秦魏人葬於
此○荆軻墓在縣東四十里軻衛人遊燕爲丹刺
閹封府志勝八卷之一 三

能刻石乃得金谷古軌命太原王頤以丹爲隸書
約于礦中見六一集墓表 竹坡詩話云大梁景
德寺峨眉院壁間有呂洞賓題字寺僧相傳以爲
咸平中有蜀僧號峨眉道者戒律甚嚴不下席者
二十年忽日有布衣青裘昂然一偉人來與語良
久期以明年是日復相見於此頗少見待也明年
是日日方午道者沐浴端坐而逝至暮偉人果來
問道者安在曰亡矣偉人歎息良久忽復不見明
日書數語于堂側壁間絕高處其語云落日斜西
風冷幽人今夜來不來教人直盡梧桐影字畫飛
閹封府志勝八卷之一 三

動如翔鸞舞鳳非世間筆也宣和間余遊京師猶
及見之

陳留縣在府城東五十里

孟康曰留鄭邑也爲陳所併故曰陳留漢地理志云宋有留彭城是也此處漢之陳留秦始皇二十六年置縣亦漢元狩之陳留郡治也高帝封張良爲侯國子房白留而見高祖因封于留唐相詠陳留李少府宅詩相知有叔卿訟簡夜彌清旅泊倦愁卧空堂問曙更風簾疑燭影秋雨帶蟲聲歸思那堪說悠悠恨洛城高適同陳留崔司戶早春宴詩同官載酒出郊圻晴日東馳鴈北飛隔岸春雲邀翰墨傍蒼垂柳報芳菲池邊轉覺虛無盡開封府志勝八卷之二

一

臺上偏宜酹酹歸州縣徒勞那可問後時聯騎莫相違○郡國志云縣北有昭靈夫人廟史記沛公起兵野戰喪皇妣于黃鄉天下平定乃使使者以梓宮招魂幽野有丹蛇白水泗濯入于梓宮其浴處有遺髮焉故謚曰昭靈夫人○水經注云沙水東南逕牛首鄉魯水出焉亦謂之宋溝也魯溝水東南逕陳留縣故城南又東南逕尉縣故城北縣苦楚難修干戈以困其患故曰困矣王莽之篡也東郡太守興兵討莽遣奮威將軍擊之于困北義師大敗尸積萬數血流溢道百姓哀而祠之

沙水又東南逕斗城西左傳襄三十年子產殖伯有屍其臣葬之子是城矣沙水又東南逕牛首亭東左傳桓十四年宋人面諸侯伐鄭東郊取牛首者也俗謂之車牛城○水經注云汴水東逕倉垣城南仰大梁縣之倉垣亭也城臨汴水陳留相畢邈治此征東將軍荀彧之西也邈走京師歸使司馬東萊王讚代據倉垣斷留漕運是矣汴水又東逕鉞鄉亭北陳留風俗傳所謂縣有鉞鄉亭也汴水又逕小黃縣故城南神仙傳靈壽光扶風人死于江陵胡閻家閻廋埋之後百餘日人有見光于開封府志勝八卷之二

二

此縣寄書十閭閻發視之惟有後存○按寰宇記昭靈夫人廟在縣北三十七里閭城今入杞縣南界十城在縣南三十五里牛首城在西南十一里倉垣城在西南七十里亦名石倉城鄉莊公埋開封東南築此城咸倉舉威與石音近因名石倉城○小黃城在東北十一里亦曰小黃閭漢將也焦延壽爲此縣令察奸惠民善政著聞今入祥符界內城塚記云張良孫充州刺史名德者築封陳留侯食小黃萬戶至漢殤帝時葬張城西南三百步俗呼爲張光墓按張城卽子房城也高祖爲子

房寨在縣東六十里今有子房岡屬韋政保其地
高阜下有土洞深邃傍多植桃花名桃花洞○晉
太康地志云陳留縣南二里有小陳留城因北有
大城故此號小城又東北三十五里有莘城古莘
國也今治內莘城驛治其故名世紀云湯伐桀桀
與韋顧之君拒湯於莘之墟是矣世紀又載伊尹
生于空桑有莘氏女採桑而拾之及長相湯為阿
衡志云空桑在城南十五里宋周輝北轅錄云空
桑南祀而北陳留各三十里有伊尹村○蔡中郎
集有陳留太守胡公碑云君諱碩字季容大傳

開封府志勝八卷之二

三

鄉侯少子也又有幼童胡根碑根字仲原即季容
子太傅廣之孫按此碑在舊城內今已殘缺○寰
宇記云縣北四十五里有老丘城春秋定十五年
鄭罕達敗宋師于老丘是也又五十里有平丘城
昭十三年晉會諸侯于平丘陳留風俗傳云平丘
衛靈公邑○史記漢武帝元狩元年郡邑置行宮
按志今廢為倉在羅城內又縣南六里有逍遙宮
隋大業年置亦廢○志云汴水逕縣北五里之黃
村漢陳元方祖墓二十區俱在謂之陳陵又陳司
農墓距縣北二十八里有碑家文曰大司農陳羣

墓○睢水在縣東北四十里合小黃河人杞縣又
縣南有鍤粟河注之汜則流旱則涸○風俗傳云
縣西南三里有李壽九子墓壽字長孟仕至太守
九子並葬于此○傳稱中唐蟠蔡邕陳留人俱以
孝行稱蟠字子龍九歲喪父哀毀過禮終身不應
辟召邕字伯喈親死廬墓有靈芝白兔之應唐溫
廷筠過蔡中郎墓詩古墳零落野花春聞說中郎
有後身今日愛才非昔比枉拋心力作詞人○丹
鉛錄蔡邕父名稜字伯直見後漢書註○晉羊祜
傳祜父諱道先娶孔融女後娶蔡邕女孔生發蔡

開封府志勝八卷之二

四

生承二子俱病度不能兩存乃顯心養發獲以存
濟承竟早夭如此則與文姬製胡笳十八拍者兄
弟行也

杞縣

在府城
東百里

古雍國黃帝之後姑姓故漢置雍丘唐宋不改
隋開皇年分置杞州理雍丘五代晉以避諱改雍
丘為杞縣漢復舊金始曰杞至今仍之○孔子曰
憂禮吾能言之杞不足徵也列子云杞人有憂色
或問曰吾憂天之將傾也二註皆云杞小國後為
宋所滅○安丘馬應龍杞來云古雍國在河內山

陽縣左傳所謂邲雍曹滕文之昭也于杞何與史記周武王十三年壬辰封及後東園公于杞或云殷湯時已封然不經見經傳史記以或封或絕理當然也春秋鄭武公初年即遷淳于在今山東安丘境內攷武公二十九年為魯隱公元年凡春秋所載杞事皆淳于杞也武公既遷杞之後地屬鄭宋○寰宇記云雍丘故城今縣所理即杞國城也秦始皇開築其表曰大城而縣之魏文帝改封曹植為雍丘王于此其城北臨汴水晉永嘉末鎮西將軍祖逖為豫州刺史理此迭累破石勒軍由是開封府志勝八卷之二

五

黃河已南皆為晉土述卒百姓立祠焉○陳留風俗傳曰雍丘有五陵之名按五陵者桃陵石陵青陵翟陵武陵也治內平衍無山間有一二培塿目為岡陵耳雍丘者豈以翟陵環列故耶○祠廟記云夏禹祠在雍丘城祠中有井能興雲雨祈禱甚應按陳思王植之雍丘上表云禹祠原在棋城內漢武帝迎置雍丘城植在雍丘作宮請遷其神于舊館讀曰懸仰聖業功濟唐虞微君之功吾其為魚爾雅祺吉祥名也在縣西北十八里祀乘作箕城又有肥陽城在東北二十里城塚記云禹治洪

水在肥澤之陽因築此城按卽今所云西肥者是○水經注云汴水東逕鳴鴈亭南春秋成十六年衛侯伐鄭至于鳴鴈者也杜注云在雍丘縣西北今人謂之白鴈亭汴水又東北逕陽樂城南西征記曰城在汴北一里周五里雍丘縣界汴水又東有故渠出南通睢水謂之董生決或言董氏作亂引水南通睢水故斯水受名矣汴水又東枝津出焉俗名之為落架口述征記云在董生決下二里汴水又逕外黃縣南隱元年左傳惠公敗宋師于黃注云黃宋邑漢縣以魏郡有內黃故此加外史開封府志勝八卷之二

六

記項羽攻外黃怒其不早下欲坑之外黃令舍人兒年十三往說之曰彭越強劫外黃外黃恐故且降待大王大王至又坑之百姓豈有歸心哉羽然其言乃赦外黃汴水又逕開縣故城北昭五年晉韓宣如楚逆女韓起友鄭伯勞諸圉是也○杞乘云汴水今俗所稱沙河是鳴鴈亭縣北焦刺是圉縣南園鎮是外黃漢書都尉治也陳留風俗傳曰外黃有大齊城小齊城又有秀倉科粟二城皆汴水之所逕矣○馬伯光曰予在邑有侯生者近掘地得一石刻云大宋國東京開封鳴鴈鄉焦刺村

關封府志勝入卷之二

七

存留院于天禧四年歲次庚申乙酉月冥彫八業
建立以此知其為焦刺無疑又按東漢桓帝延禧
中雍丘令董生立漢廣野君廟碑廣野君即酈食
其也董生決或以此名其曰董氏作亂無據○寰
宇記云鳴鴈亭在縣北四十里外黃城在東北六
十里漢張耳亡命遊于外黃與酈生善食其少時
家貧為里監門謂見沛公自呼高陽酒徒陳思王
集云植獵于高陽之下過食其墳以斗酒來燕鴈
於座讀曰野無厄酒惟茲行潦食無席殺安用燕
燕按張耳廟在兗州高陽城距今縣西二十九里
關封府志勝入卷之二

迴飛動之勢又十里為石陵迤邐高數仞皆土也
其上有石陵寺○武陵在東北二十里被水所留
僅僅隆于平地而已舊作五陵非然連上諸陵即
風俗傳所云五陵也木志又有江陵齊江淹廟在
焉○谷林山在縣西宋楊侃呈畿賦云縣之西郊
山曰谷林其或花迎野望烟禁春深景當妍麗俗
重登臨移市竟日傾城賞心又云朱櫻宜于谷林
今其山夷矣○漢堤在縣北即後漢永平中樂浪
王景所治者縣有堤河因此而名又北五里有隋
堤開河記云隋大業年築自大梁至灌口龍舟所
關封府志勝入卷之二

八

過香間百里既過雍丘漸達寧陂水勢緊急龍舟
阻礙虞世基請為鐵鵝驗水深淺自雍州至灌口
得一百二十九淺處帝大怒埋却五萬人蓋始此
也○魏書雍丘下有白楊陂注水經云白羊陂方
四十里石則姦梁水注之東北逕雍丘城北合洛
梁口即今之西肥集○王帳在縣東北三十三里
世傳漢高祖踞于此舊有高祖廟劉宋范泰經高
祖廟詩嘯吒英豪萃指仰五嶽分乘彼道消勢遂
廓宇宙氛重瞻豈不偉奮臂騰羣雄壯力拔高山
猛氣烈迅風恃勇終必撓道勝業自隆○北征記

曰雍丘有昌祿堂高七丈按今頂備倉是其故址
史稱呂祿與酈寄友善或者以寄故嘗遊邪○塚
廟記云酈食其與弟商墓俱在縣西南二十八里
史記陳勝起兵商乃聚少年得數千人屬高祖從
征伐有功封曲周侯卒葬于此墓高二丈○後漢
邊韶墓在縣東三里山子頭韶字孝先浚儀人以
文學知名諺曰腹便便邊孝先○白虎墓在縣界
後漢王業字子香雍丘人爲州刺史有惠政卒
于枝江有白虎夾輿送歸此因號之今子孫號白
虎王氏○祖刺史廟在縣治首永嘉時祖遂以豫

開封府志勝八卷之二

九

州刺史鎮雍丘民思其德而祀之歌曰幸哉遺黎
免俘虜三辰既朗遇慈父玄酒忘勞甘瓠脯何以
詠思歌且舞○棠石林避暑錄云米元章元祐末
知雍丘縣蘇子瞻自揚州召還具饌邀之既至則
對設長案各以精筆佳墨紙三百列其上而置饌
于傍子瞻見之大笑就坐每酒一行卽中紙共作
字一二小史磨墨幾不能供薄暮酒行既終紙亦
盡乃更相易搗去俱自以爲平日書莫及也

通許縣

在府東南
九十里

本陳留扶溝二縣地宋初置通許鎮咸平間陞爲

縣曰咸平金大定年以興咸平府同名改從鎮號
○楊侃東京賦曰後有咸平大縣我宋新建因紀
年以命號詔將作而營繕公宇之制甲於畿甸云
○宋張丰咸平縣丞廳廳廡記略云先是章聖皇
帝幸亳祠老子道通許築宮以待幸旣爲縣卽以
宮爲令治所王簿居中書府而樞密府爲尉舍熙
寧年始置丞於是遷尉於外而承居焉承居之堂
庭有餘醪醺問之邑老人則其爲樞密府時所種也
旣老而益繁延蔓庇覆占之大半其花葉亦大于
其類云○志云黃河自汴西杏花營分流經縣西

開封府志勝八卷之二

十

三里南達扶溝○雙溝河自汴之范村流于縣北
分爲兩道下至縣西後匯而爲一下入扶溝建閘
啟閉是謂蔡河宋元通江淮之漕道也皇畿賦云
中有大川通閘帶園貫都邑而北來走江湖而南
會○吳召河發源自吳召岡今大岡河發源自李
大岡而達縣境又有青岡墜岡碌砂礫子等岡形
勢環列河流縈繞適當陳留祥符二邑之衝○縣
東南四十里又有營爲岡昔傳有彩色鳳集于其
上故名按皇畿註云是邑極平曠民有老而不識
出者晴日旣夕登高遠望見鈞鄭諸山青青數峰

而已環邑之岡大而名者磅礴崇隆綿亘數里氏
惠水故徧居焉○塚廟記云趙李左車廟在治南
二十里宋追封陪昌公俗亦呼陪昌廟又十里爲
百里奚廟其村亦曰百里奚村○嚴子陵廟在縣
之嚴子村○董左相祠在縣之仲舒岡有墓在祠
之北○蜀孟昶廟在縣西北十五里昶墓之前按
已上諸祠墓皆非常縣人不知建自何代然其岡
陵村里俱以是名則亦相傳已久志又載曹子建
墓在縣之七里岡 國朝成化九年大水墓崩一
穴居民入視隧表碣曰曹子建墓故相曾徙封雍

開封府志勝八卷之二

十一

丘王雍丘今之杞縣距通許四十里而近豈植真
葬斯地耶○志又以李左車墓前有石方二尺字
文漫滅其首可辨者某君李左車墓至尾曰斜臨
清水北眺夷山云○有宋故司空令贈尚書兵部
員外郎王代恕墓在縣之柏子岡按卽拱辰父也
歐陽脩銘○元奉直趙君墓碣元好問撰○陳留
風俗傳曰陳留裴氏鄉有澹臺子羽祠人民所禱
子羽鄭之行人也按裴氏鄉今屬當縣有子羽塚
在縣東但攷鄉行人子羽公孫揮以爲澹臺者訛
○志云上谷城在縣西八里五代周世宗所築以

貯江南餉○潘樓在縣南十里宋將潘美別墅
已上遺跡尚存○宋有陳師道咸平讀書堂詩昔
人三百篇善世已有餘後生守章句不足供齋
一登吏部選筆硯隨掃除閉閣讀書嬾隔壁聞歌
呼奉公川漢律寧後要詩書倪首出榜下枉此七
尺軀今代陶朱公不作大梁屠計然特未用意得
輕全吳爲邦得識縣政密自陳踈寧書下下考不
奔命急符用意領外禁室課典設平生五十卷
還舍不閒途舊事吏漢唐猶以詩自娛復作無事
飲醉附擁青奴桃李春事繁軒窓書景舒鳴屋鳩

開封府志勝八卷之二

十二

嘆古窺廉燕哺雛休吏散篇帙脩篁獻筆下忻然
一放齒斯民免爲魚

太康縣在府東南

縣理城卽夏太康所築漢陽夏縣也漢書高帝追
項羽至陽夏卽此有漢王臺在縣西北五里臨澗
水側水經注曰澗水首受蔡水東流經陽夏縣北
又有南拒北拒二城在縣南二十里相去各一里
卽楚漢相拒之所○寰宇記云隋開皇初改陽夏
爲太康大業十三年李密舉兵于此遂廢唐初復
置昔濟北戴封字平仲爲太康令苦旱積薪自焚

火起而雨澍隋開皇之世又分太康置大扶縣按
卽注水經之扶樂古城也在縣西北三十五里晉
何曾墓在其界內曾字顯考陽夏人○志云長白
山在縣東北一里高陵鄉有高陵臺昔云厥第五
人御其母以從後于洛水之洲五子咸怨述大禹
之戒以作歌因築是臺上有五子廟前有五子澤
今廢○又有同母墓在縣東南文西社世傳上行
母葬于此○鍾嶸詩品南齊謝朓陽夏人○文獻
通攷引黃魯直序云陽夏謝思復景回年二十文
章不類少年書生語言方行萬里出門而車輻折
關封府志勝入卷之二
三

可爲雪涕見邢敦夫呻吟集下

尉氏縣在府城南九十里

漢書注圖稱云尉氏鄭國之東鄆樊獄官名也鄭
大夫尉氏之邑故樂盈歸于尉氏矣亦卽晉時南
阮所居阮籍詠懷詩曰徘徊蓬池上回首望大梁
述征記云尉氏有蓬池也○寰宇記云阮籍臺在
縣東南二十步籍每追述羣賢獨酌長嘯于此又
有墓在縣東四十里籍康作碑銘唐包融詩荒臺
絲荆杞蒙龍無上路傳是古人跡阮公長嘯處至
今清風來時時動林樹逝者昔已遠昇攀想遺趣

靜然荒榛間久之若有悟靈光未歇誠千載知仰
墓○東京賦云尉氏地多數澤利有清魚晴澗望
晶波之色山水觀惠民之渠按寰宇記長明溝在
縣西南四十五里源出許州長葛縣界與大溝合
流司馬彪郡國志云宛陵縣有白雀陂引澗南流
謂之長明溝是也水經注云長明溝東逕尉氏縣
南自是溝瀆三分北分爲康溝又有筆溝在縣東
北四十里與康溝合流端直如筆故以名之康溝
東逕平陸縣故城非漢高后元年封楚元王于禮
爲侯國後漢建武元年以戶不滿三千罷爲尉氏
關封府志勝入卷之二
古

縣之陵樹鄉建安中封尚書荀攸爲陵樹侯有陵
樹亭陳留風俗傳曰陵樹鄉故平陸縣也北有大
澤名曰長樂廐康溝又東逕少曲亭風俗傳曰尉
氏有少曲亭俗謂之少城也又東南入沙水沙水
又南與蔡澤陂水合陂東西五里南北十里按康
陰蔡陂二縣俱隋唐置旋旋廢蓋以是名矣康陰故
城在縣東南四十里蔡陂故城在縣西南三十里
與鷄鳴城相近史記世家魏惠王元年韓懿侯會
伐魏于晶澤陂北對鷄鳴城也又七里爲三亭岡
秦王藉與范雎言待我三亭之南卽此又十三里

卽向城左傳襄十一年諸侯伐鄭會于北林師于
向是也縣西北又有莫氏城鍾城將城莫氏城者
左傳昭五年鄭伯勞楚屈生于莫氏者也續述征
記曰鍾城魏太傅鍾繇故里城南有鍾繇碑今屬
康牆保蔣城卽左傳凡將那茅肸祭周公之胤也
已上皆去縣四五十里將城以西半屬新鄭界續
述征記曰宛陵城卽鄭國之所都在新鄭縣唐武
德初綏懷使任環移於尉氏之古山氏城貞觀年
廢入屬南隗村保○志云縣南有聖井井北有山
曰五鳳山○塚廟記云宿蒼舒墓在縣東四十五
里

開封府志勝八卷之二

十五

里蒼舒尉氏人少有至性七歲賣身爲奴以供父
母後起家爲上黨太守○杜元凱墓在西南五十
里晉當陽侯卒葬于此○四相公祠祀漢蔡邕唐
任瓌裴景昇張公瑾蔡祠在蔡子股張祠在沈家
村任裴俱在縣西瓌陝州都督景昇則縣尉也考
續時刺史皇甫亮爲之詞曰千里無代步之馬三
月無聚糧之資清心苦節從此可知

洧川縣在府城西南五十里

鄭曲洧池唐之洧州也宋廢爲宋樓鎮金復置縣
○春秋成十七年公會諸侯伐鄭自戲章至于曲

洧有故城在縣南漢神爵三年置新汲縣于此地
理志云河內有汲縣故加新也後漢章帝封執金
吾馬光爲侯國○水經注云洧水又東逕陰坂北
水有梁焉俗謂是濟爲參辰口左傳襄九年晉伐
鄭濟于陰坂次于陰口而還杜預曰陰坂洧津也
洧水又右合渡陂水南逕新汲城東又南積而爲
陂陂之西北卽長合城陂水東與洧堤而西向茅
岡矣○志云牛脾山在縣西南十里卽鄭莊公葬
隱見母之處賦曰其入也融融其出也洩洩遂爲
母于如初○雙洧河在縣南漆洧之下流也西南
開封府志勝八卷之二

十六

有言龍泉水入焉注于朱曲楊侃東京賦曰潏潏
洳潏潏潏水經宋樓而關征既薄歷朱曲而市
稅有常按今爲朱曲鎮有宋丞相呂家正讀書室
遺址○城塚記云唐魏徵墓在縣西三里宋泰墓
在縣北三里徵封鄭國公泰太子賓客

鄆陵縣在府城南六十里

古鄆陵城在今縣南四十里春秋成十六年晉
楚相遇于鄆陵呂錡射王曰卽此處棄夢得曰漢
置縣魏文帝封弟燕王宇爲鄆陵王築堂于城中
今呼爲燕王臺○寰宇記云朱泚城在縣南史記

漢以卒從起望入漢擊項籍及燕王臧荼功封鄢陵侯食邑二千七百戶因築此城○太丘城在縣東一百步有太丘長陳定祠前有漆井○彭祖岡在縣北二十里或云有彭祖墓故陶城在縣南五十里相傳晉陶侃征杜陵所築注水經曰潁水又西南逕陶城是矣○志云太清觀在縣南宋時建范仲淹詩醜石危松伴綠蘿山關真相玉嵯峨幾時身是瑤壇畔榮利匆匆素老何○塚記云秦羅敷墓在縣東二里○宋元矩祠在治內詳則弘之從孫也順帝時爲鄢陵令有賢名拔同郡韋著扶

開封府志勝

卷之二

七

風法真時稱知人○蘇軾有書鄢陵王主簿所畫折枝詩云論畫以形似見與兒童隣賦詩必此韻定知非詩人詩畫本一律天工與清新邊鸞雀寫生趙昌花傳神何如此兩幅疎淡含精勻誰言一點紅解寄無邊春

扶溝縣

在府城南二百里

水經注云沙水南逕扶溝縣故城東卽潁川縣之穀平鄉也有扶亭又有洧溝故縣以扶溝名後漢建武元年封平狄將軍朱鮪爲侯國沙水又南逕小扶城西卽扶溝縣之平周亭也又東南逕大扶

城西城卽扶鄉故縣城北二里有表梁碑云梁陳扶樂人建武十七年更封劉隆爲扶樂侯卽此城矣又云潁水逕大扶城西城之東北悉諸表墓碑字傾低羊虎碎折惟司徒滂蜀郡太守騰傳平令光等字猶存○陳留風俗傳云扶溝縣有桐丘左傳楚伐鄭鄭人將奔桐丘註曰在扶溝西二十里○風俗傳又云扶溝縣有吊鄉白亭相傳楚平王封太子建之子勝曰公居此又有雕陵亭南華經云莊子遊乎雕陵之樊視一異鵲卽此處也志云縣北有莊公祠掘地得銘曰前有雕陵嘆嶼後背

開封府志勝

卷之二

八

大川烟霞○志云固城在縣西南尹村保通典以漢時築周圍皆水其勢甚固故名東京賦所云城過兩扶溝踰二備矣此水卽二備溝水扶城已見上宋程顥爲令築有扶臺○集古錄云扶溝縣多古塚內得石獸碎缺項下隸刻石天祿食放舍飲山谷數字今地名柏子岡又有四角塚去縣西南三十五里角塚村故老所傳不知誰氏

中牟縣

在府城西七十里

牟山在縣北五里縣以此名郡國縣道記曰春秋所說中牟在趙地非此也史記世家趙獻侯自耿

來遷襄公時佛胎以中年般置鼎于庭不與已者烹之田英塞裳赴鼎處也漢高十一年封單父聖爲侯國後漢魯恭宰中牟有善政魏書太祖皆重卓間行出中牟爲亭侯所錄皆卽其地郭頒世語于寶晉紀並言中牟城北有層臺故魏任城王所築臺下池中有漢時鐵錐長六尺入地三尺頭西南指不可動每月朔日正以爲晉氏中興之瑞云○注水經云渠水又逕曹太祖壘北有高臺謂之官渡臺渡在中牟又謂之中牟臺曹公與袁紹相持于此有城曰官渡城○風俗通云渠者水所居開封府志勝六卷之二 九

也渠水自河與洧亂流出滎澤北東南歷中牟縣之圃田澤與陽武分水多產麻黃草述征記曰踐縣境便觀斯卉窮則知踰界詩所謂東有圃草也澤在中牟縣西西限長城東極官渡北佩渠水東西四十里許南非二百里許中有沙岡上下二十四浦津流逕通淵潭相接有大漸小漸大灰小灰義魯練秋大白楊小白楊散嚇鵲中羊園大鵠龍澤鬯罷大哀小哀大長小長大縮小縮伯丘大益牛眠等名水盛則北流渠溢則南播○東京賦曰八澤九溝二池三周周流原野表裡境土自注云

八澤者清口澤管澤鴈澤蓼澤浮澤卑澤龍澤滑澤也九溝者醋溝鶴烏溝青陽溝泥溝蓼溝渡沒溝丈八溝浮家溝白馬溝也二池青陽池蓮藕池也三周潘固朱固鄭固也圖經云取其高阜堅固爲名○寰宇記云中牟漢縣魏靜帝置廣武郡于此後周移聖圃田城隋避諱改曰內牟又改爲圃田縣唐武德初始復○塚廟記云魯仲康墓在縣城內佛胎墓二一在縣南一在縣北各去里許晉潘岳墓在縣北十里○營溪堂在縣東南二十里昔師曠在此造樂器故名有師曠廟

開封府志勝六卷之二 十

陽武縣在府城西北九十里

水經曰濟水又東北流南濟也逕陽武縣故城南注云王莽更名之曰陽桓矣又東爲白馬淵淵東西二里南北一百五十步泉流名爲白溝經謂清水又東白溝水注之者也清溝水又東逕房城北移天子傳曰天子理圃田之路東至于房城卽斯城郭注以爲趙邯鄲房子非矣清溝水又東北逕流清疑卽博浪亭也服虔曰博浪陽武二水沙名也張子房爲韓報仇以金錐擊秦始皇中其副車于此按房城之名恐因是設未必在秦前也寰宇記

云傳浪沙在縣東南五里南棗城北棗城在縣北
十里左傳楚伐陳諸侯會于城棗以救之是矣○
水經注云濟水又東南流入陽武縣北歷長城東
南流浪蕩渠出焉按竹書梁惠王十二年鄭龍賈
率師築長城浪岩渠即汴河之別名也後漢張卬
爲陽武令上言河決日久浸毀濟渠宜修隄防以
安百姓至今賴之因立祠祀焉○靈帝中平元年
夏陳留郡陽夏等縣異草生後周大象元年六月
陽武縣鯉魚乘空而闕良久乃落已上俱見災祥
志

開封府志勝八卷之二

主

原武縣在府城西北
百二十里

水經曰濟水又東逕原武縣故城南註云春秋之
原圃也穆天子傳祭父曰圃鄭來謁天子夏庚午
天子飲于泊上乃遣祭父如圃鄭亦王莽之原桓
矣統志云原武漢縣晉時省隋之原陵縣也唐復
舊名宋初省入陽武故寰宇記無原武以唐武德
年陽武所理即漢原武縣故城也元祐間復置○
志云原武陽武二縣界處有黑洋山黃河經其下
東北去當縣二十里○寰宇記云棗城在縣西北
按即漢棗縣也注水經曰陰溝水首受於大河故

濟東南逕棗縣故城南昔者晉楚之戰晉軍多濟
舟中之指可掬楚莊祀河告成而還卽此處矣河
水又東逕蒙城北史記秦莊襄元年蒙驁擊取成
皐蒙陽初置三川郡于此旋卽爲所築矣東魏之
廣武郡理其中○陳留風俗傳云棗縣有扈亭春
秋文七年晉趙盾與諸侯盟于扈竹書晉出公二
十二年河絕于扈皆是處也又有武修亭成十年
鄭子然盟于修澤杜預注曰棗東有武修亭○通
志云縣東南有安城周時所築戰國策秦拔魏安
城處 國初置安城驛正統間廢○塚記云婁師

開封府志勝八卷之二

主

德墓在縣北二十里

封丘縣在府城北
七十里

古封國左氏謂賜封父之繁弱是也國都記云本
衛地之延鄉漢高祖與項籍戰敗爲翟母免難之
處後以封之因名其地爲封丘焉翟母墓在縣西
南七里○水經注云濟濱又東逕封丘縣南燕縣
之延鄉也其在春秋爲長丘應劭曰左傳宋敗狄
于長丘獲長狄卽斯地矣又有平丘在縣東四十
里春秋昭十年會劉子及小邾子于此今之平丘
集是也漢書順帝時周舉爲平丘令上言當代

得失帝嘉其切直○續漢記云封丘有桐牢亭
昭曰古蟲牢地也春秋成五年公會晉侯同盟于
蟲牢襄十八年楚侵鄭至於蟲牢而返是矣註疏
蟲牢鄭地在陳留封丘縣北寰宇記云桐牢亭在
縣北二里今俗謂之桐溝在黑山下黑山去縣北
三里魏志初平四年袁術引軍屯于封丘黑山者
矣漢陳平墓在此山之陽又縣西北一里爲五代
時周太祖營郭威屯其營址○寰宇記云黃池在
縣西南七里東西廣三里春秋哀十三年公會晉
侯吳子于黃池杜預注云封丘縣南有黃亭矣又

開封府志勝八卷之二

三

南三里有雲響亭吳晉之會諸侯雲集響應其集
此城因名雲響城又有期城在黃池之傍亦以諸
侯相期于此俗傳以爲禹治水時築非也○志云
黃河在縣南三十里沁河自山西沁源縣來由陽
武入縣界于家店初河水挾沁東決漕運爲害甚
烈 國朝弘治間副使張鼎卽從于家店疏決故
道築隄以免泛濫之虞至今賴之○翟溝在縣南
八里西接黃河支流引灌東入環帶縵紆澄澈如
鑒一名滌渠○寰宇記云封丘臺在縣東五里世
本東郡燕谷侯伯儵子卒葬此遂於城內作地道

向子慕亦名慕子臺又東二里卽漢徐州刺史百
里嵩墓嵩字景山封丘人徐地旱久嵩傳車巡部
所到屬縣膏雨隨車卒葬于此○青陵臺在縣城
宋國韓憑之妻不屈節于康王者憑氏青陵臺歌
南山有鳥北山張羅鳥自高飛羅當奈何鳥鵲雙
飛不樂鳳皇妻是庶人不樂康王唐李商隱詩青
陵臺畔日光斜萬古貞魂倚暮霞莫許韓憑爲蛺
蝶等閑飛上別枝花○塚記云程微君墓在縣南
四百步微君諱仲字孔禮漢魏之際累徵不起爲
時所稱○王百當墓在縣西北廿里○高適封丘

開封府志勝八卷之二

五

縣詩我本漁樵孟諸野一生自足悠悠者乍可狂
歌草澤前寧堪作吏風塵下祇言小邑無所爲公
門百事皆有期拜迎官長心欲碎鞭撻黎庶令人
悲歸來向家問妻子舉家盡笑今如此生事應須
南畝田世情付與東流水夢想舊山安在哉爲銜
君命日遲迴乃知梅福徒爲爾轉憶陶潛歸去來
○蘇子山龍川別志云垂崖張公詠少時游京師
寄封丘逆旅有一道人與之隣房初不相識而意
相善也日會飲酒家及將別復大飲至醉公問其
姓名客曰吾神和子也異日相見於成都公在蜀

物色久之終無所見及得代之日徘徊望仙閣觀
畫壁中有一道人像恍如封丘相遇者按神和子
姓屈突名無爲字無不爲五代時人所著書亦以
神和子爲號

延津縣在府城西
北九十里

左傳隱二年叔段侵鄭至于原延者也戰國韓營
都之有韓宮在城內舊傳韓王建城西南二十
里有水井爲襄王藏水之所治內有蔡邑所輝爲
明帝時酸棗令劉熊若熊勸卹民隱以身爲民百
姓愛而畏之蔡邑作碑紀其事唐王延通酸棗縣
開封府志歷入卷之二

五

蔡邑碑蔡邑碑見無人知是蔡邑碑○志云酸棗山在
城東南二里黃河遶其下水經注云河水又東非
通謂之延津石勒之破劉曜遂出于此以河水非
爲神靈之助號靈昌津昔濟寧子羽齋千金之璧
渡河陽侯波起兩蛟映舟子羽曰吾可以義求不
可以威劫操劍時蛟死波休乃投璧以示無憾
意○水經注云濟南又東逕酸棗縣之烏巢澤北
澤有故亭在酸棗東南昔魏武納許攸之策破袁
紹軍于是處

蘭陽縣在府城東
北九十里

秦曰東昏王莽曰東明卽陽武之戶牖鄉陳平之
故里也平微時嘗割肉于社中人稱其平曰宰天
下亦如是肉矣陳平墓已見封丘黑山下至宣帝
時有荊州刺史陳伯先者平之子孫也卒葬在縣
西三十里墓隧尚存蔡中郎銘謂東昏庫上里卽
古陽武之戶牖鄉矣○志云韓陵城在縣東北五
里元時徙縣治于此流渠城在東南八里爲渠水
所逕故名日久澱塞○後漢書處延字子大東昏
人也初生其上有物如一匹練升天及長長八尺
開封府志歷入卷之二

五

六寸腰十圍遷洛陽令官至司徒卒葬焉吳孫休
相虞翻其後也城塚記云翻以直諫遇害卒葬于
此○通志云白雲山在縣西十里每旦雲氣上騰
其色常白故名山下有張良洞洞幽深莫知所止
世傳爲子房辟穀處又由東南卽張城山周圍三
里厥勢如城因以目之○縣南六里有巴河卽泌
水也又六里爲五丈河其溪五丈故名○縣北二
十里有賈魯河元賈魯所開也又三十里爲馬蹄
河舊名清河秦始皇東游飲馬于此其馬蹄踏于
水中始皇自言此馬蹄河也已上諸水俱入黃河

南流入淮厥勢洶湧我嘉靖間始開李景高河以殺水勢北去縣十里許○皇覽以蘭陽城西有土山名豹陵蘭陽縣名本此在東南二十里攷蘭陽本東明六鄉之首金完顏氏析置也其名已久貞明中始置縣耳○東昏故城在縣東北二十里相傳始皇東游至此昏霧四塞不能進有秦臺廢址存又縣城北二十里有儀封鄉即儀封人見孔子處其東岡頭有岡頭舖達儀封縣○漢書水相張蒼陽武人陳平陽武之戶牖鄉人東京賦以經計相之里中思張蒼之善算瞻二賢之靈祠歷千古

關封府志勝卷之二 圭

之輝煥也按志今割入蘭陽
儀封縣在府城東北
論語儀封人請見註云衛邑也舊儀封城在縣東北十七里金始築以置縣 國初圯于河因遷今所縣城西有聖井自生琉璃不假造堯光耀彌新相傳夫子曾飲其地○志云巴水源出單懷迺縣南八里流入杞縣北為岡界黃河之支流也有黃渡湖在縣北嗣陽鄉周圍六十餘里 黃陵岡在縣東北五十里接山東曹縣界昔魏武立虛冢于此又有青陵岡去縣北十五里○倭以萬曆辛亥

齊捧北上儀封令張君道次相出贈以詩云越境來相觀論文意更真高風誠國士昔日有封人館舍黃河側程途綠柳津受餐仍返壁予已歎秋吳

新鄭縣在府西南二

古鄆國按世本曰陸終娶于鬼方氏之妹謂之女嬪是生六子孕三年故其左脅三人出焉啓其右脅三人出焉其四曰求言是謂之鄆國竹書晉文侯二年周惠王子多父伐鄆克之乃居鄭父之右名之曰鄭是為桓公皇甫謐帝王世紀云縣故有熊氏之墟黃帝之所都也鄭氏徙居之故曰新鄭

開封府志勝卷之二 圭

矣城內有遺祠名曰章乘是也鄭城門曰時門春秋鄭大水龍闔于時門之外即洧淵也城之南門外舊外蛇與內蛇闔內蛇死六年大夫傳殺殺鄭子入厲公自是有微矣按新鄭原屬禹州禹州初年以相國高拱奏請始改入府○詩謂鄆者視融之墟祝融氏名皋其後為姁姓今縣城內有軒轅丘志本始也按鄆城在縣東北三十五里鄭城在縣西北城內有槐莢臺相傳鄭與齊暴此臺乃鄭姬膏沐之所唐姜夔分司詩云鄭姬渺何許危臺今尚存地委象梳缺上傾菱鏡暮秋風悲白鶴夜月

號清猶我時訪遺蹟感慨傷心魂○國語鄭桓公問於史伯曰王室多故余懼及焉何所可以逃死史伯曰其濟洛河賴之間乎號師爲大驕合背君君以成周之衆奉辭伐罪無不克矣若前莘後河左洛右濟王業驪而食漆洧修典刑以守之可以少固按莘在今鄭州爲十邑之一茅驪是其茨山也在縣西南四十里與密縣界漆水在縣之北洧水在南詩云漆與洧方澳澳今鄭風以二月桃花水時會于漆洧之上爲祓除也左傳襄元年晉師諸侯之師伐鄭入其郛敗其徒兵于洧上卽此水

開封府志勝八卷之二

无

矣○水經注曰洧水又東與黃水合經所謂滄水非也黃水出大南山黃泉東南逕華城西韋昭曰華國名史記秦昭王三十三年白起攻魏拔華陽走芒卯斬首十五萬司馬彪曰華陽亭名稽叔夜常採藥于山澤學琴于古人卽此處矣黃水又逕萬歲亭後漢末荀彧封萬歲亭侯于此○黃水又東南流與上水合出兩塘中一源雙導泉流汎別東爲七虎礪水西流卽是水也其水西南流注于黃水卽春秋之所謂黃圻矣故杜預云苑陵縣西有黃水者也苑陵漢縣故城在縣東北三十里隋

大業年省○黃水又東南逕積栗臺臨水側有二俗謂之積栗臺蓋黃水上水二水之所匯也黃水又南至鄭城北東轉于城之東北與黃溝合水出捕獐山東南流至鄭城東北入黃水黃水又東南逕龍淵泉東南七里溝注之出水出陳候亭東南平地東注又屈而南流逕升城東又其南歷燭城西卽鄭大夫燭之武邑也又南流注于洧水○洧水又逕函陵北又東南流過陘山下按左傳僖三十年晉侯秦伯圍鄭晉軍函陵史記世家齊桓公侵楚至陘山山上有鄭子產墓累石爲方墳墳東

開封府志勝八卷之二

三

有廟皆東北向卽子產遺令不忘鄭也○志云黃水出大山卽自然山也在縣西二十五里其上有軒轅飲馬泉黃水發源于此○捕獐山一名抱獐山在縣北三十里○函陵在縣北十三里○陘山在縣西南三十里鄭子產廟前有枯柏一株陳根之上多生穉葉列秀青青望之可愛○周世祖陵在縣北四十里宋呂蒙正王曾魯宗道曾公亮陳省華歐陽脩賈昌齡吳育呂公著鄭居中已上諸公墳俱在縣界吳正叔銘歐陽脩撰歐陽文忠銘

蘇軾撰

陳州在府東南三十里領縣四

水經注云故陳國也伏羲神農跡都之城東北三十里許猶有義城實中舜後嫫滿爲周陶正武王賴其器用妻以元女太姬而封諸陳以備三恪太姬好祭祀故詩云坎其擊鼓宛丘之下城東門內有池池水東西七十步南北八十許步水至清潔而不耗竭不生魚草水中有故臺處詩所謂東門之池也後楚襄王爲秦所滅徙都于此文穎曰西楚矣三楚斯其一焉城南郭內又有一城名曰淮陽城子產所置也漢高帝十一年以爲侯國城內開封府志勝卷之三

有漢相王君造四縣邸碑文字剝落不可略識其畧曰惟茲陳國及淮陽郡云爾王莽更名郡爲新平晉豫州治王隱地道記云城北有故沙名之爲死沙而今水流津通漕運所由矣沙水又東而南屈逕城東謂之百尺溝溝水東南流谷水注之水東華也陂水東流謂之谷水東逕潁城北王隱曰潁北有谷水經傳元年公會齊宋于榿杜預曰榿卽潁也在陳郡西南谷水東流逕陳城南又東入于沙沙水又東南流注潁謂之交口水次有大堰

卽古百尺堰也魏書司馬宣王討太尉王凌大軍至百尺堰是矣沙水枝瀆自華城西南達潁謂之申更溝又南與廣漕渠合上承龐官陂云都父所開後賈逵爲豫州刺史通運渠二百餘里亦所謂賈侯渠矣按史稱孫叔敖爲楚相截汝潰之水作塘陂以溉民田漢汲黯爲淮陽守益修復之非始開白鄧賈也城北有陳陀溝上承安仁溝水出流入州郭古老傳云陳公子陀所開城西南有五梁溝出潁水東流入谷水此溝有五橋渡因名其水會處有龍口之名今與賈侯渠陳陀溝合爲城壕

開封府志勝卷之三

二

也舊傳陳胡公慕壕水嚙其耻有鐵鋼之因謂之鍍墓其止城隅唐趙舉廟蓋僖宗時舉爲刺史拒巢寇以全陳者○寰宇記云陳州城枕蔡水周迴三十里八卦壇在焉伏羲子蔡水得龜因畫八卦舊有壇長史張齊賢文後刺史李邕除去撰新文刊之尚書序曰庖犧氏之王天下也始畫八卦造書契山是文籍興焉故文字之興起於陳州矣宏義陵在城北三里白龜池遺址見存○志云黃河在州南三十里西接汴水東至項城合潁以注于淮○潁水在州南五十里通上蔡水出南頓而注

于淮清水西自宿縣注之泊水與頤同里五里溝
卽其處○西銘山在州西五里方輿勝覽謂之西
堂山又城北二十里有鞍子嶺以形似而名按州
地平曠無山西銘西堂俱不可致其鞍子嶺亦不
過土阜如丘陵之屬○宛丘在城南三里高二丈
爾雅陳有宛丘是也漢爲縣唐宋皆陳州治國
初纔省入今通運所沿其名宋元豐初文同與可
以集賢校理出守吳興至宛丘驛忽留不行沐浴
衣冠端坐而逝元吉衍宛丘人指于書墓趙子昂
師之○雙女陵在西南十三里陳侯之女厲嬌所

開封府志勝不卷之三

三

葬也左傳衛莊公娶于陳曰厲嬌生孝伯早死其
弟戴嬌生桓公州吁殺之二嬌同死因葬于陳○
硯丘在州東南四十里高五丈古老傳云楚王滅
陳於此醢會軍士遂名醢丘後人訛爲硯丘○清
丘在州東北五十里高二丈五尺古老傳云漢淮
陽王嘗登此丘遊望間漢中有清丘故遷取爲名
○偶臺在州西北二十五里二臺相對各高二丈
昔淮陽王貯妓樂之處一云偶仙臺一云舞妓臺
也○城南有弩臺後漢書陳敬王曹孫寵善弩射
十發十中黃巾賊起寵有强弓弩數十張出軍都

亭國人素聞王善射不敢反叛故百姓歸之唐開
元中移孔子廟于臺上俗謂之厄臺以孔子在陳
絕糧而歌桑落之詩又南二十里有貯糧臺古
老傳云漢高祖于此築臺以貯糧糧止歸蔡水○
讀書臺在州北柳湖中世傳蘇子瞻讀書之所按
子由嘗爲宛丘博士東坡贈之詩云宛丘博士長
如丘是也子由初亭柳湖後人相傳謂子瞻讀書
臺云○望湖臺宋知州張詠築范鎮詩臺上皇城
曲迢遙知幾寺湖光隱隱見多礙柳烟漲石在郡
西園中○晏殊西園示張寺丞詩元正清明假不

開封府志勝不卷之三

四

開小園幽徑獨徘徊春寒不定斑斑雨宿醉難禁
灑灑杯無可奈何花落去似曾相識燕歸來游梁
賦客多風味莫惜青錢萬選才○東坡志林云予
舊過陳州留七十餘日近賊可遊觀者無不至柳
湖傍有丘俗謂之鐵墓卽陳胡公墓有寺曰厄臺
寺又云弩臺似爲近之暇過張王里俗傳漢張耳
爲里監門陳餘少從之遊其驛予往吊之而爲之
歎歎焉○後山詩話云蘇公之門有客四人黃魯
直秦少游晁无咎則長公之客也張文潛則少公
之客也魯直詩云晁子智囊可以括四海張子筆

端可以回萬牛文潛詩云長公波濤萬頃跋少公
曉秀千尋麓黃郎蕭蕭日下鶴陳子峭峭霜中竹
秦文倩麗舒桃李昆論崢嶸走珠玉是可以見一
時文獻之盛張名未盡鄉人晚居陳州而歿

商水縣在州西九十里

帝王世紀商高宗陵在縣之長平鄉故水曰商水
矣水漢汝陽縣地隋置潑水縣宋改今名元末徙
治南頓即今所也○注水經云潑水又南過汝陽
縣北北故城南有汝水枝流故受厥稱焉潑水又
東大潑水注之即潑水也又東南逕博陽縣城東
開封府志勝八卷之三 五

城在南頓縣北四十里漢宣帝封郾吉爲侯王莽
更名樂嘉潑水又東南過南頓縣北潑水從西來
注之故潑子國周之同姓後迫于陳而奔楚自頓
徙南故曰南頓今城在南頓南三十餘里相傳楚令
尹子文所築後漢光武帝父欽令此縣號南頓君
唐證聖元年以縣有光武鄉名符武氏遂于此置
光武縣中宗時乃復舊○史載應瑒南頓人兄弟
俱有才名自比高陽氏因署其里爲高陽丘有柏
家在縣南二十里古老傳云應泰家多生柏木因
以爲名○隋圖經云東丘在縣東北其原丘塘多

生東樹故以氏之○懷丘在縣城西史記吳王闔
閭與子胥敗楚是年惠公卒子懷公柳立懷公卒
于吳左傳云懷公不從吳卒葬在陳是爲懷丘○
寰宇記云乾谿臺在縣西北二里楚靈王築以爲
遊觀之所又里許爲章華臺左傳昭七年楚子成
章華之臺願而諸侯落之杜預註云宮室始成祭
之爲落臺在華宮城內册自靈王春秋後語以楚
襄王二十年爲秦將白起所迫北保于陳更築此
臺爲近之矣○叢臺在縣北二十里郎蔚之陳州
圖云楚王遊觀弋釣之暇復稅駕于此往往有嘉
開封府志勝八卷之三 六

禾叢生因以爲名與趙叢臺名同事異○驛馬溝
在縣西南十里古老傳云楚相孫叔敖所鑿其溝
水端急如驛馬發起孫塘屈曲六十里入于潑溝
○扶蘇城在縣南十二里史記陳涉起兵自稱公
子扶蘇從人望也隋越王侗曾于此置扶蘇縣唐
武德廢開元末年刺史曲環夾河築月城以備李
希烈在州東北三十里與扶蘇城相爲犄角云

西華縣在州城西北九十里

水經注云王莽更名之曰華望縣也有東故言西
後漢光武封郾長爲侯國濟北戴封字平仲爲西

華令大旱積柴坐其上以自焚火起而大雨暴至
遠近歎服永元十三年徵太常焉縣北有習陽城
潁水逕其南經所謂潁水流注之也潁水又東南
過辰亭春秋宣十一年楚子陳侯鄭伯盟于辰陵
京相璠曰潁川長平有故辰亭潁水又南逕長平
縣故城西王莽之長正也按縣爲漢長平西華二
縣地北齊以長平省入長平廢城在縣東北今爲
長平鄉內有丁蘭臺俗傳丁蘭刻木爲母像祭臺
以事之卽此處○縣西有媯城久媯氏之所都也
城側有陵魏鄧艾嘗稍陵時柳舒爲陵長後人因
開封府志勝八卷之三

七

目爲柳城西北又有閭舍城左傳昭二十年宋華
向之亂公子城公孫志奔鄭其徒與華氏戰于鬼
閭杜註云潁川長平縣西北有閭亭是也○文獻
通考云殷武丁葬陳州西華縣北宋乾德四年詔
給陵三尸歲一饗○涼馬臺在縣西三十里相傳
爲陳靈公築去靈公陵五百七十步莊子云陳靈
公稱其墓有石銘曰靈公然則靈公之爲靈也久
矣

項城縣在州東南九十里

故項子國春秋僖十七年滅項是也楚襄王徙陳

以項爲別都舊潁川治統志以東魏之北陽郡北
齊之信州後周之陳州皆治此隋文帝始加城宇
○注水經云谷水逕項縣故城北久東逕刺史賈
逵祠祠在小城東魏志明帝東征詔曰昨過項見
賈逵像念之愴然逵存存有忠勳歿而見思可謂不
朽者矣昔王凌爲司馬宣王所執伯廟而歎曰賈
良道王凌魏之忠臣惟汝有靈知之遂仰鴛而死
廟前有碑碑石生金于實曰黃金可採爲晉中興
之瑞云谷水又東流出項城東注潁潁水側有公
路城袁術所築也故世以術字名城潁水又東逕
開封府志勝八卷之三

八

丘頭其丘枕水魏書宣王軍次丘頭王凌而縛水
次因號武丘或以爲宣王于此克定毋丘儉乃更
名武丘顯武功也寰宇記云賈逵祠在縣東南二
里武丘去縣東南四十里毋丘儉死節處在南頓
城之大邱閣又有泰丘在縣西南四十七里泰王
符堅將兵南征駐于此故名先時有童謠曰堅不
過項後果敗○志云互鄉城在縣北一里論語互
鄉難與童子見卽此處也封觀城在縣西界漢
書觀有志節當舉孝廉以凡位未達耻先受之遂
詐風啞不言及見得舉方仕于郡○大吉寺在縣

治南唐時建溫廷筠詩石路無塵竹逕開昔年曾
伴戴顒來窓間半偈開鐘後松下殘棋送客回簾
向玉峰藏夜雪砌因藍水長秋苔白蓮社裡如相
問爲說遊人是姓雷○塚記云華陀墓在頂城陀
魏名醫

沈丘縣在州西南十五里

縣南一百步有沈丘春秋或作寢丘故漢立寢縣
焉隋之沈州也唐初州廢縣亦省置不一○武丘
在縣東六十里界于項城其地有武陰城城塚記
云周武王祭南嶽回至汝水西野宿於武丘夜夢

開封府志勝

卷之三

九

築城在此兼祭天地可王七百年遂城於武丘因
名武陰按此則武丘之名不起于晉司馬氏矣碑
城在東北四十五里乃司馬宣王使鄧艾于此置
屯種稻以備東南城址見存○輿地志云沈子國
西有鯛陽郡光武封戚里陰度爲鯛陽侯去縣西
北三十五里鯛音紂水名俗訛以爲紂城者非

許州在府西南百三十里領縣四

水經注云故許國也姜姓四岳之後矣穆天子傳
所謂天子見許男于消上者也許自文叔受封以
來見經傳者自魯隱公而下至宣公之年爲許靈

公始偕于齊楚子遷許于葉已後四遷皆楚地○
春秋佐助期曰漢以許昌失天下及魏承漢曆遂
改名許昌故城內有景福殿臺明帝太和中造準
價八百餘萬既成命儒士爲賦何晏云鎮以崇臺
實曰永始後道重閣猶狂是伏魏畧載文帝東征
留郭后於表始臺雲雨百餘日賊樓多壞有司請
移止后曰昔楚昭王出游貞姜留漸臺江水至使
者迎而無符不去卒沒今帝在遠水有急而便移
止未可也時論避之○魏志武帝既破黃巾經略
四方而苦軍食不足羽林監潁川巢氏建置屯田
於是任峻爲典農中郎將募人屯田許下得穀
百萬斛注水經云消水又東入汝倉城內俗以是
水爲汝水故有汝倉之名也蓋消水之郛閭耳○
志云潁水在州北二里西止自禹州陘山東流經
長葛入州界州西七里右石梁河自禹州郭連里
東流入州界並注于蔡而達于淮○潁河在州西
四十里源出登封之潁谷東流入州界經臨潁縣
皆潁名潁川以此一名消河賈氏曰潁當作洛水
岐而成洛蓋潁水之別流也合于消水又兼消之
稱○消水又東逕五女塚相傳獻帝后伏氏與姊

開封府志勝

卷之三

十

妹四人爲操所害卒葬于此泝水又南逕讓王臺
獻帝既禪位封山陽公自官送于此臺謂之讓王
臺郡國志云唐先天元年因讓王臺址立魏文帝
廟文帝雖都洛其宮室武庫多在許○按五女塚
今州東四十里五女店是讓王臺卽受禪臺也在
州西南三十里○姚令寬西溪叢語云許昌節度
使小廳是魏景福殿基殿前有小李子色黃大如
櫻桃俗謂之御李子卽獻帝遷許時所植○九州
要記云許昌靈井亦曰靈泉今石砌方正水旱民
必禱焉又有七星井俗傳汲一井則餘井水皆動

開封府志勝

卷之三

土

五井在縣東北二里二井在正北二里○按許昌
故城距州東三十里今治所乃長社縣也晉徙潁
川郡于此長社者以社中有樹恭長而名本漢縣
歷唐宋不改我 明纔省入州 水經注云泝水
又東南與龍淵水合水出長社縣界有故溝上
承泝水水盛則通注龍淵淵中渌水平潭清潔澄
潔俯視游魚數若乘空矣所謂淵無潛鱗者也家
字記謂之狼溝引左氏文九年楚子帥師於狼淵
註疏云潁川潁陰縣西有狼陂卽此○城邑攷云
故魯城剛城陶城俱在許昌西南魯城者春秋隱

八年鄭伯請以太山之柝易許田而祀周公是也
剛城者史記秦昭王五十二年拜燕人蔡澤爲相
因封剛城君是也陶城者東晉陶侃征杜弢於此
屯軍因築城其址見存○注水經曰潁水又東南
逕相祠曲東歷岡臺陂又南逕潁鄉城西潁陰縣
故城止舊許昌典農都尉治也魏明帝封侍中辛
毗爲侯國有潁谷村人及漢灌大塚○塚宅記云
潁考叔墓在城北二十里號爲潁谷村人漢灌夫
塚在州南相陰故宅諺云潁水清灌氏寧潁水濁
灌氏族卽此處也舊有灌臺今名思故臺○開壯

開封府志勝

卷之三

土

繆宅在州東南相傳曹操拜羽爲偏將軍作一院
二宅以處之○高陽里在州城內舊名西豪里晉
荀淑有子八人謂之八龍潁陰令苑康曰昔高陽
氏有才子八人荀公亦有才子八人乃改西豪爲
高陽里時同郡陳太丘往詣荀門使元方爲御李
方從後君使叔慈應門慈明行酒自餘六龍侍側
太史奏德星聚因名荀里曰德星鄉今郡城西南
故宅是也○志云德星亭在城西廿西湖上湖周
九里宋蘇軾詩西湖小雨晴灑灑春渠長來從古
城角夜半傳聲響其後子瞻兄弟卜宅在焉有聽

水亭及梅花堂俱東坡建與弟子由倡和雖有詩
子由晚年乞居許自號顓孫遺老後從之顓昌東
坡子過居之日爲小斜川益叔堂顓陶淵明俱辛
丑歲二月生因元亮游斜川詩故以自見云梅堯
臣游許昌西湖作新秋萬柳齊鶯渡水東西城上
明殘照雲間樹斷霓烟浦夕若翦沙湄淨無泥只
恐朱藤密如過壑高溪宋庠題西湖晨江亭縹緲
東坡已可憐更因生實注西湖鑿開魚鳥忘情地
展盡江湖極目天向夕舊都浸月過寒新樹使
宿州使君直欲稱漁叟願賜開州不記年○東湖

開封府志勝六卷之三

三

在州東二十五里湖本二合爲一潁水經其中多
魚蝦菱芡之利元時設提領一員主辦歲課○曲
水園在城北有竹二十餘畝潁水灌之流以入西
湖最爲佳起宋文彥博爲守時買得之賈昌朝來
代一日往遊題詩壁上云高船載酒及芳辰丞相
園林潁水濱虎節麟符總不得却將清景付閒人
潁公聞此詩卽以地券歸賈氏文元亦不辭而受
○石林詩話云許昌崔象之侍郎舊第廳後小亭
舊有海棠二株韓持國每花開時輒載酒飲其下
至花謝始去歲以爲常余嘗卜亭在開得公二絕

其一云濯錦江頭千萬枝當年未解惜芳菲而今
得向君家見不怕春寒雨溼衣其二云長條無風
亦自動柔艷着雨更相宜漫其後何惜不存○范
公稱過庭錄云韓持國秋日子郡圃會景亭置酒
張樂惟程正叔及家有水不赴持國以詩寄云曲
肱飲水程夫子安坐焚香范使君顧我未能忘舊
樂綠樽紅妓對西顰○高平公又載許昌筆人郭
純謀筆甚精遠人多求之所入日限五千數足不
論早晚卽閑肆出遊恣其所之盡醉始回一日大
雨兒子至西湖見其夫嬾疏醺酣笑歌而來因問

開封府志勝六卷之三

四

曰何不家居飲酌爲安答曰家中非無酒但飲之
不佳耳每爲述之服其任達如此○歐陽集古錄
云予在許州民田中得舊碑乃顏魯公爲張敬因
撰并書後模糊日衆民家以踐田爲患因碎之又
飛白碑康定二年六月二十八日翰林侍講許文
淑出守是州仁宗爲飛白文詞以賜之有寶章摹
刻州廨見存○過庭錄云孔牧寧極有道之士也
視文正爲友堦與忠宣持國遊持國守許孔居郊
常具車馬邀致郡治之養真庵同舍促膝快論人
間事久而復歸一夕大雨孔告還持國獨寢庵中

有詩寄云雨滴庵上茅風亂窓前竹繁聲互入耳
欲寐不得熟緬懷田舍翁石逕滑馬足連山暗秋
燈一路何處宿又有訪友詩云驅車下橫嶺西走
龍陽道青烟人幾家綠野山四抱鳥啼春意闌林
變夏陰早知近應生廬民風故醇好又云不踏南
溪路于今又幾春能來共聯轡還是舊遊人載酒
真乘興談經或人神歡餘不無媿林壑可還身○
葉夢得云余在許昌歲適大水災傷西京尤甚流
殍自鄧唐人吾境不可勝計余盡發常平所儲乞
越常制賑之幾十餘萬人稍能全活但遺小兒無
開封府志勝入卷之三

五

由獲濟一日詢諸左右曰人之無子者何不救以
自畜乎曰人固願得之但患既長或來歲稔父母
來歲謫爾余爲閔法則凡因災傷遺棄小兒父母
不得復認歸乃知爲此法者亦仁人也夫彼既棄
而不育父母之恩斯已絕矣若人不救之其誰與
活乎遂作空券數千具載本法印給內外廂界保
伍凡得兒者使自言所從來則書於券而付之畧
爲籍記使以時上其數給多者賞且分常平餘粟
資者量授以爲資事定按籍給券凡三千八百人
皆奪之溝壑置之穠蔭此雖細事不足道然每以

告臨民者恐緩急不知有此法輒爲記之

臨潁縣在州南六十里

潁水西北自故長社界流入縣置潁水東呼俗謂
之臨潁臯漢縣也郡國志云臨潁臯東南長五十
里名曰龍牌岡高記云嵩山東南三百里有龍
牌沃壤可居卽此○魏志漢獻帝延康元年文帝
行至間蠡乃爲壇于繁陽受禪改元黃初曰舜禹
之事吾知之矣壇前有二碑一是百官勸進碑一
卽受禪之碑並鍾繇書其後碑有六字生金說者
以爲司馬金行故曹氏六世云是年以潁陰之繁
開封府志勝入卷之三

六

昌亭置繁昌縣○繁昌縣有城臯亭春秋定四年
盟于臯鼫註疏云繁昌縣之成臯亭也按繁昌唐
時省入故址在縣西北三十里○寰宇記云尚書
臺在縣東南四十里魏志有黃鳥衙丹書于尚書
臺卽文帝受禪處昔漢馬融讀書其上故名尚書
臺後以唐高宗閱武于此又名閱臺又有白臺水
經注繁昌城內有三臺此其一也○志云潁水在
縣西北經長葛縣入潁水有東祗河在縣北二十
里潁河之支流也曹魏時東祗募民許下引流以
溉得穀數百萬斛後人因以名河○汜河亦名瑪

瑤河在縣西南四十里源曰襄城縣來流經郛城以達黃河○縣西二十五里有灌溝北接潁水南接泥河南北二口俱有阨門亦曹魏時引水溉田之處○水經注云潁水又東過秦龍城卽古秦龍氏之邑也城西有郛陵圖郡國志云在縣西四十里又西南有鰲陽城以在鰲水之陽故名城內有龍泉寺相傳昔時掘地得鰲四足似龍因建寺鎮之四周皆水南面一橋出此渡○城塚記云縣東北有商城舊傳商高宗巡狩時築又西南有看花堂臨池水上以爲射所創也○臨潁故城在縣西

開封府志勝

卷之三

七

北十五里遺蹟猶存其東北有大陵城古鄭地卽漢陳蕃爲亭長所尋處又東南有黃連城曹魏蔡邕去今縣三十里○清泥塚在縣東北清溝冢桓家俱在西北唐河東郡開國公賈景後墓在縣西十里漢賈復之後也注水經曰潁水東南流逕賈復城西右合潁水唐史憲宗元和十年春卽度使李光顏及吳元濟戰于臨潁大敗之潁水上卽此處矣

襄城縣在州西南九十里

周之襄城也楚靈王所築水經注云昔楚平王夫

城城父以居太子建京相璠曰周襄王居之因名襄城亦鄭汜水之地左傳僖二十四年王出適鄭處于汜注云鄭南汜也○志云縣北四十里之閭寨卽古閭鄉舊傳襄王屯戍之所又五里爲鄭莊公城春秋楚伐鄭鄭莊公出師于境上南楚相拒有城存○史記陳蔡有二不羹城韋昭曰西不羹城在襄城東南楚之別都也有襄亭後漢光武徇襄城傳俊以亭長出迎拜爲校尉卽此處○論城在縣東北曹魏武帝行營也中有論事臺又有龍城魏明帝時龍兄摩股井帝幸視焉仍改摩股爲

開封府志勝

卷之三

十八

龍池按志縣北七十里蛟龍池是○劉向說苑襄城若衣翠衣帶玉劍履綈屨立于流水之上註水經曰汝水又東逕襄城縣南卽此水也呂后元年封惠帝後宮子義爲侯國王莽之相成矣昔黃帝遇牧童于其野梧叔夜贊曰奇矣難測倦遊六合來思茲邦也志云在縣首山之麓○首山直縣南五里史記中公曰天下名山八而三在夷狄五在中國皆黃帝所遊首山其一也首山者縣西諸山迤邐直接嵩華而實起于此故名有聖泉出山上○今武山在縣西南五里有令武將軍祠又十里

爲仙翁山乃葛玄成道之所有丹井仙觀諸蹟又
二里爲紫雲山以山頂常出紫雲也上有廟塔俗
呼半截塔乃襄郛二縣之界志云清河在縣東
南卽潁水也又東經臨潁縣合沙河爾雅汝爲過
潁爲沙是矣汝河自魯山縣來經縣南東流入黃
河○瑪瑙河在縣東北流經朱湖潭入乾勒河乾
勒河一名土盧河去縣北二十里○風河在縣北
十里卽伯達河也河堰在汝河之南壘石爲岸長
五里勢甚險峻渡者若梯而達或云其下有楚平
王塚○潁橋在縣北潁水上唐史建中四年夏哥
開封府志勝八卷之三

九

舒曜及李重烈戰于潁橋敗之卽此處○城邑攷
云襄城古城在今縣西塘外遺蹟連亘達于城隅
其南又有一城名小古城規制甚狹而堅○望嵩
樓在縣城中唐開元時建高適送廖彥諱詩九陌
逢君又別離行雲別鶴本無期望嵩樓上忽相見
看盡花間花落時○宋歐陽脩初冬歸襄城敝居
作日落原野晦天寒問市間牛羊遠散去鳥雀空
簷間憑高植藜杖曠日瞻前山隴麥風際綠霜鴉
村外還禾黍日已熟杯酒聊問顏酣歌歲云暮寂
寞向柴關○塚記云建六王墓在縣西南十里漢

李膺墓在縣北十里有祠存又十里爲太丘長陳
寔墓蔡邕撰銘○唐房玄齡墓在縣西北房村宋
范鎮墓在縣北四十里蘇軾銘

郛城縣在州南一百里

魏下邑史記世家楚昭王伐魏取郛卽此漢光武
謂賈復曰郛最大宛次之復曰臣請擊之光武執
復手曰執金吾擊郛吾何憂○地理志云魏南有
郛召陵之岡也故城在縣東四十五里春秋僖四
年楚屈完來盟卽于召陵是矣後漢許慎墓在召
陵城下○水經注云大潁水又逕郛縣城南以北
開封府志勝八卷之三

十

有小潁水故曰大潁水東至岐嶺城分流南爲汝
水北爲潁水也按唐書元和十二年淮蔡平勅置
潁州以北有潁亭裴中立所建○蔡水在縣東南
五里又二十五里爲洄曲河李愬云蔡之精兵皆
在洄曲蓋澧河自縣東深灣渡北流合沙河處其
東南流者謂之洄曲卽吳元濟屯兵之所○澧河
在縣南二里源自舞陽縣來又八里爲急流卽沙
河源自魯山縣來又十五里爲潁河源自寶豐縣
來俱東流出商水縣界入于潁○邵國志云鄧襄
城在縣東南三十里春秋桓二年蔡侯鄭伯會于

鄧卽此○崇溪城在縣南二十五里吳王闔閭封其弟夫槩爲崇谿氏因城之史記蘇秦說韓曰韓卒之劍戟出于崇谿今縣界西平有崇谿村村中有夫槩塚名曰崇陵隋仁壽中置廟○縣東南七里有安陵城秦縣也光武封來歙爲侯國以其征西羌有功役立征羌城○凌雲臺在縣西北三十里魏文帝所築晉武帝時令百官尚書令衛瑾常侍宴于此臺又縣西南五里有司州城宋文帝改汝南爲司州者隋開皇始移之懸瓠城及唐武德初改置道州因名道州城○杜甫詩引云開元

主

開封府志勝八卷之三
三年余在鄧城觀公孫大娘舞劍器韓昌黎集云元和十二年愈與張正封聯句從軍行詩刻于寺壁按卽今之西寺也時裴晉公屯鄧城遣李愬夜入蔡城縛吳元濟遂平淮西韓退之爲行軍司馬○宋紹興十年秋岳飛大敗金人于鄧城初飛大軍在穎昌諸將分道出戰自以輕騎駐鄧城兵勢甚銳兀术大懼會龍虎大王議以爲諸帥易與獨飛不可當欲誘致其師併力一戰中外聞之皆懼詔飛審處自固飛曰金人技窮矣乃日出挑戰且罵之兀术怒會龍虎大王益天大王及韓常之其

逼鄧城飛遣子雲領騎兵直貫其陣戒之曰不勝先斬汝糜戰數十合賊尸布野初兀术有勁軍皆重鎧貫以韋索三人爲聯號房于馬官軍不能當是役也萬五千騎未飛戒步卒以麻札刀入陣勿仰視第斫馬足房于馬相連一馬什二馬不能行官軍奮擊遂大破之兀术大慟曰自海上起兵皆以此勝今已矣因復益兵而前飛自以四十騎突戰敗之兀术憤甚合師十二萬次於臨穎楊再興以三百騎遇之於小商橋驟與之戰殺二十人再興死獲其宛得箭鏃二升張憲繼至復戰兀术夜

主

開封府志勝八卷之三
迨追奔十五里遂復汴京

長葛縣在州南五十里

春秋隱五年宋人伐鄭圍長葛俗亦呼長平城蓋長指城也十六國春秋云東魏武定五年清河王岳率衆圍西魏將王思政于潁川因築此城初以車箱爲樓因名長箱○左氏魯隱公十一年鄭伯使許大夫百里奉許叔以居許東偏又使鄭大夫公孫獲處許西偏今有東西兩城在東北五里相去各一里○鍾繇臺在縣治前魏東武亭侯鍾繇讀書處繇故宅中堂址尚存○鳳皇臺在縣之

北張保晉黃霸治潁川有鳳皇集一此西名其城
曰鳳皇城城周三里有奇○縣西有陳太丘家陳
氏家傳云紀譙已下八十六卷三十六碑竝在長
葛陘山陽按陘山去縣四十里界于襄城卽地里
志所謂少陘山也有靈池在山麓世傳葛洪習仙
于此亦名葛仙池池有石籠遇旱禱雨輒應又十
里爲馬跑泉出太白山與世傳光武帝駐兵于此
無水有馬跑地得泉故名○志云長明溝水源出
縣界西南經尉氏縣滙爲大陂○雙濟河在縣北
以洧川至陂外三里合流而名○按長葛亦名繡
開封府志勝不卷之三 三

禹州在府西南三 領縣一

寰宇記云卽禹之都春秋鄭櫟邑桓十五年鄭伯
突入于櫟註疏在河南陽翟縣是也戰國韓分晉
得南陽及潁川故屬韓秦滅韓置潁川郡于此故
地理志云潁川郡有陽關聚矣○漢黃霸爲潁川
太守鳳皇嘉禾生爲起樓于郡中今其址存自晉
徙潁川郡于許昌隋初乃分許洛之地置潁州唐
宋省置不一今改爲鈞州治陽翟縣 國初以陽

翟併入萬曆三年避 御諱始改今名按一統志
云禹山在城北潁水之南○尚書傳武王至周曰
吾其有夏之居乎遂營洛邑徐廣註漢書曰河南
陽翟夏地也禹都平陽後居陽翟故魏地形志陽
翟有禹山祠又有釣臺陂方十里蓋指釣臺取
名左傳夏啓釣臺之饗是也水經注云連山亦曰
啓筮亭帝饗神於大陂之上卽釣臺矣今州北門
外有基址存○水經云潁水又東歷康城南夏少
康故邑也魏明帝封尚書衛臻爲康鄉侯國治在
州西北安康里○郡國志云陽翟有上棘城左傳
開封府志勝不卷之三 三

襄十八年楚師伐鄭城上棘者也○左傳楚薳子
馮率鉞師侵雍梁注云河南陽翟縣東北有雍城
○縣西三十里有小韓城戰國韓哀侯所築史
記世家周末韓景侯自新鄭徙居之○志云潁亭
在周城西宋陽翟令陳寬建范鎮修營作潁三亭
記有曰湧泉亭者以泉出於潁山谷中平地湧入
潁水故名○黃臺在縣東北四里東魏天平中于
此置黃臺縣隋廢○許由棄父臺在州東十五里
潁水上卽巢父飲牛處二臺相去一里又七女岡
在州東北三十里下有七女泉流至長葛入洧○

水經云潁水故瀆東南經三封山北按志三封山在州西南二十里以上有三峰故名峰頂泉出時人謂之喝水○洛陽記云陽翟有山形如偃月因名偃月山又縣北二十里有杏山漢時仙人劉根種杏于此又西北三十里有荆山出玉容武帝于此採玉也其下卽故潁川治州故城西有郭奉孝碑水側有五山祠叢柏猶茂北枕川流○六盤山在州北十里又十里爲大磧山又三十里爲明山以上有孔穴通明故名○黃山在州東四十里又稍北爲太白山○三磴山在州西五十里其山上

開封府志勝本卷之三

圭

下俱有龍潭○孝山在東北五十里山下有黃香墓故名○大龍山在西北六十里五代劉知遠墓在焉文獻通攷以爲隱帝陵○宋晏殊墓在州東南晏殊墓在州西南賈昌朝墓在州西綾錦里明李夢陽墓在州西大陽山○沈存中夢溪筆記陽翟有杜五郎其家去縣三十里杜生不出離門凡三十年黎陽尉孫軫往訪之因問其不出門之因杜生笑指門外一桑樹曰十五年前曾到此樹下納涼何爲不出門也但無用于時偶自不出耳何足尚哉問其何以爲生曰曩居邑之南有田五

十畝與兄同耕後兄之子娶嬖度所耕不足乃以田讓兄攜妻子至此偶得鄉人見借是屋遂居焉惟爲人擇日併賣藥以具體弱後子能耕鄉人見憐與日三十畝令子耕之尚有餘力又爲人傭耕自此食足而擇日賣藥一切具罷又問常日何所事事曰端坐耳無可爲也謂頗觀書否曰二十年前曾有人惠一書冊無題號其間多說淨名經亦不知淨名經何書也當時極愛其議論今亦忘之併書亦不知其所在矣問其子之爲人曰村童也頗力耕然質性淳未常妄言惟買鹽酪間一至

開封府志勝本卷之三

圭

邑中可數其行跡以歸未嘗傍游一步也予時方有軍事夜半未卧疲甚與官屬閒話軫遂及此不覺蕭然頓忘煩勞○吳處厚青箱雜記云樞相張公昇皇祐中致政歸陽翟生計不置晝寢輕絛條然自適乃結菴于嵩陽紫虛谷每旦晨起焚香讀華嚴菴中無長物荻簾紙帳布被革履而已年八十餘自撰詞一首令爲滿江紅不具錄○楊億原建州浦城人以從祖徽之知許州因從學焉更築別墅于陽翟其母往視之得疾而歸億請急不待報而行上親織藥馳使賜之一說真廟嘗召億入

禁庭取蔭內御製文集以示之曰朕何嘗不自手
出億知已中說遂陽狂起歸陽從此恩意寢衰
文獻通攷云楊大年別集祥符五年在陽得所作
也○陳叔易居陽翟湖上村號湖上丈人無仕宦
意宋崇觀間朝廷召之郡守勸駕不得已而起晁
以道時致仕居嵩山有詩云處士誰人爲作才盡
攜猿鶴到京華從今鄰壑堪惆悵六六峰前只一
家予叔愈過湖上丈人陳恬故居云壯山去已遠
南山去已近驅車兩山間舉策聊一問昔有隱君
子出處頗才府平生勇且剛垂老畏而慎皆議之
開封府志勝卷之三 主

也後靖康間以道亦起而女弟四娘適唐氏者頗
後請其出焉見呂東萊詩話

密縣在州西北
百二十里

古密國也亦鄆國之地左傳僖六年諸侯伐鄭圍
新密以鄭滅不時也春秋謂之新城今縣東南三
十里有古密城後漢卓茂所理豈不入境今有子
康祠存前齊謝朓詩茂宰深遐春卽此陪大業間
始移今理乃古法橋堡也○爾雅山如堂者曰密
縣有大隄山足以當之注水經以大隄山卽具茨
山也黃帝登具茨之山言其隄之上受神芝之

於黃蓋童子固此山矣攷山海經穆天子傳汝冢
周書俱云黃帝樵密山之玉葉註謂玉華也密一
作暴按此則密與大隄原有二山耶○澠水發源
大隄山消水源出縣南十五里馬嶺山與浮戲之
汜水合流入河○志云縣西北有蘭巖山南接汜
水峭拔千丈唐詩鼓吹江云昔者密人關公夫嬪
死于此化爲雙鶴忽一日其雄者爲人所害雌鶴
夜常哀鳴至今響動巖壑莫知年歲○橫山有二
一人一小俱在縣西三十餘里東西對峙橫而不
斷又十里有鳳皇山世傳鳳皇棲止其上故名○

開封府志勝卷之三

天

石梁河出常縣山谷中流滙爲黑白二龍潭東流
入臨潁縣合澠水又縣東止有玉寨河南流四十
里入消水○郡國志云縣有鄆水出古鄆城西止
鵲絡塢下東南流世人謂之鄆水徐廣曰鄆在密
縣姪姓也鄭公東遷號鄆獻其十邑是矣又有承
雲水出縣北三十里之承雲山二源雙渠世謂之
東西承雲又有滴瀝泉出縣南深溪之側懸水散
注故以滴瀝稱云○游名山記載元許有壬游天
仙洞記云密縣城東三里許有入仙洞四山平旋
高嶂樓擁于外古廟隱垣周回會萃流中崇奇石

瑩如玉點如璽其口其黑綠如縹緗結如緗錦垣
外古柏成林庭畔老榆競直約五六仞殿後白松
如傳粉一本二幹高十數仞才大四抱餘木畔一
窠常流液甘甚厚歲兩脫屑根盤據枝若拳虬葉
秀翠且硬世傳漢石門及仙化葬焉此其塚上物
也廟前百武許有繡石狀架棚其左泉滴如雨茲
遊故多異云城厚記云漢弘農太守張伯雅墓
在綏谿側碑云君諱德字伯雅河內密人也其塚
四周壘石為月閣阿相降刻于綏水之陰唐門未
二石闕列石人獸于闕下石入綏水南入墊域而
闕封府志勝不卷之三

元

為池沼沼在井地皆蟾蜍吐水石隄承濡按綏水
亦出游戲之山注水經所云消水東流綏水注之
者也志云起化寺在縣西南王村里隋開皇建
宋黃觀游此詩云西山背水古招提經歲重來覓
舊題撼撼秋黃葉下陰陰結雨黑雲低平生恐
負林泉約明日還愁步履迷睡足一甌湯餅滿更
休作禮問曹溪

鄭州在府西一百四十里領縣四

古莘國鄭桓公寄琴與賄於號有十邑莘其一焉
即為鄭國有鄭圃列子居之四十年無聞者有鄭

水一名不家水源出梅山注水經云不家溝水出
梅山之北溪東止流經管城而俗謂之管水按管
城周封管叔鮮于此隋開皇初置管州煬帝二年
始復鄭而管城縣如故國朝省入州唐楊炯
送鄭州周司空詩漢國臨清渭京城枕濁河居人
泣珠淚賓御促驅歌皇極關山遠秋深煙霧多唯
餘三五夕明月曾經過郡國志云梅山在城西
南三十里春秋襄十八年楚為子馮率師侵費滑
石廴梅山即此處也宣十二年荀林父帥師與
楚子戰于鄭鄭城在州東十里再二十里有武彊
關封府志勝入卷之三

三

賊史記曹參擊項羽攻武彊即此有大小回湖二
湖相連故名又西北有故市城曹魏將徐晃擊袁
紹於此亦漢縣也按回湖水東西相向自祭城以
入中牟迤邐達于汴祭城相傳周公第五子所封
去管城東北十五里志云鄭大夫祠在州城育
賢街祀鄭子產也僕射陂在城東南四里後魏
文帝以此陂賜僕射李中因名唐玄宗更曰廣仁
池羅鄴僕射陂晚望詩離人到此轉堪傷陂水蘆
花似故鄉身事未知何日了馬蹄惟覺到秋忙田
園半落東歸晚道路辛勤去長却羨無愁是沙

鳥雙雙相赴下殘陽○陂南二十五里為裴晉公墓按志裴度葬在州南三十里之林錦店石翁仲羊虎俱存有廟距墓東三百九十步宋工欽若有重修廟記其後州人謠以裴公為陂公廟墓幾湮沒元至正中州同知蒲理翰訪求得之○湘山野錄云宋淳化二年冀公赴舉途次圖田忽失所在同行武輩懷者遣僕尋覓驚悸而回語單曰自此數里有一神祠某方入門卒呵曰令公適與王相歡飲不宜涓侵及公登席乃出休修祠自為文紀之按州境有圖田河去城東三十里○唐王維宿開封府志勝不卷之三

鄭州詩朝與州人辭幕投鄭人宿宛洛望不見秋霖晦平陸田父草際歸村童雨中牧主人東臯上時傢遶茅屋蟲思機村鳴雀喧禾黍熟明當渡京水昨晚猶金谷祖詠夜渡京水前路入鄭郊尚經百餘里馬煩時欲飲客歸程未已落日桑柘陰遙林烟火起西還不遑宿中夜渡京水按京水去州西十五里○春明退朝錄云圃田有列子廟其地有小城廟貌甚古舊有李德裕王起題名景祐中王文惠請增葺之故跡俱盡○雲溪友議云鄭曲有胡生者家貧落魄為釘鉞之業但遇甘果茶醢

輒祭列禦寇以求聰悟歷稔忽夢一人以刀割腹開將書一幅置之覺而吟誦詩大不出師授其喜圃田韓少府見訪詩云忽聞梅福來相訪笑著荷衣出草堂兒童不慣見車馬爭入蘆花深處藏觀鄭州崔郎中諸伎繡樣詩曰幕堂前花葉嬌爭占小筆上床描繡成安向春園裡引得黃鸝下柳條江際小兒垂釣詩逢頭稚子學垂綸側坐蓴蒿草映身路人借問遙招手恐畏魚驚不應人○張端義貴耳集云趙昌甫名恭號章泉鄭州管城人與周益公同里益公當軸昌甫所仕但一酒官耳致開封府志勝不卷之三

榮陽縣在州西七十里

春秋之京索漢魏之成臯也震宇記云京城在縣東南十二里左傳隱元年鄭莊母姜氏為叔段請京公許之謂之京城太叔索城即縣理謂之大索亭也昭五年晉韓起如楚迎女鄭子皮勞諸索氏註疏河南成臯縣東有大索城又東北四里有小索城六國時之二索矣○宅陽城在縣東南史記趙魏合攻秦不利于宅陽即此處○敖倉秦置在

縣西十五里敖山上詩云叔申于京博獸于敖者也史記楚漢戰于京索間酈生說高祖以聽敖倉之粟倉臨汴水屬河陰界○汴水經曰濟水又東逕敖山北山上有陂即殷帝仲丁之所遷也世紀曰仲丁自亳徙置汴河上或曰放矣濟水于此又兼郊曰春秋宣十二年晉楚之戰楚軍於郊京相璠曰在敖北是也○志云古滎陽城在滎澤西南界乃滎濱水受河水處有石門謂之滎口石門漢置縣晉立爲郡秦徙三川郡于此史記漢高祖爲羽所圍高祖棄去以御史周苛守滎陽睨曰屬羽

開封府志勝八卷之三

三

不屈處也後魏始移理于大索苛有墓在縣西南唐李觀撰碑銘○集古錄云漢滎濱石門碑邊孝先撰陽嘉三年二月丁丑立河隄謂者東萊王誨字孟堅山陽司馬澄字伯志河內太守東城何豹字伯尹丞汝南鄆方字德山河隄塚匠等造其文曰疏達河川述荒庶土刊石紀功垂後云○志云瀉溝在縣西今入河陰界縣有滎渠晉殷襄字元祚爲滎陽分時多雨襄乃謀穿渠入河疏道原隰因致豐年時人號爲殷渠又有金隄漢永平中詔樂浪王景所築起自滎陽東至于乘海口

千餘里○汴水經云黃水發源京縣黃堆山東南流亦名視龍泉泉勢沸湧狀若巨鼎湯湯世謂之京水也索水出京縣西南嵩者山與東關水同源分流卽古旃然水也襄十八年楚伐鄭次旃然註疏旃然水出滎陽成羣縣東入汴晉繆襲詩有戰滎陽汴水陂蓋謂此寰宇記云京水在縣東二十里索水在縣南三十五里嵩渚山一名小陘山俗名周山山海經所謂少陘之山器難之水出焉者也旃然卽濟水溢而爲滎開天傳信記曰玄宗封泰山進次滎陽旃然河上見黑龍命弧矢射之

開封府志勝八卷之三

三

矢發龍潛滅白爾旃然伏流不見可爲一證○異苑云滎陽縣西有靈源山其間生靈芝石齒巖頂有石髓紫菊往往人間長嘯之聲又西有檀山以山多檀木而名其下有劉禹錫墓○縣東南有賈峪山賈峪河出焉又有萬山湏水出焉各去縣三四十里流入京索○志云夕陽樓在縣城隅唐時建李義山詩花明柳暗遠天愁上盡重城更上樓欲問歸鴻向何處不知身世自悠悠○漢崔篆涿郡安平人舉賢良以兄發倉王莽司空耻受其汚不仕退居滎陽著周易林用決吉凶占者多驗臨

終作慰志賦以自悼○晉祖述母家在成阜載記云石勒過成阜為祖述母墓是也○唐白居易太原人詩中自序云生于鄭州榮陽載文獻通攷○偽唐潘佑有榮陽集十卷

榮澤縣在州北五十里

尚書濟水瀉為榮春秋閔二年衛侯及狄人戰于榮澤是也樂史云古者濟水出河北截河南流而為榮澤自王莽本濟水但入河不復過河南澤已枯但存其名耳○後漢書顯宗東巡泰山至榮澤有飛鳥翔集因命虎賁王吉射之鳥上下其聲吉

開封府志卷之三

曰鳥啞啞引弓射之洞左腋陛下壽萬歲臣為二千石既而射鳥中之賜錢二百萬至今榮澤亭壁之間猶多謫鳥即遺事也○志云陂城在縣西南十七里史記殷帝仲丁遷于陂已詳榮陽縣下按括地志以為即榮陽故城○衛輝在縣西北十五里左氏僖二十八年晉文公敗楚于城濮還至衛雍作王宮於踐土今故城內西北隅有踐土臺去今縣西十五里○又五里為紀信祠信降以充漢王考追封榮澤侯有墓在縣西考義保盧藏用撰碑銘宋景德四年真宗丙午次舍所經因御製

贊○唐孔融在縣西孔子二十八代孫也見韓愈銘山翁勸亦同葬此

河陰縣在州西北五十里

統志云唐武潤在今縣北十里西征記三皇山上有二城東曰東廣武西曰西廣武相去二百餘步晉語陽秋阮籍登廣武而歎曰時無英雄使豎子成名李白登廣武戰場詩沈酒呼豎子狂言非至公○志云汴河水從廣武潤中東南流城東有壇即項羽坐太公於上以示漢軍者一曰鴻溝楚漢分界之處北連廣武泰初置平陰縣于此山上漢

開封府志卷之三

徙治瀕河山下名曰河陰唐裴度為河陰尉曾徙治東渠口元○徙治大峪口即今理也○韓愈題鴻溝詩龍疲虎困割川原億萬蒼生性命存誰勸君王起馬首與成一櫛賭乾坤

汜水縣在州西五十里

古東魏國成阜之故徑也其城縈帶亓阜絕崤峻周高四十許丈張翥嶢崎而不平鄭莊公曰制嚴邑也樂叔克焉此即制鄉又名虎牢春秋襄二年晉成公與諸侯會于戚遂滅虎牢以逼鄭求成也穆天子傳曰天子射獵鳥獸于鄭國命虞人掠林

有虎在子林也七萃之十商承茂生禽虎而獻之
天子命為柘菴之東虞是曰虎牢矣秦以為關漢
乃縣之城西北隅有小城周三里正而列觀臨河
嚴隄直上昇眺遠勢盡川陸將途游至有傷深
情○春明退朝錄云武牢城內有山數峰上有唐
昭武廟乃神堯太宗聖像今佚但有二侍者志
云虎牢關今名車從關唐賈至銘關上二城一為
張飛城一則呂布城也縣又有黃馬關昔孫登去
楊駿作書與洛中故人處○水經云河水又逕黃
馬坂北又東而逕旋門坂今成皋西大坂也曹大

毛

開封府志勝八卷之三
家西征賦曰涉河洛之交流看成皋之旋門按旋
門坂去縣西南十里○縣東南有厄井相傳漢高
祖與項羽戰敗京索遁入此井一鳩止焉其上追
者謂無人遂得脫○丹鉛錄云漢高榮陽之敗獨
與滕公走出玉門按玉門地在成皋○戰國策以周
武王有玉門之難亦即其處云○志云方山在縣
南四十里汜水出焉酈道元以汜水出于浮戲之
山俗謂之方山也又竹川水出焉竹川去縣十五
里其竹叢生故名竹川舊志云溪永流入汜汜者水
決復入之義音凡後魏為已屬王龍寒食汜水詩

廣武城邊逢暮春汶陽歸客滯沾巾落花寂寂啼
山鳥楊柳青青渡水人○牛口峪在縣西止二十
五里即唐太宗擒寶建德處玄宗經此感而賦詩
有隋政昏虐羣雄已交爭先聖按劍起叱咤風雲
生飲馬洛河竭作氣嵩華驚克敵屠圖就擒俘帝
道亨碩慚嗣寶曆恭承天下平幸過剪鯨地感慕
神且英張說和詩爰氏階隋亂自言河朔雄王師
進穀水兵氣臨山東前掃成皋陣却下洛陽宮義
帝圖起威加太牢同軒臺百年外虞典一巡中
戰罷思王策倚馬賦神功

開封府志勝八卷之三

歸德府河南領州一縣八

春秋宋國本周武王封微子于宋也秦併天下爲
碭郡以芒碭山在郡界之地也漢曰睢陽以睢水
在郡之南也梁武王始封都大梁後以其地卑溼
徙都于此亦爲梁國晉隋更置不一或曰梁郡曰
宋州曰睢陽郡唐天寶後漁陽安祿山反兩河郡
縣多所覆沒張巡許遠堅守睢陽踰年不下卒以
孤城絕援而陷然使賊鋒挫衄不蔓延於江淮者
巡遠之力也大曆二年勅立廟祀齊嵩撰記○志
云舊城圍十二里三百六十步卽張許所守者
歸德府志勝卷之四

國初少裁四分之一弘治間圮于水乃徙而北今
之南門卽舊城北門故址○攷古宋城東門曰揚
門禮記檀弓篇宋元公自揚門入是也南門曰廬
門左傳華氏居廬門南里以拒元公者西門曰堙
澤門孟子云魯君之宋呼于堙澤之門卽此北門
曰桐門昭公二十五年叔孫婁聘于宋桐門右師
見之註疏云右師樂大心也爲右師之官居桐門
故曰桐門右師○曰橫門桑林門宋之外城門也
昭二十一年宋城桑林之門而守之華向入樂大
心御高橫註疏俱云宋外城門柱預以宋城南有

橫亭矣又有新城亭陽亭文十四年諸侯盟于新
城柱預曰宋之新城亭也襄十二年秦楚伐宋師
于陽梁京相璠曰宋地入睢陽東南三十里有故
陽亭是○隱七年戎伐凡伯于楚丘桓十二年會
宋公燕人盟于穀丘志云楚丘在府北六十里穀
丘在府南四十里家語司馬耕孔子弟子宋人兄
弟爲亂獨潔身而脫之後追封楚丘侯按楚丘今
半屬曹縣界其地又有黍丘襄七年宋伐曹築五
邑于其郊黍丘其一也○攷宋自微子而下凡三
十二葉至偃逐其君自立僭稱王多行不義諸侯

歸德府志勝卷之四

二

伐之殺偃而三分其地宋以不祀○趙宋曰南京
曰應天其曰歸德殿南京行宮之正殿也鴻慶宮
宋之原廟也真宗大中祥符七年以應天府爲南
京以聖祖殿爲鴻慶宮奉太祖太宗像于聖祖之
側又名神御殿○志云城南七里有玄明河宋太
祖克歸德軍節度使時飲馬于此又名飲馬池蓋
歸德之名起于後唐同光元年易武爲歸德軍
者我 國初降州嘉靖中始復○唐駱賓王過故
宋詩舊國千年盡荒城四望通雲浮非隱帝日舉
類遊童綺琴朝化冷祥石夜淪空馬去遙奔鄭蛇

分近帶豐池文敘東水竹影清寒後園光承行月
川禽避斷風故宋誠難定從梁事本工臣當過周
客獨愧吳臺東高適宋中詩梁王昔全盛賓客後
多才悠悠一千年陳跡惟高臺寂寞向秋草悲風
千里來又登高臨舊國懷古對窮愁落日鴻鴈度
寒城砧杵愁昔賢不復有行矣莫淹留張巡守睢
陽詩接戰春來苦孤城日漸危合圍作月暈分守
若魚鹿屢厭黃塵起時將白羽揮裴濟猶出陣飲
血更登陴忠信應難敵堅貞諒不移無人報天子
心計欲何施又睢陽城間笛石是試一臨虜騎附
歸德府志勝卷之四 三

城陰不辨風塵色安知天地心門開邊月近戰苦
陣雲深旦夕更樓上遙聞橫笛音李端過宋州詩
睢陽陷虜日外絕救兵來世亂忠臣死時清明主
哀荒郊春草遍故壘野花開欲為將軍哭東流水
不回耿湓宋中詩日暮黃雲合年深白骨稀舊村
喬木在秋草遠人歸廢井莓苔厚荒田徑路微惟
餘近山色相對似依依又代宋州將淮上乞師云
唇齒幸相依危亡故遠歸身經百戰出家在數重
圍上將堅深壁殘兵圍落陣常聞鐵劍利早晚借
餘威按新唐書南齊雲馳淮上請救其時賀

進明嫉張許功出已右實無援意乃具食張樂延
霽雲坐霽雲拔所佩刀誅一搯血淋漓以示賀蘭
津此詩正詠其事柳宗元有南府君睢陽廟碑益
時稱張許廟為雙廟南霽雲似特廟也至宋時始
合張許南霽雲姚開雷萬春五人祀之勅曰協忠
廟梅堯臣詩八月過宋都汴州雙廟側永懷此忠
良遺烈傳碑刻五值儼朝祐千年同血食當時若
苟生貴爵誰曾識志云協忠廟後有祠曰褒忠
國朝嘉靖癸丑叛賊師尚詔之變府簡校董綸
柘城縣舉人陳問詩死焉詔各贈官同知立祠
歸德府志勝卷之四 四

商丘縣附

高辛氏之子閼伯居于商丘左氏鄭子產曰后帝
不滅遷閼伯于商丘者也商丘在城西南三里周
二百步世稱閼臺說者謂其精氣上應列星云高
適詩商丘試一望隱隱帶秋天地與星辰在城將
大路遷于戈悲往事墟落對窮年卽此傷離緒淒
淒賦酒筵志云城南四十里高辛廟有靈井舊四
口今存其一在東廊內祈禱極應○寰宇記云縣
自隋唐以來曰宋城南北朝曰壽春漢曰睢陽春

秋則宋蒙縣也。襄二十七年宋公及諸侯盟于蒙門。註疏蒙門宋城門也。有蒙澤在縣北三十五里。莊十二年宋萬弑閔公于蒙澤。杜預註云蒙澤宋地蒙縣也。小蒙城在縣南二十里。卽莊周之本邑。故曰蒙莊。大蒙城在北四十里。後魏之北蒙縣也。漆園在小蒙城內。莊子嘗爲吏於此。唐王維詩古人非傲吏。自闕經世務。偶寄一微官。婆娑數枝樹。晉伏滔北征記云望蒙宅間成湯伊尹箕子之家。皆爲丘墟。郡國志云梁有二宅。南宅在穀熟城。卽孟子云湯居亳是也。穀熟元時省。人唯陽今爲歸德府志勝八卷之四

五

鎮北宅在蒙城西北。卽尚書所謂沃丁葬伊尹于亳矣。春秋釋地曰梁國蒙縣北有成湯冢。其西北有箕子塚。而商丘志云縣南四十里有伊尹墓。按卽伏滔所云望此三塚也。城西南十二里又有微子塚。唐費至作碑。注云經云宅城內有王子喬塚。塚側有碑。其文曰王子喬者。蓋上世之真人也。道家或言潁川。或言產于蒙。初建此城則有斯丘。傳承先民曰王氏子喬墓。晉于永和元年冬十二月臘夜有哭聲甚哀。附居者王伯怪之。時往登焉。時天鴻雪下。無人往。有大鳥跡在祭祀處左右。

咸以爲神。其後有人著大冠絳單衣。杖竹立冢前。呼採薪孺子伊永昌曰。我王子喬也。勿得取吾墳上樹。言訖不見。時令太山萬熙稽故老之言。感精瑞之應。乃造靈廟以休厥神。于是好道之士自遠方集焉。按朱鬱儀纂祭中郎集有此文。○塚廟記云原憲墓在宋城內。有子思故宅。莊子所云蓬戶甕牖。上涌下濕者。後漢橋玄墓在縣北十里。有祠曹孟德云。過祠不人十步。腹痛。卽此冢列數碑。一碑是漢朝羣儒所立。一碑是故史博陵崔烈河南吳整所立。一碑是隴西狄道子民以公嘗牧涼

六

州。感其恩義。屬王記掾李友字仲達作碑文。碑陰有右縣文。建寧三年拜司空。中縣文。建寧四年拜司徒。左縣文。光和元年拜太尉。又有鉞文。稱是鑠石。似象作征虜軍。鼓陳于東階。以昭文武之勳。○水經曰。睢水東逕睢陽縣。南汴水從北來。注之。寰宇記云。睢水在縣南。汴水在縣北。梁孝王廣睢陽城。七十里。開汴河。後汴水始經城南。積而爲澤。洪澤。註水經云。睢渙二水出狼狽渠。春秋僖十九年宋襄公用鄆子于次睢是也。汴水又東至梁郡蒙縣。爲睢水。餘波南入睢陽城。中若此。則睢水

水耳○睢水東南逕廬門亭城內有臺巍然介立謂之蠡臺亦曰升臺當昔全盛之時故與雲霞競遠矣續述征記曰迴道似蠡故謂之蠡臺也余按闕子稱宋景公使工人爲弓九年乃成公曰何其遲也對曰臣不復見君矣臣之精盡於弓矣獻弓而歸三日而死景公登虎圈之臺援弓東面而射之矢踰于孟霜之山集于彭梁之東餘勢逸勁猶飲羽于石梁然則蠡臺卽是虎圈臺也蓋宋世牢虎所在矣晉太和中大司馬桓溫入河命豫州刺史袁真開石門鮮卑堅戍此臺真頓甲堅城之下

歸德府志勝

卷之四

七

不果而還蠡臺西有一臺俗謂之女郎臺臺西北城中有涼馬臺臺東有曲池池北列兩釣臺水周六七百步蠡臺直東又有一臺世謂之雀臺也睢水又逕城西門卽寇先鼓琴處先好釣居睢水傍宋景公問道不告殺之後十年止此門鼓琴而歌宋人以爲神家奉祀之睢水又逕其城西北昔宋元君夢江使乘繡車被繡衣來謁元君感衛平之言而求之于泉陽男子余且獻神龜于此矣睢水又逕漆溝其水爲隕石水春秋僖十六年隕石于宋五卽此水也○志云自汴至宋二百餘里有

堤曰濇堤亦名蓼堤梁孝王徙睢陽時築至隋楊帝訪其故址而增廣之名曰隋堤兩傍種柳人行其中殊忘勞頓然亦以障黃河之支流也黃河在城北三十里丁家道口北達于徐與睢水合○水經注云睢水又東合明水水上承城南大池池周千步南流會睢謂之明水絕睢注渙睢水又東南流歷于竹園水次綠竹蔭渚菁菁實望世人言梁王竹園也九域志云梁孝王好治宮室園池之樂作曜華宮竹園兔園鶴洲見諸勝亭苑屏樹連屬百餘里凡役夫流唱必曰睢陽也又有清冷池

歸德府志勝

卷之四

八

釣臺及百靈山山巔有落猿巖棲龍岫望秦嶺乃其最高者漢枚乘司馬相如以下俱免官來游授簡賦詠是用追芳昔娛神遊千古矣唐岑參梁園歌君不見梁孝王脩竹園頽牆隱幃勢仍存嬌娥曼臉成草蔓羅帷珠簾空竹根大梁一旦人代改秋月春風不相待池中幾度鴈新來洲上千年鶴應在梁園二月梨花飛却似梁王雪下時當時置酒延枚叟肯料平臺狐兔走蕩子翻覆如浮雲昔人空在今人口高適古詩梁苑白日暮梁山秋草時君王不可見脩竹令人悲九月桑葉盡寒風鳴

樹枝王昌齡絕句梁園秋竹古時煙城外風悲欲
幕天萬乘旌旂何處在平臺賓客有誰憐志云
城南二里有湖曰南湖相傳卽梁孝王園池故址
也宋留司晏殊放馴鷺于湖中蘇子山作記臨湖
有照碧堂建在城隅曾肇重修晁補之記又五里
有橋曰南湖橋亦名海鴈橋夏疎自青州來攜海
鴈一隻放此仍作詩云海鴈橋邊春水深客無塵
土到花陰忘機不問人知否自有沙鷗信此心○
集古錄云宋州八關齋會報德記顏真卿爲節度
使王神功撰志云石幢在故開元廢寺中自會昌
歸德府志勝八卷之四

九

時詔毀是記亦刻其半後刺史崔倬乃訪募本補
刻之故今有顏崔之辨焉石幢柱形八面頂如覆
釜舊以亭覆之頃改爲顏魯公祠魯公書蹟有
朱巨川告身一道張睢陽之死也論者薄其功巨
川與李翰等爭之天下始無異言告身不書諸文
首止吏部尚書四字尼趙建中八年三月日○元
兵攻歸德時金將張定禦之患砲少父老有言北
門之西菜圃中鋤者往往得古砲云是唐睢陽所
埋掘之得五千有奇上有刻字或大吉字云○應
天書院在舊城東宋大中祥符三年邑士曹誠建

學舍百五十楹聚書千五百卷招明經義學者講
于此有司以聞乃賜額應天書院云○鄭雅迎略
載漢山陽太守祝睦二碑延熹七年立兗州從事
丁仲禮碑太尉掾橋君墓碑宋國縣繹幕令碑慎
令劉君墓碑唐修微子廟碑張平丞許史君南特
進廟記趙晏書馬先生廟碑崔植書令長新誠王
適家已上俱在南京○志云王堯臣墓石曼卿墓
俱歐陽脩銘張方平墓趙鼎墓俱蘇軾銘在天巡
永定等鄉○杜祁公衍越之山陰人致政居南京
與太原王渙雲市畢世長始平馮平汴國朱貫年
歸德府志勝八卷之四

十

各八九十結社賦詩號睢陽五老

寧陵縣

在府西六十里

古葛伯國今縣北十五里有葛城乃葛伯所都也
六國屬魏公子無忌封信陵君而邑于寧魏咎嘗
封爲寧陵君卽此漢高帝改寧陵爲寧陵以封呂
臣漢書甘露元年黃龍見寧陵井中者也今井在
城東○一統志云甘露嶺在縣西五里隋開皇中
駕幸岱至此甘露降因名○漢夏侯詡侍母疾水
不解帶者二年徧堯方藥不得天降仙藥于其室
後桑枝上訴當縣人○志云汴河當縣之衝山陳

隋丁達于徐沛又桃源河韋家河張弓河陽驛河
皆黃河故道也縣南有隄元尚書賈魯築以障河
至今賴之名賈魯隄○水經注云汴水又東逕寧
陵縣之沙陽亭北故沙隨國左傳成十六年會于
沙隨謀伐鄭也杜預注曰在梁國寧陵縣北沙陽
亭世以爲堂陽城汴水又東逕黃高塢北續述征
記曰堂城至黃高二十里又縣東南二十五里有
汴陵城左傳鄭子罕伐宋宋將鉏樂懼敗諸汴敗
渠舍於夫渠不徹鄭人覆之敗諸汴陵杜預曰汴
陂夫渠汴陵皆宋地也見成公十六年○汴水又

歸德府志勝八卷之四

十一

逕已氏縣北又東南過東西二期城賈子曰梁楚
邊亭皆種瓜梁數灌而美楚稀灌而惡楚乃夜城
梁氏梁邊今乃竊灌楚瓜亦美楚人怪而問之
及見自謝以重幣而交于梁國故曰期城人俗尚
呼爲瓜城也按東期城在縣南三十里去西期城
五里○汴水又東谷水入焉谷水又東南逕已吾
縣故城西故梁國寧陵縣之種龍鄉也成哀之世
戶至八九千冠帶之徒求置縣矣永元十一年陳
王割地以大棘鄉直陽鄉自隱隸之命以嘉名曰
已吾猶有陳楚之俗焉按已吾縣即分已氏置者

故城在縣西南三十里魏書武帝初起兵于已吾
是也○寰宇記云大棘故城在縣西南七十里左
氏宣二年宋華元鄆公子歸生戰于大棘漢書七
國反先擊梁棘壁卽此城矣縣南九十里有始基
城晉豫州刺史祖逖督護衛策所置策大破乞活
魁將陳川于穀水南謂人曰吾從祖公北伐數年
功始基此因名相去五里有仇留城川將仇留所
戍祖逖遣衛策屯高丘以禦之故名仇留城

鹿邑縣在府城南
百二十里

歸德府志勝八卷之四

十一

春秋鳴鹿地也有鳴鹿臺在城內成公十六年晉
知武子佐下軍以諸侯之師征陳至于鳴鹿是矣
隋開皇置縣仍用今名○郡國志云武平故城在
縣東北十八里曹公封武平侯之邑又有安平城
在縣北四十里之大棘鄉亦漢縣也水經注云過
水東逕大棘城南後爲楚所併有楚太子建墳及
伍員釣臺池沼俱存過水又東逕鹿邑城北杜預
曰陳國武平西南有鹿邑亭是也城南十里晉
中散大夫胡均碑元康八年立過水北有漢溫令
許續碑續字嗣公陳國人延熹中立○過水又東
灌水注之灌水一名曲水自陳州東止泗河出流

入故其源縣界志云過河渡曲河渡俱在縣南○
陰靈山在縣東十里又二里為隱山世傳陳搏煉
丹之地其左有大乙宮祀老子宮前有池曰靈溪
池後有橋曰會仙橋又有九龍井在太清宮前真
符經曰老子始生九龍吐水今太極殿東有井一
是其故址按舊碑老子生于曲過之間注水經云
過水又北逕老子廟東漢桓帝時遣宦官管霸祀
老子命陳相邊韶撰碑文北有雙石闕甚整頓闕
南有魏文帝黃初三年經譙所勒碑水側又有李
老母廟廟前有塚塚東有碑永興元年立通鑑唐
歸德府志勝八卷之四

三

天寶之亂真源令顏真卿設玄宗像于老子廟率
吏民哭之起義兵攻安祿山即此處矣○塚記云
漢汲黯墓虞詡墓俱在縣境按漢書元光中河水
汎溢上命淮陽太守汲黯疏決十道縣有引水故
漬漬上有汲長孺祠故役人以墓附會之耳詡字
升卿祖為縣獄吏治有寬恕嘗曰于公為里門子
為丞相吾雖不及于公子孫不必不為九卿故字
詡曰升卿後仕至尚書郡國志曰武平縣西南七
里有漢尚書虞詡碑文字多缺不可復尋但云詡
字定安蓋其幼子也

夏邑縣在府東百
二里

戰國時下邑地或以為陳之株邑毛詩駕我乘馬
說于株野刺靈公也寰宇記云今碭山縣即古下
邑城後魏明帝置碭郡於下邑城移下邑縣於此
即古之栗城也金始改為夏邑○一統志云碎錦
園在東門外南夏堤去東門五里梁孝王築汜白
河而成與睢水合流處又縣北二十里有巴河隄
黃河之南畔也東接蕭縣西抵商丘又三十里有
廢牛成驛舊傳梁王牧牛之所○水經注云獲水
又東南逕下邑縣故城其楚考烈王滅魯頃公亡
歸德府志勝八卷之四

古

遷下邑又楚漢彭城之戰呂后弟周軍于此城高
祖敗還從周軍子房建指地之策收垓下之師遂
以取勝陸機所謂即謀下邑者也王莽更名下冷
矣○志云縣北有買臣村舊傳朱買臣家在焉有
古碑

虞城縣在府東北
六十里

古虞國也舜禪禹封子均于此有商均墓在縣西
大岡村古名虞政鄉左氏傳曰夏少康奔有虞即
為少康之邑有綸城在縣西三十五里少康奔虞
虞思妻以二女而邑諸綸有田一成有衆一旅者

也又五里爲熟城隍三州志云熟城漢縣名
又縣西有廣樂城後漢書建武二年吳漢率七將
軍與劉永將蘇憖戰于廣樂大破之卽此後避隋
煬帝諱改長樂李賢曰宋州有長樂城是也○志
云縣治內有李令泉令名錫李太白集載其去思
頌曰官宅舊井水清而味苦錫下車莞爾笑曰旣
清且苦足以符吾志沒而用之以是名按白有
對雪憶虞城宰詩昨夜梁園雪第寒兄不知庭前
有玉樹腸斷憶連枝卽此○劉孝孫讀書堂唐書
武德七年孝孫任廣州錄事參軍撰古今詩苑三
歸德府志勝入卷之四 五

十卷事始三卷○水經注曰汲水又東經虞縣故
城北王莽之陳定亭也城東有漢司徒盛允墓允
字伯世梁國虞人其先爽氏至漢中葉避孝元諱
改姓曰盛世濟其美以迄于公墓中有石廟廟前
有碑延熹中立○寰宇記云平臺在縣西左傳襄
十七年宋皇國父爲平公築臺子罕請候農功之
畢公弗許築者謳曰澤中之竹實與我後邑中之
黔實慰我心是也史記梁孝王大治宮宮築苑方
三百餘里爲後道自宮連屬于平臺卽此又有靈
臺在縣西南哀二十五年衛侯報奔宋爲靈臺于

籍圃與大夫飲酒于此處○郡國志云嵯岨亭在
縣南五里左氏哀二十六年宋景公遊于空澤亭
于連中註疏云空澤宋邑連中館名杜預注虞縣
東南有地名空桐王游引爾雅釋文止賦十極爲
空同一云在梁國虞城東三十里是也志云連中
館在空澤後遺址高二丈俗呼連塚者是又南有
鴻口亭昭三十一年齊師宋師敗吳子于鴻口卽
此亭矣俱在善應鄉○郡國志云孟諸臺在縣西
北十里爾雅宋有孟諸郭注數澤名也倍二十八
年楚子玉自爲瓊弁玉綴宋服夢河神曰畀余余
歸德府志勝入卷之四 六

賜汝孟諸之麋杜注水草之交曰麋今俗呼爲溜
臺蓋陵中有臺云唐高適詩我本漁樵孟諸野一
生自是悠悠者○志云縣東之耳泉鄉有洛郡太
守劉賓墓諡文貞侯○義原鄉有平州司馬劉良
墓梁節王之後也○縣西門外有上柱國張全禮
墓唐開元中立碑○縣北待賓鄉有彭城令李立
墓表君趙郡人以開元末家于梁國因葬焉按待
賓寺在縣東北十里世傳晉陶侃故宅基侃母家
貧客至無以爲禮剪髮易酒徵待之因以此爲寺
名又三里許有待隣村相傳邑人有顏某者

際令卽編籬笆于下恐巢落爲其家人所取云樹
主聞知仍去樹以全隣舊有編笆接樹銘樹存隣
之諺本此

永城縣在府城東一百八十里

春秋芒縣地漢臨睢縣之境又爲永平縣隋大業
中改今名唐武德初移縣于馬市城卽今理也○
志云馬頭城在縣西南卽漢之建平城也以形似
馬頭故名又縣東北有大睢城卽芒縣治漢時築
至晉始廢或曰項羽破之○圖經碭山在縣北五
十里北去芒山八里地里志云碭山出文石水經
歸德府志勝不卷之四 七

注云碭水東經碭山城北漢高祖嘗隱芒碭山
澤間應劭曰芒碭之間有山澤之固可以隱也出
有紫氣巖卽高帝避難之處其東南有保安鎮相
傳高祖斬蛇于是山北十里有虞山一名渙山山
前有釣臺卽梁孝王釣處○輟耕錄云永城北梁
孝王墓僕嘗與宿州知錄邵度同遊入隧道中百
餘步至皇堂如五間七架屋許大周迴有石門子
十許上鐫作內臣宮女狀中有大石柱四所以懸
棺棺不復見矣入時必用油燭以爲燭其中盛夏
極涼如暮秋時山下有居民數百家今謂之保安

鎮卽當時守塚之遺民也上人呼墓爲梁王避賢
宮故老云前數年時有人入其中嘗得黃金而出
今不復有矣孝王傳云未死財以鉅萬計不可勝
數及死府藏尚餘黃金四十餘輿他財物稱是規
武帝置發塚中卽搜金校尉如此塚蓋無不發者
然古人作事奇偉可驚非後世比也○劉向列仙
傳云涓子者齊人也釣于荷澤得鯉魚腹中有符
隱于宕山能致風雨受伯陽九仙法淮南王安少
得其文不能解其占也其琴心三篇有條理焉又
云王在者不知何許人也與道士其上宕山言此

歸德府志勝不卷之四

七

有丹砂可得數萬斤宕山長吏知而上山封之砂
流出飛如火乃聽柱取焉邑令章君明卽砂三年
得神砂飛雪服之五年能飛行遂與柱俱去云○
水經注曰睢水又東逕芒縣其水高帝六年封酈
跖爲侯國王莽之傳治也世祖改爲臨睢城西二
里水南有豫州從事皇毓碑城內有臨睢長左馮
翊王君碑縣北與碭縣分水述征記云碭山南嶺
有夫子石室約三楹世傳夫子經此避雨其中後
人肖像于壁○睢水又東逕太丘縣故城北廂里
志曰故太丘也漢明帝元朔二年封魯共王子

爲侯國後漢明帝更從今名列仙傳曰仙人文賓
者邑人嘗轉屨爲業以正月朔日會故軀于鄉亭
西社教令服食不老卽此處矣綱目周顯王三十
三年宋太丘社亡註云宋社卽亳社也武王伐紂
時立既曰立于武王則周時已有太丘矣或者秦
秋宋末惡亡社之名改爲太丘至漢明帝始復未
可知也太丘故城在縣西北三十里陳寔爲太丘
長至今有祠志云陳平墓在太丘城北其塚甚高
曹武惠王墓在城西北周里許○經曰睢水又東
經費城寰宇記云費城在縣西南南臨睢水魏太

歸德府志勝不卷之四

九

祖之先封費鄧亭侯卽此城也按鄧音嗟班固高
祖碑云文昌四友漢有蕭何序功第一受功于鄧
是矣茂陵書以何受封在南陽鄧音贊史記索隱
以何所封沛之鄧音贊後其子續封南陽之鄧音
嗟二說未詳孰是○志云鄧城橋在縣南二十里
唐曹孝翼記畧曰鄧侯故國猶傳畫一之談曲逆
先壽尚親奇謀之論今鄧侯鄉內有丞相造律臺
及鄧侯第址又其東有巨塚世謂丘生墓古老傳
言丘生與丞相何同定律法者○志云薛曜橋丁
家橋及鄧城橋俱臨澮水塔岡橋馬村橋俱臨泡

水胡父橋兒家橋女家橋俱臨巴水按澮河西自
亳州來流經縣界和山又東南入蒙城界注于淮
南去縣二十五里又二十五里有泡河亦自亳州
來滙之縣南有黃溝清溝西南有大小澗溝縣北
有洪溝漬溝諸水皆入焉○巴河北去縣九十里
黃河之支流也有白洋溝上接巴河以達于澮○
唐薛能下第後夷門乘舟至永城詩秋賦春還計
盡遊自知身拙是求知惟思曠海爲休處忽喜孤
舟似去時連浦一程兼汴宋夾堤千柳雜唐隋從
來此恨皆前達敢負吾君作楚辭按唐宋時汴宋
歸德府志勝不卷之四

十

舟楫通行今乃污塞

睢州在府城東一領縣二

睢水自故雍丘界來州以是名金始改也秦之襄
邑縣矣注水經云故宋永匡襄牛之地以宋襄公
所葬故曰襄陵竹書梁惠成王十七年宋衛齊師
圍我襄陵者也睢水又東逕襄邑縣故城南渙水
西入九里注之陳留風俗傳曰睢渙之間出文章
天子郊廟御服供焉漢地里志襄邑有服官故魏
都賦云錦繡襄邑也襄邑縣附郭 國朝省入州
○駱駝岡傍城西有襄公臺其形起伏如駝故名

環岡林木鬱葱地頗幽勝相傳謂襄公所遊眺也
西湖在駝嶺後周迴十四里金鎖嶺在州治後隆
然作高勢遇水患多避于其上○晉于寶搜神記
載中山王周南正始中爲襄邑長有鼠出廳事語
周南以死期不應至日冠幘絳衣復詣以日中當
死出入數轉周南不應如初日過中鼠曰汝不應
復何道言訖顛蹶而死視之乃常鼠也已失冠衣
○水經注云過水又東逕廣鄉城北周稱曰襄邑
有蛇丘亭故鄉王莽改曰廣世後漢順帝陽嘉四
年封侍中攀填爲侯國卽廣鄉也○汧水又東歷
歸德府志勝入卷之四 壬
襄鄉塢南述征記曰西去夏侯塢二十里東一里
許卽襄鄉浮圖也汧水逕其南漢熹平年某君所
立死因葬之厥旁刻石樹碑以旌令德隧前有師
子天鹿傳作百樹柱人所荒蕪頽毀凋落殆盡○
巢亭在城南二十里左傳哀十一年衛太叔疾奔
宋復衛處于巢是也襄元年仲孫蔑會次于鄆註
疏鄆鄭地陳留襄邑縣東南○匡城在州西三十
里秦以承匡之地卑溼故徙縣於襄陵其城遂廢
昔仲尼遊此城匡人誤聞夫子夫子出城東南角
穿空而出其跡猶存水經注曰谷水首受渙水于

襄邑縣東南逕承匡城東春秋書夏叔彭生會晉
卻缺于承匡是也○古汧渠在治北四十五里西
從雍丘入考城界史記秦始皇伐魏引河灌大梁
卽此又南宋書高祖開此河以征姚泓今多湮塞
○蛟龍池在治北七十五里左傳昭十九年鄭大
水龍闔國人請崇焉子產曰我闔龍不我覲也龍
闔我獨何說焉因不許後人呼其處爲蛟龍池○
襄邑有義塘村出一種氈大者氈如拳破之黛色
味其如蜜頗歲入貢或以其子時他處輒變而稍
大味亦頗減
歸德府志勝入卷之四 壬
考城縣 在州東北 九十里
古戴國地魯隱公十年鄭伐取之後改名曰穀以
穀水爲名秦曰舊縣後漢顯宗東巡改爲考城○
寰宇記云葵丘在縣東一里春秋僖九年齊桓公
盟諸侯曰凡我同盟之人既盟之後同歸于好卽
此地也黃池在縣西二十六里哀十三年吳子會
諸侯于黃溝漢地里志考城有黃溝矣○故亳城
在縣東北五十五里孟子云湯居亳與葛爲隣卽
南亳也今縣南二里有葛岡相傳乃葛伯所築○
水經注云汧水又東逕考城縣故城南爲舊濮渠

考城周之采邑春秋戴國漢高祖十一年封彭祖
為侯國陳留風俗傳曰秦殺縣也後遭兵起邑多
災年故改曰蕭縣王莽以為嘉穀矣汲水又東逕
斜城下風俗傳曰考城縣有斜城汲水又東逕周
塢側續述征記曰在斜城東三里晉義熙中劉公
造局超之自彭城緣汲故溝斬樹穿道七百餘里
以通水路停泊于此故茲塢流稱矣汲水又東逕
蕭城北蕭伯之國也魏以賜信陵食邑今其地為
蕭鄉○水經注云汲水首受蕭獲亦兼丹水之稱
晉書紀年宋殺其大夫皇媛于丹水之上又曰丹

歸德府志勝人卷之四

三

水壅而不流蓋汲水之變名也水南有漢故繹墓
令魯匡碑匡字公輔魯府君之少子碑字碎落莫
可尋識○後漢書曰仇覽字季智一名香陳留考
城人為蒲亭長初到亭有陳元之母詣覽告元不
孝覽以善言勸慰之母聞感悔涕泣而去覽乃親
到元家與其母子飲因為陳人倫孝行覽以禍福
元卒成孝子鄉邑為之諺云父母何在在我庭化
我鳴皋哺所生古樂府有考城諺即此

柘城縣在州東南
九十里

漢柘縣以界有柘溝也史記陳涉攻柘譙皆下之

即此地矣後漢獻帝封曹操為武平侯兼食柘陽
長夏三縣亦即曹侯之采邑也○寰宇記云故鄆
城在縣北三十里春秋隱元年鄭伯克段于鄆當
是其處又里許為泓水倍二十二年宋人及楚人
戰于泓註疏泓水名○注水經云睢水歷鄆縣北
城東七里水次有單父令楊彥尚書郎楊禪兄弟
二碑漢光和中立○注水經云穀水又東逕柘城
縣故城東淮陽之屬縣也城內有柘令許君清德
頌石碎字泰惟此文見城西南里許有漢陽翟令
許叔臺碑光和中立又有漢樂成陵令太尉掾許
歸德府志勝人卷之四

五

嬰碑嬰字虞卿司隸校尉之子建寧年立餘碑文
字碎滅不復可觀當似司隸諸碑也○志云藏里
城在縣西三十里舊傳項羽藏兵于此城西有岡
曰霸里岡○又縣墓在縣界即陳株野之地

中丞族
縣志

彰德府河南領州一縣六

二十二

尚書殷王河東甲居相志云河東甲城在郡西北
洹水南岸春秋爲晉東陽之地左傳襄二十三年
齊侯伐晉入孟門登太行趙勝帥東陽之師以追
之注疏東陽晉之山東魏郡廣平以北是也戰國
屬魏史記魏文侯出征以西門豹守鄴蓋魏郡也
上商段干木田子方之徒多游學此地當時齊魯
及鄒諸儒皆曰此爲西河焉其後屬趙秦併天下
爲上黨鄴鄆二郡之地漢高祖置魏郡理鄴後漢
末冀州之理韓馥爲冀州牧始居此哀紹曹操皆
彰德府志勝入卷之五
一
因之後魏因尚書之文而置相州唐武德元年置
相州都督府五代梁貞明元年建紹德軍晉天福
二年升爲彰德軍節度使 國朝置府領州一縣
五○唐張說相州冬日早衙詩城外宵鐘飲閣中
曙火殘朝光耀庭雪宿凍聚池寒河內功猶淺淮
陽疾未安鏡中星髮變頃使世情關○宋嘉祐中
韓魏公琦安陽人以便相判相州事故名其堂曰
畫錦更有志機醉白二堂柳鴈觀魚二亭抱螺休
逸二臺皆公所建公多自爲題詠其畫錦堂歐陽
脩記醉白堂蘇軾記

安陽縣河南

史記秦昭襄王拔魏寧新中更名安陽晉置安陽
縣有安陽河卽洹水也源自故洹水縣來戰國策
云紂將甲百萬左飲於淇谷右飲於洹水淇水竭
而洹水不流按邑治在淇洹二水之間亦謂之殷
墟矣左傳成十七年公孫降伯夢涉洹水而歌瓊
琨卽此水之上流也史記項羽與章邯盟于洹水
之上後人因表其處爲會盟亭水經注云洹水自
鄴東逕安陽縣故城北徐廣晉紀曰石遵自平賊
北入斬張豹於安陽魏土地記曰鄴城南四十里
彰德府志勝入卷之五
二

有安陽城城北洹水東流者也○漳河其源有二
一出山西潞州之長子縣名濁漳曰林縣西北入
境一出平定州之樂平縣名清漳曰涉縣西入境
俱東至林慮山下合流洹水屢變屢見入于衛河
今縣東南二十里有高平寨卽唐刺史李景所鑿
引安陽水入城者也宋韓魏公琦復加濬之置水
碓千餘名千金渠○志云城南十五里有愁思園
舊傳曹植子建嘗陟此園愁思悲吟故名隋文帝
改爲崇義岡岡周七里高二丈二尺○韓陵山在
城北十七里魏劉楨詩朝發白馬暮宿韓陵卽此

北史高歡破爾朱榮于此山下立碑溫子昇爲文
陳徐陵使鄴歸答所知曰北朝人物惟韓陵片石
可共語耳韓郡城在其下卽古韓郡治也俗名七
里岡○蒙賚山在縣西南二十五里後魏孝文帝
遷洛陽于山下頒賚臣從于此又十五里爲寶山
多產白石陶人取以爲器因名○龍山在城西四
十里周迴十里高五里左太冲魏都賦所云虎欄
龍山相爲倚伏者也元好問詩平岡迴合盡桑麻
百汭清泉兩岸花更得青山作重複武陵何處覓
仙家○按虎澗一名彪澗去城西三十里野馬岡

彰德府志勝

卷之五

三

之側岡東南有黃衣水入于鷓鴣陂東流頃城北
合虎澗水齊清河二年于澗東堰漳水爲清河渠
入鄴○縣西北四十里有銅山山多產銅再三十
里爲魯山相傳公輸子魯般居此山下亦稱魯般
谷注水經云蒼石溪出魯般門入林慮界再十里
爲高望山其山最高遠望儼若雲表○又西北有
清涼山其寺名修定元曹景游清涼山詩四山回
抱開翠屏中有招提口修定主人載酒邀我遊石
磴崎嶇度重嶺白雲掩謁無處尋路轉峰回意方
省亭亭孤塔認高標滿谷松杉密相映半天金碧

驅雙眸萬壑風嵐歸引領逸興翩翩不可收擬作
新詩狀烟景寺僧亦愛詩人情自汲山泉潑松茗
○孫登石洞在縣西南四十八里舊經曰晉孫登
隱室也洞在仙人礪南深廣可一丈宋熙寧間嘗
有人得小碑於洞中刻藥方數十通以爲昔登所
遺○志云堯廟在城東四十里乞伏村有古碑刻
金趙秉文作祠記按縣東界有永定廢縣本晉長
樂縣隋改爲堯城其名本此帝王世紀以堯居此
城也故有丹朱墓在城東一里又有鯀堤堯時治
水所築以捍孟門今謂之三刃城○郡國志云弗

彰德府志勝

卷之五

四

陽聚故城在永定縣東左傳昭九年晉荀盈如齊
逆女卒于戲陽註疏魏郡內黃縣北有戲陽城弗
與戲通○古壘在縣北十里南北斜長五里唐九
節度師營壘也肅宗命郭子儀李光弼會九節度
兵圍安慶緒于相州遣魚朝恩爲觀軍容使師遂
潰○塚廟記云閻相如廟在縣西五十里黃口村
相如之家廟也子孫散處其傍歲時祀之○漢張
耳祠在城東之白壁里耳封趙王卒葬于此○後
漢樂成墓在城東永和鎮成尚書巴弟也○晉夔
安墓在城南灰泉村五代竇處約墓在城北司空

村宋韓國華墓在城西水治鎮嚴美華墓在城西
楊記村美華神宗朝累徵不應隱居善應山自號
東臯子○韓琦墓在城西北豐安村琦卒前一夕
大星隕治所櫬馬皆驚神宗命發兩河卒爲治塚
冢其銘曰兩朝顧命定策元勳

湯陰縣在縣城南十五里

古羗里池紂拘文王之所水經云羗水出縣西北
鶴山下經羗城過亦曰牖里牖與羗同其城曰防
城水自其城下亦名防水矣防水屈北流入于蕩
水寰宇記云蕩水在縣治北源出西羗山郭璞以

彰德府志勝八卷之五

五

爲谷頂似牟故名去縣三十五里舊名蕩水戰國
魏之蕩陰也漢以爲蕩陰縣唐貞觀元年改爲湯
陰以水性微溫故名○縣西南有宜師溝水殊寒
土人曰爲冷泉圖經魏文帝幸洛道病有師巫愈
之因名爲宜師溝注水經曰蕩水又東逕晉鄆壘
卽魏公子信陵綽奪其軍處班叔皮賦云經晉鄆
之舊壘吊公子之不臣矣其末卽宜師溝按今宜
溝驛沿此名○文王廟在縣北五里廟後有方城
古防城也周二百五十步高二丈又有崔城周二
百步高二丈舊傳文王囚于羗里武王于此築臺

望之時有赤雀來見故名今在間信社○縣東南
有伏道店古老傳云紂知民怨已乃置兵防城以
衛羗里又于伏道左設兵今伏道村是也扁鵲廟
在于伏道村鵲秦人善醫爲同輩所嫉刺殺于此
祠堂碑刻列于墓左墳上土可療疾禱而求之或
得一小丸如丹劑服之旋瘥晉稀紹廟在縣西

南宋韓琦作文勒碑按鄆都記云晉惠帝師敗蕩
陰從官皆走獨侍中稀紹端冕帝側以身捍主遂
至見害血飛御衣及事寧左右欲浣之帝曰此稀
侍中血勿去也勒葬縣南因名此地爲浣衣里○

彰德府志勝八卷之五

六

岳飛涉險人西南大路傍有廟南渡後飛授河北
招討使尅復垂成爲秦檜所忌而死謚武穆國
朝勅額精忠加置修輯○龍井在縣西三十里之
真人社相傳晉孫登嘗居焉鄉人禱雨遇病龍求
治背疽而愈不數日果獲謝大石中裂開一井以
報卽龍井也唐天寶中勅置葆光觀有嘯臺丹井
白雲洞諸遺跡又十里有五品山山中洞谷凡五
亦登所遊又縣西南有侯趙川其山爲淺山與林
慮太行相次○碑目云漢蕩陰縣張君碑中平三
年歲在攝提二月震節紀日上旬故吏韋萌等爲

陳留已吾張遷公方立法隆寺在縣西鶴壁里唐貞觀年建崇壽寺在治北宋宣和年建俱有古碑

臨漳縣在府城東北

城塚記云春秋秋滅邢齊桓公築鄴城以衛諸侯鄴由此始漢縣之晉建興中避懷帝諱以臨漳水爲名按地里志魏郡相州皆理此後周徙相州于安陽故此復爲鄴縣宋熙寧間始廢爲鎮銅雀臺華林苑諸跡俱在鎮內去縣西二十里○隋段君彥過故鄴詩王馬芝蘭正金鳳鼓山東舊國千彰德府志勝入卷之五

七

門廢荒塋四郊通滹漳直有菊洞井半生桐粉落粧樓殘塵飛歌殿空雖臨玄武觀不識紫微宮年代俄成昔唯餘風月同唐岑參登古鄴城詩下馬登鄴城城空役何見東風吹野火暮入飛雲殿城隅南對望陵臺漳水東流不復回武帝宮中人去盡年年春草爲誰來○注水經曰漳水又東逕三戶峽爲三戶津張晏曰三戶地名也在梁期城西南去鄴西四十里昔項羽與蒲將軍英布濟曰三戶破章邯于是處漳水又東逕武城南世謂之梁期城司馬彪郡國志曰鄴縣有武城卽期城矣漳

水又東逕西門郭前祠東側有碑隱起爲宇祠堂東頭石柱勒銘曰趙建武中所修也魏文帝述征賦曰羨西門之嘉迹忽逕睇其靈宇漳水石與枝水合其水上承漳水於邯鄲會西而東別而邯水合水發源邯山東止逕邯鄲會縣故城西北注漳水故曰邯鄲會也張晏曰漳水之別自城南南與邯水合今城傍猶有溝渠存焉漢武帝元朔二年封趙敬肅王子劉仁爲侯國其水又東北入于漳昔魏文侯以西門豹爲鄴令引漳以溉鄴田民賴其利至魏襄王以史起爲鄴令又引漳水爲灌漑咸

八

彰德府志勝入卷之五
咸沃壤百姓歌之魏武王又引漳水迴流東注號天井堰里中作十二塔塔相去三百步互相灌注一源爲十二流皆懸水門陸氏鄴中記云水所溉處名安陂澤故左思謂塔流十二同源異口者也魏武之攻鄴也引漳水以圍之獻帝春秋曰司空鄴城圍周四十里初淺而狹如或可越審配不出爭利望而笑之司空一夜增修廣深二丈引漳水入城遂拔鄴鄴本齊桓公所置故管子曰築五鹿中牟鄴以衛諸夏者也後爲晉魏文侯七年始封此地故曰魏漢高帝十二年置魏郡治鄴縣王莽

更名魏城後分魏郡置東西部都尉故曰三魏魏
又以郡國之舊引漳流自城西東入運銅雀臺下
伏流入城東注謂之長明清渠水又南逕止車門
下魏武封於鄴爲北宮宮有文昌殿溝水南北夾
道枝流引灌所在通溉東出石竇下注之湟水故
曹洪宅南有景穆寺西卽石竇橋矣魏武登臺賦
曰引長明清渠里謂此渠也石虎於文昌故殿基
造東西太武二殿於濟北穀城之山採文石爲基
一基下五百武直宿衛傾柱跌瓦悉鑄銅爲之金
漆圖飾焉又徙長安洛陽銅人置諸宮前以華國

彰德府志勝

卷之五

九

也城西北有三臺皆因城爲基巍然崇舉其高若
山建安十五年造其中曰銅雀臺高十丈有屋百
餘間臺成命諸公子登之並使爲賦陳思下筆成
章美提當時亦魏武望奉常王叔治處也昔嚴才
與其屬攻掖門修間變車馬未至便將官屬步至
宮門太祖在銅雀臺望見之曰彼來者必王叔治
也相國鍾繇曰當京城有變九卿各居其府卿何
來也繇曰食其祿焉避其難居府雖舊如赴難之
義何後石虎更增二丈立一屋連棟接檐彌覆其
上盤迴隔之曰命子窟父於屋上起五層樓高十

五丈去地二十七丈又作銅雀於樓巔舒翼如飛
南則金虎臺高八丈有屋一百九間北曰水井臺
亦高八丈有屋一百四十間上有水室室有數井
井淺十五丈藏水及石罍可蓄又有粟窖及監以
備不虞今窖上石銘存焉左思魏都賦曰三臺列
峙而呼噪者也城有七門南曰鳳陽門中曰中陽
門次曰廣陽門東曰建春門北曰廣德門次曰廐
門西曰金門門一曰白門鳳陽門三臺洞開高三
十五丈石氏作曾觀其上置銅鳳頭高一丈六尺
按銅鳳有二枚其一飛入漳水其一仍以鎖絳其

彰德府志勝

卷之五

十

足鄴人歌曰鳳陽門南天一半上有金鳳相飛喚
欲去不去着鎖絳建春門有石梁不甚高大工緻
精密兩石柱作螭蟻甚佳石氏立東明觀於上加
金博山謂之銷天北城上有齊斗樓超出翠榭孤
起特立其城東北七里南五里飾表以堦百步
一樓凡諸宮殿門臺隅雉皆加觀榭層甍及宇飛
檐拂雲圖以丹青色以輕素當其全盛之時去鄴
六七十里遠望若亭巍若仙居魏因漢祚復都洛
陽以謙爲先人本國許昌爲漢所居長安爲西京
遺跡鄴爲王業本基故號五都也今相州刺史以

魏郡治漳水自西門豹祠北逕趙閭馬臺西基高五丈列觀其上石虎每講武於其下升觀以望之虎自於臺上放鳴鏑之矢以爲軍騎出入之節焉漳水又北逕祭陌西戰國之世俗巫爲河伯娶嬪祭於此陌魏文侯時西門豹爲鄴令約諸三老曰爲河伯娶嬪卒來告吾欲送女皆曰諾至時三老延掾賦歛百姓取錢百萬巫覡行里中有好女者覡當爲河伯嬪以錢三萬聘女沐浴脂粉如嫁狀豹往會之三老巫掾與民咸集赴觀巫覡年七十從十女弟子豹呼嬪視之以爲非妙令巫覡入

彰德府志勝

卷之五

十一

報河伯投巫于河中有頃曰何久也又令三弟子及三老入白堊投於河豹着折曰三老不來柰何復欲使延掾豪長趣之皆叩頭流血乞免至今淫祀雖斷尚留祭陌之稱又卽慕容儼投石虎尸處田融以爲紫陌也按城西北有永樂浦浦西五里俗謂之紫陌河趙建武年造浮橋於水上有佛圖澄墓在紫陌傍圖澄建武十五年卒葬此處漳水又對趙氏臨漳宮宮在桑梓苑多桑木故苑有桑名三月三日及始蠶之月虎帥皇后及夫人採桑於此今地有遺桑埔無尺堆矣漳水又東逕

城南地里風俗記曰鄴北五十里有梁期城故縣也漢武帝元鼎五年封任破胡爲侯國晉惠帝永興元年驃騎王浚遣烏丸渴末逕至梁期候騎到鄴成都王穎遣將軍石超討末爲末所敗於此○按鄴城銅雀金虎永井三臺相去各六十步皆在其上朝哺使宮人歌吹帳中望吾西陵西陵武帝葬處又魏文帝甄皇后陵俱在其內亦謂之三陵矣南齊謝朓詩總帳飄井幹樽酒若平生鬱鬱西陵樹詎聞歌吹聲芳襟染淚迹嬋娟空復情王座

彰德府志勝

卷之五

十二

猶寂寞况乃妾身輕日久臺廢土人掘地得瓦青色內平塋處印工人姓名皆八分書研譜云銅雀瓦爲研貯水數日不滲鄴中記云銅雀臺東北有九華居石虎所建以三三爲位謂之九華梁沈約詩照耀三雀臺徘徊九華宮○金虎臺曰南臺操于臺下鑿渠引漳水入白溝遺址宛然後魏書云東魏遷鄴高丞相以南臺爲定國寺作博浮圖極高溫子昇勒銘○水井曰北臺卽操所藏石墨處石虎于上藏水三伏之月以賜大臣按石墨一名石炭非可書之物也吳陸雲與兄平原書三上臺

曹公藏石墨數十萬斤云燒此消復可用然烟中
人不知兄頗見之否今送二螺是矢士龍別成云
一日案行并視曹公器物牀薦席具寒夏被七枚
介幘如吳幘平天冠遼遊冠具在嚴器方七八寸
高四寸餘中無兩如吳小人嚴具狀制賦處尚可
識跡批剔齒縋皆在試日黃絮二在垢垢黑目
淚所沾溽手衣卧籠枕蒲棋局書箱亦在奏案大
小五枚書車又作岐案以卧視書扇如吳扇要扇
亦在書箱想兄識彥高書箱甚似之筆亦如吳筆
研亦爾書刀五枚琉璃筆一枚所希聞景初三年

彰德府志勝入卷之五

主

七月劉婕妤折之見此期復使人悵然有感處器
物皆素今送鄴宮丈尺間數前已白其總帳及望
墓田處是清河時臺上諸奇變無方常欲問曹公
使賊得上臺而公但以變譎因旋避之若焚臺當
云何此公似亦不能止文呂殿北有閣道去殿文
內中在東殿東便屬陳留王內不可得見也按清
河焚臺之難後人有盡發疑塚似本此說愚考晉
書石勒將佐欲都鄴進攻三臺張賓進曰三臺險
固攻守未可卒下曹公當日所營似亦有足恃者
但較諸吳起渡河之譚差爲劣耳陳張正見銅雀

臺詩淒涼銅雀晚搖落墓前通雲慘當歌日松吟
欲舞風人疏瑤席冷曲罷總帷空可惜年將淚俱
盡望陵中唐宋之間詩音年分鼎地今日望陵臺
一旦雄圖盡千秋遺令間綺羅君不見歌舞安空
來恩共漳河水東流無重回○十六國春秋云石
勒大破鄴宮燒之火旬有五方滅石虎建武元
年自襄國徙都之至鄴道里相去二百里每一舍
輒止一宮宮有一夫人侍婢數十季龍所起內外
臺觀行宮凡四十四所鄴中記云虎於正殿冬月
施流蘇斗帳用大小明光博山文錦系以房子綰

彰德府志勝入卷之五

主

施屈膝屏風燒集和名香又於魏武故臺立大武
殿窓戶宛轉畫作雲氣擬泰之阿房魯之靈光流
蘇染鳥羽爲之以五色線編蒲心薦席又棟宮人
有才藝者爲女尚書八座侍中納言皆貂璫直侍
又作戲馬令人立於馬上屈一脚馬上立書而字
皆正好又衣伎兒作獼猴形走馬或在頭尾卧側
縱橫名爲猿騎又作金龍吐酒於殿前金罇可容
五十斛供正會又金華殿後作皇后浴室九龍銜
水之象又種雙長生樹根株生於屋下枝葉交於
棟上是先種樹後立屋安玉盤客十斛於二樹之

昭文皇后出從女騎千人爲鹵簿脚着五文織成靴手握雕黃婉轉弓又作雲母五明金薄黃雉等扇又虎母猊着金線織成合歡袴獲珍禽異獸歸大安鄴城樓上酒酣止望漳水極目嬉遊笑謂羣從曰真逍遙之奇觀也城西南樓至今以逍遙目焉○南北史云石虎死葬東明觀下慕容儼夢虎攜其臂宿而惡之購求其尸不得後宮嬖妾言在觀下於是掘焉下度三泉始得其棺剖出尸僵不腐儼罵之曰死胡安敢夢生天子也使御史中尉楊約數其罪而鞭之因投諸河初石虎爲佛圖澄彰德府志勝入卷之五

主

營生家于紫陌河澄死葬後有人于壠上見之虎令開視惟有一石虎曰石者朕也葬我而去吾其死矣果然鄴中記曰虎爲澄范天樂寺寺內有文石香爐卽澄所執供養者又有鳴鶴飛龍等舟澄日與虎遊戲其上人或譏之澄曰吾以石虎爲海鷗鳥○水經注云洹水又西逕玄武故苑苑爲魏武帝所築舊有玄武池以肄舟楫有魚梁釣臺竹木溝叢今已墟滅寰宇記云玄武苑新河水所經卽魏武帝新渠也有釣臺曲池○西園在鄴鎮北魏曹丕同弟植賓從游宴之地植詩云公子敬愛

客終宴不知疲清夜遊西園飛蓋相追隨明月澄清影列宿正參差秋蘭被長坂朱華冒綠池潛魚躍清波好鳥鳴高枝神廳接丹轂輕輦隨風移飄飄放志意千秋長若斯唐胡曾詩月滿西園夜未央金風不動鄴天涼高情公子多秋興更領詩人入醉鄉○鄴中記云石季龍發萬人築華林苑苑垣周旋數十里天暴雪凍死數千人太史奏非時雪降此變異乃誅尚書朱軌以寒災季龍於華林園植衆菜人間名菜悉有之季龍作蝦蟇車四博槿根去一丈深一丈合上載車中植之無不生苑

主

彰德府志勝入卷之五
內曰凌雲城金花洲光碧堂飛雲殿御宿堂五廻路糜蕪島杜若洲皆勝景也○水經注曰漳水又東逕鷗鵲陂陂黃衣水注之隋圖經云黃衣水經野馬岡東南注萬金渠入鷗鵲陂卽此水也又東北入毛象陂陂周廻五里古昔相傳畜象于此魏志孫權送巨象于曹公斯言信矣○九州要記云黃芟谷水出黃芟谷中東入陂水谷中有家俗謂佛母冢至今牛馬不敢近在縣西南十五里謂之東嶗山東魏高澄嘗于此開鑿池沼以資遊翫○冢記云後漢袁紹墓在縣西北十八里紹爲冀州牧

卒葬此魏元帝陵在縣西南彭城村○唐尉遲
墓在境內迴唐初充爲相州總管與楊堅將革孝
寬戰死顏真卿作碑蔡有麟書在祠前石刻有

林縣在縣西

漢隆慮縣應劭注曰以隆慮山在北高帝封周寵
爲侯國後漢避廢帝諱改爲林慮隋於此置嚴州
金改林州 國朝降縣仍其名○漢隆慮有鍊官
今縣側近多鍊鉶可鼓鑄後漢陳留夏馥嘗銅禍
起隱居姓名入林慮山中爲治室備親視烟突卽
此地也 名山記云隆慮山在縣西二十里南負

彰德府志勝之卷之五

七

太行北接恒嶽山有三峰南第一峰名仙人樓高
五十丈下有黃花谷北巖山瀑布水下注成池黃
花谷西北有洞穴去地千仞下有小山孤竦謂之
玉女樓其南第二峰名玉女臺高九百丈其山北
第三峰名魯般門注水經云倉石溪東北逕魯般
門其門西闕昂藏石壁霞舉北有偏橋卽林慮之
嶠嶺抱犢固也石磴西上五里餘嶠路中斷四五
丈以木爲橋劣得度故有偏橋之名矣顏修內傳
曰橋順字仲產有二子曰璋曰琮師事仙人盧子
基于隆慮山棲霞谷教二子以清虛之術服飛龍

藥一丸千年不饑故魏文帝詩曰西山有二童不
飯亦不食水經注云昔仙人帛仲理之所遊神也
縣有黃水出於神菌之山蓋黃華谷之北崖高十
七里水出木門帶帶卽出之第三級也去地七里
懸水東南注豎直瀉巖下狀若鷄翅故謂之鷄翅
洪亦天台赤城之流矣其水東流至谷口潄人地
下東北十里許復出名櫛渚渚周四五里是黃水
重源再發也黃花谷內有仙母冢卽漢仙人王津
母墓前有大樹九株存隋圖經云王津母有廟每
春三月桃花盛發龍冠于廟宇焉 水經注云漳

彰德府志勝之卷之五

六

水又東逕臨淇水故衛邑也又東逕淇都壘按二
廢址俱在縣南七十里內○漳水又東逕福陽城
滄溪水出焉縣北又有白玉溪高齊宮殿遺址俱
存其水乃龍口泉也山溪迤寒層水積雲春夏不
涸里人往往取其水鬻于市柳仲塗愛其溪山之
勝徘徊不忍去山僧因以柳溪名○水經注云黃
花谷西北有洞穴謂之聖水窟黃水東流華泉水
注之水出林慮川北澤中東南流與雙泉合雙泉
水出魯般門東下流入葦泉水注于黃水謂之
陵陽水又東入于滹水也志云縣東南有七泉泉

出平地七穴地湧其地名七泉社又有萬泉騰噴礮響振山谷山名萬泉山○縣西南有玉泉泉潔如玉其山亦名玉泉山又有滴孔泉出天平山山勢平坦有泉石而下若滴孔然再折為將軍山春秋時齊伐趙勝率師追之駐兵于此已上玉泉天平將軍山距去縣三十里○又縣西南二十里有澤陽山勢奇聳礮流環遶再五里為礮礮山元王磐今晨到礮礮駐馬五松邊山中富清景不暇相觀瀑布落晴雲金燈閣夜運空懷上方寺矯首雲頭○縣北二十五里有彰德府志勝入卷之五

九

袴山周迴三十里高一里百五十步勝道元云林慮山北有袴山即此也又五里為倚陽山峰巒略拔絕頂平夷元末建熾尖砦于此又二十里曰礮山其石可用為礮故名○宋柳開仲奎遊天平山記文曰至道元年間寓陰未幾桂林僧惟深者自五臺山歸惠然見過曰昔公守桂林嘗與論衡嶽山水之秀為湖嶺絕勝今惟深自上黨入於相州至林慮過天平山明敎院遂休焉尋幽窮勝縱觀泉石過衡嶽遠甚予矍然曰予從先御史居湯陰逮二年湯陰與林慮接况平居未嘗有言者越

明日惟深告辭予因留惟深與之遊惟深曰諸初祭自馬嶺入龍山小徑崎嶇已有倦意又數里入龍口谷山色回合林木蒼翠遠觀俯覽遂忘筆之勞明日飯於林慮亭午抵桃林村乃山麓也泉聲夾道惟石奇花不可勝數山回轉平地數尋曰槐林坐石弄泉不覺日晡將歸憩環翠亭四顧氣象蕭灑恍然疑在物外宿連徐步薄暮至明敎院夜宿於連雲閣明旦惟深約寺僧契圓從予游東過通勝橋至於龍洞久坐菩薩洞下而南觀長老嚴水簾亭周行崖徑下瞰曰龍而歸明日西遊長彰德府志勝入卷之五

十

老巷上觀珍珠泉穿礮石休於道者卷下至忘歸橋田礮而轉至崑崙谿仙人巖花臺出九曲灘南會於白龍捫蘿西山沿溪歷徑望風雲谷而歸明日契圓煮黃精蒼木苗請予飯於佛殿之北四望峰巒秀若團屏契圓曰居長而首出者倚屏峰也予曰諸峰大率如團屏何獨此峰得名契圓曰大峰之名有六小峰之名有五者名已久皆先師之傳也又其西二峰一名紫霄峰上有秀士壁一曰羅漢峰上有居士壁以其所肖得名又六峰之外其南隱然而高不土名為撲猪嶺又其大口巖

斗峰諸峰皆於茂林喬松間拔出石壁數千尺回
運連接巉巖峭翠雖善工者繪事爲難予留觀凡
五日不欲去且知惟深之言不妄又嗟數年之間
居處相去方百里之遠絕勝之景耳所不聞對惟
深誠有愧色明日將去惟深笑問請予留題予
懼景勝而才不敵未敢形於吟詠因述數日之間
所見云時三月二十五日也宋忠獻韓公跋云林
慮天平山者天下絕勝之景也山有僧院曰明教
琦三來守相欲一觀而未得每條屬出按縣與夫
過客之好事者悉能往而遊焉回必大詫余曰是

彰德府志勝不卷之五

五

實雄偉秀拔不可圖畫雖東南諸勝素有名者皆
所不及余姪婿柳才者卽先朝大儒仲塗之孫也
余嘗得公所撰天平山記於才家見所叙遊覽之
勝凡山之諸峰巖洞潭谷澗谿泉石之名無不
具載而聞今之所稱類多與公所記改易不同予
是余益欲往周訪其實續爲說以明之而院之主
僧智因者得美石欲先以仲塗公之文刻而傳之
故余未克如其志嗟公之此文不傳久者非余得
於其家而因師之勤是必沈鬱而不顯柳公之父
固有神物所護使卒能傳之也邪○國朝崔統郡

志有天平山紀略云桃源店在呂谷前有居民數
百家桃花流水隱映交錯○呂谷俗傳呂洞賓由
此谷入山○呂公廟步虛壇入山五里西南望此
峰三級如壇元祐己巳提點刑獄張商英名之○
金翅亭南對步虛壇翠峰聳碧至此分爲兩道商
英以山勢分去若垂天之鵬翼名亭曰金翅亭前
花竹交映流水縈迂邑人遂以上已日後禊焉○
照碧池在金翅亭左僧引泉爲池中植白蓮池水
清淺照見諸峰秀色○釣臺在金翅亭西北一里
當路南大石臨水○長者崖過釣臺西百餘步西

彰德府志勝不卷之五

五

南望懸崖峭壁間有石紋如千巔拜長者狀○朝
元臺在道北一峰聳起出於諸峰頂平若臺然
○醉仙崖在長者崖西壁間石巖如醉人○獻花
崖在醉仙崖西石巖如童子獻花狀自釣臺而下
埡商英所名○水軒在朝元臺東南獻花崖北溪
流湍急巨石激之水聲潺潺名漱玉磯磯北有池
可數丈而臨大澗流水環會○層雲壁過朝元臺
西二百餘步有石壁其色紫翠若疊雲煙高數十
丈○斷金橋在層雲亭西渡大澗則逗雪泉也自
此入山路漸峻矣○將軍山在層雲壁上止望一

峰若人披甲狀□逗雪泉在將軍山西溪壑回還流入斷金橋□十八盤路自槐林而西山路既峻屈曲而上十餘里凡十八盤也□紫砂經自十八盤而西□甘露泉五行之理相冠者相勝山泉多甘而海水鹹蓋鹹者水歸本甘者土勝之也此山之泉雖或散滴於巖石間酌之盡甘冽如世所稱惠山泉者此泉當道左行人方登十八盤喘涓流汗得之如飲甘露□環翠亭路盡十八盤此亭據嶺絕巔環視羣峰蒼翠具見山路至此分爲兩道一則入明教禪院一則南趨草場經□草場經故彰德府志勝入卷之五

五

老傳云宋征河東時嘗積糧草於此以兵守之蓋此路西趨撲猪嶺嶺西卽潞州也撲猪嶺在草場西最高峻傳云野人嘗逐野猪墜嶺下故名□風門路在撲猪嶺上朝陽連雲兩峰間乃通河東路也□流砂嶺在草場西南半嶺皆流砂自嶺至潞州界十餘里右自山麓至環翠亭可尋之景□山之羣峰最高且大者六自環翠亭觀之從東第一曰倚屏峰在東北第二曰碧霄峰在正北古名碧霄柳仲塗記曰紫霄第三曰烟霞峰在次北第四曰連雲峰在西北第五曰朝陽峰在正西第六曰

羅漢峰在西南□倚屏峰前有誨德峰在倚屏東南仙居峰在誨德西□倚雲屏在仙居西屏牆峰在倚雲西山勢削立如屏牆然□碧霄峰上有仙人巖石竇泉歸雲洞其下有天柱峰在碧霄峰南明教禪寺主峰也□拳秀峰在天柱西□烟霞峰上有秀士壁峰之中有紋如衣冠士人狀仲塗記云在紫霄峰上非是□其下有雙聳關烟霞碧霄二峰之交兩崖相對壁立如闕然□朝陽峰上有居士壁峰之半亦有石紋如世所畫維摩詰狀仲塗記云在羅漢峰上非是羅漢峰上有羅漢石峰彰德府志勝入卷之五

五

西有石宛如坐僧然其下有玉柱峰石六峰諸景可望不可登者自環翠亭觀之皆可見焉□松徑門自環翠亭趨明教禪院夾道古松□諸聖塔在松逕道南□風雲谷去明教院一里餘□明教禪院在昆閭溪北碧霄峰下六峰圍繞皆斗起壁立而獨此院得平地百畝餘若天設之也院宇甚古不獲其建置之時晉天福中有僧從滴住持聚衆頗盛丈室今存從滴後傳記者只三四人曠日既久院宇多敝宋縣令錢景允命守僧修置遂後完整及山之諸亭或古或今皆景允修建□志歸

橋在天漢橋西南爲水所壞今不復修。清涼巖在院西北烟霞峰下松竹清陰其景幽邃傍有積水春夏不消。漱玉泉源發於清涼巖側流入昆閬溪柳公記所謂珍珠泉也。舞獸石清涼巖下西有二大石跨小徑狀若舞獸。長老庵在清涼巖上西北百餘步一小峰上今廢其基址可廣四五丈云。昆閬溪源發於烟霞峰下清涼穴過天漢橋下入白龍潭此溪在六峰之間自西而東與山俱盡倚屏碧霄在其北烟霞在其西連雲朝陽羅漢在其南自天漢橋四望景物幽奇若崑山閬彰德府志勝八卷之五 圭

苑古傳名曰昆閬云。白龍潭在昆閬溪中舊傳有白龍見於此歲旱祈雨必應宋元祐中嘗有遊客乘醉戲自巖上投石潭中倏忽雷電風雹並起遠近傳懼是後無敢放戲巖上者。九曲灘在白龍潭東。候樵徑在白龍潭上沿石小徑下通白龍潭。支離巖在獻花臺東別由松竹間有徑可至巖其名疑古有隱士嘗居此云。玉虹巖在支離巖東下對白龍潭如一匹練。五鳳巖在玉虹巖下自此一徑直通羽衣軒錢景允新開也石自還擊亭渡天漢橋至明教禪院及院東西可尋

之景。四凸巷在萬松亭東南崑閬溪南岸上北對先師巖從漪遊息處也嘗有僧問從漪曰如何是天平山答曰八四九凸元祐己巳歲商英因命景允建此巷。忘歸亭在四凸東崑閬溪崖上。翫川臺在忘歸亭東南一峰特起其上平坦雨霽烟收靜無風沙東視長川見數百里宋中書舍人王巖叟熙寧甲寅歲來遊名曰翫川臺。龜頭峰在忘歸亭南以形似名。琴臺在龜頭南惟石重疊上有大松巖叟嘗聽鴻濛先生撫琴于松下故名。鑑泉在琴臺南有泉出巖竇間其清見毛髮彰德府志勝八卷之五 圭

燒藥爐在鑑泉南昔有隱士煅藥於此爐址俱存四面有桃花每春盡百花過此花方盛。望京臺在燒藥爐東南柳仲塗記所謂望斗峰也。寶公菴在望京臺上臺之廣袤比院爲寬衍下視川原隨人目力所窮宋銀青光祿大夫致仕寶卿嘗愛天平幽勝買田山下欲休老焉山僧建庵以成其意名曰寶公云。馭風壇在寶公庵東北有石如壇石自萬松亭循崑閬溪可尋之景。通勝橋在寺東渡大淵澗水乃石寶泉也。白龍堂在通勝橋東白龍潭上歲有祭。金線泉在白龍

東竹溪之半石巖出泉其流甚細故曰金線
觀音巖在白龍潭東傳云有僧嘗侍觀音經於此
巖下仲塗記所謂長老巖也○休休亭在觀音巖
北珍珠簾下巖中仲塗記所謂水簾亭也○珍
珠簾泉瀉高崖派流如珠簾及冬水凍懸空數百
尺○玩珠亭在休休亭巖上一峰突出下視白龍
潭上望青龍洞宋太守李琮因禱雨入山遊至此
命山僧作亭名曰玩珠即古甌月臺址也○柳公
溪在甌珠亭前松竹陰茂柳仲塗至此覽溪山之
勝徘徊不忍去山僧因名溪曰柳公云○道人龕

彰德府志勝八卷之五

三

在觀音巖下休休亭南就龕作軒對珍珠簾背錢
景允建○飛蓋巖道人龕東南轉崖下百餘步上
即大山下臨深溪○羽衣軒在羅漢堂西巖方下
與凹凹巷隔溪相對西南望翠峰下視昆閩東關
平川初張商英將遊天平山夜夢羽衣客甚奇至
此巖下覽諸景想見其夢中事遂命創軒而山僧
復架竹引水作簷溜冬夏不絕遂為諸亭軒景物
蒼翠最勝奇處○炭場在柳公溪北古嘗就山作
炭積於此地自此而北至燕子巖由通勝橋側別
有路徑以其無他景故附見之○東柏梯在炭場

上有栢成林樵獵者攀援栢枝上下故曰栢梯
石梯子在東栢梯上亦樵獵者所行石磴也○好
地掌在東栢梯間路通黃華谷其道險峻謂之東
十八盤至此地忽平古傳云好地掌謂平如掌也
○燕子巖在炭場北有石巖秋冬燕子蟄其間右
自明教禪院渡通勝橋循昆閩溪東北可尋之景
迎春橋在寺東北後壞於水○靈澤侯廟在倚屏
峰東南半山宋元豐中郡守祈雨蒼龍洞有應奏
聞於朝封以侯爵因建此廟○燒香亭在廟東北
三里餘其徑險峻每歲官私於此望蒼龍洞祭禱

彰德府志勝八卷之五

天

焉○蒼龍洞在倚屏峰山半燒香亭北自亭至洞
登陟石磴不通肩輿洞門巖壁削立下臨深溪山
僧近作木梯十餘丈於是遊人始免攀援之勞洞
深莫測始行百餘步俯身乃可過已可立行復百
餘步匍匐而入蓋若洞門重重然也行愈深寒氣
愈逼人行必藉竹葉必冬禦其深數里仰有穴穹
窿上通傍有小洞如瓮口洞中杳黑又百餘步有
溪橫洞東流至此不可往矣昔有人強往窮之遂
不復出山僧懼游客夜有然者以石塞之每值歲
早取溪水禱謝輒應病者飲之即愈○雙峰閣兩

峰聳起如門闕狀中有路上通菩薩洞□菩薩洞天平山最險處也在龍洞東北四里遊人攀蘿引索緣石僅能登之洞中石乳自滴成菩薩形後有泉名菩薩泉極甘冷□冷風門在菩薩洞東山上石門行人至此愛其風清冷因名石自明教院渡迎仙橋可尋之景○玉泉谷在呂谷南五里其山亦名玉泉山即步虛壇南一峰高起者是□山之南有僧院曰廣濟院院之西北一峰曰望仙峰乃院之主峰也□望仙南一峰曰朝霞峰院前有溪溪東北有環碧亭亭南別有一溪曰甘露溪溪傍

彰德府志勝八卷之五

无

綠竹幽森有小徑上通澤陽谷□溪上別有一泉曰滴乳泉入甘露溪□泉上別有一峰曰迎露峰上平如掌故曰迎露□澤陽谷在玉泉谷南七里谷之西有北傘蓋山以形似名□山下有僧院曰淨居院舊曰澤陽寺自縣至院二十五里佛殿前有大槐高數百丈圍數十尺亭亭直幹如松檜門前有水伏流出山始發山前居民皆就汲之錢景先命撥泉建亭名曰濟衆□院西有擁翠亭亭在一峰之半上則峰巒下則衆木交映亦景先建□其南有南傘蓋山亦以形名□山之西南有金門

峰之南則猗谷金門寺也猗谷在澤陽谷南八里谷有十二峰其景物與天平埒從南第一峰曰爭翠峰次曰擎天峰三曰三聖峰四曰聚仙峰五曰玉柱峰六曰抱螺峰及黃帝天平猗谷諸峰得名非一時其命名者非一人故其名有相同者天平與此皆有玉柱峰黃華與此皆有抱螺峰也七曰紫霄峰八曰望帝峰峰上舊有金門寺及石洞天九曰聚霄峰十曰頂霄峰十一曰拱翠峰十二曰石城峰峰下有小山野人名曰查牙山取其峰石之怪奇也蓋十二峰名或取奇色或取異狀要

彰德府志勝八卷之五

手

之皆若查牙之類亦無他意雖黃華天平諸峰之名亦如此而已□拱翠峰下有僧院曰寶嚴院古名猗谷寺嘉祐八年改自院至縣三十里□在院之東有隱菴半山間小徑崇迂上至大石巖下可容數百人縣令錢景先就巖立治廳廂以憩遊客□菴之西有下生塔在隱菴西後有一石巖上有一塔中有一下生佛像巖壁頗有齊天保中遊士題名□又西有碧陰溪溪之左右喬木脩竹綠陰交合故云碧陰蓋與黃華谷碧陰溪同云溪上有跨玉橋即渡溪之橋也其西有升龍橋北有真隱

洞自亭登山縈迂數里方至洞碑塔具存○金王
廷筠昌明中居隆慮讀書黃華山寺工詩文尤善
山水墨竹有黃華山四絕句其一云帝遣名山護
此邦千家瑟瑟欽西窓山僧乞與山前地招客先
開四十雙又王母祠東古佛堂人傳棟宇自隋皇
年深寺廢無僧任滿谷西風栗葉黃又手柱一條
青竹杖真成日掛百錢游夕陽欲下山更好深林
無人不可留又桂鏡臺前柱玉龍半山飛雪舞天
風寒雲直上三千尺人道高歡避暑宮石刻尚存
○王子端又有銅雀瓦歌序云袁輔之得鄴南城
彰德府志勝入卷之五

三

注雨瓦筒以之支琴予因作詩紀之鄴城南青
雀來五樓突兀肩三臺胡桃萬瓦淨如水春陰不
敢生莓苔蒼雨闌干二百尺多年雨齧空階石繁
華已逐水東流斷甃時從耕者得可憐此物落君
手愛之不啻連城璧錫花如雪錯髮華小宇興和
猶可識晴窓拂拭支桐君上下一般蛇蚺文哀彈
遽止不成弄千古愁聲誰忍聞○予按阮籍詠懷
詩有云昔余遊大梁登于黃華巔共工宅玄冥高
臺造青天幽荒逸悠悠悽愴懷所憐所憐者誰子
明察自照妍媸龍沈冀州妖女不得眠肆侈陵世

俗豈聞承厥年因迺改開封府屬並無此山茲當
縣屬彰德後漢以來冀州刺史治而黃華山名又
與相符則嗣宗或指此也廼附錄之俟博覽者再
詳定焉

磁州

在府城北領縣二
七十里

本漢武安縣地後周武帝置滏陽縣及成安郡于
此隋開皇中郡廢置磁州以山出磁石爲名○唐
岑參送鄭少府赴滏陽詩子真河朔尉邑里帶清
漳春草迎袍色賸花拂綬香青山入官舍黃鳥度
官牆若到銅臺上應憐魏寢荒○本草云磁石鐵
彰德府志勝入卷之五

三

之雄出石鼓山宋永初山川記云鼓山有石二所
若鼓形南北相當俗語云南鼓北鼓相去十五冀
州圖云鄴城西有石鼓鼓自鳴則有兵魏都賦神
鉦迅遽於高巒是也鼓山亦名滏山魏地記云滏
口山卽魏文帝遊擊袁尚于此太行山八陁之第
四陁曰滏口陁山嶺高峻實爲險阨漳水自林慮
縣流入有石漳渠焉寰宇記滏水源自縣西北鼓
山南巖下泉源奮湧若釜之揚湯故以滏口名之
其水冬溫夏冷卽山海經滏水出神南之山也志
云神南山在州西四十里以形似而名稍北四十

里有賀蘭山相傳賀蘭真人居此又三十里為白土山其土可繪峰頂有泉曰流泉與曲溝八字澗諸水東流入澧○州西有陽渠河又七里曰五爪渠州東五里曰開河皆澧津之支也○寰宇記云廢安州城在東北六里按卽成安郡故址亦卽曹操之講武城矣舊傳操設疑塚七十有二森然彌望高者如小山列布至州城而止隋圖經云趙岐安塚去魏武陵東三里安死後每語其子逸云吾塚近武帝陵見攻伐爲吾辭謝逸等卽以碑碣勒石謝之遂止又東魏孝靜帝父子二陵俱在州城

彰德府志勝一卷之五

三

東此二陵間又有一陵爲高齊神武陵俗併以爲魏武帝疑塚非也北史高齊天保末誅諸元子孫欲平元氏二陵壓殺數十人乃止○按疑塚在漳河南北繫繫不絕大小殊狀往歲盜發各塚俱有尸其一爲齊高陽王墓誌見存昔詠疑塚詩云盡發疑塚七十二必有一處藏君屍真儉父語也○圖經云臺城在水鼻里乃趙王築以避暑者較城在留望里俗傳漢光武擊王郎較兵于此故名王城在王城里周世宗擊北漢時禁岳城里有岳城卽宋岳飛駐兵處○塚廟記云黃帝廟在舊澧陽

城內世傳軒轅氏葬于陵臺建廟于此宋大中祥符初賜名先天觀漢周昌祠亦在此城蓋澧陽縣我洪武初始省入州○簡相如墓在老村廉頗墓在趙八莊漢李固墓在城東諸翟村碑刻尚存杜喬墓在城北二十五里之桃村宋林慮令主獵嘗往莫謁建祠其傍

武安縣在州城北

七國趙地李牧封武安君卽今縣也郡國志云武安故城在縣西南五里史記趙奢之救闕於秦軍鼓譟武安瓦屋皆振卽此城矣○按秦白起亦封

彰德府志勝一卷之五

三

武安君縣南三里長平坂廣袤八十里古老云卽起坑秦軍處又有粟山在縣東南十二里相傳昔白起拒廉頗於此命將士以布囊盛粟積至山巔趙軍乃退土人因呼爲粟山○寰宇記云玉峰山在縣西南二十里白石照耀如玉嵒山在縣東南三十五里山石皆赤又有紫金山亦以山多紫石而名有泉名紫泉泉側有王喬洞產九節菖蒲○志云後漢臺佟字孝威鄴人建初中隱居武安之紫金山鑿穴爲居州縣碑皆不受又元世祖時耶臺劉仲晦亦隱于此○三門山在縣西北八十

里山有三足峻峙如門洺水出焉水經云洺水出
易陽縣西山晉惠帝敗于湯陰之歲烏桓鮮卑掠
鄴城嬪女悉沈于洺水卽此河也按洺水發源山
西遼州伏于柏林見于洺州東過鉅鹿入于洺沱
又縣西有皇后水縣北有狗水需教水東北有響
水俱流注之○志云滴翠巖在縣西五十里絕壁
蒼翠泉流不竭其色四時若一故名又三十里爲
天井巖巖石四圍如井狀極其險峻適晉之要途
也稍北爲定音巖懸崖百仞松柏森蔚中藏梵刹
風雨莫侵巖下有池池畔有遼彰碑相傳自池湧
彰德府志勝八卷之五
三

出至今猶存

涉縣在州城西
二百里

魏黃初于故洺陽縣置臨水縣周武建德六年移
理故涉城是也縣爲漳水洺泉所經人民徙涉故
名涉矣洺口泉在縣西一里源出鼓山南脚流出
○志云金陞縣爲崇州旋廢崇州取崇山以爲名
大抵武涉諸山皆太行之支委也其色蒼翠形如
螺髻又名青頭山○韓王山在縣東五里昔韓信
擊魏豹駐兵于此又縣北四十里有符山○隋圖
經臨水縣有九侯城亦名鬼侯城蓋殷時鬼侯爲

紂所殺者也禮記臚鬼侯卽此司馬彪注鄴西有
九侯城九一作鬼今屬州界○趙簡子城在縣北
龍山社世傳趙簡子走晉陽滅智氏還邢都道經
此築以爲戍守之所○馮太守墓在乘雲社韓上
黨太守馮亭也以郡嫁禍于趙者事見史記

彰德府志勝八卷之五

三

衛輝府隸河南領縣六

本殷牧野之地周武王伐紂處在府城南陵西社是三監叛成王以殷餘民封康叔爲衛侯其後十五葉衛懿公爲狄所滅文公中興徙居楚丘又遷于帝丘戰國末地屬管魏秦併天下以屬河東郡漢晉已末或置汲郡或置朝歌或爲義州後周武帝始改衛州 國朝設府加輝字

汲縣附郭

本漢縣有魏襄王陵漢初有人於家中盜金得竹簡書十餘萬言因名汲冢周書志云魏襄王陵在衛輝府志勝卷之六

城南二十七里按卽古汲縣也周呂望廟在其城內郡國志云汲城東門北側有太公廟廟前有碑漢崔瑗所立又有太公泉在廟側東流十餘里入衛河○汲城崔子玉築瑗汲令也爲政七年間稻田數百頃人歌之曰天降神明君賜我慈仁父○別子云呂望賣食於棘津寰宇記黃河西自津鄉縣界流入經縣南去縣七里謂之棘津亦謂石濟津故南津也春秋僖二十八年晉伐曹假道于衛衛人不許還自南津濟宋元嘉中遣宣威將軍桓護之以水軍守石濟是矣按縣東南二十五里有

延津卽此津之下流也左傳隱二年叔段侵鄭至于廩延魏書曹公遣于禁渡河守延津卽此舊有城存○志云仙翁山在縣城西三十里之彪村亦名神山又迤北十里爲蒼山上有龍潭多產珉石卽水經注所云蒼峪山也蒼水出焉東南流潛入地中又東南復出至道元村合清水逕鳳凰臺西南有黃山水注之黃山者土皆黃色與蒼山相對又里許爲壇山在陳召村內有六度寺又林落山在壇山之北有香泉寺卽魏王離宮故址○聖水池在城外北固社上有張騫廟禱雨輒應寰宇記

衛輝府志勝卷之六

二

云博望岡在縣東北五十里接內黃西界上有石墳云是張騫冢非也有二石柱俗云故原武典農高府君神道呼爲石柱國○老子祠在縣治後接後魏書鎮西將軍廉侯事道於汲縣置立堂宇鑄石爲老子像而祀之其地有比干廟魏文帝初建有比干墓在城北十里卽周武王所封也石題云殷太師比干之墓唐開元中土人耕地得銅盤銘曰左林右泉後岡前道萬世之藏茲焉是寶篆文甚奇古○遵伯玉墓在衛城西又西北三十里之君子村爲瑗故宅孔子嘗主焉唐沈佺期入衛詩

淇上風日好紛紛沿岸多綠芳幸未歇氾濫此明
波采繁憶幽吹理棹想荆歌鬱然懷君子浩曠將
如何○徐孝肅墓在縣之白斐村孝肅元魏時人
事母至孝母死廬墓傍四十餘年人呼爲徐孝子
墓○烏塚 國初永樂時閩人葉宜知衛輝府適
有蝗災宜禱諸城隍忽旱烏飛食蝗盡烏死宜令
盡收死烏葬之號曰烏塚○注水經曰清水又東
過汲縣北縣故汲郡治晉太康中立城西北有石
夾水飛湍溶溶世入亦謂之確溪言太公常釣於
此城東門北側有太公廟廟前有碑碑云太公望

衛輝府志勝不卷之六

三

君河內汲人也縣民故會稽太守杜宣白令崔瑗
曰太公甫生於汲舊居猶存君與高國同宗太公
載在經傳今臨此國宜正其位以明尊祖之義於
是國老王喜廷掾鄭篤功曹邵勤等咸曰宜遂立
壇祀爲之位王城北三十里有太公泉泉上又有
太公廟廟側高林秀木翹楚競茂相傳太公之故
居也晉太康中范陽盧無忌爲汲令立碑於其上
太公避紂之亂屠隱市朝遯釣魚水何必渭濱苟
恆心神曲渚則可磻溪之名斯無嫌矣清水又東
逕故石梁下梁跨水上橋名崩褫餘基尚存清水

又東與倉水合水出西北方山西倉谷各有倉玉
珉石故名焉其水東南流潛行地下又東南復出
俗謂之電水東南歷野自朝歌以南南暨清水
土地平衍據阜跨澤悉毋野矣郡國志曰朝歌縣
南有牧野竹書紀年曰周武王率西夏諸侯伐殷
敗之于毋野詩所云毋野洋洋檀車煌煌者也有
殷大夫比干塚前有石銘題隸云殷大夫比干之
墓所記唯此今已中折魏太和中孝文帝南巡親
幸其墓而加弔焉刊石樹碑列于墓隧矣電水又
東南入于清水又東南逕合城南故三會亭也以

衛輝府志勝不卷之六

四

淇清合河故受名焉清水又屈而南逕屬皇臺東
北南注之也又東入于河

胙城縣在府城東二十五里

古胙國左傳云胙祭周公之胤也後屬燕左傳衛
人以燕師伐鄭是矣漢爲南燕縣後慕容德都之
號東燕隋文帝因覽奏狀曰今天下一統何東燕
之有遂改爲胙城○水經注云河水又東逕燕縣
故城北有濟水自北來注之寰宇記云濮水在縣
南一里西南自酸棗界流入石丘在縣北三十里
俗傳漢成帝時星隕之石也○南燕故城在縣東

麗國社漢樊儵封南燕侯卽此儵治春秋十年不
輟遂聞于世○志云趙杏南燕人夙有孝行累官
燉煌太守計日受俸蒙宗服其約素劉政會胖城
人從唐高祖起義有殊勲封邢國公劉寂妻爰侯
氏者亦唐時人嫁寂已生二女聞父疾喪明遂求
絕歸侍養五年父卒被髮徒跣負土作墳廬其左
側寒無衣日一食者三年詔旌異之

新鄉縣

在府城西五十里

漢書武帝將幸緱氏至汲縣之新中鄉是也隋開
皇于此置新鄉縣有故鄆城在西南三十里卽管
衛輝府志勝云一之六

五

叔所居矣今縣理乃古新樂城也六國時燕樂安
王臧築○寰宇記云絡絲潭在縣西南十里潭水
噴如絡絲故名潭水溫清潔不可測俗傳以一絡
絲探之方至其底○紅土岡在縣北十里每遇雨
其地水流如血赤諺云紂師倒戈血流漂杵之所
又十里爲五陵岡以有五阜隆起而名○黃河自
縣西南牧留村入境東南流入胖城漢河堤北自
獲嘉縣來四十里入縣境○沁河故道在漢堤西
自縣界北抵清河○清水去縣北一里西自獲嘉
界流入與洪水會東入白溝鄆道元水經注云黑

山在白鹿山東清水所出淇水卽清淇水也西自
故朝歌縣界入分爲二派一在郡東一在郡西俱
南流入河○唐裴子雲爲新鄉令斷獄如神遠近
咸服有裴令祠祭祀不絕又有馮石祠在縣西南
十里故城村內漢封馮石爲侯築城于此其後裔
居于南嘉平鄉

獲嘉縣

在府城西北百里

漢武帝行至新中鄉得南越相呂嘉首因立縣取
名焉郡國志故獲嘉城在新鄉縣西南十里晉立
殷州于此高齊移獲嘉於共城隋開皇間又自共
衛輝府志勝云六卷之六

六

城移來卽今理也○志云古殷州城在羊家社內
齊州城在齊州村內址俱存○寰宇記云同盟山
在縣東北五十里昔武王伐紂與諸侯同盟此山
因名上有太公校閱臺○吳澤陂在縣西北十五
里注爲清水水經注云清水出縣北之白鹿山東
上承諸陂散泉積以成川南流西南魚瀑布垂巖
懸河注壑二十餘丈從此三十里許卽嵇阮所遊
謂之七賢祠左右均篁列植冬夏不變向子期所
謂山陽舊居也志云輝縣有山陽鎮爲七賢祠故
址有泉名七賢泉東南流經獲嘉縣入三橋陂水

自跋出名泥河入衛去縣北十里○注水經曰清水又東北逕獲嘉縣北城西有漢桂陽太守趙越冢越字彥善縣人建寧中立碑其水北入河按唐書乾元元年十月郭子儀引兵自杏園濟河東至獲嘉卽是處矣

淇縣在府城北

水經云淇水出共山東至縣西一里過又南流二十三里與清水合入河謂之淇水口春秋衛地漢朝歌縣史記邑名朝歌墨子不入是也朝歌紂都謂之殷墟竹書紀年盤庚卽位自奄遷于此遂曰衛輝府志勝八卷之六

七

殷墟矣○志云古郊臺在縣南吳里社覺惠寺內卽殷郊社之所有鉅橋鹿臺糟丘酒池諸遺跡帝王世紀云鉅橋紂置舍積粟於此周書所謂發鉅橋之粟也鹿臺上下皆飾美玉七年乃成大三里高十仞餘址宛然卽紂自投火處紀年曰武王擒紂於南單之臺蓋鹿臺之異名耳寰宇記云鹿臺糟丘酒池在故朝歌城南一里去今縣西二十里土人依約識之有陽河水出縣西南之朝陽山西北流經縣平地卽紂斷朝涉之脛處也因謂之斷脛河又有沙丘臺俗名望日臺在縣北之苑城又

東二里南臨淇水有上官臺毛詩娶我于上官卽此志云縣東四流口社石河內相傳紂葬此故曰紂窩○郡國志云方山在衛縣西以山形四方故名方山按去縣十里又述北爲青巖山昔唐甄濟居此上有景龍觀觀傍有水簾洞洞中出泉澄澈可鑒明大學士李東陽詩青巖山甄郎清風不可攀祿山使者封刀還入東京見黃蓋帝勅僞官階下拜鄭虔貶死王維生故人獨有蘇源明君不見舞象悲啼樂工哭賊斫工斲分象肉○九州要記云靈山在縣西北二十里有黑龍潭其北有四井

八

衛輝府志勝八卷之六
上有千佛洞隋開皇年榮陽鄭元伯斲石造像萬四千軀○黑山一名墨山在縣西北五十里墨子昔居此山採茯苓餌之五百歲不死魏志漢獻帝初平二年黑山賊于毒白統莊固等十餘萬襲攻掠魏郡卽此處也○冀州圖云卷水出衛郡朝歌白溝水起衛縣南出大河北入魏郡倉泉水出縣西四十里倉山上錫盆水出縣西北四十里石坎下灣曲如盆厥味如醴故名錫盆水流可百餘步北岸有盤石架空南枕盆水歷盤石之下東流北連高阜石常潤漑每時雨則水溢散垂水滴盆

內冷冷可聽自此東流五十許步有飛泉出于南岸懸注盆水爲小瀑布俗謂之北流泉已上諸水俱注于河○寰宇記云永昌故城在縣治西隋初置縣大業年廢丘縣故城在西北二里卽古頓丘也今爲通靈觀枋頭城在縣南上河八里對酸棗棘津漢建安中曹公於淇水口下大枋木以成堰遏淇水東入白溝以通漕運時人號其處爲枋頭管桓溫枋頭之敗亦卽此也○注水經云清水入河謂之清河卽淇河口也山海經曰淇水出沮如山水出山側頽波淵注衛激橫山山上合下開可

衛輝府志勝入卷之六

九

減六七十步巨石礫河交積墜淵傾瀾奔盪勢同雷轉激水散氛暖若霧合又東北活水注之水出壺關縣東玷臺下石壁崇高昂藏隱天泉流發于西北隅與金谷水合金谷卽玷臺之西溪也東北流注淇水又逕南羅川又歷羅城北東北與女臺水會水發西北三女臺下東北流注于淇淇水又東北逕淇陽川逕石城西北城在原上帶澗枕淇淇水又東北西流水注之水出東大嶺下西流逕石樓南在北陵石上練垂祭立亭亭極峻其水西流水也又東逕馮都臺南世謂之淇陽城在西北

三十里淇水又東出山分爲二水會立石堰過以沃白溝左爲苑水右則淇水自元甫城東南逕朝歌縣北竹書晉定公二十八年淇絕于蒺藜卽此也淇水又東屈而西轉逕頓丘北故閭駟云頓丘在淇水南又屈逕頓丘西爾雅曰山一成謂之頓丘釋名謂一頓而成丘無高下大小之殺也詩所謂送子涉淇至于頓丘者矣魏徙九原西河出軍諸胡置五軍於丘側故其名亦曰五軍也太和泉源水水有二源一水出朝歌城西北一出東南老人晨將渡水而沈吟難濟紂問其故左右曰老

衛輝府志勝入卷之六

十

者慥不實故畏寒也紂乃於此斷脛而視其慥矣水南流東屈逕朝歌城西晉書地道記曰本沫也也詩云爰采唐矣沫之鄉矣殷王武丁始遷居之殷都也禹貢紂都在冀州大陸之野卽此有糟丘酒池之事焉有新聲靡樂號邑朝歌晉灼曰史記樂書紂爲朝歌之音朝歌者歌不時也故墨子聞之惡而迴車不逕其邑論撰考識曰邑名朝歌顏淵不舍七十弟子掩目宰予獨顧山麓墜車宋均曰子路患宰予顧視凶地故以足蹙之使墮車也武王以殷之遺民封紂子武庚於紂邑分其地爲

三曰邯鄲衛使管叔蔡叔霍叔輔之爲三監叛周討平以封康叔爲衛箕子佯狂自悲故琴曲有箕子操逕其墟父母之邦也不勝悲思作麥秀歌地居河淇之間戰國時皆屬於趙男女淫縱有紂之遺風後乃屬晉山險多寇漢以虞詡爲令朋友以難治致爭詡曰不遇盤根錯節何以別利器乎又東與左水合謂之馬溝水水出朝歌城北東流南屈至其賊東又東流與美溝合水出朝歌西北大嶺下更出巡路馳谷於中逶迤九十曲故俗有美溝之日矣歷十二崎崎流相承泉響不斷返水桿

衛輝府志勝入卷之六

十一

注倦投深隍隍間積石下通水穴多變觀者苦思不周其情之圖狀矣其水更逕朝歌城北又東南流注馬溝水又東南注淇水爲肥泉也故衛詩曰我思肥泉茲之永歎毛注云同出異歸爲肥爾雅曰歸異出同曰肥釋名曰本同出時所浸潤少所歸各枝散而多似肥者也獲爲舍人曰水異出流行合同曰肥今是水異出同歸失博物志謂之澳水詩云瞻彼淇澳葦竹猗猗毛云葦王芻也竹編竹也漢武帝塞決河斬淇園之竹木以爲用寇恂爲河內伐竹淇川治矢百餘萬以溢軍資今通望淇

川無復此物唯王芻編草不異毛注又言澳隈也亦匪津源之謂張司空專以爲水流入於淇非所究矣然斯水卽詩所謂源泉之水也故衛詩云源泉在左淇水在右衛女思歸指以爲喻淇水左右蓋舉水所入爲左右也○志云淇園在縣西北禮河社有思德河源出武公廟前東流入淇水又至薛村口入黃河唐駱賓王自淇水薛川涉舊黃河詩孟夏桑葉肥豚豚天長津蠶農有時節田野無閒人臨水狎漁翁望山懷隱淪誰能去京洛憔悴對風塵○碑曰云箕子廟在縣南唐柳宗元作碑

衛輝府志勝入卷之六

十二

文漢虞詡碑唐崔珏碑俱在治內畧曰詡爲朝歌長先是劇盜攻殺長吏詡至募壯士使入賊中誘令劫掠乃伏兵擒殺又潛令縫者僞作賊衣識其裾有出市者輒擒獲賊始大駭散咸稱神明珏爲淇縣令水浸民田不退珏乃設祭河上見巨蛇列水面而死水始息邑人被其惠而歌頌之○唐常建春詞云宛宛黃柳絲濛濛雒花垂日高紅救卧倚對春光遲寧知傍淇水腰裏黃金羈李祐春日淇上作淇水春風漲鴛鴦逐浪飛清明桑葉小度雨杏花稀衛女紅救薄王孫白馬肥相將踏青

去不解惜羅衣

輝縣在府城西六十里

本共伯國魯連子云其伯名和好行仁義諸侯賢之周厲王見逐諸侯奉和以行天子事後立宣王其伯復還于國乃追遙于共山之首此閭駟十三州志所載也漢爲其城縣唐曰凡城金曰輝州國初改縣○志云共山在縣東北八里邑人又呼九日山以九日登臨其上故名其臺在治內高一丈即其姜守節之所○凡城在縣西南二十里古凡伯國左傳凡蔣那茅周公之胤也隱公七年王衛輝府志勝不卷之六 三

使凡伯來聘往領曰汲郡其縣東南有凡亭○水經注云清水出共山北晉書叔夜嘗採藥於此山澤其水三川南合謂之清川○郡國志云沮洳山在縣西淇水發源于此有五穴水注之水經以宛水上承淇水東流歷五穴東北得舊石湮故五水分流世號爲五穴口入縣西北五里爲百門陂方五百步許百姓引之以溉稻田其米香潔異于他稻魏齊以來嘗以薦御按百門陂者其源百道競流又謂之百泉水衛風泉源在左蓋指此矣泉上有衛源廟隋唐以來祀感惠王初其殿名清輝故

金宣宗以之名州也西名百門山亦名蘇門山晉孫登隱此號蘇門先生阮籍往見之與商略終古默然不應籍退至半山間山巔有聲若鸞鳳乃登嘯也今有嘯臺存○湧金亭在泉側泉從地湧日照如金故名有蘇軾告蘇門山湧金亭六字其後邵雍姚樞許衡之徒皆隱焉○梅溪在縣西四里百泉所匯唐張籍詩自愛新梅好行亭一徑斜不放人掃石恐損落來花○白鹿山在縣西北五十里西與太行連接上有天門谷百家巖盧思道西征記云孤巖秀出上有石自然爲鹿形遠視皎然

衛輝府志勝不卷之六

古

獨立厥狀明淨有類人工故以白鹿名注水經謂長泉水源出白鹿山即此九州要記曰天門山石自空狀若門焉其門有三水稽康採藥逢孫登彈一絃琴于此處又十里大山中有一羅門山峽徑束內有南羅中羅北羅三城各相去六七里其川南北約二十里東西約十五里西南竝高山可爲棲遁之地或謂之尖山即向子平得仙處向長朝歌人嘗讀易至損卦曰吾知貴不如賤富不如貧水知死何如生耳因學道不知所終○水經注云諸泉發于天門之左天井岡廣三丈高兩匹

更無所出世謂之天門也東五百餘步中有石穴
西向裁得容人平行東南入徑至天井直上三匹
有餘板躡而昇至上平東西二百步南北七百步
四面崦嵫絕無山升陟矣上有比丘釋僧訓精舍寺
十有餘僧給養雜用多出平有志者居之寺左
右雜樹疎挺有一泉方丈餘清水湛然常無增減
山居者資以給飲北有石室二間舊是隱者念一
之所今無人矣泉發於北阜南流成溪世謂之焦
泉也次東得魚鰓泉次東得張波泉次東得三淵
泉梗柯叅連女宿相屬是四川在重門城西並單

衛輝府志勝八卷之六

五

川南注也重門城昔齊王芳爲司馬師廢自官於
此卽魏志所謂送齊王于河內重門矣在其縣故
城西北二十里城南有安陽陂次東又得卓水陂
○志云卓水泉在縣西北平地湧出有筠谿軒臨
其上東南經蘭橋入衛河元王暉詩鏡中流水盡
中山酒盡銀瓶興未闌碧玉沼深人不見柳花飛
度翠琅玕又有金沙泉出縣胡村西社丁公泉出
縣西南俱東流入衛河○大梁李夢陽遊蘇門山
記曰予當正德戊辰值春仲之交而遊輝縣聞之
蘇門山古士率棲焉者魏阮籍晉孫登宋李之

才邵雍元許衡姚樞耳然諸皆有祠祀之獨籍不
祠也蘇門有九峰山亦奇絕然其上無泉侯趙川
亦無川可恨也太行山至蘇門略萬餘數森森若
排戟壯寺中有三峰獨奇而三寺各當一奇有一
泉繞之流乃其泉數里觸大石輒入地故不至侯
趙川予觀三湖之險蓋虎豹之窟而魑魅所宅也
西踞壺關之巍北跨陵川之危東扼林慮上黨有
盜賊恒數百騎來則發弓弩持刀出沒林阻巖谷
間號曰青羊白戈云而盤山路石呀呀嘶嘶行若
登天然過此豁然曠川而四面皆山所謂侯趙川

衛輝府志勝八卷之六

七

也蓋若桃源然三湖有巨竹蓊茂登山西望亭亭
綠崖而綠者竹也中湖則有石鏡半規耳而照壁
能鑒天日山河人物焉豈不異哉中湖寺趙宋號
太平興國寺屬湯陰縣南北湖寺則今人創之耳
輝縣產魚稻然其人多病瘦借予行者左國玉予
內弟生不識山前出陽武行望見山喜以爲雲已
知其山也蓋又喜躍馬行悞不卽至山李子曰余
游蘇門益得於山川上俗之別云元韓準詩誰謂
江南好蘇門第一流泉聲竹林夜山色稻花秋
石看題詠臨池憶釣遊何時卜歸隱明月峯

懷慶府

隸河南領縣六

十五里

禹貢覃懷底績至于衡漳史記周武王九商蘇忿生以溫爲司寇其地有隳懷竹書紀年秦師伐鄭至于懷是也後魏置懷州我朝曰懷慶府志云懷川閣在治內宋升洙建卽舊懷州理○冀州圖云周三監邯鄲衛也管蔡叛封康叔爲衛侯此爲衛地衛遷河南晉文公始霸啓南陽又爲晉地襄王賜文公陽樊溫原欒茅之田晉于是始啓南陽杜預曰在晉山之南河之北故曰南陽也志云南陽城在修武縣北昌黎韓愈世家于此史記秦始懷慶府志勝不卷之七

皇六年拔衛徙其君于野王以其地屬三川河南二郡之境河東郡之東境項羽入關立司馬卬爲殷王王河內漢高帝三年卬降以其地立河內郡後漢光武謂寇恂曰河內完富吾將因是而起也

河內縣

附郭

春秋時野王邑宣十七年晉人執晏弱于野王杜預云河內野王縣也隋開皇年改野王爲河內縣唐以太行紫陵思義三縣宋以武德一縣俱省入○冀州圖云古野王城卽今懷州理也史記衛元君爲秦所奪徙居于此○統志云太行廢縣在東

北四十里詳太行山下紫陵廢縣在西北三十里詳紫陵澗下思義廢縣在西南三十里今爲崇義鎮已上俱唐初所置○武德縣後魏置郡隋郡廢置縣曰邢丘唐改武德也廢城在東南五十里詳邢丘下○按太行山在縣北二十五里左氏襄二十三年齊侯爲二隊入孟門登太行註疏孟門晉隘道太行山在河內郡北穆天子傳曰天子命駕八駿之乘赤驥之駟南征朔行逕絕翟道升于太行南濟于河者也太行亦名五行淮南子曰武王欲築宮于五行之山高誘注云今野王太行山也

懷慶府志勝不卷之七

二

迷征記曰太行山首始于河內北至幽州凡百嶺連亘十三州之界有八陁爾雅云連山中斷曰陁第一軹關陁在濟源縣西十一里第二太行陁第三白陁在河內第四滏口陁在鄴西第五井陘第六飛狐陁第七蒲陰陁俱在中山第八軍都陁在幽州太行陁澗三步長四十里按志大舛關碗子城關俱在太行山畔羊腸所經瀑布懸流實險隘之地也有帝堯池曰太行山谷出流爲河名堯河溉田沃廣有帝堯祠紫陵澗水發源紫金壇壇在太行之陽諸峰之巔每歲重九日卽人登高于此

有魏夫人祠夫人晉修武令劉幼彥妻學仙得道
飛昇于南嶽後人立祠祀之稱紫虛元君壇下澗
水流出口紫陵澗唐武德三年置縣因以爲名○
武德城卽邢丘城也韓詩外傳曰武王伐紂至邢
丘更名邢丘曰懷亦卽蘇忿生之邑漢平臯縣矣
平臯城在今縣西左傳宣六年赤狄伐晉圍懷及
邢丘註云今河內平臯縣是也漢高帝封劉宅爲
侯國有平臯陂周迴二十五里多產菱蒲民資其
利陂南卽大河矣隋大業年改邢丘爲安昌縣以
安昌城在其南也漢成帝封張禹安昌侯卽此城

懷慶府志勝八卷之七

三

東南有古冢時人謂之張禹冢禹河內軹人徙家
逆芍莽長安延陵傍不宜在此鄉道元以爲非矣
唐武德二年始改安昌爲武德縣水經以沁水又
東過武德城南是也○水經曰沁水東過野王縣
北注云沁水又東邢水注之水出太行阜山南流
經邢城西故邢國也僖二十四年王將伐鄭富辰
諫曰邢武之穆也註疏云邢在野王縣西北城當
太行南路道出其中漢武帝封李壽爲侯國邢水
又東南逕孔子廟東廟庭有碑云仲尼傷道不行
欲北從趙鞅聞殺鳴犢而返及其歿也晉人思之

於太行嶺南爲之立廟蓋往時迴轅處余按仲尼
臨河而嘆未嘗有太行旋車之文碑稱魯國孔氏
官於洛陽因居廟下以奉蒸嘗是猶劉累遷魯立
堯祠於魯山矣北魏太和三年孔靈度述言其先
追思聖祖立廟存饗非謂仲尼迴轅也邢水東南
逕邢亭西京相璠曰亭去邢臺七八里其水又南
流注于沁沁水又東朱溝枝津入焉又東與丹水
合山海經曰沁水東有林名曰丹林丹水出焉者
也朱溝水又東南注于湖湖水右納沙溝水沙溝
又東逕隰城北春秋僖二十五年取大叔於溫殺

懷慶府志勝八卷之七

四

之於隰城京相璠曰在懷縣西南沙溝水東南流
入於陂水又東南流入于河陂水卽武德之平臯
也先儒咸謂是溝爲泚渠班固闕駟並言泚水至
武德入河蓋泚枝瀆條分所在布稱亦兼丹水之
目矣按志邢城在縣北三十里今爲邢臺村隰城
在縣西三十里謂之期城今爲穀背村又西南有
絳城謂之付遼城左傳隱十一年王賜鄭絳及隰
是也註疏絳在野王西南隰在懷縣西南○志云
沁河在城北二里發源山西沁州丹河在城東十
五里發源澤州俱穿太行山出至丹口南流三十

里入沁河岸傍多竹木田園皆引水以灌溉鄴善
長云沁水北有華嶽廟積柏數千株對郭臨川負
岡陰渚青靄望攷可翫也魏懷州刺史顏丘李
洪經構郡功曹山陽荀靈龜勒碑天安元年立○
會春園五代周顯德中置竹園宋大中祥符間置
金沁園圖元許衡別墅皆資沁水而築塚記云孝
子丁蘭墓郭巨墓俱在沁之北○圖經府城北者
曰方山孤山以位勢方正介然孤立故名其東北
者曰明月山金華山青山雲巖山西北者曰馬頭
山三尖山各去城三五十里負倚太行之側轉望

懷慶府志勝

卷之七

五

鬱葱中其軒豁卓然雲表可以登眺有明月寺在
明月山萬壽觀在金華山石柱鐵銀在馬頭山以
堯時洪水人民繫舟于此○史稱光武遣鄧禹西
征送之于道旣返因于野王獵見二老者卽禽光
武問曰禽何向並舉手西指言此中多虎大王勿
往光武曰苟有其備虎亦何患父曰湯卽桀于鳴
條而大城于亳武王卽紂于牧野而大城于郊鄧
彼二王者倘非不滅也光武悟乃顧左右曰隱者
也將用之乃辭而去

濟源縣

在府城西
七十里

春秋原地晉文公伐原以信而原降是也戰國更
名軹秦襄王伐魏取軹是也至隋始改爲濟源縣
山海經曰王屋之山澗水出焉郭璞注云澗泂聲
相近卽泂水也按澗音釐史記及紀兗州作泂州
泂讀如充故聲相近蓋充爲濟水所經耳泂水潛
流地下至其山南復出于東丘今原城東北有東
丘城孔安國曰泉源爲泂流大爲濟也濟水重源
出原城西北平地其東源出原城東北故原城也
俗以濟源所發因復謂之濟源蓋西源出原城西
東泂水注之合東北流入于濟濟水其一枝津南
懷慶府志勝

卷之七

六

流注于泂水出原城南北原山勛掌俗謂之白
欄水春秋會于泂梁是也爾雅曰泂莫大于泂梁
蓋是水之墳梁耳泂水又東南逕陽城東與南源
合水出陽城南溪陽亦樊一曰陽樊國語王以陽
樊賜晉陽人不服文公圍之舍葛曰陽有夏商之
嗣與樊仲之官守焉君而殘之無乃不可乎公乃
出陽春秋樊氏叛惠王使虢公伐樊執仲皮歸于
京師卽此城也其水東北流與漫流水合水出軹
關南東北流又北注于漫謂之漫流口泂水又東
逕鍾繇塢非世謂之鍾公塢又東南至溝水注之

水出軹縣西南山下北流東轉入軹縣故城中又屈而北流出軹郭史記聶政軹縣人漢文帝封薄昭爲侯國也又東北流注于淇淇水又東南天漿澗水注之水出軹南率向城北在羣上閘壩曰軹縣南山西曲有故向城卽周向國也左氏傳向姜不安于莒而歸者矣竹書紀年二月晉城向更名向爲高平卽此城也其水有二源俱導各出一溪東北流合爲一川名曰天漿溪按志原城在縣西北十里軹城在縣南十三里向城在西南十五里其山在縣西原鄉之北淇水在西北十里琮山下

懷慶府志勝

卷之十

七

白礪在東北三十里天漿溪在縣南二十里九州記謂之玉漿礪及漫流水水溝水俱會于濟○廟記云北海廟濟瀆廟俱在縣西北春秋說題辭曰濟濟也齊度也貞也其水性下且勁或伏或見而入于海天下有四濟濟其最著也濟入北海故并祀之又有禹廟尚書禹導洸水東流爲濟有靈源閣在濟瀆上俗呼水殿多酌酒漿於此其傍有龍潭唐垂拱間建延慶寺存宋王嚴叟詩龍影幽潭事已空惟餘翠竹混青松路窮西北無他景只有青山一萬重○志云鐵岸在瀆廟東夾河石色如

鐵故名有寶園在岸北又有李傳二園附近王嚴叟詩李郭名園寶氏隣傳林花竹遠相親蓋指此也寶莊南有泉沙石五色名五色泉唐溫造別墅在焉又盧全莊亦在其地全詩云買得一片田濟源花洞前卽此全自號爲玉川子有寺曰玉泉寺全嘗汲此寺泉煎茶有玉川子飲茶歌題灑水之北岸灑水在縣西四里東南流與淇水合也有萬柳亭在龍嘶傍白居易詩獨立蒼茫殘照外落花飛絮點人衣蓋此亭爲唐時始建○濟瀆廟有房公亭天寶三年房次律爲濟源令建又有裴公亭

懷慶府志勝

卷之十

八

相國休當縣人也無名氏詩裴相亭成未退身空煩舞袖與歌塵至今亭下蕭蕭竹似對西風怨王人○裴休墓在縣東北之裴村有寺曰化成寺咸通年建嚴洞幽邃乃休舊學之所近沁壠村○志云沁水城在東北三十里沁水所出謂之沁口舊以枋木爲名故名枋口晉司馬孚累石爲之又名石門口鄴道元曰沁水南逕石門也乎表畧云沁水自太行以西王屋以東層巖高峻天時霖雨衆谷走水木門朽敗歲功不成臣輒按行去堰五里以外方石可得數萬餘石以爲門用代木枋啓

閑如法雲雨田人詔書聽許歲月之功見諸門側
石銘矣沁水西有孔山山上石穴洞開穴內石上
有車轍牛跡自然而成非人力所就也沁水出兩
山間蓋卽孔山白礪山白礪者以山有懸瀑如練
故名及孔山泉俱下注沁水白居易詩孔山刀劍
立沁水龍蛇走卽此志云沁水所經爲小淅山
上有成湯廟又熊山三面距沁河惟西向二峰突
出○水經云濟水出王屋山禹貢底柱析城至於
王屋註云山有三重其狀如屋故名山上有濟源
廟廟記曰古王者之屋四柱太行山似之也山北

懷慶府志勝

卷之十

九

爲天壇山峰巒突兀絕頂有石壇名曰天壇道書
清虛小有洞天東曰日精西曰月華旦出五色影
夜則天燈出現卽唐司馬承禎得道之所李白贈
承禎詩願隨夫子仙壇上閒與仙人掃落花劉禹
錫詩陽洛天壇上依稀似玉京夜分先見日月淨
遠聞笙管其景也山南有華蓋峰宋徽宗嘗遊幸
建陽臺宮于其上爲晉烟蘿子棲真處宮以唐開
元間建烟蘿子卽燕真人也有井洗參食之名燕
家井□唐王真公主葉家學道來縣西玉陽山因
建陽臺宮天寶後昇仙仍建靈都觀在尚書谷谷

內有憩鶴臺宋文彥博詩再到靈都訪勝遊青田
依舊白雲秋燒丹帝子今何在憩鶴仙人跡尚留
山北有洞曰王母淵深莫測宋元歲投金龍玉簡
于此又有仙貓洞以砥丹鼎仙去者山下有水伏
流南入于河名望仙溪有八仙嶺在天壇東麻籠
山在天壇北胡峩山樂嶺山在天壇西九芝嶺在
陽臺宮前○盤谷在城北二十里唐李愿歸隱于
此韓愈序送之略曰太行王屋之陽有盤谷盤谷
之間泉甘而土肥草木叢茂居民鮮少或謂其盤
兩山間故曰盤或曰是谷也它幽而勢阻隱者之
懷慶府志勝

卷之十

十

所盤旋也○天井谷在盤谷西北石上有數坎其
深若井水自上相接而下遠視若倚劍焉韓愈
詩是時新晴天濫誰把長劍倚太行衝風吹破
落天外飛雨白日灑洛陽○陵山在縣西十里孤
峰特立時如丘陵元吉丙詩有俯窺盤谷接天壇
平地危峰豈易攀之句又十里爲西釜山周迴峻
削中央平坦厥形如釜故名又十里爲玉陽山東
西對峙凡兩相傳唐睿宗女王真公主修道之所
○琮山在縣西北十里其東有功德巖又三里爲
武山巔有巨石若卧牛形又七里爲曉山石多曉

藏故名又三十里為猴嶺山俗呼侯景山北接太行張九齡詩巖九折度卽此○志云史隱固在縣治內唐房琯建元和平記碑屋故基存○金沙嶺在治南上有亭榭其東有溪曰錦溪白居易詩蓮房墜粉鴛鴦雨荷益交香藕翠風○又五里為馬頭溪西有十功堰六十餘畝俱入故韓愈詩有馬頭溪深不可厲信車載過水入箱之句○塚記云戰國莊政墓在縣界輿城里唐徐有功墓在縣東張廷珪墓在縣南今孤楚墓在縣西北俱當縣人

懷慶府志勝八卷之七

溫縣在府城南十五里

十一

春秋僖十年狄滅溫溫子奔衛襲王勞晉文公而賜之亦卽司寇蘇忿生之邑也漢以爲縣唐武德初因溫縣令周仲隱來歸乃于縣置平州移治之李城四年州廢後爲溫縣而理所不改○注水經云濟水於溫城西止與故瀆分南逕溫縣故城西南歷號公臺皇覽曰溫城南有號公臺基北尚存濟水南流注于河其故瀆山溫城北出又東逕號公塚皇覽曰溫縣郭東濟水南大冢是也濟水東南與奉濟水合又東南逕李城西秦攻趙邯鄲且

降傳舍吏于李同說平原君勝分家財饗士得赦死者三千人李同與趙秦軍秦軍退同死封其父爲李城卽此城也城西南爲陂水淹地自許頃葭葦生焉號曰李陂按李城卽今理也去漢縣故城三十里號公臺在故城南俗名賀酒臺相傳晉宣帝集父老于此臺宴飲奉觴慶賀因名益邑爲號仲始封之地後乃司馬氏食采耳○縣西十五里有鳳皇臺本草云蓬志出溫縣鳳皇臺下今縣境有神農淵相傳神農採藥至此以杖畫地因成淵○塚記云春秋晉趙盾墓在方陵村內鉏麇菜

懷慶府志勝八卷之七

十二

在西岳村內漢許負墓在鳴離城內按史記絳侯傳周亞夫爲河內守時許負相之曰君後三歲而侯應勅注云負河內溫人老嫗也楚漢春秋高祖封負爲鳴離侯○志載王濟漢時爲溫令擊誅羣盜稱曰神明蔡義在宣帝時以定策功封陽平侯傳喜成帝時太后從弟好學有志行謙退守節歷大司馬封高武侯晉司馬懿至武帝代魏祚追尊宣帝北朝司馬楚之司馬筠俱以清節稱是其後也東魏常璩五經百家皆所研綜州郡辟命不就置館授徒至七百餘人時號儒林先生○續神

傳司馬承禎好道善辟穀睿宗召問其術對曰爲道日損損之又損以至於無帝曰治身則爾治國若何對曰國猶身也與物自然而無私焉則天下治帝嗟嘆曰廣成子之言也卒謚貞一先生已上皆溫人

孟縣在府城南六十里

周書武王會諸侯于孟津盟與孟通顏師古注漢書曰孟津在洛陽北都道所湊故號孟津矣春秋倍二十年經昔天王狩于河陽服虔謂孟津曰河陽溫別邑也漢高封陳留爲侯國王莽之河亭也十懷慶府志勝入卷之七

古

三州志曰治河上河卽孟津河也戰國魏爲河雍漢爲河陽縣唐會昌中陞爲孟州益由至德歲李光弼禦賊帥史思明于此光弼移牒河南尹令留司官方市居人悉出避寇空其都城乃出麾下士馬數萬東守河陽三城賊初謂光弼自洛而西及聞保河陽出其意外久之不敢入關宮闕無虞皆河陽之力也○北齊書云神武使潘樂鎮北城使高永樂守南城以備西魏其中潭城卽東魏所築仍置河陽關以實之自後將帥皆有河陽三城使之名按城魏太和中築至北齊始有其地後魏書

梁陳慶之來伐尅洛陽渡河守北中府城卽今縣矣○冀州圖云河陽在河內郡南六十四里有宮有關魏晉如之其立關處卽魏尚書僕射杜畿試船沈沒之所河陽宮隋文帝置高齊之行臺也在南內金大定中城爲大水所害更築徙治土人謂之上孟州興定中遷治故城後謂之下孟州卽舊北中府城也南城今孟津是中潭城今決灘是○宋方勺泊宅編云河陽三城南北皆受水患惟中潭屹然如故相傳此潭隨水高下如浮玉地胙之類楞嚴經以乾爲洲潭濕爲巨海是也○晉潘岳

古

爲河陽令遍栽桃李呼爲花縣今縣南河堤尚有遺跡有澆花井在故河陽城內卽潘令澆花井也○浮橋在城南一里晉太始十年征南將軍杜預造晉武帝勞預曰非卿不能造此橋預對曰非陛下聖明臣不能施其功卽此橋也○志云德威堂在舊州治宋文彥博嘗以司空判河陽其子及甫亦知河陽遂建此堂取德威惟畏之義蘇軾敘○平嵩閣揚清閣福賢館俱在治後圃宋李廴詩序平嵩閣者因城爲臺北倚太行南憑嵩少河陽之美觀也揚清閣鮮于亨建黃庭堅記禮賢館則以

呂公著守河陽時司馬先范鎮往謁館之于此故名溫公蜀公俱有詩○畜魚池在縣城內唐時濟水汎漲蓄魚于此舊以充貢今水泊尚存溫泉在城北一里夏冷冬溫流入于河萬艘潭在城南潭水深平舟楫輳泊之所范鎮詩私船官運關縱橫萬貨相通繞近城燈火夜凉人未散古潭宜復萬艘名○李昌齡樂善錄云晉王衍女名進賢賢懷太子妃也洛陽亂爲石勒軍中掠次孟津道以非禮進賢罵曰我王太子嬪司徒公女爾胡羗小子敢辱我乎卽躍身赴水侍人名六出者亦從焉其

懷慶府志勝

卷之十

五

地卽城南之萬艘潭也○志云麥山在縣西八里本名紫金山厥地宜麥因名麥山唐太宗拔獵于此以其岡嶺稠疊又名嶺山○韓愈墓在縣西十五里皇甫湜銘退之有別墅相去五里俗呼韓莊○青箱雜記云丞相王公隨精悟禪理其相館時知河陽作偈曰講堂燈已滅彈指向誰說去住本尋常春風掃殘雪是夕卒凌晨大雪正月六日也

修武縣

在府城東一百二十里

韓詩外傳周武王伐紂觀兵于寧更名寧曰修武矣故寧國春秋魏獻子曰大陸還卒于寧是也

高封都尉魏邀爲侯國亦曰大修武有小故稱大武修武在東高祖與滕公濟自王門津而宿小修武者也魏土地記曰修武城西北二十里有吳澤陂南北二十許里東則三十里西則蔡溝入焉吳澤陂卽大陸也溝水分枝東逕雍城南寒泉水注之出水出雍城西北泉流南注逕雍城西左傳王將伐鄭宮辰諫曰雅文之昭也京相璠曰今河內山陽城西有故雍城又東南注長明溝蔡溝東會長明溝水又東逕修武縣之吳亭東入吳陂又次北有荷泉水入焉水出故修武城西南同源分派

懷慶府志勝

卷之十

六

爲二水南爲荷泉北則吳溝二瀆雙導俱東入陂城東北二十五里有陸真阜南有皇母馬鳴二泉又東南合注于吳陂也次陸真阜之東北得覆釜堆堆南有三泉相去四五里參差合注南注於陂泉在渴鹿城西建安二十五年魏封漢獻帝爲山陽公渴鹿城卽公所居也陂水北側有隄城世俗謂之皮桓方四百步實中高八丈際陂北隔水一十五里俗所謂蘭丘也方二百步西十里又有一丘際陂世謂之勒丘方五百步形狀相類疑卽古檟茅城春秋隱十年王以檟茅隄十二邑與司寇

蘇忿生者也。阪水又東，長泉水注之，源出白鹿山東南，伏流逕十三里，重源潄發於鄆城西北，東南伏流世亦謂之重泉水也。又逕七賢祠東，左右筠篁列植，冬夏不變，貞姜魏步兵校尉陳留阮籍中散大夫譙國嵇康管司徒河內山濤司徒卿王戎黃門郎河內向秀建威參軍沛國劉伶始平太守阮咸等同居山陽，結自得之遊，時人號之爲竹林七賢。向子期所謂山陽舊居也。後人立廟於其處。廟南又有一泉，東南流注於長泉水。郭緣生述征記曰：白鹿山東南二十五里有嵇生故居，以居懷慶府志勝八卷之十

七

時有遺竹焉，蓋謂此也。晉袁宏有竹林名士傳三卷，顏延年五君詠嘗引之。○志云：縣北四十里太行山，山南曰陽，故縣名山陽也。太行之北有天門山，山麓有巖可容百家，又名百家巖，上有精舍及嵇康鍛黿存，有池曰淬劍池，臺曰醒酒臺，皆七賢遺跡。再十里爲溫峪山，再二十里爲石峽山，峭壁千仞，懸瀑下注，漚而爲潭，卽黑白二龍潭。○志云：吳澤陂在縣北十里，又十里爲六真阜，以六真人修道之所，故雍城在縣西，攢城在西北二十里，濁鹿城在西北三十里，獻帝卒葬此，又謂之禪陵山。

陽廢城在西北三十五里，寰宇記：山陽城北之秋山卽嵇康園宅也。○漢陳蕃以樂安太守左遷，修武令名舉益振，晉石崇爲修武令，亦有能聲。○邵博見聞後錄云：新唐書韓退之鄆州南陽人，按史記白起攻南陽，徐廣註：河內修武縣也，則退之修武人，以爲鄆州誤矣。

武陟縣在府城東一百里

隋開皇中分修武置武陟，故唐初陞陟州矣。尋後舊○寰宇記云：沁水在縣東二里，卽人亭在縣西南，左傳晉卻至與周爭鄆田，卽此。○志云：古殷城懷慶府志勝八卷之十

六

懷縣城俱在縣界，楚漢之際司馬卬爲殷王，理此郭緣生述征記曰：河內懷縣有殷城，是也。劉聰以郭默爲殷州刺史，都督汴河諸軍事，卽此。按其地去縣東南十里。○縣西四十里有樊城，相傳漢樊噲屯兵之地，又縣西南二十里有晉司馬炎之故城，今名司馬鎮。○晉潘岳在懷縣作二首

河南府屬河南

領州一縣十三

周之王城泰三川郡也郡曰河南置自漢始東漢魏晉以至後魏及隋煬帝皆都之稱尹焉唐之東京宋之西京陪京屬也元爲河南路 國朝改府領州一縣十三○謹按王城周武王西都鎬京而東定鼎于郊鄒周公相成王宅洛邑營澗水東澠水西以朝諸侯謂之王城又謂之東都自後赧王居王城爲西周惠公居成周爲東周成周卽周公營澠水東以處放頑民又謂之下都公羊傳曰成周者何東周也言周道至此始成也○三川河洛

河南府志勝八卷之八

一

伊也其形若鼎漢貨殖傳三河在天下之中若鼎之三足也梁戴嵩煌煌京洛行欲知佳麗地爲君陳帝京由來稱俠窟爭利復爭名鑄銅門外馬刻石水中鯨黑龍過飲渭丹鳳脩臨城羣公邀郭解天子問黃瓊詔幸平陽第騎情伏波營五侯同拜爵七貴各垂纓衣風飄颻起車塵暗浪生舞兒淮南法歌聞齊后聲揮金留客坐饌玉待鐘鳴獨有文園客偏嗟武騎輕唐姚崇東都侍宴遊豫停仙蹕登臨對晚晴川是連倒影巖鳥應虎聲野奏風威曲山居雲作纓今朝丘登上高興小蓬瀛詩揮

登洛故城示黍離離半野蒿昔人城此詎知勞水聲東去市朝變山勢北來宮殿高鴉巢暮雲歸故堞鷹迷寒雨下空壕可憐綏嶺登仙子猶自吹笙醉碧桃

洛陽縣附郭

舊有河南洛陽二縣河南縣在郭下洛陽故城在府城東十三里洛水側成周河南郡尹皆理此隋遷郡治河南縣併移洛陽縣于城中唐末遂與河南縣併置熙寧中省洛陽入河南元祐旋復金以河南縣省入相仍至今○志云故河南縣設在洛

河南府志勝八卷之八

二

水南故漢城中故洛陽縣在邙山南洛水北爾雅山南水北故曰陽也今城乃隋唐東南一隅耳初隋煬帝作東都原無外城至唐武后始命築之今治所有河南縣尉廳壁記唐張景撰準應物任洛陽丞答前長安田少府問詩云相逢且對酒相問欲何如數歲猶早吏家人笑著書告歸應未得榮宦久知疎日日生春草空令憶舊居又縣內間居贈僧滿郭春風嵐已昏鴉棲吏散掩重門雖居世網常清淨夜對高僧無一言○尚書伊洛澠澗既入于河山海經曰謹衆之山洛水出焉水京兆之

上洛縣矣洛水東入縣境逕山上有周靈王冢
又東過縣城南伊水從西來注之○伊水出南陽
縣西蔓渠山東北過伊闕中又東北過洛陽縣南
入于洛澗水出河南廢穀城縣北東與千金渠合
又東過洛陽縣南入于洛○澗水出新安縣南白
石山東南流入于洛註水經云白石山西五十里
曰穀山其上多穀其下多桑有水出焉世謂之亭
麻澗北流注于穀穀水又西澗水注之自下通謂
之澗故尚書但云伊洛澗澗而無穀水之目是得
通稱矣○按周山在縣南十五里一名小亭山下
河南府志勝八卷之八

王

有周谷卽周之采地也城塚記云周三王陵在西
南桓亭東北周山上三王或言景王悼王定王定
當作敬○伊闕在縣西南三十里水經注云伊水
逕前亭西左傳昭二十二年晉箕遺徵右行詭濟
師取前城京相璠曰洛陽西南五十里伊闕外有
前亭服虔曰前讀爲泉周地也昔大禹疏以通水
兩山相對望之若闕伊水歷其間北流故謂之伊
闕春秋之闕塞矣昭二十六年趙鞅使女寬守闕
塞陸機以洛有四闕斯其一耳東巖西嶺然鐫石
開軒高甍架壑西側巖欽泉流東注入于伊水闕

左壁有石銘云黃初四年六月二十四日辛巳大
水書高四丈五尺北齊又銘云永康五年河南府
君循大禹之軌部督郵辛曜新城令王琨部監作
掾童倚李褒斬崖開石平通闕道其文尚存○穀
山與伊闕同里山上有城古周邑也因名穀城山
穀水出焉後因王祥剖水其處謂之孝水潘岳西
征賦云澡孝水而濯纓嘉美名之在茲也後周于
此築孝水茂山有潛亭亦澗水之所出矣○白石
山在縣東南四十里魏武帝樂府南上大石山卽
此山新安縣錯壤今縣東穀水補西通新安○水

四

河南府志勝八卷之八
經曰穀水又東過河南縣北東南入于洛鄆道元
云洛水故瀆又北入穀是也河南記云城西北穀
水之右有石磧磧南出爲苑穀北出爲湖溝魏太
和七年暴水流高三丈此地地下濬以成湖渚造溝
通水東西十里決注惟時穀水又經河南王城北
所謂成周矣地理志曰河南縣故鄆鄆地京相璠
曰鄆山名鄆地邑也十年定鼎爲王東都謂之新
邑是曰王城其城東南名曰鼎門蓋九鼎所從入
也故謂之地爲鼎中左傳宣三年楚子伐陸渾之
戎問鼎於此述征記曰穀洛二水本於王城東

合流所謂穀洛關也史傳周靈王時穀洛二水關
毀王宮王將竭之太子晉諫王不聽遺堰三堤尚
存左傳襄二十四年齊人城邾穆叔如周賀韋昭
曰洛水在王城南穀水在王城北東入于瀍至靈
王時穀水盛出于王城西而南流合于洛兩水相
格有似於關而毀王城西南焉潁谷之者春秋條
例言西城梁門枯水處世謂之苑穀是也戰國策
東周欲爲田西周不下水蘇子見西周君而說之
始下水今其地有故渠卽斯水矣秦滅周以爲三
川郡項羽封中陽爲河南王漢以爲河南郡王莽

河南府志勝入卷之八

五

又名之曰保忠信鄉光武都洛陽以爲尹尹正也
所以重正京畿率先百郡也穀水東流逕乾祭
門北子朝之亂晉所開也穀水又東至千金碣十
二縣境簿曰河南縣城東十五里有千金碣舊堰
穀水魏時更修謂之千金碣石爲碣而開溝渠五
所謂之五龍渠渠上立竭塢之東首立一石人腹
上刻勒云太和五年二月八日庚戌造築此竭蓋
魏文帝修王張故蹟也都水使者陳協所造語林
曰陳協數進阮步兵酒晉文王欲修九龍堰阮舉
協文王用之掘地得古承水銅龍六枚堰遂成水

歷竭東注謂之千金渠逮于晉世大水暴注溝瀆
泄壞又廣功焉石人東脇下文曰太始七年六月
二十三日大水迸瀑出常流上三丈蕩壞二周五
龍泄水南注瀉下加歲久漱齒每澇卽壞歷載消
棄大功故爲今竭更於西開泄名曰代龍渠亦卽
九龍渠也晉惠帝東造石渠於水上按橋西門南
類文稱晉元康二年十一月二十日改治三年三
月十五日畢工并紀列枋門廣長深淺于左右巷
東西長七尺南北龍尾廣十二丈巷瀆口高三丈
謂之畢門橋潘岳西征賦曰秣馬畢門卽此處也

河南府志勝入卷之八

六

穀水又東左會金谷水水出太白原東南流歷金
谷謂之金水又南流逕晉衛尉卿石崇故居季倫
金谷詩敘曰余以元康六年從大僕卿出爲使持
節監青徐諸軍事征虜將軍有別廬在河南縣界
金谷澗中或高或下有清泉茂林衆菓竹柏藥草
之屬莫不畢備又有水碓魚池土窟其爲娛目歡
心之物備矣時征西大將軍祭酒王詡當還長安
余與衆賢共送往澗中晝夜遊宴屢遷其上或登
高臨下或列坐水濱時琴瑟笙筑合載其中道路
並作及住令與鼓吹遞奏遂各賦詩以敘中懷或

不能者罰酒三斗感性命之永不懼凋落之無期
故具時人官號姓名年紀又寫詩著後後之好事
者其覽之哉畢門西北角築有城謂之金墉城魏
文帝起層樓於東北隅晉宮闕名曰金墉有崇天
堂卽此地上架木爲榭故曰樓矣自居創徙宮極
未就權止蹕焉構霄榭于故臺所謂臺以亭亭也
南曰乾光門夾建兩觀觀下列朱桁于塹以爲御
路東曰含春門北有遲門城上西面列觀五十步
睥睨屋臺各置鐘漏雨北連廡陰其廣榭炎夏之
日高敞常以避暑因爲涿水池矣穀水又逕洛陽

河南府志勝

卷之八

七

小城北因阿舊城憑結金墉故向地也永嘉之亂
結以爲壘號洛陽壘故洛陽記曰委雲臺而有金
市金市北對洛陽壘者也又東歷大夏門下故夏
門也陸機與弟書云門有三層高百尺魏明帝造
門內東側際城有魏文帝所起景陽山餘基尚存
孫盛魏春秋曰黃初元年文帝僉崇宮殿雕飾觀
閣取紫白石英及五色大石於太行穀城之山起
景陽山於芳林園樹松竹草木備禽獸以充枊其
中于是百役繁興帝躬自抽土率羣臣三公已下
莫不展力山之東有九江陸機洛陽記曰九江

直作員水水中作員壇三夾水得相逕通賦曰濯
龍芳林九谷八溪芙蓉殺水秋蘭被崖今也山則
塊阜獨立江無復房焉矣○渠水又東枝分南入
華林園歷疏圃南圃中有古玉井井悉民玉爲之
以鑄石爲口工作精密燦然如新又逕瑤華宮南
歷景陽山北山在都亭堂上結方湖湖中起御坐
石御坐前建蓬萊山曲池接延飛沼拂席南面射
侯夾石武峙乃昔山升堂石路崎嶇巖嶂峻嶮雲
臺風觀纓繡帶阜遊觀者升降即閣出入虹陛望
之狀見沒而鸞舉焉其中引水飛翠傾瀾濤布或

河南府志勝

卷之八

八

枉渚聲溜潄潄不斷竹柏陰于管巖繡薄叢於泉
側或微處暫拂則芳溢六空信爲神居矣其水東
注天淵池池中有魏文帝九花叢殿基悉是洛中
碑累之今造釣臺於其上池南置魏文帝茅茨堂
前有茅茨碑是黃初中所立其水自天淵池東出
華林園逕聽訟觀南故平望觀也魏明帝常言獄
天下之命每斷大獄恒幸觀聽之以太和三年更
從今名觀西北接華林隸薄昔劉楨磨石處文士
傳曰文王在東宮安諸文學酒酣命甄后拜坐坐
者咸伏惟劉楨平仰觀之太祖以爲不敬送徒隸

薄後太祖坐步車東城降觀薄作諸徒成敬而
積樞磨不動太祖曰此非劉楨耶石何如性楨曰
石出荆山玄巖外炳五色之章內含和氏之珍雕
之不加文磨之不加磨景氣堅貞受之自然太祖
曰名豈虛哉後爲文學池水又東流入洛陽縣南
池池卽故狄泉也南北百一十步東西七十步皇
甫謐曰悼王葬景王于翟泉今洛陽太倉中大冢
是春秋定公元年晉魏獻子合諸侯之大夫于翟
泉將以城成周班固服虔皇甫謐咸言翟泉在洛
陽東北周之墓地今按周威烈王葬洛陽城東北
河南府志勝八卷之八 九

松螻幕侍臣賈胤對曰在官地爲官螻幕在私地
爲私螻幕令曰若官螻幕可給廩先是有識云螻
幕當貴卽是謂也其一水自大夏門東逕宣武觀
憑城結構不更曾牆夾列步廊參差翼鼓南望天
淵池北瞻宣武場竹林七賢論曰王戎初而清秀
魏明帝於宣武場上爲欄苞虎阱使力士袒褐迭
與之搏縱百姓觀之戎年七歲亦往觀焉虎乘間
薄欄而吼其聲震地觀者無不辟易顛仆戎亭然
不動帝於門上見使問姓名而異之場西故賈充
宅地○穀水又東逕廣莫門北漢之穀門也北對
河南府志勝八卷之八 十

芒阜連嶺修垣苞惣衆山始自洛口西踰平陰悉
芒塹也魏志曰明帝欲平北卽令登臺見孟津侍
中辛毗諫曰若九河溢湧洪水爲害在陵皆夷何
以禦之帝乃止穀水又東屈而逕建春門石橋下
卽上東門也一曰上升門晉曰建陽門百官志洛
陽十二門候一人六百石東觀漢記曰鄧曄爲上
東門候光武嘗出夜還詔開門欲入曄不納由是上益
從門問識面曄曰大明瞭遠竟拒不開由是上益
重之亦哀本初捐節處也橋首建兩石柱銘云陽
嘉四年乙酉壬申詔書以城下漕渠東通河濟南

馬憲監作石橋梁柱敦飭工匠盡嬰妙之巧積立重石累高周具橋工路博流通萬里云河南尹下邳崇儼丞渤海重合雙福水曹掾中牟任防史王陰史趙興將作吏睢陽申翔道洛陽令江雙丞平陽隆監掾王騰之三月起作八月畢成其水依柱文自樂里道屈而東出陽渠昔陸機爲成都王穎入洛師敗於此而返水南卽馬市也洛陽舊有三市一曰金市在宮西大城內二曰馬市在城東三曰羊市在城南亦橋叔夜爲司馬昭所害處北則河南府志勝八卷之八

十一

白社故里也昔孫子荆會董威輦於白社以同載爲榮故有威輦圖又東逕馬市石橋橋南有二石柱並無文刻漢司馬漁陽王梁之爲河南也將引穀水以溉京師渠成而水不流以故坐免後張純腹洛而通漕洛中公私懷瞻是役按劉澄之永初記言城之西面有陽渠周公所制也昔周遷殷民于洛邑城隍偏狹卑陋之所晉侯城成周以居敬王秦又廣之以封不韋由是推之非專周公可知矣亦謂之九曲瀆故十二縣簿云九曲瀆在河南鞏縣西西至洛陽又按傅暢晉書云邾水使者陳

良鑿運渠從洛口入注九曲至東陽門是以阮嗣宗詠懷詩云朝出上東門遙望首陽岑又言遙遙九曲間徘徊欲何之者也陽渠水南暨閶闔門漢之上西門也漢官記曰上西門所以不純白者漢家厄於成故以丹漆鏤之太和遷都徙門南側其水北乘高渠枝分上下歷故石橋東入城逕望先寺寺中有碑書法子丹碑側作龍距勢渠水又東歷故金市南直千秋門右宮門也又枝流入石逕伏流注靈芝九龍池魏太和中皇都遷洛陽經構宮極修理街渠務窮幽隱發石視之常無毀壞遂

十二

因用之其一水自千秋門南流逕神虎門下東對雲龍門二水衡嶽之上皆刻雲龍風虎之狀以火齊薄之及其晨光初起夕景斜輝霜文翠照陸離眩目又南逕通門掖門西又南流東轉逕閶闔門南按禮王有五門謂臯門庫門雉門應門路門路門一曰畢門亦曰虎門也魏明帝於洛陽南宮起太極殿于漢崇德殿故處改雉門爲閶闔門昔在漢世洛陽官殿門題多大篆言是蔡邕所作自董卓焚後魏太祖平荊州漢吏部尚書安定梁孟皇善師宜官八分體求以贖死太祖善其法常仰繫

帳中概之以爲勝宜官非宮勝題咸是鵠筆南宮
既建明帝令侍中京兆尹誕以古篆書之皇都選
洛始令中書舍人沈含聲以隸書書景明正始年
又勅符節令江式以大篆易之今諸桁榜題皆式
書周官太宰正月懸治法於象魏廣雅曰闕謂之
象魏漢官典職曰儼師去洛四十五里望朱雀闕
其上鬱然前天連是明峻極矣洛陽故宮名有朱
雀闕白虎闕青龍闕北闕南宮闕也東觀漢記更
始發洛陽李松奉引車馬奔觸北闕鐵柱門三馬
皆死卽斯地矣渠水又枝分夾路南逕出太尉司
河南府志勝天卷之八

十三

徒兩坊間謂之銅駝街魏明帝置銅駝諸獸於闕
闕門南陸機云馳高九尺卽出太尉坊者水西有
永寧寺熙寧中始創有九層浮圖下基方十四丈
自金露盤下至地四十九丈取法代都七級而又
高廣之其地是曹爽故宅經始之日于寺院西南
隅得與窟室下入地可丈許地壁悉紫方石砌之
石作細密都無所毀渠左是魏晉故廟地今悉民
居無復遺墉也渠水又西歷廟社之間南注南渠
廟社各以物色辨方禮天子建國左廟右社以石
爲王祭則芾冕咸陵元年洛陽大風帝社樹折青

氣屬天元王東渡魏社代昌矣渠水自銅駝街東
逕司馬門南魏明帝始築闕崩壓殺數百人遂不
復築南屏中舊有置銅翁仲處金狄旣淪故處亦
穢唯衆石存焉自此南直宣陽門經緯通達皆列
馳道往來之禁一同兩漢曹子建嘗行御街犯門
禁以此見薄渠水歷司空府前逕太倉南東出陽
門石橋下注陽渠穀水逕閭闔而南土山東水西
三里坂上有土山漢大將軍梁冀所築築土
爲山植林成苑張璠漢記曰山多峭坂以象二嶠
積金玉採捕禽獸以充其中有人殺苑鬼者迭相
河南府志勝天卷之八

十四

尋逐死凡十三人南出逕西陽門漢之西明門也
亦曰雍門矣舊門在南太和中以舊門圯出故徙
而西東對東陽門穀水又南逕白馬寺漢明帝夢
見大人金色頂佩白光以問羣臣或對曰西方有
神名曰佛形如陛下所夢得無是乎於是發使天
竺寫致經像始以榆櫟盛經白馬負圖表之中夏
故以白馬爲寺名榆櫟後移在城內愍懷太子淳
圖中近世後遷于寺金光流照法輪東轉創自此
矣穀水又南逕平樂觀李尤賦曰乃設平樂之顯
觀章秘緯之奇珍華嶠漢書靈帝於平樂觀下起

大壇上建十二重五采華蓋高十丈壇東北爲小壇復建九重華蓋高九丈列奇兵騎士數萬人天子住大蓋下禮畢天子躬擐甲稱無上將軍行陣三市而還設祕戲以示遠人故東京賦曰其西則有平樂都場示遠之觀龍雀蟠蜿天馬半漢應劭曰飛廉神禽能致風氣古人以良金鑄其形明帝永平五年長安迎取飛廉并銅馬置上西門外平樂觀今西平門外獨有此臺巍然廣秀疑卽平樂觀也又言皇女雅殤瘁於臺側故復名之曰皇女臺晉灼曰飛廉鹿身頭如雀有角蛇尾豹文董卓

河南府志勝

卷之八

銷爲金用銅馬徙於建始殿東階下胡軍喪亂此象遂淪殺水又南東屈逕津陽門南故津陽門也昔洛水泛溢漂落害衆津陽城門校將築以遏水諫議大夫陳宣止之曰王遵正已水絕其足朝廷中興必不入矣水乃造門而退殺水又東逕宣陽門南故苑門也皇都遷洛移置於此對閭闔門南直洛水浮析故東京賦曰汭洛背河左伊右瀝者也門左卽洛陽池池東舊平城門所在今塞北對南宮故蔡邕曰正陽之門與宮連屬郊祀法駕所由從出門之儀尊者洛陽諸宮名曰南宮有該臺

臨昭臺東京賦曰其南則有譏門鼎榭邪阻城洫注云譏門水室門也阻依也洫城下池也皆曲屈邪行依城池爲道故說文曰隍城池也有水曰池無水曰隍矣譏門卽宣陽門也門內有宣陽水室周禮水人日在北陸而藏之西陸朝覲而出之水室舊在宣陽門內故得是名殺水又逕靈臺北望雲物也漢光武所築高六丈方二十步世祖嘗宴於此臺得走鼠於臺上身如豹文煢有光輝問諸羣臣惟竇攸素治爾雅對爲麋鼠賜絹百疋亦諫議大夫第五子陵之所居倫少子也以清正爲郡

河南府志勝

卷之八

功曹洛陽無主人鄉里無田宅寄止靈臺或十日不炊司隸校尉南陽左雄尚書盧江朱孟興等故孝廉功曹各致禮餉並辭不受永建中卒殺水又東逕平昌門南故平門也又逕明堂北漢光武中元元年立尋其基構上圓下方九室重閣十二堂蔡邕月令章句同之故引水於其下爲壁雍矣殺水又東逕開陽門南晉宮闕名曰故建陽門也漢官儀曰開陽門始成未有名時有一柱飛在樓上瑯琊開陽縣上言南城門一柱飛去光武皇帝使來親視良是遂豎傳之刻記年月日殺水又東逕

國子太學石經北學記曰古有大學小學教國之子弟謂之國子漢魏以來置太學於國子堂東漢靈帝光和六年刻石鐫碑載五經立於太學講堂前悉在東側蔡邕以熹平四年與五官中郎將高堂谿光祿大夫馬日碑議郎張馴韓說太史令單颺等奏求正定六經文字靈帝許之邕乃自書丹於碑使工鐫刻立於太學門外於是後儒脫學咸取正焉及碑始立其觀視及筆寫者車乘日千餘兩與塞街陌今碑上悉銘刻蔡邕等名魏正始中又立古篆隸三字石經石長八尺廣四尺凡四十

河南府志勝入卷之八

七

八枚積三千丈魏文帝又刊典論六碑附于其次陸機言太學贊別一碑在講堂西下刻石龜碑載蔡邕韓說高堂谿等名太學弟子贊石經東有一碑漢順帝陽嘉八年立碑文云建武二十七年造歲積毀壞永建六年九月詔書重修刻石記年用工作徒十一萬二千人陽嘉九年八月作畢碑南面刻頌表裏鏤字猶存漢石經北有晉辟雍行禮碑太始二年立其碑中折但世代不同物匪停故石經淪跡存毀幾半獨言永久諒用懃焉考古有三雍之文今靈臺太學雖無辟雍處晉永嘉中王

肅劉曜入洛焚毀二學無復孑遺前其基矣穀水於咸東南隅校分北注逕清陽門東故清陽門也亦曰稅門亦曰芒門又北逕東陽門東故中東門也又北逕故太倉西洛陽地記曰大城東有太倉倉下運船常有千計卽是處矣又北入洛陽溝穀水又東左逕爲池又東右出爲方湖東西二百九十步池北七十步故水衡署所在也穀水又東南轉南而東注謂之阮園云阮嗣宗故居穀水又東注鴻池陂百官志曰鴻池在洛陽東二十里丞一人二百石池東西千步南北千一百步四周有塘池中又有東西橫塘水流逕通故李尤銘曰鴻澤之陂聖王所規開水東注出自鴻池也其水又東左合七里澗晉後畧曰成都王伉吳人陸機爲前鋒都督伐京師輕進爲治軍所乘大敗於鹿苑人相登臨死於塹中及七里澗澗爲之滿卽是處矣澗有石梁曰旅人橋也昔孫登居洛陽知楊氏榮不保終思欲遜跡林鄉隱淪忘死楊駿埋之於橋東搜神記曰太康末京洛始爲折楊之歌有兵革辛苦之辭駿後被誅太后幽死折楊爲之應也凡是數橋皆累石爲之制作甚佳未超石與凡書云橋

河南府志勝入卷之八

太

去洛陽官六七里悉用大石下圓以通水可受大
觥過也題其上云太康三年十一月初就功日用
七萬五千人至四月不止此橋經破落更修補今
無復文字○按圖經云邙山在郡西南遠邈至城
北二里曰芒山一名北邙一名平逢山邙山之別
名也都城所枕連亘四百餘里實古今東洛九原
之地後漢梁鴻登邙山作五噫之歌曰陟彼北邙
今噫顧瞻帝京今噫宮闕崔嵬今噫民之劬勞今
噫遼遼未央今噫魏曹植送應氏詩登彼北邙
遙望洛陽山洛陽何寂寞宮室盡燒焚垣墉皆頓
河南府志勝八卷之八 九
穉荆棘上參天不見舊耆老但覩新少年側足無
行徑荒疇不復田遊子久不歸不識陌與阡中野
何蕭條千里無人煙念我平生親氣結不能言其
二清時難屢得嘉會不可常天地無終極人命若
朝霜願得展燕婉我友之朔方親此離集送置酒
此河陽中饋豈獨薄賓飲不盡觴愛至望苦深豈
不愧中腸山川阻且遠別促會日長願爲比翼鳥
施翻起雲翔唐沈佺期邙山詩北邙山上列墳塋
萬古千秋封洛城城中日夕歌鐘起山上雅聞松
柏聲○佩印山以形似而名晉趙諸陵埴在其上

房縣西北六十里有太白原亦皆邙山之別阜也
金水始自太白原東南經金谷曰北原去城西十
三里○東都記云金渥三水合處有千金塢魏陳
思王所立引水東灌民賴之塢傍有九龍祠後魏
文帝修此塢時渠成而水不流嘗見有龍柅之水
不得下用虔祭禱于是龍退而水行○塚廟記云
渥水西南有白仲呂墓前有祠堂題曰真人白君
之表晉永寧二年誌又有長弘祠在水側俗謂之
撞鐘祠○志云翠雲山在城西北十里其上樹木
森列蒼翠如雲故名唐武后禁避暑城于上沈佺
期從幸詩南山奕奕通丹禁北闕峩峩連翠雲○
秦山在西南二十五里諺云秦頭魏尾卽此山下
出泉名沙溝泉南流入洛又十里爲三山三峰巍
然並列故名○委粟山在城東三十里以形如委
粟魏明帝景初三年營爲園丘至今形制尚存○
玉泉山在東南三十里上有泉水如碧玉色泉上
有白龍祠祈禱甚應又五里爲萬安山相傳卽白
石山也山高二百丈鬼峰遠谷冠于洛陽亦名石
林馬融賦云金門石林卽此口歐陽脩六一稿云
唐九僧築菴已亡矣予遊萬安山之玉泉寺于進

士閭交如今之變如舉進士後隱居此山終身不出按此說則萬安玉泉本一山也志云彭母家唐姚崇范仲淹墓俱在此山麓彭母不知何許人宋時有彭婆鎮本此○香山在縣南三十里地產香芍有香山寺樂天堂白樂天云龍門諸寺香山爲最口與僧如滿結社于此卒葬焉李商隱爲誌銘口按龍門山卽伊闕也晉傅毅兩都賦曰因龍門以暢化開伊闕之達聰矣壁上鑿石龕佛像大小千數皆後魏及唐時所造極大者三龕唐魏王泰爲長孫皇后所報火文本記口龍門下有灘曰河南府志勝不卷之八

主

八節灘宋蘇軾詩爲嵩龍門八節灘徘徊伊川買泉石者也又有澗曰龕淵唐史李愚避難居南河之別墅龕淵中謝絕人世卽此口按龍門有八寺其最著者曰奉先曰香山杜甫遊龍門奉先寺已從招提遊更宿招提境陰壑生靈賴月林散清影天闕象緯過雲臥衣裳冷欲覺聞晨鐘令人發深省李白夜宿香山寺詩朝發汝海東暮棲龍門中水張夕波急木落秋山空玉斗橫網戶銀河耿花宮與在趣方逸惟餘情未終口龍門有利涉院宋呂蒙正與溫仲舒讀書于院之上窟中後蒙正狀

元及第仲舒中第三名文穆詩曰怪得池塘春水滿夜來雷雨起南山蓋自況也此邵氏見聞記所載○香山傍有厥山青蘿山仙人王旻所居又迤西三十里有八將山唐尉遲敬德與單雄信八將合戰于此○郡國志云銅駝街在城東關漢置銅駝二千宮南四會道頭夾路相對諺語金馬門外拜生賢銅駝陌上集少年言人物之盛也○陸機記云洛陽有九觀臨商陵雲等八觀在宮西惟絕頂一觀在東是號九觀又有三市大市名金市在大城西南市在大城南馬市在大城東金市卽臨河南府志勝不卷之八

主

商觀西先爲金故曰金市市南有寺亦以長秋爲名馬市舊置有丞漢書王充字仲子受業太學家貧無書嘗遊洛陽市肆間閱所賣書一覽成誦卽此○洛城有十二門俱在縣北九里故城內宮殿臺觀並有閤闔左右出入城內皆三道公卿尚書從中道凡人左右不得相逢夾道中植榆柳以陰行人故朱超石與兄書云洛下道路本好青槐陰映可愛也簡文帝洛陽道詩洛陽佳麗好大道滿春光遊重時挾彈戲妾日持筐金勒照龍馬羅袂拂春桑玉車爭競入潘果溢高箱沈約前題洛陽

大道中妖麗實難比燕裙傍日開趙舞隨風靡領
上葡萄繡腰中合歡綺佳人殊未來薄暮空徙倚
○洛陽城東門曰建春門亦曰上東門在寅地晉
改爲昌門後漢書張純傳光武帝建武中曾引洛
水至建春門外謂之漢陽渠獻帝末袁紹橫刀揖
董卓曰天下健者豈惟董公乎乃懸節於上東門
而去漢書儀云冊皇子爲諸侯王皆于上東門故
漢公卿餞太子賓客疏廣及受於上東門矣晉陽
秋云王衍見石勒倚欄於上東門徐使召之已去
○南面四門東曰開陽在巳上即瑯琊開陽縣飛

河南府志勝八卷之八

三

來者御道東有景明寺寺西有園多生奇菓春鳥
秋蟬鳴聲相續加以禪閣虛靜隱室凝邃嘉樹夾
牖芳杜匝階雖云朝市想同巖谷內有石銘一所
國子博士盧白頭爲其文白頭字景裕范陽人○
次西漢曰平城門在丙上晉改曰平昌門郊祀法
駕由此出入又次西漢曰小苑門在午上晉改曰
宣陽門門內有水井卽譚門滅水處也述征記曰
水井在凌雲臺北凌雲臺高二十三丈登之可見
孟津魏文帝所造梁謝舉詩云綺甍臨柱棟隱映
見橋河勢高凌上井臨迴度金波易覺涼風至早

開飛鴈過幸屬此遐遮知承雲霧多明帝又築有
闕鷄臺曹植樂府關鷄篇正詠此事○又次西漢
曰津門在未上後漢書靈帝中平三年鑄天祿螭
蓋于平津門外註云天祿獸名此當洛水浮橋之
F光武帝七年洛水溢至津城卽此○西面有三
門廣陽門在中上述征記云廣陽門西南有試弩
欄西北有射雉觀十二縣境簿云蘭觀在廣陽門
次北漢曰雍門在酉上晉改曰西明門門內御道
北有建中寺本閭官司空劉騰宅御道南有永康
里標井得銘云漢太尉荀彧宅又次北曰上西門

河南府志勝八卷之八

五

在戌上晉改曰闔闔門上有銅璇璣玉衡以齊七
政御道南有景樂寺太傅清河文獻王懌所立朱
門黃閣擬之仙居○北面有二門其西漢曰夏門
晉改爲大夏門在亥上魏畧云黃草燒南北二宮
魏武帝更於夏門內立北宮至陽帝又造之曾樓
高十丈晉宮闕簿云宣武觀在大夏門內東北上
故云南望天淵池北瞻宣武場也場以明帝格闕
猛獸而名宣武矣今改曰歸義門卽九江池遺址
東京記其地曲象東海之洲居池十頃水深丈餘
魚鳥翔集花卉羅植于內○次東者漢曰穀門晉

改曰廣莫門正在丑上九州記云魏明帝引穀水過九龍祠前爲玉井皆以白石甃之卽此地也○按洛陽志故城中有南宮故址在秦時已有之秦雖都關中猶倣東周之制建宮闕于洛陽南北二宮相去七里中央作大屋複道左右十步一衛漢書高帝五年五月置酒南宮問羣臣所以得天下之故六年上從複道見諸將偶語乃封雍齒爲侯卽此後漢書更始馬奔觸北宮鉞柱至光武幸南宮却非殿遂定都焉蓋自高帝迄于王莽南北宮武庫本皆廢也後魏文帝幸洛陽巡故宮遂詠

河南府志勝八卷之八

五

泰離之章羣臣侍從無不感愴至隋煬帝因校獵登北邙山觀伊闕顧謂侍臣曰得非龍門耶自古何不建都于此侍臣蘇威對曰以俟陛下耳遂定議都焉因詔楊素營之大業九年成其宮室北據邙山南直伊闕臺殿榭觀皆宇文愷所創巧思營布前代都邑罕與爲儔洛水自苑內上陽宮南瀾漫東注宇文愷築爲斜隄令東北流水衝作堰九所形如偃月因謂之偃月陂○上陽宮一名西宮南臨洛水西距穀水東卽宮城北連禁苑宮內正門正殿皆東向唐天寶後六宮有美色無寵者輒

置上陽苑陶詩云津頭春水浸紅霞煙柳風絲拂嘶斜翠輦不來金殿閉宮鶯飛出上陽花寶庠詩云愁雲漠漠草離離太掖勾陳處處疑薄暮殘垣春雨裏殘花猶發萬年枝○隋煬帝以洛水貫都有一天漢之象遂造天津橋以架洛水用大纜維舟皆以鐵鎖鈎連之南北夾路對起四樓其餘爲日月以表勝焉然洛水溢浮橋輒壞唐貞觀十四年更立石工累方石爲脚宋建隆二年西京留守向拱重修更加層累址高數丈鏡其前以疏水勢雄壯逾前詔書褒美禮部員外郎謝祥撰碑見存亦

河南府志勝八卷之八

五

卽宋邵雍在天津橋頭閒杜鵑處又有中橋唐咸通三年造劣如天津之制唐姚合天津橋春望詩閒立津橋上寒光助遠林皇宮對嵩頂清洛貫城心雪路初晴出人煙向晚深自從王在鎬天寶至如今邵雍天津幽居詩天子舊神州葱葱氣象浮園林閒近水殿閣遠橫秋浪雪若猶在橋虹晴不收人間無事日此地好淹留其二于家洛城裏况復在天津日近先知曉天低易得春時光優化國景物厚幽人自可輕軒冕閒中老此身○河圖志云黃帝坐玄扈臺郭璞注在洛汭志以東城外紫

金臺是兼有洛神廟在東關相傳處妃之女溺死
于洛水因為神左太冲魏都賦云處妃攸館者也
曹子建序黃初三年余朝京師還濟洛川古人有
言斯水之神名曰處妃感宋玉對楚王神女之事
遂作賦焉世說諸名士其至洛水戲還樂令問王
夷甫曰今日戲樂乎王曰裴僕射善談名理混混
有雅致張茂先論史漢靡靡可歎我與王安豐說
延陵子房亦起超玄著唐李嶠詠洛川詩九洛韶
光媚三川物候新花明丹鳳浦日映玉鷄津元禮
期仙客陳王觀麗人神龜方錫瑞綠字佇來臻李
商隱涉洛川詩通谷陽林不見人我來遺恨古時

卷之八

壬

春處妃沒結無窮恨不為君王殺灌均○志云雲臺
在水南保後漢明帝圖畫中興二十八將形像于
此○九華臺魏書黃初七年壬子駕還洛陽三月
築此臺又有黃臺唐太子賢黃臺種瓜益詠其事
○都亭在官路傍即漢張綱埋輪處○士卿亭後
漢書馮異引軍渡河力戰于此○夕陽亭晉賈充
出鎮百僚餞送以至日西故名唐時亦為士人餞
送之所更名河亭李益河亭奉酬留守郡公離亭
餞落照臘酒減征衣歲晚烟霞重川寒雲樹微茂

裴千里至舊路十年歸還似汀洲鴈相逢又背飛
○廟宅記云周六廟在縣西南三里建隆元年移
置在彰善坊漢七廟在縣西北八里精善坊晉五
廟在恭安坊後唐明宗五廟在福善坊俱與漢廟
毗連○蘇秦宅在利仁里後蜀東魏尚書高顯業
宅每夜輒有赤光乃於光處掘得金百斤銘曰蘇
秦顯業因為造寺見洛陽伽藍記○李膺宅在延
年里元禮風格秀整高自標持後進有升其堂者
皆以為登龍門○董卓宅在永和里掘地輒得金
玉寶翫後魏邢昺掘得丹砂及錢銘曰董卓師之

卷之八

壬

物後夢董見索綯慘不遑經年無病而卒此述異
記所載○晉潘岳宅在縣南七里岳中平人奉母
居此名曰西宅○石崇宅在東陽門內大街北太
倉西南有池水謂之翟泉是也池南有綠珠樓經
過者猶想見其姿容焉李商隱詩日暮東風怨啼
鳥落花猶似墜樓人○統志云凝翠堂在唐時郡
治內永徽年賈敦願敦實前後為刺史址有惠政
後人又為建棠杖堂○綠野堂在城東集賢里唐
丞相裴度建穿山築池有午橋莊青松嶺諸勝○
九老堂在候道坊侍郎白居易宅同時有九老會

因繪爲圖○耆英堂在城東舊資聖院宋留守西
京文彥博慕樂天之風乃集洛中耆英爲之凡十
三人又慶曆間歐陽修張堯夫尹師魯楊子聰梅
聖俞張太素王幾道爲洛中七子會○宋趙普宅
在城南普時爲西京留守已病詔請闕乘小車一
遊第中行至汴京辛普有園將作大匠營治制伴
禁省相近有曹彬宅武惠真定人爲宋將退居洛
陽所居僅庇風雨處之怡然○呂蒙正宅在南海
坊卽張觀文宅也真宗祀汾陰過洛文穆尚能迎
謁及回鑾已病驚帝親幸其宅問卿諸子孰可用
河南府志勝入卷之八 无

對曰臣諸子皆豚犬有姪夷簡宰相才也相傳宅
中御坐處後歸張氏亦不敢燕寢云○王文康宅
在陶化坊文康路州長子人也至今謂之西州王
相公宅○張齊賢宅卽裴晉公午橋莊也其詩云
午橋今得晉公廬水竹烟花與有餘師亮白頭心
已足四登兩府九尚書師亮齊賢字○呂公著宅
在白獅子巷張知白宅西○富鄭公宅與邵康節
宅相近俱在天津橋南康節自命其所居爲安樂
窩時遊城中士大夫識其車音爭相迎候或留信
宿乃去好事者別作屋以候其至名曰行窩康節

和富公詩道堂閒話儘多時塵外杯觴不浪飛初
上小車人已識醉和風雨夜深歸○洛陽記云漢
憲園在縣東北冲帝母虞美人拜憲園貴人卽此
又有敬園安帝祖母朱貴人所居及逍遙園皆後
漢時園也○平樂園魏明帝造卽平樂觀之地也
今城東平樂觀是○華林園在城東北晉武帝太
始四年與羣臣飲宴賦詩于此○潘岳園背京汴
伊面郊後市見洛陽閒居賦○唐東御園名獅子
園在修行坊又有西御園名榆柳園與獅子園相
對○太平公主園在積善坊○富春園在城東闕

河南府志勝入卷之八

三

元微之白樂天常所眺詠○平泉庄在縣南二十
里李衛公園也有平泉樹石記○牛僧孺園在歸
仁坊宋丞相李昉新亭其上○呂文穆園在伊水
上有亭三一在池內二在外架橋相屬○文潞
公園本藥園上地薄東城水渺彌甚廣泛舟如在
江湖間○苗師園本開寶宰相王溥別業景物蒼
老復得完力藻飾之遂甲于洛中○富鄭公園在
其第之東鄭公既謝政不通賓客燕息此園幾二
十年亭臺花木皆出匠心故逶迤衡直甚有奧思
○獨樂園在城南司馬溫公判西京留臺買宅草

賢坊築之公自作記蘇軾詩云青山在屋上流水在臺下中有五畝園花竹秀而野○董氏二園在城中有東西之隔俱以水勝洛人盛醉者往遊輒醒俗名醒酒池○胡氏二園在卽山麓臨瀝水岸穿二土實深百餘尺實外有亭○環溪松島亦俱洛下園名環溪者華亭京榭豁光園之如環也松島蓋數百年物其東南隅二松尤奇

河南府志勝

卷之八

三

中興
縣志
卷八

偃師縣在府城東七十里

漢縣古帝學所都商有三亳成湯居西亳其地至盤庚又自河北徙都於此改加口殷卽殷之新都矣偃師故城在縣西十里周武王伐紂回偃息師戎于此故名又河南有鉤陳壘卽周王八百諸侯所會處尚書所謂不期同時也○圖經北邙山在縣北二里注水經以爲芒山魏文帝起玄觀于芒垂張景玄賦云高樓特起棟峙若堯直亭亭以孤直延千里之清颺也山下有溝曰通山溝深二丈濶百尺南起卽山北通孟津世說晉王武子被河南府志勝入卷之九責移第北邙濟好馬射埒編錢巾地竟埒時人謂之金埒○郡國志云首陽山在縣西北二十五里每日方升光必先及故名春秋之所謂首戴也乃夷齊歌所矣山上有三碑竝是後漢河南尹廣陵陳藻洛陽令徐循與處士平陽蘇騰南陽何進等立事見厥碑碑側有夷齊廟後人併建周公廟于其左城塚記云魏文帝陵在首陽山南晉杜預唐杜甫墓俱在此山○九州要記縣南有乾脯山以周敬王于此曝乾脯而名又有覆舟山昔盧敖登嵩嶽望覆舟如蟻蛭黃河如帶者也陶季述言

記云覆舟山周迴二十里其下有林號白水苑又有尸鄉神異傳云祝鵠翁洛陽八居尸鄉山下養鵠百餘年後尸解去劉澄之永初記以爲尸鄉石室仇生所居矣○一統志云縣西南三十五里有袁術固後漢袁公路所築四周絕澗甚險其中可容十萬人一夫守險萬夫莫當東去十里有曹公賊標與袁術相拒者隋地理志大業二年設緱氏縣于公路澗西憑听爲城○按緱氏縣本春秋滑國莊十六年滑伯同盟于幽信二十年鄭人入滑是也古滑城在緱氏縣東十六里又南二十里爲河南府志勝八卷之九

緱氏山昔王子晉升仙處上有石室飲鵠池一名覆釜堆亦名赴父堆卽緱嶺也嶺下有澗名半馬澗亦名百馬澗或謂之拜馬澗古老傳言子晉得仙而馬還國人思之不見乃拜其馬于此有緱仙廟唐宋之間詩王子賓仙去飄飄笙鶴飛徒聞滄海變不見白雲飛天路何其遠人間此會稀空歌日云暮霜月漸微微○盧氏崑山記云子晉學道于洛鹿澗澗傍有靈星塢一名延壽城此塢有道士浮丘公棲其登仙之所又漢書李膺罷歸緱氏教授生徒給事論鄭注于此處○寰宇記云崑山

在廢緱氏東南八里詩曰崑山維河卽此山也黃馬坂在緱氏西北一里戴延之四征記云次前至黃馬坂去計索渚十里是其地也○半石山在緱氏南十五里山海經半石之山其上有草焉高丈餘華莖皆赤而不實其名嘉榮服之者不畏雷電○鄂嶺坂在緱氏東南三十七里晉八王故事云范陽王保於鄂坂後于其上置關是也○柏谷塢在緱氏東北西征記云塢在川南因原爲塢高數丈十六國春秋姚洸部將趙玄保此塢爲檀王所破塢西有二寺亦在原上入谷數百步有二佛像

河南府志勝八卷之九

精巧美麗有牛春馬鍬水碓之利南宋書武帝西征營軍于柏塢西有三壘相連如鎖名鉤鎖壘按緱氏廢縣在今縣南二十里城址見存○塚廟記云漢田橫墓在縣西十里韓昌黎集唐貞元十一年九月愈如東京道出田橫墓下感橫義高能得士因取酒以祭爲文以吊之云○晉王弼墓在城南三里鍾繇墓在城東八里○唐許遠墓頗真卿墓俱在縣西寺莊保又有割乳水在縣西二十五里不著何義

鞏縣在府城東
百三十里

郭緣生述征記云鞏縣周之豎伯也左傳昭二十六年晉師克鞏逐王子朝杜預注云周地河南鞏縣也史記顯王二年西周惠公少子珪於鞏以奉王號東周皇甫謐曰以王城爲東周故鞏爲西周其子武公爲秦所滅秦莊襄王元年韓獻成皐鞏秦界至大梁漢以爲縣屬河南郡晉宋不改縣本與成皐中分洛水西則鞏東則成皐○郡國志云小平城漢縣廢址在今西北有河津曰小平津卽城之隅也黃河西自偃師縣界流入於此有五社渡又爲五社津後漢朱鮪遣賈強從五社津

河南府志勝八卷之九

四

渡是矣黃河又南明溪水注之左傳昭二十二年晉軍于絳泉杜預注云鞏縣有明溪泉注水經謂明洛泉今俗謂之五道泉○水經又云洛水東經洛汭北對瑯琊渚入于河謂之洛口清濁異流礪焉殊別亦名什谷史記張儀說秦王下兵三川塞什谷之口者也一云鄆谷京相璠曰今鞏洛渡北有鄆谷水東入洛謂之下鄆故有上鄆之名亦謂之北鄆於是南鄆北鄆之稱○志云鄆城在縣西南洛口保昔禹封夏伯于此後太康亦居之竹書帝太康元年卽位荆鄆敗于洛表者也沈約晉

書以有晉城石勒攻趙出于鞏之問卽此所初李密自潁川率羣盜十餘萬破洛口倉因據鞏縣築城以斷洛川包南北山周廻三十餘里屯營其中後爲王世充所破○統志云夏臺在縣西南舊傳謂桀囚湯處又五十里有黑雲山以成湯于此禱旱黑雲忽降故名○虎頭山在縣南西與駱駝嶺兩山對峙飲馬溝在城東七里漢呂布屯虎牢時飲馬于此○侯山在縣東南二十五里盧元明嵩山記云漢有王彥者隱于此山景帝累徵不出就而封侯故名至今指所在爲王彥壘通志謂

河南府志勝八卷之九

五

之王亥山○岑原丘在縣西北三十五里注水經以鞏縣北有山臨河謂之岑原丘有穴謂之鞏穴言山潛通淮濟北達于河直南有渚謂之鮪渚成公綏大河賦云鮪鯉王鮪暮春來遊者也○九山在縣西南五十五里水經注以桐瀾水北流經九山東仲長子論昔密有十成者身遊九山之上放心不拘之鄉謂此山矣山際有九山廟碑晉永康二年立文云九山府君太華元子之碑○轅轅山在縣東南七十里左傳襄二十一年樂盈過周王使候出諸轅轅注關名也按薛綜注東京賦轅

轅坂十二間道將去復還故曰轅轅漢河南尹何進所置八關此其一也○按樂史勵旋史記周惠公封少子鞏無歲月亦無名今所載蓋參以皇甫謐帝王世紀言之玄晏以王城爲東周鞏爲西周今世紀無此文恐常外誤又云其子武公爲秦所滅按史記注西周武公卽惠公之長子計其襲封距周滅之年甚遠恐亦誤書○汴京遺蹟云宋太祖而下至哲宗諸陵俱在縣西南界其曰永昭陵乃仁宗陵也劉信叔詩干戈消弭歲豐登邊將無功吏不能四十二年那忍說西風吹淚過昭陵

河南府志勝

卷之九

水

孟津縣

在府城東北七十里

水經注云河水于斯有盟津之名盟與孟通用昔老帝禹受河圖周武王白魚入舟中皆是處也後漢光武北徇燕趙拜馮異爲孟津將軍於此世說吳郡蔡洪入洛語洛人曰夜光之珠不必于孟津之河今河渚有采珠津○志云當縣金時始置鎬金昌府卽古孟津渡也顏師古註漢書云津在洛陽北都道所湊故曰孟津矣漢爲平陰縣晉曰河陰唐曰河清○按平陰故城在縣東南三十五里左傳昭二十三年晉師次平陰杜預注云今河陰

河南府志勝

卷之九

水

漢光武原陵明帝高平陵靈帝陵晉景帝陵俱在縣界按孟津一名高平津明帝陵名本此○水經注曰河水又逕臨平亭北世紀稱光武葬臨平亭南西望平陰者也河之南岸有碑題云洛陽北界水二者爲之舊有河平侯祠郭頌世語曰晉文王之世大魚見孟津長數百步高五丈頭在南畔尾在中渚河平侯祠卽斯處矣河亦又東逕平陰縣故城北漢武帝封濟北貞王子劉遂爲侯國王莽所謂治平也俗謂之小平有漢高祖講武塲河北側畔二城相對置北中郎府按鄭樵通志云四中

卽將並後漢置

宜陽縣

在府城西
南七十里

宜水在縣西五十里本名西渡自永寧縣界流經
宜谷西南入洛有注泮水西自龍池界來昌谷水
東南自陝州界來俱注之按縣在宜水之北水北
曰陽故名宜陽後漢書赤眉樊崇與劉盆子遇光
武于宜陽其西城門卽奉光武壁綴處也唐李肇
詩宜陽城下草萋萋澗水東流復向西芳樹無人
花自落春山一路鳥空啼○志云錦屏山在縣南
山外春時花卉繁盛如錦唐武后遊此賜今名上
河南府志勝不卷之九

有玉柱峰下有烟霞亭諸勝唐呂巖詩時當海晏
河清日白鹿閒騎下翠臺本爲君平川裡去不妨
却到錦屏來宋邵雍詩錦屏山映一川霞桃李爭
妍二月花試向宜陽高處望故宮祿作野人家○
壽安山在縣東十三里水經注以甘水導于山曲
之中故世人目其所爲甘棠志云召伯所嘗聽訟
之地故後魏析置甘棠縣隋改爲壽安唐改福昌
矣縣西北有勝因寺卽甘棠驛故址○注水經云
宜陽洛水側有墨山石盡黑可書按在縣西南二
里又七里爲公山以山形如公字又云山頂有馬

公廟故名○志云神林谷在縣西疊石溪在縣南
各去五里宋司馬光邵雍嘗游于此溫公詩云石
下泉聲蔓草深石上露濃蒼苔遍山禽驚起飛且
鳴葉墜空林人不見康節詩云兩轡並遊疊石溪
斷崖還合與雲齊飛泉亦有留人意肯負他年到
此按○寰宇記云鹿蹄山在縣西南三十五里俗
名非山上多美玉下多黃金甘水出焉西北流注
于洛註水經以甘水出鹿蹄山俗亦名縱山東非
流逕一故城在非山上世謂之石城也又縣東南
有九曲城高齊樂注水經云洛水自宜城而東經
河南府志勝不卷之九

九

九曲其南有坂穆天子傳所謂天子西征至于九
曲是也○女几山在縣西九十里唐李賀集白蘭
香神女上昇遺凡在焉志以晉女娥彭汲器所化
之地唐羊士諤詩女几山頭春雪消路傍仙杏發
柔條心期欲去知何日惆悵回車上野橋宋邵雍
詩予看山多矣未嘗逢此奇巨唯如格虎險石若
張旂雲氣閒舒卷巖形屢改移丹青難盡處四面
盡如斯

永寧縣

在府城西
南二百里

縣有龜窠鹿臺龍頭山皆禹治水之迹也龜窠在

城西洛水北畔即禹治水時龜呈瑞處鹿臺有
縣北七十里相傳洪水時禹至此見一山獨出此
臺又謂之高霞臺龍頭山在縣西四十五里以形
似龍首而名其下卽洛水所出矣有玄扈水溪水
嶠水穀水永寧川水俱來注之按玄扈水出縣西
五十里之陽虛山昔黃帝臣峒隨帝南巡登陽
虛之山者也溪水出縣西南三十里之金門山一
名律管山九州要記云金門之竹可爲律管是矣
嶠水出縣北七十里嶠山一名欽峯山春秋僖三
十三年晉人及茂敗秦于嶠卽此山孔甲陵在
河南府志勝入卷之九

其下計自東嶠至西嶠相去三十五里路極險絕
穀水下過嶠底經韓城入洛山海經云熊耳之山
西有村曰嶠家穀水出焉其下多珣玉接熊耳山
有兩峰界盧氏永寧二縣間西魏曾以此設熊耳
縣隋義寧間徙治永固城始爲永寧縣有永寧川
在城東六十里自洛南經鞏縣入河迤北爲回溪
水卽後漢馮異與赤眉賊交戰處也俗謂之回坑
○志云延壽山在縣西五里上有香泉飲之延壽
故名嶠嶠山在縣西北三十五里相傳廣成子憩
息之所上有龍井及河濱廟一名山記云天壇山

在縣西四十五里一名壇屋山相傳禹敘九疇于
此宋王子由紀異云其山早暮有影俱深碧色旦
則在西直插天際日高則臥與海接暮影在東先
卧後立他山所無也壇上有仙燈王母洞中嚴有
仙貓洞世傳燕真人丹成鷄犬俱升貓獨不去至
今尚有見者○志云王官谷在縣東四十五里天
山山中極爲邃宮魚舂嶺在縣東北七十里摩雲
嶺在縣西八十里俱以高峻峭削而名九經澗在
縣西北百八十里相傳光武遂路往來九次遇一
老人指之而出故名○志云縣西有崎嶇官唐顯
河南府志勝入卷之九

慶三年建王建詩云玉樓傾倒粉牆空重疊青山
繞故宮武帝去來紅袖盡野花黃蝶領春風又二
十里爲蘭峰宮亦建自顯慶○永寧宋時陵寢多
在焉曾陞爲永安軍范公稱過庭錄云先右丞守
永安時修曹后山陵曾魯公主其事篤促郡縣甚
亟右丞若恬不加意魯公詞色俱厲右丞曰山陵
財用已逾二倍民力竭矣永安陵寢所在正宜惜
一方力以堅崇奉已而命吏若論之誠如其言魯
公大激切稱歎

新安縣在府城西

春秋西周地秦曰新安矣田公闢在縣城東三里
漢武帝從楊僕請所移之新關也昔項羽詐坑秦
軍卽此處○志云慕容山在治後燕慕容垂屯軍
於此故名○古要山在治西止二十里一名強山
山海經曰帝之密都北望河曲是多駕鳥南望禪
者轅水出焉有草黃華赤實服之益人顏色○缺
門山在縣西三十里兩山相對澗水中流其形有
似于門又五里爲爛柯山相傳王子喬觀奕爛柯
處也○金水發源縣東止之白牆村東南流與少
水同入澗水山海經曰櫟嶺之山少水出于其陰
河南府志勝入卷之九 三
是矣○千秋亭在澗水傍其澗亦曰千秋澗晉潘
岳喪子之處西征賦云大赤子于新安坎路側而
瘞之亭有千秋之號子無七旬之期隋大業中移
澗池縣此地置今之新安驛是○志云蘇秦墓在
縣城西有古碑唐張巡時沙埋古篆折碑文六國
存亡事繫君今日凄凉無處說亂山秋盡有寒雲
○杜甫重題鄭氏東亭詩自注在新安界卽鄭嗣
馬潛曜所居也詩曰華亭人翠微秋日亂清輝崩
石欹山樹清遶曳水衣紫鱗猶嘶曜蒼隼護巢歸
向晚尋征路殘雲傍馬飛○甫有新安吏詩客行

新安道喧呼問點兵借問新安吏縣小吏無丁府
帖昨夜下次選中男行中男絕短小何以守王賊
肥男有母送瘦男獨伶仃白水林東流青山猶哭
聲莫自使眼枯收汝淚縱橫眼枯却見骨天地終
無情我軍收相州日夕望其平豈意賊難料歸軍
星散營就糧近故壘練卒依舊京惺惺不到水牧
馬後亦輕况乃王師順撫養甚分明送行勿泣血
僕射如父兄
澗池縣在府城西
百六十里
澗水在縣南源出馬頭山東流過千秋嶺與澗水
合說文鼃似蛙而腹大池內產此因名志云縣東
北三十里之廣陽山卽澗池山也北溪水出焉流
入澗史記秦昭王二十年趙惠文王秦昭王相會
澗池趙王鼓瑟秦王擊缶有秦趙城亦名俱利城
在縣西十三里俗名東西城相去里許注水經云
穀水東經秦趙二城南漢高八年復澗池中鄉民
卽此又縣東四十里有義昌鎮乃漢三老董公遮
說漢王爲義帝發喪處故曰義昌○寰宇記云穀
山在縣南八十步穀水出于其上也謂山在縣北
三十里左右兩峰狀如日月按唐初兼置穀州與

縣其理金置韶州蓋以此二山名矣○郡國志云漢灑池城與灑池水源南北相對曹操移縣西六十五里之蕞城賈逵爲令時所埋也隋大業初移縣東二十五里新安驛十二年復移理大塢城唐貞觀年始自大塢移今所相沿不改○名山記云天壇山在縣東北十八里高五百丈四絕如墮後魏孝文西巡致祭又五里爲白石山澗水所出也方山田山俱在縣東北三十里以山形四方及頂平可耕而名○縣北有雲門山其寺曰雲門寺西北有王喬洞去縣二十里山石皆土所成取而破

河南府志勝

卷之九

十

之木葉之形交錯其間文理具在若雕刻然洞之上二木亦皆化石而產枝葉猶故其舊碑云昔神仙大丹成土木皆化爲石

嵩縣

在府城南百八十里

其地在嵩嶽西金之嵩州也 國朝降縣○本土伊闕地秦晉遷陸渾戎于此故漢置陸渾縣昔辛有適伊川見被髮而祭于野者曰不及百年此其戎乎後果有陸渾之遷縣以氏焉晉昭公十七年晉取陸渾之地蒯城守之春秋書曰晉趙鞅帥師滅汝濱其城仍名汝濱城○寰宇記云伊水在縣

南二百步有縣北五里之高都澗又七里之龍駒澗縣南六里之王母澗又八里之空桑澗俱流入伊水昔有莘氏女採桑伊水上得子于空桑及長爲伊尹卽此處也○統志云三塗山在縣西南十里周書武王南望三塗春秋晉伐陸渾請有事于三塗是矣伊水經其下 釐山在縣西山海經曰山陽多玉陰多菟有獸其形如牛蒼身音如嬰兒食人名曰犀渠○思遠山在縣西北十里上有龍興寺則天后于此避暑俗呼石巖山○奉牛山在縣東下有靈泉寺七峰山在縣南山有七尖各去

河南府志勝

卷之九

五

縣三十里○奉牛之北十里爲介立山唐武后到山半見神人立雲霧中故名又東北四十里爲方山注水經以山介立豐上單秀孤特故世謂之方山劉澄之謂卽陸渾山也宋之問陸渾山莊詩歸來物外情負杖閱巖畊流水看花入幽林采藥行野人相問姓山鳥自呼名去去獨吾樂無能媿此生○志云惠明山在縣東八十里本草圖經蒼木出惠明山卽此其地有鳴皋山嘗有白鶴飛鳴其上李太白詩若有人兮思鳴皋阻積雪兮分心煩勞○伏牛山在縣南三百里唐貞觀在禪師修行之所

又其地有石崩山山上有石如扇故名宋之閒遊
陸渾南山自歇馬嶺到楓香林以詩代書答李舍
人適詩云晨登歇馬嶺遙望伏牛山孤出羣峰首
巖巖元氣間太和亦崔嵬石崩橫閃條細岑互攢
倚浮巖競奔蹙白雲遙入懷青雲近可掬徒尋靈
異迹周顧愜心口晨拂鳥路行暮投人煙宿關關
踏雲雨綠繞啄水木西見商山芝南到楚鄉竹楚
竹幽且深半雜楓香林浩歌青潭間寄爾桃源心
○塚記云元魯山墓在縣北二十五里李華撰碑
文李陽水篆額顏真卿書魯山有德行時呼爲四
河南府志勝天卷之九 七

絕碑○宋邵康節墓在縣北新店保程頤銘

盧氏縣

在府城西南
三百四十里

遁甲開山圖云盧氏山宜五殺可避水災統志云
茅峪山一名伏龍山在縣東十里有雲溪洞漢
盧敖得仙於此縣因之名矣○郡國志云西虢之
別邑也隋開皇曾置虢州焉有莘原左氏莊三十
二年神降于莘註疏莘虢地也唐初李密據之爲
盛彥師所殺故有斷密淵及馬回川諸跡馬回川
者以彥師攻密回師此川密曾封于邢故又有邢
公山矣○十三州志盧氏有孔子燕居堂西北隅

聖顏曾像曰傳道堂按在縣東南十里地名文略
社○漢地理志盧氏縣有熊耳山伊水出焉東北
注于洛按熊耳山在縣西南五十里開山圖云熊
耳山有金匱石室夏禹藏書之所禹貢導洛至熊
耳是也洛水經縣城南有溫澗水源出鎮嶺溫湯
水源出惡峪灑于樂川而注洛水○沙河在縣東
門外漲減無常如沙善徙故名有盧渠水自白石
引沙河出東北穴城而入分爲東西者二又析
爲六有澗渠水引沙河出東門外環城而南以注
于洛○志云九龍凹在縣北其凹有九狀如缺環

河南府志勝天卷之九

七

中有九龍廟○大小花園二俱在范里社之像車
山相傳漢張芝采銀于此今銀洞中有大小花園
洞是也○抱犢山在縣東南九十里四周險絕頂
夷可耕俗傳農夫抱犢其上以資耕種故名○大
淙潭在縣東北九十里潭中石甕圍五十餘步其
深莫測後有大淙按自像車山下各去縣八九
十里又縣東南百八十里有黃花潭潭內有甕可
圍半畝不知所出○通志云堽平山在縣東百四
十里山形似兇牟而名遞進向縣西爲朱陽山出
檀木爲弓材又逶迤至縣西爲石門山山形如門

也後魏地形志太和年析置朱陽縣正始年析置石城縣俱以是名矣○按朱陽縣在縣西南一百八十里石城一名玉城去縣二十五里其地與靈寶縣相錯故併載之○舊說房琯開元中嘗宰盧氏與道士册和璞出遊過夏口村入廢佛寺坐古松下和璞使人鑿池得甕中口藏要師德與承禪師像謂琯曰頗憶此和瑯始悵然悟前生之爲承師也

登封縣在府城東百四十里

漢置陽城崇高二縣唐置告成登封二縣按崇高河南府志勝卷之九

十六

告成登封俱以嵩山而言五代梁俱省入登封○宋之間扈從登封途中作帳殿鬱崔嵬仙遊實壯哉曉雲連暮捲夜火雜星回谷暗千旂出山鳴萬乘來扈遊良可賦終乏挾天才○志云陽城山在縣北三十八里俗名車嶺山洧水出焉卽禹避舜子處也縣東南二十五里有陽乾山潁水一源發此說文潁水出陽乾山是矣又南五里爲箕山一名郭橫昔許出隱此堯召之爲九州長出不欲聞潁耳于潁水之濱巢父牽犢去上流而飲之故山上有牽牛墟及許由廟漢潁川太守朱寵立碑潁

水側有噴泉石上猶通有焉昔潁陽縣以此名○寰宇記云潁陽縣本夏綸國魏太和中于綸氏城置此縣後周省入堙陽隋又改爲武林注水經云堙水西南流經武林亭是矣唐開元復舊元始省入有故城在今縣西南八十里○皇甫謐高士傳云許由字武仲陽城槐里人隱于箕山路史云黃城昔許由隱處水經注曰潁水東南逕負黍亭東春秋定六年鄭伐焉滑負黍者也馮敬通述志賦曰求善卷之所在過許由于負黍京相璠曰負黍在潁川陽城縣西南二十七里世謂之黃城也呂

十九

氏春秋十隨耻受湯讓自投潁水而死嵇叔夜高士傳謂投澗水而死朱謀埠云潁同古字通用俗訛爲澗○潁水又東過東谿縣漢武帝置以奉太室山俗謂之崧陽城谿流灌注春夏恒溢雖陽旱輟津石潭不耗道路游憩者惟得飧飲而已無敢漂盥其中苟不如是必數日不豫行者憚之唐崔曙潁陽東谿懷古詩靈谿氛霧歇皎鏡清心顏空色不映水秋聲多在山白鷗寒更浴孤雲晴未還昔時讓王者此地閉玄關無以躡高步夷涼林壑間宋歐陽脩詩朝下黃蘆坂夕望箕山雲綱懷巢

上客想彼巖中人，羽巖崇高節壯年。嬰世於汝流，羨穎水振衣嗟洛塵。空祠亂驚高山木，舍餘聽聊茲謝芝桂。乘月及新春，○志云鬼谷宅在縣北五里。蘇秦事師習子鬼谷，卽此。○山游巖宅在縣南箕山間，居許山祠旁，自謂東隣。唐高宗幸嵩山，親至其門，游巖野，服出，昇曰：臣所謂泉石膏肓烟霞癩疾。○盧徵君宅在縣東二十里，唐書徵崇山處士，盧鴻爲諫議大夫，李太白贈鴻詩云：陶令辭彭澤，梁鴻出會稽。我守高士傳，君與古人齊。雲卧留丹壑，天書下紫泥。不知楊伯起，早晚出關西。○名

河南府志勝入卷之九

三

山記嵩山在縣東十里，五嶽之中嶽也。其山有三峰，中峰最高，曰峻極峰。東曰太室，西曰少室，而嵩其總名耳。以其下各有石室，洞房，故謂之室。以地居西方之中，而高，故名嵩。高山詩曰：嵩高維嶽是也。漢書武帝元封二年，幸中嶽，嶺獲駿鹿，其日登嵩，高史卒咸聞呼萬歲者三。乃令祠官加贈太室祠，置奉邑，名曰嵩高。其山之東有蚪斗巖，龜泉龍潭，五渡諸水，與少陽河合，流入穎。○嵩高記云：蚪斗巖者，漢張芝於此巖中，獲蚪斗古書，又有石如蚪斗狀，水自其吻中出口，龜泉中出，石蚪有客與

道士陽洞微共，觀客笑曰：蚪旁行，天性乎？洞微因以手拈之，蚪卽南行，其水流入河。○龍潭凡九，皆相接，幽深莫測，水注而爲川，謂之石柱川。○五渡水自山頂下流，疏爲二十八浦，山下大潭，山有立石，高廣平夷，其水索澗委折者五，涉故名五渡。東南流入穎，又謂之三交水。中產九節菖蒲。○伽藍記云：少林寺在少室山北麓，後魏孝文帝建唐高宗數所遊幸。有周昭王陵，血少室之西谷，其水爲少陽河，東南流入于穎。有初祖菴，梁武帝時達磨于此面壁九年，有照影石，云達磨現影其中。山下

河南府志勝入卷之九

三

有啓母石，淮南子以爲塗山后所化，後乃石裂而生啓，唐弘文館學士崔融爲之銘，卽穆天子傳天子南遊少室之丘，以觀夏后啓之所居也。沈佺期少林寺詩：長歌遊寶地，徙倚對珠林。鴈塔風霜古，龍池歲月深。糾園澄夕霽，碧殿下秋陰。歸路烟霞晚，山蟬處處吟。○志云：石崇山在縣東南三十里，唐則天后與羣臣會飲于此，賦詩薛曜序略云：石崇者，俗謂之平樂澗，近接嵩嶺，俯伯箕峰，瞻少室。今若連睇，穎水兮如帶，其詩曰：洞口仙巖類削成，泉香石冷盡含清。龍旂畫跡中，天下鳳輦披雲此。

地近樹作帷屏陽景翳之如宮闕夏涼生今朝山
豫臨玄圃明日陪遊向赤城○寰宇記云大谷山
倚簫山太谷山俱在舊潁陽境歿山海經大苦之
山其陽狂水出焉水多三足龜食之無大疾可以
已腫○倚簫山其形峭峻望之如立簫焉西北崖
下有石鐘乳隋代充貢○太谷山距洛陽九十里
後漢書孫堅停兵太谷進迫洛陽卽此處也有太
谷關亦何進八關之一○故潁陽城西南十五里
有泉汲與不汲長惟一斗名一斗泉又有八風溪
溪水南流合三交水水傍有次細澗可充澡濯隋

河南府志勝入卷之九

三

代常進後宮雜以香藥足當豆屑號玉女沙左側
有臺曰玉女臺又一水發玉女臺下謂之平洛澗
注水經云潁水又東平洛溪水注之者也○志云
郛城在縣東南二十八里古郛城縣也路史云是
城爲南郛太原爲箕郛□元許有壬記云郛城山
俗名鄧家山嵩之正脉也四外岡巒盤向中發一
土形小巔逶迤下爲夷阜卽古陽城地傳曰周公
營東都求土中具測景臺自土圭以測日景表石
高八尺狀若柱古制尚有臺後爲周公廟廟後有
臺曰觀星甚危敞臺之背有並天石其制制石像

成謂摺凡三十六方深青色每潤三尺六寸舊有
挈壺走水漏刻以符日景漢成帝封趙臨爲侯國
後漢荀爽贈李膺書悅山樂水家于陽城卽此地
也按陽城山之名本于測景臺而陽乾山則以處
陽城之乾位而名其北有桃花洞左有龍華寺俱
稱幽勝卽荀爽所游歷

陝州

在府城西
三百里

領縣二

漢弘農郡之陝縣也後魏太和十年始置陝州周
召分陝卽在此地其郡際河河南諸縣則豫州域
河北則冀州也周已前爲魏國王季子仲封于此
河南府志勝入卷之九

三

號曰魏仲故有魏山在城西三里史記魏文侯一
十六年魏山崩注云在陝矣西征記曰州理城卽
古之魏國城也南倚山原北臨黃河懸水百餘仞
臨之者皆悚慄有古焦城在東北百步許武王以
封神農後于此後爲晉所滅故有太原倉曲沃臺
皆本晉名太原倉北臨焦水西倚大河周迴六里
地勢高平謂之太原晉滅魏後以曲沃之官守之
卽左傳文十三年晉侯使詹嘉處瑕以守桃林者
也注水經曰舊水出常烝之山經曲沃村西北流
入河○徽伯壘在州南二里古焦城北十六國春

秋北齊高欽使李徽伯伐陝所築固鷄足山爲址
山在城西南二里上有虎巖蟠踞河渚宛如鷄足
故名大陽故開在城西北四里後周大象間置卽
古茅津左傳文三年秦伯伐晉自茅津濟法疏茅
津在河東大陽縣西一名大陽津後漢書獻帝北
渡大陽津者也有大陽橋在城東三里唐貞觀初
太宗東巡遣武侯將軍丘行恭營造統志云城西
北隅有羊角山高百餘丈上有披雲亭本名大陽
亭○寰宇記云索水在州城南卽魯水也隨文帝
遣蘇威引之西北入城唐初陝東道行臺金部郎
河南府志勝卷之九 五

地圖記曰城西北角河水中湧沸方數十丈聲聞
數里俗云石季龍載銅翁仲所沒處水雖漲減翁
仲頭髻長與水齊晉劉裕軍至髻忽沒至今不復
出史記云秦始皇鑄金人十二董卓毀其九爲錢
其在者三魏明帝欲徙于洛陽重不可勝至灞水
西停之石氏取置鄴宮至苻堅又徙長安其一未
至而苻氏亂百姓推置陝北河中於是金狄滅矣
志云州鼓樓下有鐵人二疑卽秦時所置金人遺
像後人擬之而然又有鐵牛在河中頭跨河南尾
在河北世傳禹鑄以鎮河患唐賈至嘗作鐵牛頌
河南府志勝卷之九 五

中長孫操役自東引入城以代片給按志索水源
出城東五十里之索山一名永定澗其水漫流又
名漫澗有逆旅亭謂之漫口客舍有澮水在城南
三里平地湧出與索水竝流入河俗呼三里澗又
有七里澗二澗相去四里木曹陽墟也建安末獻
帝東遷李淮郭汜等追乘輿戰于東澗天子幸曹
陽墟次田中卽此矣今謂之曹陽澗魏武帝改爲
好陽澗○黃河西自靈寶縣界流入後漢書獻
帝歸至陝議者欲令天子浮河東下太尉楊彪曰
從此而東有三十六灘非禹乘所當從也乃止周

卽此物○底柱山俗名三門在州東北四十里黃
河中禹貢導河積石東至于底柱注云河水分梳
包山而過山見水中若柱然也又以禹理洪水山
陵當水者破之以通河三穿既決河出其間有似
門狀故俗號三門有禹廟古碑見存唐柳公權詩
禹鑿鋒鉞後鬼幾直至今孤峰浮水面一柱釘波
心頂壁三門險根隨九曲深撐天形突兀逐浪勢
浮沈嘶響秋濤射祠班夜浪侵噴香龍上下刷羽
鳥登臨祇有尖迎日曾無影轉陰舊碑文字在遺
事可追尋○晏子春秋曰齊景公渡河鼃衛左膝

沒之衆皆驚惕古治子于是拔劍從之邪行五里
逆行三里至千底柱之下乃龍也左手持龍右手
擁左驂仰天大呼水爲逆流三百步漢書成帝鴻
嘉四年楊焉上言底柱之隘可鑄廣之上如其言
加功之日材沒水中不能役去而令水益湍怒爲
害彌甚晉太始間武帝遣大中大夫河東樂世剛
衆五千人修治河灘事見五戶祠銘五戶灘名也
有神祠謂之五戶將渾隋開皇中遣倉部侍郎韋
瓘自蒲陝巴東募人能於洛陽運米四十石由砥
柱之險達於常平者免其征戍唐太宗東巡臨幸

河南府志勝

卷之九

志

於此見有魏徵所勒碑銘其誌雖今爲開化寺宋
司馬光題壁詩云山有古來色河疏無盡期○志
云州治內有墨池後漢張芝所居芝好書故池水
盡黑○西城樓曰西樓唐岑參題陝州西樓詩錯
料一生事蹉跎今日頭縱橫皆失計妻子也應羞
曰髮雖難變丹心卒未依愁來無處所祇上郡西
樓○州城外臨河有亭姚鵠陝州河亭晚眺詩洪
河何處望一派在孤烟極野如藍日長波似鏡年
捲簾花影裏倚檻鶴巢邊霞氣侵旌旆灘聲雜管
絃鐘微來疊岫帆遠落遙天過客遙相指應疑是

水仙○東郊有草堂宋布衣魏野居此手植竹樹
清泉環繞傍樹雲山景趣幽絕鑿土袤丈曰樂天
洞前爲草堂彈琴其中好事者多載酒殺從之遊
真宗祀汾陰遣使令主祭召之不至○續嶺宮在
城西南朱家原上唐顯慶初置李洞詩春草萋萋
春水綠野棠開盡飄香玉續嶺宮前鶴髮翁猶唱
聞元太平曲○河上公廟在城西五里唐書云神
龍二年皇帝親謁廟庭有麟跡見望仙臺在西南
十三里漢文帝謂河上公公既上昇故築此臺以
望祭之○晉靈公臺在城南三十二里左傳宣二

河南府志勝

卷之九

志

年晉靈公不君厚欽雕牆登臺彈人卽此也俗號
女臺高五十餘尺○鴈翎關在州東南界通永寧
縣隸弘農衛硤石關在故硤石縣東通澠池西通
函谷古峭陵關也按硤石本漢陝縣地後魏于其
東界分置峭陵縣在治盧鄉隋初改硤石義寧元年
徙于硤石塢是也有硤石水在故縣東二十里源
出上嶺西經硤石山入州與密水合流卽所謂千
峭之水也千峭者大峭以東西峭以西明非一峭
也左傳曰峭有二陵焉南陵夏后皋之墓北陵文
王之所以避風雨也峭在弘農澠池縣西北道出

三峭之間兩山相嵌文王避風雨古跡猶存○唐杜甫石壕吏詩暮投石壕村有吏夜捉人老翁踰牆走老嫗出門看吏呼一何怒嫗啼一何苦聽嫗前致詞三男鄴城戍一男附書至二男新戰死存者且偷生死者長已矣室中更無人惟有乳下孫孫有母未去出入無完裙老嫗力雖衰請從吏夜歸急應河陽役猶得備晨炊夜久雨聲絕如聞泣幽咽天明登前途獨與老翁別按硤石關有石壕鎮在其東北

靈寶縣在州城西六十里

河南府志勝八卷之九

天

古田谷關在縣西南十里二百二十步秦之舊關也三秦記曰田谷關去長安四百里日入則閉鷄鳴則開秦法也孟嘗君田文被逐至此夜半關閉下客為鷄鳴而得出亦漢高帝入秦閉田谷關不納項羽處矣武帝時樓船將軍楊僕有大功耻為關外民請以家僮七百人助築關城武帝意好廣濶遂東移於新安以其故關為弘農弘農者取弘大農桑為名及後漢避獻帝諱因改為恒農○漢地理志弘農故秦函谷關也崔浩注云東自峭山西至潼津通名函谷關曰天險所謂秦符百二

通之西征記云舊函谷關帶函道漢書卷云道形如函也說文函舌也縣南薄山北阻河中通一徑以行如舌在口然故曰函谷谷中有弘農縣故城東城即故函谷關校尉舊治處終軍棄繯之所老子西入關尹喜望氣于此也唐王勃詩關山凌旦開石路無塵埃白馬高談去青牛真氣來重門臨巨壑連棟起崇農即今楊策皮非是棄繯回按天寶間于尹真人舊宅掘得靈寶符因以名縣○寰宇記云稠桑澤在縣西一十八里左傳倍二年號公敗戎於桑田註疏桑田在弘農縣東北郡國記

河南府志勝八卷之九

天

六稠桑澤古之桃林也隋析置桃林縣以此名桃林詳閱鄉下二稠桑舊為驛唐屈通與劉文靜相拒處高祖詔李密招撫黎陽至稠桑驛復止之密乃衣嫗人衣入桃林傳舍據城以叛今其地猶呼東西驛云二稠桑有晉王斜先是行旅遇暑人畜多渴死館驛使中丞宋洋乃開新路自稠桑西由晉王斜是也其西即西原唐哥舒翰與安祿山戰敗績處去縣西南五十里○山海經曰華陽之山門水出焉北流為弘農濶按志弘農濶在縣西一里源出朱陽鎮之魚塘寺石窟中止流漸大至縣

西北入河○水經注曰洛如之水出于華陽水
有阜名方伯廐宋奮武將軍魯方平建威將軍薛
安都北入軍次方伯廐者也廐上有城卽方伯所
築城南卽漢寶門故也○九州要記云弘農縣有
鹿山石上有自然鹿跡非人功所爲又有石隄山
在西南十七里水經云柏谷水出弘農縣南石隄
山下有石隄祠銘云魏甘露中弘農太守南平公
所建昔公子重耳出亡及柏谷卜適齊楚狐偃曰
不如之程是也有柏人驛卽漢高祖獲貫高之所
有柏谷亭漢武帝微時爲亭長所辱感憤于其妻

河南府志勝

卷之九

手

矣河水于此有逗津之目說者以武帝感寶門之
妻有深識之饋乃賜以河津令其鬻渡故曰寶津
焉後漢書楊震宅在柏谷亭震教授于此有三鱣
集其堂時以爲當作三公之兆號爲關西孔子按
鹿蹄山在縣南號畧鎮柏谷亭在西南朱陽鎮○
寰宇記云衙嶺山在縣南三十五里漢地里志弘農
縣衙山嶺下谷燭水所出也一作衙嶺世謂之石
城山○峴山在縣東三十五里以形似襄陽峴山
而行顏師古曰峴頭山曹陽水出焉曹陽城在其
麓史記陳涉使周文西入秦秦使章邯擊破之殺

文于曹陽城是矣○女郎山在縣南五十里靈泉
出焉唐李德裕有靈泉賦○細腰原在縣西南七
十九里東西濶三里南北長十里當中十五步狹
如束素故名又十里曰浮山上有浮丘封濟侯廟
基又十里爲地肺山一名枯樸山後漢書赤眉立
劉盆子于鄭注云在此山○原廟記云關龍逢
祭在縣西南七里龜頭原左脇高三丈唐太宗東
遊致祭舍人吳華之詞○漢梁巴墓在縣東南下
確里○楊駿墓在縣東南十里晉陽秋惠帝永平
元年殺駿父子及孫五人故吏潘岳收葬之○田

河南府志勝

卷之九

手

千秋園在縣南之田村漢丞相白茂太子寃者宋
范鎮詩自古桃林漢相園至今有舍號田村蒼山
綠水依稀在不獨青編事業存○寶建德塚在縣
西南曰楊里將軍嶺上唐太宗敗建德于牛口峪
伏誅葬之于此○御題寺在縣南初唐德宗爲雍
王征史朝義過此題詩于壁後卽位僧玄覺請長
安請寺額詔以御題爲名○三堂在唐號州治內
岐薛二王刺史時建取臣子在三之義呂溫記韓
愈劉伯芻俱有三堂二十一詠○田遊嚴寄宋之
詩序云弘農清嚴間有磬石可坐宋十一每拂

賦待余寄詩贈之曰信彼稱靈石居然狎道棲徘徊承翠巘賦駁帶深谿夕陰起層岫清景半虹蜺風來應嘯阮波動可琴嵇宋延清谷云家臨清谿水谿水繞磐石綠蘿四面垂晨景百餘尺風泉度絲管苔蘚鋪茵席何當遂遠游物外候逋客

閿鄉縣在州西百三十里

漢湖縣之閿鄉也有閿亭在東五里閿山在西南六十里縣以是名矣元以湖城縣省入○魏土地記曰湖城縣屬魏州其地有鼎湖即黃帝鑄鼎處漢郊祀志云黃帝以首陽之銅鑄鼎於荆山之下河南府志勝不卷之九

三

後名其地爲鼎湖劉宋因置湖城縣焉按荆山在縣南二十五里又名獨遊山以黃帝昇仙所獨遊也水經註曰荆山在馮翊首山在蒲坂俱與湖縣相連郭璞註山海經夸父之山其北有林名曰桃林廣園三百里湖水出焉北流注于河其中多馬造父於此得驂騑驥與之乘獻穆王尚書謂放牛桃林之野左傳謂守桃林之塞自縣已西至潼關皆是也三秦記云桃林塞在長安東四百里若有軍馬經過好行放牧華山休息林下惡行則決河漫延馬不得過矣寰宇記云夸父山一名秦山在

縣東南二十五里諺云秦爲頭龍爲尾與太華相連有大谷關在秦山谷中湖水所出與盤澗水石澗水玉澗水同流入河盤澗水即與湖水同源石澗水出縣東南十八里之石澗谷入谷三里飛泉百尺而下注于湖水玉澗水出縣南之玉溪北流經皇天原水經云河水又東北玉澗水注之是矣○河水又東逕湖縣故城北昔范叔入關遇穰侯于此也又北逕閿鄉城西郡國志曰弘農湖縣有閿鄉魏尚書僕射河東衛伯儒之故邑水側有女媧陵自秦漢之日繁于祀典○城塚記云唐乾元

河南府志勝不卷之九

三

二年魏州刺史王奇光奏所部閿鄉界女媧墓去天寶末失其所在今月一日夜河上側近忽聞風雷聲曉見墓湧出上有雙柳樹下有巨石其柳各高丈餘○庾太子陵在縣南十六里高一百五十尺有望恩臺在縣東北二十五里漢武帝思庾太子者有全鳩水一名全節水庾太子亡匿處也注水經云河水東逕閿鄉城南與全鳩澗水合○寰宇記云曹公壘在西二十里標征韓遂所築○宋武七營南宋書高祖征姚泓于長安其將檀道濟于顯惡濱河帶險造大小七營皆在縣西○赫連

氏京觀俗名平吳臺在西北二十三里縣連竹
使太原公昌引兵攻宋將朱齡石于潼關克之乃
築以表武功○志云阿對井在縣西南阿對漢楊
震家奴也嘗引泉以灌蔬因名唐吳融詩六載抽
毫侍禁園可堪衰病次然歸五陵年少如相問阿
對泉頭一布衣○晉王濬墓在縣東十五里晉大
將軍卒謚武○杜子美詩冬木以事之東都湖城
過孟雲卿後歸劉頴宅宿宴飲散因為醉歌疾風
吹塵暗河縣行子隔手不相見湖非一聞眼駐馬
側識雲卿面向西劉頴為地主頗通鞍轡成高宴
河南府志勝入卷之九 吉

劉侯飲我攜客來置酒張燈促華饌且將飲曲終
今夕休語艱難尚酣戰照室紅爐促曙光紫窓素
月垂文練天開地裂長安陌寒盡春生洛陽殿肯
知驅車役同軌可惜刻漏隨更箭人生會合不可
常庭樹鷓鴣鳴淚如綫

南陽府志河南領州三縣十一

史記秦置三十六郡南陽其一也以地在中國之
南而居陽為名其先為韓戰國策蘇秦說韓曰北
有成皐之固西有商阪之阻東有宛穰九百餘里
卽此地矣漢張衡南都賦云武關關其西桐栢栢
其東流滄浪而為陸渚方城而為塘湯谷涌其後
涓水溢其胸推灌引濇三方是通也宋建炎初李
綱陳恢復之策力勸高宗居之雖不能用識者韙
焉○史記南陽本夏之國夏人政尚忠樸猶有先
王遺風又虞夏封呂望先祖于此有呂城今郡西
南陽府志勝入卷之十 一

三十里之呂村是也○玉海云漢光武始勅南陽
撰風俗記隋地理志南陽古帝鄉縉紳所出史記
以秦滅韓徙天下不軌之人於南陽故其俗誇奈
尚氣力好商賈漁獵藏匿難制又東漢為帝鄉貴
戚有南陽不可問之謠前後二千石多不易稱職
王暢成瑨趙戒三人奮勵威猛糾鋤奸豪免中官
子弟為令長者若干人部內肅然然而召信臣柱
詩顯尚慈愛人以父母呼之劉寬但用蒲鞭示辱
教化亦因以大行云○唐韓愈過南陽詩南陽郭
門外桑下麥青青行子去未已春鳩鳴不停秦商

遷既遠湖海將經孰忍生以感吾其寄餘齡
兼在金陵送鄧民部出守南陽云南陽秦漢郡千
里屬棧封伯業餘雙雉躬耕有卧龍淮源桐柏古
潭液菊花濃召杜爲前後君當何所從

南陽縣附郭

秦宛縣後魏之上陌周之上宛也隋改南陽宛名
始絕唐末省向城入焉志云向城有二一在府城
東北臨向渠春秋時許國向邑之人遷此今爲村
聚一在城北六十里魏舊縣也說儲南陽有宛市
晉石崇言宋定伯賣鬼得錢千五百處○城冢記

南陽府志勝入卷之十

二

云漢清陽縣故城在府城東三里清水之陽後漢
書更始立清水上者距三十里爲小長安城光武
與甄阜梁丘賜戰敗于此其城周迴一里二百二
十步○杜衍故城在縣西南十三里漢杜延年此
縣人延年立宣帝以定策功封侯子欽亦知名又
南十五里爲蜀漢倫將軍趙雲墓有石碑○武延
城在府城北俗呼西城春秋哀元年楚受蔡侯降
於此相近有濛縣城俗呼東城盛弘之荊州記云
武延城北有白石山山石悉白自遠望之狀若曾
水積雪耀奕奕日○西鄂城在城北五十里漢張

南陽府志勝入卷之十

三

縣北湛水所出左傳楚公子格與晉師戰于坂卽
此○集古錄云漢周令碑在南陽縣雋文宣王廟
內其字隸書碑石斷裂所可辨讀者天寶高惟聖
同歲我君燬其蹤體弘化蹈中庸所論歷有休功
追景行亦難雙川金石示萬邦等字○塚宅記云
漢宗資宅負郭宗爲南陽名族世居於宛一門仕
宦至卿府者三十四人宋時有耕農得一甌瓦頂
上有宗氏千秋四字篆文○諸葛草廬在城西南
七里卧龍岡上卽孔明所居舊爲祠以奉恭嘗有
道士居住夜聞兵聲懼而移之遂棄故卧龍岡起

自嵩山之南綿亘數百里至此截然而往回旋如
燕巢時人曰孔明爲臥龍因曰卧龍岡其下平田
如掌孔明躬耕之跡猶存唐李白詩亦有起頗運
臥龍得孔明當其南陽時龍臥躬自耕即此處也
諸葛井在草廬前青石爲床有汲綆渠百十道數
竟不能盡○漢昭烈廟在縣東隱山上相傳昭烈
與關張二將隱兵于此○寰宇記云豫山在東北
十五里孤峰峭立俗名獨山下有三十六陂漢石
信臣東漢杜詩晉杜預皆嘗置堰以溉民田山上
有三太守祠集古錄云豫山南葬魏偏將軍黃權

南陽府志勝八卷之十

四

墓前有四碑又十里爲紫山一名紫靈山有水出
焉冬夏常溫因曰陽谷○南雍州記云梅溪發源
紫山南經百里奚故宅百里奚宛人仕秦號五段
大夫有墓在城西七里墓前有七石俗呼七星冢
冢左次有碑碑陰刻唐韓賞詩按志以紫山在縣
西北三十里後漢末龐士元隱居之所有鳳雛臺
遺址○紫山又東北五里曰豐山山海經云豐山
有獸其狀如猿赤喙黃身名曰雍和見則國有大
恐又云山有九鐘霜降則鳴下有泉曰清泠泉神
耕父處之神來時水赤有光耀南都賦所云耕父

揚光於清泠者也又北十里爲灰里津即韓方志
之柴籬矣津上有三梁謂之灰里渡更始將鄧奉
拒光武于此史定伯碑云灰里津即清水之下流
○麓山在城北二十五里昔居民患蟲毒遇神女
于此教以食蘘荷遂愈因名其相連爲莊籬山○
雉衡山在城北七十五里山有石室中甚精潔注
水經曰關水歷雉衡山西南逕皇石城西荊州記
謂之衡山相傳有名室石室峰巒重複莫可勝窮
所記者鹿鳴武陽亂石拓禽鯉魚五山總曰百重
山山上有分水嶺因經云南水自嶺南流北水自

南陽府志勝不卷之十

五

嶺北流俗呼爲分頭嶺其水爲鴨河乃三鴨之第
二鴨也按三鴨路中分二路東北帶西而行者謂
之三鴨中有石山鯉魚山拓禽山即行人來往趨
西洛之便路以石川爲第一鴨路口分水嶺第二
鴨路口人在汝州界者即第三鴨矣有飼鴨臺在
路中大山側相傳漢光武北趨河朔至此失路得
鴨引於馬前飼之因名○丹霞山在城東北一百
五十里三鴨路中一名雷山上有棲霞寺寺後一
峰巉巖千仞左右兩峰夾立傍近諸峰爭爲向背
唐孟郊送芳顏二上人還丹霞山詩松青不肯秋

玉曰不肯乘登山頂正路飲水還直流信鶴負書
信索雲作衣裴仙村莫道達策杖相交遊

鎮平縣在府西七十里

漢安衆縣劉崇之封邑也東北三里有安國城史
記王陵聚衆南陽以兵屬漢封安國侯卽此○安
衆有土魯山出紫石英漢地里志所云也晉改安
昌南北朝廢爲穰城縣之北鄉金始置陽官鎮于
此後乃陞縣曰鎮平○志云縣西南有菱花池俗
名天池廣五里餘中產蓮藕蒲茨之屬又有青龍
泉在縣境竹園內流出灌溉甚廣○柳泉出遮山
南陽府志勝八卷之十

六

在縣東三十里巒岫岩巒溝澗深阻相傳王莽兵
追光武至此爲山所遮竟弗能及因名泉廣凡五
丈餘○騎立山在縣西北五十里狀如立騎其山
五峰竝峙又名五朵山上有龍湫三穴卽趙河之
源也南流入鄧州之湍水至新野七里河注于清
水○注水經曰湍水又東南逕安衆縣故城南縣
本宛之西鄉漢長沙定王子康侯丹之邑也湍水
東南流注水注之湍水又東南逕安衆縣城而爲
陂謂之安衆港魏太祖破張繡于是處與荀彧
曰繡遇吾歸師迫我死地益於二水之間以爲公

涉之衆阻云○杏花山與騎立山相近其地宜杏
故名亦有龍潭洪水所出南流與趙河合去城東
十里亦名十里河又縣東四十里之潦河西南曰
南陽馬峙畔來流經杏花山南至新野縣界注于
清水○後漢書宋均安衆人九江太守值虎爲暴
均至皆渡江去均有墓在南陽東北界安衆故城
內墓前有二石獸蹲踞相向狀若羚羊左刻天祚
右刻辟邪四字古文左爲雷所轟○高士傳宋勝
之南陽安衆人少孤家于穀城聚中孝慕甚篤聚
中化之少長有禮勝之每行見老人擔負輒以身
南陽府志勝八卷之十

七

代之獵得禽獸常分肉與有親者從兄聚爲東平
內史遣使召之勝之曰衆人所樂者非勝之願也
乃去遊太原從郇越牧羊以琴書自娛終其身

唐縣在府城東南百二十里

周地圖記云後魏太和中於漢比陽城內置東荆
州因西有荆州故此爲東以別之恭帝元年改曰
淮州以界有淮水爲名隋開皇年改爲顯州以界
有顯望岡爲名唐武德初改曰泌州以界有泌水
爲名貞觀始改唐州宋元如之 國朝降縣○按
志唐子山在城南百里縣以是名漢高鳳隱處淮

水在東南二百十里卽禹貢導淮自桐柏者泌水
源出銅山流經縣北與清水合詩云泌之洋洋可
以樂饑卽此○輿地紀勝云清德堂在縣治唐李
適之爲刺史人爲作清德頌宋慶曆間知州頗起
讀其辭慕其人因建堂重刻此頌○郡國志云北
陽漢縣在北水之北水北口陽故名北水出縣東
北大胡山一名天封山南都賦曰天封大胡列仙
之輟也漢鮑昱爲北陽長有繫獄當死者母泣訴
無後昱憐之縱其妻入生子乃殺之後其子仕至
荊州刺史表聞于朝○漢平氏城在縣東南之平
南陽府志勝入卷之十

八

氏保宣帝時法雄爲平氏長發奸摘伏吏人畏之
○湖陽城在縣南界光武封長姊湖陽公主于此
亦古蓼國左傳桓十一年鄭人將與趙綏州蓼伐
楚師杜預注云蓼國在棘陽縣東南今縣南九十
里蓼山卽古蓼國地○棘陽漢縣設在棘水之北
後漢書光武與梁丘賜戰不利退保棘陽者也晉
省湖陽入焉荊州記云棘陽東北有謝城卽古謝
國周中伯之都自中遷此詩云申伯番番旣入于
謝是矣周地圖云湖陽縣光武外祖樊重所居重
母畏雷爲石室避之悉以文石爲階道跡尚存○

慈丘城在縣東七十里之中陽山一名慈丘又名
上介水經云觀水出上介山卽此隋置慈丘縣尋
廢○志云雙山在縣東北四十五里兩山相對故
名曰玉山在縣南五十里一名髮山上有卓錫泉
世傳靈濟禪師卓錫其地又五十里爲紫玉山山下
有龍潭○酈道元注水經曰余以延昌四年蒙除
東荊州刺史州治沘陽縣故城城南有蔡水出南
磐石山故亦曰磐石川西北流注于沘呂氏春秋
曰齊令章子與韓魏攻荊州使唐蔑應之夾沘而
軍欲視水之淺深荊人射之而莫知也有蜀者曰
南陽府志勝入卷之十

九

兵盛則水淺矣章子夜襲之斬蔑於是水之上焉
沘水又西渙水注之水北出此丘山東流屈而南
轉又南入于沘水按山海經云渙水又北入視不
注沘水余按呂忱字林及雜字爾雅地言漂水在
沘陽脈其川流所會宜是漂水音藥也沘水又西
南歷長岡月城北舊沘水又會馬仁陂水水出濕
陰北山泉流競湊水積成湖蓋地百頃謂之馬仁
陂陂水歷其縣下西南竭之以溉田疇公私引列
水流遂斷故瀆尚存沘水又南逕會口與緒水枝
津合沘水又南與澠水會澠水源出于桐柏山與

淮同源而別流西注故亦謂是水爲派水澄水西
北流逕平氏縣故城東北王莽更名其縣曰平善
城內有南陽都鄉正德碑勒碑澄水又西北合澄
水水出湖陽北山西流北屈逕平氏城西北入澄
水澄水又西注泚水泚水自下亦通謂之爲派水
昔漢光武破張阜梁丘賜於泚水西斬之於斯水
也泚水又南趙澄二渠出焉泚水又西南流泚水
注之水出謝城北二源微小至城漸大城周迴水
側世祖建武十三年封樊重少子丹爲湖陽侯國
高岸下深浚流徐平時人口之爲浮潯水城城之

南陽府志勝

卷之十

十

西舊棘陽縣治故亦謂之棘陽城也泚水又西南
與長坂門二水合其水東北出湖陽東隆山之
西側有漢日南太守胡者碑子孫騎都尉尚湖陽
長公主卽光武之伯姊也廟堂皆以青石爲階陛
廟北有石堂琬之玄孫柱陽太守瑒以延熹四年
遭母憂於墓次立石祠勒銘于梁石宇傾頽而泚
字無毀盛弘之以爲樊重之母畏雷室益傳疑之
謬也隆山南有一小山山坂有兩石虎相對夾隧
道雖處蠻荒全無破碎世人因謂之石虎山其水
西南流逕湖陽縣故城南地理志曰：潯國也竹

書紀年楚共王舍宋平公于湖陽卽此東城中
有碑似是樊重碑悉載故吏人名司馬彪曰仲山
甫封於樊因氏國重能治田殖至二百頃廣起廬
舍高樓連閣陂渠灌注竹木成林六畜放牧魚鼈
梨栗棗棘桑麻閉門成市兵器器械資至百萬富
擬封君世祖年少數歸外氏及之長安受業齋送
甚至世祖卽位進爵散侯詔湖陽爲重立廟置吏
奉祠章陵常幸重墓其水四周溉城東南有若令
樊萌中常侍樊安碑城南有數碑無字又有石廟
數間依于墓側棟宇崩毀惟石壁而已其水南入

南陽府志勝

卷之十

十二

太湖湖陽之名縣藉茲而納稱也湖水西南流與
湖陽諸陂散水合謂之板橋水又西南與醴渠合
又有趙渠注之二水上承派水南逕新都縣故城
東兩瀆雙引與南長水會水上承唐子鄉諸陂散
流謂之唐子陂陂上有唐子亭漢光武自新野屠
唐子鄉殺湖陽尉于是地陂水清潔光武以爲神
淵矣唐子陂西南流與板橋水合又西南注于泚
水又西南流注于潯水也

泌陽縣

在湖城東二
百三十里

漢舞陰縣地有故城在其北東魏改臨舞縣及置

期城郡于此隋郡廢縣存唐天寶年改泌陽以在
泌水之陽而名○周地圖記云後魏之上馬縣也
縣南有石馬木名石馬縣後人訛爲上馬唐初尚
沿此名○志云銅山在縣東四十里其地有分水
處東流爲淮西流爲泌同源異流相傳漢鄧通鼓
鑄其上水經注曰泌陽雞翅山九渡水所出溪澗
縈委泌澗九曲其猶零陵之九渡也○盤石山在
縣南四十里上有盤古廟按水經注謂之盤石山
蔡水出焉西北流注于此或後人訛爲盤古耳○
基盤山在縣東北八十里有石基盤與截軍山

南陽府志勝

卷之十

十二

龍峙又十里爲關索城舊傳關索所築因名○地
圖記云監鄉在泌陽縣界漢光武兄劉縯敗王莽
前隊大夫甄阜屬正梁丘賜盡獲其輜重于此

桐柏縣

在府城東
南三百里

漢復陽縣隋改今名○縣南有方石高丈許銘曰
春山凝眸春水悠悠乃命成侯視此清流宋慶曆
四年立俗謂之曲水臺○按志桐柏山在縣東南
一里其山東接隨州界西接棗陽界峰巒奇秀上
有玉女臥龍紫霄翠微蓮花諸峰淮水出其下近
山又有大木山晉祖逖將家屬避難于此○水經

注云桐柏山南有淮源廟廟前有碑是南陽郭苞
立又二碑苑是漢延熹中守令所造蓋有淮濱令
掌此祠唐天寶中封蓋濱爲長源公廟中有石龜
十二枚極大○集古錄載漢碑畧云延禧六年正
月八日乙酉南陽太守中山張君處正好禮尊敬
神祀以淮出平氏始於大復潛行地中見於陽口
在廟桐柏春秋崇奉云云○志云胎簪山在縣西
北三十里禹貢淮水發涼胎簪即此又名大復山
漢書桐柏大復淮水所出也又三十里爲牡丹山
上多產牡丹故名又十里爲石柱山上有石柱柱
南陽府志勝

卷之十

十三

有鐵環莫知其故又北二十里爲高老山一名高
樂山峰巒峻起高出羣山相連爲石門山兩山對
峙如門故名元好問詩兩崖懸絕倚山濱草遠低
迷劣可分潭影乍從明處見竹香偏向靜中聞石
林萬古不知暑茅屋四隣惟有雲曳杖行歌羨樵
叟此生何計得隨君

南召縣

在府城北
西四十里

國朝成化間析置以地有南召店爲名世傳卽楚
王之故城也○統志云鹿鳴山在縣北三里世傳
光武至此聞鹿鳴故名○金葬山在縣西五里

松秀麗古多王侯葬此○天子望山在西南二十
王著老云昔光武失路羣鴉導之而出因登此山
望南陽也空山在縣西十五里上有石洞深邃
相傳嚴子陵居焉亦名子陵洞○丹霞山在
西北四十里一名石山上有一樓霞寺寺外一峰巉
巖千仞兩峰壁立色頗如霞○鰲石穴在東北四
十里世傳漢陳琳槩刀于此石隙尚存○東岐州
城在縣界之石碑保即南召故城也又十里有
北召廢城

鄧州在府城南南領縣三

南陽府志勝入卷之十

周中伯國平王母后家也春秋鄧侯封邑故漢置
鄧縣焉秦封魏冉為穰侯於此有穰侯廟在城南
冉死葬陶江即張城也統志云州東門上有秦武
安君白起廟起嘗拔鄧取宛後人祀之州南門外
有布鼓臺相傳光武微時擊之有聲因築臺于此
又有太尉臺在三公城上蓋鄧禹為漢太尉後歸
故里鄉人飲餞於是因以名之○志云百花洲在
州城南宋仁宗時張士遜以鄧國公致仕還第與
范仲淹遊詠其上仲淹有漁家傲詞五首以紀之
蓋文正公嘗知是州也仲淹又有嘉賞亭春風

在州治內黃庭堅集有嘉賞亭詩即此文正公集
有春風堂下紅香滿之句故以此名其閣也宋淳
化初蘇易簡至道初寇準俱來治此州易簡愛竹
有題西禪院碧鮮亭詩寇準萊公守郡休祿悉以施
子後人追思萊公堂堂下有池蒲芡繁密故韓
駒子蒼詩有丞相堂下蒲蓮稠之句○州城上曰
賢秀亭漸佳樓謝絳為守日所辦也范仲淹黃魯
直俱有詩絳後家于城西之五隴山出有五堆連
接諸謝墳墓在焉梅堯臣詩窮覽川原勝經行未
見頻雅潑但聞谷谷暖日留春○紫金山在州西

南陽府志勝入卷之十

南岡阜嶠起因為城內崖下洞二宋狀元賈黯讀
書其中後有道士居之築紫閣於洞門南雍記云
紫金山下石橋水汚而為池出靈龜色如金縷又
有九井汲一井八者俱震又城南福勝寺之東北
隅有塔十三層高八丈中有一井俗呼為海眼云
○鉗盧陂在州南六十里漢置州之陂堰此為最
大灌田萬餘頃故老相傳萬頃鉗盧殆不虛也又
有楚堰在西北六十里○析隈山在州南七十里
左傳僖二十五年秦人過析隈因記其地而名山
矣禹山在西南九十里此山祈雨有應因名南山

後人訛爲禹山湯山在州西七十里山有兩峰東西列峙峰頂有成湯廟故名○覆釜山在西北八十里以形似名俗呼吐露山有香嚴寺在西北之白崖山寺兩禪院乃唐一行與虎茵二師所開一行在長安歸寂肅宗歸而葬之葬後山中香風一月不息乃名其寺曰香嚴○城邑攷云穰東故城在州東南二里穰漢縣戰國時楚之別邑也○魏武帝城在西南五里曹魏攻張繡所築水經注云湍水又逕魏武故城西南卽此○荊州圖副云湍水作鼎在城北七里有大門堰擁湍水而成白水

南陽府志勝八卷之十

十六

濁水棘水湍水之所聚矣亦召信臣所作也臨湍城在西北六十里西魏置縣于此湍水南側有王思正墓題云北齊蜀郡太守王子雅南陽西鄉人近墓有雙石樓銘○涅陽城在州東六十里應劭曰在涅水之陽也漢武帝封路最爲侯國王莽之前亭矣縣南有二碑其字紊滅不可復識或云是左伯康碑晉語陽秋宗少文涅陽人善圖書琴畫精於名理每遊山水輒志歸後作一圖彈琴使衆山皆響○冠軍城在州界內冠軍漢縣城東北隅有霍去病墓西正隅有寶蓋墓蓋寶蓋之封邑也

塚記云張魯墓在冠軍故城西有碑刻其背文曰白楸之棺易朽之裳銅鐵不入凡器不藏嗟爾後人幸勿我傷宋元嘉爲盜所發獲金銀器甚多鄴道元云塚不甚高而內極寬大虛設白楸之言空負黃金之寶雖意固南山寧同壽乎

內鄉縣

在州城西

郭仲產南雍州記云析水卽水經之洧水也出析縣北南入于洧謂之洧口又云丹水合洧水按漢析縣楚白羽之地秦昭王發兵出武關攻楚取析是矣秦旣得楚以爲中鄉後至隋避諱改內鄉○

南陽府志勝八卷之十

十七

志云舊縣城周迴七里許楚平王遷許于潁實白羽卽此也金始移今所宋徽宗御製八行碑存○三戶城在縣西南諺謂楚雖三戶三秦必楚者也范蠡三戶人卒後祀之甚嚴○羅王城春秋桓十三年楚人伐羅卽此漢王城城內有試劍池商於城在於城保秦張儀許楚商於之地卽此丹水城在縣西南郡國志云卽楚商密地漢縣也各去今縣百餘里○順陽城在縣界之順陽保漢博山縣後漢明帝改曰順陽矣桓帝時劉陶爲順陽長縣多姦猾陶覆按姦軌所發若神以病免吏民思而

歌之曰邑然不樂思我劉君何得復來安此下民
○統志云馬尾鎮在順陽保北卽秦漢沮陽故城
後魏置以拒齊齊陳顯達攻圍不下乃此城也水
經注曰均水南逕順陽縣西後漢建初四年封馬
康爲侯國○玉照崖在順陽保自丹水行謂之小
江口北有石崖高數仞許截然如削其色清瑩下
有潭水色亦漣漪宋順陽尉郭端來遊名爲玉照
○水經曰湍水出鄴縣北芬山南流過其縣東攷
漢書地理志有鄴縣故城在今縣東隋爲荊潭縣
今有南鄴北鄴二城荊潭源出析谷東石澗山或
南陽府志勝八卷之十 九
云石馬峰其水傍生甘菊極澆有數十家惟飲此
水壽至百歲之上鄴道元云漢司空王暢太傅袁
隗太尉胡廣並汲飲此水以自綏養是以君子留
心甘其臭尚焉○志云縣西南白崖山有水簾洞
水自洞下若垂簾然世傳鬼谷子修道處有清泉
在縣西之白亭保水色甚清中產綠龜上有龍祠
旱禱輒應○熊耳山在縣東十二里連河南府盧
氏縣界漢地里志弘農有析縣後始改屬南陽又
十三里爲蕭山因祀光武得名蓋世祖始封蕭云
○馬八山在縣南山有穴相傳昔有神馬出焉石

勒時立黃攀神祠于上因號胡保山○靈山在縣
南二十里其上松柏鬱森禽鳥喧集最爲靈異又
香爐山在靈山之東上有神祠舊有一香鼎範金
所成而漆其外刻云左七里右七里黃金只在七
七里人皆莫曉至元時內臣見之而悟携去○高
前山在東南五十里亦名天池山其上有冰甚寒
而冽比于帝臺之漿飲之者已心痛○石堂山在
縣西五十里洞然若堂又名靈堂麻衣子修道處
○墨山在縣北五十里山色盡黑一名玄山仙聖
所宅南有丹崖映川流之渚壁時霞降江雲空秀
南陽府志勝八卷之十 九
二岫亭亭更爲特出矣又北九十里有山曰秋林
夏館泉石佳麗元好問詩秋林夏館山水窟家家
林影映湖光○兼隱亭在縣治內宋邵雍詩兼隱
詭來書于時特起予民淳無訟聽縣僻類山居簾
領杯盤外官聯談笑餘不知當此際傍邑更誰如
○半山亭在縣北湯河半山之間宋浮休居士張
舜民窪樽石刻在焉元好問有淮江紅詞江上窪
尊人道有浮休遺跡尊俎地江山如畫百年岑寂
白鶴重來城郭在山花山鳥渾相識任與君載酒
半山亭追瞻昔

新野縣在州南七十里

水經注云棘水南經新野而歷黃郛聚即此後魏
輿略孝文帝南巡至新野臨潭水而見葛蒲乃歌
曰兩葛蒲新野樂遂建兩葛蒲寺以美之○志云
縣東北有彈子池相傳光武彈蛙此池至今不鳴
治內有議事堂蜀志劉先主屯新野與徐庶議訪
諸葛孔明于隆中○清水在縣西里許南入漢水
縣北有泚河縣西有湍河東南有棘河西北有刁
河各注之○水經注曰泚水又西南逕新都縣故
城西王莽更之曰新林郡國志以爲新野之東鄉
南陽府志勝入卷之十

干

故新都也○乾明寺在縣西四十里東漢陰皇后
故宅後建爲寺○漢書列傳注鄧禹新人有宅在
南陽界雍州記云禹與鄧晨宅隔一陂雖垣墻已
平基塹可識晨宅有大樹晨每依陰于其下稍北
卽蔓荆山其山多產蔓荆故名○望夫石在縣北
二十五里白河所傳一嬪人送夫從戎至此而
別其後嬪望夫佇立忘歸乃化爲石唐劉禹錫詩
終日望夫夫不歸化爲孤石苦相思望來已是幾
千載只似當時初望時○寰宇記載曹景宗讀史
至司馬穰苴樂毅傳撫卷歎曰大丈夫當如是仕

梁爲右衛將軍庾肩吾字慎之其子信字子山文
並綺麗見稱當時已上俱新野人○後漢書建初
間魯不爲新野令視事一年考課第一又載孔仲
山家貧奉親變姓名傭爲新野縣街卒荊州刺史
范巨卿行部縣選仲山爲導騎巨卿見之驚促臂
曰子非孔仲山耶吾昔與子交裾游太學吾蒙國
恩致位牧伯而子懷道隱身自處于此仲山曰侯
靡甘心於賤業晨門肆志於抱關豈爲鄙哉巨卿
敕縣代仲山仲山竟不肯去

浙川縣在州城西北

南陽府志勝入卷之十

主

唐武德初析內鄉置取後魏浙州之名司空圖寓
浙上詩華下支離已隔河又來此地避干戈山田
漸廣獵頻到村舍新添燕亦多丹桂石壇宜並長
秦雲楚雨暗相和兒童栗熟迷新徑歸去仍隨牧
豎歌○志云浙水在西南三十里源自商州流經
縣南與丹水合注水經云均水出浙縣北山南流
過其縣東合丹水丹水在縣北十五里抱朴子以
水有丹魚先夏至十日伺之魚皆浮水赤光如火
網而取之割其血塗足可以步行水上卽此水也
縣東南有太白山峰巒高峻下臨丹水舊指此山

爲浙川順陽二縣界○大黃山小黃山俱在縣西
石杯山在縣南有隋石杯太子廟○白崖山在東
南百里石色瑩白如縞上有禪寺范仲淹詩白崖
山下古禪刹卽此○岸嶺山在縣北二百里其山
甚高峭壁如削爲唐忠國師結茅處持葷穢至雷
雨輒發不得近

裕州在府城東北
百二十里領縣二

堵陽城在州東六里漢縣俗呼堵陽堆水經云堵
水出堵陽縣北山數源並發南流經小堵鄉謂之
堵水張釋之墓在州城西有漢石碣釋之堵陽人
南陽府志勝卷之十

○襄邑城在州南二里西魏所置郡也方城山在
東北四十里左傳僖四年楚屈完對齊桓公曰楚
國方城以爲城卽此矣隋初襄邑郡廢乃置縣爲
方城至金始立裕州方城其所治也 國朝省入
二按唐書貞觀初年太宗封叔祖神符爲襄邑王
治順陽則襄邑郡未嘗廢也或隋廢而唐旋復亦
未可知順陽漢縣故城在州北與內鄉界○志云
美哉亭心遠亭俱舊方城縣治宋陳與義有詩○
漢王臺在州東南之松坡保相傳高祖所築有子
房廟在東南之房山相傳子房遊息之所又稍北

卽黃石山黃石子房之師也其後爲仙翁飛昇于
此有昇仙閣存按志黃石山在東北四十里出研
石最佳詳研譜○七峰山在州北三十里有七峰
竝列而名又十里爲泉白山與七峰對峙山頂有
泉下流如布相連爲常陽山本草滑石出常陽卽
此○潘河在州城東發源常陽山下南流入趙河
州西三里有三里河源出分水嶺又三十里有大
河源出羅漢山俱東南流注之○聖井在州東其
地四面皆下井居其上獨高仰餘泉常仰溫暖泉
有二三在歷山一在七峰山三時俱涼至冬則暖
南陽府志勝卷之十

按裕州相傳有八景劉禹錫題方城八景詩一曰
松坡烟雨在松坡堰每晨夕望如烟雨故名詩云
堤上槎牙幾箇竹汪洋波水映遙空望來烟雨連
青嶂疑是當年杖化龍其二曰大乘夕照在州東
南大乘山每夕有光照於山巔如日出然詩云山
勢巍拔翠作圍樓臺金碧影相輝老僧把鉢歸來
後猶對斜陽補衲衣其三曰蓮塘夜月在通仙觀
後昔人云陰夜見月于水中後人沒水求之得一
寶鏡而去月不復見水亦隨涸詩云花嬌欲語水
縈紆添得嫦娥色更殊午夜老龍因睡覺夢迴錯

認是明珠其四曰鍊真春春即鍊真宮也在州北一里漢湖陽公主所築詩云風擺殘花點藥爐東君無計可支吾道人日誦黃庭罷曳杖松林看鶴雛其五曰仙翁雪霽在黃石山冬雪之時其頂獨露詩云觀宇魏裝紫翠間葛公從此煉丹還六花舞罷難尋處樹木粧成玉笋斑其六曰落川雲望即落甲川也在州西北十五里詩云一川渺渺逝如斯上有浮雲接水涯蒼狗白衣從變態令人望處起親思其七曰羅漢晴嵐即羅漢山也在州西三十里舊名羅蠻山詩云山堆螺髻插春旻羅漢南陽府志勝八卷之十

面

知誰爲立名一抹嵐光堪美處恍如足練曬新晴其八曰堵陽釣磯在堵陽陂之西渚相傳爲嚴子陵釣處詩云一片臨流氣勢雄垂楊相蔭水溶溶子陵已矣無人釣分付蒼苔碧蘚封

舞陽縣在州城東北百四十里

戰國策蘇秦說魏王曰大王之地南有許鄆舞陽按志舞水泉在縣東南三里河南岍泉湧躍若舞舞陽之名取此漢樊噲所封邑也後漢吳廣督司馬宣王亦俱封舞陽侯○按志縣北五十里有樊吟陵其地名樊村國朝嘉靖間居民郭詢曾掘

吟陵取其藏器被法誅○蓮花池在縣北有東西二池即隋北舞縣故址今爲鎮○鄧侯廟在縣西祀漢相國蕭何以何始封南陽即此地○箕山在縣南三十五里馬鞍山在西南四十里俱以形似而名十八盤山在南八十里周迴一十八里○滾河源出蘇山東流逕汝南界達于淮○沙河源自魯山縣吳大嶺來流經縣界東會澧水達于黃河襄字記以方城衝山澧水所出即桐柏之連岡矣○楚王墓在縣北灰河保吳拙平王墓拋屍于水即此地也○秋青湖在縣北四十里周迴十里南陽府志勝八卷之十

蓋

相傳秋青飲馬于此○水經注云陂水東逕無陽縣故城又東逕定陵南與片溝合其水導源葉縣東南流注于澧往復昆澧之內纏絡四縣之區純即呂忱所謂沮水也

葉縣在州城北百四十里

古應侯國周之應鄉矣左傳曰邲晉應韓文之昭也春秋屬楚成十五年遷許于葉即此楚白公之亂葉公帥國人攻之白公奔山而繼葉公遂老于葉邑焉葉公好龍有龍臺在縣南即其龍臺之舊王維有詩近有墨池俗傳有永泚筆池也漢

王喬爲葉令每朔望自縣詣朝章帝怪之密令太史伺望言其臨至輒有雙鳧從東南來舉羅得雙鳴鵠詔尚方診視則所賜尚書官屬履也每當朝時葉門下鼓不擊自鳴聞于京師按唐開元中析置仙州及仙見縣俱以是名宋歐陽脩次葉縣詩朝渡汝河流暮宿楚山曲城陰日下寒塋氣春深綠征車倦長道故國有喬木行行漸樂郊東風滿平陸蘇軾題雙鳧觀詩王喬古仙子時出觀人寰嘗爲漢郎吏獄世去無還雙鳧偶示戲于以警惰頑不然神仙跡羅網焉能攀○志云荆山在縣北

南陽府志勝

卷之十

三

十里平地中略有岡阜又稍西爲河山古十城在焉後魏書此地有河山縣負山臨水卽其處矣今河山保是○黃成山或云卽方城山在縣西三十里一名苦菜山一名長城山乃長沮桀溺耕處下有東流水卽子路所問津也○青山在縣西南六十里一名西唐山注水經云澧水東過西唐山是矣○昆陽城在縣南漢縣光武帝斬王莽將王尋于此後漢書光武破王邑會大風雷屋瓦皆飛雨下如彭澮水盛溢士卒溺死以萬數水爲不流按蘇軾有弔昆陽賦益惜此○蒲王城在縣東北之

蒲城保舊傳北齊蒲洪所築汝濱城在縣北十五里北齊置汝濱縣及漢廣郡者唐祖詠汝濱別墅詩失路農爲業移家到汝濱獨愁常廢卷多病久離羣鳥雀垂窓柳虹霓出澗雲山中無外事樵唱有誰聞○沈諸梁廟在縣南卽春秋沈諸梁邑也唐李百藥詩總轡臨秋原登城望寒日烟霞共掩映林野俱蕭瑟楚塞鬱不窮吳山高漸出客行殊未已沐浴期終吉椒桂奠芳樽風雲下虛室館宇肅而靜神心日康逸伊我非尊寵勿驚疲朽質○諸葛墳墟在縣北平山下有一斷石幢云此地有

南陽府志勝

卷之十

三

諸葛之舊墳墟今山麓西有諸葛廟東有金雞塚疑卽孔明先世葬此蓋孔明瑯琊人避地而西自其祖父已然非獨孔明在南陽也此幢乃隋文帝開皇二年物去三國未甚遠必得其真○宋梅詢墓在城南二十五里梅灣相近有任梅墓亦宋人已上二墓近日俱爲盜所發楠志石見存詢已失矣神宗之時黃庭堅調葉縣尉嘗作漫尉詩○李奉先葉縣人天性至孝父卒既葬竊自嘆曰奉先兒時父嘗戒家人曰兒幼勿令獨入林野慮其驚恐今親沒一旦棄于林野吾心惻然安所忍乎乃

在庵于墓側晝夜臨哭其中植樹數百株時呼爲孝子村○陳與義字去非葉縣人宋徽宗見其所賦墨梅詩喜之遂登冊府南渡建炎中掌内外制參知政事有簡齋集行于世

南陽府志勝卷之

天



汝寧府

隸河南布政使司

領州二縣十二

上

春秋沈蔡二國地後併于蔡故後周于此置蔡州也漢置有汝南郡故元因之曰汝寧路也劉宋立司州於此命其城曰懸瓠城以汝水屈曲如垂瓠然圖經云其水洄曲其地平舒面山負野限淮爲圻隱然巨屏端若長城史稱汝南其俗剽輕易發怒地薄寡於積蓄然地在汝墳之間爲周文王化行之地人重信義士尚質文昔汝南風俗最好評騭人物故有月旦里在舊平輿縣之二龍鄉云○志云漢武帝時鄭當時爲汝南太守清身率下卒汝寧府志勝卷之十一
之日家無餘財後漢桓帝時宗資爲守一郡之政委任功曹范滂資但坐嘯而已唐狄仁傑知豫州時越王兵敗支黨二千人論死仁傑密理申疏詔悉戎邊因出寧州相與哭碑下齋三日乃去宋熙寧間富弼以大學士徙居蔡州留意民事有情必達歐陽脩出守得太原自請易蔡州謝表略云時多喜新奇而臣惟守拙衆方興功利而臣惟循常焉爾輿地紀勝云木鴈堂在州治郡守吳育以之自况也燕譽堂在郡治東園有輿劉敞倡和有詩園內有牡丹奇生二亭原父題牡丹詩輕黃金纒

優遊碧玉鐫餅時人服其精工奇生亭者取髮侯
湛賦石榻奇生之句也○文苑傳桓寬作鹽鐵論
應劭撰風俗通祭玄辯五經同異俱汝南人志謂
王粲僑居于此有宅在府城內閭巷口言井云粲
所鑿又漢孝子蔡順董永皆嘗居之有二孝莊在
城西○金石錄云唐平淮西碑在府城裴晉公廟
側昌黎韓愈撰文元和十二年立○唐藝文志路
隋平淮西記鄭澥平蔡錄各一卷柳宗元作平淮
夷雅一章攷鄭澥所云京國公者李愬也

汝陽縣附

汝寧府志勝入卷之十一

漢縣以汝水爲名水經云汝水出河南天息山流
經縣東界入淮水有漆水汝水渙水杭陂港水龍
陂港水俱來注之按後周之漆州隋之渙陽縣以
漆渙二水名汝水者今謂之汝口也逕城南二十
里以至九十里杭陂龍陂二港則在東南二百里
內○汝水又東南過平輿縣南平輿漢縣在府城
東汝水南舊沈國也有沈亭春秋定四年蔡侯以
沈子嘉歸後以爲縣史記秦將李信攻平輿焚之
卽此建武三十年世祖封鉞統爲侯國按平輿
國初省入後漢陳蕃載憑許劭告平輿人○寰宇

記云汝水北有安成故城漢武帝封長沙定王
子蒼爲侯國王莽之至成也周燕安成人爲郡夾
曹不寬人獄其後曰嘉曰樊曰浚曰頤曰隴皆燕
所傳○宜春故城在縣西南漢縣王莽之宜春也
後漢以豫章有宜春故加止宜春永元三年安帝
封后父閭暢爲侯國○富陂漢縣關關十三州志
曰和帝九年分汝陰置多陂塘以溉稻故曰富陂
也世祖建武二年王伯封富陂侯于此吳國呂蒙
富陂人在今縣界○縣理卽懸瓠城南止史宋元
嘉二十七年後魏太武帝率兵攻陷汝南太守陳
憲守拒四十餘日積屍與城齊不拔而退卽此城
也注水經云汝水周城形如懸瓠故取名焉魏太
和中高祖幸懸瓠平南王肅起層樓於城隅下際
水湄降眺栗者殊爲佳觀故宋書亦云懸瓠爲戎
以防郅陂矣按栗者在城南汝灣有地數頃樹栗
其中謂之栗洲酈道元以樹木高茂望若屯雲積
氣者也林中有栗堂射埽甚開敞牧宰英彥多所
游嬉黃溪水意水屈曲流注謂之錦繡溪○鴻都
陂在縣東十里漢書曰汝南舊有鴻都大陂郡因
以陂成帝時關東數水陂溢爲害丞相翟方進以

爲決去陂水其地肥美省隄防之費遂奏罷之翟氏既滅鄉里歸惡言方進請陂下良田不得而奏罷陂王莽時常枯旱郡中追怨方進重譴曰壞陂誰翟子威飯我豆食羹羊魁反乎覆陂當復誰云者兩黃鵠及建武中太守鄒農使許陽爲都水掾令復陂鄒陂陽曰昔成帝夢上天天帝怒曰何故壞我濯龍池於是乃因高下形勢起塘四百餘里數年乃得立郡亦常稔今廢○縣東南有四望陂後魏豫州刺史王肅于此築城以禦梁成梁太清年刺史羊鴟仁糧乏乃棄懸瓠而去○葛陂在東汝寧府志勝入卷之十一

四

北回十里費長房投杖成龍處也東漢于此置葛陂縣旋廢神仙傳壺公以竹杖與費長房投葛陂成龍後到東海大旱謂請雨者曰東海神君淫吾葛陂夫人故繫之而久旱今當赦令其行雨故縣有葛仙公廟唐天寶年置懸壺觀于城北十五里後訛爲懸瓠○志云懸瓠池在城北門外唐李愬攻吳元濟雪夜擊鷲鳴以亂軍聲卽此俗呼爲鷲陂池愬有廟在城西俗呼白馬將軍廟○城西有湖曰西湖舊傳顏許陳蔡棲壤之地皆有西湖而此爲最著有翠光亭待月臺諸勝宋孔武仲請帝

下湖光凝不流百尺湖臺蘇軾春綠相傳以爲佳句○施口在城南界先是裴度築連城于施口率輕騎觀之賊以奇兵自五溝至李光顏力戰却之光顏密遣田布伏精騎于溝下扼其歸賊頗危溝壑者千餘于是稍銳盡殲而李愬得巢穴以入蔡○測景臺在城北三里天中山山高丈餘土上下石以在天地之中測日景分數莫正于此○然身臺在城東之東射橋係漢汝陽令張意然身救旱處也○漢翟方進墓在縣境內宋劉敞詩持法雖深上不疑蕭疎何事觸刑機王恩未改天心改使者汝寧府志勝入卷之十一

五

空乘白馬歸○蔡州西北一百餘里古平輿縣界有仙女墓卽董仲舒爲母追葬衣冠之所傳云董永初居玄山仲舒旣長追思其母因築墓焉或云仲舒母是仙女人間無墓恐是仲舒藏神符靈藥及陰陽秘訣於此秦宗權命將卒百餘人往發掘卽時注雨六旬不止竟難施工是歲淮西妨農因致大饑○金石錄云漢平輿縣薛君碑文字完好其文曰惟延熹六年春二月平輿令薛君卒烏呼哀哉吏民其咨咨君之德廼建碑于墓石之側其後有銘三百餘言敘述甚詳惟不載其名字世系

故莫待而考焉

真陽縣在州城南
八十里

漢慎陽縣東魏置義陽郡于此亦梁之白狗堆也
魏將堯雄曰白狗梁之北而重鎮梁刺史羊鴉仁
攻懸瓠不利退保義陽卽此城矣隋開皇年郡廢
始置直丘縣唐改真陽以在淇水之陽爲名○寰
宇記云淮水經縣南去縣八十里西北有淇水流
注之鄆道元謂之慎水也陂水首受慎水于慎陽
故城南陂陂水兩分一水自陂北逕慎陽城四圍
城塹賴川荀淑遇縣人黃叔度下逆旅與語移日
汝寧府志勝卷之七

上蔡縣在府城北
四十五里

古蔡國史記周武王克殷封叔度於蔡挾武庚作
亂周公殺管叔放蔡叔與車七乘其子胡改行率
德嗣善周公問之舉胡爲魯卿士魯國理言于成
王復封胡于蔡是爲蔡仲○世本云九江有下蔡

故此稱上按上蔡古城在縣西南十里縣東十里
有蔡岡周廻五十里中有八卦臺產蒼草傳曰天
下和平王道得而蒼莖長丈其叢生滿百莖下有
神龜守之上有雲氣覆之○縣東北有光武臺高
十八相傳漢世祖所築下有光武井○人物考孔
子弟子曹秋曹卽漆雕開秦冉又秦李斯漢吳公
俱上蔡人吳公史佚其名辟買誰者洛陽治行第
一李斯相秦臨刑歎曰欲牽黃犬入上蔡東門其
可得乎按志李斯井在縣南墓在縣西各二里宋
劉敞詩二世三公何足論憶牽黃犬出東門天心
汝寧府志勝卷之七

忌滿由來事任恃沙丘有舊恩○汝水在縣西五
十里朱馬河有二一在縣東一在縣西各去三十
里東合戚橋河入于汝有包河在縣東九十里來
注之按水經注云汝水又東南過上蔡縣西竹書
紀年魏章率師及鄭師伐楚取上蔡者也後漢建
安元年安帝封鄧騭爲侯國○論語隱義云孔子
至蔡解于容舍夜有人盜孔子一隻敍去孔子最
長一尺四寸與凡人裝異○東觀漢記羅頌序曰
上蔡任滂文源家舊藏四十三卷後渡江人去僅
存十卷○文獻通考甘棠集一卷上蔡孫俱降歲

撰咸平元年舉進士第一知制誥其集首篇曰
崇思循吏也○藥寮叢稿一卷謝俊景思撰即後
學所稱謝上蔡先生

新蔡縣在府城東五十里

史記蔡叔二子遷于新蔡輿地志云蔡平侯自上
蔡徙都于此故曰新蔡王莽之新遷也世祖建武
元年封吳漢為侯國○寰宇記云古呂國酈道元
謂之中呂昔周穆王時呂侯訓及贖刑者有大呂
亭在縣東○標亭左傳魯昭公四年吳子伐楚入
標註疏楚東鄙也汝陰新蔡縣東北有標亭注水
汝寧府志勝入卷之十一

八

經曰汝水又東逕標亭春秋之棘櫟也汝水又東
南逕平陵亭又逕陽遂鄉又逕青陂陂東對呂亭
○汝水又逕鰲陽縣故城南應劭曰在鰲水之陽
矣鰲音紂故城在今縣西汝水去縣南二里對縣
有葛陵城建武十五年更封鮑丹為葛陵侯于此
城東北有楚武王塚城北祀社里掘土得銅鼎銘
曰楚武王隧○寰宇記云琥珀丘在縣南三十里
鎮丘臺在縣西南五十里有光武廟○汝南先
賢傳曰新蔡鄭敬字次都為郡功曹都尉太守高
懿廳事前有槐樹露下類甘露者林屬皆以為是

敬賦曰明府之政未能致此但樹汁耳懿不覺
花疾而去晉書于寶新蔡人撰搜神記若干卷以
示孫綽興公曰卿可謂鬼之童狐○金石錄云漢
靈帝建寧三年新蔡長李言上請修復青陂司徒
臣訓尚書臣襲奏可功成于陂塘南樹碑稱青
陂在縣坤地源起桐柏淮川別流入于潁潁逕新
息坂衍人褒信界灌田五百餘頃

西平縣在府城西北百三十里

古伯子國漢置縣曰西平列士傳曰西平縣有龍
泉水可以淬刀劍蘇秦說韓王曰韓有劍戟出于
汝寧府志勝入卷之十一

九

棠谿今縣西界有棠谿村○寰宇記云故西平城
在縣西七十里右二十四陂魏興農鄧艾所造也
九頂山猷樹山諸石山俱在縣西南一百里○後
漢書戴封為西平令時旱禱祀無應封積薪坐其
上以自焚火起而雨降遂近稱服一統志元李不
作和元恕俱西平尹以禮讓教民不事鞭撻民皆
化之○漢鄧恢西平人為上東門候恒武帝不納
今東門外有憚墓○晉和嶠西平人庾領稱其有
棟梁之用

確山縣在西南五十里

漢安昌縣張禹所封之邑亦曹魏義陽郡治也
漢改曰朗山以縣南四十里朗山為名山下有朗
陵世祖建武中封城陽校尉臧宮為侯國晉何曾
為朗陵公即此宋改確山以縣南十四里確山為
名世傳何曾見此山有曰杵自動有聲取之不出
又謂之浮石嶺注水經曰湊水出浮石嶺北青衣
山亦謂之青衣水矣○志云蟠山在縣南二里蟠
繞城郭其狀若龍秀山在西北十里飛烟積翠視
諸山為秀出金頂山在縣西四十里頂上雲霧多
緋紫色望若金光樂山在西北四十里即朗山也
汝寧府志勝不卷之十一

宋避諱改今名山麓有唐李愬平蔡時軍營石壘
蓋愬以兵絕朗山道夜行七十里至蔡處山頂有
池名皓月池生四季蓮花黃西湖發源于此東流
合斷際練家二河入汝水縣南四十五里有沙河
一名吳寨河東自桐柏縣來者合三里河入汝○
北泉在縣西北樂秀二山之間泉水湧作蓮花狀
宋曹庠親著夏侯冲賀瑱結茅隱居于此○城塚
記云故道城在縣西南即春秋道國所謂江黃道
柏是也在汝南安陽界○高皇臺在縣東南四十
里漢高帝所築又一舍有四望城後魏王肅築

遂平縣在府城西
九十里

漢吳房縣孟康曰本房子國吳王闔閭弟夫槩奔
楚封棠谿氏于此故曰吳房矣唐元和年以吳元
濟叛改遂平○志云洪山在縣西六十里又八里
為奧來山又二里為崆崆山一名嵯峨山其山空
有洞穴可深入唐節度使李觀及吳元濟戰崆崆
山五代黃巢山賴蔡保崆崆山皆謂此也○石羊
河出縣西平頭塚山即奧來山之右東流入汝水
又合許有上渠溝源出崆崆山合陽春溝入沙河
信陽州在府城南三十里領縣一

汝寧府志勝不卷之十一

周中伯所封後周武帝立中州州治內桑惠咸喜
二堂取毛詩云桑惠且直周邦咸喜之義也即漢
平氏縣之義陽鄉地魏黃初中立義陽郡縣于此
郡治安昌而縣治石城矣宋廢郡為義陽軍尋改
曰信陽范純仁劉安世盧士宏皆治信陽軍○前
賢詩云摩山閣設險高屋照多陰晴嵐度丘壑踈
翠上衣襟今環翠堂治其名又有三秀堂在東城
隅舊名牧牛軒宋宣和間以杏樹產芝被旨易今
名相傳神宗元符時忽有道人書於司天橋上曰
日坐竹馬橋夜宿牧牛軒○注水經云淮水入

義陽縣故城南其城圓而不方世謂之白茅城
對固成山山有水注流數丈洪濤灌山遂成巨井
謂之石泉水北流注于淮○寰宇記云淮水西自
桐柏縣界流入有明河三灣河九曲河俱合淝水
注之按州西北百二十里之天目山下有白龍潭
卽明河之源也三灣河源出州南五十里南山下
九曲河出州南九十里之鷄頭山其水曰鷄頭水
凡九渡郭處詩云春來芳草滿鷄頭又云春風九
曲河邊路者也水經注謂九渡水出鷄頭山磧澗
縈委淪迴九迴溪之東又有一水發自山椒下數
汝寧府志勝八卷之十一

十三

大縈淪直注類波委縈可數百丈望之若霓幅練
焉下注九渡水又北流注于淮淮水又東得淝子
口○寰宇記云淝水南自隨州界流入注水經以
淝子一帶三川亂流北注經賢首山西是也按淝
水至州城南入江湍流甚激前人詩城邊淝水抱
城流卽此○賢首山在州西南七里南北史魏攻
義陽齊蕭衍救之上賢首山者也亦名賢隱山蔡
道恭詩閒來欣風夕結駟快茲游木落川原淨鳥
鳴烟霧收狂華危處上倏向與中休爲解登山理
穿雲望故丘又洛洛垂衫袖脩脩者羽翰初出半

嶺坐落得衆峰有幽巖陰常曠龍愁氣不寒更
巢鵲處只恐下來難○志云士雅山在州南六里
梁天監時魏將元英所築壘也震雷山在東南二
十里山多澗谷樹木幽翳懸瀑亂流如雷震吼故
名又五十里爲靈山視衆山爲特高每有雲氣覆
頂卽雨其下有白馬常出入洞中人逐之不見○
卓谷山在州北五十里以形似卓谷而名上有寺
下有潭○金山在州南五十里連環二十餘里通
鑑魏將辛祥夜襲梁將胡武成於金山進攻義陽
曹景宗鑿峴以救之今有曹城在州南三十里又
汝寧府志勝八卷之十一

十三

三十里有峴山與州東之義陽山相望故昔人云
依武山以立義陽郡也按武陽峴二關用山爲
障不設濠隍一曰冥阨一曰平靖關史記魏攻冥
阨淮南子曰天下九塞冥阨其一也平靖關見十
六國春秋有大小石城鑿山通道昔義陽縣設立
於此水經注云石城山南有天井澗數百步在州
東南九十里○志云鍾武廢縣在州西南漢置屬
江夏郡通鑑臧官狗鍾武竹里皆下之卽此○鍾
山廢縣在州東南木漢縣治屬江夏郡北齊置
齊安縣及郡隋改曰鍾山縣○蔡母城在州北漢

陽郡有蔡陽縣註云芥之母功顯君邑○武
城在州東北二十五里昔吳魏之爭有武城蓋出
楚令尹子常之所治也○曹城已見上其地名曹
店○淮源城在州西北六十五里北齊置慕化縣
及淮安郡隋郡廢改縣曰淮源魏文帝發淮浦詩
發淮浦兮迴黃流鼓船舫兮極浮游雲漢漢兮天
已秋攬芙蓉兮藏芳角酌吾酒兮樂無憂懷佳人
兮結綢繆右見樂府

羅山縣在州南百四十里

隋置以西南十里羅山為名漢之鄆縣齊之高安
汝寧府志勝八卷之十一

十一

縣也故高安城在西南一百里蜀漢費樛晉孟嘉
皆鄆縣人縣西北有釣魚臺世傳孟嘉垂釣于此
○寰宇記云石人谷在城西三十里谷內有兩石
人其狀天成不假人力○竹竿河在東北三十里
源山窟壠山北流注于淮又縣南七十五里有灘
河水出山石間波流楚灘因以名之同注于淮○
子路山在縣西四十五里舊傳子路曾宿于此老
君山在縣東百八十里以老子所嘗停車故名縣
東南又有仙居山半山西南有紅山六斗山○又
有鵲山舊傳羣鵲棲其上每風雨將至則啼以

羅山有孟嘉古跡嘉先此縣人見江表志

光州在府城東三百里領縣四

蔡大同時置以所屬有光山為名春秋之弦子國
也僖公五年楚人滅弦即此故唐武德初置弦州
美杜預曰弦在弋陽帙縣是後弋陽三國魏置
帙帙即高齊之定城縣也十三州志云定城在古
黃子國南十二里寰宇記云黃國故城在州西十
二里宋以前光州治定城元省入○輿地紀勝云
本亭在治圃內宋盛度詩弋陽信夷驢漂在亂山
中惟此仙人杏特著蒼然功○愚閣在州學東南
汝寧府志勝八卷之十二

十二

盛度賦弋陽十詠于此○楚黃歇宅在州治傍楚
考烈王賜以淮北十二城者金線泉在州城南岸
宋趙抃詩玉甕常浮灝氣鮮金絲不滴路南泉○
寰宇記云淮水北去城六十七里有潢水源出黃
土白沙兩關之間東流至州南抱城而東與淮水
合又有小黃河曰露河俱東自麻城分水嶺來合
恨溝春河為溪諸水以入淮唐張佑詩一葉飄然
下弋陽殘霞昏日樹蒼蒼為溪漫漶千將劍却是
猶聲斷客腸○雲廟亭在淮河之側元馬融詩
八月淮南鴈又來雲廟亭畔釣花開莫言

無事臨水閒行日幾迴○志云劉伶墓在州城北
相傳伶死葬此傍有劉伶井○歸鴈亭在州界故
滑城內歐陽脩詩長河終歲足悲風亭古臺荒半
倚空惟有鴈時歸最早柳含微綠杏結紅石滑州
城在西北十里光之舊治所也○輿地碑目云蒲
浮光志緒孝錫編○唐光州刺史瑜德碑見九城
志所載今不存○梁大同七年石柱記在州城北
二十五里普明寺中上有鐫記于酉字上闕一字
圖經遂改大同七年為天監七年象之謹按天監
七年乃是戊子大同七年則為辛酉當以大同七
年為是

汝寧府志勝卷之十一

七

光山縣在州城西四十五里

浮光山在縣北八十里一名浮弋山注水經云浮
光山即弋陽山也出名玉及黑石堪為基于其山
俯瞰長淮每有光耀縣以此名按即漢之西陽縣
矣西陽故城在縣西二十里晉太康年封汝南王
亮子萊為西陽公又惠帝改封西陽郡王皆此地
也永嘉亂後遂廢○志云縣學內有司馬井世傳
溫公生時汲此井水浴之公之父旦嘗為光山令
因以為公名○官渡河在縣南五里源出八

北流合梅林泊陂張師等河及將港至縣南有流
東北入州界達于淮賀守約詩云光山南去有長
河兩畔春風漲碧波斜日扁舟重回首向來官柳
已無多其上有一龍山一在官渡之東樓虎山首
入于河一在官渡西接千工堰首入河統在縣南
二十里二龍首相向名會龍灘○茹陂水在城東
南四十里漢刺史劉毅築以溉田有故城在縣南
六十里即茹山城也顧野王輿地志云茹山城晉
安帝所置○按其地有仙居縣本汝縣地漢惠帝
封黎朱舍為軼侯於此劉宋外置樂安縣唐天寶
汝寧府志勝卷之十一

七

年改為仙居以縣有南西二仙山中藏石室仙人
所居也杏山在其東北與仙居山隔谷相去七里
上有抱朴子煉丹井竈遺跡遍山多杏樹故名
宇記云仙人廟在南仙居山頂相傳葛玄先時曾
宰樂安縣人戶饒厄抱朴子濟之以丹至今祀之
○水經云谷河水南出鮮金山北流合瑟水入淮
俗謂之仙居水淮水又東右壑水注之鄭道元以
水出白沙東北經紫亭山俗謂之柴水屈曲流百
一十里同黃川水入淮按黃川舊光山郡理此其
城謂之黃城○迎春山在縣南四十里山色青葱

至春彌盛又四十里爲白崖山絕頂有洞洞有古井其山四面相向流水縈澗謂之四面山高陷河發源于此流入臨仙河○淨居山在縣西南中有淨居寺蘇子瞻紀遊詩併敘云寺在縣西南四十里大蘇山之南小蘇山之北齊天保僧慧思過此見父老問其姓曰蘇氏又得二山名乃嘆曰吾師告我過三蘇則住遂留結菴而悟道焉世所稱智者大師是也○子瞻詩云十載游名山自製山中衣願言畢婚嫁携手老翠微不悟俗緣在失身蹈危機遂恐生死隔永與雲山違徘徊竹溪月空翠搖汝寧府志勝入卷之十一 六

烟扉鐘聲自送客出谷猶依依

固始縣

在州城東百十里

漢寢縣續漢書改爲固始宋析置期思縣今廢爲鎮按期思城在西北七十里漢英布大夫賁赫告反封期思侯者○注水經云縣故蔣國周公之後也春秋文十年楚王用子孟諸期思公復遂爲右司馬楚滅之以爲縣城西北隅有楚相孫叔敖廟廟前有碑叔敖爲楚相死之日語其子曰楚王封汝必巧寢丘薄而久安晉太康地志云叔敖祠在期思城西五步歲久累壞託夢於固始縣人受光

復重修元馬祖常詩古城猶說漢期思土鍾元鼎楚相祠弓得寢丘人不奪千年潞水入荒陂○志云漆井在縣治前俗傳漢高帝追項羽至此以漆布井使不通河水也金線源在城西南沿而東北入于淮水○寰宇記云史河在縣東二里決水在縣東三里潞水在縣西五里曲河水在縣西二十里潞水在縣西五十里金漿澗水石潞河水在縣南百五十里俱至城北北滙而入于淮按志史河源出牛山東北流滙于決水漢書云決水出廬州雲婁縣南大別山北入安封縣又經麥古城與淮水汝寧府志勝入卷之十一 五

合水經注云淮水源山廬江金蘭縣褚先生論神龜出于淮水嘉林之中即此水也寰宇通志俱以淮水出縣西四十里之霧露山舊經謂山在雲婁之頂語訛爲霧露有大小二淮安俗亦訛爲潞水按梁置麥縣後周置潞州蓋以麥城及潞水名○史河源出牛山陶弘景山圖云牛山出藥草東南角有伏石似牛○曲河水出湯坑之梅池寰宇記謂之渾全湯去縣南四十五里其湯綠色三月中虺毒不可近○水經云潞水出弋陽南嶽山歷陰山關北注于淮俗謂之白露水是也○石潞河金

紫洞俱出大蘇山山下有蘇仙市洞水色白如乳
唐乾封年司馬德順改名本日淦水○寰宇記
云安陽山在縣東五十里一名太山山勢高聳上
有白龍池與霍縣分界○仙井山在縣西五十里
昔有仙人隱此至今石泉數區留存○銅井山在
縣西南八十里山上有井以銅爲口不知起自何
代亦曰仙人居之又百里爲金剛臺山以雙峰竝
峙而名山上有風洞龍井禱雨輒應宋嘉熙初嘗
築石城於山之陽爲光州寓治又百里爲橫溪山
山腰夾橫水上舊傳唐武后梳粧處相對有照鏡
汝寧府志勝八卷之十

壬

崖內有胭脂石粉石油石火石其下有沙分爲十
八道又百里爲上天山吳真人修道處舊有石洞
相傳兵火燬因嬾人避難於此洞門自合云○木
賊山在縣南百里界山上多木賊草又有白牙山
在縣境產桑中弓材○塚記云丁蘭木母塚在縣
北六十里之丁村舊謂蘭此地人○唐書王潮與
弟審邦審知偕宗問略定閩地安輯有功審知尤
英勇號白馬三郎進封閩王時彊藩巨鎮僭號者
比比審知有效驅之意部下王延嗣極諫且勸勿
受梁僞爵曰義不帝秦此其時也以故審知終身

不大臣節云延嗣光州人葬歸故土

息縣在州城西
北九十里

春秋息國爲楚所滅納其夫人爲妃終身不言唐
王維詩莫以今時寵能忘昔日恩看花滿眼淚不
共楚王言○漢書注曰本息縣其後東徙故加新
字王莽之新德也光武封馬援爲侯國城北門內
有新息長賢彪廟彪字偉節初下車聞新息人例
不養子彪嚴其制數年之內生息繁衍命曰買父
所長養也人思其德爲立祠焉城西南又有魏汝
南太守程璜碑太和年立唐劉長卿新息道中蕭
汝寧府志勝八卷之十

壬

條獨向汝南行客路多逢漢騎營古木蒼蒼離亂
後幾家同住一孤城○寰宇記云淮水自西流入
經縣南去縣五里汝水自西流入經縣北去縣八
十里又二十里爲營河卽汝之支流也東南流入
淮又縣東有泥河源出萬安塘谷河源出堅峇腰
閭河源出高黃坡俱流入淮○志云白公城在縣
東北楚太子建子也舊有白公廟謂之白亭屬蔡
信縣元省入陽安故城在西南四十里春秋江國
地也漢置陽安縣于此○古息城在縣北三十里
息侯廟在西南十里有珉玉坑去息侯廟八里五

志玉色潔白隋唐造官採取後爲淮水所支門元
中淮徙復出其玉溫潤倍勝昔時○觀花樓在縣
學西北舊傳息侯所築以淮海集攷之蓋光州藏
春塢也○玉梁渠在西北五十里隋仁壽中修築
唐開元縣令薛務更加疏導管陂六十所利田三
十餘頃

商城縣在州北一百里

劉宋州郡志云春秋黃國也元嘉年僑立苞信縣
于此後成實土按梁以項城縣爲殷城鎮處流人
是矣隋文帝以豫州重有苞信之名改爲殷城縣
汝寧府志勝入卷之十一

主

至煬帝又立義州于此唐貞觀年州廢縣存宋改
今名尋省入固始 國朝成化復置○志云車轂
山在縣北二十里銅井山在東北四十里又三十
里爲青山一名峽口山○果老崖在縣西南四十
五里舊傳仙人張果所居又東南百五十里有老
鶴崖以形似而名○溫泉在縣南三十里能已癆
疾又西南七十里有五關河一曰白沙二曰土門
三曰斗水四曰黃土嶺五曰修善嶺凡五關源自
考溪十八道河旋轉紆迴五水相合于此

汝州隸河南領縣四

隋置汝州以汝水爲名唐天寶間改臨汝郡尋復
舊春秋戎蠻子邑有蠻中聚在州西南界漢河南
郡之梁縣地也十三州志云梁周南鄙邑秦滅東
周遷其君於此謂之陽人聚在今州西戰國時謂
之南梁以別于大梁也 國初以梁縣省入州○
梁縣舊理在汝水南俗謂之治城隔汝水與注城
相對司馬彪曰梁縣有注城史記魏文侯三十二
年敗秦于注卽此注城南面已爲汝水所壞後魏
於此立治城縣隋大業改承休以漢有承休城云
汝州志勝入卷之十二

一

東觀漢記光武封姬常爲承休公用王周祀元始
二年更曰鄭公王莽之嘉美也汝水又東爲周公
渡藉承休之徽號有周公之嘉稱矣○注水經云
汝水在河南梁縣勉鄉西天息山地里志曰出高
陵山卽猛山也汝水于朗臯山東出峽謂之汝阨
卽放臯山也一名狼臯山又名鳴臯○唐貞觀中
所建清暑宮在州西南六十里崆峒山側崆峒山
者黃帝問道廣成子之所也開元年汝州刺史盧
貞碑略引爾雅云北戴斗極爲崆峒其地絕遠華
夏之君所不至禹跡之內山名崆峒者有三焉其

一在臨洮秦築長城之所起也其一在安定二山
高大可取財用彼人亦各於其處爲廣成子立廟
而莊生述黃帝問道崆峒遂言遊襄城登其笑訪
大隗皆與此山接壤則臨洮安定非問道之所明
矣仙經敘六六洞天五嶽不在其列是知靈跡所
存不繫山之大小也此山之下有洞焉其戶上出
者舊相傳云洞中白犬往往外遊故號山家爲玉
狗峰昔之守宰以爲神居闕潔懼蕪穢者幾弄因
積土封之今升踐其頂響連于下甚深遠矣又有
溫水數源揚波於川左泉上華宇連蔭芙蓉交拒
汝州志勝 卷之十二 二
方塘石沼錯落其間順道之士多歸之其水東南
流注廣成澤水按志廣成澤在州西四十里唐聖
曆三年正月則天駕幸尚有碑石斷折口後漢書
安帝永初元年以廣成爲遊獵地假與貧人二年
鄧太后臨朝鄧騭兄弟輔政以爲文德可興武功
可廢請寢蒐狩之禮于時馬融作廣成頌諷云大
漢之初基也按厥靈囿營於南郊右臂三塗左概
嵩嶽面據衡陰箕背玉屋浸以波濞演以榮洛金
山石林殷起乎其中神泉側出丹水注池惟石滑
磨耀煥於其陂是此澤也隋大業中置馬牧焉亦

名黃陂鄴道元所云汝水又東黃水注之者矣
黃水東南逕白茅臺東又南逕梁翟鄉西漢書世
祖自潁川往梁翟鄉馮異先詣行所者括地志云
一名梁雀塢在汝州梁縣東北二十六里或以爲
卽承休城○城塚記云魏陵在州城東大龍山巔
魏元氏所募戰國時此地屬韓後屬魏也其下有
龍興寺祀顏真卿宋李廌詩古寺今如昔泉碕夜
不晨○風穴山在東北二十里唐時貞觀師傳卷
之所宋吳幾復隱此舊有吳公洞讀書卷雅才亭
諸勝李廌俱題詠其上有翠嵐亭登之則州城可
見知州彭綱詩觀月臺前春水流翠嵐亭上偶乘
遊日斜酒散僧鐘定野鳥一聲山寺幽○霍山在
東南二十里左傳哀四年楚爲一昔之期襲梁及
霍是也漢立霍陽縣以此有故城俗謂之張侯城
又三十里爲魚齒山襄十八年楚伐鄭次于魚陵
涉于魚齒之下涉水出焉○鹿臺山在州北二十
里狀如蹲鹿故名又二十里爲重金山山多黃石
層累相成日夕掩映山色如金○金石錄云汝歸
在州治內凡十二刻宋曾改築此君堂在郡建宋
元祐年知州文大方構莊公岳系之以詩○汝雨

亭在州治北園跨西池上宋咸平中趙況爲守時
建刻蘇轍祈雨文於石○香蓮亭在州治後園有
茶蘼三株宋時物全大定中知州烏古倫取蘇軾
無風香自遠之句命名因爲作記○樂山亭在州
城西北宋端明學士韋處厚築有古碑○思賢亭
在州治北宋端明學士韋處厚築有古碑○思賢亭
後主廟瑜未作守思之因作思賢亭劉敞有記虛
舟亭者金興定初防禦使完顏建趙思文立碑○
唐杜甫送賈閣老出知汝州西掖梧桐樹空留一
院陰艱難歸故里去住損春心宮殿青門隔雲山
汝州志勝 卷之十二 四
紫微深人生五馬貴莫受二毛侵按唐書肅宗二
年九節度師潰于鄴城汝州刺史賈至奔襄鄧而
吏闕善卽此時也○孟郊夜集汝州聽陸僧辯彈
琴宴樂寵詞客清宵意無窮徵文北山外借月南
樓中千里愁併盡一樽歡暫同胡爲憂楚憂漸深
起寒風○志云巢父井在城西郭門其傍有巢山
廟宋宗舜臣刻王通叟吊巢父文于石又有紹聖
四年赤城羅適題巢父亭詩泊然巢一枝常靜不
待息天地存遺井聊以見清德弘治間水漲西河
浮出○馬跑泉在州城東南相傳漢光武皇帝之

馬跑地而得此泉又龍泉在城西南其水
聲中秋之夕陰雲蔽月俯觀泉內魄形自若前人
詩我欲龍泉觀夜月崆峒烟雨阻人行石龍過
在其側四壁千仞散泉如由唐孟郊有觀龍過詩
卽此○城西門外有洗耳河源出登封縣之箕山
相傳許由避堯洗耳于此南流入汝汝河在城南
五里源出天息山西自伊陽界來州東三十里黃
河注之一名趙落河源出左村北元張跋汝河
詩湛湛清風九曲灣深沈徹底似拖藍扁用一紫
無人繁風動橫移同碧灣○碑曰云唐令狐緒刺
汝州志勝 卷之十二 五
汝州有善政汝人請刻石頌德緒以弟絢當國固
讓宣宗嘉其意乃止宋楊億以翰林出知汝州士
民得其片文隻字以爲至寶王素亦以翰林出守
遇事立決落有湖陂人目之爲太史湖熙寧初富
弼因爭新法謫汝州判魏顥罷也以其親老求近鄉
局得監汝州鹽稅久之以宗正丞召命下及門而
卒○紫微詩話云紹聖初蘇子由罷門下侍郎知
汝州吳傳正當制行詞曰薄責尚期改過原情本
出愛君尚有忠厚之意如此○明道雜志云蘇黃
門謫汝州因遊天慶觀見殿上壁畫其精闢之乃

吳道子筆也而殿稍不完因施已俸新之工入於殿脊上火珠中見有書字蓋記建殿年月後有書曰某年月日有姓蘇人重修校其時與黃門重修正合然則人之行止豈偶然哉○唐李益上汝州郡樓詩黃昏鼓角似邊州三十年前上此樓今日山川對垂淚傷心不獨爲悲秋王建江陵使至汝州回看巴路在雲間寒食離家麥熟還日暮數峰青似染商人說是汝州山○州西至洛陽縣以臨汝舖爲界去城六十里唐李白離彭婆值雨投臨汝詩投館野花邊麻蜂吟不前山橋斷行路溪雨汝州志勝 六卷之七

更望伊川

魯山縣在州南百二十里

魯山在縣東北八十里一名露山以高出羣山之表也堯山一名大陌山在魯山西左傳云陶唐氏既棄其後有劉累學擾龍以事孔甲龍一雌死潛醢以食夏后夏后享之既而使求之懼而遷於魯縣因立堯祠于西山焉今亦號大龍山以擾龍見稱堯山泄水所出倍三十三年晉陽處父侵蔡楚子上救之與晉師夾泝而軍註疏泝水魯陽縣東

也後漢書光武破王尋於昆陽士卒塞於潁水之上又名燒車水以光武燒王尋輜重於水濱矣○注水經云溫泉水出縣北山阜七泉奇發炎熱奇毒痾疾之徒無能澡其衝澤救瘵者咸去湯十許步別池然後可入湯側有石銘曰皇女湯可治萬病亦可熱木又有波水卽馬融廣成頌浸以波澹者也○城塚記云魯陽公墓在露山東北五里去縣二十五里墓上石碑有魯陽公墓四字淮南子云魯陽公與韓師戰酣日暮校戈而搗之日爲之反三合漢因立魯陽關于此關上有水俗名三鴉

汝州志勝 六卷之七

七

水後周於此置三鴉鎮亦曰平臯城去縣西南十九里高齊又移於縣東北十七里改爲魯城其實二城與關相表裏○三鴉鎮北有輟輶橋世傳漢光武帝爲王莽兵所迫至此乃先渡橋及莽至則橋已沈矣後人掘見石獸石柱于此○寰宇記云犂縣故城在縣東南屬南陽郡漢地理志南陽鎮犂等三十六縣是也犂角城亦在東南春秋成六年晉師過於犂角者應城在縣界左氏邢晉應韓武之移也注應國在襄城父城縣西南韓詩外傳周成王與弟戲以桐葉爲珪曰以封汝周公曰天

子無戲言王應時而對曰應侯今應城固此地矣
○志云彭山在縣東南二十里世傳彭越屯兵于
此○黑山在縣南二十五里又縣北三十里有明
山相傳漢光武所經日暮昏黑尋段北徙復驚明
朗也扶安山在縣東南五十里上有唐秦王廟昔
時駐馬于此又縣北四十里有青條嶺陂泉原上
唐元結墓在焉顏真卿銘舊傳結嘗隱商餘山去
州東南十五里○縣西八十里有歇馬嶺遙望伏
牛山秀出孤峰石窗閃條靈異周目又十里爲吳
大嶺沙河所出東流會于澧水○清水河在縣東

汝州志勝

八

二十里發源赤城村東流入沙河赤城相傳劉聚
屯兵所築其址尚存又縣西三十里之當齊河發
源焦山北流至竹岭村縣南五十里之秋河發源
楊家林流經寶豐縣界俱入沙河○括地志云琴
臺在縣子城東南廣二百步唐開元中元德秀爲
令彈琴其上顏真卿作碑文又有修禊亭相傳歐
陽詹爲令以三月三日集僚吏修禊焉○後魏景
明中鄴道元與弟道約俱守魯陽爲政清靜表立
賢序邦人化之按道元卽注水經者其注汝水曰
余以永平中蒙除魯陽太守會上臺下列山川圖

以方志參差遂令尋其源流此等雖非學徒難以
取悉然旣在遊見不容不述今汝水而出魯陽縣
之大孟山黃柏谷巖鄆山高山峭遂密石徑崎嶇
人跡裁交西卽盧氏界矣其水東北流逕太和城
西又東流逕其城北左右溪松列植筠柏交陰尹
公度之所棲神也又東屆堯山西嶺下水流兩分
一水東逕堯山南爲澧水卽經所言澧水出堯山
矣一水東北出爲汝水歷蒙柏谷左右岫壑爭深
山阜競高夾水層松茂柏傾山蔭渚其水津流不
已北歷長白沙口孤白谿水注之夾岸沙漲若雪
汝州志勝

汝州志勝

九

因以取名其水南出孤白川北流注汝水又東北
趣狼臯山者也唐劉長卿魯山送別凄凄遊子若
飄蓬明月清樽祇暫同南望千山如黛色愁君客
路在其中

郟城縣

在州東九十里

左傳昭十九年楚令尹子瑕城郟孫昭子曰楚不
在諸侯其僅自完也志云郟府臺在縣東北二十
五里○注水經曰汝水又東南逕郟縣故城南汝
水注之汝水又左合藍水逕紀氏城西有增臺記
謂之紀氏臺續漢書曰世祖車駕西征盜賊率起

如令馮魴為賊延哀所攻力屈上請紀氏寇賊自
降在邾城東北十餘里二藏宮邾人從先武征戰
有功拜輔威將軍○郡國志云釣臺在縣西相傳
黃帝問道廣成駐蹕於此大奉釣天之樂故名○
神龜臺隋開皇初獲一神龜腹文曰天下揚州左
有尹字右有月字又有望仙臺建于望仙村者俱
在縣西○大劉山在縣北三十里世傳漢高祖入
關駐此名沛公壘注水經以扈澗水出大劉山又
以董溝水出沛公壘是也東漢光武亦駐焉後人
立廟山上有大劉小劉之異○蛾眉山在西北三
汝州志勝 卷之三 十

十五里以類蜀之蛾眉故名蘇文忠所命也其地
與扈陽山相近山之陽有婁景洞世傳婁景隱此
亦扈澗溪水所出矣山下有廣慶寺寺內有三蘇
祠賦幟兄弟俱葬此山宋苑中詩天涯流落兩丘
土玉樹龍捲佳城中舉杯一酌不忍去萬木颼颼
秋聲滿又五里為鳳翅山以形似鳳翅而名上有
雲泉○紫雲山在縣東南六十里山頂常有雲氣
舒布作紫翠之色其陰有白虎潭世傳周處射殺
白額虎處又縣東三十里之長橋河即周處斬蛟
處也水流入汝○黃伯陽洞在縣之封家莊世傳

伯陽隱此因名○婆娑園在縣西相傳雀鵲所居
又名石牛莊鶴詩云晚禽噪竹百千翅殘菊橫枝
三兩花好在山園巷衰疾風波不到野人家

寶豐縣 在州東南
八十里

唐證聖中分邾城東南地置武興縣神龍元年改
為龍興宋易今名以縣舊有冶鑄場云○志云寶
豐故城在縣東元省人梁縣者 國初梁縣省
復置今縣因移治所又縣西北有父城左傳昭十
九年楚城父城即此地也今名父城係保內有橘
鼓臺相傳漢高祖與項羽戰橘鼓于此○寰宇記
汝州志勝 卷之三 十一

云汝水在縣南二里縣東坊有湖澗二十里即汝
水所溢唐楊汝士居之因名楊家湖○欽馬山在
東南六十里相傳漢高祖歇馬處史記高帝敗項
羽于九里山在今縣東三十里香山之前香山舊
名火珠山大悲菩薩證道所也唐時寺塔尚存塔
後有天地池架石梁諸勝白居易詩六月灘聲如
猛雨香山樓北暢師房夜灑起凭闌干立滿耳潺
湲滿面涼○三堆山在縣西三十里相傳白樂天
結廬于此又五十里為五梁山五峰疊翠儼若屏
風故名○縣東有青條嶺四面分水其一曰淮陽

河流合泚水又北爲馬渡河西爲綿封河東北爲達老河俱流合于沙河○塚廟云膠東侯廟在城西北隅祀漢賈復也有賈復城擊郿時所築注水經云柏水經賈復城北一名通鴉○甘羅臺在縣西北世傳秦相甘羅與楚會盟于此○宋寇賊墓在縣東南石渠俗訛爲萊公墓

伊陽縣在州西五十里

三

春秋僖二十二年秦晉遷陸渾之戎置伊川註疏伊川周地伊水也兩漢因之唐置伊州陸渾隸焉尋改伊陽○十三州志云伊陽有甘泉山中有泉汝州志勝八卷之三 十三

水味甘按在今縣北五里又有雲夢山鬼谷子修道處其北有水曰洞下注如垂簾名水簾洞按在縣東南七里又三里爲紫羅山縣東北十里練溪山其上有練溪寺又縣西二十里有天息山汝水出焉又西北二十里有九皋山昔有鶴鳴其上故名又縣南四十里有現山山上有乾明寺唐文皇經此喜其危峰獨見因勅茲號○窄口在縣南八里其水北出入汝又縣東十里有紫羅口昔禹所鑿汝水東出者也伊水發源熊耳山經縣境入洛陽○唐皇甫冉早渡伊川見舊作昆鷄鳴曙雲映

水寒旅涉漁人昔隣舍相見具舟楫出浦興未盡向山心更愜林落通白雲茅尖隱紅葉東臯滿時稼歸客欣復業李德裕伊川晚望系葉初黃梨葉紅伊川落日盡無風漢儲何假終南客角里先生在谷中劉長卿送李少府君家南郭白雲連正待情人弄石泉月照烟花迷客路蒼蒼何處是伊川○明伊陽廣文何東魯先師遺像石刻識云嘉靖壬子歲九月二十二日得夫子像於趙氏頽軸敗楷飛塵潑水蒙密闇然取潔慕拂而視之乃景陵簿勒氏所言煙驛梁有執政者乘而過馬嘶伏策汝州志勝八卷之三 十三

于學宮

之亦弗通索諸橋下得石刻乃唐吳道子筆也今

山東總叙北至京師領府六

古青兗徐三州之地俗按輿圖攷云青州東距于海西至于岱兗州東南據濟西北距河徐州北連岱境南通長淮實今六郡之全境也或問漢晉以來稱山東爲兗冀者何曰山東者戰國時爲燕韓趙魏齊視秦在太行山之東故稱山東晉並過秦論曰山東諸侯並起而亡秦族是也然今之兗與古之兗亦自不同古之兗兗也今之兗合徐兗而治之也禹貢濟河惟兗州九河既道雷夏既澤淮會同今九河故道多屬濟南境雷澤在濮屬東山東總叙入卷之一

昌祗灘沮在蒙泗之間爲兗境耳禹貢海岱及淮惟徐州爾雅濟東曰徐州蔡氏所謂岱陽濟東是已故今之兗合徐兗而治之也然古今二兗皆與冀州疆界不同禹貢冀州乃堯舜禹之三都漢冀州刺史治鄆屬郡乃戰國韓趙魏今之北直隸地卽以兗冀並稱山東者也以今日山東言之只有徐兗而無冀州或謂兗之浮濟潔入河而達于冀則可倘欲以兗冀並屬山東則不可耳然東省自孟子已來稱爲東夷周曰河東秦漢而下曰東秦曰東郡宋曰京東其爲東方之國舊矣爾雅青東

方也居少陽其色爲青生生不已也今徐兗青而古之皆可以稱東也而今東省又以青登萊爲東三府而濟兗東昌爲西三府云

天啓三年春王正月前進士臣曹學佺謹識

山東總叙入卷之一

二

濟南府附領州四縣二十志

春秋齊地秦郡之漢文帝分齊郡立濟南國以在濟水之南而名景帝三年分置濟南郡理東平陵城晉永嘉末自平陵移歷下後魏孝昌三年又移郡北臺城漢書平臺濟南縣也齊天保中還入歷城志云平陵城在府東六十里周迴二十里臺城在府北十三里

歷城縣附

濟歷下城也史記晉平公伐齊戰于歷下漢韓信渡河破齊歷下之師皆此地矣晏謨三齊記云古濟南府志勝入卷之一

三

歷下城對歷山之下山在縣南五里虞舜耕處上有舜祠下有泉穴曰舜泉歷水出舜祠下泉源競發與濰水合流入鵲山湖○皇覽云商太甲陵在歷山塚傍有甘露井石鐫天生自來泉五字乃古銘也山上有舊鐵鎖大如人臂繞其峯四匝相傳此本海中山山神好移故海神繫之一日忽挽鎖斷飛來于此按齊記又有鐵牛山爲一郡之鎮今在府學大門內微露其脊後漢郡志謂歷城有鐵蓋指此耳○志云歷山一名大佛頭山以山南危石矗立如佛頭也亦名千佛山舊記云出城南

舜田門外五里歷山下有隋開皇間所鑄佛像隨石作形因建寺曰千佛寺或以爲卽遷祓之訛耳按今名開元寺舊名佛慧寺皆一山也有宋題名崇寧十年六月知州事吳扶同僚屬會食佛慧山飲茶泉上大觀二年三月知州事梁彥同遊者六人政和四年三月知州事蔡居後七人勸耕于此飯寺中五年七月李德脩五人就甘露泉試北苑茶七年二月張勸深九人登覽今崖壁崩墜題刻不復可辨○濰水卽濟之南原也春秋桓十八年公會齊侯于濰卽此志云岱陰諸水奔流自縣西濟南府志勝入卷之一

四

南六十里之黃山下匯而爲池伏流至城西而出爲趵突泉一名瀑流平地噴起二丈餘匯城內金線珍珠諸泉流入太明湖東北注華不注口太明湖源出舜泉其大占城中三分之一由北水門出與濟水合瀾漫無際遙望華不注峯如在水際山距城東北十五里春秋成二年魯季孫行父帥師會晉御克及齊頃公戰于鞌齊師敗績逐之三周華不注卽此山也輿地記謂之金輿山山下有華泉左傳逢丑父使齊頃公如華泉取飲抄劫征記云歷山有一井無底與此泉通○水經曰濟水又

東北潞水出焉鄴道元註云潞水出歷縣故城西
南泉源上水涌若輪俗謂之娥姜水以泉源有舜
妃娥英廟故也城南對山上有舜祠山下有大穴
謂之舜井抑亦茅山禹井之比矣其水北爲大明
湖西卽大明寺寺東北兩向側湖此水便成淨池
也池上有客亭左右揪桐負日俯仰目對魚鳥水
木明瑟可謂濠梁之性物我無違矣湖水引瀆東
入城東北逕東城西而北出郭又北注潞水又北
聽水出焉潞水又北流注于濟謂之潞口也濟水
又東北逕華不注山單叔秀澤不連丘陵以自高
濟南府志勝不卷之一

五

虎牙築立孤峯特拔以刺天青崖翠發望同黠黛
山下有華泉又謂之華水北絕聽瀆二十里流注
于濟○志云古歷下亭在大明湖內唐杜甫歷下
亭詩東藩駐皂蓋北渚凌清河海右此亭古濟南
名士多雲山已興廢玉佩仍當歌脩竹不受暑交
流空湧波蘊真懷所遇落日將如何又新亭結構
罷隱見清湖陰跡藉臺觀舊氣溟海嶽深閭荷想
自昔遺蹤感至今芳宴此時具哀思千古心後人
建有水香北渚二亭皆以杜詩而名今俱廢○太
明湖一名西湖湖傍有寺曰西寺一名太平寺寺

前有孝感泉源而爲池曲折引入僧厨後流出垣
外達于北渚又飲馬池在都司北池有芙蓉堤遠
支廟東俗呼疊道是也又西北有濯纓湖合珍珠
金線各泉源此周廣收畝本名灰泉元憲使竹希
仁改今名又房家園池在城隅舊記云北齊博陵
君豹之山池也其中雜樹森聳泉石崇邃歷中祓
禊以此爲勝昔曾有人折其桐枝者公曰何故傷
吾鳳條自後人不復敢折公語參軍孝逸曰昔季
倫金谷山泉何必踰此孝逸對曰曾請洛西遊其
故所彼此相方誠如明教孝逸嘗欲還鄴詞人餞
濟南府志勝不卷之一

六

宿于此自爲詩曰風淪歷城水月倚華山樹時人
以比謝靈運池塘十字焉○歷城北有使君林魏
正始年鄭公徵三伏之際每率賓僚避暑于此取
大蓮葉置硯格上盛酒二升以簪刺葉令與柄通
屈莖上輪菌如象鼻焉持翕之名碧甯酒○按孝
感泉在縣北門者老傳云昔有孝子事母取水遠
泉忽湧出故名其水平地溢爲小渠與四望湖合
流入城歷諸廨署西入潞水寰宇記云四望湖在
縣西二百步其水分流入城與孝感水合是矣金
線泉亦在城西石麓方池泉發其下澄澈見底有

金線一道隱起水面宋魯鞏詩石甃常浮潁氣鮮
金線不定路南泉蓋指此也珍珠泉卽都司西北
白雲樓前平地噴泉錯落如珠其右有劉氏泉左
有溪亭泉夾之又杜康泉在舜祠西廡下卽舜泉
之支也泉一升重二十三鎰世傳杜康釀酒于此
魯鞏記畧齊多甘泉中天下其顯名者以十數
而色味皆同以予驗之皆潔水之旁出者云○灤
水自大明湖東北流注章不注山下滙爲湖湖上
有山曰鵲山俗傳每歲七八月間烏鵲翔集于此
又云扁鵲煉丹此山而名唐李白汎鵲山湖詩湖

濟南府志勝八卷之一

七

濶數千里湖光搖碧山湖西正有月獨送李膺還
杜甫詩云野亭逼湖水歌馬高林間鼉吼風披浪
魚跳日映山蓋舊有鵲山亭今廢湖亦就涸按灤
水僞齊劉豫時乃自城北導之東行因名小清河
不名鵲山湖久矣○述征記云歷城到營城二十
里自城已東水瀰漫無際南則迤山實爲險固蒙
宇記云營城在縣西二十七里漢書本始元年趙
充國以定策封營平侯卽此隋開皇年置縣屬譚
州唐初省入平陵水經注云武原水北逕譚城東
又北逕平陵縣故城西是也攷譚城本譚子國漢

爲譚縣春秋莊十年齊師滅譚譚子奔莒杜預注
云譚國在濟南平陵西南平陵殷帝乙所都也本
東平陵漢縣劉宋始削去東字唐貞觀勅云齊州
平陵縣百姓爰自隋末以至于今常懷忠誠不從
寇亂宜加優獎以旌義烈因改爲全節縣元和始
省入○注水經云巨水北經巨合故城西耿介之
許張步守巨里卽此城矣志云巨合水源出章丘
縣界之雞山東源曰榆社泉西源曰江水泉北流
各五里許而合故名巨合並流入小清河○巨合
水又北合關盧水水塹源爲耳山北逕博平城西

濟南府志勝八卷之一

八

西北流至平陵城與武原水合水出譚城南平澤
中世謂之武原泉北逕譚城東故陵城也城東有
漢趙相劉衡碑又有樂安任照先碑濟南治也王
莽更名樂安郡其水又北逕巨合城東漢武帝以
封城陽頃王子發爲侯國其水合關盧水而出注
巨合水西北逕臺縣故城南漢高帝六年封東郡
尉戴野爲侯國王莽之臺治也其水西北流白野
泉水注之水出臺城西南白野泉北逕留山西北
流而右注巨合水又北聽水注之水上承灤水東
流北屈又東北流注于巨合水亂流又北入于濟

志云巨合城在縣東南三十里又七十里爲譚城
○篁山在城西十里以山形如篁也標山在城北
十里山石矗起如標故名元張美中記畧云綽然
亭西三四里有標山童無樹林東西並峙皆青石
疊嘉勢峻陀可步而上蓋土人以傍無他山惟此
若標可望故以名之其在東者有洞如屋可避風
雨○奎山在縣西南十五里有奎山公神似猪頭
戴珠殷周之間道士隱焉野火四發道士祈天卽
時降雨今人遇旱燒山乞雨多驗○函山在城南
二十里又名卧佛山西陽雜俎齊郡函山有鳥名
濟南府志勝入卷之一 九

王母使者漢武帝登此得王函一枚尋化爲白鳥
飛去又五十里有仙臺嶺漢武帝于此望祀蓬萊
者也其半爲石固寨山下有渴馬崖魯輦記所云
岱陰諸泉至渴馬崖伏流不見矣稍西爲黃山山
勢周圍如城岱陰諸水奔流至山西溢而爲池○
藥山在城西北十五里出陽起石山惟一穴其石
以肌理明瑩色若狼牙者爲上磨水透楮見日則
飛故曰陽起官中常禁採焉志又以鷺管石薑石
俱出歷城本草綱目云薑石生土石間狀如薑有
五種色白者最良○龍洞山在城東南三十里山

如重甌上有東西二洞西洞透深可里許東洞出
絕壁上洞口釜鬲尚存煙火之跡如墨昔人避兵
引繩以上中心有泉其深莫測又有翠屏巖獨秀
峯峯側亦有龍洞騎兩輦應宋封靈虛宮下有黑
龍潭懸珠泉諸勝按九域志以此山禹所嘗登一
名禹登山○城塚記云縣東三十里有鮑山山下
有城鮑叔牙食邑也相傳叔牙與管仲分金于此
鮑叔墓在焉魯輦詩雲中一點鮑山青東望能令
兩眼明若道人心似矛戟此間那得叔牙城○漢
班超墓在城西南三里超封定遠侯卒塋于此○
濟南府志勝入卷之一 十

朱雲墓夏侯勝墓在古平陵城城內有漢趙相劉
衡碑

章丘縣在府城東一百十里

爾雅上正曰章丘齊邑也齊威所食采矣伏琛齊
記云章亥有三女溺死塋此因名章丘今女郎山
在縣南七里寧戚城在東北三十里○寰宇記云
本漢陽丘縣地北齊高唐縣也春秋高唐在廢禹
城縣西四十里之高唐故城史記所云齊威王使
盼子守高唐趙人不敢東漁于河是矣齊天保七
年始移于此○黃巾城也隋開皇十八年以博

州亦有高唐縣故改今名○齊記云陽丘城在縣東南十里漢文帝封齊悼惠王子安爲陽城侯今城南有陽丘集卽此○樂盤城在縣南二十七里樂盤山下相傳平陵王與陽丘侯餞送處平陵王者悼惠王之子齊孝王也景帝三年孝王與吳楚反自殺葬于縣西南四十里危山頂墓高三丈今呼爲鐵墓○廢亭山縣本漢平陵縣地去濟南郡東南九十里宋元嘉五年于此置衛國縣隋開皇年改爲亭山縣唐元和年省入章丘齊記云衛國縣西有雞山昔有神雞晨鳴于此有人候之獲一濟南府志勝入卷之一

士

石潔白如玉因以爲名下有雙柳泉南有小山產巨荆名荆子山寰宇記謂雞山巨合水所出○百脉水源出亭山縣東百步百水之脉于此合流者也曹叡記云歷下諸泉皆從陰伏流所發西則趵突爲魁東則百脉爲冠泉之西北有淨明泉其水至潔可以祛翳俗呼爲東麻灣又其西有泉曰西麻灣二灣之泉與百脉泉合北注清河○清河一名繡江源出長山縣界之會仙山合百脉泉及東西二麻灣水西北流匯爲白雲湖湖周圍六十里俗名劉郎中泊有魚藕菱芡之利我洪武初設有

河泊所其水北流入小清河卽齊記所云百脉水屈曲北流六十里以入于濟者○水經注云濟水又東逕管縣故城南漢景帝二年封齊悼惠王子罷軍爲侯國石納百脉水水出土穀縣故城西源方百步百泉俱出故謂之百脉水其水西北流逕楊丘縣故城中景帝四年封齊悼惠王子劉安爲楊丘侯世謂之章丘城非也城南有女郎山山上有神祠俗謂之女郎祠其水西北出城北逕黃巾固益賊所屯處固得名焉百脉水又西北逕章丘城東又北逕甯西而北流于濟○水經注云潔水濟南府志勝入卷之一

士

又東北逕崔氏城北左傳襄二十七年崔成請老崔氏者也杜預釋地曰濟南東朝陽縣西北有崔氏城地里風俗記曰南陽有朝陽縣故此加東王莽之脩治也漢高六年封都尉華寄爲侯國按潔河在縣東七里源出長白山之王村峪西北流至柳塘口入小清河又承漏河在縣西南七里源出群峪中水清而駛東北流至明杜莊之石崖泊然而止土人名其處爲滲水灣夏秋積雨群峪之水來匯溢至城南會于清河雨霽卽枯故以漏河目之○上方井在縣東二十里其泉從石罅中流出

冬夏不竭迤南一里有下方井水常溢而不流又
望井在縣南二十里危山之巔穿石而成莫知其
始水其潔而無盈涸旱禱輒應金廵功郎于汝翼
有危山聖井記又拔注泉在縣西南六十里虎山
麓俗傳唐尉遲敬德與單雄信戲金樂既而拔漿
泉湧故名又有漿水泉俱在江城外之緇江江濱
題名云元好問遊濟水與府參佐張子鈞張飛卿
觴于緇江亭漾舟荷花中○按縣舊名臨濟隋開
皇年置宋廢爲鎮本漢朝陽縣也故朝陽城在縣
北五里臨濟鎮東古赫胥氏陵在其城內又臨濟

濟南府志勝不卷之一

古

鎮北卽營城地西北卽崔城俗呼古城又有新城
在縣北七十里莫詳其始然臨濟有鎮有城鎮在
當縣城屬濟陽不可以不辨○臨濟津在鎮之南
述異記云晉太始中劉伯玉妻段氏字明光性妬
忌伯玉嘗于其妻前誦洛神賦語曰娶婦得如此
吾無憾焉明光曰君何以水神善而欲輕我吾死
何愁不爲水神其夜乃自沉而死死後七日託夢
語伯玉曰君本願神吾今得爲神矣伯玉寤而覺
遂終身不復渡水有婦人渡此津者皆褰衣杜粧
然後敢濟不爾風波暴發醜婦雖粧而渡其神

亦不好也故齊人語曰欲求好婦立在津口婦立
水傍好醜自彰○國經云縣東二十五里之巘山
與淄川界卽鄭玄刊註詩書之所詳淄川中縣東
南三十里之長白山與長山界卽緇江之源也詳
長山中縣南二十八里之龍盤山與歷城界記云
殷本周初有神龍潛于此山遂以爲名南屬今節
北屬章丘上有神迹祠阜覽云是姜嫄所履處宋
濟南太守蕭承之立祠于山頂承之妻學履焉因
產齊高帝○志云東陵山在縣南三十八里與龍
盤山相接相傳盜蹠死處淮南子云柳下蹠死于

濟南府志勝不卷之一

古

東陵卽此山也南有蹠墓又南十二里曰湖山高
深可避兵革俗呼爲湖塞又三十里曰龍堂洞洞
有二東曰東龍洞高廣深遂中有卧龍跡旁一石
卓立如柱俗呼爲繫龍柱石壁具神佛像四十餘
巧若天造西曰西龍洞深數里許泉自上滴有盆
石盛之四時不竭又十里卽長城嶺接萊蕪界嶺
上有長城齊宣王築以禦楚者西連平陰東距大
海實爲險要之地○縣東南三十里有分水嶺其
水自嶺上東西分流故名西陽維紐云金杏種出
濟南郡東南之分流山蓋其上飲天漿下噉地沫

故其生繁大于梨黃于橘而味爲獨美昔漢武帝
訪蓬瀛有獻是者帝嘉之今人猶呼爲漢帝果○
又東南四十里有天舍嶺相傳戰國時齊師餓見
巨蟻銜粟前過因隨視至嶺上遇穴發之獲粟以
濟因名天舍其下爲趙八洞虛廣若室可居千人
泉水差給有樵夫趙八居此因名○冶山在縣西
南六十里唐設鐵冶于此相連爲趙山虎山亭山
○趙山亦呼四門山四峯並峙下通行旅虎山積
石巉巖狀若虎踞故名亭山卽隋置亭山縣者相
傳夏桀死處按書傳湯放桀于南巢註謂廬江巢
濟南府志勝八卷之一 五

縣獨尸子云放之歷城古有巢氏治瑯琊之石婁
山登齊地亦有南巢耶○塚記云鄒衍墓在縣東
一里高一丈陽貨墓在西北十里高一丈貨季氏
家臣定公九年自魯奔齊死而塋此唐臨淄定公
墓在縣西三十里高三丈公姓房名彥謙歷徐泗
江淮浙五州刺史追封臨淄公庶子李百藥作碑
文率更令歐陽詢書

鄒平縣 在府城東北八十里

寰宇記云鄒平故城在縣西南十五里俗名趙臺
城唐武德二年築八年移于今理卽隋開皇移平

原縣來者十八年改平原爲鄒平蓋復漢舊名云
○寰宇記云黃河西北自臨濟縣東流入經縣西
北去縣八十里濟水西自臨淄縣流入縣南界去
城三十五里○水經注云漯水又東逕鄒平縣故
城北鄒舜後姚姓也又東北逕東鄒城北地理志
曰千乘郡有東鄒縣漯水又東逕漢徵君伏生墓
南碑碣尚存伏生以明經爲秦博士秦代坑儒因
隱焉漢興教授于齊魯之間文帝撰五經尚書大
傳安車徵之年老不行乃使掌故歐陽生等受尚
書于此處志云伏生書院在今縣東北十八里元

濟南府志勝八卷之一

去

主簿楊溫重建明范武詩斜日下荒塚蕭蕭溪樹
陰白頭秦博士青史漢儒林古碣龜文斷平沙鳥
跡深祇餘齊魯地絃誦滿青衿○圖經云黃山在
縣東南二里有虎頭巖土色多黃故名○于茲
山在縣南十里有于茲仙翁祠又三里爲鍛砧山
峯巒峻削狀如鍛砧故名○景相山在縣西南五
里山下有後晉平章景延廣墳又十里爲大峪山
高廣幽深中多良田嘉木○鳳凰山在縣西三十
里以山形如鳳翥也相連爲啞婦山俗傳孔子去
齊至此問道有婦人伴啞以減迹益因夫子去魯

之歌彼婦之口啞以山突爲指此耳西北有鄒關
相傳卽孔子問津處○陸游老學菴筆記唐盧鴻
草堂圖舊藏中貴人到有方家余往有慶曆中墓
本亦名手精妙猶記後載唐人題跋云相國鄒平
段公家藏圖書並用所歷方鎮印記咸通初余爲
荊州從事與柯古同在蘭陵公墓下閱此軸今所
歷歲祀修踰二紀薦惟多難編軸尚存物在時遷
所宜興嘆丁未年駕在岐山涿郡子墓記又書已
西歲重九日專謁太儀遂載覽閱累經多難頓釋
愁襟子墓再題鄒平公段文公也柯古其子成式

濟南府志勝入卷之一

七

字也成式終太常少卿故稱太儀段公鄒平人

淄川縣

在府城東
二百里

禹貢離淄其道地里志曰原山淄水之所出也按
原山在縣東南七十里入萊蕪縣界故鄭玄注尚
書云淄水出太山萊蕪縣矣縣曰淄川隋開皇中
名本漢般陽縣也應劭曰縣在般水之陽故取名
焉般水亦名左阜水源出縣東南之龍山去縣二
十里北流分爲二派俱入孝婦河卽龍水也輿地
志曰齊孝婦顏文姜事姑孝養遠道取水不以寒
暑易心感此靈泉生于室內文姜常以絢籠蓋之

故俗亦呼爲龍水○龍水經縣西一百五十步般
水注之合流入于萌水萌水發源縣之甲山在縣
西南三十里舊名祝其山亦名夾谷山齊魯會盟
之處萌水發源于此故亦曰盟水矣○郡國志云
縣理卽濰般陽城道書福地記所謂般陽山自生
黍可食者也漢文帝置臨朐國于此其城迄今有
二一名臨淄城一名齊城晉史元康五年三月癸
巳臨淄城有大蛇長十餘丈負二小蛇入北門徑
從市入漢城陽景王嗣父之不見○城邑攷云遂
陵故城去今縣四十里左傳成二年齊大夫逢丑

濟南府志勝入卷之一

大

父與君易位爲晉師所獲晉人舍之齊頃公獲免
俗傳此卽丑父之城也又二十五里有反蹠城齊
記云景公失馬尋蹠逐之至此因名魏明帝景初
三年以遼東新沓縣吏民渡海來歸因于此地置
新沓縣以居之亦謂之新沓城○志云梓潼山在
縣東十里有鬼谷洞其下有鄭玄祠元張孚記
齊畧云鄭公玄刊註詩書教授生徒日棲遲于此
山因名費山上有古井不竭獨生細草葉形似韭
俗謂之鄭公書帶草山後有蠶穀相傳昔仙人藏
穀種于洞中數年一次出晒種于地回頭卽穗黃

因謂之回頭黃又洞中仙人畜養金龜嘗有人拾得金龜于此故俗謂螢山鑄穀也宋處士王樵隱此樵以靖康之亂失父母所在棄妻往覓不得而返遂刻木以葬立祠畫像事之如生喪服六年自稱貧世累碑自環謂之蘭室銘其門曰天生王樵薄命寡智才不濟時道號終世生而爲室以備不虞死則藏形不虞乃備病革入室自掩戶卒○浮山在縣北二十里山勢特立如浮故名明山在縣西北二十五里山下有水澄澈見底故名○萬山在縣南三十里以山左右群峯所環遶也又縣西濟南府志

不卷之一

尤

南二十里有山形如轂輪名崑崙山○范陽河在縣西二十里龍泉水在東南二十五里源出縣西南蒼龍峽中嘗有龍蟠水際故名又豐水出縣東北三十五里之豐泉鄉俱流入小清河○小清河卽濟水也水經曰其東北者爲濟其東者爲時時水東至臨淄縣西註云時卽彰水彰音而春秋襄三年齊晉盟于彰京和璠曰今臨淄惟有濇水西北入泮卽地里志之如水矣彰如聲相似然則濇水卽彰水也蓋以濇與時合得通稱焉時水自西安滅西南分爲二水枝津別出西流德會水注之

水出昌國縣黃山西北流逕昌國縣故城南昌樂殺攻齊有功燕昭王以是縣封之爲昌國君德會水又西北五里泉水注之水出縣南黃阜北流逕城西北入德會水西北流世謂之滄浪溝又北流注時水地里志曰德會水出昌國西北至西安入海是也攷昌國城距縣東二十五里縣西五十里有十穀城卽楊渚溝水之所逕矣○碑曰云開元寺碑在治內額李邕書普照寺在治東內有石佛高二丈四尺後峙碑塔甚高○龐府墓在縣西南五里世傳治爲孫臏所殺得其首塋之今名其地濟南府志

不卷之一

手

爲將軍頭又公孫弘墓在縣南十五里地名公孫莊

長山縣

在府城東北二百里

漢於陵縣地劉宋僑置廣川郡及武強縣于此隋改武強爲長山縣理卽廣川郡也長山者縣西南三十里有長白山卽於陵仲子隱處亦名會仙山抱朴子曰長白乃太山之副岳繡江發源于此山高二千九百丈周六十里跨章丘鄒平二縣界山頂雲雨長白注入天井泉唐張說過陳仲子長白題詩詩我行吊遺跡感嘆石泉空蓋指此也山南

有太湖上有石室及敗漆船記云堯時物也濟水西北自章丘縣流入縣界有漯河源出長白山西流注之有乾溝河亦出長白山西流入孝婦河又縣南有泲河縣北有系河注之俱流入濟口水經注曰魚子溝水南出長白山東謂之仰泉口卽陳仲子夫妻之所隱也其水出於陵縣故城西王莽之於陵矣光武十五年夏封則鄉侯侯霸爲於陵侯其水北流注于泲水按志泲水籠水皆名孝婦河泲籠音相近也於陵故城在縣西南又縣北二十里有苑城舊傳齊桓公所築謂之苑城店卽系濟南府志勝入卷之一 卅

泉水所出矣口泲水俱出長白山際傍有醴泉寺宋范仲淹讀書處公母居秋口去長山百餘里公往來省視甚勤後知青州有優人戲曰落霞與孤鶩齊飛秋口去長山一百公爲之慨然感泣秋口卽今益都顏神鎮也按醴泉書院鄉平舊採入據此談則以長山爲是志又載公讀書時嘗掘地得金數鑑隨覆之公既貴語僧發金繕寺宇後有人題詩云埋金事往留丹穴洗墨池空長碧苔夜靜孤峯明月上鐘聲偏到讀書臺口西陽雜俎云長白山古肅然山也燕世桑門曰惠脣者白廣園

至峴南聽有鈴聲稍前忽見一寺門宇炳煥中食見一沙彌摘一桃與僧道史又與一桃語僧曰至此已淹留可去矣雷出迴顧失寺至廣園見弟子言失和尚已二年尙始知二桃者爲兆二年云口稽神錄載長白山西有夫人慕魏孝昭之世清河崔羅什弱冠被徵品州夜經于此忽見朱門粉壁樓臺相望俄有一青女出語什曰女郎須見崔郎什恍然上馬入重門內有一青衣通問曰女郎平陵劉府君之妻侍中吳質之女府君先行故欲相見遂與什寢溫涼室內什問曰魏帝與尊公濟南府志勝入卷之一 卅

爲元城令然否女曰家君元城之日妾生之歲什乃與論漢魏事悉與魏史符合○志云縣北十五里有丁家埠相傳漢高帝時丁公葬此○米山在縣南三十里以齊桓公積土爲虛糧于上故名○卧牛山在縣東六十里山形似之

濟陽縣

在府城北九十里

寰宇記云濟水西南自鄒平縣界流入經縣北七十里水北曰陽故曰濟陽郡國志云本漢高苑縣屬千乘郡後漢屬樂安國宋元嘉年因縣廢別于城西二里如狄故城置長樂縣蓋沿樂安之名高

齊又自如狄移被陽故城在縣西南八十步卽今治所隋開皇改長樂爲會城縣大業復爲高苑縣至唐景龍元年始析置濟陽○城邑攷云南千乘故城在縣北二十五里漢千乘郡及千乘縣後漢樂安國治也隋開皇中移千乘縣于青州之廣饒城此城遂廢○水經曰漯水又東北逕千乘縣二城間酈道元註云漢高帝六年置千乘郡王莽之建信也章帝建初四年以爲王國和帝永元七年改爲樂安郡故齊也伏琛曰千乘城在齊城西北一百五十里隔會水卽漯水之別名矣按會水隋

濟南府志勝

入卷之一

廿

會城縣以此名○水經云濟水又東北逕樂安縣故城南班固曰千乘郡有樂安縣應劭曰取休令之名也漢武帝元朔五年封李蔡爲侯國城西三十里有任光等冢○濟水又東北過臨濟縣南註云故狄邑也王莽更名利居齊記曰有南北二城隔濟水南城卽被陽縣之故城也北枕濟水如淳曰被音罷漢武元朔四年封齊孝王子燕爲侯國今渤海僑郡治距縣六十里有辛市城古郛城也郛小國春秋襄十三年取郛卽此○志云縣東三十里有開韶臺相傳孔子在齊開韶之處元時建大

成殿有肅政廉訪使王士熙記○縣城間有李白酒樓 國朝趙弼賦云濟城之巔有樓臨焉據巔翼以四出舳舳揭其高騫謝淵濁于塗塩煥金碧于雲煙可以騁遐矚寫幽愉益太白昔所登臨而盤桓者也○江淹字文通濟陽人仕梁爲散騎常侍封醴陵侯少好學不事章句專精著作有前後集凡二百四十九篇口江祿淹之後也顏氏家訓紀其讀書未竟雖有急務必待卷束整齊然後起其慎重如此

新城縣

在府東北三百里

濟南府志勝

入卷之一

廿

元分長山縣置故曰新城本齊城也治東有戲馬臺相傳桓公歇馬于此一云景公所居舊有二公廟顧野王輿地志齊城西南百五十里有長白山蓋指此城矣長白山詳見前○志云縣東南三十里有吳公山馬公山各以二姓所居而名又二十里爲羅山其山狀如羅城又爲四角山遙望四方如有頭角之勢其東爲鐵山前代立有鐵官澇淄河發源于此北流至索鎮店西南入烏河烏河在縣東二十里源出益都矮槐樹北卽時水也亦言沁水流入小清河○水經註云漯水又東北爲馬

常坑坵東西八十里南北三十里亂河枝流而入于海河海之饒茲焉為最地理風俗記曰漯水東北至千乘入海河盛則通津委沫水耗則微治絕流書云浮于濟漯亦是水也按今謂之魚龍灣由三空橋以入海去縣東北四十里

齊東縣在府東北一百八十里

宋齊東鎮元初置縣孟子曰齊東野人之語也指此○志云齊東舊城在縣治東大清河有大清河即濟水也縣東南二里有減水河縣西二里延安鎮有壩河俱引章丘白雲湖水經縣界注于清河濟南府志勝入卷之一

註

○註水經云時水西北至梁鄒城入于濟謂之龍水龍水即古袁水也京相璠曰濟南梁鄒縣有袁水是矣流水又西北逕梁鄒縣故城南漢高帝六年封武虎為侯國其城之東北又有時水西北注焉按梁鄒城在縣之梁鄒鄉漢縣也劉宋于此置戍為平原太守治所元嘉八年青州民司馬順則自稱晉裔聚眾號齊王乘虛襲梁鄒城青冀二州刺史蕭斌遣振武將軍劉武之等平之即此○志云縣延安鎮有古延安城遺址尚存又魏王城在縣西南二十里世傳魏王李密所築○行香寺在

縣治東元吳格記畧云行香蓋資福之下院創于羅釋先師承于協師師承助邊之命遂捨其資歸公府大定三年之八月仍賜院舊名

禹城縣在府城西北一百里

古祝國黃帝之後春秋謂之祝柯猶東柯也按柯古阿字寰宇記云陽阿故城在縣南七里漢高帝封郎中萬祈為侯國水經云河水又東北逕陽阿縣故城西沁水又南過陽阿縣東是矣隋開皇初有人于此城側掘得古冢銘曰阿縣令李君之墓城中有古井曰晏嬰井水和膠入藥方亞于東阿濟南府志勝入卷之一

註

矣唐天寶元年矣祝阿為禹城以縣有禹貝故城云○括地志曰古禹城在山莊縣界後魏移于濟北即古高唐亭也春秋襄十九年齊風沙衛奔高唐以叛杜預註云高唐在祝阿縣西北是矣唐乾元二年史思明侵河南守將李銑于長清邊口決大河東至縣因而淪溺遂移遷善村為今治所○寰宇記云古高唐城在縣南五十里黃河在縣南七十里從長清縣來東北入臨邑○濟河在縣西百三十里從長清縣東北界分流入漯水穆天子傳丁卯天子東征釣于漯水以祭淑人蓋此處也

○碑目云耕雲釣月石刻在縣學內新安朱熹書
又有東坡枯木石刻云子瞻與李公擇會濟南劉
詒家寫枯木一枝題名檻泉亭壁詔刻石安遇堂
金大定二十九年邑人王國寶李彥文得之砧石
間徙置遠塵巷上有李彥文題記○物產志云禹
城出一種桃其大盈掬名佛手捧桃

齊河縣

在府城西
五十一里

漢祝阿縣地宋爲齊河鎮金大定間始置縣○志
云徒河在縣北界卽禹貢徒駭河也東北流入海
又大清河卽濟之故道東北自長清界流入濟陽
濟南府志勝不卷之一

廿

漢書祝阿有野井亭在濟河北岸春秋昭二十五
年齊侯唁公于野井卽此○志云耿濟渡口在縣
東一里卽漢耿介拔祝阿濟渡處又晏城在縣北
二十五里齊相國晏嬰之食采也高唐城在縣西
六十里齊之西邑絲駒所屠之處故址尚存

臨邑縣

在府城北
百五十里

漢縣也北海興王子復封爲侯國永平中著漢德
頌復子騶駘與从兄平望二毅並有才學教元初
元年撰漢德論並憲論十二篇獻于朝按志臨邑
故城在縣北三十五里周圍七里城南有鹿角關

唐置周圍四里去今縣十五里○寰宇記云廢隍
陰縣在城西十里宋武帝平廣固移理于此按隍
地卽杜預注左氏趙鞅取犁者也見襄十年亦名
犁丘有黎丘子讀書臺在城西南前後兩座各三
級○城西南三里有梁王墓世傳魏侯瑩所塋又
東南五十里有著城古老相傳此地生著草每歲
貢四十九莖○水經注云濟水又北過臨邑縣東
地理志曰縣有濟水祠王莽之穀城亭也水有石
門以石爲之故濟水之門也春秋隱三年齊鄭會
于石門鄭車偵濟卽此京相璠曰石門齊地今濟
濟南府志勝不卷之一

夫

北盧縣故城西南六十里有故石門去水三百步
蓋水漬流移故側岸也盧縣東有防馬城宋武帝
立東魏郡于此郡理臺城以臨邑屬焉○水經云
河水又東北逕臨邑縣與將渠合又北逕往平縣
東臨邑縣故城西北流入于河河水又東北流逕
四潰津註曰津西側岸臨河有四潰祠東對四潰
口河水東分濟亦曰泲水受河也然泲口水石斷
門不通始自是出東北流逕九里與清水合故泲
漬矣自河入濟自泲入淮自淮達江水徑周通故
有四潰之名趙毅寶鳴犢仲尼臨河而嘆自是而

返曰丘之不濟命也夫琴操以爲孔子臨狄水而歌曰狄水衍兮風揚波船楫顛倒更相加余按臨濟故狄也是濟所逕得其通稱○志云縣南三十里有小河相傳卽濟沱河隄岸陡峻支分八道俗呼爲八道河杜甫詩二儀積風雨百谷滂波濤聞道洪河圻遙連塗海高燕南吹吹畝濟上沒蓬蒿舍弟卑棲邑防川領簿曹尺書前日至版築不時操其題曰臨邑舍弟書至苦雨黃河泛濫隄防之患簿領所憂因寄此詩用寬其意云

長清縣在府城西

濟南府志卷之一

光

本漢盧縣隋改今名水經注云濟水自魚山北逕清亭左傳哀十一年齊伐我及清杜預註曰濟北盧縣東有清亭矣寰宇記云清水西南去縣十里自平陰縣界流入○按志清亭在縣治東遺址尚存盧城在縣南十五里有隔城春秋隱三年齊鄭盟于石門尋盧之盟卽此處也石窰在盧城東去縣三十里左傳成二年齊晉戰于鞏齊師敗績齊侯自徐闕見女子曰君免乎曰免銳司徒免乎曰免旣而問之銳司徒之女辟司徒之妻也君以其有禮遂賜之石窰○左傳襄十八年晉師伐齊

齊侯禦諸平陰塹防門而守之廣里齊師懼夜遁風沙衛連大車以塞隧而殿殖綽郭放曰子般國師齊之辱也子姑先乎乃代之殿衛忽二子遂殺馬于隘以塞道欲使晉師得之後人因呼其山爲隔馬山立豐施侯廟于山頂以祀二千○志云豐施侯取縣界之豐齊鎮而名鎮在縣東北三十里又隔馬山在縣東南六十里一謂之格馬○水經注曰賓谷水出南格馬山漢省溪北逕盧縣故城北陳敦成南西北流與中川合謂之格馬口其水又北逕盧縣故城東而北流入濟俗謂之爲沙溝濟南府志卷之一

辛

水按沙溝水今謂之南沙河在縣南二十里○水經云濟水又東北右會玉水註曰水導源太山朗公谷谷舊名現瑞溪有沙門竺僧朗少事佛圖澄頌學淵通尤明氣緯隱于此谷因謂之朗公谷故車頓秦書云荷堅時沙門竺僧朗嘗從隱士張巨和游巨和嘗穴居而朗公大起殿舍連樓臺閣雖素飾不同並以靜外致稱卽此谷也其水亦謂之現瑞水西北流逕玉符山又曰玉水玉符水又西北逕獵山東又西北枕祝阿縣故城東春秋襄十九年諸侯盟于祝柯左傳所謂督揚者也漢興改

之曰阿矣漢高帝十一年封高也爲侯國王莽之
安成也故俗謂是水爲祝阿澗水北流注于濟濟
水東北與淄溝合水上承淄湖北流注濟爾雅曰
水草交曰淄釋名曰淄滑也臨水如滑臨曰也濟
水又逕盧縣故城北濟北郡治也漢和帝永元二
年分泰山置濟水又逕什城北城際水滑故邱閣
矣祝阿人孫什將家居之以避時難因謂之什城
焉按志祝阿故城在縣東北三十里豐齊鎮北城
址尚存唐始改禹城乾元後移今理耳濟北城在
縣西三十里本志以爲隋大業間名非也北齊鄒

濟南府志勝

八卷之一

世

道元時也見○志云積金山在城南三里有真像
院碑記云宋政和三年西城譚經三藏嘗鑿義井
以惠渴者于石龕中發得金銅佛像因謂之積金
山又二十五里爲滾栗山山北石崖皆五色其下
溪流環抱又東南十里望之岸谷常青者青崖山
也南沙河水與七仙泉白石泉諸水合流其下山
之右臂曰五峯岡阜綿邈環合一峯聳爲仙臺狀
若覆鐘雉堞盤折金末嚴實擊家避兵于此又十
里爲通明山峭壁之上有二石孔日光射之東西
明徹又十里爲雞鳴山卽靈巖寺之西山口也山

上一臺危聳夜常聞有雞聲故名○靈巖寺在方
山北其山四面方正如削卽水經之玉符山也按
圖經本希有佛出現之地後魏正光中法定禪師
始置寺有青蛇白兔雙鶴二虎之異唐相李吉甫
纂十道圖以潤之棲霞台之國清荆之玉泉合茲
寺爲四絕寺內有千佛殿與釋迦殿辟支佛塔皆
古制塔西長松狀若偃蓋其背一峯聳起百丈北
望正方青壁削成如玉故水經謂之玉符山西麓
有一尖峯可登下視深谷前有洞東西南三門相
通又謂之三石門西南望一山壁穴如車輪晴日

濟南府志勝

八卷之一

世

在南飛光激射東石壁下一泉曰錫杖又東四五
步二泉曰白鶴一見一否又東北二百步一泉曰
甘露門前百步一泉曰黃龍皆甚其冽又有明鏡
石在山頂相傳昔吳生得仙于此石方三丈明瑩
如鏡魍魎行伏了然鏡中至南燕時鏡上忽有漆
俗言山神惡其照物故漆之又鐵架梁在絕頂佛
殿內鐵鑄僧伽衣高五尺相傳擁出地上似鐵非
鐵未詳何代隋煬帝謁方山靈巖寺詩梵宮既隱
隱靈岫亦沈沈平郊送晚日高峯落遠陰迴旂飛
曙嶺疎鐘響畫林蟬鳴秋氣近泉吐石溪深抗迹

禪枝地發念菩提心謂葛頴和云名山鎮江海梵
宇駕風烟畫拱臨松蓋鑿廊對峯峯蓮雷出階基下
雲歸棟梁前靈光辨晝夜幢衣數每年一陪香作
食長川福爲田唐僧玄奘往西域取經臨去之
日于齊州靈巖寺院有松一本立于庭焚以手摩
其枝曰吾西去求佛教汝可西長若歸卽此枝東
向使吾門人弟子知之及去年年西指長數丈一
年忽東向指門人弟子曰教主歸矣乃西迎之樊
果還歸得佛經六百部衆謂之摩頂松又開元中
靈巖寺有降魔僧教人以不寐多作茶飲亦因之

濟南府志勝入卷之一

世

成俗云○志云斐敬洞在縣東南六十里其洞東
西南委曲相穿通透內有斐敬范蠡張良石像又
有仙奕石枰○唐中興聖教序刻在縣西禪寺中
宗撰唐奉一八分書又遲賢亭石刻像在縣東南
七里亭中有石刻女像云宋新八公妻同仙夫遺
此像筆意古雅不詳何人又純陽子草書石刻在
遲賢亭壁上草書十字不可辨傳云號咷歸別
處結彩便飛空

肥城縣在府城西南六十里

古肥子國漢置縣後周曰肥城劉宋之礪礪戍也

○志云陶山在縣西三十里范蠡浮海止此後八
建寺曰幽棲寺鳳凰山在西南四十里世傳漢章
帝時鳳凰之所集也孝堂山在縣西北六十里上
有石室爲孝子郭巨葬母之所巨墓亦在山上
有後齊時八分書碑存○肥河在縣東十里與縣東
北之孤山河東南之合溝河合孤山者孤峯特起
其頂有穴幽深不測又名谷山谷水流爲河合
溝源出潮泉在縣東南十里○塔山在城東七里
上有石塔宋崇寧間建有當時所置碑又三里口
孤山一峯特起其頂有穴深不可測又名谷山○

濟南府志勝入卷之一

世

金牛山在縣西十里一名臂慈山上有資聖院五
龍池相傳有龍潛其中○周山在縣南二十里俗
傳上有周王廟又五里爲紫榆山○桂亭山在縣
南四十里其下爲桂子村與瀑布山相連瀑布懸
崖二十餘丈其上爲天井峪又其傍有嶺高橫謂
之橫嶺○志云左丘明墓在縣西南二十五里又
五里爲曬書城相傳孔子曬書于此其社謂之東
禮社有脩真觀與曬書堂相連○肥城李中丞家
刻有關將軍畫竹二本枝葉錯綜自然成詩句云
莫識孤葉淡經古不飄零乃降鸞筆也空杏寺在

縣之義陽社其杏開花不結實歲以為常

青城縣在府城東北二百二十里

本臨邑寧津二縣地宋立青平鎮于此元置縣以

古青丘而名梁沈約齊謳行有青丘良脊鬱之句

○縣西北有董積躬墓積躬山東路轉運司判官

參人○天佛寺在縣城東昭慶寺在城西北俱唐

宋時勝皆有古碑○物產志云杯蘭細出青城取

山杯野蠶亂絲而理之

陵縣在府城西北二百四十里

晉曰安陵隋曰將陵皆縣也唐宋因之元陞為陵

濟南府志勝入卷之一

豈

州 國初仍為縣○志云東方朔祠在厭次廢城

內厭次漢縣去縣東北二十里今謂之顏神店城

北二百步有東方朔墓唐顏真卿碑刻存○水經

注云河水又東北逕厭次縣故城南入厭次津後

漢安帝永初二年劇賊畢毫等數百乘船寇平原

縣令劉雄門下小吏所輔浮舟追至厭次津與賊

合戰並為賊擒求代雄毫縱雄于此津所輔可謂

孝盡愛敬義極君臣矣十三州志曰明帝永平五

年改故平原郡治曰厭次按史記高帝六年封元

頃為侯國是知厭次舊名非始明帝蓋復故耳縣

西水側有雲城武帝元封四年封齊孝王子劉卬
為侯國按志古平原城遼縣城外即郡城也○志
云德水在縣城東俗呼為十里河又歇馬亭在縣
城北十里相傳唐太宗征遼時飲馬于此

泰安州在府城南 轄縣二

泰州唐所置也金乃曰泰安本齊之博邑吳延陵季子往齊子死葬贏博之間是矣漢武帝封禪泰山乃分贏博立奉高縣以奉泰山之祀隋開皇中改奉高曰岱山博曰汶陽後又改汶陽曰博城唐高宗改博城爲乾封宋改乾封爲奉符 國朝以奉符省入州志云奉符舊城在州東南三十里即唐乾封縣也新城在州南三里宋大中祥符間築○郡國志云東嶽廟在城西北三十里泰山下廟前有柏樹千株大者十五六闊漢武帝所種赤眉濟南府志勝入卷之二

賊砍一樹見血乃止有嶽令掌之按從征記泰山有下中上三廟漢武栢在中廟今嶽頂乃上廟爲碧霞元君所侵其廟殊湫隘不堪下廟在州治西周城四門等王者規制○尸子曰泰山中有神房阿閣三十六洞天之一也舜東巡狩至此秦始皇避雨處有五大夫松其山屈曲盤旋至頂高四十餘里上有三畧東曰日觀雞鳴時見日出高三丈西曰秦觀可望長安始皇嘗登此西望故名又西曰越觀可望會稽一名月觀以與日觀相對云丈人峯在山頂特出群峯之表齋宮傍有玉女池四

時澄注不竭又白鶴泉水泉俱在懸崖之半又西王母池在山下一名瑤池距西南五里有亭禪山爲漢武帝明堂故基宋真宗所禪也一名蒿里山上有蒿里祠又謂之社首山州南四十里有石闕山漢武帝所禪有仙人石問居其下又東五十里有亭亭山東南一百十里有云云山又其西爲梁父山古者帝王封泰山而禪梁父此之謂也晉陸機詩梁父亦有館詩里亦有亭○事始云無懷氏封泰山刻石紀功此碑之始也○秦碑在泰山頂秦觀峯東南刻始皇封泰山制丞相李斯所篆

濟南府志勝入卷之二

今毀僅存數字歐陽脩集古錄云余友江隣幾謫官奉符嘗至泰山頂上視秦所刻石處云石頑不可鐫斲不知當時何以刻也然四面皆無草木野火不及故能若此之久而風雨所剝其存者纔此數十字而已○漢武帝鼎銘云登于泰山萬壽無疆四海寧謐神鼎傳芳○磨崖碑有二俱在泰山頂磨絕壁而成其一唐開元十四年紀泰山銘隸十字徑五寸其一唐乾封間刻登封文字徑寸餘體類晉書○無字碑在山頂始皇所定今日石表秦以識封事也山堂考索云始皇立石頌德之文

曰事天以禮立身以義事父以孝成人以仁四海之內莫不郡縣四夷八蠻咸來貢職人庶蕃息天祿永得相傳有金冊石函金泥玉檢當是石函耳曰玉簡在蒿里山風俗通曰岱宗上有金匱玉策能知人年壽脩短漢武帝探策得十八因倒讀曰八十後果如其年數南宋劉義恭詩天明總神武乘時以御天金牒對梁父玉簡禪岱山○三溪在登仙亭下曰東溪西溪中溪相去各十餘里西溪尤勝有萃美亭在州四十里泰山下金知州姚榮建元奉高尹王愔重脩徐琰記畧云天下名山山魏

濟南府志勝入卷之二

三

然而大巖然而尊者泰山而已泰山勝境窈然而深蔚然而秀者西溪而已溪居岱宗之右麓延袤數十里樹林陰翳磴道崎嶇清泉奇石瑰瑋萬狀行愈遠而山愈奇境愈勝極溪之所窮巖崖百尺懸流下櫛望之如垂練者天神泉也天神泉之西有巨壑焉一水自天勝巖落爲盤石所散漫瀉于壑之上蔭若建瓴然者水簾洞也芙蓉懸刀飛鵝獅子諸峯削翠其上黑蟬白龍神潭水府潛球其下雲煙吐吞晦明變滅跳珠濺沫雷掣電領接有所不暇真山水之窟宅天壤之奧區也○統志

云泰山之傍有仙臺嶺汶水發源于此西南流與徂徠山陽小汶水合又西南流注洸河入濟述征記曰泰山郡水皆名曰汶汶凡有五口北汶瀛汶平汶紫汶洸汶皆源別而流同汶陽有田仰春秋成公二年齊人歸魯以謝過者隋設汶陽縣以此後人因名爲謝過城○大小汶河合流在州界鍾村鎮名曰輦汶又漆河源出泰山白龍池泮河源出泰山桃花峪梳洗河源出泰山黃峴俱西南流入汶又城南五十里漕河發源淳于野西南流于汶○泉志云州城東二十五里曰鐵佛寺泉傍有

濟南府志勝入卷之二

四

周家泉又東五里曰曲溝泉又二里有鯉魚板磬二灣泉又十里有北滾順河各家諸泉又東南十五里曰馬兒溝泉再五十餘里有羊舍刀溝泉再十里有東西二柳泉濁河泉水泊泉斜溝泉又州南八里曰龍灣泉再二里有木頭溝泉再十里有孔家泉再四十里有龍堂泉頗曾泉後村泉州西南五里曰張家泉再三十餘里有狗跑泉報恩泉陷灣泉按自鐵佛寺泉以下凡二十八泉多山平地土石中湧出俱入汶以達運河○水經注云汶水又東南過奉高縣北漢武帝元封元年

正以奉泰山郡治也縣北有吳季札子墓在汶水
南曲中季札之聘上國也喪子于贏博之間從征
記曰贏縣西六十里有季札兒冢冢圓其高可隱
也前有石銘一所漢末奉高令立無所述叙標誌
而已自昔恒蠲民戶灑掃之今不能然碑石糜碎
靡有遺矣汶水又南右合北汶水出分水谿源與
中川分水東南流逕泰山東右天門下谿水水出
泰山天門下谷東流古者帝上升封咸憩此水水
上往往有石窠存焉蓋古設舍所踰處也馬第伯
書畧云光武帝封泰山第伯從登山去平地二十
濟南府志勝入卷之二 五

里南向極望無不覩其爲高也如視浮雲峻壁宵
線仰視巖石松樹鬱鬱蒼蒼如在雲中俯視谿谷
綠林不可丈尺直上七十里仰視天門如從穴中
視天矣私天門谿之水自谿而東流注壑東南
流逕龜陰之龜山山在博縣北二十五里昔夫子
傷政道之陵遲望山而懷古之思有龜山操焉
山北卽龜陰之田春秋定公二年齊人來歸龜陰
之田是也又合環水水出泰山南谿南流歷中階
兩廟間從征記曰泰山有下中上三廟闕嚴整
廟中栢樹夾兩階大二十餘圍蓋漢武所植也赤

霄嘗斫一樹見血而止今斧創猶存門閣三重樓
榭四所三層壇一所高丈餘廣八丈樹前有人井
極香冷異于凡水未知何代所掘不常浚滌而水
旱不減庫中有漢時故樂器及神車木偶皆靡密
巧麗又有石鑄建武三十年宋貴侯張余上金馬
一疋高二尺餘形制甚精中廟去下廟五里屋宇
又崇麗于下廟廟東西夾澗上廟在山頂卽封禪
處其水又屈而東流入于汶水又東南流逕南明
堂下漢武帝元封元年封泰山降坐明堂于山之
東北趾武帝以古處險狹而不顯也欲治明堂于

濟南府志勝入卷之二

六

奉高傍而未曉其制濟南人公王帶上黃帝時明
堂圖圖中有一殿四面無壁以茅蓋之通水園宮
垣爲後道上有樓從西南入名曰崑崙天子從之
人以拜祀上帝焉于是上令奉高作明堂于汶水
如帶圖也古引水爲壁雍處是也今有世謂此水
爲石汶山海經曰環水出泰山南流逕龜陰之
水矣環水又左入于汶水汶水又南流逕龜陰
山西山多松栢詩所謂咀棘之松也記曰徂徠山
在梁甫奉高博三縣界猶有美松亦曰无昧之山
也赤眉渠帥樊崇所堡故崇皇號无昧三老山東

4

贈以詩云東嶽真人張鍊師高情雅淡世間稀堪
爲烈女書青簡久事元君佳紫微金縷機中拋錦
手玉清壇上着霓衣雲衢不用吹簫伴祇擬乘鸞
鶴自歸按碧霞元君祠在丈人峯下宏麗無比四
方人走祀以金帛焚香者不可勝計予意不知所
本今以夢得詩觀之則此祠當在唐已前

萊蕪縣 在沂東百
十里

春秋夾谷地齊靈公滅萊蕪人櫛流此谷邑落蕪
沒故曰萊蕪東漢范子雲曾爲此縣長百姓歌曰
釜中生魚范萊蕪甌中生魚范子雲○唐史廣明
濟南府志勝入卷之二

八

萊蕪縣在州東白

贈以詩云東嶽真人張鍊師高情雅淡世間稀堪
爲烈女書青簡久事元君住紫微金縷機中拋錦
子清煙上着霓水雲衢不用吹簫作祇擬乘鸞
飛自歸按碧霞元君祠在丈人峯下宏麗無比四
方人走視以金帛焚香者不可勝計予意不知所
今今以夢得詩觀之則此祠當在唐已前

春秋夾谷地齊靈公滅萊蕪人猶流此谷邑落蕪
沒故曰萊蕪東漢范子雲曾爲此縣長百姓歌曰
金中生魚范萊蕪甌中生鹿范子雲○唐史廣明
濟南府志勝入卷之二 八

中黃巢倡亂犯闕翠華西幸李師悅以彭門之師殲巢寇于萊蕪縣狝虎谷卽此地矣○志云孟游亭在縣治東南孟子塋母反于齊止于羸卽此亦相傳縣北三十里有故羸城爲季札塋其子處○牟城在縣東二十里隋開皇間置卽述征記所稱牟汶者也裴頭城在縣東北六十里俗傳漢武帝登蓬萊經此築城以方簪冠學道故名○蒼龍峽在縣西南八里其山狹而水急內多奇石如龍噴水之狀○縣南二十里有仙人山相傳安期生脩

十里其山出鐵漢置鐵官至今鼓鑄不絕○冠山在縣西南五十里漢昭帝元鳳間山忽洶洶如千人聲視之有大石自立高丈五尺四十八圍三石爲足一石居上其形如冠故名○楊丘山在縣西北五十里古有楊姓者隱居此山之麓又肅然山其脉從楊丘來氣勢兇戾肅然可畏相傳帝王封泰山者禪此○縣東五十里原山一名岳陽山經云淄水出其陰汶水出其陽者也酈道元引地理志曰原山淄水所出淮南子以水出自飴山蓋山之別名云東北流逕萊蕪谷屈而西北流逕其縣濟南府志勝入卷之二 九

故城南從征記曰城在萊蕪谷當路阻絕兩山間道山南北門漢末范史雲爲令言萊蕪在齊非魯所得引舊說云春秋定十年夾谷之會齊侯使萊人以兵劫魯侯宜尼稱夷不亂華卽此處也余按泰蕪萊柞並山名而郡縣取曰焉左傳曰與之無山及萊柞是也應劭十三州記曰泰山萊蕪縣魯之萊柞邑淄水又西北轉逕其城西又東北流與一水合水出縣東南俗謂之蒙桑谷水列仙傳曰鹿皮公者淄川人也少爲府小吏才巧舉手成器岑山上有神像人不能到小吏白府君請木工斤

斧三十人作轉輪造縣閣意思橫生數十日梯道成上其巔作祠屋留止其傍其二間以自固食芝草飲神泉七十餘年淄水來山下呼宗族得六十餘人命上山之半水出盡漂一郡沒者萬計小吏辭遣家室令下山著鹿皮衣升閣而去後百餘年齊蔡于齊市也其水西北注淄水淄水又北出山謂之萊蕪口○水經注云汶水出縣西南山流入萊蕪谷夾谷連山百數十里水陸多行石澗中出藥草饒松栢林藿綿濛崖壁相望或傾岑阻徑或迴巖絕谷清風鳴條山壑俱響凌高降深兼備濟南府志勝入卷之二 十

慄之懼危蹊絕徑過懸度之艱未出谷十餘里有別谷在孤山口有清泉泉上數丈有二石穴容人行入穴丈餘高九尺許廣四五丈言是昔人居山之處薪爨煙墨猶存谷中林木緻密行人步能至矣又有少許山田引灌之蹤尚存谷有平丘而山傍水土人悉以種麥云此丘不宜種麥齊人乃相承以殖麥意謂麥丘所棲愚公谷也何其深沉幽翳可以託業怡生如此也余時逕此爲之踟躕而屢眷矣○泉志云郭泉在縣西南十五里旁有牛泉俱西北流入汶河○烏江泉在縣西北二十

里又四十里有呂公泉俱南流入汶河又湖眼泉在縣東南三十里一曰狐眼調泉眼如狐目也旁有鴈山泉蓮花泉俱西南流入汶河又縣東北四十里有小龍灣河合縣西十里之司馬河西南流入汶又縣南二十里勝水峪乃汶水之所匯也閻子壽云則吾必在汶上矣即此○唐高適送郭處士往萊蕪兼寄荀山人詩君爲東蒙客往來東蒙畔雲卧臨嶧陽山行窮日觀少年詞賦皆可聽秀眉白面風清冷身上未嘗染名利口中獨不知羶腥今日還山意無極豈知世路多相識歸見萊蕪濟南府志勝八卷之二

士

九十翁爲論別後長相憶

新泰縣

在州東南百八十里

春秋魯平陽邑也宣公八年城平陽杜註曰今泰山有平陽縣漢爲東平陽縣按河東有平陽縣故此加東晉泰始中鎮南將軍羊祜此縣人疏改爲新泰縣屬泰山郡隋開皇年魯屬沂州寰宇記以縣之東北三十里有艾山一名臨藥山卽沂水之所出矣○志云縣治儀門內有古槐一株元時縣省入萊蕪此槐遂枯後縣復槐因復萊邑人目之爲靈槐○縣東北十里有榆山以山多榆故名

傍有五峯突起謂之五峯山其下有寶泉寺泉水澄清若鏡寺以此名○鰲山在縣東南十里以山形似鰲而名其上有齊魯二王祠志云卽岱山也又二十五里爲具山左傳桓六年九月丁卯子同生公問名于申綽對曰名有五不以山川先君獻武廢二山注具岱也獻公名具武公名岱皆因諱而廢○縣西北四十里有宮山按萊蕪界泰山之左翼也舊名小泰山上有雲霞岫東有毬杖壑西有水寨溪五雲澗西北有千人洞相傳漢武帝求仙建宮于此上有石鞦韆架尚存宋常魯記云漢

士

濟南府志勝八卷之二

武帝易小泰山爲宮山封三峯爲義山義山之地曰黃嶺下有洞深遠莫測其下有東西二侯祠相傳卽漢武所築○水經云汶水又西逕泰山東平陽縣志云此小汶河也在縣東北三十里源出龍池西南流百里入汶河又縣東有東河源出孤山下縣西有泥河源出寨山下俱西南流三十里入小汶河又宮山之陽有廣平河古河及劉杜南師諸泉水俱流入汶南師泉有地口南師鎮晉師曠墓在焉○塚記云羊續墓在縣西六十里羊頭鎮去徂徠山三十里有五塚三塚高丈餘二塚半之

其三高塚一爲漢廬江太守續墓一爲晉太傅祜墓一爲丹陽尹曼墓其二塚不知爲誰舊傳有相墓者謂其地有帝王氣若鑿者則無後枯竟鑿之相墓者復見之曰猶出折臂三公枯果至三公墮馬折臂而無後

德州在府城西北領縣二

漢之安德縣也後魏設安德郡隋曰德州矣本南國鄭姓咎謫之後漢爲縣高齊天保七年廢入郡故城在州西北入德平縣界○水經云大河西流逕平原南縣故城西地里志曰南津也王莽名之濟南府志勝八卷之二

三

曰河平城光武封朱佑爲侯國志云南津在州西南七十里其北有朱佑墓馬頰河在州南七十里黃河滴河俱在西南八十里○方山在州東北高四丈衛河在城西蓋衛與衛漳諸水合流處駕馬河在城東四十里俗呼爲土河水漲自東昌魏家灣溢出循故道東北入于海不則常枯○志云州城後魏太昌縣築城東南五里有陳公堤宋陳堯佐守濟時築○董子讀書臺在州學內 國朝正統間知州常景脩學于東廡階下掘得石碑刻曰董子讀書臺○清河郡公墓在州治西單懷人張

祐也元時封清河郡公卒塋于此又城北二里有蘇祿國王墓我永樂間來朝者道卒而塋焉有御祭文勒諸石○國朝程敏政德州道中作出逢漕舟來入逢漕舟去聯檣密于指我舫無着處沿流或相妨百詬亦難禦有如暴客至中夜失所據平生凡幾出苦口戒徒御恐後莫爭先寧緩勿求遽今茲畏簡書刻日觀當寧而况河防嚴衣冠重相懼危坐鬱成晚少寢爲達曙蕭蕭傍水村隱隱隔城樹緬懷古賢哲高卧得深趣愧此行路難推蓬賦長句

濟南府志勝八卷之二

四

德平縣在州城東一百六十里

漢曰平昌五代改爲德平唐以般縣省入○水經注云屯氏別河又東北逕西平昌縣故城北北海有平昌縣故加西漢宣帝元康元年封王長君爲侯國故渠川派東入般縣爲般河蓋亦九河之一道也漢書稱公孫瓚破黃巾于般河卽此瀆矣又東爲白鹿瀆水南北三百步東西千餘步深三丈餘其水冬清夏濁渟而不流若夏水洪泛水深五丈方乃通注般瀆焉又逕般縣故城北王莽更之曰分明也屯氏北瀆又東北逕重平縣故城南應

砌曰重合縣西南八十里有重平鄉故縣也志云故平昌城在縣東北一里殷城在縣東北二十五里重平城在縣西北三十里北齊省入平昌○基山在縣西二十里又五里為觀蓮堂相傳卽漢先主所築○馬頰河在縣南十里唐久視元年開決又名新河縣西北二十五里有黑子潭兩岸陡立淵深莫測望之水深如釜流注入屯氏河○趙龍墓在縣西北一里龍平原君勝之後在唐為濟恒二州刺史其銘見存○凡魯公墓在縣西南八里元凡魯之族自朔方來居為淮南康訪使

濟南府志勝入卷之二

五

平原縣

在州東南百二十里

地里風俗記曰原博平也故曰平原漢平原郡治高帝六年置○晉陸雲答兄平原詩悠悠塗塗可極別促怨會長街思戀行邁興言在臨觴南津有絕濟北渚無河梁神在同逝感形留悲參商衡輓若殊迹牽牛非服箱○水經注云大河故漬又東逕平原縣故城西而北絕屯氏漬北逕驛幕縣故城東驛幕城在縣西北二十里高齊省郡國志云殷至祖乙時置驛于此○志云縣治內有蕭望之墓衡伏湛祠按望之東海蘭陵人宣帝時出為平原

太守上封事言時政匡衡東海人為平原文學與諸生說詩學者師之湛以吏始時刺平原海內兵革所在驚擾湛獨晏然門下皆謀欲為湛起兵湛立收斬之于是郡人不敢易向○治西有昭烈祠按漢昭烈初從公孫瓚徇青州有功因以為平原相時郡民劉平素輕備耻為之下使客刺之客不忍刺語之而去今祠像設昭烈南向關張東西向有弓矢傳云三國時所遺○晉陸機吳郡人領平原內史世稱陸平原以此地里志云平原領有望遠臺相傳陸機所築以望吳門今建港曰壽公港

濟南府志勝入卷之二

六

○金石錄云管輅祠在縣西南十里漢東方朔畫像碑在縣治內晉吳侯湛讚唐顏真卿書○按魯公以天寶中出守平原時安祿山反河南北城邑皆陷獨平原得全德宗間而駭歎曰吾不知顏真卿所為若此後為李希烈所害有特祠宋文天祥過真卿祠云平原太守顏真卿長安天子不知名一朝漁陽動擊鼓大河以北無堅城君家兄弟奮戈起一十七郡連夏盟賊聞失色引軍還不敢長驅入咸京蓋指其實也世又傳魯公遇害時乃尸解去後殷其棺惟隻履存

武定州

在府城東北領縣四

後漢樂安國地

國初設樂安州沿其名宣德二年

改今額以其時市平漢庶人云○隋樂安郡治陽

信唐治厭次今轄縣陽信存而厭次省入州○厭

次者相傳秦始皇東遊厭氣至碣石次舍于此故

謂之厭次城城內漢東方朔家有城東南二十里

又有康頤塚上有祠○寰宇記云黃河在縣南三

里滴河在縣南四十里俗名大河方十餘頃其北

有隄橫亘州人賴之又十里爲葦索河今爲平壤

近東南者獲桑麻之利○廣野軒在州東南隅宋

濟南府志勝入卷之二

七

張之才建自爲詩云城隅荒僻地蕭酒亦清虛雅

有林泉樂閒同郊野居小園春自好幽徑客來疎

不學樊遲稼虞卿喜著書

陽信縣

在州城北

漢縣也故城在縣西南七里俗呼子務城○郡國

志云古千乘城博昌城俱在陽信縣西亦漢時縣

縣東五里有瑗城一名連城左傳哀十年晉趙鞅

伐齊取犁及轅杜預注云轅卽瑗漢書地理志瑗

後漢改爲東順縣卽王莽之東順亭也又五里有

馬嶺城後魏移厭次縣于此○志云富平城在縣

東南三十里漢張安世孫延壽徙封之邑關駟地

里志曰富平縣卽厭次縣乃一城二名也但厭次

後來屢易其處或亦嘗居此城耳晉邵續與段匹

磾弟文鴛合兵攻石勒屯此亦名邵續城○水經

云屯氏別河又東北逕陽信縣故城南東北入海

又云時水在縣城西春秋莊十年戰于乾時杜預

注曰水在樂安界旱則涸故言乾時按時水本在

青州此或其入海之支流也○塚記云閭相如墓

在縣東南二十五里又有狼丘塚在東南相傳薛

仁貴征東時憩此野火將燃有一狼以身取水展

濟南府志勝入卷之二

六

草火至而熄旣覺則狼已死因瘞之

海豐縣

在州東北

隋之無棣縣也後省入陽信五代之保順軍也後

省入樂陵國初仍設縣曰海豐○無棣溝在縣

西北十五里周武王賜太公履北至于無棣是也

溝東與鬲津河合唐末徽初滄州刺史薛大鼎因

故道疏之以達海云○古黃河隄在縣北一里西

抵樂陵南抵德州黃龍灣在縣北七十里又二十

里爲商津河與無棣溝同入海○縣北八十里有

馬谷山山中有洞深廣二丈餘又四十里曰驢山

俗以此二山呼爲大山小山傍有古井其列不窮人呼爲自然泉○城塚記云信城在縣北十里相傳韓信下齊時所築今名信城里又十里卽無棣城周公賜履處也廣武城在縣北八十里世傳李左車所築唐張祐登廣武原詩廣武原西北華夷此浩然地繼山人海河遶國連入遠樹千門邑高橋萬里船鄉心日云暮猶在楚城邊○漢魏王豹墓在縣北十七里○王佐墓在縣西南國朝正統間戶部尚書死土木之難○趙伯深者其父曰子淵宜和開爲棣州兵官燕雲師起勅于淵馳寒濟南府志勝入卷之二 九

商河縣在州南一百二十里

隋開皇于枋故城置今縣兼有涇沃縣之地按枋縣屬平原郡涇沃縣屬千乘郡漢書地里志俱載之其屬武定州自我朝始○王廷相商河聞屬詩驚風盪沙瀛洲鴻遞飄音乍迫響逾急漸遼影終沉日舉陰霞低霄浮河臨噫思南洲奕奕

度楊林適志洞庭浦刷羽衡陽岑返往豈不嫌霜寒亮難任崔子厭玄菟梁生匿山陰避地古有然達變智所欽傾聽入寥天因之動遐心

樂陵縣在州城西北九十里

本漢富平縣地三國魏爲樂陵國晉樂陵郡理太始元年封石苞爲樂陵公于此隋初郡廢改爲縣○水經注云屯氏別河又東逕樂陵縣故城北商河又東北經富平故城分爲二東水謂之長叢溝比水謂之白薄濱俱注于海

濱州在州東北一百一十里 傾縣三

濟南府志勝入卷之二 十

漢千乘郡地五代周設爲濱州以地濱于海也城東北有秦臺高八丈周迴二百步相傳始皇築以望海者茅焦此地人有臺曰茅焦臺○唐渤海城在州東北大營城在州西二十里金人屯兵所築○段干木墓在州西北十里○自營篇云宋祥符末呂夷簡通判濱州王文正公兄之語王沂公曰此人異日與舍人對秉鈞軸沂公問狀曰以其奏請如不稅農器數事知之已而果驗

利津縣在州東六十里

本渤海縣之永利鎮金明昌初置縣曰利津志云

利津故城在縣治東大清河岸遺址見存又官竈城在縣南遺址生棘向上俗傳云順皇棘有鐵門關在縣北七十里與豐國鎮相連

霑化縣在州西北六十里

亦渤海縣地宋置招安縣金改今名○志云久山在縣東北七十里世傳秦始皇築此山以鎮海口故名○晴雲樓在縣東六十里富國場內元至正間司丞元凱建

蒲臺縣在州南三十里

漢臨沃縣隋改爲蒲臺○寰宇記云古蒲臺在縣北四十里秦始皇所築臺上繫蒲繫馬蒲生盤曲如繫馬之狀土人掘地得石函一枚有字刻云內

濟南府志勝入卷之二 三

墓辟支佛牙一顆啟函視之果然且其傍灰土驗之皆銀屑也比丘因齋僧人靈巖造塔葬之○志云黃河在縣西南七十里大海在縣東百四十里海畔有一沙阜高一丈周廻二里俗呼爲關口淀是濟水入海之處海潮與濟相觸故名淀上有井可食海潮雖大淀終不沒百姓于其下煮鹽○縣南有福田寺東南有迎介觀音唐宋時建有古碑○石門在縣東二十里元戴貞孝義門旌表處

兗州府在山東布政司領州四縣二十三

爾雅濟河間曰兗州劉熙釋名兗州取充水以爲名也郡沿革志禹貢之兗界在濟河而今日之境畧及海岱故其東南郡也屬徐州之域者十之七八西北郡也屬兗州之域者十之一二蓋宅徐之方面受兗之名也然府治寬春秋及漢之魯國而秦之薛郡也後漢分置兗州治昌邑在府屬金鄉縣界劉宋元嘉中徙治瑕丘即舊嶧陽城也在府城西二十五里又有兗州故城在府城東北延即隋唐以後遷者○路史兗有檀鄉地志云瑕丘兗州府志勝入卷之三

嶧陽縣附

嶧陽山在縣西三十里縣以此名本漢瑕丘縣隋避先聖諱故改之春秋哀七年以邾子益來因詣

負瑕註云魯邑也武帝元光間封魯恭王子政爲
瑕丘侯晉置魯郡于此城南樓刻有杜市詩東郡
廂庭日南樓縱日初浮雲連海岱平野入青徐孤
嶂秦碑在荒城魯殿餘從來多古意臨眺獨躊躇
後人呼其處爲杜市臺又謂之獄雲樓○城北門
外舊有曲桑里李白魯城北郭曲腰桑下送張子
還嵩陽詩送別枯桑下凋葉落半空我行惜道遠
爾獨知天風誰令張仲蔚還依蒿與蓬何時一樽
酒更與李膺同太白又有魯城北尋范居士失道
落蒼耳中見范置酒摘蒼耳一首爲度秋色遠日

兗州府志勝

入卷之三

土

靜無雲時客心不自得浩漫將何之忽憶范野人
閒園養幽姿茫然起逸興但恐行來進城河失往
路馬首迷荒陂不惜翠雲裘遂爲蒼耳欺入門且
一笑把臂君爲誰杜市與李十二白尋范二隱居
李侯有佳句往往似陰鏗余亦東蒙客憐君如弟
兄醉眠秋共被攜手日同行更想幽期處還尋北
郭生○城東門曰東魯門今爲宗魯門李白出東
魯門詩日落沙明天倒開波搖石動水絮起輕舟
泛月尋溪轉疑是山陰雪後來又水作青龍盤石
堤桃花夾岸魯門西若教月下乘舟去何啻風流

入剡溪○堯祠在東門外太白魯郡堯祠詩云朝
策黎眉騁舉鞭力不堪強扶愁疾向何處角巾微
服堯祠南長楊掃地不見日石門噴作金沙潭笑
誇故人持絕境山光水色青于藍廟中往往來擊
鼓堯本無心爾何苦門前長跪雙石人有女如花
日歌舞李白又有秋日魯郡堯祠亭上宴別杜補
闕范侍御詩我覺秋興逸誰云秋興悲山將落日
去水與晴空宜魯酒白玉壺送行駐金羈歌鞍憩
古木解帶挂橫枝歌鼓川上亭曲度神鸞吹雲歸
碧海夕鴈沒青天時相失各萬里茫然空爾思口

兗州府志勝

入卷之三

三

寰宇記云堯祠在兗州故城東南七里洙水之西
泗水自曲阜縣界流合之城北六里有負瑕泉其
東有關黨泉東北有新泉其西有蔣謂泉西北又
有新泉俱南流入泗北河記云泗水又合沂雩二
水從金口壩入兗州界溪岸逶迤水色清泚頗類
江南之勝○志云濟河卽金口關下流也逕郡城
西與城中水合至昌平驛前又西三十里有關曰
杏林宋元間所建又稍北爲高吳橋河卽洙水也
洙水至堽城壩離而爲洙水西流入于邑境過高
吳橋入濟寧天井關○水經注云洙水又西南埽

津出焉又南逕取丘城東而南入石門向來結石
為水門跨于水上也西南流世謂之杜武溝杜甫
同劉九法曹鄭取丘石門宴集詩秋水清無底蕭
然淨客心桴曹乘逸興鞍馬到荒林能更逢聯璧
華筵直一金晚來橫吹好泓下亦龍吟李白魯郡
東石門重別杜甫詩醉別復幾日登臨徧池臺何
時石門路重有金樽開秋波落泗水海色明徂徠
飛蓬各自遠且盡手中杯○甌山在縣東北七十
里魏書兖州境內猛獸為暴太守張華原臨政甌
山中忽有六駭食此獸其害遂絕○房僕射墓在
兖州府志勝入卷之三

四

城北八里五代人名知溫玄齡八代孫也○魏賈
使君碑在府學內碑陰云唐褚遂良書法實師此
碑○駱賓王在兖州餞宋五之問淮沂泗水地梁
甫汶陽東別路青驪遠離樽綠蟻空柳寒凋密翠
棠晚落疎紅別後相思曲悵斷入琴風李白魯郊
觀刈蒲詩魯國寒事早初霜刈渚蒲揮鎌若轉川
拂水生連珠此草最可珍何必貴龍鬚織作玉牀
席欣承清夜娛羅衣能再拂不畏素塵燕

曲阜縣在府城東
四十里

曲阜者以城東有阜委曲長數里也昔者神農徙

都于此晉譙周云炎帝居大庭今有大庭坡及大
庭氏之庫高二丈春秋左氏昭十八年梓慎登之
以望氛曰宋衛陳鄭火杜註大庭氏古國名在曲
阜城東百五十步唐李白詩朝登大庭庫雲物何
蒼然莫辨陳鄭火空靈鄭魯烟我來尋梓慎觀化
入窠天古木朔氣多松風如五絃帝圖終冥沒嘆
息滿山川○郡國志云少昊都窮桑按窮桑在魯
城北顯頊亦自窮桑徙于帝丘晉干寶以為微在
生孔子于窮桑之地今名孔實魯南山之穴也
路史有辯其詳○皇山謚帝王世紀云黃帝生于
兖州府志勝入卷之三

五

壽丘壽丘在魯東門之北六里高三丈山海經云
地在窮桑之際西射之南史記又云舜作什器于
壽山按統志云窮桑在縣東北二里黃帝軒轅氏
塋此本名壽丘至金始改為壽陵少昊陵在壽陵
東前有石壇石像極其工巧又有八卦石○魯世
家云周武王二年封周公旦于魯周公相成王伯
禽之魯今有伯禽井在城東北三里亦名車轎井
水白而其俗呼為漿水井禮記明堂位曰成王封
周公于曲阜地方七百里車千乘孟春之月祀
帝于郊故有圜丘在縣南七里○按魯國都即今

北城也舊魯城凡十二門東有二門正東曰建春門門內有季武子臺高三丈五尺春秋定十二年公山不狃率費人襲魯公與三子入于季氏之宮季武子之臺是也門外有襄仲臺周迴四十步高五丈其東之北名上東門左傳定八年公歛處父帥成人自上東門入註云魯東城之北門也又國語臧文仲祭爰居于魯東門之外皆此門矣今名始明門曰西五門第一曰鹿門襄二十三年臧孫紇斬鹿門闕以出者白家魯記云鹿門有兩井一爲臧武仲井深六十尺一爲季桓子井深八十八

兗州府志勝八卷之三

六

大國語季桓子穿井得如土缶其中有羊以問仲尼曾此西第三曰稷門莊三十二年圍人犂能投荃于稷門者也最西者名子駒門文十一年獲長狄僑如埋其首于子駒之門是矣正南曰雩門以面雩水爲名莊十年公子偃自雩門竊出蒙臯比而犯宋師杜註雩門魯南城門也次南第二門曰石門論語子路宿于石門又呂氏春秋歸父居石門皆指此最南者曰高門僖二十年春新作南門傳曰書不時也本名南門值公更高而大之故名高門高門有圖雞臺臺二所高一丈五尺相去

各四步魯季師之雞圖季氏芥其雞師氏爲之金距厥後平子登臺請命于昭公杜註云二家相近也口水經注云魯南門外一里道西有道兒石碑是魯相陳君立昔魯參居此泉不入郭馬東南門外二里爲五父衢襄十一年季武子將作三軍盟諸僖闕詛諸五父之衢註云五父衢道名在魯國東南卽魯宮殿所在北門外曰陽關門定八年陽虎入譙陽關以叛者也口最北者名萊門哀六年公子陽生請與南郭且于乘出萊門而告之故矣

兗州府志勝八卷之三

七

八以二至二分日登此臺望雲物以卜歲也日南至公登臺以望而書見僖五年亦名泮宮臺詩云既作泮宮淮夷攸服者也元楊漢東游記謂臺下有水自西而南深丈許而無源兩觀臺各高一丈定二年雉門及兩觀災杜註云闕也孔子誅少正卯處○莊公臺在魯城內公三十二年築臺臨黨氏以見孟任○昭公臺在莊公臺西南五十步魏地志魯有昭公臺是也○孔子祠一名闕里以在兩觀闕之右而名從征記曰闕里墻南北百二十步東西六十步四門各有石闕北門去泮水

百餘步郡國志云漢初闕里荆棘自闕從講堂至里門高帝十二年過魯以太牢祠之後漢光武帝明帝東巡狩俱幸焉唐玄宗過孔子廟詩地隣鄒氏邑宅即魯王宮是也漢侯王表魯共王壞孔子壁爲靈光殿得古文尚書授之伏生後經火而靈光巋然獨存郡國志云闕里有夫子牀侑石硯一枚制作甚朴云夫子平生所用物水經注云孔廟有魯人藏孔子乘車一具卽顏路所請者漢獻帝時廟遇火未平中鍾離意爲魯相出私錢萬三千文付戶曹孔詡治夫子車身入廟扶几席劍履屨

兗州府志勝

卷之三

八

子張伯除堂下草土中得玉璧七枚伯懷其一以六枚自意意令主簿安置几前孔子寢堂牀首有懸甕意召孔詡問何等甕也對曰夫子甕也背有丹書人勿敢發意曰夫子聖人所以遺甕欲懸示後賢耳發之中得素書文曰後世修吾書董仲舒護吾車扶吾履發吾笥會稽鍾離意璧有七張伯藏其一意卽召問伯果服焉魏黃初二年文帝令郡國脩起孔子舊廟置百夫吏卒廟有夫子像列二弟子執卷立侍穆穆有訓仰之容漢魏以來廟列七碑二碑無字括栢猶茂廟之西北二里有顏

母廟廟像猶嚴有脩栢五株廟東南五百步有靈石闕卽靈光之南闕北百餘步卽靈光殿基東西二十四丈南北十二丈高丈餘東西廊廡別舍中間方七百餘步闕之東北有浴池方四十許步池中有釣臺方十步池臺悉石遺基尚整故王延壽賦曰周行數里仰不見日者也志云南溪在縣東南里許乃古靈光殿址南有釣魚池○集古錄載孔廟碑後漢永壽二年魯相顏午撰太尉鍾繇書建寧二年魯相孔林奏祀夫子碑及隋唐已來不可勝紀按今孔廟有漢魏碑各一及唐張季珪入

兗州府志勝

卷之三

九

分書碑漢爲中郎將蔡邕撰魏陳思王曹植撰唐李邕撰餘皆殘缺廟中有夫子手植榆碑記云榆原三株兩株在贊德殿前高六丈餘圍一丈四尺其文左者左紐右者右紐一株在杏壇東南隅高五丈餘圍一丈三丈其枝盤屈如龍形世謂之再生榆晉永嘉三年枯死隋義寧元年復生唐乾封元年又枯死至宋康定元年復生金貞祐甲戌春正月北寇犯闕里焚祖廟延及三檜無復孑遺好事者取其煨燼之餘刻爲聖人及十哲像或爲簪笏而香氣襲人是宋時復榮之檜至是亦不存矣

元至正三年復生東廡顏趾僅隙間時張顥爲三氏學教授乃取植之故所漸矯如龍形高一丈圍三尺國朝弘治十五年復燬于火尚有遺幹在大成門內兗州知府童旭置石欄以護之今尚存○志云闕里因兩觀臺闕以爲名昔洙而泗卽嬰相之圃觀者如堵端今爲曲阜學址闕里前卽杏壇夫子授業諸弟子處金高德齋有杏壇銘北有子路捨丁石南有宋真宗御寶殿所製碑存○陋巷在孔廟北二百步舊有顏子井廢宋膠西太守兗州府志勝入卷之三

十

孔周翰重濬作亭于上曰顏樂司馬光銘蘇軾記程顥系之以詩○志云洙水發源縣南五里平地泗水東自泗水縣流入與洙水並流南爲洙水北爲泗水從征記云洙泗二水交于魯城東北十七里是也沂水發源尼山之麓泮水發源縣之西南馬跑泉俱西流入泗泮水一名雩水有雩壇在泮水側亦名舞雩臺論語浴乎沂風乎舞雩卽樊遲從遊處也魯頌云思樂泮水薄采其芣魯侯戾止在泮飲泗今有浮香亭在雩水北是其遺址東遊記云北涉雩水山竹徑登浮香亭殊有幽勝○城

塚記云魯伯禽墓高四丈四尺去縣七里書序魯侯伯禽宅曲阜是也○魯文公墓高五丈五尺在縣南九里冢北有石人四獸二口魯恭王墓高一丈去縣八里恭王及子孫已下諸王皆葬于此大墓四十餘有石獸四石人三口魯諸王墓前石人兩臆間篆刻有曰漢樂安太守廉君墓塚者有曰府門某者餘剝落不可識其南一里許識恭王塚他不知名○孔子墓高一丈二尺在縣北三里史記孔子塋魯城北泗上弟子三千心喪畢相訣而去子貢廬于冢上凡六年弟子及魯人從冢而家

十一

兗州府志勝入卷之三
者百有餘室因命曰孔里今呼爲孔林皇覽冢墓記云孔子冢塋百畝本無祠堂塋中樹以百數皆異種魯人世世無能名其樹者民傳言孔子弟子異國人各持其方樹來種之塋中不生荆棘及刺人草今惟有柞樹成林更無異木論衡云孔子當泗水而塋爲之却流矣伯魚墓在孔子墓東十步前數十步爲子思墓墓前有石翁仲二左執笏右帶劍石麟石虎四石華表二漢永壽元年魯相韓叔節所建東向一室相傳子貢廬墓所止口孔林碑在子思墓前石壇上二龕徑三寸深半寸前

漢居攝元年二月造有曰上谷府卿者有曰祝其卿各數字甚古後漢延平元年孔朗碑延熹七年泰山都尉孔君之碑今移入廟中故博陵太守孔府君碑無年號字多剥落今皆移入廟○顏回墓在縣東二十里防山下謂之顏林墓前有石楠二株可三四十圍舊傳顏子手植又孔子父母合葬于防防墓崩孔子過之曰丘東西南北之人也記曰孔子不脩墓○魯源村在尼山南叔梁紇所生之地家語云叔梁紇與顏氏祈于尼山而生孔子祖庭廣記云顏氏禱于尼丘升之谷草木之葉皆充州府志勝入卷之三

主

生起降之谷草木之葉皆下垂姪十一月而生其山五畧連峙中峯之麓有宜聖廟廟南有觀川亭亭東有坤靈洞元時常有人持火曳絙而入三四丈忽隙間有光視一室口廣兩楹中橫石牀石枕皆若天成志云尼山在縣東南五十里連泗水鄒二縣界○顏母山與尼山相對上有聖井及顏母廟即孔子之母也按寰宇記以孟軻墓在縣南四十里原屬鄒縣唐貞觀年大使杜正倫始割入曲阜則孟子墓亦當在尼山之麓矣○宰我墓在縣西南二十里○顏叔子墓在縣東南三十里名

清陵墳○秦始皇女墓在縣東二十六里相傳始皇東巡其女卒塋于此山多美石謂之女陵山○城邑攷云古邾城在縣東南四十里春秋哀七年魯擊柝聞于邾注言近也邾人于此築小城以備魯無濠塹○古汶陽城在縣東北四十里桓十二年公介杞侯莒子盟于曲池注云魯國汶陽縣北有曲水亭王莽謂之汶亭唐高適汶陽道中詩聖人父已矣游夏遙相望日出見闕里山平知汶陽今入寧陽縣界○奄里在魯城東二里許即曲阜舊城址記云從魯郡出奄中張茂先以卽魯奄充州府志勝入卷之三

主

里也志謂之商奄里○義婦里昔齊伐魯至郊遇婦人抱一兒携一兒軍至棄小者抱大者而去軍乃問何棄小抱大婦人曰大者亡兄之子小者妾所生寧棄所生亡兄嗣不可絕也軍義之與食而去乃旋師○縣東開元里有義門宋大中祥符間真宗東封回充以周公後東野紆累世同居詔旌其門曰義門

寧陽縣

在府城北五十里

漢縣也武帝元朔三年封魯恭王子恬爲寧陽侯于此○寰宇記云故剛城春秋之圖父也漢爲剛

縣在縣東北三十五里逼近汶河相傳梁武帝所築有釣魚臺在城內又五十五里有故成城古成國檀弓云成人有其兄死而不為哀聞子墨為成宰遂為之哀卽此城矣其傍又一城址周圍約五六里相傳為梁父城開山圖曰開父知生梁父知死今入泰安州西南界有梁父社○志云今治乃平原城後魏移置去古寧陽城北十七里隋開皇年以德州有平原縣遂改雙丘益縣東南二十里有雙丘城也金始復寧陽○圖經云伏山在縣北二十里洞有石像又名佛山其南有小山卽古寧

兗州府志勝

卷之三

古

山縣在其南故曰寧陽○縣西十五里有雲山山上有穴出雲故名又十五里為青石山後魏置青石山祠于此其山都是一大石耳發地祭立高四十餘丈周廻三里有石池二所東西行列類于人工冬夏澄清初無耗溢○告山在縣東北二十里其西有陪山與告山相值又十里有杏山上多杏林故名又二十里有淨山其旁為綠山○南出在縣南六十里上有水簾洞水聲潺湲晝夜不絕又稍東五十里有九峯山峯巒相接突起九頂參差可辨○縣東北四十里有雀山相傳春秋時有神

雀集于上卽魯義姑避難處也○鶴山在縣西北三十里又北有龜山皆以形似得名連汶上界○志云汶河西南自泰安州來至縣界分為二支謂之分水口縣東北五十里有龍港泉又十里有龍魚泉俱西北流注之○洗河在縣西三里許南流入嶧陽界縣西十里有柳泉東南十里有古城泉俱西南流注之有曹水發源縣東蛇眼泉其西有古泉來合東南流二里許有三里溝泉及井泉張家泉又南流十五里有金馬莊泉凡三十三里會流入漕以達于洗按志柳泉俗名柳子溝其上源

兗州府志勝

卷之三

五

在縣東北十里梁王臺側二臺相向遺跡尚存經縣東五里入漕諺云開得柳子溝仰面下揚州○水經注云洗水又南逕太山寧陽縣故城西漢縣王莽改之曰寧順也洗水又南渡水注之汶水南逕鉅平縣故城東而西南流城東有道詩所謂魯道有蕩齊子由歸者矣今汶上夾水有文姜臺卽此按鉅平漢縣改自故成城者元初省入泰安州國初入當縣今為故城社又鉅平西南有故汶陽城舊屬曲阜今割入當縣漢章帝東巡泰山立行宮于汶陽世謂之闕陵城○水經注云蛇水

經鑄城西襄二十三年宣叔娶于歸是也故蛇丘城在縣境內蛇丘西南有下讎城春秋桓三年公子翬如齊逆女齊侯送姜氏于讎卽此城矣又莊十三年齊人滅遂地里志云蛇丘遂鄉故遂國也○城塚記云縣東二里有韓鐸墓稍南有其子純墓碑多殘毀今華表存鐸仕劉宋太子中舍○宋王筠墓在城西南隅筠宣和間贈朝散大夫○娥女墓在城南二里其地出泉謂之娥女泉宋李蒙賦片娥女美容色善歌舞歿後化而爲泉生于巖石間垂酒如淚云

兗州府志勝八卷之三

夫

鄒縣在府城東六十里

漢鄒縣本邾婁之國曹姓也魯穆公改爲鄒倍二十二年邾人獲公曾縣于魚門杜註魚門邾城門也○寰宇記云嶧山在縣南二十里亦名鄒山哀公七年魯師入邾邾人保于繹杜預曰繹邾山也郭景純以此山純石積構連屬如繹絲然故名繹矣嶧與繹通史記秦始皇東行郡縣上鄒嶧山李斯立石與魯諸儒議頌秦功德其所刻石額名曰書門始皇乘羊車登之其路猶在山下去黃河三百餘里晴明日望之纔見禹貢嶧陽孤桐今此山

猶多桐栢也有穴遙與洞庭通謂之嶧孔可以逃難晉太尉却鑒避胡寇于此山下有大嶧名却公驛○集古錄云嶧山一名兗嶧山接魚臺縣界詩曰保有兗嶧遂荒徐宅卽此其陽有伏羲廟土人呼爲八卦山楊渙東遊記云過泗水地頗高敞南望兗嶧諸峯出沒于烟蕪雲樹之表矣○邑攷云鄒城叔梁紇所治之邑漢爲平陽縣統志云昌平鄉在城東北五十里史記孔子生于昌平故或入以爲鄒人之子也○志云孟子廟在縣南門外林木鬱蒼望之有泰山巖巖氣象舊廟爲宋知兗州

兗州府志勝八卷之三

七

事孔道輔建孫復撰碑在縣北二十里之馬鞍山上有孟母墓又縣東北三十里四基山傳聞孟子塋于此○按四基山山巔有石狀如堂基故名又北十里爲九龍山上有靈泉又名靈山蓼水發源于此東南注爲蓼溝西北流合白馬河入于泗水○志云白馬河在縣北三十里與蓼溝水同源一在山北一在山東北又縣東北二十里有溪湖廣三里亦發源九龍之麓與縣北岡山泉及鱗眼孟母陳家溝諸泉縣東南白莊泉及淵源柳青三角灣諸泉俱西南流入泗○岡山在縣北五里南

北並登南岡有石平潤數丈北岡有石卓立如碑
石上刻有大字形迹剝落不可曉其下有石井因
利溝水出焉因利溝者小沙河也經城東與大沙
河合大沙河出城東諸山蘭溝水入之西南流三
十里注于陂澤縣東南五里有接輿山形如兩
車相接故也其前後聯屬有諸山山牙山陽山牙
陽二山之間有高皇埠山不甚高俗傳漢高祖微
時潛跡于此又縣南六十里左曲村有光武洞以
光武避兵于此元大德間碑記尚存○距越山在
縣東北七十里之大陸村出形高大聳冠群峯上
充州府志勝八卷之三 六
有龍井及距越廟唐開元間建寺于山麓○呂公
洞在范山南麓洞門小而中甚弘深相傳呂洞賓
遊此有呂公丹井○妙光洞在嶧山麓山之洞穴
甚多其相通處往往有如數間屋而妙光爲最大
○城塚記云紀城在嶧山陽有紀侯墓墓前有古
碑又有漆城在縣東閭丘城在縣南襄二十一年
邾庶其以漆閭丘來奔者也杜預謂二邑在高平
南平陽縣東北有漆鄉西北有顯閭亭亭有古邾
邑碑○漢韋孟墓在縣東十五里之東韋社俗以
爲丞相賢墓按漢書賢徙平陵玄成別徙杜陵上

書願乞骸骨歸塋父墓或指其父孟也韋孟有在
鄒四言詩○張丞相禹墓在縣西三十里有古碑
斷裂不全○嶧山碑原在嶧山上刻秦始皇東巡
狩群臣頌功德之詞丞相李斯篆不知何時爲野
火焚裂後人傳其文刻于東宋歐陽脩云今俗傳
詩野火焚東宋傳刻肥失真宋歐陽脩云今俗傳
嶧山碑史記不載其字特大不類泰山存者乃棗
木傳刻爾後元祐八年鄒令張文仲嘆其殘缺恐
或泯滅復募刻于石置諸嶧陰堂今鄒縣治內所
存者是也說鄒云今嶧山實無此碑乃南唐徐鉉
充州府志勝八卷之三 九
所模刻石于長安者
泗水縣在府城東九十里
泗水出陪尾山下泉林寺南四源俱導故名志云
陪尾山在縣東五十里又縣東南二十里之冒山
山下有鮑村東嚴黃陰諸泉縣北五十里之九峯
山嶮水出焉俱南流入泗寰宇記云縣東南五里
珍珠泉出鳳凰山下縣東北有盜泉出徑山之陰
又縣東七十里之漏澤其穴有五皆方丈餘深二
丈每春夏積水秋冬漏盡謂之漏澤北河紀云泗
水西南會諸泉水達于曲阜夫子墓前○水經注

云泗水出魯卽縣北山又山海經曰泗水出魯東北皆非也余昔因公事路經洙泗尋其源流水出卽縣故城東南桃墟西北春秋昭七年謝息納季孫之言以孟氏成邑與晉而遷于桃社註魯國卽縣東南有桃墟世謂之陶墟以舜所陶處有井曰舜井皆爲此也墟有澤澤方一十五里淥水澄渟三丈如減澤西際阜俗謂之媽亭山益因陶墟舜井復有媽亭之名矣阜側有三石穴廣闊三四尺穴有通否水有盈滿滿則數丈之中傾陂竭澤矣左右民居識其將漏預以木爲曲狀約鄰穴可魚

兗州府志勝八卷之三

十

驚暴鱗不可勝載焉自此連岡通阜西北四十許步岡之西際使得泗水之源也博物志曰泗出陪尾益斯阜矣石穴吐水衆泉俱導泉穴各徑尺餘水源南側有一廟栢栢成林時則謂之泉源祠非所究也泗水西逕其縣故城南春秋襄二十九年季武子取卽曰聞守卽者將叛臣率徒以討之是矣南有姑蔑城春秋隱元年公及邾儀父盟于蔑者也水出二邑之間西逕郛城北春秋文七年經書公伐邾三月甲戌取須句遂城郛杜預曰魯邑也卽縣南有郛城備邾難也泗水自卽始會于邾

水二按志郛城在今縣西卽縣城在縣東五十里左傳成十八年晉侯宋公盟于虛杜注云地闕學者舊傳此地卽虛杜也古卽明國魯之卽邑漢爲卽縣縣屬汶陽地隋分汶陽置今縣故有汶陽城在縣西界又有梁父城在縣北莒棗城又北五十里魯隱公曰使管夷吾將老馬杜註莒棗魯邑在泰山梁父縣南○寰宇記云龜山在縣東北五十里詩奄有龜蒙春秋定十年齊人來歸龜陰之田田在山北水經注云昔夫子傷周道之陵遲故望山而懷操今琴曲有龜山操云○硯譜云柘

兗州府志勝八卷之三

廿

硯出泗水柘溝陶土爲之滑潤可愛昔記云東魯柘硯○集異記載陳留人蔡少霞性情恬和幼而奉道早歲明經得第選鄆州參軍秩滿再授兗州泗水丞遂于縣東二十里買山築室爲終焉之計居處深僻俯近龜蒙水石雲霞境象殊勝于一日公谿獨行忽得美蔭因就憩焉神思昏然不覺成寐因爲樹衣鹿幘人召去隨之遠達乃至城郭處所碧天虛曠瑞日瞳矓人俗潔清草木鮮茂少霞舉目移足惶惑不寧卽被導者令前經歷門堂深遂莫測遙見玉人當軒獨立少霞遽脩敬謁玉人

謂曰愍子虔心今宜領事少霞靡知所謂復爲鹿
憤人引至東廊止于石碑之側謂少霞曰召君書
此賀遇良因少霞素不工書卽極辭讓鹿憤人曰
但按文而錄胡乃拒違俄有二青童一賞筆視卽
付少霞曰法此而寫少霞凝神搦管頃刻而畢因
覽讀之已記于心矣題云蒼龍溪新宮銘紫陽貢
人山玄卿撰良常西麓源澤東海新宮宏宏崇軒
獻獻雕珉盤礎鏤檀棟榮璧瓦鱗差瑤階肪截閣
凝瑞霧樓橫橫祥霓囀虛迴微呂明捧闕珠樹規連
玉泉矩洩靈廳迴集聖日俯晰太上游儲無極便

兗州府志勝入卷之三

三

闕百神守護諸真班列仙翁鵠駕道師水潔飲玉
成漿饌瓊爲角桂旗不動蘭屋互設妙樂竟餘流
鈴間發天籟虛徐風肅冷徹鳳歌諸律鶴舞介節
三變玄雲九成絳闕易遷虛語童初浪說如毀乾
坤自有日月清寧二百三十一年四月十二日建

滕縣

在府城東南
百四十里

水經注云泗水又東沛水注之其北枝水西出逕
蕃縣北又西逕滕城北左傳隱十一年滕侯薛侯
來朝爭長薛侯曰我先封滕侯曰我周之卜正也
薛庶姓也我不可以後之公使羽父請薛侯曰君

與滕君辱在寡人諺有之曰山有木工則度之賓
有禮主則擇之周之宗盟異姓爲後寡人若朝于
薛不敢與諸任齒君若辱賜寡人則願以滕君爲
請薛侯許之乃長滕侯漢高祖封夏侯嬰爲侯國
號曰滕公鄧晨曰今沛郡公丘也其水又溉于公
丘焉故城距縣西南十五里城周二十里內有于
城按地里志卽滕也周懿王子錯叔繻文公所封
齊滅之秦以爲縣漢武帝元朔三年封魯恭王子
順爲侯國世以此水溉我良田遂及百種故有兩
溝之名南梁水自枝渠西南逕魯國蕃縣故城東

兗州府志勝入卷之三

三

俗以南隣於沛亦謂之西沛水南梁水又屈逕城
南應劭曰縣古小邾邑也沛水又西南逕蕃縣故
城南又西逕薛縣故城北地里志曰夏車正奚仲
之國也竹書梁惠成王三十一年邾遷于薛改名
徐州城南山上有奚仲冢晉太康曰奚仲冢在城
南二十五里山上百姓謂之神靈昔齊封田文于
此號孟嘗君有惠譽今郭側猶有文冢結石爲柳
制作嚴固瑩麗可尋行人往還競後以爲異觀矣
沛水又西逕仲虺城北晉太康地記曰奚仲遷于
邾仲虺居之以爲湯左相其在周世爵稱侯後見

侵削霸者所紬爲伯任姓也應劭曰郛在薛徐廣
史記音義曰楚元王子郢以呂后二年封上郛侯
郛有下故此爲上矣晉書地道記曰仲虺城在薛
城西三十里鄒水又西逕至胡陵縣入于泗故京
相璠曰薛縣鄒水首受薛縣西注山陽胡陵是也
○按寰宇記滕縣隋開皇六年置俗傳縣不鳴鐘
古有所忌實秦漢已來之舊昌慮二縣也古小邾
國春秋莊五年邾黎來朝僖七年始進爵爲小邾
子今邾黎城在縣東故滕城在縣西舊縣城在縣
東南俱相去一里昌慮城在東南五十九里舊名
兗州府志勝入卷之三

世

濫城昭三十一年邾黑肱以濫來奔者也漢昌慮
縣後漢昌慮郡皆設于此隋大業中省○薛城在
縣東南五十里薛河之北周廻二十八里古奚仲
所封齊封田文乃更築之其城堅厚無比多英傑
子弟蓋有孟嘗之遺風焉塚廟記云孟嘗君墓在
魯國薛城中向門東向門者出北邊門也靖郭君
墓在薛城東南阪又城南十里有逍遙臺莊三十
一年築臺于薛卽此孟嘗君歸薛乃更築而系以
逍遙之名又城西二十里有石樓世傳薛侯爲其
女所築又西十二里有焦花墓在胡山前相傳卽

其女墓也○後魏書薛縣有奚仲廟陽暉徐州記
云奚公山在縣東南六十里是奚仲造車處山上
有軌轍兄存墓在山下之青丘村○郡國志桃山
卽華米山也一名義珠山山上有井不可窺窺者
不盈歲輒死有鳥巢于井中金喙黑色而圓翅見
則大水在縣東南五十里又十里爲栢山上有趙
后祠一名趙山清西爲薛山薛水出此二山之間
流爲薛河有南沙河源出蓮青山前南流入薛水
按本志謂之高山齊乘曰滕州高山有趙盾祠是
也又南有鉅山張斐記畧云滕縣東南二舍許有
兗州府志勝入卷之三

世

山盤鬱蒼蒼名爲鉅山山下有水曰聖泉不涸不
盈味甘而冽振古如斯聖泉之陽有寺金碧璀璨
簷牙高啄噴然中立故老相傳五季遊僧本無者
不知何許人卓錫于斯披斬荆棘實建茲寺爲開
山之祖云又南有微山純石帶土所謂岨也上有
張子房墓或謂微子之山已入沛縣界○志云縣
東南二十里有狐貽山乃土山戴石如灰堆狀魯
棄四年臧紇侵邾敗于狐貽杜注蕃縣東南有狐
貽山是也○縣東三十里有雲龍山其山有泉曰
玉泉又三十里爲落鳳山其狀起伏如波浪然相

傳古有鳳凰飛落此山嶺南爲蠶母山霜降之後桑葉皆落獨此地不凋相傳爲蠶母所居○雪山在縣東四十里上有梵王太子廟有盤陀石悟真嚴諸勝又有丹陽白雲黃龍青龍各洞其傍有東哭山西哭山俗傳梵王母孺子處不知何本郡志云仰薛山也或謂之雪山有泉謂之茶泉流入薛水又其旁爲馬山山南有泉西流爲明水西有石溝車箱水出焉而北流入于潞又東北十里峯形如蓮花曰蓮青山南沙河所出○縣北十五里有北沙河發源鄒嶧山南經龍山西南流入潞水潞

兗州府志勝

入卷之三

共

水卽南沙河也在縣南十五里左傳襄十九年魯取郕田以潞爲界杜註潞水出東海今鄉縣西南經魯國至高平湖入泗今縣之潞陽里潞上村是也自蓮青山涉潞三十里爲太白山又十里爲越峯山大岸阜山皆高出雲表峯巒洞壑迴絕人世○明水河在縣東北二十里自潞村東流至南沙河入運河縣西四十里有小白河縣南八十里有伯塚河及三界灣河東南有黃溝西南有趙溝泉俱西南流入運河其各泉河潭蓄處有湖曰昭陽湖在縣西南六十里又西南流十里入上沽頭閘

以接運河此河紀所云也○齊乘云休城在縣西二十五里孟子去齊居休卽此北沙河出龍山前至于周林納七泉水又南至洪疇分爲二支一至休城南一趨休城北俱入于漕漢楚元王子富封爲休侯于此又潞河陽有一臺爲舊城臺號梁城築無攷此必因梁水以爲名又明水之南有靈丘城周廻八里有子城史記齊威王元年三晉因齊喪來伐我靈丘是矣又薛河之南有爛賊在馬山後創始無考城半爲河水所圯近日河岸塌出古碑二皆八分書所引用漢以前事文字古

兗州府志勝

入卷之三

共

質殆漢時物也城南二十里有漢宮遺址宮內有清涼臺相傳武帝東巡所築今其地名漢宮村○塚記云魯冉求墓在奚仲墓旁齊公孫丑墓在縣北之公村萬章墓在縣南之萬村毛遂墓在薛城北有碑石○唐李勣墓在縣東南趙家莊按唐書英公已陪塋昭陵後爲其子敬業起義兵武后發掘之子孫移塋于昌慮之石樓此爲近是○縣東北八十里有唐宰相張奎墓驢馬陳燕墓俱掘土得之刻傳無此名

嶧縣在府城東南二百六十里

春秋鄆國漢蘭陵承二縣地隋置鄆州金改嶧州
國朝降爲縣○寰宇記云故鄆城在縣東八十里
本志云在縣西南春秋僖十四年鄆子來朝襄六
年莒人滅之後屬楚漢爲繒縣隋省入蘭陵○蘭
陵城在縣東六十里史記荀卿適楚春申君以爲
蘭陵令因家焉有墓在城南十三州志曰蘭陵故
魯之次室邑其後楚取之改爲蘭陵縣次室卽列
女傳所云次室女以君老太子幼倚柱而嘆者也
城中有次室亭及荀卿宅唐李白蘭陵客舍歌蘭
陵美酒鬱金香玉盤盛來琥珀光但使主人能醉

兗州府志勝八卷之三

尤

客不知何處是他鄉○郡國志云承縣城在縣西
一里以承水所經而名王莽謂之承治其水亦名
承治水矣承水出縣西北六十里方山之東西入
縣南流入下邳界晉蘭陵郡理此卽嶧州城也
北枕鳳麓西臨承河○路史承有莒亭春秋莊九
年公及齊侯大夫盟于莒註云在鄆城東北括地
志云漢建陵縣武帝封衛綰爲侯國在承縣界志
云白茅山之陽有故城是去今縣西四十五里○
縣東四十里有二疏城方五六里城內有散金臺
土人指以爲宅史稱疏廣疏受東海蘭陵人○故

偃陽城在縣南五十里偃陽妘姓漢縣西有沮水
溝襄十年公會諸侯于柵遂伐偃陽是也縣西北
五十里有巨龍河光武泉水注之相傳漢光武征
董憲時駐蹕處○志云青石山在縣東七里頂有
石穴深數丈許西崖瀑布自削壁而下達于淵底
其中有仙人洞○仙壇山在縣東北山巔數里攢
簇奇秀望之如廬相傳以古仙人所居又四十里
爲榜山亦有洞加水流其下按加水有二此爲東
加水與西加水合其地爲三合村又南合承水謂
之加口元和志云承縣界有敗十三所皆貞觀以

兗州府志勝八卷之三

尤

來脩立以溉田者○西加水源出縣東北六十里
之抱犢岡迷征記曰承縣君山有抱犢岡壁立千
仞頂寬而有水此山去海三百里天氣澄明宛然
在目山上有池周廻五丈深可三四尺春冬水旱
未嘗增減若漸穢汚則竭潔誠神前則生上有精
廬脩定僧居焉有地頃餘昔隱遯者王老抱一犢
于其上墾種故以爲名漢曰樓山魏號仙臺高九
里周廻四十五里君山之旁有巨梁山熊耳山與
滕縣界又有車指山卽寰宇記之花盤山也冷浪
淵水出焉逕縣城西有橋曰孺子橋卽孟子所云

儒子歌者元和志以滄浪淵過城西卽承水矣○
承水逕縣西七里青檀山山上多青檀樹故名宋
岳飛留題在巖壁上舊有雲零寺乃唐宋間所創
寺前有泉出亂石中注而爲承水承水過縣南三
十里金注之水入焉金注水出縣西二十里之石
崖山至縣南五里有橋跨之曰蕭橋又東南入于
承水石屋山麓有瀑布泉夏月噴沫如雷卽金注
水之源也金注水滙青檀寺水流入蕭橋又東會
彭河水入加土人謂之運鐵河按玉海云承有鐵
官其南有鑄錢山今所通加口是已○葛嶧山在
兗州府志勝八卷之三

卅

縣東南十五里承水環之其下爲葛村葛嶧者以
山川絡繹如葛之有蔓也路史顓頊采葛嶧之銅
以鑄鼎卽此○塚記云孔子弟子高柴墓在故蘭
陵城北○左丘明墓在縣東北七十里○漢匡衡
墓在縣西南十三里衡東海承人墓左有祠宋宣
和間建○晉王肅墓在縣東南二十五里父朗爲
蘭陵侯因葬此○劉伶墓在縣東北二十里齊乘
云今名劉曜村墓側有劉伶臺其下爲劉伶河水
泥白類酒土人相傳爲伶醢酒處伶沛人去嶧未
百里此其置鍾地也有前人吊伶墓詩見諸石刻

金鄉縣

在府西南
八十里

古緒國漢析置金鄉以因穿山得金而名晉書桓
溫討慕容暉軍次金鄉道涓足矣唐書李愬討李
師道進攻金鄉克之左右曰金鄉兗州之要地恐
師道知勅驛騎告急不使通○志云金莎嶺在城
東里許西自曹定東抵魚臺綿亘三百餘里因池
異名實一嶺也陽山在縣西北三十里山多美石
可作碑碣葛山在其前吳山在其右以位處衆山
之陽故名有山陽城在其下山陽漢郡也又有司
馬城城內有鐵碑漢浮陽侯司馬耀所立○寰宇

兗州府志勝八卷之三

卅

記云昌邑故城在縣北四十里城內有鐵柱五周
出地五六尺有人掘之及泉未見其本城中周十
餘里外周三十餘里漢景帝時及遣周亞夫
擊之亞夫客都尉言其若昌邑昌邑卽此城也
○水經注云濟水又東過金鄉縣南金鄉數山皆
空中穴口謂之隧也戴延之西征記曰焦氏山北
數山有漢司隸校尉魯恭穿山得白蛇白兔不以
塗更塋山南鑿而得金故曰金鄉山山形峻峭家
前祠廟四壁皆青石隱起自書勢以來忠臣孝子
貞婦孔子及弟子七十二人形像皆刻不記之

字分明又有石牀長八尺唐望鮮闕叩之聲聞近
近時太尉從事中郎傅珍之諮議參軍周安穆折
敗石牀各取去爲魯氏後所訟二人並免官焦氏
山東卽金鄉山也有謂之秦上陵山上二百步
得冢口壘深十丈兩壁峻峭廣二丈入行七十步
得門門外左右皆有空可容五六十人謂之白
馬空廐門內二丈得外堂外堂之後又得內堂觀
者執燭而行雖無他雕鏤然治石甚精或云是漢
昌邑王家所不詳矣山東南有范巨卿冢石柱
猶存巨卿名式山陽之金鄉人漢荊州刺史與汝

兗州府志勝入卷之三

世

南張邵長沙陳平子石交號爲死友焉濟水又東
過昌邑北地理志曰縣故梁也漢景帝中元六年
分梁爲山陽國武帝天漢四年更爲昌邑國以封
昌邑王賀賀廢國除以爲山陽郡王莽之鉅野郡
也後更爲高平郡有高平山東西十里南北五里
高四里頂上方平邑取名焉以地求之卽金鄉山
矣東漢兖州治縣令王容懷金謁東萊太守楊震
震不受是其慎四知處也大城東北有金城城內
有兖州刺史河東薛棠像碑棠以郎中拜縣令其
露降園熹平四年遷州明年其露復修殿堂樹

事馮巡主簿華操等相與褒讚表勸棠政次西有
兖州刺史茂陽楊叔恭碑從事孫光等以建寧四
年立西北有東太山成人班孟堅碑建和十年尚
書右丞拜兖州刺史從事太閼等刊石頌德焉濟
水又東逕漢平狄將軍扶溝侯朱鮪冢冢北有石
廟按志朱鮪冢在今縣西三里前有石堂壁上鐫
人物衣冠置在觀竈之類或負携拘挾狀夢溪筆
談云今之衣服非古惟朱鮪石堂所刻衣冠眞漢
製也○水經註云濟水又逕東緡縣故城北故宋
地春秋僖二十三年齊侯伐宋圍緡十三州記曰

兗州府志勝入卷之三

世

山陽有東緡縣鄒衍曰余登緡城以望宋都者也
後漢建武十一年封馮異長子璋爲侯國按志云
故東緡城在縣東北二十里又五里卽山陽城○
碑目云虞世南書草石刻李太白壯觀二字俱在
縣儒學內世南字畫多所剝落僅有一歌可識蓋
庾子山枯樹賦也未云貞觀四年燕國公書曰太
白碑陰題云賀知章爲任城令與白友善過城鎮
有所觀覽書此二字蓋元至治時新豐里人得此
于浦中置諸堂元末兵亂什于草萊國朝徙置
今所○唐有道先生葉公碑在縣治內李邕書又

有棲霞碑表碑元趙孟頫書

魚臺縣在湖陵南
有七十里

春秋魯棠邑隱公五年觀魚于棠卽此處也魚臺在城北十三里高一丈五尺周廻一里縣取名焉縣爲唐寶慶元年立實漢之方與縣矣史記沛公取胡陵及方與又云敗于胡陵者也胡陵故城在縣東六十里城內有雞鳴臺云沛公兵敗聞雞于此○寰宇記云泗水東北自任城界流入經縣東與河水合河水卽濟水一名五丈溝西自金鄉縣界流入去縣十里水經云濟水又東過方與縣北

兗州府志勝入卷之三

詩

爲河水也濟水又東逕重鄉城南信二十一年左傳臧文仲宿于重館卽此在方與縣故城北十里濟水屈從桓公溝南至方與縣入于河水河水又東逕秦梁夾岸積石一里高五丈言秦始皇東巡所造按卽寰宇所云五丈溝者是○水經曰濟水卽沛水之所苞注以成湖澤也而東與泗水合于胡陵縣西六十里救庭城下俗謂之黃水口黃水西北通巨野澤蓋以黃水公注于河故因名焉黃水又屈東南過胡陵縣南洧洧水從東北來流注之地理志曰故胡陵縣也河水在南王莽更曰湖

陸應劭曰尚書一名胡陵章帝封東平王蒼于爲侯更名湖陸泗水又東逕郟縣城北又東逕湖陵城東南音桓溫北入也范曄擒慕容忠于此城東有度尚碑泗水又左合南梁水地理志云水出著縣今縣之東北平澤出泉若輪焉發源成川西南流分爲二水河水又東過湖陸縣南東入于泗水澤水所鍾也尚書曰浮于淮泗達于河是矣東觀漢記曰蘇茂殺淮陽太守得其郡督廣樂大司馬吳漢聞茂茂將其精兵突至湖陸與劉永相會濟陰山陽濟兵于此處也○志云縣東二十里有谷

兗州府志勝入卷之三

楚

亭水水深數丈波濤洶湧俗傳昔有孝子負母以渡亦名負娘河按此卽水經所謂救庭城也今爲谷亭鎮故運河在焉又東五里有泥河又東二十五里有黃良泉出黃山下又東北五十里有平山泉其東有東龍泉西有西龍泉俱會流界河以入湖陵○界河卽胡陵城河也世傳漢高帝與項羽戰此各築城以沙河爲界漢南楚北楚人夜築陰藉鬼力漢成臺于河之東高令作雞鳴以破楚人鬼輸之術故曰雞鳴臺今沙河鎮是○志云甯母亭在縣東春秋僖七年公會齊侯鄭伯盟于甯母

註疏高平方與縣有泥母亭音如寧又十里有武
唐亭公及戎盟于唐者也又費伯師城郎則在
東北九十里曰仰郎亭已上二則俱見隱公○縣
東北七十里有島山相傳伏羲葬其上九域志以
允單有伏羲陵此地近之有伏羲廟廟前雙柏可
數千年物其左即黃山黃良水所出黃山之側爲
平山其前爲獨山與獨山對峙者爲廟山又有塞
山允山大抵邑之東北境也○魚亭山即魯公觀
魚處唐薛稷早登魚亭山詩云春氣動百草紛榮
時斷續白雲自高妙徘徊空山曲陽林花已紅寒
允州府志勝八卷之三 共

單縣在府城南二
百九十里

魯單父邑密子賤爲宰身不下堂彈琴而理有琴
臺在縣北高三丈子賤碑在縣廳又座馬期碑在
縣西一百步聽訟臺上記稱座馬期爲宰戴星而
出戴星而入邑人與子賤並祠之○路史曰帝舜
師單卷故號單父東漢封劉茂爲侯國子賤琴臺
在故城北嶺上橫亘千尺上臨空坎覆以巨石中
鏤翔鳳之形蓋子賤彈琴處後人所飾也○治東

北隅有半月臺唐陶沔築李白詩陶公有逸興不
與常人俱築臺像半月廻向高城隅置酒望白雲
高麗起寒梧秋山入遼海桑柘羅平蕪水色綠且
明令人思鏡湖終常過江去愛此暫躊躇○志云
開山在縣東南二里三山連峙其狀若倚又二里
爲棲霞山相傳梁孝子遊此有詞賦鐫石李白送
族弟凝回棲霞暫飲處也○大陵山在縣西南五
里地勢高聳水嚙不沒俗謂之土山山下有長隄
以捍黃河河水西南自曹縣來東流入豐沛綿亘
七十餘里○寰宇記云廣平城在縣東四十里高
允州府志勝八卷之三 地

一丈呂后單父人平城南有呂嶗村是矣又有晏
嶗當縣山皆平地突起類如丘垤其小者謂之嶗
太白有送族弟凝至晏嶗詩雪滿原野白戎裝出
盤遊揮鞭布獵騎四顧登高丘兔起馬足聞蒼鷹
下平時喧呼相馳逐取樂銷人憂拾此戒禽荒微
聲列齊謳鳴鶴發晏嶗別屬驚湓溝西行有東音
寄與長河流自注云去單父城三十里○單縣舊
城在縣南半里許即古單父邑也隋開皇初置單
州歷代因之 國朝洪武間復改爲縣後以黃河
水溢嘉靖初改今治尚有密子賤神道碑舊名林

臺前達夫云于焉見舒碑突兀長林東○縣有呂井二一在城南一在城北隅邑人惠冲之花圃世傳金大定間呂仙翁來遊單父與惠冲為友倘伴圃中因浚二井水初苦澁擲瓦礫其中水遂甘冽二井相去二里許泉穴相通北井沉物其中南井浮出又有仙翁鶴草在城東北隅相傳仙翁以四月十四日誕來遊邑人包九成者于前一日積虔致禱次早果有白鶴四隻從西南來嘯時方去自是每仙翁誕期祠側草荆上陡成鶴形日高遂泯至今尚然人傳為呂翁鶴草云○又有焦仙者為

兗州府志勝入卷之三

樊

道士久留單父一日欲棄去交遊餞之遂春門外踰漢河橋忽見焦上井弟子號泣而隨之至二十里始墜于地因堊焉里人因目漢河橋為望仙橋按此橋跨涑水河相傳晉時所開北抵濟汝南通徐沛即宋之漕河也

城武縣

在府西南二
百九十里

漢縣王莽之成安矣寰宇記云古郛國也有南北二城北郛周文王庶子所封桓二年左傳取郛大鼎于宋杜注云城武東南有郛城宋邑也漢置郛城縣于此以有北郛故此為南部實郛城縣也北

郛故城在縣東南十八里南部在北郛南二里○志云縣西北二里有文亭山上有文士亭相傳漢高帝駐蹕于此故有高祖祠碑刻尚存又梁丘山在縣東北三十里春秋莊三十二年齊侯宋公遇于梁丘是也有梁王祠按封建表彭越以功封梁王都定陶之梁丘其後梁丘割屬城武因祠焉○水經注云濟水又東北逕成武城西又東北逕郛城東疑郛徙也所未詳矣又東北逕梁山城西濟水又東泗水注之又東逕成武縣之楚丘北水上承黃溝水又東逕郛城北十三州志曰成武縣東

兗州府志勝入卷之三

樊

南有郛城俗謂之北郛也○塚記云縣北一里有漢尚書左丞張藻墓封竹邑侯碑文斷裂○碑曰云虞世南撰孔子廟碑在邑境內黃華老人墨刻在縣廳金學士王庭筠熊岳人讀書東平之黃華山因以自號為草書四幅筆法遒勁世人珍焉○懷賢堂在治內宋王禹偁嘗佐此邑邑人思之因畫堂焉王禹偁經城武詩釋褐來城武始知為政難每發進戶狀羞作字人官古坳莽蒼荒城草木寒宦情消已矣時夢釣魚灘志云宋以前黃河故道去縣北可三百里至熙寧中河決澶州北流

斷絕全河南徙而邑始受之然讀禹偁詩荒涼之
狀已在目前何況今日

兗州府志勝入卷之三

早

中

濟寧州在府城西六十里領縣三

後魏置濟州于碭礪城地里志云碭礪古津也城
因名之按在今東阿縣南五代周移治鉅野金始
徙任城任城漢縣古任國太皞之後左傳任宿須
句風姓也實司太皞與有濟之祀是矣元爲濟寧
路國初置府後降爲州李翰林集有離濟寧汎
舟北行詩楊柳娉婷綠荷花蒨旆紅魚遊華蓋底
人在鑑湖中大白拈春酒暫衣受晚風龜蒙與鳬
嶧只隔片雲東按此則濟寧之名在唐已見○志
云太白酒樓在州南城上白客任城令賀知章觴
兗州府志勝入卷之四
之于此後人因建樓焉併塑二公像咸通間沈光
有記○南池在城東南二百步洸水所經潯泓入
天井闢爲池蓄荷數畝杜甫與許主簿泛舟南池
秋水通溝洫城隅集小船晚涼看洗馬森木亂鳴
蟬菱熟經時雨蒲荒八月天晨朝降白露遙憶舊
青氈○北河紀云洸筆泉在州東門外舊傳太白
浣筆處明嘉靖五年主事白旆築亭其上崑山吳
璠詩良夜不能寐閒過洸筆泉獨看池上月空憶
酒中仙落魄何爲者高風萬古傳臨流重搔首哀
鴈下江烟○城邑攷云故樊城在州北漢置縣屬

東平國旋廢○邾婁城在州南十里春秋哀六年城邾瑕杜預注任城亢父縣北邾婁城也志以邾婁城在州南二十里又二十里爲承平山舊傳女媧生處今山下有女媧廟○宜聖墨池在魯橋關下俗名硯瓦溝其水色玄距州南六十里有南州祠以祀仲山父南二十里爲仲家淺○桓公溝源出州西界四十里崩山下桓宣武遣冠軍將軍毛彪生鑿此故名○水經注云黃水又東逕任城郡之亢父縣故城西夏后氏之任國也漢章帝元和元年別爲任城在北王莽之延就亭也縣有郭亭

兗州府志勝八卷之四

二

春秋邾國見襄十三年後漢郡國志亢父縣有郭亭王莽更之曰順父矣世祖建武二年封劉隆爲侯國其中謂之桓公溝○塚記云漢灌嬰墓在州東三十里魏王粲墓在州南五十三里近亢父城晉何休墓在州北二十里唐任城王李道宗墓在州南二十里俱倚運河兩岸○河志云會通河在州城南元至正間開鑿以通漕運南抵徐州達清河以入于淮北經東昌府之臨清州與衛河合流入于海州境置閘十有二而天井魯橋棗林南陽其最著者沂泗洸汶入漕之泉九十有七而州東

之蘆溝泉入南陽關其旁有托基泉入棗林關又有馬陵泉入魯橋關俱境內泉也太白浣筆泉則徑入于漕○東泉志曰自滕縣至此并嶧縣許有濕水二泉及曲阜縣蜈蚣泉共十六泉散入魯橋以下漕河是爲魯橋關裏派又自嶧陽縣至寧陽界共六十六泉除曲阜蜈蚣泉入魯橋關寧陽龍港溝以下四泉入分水河餘六十三泉俱入天井關是爲濟寧天井派益沂沭之流來自東北入于天井以資運道牛首之渠來自西南出于魚沛以洩潞水而河漕之利病

兗州府志勝八卷之四

三

督之交矣○碑目云漢廬江太守范式碑在州治內蔡邕書射戟臺在州南門外相傳呂布射戟援昭烈處臺有古碑○魚橋關碑取兩城山石爲之兩城者山夾如城也又云在邾婁亢父二城之間

嘉祥縣在州城西五十里

古武城境子游絃歌地也漢以後皆屬鉅野金太定年析置嘉祥取西狩獲麟之義河紀云獲麟渡在嘉祥境漕河旁地名大長溝華容孫宜詩渡古寒烟積沙明落照懸春秋悲鳳日天地泣麟年魯變時交阻周衰轍竟旋至今留絕筆真意更誰傳

○志云萌山在縣東北隅峯巒秀拔石如萌芽故名其山出城橫亘四五里又名橫山○縣西六里有小青山南二十里有大青山河紀云在運河西岸卽嘉祥山也高郵汪廣洋舟中望嘉祥山詩放溜數百里悠然纔見山涼風吹雨過好鳥背人還河水翻銀浪圖繪擁翠鬟不知幽谷裏能得幾家閑○縣有山九十九最高者塔山也此山出雲則雨隨至亦在縣南二十里與范山青山相連范山者相傳范巨卿家其下巨卿墓在大鼎山前距此山十里今湮沒墓碑移置州學內諺云大鼎山前

兗州府志勝

卷之四

四

十八塚末末東頭范巨卿○青山據本志在縣西南十五里迤南有焦氏山挾山皆連一脉山陽有法雲禪院院後有法雲泉甚佳山陰有惠濟公廟甚靈應號青山君宋宣和間勅賜今額有漢建寧元年及晉末安年奉車都尉申弘所立碑頌東南有洞深數丈產赤沙可塑神像其洞卽曰青山洞山右有普興禪院有泉曰普興泉巖巘幽深泓流紆曲誠一邑之勝也○按塔山下有洞曰紫雲洞紫雲之西有漢太子墓上有石享堂半淤入土石壁刻伏羲以來祥瑞之物及古忠孝故事皆極纖

巧北有漢碑一通頂微露中有一孔文字模糊莫辨相傳爲漢太子墓不知所本○郗山在縣東南七里西麓有晉太尉郗鑒墓墓前有石臺二座相去丈許高僅丈下小上大皆鑿花草之形極頂拱細巧石瓦參差乃累石成巨門而中斷者也遠觀若燈臺之狀俗名燈臺山山下有城曰郗城相傳郗鑒所築今爲河水墊沒○東卧龍山壘山皆近郗城村以縣西十里有西卧龍故此爲東卧龍一名魯在山壘山在卧龍山前其頂有溝一直深丈餘如器破而不離之狀故以壘名山山西有壘

兗州府志勝

卷之四

五

師軻子伯穎先生墓○城家記云焦城在縣南十五里青山之東周武王封神農後于焦卽此城也宮殿遺址尚存今青山惠濟公廟疑卽焦君其鄉曰焦城村○南武城在縣南四十里魯有二武城此其一也後改爲柯城遺跡尚存其山曰南武山有魯子墓及耘瓜臺劉向說苑云魯子耘瓜誤斷其根魯僭怒擊之卽此處矣○嘉祥舊城金大定間徙于縣治東北之崩山其山巉巖峭拔高百餘仞其前有獨坐山其後有栢山山下有唐薛仁貴墓○縣南三里有滄臺山世傳滄臺滅明家此有

澹臺墓又十五里爲釣魚山山頂有石如釣臺臺旁石竅中有鐵環往來移動輒作聲臺上有巨人跡山之西有晁錯墓又三十里爲平山有狄胡子墓俗傳狄胡妻邵姓貞烈爲神山下居民邵姓者自稱其族云屬茂成鄉○黃河故道在縣北十里自鉅野入境東達濟寧界入塌場口北有古隄方輿志云馬頰河經于鄆濟卽此河也濟河在縣南五十里平山之西姚河之水入之舊名梧桐壩

鉅野縣 在州西北

水經注云黃水又東逕鉅野縣北漢縣也何承天兗州府志勝八卷之四

六

曰鉅野湖澤廣大南通洙泗北連清濟舊縣故城正在澤中故欲置戍于此城城之所在則鉅野澤也衍東北出爲大野昔西狩獲麟于是處皇覽曰山陽鉅野縣有肩髀冢重聚大小與闕冢等傳言蚩尤與黃帝戰克之于涿鹿之野身體異處故別塋焉黃水又東逕咸亭北春秋桓七年經書焚咸丘註疏咸丘魯地高平鉅野縣南有亭水南卽金鄉縣之東界也有漢荊州刺史李膺暴剛字叔毅山陽高平人熹平元年卒見其碑有石闕祠堂石室三間椽架高丈餘鏤石作椽瓦屋施平天造

方井側荷梁柱四壁隱起雕刻爲君臣官屬龜龍螭鳳之文飛禽走獸之象制作工麗不其傷毀○志云金鄉山在縣南五十里山北有洞口清涼西征記以漢司隸校尉魯恭鑿山爲塚得白兔不羣更葬山南而得金故名洞深十餘丈內鑿有四小閣閣外一堂階高八丈外兩門門外兩大閣石道長三丈闊十有八尺相傳爲泰始皇避暑宮○黃水卽黃河之支流也黃河有南北二道俱在境內北道由曹州安興界來東北接峽秋入運南河卽城東八里河也有新河水注之由嘉祥入運○兗州府志勝八卷之四

七

鉅野在縣東五里南北三百里東西一百里禹貢大野既豬爾雅十數魯有大野是也蚩尤冢在縣北九里冢高三丈四時民祭多赤氣直衝上天號蚩尤旗又有麟冢在縣東南三十里冢十四年西狩獲麟孔子傷之正此處也縣北又有落鳳臺石高數仞相傳春秋時鳳集于此北門外有蓮花池花開常並蒂縣東南十里又有困龍山以形似而名

鄆城縣 在州西北

左傳成十六年晉人執季文子于荅丘公還待於

鄆註疏曰鄆魯西邑故隋大業初置鄆城縣矣亦唐之鄆州也貞觀八年移州理于須昌此仍爲縣○志云鄆舊城在縣東南卽隋所築金遼水患徙置盤溝村乃今治也有高魚城在縣東北左傳取我高魚卽此○寰宇記云獨孤山在縣東北五十里孤峯獨立故也呂本中詩淒涼匹馬經行處況是此山名獨孤○濟水故道在縣西南二十里折而東流至縣南八里河環城東北至安山入運又冷莊河灘河俱自曹州來東北至蕭皮口出境入壽張○韓愚家在縣境宋大人韓愚娶妻美宋康

兗州府志勝八卷之四

八

王奪之使憑運土築青陵臺憑自殺妻陰腐其衣與王登臺自投臺下左右攬之着手化爲蝶王怒令憑與妻異塚樹自然交柯○五代王彥章字子明鄆州壽昌人事梁太祖爲人驍勇有力能跳足履棘行百步持一鐵鎗馳突奮疾如飛軍中號王鐵鎗宋歐陽脩有觀王彥章鐵鎗記

曹州在府城西領縣二

周武王封曹叔振鐸于此是爲霸國左傳鄆人公孫驅獲白鴈以獻因以霸說于曹伯陽而不事宋魯哀公八年宋滅曹後宋爲齊楚魏所滅三分其

地齊得宋之濟陰漢以爲濟陰郡治東北四十里之定陶故城後魏于定陶城置西兗州周武帝元年改爲曹州州南百里有山曰曹南山卽詩云蒼兮蔚兮南山朝隣傳十九年盟于曹南者也論衡曰大山南天一小山南一國曹之南山則山一國之山也今入州屬曹縣界○寰宇記云左闕在那城東北五里闕阜連屬林木交映以近左故故名相傳春秋左丘明父雋處隋時卽有寶乘塔院宋錢明逸有重脩塔院記其傍爲漢定陶恭王陵○按志左城卽古陶丘地爾雅冉成爲陶丘成猶重

兗州府志勝八卷之四

九

也注禹貢云陶丘在濟陰定陶西帝王世紀舜陶子河濱是矣九州要記云廳叔氏有裔子董父好龍舜遣養龍于陶丘是爲養龍氏今有龍池存濟水西自考城界來東經陶丘禹貢所謂東出于陶丘北又東至于菏也菏水發源州東南三十里之荷山卽禹貢之荷澤也濟水會此入海爾雅曰濟別爲澠呂忱曰水決復入爲汜今州西南三十里有汜水史記漢高帝元年卽位于汜水之陽張晏曰汜水在濟陰界取其汎愛弘大而潤下也有受命壇在焉○詩云出宿于濟飲饒于滸統志云卽

測日景于此堂水北自城武縣界入南行五里合
泡溝卽詩望楚與堂景山與京者也○乘氏城在
州西北後魏乘氏縣治有乘丘春秋莊十年公敗
宋師于乘丘是也故句陽城桂陵城葭密城俱在
乘氏縣界句陽句瀆之丘也襄十九年執公子牙
于句瀆之丘又隱八年宋公衞侯遇于垂注云句
陽有垂亭矣桂陵卽史記齊威王以田忌爲將與
魏戰于桂陵大敗魏帥者竹書幽王十三年魯季
孫會晉文公于楚丘敗葭密遂城之志云在縣西
北三十里○離狐城卽唐之南華縣也舊傳初置
兗州府志勝八卷之四 五

縣在濮水南常爲神狐所穿遂移濮水北故曰離
狐城○水經注云濮水又東逕濟陰離狐縣王莽
之所謂狐瑞也又東入乘氏縣界東逕秦相魏冉
冢南冉泰宣太后弟代客卿書燭爲相封于穰益
封于陶號曰穰侯富于王室竟歷秦秦王悟其
擅權免相就封出關輜車千乘水二國因葬焉世
謂之安平陵志云安平陵在縣西北七十里舊州
治亦謂之桂陵今設有巡簡司又十里卽古黃河
故址河水西北自衛輝界來至此分爲二派一東
南流至徐州入泗一東北流逕壽張縣之沙溝入

會通河又有黃水卽黃河之支流也水經注云河
水又東北右合黃水枝渠渠上承黃溝東北合河
而北注濟瀆卽是水矣

定陶縣 在州東南五十里

雜說定陶卽帝堯之所都也堯先居唐後居陶故
曰陶唐氏十道志云范蠡居陶號陶朱公後乃爲
定陶縣城姬定陶人漢高畧地至定陶獲焉後封
彭越爲梁王都此宣帝甘露二年封王子驪爲侯
國○志云范蠡湖在縣城內彭越臺在城東一里
縣南有村曰戚姬村古定陶城內有魯恭王殿基
兗州府志勝八卷之四 五

○水經注云濟水又東北逕定陶恭王陵南漢哀
帝父也帝卽位母丁太后建平二年崩詔曰宜起
陵于恭王之園送塋定陶貴振山東王莽秉政貶
號丁姬開其槨尸火出炎三四丈吏卒以水沃滅
乃得入燒燔槨中器物公卿遣子弟及諸生四夷
十餘萬人操持作具助將作掘平恭王母侍太后
墳及丁姬冢二旬皆平莽又周棘其處以爲世戒
云時有群鴞數千銜土投于丁姬窀穸中今其墳冢
巍然尚秀隅阿相承列郭數周而開重門南門內
夾道有崩碑二所世尚謂之丁昭儀墓又謂之長

陵蓋所毀者傳太后陵耳丁姬墳墓未必一如
史說讀南魏郡治也世謂之左城亦名之曰堊城
蓋恭王之陵寢也濟水又東北逕定陶縣故城南
又屈從縣東北流南濟也又東北有合河水水漚
上承濟水于濟陽縣東世謂之五丈溝又東逕陶
丘北地理志曰禹貢定陶西南有陶丘陶丘亭在
南墨子以爲釜丘竹書魏襄王十九年薛侯來會
王于釜丘是也按寰宇記以陶丘卽左城已見州
下據本志則云陶丘亭在縣西南七里然寰宇所
稱故州城治定陶者縣之西南州之東北當卽其
宛州府志勝八卷之四 十四

地○城塚記云髡山廟在縣西北五里層阜之上
古曹國堙地連亘十五里積壤如山自曹叔振鐸
至伯陽二十五代並祠焉有宋王禹偁撰碑○剛
城在縣東北卽魯之剛邑也漢縣晉改剛平後魏
省有闢亭在剛縣北又縣西南十里有三畝亭尚
書湯伐桀夏師敗績遂伐三畝俘厥寶王注云三
畝古國名桀走保之今定陶是也○荆城在縣東
北二十里皇覽云是戰國魏將龐涓與孫臏相持
處又十里爲海城隋賊帥孟海公陷曹州所築

東平州 在府西北一百五十里 一領縣五

漢東平國取尚書東原底平之義郡國志云州治
有景子殿東平憲王蒼所起踰四丈餘有二殿東
西相向後漢書明帝幸東平感念蒼謂其子曰思
其人至其鄉其處存其人亡矣城塚記云東平憲
王墓在州北五里崦山上有王陵臺又十五里爲
東平思王墓在縣山上思王卽宣帝之子因思還
京師其塚松柏皆西靡者也○沿革表云東平國
甘露二年改漢初之濟東國及大河郡也隋大業
間立東平郡唐貞觀年移鄆州于此天寶後爲平
盧節度使元和後賜號天平軍宋宣和始復東平
宛州府志勝八卷之四 十五

之名○志云溪堂在州城內唐鄆曹濮觀察使馬
總建以爲饗士大夫之所韓愈系之以詩有碑牛
僧孺立又有稽古堂元行軍萬戶嚴忠濟建○歲
寒亭在州城內宋待制李誠之建與蘇軾會飲于
此軾詩去歲游新堂春風雪銷後池中半篙水池
上千尺柳又明月入華池及照池上堂堂上隱几
人心與水月涼○樂郊池館在州南二十里宋郡
守劉敞建有十景總而名之曰樂郊仍自爲記○
河紀云春秋頃句鄆宿鄆附庸之國也按頃句風
姓爲魯私屬秦漢之頃城縣矣唐初置鄆州于此

後唐避諱復改涇城治州西十五里宋咸平間河
圯遷米國初省入州○京相璠曰涇胸一國二
城兩名蓋遷都須昌句是其本漢高帝封趙行爲
侯國濟水于縣南有趙溝水注之○邨國城在州
屬汶上縣北三十里春秋邨子國也見莊八年○
唐地理志邨州內有宿城縣宿國也古宿國城在
州東二十里莊十年宋人遷宿卽此有無鹽城在
其內烈女傳云無鹽醜女名宿齋齊宣王善之立
爲夫人卽此城矣漢書哀帝時無鹽危山土自起
覆草如馳道狀一名金螺山宋淳化間有僧剷佛
交州府志勝入卷之四

七

崖上石壁純白因呼白佛山在州東三十里又三
十里爲鄆城水經謂之平章任姓莊三十年齊降
鄆卽此今有鄆城集○寰宇記云州界內有柳舒
故城哀二十七年晉伐鄆齊陳成子救之及留舒
去穀七里穀人不知者也有漢穀城長張遷壽頌
碑移置州學內遷陳留已吾人○洽鄉地里志云
無鹽有洽鄉漢武帝封城陽恭王子慶爲東平侯
于此王莽之有鹽也邨鄉亭在州東五十里魯季
文子鬬雞之所杜註邨魯地東平無鹽縣東有邨
鄉亭○圖經云東山在州治東一里許晉阮籍東

平賦云顧東山之慈倩卽此山也李白送梁四歸
東平詩莫學東山卧參差老謝安○瓠山以形似
瓠山圓而長也漢書瓠山山脇石一丈轉側起正
高九尺六寸旁行一丈高四尺東平王雲及后謁
居東岳祠石爲息夫躬所告處矣又十里爲蠶
尾山聯絡望山卧牛諸峯其下有小洞庭湖唐蘇
源明宴小洞庭詩序所謂左拂蠶尾者也鳳山黃
華俱在左右源明入實中太守無其僚五太守于
涇源亭歌曰小洞庭兮半方舟風嫋嫋兮離平流
半方舟兮小洞庭雲微微兮連絕崕仍瀾壯兮緇

七

以沒重巖轉今起以忽馮夷娶今護輕枕蛟龍行
今落層湖泊中湖兮澹而閒並曲淑兮悵而還適
予手兮非予期將解袂兮叢予思尚君子兮壽厥
身承明主兮憂斯人又歌浮漲湖兮莽條遙川后
禮兮扈予梳橫增沃兮蓬仙延川后福兮易予絃
月澄凝兮明空波星磊落兮耿秋河夜旣良兮酒
且多樂方作兮柰別何後令狄楚刻石于山頂自
爲序○積水湖在城西十八里四面縈迴百里漾
入小洞庭湖州北三十餘里有九女泉出蠶尾山
後州東五十里有坎河泉俱西南流合二湖水入

汝河○鳳山在蠶尾之右群峯環抱寺介其中石
泉清澈四面流注騷人墨士多所題詩金翰林學
士王庭筠卜居此山自號黃華遂著其勝○金山
在州西北四十里其色紫赤如金石亦堅緻河上
諸邑谷以采川其南爲埽山有月巖寺馬跑泉水
出焉又南有土山巖二十里一大阜也日中無
影亦謂之無影山○梁山在州西四十里山頂
有石崖東西判爲二其上駕石爲橋可通往來名
曰天橋唐高適東平縣前送李少府案詩雲開汶
水孤帆遠路遙梁山匹馬過○水經注云梁山西
兗州府志勝入卷之四

六

南有呂仲愷墓河東崖有石橋橋本當河河移故
側岸也郡國志云大清河又北至棘城西是矣家
字記云清水石橋隋仁壽元年造工作華巧與趙
州石橋相埒長四百五十尺又有劉公橋在州東
二十七里宋武帝北伐至此遺其地有烽舍故城
相傳武帝立烽燧于此今小城存○桓公溝晉永
和中將軍毛穆之所鑿義熙十年王師濟河朱超
石重開注水經云桓玄率衆北入揭通濟渠今謂
之桓公溝按志在州西南與南旺鉅野相接○河
紀云安山在州西南三十五里山西北麓有劉東

王純碑漢延熹四年立有湖水繞安民山下曰安
山湖縈迴百里四面有隄建閣其上山半有寺上
有甘羅墓山下有安民亭注水經云汶水又西南
至安民亭入于濟汶水自桃鄉四分當其派別之
處謂之四汶口○坎河在州東五十里汶水之下
流也州城池有沙河大隄環之方三十里其源爲
南沙河卽汶水故道○碑曰云呂母宅在州西南
相傳呂母起兵處宅東三里卽濟水水側有碑東
觀漢記海曲呂母之子爲縣令所殺母破家結諸
少年得數百人入海自稱將軍遂破海曲執縣宰
兗州府志勝入卷之四

七

斬之以其首祭子冢卽此○塚記云劉府君墓在
城東北堯陵前漢光祿勳曜也有古碑殘折○宋
孫明復墓在州東北三十里蘆泉鄉歐陽脩銘○
梁狀元墓在州北二十五里望山前子固墓于墓
東北適塋于墓西北相去各數十步○元霍希賢
墓在州東二十里希賢亦中狀元

汶上縣

在州東南六十里

古厥國邑界有厥亭存漢平陸縣史記魯敗齊師
于平陸者也唐宋皆爲中都魯天子所宰邑矣有
準字池在縣堂內以石爲之外方內圓刻鯉魚四

環注以水漢唐物也○唐李白贈別其兄中郎令
詩吾兄詩酒繼陶君試宰中都天下聞東樓喜泰
連枝會南陌愁爲落葉分城隅綠水明秋日海上
青山隔暮雲取醉不辭今夜月鴈行中斷惜離群
又酬中都小吏攜十酒雙魚干逆旅見贈詩魯酒
琥珀色汶魚紫錦鱗山東豪吏有俊氣手携此物
贈遠人意氣相傾兩相顧斗酒雙魚表情素雙鯉
呀呷鬚鬣張撥刺銀盤欲飛去呼兄拂机霜亦揮
紅胞花落白雪飛爲君下筇一餐飽醉着金鞭上
馬歸○水經注云汶水又西南逕東平陸縣故城
兗州府志勝入卷之四 三

北應劭口古厭也汶水又西南逕致密城南郡國
志云須昌縣有致密城古中都城夫子爲宰嘗制
養生送死之節長幼男女之禮路不拾遺器不彫
僞邑稱大治耆老相傳魯定公時孔子爲司空
以冉伯牛攝宰一如夫子之政○西漢書有墓在
縣西門外感化橋側○志云汶水自平陰縣界西
南入縣北金改汶上之名所出取也濟河在縣北
一名大清河東北合汶水以入于海縣西南二十
三里有新開河東北五十里有龍潭河又五里有
梁當山泉俱東南流入魯溝河以達于汶又蒲濤

灤在縣北三里舊名仲勾陂周圍十餘里魚蟹泊
在縣西北十五里周圍四十里石樓泊在縣西南
二十里周圍三十里每秋水汎漲一望無際遙視
邨落在煙波香霽中又常有城樓人馬之狀出于
水上謂之水市洵奇境也其水皆入于汶水經注
云汶水又南逕漢衛尉衙力墓墓前有古碑建寧
年立沒儀令衡立祠亦有一碑按在縣西南十三
里○志云壇山在縣東北三十里山形平坦如壇
故名又五里爲米山青山舊傳山上花木如采其
色長青也太白山在縣東五十里以太白常游者
兗州府志勝入卷之四 三

涿州志唐盧照隣調新都尉以病免官隱太白山
卽此其傍又有雲尾山太白出雲則雲尾之雨隨
下其水流入南旺湖○河紀云南旺湖在縣西南
三十里濟寧接界其地特高汶水西南流至此而
分上有禹廟及分水神祠湖在漕河西岸紫迴白
里卽鉅野大澤東畔也宋時與梁山灤水涯而爲
一圍三百餘里卽南渡時宋江軍所據梁山泊也
及會通河開始畫而爲二漕渠貫之有蜀山湖在
東涯卽南旺東湖也周圍六十五里有山一區在
水中央望之若螺髻焉曰蜀山蜀者獨也上有聖

母祠古碑記云山形水勢有類西蜀矣○闕亭在
南旺湖中高阜六七春秋恒十一年會于闕是也
杜預曰潁昌縣東南有闕亭魯自隱桓以下皆筮
于此至今水際時見烟雲樓臺之狀河使者謂肇
湖南旺挑河行堤遙遙河瀾瀾分本祠前卒如蟻
鵲衣短髮行且偃盡是六郡良家子淺水沒足泥
沒骨五更疾作至夜半夜半西風大雨霜十人八
九趾欲斷黃綬長官虬赤鬚北人騎馬南有輿伍
伯先後恣河捷日晏喘汗歸蓬蔭伍伯謂可里
胥怒殺我無錢水中居有錢立道左天寒日短動
兗州府志勝入卷之四 三

東阿縣在州西北七十里

齊柯邑春秋莊十三年盟于柯卽此漢置東阿縣
故城在西南二十里卽阿大夫所治邑○阿井在
城內水經注曰阿城北門西側阜上有井其巨若
盆深六丈歲嘗炙膠以貢天府郡國志云其地出

網縑故秦王服阿縑之衣謂此矣○志云少岱山
在城東一里橫亘郭門其上有臺一成以在岱宗
之西故名稍南一里爲寺山又南四里爲鐸山形
方而墜有泉澗之屬○殺城山在縣東北五里一
名黃山山巔有石磊然數丈其色正黃故曰黃石
史記黃石公出一編書授張良曰讀是則爲王者
師後十三年見我濟北殺城山下黃石卽我也他
日良于山下果得黃石祀之後入立祠歲以三月
十八日致祭有唐李中書石公碑在祠內西征記
云殺城管仲私邑南山有管仲井河紀云卽今治
兗州府志勝入卷之四 三

也統志云殺城在縣南十二里礪礪山下劉宋
檀道濟與後魏交兵于此置有關城城南三土堆
卽道濟唱籌量沙之所宋元嘉二十七年寧朔將
軍王玄謨平礪礪立戍守之後魏畧得其地因立
濟州于此○酉陽雜俎載濟南太守胡諮得白虎
于洞中燕建平中事志云城西三里虎窟山是虎
窟之南卽礪礪也○魚山在縣西八里一名吾山
漢武帝獵于歌云吾山平兮巨野濫魚佛爵兮追
冬日卽此山也今其跡已湮襲馬頰河經山前西
達張秋謂之鹽河魏曹植段封東阿王嘗登此山

有終焉之志遂葬其西搜神記以魚山即思王聞
梵處矣五代史載梁祖朱溫與鄆兗兵大戰于此
今壁壘存口述征記云濟北郡史張超魏嘉平中
有神女成公智瓊降之超固室知其有姦以告監
國詰問超具言之智瓊乃絕後五年超使將至洛
西到濟北魚山下陌上遙望曲道頭有車馬侶智
瓊前到果是同乘至洛克復舊好太康中尚有迹
王維有魚山神女歌蓋詠此事○志云香山在城
北十五里大清河西岸與縣城相直香山之北有
艾山兩山相對河出其中又其北有凌山去城三
堯州府志勝不卷之四

三

十里香山之西有曲山山甚狹小疑即渠丘山也
○浮山在縣東南三十三里故老相傳堯時大水
此山浮于水上有人纜船于巖石間水終注謂之
大檻山其山高大爲群峯之冠傍有狼山一名黃
崖山狼溪水出焉西北流經縣北入汝○河紀云
安平鎮在東阿之南枕陽穀南張二縣境舊名張
秋五代柴世宗遣宰相李穀治隄自陽穀抵張秋
其名始見于此今以比河郎中治張秋城城南隅
掛劍臺河東岸有徐君墓相傳吳季札聘齊過徐
君返而掛劍處也墓前有祠並祀二賢○春秋

致祭臺左右生草其形一正一邪若負劍然能療
人心疾元都水監丞滿慈記云古碑刻有季札掛
劍徐君墓樹八字然南直隸徐泗二州俱載有徐
君墓未詳孰是○戊巳山在鎮城北顯惠廟後我
弘治間通政使韓鼎築下臨龍潭取上制水之義
黑龍潭在城北半里許一名平河泉故黃河決口
也東流既塞泉涌地中滙而爲潭深不可測相傳
有龍贊焉嘉靖初郎中楊旦飲其地欲涸而觀之
水決未半風雷大作乃止○荆門驛在鎮城北隅
上下二間設于鎮北十餘里有荆門寺北去十五
堯州府志勝不卷之四

五

里○金堤在鎮城南堤墳隆起延亘鄆濮俗稱始
皇堤漢文帝時河決酸棗東潰金堤卽此或云卽
漢王景所脩汴渠堤也明太史殷雲霄大堤詩二
首北隄楊柳綠絲烟更有桃花紅可憐携樽邀我
南隣去美酒憐渠不索錢又南隄北隄布穀飛隄
邊禾黍青離離隄上野花開復落隄下行人行不
稀○桃丘在鎮城東十八里春秋桓十年會衛侯
于桃丘杜預曰東阿縣東南有桃城按今爲桃城
舖舖旁一丘高可數仞每陰雨後烟霧中隱隱有
市井車馬之形土人以爲登市云謝肇淛詩桃丘

一坏土高與培塿齊古道無人烟芳草何漙漙會
盟有遺壘介駟猶延嘶○釣臺山在鎮城東南二
十五里山多碎石若魚鱗狀其麓有釣磯相傳嚴
子陵釣魚處石上有雙趺痕離此不遠有子陵臺
考之漢書但言子陵釣大澤中而不言所在宋知
是否謝靈運詩驅車東南嶺苔亭俯清泚危石蘆
花中隱隱雙屐履云是嚴子陵披裘釣于此清風
渺莫攀丘壑徒爲爾擾擾風塵間客星竟誰是○
龐洵井在鎮城東數里方圓七十二眼俱以琉璃
甃之名曰琉璃井相傳龐洵所鑿又東三里許有
兗州府志勝八卷之四

宋

孫贖營史傳贖出阿甄之間疑卽其地也○絕志
云白鴈泉在縣東南三十里相傳漢王伐楚經此
士卒道渴俄見白鴈驚起因而得泉故名○項羽
冢在舊城東南十二里漢高帝既滅楚魯猶爲羽
守乃持羽首示魯魯乃降遂以魯公禮塋羽水經
注云穀城西北三里有項王羽之冢半許毀壞石
碣尚存○按水經注及寰宇記與絕志府志北河
祖所載山川里數往往不同而東阿爲甚大抵穀
城爲縣治所枕而穀城則在偏破山之下一个縣與
齊東柯相去既二十餘里而東柯復遷徙者屢如

縣南十二里之南谷鎮縣北十里之新橋鎮皆有
東阿故城一爲宋熙寧年徙一爲紹興年徙同自
不同矣今治乃洪武八年徙○新橋鎮有鐵塔寺
浮屠十有三級高十二丈宋熙寧間鄆州僧應言
所建趙堅爲請額曰薦誠蘇文忠集有五百羅漢
院記卽此

平陰縣 在州北一
自二一里

水經云濟水又北逕平陰城西註曰春秋襄十八
年晉侯浞王濟河會于魯濟尋浹梁之盟同伐齊
齊侯禦諸平陰者也京相璠曰平陰齊地在濟北
兗州府志勝八卷之四

宋

盧縣故城西南十里有防門去平陰三里左氏傳
齊侯塹防門而守之卽此地其水引濟故項尚存
今防門北有光里齊人言廣音與光同卽本傳所
謂守之廣里者也巫山在平陰東北昔齊侯登望
晉軍畏衆而歸師曠邢伯間爲鳥之聲知齊師潛
遁人物咸淪地理昭著矣今巫山之上石室者
老言孝子郭巨塋母處世謂之孝子堂濟水右迤
過爲滑湖方四十餘里以達于汶汶水又西南有
沙水注之出水出肥縣東北自源西南流逕肥城縣
故城南樂正子春謂其弟子曰子適齊遇肥肥有

君子焉左逕句窠亭北漢章帝元和二年鳳凰集
肥城句窠亭復其租而逕太山卽是亭也○窠宇
記云肥城在縣東南古肥子國漢縣後漢時省故
城尚存○榆城在縣西北二十里榆山下隋開皇
間置榆山縣于此大業二年改爲平陰又有窠城
在縣東成二年齊侯戰于窠者也京茲故城在縣
南古齊邑籍鄉周武王封堯後于此○河紀云黃
河去縣十里竹書梁惠王二十年齊築防以爲長
城城絀河經太山千餘里至瑯琊臺入海往往有
壁門卽閭蘇代說燕王曰齊有長城鉅防足以爲
兗州府志勝入卷之四

固益首諸平陰矣縣有新開河在城西十里卽濟
河之下流也南岸有山曰蹲龍下有盤石跨河舟
行者患焉宋張方平乃鑿新河引水北行以避之
民甚稱便○新柳溝在縣東南五十里出高坡沙
上中又南流三十里入衡魚河故肥城縣泉來注
之俱南流百四十里入汶河○志云會仙山在縣
城東古傳仙人聚會之地山有石跡謂之仙人履
迹縣南二里有文山狀如玉几故名又十里爲秀
屏山○龜山在縣西十八里卽龍橋山也其上有
壽峯寺唐時所創又七里爲石門山東西相向少

通人跡○孔子山在縣西二十里木名紫蓋山
上有夫子教書堂遺址○在縣東二十五里
范蠡浮海出齊自號鸕夷子○行止于陶因號
陶朱公

陽穀縣在縣西四十里

春秋僖三年齊侯宋公會于陽穀杜預注云齊有
陽穀亭秦漢洹昌縣地也隋析置今縣因古陽穀
城爲名按孔穎達疏陽穀在東平洹昌縣北卽此
謂矣○志云穀山在縣治東北正街中春秋謂之
小穀齊桓公以魯莊三十三年城之有武陽水在
兗州府志勝入卷之四

東故曰陽穀水經云濟水又東逕武陽縣又北過
穀城縣西是也濟水側岸有尹卯壘南去漁山四
十餘里入穀城界○濟水又北逕周首亭西春秋
文十一年齊大夫王子成父獲長狄僑如弟榮如
埋其首于周首之北門卽是邑矣世謂之盧子城
濟北郡治京相璠曰今濟北所治盧子城故齊周
首邑也按志在東阿縣東北直當縣之南○縣南
有會盟臺春秋僖二年齊桓公會江黃所築亦卽
魯將曹沫挾匕首劫齊桓返而邑于此矣里人崇
世需題會盟臺絕句城南古盟臺空寂今如此和

風動平疇落日照秋水○南土山在縣北二十里
北土山在東北十五里皆昔時戰壘舊基又十五
里爲古城不知所本或謂卽殺之舊城也又二十
里爲阿城相傳齊桓公大所治杜預曰城西南有
大澤名柯澤春秋襄十四年衛孫文子敗公徒于
柯澤卽此處矣水經云河水又歷柯澤有七級渡
志云黃河去縣城北十里沙河在縣東二十五里
清水河在縣南五十里俱從壽張入境馬頰之故
渠也西湖陂在縣西十五里一名黑龍潭長三十
餘里又縣北二十五里有鴛鴨陂周廻二十餘里

兗州府志勝八卷之四

三

其西北卽沙鎮○唐元和間淄青節度使李師道
治鄆州使知兵馬使劉悟屯陽穀以拒官軍悟勒
兵潛入鄆城斬師道首遣使送田弘正營露布以
聞于是淄青等十二州皆平

壽張縣在州西一百二十里

春秋良邑戰國之剛壽也漢壽良縣應劭曰光武
叔父諱良因改爲壽張壽州故城在縣東南十五
里隋末百姓築堡唐武德年于此置壽州旋廢○
隋唐已後有壽張城二一在縣西二十里之竹口
鎮一在縣界內梁山之東○寰宇記云梁山在縣

南三十五里郡志在縣南七十里本名良山梁孝
王嘗獵于此改爲梁山周廻二十餘里有虎頭
崖及古石龕跡又有石臺鑿石爲蓮花周圍二丈
相傳有神僧說法于上其下有洞俗名黑風洞山
南爲古大野澤禹貢所謂大野既涸也宋謂之梁
山梁矣有土山在梁山西南十七里又南爲戲狗
山亦梁孝王所獵也相傳孝王獵時有人獻一牛
角在背上孝王心惡之因卒此處○縣界有范城
左傳范宣子對魯大夫穆叔曰昔句之祖在周爲
唐杜氏晉主夏盟爲范氏今城卽句食邑漢爲縣

兗州府志勝八卷之四

三

水經云河水于范縣東北流爲倉亭津述征記曰
倉亭津在范縣界津河濟名也濟水故瀆又東北
過壽張縣西界安民亭南汶水從東北來注之燕
延之所謂清口矣郭緣生曰清河首受洪水北流
濟或謂清則濟也濟水又北逕梁山東袁宏北征
賦曰背梁山截汶波卽此處矣濟水又逕微鄉東
春秋莊二十八年經書冬築鄆京相璠曰公羊傳
謂之微在東平壽張縣西北三十里有故微鄉魯
邑也杜預曰有微子家濟水又北分爲二水其枝
津西北出焉謂之馬頰水○注水經云汶水西南

流運壽張縣故城北縣有壽聚漢世祖十二年封樊宏爲侯國又西至壽張故城東逕爲澤渚初平三年曹公擊黃巾于壽張東鮑信戰死于此志云安民亭在縣東南故范城在縣東二十里○塚記云漢張子房墓在縣南五十里敬聖寺北三塚鼎足相峙世傳子房托從赤松子遊卒葬于此其二塚蓋衣冠也滕縣微山社亦有子房墓未詳孰是○宋張公藝墓在縣南十里卽九世同居者○明殷給事雲霄墓在城北半里雲霄字近甫正德間以詩名與李獻吉有倡和見集中

兗州府志勝八卷之四

三

後

沂州在府城東三領縣三

周禮青州鎮曰沂山又云其浸沂沐故州以此名矣沂州後周宣政年置實泰漢以來之瑯琊郡齊景公所謂遵海而南放于瑯琊者也漢紀高后七年封營陵侯劉澤爲瑯琊王于此後漢瑯琊王京乃徙郡北之十五里開陽城晉武帝改封東莞王仲爲瑯琊王永嘉之亂嗣王庾東渡是爲晉元帝昔元帝于郡城東北隅置發干戍以南軍鎮之有永嘉臺在郡西南二里故老言瑯琊王庾所築○晉書王祥王導義之俱瑯琊人祥字休徵仕至太

保墓在城東北十五里今城北二十五里有王祥河源出王祥廟後卽其祠水躍鯉處亦名孝河口王導故居在城東北三十八里臨沂故城南三里導字茂弘爲元帝宰相卒于江東此蓋其本宅也口澤筆池在州城內王義之曝書堂前舊傳其浣筆處今爲普照寺○開陽城春秋鄆國祝融之後邳姓也昭十八年邾人入鄆註曰今鄆郡開陽縣又哀三年季孫斯叔孫州仇城破陽註曰卽開陽也漢避景帝諱改後漢瑯琊王京徙都于此漢官儀曰洛陽城南向東第一門門始成夜有一柱來兗州府志勝八卷之四

三

止樓上開陽縣上言南門一柱飛去卽此城門柱也○臨沂城故郕城也在州東三十六里左傳定十年叔孫州仇帥師圍郕註云郕叔孫氏邑隋開皇年于此置臨沂縣大業移之州理此城遂廢○志云艾山在城西二十五里魯隱六年公會齊侯于艾卽此地也沂水出焉又州西四十里有五坪川五峯相連其上平坦故名又西南十里有冊山其巔有井將雨則雲出○羽出在州東南一百里尚書龜繇十羽山註云東裔也禹貢羽畎夏翟魯氏注云雉共五色山羽山唐崔國輔詩

青海崖雜花碎其下爲羽淵鄭子產曰鯀死其
化爲黃能入于羽淵地理志云羽山在東海禮
其縣南山高四里周廻八里春秋之祝丘也桓
午城祝丘漢爲卽丘縣祝與卽齊魯之音其實一
也故城在東南五十里按志沂河在城東二里
東北自沂水縣來至州境南經卽注淮泗入于
海出貢淮沂其父是也然水經注云沂水出尼山
西北經魯雲門卽所謂風雲雨洛乎沂者又泰山
新泰縣下有沂州城以爲沂水所出而名又武陽
之冠石山有水出焉亦謂之沂水如此則沂水之
兗州府志勝入卷之四

三

源固自不同然其下流入淮泗則一也○志云州
東五十里有沂山以沂水所經也沐水出焉西北
流入州境會諸澗水南經馬陵山入于淮泗又東
北十餘里有湯河源出溫泉山東南流入于沐昔
管仲家于此今有相公莊及管林○東澗河在州
西南一百里源出費縣南山谷間東流入芙蓉湖
下諸湖潭西澗河在州西北百二十里源出抱犢
山之瀑布泉又枋河在州北二里會柳殺谷山
泉源河在州西二十五里會天升汪諸泉此皆
沂沐之水以入于淮泗者○州南七里有白馬

泉又二里有馬跑泉州北五十里有桃花泉又
二十里有長亭池又有常注池柳行池及漏陂諸
水俱入沂河○水經注曰沂水南逕中丘城西春
秋隱七年夏城中丘書不勝也志云在州北三十
里後名諸葛城以諸葛亮家居此名○沂水
又東過襄賁縣東歷卽縣西南流魯連子稱陸子
謂齊裕王曰魯賁之衆臣甲舍于襄賁王莽更名
章信者也志云襄賁城與鍾離城相對鍾離在州
西南百二十里春秋成五年會吳于鍾離卽此其
地又有卽子城春秋卽國遺址尚存又有二疏城
兗州府志勝入卷之四

三

漢疏廣疏受歸老于此東漢童恢爲令更名不其
城○志云康王城在州東五十里前有沙阜墩謂
之康王射箭臺俗名故縣城疑卽臨沂縣所遷者
又三十里爲新城春秋伐鄭圍新城卽此其地又
有東陽城左傳哀八年克東陽呂氏春秋夏孔甲
游田于東城卽此今入費縣界○許田城在州西
北四十五里春秋隱八年鄭伯使宛來歸枋易許
是也後人以田字與山字相似因訛爲許山城又
五十五里有穆公城相傳魯穆公所築城東有九
女墩南有青龍鎮西有石門盆泉○碑目云漢南

武陽功曹墓闕銘在州治內章帝章和三年立又
一銘元和中立○宋人刻泐碑元祐六年立在公
署內又有香林館平野亭在城東樓上雨聲軒在
東湖岸俱金元時建○季文子墓在州西南百二
十里神峯山碑書魯季文子之墓○荀卿墓在舊
蘭陵城入州西界 國朝郡人給事李華歌古塚
蕭蕭鞠孤兎路人指點荀卿墓當時文彩凌星虹
此日荒涼卧烟烟露繁今愁黃昏蒼荅荊棘如
雲屯野花發盡無人到惟有蛾絲罩墓門○高士
傅載安期生者瑯琊人也老而不仕賣藥海邊秦
楚州府志勝入卷之四

郟城縣在州東南二十里

水經注云郟故國也少昊之後春秋十七年郟
子朝魯公與之宴昭子叔孫婦問曰少昊烏名官
何也郟子曰吾祖也我知之黃帝炎帝太皞以雲
火龍紀故爲雲火龍師而雲火龍名我高祖少皞
之立也鳳鳥適至故爲鳥師而鳥名孔子從而學
焉既而告諸人曰天子失官學在四夷者矣竹書

晉烈公四年越子朱句滅郟以郟子鳩歸縣故魯
也東海郡治秦始皇以爲郟郡漢高二年更從今
名卽王莽之沂平也○郟子宅在故郟城內郟子
墓及祠俱在縣南十五里有傾益亭在縣北十里
舊傳孔子遇程子傾蓋而語處又孔子嘗登山登
滄海有望海樓在孔望山上明劉翔詩傍海結高
樓乃記聖遊跡扶桑曉日紅瑯琊曉峯碧洪濤吼
暗雷孤鴻渺秋色觀此難爲言臨風重嘆息○志
云孝婦墓在縣東十里婦東海人漢宣帝時誤殺
之致旱三歲敕祭其墓乃雨○于公宅在縣西十

楚州府志勝入卷之四

三七

里于公治獄有陰德嘗語家人當高大吾門子孫
必有興者今其社尚名高大社○馬陵山在縣東
十五里北亘沂州南抵宿遷其山高阜狀若馬相
傳卽古瑯琊山也齊孫臏勝龐涓于此上有由吾
洞○石梁山在縣西北六十里有巨石如梁名天
生橋又縣東北九十里有蒼山滄海在月汪洋無
際中有牛口嶺○大方湖在縣西南十五里方廣
百畝夏月蓮花盛開香聞數里○後漢書郟有勇
士亭古勇士萬丘欣也今在境內

費縣在州西南九十里

古費國也春秋隱元年費伯帥師城郕後爲魯季氏之邑僖元年公賜季友汶陽之田及費論語季氏使閔子騫爲費宰皆是矣故費城在縣西北二十里漢縣治郕城左傳鄭伯請以泰山之祔易焉田註曰祔郕邑在郕郕費縣東南東漢移理薛陽後周移陽口山南隋復祔城以祔水所經而名○祔水源出縣西南百里之大崖阜東南流經沂州郕城入下邳界有浚河發源聽山東流合于祔水山在縣西北一百三十里○寰宇記云顯更城在縣西北八十里顯更風姓伏羲之後魯附庸國東

兗州府志勝不卷之四

三九

後

蒙山在縣北七十五里以在蒙山之東而名論語季氏將伐顓臾子曰昔者先王以爲東蒙主冉有曰固而近于費此之謂矣○蒙山在縣西北八十里卽禹貢所謂蒙羽其藝也山頂有白雲巖產雲茶其下有蒙城高士傳萊子隱居山之陽以堯舜爲垣蓬蒿爲室敝木爲牀者丈六席衣緇飲水墾山播殖著書十五篇又劉芳徐州記後漢承宮躬稼于蒙山之下其山高四十里長六十九里北與新泰縣爲界宋時郕人賀元脩真于此○寰宇記云南城在縣南九十里也記齊威王使卿

守南城楚人不取爲寇舊志謂之南成城卽魯子莖父處王符所謂南城之家也後漢書鄭玄漢末遭黃巾之難客于徐州孝經序云僕避難于南城山樓遲嚴石之下念昔先人餘暇述夫子之志而注孝經蓋康成孫微所作也今西上可二里許有石室焉周廻五丈俗云鄭康成註孝經于此今有城曰鄭城在西南七十里○故東陽城在縣界春秋襄八年吳師克東陽今之關陽鎮是也又有故城在縣東五十里中有隱真觀相傳顏真卿尸解後所居處又乾元中詔諸路各置放生池縣有一

兗州府志勝不卷之四

三九

後

馬顏魯公爲之銘○石門城在縣西南九十里子路宿于石門當在此魯曲阜南門者非是路史謂之南武城子游絃歌之舊邑也又原憲城在縣西北百一十里有原憲墓俗呼爲原憲堆○唐校書郎李潛淵澤賦碑在縣解內宋至和間出于泥中今斷裂爲二○宋蘇唐卿醉翁亭石碑在縣廳左唐卿與歐陽脩同時爲費宰爲刻其文脩歐陽公

往復手帖

東昌府

布政司

領州三縣十五

卷之五

春秋齊西鄙也秦置東郡漢以後爲魏郡爲齊陰
爲清河唐爲博州博平郡元改爲東昌路中國初
設府漢王子侯表宣帝封清河剛王子成爲東昌
侯東昌之名本此後漢書肅宗元和二年東巡幸
東郡引兄太守張酺及門生郡縣掾史並會庭中
令講尚書一篇今有講堂遺址在治內○志云公
惠堂宋熙寧間建卽府正堂也城中有望嶽樓以
可眺望秦嶽而名臺基高廣數丈樓作四層矗立
雲表雄勝甲于齊魯今名光嶽樓又有綠雲樓在
東昌府志勝卷之五

一

城西北隅卽宋綠雲亭故址○玉版臺在城東北
相傳晉人掘得玉版于此因建臺以貯之○玉環
井在治西南一名玉井相傳井中有石如玉鑿之
渾然如井甃故名○麒麟碣在府學內勒淳于棼
等三十人贊于上志謂不晚其義攷漢書安帝
延光二年東郡奏黃龍二麒麟一見于濮陽或者
當時立碣本此俗傳以取麒麟閣者謬也又有三
絕碑金大定年重脩學王去非撰文完懷英篆王
廷簡書時稱三絕云

皇明實錄建文元年十二月

成祖靖難師至東昌平燕將軍盛庸麾兵圍之其
重幾不免乃易服躍馬潰圍出退駐館陶初起兵
時軍師姚廣孝曰師行必克但費兩日耳及敗始
驗前言兩日者昌字也

聊城縣

部

齊西界聊城地齊謳行云東彼姑尤側南界聊城
城齊晏子曰聊城以東其爲人也多矣古聊城在
縣西北十五里有魯連臺高七十尺卽射書燕將
之所陳徐伯陽詠魯仲連詩魯連有高趣意氣本
相求笑罷秦軍却書成燕將愁聊棄南金賞方從
東昌府志勝卷之五

二

滄海遊寄言人世客非君能見賢唐李白前題齊
有偶儻士魯連特高妙明月出海底一朝開光耀
却秦振英聲後世仰末照意輕千金贈願向平原
笑吾亦滄蕩人拂衣可同調明謝肇淛懷古西郊
一坏土傳是魯連臺遺鐵菴苔冷孤城烟霧開冥
鴻高士意躍馬霸圖灰嶺藻年年薦松風夜鶴哀
聲澗字在杭萬曆間左遷郡司理有居東集○寰
宇記云博固城枕聊河之曲俗訛爲布鼓城相傳
石勒時築在縣東北二十五里唐博州治也五代
晉開運間河溢郡守羊使君史失其名視城欲浚

投水而死至今有羊使君廟因移郡于西南十五里之堽陵又圯于水遂移之季武陵乃今治也治內有漢東郡太守王尊祠唐李德裕詩河水昔將決衝波濫川濤崢嶸金堤下噴薄風雷音投馬災未弭爲魚歎方深惟公執圭璧誓與身俱沉誠信不虛發神明豈爾臨濫流自此迴咫尺焉能侵逮我宇東郡淒然懷所歛雖非識君面自謂知君心意氣首相合神明無古今登城見遺廟日夕空悲吟○水經注云潔水又北逕聊城縣故城西城內有金城周匝有水南門有馳道絕水南出自外泛東昌府志勝入卷之五 三

舟而行矣東門側有層臺秀出雲表魯仲連所謂還高唐之兵卻聊城之衆者也○北河紀云潔河在城東七里俗呼渭河卽黃河之支流也圖經潔河發源頓丘出東武陽縣經博平至滄境又城東南會通河元至元間鑿以通漕運山東州陽穀縣界入境北流經博平清平二縣至臨清入衛河凡二百五十里建閘三十有一○寰宇記云郭水出聊城東北水泛則津注水耗則陂流南岸有郭城圖經引春秋郭亡二字以爲亡國郭氏之墟也見莊二十五年○武水在城西南六十里

中置武水縣于此唐改曰崇武今崇武驛沿其名五代周省入故城內有石柱後魏孝文帝所立爲鄴東之表水經云武水東流從石柱北是也唐開元間詩人孫逖武水人宋大觀年立爲鎮今設武水經簡司○四清津在縣東八十里水經云河水又東流爲四清津俗名四清口隋于此置四口關○志云平山在郡城關西關設有土阜國初設平山衛以此陳天祐平山衛人以明經起家淹該經史歌賦自娛同時有田淳者亦博雅尤精于攷核爲當縣人○莊山在縣東五十三里漢在平縣

東昌府志勝入卷之五 四

設焉今縣東南跨莊平界有重丘卽春秋襄二十五年諸侯同盟于重丘者也杜丘在縣東北七十里僖十五年楚人伐徐公會齊侯鄭伯許男曹伯盟于杜丘卽此○城塚記云微子城在縣東北十八里世傳商受時微子所封及周克商始封于宋○聶城在縣西左傳僖元年齊人宋人曹人師次于聶北是也縣西南十二里有夷儀城春秋遷邢夷儀齊取于邢而有之以爲西鄙亦見僖元年又史記世家獻公自夷儀返于衛皆此處矣東漢書聊城有夷儀聚光武時代郡范升并議卽起爲聊

城令常保此城○高陽氏陵在縣西北二十里陵前有聖水井旱禱輒應○渠父墓在瓌陵界下莊子墓在城西二里秦鼎收墓漢華歆墓晉劉寔墓吳隱之墓俱在縣東北

堂邑縣在府城西北四十里

漢陳嬰爲堂邑侯者人南直隸之六合縣是也嘗縣隋開皇二年置以西北古堂邑故城爲名相傳初築城時有白雀馴集因名白雀城元置白雀觀于此今爲真武廟基掘有石碣題白雀觀三字○
案宇記云本漢發下清二縣地登干故城在縣西東昌府志勝入卷之五

五

南五十里清縣城在縣東南三十里晉改爲樂平後趙錄曰東海王使征東將軍荀晞擊汲桑石勒救之爲晞所敗奔樂平是矣○水經注云河水故瀆北逕發干縣北城西又屈逕其北王莽之所謂戢櫛也漢武帝以大將軍衛青破左賢王功封其子登爲侯國水經又云漯水東北逕樂平縣故城東縣故清也漢高帝八年封弩將室中居于清宣帝封許廣少弟翁孫于樂平並爲侯國王莽之清治矣漢章帝建始中更從今名○志云毛州故城在縣北五十里俗呼爲瓌城今瓌城南尚有城址

拾遺錄云禹治水所穿鑿處皆青泥封記使玄龜印其上疑卽此地也○縣西十里有化及臺相傳

牢文化及軍此俗呼爲千戶營卽舊堂邑縣址○古戰場在縣東南三十里相傳戰國孫臏龐涓戰處志以孫子之戰疑不在是攷唐書平原太守顏真卿與清河李萼破安祿山將袁知泰二萬餘人于堂邑當卽其處○金石錄云唐墓全爲堂邑今有學碣贊在縣學○元趙孟頫有脩學碑今斷裂不全○宋熙寧間耿幾父爲令黃魯直過堂邑寄以詩云呼船凌大河驅馬踏平沙道傍開新邑千

東昌府志勝入卷之五

六

戶有生涯蓋今治卽幾父所遷者元至大間虞集有書堂邑張令去思碑蓋爲濟南張希孟云○塚廟記云太公廟在縣北二十五里有古碑○宋宰相廉公諤墓在城東北八里碑碣存元總管張繼祖墓趙孟頫銘又天水郡趙至墓去城北五十里○志云邑人任淳官御史嘉靖間以大禮罷歸村居讀書工詩賦所著有麟石集

博平縣在府城東四十里

齊博陵邑史記威王伐晉至博陵徐廣注曰東郡之博平也博平漢縣東漢永平中下邳周紆爲此

縣令○寰宇記云故攝城在縣西南二十里卽春秋聊攝並稱者也靈縣城在東北三十里漢縣唐改爲靈泉縣旋省入河紀云靈泉在博平之沙堤一名涵管洞巨石甃成六管三涵以泄洪水置漕岸傍○水經注云屯氏故瀆上承大河瀆于靈縣南地理志曰河水自靈縣北出爲鳴犢者也王莽之播亭矣○志云駱駝山在縣西北十五里土阜巋然形似駱駝故名又十里爲平山有洪鎮寺舊址又五里卽博平舊城城南有宋孫奭宅奭中九經狀元及第坊尚存○博平舊縣有晉臺相傳晉

東昌府志勝入卷之五

七

公子重耳自翟來奔齊桓公以宗女妻之晉齊五歲後歸晉國故名○治內潔軒唐縣令王牒子駿建有銘刻厭次張敷撰靈泉侯珪書○塚廟記云燕子塚在縣東南五里漢吳王濞構七國反將軍竇嬰等破之齊王不同謀而被殺旣葬有燕子啣泥于冢上○魯義姑冢在縣西北十五里之爲子歸亦土阜也義姑卽遇難棄子而存姪者今祠存○還駕店在縣北二十三里五代史後唐明宗屯兵于明靈寨卽此地也有行幄基址○城南五里有宋孫宣公墓奭後徙居濱昌祖墓尚存此又城

南有賈鉉墓鉉在金時官武安軍節度使分有野墓歐陽修銘于野博州人并吳興之張先也

在平縣在府城東北七十里

山之平地曰在木秦縣晉末移治聊城界旋廢金時劉豫復于此置按說文在草盛貌俗作在應劭曰在莊山之平地也○史補石勒賈入在平人師歡家爲奴每屯耕于野常聞鐃聲聲懽懽而免之懽家隣于馬牧勒乃與牧師汲桑結壯士爲群盜卽此處也唐馬周在平人今治內有馬周廟

東昌府志勝入卷之五

八

又有基在城東里許按在平唐武德初曾復至貞觀再廢故周得爲縣人○一統志云夫子堂在文廟西南舊傳夫子將適趙聞鳴犢之變歌而返魯經此故後人爲立堂又縣東北有孟館以孟子之齊遊梁館舍焉○在草堂馬興祖建以聯縣之讀書者孝思亭張通甫建虞集記致愍亭尚書梁宜建吳澄記已上俱元人 國朝里人班祿有書堂在東村祿博雅工于詩律仕止少升所著有京村稿○志云淳于髡墓在城西二里許魯連村在東北二十里地名玉樓店相傳仲連子所居○

張良橋在縣北十里馬庄在縣南十里卽唐中書
令周故宅也今爲馬庄舖相近有興隆岡岡下坡
陀相屬內有鐵墓不知所自或以爲金翰林學士
馬定國墓今屬興隆寺又南二十里爲晉賀樂宅
今名賀樂店○水經曰濟水又東北與中川水合
許云水東南出山在縣之分水嶺溪一源兩分泉
流半解亦謂之分流交水南出太山入汶半水出
山在縣西北流東逕太原郡郡治山在壩北劉宋
僑治也與漢省谷水合○水經曰瓠子河又東北
過在平縣東爲鄧里渠註云自宣防已下將渠已
東昌府志勝入卷之五 九

上無復有水將渠下水首受河自北爲鄧里渠河
水又東北過在平縣西河自鄧里渠東北逕昌鄉
亭北逕礪礪城西述征記曰礪礪亭名自黃河泛
舟而渡者皆爲津也其城臨河○嘉二十七年以王玄謨爲寧朔將軍入河平
礪礪守之都督劉義恭以沙城不守召王玄謨令
毀城而還魏立濟州治此○其西南隅又崩
于河卽故在平縣也王莽之功崇矣經曰大河在
其西鄧里渠歷其東卽斯邑也而與柳城分河河
水又逕在平城東城內有故臺世謂之時平城非

也蓋在時音相近耳○志云平河在縣西北龍
潭在縣西南大溪坡在縣西又傳平界

莘縣在府城西南九十里

漢陽平縣縣北有古莘亭顧野王輿地志云陽平
之莘有衛宣公二子廟宣公二子曰伋曰壽宣公
以新臺之刺使諒待諸莘伋壽爭相爲死者也○
寰宇記云周武帝置武陽郡于此郡國志武陽莘
之東鄉水經注云武陽大城西門有古水井謂之
水井門又天成門外有一石臺號曰武陽臺東南
十里有頓城後漢臧洪爲東郡守治爲袁紹所圍
東昌府志勝入卷之五 十

絕食不屈而死今城四周水匝墜堊圍跡尚存潔
水經其城南應劭曰縣在武水之陽王莽之武昌
也然則潔水亦或武水矣潔水于城東北合爲一
瀆東北出郭逕陽平縣之岡城西郡國志曰陽平
縣有岡城亭漢昭帝元平元年封丞相蔡義爲侯
國潔水又北絕莘道之西北有莘墟春秋僖二十
八年晉文公城濮之役觀師于此也○圖經云斗
城在縣西南七里其形如斗故名又縣北四十里
有介中聚襄二十五年閭丘嬰出介介中卽此今
爲馬橋鎮志云介山在縣北十五里後魏武昌二

泉湧碎石中曰介山泉也其地趙驤建亭其上
○縣東北有古塔高十三層其地有古堤逶迤至
西以障馬頰河黑龍潭水之衝也○塚記云唐贈
左散騎常侍汝南常國公蘇子魏碑節度使韓君
雄柑在縣西南二十五里吳珪撰碑○宋魏國文
正公王旦墓在縣東北二里志按歐陽脩碑天禧
元年九月旦薨詔以其年十一月塋于開封縣新
里鄉則墓不應在此疑爲公父祐當時所築也祐
有手植三槐堂在縣內蘇軾記○姑蘇志云宋李
龔字深文高郵人知長洲縣官至司農卿國亡
東昌府志勝入卷之五

士

令

清平縣在府城北
九十里

漢清陽縣地隋開皇初徙具丘縣于此十六年改
爲清平縣○唐王建詩註云宋氏五女具州宋處
士之女也曰若華若昭若倫若憲若蘭其父老病
五女誓不嫁以奉事之其詩曰五女誓終養自孝
內自持光絲自紵紵不上青松枝終在親傍附
則讀書詩素釵垂兩髦短窄古時衣行成間四力

徵詔環珮隨鄉中尚其風重爲脩茅茨○寰宇記
云王莽河在縣南十八里○龍潭在縣西三十里
潭淵畝餘深不可測流出十里注于深川卽隋所
置舊縣城也按宋元豐間深河決遂移今理乃廢
爲鎮○志云唐呂太常墓在縣界太常名才今失
所在○後唐明宗陵在城內隆然高起猶存按縣
舊割博平之靈明寨者明宗嘗駐兵于此後人因
其高阜遂名爲陵五代史明宗葬于河南府東北
不應在此

冠縣在府西南
百五十里

東昌府志勝入卷之五

士

晉大夫冠氏邑隋置縣省清水縣入焉今清水鎮
是○寰宇記云黃河在縣界俗謂之王豐屯氏河
在縣東南衛河在縣西有吉固隄○水經注云白
溝水又東北逕趙城西又北阿難河出焉蓋魏將
阿難所導以利衝濟首有阿難之碑矣白溝又東
北逕空陵城西又北逕喬亭城舊東去館陶縣故
城十五里縣卽春秋所謂冠氏也左傳哀十五年
晉人伐衛齊爲衛故伐晉冠氏則此邑矣○志云
唐李棲筠調冠氏主簿太守李峴引爲布衣交不
拘常禮至今以爲美談○邑人路巖咸通間同平

章事有故宅存○恩公塔在城西高十三級唐恩公和尚造又城西元兒庄有仙姑家相傳古仙女曹希蘊塋此○冉仲芳墓在縣北二十五里有祠○元杜公墓有學士張七觀碑文

臨清州在府城西一百二十里領縣二

戰國趙東鄆也漢清淵縣水經云河水又東北過清淵晉永嘉元年太傅越使將荀晞擊破汲桑于東武陽桑退保清淵是也後魏太和中改臨清以臨清水而名 國朝弘治二年始陞州領館陶丘二縣○河紀云散王泉在州城內秀林亭在城外東呂府志勝入卷之五

程敏政詩雞犬深深曲逕通行何必問西東井亭楊柳交加處木槿初開一樹紅○志云大阜在鎮定門連亘百餘畝隋臨清故城在今治西四十里宋建炎間徙州西南十里之曹仁鎮 國初又徙城北八里之臨清間景泰間始易今治當汶河之比衛河之東按汶水自南旺分流至此漸微細沿途置閘啟閉極嚴經南板閘始與衛河合而西流漕舟至此謂之出口○鰲頭磯在城外延亘二十餘里汶衛合流一洲中峙自勝國來名曰中洲四圍分建于首尾萬姓鱗集薛瑄臨清曲云臨清

人家枕開河臨清賈客何止多停舟落落無可語呼酒只對長年歌○耿貴人墓在衛河西岸十五里有大塚舊名其陵漢安帝母所塋也其下有池曰蓮花池○渡口在城北七十里其地爲清河夏津之交吳寬渡口阻風詩云黃沙障天天半昏砲頭風急萬馬奔何人去塞土囊口天與河流一色渾曠野麥苗纔尺許只見風來不見雨雨師風伯不相能彼蒼高高奈何汝○金石錄云北齊臨清王假黃鉞碑今無考後魏路元帥墓在下四保淨土禪寺路自漢爲清淵人南北朝仕宦鼎盛元帥

東呂府志勝入卷之五

古

碑闕其名○唐大曆年臨清令權阜碑在舊州城東戴安祿山叛權阜詐死不入其黨高適表試大理評事者也○元中丞蓋苗舊第斷碑猶存今名蓋村州南親仁里有濮陽公墓卽其父諱謙贈濮陽公中書令○國朝張瑤明得呂昌瑞精字學貴堂通易數著皇極經世書解附八

館陶縣在州西一百三十里

僻雅再成曰陶丘趙置館于其側漢縣之志云陶丘在城西北七里微有土阜今爲鎮○衛河在城西二里卽漢屯氏河也 卽白溝水出縣西十里

場帝疏入屯氏河名末濟渠亦曰御河宋王安石
御河途中詩云燈火匆匆出館陶回看水濟日初
高○黃河在縣西南五十里水經注云大河故瀆
比出爲屯氏河運館陶縣東北出漢書溝洫志
曰自塞宣防河復北決于館陶縣分爲屯氏河廣
深與大河等成帝之世河決館陶及東郡金堤上
使河堤高者王延世塞之三十六日堤成詔以建
始五年爲河平元年以延世爲光祿大夫是永亦
斷屯氏故瀆水之又東見屯氏別河出焉○寰宇
記云屯氏河俗名毛河後周大象中置毛州于此
東昌府志勝入卷之五 五

隋仁恩爲毛州刺史大業間廢按毛州城在縣西
南四十里其地爲南館陶漢明帝封其妹爲館陶
公主今有駙馬渡黃花臺皆其跡也○志云南北
朝徐遵明者華陰人受業平原唐遷處之蠶室讀
孝經論語尚書三禮不出門院六年知陽平館陶
趙世業家有服氏春秋遂往讀之手集春秋章義
三十卷○皇甫冉過館陶李丞所居詩盛名天下
挹餘芳棄置終身不拜郎詞藻世傳平子賦園樸
人北鄭公鄉門前墜棄浮秋水籬外寒臯帶夕陽
○晉松成古木祗應來者爲心傷王安石爲

陶詩促續數殘更似聞雞一鳴春風馬上夢沙鷺
月中明第誠遠多思表裘寒始輕稍知田父種燈
火閉柴荆熊卓題館陶主人壁詩山泉入戶流閑
花自開謝此意堪誰語明月來庭下 杏杏竹林
丁青蘿向人長俗客不到門清風自來往○選舉
志云杜驥館陶人 國初歷交趾三江府同知征
討有功

丘縣在州西二百里

春秋晉乾侯地魯昭公客居于此漢初館陶縣之
別鄉也後析置丘丘高祖以唐厲擊破項籍功封
東昌府志勝入卷之五 六

于丘丘卽此地州志云平丘山在縣治東十字街
甯雅以爲非人爲之丘也有古柏在文廟內共四
十六株相傳唐宋間植老幹鬱盤黛色參天恍如
孔明廟前物○平恩故城在縣之程孟村春秋赤
狄惠宣十五年晉林父敗狄于曲梁者也後齊盧
昌而隋房恭懿皆爲平恩今有聲名入當縣○
古黃河在縣東南衍河在縣南入館陶界漳河在
縣西有隄曰虞公隄○志云古塔二一在洪濟寺
內一在其東南○成湯廟在縣東南八里之以兒
泰有宋元舊碑○晉陸機贈丘丘令馮文罷詩昔

與二三子游息承華南摧見兩枝條翻飛各異
荷無凌風翻徘徊守故林懷誰為感願言懷所
欽發軔清洛泗驅馬大河陰佇立望朔途悠悠過
且分索深古所悲志士多苦心悲情隔川結苦言
隨風吟慨無離佩贈良訊代兼金夫子茂遠猷款
誠寄惠音

高唐州 舊唐書地理志卷三

卽春秋哀十九年齊風沙彌奔高唐以叛者杜註
高唐在祝阿縣西北是也漢縣之元至元中陞爲
州至今仍○水經云河水又東北過高唐界註曰
東昌府志勝入卷之五

七

河水于縣潔水注焉按潔河在城西北二里又十八
里爲馬頰河有堤曰魯堤俗呼其地爲馬灣○郡
國志云昉子墓在城東三十里史記唐威王曰吾
臣有昉子者使守高唐則越人不取○于河卽大
河之故瀆也漢元帝平河決靈○在今州南
三十里又熙河在東南三十里疑卽屯氏河也○
志云州城東北有玉圖謂之嘉寧自宋元豐間王
闢之調高唐令御史黃夷仲口占一絕諱之曰高
唐不徒加高唐風物山來各異鄉若向此中望雲
雨只應愁殺楚襄王○圖經云魚丘山在州東其

狀似魚五代梁改魚丘縣以此今魚丘驛沿其名
○西陽雜俎云高唐縣鳴石山巖高百餘仞人以
物扣之聲甚清越晉太康中逸士田宣隱于巖下
常捐石自娛每見一人若白單衣徘徊巖上及曉
方去宣後令人擊石于巖上潛伺俄然果來因遽
執袂詰之自言姓王字中倫衛人周宣王時入少
室山學道比頻適方室去來經此愛此石響故輒
習聽宣乃求其養生惟器一石如雀卵遺之初則
凌空百餘步猶見漸漸煙霧障遂不見宣得石舍
之輒百日不餓云○積神錄云唐羅弘信微時投
東昌府志勝入卷之五

六

寄高唐田氏田氏撫愛如子遂冒姓田已令浚井
甫下忽龍自井出雷電交作田氏驚悸謂弘信已
爲井中泥矣頃之弘信突出神色自若田氏異之
禮待愈厚因從軍爲裨將後累官魏博節度使進
陳章郡王迎田氏于私第事如父母厥後田氏
僦于龍井之上按志龍井堂在州北二十里○夢
溪筆談元豐間歐陽文忠公宿高唐館聞沙中車
馬人物之聲歷歷可辨時謂之高唐海市○志云
樓兒井在州城內西南隈水極清其夏月久貯不
變境內又有寺前井永固井皆不逮也末樂聞

朝廷駐蹕以此水進御始置亭其上○大覺寺在
州治東南唐創宋延祐間脩 國朝末樂丁酉歲
文皇帝北巡駐蹕召問僧王巖大喜賜神僧傳已
亥仁宗在春宮時復幸寺賜王巖寶鑑見碑記寺
塔甚壯偉內一層至三層宋元豐五年脩五層元
祐八年脩八層元祐二年脩元米與誠高唐道中
寺詩野橋西望見高唐城上依稀塔影長方朔
碑埋蔓草晉文遺廟廢殘陽依依遠樹秋煙斷
吳漢平沙故壘荒笳鼓東來知候吏一聲驚起鴈
行行按此詩正詠大覺寺塔也本志晉文廟在州

東昌府志

卷之五

九

城西東方朔祠在州東北十里○同樂館在州城
內元鎮國上將軍劉海管建池館會文人賢士因
以名之○德符堂元天曆間中書左丞王懋德建
虞集記晉史列傳華歆華嶠劉寔皆高唐人○選
舉表云州人王子魯好稱詩長于七言古風其詠
潞河詩云吾聞東郡古潞源千年古跡成桑田白
雲飛來薦捲雪黃葉亂下鳴殘蟬清風颯颯林篩
響鴈行遠送來天邊幾番登眺發長恨綿駒舊曲
無人傳馬濟詩云古河一曲環蔚堤天光汎漾浮
波老蟾吐花玉鏡伏遊鱗躍藻銀鉤低征車道

上鐸聲急板橋人過晨雞啼漁翁待旦掉船去白
鷗飛過黃蘆西鄭橋詩云鄭家橋下溪水流桃花
浪暖鮮鱗遊老翁棹船四五葉鳴榔舉網兼葭秋
大魚撥刺貯笊簍紫菱綠荇堆船頭歸來沽酒切
新鱸高歌醉卧蘆花洲濯清亭詩云劉侯亭子連
青冥雲來倏忽天飄傾蒼龍捲海半空落四簷瀑
布生秋聲煩囂洗滌毛骨爽朱簾暮捲山光明靜
軒題詠今不見一區瓦礫蒼苔生按濯清亭在同
樂館傍鄭橋亦見州志

恩縣

在州北
七十里

東昌府志

卷之五

十

宋慶曆間貝州王則叛河北宣撫使文彥博平之
赦其餘黨名爲恩州 國初降縣○貝州後周建
德間置春秋莊公八年齊襄田于貝丘卽此寰宇
記云貝丘高五丈周廻五十步後漢貝丘長劉伯
言北海范滂與二碑文並磨滅存臨清清平縣界
漢清河郡設此高祖封王吸爲侯國○志云西山
在縣西四十里舊恩州城也洪武七年縣丞申範
奉檄移之許官鎮卽今理所左傑西山晚眺詩云
貝丘何迢遞靈山迴嶺嶽玄景停陰壑丹氣詣陽
林蒼蒼秀瑤草唧唧亂鳴會日夕多更佳登遠幾

登臨嶽巔坐銷歇雲物杳深沉城郭嘆非古人烟
嗟至今振策尋遺跡惻惻傷我心幸餘闕牒在慈
然獲所欽○志云白馬營在縣西十五里爲唐時
故鎮○漳南鎮在縣西北四望坦平中有高阜環
水卽漳水也隋置縣至元廢唐書劉黑闥起兵漳
南卽此地矣○馬頰河在縣東南津期河在縣南
二十里卽舊水濟渠也溢洄無常舟楫時待津焉
又縣西北五十里之傍有古槐一株相傳昔有四
女不嫁同植此樹名四女樹○劉玄德廟在縣拱
辰門外元大定間有碑蓋玄德曾爲高唐尉故祀

東昌府志勝入卷之五

廿

之○攷宋史仁宗慶曆七年十一月貝州賊王則
據城反以明鎬爲河北安撫使則涿州人初以歲
饑流至貝州自賣爲人牧羊後謀宣毅軍爲小校
貝冀俗尚妖幻相與習爲五龍滴淚等經及諸圖
識書言釋迦佛哀謝彌勒佛當持世則之與毋訣
也嘗刺福字于背以爲記妖人因妄傳背字隱起
爭信事之州吏張蠶卜吉主其謀黨與連德齊諸
州約以明年正旦斷涿州浮梁作亂會其黨以書
詣北京晉守賈昌朝事覺破執則故不待期亟以
至日及時知州張得一方與官屬謁天靈觀則

率其從劫庫兵執得一囚之從通判董元亨索庫
鑰元亨厲聲罵賊賊遂殺之又殺司理王獎等兵
馬都監田斌以從卒巷戰不勝而出城扉闔提照
刑獄田泉等絕城出保南關入驍捷營撫士卒凡
有欲應賊者京以計盡誅之由是營兵在外者皆
備服南關得不陷則潛稱東平王國曰安陽年號
曰德勝旗幟號令皆以佛爲稱賊以一樓爲一州
書州名補其徒爲知州每向置一總管然絕城下
者日衆于是令民伍伍爲保一人絕餘悉斬事聞
以知開封府明鎬爲體量安撫使而詔貝州有能

東昌府志勝入卷之五

廿

獲賊者授諸衛上將軍鎬至日州民汪文慶自城
上繫書射鎬帳約爲內應夜垂緋以引官軍入城
者數百人賊覺率衆拒戰官軍不利乃與文慶等
復絕而出鎬以貝州城峻不可攻乃爲距圍將成
爲賊所焚鎬乃卽南爲地道日攻其北以牽制之
八年春正月朝廷以則未下乃命文彥博爲河北
宣撫使鎬爲之副憂棘惡鎬恐其成功凡鎬所奏
輒從中阻之彥博既受命請軍事得專行許之彥
博至貝鎬穿道適通遂選壯士夜半由地道入城
衆登城賊縱火牛官軍以槍中牛鼻牛還攻之賊

大清開東門通總管王信追則擒之餘衆保村舍
者皆被焚死殊復言所獲恐非真盜乃詔檻送則
京師僉于市賊據城凡六十六日而敗改貝州爲
恩州焉外史氏曰廣寧之變孫得功謀叛而
城中人士欲應賊與不
至棄城而遁其計反出
宜媿死矣

夏津縣 在州西五十里

漢鄒縣高后封呂佗爲鄒侯亦田蚡之奉邑也史
記田蚡因食邑在鄒不塞決河是矣隋改夏津○
東昌府志勝入卷之五

按封建表蔡布梁人孝文時以功封鄒侯初布與
彭越遊甚善越爲梁王請布爲大夫越誅詔曰有
敢收視者捕之布竟哭尸下及布死燕齊之閭皆
爲布立社號曰蔡公社○寰宇記云屯氏河在縣
北馬頰河在縣南潤河枯澮在縣東三十六里春
狄齊晉會盟之要津也縣以此名○志云新縣店
卽孫生鎮在縣西北三十里隋開皇間改置夏津
于此唐權水忠徙今治○彌陀廢塔卽資福寺塔
也我弘治間掘有石柳金棺水晶石瓶藏舍利七
刻太平興國八年定光佛舍利記○

古井距觀音寺東北七十餘步相傳唐武德九年
建寺時甃尚存

武城縣 在州西北一百二十里

周平原君之封邑漢書京武城縣以定襄有武城
故加東也晉曰武城志云終歌臺在縣西十
里御河北岸高九尺上有子游祠按子游宰武城
在兗州府屬費縣西北不應在此○水經注云清
河又東北逕陵鄉西應劭曰東武城西南七十里
有陵鄉故縣後漢封太僕梁松爲侯國故世謂之
梁侯城也清河又東北逕東武城故縣城西史記
東昌府志勝入卷之五

趙公子勝以解邯鄲之功受封于此清河又東北
逕復陽縣故城西漢高祖七年封右司馬陳胥爲
侯國王莽更名之曰樂歲地理風俗記曰東武城
西北三十里有復陽亭故縣○志云一字河在縣
西小橋沙河在縣東南十五里又西北五里曰蔡
河又西北二十里曰黃蘆河又西北四十里曰五
溝河○隋書云武城崔儵與頓丘李若齊名一時
稱重故爲之語曰京師灼灼崔儵李若新唐書載
鄒鄒鄒鄒群皆兄弟行舉進士按今有崔家集相
傳文廟前是崔冢墓○志云孫伏伽墓在縣東北

三十里○元程思溫墓在縣境國子監虞集銘

濮州在府城西南二百里領縣三

晉之濮陽郡也漢武帝元封中以皇子允為濮陽王于此有南北濮水水經注云濮水又東分為三澗昔師延為紂作靡靡之樂紂滅師延投入于此水矣○郡國志云古比吾之舊壤顓頊遺墟故曰帝丘亦曰高丘春秋屬衛信三十一年衛遷都于帝丘者也莊十四年齊桓公會諸侯于鄆註云鄆衛地戰國屬齊威王九年趙伐我取鄆是矣漢為鄆城縣魏文帝以臨淮侯曹植為鄆城侯故城在東昌府志勝八卷之五 荃

州東二十里按隋時濮陽屬東郡鄆城屬鄆州所理不同至唐乾元始以濮州理鄆城 國朝仍省入○志云濮陽故城在州東南二十里有會臺即齊桓公再會于鄆處舊城東北有陳臺相傳曹子建築又謂之愁臺 國朝景泰二年以河患移治王村乃今理也○援神契曰舜生于姚墟應劭曰姚墟與雷澤相近山海經云雷澤有雷神龍首人頰鼓其腹則雷河圖曰巨人跡出雷澤華胥履之而生伏羲焉志云雷澤故城在州東南一百里今為雷澤鎮史記舜漁于雷澤耕于歷山鄭玄曰歷

東昌府志勝八卷之五 荃

山在河東應劭以為即雷澤中皇甫謐以在濟陽吳雷澤相次郡志以歷山在州東南七十里雷澤中有小山孤立峻上亭亭傑峙謂之歷山舊有再熟成都二鄉○寰宇記云雷澤本漢鄆陽縣地周武王封弟季戴為侯曰雷 孔子行于鄆之野見祭啟期被索而歌三 處也○述征記云鄆陽東南有堯母慶都 上有堯母祠綈墓有池池魚頭間生印謂之印類魚集古錄云堯陵在雷澤縣西三里自堯即位至永嘉三年二千七百二十一年記于碑唐貞觀中有詔禁芻牧春秋莫醉又有中山夫人廟在陵西五十步即堯之四妃也○重璧臺在故雷澤界穆天子傳天子遊至河濟盛君獻女為造重璧臺以處之是也○郡國志仲山公墓在雷澤西北一里墓前祠堂石室儼然若廟○臨濮故城在州南七十里其地有清丘高五丈春秋宣十二年晉人宋人衛人曹人同盟于清丘杜預注云在濮陽東南 水經注瓠子河出東郡濮陽縣北河北十里有瓠河口也禹貢雷夏既澤離沮會同爾雅曰水自河出為離許慎曰離者河離水也暨漢元光之年河水南決漂害居民

帝元封二年上使汲仁郭昌發卒數萬人塞瓠子
于是上自萬里沙還臨決河沈白馬玉璧令群臣
將軍以下皆負薪填決上悼功之不成乃作歌曰
瓠子決今將奈何殫爲河兮地不寧功無已時今
吾山平吾山平兮巨野溢魚沸鬱兮柏冬日正道
施兮離常流蛟龍騁兮放遠遊歸舊川兮神哉沛
不封禪兮安知外皇謂河伯兮何不仁泛濫不止
兮愁吾人鵲桑浮兮淮泗滿兮不返兮水惟緩一
曰河湯湯兮激潏潏北渡廻兮迅流難牽長菱兮
湛美玉墮竹林兮捷石菑宣防塞兮萬福來于是
東昌府志勝入卷之五

七

李塞瓠子口築宮于其上名曰宣房宮故亦謂瓠
子堰爲宣房堰焉平帝已後未及脩理河水東浸
日月彌廣永平十二年顯宗詔樂浪人王景治渠
築堤起自滎陽東至千乘一千餘里景乃防遏衝
要疏決壅積瓠子之水絕而不通惟溝渰存耳河
水舊東河逕濮陽城東北故衛侯子顓頊之墟昔
顓頊自窮桑徙此號曰高丘或謂之帝丘本陶唐
氏火正閼伯之所居亦夏伯昆吾之故都也殷之
相又都之故春秋傳曰閼伯居商丘相土因之衛
成公自楚丘遷焉秦始皇徙帝丘于野王置東

郡治濮陽縣濮水逕其南故曰濮陽也沛公軍濮
陽衆之以水張晏曰依河水自固近鹹陽倍十三
年夏會于鹹杜預曰東郡濮陽郡有咸城者也瓠
子故瀆又東逕桃城南傳曰分曹地自洮盡曹地
也今鄆城西南五十里有桃城或謂之洮矣瓠瀆
又東南逕清丘北宣十二年經書楚滅蕭晉人宋
衛曹同盟于清丘京相璠曰在今東郡濮陽縣東
南三十里魏都尉治○瓠河又左逕雷澤北其澤
數在大城陽縣故城西北一十餘里昔華胥履大
蹟于此其陂東西二十餘里南北一十五里舜所

七

東昌府志勝入卷之五
漁也澤之東南卽成陽縣史記武王封弟季戴于
成應劭曰其後乃遷于成之陽故曰成陽地理志
曰成陽有堯冢靈臺今成陽城西二里有堯陵陵
南一里有堯母慶都陵于城爲西南稱曰靈都鄉
曰崇仁邑號脩義皆止廟四周列水渾而不流水
澤通泉冬無耗竭至豐魚笱不敢採捕前並列碑
石枯柏數株檀馬成林二陵南北列馳道逕通堯
陵東城西北五十餘步中山夫人祠堯妃也石壁階
岸仍舊南西北三面長檉聯陰扶疎里餘祠南有
仲山甫冢冢西有石廟羊虎傾低破碎畧盡于城

爲西南在靈臺之東北口金石錄云堯碑漢建寧四年五月成陽令管遵立又竟陵北仲山甫墓南有伍員祠晉太安中建有一碑水興中立又云成陽寧臺碑漢建寧五年立成陽令唐君頌碑光和六年立廷尉仲定碑熹平元年立○注漢書應劭曰濮水發源陳留入于鉅野通畧云濮水自酸棗縣傍河東北過濮陽在今州東南三十里南華經莊子臨濮而釣卽此地也有釣臺今名蒲汀俗訛以爲嚴光釣臺非是○瓠子河以形似而名發源魏郡白馬此其下流也在州東南七十里據酈道

東昌府志勝人卷之五

九

元以卽河水所及入者志云黃河自州治東南三十里合瓠子河東北流入于會通河又有新黃河入焉 國朝正統十三年河決于滎澤東黑洋山山蒲經瀆四十里合黃河故道北入會通河○青山在州城東三十里山今已夷其下爲青山崗居民依焉東北岡阜連屬其口杏花岡者昔人嘗于此種杏遊賞競集故名曰項城阜者相傳卽劉項相持之處史記余二世元年項梁破章邯于東阿追至濮陽大破之因以此爲項城阜○胡柳陂在州東北二十里土阜相連五代史云後唐莊宗

與梁軍戰于胡柳陂周德威死之晉王收軍復戰大破之卽此地理志曰胡柳陂濮陽地名去陂西十里有馬軍寨土人訛其名爲黃柳陂云○唐高適同群公登濮陽聖佛寺閣詩落日登臨處悠然意不窮佛因初地識人覺四天空來鴈清霜後孤帆遠樹中徘徊傷寓目蕭索對寒風王維寄濮陽崔季重詩秋色有佳興况君池上閒悠悠西林下自識門前山千里橫黛色數畧出雲間曉峨對秦國合沓藏荆關殘雨斜日照夕嵐飛鳥還故人今尚爾嘆息此顏顏李群玉與濮陽夏侯吳三山人

東昌府志勝人卷之五

三

夜話云靜談雲壑趣高會兩三賢酒思彈琴夜茶芳向火天兔裘堆膝暖鳩杖倚牀偏各履池籠窄相看意浩然○州人李先芳伯承有別業在會臺西南海內名賢多所題詠伯承能詩在隆萬間與濟南李攀龍同郡謝榛稱七子

范縣

在州東北六十里

晉士會之邑漢爲縣曰范氏從其姓也孟子自范之齊卽此○水經云瓠子河又北過東郡范縣東北爲濟渠與將渠合酈道元註瓠河自運城東北逕范縣與濟濮故渠合故渠上承濟瀆于樊氏縣

北逕范縣左納瓠瀆故經有濟渠之稱又北與將渠受河于范縣西北東南逕秦亭南春秋莊三十二年書築臺于秦杜預釋地云范縣西北有秦亭也又東南逕范縣故城南王莽之建始矣漢興平中靳允爲范令曹人賊東征陶謙于徐州張邈迎呂布郡縣響應程昱說允曰君必固范我守東阿者也將渠又東會濟渠北逕范縣東瓠河之北卽原丘縣也王隱晉書地道記曰原丘者春秋之所謂齊邑矣實表東海者也竹書晉烈公十一年田悼子卒田布殺其大夫公孫遜遜以原丘叛于趙

東昌府志勝八卷之五

世

是也瓠河與濮水俱東流經所謂過原丘爲濮水矣縣南瓠北有羊角城魯襄公二十六年傳曰取晉羊角遂襲我高魚天大雨自竇入介其庫登其城尅而取之註疏今原丘縣所治原丘東北有故高魚城俗謂之交魚城○志云范士會墓在縣東三里舊城在東南二十五里隋時築國初河決徙今治○原丘城卽縣之義東保春秋齊烏餘以原丘叛三國志曹魏移兗州于原丘皆此地也晉地理志云原丘有春秋時羊角城亦曰義城以左桃羊角表石○魯西門在縣東北四十里舊有石

門高數尺舊記云此魯衛之郊也顧城在縣東五十里毛詩韋顧旣伐昆吾爰桀註云三國黨于桀故伐之矣張直宿顧城詩綠草展青桐樾影連春樹郊屋八九家農器六七具主人有好懷來未留我佳春酒新潑醅香美連糟濾一醉卧花陰明朝送君去按直五代時當縣人有墓在城南五十里史稱篤孝行通經術號遵達先生○元范括過廩丘詩一葉輕舟穩飄飄過廩丘櫓聲搖夜月漁火對殘秋古跡中都近風波昭代憂蘆花深處聽款乃幾曾休郭夢起過羊角城烈士昔曾寓仍高別

東昌府志勝八卷之五

世

代名燕臺亡駿馬淮海渡奔鯨併食良爲拙思賢恨未平城頭孤月在清夜對霜明○志云卧牛山在舊范縣西北三里鳳凰嶺在縣南三十里俱以形似而名○大潞潭在縣東南卽鉅野也水保河自開州來逕濮陽舊城入縣之竹口○閔損祠在衛河東南○范縣舊驛在尹鎮堡宋宣和中豫章李侗記

觀城縣在州西北七十五里

國語註曰觀國夏啟子太康之弟所封在衛縣漢書縣曰時觀後漢改時觀爲衛國隋開皇中改衛

國爲觀城○水經云浮水故瀆又東逕衛國邑註曰城北故衛公國漢光武以封周後浮水又東逕衛國縣故城南古觀應劭曰夏有觀危卽此城也竹書梁惠成王二年齊田壽率師伐趙圍觀觀浮水故瀆又東逕河牧城而東北出郡國志曰衛國姚姓有河牧城矣○寰宇記云敦丘在縣南二十里衛雅一城爲敦丘卽此又十里爲瓦屋城春秋隱八年會于瓦屋者也又三十里有牧鶴池相傳衛懿公養鶴處○新臺在縣東南八十五里毛詩序云新臺刺宣公也納伋之妻作新臺于河

東昌府志勝八卷之五

里

上而嬰之焉今在盧津關一名高陵關屬故臨黃縣界按臨黃漢縣以北臨黃溝而名溝水西自古澶州界流入側有山支水出焉東南入虎掌溝○志云古龍潭在縣東南有龍淵宮漢武帝河決時築相傳漢文帝后竇氏父微時嘗釣魚墜此淵死故有青山冢在縣南八里○唐李道墓在縣東十五里薛家屯祥道歷官金紫光祿大夫○五代周郭雀墓在縣北城下雀先爲大名節度使○魏長賢墓在故臨黃縣南十五里唐貞觀七年追贈定州刺史卽魏徵父也○宋畢士安墓在縣西南

二里士安爲吏部侍郎同平章事○元奉議大夫王國賓墓在縣東二里趙孟頫銘○選舉表邑人張祚爲三河興平教授以淹博稱纂古今雜著等書

朝城縣在州北九十里

衛之東鄙也漢設東武陽郡于此志云武河在縣城東十步是矣其後爲縣唐永昌中改曰武聖開元十年以縣東有古朝城因改今名○寰宇記云二賢祠在縣治內祀後漢東郡守臧洪及司馬陳容也洪爲袁紹所害容奮而起曰仁義豈有常蹈

東昌府志勝八卷之五

里

之則爲君子背之則爲小人紹亦害之故後並祠焉○志云馬頰河在縣西北金蓮陂在縣西寧國寺前卽渌水之源也以其種蓮花皆黃色故名又縣北于家舖東南有二大陂爲武水發源處今洞邑人謝註有武水脩楔序典雅流麗酷似六朝○冠石山在縣東南連亘百餘里○扁鵲墓在縣西與石燕井相近并在寧國寺前相傳陰雨時有石燕飛出○隋田真宅在西北七十里 國朝宣德二年田氏孫昇重建○德星堂在縣界唐宣宗以崔鄴一門孝友因賜此名○選舉表邑人張璠以

明經任六安州判工詩文守官繩直不屈

東昌府志勝八卷之五

望

青州府舊青州府領州一縣十三

周禮正東曰青州蓋以土居少陽其色青也周武王封太公望為齊國治營丘今昌樂縣是秦併天下因郡之漢分置北海治臨淄唐乾元間為平盧軍節度以盧河水與地平也 國朝設府仍古青州之名自南燕慕容德都廣固以來青州俱治今所○後漢孔融為北海相唐之李邕趙居貞實誠盈皆北海太守王師範為青州節度使宋之寇準富弼范仲淹歐陽脩趙抃俱知青州○文舉詩曰座上客常滿尊中酒不空當時號為孔北海○邕青州府志勝八卷之六 一
在唐時物望所宗亦號李北海有大雲寺禪院碑邕撰并書開元十一年四月立居貞有大雲寺投龍詩刻天寶十八年立誠盈與居貞為前後守其遺愛碑則徐浩八分書也師範雅重儒學聚書萬卷有萬卷樓在治內○富鄭公為青州守歲饑開倉和糴存活多人事聞于朝仁宗勅郡邑救荒以鄭為法後參大政州人因建富相亭在城西四里石子澗側○趙公杲直西門外木洋溪側出醴泉也人以范公目之燕談云環泉古木蒙密塵跡不到幽人遊客往往琴詩試茗其間有亭在泉上歐

陽脩蘇軾多所題咏○山齋在府治內歐陽脩題曰吾常喜誦常建詩云竹迤通幽處禪房花木深欲效其語作一聯久不可得乃知造意者爲難工也晚來青州始得山齋宴息因謂不意平生想見而不能道以言者乃爲已有了是蓋欲希其步屐竟爾莫獲一言夫前人爲開其端而物景又在其目然不得自稱其懷豈人才有限而不可強將吾老矣文思之衰邪滋爲終身之恨爾熙寧庚戌仲夏望日題○趙抃題山齋詩訟簡歲豐盈鈴齋竟日清窓掛群石惟蒼擁達山明古木風千葉新髭

青州府志勝入卷之六

二

雪數輩開樽向幽處餘論見交情○漢書齊俗織水純綺繡之物號爲冠帶衣履天下齊民要術云青州有樂氏東長肥香細多膏肥美爲天下第一傳聞樂氏破齊時從無地齋菜于此種故曰樂氏菜也○西陽雜俎云青州有劉燼草州人劉燼宋元嘉中射一鹿剖五臟以此草塞之蹶然而走燼密錄此草種之多主傷折呼爲劉燼草○六一集云紅絲石硯者君謨語余以此青州石也得之唐彥猷云須飲以水便是乃可用不然渴燥彥猷甚奇此硯以爲水壘下減端石云○夷堅志載有柿

根石昔青州燕氏大家也其所居堂後有大柿樹圍三丈許益百餘年之物崇寧三年冬寒甚水凍裂至根中有奇石長家丈紋理瑩然碧色可愛聞者爭視之○金石錄云漢逢章碑刻畫完好舊在濰州昌邑縣近歲移置郡中其文畧云童子諱盛安平君之孫五官掾之長子也年十有二歲在叶洽五月乙巳天閔精寢于是門生東武孫理下窬王升等共刊石敘述寸美以銘不朽云

益都縣附

漢廣縣後魏加岡字東漢侯國曰益都益與廣之

青州府志勝入卷之六

三

義通也三國魏置益都縣在壽光縣南南燕都廣岡因爲郡理郡之東城卽東陽城也劉宋將沈文裕所築一統志云廣縣在城南濰水側廣岡城在堯山之陽晉永嘉中東萊曹凝爲刺史時築有大澗甚廣因之以爲固矣十六國春秋燕慕容德議所建尚書潘聰曰青齊沃壤號爲東秦土方二千戶餘十萬可爲用武之國廣岡者山川險阻曹凝之所營也都之便德從之及宋武帝來征經時不拔議者以塞五龍口城始陷因廢廣岡而營東陽其地有陽水亦名澗水亦曰洋水流經廣岡東陽

之間東北流合灤水古謂灤水不冰瘦馬不渡指此十六國春秋云趙攻曹疑望氣者以爲灤水帶城非可卒拔也○南洋橋在城北水側宋米芾書會肇所撰記橋北有表海亭取太公以表東海爲名○陽水有二南陽水出縣西南二十五里之石營山以石色潤澤如膏也北陽水出縣西二十五里之九廻山俗名九危山二陽水俱流入城南北古老云南宋時遠望地中有水俱倒影人馬百物皆見影中積年乃滅謂之地鏡也○堯山在城西北八里伏蹠三齊記云堯巡狩所登也山南有二

青州府志勝入卷之六

四

水名東西丹水述征記云太公家在光山西按太公塋于周里人思其德以衣冠識之○水經注云濁水又東北流經堯山東從征記曰廣岡城北三里堯祠在山之左麓廟像東面華宇脩整帝圖巖傍軒冕之容穆然山頂舊亦有祠今毀磐石上有馬跡及刀劍之形尚逼真焉至于燕鋒代鏐魏缺齊銘與今劍莫殊以密模寫知爲人功所制矣西望胡公陵卽孫暢之所云青州刺史傅弘仁言得銅棺諱古處○志云雲門山在城南五里一名雲峯山山麓爲花林曠地多柿樹秋深霜葉紅

衍平鋪登山遠望如爛錦然其上名大雲頂中有通穴如門可容百餘人遠望若懸鏡有大雲寺寺內有丈八佛像設履撰碑八分書按後魏鄭道昭有登雲峯山石刻見趙明誠金石錄編上下卷唐趙居貞雲門山詩晚登雲門山直上一千尺絕頂彌派聳嵒途幾傾側前對劈裂峯下臨削成壁陽巖靈芝秀陰崖仙乳滴按劈裂峯與雲門山相連高插雲霄石壁自頂中開如斧劈狀南有八仙臺臺阿有皇化寺陰崖卽水簾洞也洞中有泉清冽常不枯傍有石牀石枕皆天成又有石盤臺唐景

青州府志勝入卷之六

五

雲二年景初陽梨嶺殿于陽八分書○水經注云陽水又東北流石井水注之水出南山頂洞開望之若門俗謂是山爲劈頭山其水北流注井井際廣城東側三萬積石高深一疋有餘長津激浪瀑布而下澎湃之音驚川聒谷澎湃之勢狀同洪井北流入陽水余生長東齊極遊其下于中關絕乃積綿載後因王事復出海岱郭金紫惠同石井賦詩言意彌日嬉娛尤慰羈心陽水又東逕故七級寺禪房南水北則長廡偏駕迴閣承阿林際則絕坐疏班錫鉢間設所謂脩脩釋子眇眇禪棲者也

按志七級寺在城西羅漢洞○太平御覽云齊國有山石穴如井深不可測春夏時畜從井出常敗五穀人以柴塞之不寒輒出因號爲柴都焉○香山在城東四十五里孤峯獨聳絕頂有泉冬夏不竭卽齊乘所謂嶼山也按齊城山勢俱帶西南東郊平原百餘里獨香山者童然孤特康浪發其南堯水逕其東元和志作箕山山南有龍女泉禱雨常應○七里河源出劈山陰崖間北流逕響水崖響水注焉巨浪洪濤聲聞數里北入于家河東北逕赤澗水又東北逕穆家莊與龍澗水合流龍澗

青州府志勝

卷之六

六

平地湧出早潦不加盈縮東北流入巨澗水一云此卽建德水也俗名七里河逕府城南折而東北入南陽水又城東十里有聖水祠祠前清泉二泓噴出流逕府城東北入南陽水○龍山在府城西二十里山若龍形故名天欲雨山頂雲結立澍又十五里爲二王山上有二王塚下有石羊社○朗公山在城西南四十里以昔朗公和尚所居其下有朗公洞○塚宅記云淳于亮家在縣之窩駝村我朝正德間塚內忽作牛鳴旬日乃止○蘇泰墓在縣東二十五里泰自燕奉齊齊大夫與泰爭寵

殺之葬此○臧武仲墓在城北四十里朱鹿社俗名臧臺高一丈餘水經注云澗水又東逕臧氏臺西○漢霍光墓在城東三十里之霍陵社又名霍林○漢高士逢萌避王莽亂隱居益都山中累徵不起有家曰高士家○鄭玄母家在城東四十里之鄭母店店名鄭母取此○廣記云宋孝武時青州人發古冢銘云青州世子東海女郎帝問學士鮑照徐爰輩並不能悉寔陵賈希鏡對曰此是司馬越女嫁荀晞兒簡訪果然由是見遇○齊華周杞梁宅在城西北十五里左傳襄二十三年杞梁

青州府志勝

卷之六

七

襲莒戰死齊君吊諸郊其妾曰殖免于罪有先人之敝廬在君無所辱命于是吊諸其室卽此謂矣○田文宅在城東宋爲龍興寺夏竦記曰此田文故宅也新話云青州龍興寺廡西有木臺懸二小鼓相傳寺乃孟嘗故宅鼓卽其所常擊以召食客者南壁上有詩云千載遺蹤號鼓樓不知誰是雍門周區區一飯徒爲爾惟有鳴雞社可前不載姓名舊志又載孟嘗食客處遺鐵鍋二可容三四石今在南陽村○劉善明宅在城南南史云善明仕宋爲北海太守元嘉年青州饑荒人相食善明家

有積粟開倉賑救鄉里多獲全濟因號其家爲續
命田所居適近澗水因謂之劉氏澗米澗云○宋
蘇丕試禮部不第隱居瀨水濱是不入城市者五
十載歐陽文忠爲丁朝賜號冲退處士○范氏昔
臺在城西顧神鎮之秋口文正公讀書于此或以
爲公之母再適宋氏所居公初名朱說爲兗州府
推官始更復姓名云一按顧神者以孝婦顧文姜
而名孝婦事始至孝感于神明有水生其室內卽
籠水也本鎮居民設機關以爲承磨其利甚溥尤
便于開歐陽水叔有水磨詩卽此○片泉在城西

八

青州府志勝入卷之六
南五十里中多片米元懷遠大將軍王英居其側
有片泉賦○青州縣經云北史載東魏張烈爲家
誠千餘言烈臨終敕子姓不聽求賻但勒家誠立
碣而已卒于元象年間碑字磨滅○又有東魏賈
思同碑思同與其兄思伯後魏書皆有傳云青州
益都人今其墓乃在壽光縣而思伯之碑亡可攷
者

臨淄縣

古臨淄城卽齊城也淄水在城南澗水在城北易
牙別二水之味卽此史記齊世家太公都營丘其

後懿公徙都臨淄漢紀項羽封卽都爲齊王高帝
六年封皇子肥爲齊王人能齊言者悉隨之皆此
地也○封禪書齊所以爲齊者以天齊也秦始皇
游海上祠八神其一曰天生祠天齊蘇林注云當
天中夾齊也天齊淵水居臨淄南野山下左思齊
縣賦云天齊之地因名國也志云縣東南十五里
石南郊山山麓平地五泉並出廣可半畝土人名
龍池池內曾浮出鐵瓦有天齊二字魏永平中
出水五齊天保中出水四皆五采國朝弘治辛
酉年又出香木二○徐幹齊都賦云齊國者玄龜

九

之精降爲厥野孟子齊莊獵之間註云國中市名
也漢地里志齊郡臨淄有服官齊俗織爲水素綺
繡純麗之物號爲冠帶水履天下○齊城門曰雍
門昔韓娥東至齊乏糧過雍門鬻歌于市卽此門
也故雍門人至今善歌哭効韓娥之遺聲也劉向
別錄云稷門齊城西門外有學堂卽宣王立學之
所故稱爲稷下學左傳昭二十二年莒子如齊盟
于稷門戰國策云談說之士會于稷下是矣按志
稷山在城西南十三里齊記補遺以上有后稷祠
故名稷門者以同當此山也○漢樂府諸葛亮梁

父吟云步出齊城門遙望蕩陰里里內有一墳
纍皆相似借問誰家墳田疆古冶子力能排南山
文能成地紀一朝被讒言二桃殺三士誰能爲此
謀相國齊晏子家宇記云三士墓在縣治南○郡
國志云齊桓公宮內有七井左傳文十八年閭職
與懿公遊于申池今謂之左右池也宣宮在城東
北六里齊宣王節孟子于宣宮卽此史記齊簡公
與婦人飲于桓臺志云在城東一里說苑楚使適
齊齊襄公饗之梧臺臺因梧樹建名今城西三里
有小阜卽梧臺基左傳昭二十年齊侯至自田晏

青州府志勝入卷之六

十

子對和同之辭于遯臺今城西二十里俗呼坎馬
臺是也又其地有葵丘臺左傳齊襄公使連稱管
至父戌葵丘杜注臨淄縣西地名○家宇記云縣
西二十里有愚公谷本名杜山說苑齊桓公入杜
山問老人愚谷公曰公儀狀非愚而名愚何也對
曰臣畜特牛生犢子以犢買駒少年謂牛不能生
馬遂持駒去而不告隣人謂臣曰愚管仲曰此夷
吾過也使堯在上咎繇爲理安有取人駒者乎今
杜山之西愚谷之東有愚公塚存又高士傳閻丘
先生不拜桓公之賜卽此山矣○隋圖經云齊桓

公家在縣南十里莞頭山一名鼎足山晉永嘉末
人發桓公冢得珠襦玉匣桓公塚傍有管仲墳名
管仲坡齊記補遺云齊頃公墓景公墓皆與桓公
冢相近又有四王墓在鼎足山之陰方墓同頂東
西直列乃齊威宣湣襄四王墓也又有女塚相傳
桓公女所葬女水出焉東北流至安平城南伏流
十五里北注陽水諺曰世治則女水流世亂則女
水竭卽此水也安平城在縣東十里齊封田單號
安平君卽此漢之東安平縣也內有石槽方廣四
尺許每注水一槽辟馬飲之不竭後有富室竊移

青州府志勝入卷之六

十

于家馬飲俱死因還故處遂呼爲石槽城又有西
安城漢西安縣設焉北涼時水後漢書耿弇討張
步謂西安小而堅乃此城也○家宇記云牛山在
縣南二十五里卽孟子謂牛山之木常美者韓詩
外傳齊景公遊于牛山之上北望齊國曰美哉國
乎贊贊蔥蔥使古而無死者則寡人將何去此俯
而泣下沾襟國子高子曰然臣賴君之賜蔬食惡
未可得而享也驚馬單車可得而乘也且猶不欲
死而况君乎又俯而泣晏子笑曰樂哉今日晏嬰
之遊也見惟君一諛臣二使古無死者則太公丁

公至今猶存吾君方將披萊豆而立誠祇惟農事之恤何暇念此乎景公慙乃引觴自罰山之西有素繻生終軍墓○寰宇記云縣有徂山即齊風云遭我乎徂之閒也又有几山昔黃帝封太山禪几山合符得不死即此山矣有箕山水經注云箕山無樹木而岡峭即齊都賦箕嶺鎮其左也紀侯塚在箕山之陰宋書以焦恭祭冢得玉磬焉又有神岳亦齊都賦所謂神岳造天矣○志云康浪水出縣西十里平地窳厥歌口康浪之水白石粲中有鯉魚長尺半康浪水北流與系水合系水出縣西

青州府志勝八卷之六

主

之申水一支西流者爲系水一支北流者爲澠水二水皆北流入于澠水時水一名耐水春秋襄三年齊盟于郕外是也源淺易涸故名乾時其水色黑俗名烏河去城西南二十五里續述征記云齊人謂湖爲泛烏常泛即烏河之源也中有臺多生結蒲故老云秦始皇遊此臺結蒲繫馬于此今蒲生皆結○書邑水在縣西北二十里有書邑城書二作畫亦名澠水孟子去齊宿于畫史記樂毅破齊問畫邑人王蠋賢而禮之者○志云齊陽朋墓在縣東北七里鄉行墓在邑南衍稷下之辯者

杞梁墓在縣東三里葉吉之役杞梁死焉其妻迎柩而哭之遂坐于此○水經曰澠水又東北過臨淄縣東注云澠水自山東北流逕牛山西又東逕臨淄縣故城南東得天齊水口永出南郊山下謂之天齊淵五泉並出南北三百步廣十步山即牛山徐幹齊都賦曰牛嶺鎮其南者也澠水又東北逕蕩陰里西水東有墓三墳東西八十步是烈士公孫接田開疆古冶子之墳也晏子惡其勇而無禮投桃以斃之宛莖陽里即此澠水又北逕其城東城臨淄水故曰臨淄王莽之齊陵縣也爾

青州府志勝八卷之六

主

雅曰水出其前左爲營丘武王以其地封太公望賜之以四履都營丘爲齊或以爲都營陵史記周成王封師尚父于營丘東就國道宿行遲萊侯與之爭逆旅之人曰吾聞時難得而易失客寢安殆非就封者也太公聞之夜衣而行至營丘陵亦丘也獻公自營丘徙臨淄余按營陵城南無水惟城北有一水世謂之白狼水西出丹山東北流出爲雅出前左之文不得以爲營丘矣營丘者山名也詩所謂子之營兮遭我乎徂之閒今臨淄城中丘在小城內周迴三百步高九丈北降丈五淄

水出其前故有營丘之名與爾雅相符是以晏子
言始與鳩氏居之逢伯陵居之太公居之又曰先
君太公築營之丘季札觀風聞齊音曰泱泱乎大
風也哉未東海者其太公乎田巴入齊過淄自鏡
郭景純言齊之營自淄水逕其南及東也非營陵
明矣獻公之徙其猶晉氏深翼居終非謂自營陵
而之也其外郭即獻公所徙臨淄城也世謂之虜
城言齊將王伐燕燕王喻妃虜其民實居郭因以
名之秦始皇滅齊爲郡治此王莽更名濟南也戰
國策曰田單爲齊相臨淄水有老人涉淄而出不
青州府志勝入卷之六

古

能行坐沙中單乃解茶于斯水之上淄水又東女
水注之女水出東安平縣之蛇頭上從征記曰水
西有桓公冢其高大方七十餘丈高四丈圍墳圍
二十餘丈高七丈餘一墓方七丈二墳安設曰依
陵記非葬禮如承世故與其母同墓而異墳伏琛
所未詳也冢東山下女水原有桓公祠其祠魏武
王所奏立曰近日路次齊郊瞻望桓公墳壘在南
山之阿請立祀爲堞然之主郭緣生述征記曰齊
桓公冢在齊城南二十里因山爲墳冢東有女
水或云齊桓公女冢在其上故以名水也女水道

川東北流其有神焉化隆則水生政薄則津竭燕
建平六年水忽暴竭玄明惡之寢病而亡燕太上
四年女水又竭慕容超惡之燕祚遂淪女水東北
流逕東安平縣故城南續述征記曰女水至安平
城南伏流十五里然後更流注北陽水城故鄆亭
也春秋莊三年紀季以鄆入于齊公羊曰季者何
紀侯弟也賢其服罪請鄆以奉五祀田成子單之
故邑也後以爲縣博陵有安平故此知東世祖建
武七年封蓆川王子茂爲侯國又逕安平城東東
北逕塋丘東東北入淀地理志曰龜頭山女水所
青州府志勝入卷之六

圭

出東北至臨淄入巨淀又北爲馬車漬北合淄水
又北時澠之水注之時水出齊城西南北二十五
里平地出泉卽彤水也亦謂之源水因水色黑俗
又目之爲黑水西北逕黃山東又北歷愚山山東
有愚公冢時水又屈而逕杜山北有愚公谷齊桓
公時公隱于溪隣有認其駒者公以與之山卽杜
山之通阜以其人狀愚故謂之愚公故山水有石
梁亦謂之石梁水又有澁水注之水出時水東去
臨淄城十八里所謂澁中也俗以澁水爲宿留水
西北入于時水孟子去齊三宿而後出澁故世以

此而變水名也水南山西有王城舊昔樂毅伐齊賢而封之歌不受自縊而死水側有田引水溉田尚有時水又西北逕西安縣故城南本渠也齊大夫疆原之邑矣王莽更之曰東寧時水又西至石洋堰分爲二水謂之石洋口枝津西北至梁鄒入泲時水又北逕西安城西又北京水系水注之水出齊城西南世謂之冥泉也東北流直申門西京相璠杜預並言申門卽齊城南向西第一門矣爲申池昔齊懿公遊焉酈闔職二人害公于竹中左思齊都賦注申池在海濱齊較也余按襄十八

青州府志勝不卷之六

去

年晉伐齊戊戌伐雖門之狄已亥焚雍門壬寅焚東北二郭甲辰東伐及沂而不言北掠于海且晉獻子尚不辭死以逞志何容對仇敵而不徵暴草木于海隅乎又炎夏火流非遠遊之辰懿公見弑盡是白龍魚豢困于近郊矣左氏捨近遺遠考古非議杜預泛言有推據耳系水傍城北流逕陽門西水次有故封處所謂齊之稷下也當戰國之時以齊宣王喜文學遊說之士鄉行淳于髡田騭接子慎到之徒七十六人皆賜列第爲上大夫不治而論議是以齊稷下學士復盛且數百十人劉向

別錄以稷爲齊城門名也鄭玄曰張逸問贊云武先師棘下生何時人玄答云齊田氏時善學者所舍處也齊人號之棘下生無常人也余按左傳莒子如齊盟于稷門之外漢以叔孫通爲博士號稷嗣君史記音義曰欲以繼蹤齊稷下之風也然棘下又是齊城內地名左傳定八年陽虎劫公伐孟氏入自上東門戰于南門之內又戰于棘下者也城內有故臺有營丘有故景王祠卽朱虛侯章廟矣晉起居注云齊有大蛇長三百步負小蛇長百餘步逕于市中市人悉觀自北門所入處也北門

青州府志勝不卷之六

去

外東北二百步有齊相晏嬰家宅左傳晏子之宅近市景公欲易之而嬰弗更爲誡曰吾生則近市死豈易志乃築故宅後人名之曰清節里系水又北逕臨淄城西門北而西流逕梧宮南昔楚使聘齊齊王饗之梧宮卽是宮矣其地猶名梧臺里臺甚高層秀東西一百餘步南北如誠卽古梧宮之臺臺東卽闕子所謂宋愚人得燕石處臺西有石柱碑漢靈帝熹平五年立其題云梧臺里系水又西逕葵丘北春秋莊八年襄公使連稱管至父戌此京相璠曰齊西五十里有葵丘地又倍九年齊

桓會諸侯于葵丘宰孔曰齊侯不務脩德而勤遠略明葵丘不在齊也引胡廣註葵丘山陽西北葵城宜在此非也余原左傳連稱管至父之戍葵丘以承時而往還及則請代弗許將為齊亂故令無寵之妹候公子宮因無知之緇遂害襄公若出遠無代寧得謀及婦人而為公室之亂乎是以杜預注于臨淄西不得捨近而託遠矣○文獻通攷李叔集四十五卷其過臨淄絕句云擊鼓吹竽七百年臨淄城闕尚依然如今只有耕耘者曾得當時九府錢文叔李易安父也易安字清照能詩嫁青州府志勝八卷之六

大

趙明誠明誠著有金石錄三十卷易安為後序○金石錄跋齊錄銘云宣和五年青州臨淄縣民于齊故城耕地得古器物數十種其間有鐘十枚款識尤奇多者幾五百字今世所見鐘鼎文之多未有踰此者其銘曰惟王五月辰在戊寅師于淄墮公曰汝及余經乃先祖余既數乃心汝小心畏忌汝不墜夙夜官執而政事余命汝政于朕三年肅成朕師襍之政德諫罰朕庶民左右母諱及不敢弗敬戒虔卹乃死事穆和三錫休命公曰及汝康能乃有爭率乃敵僚余用登純厚乃命汝及母曰

余小子汝數余于艱阻度卹不易左右余一人余命汝城差正饗繼于外內之事中敷溫刑汝以敷戒公家應卹余于命刻伐履司敗乃靈師保少臣惟輔咸有九處禹之都不顯穆公之孫其配墩公之妣而餓公之女零生叔星于齊侯之所是小心共齊靈乃考虎謹恪其故事有共于桓武靈公之所桓武靈公錫乃吉金鑄玄鉞鑒鍾乃用作鑄其實鐘用享于其皇祖皇妣皇母皇考用祈眉壽令命難老不顯皇祖其福元孫其萬福純魯和協而九事畏若鐘鍾內斷辟都俞造而屏臬

青州府志勝八卷之六

无

母或承顏○金石錄又云元祐間臨淄縣民于齊故城掘得數器宋穆公孫盤銘其一也藏趙元者家驗其文益送女器○文獻通攷載周越書苑生五卷陳振孫曰主客郎中臨淄周越與其兄起鑒有書名起書未見越書間有之天聖八年四月奏御

博興縣

在縣城北百二十里

周薄姑地漢博昌縣也應劭曰昌水出東萊昌陽縣道遠不至取其嘉名闕駟曰縣勢平博故曰博昌矣五代後唐避諱因改今名○志云古博昌城

在縣東十五里漢屬千乘郡後改千乘爲樂安國
縣因屬焉樂安故城在縣東南界唐駱賓王與博
昌父老書聞移縣就樂安故城解字邑居成徙其
地里閭阡陌徒有其名荒徑三秋蔓草滋下舊館
顏塘四望拱本多手故人嗟予仙鶴來歸遼東之
城郭猶是靈烏代謝漢南之陵谷已非昔昔先君
出宰斯邑清芬雖遠遺愛猶存延首城池何心天
地雖則山河四望足稱無棟之墟松楸千秋有切
惟桑之里故每懷宿昔尚想經過于役不遑興言
徒擁耆矣○京相璠曰博昌縣南近澠水水側有

青州府志勝

卷之六

壬

地名貝丘在齊郡西北四十里春秋莊八年齊侯
田于貝丘見公子彭生豕立而泣齊侯墜車傷足
于是處也澠水又西北入時水從征記曰水出臨
淄縣北逕樂安博昌南界西入時水自下通謂之
澠水昭十二年晉侯與齊侯宴齊侯曰有酒如澠
喻此水也杜註澠水出齊國臨淄縣北入時水時
水又逕薄姑城北纂宇記云薄姑城在縣東十五
里齊之舊都也少皞有爽鳩氏虞夏有季荊湯時
有逢公伯陵殷木有薄姑氏居之周初作亂爲成
王所滅以賜太公其後四世孫胡公徙居于此○

志云故利城在縣東南四十里漢齊郡之利縣也
東漢屬樂安國旋廢水經注云濟水又東北過利
縣西王莽之利治也又東北逕爲淵渚謂之平州
宣元年公舍齊侯于平州杜註平州在泰山牟縣
西今涇沃側有平安故城 國朝宗侯謀瑞箋曰
涇沃縣名屬千乘郡而平安縣在其次王莽曰鴻
陸也應劭曰博昌西南三十里有安平亭故縣也
世尚存平州之名矣濟水又東北逕高昌縣故城
西地里志曰千乘郡有高昌縣宣帝地節四年封
董忠爲侯國世謂之馬昌城非也濟水又東北至

青州府志勝

卷之六

丑

甲下邑南東歷琅槐縣故城北地理風俗記曰博
昌東北八十里有琅槐鄉故縣也山海經曰濟水
絕鉅野注渤海入濟琅槐東北者也又東北河水
枝津注之水經以爲入河恐非斯乃河水注濟非
濟入河矣濟水又東北入海郭景純曰濟自榮陽
至樂安博昌入海者也○纂宇記云濟水北去縣
百步東北流入海其入海水口謂之海浦在縣東
北二百里形勝記云治居陽明之處沙河流遶其
左又謂之沙浦○縣東南隅有錦秋亭取蘇子瞻
詩霜風吹綠錦萬頃水雲秋之句也記畧云博興

襄水所諸爲馬車漚以入海地勢宛在水申故取
披詩以額之○按濟水今小清河是時水今烏河
是俗名綠水卽淄水又漢稱淡水卽澠水也水經
注云淄水入馬車漚亂流東北逕馬井城北與時
澠之水互受通稱故記稱衆水所諸以此又其地
名皮丘沈近海晏誤伏際垂言淄繩之水合于皮
丘者也

臨朐縣在府城東南
四十五里

朐山在東南二里又名覆釜山朐水出焉漢臨朐
縣以此名金石錄漢臨朐長官碑碑編二百二十
青州府志勝入卷之六

○志云逢山在城西二十五里其山峭絕惟一徑
可通有泉出巖竇其潔異常宋末避兵者多所獲
濟山麓有殷諸侯逢伯陵祠述征記曰逢山有石
鼓齊地將亂鼓自鳴聞數十里按隋開皇初設逢
山縣以此大業二年復爲臨朐○石溝水出逢山
陰東北流二里合淄水委粟山在縣東北三里卽
淄水之西源也孤阜秀立形若委粟故名○靈山
在縣東北四十里晏子春秋齊早景公問群臣曰
上果在高山廣澤寡人欲祀靈山可乎晏子曰靈
山以石爲身以草木爲毛髮天久不雨髮將焦枯

身將焚猶不欲雨乎祠之何益志云靈山傍有九
山一名丹山丹河白狼河皆源于此大紀云軒轅
征不道東至海登九山卽此○統志云仰天山在
縣西南七十里上有黑龍水簾羅漢諸洞洞內有
石羅漢石佛千餘鐵佛二相傳宋太祖微時嘗遊
息焉金完顏沒里也游仰天山記畧云自臨朐歷
五井而西捨車山行如在錦屏間者二十餘里登
高俯深野芳夾路觸目可佳比至招提曳杖履披
薰風陰嘉樹禮大士相謁豐濟祠探黑龍淵息白
雲洞聽水簾之潺湲望陂門之屹礫凡足跡可到
者皆周行而歷覽之按志仰天山之阿有寺名仰
天寺寺側有小巖洞藏山腰歷側徑里許穿一穴
乃可達洞高深不踰尋丈壁有石大視兩掌其光
可以鑑寺僧云每月明則山簾草樹咸在鑑中有
羅漢洞洞隙通處可以望天曰仰天槽有黑龍淵
每遇霖潦巖壑水溢咸灌于淵潞于槽浸潰而下
若漏天然洞極寬廣長七八丈許其南壁一孔杳
不可測雖炎蒸之候寒氣逼人莫能久佇相傳有
龍潛能興雲雨宋碑云元符三年勅額靈澤廟崇
寧五年封豐濟侯山陰有水簾洞深可數丈泉源

深遠潛通佛剎前泉井自洞口出者流而爲河經
辛莊諸社入石溝水○志云大峴山在東南一百
里劉宋武帝伐南燕度大峴卽此山也道徑危惡
一名破車峴高七十大周廻二十里有穆陵關
○志云沂山在東南百二十五里瀾水出其西麓
名巨洋水國語謂之具水袁宏謂之具昧王韶
以爲巨裂或曰胸瀾或曰沐水實一水也又云汶
水出其東麓入安山界○志云白丈崖在沂山東
鎮廟西壁立萬仞形如斧削有泉自山巔而下凝
若飛雨曰瀑布泉宛若虛空之勝尚書稱宇家百
青州府志勝入卷之六 西

丈崖大字刻于巖壁又題詩云匡廬瀑布天下知
沂山隱在齊東隅丹崖斗絕三百丈宛如白龍身
倒垂層巒曲澗何逶迤松蘿陰濕苔蘚滋古今游
人到絕少誰復表此山川奇平生溪山頗登涉如
此名泉初見之徘徊盡日不忍去似覺巖壑生春
姿○寰宇記云縣爲齊伯氏駢邑之地有過亭在
縣南卽過臺也都昌故城漢縣在今縣東北又東
陽城一名凡城左氏襄二年晏勞城東陽以逼萊
○志云齊境上邑○寰宇云朱虛故城在縣東六十
里古城是漢惠帝二年封齊悼惠王子章爲侯國

後漢孔融爲黃巾賊所敗曾保此城管寧墓郅原
墓在其城外二君皆朱虛人也十三州志云朱虛
城東十三里有校亭漢縣武帝封城陽頃王子雲
爲校亭侯于此又封菑川懿王子始昌爲臨原侯
後漢省入朱虛城在縣泉○水經注云巨洋水自
朱虛北入臨朐縣東治泉木注之水出西溪飛泉
側瀨千竅坎之下源麓之上有一祀日之爲治泉
祀按廣雅金神謂之清明斯地蓋古治官所在故
水取稱焉木色澄明而清冷特異淵無潛石淺鏡
沙文中石古壇參差相對後人復加功飾以爲嬉
遊之處南北遶岸凌空疎木交合先公以太和中
作鎮海岱余總角之年持節東州至若炎夏火流
間居倦想提琴命友嬉娛永日桂楫尋波輕林委
浪琴歌既洽權情亦暢是焉棲寄實可憑矜少東
有一湖佳饒鮮荷匪直芳濟乃藥實亦潔並飛鱗
其水東北流入巨洋謂之熏冶泉又逕臨朐縣故

城東城古伯氏駢邑也漢武帝元朔二年封菑川
懿王子奴爲侯國其城上下泚水悉是劉武皇北
伐廣固營壘所在矣巨洋又東北逕委粟山東又
東北洋水注之水西出石甯山西北石澗口東南

逕逢山祠西洋水又南東歷逢山下卽石齋山也麓三成壁立直上山上有石鼓鳴則年凶郭綠生迹征記曰逢山在廣固南三十里有祠并石鼓濟地將亂石人輒打石鼓聞數十里洋水歷其陰而東北流世謂之石溝水東北流出于委粟山北而東注于巨洋謂之石溝口春夏水泛川濶無輟亦或謂之爲龍泉水地理志石齋山洋水是出也今于此縣惟是漚當之似符群證矣巨洋又東北得邳泉口泉源西出乎地東流注于巨洋巨洋又北會建德水水西發逢出卒東流入巨洋○水經又青州府志勝入卷之六

共

云汶水出朱虛縣泰山山上有長城西接岱山東連邳邪千有餘里蓋田氏之所造也竹書紀年梁惠成王二十年齊築防以爲長城竹書又云晉烈公十二年王命韓宣子趙烈侯及我師伐齊入長城是矣伏琛晏謨並言水出縣東南嶧山山在小泰山東者也汶水又東北逕管寧家東故晏謨言柴阜西南有魏獨行君子管寧墓墓前有碑又東北逕柴阜山北山之東有徵士邴原冢碑誌存焉汶水又東北逕漢青州刺史孫嵩墓西有古碑碣○志云李靖讀書臺在縣南一百里相傳唐太宗

征遼左時靖于此閱司馬法今爲書堂社

安丘縣在縣東二百里

卽莒萊丘亭也漢縣之志云萊丘亭在縣南一里春秋莒人公萊丘所築今萊丘驛卽其地○縣西南十里有安丘城漢縣屬高密國寰宇記云安丘城今縣外城是也又十二里有牟鄉城古根牟國有晏公堂卽齊相晏嬰休沐之所春秋昭八年莒于紅自根牟至于商衛莒車千乘杜註根牟魯東界琅邪陽都縣有牟鄉○縣西南六十里有郛城青州府志勝入卷之六

莊元年齊遷紀郛郛郛者也註云朱虛縣東南郛城是後魏于此置平昌郡治平昌縣隋大業年改爲郛城縣尋廢漢書文帝十六年以齊悼惠王子平昌侯卬爲膠西王卽此按當縣唐乾元中改爲輔唐縣晉天福中改輔唐爲膠西以此名矣因避國諱復爲安丘○金石錄云齊侯盤銘政和丙申歲安丘縣民發地得二器其一此盤其一盂也驗其文蓋齊侯爲楚女作○郡國志云平昌城內有臺高六丈臺上有井井與荆水通失物于井或得之荆水云有神龍出入其中三齊畧記云桓公掘

涪水入荆水灌田數萬頃今尚有餘堰田畦
畛存焉荆水亦即龍臺水也○郡國志云郿縣石
泉縣淳于縣成鄉縣皆漢設與郿城近注水經曰
瀨水東自高密縣界流入石泉城西觀郿即武帝
封蒲川靖王子成爲侯○按志在縣南界淳于
在東北界成鄉舊屬北海國王莽改曰石樂在縣
北界俱詳東萊輅王崤山在縣東北四十里俗以
其形崎然而登故名兩羅山在縣西六十里上有
雲氣羅布天必雨以爲常驗○縣西四十里有沸
泉泉出如沸不絕東流入靈河又縣南四十里有

青州府志勝

卷之六

文

電泉泉從石函中出類如大珠綿綿不絕東北流
入瀰水○塚宅記云漢孫嵩慕魏王脩慕俱在城
南四十里後漢書嵩字賓石趙岐逃難自匿姓名
賣餅北海市中嵩見岐察非常人呼與共載岐懼
失色嵩曰視子非賣餅者不有重怨卽亡命乎我
北海孫賓石也闔門百口勢能救濟遂以俱歸先
入白母曰出行乃得死友藏複壁中岐得出薦嵩
爲青州刺史魏書脩字叔治以慈孝表後人傳其
壙處曰慈阜○管公都在縣西南四十五里魏管
寧字子此蘇子由集云余自龍川歸有三年杜門

幽居無以自適稍取舊書閱之將求古人而
之友益于三國得一馬曰管幼安益幼安少而遭
亂渡海居遼東三十七年而歸結于田廬不仕朝
命年八十有四而沒功業不加于人而余獨何
焉取其明于知時而審于處已云爾舊史言幼安
雖老不病者早帽布襦袴布裙宅後數十步有
水夏暑策杖臨水盥手足行園圃歲時祀其先人
絮帽布單衣薦饋跪拜成禮余欲使畫工以意
寫畫之昔李公麟畫畫有顧陸遺思今公麟死久
矣恨莫能成吾意者姑爲之贊曰幼安之賢無以
過人余獨何以爲賢賢其明于知時審于處已以
能自全幼安之老歸自海東一畝之宮閑不求通
白帽布裙舞雩而風四時蒸餽莫必躬八十有
四蟬蛻而終少非漢人老非魏人○以命之天之
逸民○水經注云汶水又東逕安山故城北漢
高帝八年封將軍張敖爲侯國○志曰王莽之
誅鄧矣孟康曰今渠丘亭舊渠丘城是也城對牟
山山之西南有孫賓碩兄弟墓碑誌並在汶水又
北過淳于縣西又東北入于縣故夏后氏之斟灌
國也周武王以封淳于公號曰淳于國其城東北

青州府志勝

卷之六

文

兩川交會益瀕汶也。離水又北左會汶水北。逕城亭西。又東北逕密鄉亭西。郡國志曰：淳于縣有密鄉，皆北海之屬縣也。又北逕平昌縣故城。東，別水注之。水出縣南，荆山阜東北流，逕平昌縣故城。東漢文帝封齊悼惠王肥子水爲侯國，城東南角有亭，世謂之龍臺城。別水又東北流，注于離水。又北，治水注之。治水又東北逕平昌縣故城北。古竭此水以溢溉田。南注荆水，治水又東北流而注于離水也。志云：都亭在廢郛城西，治水逕其城下。唐元結稱爲治翁，以此。○金石錄云：東魏膠州刺史

青州府志勝入卷之六

世

世

祖淮平昌安丘人，豫州刺史，遜之六世孫也。卒贈膠州刺史。有碑，天平三年十月立。

高苑縣

任縣城西北五十里

古苑地，漢縣之劉宋之長樂縣。隋初之會城縣也。長樂者以樂安郡而名。縣初屬千乘，而後改屬樂安也。郡國志云：此縣兼有漢千乘國地，是矣。千乘故城在今縣南二十五里，基址尚存。今城者以縣東北有高會故城，大業中始復高苑之號。○志云：馬廐灣在縣東南，舊傳桓公牧馬之地。狄賊在縣西北一里，史記田單攻狄三月不下，卽此秦之

狄縣漢之臨齊也。再一里爲魯仲連墓。○注水經云：時水西逕東高苑城中，俗人退令側城南注，故又屈其城南。南史記：漢文帝十五年，外齊爲膠西王國都，高苑徐廣音義曰：樂安有高苑城，故俗謂之東苑也。其水又北注故瀆，又西益野溝，水注之源，逕延鄉城東北平地，出泉西北逕延鄉城北。地理志曰：千乘有延鄉縣，世人謂故城爲從城，延從字相似，讀隨字改所未詳矣。西北流，世謂之益野溝。又西北流逕高苑縣北，注時水。時水又西逕西高苑縣故城南。漢高帝六年封內，僞爲侯國王莽之

青州府志勝入卷之六

世

世

常鄉也。其水側城西注京相璠曰：今樂安博昌縣南界有時水，西通濟，其上游出盤陽北至高苑下，有死時中，無水春秋之乾時也。○寰宇記云：濟水西南自鄒平縣界流入經縣北七十步有濟陽故城。唐景龍年析置以在濟水之北而名，尋廢還高苑。故城在縣北九十里。○唐高苑令劉敬和遇歲饑，卽擅開倉賑濟，民得全活，歌曰：高苑之樹枯已榮，淄川之水渾已澄。鄒邑之民什已行，益敬和亦嘗爲鄒淄二縣令云。○西陽雜俎：平原高苑城東有漁津，相傳魏平原潘府君字惠延，自白馬登舟

之郡手中弄藥墜于水中囊有鍾乳一兩在郡三年濟水泛溢有一魚長三丈廣五尺剝其腹中得墜水之囊金針尚在鍾乳消盡其魚得脂數十斛時人異之○鳳停臺在縣北二十五里有宋元豐間碑云鳳凰停此三日始去

樂安縣在府城東九十里

卽古廣饒城也漢置縣屬千乘郡隋初移千乘縣于此因省入唐改置萊州州廢仍爲縣樂安者以魯屬樂安國而名也後漢陳蕃爲樂安守特設一榻以待周珍去卽收之未嘗濫及他客時青州刺史青州府志勝入卷之六世

史李膺嚴重各屬望風引去惟蕃以清績見留○寰宇記云青丘在縣境內齊景公有馬千駟畋于青丘是也○溜水東去縣二十八里相寢臺下齊景公與晏子游于少海登相寢之臺而望其國俗謂之桓公臺以桓公會盟于此○水經注云溜水又東北逕廣饒縣故城南漢武帝元鼎中封菑川靖王子國爲侯溜水又東北馬車瀆水注之首受巨淀淀卽濁水所注也時水又東北逕廣饒縣故城北東北入溜水○志云溜水在城南二十里黃丘之東又十里逕朱家道口北入海又城東二十

里溜河舖東南有澱水卽清水泊也女水東北來注之又城西南二十里有萊水河城東南二十五里有巨洋水城北六十里有支派溝皆同溜水以入于海○塚廟記云八博士墓在縣西八里自歐陽生事伏生受尚書至欲八世皆爲博士故名兒寬家在博士墓傍○唐建中初樂安任頊者讀書深山中忽有一黃衣翁扣門而告之曰吾龍也西去此一里有土湫家之數百歲矣明日當有道士用術竭我湫水願子人呼天有命殺黃龍者死再竭再呼則無事矣如期往果見一道士長可丈餘

青州府志勝入卷之六

世

乘片雲自西來立湫岸出墨符數道投湫水中頃之水盡涸見一黃龍困沙中頊如命呼之湫水盡溢如是者三是夕夢老人來謝曰無以報德謹奉一珠于湫岸幸取之頊往果得徑寸珠光色洞徹後持至廣陵市有胡人見之拜曰此真驪龍寶也世人莫可得以錢數十萬售之○城西廢井有毒蛇氣所中輒殺人忽或時出道上邀犬豕食之市里驚奔以爲神肅信公至郡蛇不敢出公蒲秩去裁三日復出爲患民迫公不可返得其衣履爲位設而拜之蛇復不敢出衆乃持弓矛往塞其井覆

以大石封土于上就其傍立公廟祀之此二則見宣室志

壽光縣在府城北九十里

漢縣也古斟灌城亦名東壽光左傳寒浞使其子過流滅斟灌註云斟灌禹後今灌亭是也故斟城在縣東四十里一名斟亭城志云縣南十里之益城漢益縣寰宇記以爲魏益都城非也俗訛爲赤烏城縣東北二十里有牟城春秋牟子國周封之于齊齊人忌其近臨淄遂遷牟子于牟平縣西二十里有豐城晉司馬懿伐公孫淵徙豐人于此

青州府志勝八卷之六

註

縣西南三十里之紀城古紀國姜姓也城內有臺號曰紀臺傍有劇南城漢北海御劇縣也故址俱存○暇亭在縣治內元令王玠築熙熙臺在北城上城西北五里有清水泊漢志之巨淀也二丹水澠淄水二岳龍水俱會于此入海○縣圖經東丹河出昌樂縣之方山西丹河出臨朐縣之丹山俱西北流入縣界澠淄水西自千乘縣來注之東在龍水出縣西十二里俗名北夾河又曰里爲西龍水俗名南夾河分流至羅橋乃合而注于海○水經注云巨洋水又東北逕壽光縣故城西王莽

青州府志勝八卷之六

註

之翼平亭也漢光武建武二年封更始子鯉爲侯國城之西南水東有孔子石室故廟堂也中有孔子像弟子問經既無碑誌未詳所立巨洋水又東北流堯水注之木出劇縣南有崩山卽故義山也俗人以其山角若崩狀因名爲角崩山亦名爲角林山皆音譌也水卽乳水矣地理志曰劇縣有義山澠水所出是也堯水又東北逕東西壽光二城間應劭曰壽光縣有灌亭杜預曰在縣東南斟灌國也又云太康君斟尋葬亦居之桀又居之尚書序曰太康失國兄弟五人徙于洛汭此卽太康之所居也巨洋水又東北逕益縣故城東王莽更名滌湯晏謨口南去齊城五十里司馬宣王伐公孫淵北徙豐人住于此城遂改名爲南豐城又東北積而爲澶枝津出焉謂之百尺溝西北流逕北益都城也漢武帝元朔三年封菑川懿王子胡爲侯國又西北流而注于巨淀巨洋水又東北合康浪水水發縣西南嶼山無事樹木而圓崎孤峙巖屹分立界于臨淄巨洋水又東北逕劇縣故城西古紀國春秋莊四年紀侯不能下齊以與弟季大去其國達齊難也後改曰劇故魯邈子之

辭者也漢文帝十八年別爲菑川國後併北海漢武元朔二年封菑川懿王子錯爲侯國城北側有故臺臺西有方池昔狄介破張步于臨淄追至巨洋水上僞尸相屬卽是水矣巨洋又東北逕晉龍驤將軍幽州刺史荀問渾泉東而東北流沙墓側有一墳甚高大時人感謂之馬陵而不知誰之丘也○志云馬陵臺在縣南四十里亦曰臧臺舊有宋碑云是臧武仲之墓按左傳襄二十三年臧紇致防而奔齊昭十年平子伐莒武仲在齊聞之曰周公其不享魯祭乎是時武仲客齊已十餘年矣其終不歸魯而卒葬于齊也○縣東北四十里有望海臺相傳秦始皇所築俗名黑塚其水曰黑塚泊流十里入巨洋水○縣西北三十里有鳳凰臺宋天聖間有鳳凰至此因築臺金末安二年碑刻存卽古平望亭也平望亦漢縣見伏琛齊記今俱廢○縣西北有倉頡臺水經注謂孔子問經石室處集古錄云倉頡石室記二十八字在北海倉頡墓中土人呼爲藏書室周時無人識之至秦李斯始識八字曰上天作命皇帝辟迭王漢叔孫通識十三字登孔子至齊亦嘗訪焉故有問經之目

青州府志勝入卷之六

世

耶○按耆老傳云此地有十城九臺皆樹亭與觀之區也

昌樂縣在府城東七十里

古營丘地史記太公封營丘漢志爲營陵縣應劭註曰尚父所封陵亦丘也一統志云縣東南五十里有營丘社卽太公受封之地○孟子曰伯夷避紂居東海之濱志以縣東十里孤山當之其山峯巒峭拔高插雲霄碗河出焉山側卽伯夷所居上有伯夷叔齊廟又有聖清祠碑記謂祠始于秦漢焉○方山在縣東南二十里山麓有龍祠祠前有龍池四時不竭東丹水所出也與臨朐之西丹水俱北流至縣西十里之昌樂廢城西合流入壽光界○金石錄云昌樂丹水岸大觀年見得一爵一觚按考工記爵一升觚三升獻以爵而酬以觚一獻而三酬則一豆矣漢儒皆以爲爵一升觚三升今此二器同出以觚量之適容三爵考工記正如輪一出臨朐之丹山二源合此始大西北流入海○黃山在縣南二十里寶泉出焉上有黃仙公祠又西爲西黃山水經注云黑水西北逕黃山東

青州府志勝入卷之六

世

按黑水今謂之汚河源亦出方山與寶泉合又南二十里爲紀山上有紀山神祠祠前有池又十里爲馬駒嶺

諸城縣在府城東

魯諸邑文十二年季孫行父城諸及鄆者也漢縣之隋加城字縣外城卽東武城也漢樂府有東武吟卽此齊道里記曰東武縣有東武山忽魯昏日山移在介橋中今猶有東武里焉按此齊省諸縣入東武隋開皇初改東武爲諸城○唐書文帝十六年分齊置膠西國都高齊宣帝封廣

青州府志勝入卷之六

樊

陵王少子爲高密王于此按魏之膠州及高密郡隋之密州皆沿此名寰宇記云膠山一名五弩山膠水之所出也百尺水出其西麓古今注云百尺水者密水也水高百尺因謂之高密百尺水經高密故城南十里蓄以爲塘方二十餘里古所謂高密之南都也東北與濰水堰散流注安夷澤○志云益公堂在治內宋知密州蘇軾建取曹參爲齊相避正堂以舍益公意也益公膠西人○超然臺在北城上于瞻記畧曰軾自錢塘移守膠西始至之日歲比不登盜賊潛野獄訟充斥厨齊索然日

食杞菊人固疑余之不樂也處之期年而貌加豐髮之白者日以反黑余既樂其風土之淳而其吏民亦樂余之拙也于是治其園圃潔其庭宇伐安丘高密之木以脩補破壞爲苟完之計而園之北因城以爲臺者舊矣稍異而新之時相與登覽放意肆志焉臺高而安深而明夏涼冬溫雨雪之朝風月之夕余未嘗不在客未嘗不從名曰超然以見余無往不樂者蓋遊于物之外也公又聊有山堂在超然臺上自爲銘云熙寧九年夏六月大雨野人來告故東武城中溝渚圯壞出亂石無數取

青州府志勝入卷之六

樊

而儲之因守居之北墉爲山五成列植松栢桃李其上且開新堂北向以遊心寓意焉其銘曰誰家斯堅土伯所儲源流發之神以界于周廡爲堂踐城爲山有喬蒼蒼俯仰百年○于瞻刻秦篆記畧云秦始皇二十六年初并天下二十八年親巡東方海上登瑯琊觀日出樂之左歸○晉書三萬家臺下刻石頌秦德二世元年復刻始皇其旁今頌詩亡矣特其從臣姓名僅有存者謂二世詔書俱在自始皇帝二十八年歲在壬午至今熙寧九年丙辰凡千二百九十五年而蜀人蘇軾來守高密

得舊終本于民間比今所見猶爲完好知其存者磨滅無日矣而盧江文勳適以事至密勸好古善篆得李斯用筆意乃摹之石置之超然臺上夫秦雖無道而所止有絕人者其文字之工世亦莫及皆不可廢後有君子得以觀覽焉○常山在縣城南二十里子瞻記云山不甚高大而下臨城中如在山下雉堞樓觀參差可數自城中望之如在城上起居寢食無往而不見山者又以歲旱禱雨茲山未嘗不應蓋有常德者故謂之常山也熙寧八年春夏旱軾再禱焉皆應如響乃新其廟廟門之

青州府志勝八卷之六

四

西南十五步有泉注洋折旋如車輪清涼滑甘冬夏若一乃琢石爲井其深七尺廣三之二作亭于其上而名之曰雪泉乃作吁咤之歌以遺東武之民使歌以祀神焉○障日山在城東三十里注水經云濰水又東南逕障日嶺嶺勢高峻隔絕陽曦卽此山也蘇子瞻號曰小我眉自爲詩云長安自不遠蜀客苦相思莫教名障日喚作小我眉○又有廬山馬耳山及九仙山俱于瞻記其畧云廬山者秦人盧敖之所遊也廬水出焉上有盧敖洞飲酒臺聖燈巖諸勝口馬耳山雙峯出雲酷似馬耳

也子瞻詩云孤雲落日在馬耳照耀金碧開烟雲○九仙山高聳摩空常有仙人居之西北有潭水與東海相通久而將竭井中有聲如雷旱則以石擊井必雨其他爲峯巒十有一谿石十有八奇秀不減于鴈宕云按志廬山在縣西南四十五里又十五里爲馬耳山又十里爲九仙山○廬山之北有漢橫縣故城廬水繞其城下亦謂之九台水也齊記云武城廬水側有勝火木方俗呼爲鋌子燒之成炭而不灰東方朔云不灰之木是矣○郡國志云古長城在縣南四十里史記齊有長城巨防

青州府志勝八卷之六

四

足以爲塞者逶邐至海上大珠山末凡二百五十里故跡依約而存○縣西四十里有姑幕城禹貢徐州惟土五色出此城內以兼有青徐之地也今入莒州界公冶長墓在姑幕城東五里○秦黔陬城在縣東北百一十里東陬故城介國也春秋僖二十九年介葛盧來朝卽此漢爲縣後移理于膠水西側去故城三十里時人謂之東西城○瑯琊城在縣東南百四十里瑯琊山下齊景公曰吾欲遵海而南放于瑯琊史記始皇二十八年南登瑯琊大樂之留三月乃徙黔首三萬戶瑯琊亭下復

十二歲作瑯琊臺立石刻人德臺基三層層高三丈臺下種衆菓上有始皇碑上有六百字可識餘多剝落李斯書郭璞曰瑯琊臨海有山嶼曉特起狀如高臺即瑯琊臺也臺上有神泉至靈人病之立竭漢武帝亦嘗登之水經注云瑯琊臺上神廟在齊八祠中封禪書八曰四時主祠瑯琊金石畧有唐元和四年柳遂游瑯琊山新寺詩幾可沒題名附○吳越春秋越王勾踐二十五年從瑯琊立觀臺周七里以望東海死上八千戈船三百艘居頃之以聽賢士士為名使人于水客迎

青州府志勝

卷之六

里

允常之喪欲徙塋瑯琊允常家中生風沙石飛射人不可近越王曰先君是不欲移也乃止水經注云濰水出瑯琊箕縣越王勾踐之故都也秦滅之漢高帝呂后七年以為王國文帝三年更名為郡王莽改曰填夷矣○水經注云濰水又東北逕諸縣故城西春秋文十二年季孫行父城諸及鄆傳曰城其下邑也王莽更名諸并濰水又東北涓水注之出馬耳山山高百丈上有二石並舉齊馬耳故世取名焉東去常山三十里河水發于其陰北逕婁鄉城東昭五年經書哀公卒夷以卒婁防

茲來奔者也又分諸縣之東為海曲縣故俗人謂此城為東諸城涓水又北注于濰水濰水又東北過東武城縣西東武城在諸城縣因岡為城城周三十里漢高帝六年封郭蒙為侯國王莽更名之曰祥善矣又北左合扶淇之水水出西南常山東北流注濰晏嬰伏驂云東武城西北二里濰水者即扶淇之水也濰水又北右合盧水亦名久台水地理志曰水出瑯琊橫縣故山王莽之合丘矣山在東武縣故城東南世謂之盧山也西北流逕昌縣故城西東北流志云昌城在縣之報恩鄉福

青州府志勝

卷之六

里

勝寺東一里漢元朔中封昌侯于此又有平昌城在柴溝東南漢城陽項王子章所封也城陽城在縣治北涓水入焉史記韓信北追齊王廣即此城矣有淄洋城即在城陽鄉晉書又有沙城在扶淇縣境扶淇者水經所云濰水東北合于扶淇者也漢縣今省○志云柳林河出石門山流逕縣西北入于扶淇客人以爲上已板除之所城中輕俊載酒挾歌妓遊賞竟日其上有嚴光釣臺又有紀里河出竹山與密水合流入于濰故一名介河紀里西涯有臺方三里相傳爲太公釣處亦名之爲棘

津也志又有盤池河而勝水入焉白馬河而潮河入焉俱發源縣界回頭山東南逕灤水入于海○文獻通攷載有金石記卷東武趙明誠撰明誠字德甫丞相提舉也其所藏金石諸刻二千卷益倣歐陽脩集古錄而數倍之攷訂詳洽多所發明

蒙陰縣 在府西南

顓臾國地以在東蒙山之陰漢為縣北齊省入新泰元復置按蒙陰山在縣南八里今名仙洞山漢承宮避亂于此金石錄比齊蒙山碑王思誠八分書天統元年三月立○志云綿山在縣東十里其地產木綿故名又十里為堯山以帝堯所嘗登也

青州府志勝八卷之六

四

有北齊帝堯碑武平二年立又十里曰長山其山或起或伏逕連屬自南而北數十里故名綿山之下有綿山社社內有古殿周圍二里相傳戰國時所築或以為卽古堯殿也又三十里為鐵城連陞長山○夷吾亭在縣西北三十里之堂阜溪桑泉水所經鄆道元云桑泉水又東南堂阜水入焉其水導源堂阜春秋莊九年管仲帥四鮑叔受之及堂阜而稅之杜預曰東莞蒙陰縣西北

有夷吾亭者是也堂阜水又東南注桑泉水桑泉水又東南逕蒙陰縣故城北王莽之蒙恩也又東南與叟崗水合水有二源叟會東逕一川俗謂之汶水汶水東逕蒙陰縣注桑泉水又南東廬川水注之水出鹿嶺山東南流左則二川臻湊右則諸葛泉源斯奔亂流逕城陽之盧縣故城益縣之盧上里也漢武帝元朔二年封城陽共王弟孫為侯國王莽更名之曰著善又東南注于桑泉水桑泉水又東南右合蒙陰二水水出蒙陰山東北流昔瑯琊承宮避亂此山立性好仁不與物競人有認

青州府志勝八卷之六

四

其泰者捨之而去其水東北流入沂沂水又南逕陽都故城東縣故陽國也齊同盟齊和其地而遷之漢高帝六年封將軍丁復為侯國沂水又南西蒙山水合水出蒙山之陰東流逕陽都縣南東注沂水沂水又左合溫水水上承溫泉陂而西南入于沂水志云沂水出縣西北之艾山去城百二十里

莒州 在府城南 領縣二

莒少昊之後贏姓周武王始封曰茲輿者都計片有故高密縣東南左氏謂之介根城也春秋時徙

于菑卽今治至菑子朱乃居渠丘號渠丘公左傳
成九年楚子重自陳伐菑菑潰爲楚所滅後屬齊
史記齊湣王爲燕師所敗而陷菑卽墨三城不下
是也漢縣之後周始置州○州理菑國故城中三
面崇峻惟南開一門于城方十二里郭周四十餘
里齊無知之難小白奔焉及樂毅攻齊宇險克全
其國以此刻女傳齊杞梁妻殖莖菑戰死其妻哭
于城下七日而城崩琴操云殖死妻援琴而歌曰
樂莫樂兮新相知悲莫悲兮生別離哀哉皇天既
而城爲之陷卽此城也○春秋隱二年菑人入向

青州府志勝

卷之六

四

隱八年菑人盟于浮來註云浮來一名公來向今
城陽菑縣也志云浮來山在州西三十里菑子墓
在焉向城在州南七十二里向子國也其城曰柳
城漢書夜頭水經柳南入海註云夜頭水卽向水
之異名耳○漢地理志云菑縣屬城陽國文帝二
年封朱虛侯章爲城陽王于此魏明帝以爲城陽
郡矣漢書宣帝封城陽荒王子文爲箕侯又封荒
王子勳爲高廣侯元帝封荒王子光爲比山侯又
封荒王子根爲析泉侯寰宇記云皆漢縣也箕山
在縣北八十里許慎說文瀝水出箕山一名瀝

山高廣比山二城俱入南界已無城跡析泉在東
北分流山下有洧水源卽古析泉也○尸子曰
菑有焦原廣率長五百步臨自仰之溪菑國莫敢
近者菑勇士登焉漢志謂之崢嶸谷卽莊子伯昏
瞀人登焦原之山而目不瞬者也焦原山在州南
四十里俗曰青泥衝其旁有定林山○靈門在州
西南六十里註漢書靈門有壺山沿水所出其山
一名巨平山一名涪山一名高原山沿水源出此
山東北至密州比流入瀝○曹公城在州南七十
二里魏太祖征陶謙拔五城畧地東海築以戍守

青州府志勝

卷之六

四

今謂之五花營○金石錄唐菑州普濟寺碑許敬
宗撰編五百五十六貞觀三年立

沂水縣

在州西北

春秋鄆邑十三州志有東西二鄆魯昭公所居者
爲西鄆在兗州之東平州矣此爲菑魯所爭者文
十二年季孫行父帥師城諸及鄆註云城陽郡南
有圓亭卽鄆也謂之東鄆故漢設東莞縣于此縣
理卽東莞城也十六國春秋南燕于此置團城鎮
城正圓因名團隋開皇中始改爲沂水○志云沂
山在縣北百二十里一名東泰山泰山記以電山

出紫玉英卽其支委也漢郊祀志武帝設祠具至東泰山卑小不稱乃令禮官祠之而不封焉山半有東鎮廟俗傳宋太祖微時閱韓通于此棄衣而去石公姬牧之故神像猶作臂衣之形○周禮青州其浸沂沐今按沂水出沂山而沐水出沂山南金石錄云沂山有唐長安四年正月所鑿東鎮碑房晉撰韓累陽八分書○沂水流沂山縣西南四十里有上泉源出望仙山縣東南六十里有銅井泉源出樂城鄉縣西北七十里有芙蓉泉源出閤公山相傳昔閔子避召處又西南百三十里有青州府志勝人卷之六 兗 大水井源出沂源鄉已上諸泉俱南流入沂○武陽溝水出倉山西左右岷水出大岷山俱東南流注于沐又潯水葛陂水俱在沐水北潯水舊志出馬鬐山水經注云出巨公山西南流舊堤以溉者田東西二十里南北十五里葛陂水出三注山西南流逕辟陽城南其水關邑積以爲陂謂之辟陽湖已上二陂俱西南流入于沐○雕崖山卽沂山之西峯沂水所出西北有大弁山與雕崖連麓俗訛作太平山因其頂平故名○巨洋水亦名巨筏水源出沂山其水北流經朱虛故城西宋書高祖

北伐慕容超旣入岷臨胸有巨筏水去城四十里超告公孫五樓曰急往據之晉軍得水則難擊也是宋前鋒龍驤將軍孟龍符奔往爭之卽此水矣○穆陵山在縣北百九十里左傳管仲曰昔召康公賜我先君履南至穆陵伏蹕齊記云泰山南龜山北穆陵山是也○又里許爲螳螂山水經曰螳螂水出魯山今按此山與大小二魯山相連前則平野瀾望清流縈帶南面有穴若門直入二十里可容方駕遊目清曠非後人境○城邑攷云東莞城縣西北閭古城是漢武帝元朔二年封城青州府志勝人卷之六 兗 陽其王弟吉爲侯國魏文帝黃初中立爲東莞郡郡西有鄒亭孟康曰故鄒邑也劉武帝北伐廣固登之以望五龍卽此後魏南青州治東安縣在縣南五十里漢縣水經注云沂水南逕東安縣故城東而南合時密水水出時密山舊地也左氏昔人歸共仲于魯及魯而死是矣密水東流逕東安城南漢甘露四年封魯孝王子強爲侯國○益城在縣西北七十里益齊邑陳仲子兄戴益祿萬鐘者也水經注云連綿水發源連綿山南流逕益縣故城南入于沂水沂水又南經燉山山西有二峯雙

齊秀岡峙若一按爆山即泰山記所云雹山音相類以山出紫石英狀微若雹故名

日照縣 在縣東三十里

漢鄆郡之海曲地也原名日照鎮漢始改縣○
寰宇記云海曲城有鹽官此地有東呂鄉及東呂里太公望所田也袁宏後漢記曰鄆即呂母之子為縣長所殺乃沽酒多買刀兵少年者隨其所乏而與之聚眾數百人母自號將軍攻縣長殺之以其首祭子墓其後號曰赤眉王莽未兵亂之興山此始也今東海縣有呂母岡即舊屯集之所○日

青州府志勝入卷之六

五

照古城在縣西十里之安仁鄉又七十里劉三公莊蓋六朝劉彥總所居也總為東莞之日照人著文心雕龍二十卷莊地舊設有巡簡司洪武三年移于夾倉鎮故址尚存○孤奎山在縣東南二十里有大兒莊源出絲山逶迤山下會付噴河絲山在縣北二十里山形陡絕懸溜浸崖如絲縷之狀絲水發源于此又西北六十里為馱兒山山椒有石如人負兒狀即付噴河所出也又謂之寒河○竹子河在縣南五十里源出矮岐山其相連屬者有幽崗山會稽山黃山荆山皆縣之西山也

萊州府 布政司領州二縣五

禹貢嶠夷既畧萊夷作牧註曰嶠夷地名用功少日畧言萊夷可放牧也即萊子之國左傳襄二年齊侯伐萊萊人使正與子路風涉衛以索牛馬皆自齊師乃還後齊復入萊滅之遷萊于郕在國之東故曰東萊漢高帝四年因置東萊郡理掖縣言太康中徙遼東王糾為東萊王于此後魏置光州取境內光水為名隋文帝改名萊州 國朝設府○志云府儀門西祀漢楊宏伯起關西人為東萊太守清節著名又郡署之東有東萊太守劉將軍廟史逸其名唐觀察使許霽記畧云將軍晉末

萊州府志勝入卷之七

七

嘉年守萊種德藝政萊人思之既歿將扶塋于洛萊人曰我萊不下數萬家將軍子視我我父母戴之將軍于劉天戚也于我人戚也天之戚也寡而遷人之戚也衆而適安有舍適衆而歸適寡哉于是散捧封土趨持樹木葬于萊而用祀之大中十一年五月二十三日重脩又有唐萊州刺史于府君碑撰人姓名俱缺沙門重潤八分書開元十年七月立○燕臺在郡城東北里許南燕慕容德所築即海山亭也郡人以爲游賞之所又韓信臺在

東四十里聖水頭山勢嵯峨丹霞翠壁相傳信
有青丹霞壁三字今爲書院○漢左伯字子邑
人名與毛公等列小異于郡耶漢興以紙
爲子良答王僧虔書子邑之紙研妙輝光仲將之
墨一點如漆伯英之筆窮理盡思妙物遠邈不可
追也說郭云萊州石色青點透明斑斑府理縱橫
潤而無聲亦有白色石未出土最軟土人取巧鑄
礪成器甚輕妙凡風卽動或爲鑄鏡久堪烹飪有
益于銅鐵○國初張三丰常游勞山下居民蘇現
萊州府志勝入卷之七 二

掖縣附

通鑑周赧王二十六年齊封田單于掖卽此地漢
縣之北齊以曲成當利二縣省入○按掖水源發
東南三十里之寒同山一名神山西流經城南又
西北流合南陽河入海○寰宇記云曲成廢城在
縣東北六十里史記高帝時曲成侯繆達以曲成
戶將率三十七人從起碣至霸上破秦誅項功封

四千戶劉宋魯徒郡治于此當利廢城在西南三
十六里漢書武帝封樂大爲五利將軍命其邑曰
當利水經注云膠水又北過當利縣西北入于海
王莽之東萊亭也二縣皆漢設城址不存○郡國
志云掖縣有過亭過綺其水泥處其于泥于此後
爲少康所滅今有過鄉沙丘城在海岸去郡東
北二十里紂所築也相卽秦始皇崩處唐李白
詩我來竟何事高固沙丘城邊有古樹日夕連
秋聲魯酒不可醉齊歌空復情相思值汶水浩蕩
寄南征○左思齊都賦云轉鮪朝舞奇觀所說晏
萊州府志勝入卷之七 三

子春秋景公謂曰吾欲觀于轉鮪朝舞遵海而南
按今其地在東萊之海曲也○三山直海南岸封
禪書八祠三山爲陰主也城北有三山亭漢武帝
所建以望三山者宋蘇軾詩東海名碧環南北卷
蓬萊雲光與天色直到三山迴漢武帝又有幸臺
在城南門以訪安期生登此當時碑刻尚存今已
剝落○郊祀志云武帝元封元年禱萬里沙漢書
註曲成縣有之按在當縣東北三十里夾萬歲水
兩岸是也沙長三百里故曰萬里沙漢樂府又云
武帝太始三年幸東海作朱鴈之歌拜三神山

還而下卽鰥寡齊記云成山有牛島常以五月有
海狸上島產乳逢人則化魚入水○志云福山祿
山俱在城西北五里兩山對峙北臨滄海常有疾
風暴雨之異北魏刺史崔挺欲于頂上營觀宇父
老云嶺上有龍道惡不可久立挺曰人龍相去何
遠之有虬龍倏忽豈一路乎遂營之既成果爲風
雨所覆○雄山在城東七里又五里爲雙山又十
里爲大基山山上有道士谷嶽嶠蒼翠流泉潺湲
松竹花草四時交蔭昔好道者棲真于此又有聖
水池朱崔臺玄武崖先天觀諸勝後魏鄭文公亦
萊州府志勝入卷之七

四

來遁隱煉丹竈局印石宛然金劉國樞有記碑刻
尚存又五里有神仙洞其洞相連有七曰虛皇曰
三清曰五祖曰六真曰長生曰披雲曰靈官又有
神仙石像四十九○青龍泉在城東與壕水相連
其列殊勝又五龍泉在城西三里泉渚爲池半畝
許民獲溉灌之利有宋元豐年所建祠元至順間
太守馬文淵禱雨碑又戶輪井在縣東北十里石
穴下出泉口如車輪無雕琢之跡自然而成故謂
天井能興雲雨也○高望山在城南十五里其峯
秀特登之可以望遠故名又五里爲天柱山一名

南山趙明誠金石錄云余爲萊州得後魏鄭義上
碑于州南山其末有云碑在直南二十里天柱之
陽是也○馬鞍山在城東南三十里小沽水發源
于此東南流經平度州與大沽水合通名沽河左
傳姑尤以西註云姑卽大沽河尤卽小沽也又西
南各三十里有杲村河白沙河俱合沽河入海○
盍石在縣北五十里北臨大海有一大磐石方圓
五步作窪樽狀古老相傳秦皇以盛酒醢祈祭百
神志云與三山相連○蜉蝣島在縣西北一百里
遙望海中若蜉蝣然

萊州府志勝入卷之七

五

平度州

在府城南一百里

領縣二

漢平度縣 國朝陞爲州篆字記云故平度城在
縣西北六十里有膠水經故城北東漢于此設膠
水縣屬膠東國在縣東南六十里卽墨故城是也
齊卽墨大夫不事左右毀言日至威王察而封之
及湣王時樂毅破齊下七十餘城惟卽墨城不下
漢書高帝元年項羽徙齊王田布于卽墨爲膠東
王田榮怒殺布自立處矣有樂毅城在卽墨城北
相傳樂毅攻田單時祭志云墨山在州東北六十
里山之石色如墨墨水發源于北漢郊祀志宣帝

神晉三年以方士言祠太室于卽墨蓋此山也○
志云觀法寺在州東北漢明帝十年建圓明寺在
州西南唐時創禪窟院在城東五十里宋崇寧年
建又雲臺觀唐開元二年建○盧鄉廢城在州西
北五十里漢縣齊天保年省入膠東伏臘齊記云
盧鄉城東南有大豁口與小豁口相峙中通驛路
盧鄉城東三十里有明堂山藥石水出焉流合石
濟河按州境有巨青山與明堂山相連出烏頭天
雄及東南四十里之金泉山出桔梗防風故其水
曰藥石水宋秦元詩桃花細逐前泊水藥草香隨

萊州府志勝入卷之

水

七

陣陣風○定渠在州南七十里漢武征和四年行
幸東萊臨大海耕于鉅定卽此水也定渠水與藥
石水合流入膠水○現河源出兩嶧山雲河源出
雲山蘇村河源出大豁山乳泉河源出大澤山俱
西南流入膠水按兩嶧山在州東北十三里山椒
並列如綰雙髻故名其中有雲臺觀竹高二尺叢
伏如豹郡人毛索魯詩新粉褪豹文斑敲山受
玉生清寒指此也又三十里爲雲山川徑多雲氣
亦有竹樹成林大豁大澤二山詳見上下○萊山
在州北五十里漢八祠祭月之處中云云天下名

山三在島夷五在中國華山首山太室泰山東萊
山皆黃帝之所常遊也山多秦篆懸崖斷壁入其
能辨有天柱山在其左絕頂巉巖聳立如柱魏水
平年光州刺史鄭道昭銘曰孤峯秀峙高冠霄星
實曰天柱鎮帶萊城懸崖萬仞峻極霞亭據日開
月麗景流精朝暉嚴室夕濯松清九仙儀彩餘用
棲形龍遊鳳集斯處斯寧淵綿窮想照燭空演道
暢時乘燁光幽明雲門烟石登之長生刻在西燁
壁間又有石龕如左刻浮屠像于上州人謂之劈
石口按道昭子述祖相繼來刺因讀道昭銘而流

萊州府志勝入卷之七

七

涕卽此山也有銘刻有又二十里爲大澤山山有
智藏寺聚景臺白虎谿瑞雲峯諸勝峯頂有石城
梁時故址或云赤眉若也又北卽高望山界于掖
縣上有海眼石泉候盈縮云與海通○仙人臺在
州東北五十里青山下列仙傳膠東公沙穆飲白
鶴泉得仙常游石臺之上卽此也其臺四絕不可
登陟按志以州北十八里有公沙山者老言公沙
穆生于此○康陵院在州東五十里靈臺山下舊
傳漢膠東王墓此因名又康王公主墓在東北六
十里之青山上有太子讀書臺碑文殘缺○齊記

云州北七十里有新城原因山為墳俗呼鳴角皇有雙松盤踞于上○唐將軍王君道墓在西關外太宗征遼時將軍道卒因塋焉○宋蔡齊子思墓在城北九里歐陽脩作行狀子思真宗朝中九經狀元者 昌朝李學詩墓宋唐順之撰學詩字正夫嘉靖初與順之俱以吏部郎改授翰林仕至中允卒

濰縣 在州城西

漢書濰或作淮許慎說文濰水出瑯琊箕山亦名濰山寰宇記云濰水在當縣南五十里昔韓信與

萊州府志勝入卷之七

八

七

龍且戰于水上信以萬餘囊沙壅水上流明日夾水戰遂斬龍且破楚二十萬于此水也西北二十里有韓信道信欲假途于柏欄將軍將軍拒信戰死今為北欄社○濰州隋開皇年置 國朝降為縣仍以北海縣省入北海蓋州治也後漢之北海國高齊之北海郡皆在此矣本漢 縣屬北海國隋開皇改為密縣大業二年仍改 縣為北海縣○左傳杜註云平壽者商周之故號也漢縣因以為名高齊廢故城在西南三十里杜註又云平壽縣東有寒亭即寒浞伯明之後寒亭其所立也

平壽縣東南又有卧亭班固以為故國禹後此亭近樹故曰卧亭矣志云寒亭在縣東北二十五里卧亭在西北五十里○郡國志云程符山在縣西南二十里即公孫弘貧賤牧豕處左畔有臺方二丈許四望皆山獨望月色里人謂之麓臺秋月相照無太子丹諸書于此丹質于齊齊人處之北海同即此地矣○節女山在縣西三十里昔齊湣王伐楚蘇渾死焉有五女終身不嫁呼父魂塋于此山○孤山在縣西四十里天際巋然翠黛若抹上有伯夷叔齊廟齊記云孤山之風可肅懦夫者也

萊州府志勝入卷之七

九

八

○澆源山在東南六十里山形如塔舊名塔山注水經云澆水出塔山按唐天寶敕改為澆源山澆水即東丹河也西丹河源出几山在西南七十里山形如几故名又云臨胸縣有几山此山似之故曰小几○插鼓山在縣南一百里白浪河發源于此山泉若車輪西南流經縣城東二十步唐北海令管瑗嘗引之以澆田○塚記云公孫弘墳在縣西二十里高二丈三尺按弘薛人封平津侯卒葬于此家後有泉號曰補生泉○徐幹墳在縣東五十里幹北海人俗呼為博士家○三國王哀墓

在縣南三十里之營丘社有故城相傳呂尚封此又云春秋時滅萊始有之今碑文剥落○濰州圖經北海縣有逢汾墓碑云汾好學以德義聞徵為趙王傅卒門人執喪經者數百塋于寒亭南五里金石錄載其有石符篆文唐李利涉編古今姓死北海逢氏有名緣字子繡者亦為趙王傅未詳孰是

昌邑縣在州西

古都昌之地齊七十二城之一也晏氏春秋景公封晏子以都昌辭而不受卽此亦逢丑父孫臏霍萊州府志勝入卷之七

十

美

光之食邑也左傳成二年逢丑父脫齊頃公之難食邑都昌卒乃塋焉○孫子廟在縣西北三十里瓦城社宋熙寧四年重修內有古槐二株老幹虬枝盤繞如雲狀○霍侯山在縣南四十里漢書霍光為博陸侯封于北海顏師古曰博陸古鄉聚之名本名陸山唐大寶六載改為霍侯山○郡國志云昌邑東南有甲父亭傳稱甲父之鼎卽此嘗城在縣西北十五里又十五里為鄆城春秋莊二年齊師遷紀鄆鄆卽此云北海郡都昌縣西有營丘是也密鄉城在縣東南十五里隱二年紀于營丘

于密杜氏曰密舊邑水經注云濰水又東北經于密故城西城東有密阜漢書宣帝祀三尸山于下密今故城西為濰水東為密阜又東為三尸山則密鄉似卽下密城矣又縣南八里有甘棠鄉漢六年圖棠杜註棠萊邑也北海卽墨縣有棠鄉漢屬北海國今為社○志云芙蓉池在縣西北二十里舊有臺已毀郡國志以都昌城本名芙蓉城池名或取焉○縣城東有土埠長數里石磴崎嶇峯巒奇秀上有古樹盤屈如蓋上人名其處為東山又有青石埠亦長數里上有東安王廟每以四月

土

辰

萊州府志勝入卷之七
八日九月九日賽集為盛在縣東南二十五里○水經注云濰水又東北逕都昌城東漢高帝六年甘朱軫為侯國北海相孔融被黃巾賊管亥圍于都昌太史慈為融求救于劉備先主持的突圍處也按唐碑載鄭玄之子益恩舉孝廉聞融之難捐軀而死卽此城矣今城南五里有大營城城北五里有小營城相傳孔北海與黃巾相拒處編為大營小營二村○圖經云濰水堤在縣東五里宋初築以防濰河泛濫縣東南有白龍泉發源青石阜又有七溝河發源大月阜縣西南有張固河又有

浮隸河俱合離水以入于海，其南九十里，有峽山狀如伏虎俯臨離水一邑之形勝也。峽陸二山之間又有峙山以峯巒崎嶇故名。陸山之左又有石白山兩崖相映，山巔有石白九舊傳麻姑仙人搗藥于此。○昌邑故城在縣西北宋建隆三年所置縣非漢之昌邑也。漢昌邑屬山陽國其地在金鄉界。

膠州有府城南一百一十里 領縣二

春秋介國有介根城在州西南五里左傳襄二十四年齊侯伐莒侵介根杜註介根莒邑今黔陬縣萊州府志勝入卷之七

東北有計基城也黔陬漢縣後魏置膠州于此以境內膠水為名亦漢之膠西國治志云膠西廢縣在城外隋時置旋廢介亭在州南七十里黔陬城在州西七十里今為黔陬寺金石錄漢膠水縣王君廟碑編二百四十四東魏膠州刺史祖暕碑編三百七十九○水經注云膠水出黔陬縣膠山北過其縣西齊記曰膠水出五弩山膠山之殊名也北逕祝茲縣故城東漢武帝元鼎中封膠東康王丁延為侯國又逕扶縣故城西地理志卿邱之屬縣也漢文帝元年封昌平為侯國膠水又北逕黔

陬故城西袁松郡國志曰縣有介亭地理志曰故介國也傳二十九年介葛盧來朝聞牛鳴曰是生三犧皆用之矣問之果然安設伏蹕並云縣有東西二城相去四十里有膠水非也斯乃拒艾水矣水出縣西南拒艾山即齊記所謂黔艾山也東北流逕拒縣故城西王莽之秩國也世謂之王城又謂是水為洋洋水矣○洋河在州城東發源鐵嶺山即膠山也出在州西南百二十里膠水發源于此過五弩山入焉又北逕艾山艾水入焉艾山在州南三十五里東西兩石左右對峙名曰山萊州府志勝入卷之七

耳其旁有天澤泉斯艾水之源也○齊乘云迴車嶺在州西南十里相傳孔子適齊東觀滄海至此迴車故名校城在州西南七十里漢校縣也又南有長城齊宣王築以備楚者皆乘山嶺為之○小珠山在州南九十里錯水發源于此又三十里為大珠山有石室晉陳伯舉隱此山得仙中有玉泉寺以泉出石間清瑩如玉故名小珠山之東為鶴鳴山山中有泉清泚可鑑名為開頂窟金正隆間秋雨盛側有一外大可盛粟二石爛斑光米里人以葛藟絆縛昇歸舉村來觀數少年攫去其食之

旬日後颶風夜作震動天宇居民百餘家被颶風
舉躋于山巔旋落團頂少年食殍者撲死餘無所
傷敗瓦朽木至今猶存此夷堅志所載○靈山衛
設在州東南九十里海中靈山者先日而曙先雨
而雲若有靈焉衛城依山西北三里多產水竹名
小竹山山東有唐島相傳太宗征高麗駐蹕于此
內有飲馬池又有僧家島在東南九十里相傳陽
武侯故居在焉○石白島去城南一百里宋南渡
後金主亮將山海道襲浙江以兵圍海州高宗令
副總管李寶督海舟捍禦寶至膠州石白島敵舟

萊州府志勝入卷之七

古

美

已迫唐島相距僅一山時北風盛寶禱于島神俄
有風自龜樓中來如撞鐘聲衆咸奮引兵握刃待
戰風駛舟疾過山薄虜寶命大箭環射延燒敵數
百艘叱壯士躍登其舟短兵擊刺殺溺者甚衆所
謂膠西之捷也○廟寺記云肅生廟在州西北七
里之庸村肅生名譚膠東人受尚書于孔安國之
徒都尉朝者栢欄將軍廟在州北二十里史逸其
姓名秦將也韓信下齊追田橫假道于栢欄栢欄
不忍背秦與信拒力戰而死亦見濰縣北欄社○
姜敬廟在西北三十里有墓在廟後今爲房溝社

○茂林寺在州南四十里北齊置清涼寺在城西
唐大順元年置

高密縣在州西五十里

一統志云縣西南四十里有城陰城城內有漢鄭
玄碑曰古高密城也文帝封平昌侯卬爲膠西王
都此今理乃漢夷安縣齊晏平仲之封邑嬰夷離
人○夷安澤在縣北二十里高密水與濰水散流
注之蓄堰以溉田堰水之側有故稍城濰縣也武
帝封齊孝王子定爲侯國後漢省漢又有高陽城
一名膠陽亭蓋高陽縣舊理也成帝封淮陽憲王

萊州府志勝入卷之七

五

孫並爲侯國故城在今縣西北三十四里又有淳
于城春秋桓五年州公如曹傳曰淳于公如曹州
公都淳于也漢置淳于縣旋省故城在高密安丘
界○漢書大司農鄭公康成北海高密人也北海
相孔融名其所居爲鄭公鄉門爲通德門高士傳
云袁紹屯官渡請玄隨營不得已載病至元城卒
塋于劇東後因墓壞歸塋礪阜按礪阜在今縣西
北五十里以產礪石故名唐史承節碑畧云濰水
之曲礪阜之陽舊碑先沒新碑再彰述征記以玄
墓側有稻田十萬頃斷水造魚梁歲牧億萬因號

萬疋梁○城邑攷云晏平仲城在縣東南三十里俗名朱晏城又名朱毛城漢貧女王氏同其夫版築夫死而殉于此○龍山城在縣西南五十里楚將龍且所築有韓信遺書五里相傳信破且時所開浚者

即墨縣志

以地臨墨水也古縣城在平度州界今縣乃隋開皇間于不期城之東北三十里置仍復古卽墨爲名不期漢縣也東漢建武六年伏湛所封約周十餘里晉于此置長廣郡高齊天保年省○志云萊州府志卷之七

去

不期故城在今縣西南二十七里有漢不其令董君闕銘又縣西六十里壯武城亦漢縣文帝封宋昌爲侯國王子侯表膠東王雄渠食卽墨壯武等八縣之一也國除縣旋省○封禪志云不期城太一仙人祠九所及明堂皆武帝所起有女姑山在縣西南三十八里山北舊基古之傳云此卽明堂山也其神號女姑故曰女姑山矣不期自在東南四十五里三齊記云鄭玄教授于不期山山下生草大如薤葉長一尺餘堅勁異常土人名曰康成書帶草又名劉虎山因童恢呪虎之事而名之也

○鏡容山在縣北里許俗傳水溺則山高狀如懸鏡故名縣南三里登高埠土人九日登高于上縣東五里有舞旌埠舊傳田單復齊時舞旌于此○天井山在縣東十三里周迴二里頂上有一井周迴尋丈深不可測味極其美因號天井又有溫泉在縣東四十里漢昭帝封膠東哀王子安國爲侯國○石城山在縣東南三十里其狀如城淮涉水發源于此又三十里爲勞山峙于海濱有二其一最高大口大勞其一差小曰小勞二山相聯高二十五里周圍八十里有清風嶺碧落巖王喬觀

萊州府志卷之七

七

玉女盆明霞洞聚仙宮諸勝齊記曰泰山雖言高不如東海勞又名牢盛山史記以秦始皇登牢盛山望蓬萊是矣相傳吳王夫差亦嘗登此得靈寶度人經漢逢萌歸自遼東脩其養志棲處其間亦神仙傳所載樂正子長得道處也白沙河發源于此李白詩云我昔東海上勞山餐紫霞親見安期生食棗大如瓜○又二十里爲陰山上有小池歲旱不減墨水出焉或云卽墨山也傍有石人長一丈五尺大十圍多馬蹄跡世傳始皇遣此石人逐勞山不得遂葬之山下○田橫島在縣東北一百

里上有義士家橫衆五百餘人俱死于此四商環
海去岸二十五里可居千餘家○漢書王吉瑯琊
阜虞人也阜虞漢縣武帝封膠東康王建爲阜虞
侯于此今爲附城有縣東五十里于驍京兆孫
崇司字附 夏侯阜墓在縣境內阜徐漢弟子死
後有人遇阜以上巾當信與誕視之乃棺中物
也華蓋劉仙人墓在縣東北杜詩常謁華蓋君卽
此其冢年久不培而固牛羊狐兔不敢以穴○鰲
山衛在縣東四十里與二山相連唐高適詩巨鰲
不可釣高浪何崔嵬蓋指此也轄墩堡二十六○
萊州府志勝入卷之七 六
卽墨營舊設縣南六十里今移之縣北十里

登州府志卷之八

春秋牟子國漢武帝封齊孝王子漂爲牟平侯此
卽漂之邑也後魏置東牟郡隋改牟州唐武德中
以文登縣人不從賊黨因于縣理置登州如意中
徙置牟平今寧海州界神龍三年始移今理 國
朝洪武九年始陞爲府○府解靜治堂宋趙明誠
爲守于此裝潢金石諸刻每日晚走散輒校勘二
卷跋題一卷合之得二十卷有題跋者五百零二
卷自爲序○志云秦碑在治內李斯篆文今殘缺
止存二十字省曰樓在府治後登州古岫夷地取
登州府志勝入卷之八 一
尚書賈賓出日之義也其泉亭在府城內聖水泉
之上宋知州馬默建曉露亭在城南脩真觀卽王
重陽所建○納川亭在府城北海濱宋知州劉煥
命名蓋丹崖山北有新開海口乃慶曆二年郡守
郭志高奏置刀魚巡簡水兵更番戍守者○宋元
豐間蘇軾來知州事有題萬松堂詩萬松誰種已
擬擬半嶺蒼苔映此邦露重珠纓蒙翠蓋風來石
齒碎寒江浮空綠竹橫南閣倒影扶桑射北窓生
待夕烽傳海嶠重城歸去踏蓬蓬按志堂在治內
今廢後又有轉運使李愿若能詩其題望仙門云

樓影空門裏門開望衆仙綠鬟雲漠漠翠黛日消
涓烟駕知何處星槎記昔年夕陽孤島畔縹緲海
浮天其題四景樓云縱日有佳處須登四景樓輪
蹄喧市井桑殺暗郊丘翠蓋雲生裏滄溟天盡頭
關于知幾曲倚檻恣清秋題瀛洲閣云翠閣傍瀛
洲洲中勝事幽沙明眠雪驚波漲宿霜鷗渡雨荷
盤膩紫風柳帶垂公餘自多暇尊酒奉仙游○述
異記云登州海畔有大石龜相傳魯班所作夏則
人海冬復止于山上陸機詩云石龜常懷海我寧
忘故鄉益指此也歐陽六一集云登州龍磯島中

登州府志

卷之八

二

距蓬萊百餘里波濤深處有石之可硯者金星雪
浪頗爲世重故取之者不憚于沒溺焉○博物志
云海豹出東牟其大如豹文身五色叢居水涯常
以一豹護守如鴈奴之類其皮可飭鞍褥又東海
中有半體魚其狀如牛剝其皮懸之潮至則毛起
潮去則毛伏又蛟錯魚生子子驚還入母腸尋復
出○十洲記云祖洲在東海中地方五百里上有
不死草生瓊田中草似菰苗長二尺許人死者以
草覆之復生○說郭云登州東海島周穆王所養
八駿處島中有草名龍芻馬食之日行千里語云

一株龍芻化爲龍駒卽此又出方竹其體如削勁
健作杖亦不減張審節竹○志云縹緲青萊樓霞
二縣俱有之縹緲中吳嘉祿蘇氏曰爲嶺堅嶺岫
貢萊夷作牧厥節縹緲是也漢末光年東萊郡之
東萊山野蠶繭收萬餘石民人以爲絲絮至今其
地繭生山系中不落不伺居民取之製爲綢久而
不敝○自縹緲云唐開元才登州漁者負擔行海
邊逢見烟霧蒙籠人衆填雜若市里者遂前見多
賣藥物僧道尤衆良久欠呻忘無所視惟拾得青
黛數十計大不敢他用而施之浮圖

登州府志

卷之八

三

蓬萊縣附

唐神龍間析黃縣置本貞觀之蓬萊鎮也昔漢武
帝于此望海中蓬萊山因築城以爲名有蓬萊閣
在城北之丹崖山山東西二面石壁巉巖中爲洞
者三曰獅子最勝○志云珠璣巖在丹崖山石
壁千尺水中有小石狀如珠璣或如彈丸久爲海
浪所磨盪圓潔光瑩可愛俗呼爲彈子渦宋蘇軾
常取數百枚養石菖蒲且作詩遺慈堂老人云蓬
萊海上峯玉立色不改孤根撐青天雲骨有破碎
陽侯殺廉角陰火發光彩累累彈丸間瑣細成珠

玳瑁浮一渥耳真妄果安在我持此石歸袖中有
東海番慈老人眼俯仰了大塊置之盆盎中口與
山海對明年青蒲根聯絡不可解倘有蟠桃生旦
暮猶可待○臘脂岡在城西南隅石牛滾上春時
桃李開花爛熳如臘脂也或云土石色皆紫赤似
之其上有壓山樓又城南二里有卧龍岡岡之西
麓清泉湧出名卧龍泉舊傳以其居民多隱逸故
取名焉○田橫山在城西北三里韓信破齊田橫
與其衆五百人棲此後乃入島中○丹崖田橫二
山之間有荆山山多產荆其色常紫一名紫荆山

登州府志勝不卷之八

四

○密神山在城南十里東麓貴溪出焉即密水也
一名密水山密山之南有馬鞍山以形似而名有
天生橋在馬鞍山之東南畔皆深礪中起石岡南
北通行天所設也故曰天生橋又城東二十里有
漏天山山下有洞巖水下覆石孔似篩冬夏水滴
常漏故名○芝山在縣東南十五里上有芝山王
廟又十五里爲羽山尚書姪繇于此註云在東齊
海中卽此山也無草木有蛟虫其上多雨之草木
發源于此與石門水合流于海石門者城西十里
山口梵石爲驛路處有繇威在縣南六十里繇將

田預所祭因近繇繇之地而名○九目山在東南
七十里晏謨齊記以中有九竅也又有白狼山者
西連三山北控龍門有石孔三隔山可以望海○
沙門島在城西北海中六十里上有龍女廟凡海
中渡遠者多泊此以避風宋時女真人貢太祖蠲
島中居民租稅造船以渡貢馬後常流放罪人于
此其相聯屬則有龍磯牽牛大竹小竹四島紫翠
巉絕出沒于波濤之表真神仙所宅也上生石芝
草木奇恠又多美石五彩斑斕或作金色見蘇軾
北海十二石記○子瞻又云海市現滅時在數島

登州府志勝不卷之八

五

之上軾至登州欲見之父老以常出于春夏今歲
晚不復見矣軾五日當去以不及見爲恨禱于海
神廣德王之廟明日見焉乃作詩以記之○大謝
戎烏湖戎俱在海中爲伐東夷要路唐太宗征高
麗時置兵戎之大謝去城東北三十里烏湖二百
五十里又五十里有莫和島昔人捕魚于此島中
獲寶劍故名又二百里有一漠島與遼東界海運
所經故道也○志云浪井在府治前唐麟德二年
鑿玉寒井在開元寺內其甃如玉味寒而製城南
二里有煖水水沸如湯名響水灣又有冷泉在

崖之麓去海數十步味耳而冽又金沙泉在城西
君子洲上荷沼柳堤環之郡人以爲游賞之所○
明吳興慎蒙觀海市記云丁亥孟夏二十二日余
至蓬萊越二日與都關袁公同登蓬萊閣召守閣
者問之則曰海市春夏見秋冬少見大霧之後天
晴見天陰不見微風興無風不見大風不見風微
意其見也速而巧風微緩其見也遲而拙余謂海
市有時難以必見遂縱觀汪洋將行矣俄而從者
報曰山左頭張口海將市矣願少止觀焉翹首視
之牽牛島見一樓臺前低後昂大竹山見一大城

登州府志勝入卷之八

六

其色則青白相間其高則居山三分之二其規模
制度則雄偉壯麗殆若王者之都人世所罕見者
顧盼之間驚愕交奔以爲天下有此至神且怪者
乎又自以爲眩而妄也凭闌視之條然俱收余以
爲海市雖美恨其止于一時之觀也俄有報者曰
珠璣山更見一城其色則青黃相半其形則或高
或下其城上之諸樓則隱顯無常其城角之大樓
則離合不定回視牽牛島二峯或間而離或合而
連或小者忽然而大或尖者突然而平雖終日變
幻皆舒遲而模糊又以爲海市雖久未見其極也

俄又有復者曰半洋離咫尺復合爲一大樓中
一門復塞其東則起三回亭皆重簷三疊透徹玲
瓏其西則起假山者三皆疊峯特聳突兀嵯峨其
大樓之東復起一小樓漸與大樓相等其大者照
移十前小者又潛移于後如王者前宮後寢之
制既而升者沉起者伏隱而不見矣俄而一樓
猶大巍然突起三閣微環列于左三座則又小
乃雜處于右而前後左右各起數樓而不可測或
行而止或斷而連或淡而似遠或濃而似近參伍
錯綜條忽變幻已而顯者微明者晦矣頃之忽一
登州府志勝入卷之八

七

大殿聳起于中極其華嚴不事奇巧雖迭出而不
殊三方樓端拱于左層樓迭起樓之簾箔隱隱因
燦種種具在三圍松植立于右其葆蓋臺基形容
特異愚又以爲古今之名畫秦漢之離宮人爲雖
巧恐不足以擬其天成之妙也未幾三松之頂三
樓之表微有雲氣初如一絲與大殿之表相連俄
而小者漸大狹者漸潤恍然一巨橋下視三松三
樓皆變爲三天橋中涵數洞昭晰分明真有如蒼
龍之跨海既而通者塞開者閉忽變爲一大臺又
而爲二破而爲三其中則變爲一大宮如宗廟

之室其左右則分三小宮如明堂之傍今已而
繚以垣牆籠以草樹環以房屋又合于一爲富家
巨室極天下之壯麗既而其垣牆則或高或下其
林樹則或聚或分其房屋則或疎或密雜居散處
又如一大村落中有數十餘家復有混而爲一或
望之如磨又似杯形或視之若杯又如盤制或春
聳而簷長或春縮而簷短又如屏風之獨立或方
起一樓未成而後隱或後起一閣既顯而又微凝
滯多而動盪少亦如夢者欲伏作者欲息動極思
靜之意時則日欲將暮觀者倦而直者疲余乃命
登州府志勝入卷之八

八

輿而歸

黃縣在府城西
南六十里

故黃城在縣東南二十里萊子國都也左傳襄二
年齊侯伐萊杜預註云今東萊黃縣是也史記秦
伐匈奴使天下飛芻輓粟起于黃腸膳蓋文登縣
黃卽黃縣也縣東一百步有卽故城乃石勒遣
卽郎將石開所築故曰卽城後魏于此置東平
郡焉○萊山一名龍門山卽舊縣治有萊子關兩
巖巖鑿石通道極爲險隘春秋襄六年齊晏弱
成薄于隸是矣漢八祠以萊山爲月主今

有延光祠神仙記云萊陰山多仙聖所游西南有
蘆山卽蘆童子得道之處童子晉人九歲并仙唐
封冲禧真君勅建蘆山觀又二十里有土山山環
如城其中有寺寺之東爲仙巖深澗丈餘可蔽風
雨○蔚陽山在縣東二十里其下有東園宋淳于
雍之故居也東園臺榭多植牡丹品類不減于京
洛云○蹲狗山在縣西南三十里石形如蹲狗故
名漢劉寵出西都經此山山犬吠之寵曰山神謂
我入也後有驗果爲太尉大沽水發源于此○志
云黃水在縣東十里許發源蘆山之下經東黃城
登州府志勝入卷之八

九

西北流合沽水以入于海○泮水在東南二十里
發源泮山散漫北流與莊頭河合于黃水○界河
在縣西六十里以界于招遠爲名由分水嶺至館
西入海○漢書齊有士鄉統志云士鄉城在西北
十里又有大入城在東北二十里晉司馬宣王伐
遼東將運糧入新羅築此城以貯之又徐鄉城在
境內武帝封膠東共王子炆爲徐鄉侯者也城在
在縣南百二十里界本愷侯國漢縣高齊省入黃

福山縣在府城東
百四十里

福山在城北五里本登州之兩水鎮金劉豫以此

也有福因置縣爲名○圖經芝山在縣東南一里有芝陽洞其頂曰昇仙峯舊傳爲丹陽昇仙之地左嶺有巨人跡以仙人嘗卧其上云○崩立山在縣城西一里有通仙宮相傳其殿爲公輸子所造標柱懸空四垂若不相屬而結構工巧古今稱殊絕○龍山在縣南二里清泮水遠其下北流入海又十八里爲馬山舊傳秦始皇東游駐馬于此○清泉在縣西二里石孔湧出冬溫夏冷故名○聖水泉有二一在蛤嶺山一在側立山蛤嶺山東北去縣二十五里連棲霞界上有蛤嶺寺側立山西登州府志勝入卷之八

棲霞縣在府城東南五里登州之楊疇鎮也劉豫析置縣南半里有翠屏山蒼翠羅列似畫屏然有大河水發源山下遶城北流東至福山縣西爲清泮河入海又縣北三里之文水東西南北四水交流如篆文然越七里有濱水出濱都宮前俱抵福山入海又白泮河發源靈山之麓遶翠屏山西去會西南二水北抵福山入海靈山峯嵒峻拔福山常應故名在縣東七里許○盛水出縣南二十里之大方山大方者其頂方而平也又西有小方山故此爲大水自山側嵌竇登州府志勝入卷之八

中湧溢于隱窻迤邐潛出石龍口方池注之始流入于河○縣東三十里有岨岨山嘗產金亦名金山宋史慶曆六年登州地震徹海底有聲如雷岨岨山推卽此山也岨岨水出焉○縣北三十里有艾山嶺岨秀出形如艾葉故名山前有溫泉流入大河又原曠河登源嶽山北流經招遠縣城東北合東良平南二河入海嶽山者突兀孤挺形如嶽簇故名又縣東北七十里有百淵山山形逶迤淵水交錯殆以百數○仙釋志云丘處機嘗縣人自號長春子兒時有相者謂其異日當爲神仙宗伯

十九得道元太祖常禮重之勅建白雲菴在縣北二十里之公山有仙源泉相去五里處機募有大木輒投于水其水悉從此泉浮出○縣東北四十里有洪花洞巖石疊疊中有石門稍折而下空洞如屋高潤各一丈五尺可坐十數人又折而下梯磴相仍石水淵深澄澈可鑑鄉人飲之用以療疾○虎斑洞在縣東五十里巖石倒懸青黃錯雜如虎文其中深邃莫測居人嘗舉火誅之烟輒出山後石竅中泉水隨湧

招遠縣 在府西南五十里

登州府志勝不卷之八

圭

羅山在縣東二十五里即唐宋以來之羅峯鎮也金始置縣以明招遠之義○志云張靄山在縣北十五里山高林茂若畫圖然鳳喙山在縣北三十里以其形似鳳喙也本名牛心山元陳節齋過此易今名又雲屯山望兒山齊山靈山俱在縣境○東河在城東一里原幢河入焉縣西北三十里有五澗河又二十里有萬盛河俱由石灰灣以入海○寒溫泉在縣城東二泉並發一寒一溫土人鑿石爲池引而注之名曰新泉

萊陽縣 在府城東北二十里

漢昌陽縣後唐莊宗避國諱改今名寰宇記云古昌陽在文登縣西南三十里晉初廢惠帝元康年復置即今理也故萊陽城在東南二十三里隋大業年築唐末徵初被水湮圯○昌陽舊屬長廣郡漢設長廣郡及長廣縣于此高齊大保間移郡于中郎城後移縣于膠東城此城遂廢故址在縣東五十里有萊王山祠及奚養澤在城西周禮職方幽州之澤數曰後養是矣縣西五十里有曲成城漢縣也已見東萊掖縣下晉時徙治于此改曰曲城至隋省○挺城在縣南七里又三里爲觀陽城登州府志勝不卷之八

圭

皆漢縣屬膠東國者觀陽城以在觀水之陽而名○古城在縣西南四十里傳稱齊侯滅萊時所築遺跡尚存又黃土臺在縣西南八十里其壤黑色惟臺土獨黃相傳秦始皇取瀋境土築此以望仙○芝山在城西北漢武帝東游芝草于此故名又二里爲亭子山舊傳有仙人結草亭于此上今廢○望石山在縣東二十里山形聳拔四望孤高石色蒼翠合而稱之五龍山在縣南二十里有水五道于山下合流入海俗以五龍爲名又有韭山周廻三里多菴萊爾雅云菴山也在縣南三

十里內○火山在縣北三十六里高一里山多赤石其色如火故名○林寺山在縣東八十里山多林木兼有古寺也七子山在東南九十三里又有八峯大峯居中七山在側俗謂之七子山若人峯之子也高麗山在西南九十里魏司馬懿征遼東于此置戍○縣河在城東一里又十二里爲陶張河俱發源棲霞界南流入境又縣東南四十里有水口河卽昌水也與東長河平南河俱東北流入海○錄異記云萊陽縣東北有蘆塘方八九頃深不可測中有大魚五日一奮躍出水大可三四圍

登州府志

卷之八

海

五

其狀異常每出水則小魚逐逐隨水上下不可勝計又云此塘有鮫魚五日一化或爲美婦人或爲美男子後爲雷電所擊此塘遂乾

寧海州

在府城東二十里

領縣一

僞齊劉豫于牟平縣置寧海軍今改爲州牟平者在牟山之陽地勢坦平也○志云牟山在州北七里侯至山在東北二十里漢東牟侯劉興居常至止焉東牟侯祠在城東北岷山上與蘆山相連○繫馬山在縣東四十里相傳秦始皇游此山置草繫馬至今草皆垂屈若人繫結之狀○大崑崙

山在東南四十里卽仙經之姑餘山也麻姑于此脩道上昇餘址尚存山有烟霞洞金大定間有重陽王真人自關抵崑崙謂山前大姓于氏曰我常脩煉此山烟霞洞中蓋往登焉于笑曰我世居此未聞有洞相與求之果然洞口有烟霞二字爲立洞紀石元丘處機烟霞洞詩白石粼粼繞洞泉蒼松鬱鬱鎖寒烟碧桃化發朱櫻秀別是人間一洞天○北史牟平有風山按在州西南四十里又五里爲雀山上下皆有溫泉○鯉堂在州境石落村有劉氏于海濱得大魚取其骨構此堂東堅志云

登州府志

卷之八

五

劉氏鯉堂前有大槐忽夢一女官自稱麻姑乞此樹脩廟劉謾許之既寤異其事後數日風雷大作失槐所在卽詣姑餘山之麻姑廟槐已卧其前矣重和初賜額曰顯異○五丈河在州西北十里源出西南嶧山合澗谷諸水東北流入海○金水河一名沁水源出州南黃堆會諸溪源北過州城五里又東北流入海○九龍池在州東南四十里池有九或如盆缶或如甕盎上建神祠歲旱禱此其水會諸溪河入海○崆峒島在州北海中相近又有東清西清竹管鹿黃諸島及栲栳浮山皆海中

嶼也○城塚記云齊康公城在州東十里卽田和遷康公處又二十里爲青陽城唐武德初析觀陽縣置尋省

文登縣

文登山在縣東二里世傳秦始皇東巡召集文士登此論功而頌德也高齊天統四年分牟平置以此山名○史記秦始皇二十八年行郡縣上太山乃並渤海以東過黃腴窮皮山腠漢縣也在今縣西七十里清陽水側與海畔之朶山相對之朶山卽成山郊祀志云成山爲日主山嶺有李斯篆獄登州府志勝不卷之八

夫

訟所公四字○不夜城在縣東北八十里齊地記云古有日夜出見于東萊故萊子立此城名曰不夜一云以日出于東故名城中有不夜亭漢置縣有成山祠王莽謂之夙夜後漢省城東北五十里有雞鳴島卽海也東南百二十里有青黎城漢縣後漢省近濰港水側其地良沃故以青黎爲名○郡國志云不夜城北有海牛島牛角紫色足似龜長丈餘尾若鮎魚性捷疾見人則飛赴水皮堪寸韃脂可燃燈又有海驢島島上多海驢常以八九月于此乳產皮毛可長二分其皮水不能潤堪以

禦雨時有獲者○萬石山在縣南十里下有石崖可容數人○長學山在縣西三十里漢司農鄭玄隱此開館教授生徒今有書院遺跡○白鹿山在縣北四十里唐神龍年白鹿見刺史畢元愷入進卽此山也五里山在縣南五十里其山南北成行入海如壘故名○石門山在東南五十里東西二石聳立高二丈相去一丈望之如門又十里爲斤山取海濱廣斤之義爾雅東北之美有斤山之文皮矣○鐵官山在縣西百四十里漢時于此置官冶鑄遺跡尚有鐵槎山在縣南百二十里山有九登州府志勝不卷之八

七

頂南瞰大海下有水簾洞中有石硯十餘枚潮至蕩擊聲響如雷潮退三日則有陰雨東麓有雲光洞世傳王陽真人脩煉于此○石橋海神在縣南六十里縣北一百里縣東百八十里三面俱至于海縣東北海中有秦始皇石橋伏琛齊記曰始皇造橋欲渡海觀日出處海神爲之驅石鑿柱始皇感其惠通敬于神求與相見神曰我醜莫圖我形當與帝會始皇從石橋入海四十里與神相見帝左右有巧者潛以足畫神形神怒曰帝負約可速去始皇轉馬馬之前脚猶立後脚隨崩僅得登岸

今驗成山東入海道可廣二十步時有墜石往往相望似橋柱狀海中又有石橋柱二所乍出乍沒俗云漢武帝所作也○志云金日磾墓在縣北四十里○東華觀在縣西五十里觀後有紫府洞洞內有白玉神像學士焦養山記畧云文登之西有山曰崑崙高出人半巋然南向俯瞰巨海諸山皆左右環拱有泉曰靈源淵淪噴薄上連青松白鶴溪旁引白玉亭之九池合流下注底于窮谷由山之右夾岸兩山對峙重岡回合老木瘦藤湍流激石景趣古澹變若世外南一峯曰紫金最為奇秀登州府志勝不卷之八

大

千仞直起是蓋崑崙絕勝處也大定壬寅丹陽馬真人西來愛其風土清曠遂藉茅白玉臺下而居焉是為契遇菴一旦行視紫金峯帝君故宅嘆曰靈都真境實此地營度伊始閱月告成謂古仙東華所棲因以東華名之居無何菴前數松忽及青為白師曰松之白也殆為我乎明年癸卯師果脫去

遼東名勝志卷之九

遼東都指揮使司

閩中曹學佺能始著

春秋戰國屬燕史記秦始皇二十五年使王賁伐燕虜其君喜滅之因置遼東郡于此漢高帝八年封紀通為侯國武帝拓地朝鮮并割遼東屬邑置樂浪玄菟真蕃臨屯四郡東漢末為公孫度所據比海管寧王烈避難皆依之按度遼東襄平人初為玄菟吏舉有道累官遼東太守東伐高句驪西擊烏桓南越海取東萊諸縣威行海外自立為遼遼東名勝志卷之九

一

東侯平州牧曹操表度為永康鄉侯度曰我王遼東何永康也藏甲綬武庫中不拜管勿安至乃虛館以待寧廬于山谷與度語唯經典不及時事禮讓崇于海表烈亦有行誼東城人多歸之爭訟者將質之于烈或半途而還或望廬而還愧使烈聞時郡原亦同依度剛正格物度以下皆不能安管寧曰潛龍以不見為德乃遣原還○定遼中左右前後及東寧為衛凡六皆附郭與自在州同城而居本漢襄平遼陽二縣也首山在城西南十五里晉司馬懿圍公孫淵于襄平有星從首山墜城東

卷之九

15

卷之九

111

在司城南
百二十里

高麗之沙卑城渤海國之南海縣也遼曰海州○志云散水河在城北入太子河南北通江出城東二十里之滑石山自東而西橫渡遼河○注水經云遼水又東逕遼縣故城西王莽更名之曰順陸也公孫淵遣將軍畢衍拒司馬懿于遼縣卽此處矣按遼縣廢縣在八衛西六十里昔有仙人帛仲理能煉丹點金以救百姓遼因改爲仙鄉縣

蓋州衛在都司城南二百四十里

高麗之蓋牟城也唐置蓋州遼以路通辰韓改爲辰州金復舊名○石城山在衛東北十五里有遼東名勝志卷之九

四

石城城中有一泉四時不竭竈突山在衛東南十五里以形似名羣山環繞中有一峰突起故也布霧山在衛東南一百里山勢極高常有雲霧布滿其上○分水嶺在衛東百四十里清河水出焉西南流逕衛城南與泥河合五重河在分水嶺東流經衛東北與楊子河合俱入于海按泥河一名沮水又名葦草濼以水多葦草而名水經云沮水出樂浪鍤方縣東南過臨沮縣入于海史記漢興以朝鮮屬遼東外微遠難守以沮水爲界是也○志云熊岳廢縣在衛南六十里安布廢縣在衛東北

七十里唐太宗攻高麗不下薛仁貴白衣登城奮勇克之卽此處矣

復州衛在都司城南四百二十里

本蓋牟地遼爲遼民縣後置復州○沙河發源東得利羸城山下流經衛城南合麻河西流入海○畢里河出蓋州東南山谷間南流經當衛與沙河合接得利羸城遼東後衛初設于此時移今治○明山在衛城東十里元史載高句麗之子曰東明者葬其上故名屏風山在南海中萬離島在東海中各去城五六十里

遼東名勝志卷之九

五

金州衛在都司城南六百二十里

唐之金州也志云大黑山在城東十五里絕頂有城四面懸絕惟西向一路可通人行其中有井昔人多避兵于此又十五里爲蓮花島與金線杏園等島凡七十二羅列海濱○按衛屬之千戶所戍守旅順口有鴻臚井其上題云唐開元韋嗣立使鴻臚卿崔忻鑿

瀋陽中衛在都司城北二百二十里

本挹婁國地唐之瀋州也高宗平高麗渤海大氏以衆保挹婁之東牟山卽此處矣城北四十里蒲

河千戶所東北八十里撫順千戶所俱屬焉按城東南四十里有輝山層巒疊嶂赫奕其上故名蒲河發源于此西流經衛境入于渾河○撫順之南八十里奉集廢縣在馬古碑離那地茂之險瀆縣也高麗爲霜嚴警渤海爲奉集縣後置集州寺廢○志云柴河出城東諸山西流經衛城北入遼河衛西二十里有鴛鴦湖廣十里以形似名

鐵嶺衛在都司城北四十里

古有鐵嶺城按高麗界洪武初置衛于彼尋徙今治卽遼金時之蓋州也龍首山在城東里許

遼東名勝志卷之九 六

三萬衛在都司城北四十里

今之開原城也古肅慎氏地後屬挹婁元魏時號曰勿吉隋曰黑水靺鞨唐貞觀中以其地爲燕州金滅遼時建國于此後遷都于燕以此爲會寧府號上京元改爲開元路 國朝設衛與安樂州遼海衛同城城內有五雲樓金皇統初建有殿曰重明東曰龍壽西曰奎文又有官室名曰慶元明德興聖永祚之屬今俱荒廢惟餘故址○刁彈山在城西南百五十五里遼河西岸牛心山在城東北二百五十里遼河北岸綿亘三百餘里馬鞍山在

城東北四百餘里建州之東滾溪山在城東七百四十里松花江之東岸也松花江源出長白山湖中北流經南京城合灰扒江至海西合混同江入海按長白山距東北千里外綿亘八百餘里其巔有潭周八十里淵深莫測南流爲鴨綠江北流爲混同江唐書東夷列傳有馬訾水出靺鞨之北色若鴨頭故名鴨綠太宗征高麗耀兵于斯水也水經云大遼水出塞外白平山東南入塞卽此山矣○平壤城在鴨綠江東一名王險城卽箕子故國也城外有箕子墓漢爲樂浪郡治晉義熙後其王遼東名勝志卷之九 七

高麗居此城後號西京元爲東寧路

廣寧衛在都司城西四百里

漢之無慮縣也西部都尉治所唐置巫閭守捉城矣金改爲廣寧府 國朝置衛與中左右三衛同城○鑿巫閭山在城西五里昔虞舜封十有二山之一卽幽州之鎮也其山掩抱六重又名六山上又有桃花洞又有聖水盆三水懸崖下灘雖冬不冰又有仙人崑飛瀑巖山下有北鎮廟廟內有呂公巖宋蔡珪詩幽州北鎮高且雄倚天萬仞蟠天東但惟林稍看鳥背不知身到碧雲中○板橋河發

源登巫閭山有二其一流逕衛城北其一流逕城南

南俱東南合蘆溝及雙峯河入海遼史東丹人皇

王平生愛鑿巫閭山水世宗因為之建陵僭肅太

后葬焉中作影殿制度宏麗人皇即突欲讓位者

○牽馬嶺在衛西北六十里與縣巫閭相接勢極

險峻中通驛路過者須下馬繫緣故名○珠子河

出東北百里之白雲山南流入于遼河○地理志

云唐壘在城東南三十里相傳唐太宗屯兵于此

○望平廢縣在東北百五十里漢置注水經云遼

水自塞外東流直遼東望平縣西王莽之長說矣古

遼東名勝志卷之九

老無名泉在衛城北二泉涌出自城西南流入城

中至東南隅達于濛濛者資焉

義州衛有都司城西北五百四十里

秦遼西郡之象縣也東漢末為山戎所據唐始建

城遼號宜州金曰義州 國初置衛與廣寧後屯

同城而居○志云小山兒在衛城西北 國初征

虜將士至此渴甚其地忽聞有聲如駁使人視之

四泉涌出士馬就飲得免困乏歡呼前進即

成祖夢殿西北隅小山流泉者也于是適相符云

○弘政廢縣在城東北二十五里開義廢縣在城

南四十里

廣寧中屯衛在都司城西北六百里

漢無慮縣地晉慕容氏西樂部遼之臨海軍也徒

河城在衛界昔虞舜時已有此城漢因縣之慕容

燕又析置神水縣元俱省○志云木葉山在城東

三十里上建契丹始祖廟奇首可汗在南可敦在

北并塑八子像于側相傳昔有神人乘白馬自孟

山浮土河而東有天女駕青牛車出平地松林泛

黃河而下至木葉山二水合流相遇配偶生八子

其後族屬漸繁分為八部每行軍及時祭必用青

遼東名勝志卷之九

牛白馬云又五十里有紫荊山山多此木故名○

弘螺山在城西六十里一名虹螺大小二山綿亘

百餘里今因其勢築長城以障塞一方

廣寧左屯衛在故錦州城內

錦州者以城西有錦川水故名城東四十里大凌

河側有中左千戶所屬為犄角我宣德間增置

廣寧右屯衛在都司城西五百四十里

志云十三山在城北三十里五代史胡嶠北行記

東行過一山名十三山云此西南去幽燕二千里

遼史燕王淳討武朝彥至軋州十三山即此地也

山頂有池下有洞金蔡珪詩聞山盡處十三山溪曲人家畫幅間

廣寧前屯衛在都司城西九百六十里

志云萬松山在城北十五里綿亘東西四百餘里連山海永平界其山多松故名山北五峯秀拔若五指然曰五指山急水河發源于此南流經衛城西五十里與慢水河合又二十里與六州河合南流入海六州河者大寧建州等六州之水合流爲一也○海濱廢縣在城西八十里木漢陽樂縣地慕容皝改集寧縣遼爲濕州海平軍治今山海東遼東名勝志卷之九

闕于此置

寧遠衛在都司城西七百七十里

寧遠河在西北山谷間南流至城西合爲二派環抱城郭衛以是名○三首山在城東二里三峰相峙狀若人首其上有泉四時不竭按今新城倚此爲固○八塔山在城西南二十五里山上有大小塔凡八○大團山在城西北三十里中高四下守之可斷北虜出沒○輯畧云遼左東至鴨綠江朝鮮界西至山海關薊鎮界南至旅順海口山東界北至開元女直界全領延袤千餘里爲京師左臂

國初廢郡縣置衛所以備虜獨于遼陽開原設安樂自在二州以處屬夷其外附者東北則建州等衛西北則朵顏等衛分地授官通貢互市自大寧失險聲援與宣府遂不相接朵顏屬夷賴蟒等結爲姻親勾引北虜入寇烽烟傳警薊鎮援兵由山海關一綫之路馳至虜已回巢矣舊鎮城設立三岔河適中之地正統年間陷沒于虜遂爲土蠻諸部巢穴每遇河凍東西突犯廣寧城在河西遼陽城在河東彼此相顧聲息頗艱議者欲恢復舊鎮驅虜出套橫截三岔河口稍迴兩河心腹之患亦遼東名勝志卷之九

省迂迴增設之費誠爲善策遼人歲苦虜犯一聞恢復之議日盼盼焉第該鎮三面瀕夷一面阻海地廣人稀招募無術總兵李如松微功出塞搗巢陣亡麾下精銳喪失殆盡自此士氣日索虜勢益張雖有木馬二市罕能羈縻矧沿邊無牆連歲修築迄未成功虜不時入曾無界限兩河居民非死則徙所存唯一二空堡而已虜無所利輒圖攻剋今年破長定明年攻寧遠大小將領先後陣亡如卽得功者不可勝數頃河東失事副將伏法屬夷恣睢開原卑弱朝議不惜三十萬金增募戍卒以

備不虞懸示經年竟不收片甲之用目今度支告
匱餽餉難繼兵食兩訓其如之何鎮撫二臣全鎮
安危係焉乃受事未幾人言踵至旋遣旋能如同
奕棋始不擇人後何以望其成功也建州夷酋招
降納叛侵土啟疆非一日矣昔阿骨打崛起海西
滅遼感宋自此因之殷鑒不遠識者危焉詳見下
○今按萬曆四十六年三月內奴酋攻破撫順堡
總兵張承胤死之挾游擊李永芳而去 朝廷聲
罪致討遣經畧楊錦易撫臣李維翰往仍召起廢
將劉挺馬林王宣等與杜松李如柏四路進兵奴

遼東名勝志

卷之九

十三

酋出迎戰松挺林皆歿于陣獨如柏全師而歸或
謂錦寔先擊之乃已未四十七年三月朔日也自
大將而下以至參游材官剋弁之士歿者凡三百
員名兵卒殲至六萬聞奴酋亦被殺傷三萬人
京師戒嚴城門晝閉乃集 廷議特起御史熊廷
弼于家初以大理寺丞宣慰旋卽加部院職銜且
授以尚方劍俾得便宜行事廷弼尚留滯都門未
與錦代而開原鐵嶺二衛俱破其攻城之目王將
若圖聞知然皆不俟俄頃而百雉傾亡河山失勢
說者恐有陰爲之向導者云又次年始逮錦及如

栢如楨兄弟如栢者素稱鐵嶺李氏與奴酋有厚
恩及破開原鐵嶺始知其賣已而遼人亦漸不利
于自矣○經畧王在晉爲劉將軍挺傳畧云初發
兵之前一日天日昏黯塵霾障天已又變紅光如
血大風揚沙晝晦翌日兵分四路李如栢出清河
逗留不進杜松出撫順兵次渾河半渡賊決上流
湧斷我軍後車火藥爲奸細所焚賊以全寨精力
設伏誘師松于是戰歿鎮守王宣等死之乃乘勝
攻我開鐵馬林與遇部伍被掩襲大亂僉事潘宗
顏及副將黃鉞以下俱死之而寬奠一路大將軍

遼東名勝志

卷之九

十三

挺自牛尾寨進賊來堵截官軍屢報斬獲功至馬
家寨賊伏兵發力戰破其三陣直抵奴寨一百二
十里賊兵逼山誘戰守備馬進忠平騎殺入賊陣
賊悉收旅退屯山箚我師亦困堅壁相拒會奴狡
佯張撫順軍旗幟訛言杜將軍戰勝來合兵提未
及探甲遽令開營夷兵猛熾以二萬人合圍自己
至酉我兵亦衝破數陣然竟不能支將軍面中一
矢又戮一刀畢命有劉招孫者帳下卒也負將軍
尸手挾刃與賊相格殺亦被害高麗兵萬三千爲
將軍殿戰潰都元帥姜弘立副金景瑞俱被縛降

朝鮮國王籍其妻孥囚繫之祿將金應河依柳樹下踞坐胡牀取大弓迭射發必穿楊應弦而倒一賊從後閃刺之猶發矢不絕斃乃投弓云

廷弼治遼肅用嚴肅視事立斬一裨將不用命者衆皆股栗其意片重不與虜戰惟修繕其城壕以備衝突疏言遼城增數尺已上壕濶十倍奴騎來不能踰越矣廷弼且工伺誦奴有動靜問亦知之或謂奴西所倚任李永芳原爲遼諸生受知于廷弼亡去爲奴用廷弼在猶戀戀故人意惟是蠶食遼之零星墩堡而以廷弼故終不犯遼藩也久之

遼東名勝志

卷之九

十四

勢不能支永芳始密勸廷弼使去似亦揣摩之論云但廷弼至遼加遼餉至八百萬而竭天下之財以奉東方一隅海內人怨之有與廷弼齟齬者抗言欲清核其士馬出入之數以塞漏卮于是廷弼亦不能安其位力請得告去始以袁應泰代應泰陝之鳳翔人袁任徐淮備兵時賑荒有煦煦聲遠近稱其能遂用邊才推較焉應泰至驛友廷弼之政盡易嚴爲寬士卒離次搜人之粟以食甚有奸淫其女婦者遼民益惻怨無同志奴酋役使他部落夷降于我應泰不察其情僞收而置諸瀋陽衛

城奴攻城降夷爲內應不移時賊陷矣有謂主受降夷者總兵賀世賢也世賢故虜種積功陞爲總兵開鐵敗時頗能以一隊自全時論服其謀勇而應泰不信之時監軍御史張銓頗足力爭其不可開幸不能奪也賊既乘破竹之勢來攻遼陽應泰乃令令西北浙蜀兵開列人營于外以禦敵奴酋僞爲不勝使懼怯者嘗之而致我之矢石將盡乃焚其精銳蒙古鎧策勁騎以衝我陣陣爲之動西兵營逃陣鳥獸散而浙兵乘之惟蜀兵爲石碇土司女將泰邦屏所統者計不願返殊死戰殺傷多

遼東名勝志

卷之九

五

虜久之以無援亦沒邦屏死之奴薄城應泰列銳于睥睨間自置一大銳在城樓上身處其中不濟則將以殉銳爲廷弼所造易鐵以木輕而易舉且價值殊省然初造時木氣尚溫良久始能中藥及藏逾時木乾遇火即發勢反內炎銳手先斃乘城者賊群譁謂賊已登城士卒皆潰應泰乃發所自置銳雄經于樓上而死奴酋入城忿已多所殺傷大肆荼毒遼人無男女誅戮幾盡宛填溝井臭聞數里重括其金繒以歸而城郭廬舍皆墟之矣御史張銓被執不屈而死總兵賀世賢出降虜聞奴

詭其後至而撻辱之旋亦遇害或云永芳忌兩雄
不並棲也虜騎薄三岔河而退京師大震戒嚴
有王化貞者時爲廣寧兵備頗以膽氣自雄堅不
爲卻困巡撫薛國用抱廢疾歸廷議推化貞代
化貞上疏言臣聞都城百官盡欲挈孥以歸何其
太早計也臣八日在櫺內見人移入廣寧請示無
恐臣無用多兵界臣萬則可守六萬則可戰矣
時論壯之或謂虜酋虎賁愛妾有心疾遇發輒不
欲牛化貞偶挾奇方能牛之虜酋以此期一當爲
報德云歲庚申秋七月初

遼東名勝志

卷之九

十六

神宗皇帝大漸召輔臣語之曰遼左敗績皆緣文
武將吏不和所致海內聞者皆誦

聖人明見未幾廷推舊遼撫熊廷弼往經畧時

化貞方恐有掣其肘者廷議遣與不遣各半而

廷弼至京師亦無意于行言官交章趣之始行

天子命大僚餞于郊而都城內外百姓皆設案

持香以送謂熊經畧生全我也廷弼出關駐右屯

距廣寧十舍許壬戌之春奴騎渡河先攻鎮虜營

不下副總羅一貴射卻虜酋相蹂躪死屍與城夷貴

中飛箭死經畧廷弼厲檄總兵劉渠大集兵士陣

于河上奴騎一麾而我陣旋潰有孫得功者遼撫
之中軍也化貞深信任之輸策以問李永芳約其
迎陣而降不意反爲所賣彼悉力來衝而我開右
脅以納之奴鋒遂不可支然而奴衆尤慮我或誘
之也遂相率歸營于河東岸以觀變而得功乃突
入軍門指逃戎爲賊哈化貞曰賊至矣廣寧人皆
潰公自爲計化貞詢諸部下及士民答其意從賊
與不從賊者各半化貞知不可守乃發府庫散白
糴于西虜賂其爲殿而自擁數騎走有壯士叩于
馬前曰公何可去化貞佯若不聞壯士操挺欲擊

遼東名勝志

卷之九

十七

之爲護卒所呵而止化貞去得功始迎奴賊入廣
寧賊尚不敢渡河令其駕浮橋于河上而後西向
然奴酋哈赤自破開原後而攻遼瀋及渡三岔河
俱未親行惟是李永芳與其諸王子銜命以往捆
載而歸奴酋擁金錢婦女于新寨以自娛樂意不
欲西率用虛聲囑我民雜遣奸人細作爲其適
主而已化貞行之先一夕廷弼自右屯趨至開陽
與化貞計事外人不曉其何指但其跟蹤入關則
廷弼前而化貞後如合符節議者謂經撫不和于
攻守而和于亡歸也有副使高邦佐者不欲逃乃

自延延廷弼惡其并已而焚其屍謂彼魂魄不願
歸故鄉矣化貞廷弼上疏言臣等知不可戰乃護
送人數百萬口入關以存活其性命亦 天地
祖宗所不忍弃之黔首也廷弼遂自拘于司敗有
併逮化貞至付法司按律皆論死歲乙丑
祈用閣臣丁紹軾等遂泉廷弼于市傳首九
邊城之春奴騎渡河來攻寧遠寧遠兵備袁崇煥
禦之寧遠城小而堅踞三首山以自固實崇煥所
自修築賊來攻倖不可破然而救援不至中外絕
消息者六日致屢

遼東名勝志

卷之九

十八

主上遼遼間策外廷時賊渡大凌河穴城而攻適
寧遠城蓄有大炮自東粵解赴得法于西番者崇
煥藉以併力舉發糜爛其首背賊多損傷遂解去
說者謂奴酋自破撫順來至此始挫其鋒云有忌
功者尚以覺華島失守欲詰崇煥罪相等久
之知公論難奪乃晉崇煥為中丞撫治遼事然崇
煥亦與督臣王之臣大帥滿桂不相為用彼此抗
廷議為調和之至年冬奴酋哈赤死諸王于
平立方有內事未能遽西越次年攻錦州亦失利
去以謂之役也禦敵神速而加恩寬廣以獎詳致

江西布政使司總叙

北至京師四
千二百里

領

禹貢揚州之域星分牽牛而漢志以為斗宿
滕王閣賦以為翼軫者蓋地在吳頭楚尾之間無
定屬云秦為九江郡地兩漢皆隸揚州刺史晉元
康分荆揚十郡立江州治豫章郡後乃移治武昌
唐初立洪州總管府隸江南道管洪饒撫吉虔南
平六州開元分江南西道採訪使江西之名昉此
建中陞節度使咸通加號鎮南軍宋初江南西路
安撫使統洪瑞袁虔吉撫臨江興國南安建昌等
十州元置江西等處行中書省及江西湖東道肅
政廉訪司 國朝置江西等處承宣布政使司領
十三府置江西都指揮使司領四衛十一守禦千
戶所置江西等處提刑按察司並治南昌分為五
道南昌府瑞州府屬南瑞道饒州府南康府九江
府屬九江道廣信府撫州府建昌府屬湖東道吉
安府臨江府袁州府屬湖西道贛州府南安府屬
嶺北道歐陽脩集古錄云江西使院小史記唐崔
祐甫撰陸蔚之書開元二十二年始分江南十七
州為西道宣州至于此凡十八使此碑以長慶三
年立

南昌府志卷之八

水經注云春秋屬楚魯昭公七年楚令尹子蕩伐吳師于豫章卽此漢高帝五年始置郡風俗記云豫章以木氏都雷次宗古今記口郡松陽門有樟樹高七丈五尺大二十五圍枝葉扶疎庇蔭數畝漢官儀謂豫章生庭中高帝取以名郡焉及丘番君吳芮爲長沙王郡屬之後漢陳蕃爲太守署徐穉爲功曹蕃在郡不接賓客惟穉來特設一榻去則懸之此卽懸榻處也晉太康中望氣者以豫章廣陵有天子氣乃封愍懷太子爲廣陵王鎮豫章

南昌府志勝八卷之一

二

其後懷帝克以豫章王登大位東晉爲江州刺史治宋齊以還並爲豫章郡隋平陳罷郡爲州名之曰洪以地爲洪崖先生所居也隋末林士弘蕭銑迭據之唐武德初置洪州都督府天寶間改豫章郡寶應元年避代宗諱去豫只稱章建隆元年南唐李景遷都于此始改南昌謂之南都其子煜仍徙回金陵宋迄南渡皆曰洪州後以孝宗潛藩陞隆興府元因改隆興路國初名洪都府尋易今名○輿地碑曰云豫章舊志一卷晉會稽太守熊默撰口豫章事實豫章古今志俱雷次宗撰見隋

經籍志崇文總目等書口唐豫章冠蓋盛集記獨孤及撰舊石柱記嚴譔文新石柱記來其撰佚其名口豫章記三卷南唐徐廣撰口洪州圖經宋李宗諤編口唐洪州都督張九齡郡內開齋詩郡閣畫常掩庭蕪口復滋簷風落烏毳窓葉掛蟲絲拙病宦情少羈閒秋氣悲理人無異績爲郡但經時惟有江湖意沈冥空在茲又郡舍南有園畦雜樹聊以未日詩爲郡久無補越鄉空復深苟能秉素節安用叨華簪却步園畦裏追尋野逸心形骸拘俗吏光景賴閒林內訟誠知止外言猶匪忱成蹊謝

南昌府志勝八卷之一

三

李徑衛足成葵陰榮達豈不偉孤生非所任江城何寂歷秋樹亦蕭森下有北流水上有南飛禽我願從歸翼無然坐自沈口志云南園在郡治東南宋乾道中吳帥芾更築亭榭口北園在治之東北直貢院前亦吳芾所築口東園在東湖上直環波亭宋淳熙中張子頰築口樂園卽宋潛司花園紹興中轉運判官趙奇符所後還副汪召嗣余應求相繼增築至慶元五年秘閣趙不迂榜以今名○古今記云豫章城漢潁陽侯灌嬰所築南昌演法院是其故宅志曰灌嬰定豫章今祀爲城隍其廟在

府治子城東故南昌縣有灌城鄉及灌嬰井又灌嬰城卽今之黃城寺也漢郡城周十里八十四步開六門南曰南門松陽門西曰阜門昌門東北二門各以方隅爲名晉咸安中豫章太守范甯更闢東北西南二門唐初築城西南隅四分之一卽今府治所也垂拱元年洪州都督李景嘉增築之凡八門題額俱吏部侍郎越州徐浩書元和四年刺史韋丹更築城東北隅于是廣比漢城倍之宋洪州城又倍之紹興六年李綱來帥足邦始截其東北隅入三里許開十二門 國初壬寅歲

南昌府志勝入卷之一

四

高皇帝定洪都以城西面臨江不利守禦命都督朱文正改築移入去江三十步展東南二里許視舊城殺五之一周二千七十丈有奇高二丈九尺建七門東曰永和又名澹臺以門內有澹臺墓舊名壇頭門爲仙人黃紫庭壇址東南曰順化舊名琉璃以門內延慶寺有晉建武時琉璃佛像在焉南曰進賢舊名撫州俱以道路相通又曰望仙以漢梅尉故廨在此門外又南曰惠民輓輪惠民倉其路繇此舊名寺步以近隆興寺也西南曰廣潤舊名柴步又名橋步西曰章江以在

南昌府志勝入卷之一

五

江濱故名舊曰昌門孫策遣虞翻與郡守華歆交語于此北曰德勝舊望雲門李綱移築于此又名新城豫章記云郡城東南雙闕吳鳳皇二年太守維揚府君張俊字子彥所造志云府西門樓宋之鎮南軍也其上有刻湄唐嗣曹王臯命處士王易簡造制度極精張曲江集有登豫章郡南樓詩閉閣幸無事登樓聊未日雲霞千里開洲渚萬形出澹澹澄江漫飛飛度鳥集邑人半艦艦津樹多楓橘感別時已屢悲眺情非一遠懷不我同孤興與誰悉平生本單緒邂逅承優秩謬泰爲

邦寄多慙理人術驚鈇雖自勉倉廩素非實陳力儻無効謝病從芝朮避暑樓城東南敵樓也武陽公常丹所創貞元十四年觀察使李異闢而新之名曰避暑樓夏日嘗同僚屬賓客宴會于此南昌副使符載爲之頌城西北樓曰夕佳樓本名僕家樓以元末僕列筮闔門死難有司徙其樓于西北城角以旌忠烈明萬曆間始更今名取陶淵明山氣日夕佳之語積翠樓在章江門外王仲序詩高樓峙江汜突兀起空碧戶牖近星辰樓甍麗雲日開軒面洪崖遠黛翠如積日落秋江明

遙空同一色□滕王閣在章江廣潤二門之間唐
顯慶四年滕王元嬰都督洪州營建此閣迨落成
而滕王之封適至因以名之後有閻仲與來督其
婿吳子章能文令宿構閣序因九日宴僚屬欲出
誇之先是龍門王勃往交趾省親舟次馬當山去
南昌七百餘里神見夢焉且許助風及明而至遂
得預宴閻徧請諸賓客爲序皆辭謝至勃不辭而
賦一座驚伏有序併詩其後王緒爲閣賦王仲舒
韓愈爲閣記宋元間范致虛姚燧虞集俱有重脩
閣碑本朝胡儼又爲閣賦然皆不能及也我

南唐書志勝入卷之一

六

太祖嘗宴詞臣閣上命放陳友諒所蓄鹿于西山
□王子安詩滕王高閣臨江渚佩玉鳴鑾罷歌舞
蕭棟朝垂南浦雲珠簾暮捲西山雨閒雲潭影日
悠悠物換星移幾度秋閣中帝子今何在檻外長
江空自流白居易詩滕王閣上唱伊州二十年前
向此遊半是半非君莫問西山長在水長流王介
甫詩白浪翻江無已時陳蕃徐穉去何之愁來徑
上滕王閣覆取文公一斤碑□作以萬曆甲辰歲
遊豫章作滕王閣歌云百里豫章城千里滕王閣
江天肆下上雲物何寥廓崔巍鉅麗宇中稀帝子

乘遊歌舞飛露臺半壓龜龜背霞構全遮烏鵲堂
昔時宴客開豪貴王勃一帆風送至文章不屬少
年人未必江山能吐氣四傑之名從此買翻借滕
王到千載殘碑屢化祝融灰勝韻不隨波浪改君
不見今西山中有仙人兮杳難攀梅福丹井已漫
滅王喬白鶴控不還縹緲一抹之青鬟明滅變幻
無時開或將太古色現此頃刻間我來有意揚後
塵無聊章江妬殺人淥波不肯流新月芳草先期
別故春春去分何處尋日沒分江半陰浦樹微分
照水深水氣浩浩以上侵似沙分而颺疑烟分而

南唐書志勝入卷之一

七

沉顧此淒淒之景分而動予之長吟長吟兮舒懷
抱北行不望金陵道南歸何必故鄉好予將涉江
而蕩湖兮直眠匡廬之峰曰五老

南昌縣

郭附

漢舊縣爲豫章郡治所迄今因之但隋開皇中改
豫章唐寶應中改鍾陵縣耳餘皆從舊○故南昌
縣廳側植古松二株宋司馬光送沈紳令南昌詩
有長江湛湛帶楓林古木寒雲縣寺深之句紹興
間知縣蔡宰建堂榜曰雙松

新建縣

郭附

本漢南昌縣地晉分置宜豐縣陳又分置西昌後
俱省宋太年興國六年割南昌之水西一十四鄉
置今縣其後余襄公頃爲宰撰新建圖經○通畧
云南唐李氏以建隆元年遷都于豫章城後其將
林仁肇密陳淮北戍兵不多請復江北後主乃以
仁肇爲南都留守其故第在縣之昇平里舊新建
縣治是也今治所已再遷去府西稍南而府治卽
國初新建縣之在司馬巷者相傳卽古西昌縣治
○按宋南昌縣治在城東北隅有雙松堂者卽此
國初遷于惠民門內普賢寺前定晉之禪居寺唐

南唐府志勝

卷之一

八

之龍興院也本晉武昌太守熊鳴鶴宅後捨爲普
賢寺寺內有鐵相高丈餘是南唐袁州刺史邊鑑
鑄重二十萬斤先是合昌間觀察使裴休曾迎黃
藥山希運居之而洪武三年又自普賢寺前遷于
子城西夾牆巷內舊上藍寺故址寺有蛟井梁天
監時龍鬬井中豫章王蕭綜造大佛鎮之唐改爲
開元寺有明皇銅像大厝間這一禪師開道場于
此時稱江西馬前寺大中間寺燬南平王
鍾傳奏建爲上藍院蓋傳徵時爲高僧令起所識
及貴乃置此寺以居之宋初仍名上藍真宗時敗

承天元爲永寧寺 國初以寺址翔南昌縣治遷

永寧寺于新建界內今仍上藍之名○古南昌縣
尉廳有梅仙祠祀漢壽春梅子真福也有蓮花池
故址相傳子真所別于時成帝委政王鳳京兆尹
王章以譏刺坐死福上書繼諫不納知漢室將移
嘆曰生爲我酷仕爲我楷形爲我辱智爲我毒遂
棄官去○寰宇記云梅福宅一名梅君堂在縣東
北三里西接開元觀有東西墨池及書堂後漢徐
稚少有高行追美梅福之風乃于福宅東築室以
居○宋楊萬里廷秀集曰南昌尉廳之右有孺子

南昌府志勝

卷之一

九

墓其前故有思賢亭後經兵燹亭毀墓湮今尉劍
津張敬之因葺官廨披榛得焉按圖譟孺子墓旁
有九里井復求之得井昔有村毗于桓伊墓下得
古甕三款識云晉平南將軍墓去徐聘君墓七里
驗之邇邇而信因表墓以復其亭○曾南豐子固
孺子墓考云水經注謂章水經南昌城西歷白社
其西有孺子墓又北歷南塘其東爲東湖其南小
洲上有孺子宅號孺子臺吳嘉禾中太守徐熙于
墓隧種松謝景于墓側立碑哀侯蒿于碑旁立思
賢亭拓跋魏時謂之聘君亭墓失其地臺可考而

知也○豫章記云郡西學堂晉元康六年太守安定范故澗世源所造□宋洪芻職方乘云洗馬池在子城東南是灌嬰飲馬處或云晉衛洗馬訪謝鯤至此古老言有兄六七美女浴池中衣皆五采有少年藏其一諸女浴竟就衣化鶴飛去獨失衣者不能化乃隨少年作配後三年亦飛去故俗又呼爲浴仙池按今在府學之右宋嘉祐中知洪州程師孟擢物華樓于上取王勃序中天寶物華語○志云五賢祠在府治西迎恩坊內祀者梅子真陳仲舉徐孺子范武子韋文明也梅陳徐詳前後南昌府志勝一卷之一

十

攷外史晉范甯牧豫章日大設庠序遠近至者數千人資給一出私祿韋公弼學記謂自漢至晉曠數百年間有功于學校者獨范甯一人耳文明唐韋丹也元和初刺洪州始教民爲瓦屋以免火憂明年築隄扞江長十二里疏爲十門以走潦水灌陂塘田二千頃至今賴之杜牧竹遺愛碑云洪始有居水火是苦一日除去人知歌舞後其子丞相宙守豫章建石爲亭以覆之今城西石亭觀音院是其遺址□水經注云州城內有大湖北與城齊城廻曲至南塘本通章江增減與江水同後漢永

平中太守張躬築塘以通南路故俗曰南塘滕劉宋少帝景平元年太守蔡興宗于大塘之上更築小塘以防昏墊兼遏此水令冬夏不復增減志云湖在城內東南隅卽東湖也周廣五里沿堤植柳名萬金堤張九齡詩郡庭日休暇湖曲邀勝饒樂職在中和虛心挹上善乘流坐清曠舉目稱悠緬林與西山重雲因北風捲晶明畫不遠陰影鏡無辨晚秀復芬敷秋光更遙衍萬葉琴可嘉一遊豈能展李紳前題菱歌罷唱鷓鴣舟迴雪鷺銀鷗左右來霞散浦邊雲錦截月昇湖面鏡波開魚鷺翠羽

土

金鱗躍蓮脫紅衣紫葍摧淮口值春偏悵望數株臨水是寒梅□按東湖今又分爲西北二湖故豫章城中有三湖九津之說九津者三湖水所派洩也與章江僅隔一綫而不相參互乃由內水關穿廣潤章江德勝永和四門城壕而過之東北匯峴子艾溪二湖以入于東鄱湖鄱湖詳見下□廟記云徐孺子祠有二舊祠在東湖南小洲上南唐徐廙續豫章志以孺子宅在州東北二里許陳蕃爲裨遷宅于南塘東百步湖南際小洲者是也亦名孺子臺晉南豐曰余爲太守之明年始卽故處結

茅爲堂圖孺子像祠以中牢率州之賓屬拜焉
孺子新祠自高橋移來者在新建縣學前跡京湖
土阜屹立有亭巋然南唐重建也范土爲像儼漢
代衣冠南當孔道故徐鉉記云前臨康莊傍眺城
闕平湖千畝凝碧于其下西山高堂倒影于其中
依然懸榻之場想見致芻之况矣我 洪武七年
甲寅又遷于南昌學左環波亭卽唐涵虛亭故址
輿地紀勝云環波亭下有釣磯洪邁作記曰東湖
舊有三亭曰涵虛孺子岩波也碧波亭宋熙寧時
改爲孺子祠者元末圯孺子亭在高橋南涵虛亭

南昌府志勝不卷之一

圭

唐宣宗時建至宋廢其址爲環波亭郭祥正詩東
湖入望晚波平蒹葭圓荷各自青不用更尋徐孺
宅編茅指竹一碑亭朱仲晦詩孺子高風何處尋
東湖臺觀水雲潏生芻一束人如玉此日淒涼萬
古心
紀勝云涵虛閣在東湖北故國子博士李
寅之私第寅江南名士以母老致政浚湖棚閣榜
曰涵虛楊文公億爲之記當鄭公弼詩畫閣高連
百雉城涵虛應不愧標名門前柳色兼旗色座上
琴聲雜佩聲官美五湖歸范蠡未饒三徑隱淵明
我來恰值仙初晴後山色波光分外清
寅福建建

安人仕江南李氏宋初舉進士爲衢州司理參軍
其子虛已亦舉進士通判洪州迎養至豫章樂其
山水曰此可以終吾身矣遂于東湖築室居焉虛
已之婿卽晏元獻殊也東湖上有安家山故元獻
詩有曲對戶庭徐孺宅密間鐘梵給孤園之句
宋樞密徐俯亦卜築東湖上自號東湖居士俯字
師川黃山谷之從甥也東湖水清而魚肥故有東
湖春水百金魚之句
繫年錄云金人欲帝張邦
昌集百官議皆以次告名司門郎中徐俯獨不肯
持王時雍號慟大呼掛冠而去先時買一婢子名

南昌府志勝不卷之一

圭

爲昌奴遇朝士至卽呼昌奴前驅使之
東湖南
衣錦坊有宋令公園南唐中書令宋齊丘別業也
至宋爲魏公京鏗之第
况志寧詩衣錦坊中夕照
斜侯門深鎖碧窓紗故園桃李渾如舊回首春風
宰相家又謂齊丘故宅卽中宮院有畫像存後歸
于學士潘脩真其孫興嗣增築臺榭疊石爲山塹
水爲池占一方之勝號潘公園園中有清逸樓郭
祥正詩南昌城中潘令宅清逸樓高二千尺斜飛
四角河漢躔密排萬瓦鴛鴦碧
按興嗣字延之以祖蔭調德化縣尉時同郡許瑛拜江州守興嗣

往討賊以刺史自尊踞坐不為禮與嗣徑拂衣歸
遂不之官築室城南足不造請者六十餘年自號
清逸居士熙寧初公卿交薦起知州軍不赴士
論高之卒年八十七有清逸文集六十卷口東湖
北崖為百花洲宋紹興間張澄建亭其上扁口講
武以習水軍況志寧詩講武亭前水四流遊蜂飛
蝶游芳洲西風戰艦知何處贏得斜暉伴白鷗口
洲上有橋即以前花為名況志寧詩波光清淺玉
虹橫過客誰題柱上名錦繡鋪張春色滿小中化
下麗人行口蘇翁圖在百花洲俗名三洲蘇翁分

南唐府志勝不卷之一

齒

蜀之廣漢人逸其名字曰雲卿與宋丞相張浚友
善南渡後德遠貴顯雲卿逃迹豫章結茅洲上種
蔬織履為業垂二十年及德遠再相函金幣貽書
府帥口故人蘇雲卿問在治下耕築斯人管樂流
亞非折簡可招必造廬禮致之府帥與漕使更服
造請雲卿揖坐松根與語二人因泛問德遠識量
雲卿曰長于識君子短于知小人時兩宮黍離德
遠志在恢復二人曰今上起張公欲了此事如何
雲卿曰此事恐他未了得二公徐拱立出書幣雲
卿神色不怡喉間隱隱有聲似怨張暴已者二公

請同載歸謝曰來日專當脩微二人退明日遣使
至巷迎候書幣宛然而雲卿已遁口東湖之東有
黃園林唐劉威詩偶步東湖更向東數聲雞犬翠
微中遙知楊柳是門處似隔芙蓉無路通其南崖
為陳處士園後唐閩人陳陶于此植花竹種蔬芋
兼植柑橙課山童賣之為詩云高步南山南高歌
北山北數載賣柑橙山資近又足口僧貫休贈處
士陳陶詩有叟傲堯日髮白肌膚紅妻子亦讀書
種蘭青溪東白雲有奇色紫桂合天風即應迎鶴
書官美于洞洪陶後住居西山故貫休詩及之口

南唐府志勝不卷之一

圭

東湖之西有放生池唐先天二年都督張廷珪奏
置北海太守李邕撰碑文又有杏花村王仲序詩
省垣東去路迂斜猶有各村是杏花春水平湖千
萬頃暖風沽酒兩三家故相國張公杏花樓是其
址也口東湖上有摠持寺容齋三筆云隆興府城
內摠持寺有碑刻乾符三年牒中和五年牒各一
通摠持寺後即澹臺滅明墓史記仲尼既沒滅明
南遊至江居于楚友教士大夫于此宋漕使程大
昌築友教祠于祠前今澹臺門尚沿其名口鐵柱
宮在故子城南今廣潤門之左晉時建以祀旌陽

今許真君遜者永嘉末年海昏大蛇爲妖斷道真
君許敬之用正一斬邪三五飛步之術追殲之長
沙復懼遺孽淳興冶鐵爲柱二壓其窟宅一在西
山雙嶺南湮沒已久一在子城南井中柱出井外
僅尺下施八索謂鈎鎖地脉云唐咸通六年賜額
鐵柱觀節度使嚴譔來郡發柱觀之未及咫尺烈
風雷雨江水暴溢旋恐而止相傳真君遺識云鐵
柱鎮洪州萬年永不休八索鈎地脉一派通江流
天下大亂此地無憂天下大旱此地薄收其井在
宮左云與江水相爲消長仙傳曰真君生而顙

南昌府志勝不卷之一

七

悟惺極群書從吳猛得神方秘法卜居西山下有
舊鐵鏡藥者知爲金而還之里人化焉太康元年
仕蜀旌陽令後以晉室將亂棄官而歸送而從之
者如營壘今有許家營是○大安寺在北門本晉
鎮西將軍謝尚宅後捨爲寺有西域僧安世者安
息王之世子也避位來居于此故名寺內有鐵香
爐高六尺識曰吳赤烏元年造又城北有大梵院
潘興嗣宿此詩曰蕭蕭竹木風瑟瑟淵下水中梵
晚更幽人禽聲亦喜按今移于灌城鄉○紫極宮
在城南惠民門外唐玄宗書額宮內有寫韻軒太

和末年書生文蕭寓此一日于西山邂逅仙女吳
彩鸞乃相與歸鍾陵蕭貧不自給彩鸞爲寫孫恒
唐韻運筆如飛日完一部嚮之得五緡用盡則復
寫如是者十載稍爲人知遂潛往新興越上山谷
各跨一虎陟峰巔而去元虞集詩仙人本自好樓
居深下重簾寫韻書最愛夜寒天關近啟窓爾得
玉蟾蜍口伯生有寫韻軒記畧云龍興紫極宮寫
韻軒高據城表而西山之勝俯瞰長江間乎民居
官舍之中特爲愛絕秋高氣清望見上游諸郡山
若臨江之王笥撫州之太華寸碧天際森列戶牖

南昌府志勝不卷之一

七

他處之所莫及也世傳吳僊嘗寫韻于此軒以之
得名余昔在圖書之府及好事之家往往見其所
寫唐韻凡三四本皆硬黃書之紙素方潔界畫精
整結字迺麗神氣清明要皆人間之奇玩登斯軒
而想其風采亦足以寄遐思也乎○玄妙觀亦在
城南今名信果觀先有秦時大樟歲久妖物憑之
禍人唐時胡天師惠超燎其樹又有建德觀乃南
岳魏夫人煉丹之所在縣西通仙坊有王皇天尊
各像俱金銅物○繩金塔寺在進賢門外舊名千
佛院唐天祐年建有繩金寶塔相傳建塔時掘地

得鐵函劍三金瓶舍利三百俗名塔下寺○南浦在城南章江之上遊也其始別爲支流沿城南順而復合中裂三洲民居其上爲石橋以濟王安石詩南浦隨花去回舟路已迷暗香無覓處日落畫橋西按今南浦驛是臨章亭在南浦驛之東唐崔輔國題臨章亭詩楊柳映春江江南轉佳麗吳門綠波裏越國青山際遊宦常往來津亭暫臨憩驛前蒼石沒浦外湖沙細向曉宴且畢孤舟悠然逝雲留西北客氣歇東南帝獨有淒淒心誰知怨芳歲○塚廟記云豫章城南三里許爲南零零三南昌府志勝入卷之一

太

而環三祠零東行數百武迤澗而北極于平田徐孺子墓在焉稍南爲漢陳司徒蕃祠又西止于江爲晉司馬溫嶠墓墓右爲祠○豫章記云後漢建安時許劭就劉繇于曲阿繇敗從奔豫章大疫道卒權殯于松陽門內吳大紀二年太守吳興沈法秀白日子廳事見黃巾綠衣稱汝南許子將求塋詢其殯處不得乃招魂塋之于州南三里口劭墓東北里許爲陳贈司空黃法甌祠字仲昭新建巴嶺人史稱其忠義有膽力能距躍二丈日行二百里當平末侯景之亂系梓保障監知郡事陳永定

二年新吳余孝頃提豫章公與周迪擒之已而內史熊曇朗反金口又平之累功進大將軍江州刺史新建侯甌贈司空○桓伊家在城南六里晉護軍將軍江州刺史道側石闕猶存○胡藩家在城南十九里劉宋時太守也又十里爲鄧粲家吳時太守也○寰宇記云鳳凰洲自章江門外橫巨經侯家樓抵石頭口如鳳翼然○蓼洲在城西里許南唐灣外兩洲相並水自中流入章江上有民居數百家鄺道元所云贛水又經谷鹿洲號蓼子洲卽此志云蓼洲有圓覺寺及妙濟觀觀中有許真

南昌府志勝入卷之一

元

君丹井○注水經云贛水西北逕度支步晉度支校尉立府之處志云度支步在城西五里陶侃嘗宿此夜聞唱籌聲問土人云吳時此地爲度支解○臨江有章江廟祀郡人章交也俗傳灌嬰畧地至此交首獻地築城于是九江皆定後人德而祀之宋大觀中以應禱賜額沛澤王廟○郡德勝門外有文孝廟祀梁昭明太子統也○明長子豫章王歡嘗爲江州刺史廟始自歡建其額無考或者其追尊之詞南康府志亦載有文孝廟以昭明嘗隱廬山築室讀書云○水經注云贛水又逕齊王

城吳大帝孫權子奮鎮此城側贛水所經舊名王步蓋齊王之渚步也又東有城築道相通號曰齊城是孫奮離宮贛水又東逕劉繇城吳孫策畧地至曲阿楊州刺史劉繇奔豫章築城自保處也右二城各去府治東北二三十里○攷章水源出南安府之聶都山東北至大庾縣經南康而滙豫水是爲豫章水至贛州又合貢水是爲贛水後漢地理志云贛有豫章水鄴道元云贛水北逕南昌縣城西又北逕龍沙是也○龍沙乃府城之背面臨章江一帶白沙逶迤五里居人時見龍跡于沙上

南昌府志勝不卷之一

廿

故名○豫章記云城北龍沙堆阜逶迤潔白高峻宛似龍形舊俗九日登高之處昔有人于此沙得故冢刻碑上云西去江七里半筮言其吉卜言其凶今此冢垂没于水所謂筮短龜長也孟浩然詩龍沙豫章北九日掛帆過風俗因時見湖山發興多客中誰送酒棹裏自成歌歌竟乘流去滔滔任夕波○龍岡上有龍沙亭唐洪州熊秀才之清風亭也觀察判官權德輿與客燕亭上既又賦詩而自爲序詩云龍沙重九會千騎簇旌旗水木秋光淨絲桐雅奏遲煙蕪歛暝色霜菊發寒姿今日從

公醉全勝落帽時○龍沙之南爲豫章臺啟運錄云我

太祖高皇帝破陳友諒駐蹕南昌築臺而朝父老卽此地也有龍沙識相傳許真君上昇所留其言曰吾仙去後千二百四十年五陵之內當出弟子八百師在豫章大揚吾教潘興嗣詩五陵無異人密視龍沙記龍沙雖未合氣象已靈異昔時蛟龍湫半作桑麻地地形帶江轉洲浮有連勢陵谷豈可常淵寶在何歲微生久慕道安恬輒忘味愧無及物功碌碌恒匏繫生蒙塵土厚未受神仙秘何

南昌府志勝不卷之一

卅

時與孤鶴冉冉從此逝○塚廟記云龍沙廟祀漢太守賈萌也初萌與安成侯張普共謀誅王莽普反洩之莽乃殺萌卽日顯靈于津渚時人爲立廟于此○渡章江而西則入西山通志云西山一名厭原山高二千丈週迴三百里跨南昌新建奉新建昌四縣之地注水經曰厭原山疊嶂四周杳邃有趣晉隆安末沙門竺曇顯建精舍于山南僧徒自遠而至者相接踵焉劉義慶世說注云晉康僧淵精舍在豫章西山去郡數十里旁連嶺帶長川芳林列于軒庭清風激于堂宇閒居研講希心理

味庾元規諸人多往看之聲名乃興後不堪遂出
張九齡郡樓望西山詩城樓枕南浦日夕望西山
宛宛鸞鶴處高高烟霧間仙井今猶在洪崖久不
還金縢莫我授羽駕亦難攀簪際千峰遠雲中一
鳥閒縱觀窮水國遊思徧人寰勿復塵埃事歸來
且閉關宋周必大遊西山記云十一月丙寅日
南至抵豫章登柱頰亭望西山甲戌登天寧寺之
列岫亭得西山之面又登大梵寺之秋屏閣曾子
固云見西山正且盡者惟此閣耳按閣在龍沙寺
南余靖西山行程記云西山在新建縣西四十
南昌府志勝不卷之一 世

里巖岫四出千峰北來嵐光染空連屬三百餘里
按郡圖初濟江十里有磐石名石頭津亦曰投書
渚并江北行有銅山即吳王浚鑄錢之所山有夜
光遙望如火以爲銅精也自石頭西行二十餘里
得梅嶺梅子真學仙于此處山嶺峻折羊腸而上
十里有梅仙壇壇側有梅仙觀今曰陽靈觀其地
屬桃花鄉自嶺紆徐南行六七里得葛仙峰在山
之東北山下有村村側有川今呼爲葛仙源自葛
仙羊腸而下十里又平行十五里捫蘿而上五里
得洪崖寺山枕巨壑有洪崖煉丹井自井南繞溪

五里有鸞岡由岡西折行五里得一峰最高曰鶴
嶺有壇在嶺北又有二崖號曰大簫小簫蓋簫史
所曾遊遊也崖側有簫仙壇又蛇行十里得天寶
洞洞南行三十里得許旌陽及旴母宅又自梅嶺
而北上下行五里得安母壇又北行四十里得吳
源水高下十堰每堰溉田千餘頃其極源至山椒
得風雨池風雨池者能出雲氣作雷雨云度西山
之勢高與廬阜等而不與之接餘山則枝附耳余按投書渚在章江門外十里酈道元云水之西
听有磐石名爲石頭津渡之處有沙井世說云殷
南昌府志勝不卷之一 世

美作豫章郡臨去都下人因附百許函書既至石
頭悉擲水中因祝曰沉者自沉浮者自浮殷洪喬
不能作致書郵渚名投書本此梁余孝頃蕭孜同
嘗相周文育于石頭築二城各守其一陳永定中
于此置昌縣唐武德初廢因置石頭驛今廢爲石
步鎮張九齡候使石頭驛樓詩山檻凭高望川途
渺北流遠林大琴合前浦日華浮萬井綠津渚千
艘咽渡頭漁商多末事耕稼少良疇自守陳蕃榻
嘗登王粲樓徒然騁目處豈是獲心遊戴叔倫除
夜宿石頭驛詩旅館誰相問寒燈獨可親一年將

盡夜孤燭異鄉人寂寞悲前事支離笑此身愁顏
與衰髮明日又逢春韓愈次石頭驛寄江西王中
丞詩憑高迴馬首一望潯章城人山戀德泣馬亦
別群鳴寒日夕始照江風遠漸平默然都不語應
識此時情鄧士元石頭館酬王將軍詩誰能繡衣
客官駐木蘭舟連雁沙邊至孤城江上秋歸帆背
南浦楚塞入西樓何處着離思滄波日夜流口與
地紀勝云梅仙觀在新建縣西北三十里梅子真
于此築壇禮斗後人立觀奉之唐羅隱作梅先生
碑記猶存其西南有翊真觀鄭子通記云梅嶺川

南昌府志勝

卷之一

古

原秀礬數里之間翊真觀爲最勝觀中有二松根
株旣分相去五尺仍合爲一幹名曰義松黃廷堅
作義松記又相近有真一觀唐玄宗書額併福嚴
盤龍雲溪三院福嚴是後唐亮公講經處有虎跑
泉盤龍乃詩僧齊己書堂也藏有光化間敕牒牒
尾有崔嗣陸宸裴樞王溥書字雲溪爲遜翁袁陟
卜居處曾子固與王荆公來遊洪王父詩水竹居
山住烟霞並舍分秋添中夜雨冷沒一溪雲口方
輿勝覽云梅嶺在西山極峻處唐僧貫休隱焉有
山居詩二十四首貫休號禪月大師所居在雲堂

院嘗于院壁畫羅漢已卅十五身忽從禪定起自
寫本身以足十六之數宋元豐中建閣蓋藏口周
必大記云丁丑絕江爲西山之遊陸行二十五里
至真觀院登閣觀禪月大師羅漢摹本又十里而
至鷺岡三徐塋其傍三徐者南唐衛尉卿延休及
其子內史鐔騎省鉉也鉉卒于邠州門人胡仲容
爲之歸塋于此宋元祐中張商英爲作祠堂記稍
前卽翠巖寺山之北巖也晉雷煥取西山北崖土
以扶雙劍卽此有寺梁景明初劉準建初名常緣
寺唐改洪井以洪崖井而名南唐名翠崖廣化院

南昌府志勝

卷之一

古

練宇弘壯保大間澄源禪師無殷住此李主甚敬
之及卒自祭以文令韓熙載爲塔銘其後有死心
及雲峰悅皆于此悟道寺內藏李後主所畫羅漢
及南唐經文與徐鉉碑洪駒父詩非關風雨流連
我要作山中十日留卽此院事口必大記云廣化
院飯罷同長老了賢步觀洪崖井井深不測舊有
橋跨其上今廢去崖數十步爲奉聖官今日紫清
南唐徐鉉記有唐肅宗像迫夜歸宿翠巖方丈觀
李主賜無殷詔皆用澄心堂紙畫日後卽押字印
文如絲髮予跋其後云李氏世敬衆門其賜書徧

江左諸刹至于不失舊物如翠巖者亦鮮矣二葛仙壇在山西北峰之側其下爲中虛觀山色蒼鬱茂草秀木異于他處樂永言以葛仙名洪故有洪崖之號宋楊傑記云洪崖在翠巖應聖宮之間石壁峭絕飛泉北來下有井洞每歲六七月間水高一二丈湍激可畏至其傍人語不相聞過此則聲勢斗殺鑠流出山穿橋而去前代洪崖先生居之職方乘云隋唐之際晉州神山縣人張靈自號洪崖子居是山至唐開元中玄宗召見于湛露殿問先生善嘯可得聞乎卽應聲而發拜官不受于

南昌府志勝不卷之一

其

時洪州大疫有狂道士市中賣藥得者立愈玄宗曰必張靈也三召竟不至天寶末于大霧中尸解
□唐藝文志有張說洪崖先生張靈傳一卷攷雲谷襍記云晉郭璞詩右拍洪崖肩洪崖三皇時人也唐張靈所號洪崖非古之洪崖也寰宇記以爲葛仙洪亦非是□周記云晚再過洪崖俯視深潭草木蒙蔽巖谷峭絕不容側窺而水聲湍急近澗十餘步披榛而入見峽中石數十丈激浪數節傾躬而左崖下懸瀑數道相去三丈許不減棲賢三峽且其右多礪石可坐若非再至幾成徒行聞諸

故老云洪崖先生有煉丹井飛流懸注其深無底藥臼尚存戊寅乘小舟循溪依嶺行一二里望所謂藥臼者在石澗湍流中其深者卽爲丹井劉宋謝莊遊豫章西觀洪崖井詩爾願平生積野好歲月彌捨簪神區一登謁靈鄉陞林遠炎天隔山深白日虧遊陰騰鶴嶺飛清起鳳池隱暖松霞被容與澗烟移將遂丘中性結駕終在斯宋翠巖主僧善權詩水發香城源度澗隨曲折流兩崖腹洶湧雙石闕怒翻銀漢浪冷下太古空跳波落丹水勢益聲自歇散漫歸平川與世濯煩熱飛梁瞰靈

南昌府志勝不卷之一

其

塵洞視竦毛髮連峰巒層陰老木森羽節洪崖古仙子煉秀搗殘月丹成已蟬蛻井曰見遺烈我亦離道山浮杯愛清絕攀松一舒嘯靈風披林樾尚想騎雪精重來飲芳潔□洪崖井百步而近曰應聖宮舊記云宮在伏龍崗頂洪崖先生之舊宅也唐肅宗朝供奉山人申太芝奏其處有黑氣立宮以鎮之今觀中有洪崖先生像□其東南卽鸞岡唐拾遺歐陽持書堂在焉持嘗讀書西山淮南楊行密奏除左拾遺團練判官後棄官歸于此通志云西山有翔鸞洞石室敞豁可容數十人相傳唐

明皇公主所隱洞南則歐陽書堂○鸞岡西有鶴
嶺嶺側有王喬壇西山中峰最高頂也雲物鮮美
草木秀潤產名茶異于他山仙傳王喬控鶴駐此
水經注曰鸞岡者卽洪崖先生乘鸞所憩泊也岡
西鶴嶺王子喬控鶴所逕過也有二峯曰大簫小
簫言簫史所遊萃也簫峰下有靈雲觀觀內有仙
跡巖巖高架危景物四出凡尸牖之內皆可見山
空廬之與皆可聞泉湍清逸詩簫峰頂上與雲齊
一派溪流直下飛擊破寒冰千萬片湍林幽響動
清輝○簫史峰下有本朝寧獻王壽藏前建琳宮
南昌府志勝八卷之一 尤

賜名南極長生觀度道士以掌之王生前嘗自號
鸞嬰仙云○翔鸞岡一名彩鸞志云在郡西八十
里有會仙亭故址彩鸞晉吳氏女也同其父猛
上昇至唐太和末年下降遇書生文簫于此宋況
志寧詩跨虎驂鸞入薜蘿神仙奇遇果如何誰知
此夜岡頭月曾與人間照踏歌○雲仙雜記云文
簫與彩鸞相過于西山遊帷觀彩鸞歌曰若能求
伴陟仙壇應得文簫駕彩鸞自有秀孺弄甲帳瓊
臺不怕雪霜寒簫聞之乃隨至絕頂忽有仙童持
天判至曰吳彩鸞以私欲洩天機謫爲民妻一紀

乃相與同歸鍾陵○紀勝云初許旌陽學道于丹
陽黃堂常以五色錦帷爲施及上昇錦帷飛還故
宅故舊傳云遊帷觀乃許遜之宅今城南松湖有
黃堂隆道宮以祀湛母者元虞集揭傒斯二記俱
謂母丹陽人黃堂所居名也許吳二君並師之及
告歸母取香茅一根望南而擲囑曰子歸認茅落
處爲吾立祠二君既歸訪茅得于所居南五十里
已叢生矣遂爲立祠○遊帷觀唐則天后時胡惠
超童脩惠超有道術能役鬼神以夜興工至曉則
止今正殿雄嚴非人工所能致其偏宇乃徐鉉書
南昌府志勝八卷之一 尤

祥符中改賜玉隆萬壽觀額楊無爲詩四十口升
金闕去半千年後玉函開道家以爲第四十福地
○雲笈七籤云西山十二真君宅居遊帷觀者六
許陳施周時旴也其曾吳宅皆在外縣惟鍾離居
象牙潭之丹陵觀去城南八十里徐鉉題額彭伉
居利涉門之彭真觀在城內西偏謝靈運題額○
旴母宅在遊帷觀側太平廣記云旴母豫章人聞
同郡許遜吳猛道化宣行與其子烈結茅于遜宅
傍常採瓜果爲許壽後從仙去今壇井猶存號旴
母井志謂旴母是遜長姊遜爲築室在已宅西數

十步因得聞道妙宋封其子烈爲和靖真人口類
苑云洪崖山有異人曰于大者出入山中人以爲
地仙相傳旌陽家佃夫也有詩云自從明府昇仙
後出入塵寰直至今不足藏名泥時俗賣柴沽酒
貴安心其妻詩云自入仙家不記春豈知人世有
寒溫家兄只在西山裏除却白雲誰到門按列仙
傳作許大爲真君役夫與妻運米至山岡半忽聞
真君上升舍皇奔歸遂覆車焉今翻車徑在城西
南四十里生米市有潭曰生米潭世傳有人投米
于潭中捕魚不覺行入一石門煥然明徹見白髯

南昌府志勝入卷之一

北

翁曰此非爾所宜來速出猶可漁人遽出登岸
而入水已三日矣口寰宇記云生米市是天寶洞
南門今有至德觀又有何無忌廟晉義熙六年安
城郡公何無忌討盧循與循黨徐道覆相遇握節
被害而詞色不撓後人傷而祀之越城南水路五
十里是其處口天寶洞道經所載第八洞天也洞
門噴泉如縷名玉簾泉歐陽脩品水以洪州瀑布
泉居第八宋室常遣使投金龍玉簡其中泉水注
入金鐘湖故老云武后時有萬天師居此召見賜
金鐘玉磬還山故以名湖天師有銅像在洞下棲

真觀此泉又名芭蕉源在江南五十里其峰絕高
西去天寶洞僅十里施先生石室在焉唐摭言云
施肩吾舉元和十年及第雅慕十二真君羽化靈
迹俱存因高蹈不出賦閉居詩百首行于世有若
數西山得道者連予卽是十三人之句楊傑題施
先生石室云玉京高謝黃金榜石室歸乘白鹿車
又題天寶洞云天寶洞中如不到西山元似不曾
來口天寶洞之巔有金尺石相傳乃施肩吾以試
丹者肩吾詩丹砂盡頑石黃金橫一尺人世較短
長仙家愛平直蓋詠此口天寶洞西有五龍洞胡

南昌府志勝入卷之一

北

天師惠超常按五龍之地今名龍山觀惠超道貌
出塵時謂之胡長仙能興雲雨役鬼神唐玄宗聞
而召見作詩送之還山口風雨池在城西北七十
七里寰宇記以爲梅子真種蓮其中亦名梅福池
攷豫章記云洪井北有風雨池是西山絕頂四面
懸絕人跡不到亢陽之歲有禱卽應又曰山高水
湍激著樹木因霏散遠灑如風雨者數里中通洪
井張九齡都督洪州因立風雨廟有貞元三年權
德輿碑記宋況志寧詩風雨池邊古木寒千年枸
杞當晨餐巖前石壁誰爲鎖歲歲秋風長蕙蘭志

云吳源水在城西三十里乃風雨池之餘波也下注十餘里爲陂十一口周必大記云觀藥曰旣乃至香城寺榜曰香城蘭若唐咸通八年鎮南節度使嚴景書并齊高僧傳云東晉隆安中曇顯嘗與陸靜修推論于此入方丈側娑羅樹兩株葉皆下垂又產羅漢菜葉如豆苗常以正月採飯罷杖策登山初過樵林其間一株最大者圍丈五尺號將軍樹次至硯石長一丈四尺濶六七尺次至靈觀碑者坐禪室次至岸壇是爲香城絕頂靈觀階開丘初新羅沙彌也爲此壇行道求戒尋償宿業而南昌府志勝八卷之一

世

終復至寺中讀順禪師碑刻有處士陳陶詩云千巖宮禮竺皇旃檀樓閣半天香祇園樹老梵聲小雪嶺花香燈影長霄漢落泉供月界蓬壺靈鳥侍雲房何年七七真人降金錫珠壇滯上方陶闔縣人以儒術名家于聲詩厯象無不精究升元中至南昌將請建康不果乃築室西山日以詩酒爲事會宋齊丘出鎮南昌常訪陶憩于石堂堂在香城寺巖腹嵌空可容數人因名爲相公堂口必大記云自靈觀至絕頂多產名茶故以香城名復還翠巖日脯矣登愈好亭亭在寺後取寒山頌中微

風吹幽松靜聽聲愈好之句也方丈右爲半月軒爲聽松堂爲濯源塔塔外大竹成林圍尺五六傍有齊王廟祀李王弟撫州牧景達以嘗捨田入寺云今法堂左階花磚猶是南唐舊物口已卯拂旦遊洪崖資福院輿地紀勝云資福院白石道者之居眞宗嘗召見御製四詩送之還山有明珠爲戒曾無玷拳石充糧永不饑之句院去翠微十里而近道中石澗湍流淙激可愛度落馬嶺如屏障明日再過洪崖芟草逕坐巖石汲泉烹茶縱觀飛瀑而行王僧賢老送至三徐祠下至江頭僅三十里南昌府志勝八卷之一

世

前蓋誤而迂也口秦人洞在章江西四十里齊源循側故老云嘗有人秉炬入洞行五里許豁然開朗阻水不可渡遙望麻黍芄芄然若有人居潘興嗣詩列國戰爭如蟻衆群雄分據似兒嬉桃源洞口無多遠借問秦人知不知口志云鄱陽湖在府東北百五十里卽禹貢之彭蠡也水經注曰脩水又東北注贛水其水總納十川同奏一瀆注于彭蠡清潭遠漲淥波凝淨而滙注于江川張九齡彭蠡湖詩淞涉經大湖湖流多行泥映晨趨北渚逗浦已西日所適雖淹曠中流且閑逸瑰詭良復多

感見乃非一廬山直陽許孤石當陰術一水雲際
流數峰湖心出象類何交紕形言豈深悉且知皆
自然高下無相恤王安石詩茫茫彭蠡春無地白
浪春風濕天際東西挾柁萬舟聞千歲老蛟時出
戲少年輕事自南來水怒如山帆正開中流蜿蜒
見脊尾觀者膽墜予方哈衣冠今日龍山路廟下
沽酒山前住老矣安有學飲飛買田欲棄江湖去
按圖經云鄱陽湖東至饒州府餘干縣之康郎山
西至新建縣之荷陂里南至進賢縣之北山北至
南康府都昌縣南入都昌界者爲官亭湖去府城

南昌府志勝

卷之一

苗

北一百八十里湖中有官亭神能分風上下漢樂
巴爲郡太守遂不復靈相傳其神卽青洪君隋范
雲泛官亭湖詩迴流乘派水舉帆逐分風浣漾疑
無際飄飄似度空檣烏排鳥路船影沒河官孤石
滄波裏匡山苦霧中寄謝千金子安知萬里蓬口
郡人豐城李琯論云章江發源于贛遶郡城前從
西北流入西鄱湖俗名西河是也撫河發源于盱
遶郡後從東北流入東鄱湖卽官亭湖也兩水爲
郡之經而鄱湖爲水之聚其在郡西南者一由撫
水入曰曹溪水出接溪港一由劔水入曰殷家渡

出荆林與接溪合逕南浦入章江其在郡東南者
曰西洛水武陽水三陽水皆自撫水入至郡城北
出東鄱湖又至康山始合樵舍昌邑之水會西鄱
湖出口按樵舍今爲驛有石曰池在驛側俗傳
許旌陽搗藥處去府城西北六十里其地有昌邑
王城漢昌邑賀徙海昏侯居此今爲巡簡司又六
十里爲椒丘城水路屈曲一百四十八里後漢建
安四年孫策起兵破劉勲于潯陽欲謀取豫章太
守華歆乃築此城以禦之江表傳云策進至椒丘
遣袁翻說華歆卽其地也又四十里爲吳城驛

南昌府志勝

卷之一

苗

有吳城山相傳吳王祖孫鐘種瓜處有小龍廟卽
吳許二仙所誅小蛇子之神也宋封順濟王有真
宗御製戒蛟石刻熙寧中遣太常林希逸致祭卽
有異蛇墜祝文上翌日行禮蛇引首出望禮畢漸循
几案俄還帳中及希逸歸蛇復尾舐臚送至左蠡
而沒蘇軾順濟廟石砮記云建中靖國元年四
月甲午軾自僊耳北歸艤舟吳城山順濟龍王祠
下旣進謁而還迢遙江上得古箭鏃槩鋒而劔脊
其廉劇可愛而其質則石也曰異哉此孔子所謂
惜矢石砮肅慎氏之物也何爲而至此哉傳觀左

石失手墜于江中乃禱神願探得當藏之廟中爲
往來駭心動目詭異之觀既禱則使人沒求之一
探而獲謹按禹貢荊州貢礪砥砮丹及箇轄梠梁
州貢瑇瑁銀鏤砮磬則梠矢石砮自禹而來貢之
矣然至春秋時隼集于陳庭梠矢貫之石砮長尺
有咫時人莫能知而問孔子孔子不近取之荆梁
而遠取之肅慎則荆梁之不貢此久矣顏師古曰
梠不堪爲筈幽以北皆用之以此而觀用梠爲矢
至唐猶然而用石爲砮則自春秋以來莫識矣可
不爲異物乎兌之戈和之弓垂之竹矢陳于路寢

南昌府志勝

卷之一

共

孔子履藏于武庫皆以古見實此矢獨非寶乎順
濟王威靈南放于洞庭北被于淮泗乃特爲出此
寶軾不敢私有而留之廟中與好古博雅君子共
之以昭示王之神聖英烈不可不敬者如此宋末
文天祥順濟廟詩龍形人鬼外神在地天間彭蠡
石砮出洞庭商船還秋風黃鶴遠春雨白鷗閑雲
際青如粟河流接海山吳城山有望湖亭蘇軾
謫僊州時過此題云黑雲堆壘半遮山白雨跳珠
亂入船捲地風來忽吹散望湖亭下水連天

豐城縣

在府南一百六十里

漢南昌縣地後漢建安中初立富城縣于富水之
西晉太康初移理豐水之西因改豐城梁時分置
廣豐縣隋開皇中以縣併入廣豐仁壽初避煬帝
諱復立豐城至今仍之攷漢富城縣在今縣西
長豐鄉一名黃金城卽今黃金陵是廣豐縣在縣
東廣豐鄉梁大同二年置尋廢而晉所置豐城縣
在縣西登仙鄉劒池今謂之舊縣城唐永徽初遷
于章水之東始爲今所元延祐間始築城周十里
環六門其南仍名劒池門○豫章記云吳末時恒
有卜赤氣見于斗牛之間占者以爲吳運方興惟

南昌府志勝

卷之一

世

張茂先以爲不然詢雷煥孔章謂爲寶物萃在豫
章之域遂以爲豐城今至縣掘獄地深四丈得玉
匣長八尺啟之得雙劒並有刻題一龍泉一太阿
自後二宿間赤氣遂滅煥留其一以其一遣華華
嘆曰此干將也莫邪何復不至雖然天生神物終
當會合耳及華遇害劒入襄城水中孔章死其子
常以劒自隨後爲建安從事經淺瀨溪劒忽從匣
中躍入水遣人沒而尋之但見二龍相隨而逝今
有張華廟在劒池側每祭以孔章爲配○劒池在
縣西二十里藏劒石函長踰六尺廣半之俗呼其

地爲石門梁陰銓詩清池自湛淡神劍久遷移無復連星氣空餘似月池夾篠澄深綠含香結細漪惟有蓮花鴈猶思匣中雌唐時置驛于此名劍池驛權德輿劍池驛詩龍劍昔未發泥沙相晦藏向非張茂先孰辨斗牛光神物不自遠賢聖亦彷徨我從豐城野慷慨心內傷□劍池側有榮光書院宋紹興間邑人陳自悅建元至正間裔孫必強宗強重建歐陽玄篆額朱元晦詩一道榮湖帶碧山天風吹雨度雲關樹浮空翠迷村塢泉落飛虹瀉石灣赤嶺豹棲朝氣隱劍潭龍起夜光寒吾咎何

南昌府志勝

卷之一

世

處經年韻多在湖東喬木間□祠廟記云舊縣有靈樑祠晉范甯爲守時有人于白石墓伐大木牽至獨樑津一夕逆流而還以爲神而祀之世號槎溪本此○白鶴觀在縣南賢能坊晉甘真君得道處真君名戰縣人少喜仙術往從許遜遜異其才器凡與文祕訣悉命掌之其後周遊江湖無不與焉陳大建初始駕麟車乘雲仙去去之日有飛簞一枝墜地後遂發生每因風而嘯若韻管絃後人于其地建飛簞觀宋邑人于革詩石頭雨洗月華清白裕青藤曳履行老竹不知仙又遠簷前猶弄

玉簫聲○盛家洲在縣東南壽昌寺前藍家心宋盛溫如初書院其上宋晦翁留居院中兩月有詩昔年間說盛家洲今日從容過此遊萬頃波光涵宇宙數椽書屋老春秋溫如和云梅花樹下三間屋掛壁枯桐盡日閒有客過門彈一曲斷雲殘雪滯空山○三洲在縣北隄址小港之外瀕大江上洲曰楊林中曰牛宿下曰金雞古識云三洲相連出狀元○曲江在縣東北十里形如半月中分三潭岸傍民居凡數百薄晚波平江浮金碧舟航雲集眺勉有曲江溪頭山翠崔嵬此景江南誇第一之

南昌府志勝

卷之一

世

句□宋三賢祠祀朱熹及邑人李義山高安姚勉也北地李夢陽記云贛江北奔入彭蠡湖千里猶建瓴然至豐城觸磯頭岡則俛而東又折數里始北達以奔故曰曲江云此夜扁舟之詠則有新安之朱磯山杖屨之章則有後林之李讀書往來之地則有雪山之姚夫三人者非世之所謂賢人才士耶是江也既與其詠章而來往也則三人者可

不仰其地祠之□金花潭在磯頭山之潛民居綠繞榆柳成行水波潏灑動搖金碧漁舟上下宛然畫圖宋隆祐太后以金花投潭祈風于此□去磯

頭半里有海慧院唐馬祖建宋淳熙中于院中作
經藏落成之日甘露忽降因作臺表之曰甘露臺
李義山詩掃除黃葉上崔嵬講座雖虛尚帶臺歲
晚喬松典刑在烟波疊嶂圖間不知瑞露從天
降應是慈雲爲客來須信中邊似蜜吟詩未足
報崔嵬○苦竹洲在縣上游十里許其洲多竹梁
廣州刺史蕭勃將歐陽顒軍苦竹洲陳霸先遣周
文育擒之于此按卽苦竹村也村有九子池相傳
晉昇平中鳳凰將九雛飲此又名其處爲鳳凰山
○盛山在縣北宜風鄉有甘露臺梅仙觀內有朝

南昌府志勝

卷之一

甲

斗壇及丹井是梅福昇仙之地宋元豐五年封壽
春真人紹興六年加吏隱二勅俱存楊無爲有漢
代變名遊越國道家遺像並蕭公之句舊傳梅仙
嘗害丹砂于井日久化爲禹餘糧土人呼爲石中
黃撥土卽得○蛟湖在縣西十五里源發劔池東
南五里許滙爲此湖入長樂港灌田數百頃舊有
蛟穴其中積水四時不竭許真君以符咒逐之遁
去○楊子洲在章江中周廣二十里居民二百餘
家去縣西二十五里洲上有唐李承華廟招討使
龍西李神福子也爲淮南楊渥將戰歿豫章時年

二十三有英靈南唐徐鉉爲碑記○龍湫在縣龍
門七寶寺西有石堅潤可以琢硯龍尾之亞也志
謂去縣西南三十里衆峰切處內有龍蟄水雨暘
不增減其石色深黑又西南爲吳城入新建縣界
有吳城渡○金鐘口卽龍霧洲也在縣東北四十
里大江中洲皆種橘宋時有得金鐘于此故名上
有覺海院文天祥詩聞黎鐘後訪團蒲江色漫漫
盡欲哺一箇樓邊河蒲子千簑蘆外筆頭奴急風
吹雁還家未新雨生濤到海無本是白鷗隨浩蕩
野田漂泊不爲孤○龍霧洲之左右圓石屹立水

南昌府志勝

卷之一

甲

中江漲則不見水落其形大肖螺螄○櫛山在縣
城東五十里其南角有徐孺子讀書臺石崖高處
是也有智度寺宋紹興中給事胡文定與子寅來
遊有記寺在山岷中松篁蔽虧澗壑縱橫景致幽
絕處今有給事泉存○櫛山中有唐詩人王季友
墓季友大曆時人舉進士爲御史中丞杜甫可嘆
詩云丈夫正色動引經豐城客子王季友豫章太
守高帝孫引爲賓客敬頗久高帝孫蓋季勉也○
讓粟堂在縣西五十里舊傳浮丘翁與其徒王郭
二仙昏夜食粟相讓因名按王郭二仙祀于金華

山仙院此堂故在其中○始豐山在縣南七十五里三十七福地之一有白玉蟾手書江右福地始豐名山八字山巔有藥臼洗藥池各二所池傍石上有虎鹿牛馬迹石壁上有白玉蟾像影山西有仙人掌石棋局其下有仙林觀南唐徐鉉作記○縣西南八十里道人山有聖乘院唐馬祖駐錫處也宋紹興中少卿曹戡避地寓此其母喜名飲山初無井戡乃齋戒祝天即院堂後斷地纔尺而清泉湧溢後人名爲孝感泉其東曰龍門山有龍湫瀑布○縣東八十里地名超山晉范登雲尸解口

南昌府志勝不卷之一

三

早棺至此忽雷雨暴作昇者恐棄極而歸明日往視之即爲白石所掩而墓成今其處名白石墓○縣南八十里貞文書院祀元揭傒來成斯之父也謚貞文先生其書院在富州長寧鄉舊山之陽平疇沃谿映帶林麓蓋其先世舊居云書院之山長則行省以儒士管歷學官爲之○按志豐城在元時曾陞爲富州沿富城縣之名也今縣西北五十里濱江有赤岡山土石皆赤俗傳富城縣理此朱元晦詩有曉起清江棄小舟晚風吹過赤岡頭之句○富水在縣東南四十里源出羅山西北流合

豐水豐水在縣南八十里源出杯山繞舊縣劔池而入贛江亦名劔水按羅山者晉羅文通學道于此因名山頂有池冬夏不竭一名池山杯山高二百丈周廻百里形如覆杯故名已上二山俱在縣南一百二三十里又十里爲堯山相傳堯時洪水獨此山不沒上有堯壇

進賢縣

在府東一百二十里

南昌縣之東境晉析爲鐘陵縣尋廢唐初復立其後廢爲進賢鎮宋朝會要云崇德三年分南昌四鄉新建二鄉今本鎮改爲縣仍曰進賢○紹興元

南昌府志勝不卷之一

三

年曹棟進賢縣壁記云主上踐祚之五載念南服之不綱憤姦宄之猶熾負宸臨朝顧謂參政李公曰煩卿一行爲朕少紓西顧之憂廼拜公爲資政殿大學士江南西路安撫大使知洪州以是年十一月二十九日至邑即以十一月朔日啟節開府于縣之廳事云○縣治西百餘步有烏石山多巨石其色皆烏故名○治北有壇石山相傳闕地時于山下得斷石鐫尉遲恭監脩五字其山上有康王廟康王宋高宗藩封之舊名也○出縣南門福勝寺後有玉版居明萬曆間知縣黃汝亨所作

其畧云鐘陵民儉境以內山川蕭瑟絕少覽眺之地去城里許有山寺曰福勝徑窄而僻却無市喧惟是苔衣樹色相映山門亦淨敞可坐每清風白月秋聲夜色搖搖墮竹樹下因築小屋一區窓以斜長廊僅入許翼以朱欄可步可倚傍竹爲徑顏其居曰玉版昔蘇子瞻邀劉器之參玉版和尚至則燒筍而食器之覺筍味勝欣然有悟益取諸此也亦名小洪園甲辰歲貞父邀予往遊爲題一律云似分中散地贏得小洪名客到亦諸趣公餘何獨情草幽苔欲雜林滿竹偏清坐久月明下時聞

南昌志

卷之一

四

鐘磬聲□佺又題貞父縣署之嘯軒云退食聊無事山城長閉門以君能坐嘯而我此過論大樹日當含清風時在軒由來絃誦化只是要人存○鐘山在縣西南五里一名上下破山二山臨水破裂嘗得銅鐘十二于此○港南山在縣南十里其山平夷傍卽驛路南接雲橋北通羅溪○又十里爲麻山有麻姑觀周時舉記云麻姑名山有三一在宣城爲冲舉之地一在盱江爲得道之地一在進賢者其所經遊處也有聖井在觀東井水冬夏如一每風月澄靜之夕輒有步虛及鐘磬聲○柵山

在縣東南三十里山產柵木故名院澤水發源于此又十里爲香爐峰時雨將作則烟霧滃如通濟池陂二港出焉○金山在縣西南三十里其地產金有淘金井界于臨川○長歌嶺在縣南四十里相傳唐處士臧嘉猷與其鄉人宴賞于此嘉猷所隱之山卽名臧山其山林木冬夏常青望之神怡○羅溪嶺在縣西二十五里其麓有溪通鄱陽湖羅溪水所出也又十五里爲玉嶺有玉嶺公館多竹樹色如碧玉予宿此題云長途已靜夜孤館得空山欲作勞歌客其如月夜閒杯香沾露草竹影

南昌志

卷之一

四

上門關豈必溪中雪纔稱訪戴還○又二十里爲漸山山多石壁俗呼石倉又有石如鎖貫衆竅中搖之不脫宋時于此置驛更十里爲武陽渡乃漸山盡處入南昌縣界卽水經注云武陽鄉有黃金可采漢豫章縣所置王莽之鄉亭也□其處有崇因寺屬進賢宋晏殊舉神童科時過此題詩于壁云捲簾山色眼前見入夜濤聲枕上聞昔徑雨餘堆落葉石樓風靜鎖寒雲○鍾陵橋在縣東五十里相傳昔造橋時版築難施屢脩屢圯乃埋鐘于橋側以鎮之一夕而就又三十五里爲棲賢山

唐撫州刺史戴叔倫携家隱于是山因以棲賢目之故址今爲金剛寺按縣名進賢別名鐘陵者以此□黃汝亨棲賢書院記云戴公叔倫字幼公潤州金壇人舉貞元年進士爲州刺史遇旱作冷泉陂灌溉甚廣遷饒州多惠政退隱饒之東湖復移住此山棲遲凡三十年自稱小天台世人悅其賢遂稱棲賢山而公故潤州人字其溪曰潤陂蓋不忘公所自云故公詩有清溪流遶碧山頭之句山中有明經堂久廢僧人但云戴仙翁棲隱仙去而峰名尚曰學堂峰今葺爲堂三間其後有閣亭二

南昌府志勝

卷之一

吳

丈許名曰寓閣蓋取寓公之意亦用以自况云爾右去縣治八十里隣于東鄉其地爲潤陂市新監有碑○雙乳峰在縣北二十里雙峰如乳故名其下卽日月湖水濶則分爲二漲則合湖中有灘曰石人灘○又四十里爲三陽水源自南陽洞陽武陽故以三陽名流入鄱湖□李琯論曰進賢縣水雖以鄱湖爲統會而水之經則曰三陽也湖之大者曰日月曰軍山而總歸于彭蠡其濱湖有北山去縣一百餘里四周皆水彌茫浩渺與天無際其山平衍宜耕作有居民千餘家○北山上有嘯臺

元判官辛好禮築有伯顏宅元吏部侍郎伯顏子中之家也其過故居詩云白頭歸故里荒草沒柴門鄉舊仍相見兒童且不存忠清千古事骨肉一家魂痛哭松楸下雲愁白日昏□按子中西域人以祖父仕江西因家焉初由東湖書院山長辟行省都事及元祚已移遂潛進賢北山我洪武中以禮徵之子中間使者將至作七哀詩祭同事死節之人飲藥而卒○紀勝云鄒子堉在縣東北百二十里徐師川嘗有鄒子值風雨詩重湖浪正起支川舟不行急雨夜卧聽顛風晝驚眠按今爲鄒

南昌府志勝

卷之一

吳

子驛濱湖○李夢陽曉至鄒子驛詩湖夜乘風過天明見驛樓數家依獨樹落月隱春洲日抱越峰上江奔吳微流姚源東水外兵甲氣還浮□紀勝云江內翰藻過定香寺留題寺壁有一川窈窕水雲國百家世世漁樵封之句此寺與鄒子寨側近○塚廟記云堯城山在進賢縣之歸德鄉唐有魏徵士者逸其名棄官隱長定鄉因讀書于堯城山三徵不起故人稱徵士云續職方乘以魏相公廟慶曆中建在謝家步紹興間有人于廟側得墓碑刻云神爲魏鄭公五世孫名墓今縣有魏徵士亭

碑亦無名○縣西有唐人鄭澹墓未詳其人昔有耕于龍塘之地得墓碑乃韓愈撰○又有曹王臯冢按韓愈曹成王碑言王始政于溫終政于襄不言葬于何所但府志以城西樓刻滿乃曹王臯命處士王易簡所造殆必爲州刺史云

奉新縣

在府西百二十里

漢高帝平定海內分徙江東大族置之他郡于是遷塗山氏于此號曰新吳以舊隸楚今新屬吳也後漢靈帝中平中分海昏置新吳縣故城在今縣西三十里隋省入建昌唐昇元元年改今名宋元

南昌府志勝

卷之一

吳

迄國朝俱因之○馮水者漢遷江東馮氏之族于海昏西里賜之田曰馮田故其水曰馮水也馮氏倉塲故址在龍山下山北有井井上有墻延袤數百尺俗呼倉城○輿地紀勝云縣北百餘步登高山卽龍山也其巔平坦舊爲射圃下視民居千甍鱗次每九日士女登高于此其下卽馮井○碑目云唐保大六年秘書郎陳用寬作寶雲寺碑寺在奉新縣東百五十步有鐵鑄菩薩像五十二軀寺以梁太清初建殿中有七寶石五色爛然潤澤可鑑○縣治後竹林院有大樟樹二扶疎可庇數

畝昔官欲伐之以爲材寺有老僧抱樹而泣願身代其慘因得免志謂在今從善鄉○惠安寺在縣治西寺前瞰流有兼勝閣登之盡見溪山之勝宋黃庭堅書榜○縣西文明坊昭德觀梁武帝勅白玉蟾留詩觀中有新開天上圖書府舊是雲中雞犬家之句南唐李煜重建騎省徐鉉碑畧云攷方外志觀乃西晉邑人劉真君故宅也名道成仕爲刺史辭祿還家勤行不息以求嘉三年舉族上丹

南昌府志勝

卷之一

吳

五月九日寓新吳同縣令李志中謁劉真君祠酌丹泉飲之卽此井也今月臺上有故蹟○縣南鄉有陶安公二女仙迹今在會仙觀按陶公故居去縣十五里陶仙山立雲觀是○容齋續筆云孫權代策乃以太史慈爲建昌都尉遂委以南方之事督治海昏至卒時纔四十二塋于新吳今洪府奉新縣也吳人立廟敬事之乾道中封靈惠侯予在西掖嘗制其詞云神早赴孔融雅謂青州之烈士晚從孫策遂爲吳國之信臣志云太史城在城西二十里太史慈築周回三里西南有城角山東南有盤山北枕江水其地險固基址尚存後人每得

青石箭簇○寰宇記云余城在縣西十五里梁書
于慶入洪州進攻新吳縣余孝頃起兵拒之因築
此城周迴三里一百五十步按志孝頃奉新人梁
末起兵保障鄉里號新吳洞主授豫章太守後敗
降陳廢帝初誅死里人卽其舊居祀之在城西南
車坪○寰宇記云藏溪橋在縣西二十里長五丈
五尺昔許遜逐蛟蛟匿穴中遜以斤石書篆文鎮
之其名曰鎮石按志以爲去縣東十里又二十里
有陽鳥橋其地連綿五橋相續橫截川原嘗有群
鳥棲集山側是以村館俱名陽鳥而橋亦名之○

南昌府志勝八卷之一

辛

又有斷水橋隋末邑人應史君爲鄉里禦寇劃水
以敗之今十七都應墓里是其葬處○馬投潭在
縣西四十里中會村源出百丈山流注于潭世傳
司馬頭陀于此潭赴水卽從頭陀山寺後井中出
今呼爲司馬井○華林山在縣西南五十里三峰
秀拔聳險危秀迴迴百里古昔浮丘君隱其上
一名浮雲山土人常伺山上雲氣以占晴雨其南峰
又名浮丘嶺晉吳猛立壇于上基址猶存○山有
投龍洞本浮丘公遊息之地號浮丘石室唐昭宗
時黃筮避寇至此得先代所授金簡玉環簡重四

斤十二兩蓋開元中制度也上有鏤文八十字表
聞于朝命復投洞中○山中有浮雲觀唐開元二
十五年建有李八百洞及劍池丹井諸蹟宣宗微
時來遊作浮雲觀詩道人西蜀來自謂八百歲愛
此華林幽穴居聊避世真風度萬劫神仙邈相繼
靈岫摩天空鳥道入雲際石罅紫苔封泉泓黑龍
憩碧桃花未開白鹿跡已逝春風撼山館急雪舞
林際滌除衣上塵刮盡眼中翳何常贈刀圭豈復
便俗吏吾不學李寬盜名取嘲戲○志云李八百
洞在縣南三十里洞門隘小側有而入行數十步

南昌府志勝八卷之一

五

乃漸高其源莫測或云高安郡亦有八百洞與此
相通唐會昌中逸人龔氏至洞中獲六丁祈雨訣
咸通五年羽士朱元整于洞獲石函內有丹經二
卷潘清逸詩八百仙來不記年劍池丹井尚依然
竹簡天書何處覓神符白雪史誰傳古今志以八
百洞在華林中峰其下有華林書院宋雍熙中光
祿寺丞胡仲堯建以處四方遊學之士士至者常
數百人王禹偁華林讀書堂序畧云南昌胡氏一
門守義四世不析其別業華林山齊聚書萬卷大
設厨廩以延生徒其林泉爲豫章之甲按志仲堯

奉新人雍熙初旌其門乃自請闕謝恩詔賜白金
器二百兩除本州助教五年遣弟仲容來賀壽寧
節召見特授試校書郎及御書賜之公卿皆賦詩
稱美張齊賢詩一百年來烟燭同衣冠江左慕家
風兒孫歌舞詩書內鄉黨優遊禮讓中其後仲堯
遷國子主簿仲容改大理評事遷光祿丞俱致仕
子用訥亦試校書郎弟克順子川之洎從子用莊
用舟並進士擢第○寰宇記云藥王山在縣西北
五十里上有藥王廟因以爲名其山盤險而升至
頂處平濶可二十里有湖澄深無底湖岸四時花

南昌府志勝

卷之一

三

木芳郁風景異于他處一作越王山山上有仙虎
跡二是文簫綵鷺跨以上并者先是二人寄食邑
人鄒舉及將去乃留粒丹爲謝遺詩云簫聲疑露
濕鶴背伴雲閒一粒仙人藥能吞可駐顏後其地
爲招仙觀志云越王山龍溪水所出縈迴數里南
合馮水梁天監中獲四目龜于此又有華林水發
源華林山至馮田渡與龍溪水合注馮水○九仙
山在縣西八十里其上有壽堂禪院山之北有溫
泉池池上有亭其湯一溫一沸湧出道間往來皆
得浴焉○鳳凰山在縣東九十里儲山之南晉昇

平中鳳凰將九雛見于此○百丈山卽大雄山在
縣西百四十里吳源水側出飛下千尺故號百丈
唐宣宗遜迹方外時嘗過此題詩曰大雄真迹枕
危巒古剎層樓峻萬般日月每從肩上過山河長
在掌中觀仙花不問三春秀靈境無時六月寒更
有上方人罕到暮鐘朝磬碧雲端與百丈相連爲
駐蹕山相傳宣宗迎回嘗駐蹕于此唐懷海禪師
闍法山中稱百丈祖師柳公權爲百丈清規四
大字按寰宇記大雄山晉吳猛脩道處此山雄傑
葱秀不與群山隣因以名之○百丈寺大智禪師

南昌府志勝

卷之一

三

建一名大智院師闍中吳航入院內有青猿聽師
講經罷長嘯而去一說禪師開堂有老人來聽說
法口錯舉大乘菩薩不落因果墜入野狐五千年
請師開示丈爲轉一語不昧因果明日有老狐斃
崖下見夢謝云已生兜率天矣今名野狐巖○碑
目云柳公權書法正禪師碑在大智院師以元和
十四年示寂歲久碑多殘缺今猶存二三百字可
讀廣輿記徑謂刻于崖際○百丈山西北二里有
曲水唐宣宗避暑時尋山窮源鑿石引泉疏爲九
曲曲置石墩以坐又爲石梁跨水以通往來元趙

孟頫大書流觴出水四字于石壁上

靖安縣

在府西北一百六十里

本晉豫章郡建昌縣之地唐廣明後草寇掠掠本州以靖安孝弟兩鄉去縣稍遠乃于此置鎮至僞吳乾貞二年升爲場南唐昇元元年改爲縣自後因之不改輿地志云登高山在縣東南三百步歲九日邑人宴樂于此形家謂縣案星屬火鑿井七以厭之○雙溪發源毛竹山一支逕追里一支逕桐流合流遶縣前古毬場東有雙溪亭宋知縣楊方有開門坐對青山樹故是水邊林下身之句○

南昌府志勝

卷之一

語

宋紹興中知縣黃宗諤于廳事後作百花幽谷二亭後知縣楊億治尉圖得舊詩碑于恭恭間往往皆前代名士所作乃用曾南豐詩語作水木清華亭于治中子圖詩云行盡車馬塵豁見水石環誰爲千古勝正在清華間○簿尉廳近西爲法藥院宋僧異中嘗陪吳真老野飯試映洞新芽夜話于此○志云承恩坊在縣西一里中有法藥院栖霞觀觀乃東晉女冠劉道真脩行處職方乘作懿真已載其大畧亦名劉仙觀又名車華觀舊圖經以爲女冠周靈王之甥王子晉之外妹也至東晉已

五六百歲白日冲天而去鄭安靖爲記○幽谷山在縣北五里志作綉谷山山有瀑布與縣治幽谷亭相對僧權檠寄邑令詩曰嵯峨幽谷山寂寞彭澤令絕景空自奇高標岌相映二綉谷峰雙林寺梁天監中西域沙門竺曇忍過此稱其山水似西天婆羅叢林間如來說法之地遂居焉輿地碑目以寺唐大中建柳公權書額曰大中雙林禪寺洪諫議遺詩幽谷雙林寺荒涼得遶尋銀鈎遺墨在諫筆想賢深徐東湖有夜雨急還急客愁深復深之詠亦在此寺中作○師川又有詩云青霄外

南昌府志勝

卷之一

語

山千尺碧入林間水一條乃祐聖院作也院亦大中賜額是聖明菩薩道場在縣之棠棣都洪芻祐聖院記曰右鶴嶺而左名山長溪出焉名山在縣西北四十里○縣東五里釣亭宋邑人呂延平歸田所築其地名烏石釜張叔夜寄題云豫章富人物歷數煩僕指先生釣璫孫盛德邈相似却顧徐洪輩瑣瑣詎足紀脩竹照清漪邂逅聊復爾吾君邁周文未省獵渭水矧此江之濱相距數千里會遇倘有時必爲蒼生起○葛仙山在縣西北四十里雷次宗豫章記曰仙本楚人漢末隱此或云卽

葛洪也此山四面險阻人迹不到相傳其中有金鐘每遇風雨晦冥則鳴又有煉丹壇飲馬池壇之右爲葛仙菴志謂唐仙人李元基隱此○紀勝云靖安西北丹仙觀本真人昇戰故宅志云卽崇元觀也在葛仙山之西按豐城白鶴觀是其出家處靖安其故宅云○與葛仙山相隣者爲桃源山以其仙靈勝槩宛如武陵也有仙姑壇及龍鬚藥臼車箱等九洞水石甚奇唐校書郎劉脊虛嘗居于此號爲孝弟鄉一云是宋支離翁劉子虛居址○權德輿集云海昏南鄙有石門山去縣西北四

南昌府志勝

卷之一

五

十里有寶蓮峰其下寶峰院貞元中馬祖示寂得舍利藏于茲山裴休詩云泐潭靈勝地祖塔鎖雲嶺浩劫有窮日真風無墜時巖華空自老消息更誰知到此驚塵慮功名乃可遺宋紹聖初真淨禪師主寶峰院王介甫口占示師有去歲別南嶽前年返泐潭之句泐潭山之溪名也其後真淨亦塋此山○縣北四十里有宴坐巖宋袁陟詩云霜露凝空白松杉歛翠陰泉聲月中冷山色暝來深

武寧縣

在府北三百二十里

本漢海昏縣治後漢分立西安縣吳猛爲吳西安

今卽此晉太康初改爲豫寧宋書王僧綽封豫寧侯是也陳立豫寧郡隋廢郡以豫寧縣併入建昌隸洪州唐長安四年分建昌置武寧景雲初又改豫寧實應元年避代宗諱縣依舊爲武寧至今因之○按西安故城在縣西二十里漢獻帝建安中置唐明皇開元中廢今縣高鄉西安里卽吳西安縣治也下南鄉其羅村卽唐豫寧縣治景雲中所遷也今治乃天寶四年復遷者在玉枕山前山去縣北百八十步其形如枕又有四望山高下與玉枕等宋制置大使李綱經此命立四望亭○縣治

南昌府志勝

卷之一

五

內東軒宋令溫陵呂晉夫構也黃庭堅爲之銘○寰宇記云吳真人宅在西安縣治內按志吳猛濮陽人罷西安令因家分寧嘗見暴風出符擲之風卽息或問其故曰南湖將有覆舟驗之果然又嘗往還洪州江波迅急猛不假舟楫以白羽扇畫水而渡觀者異之西安令于慶死已三日猛曰數未盡乃卧其尸傍數日與之同起許遜拔宅之歲乘白鹿車與弟子四人上昇○去縣里許有龍潭其深數丈宋詔置放生池近岸有蟠石俗呼龍潭石遊觀者多所題詠與地紀勝以縣東龍潭寺有

廣心軒是黃庭堅墨迹○縣東三里青龍沼嘗有龍見其中二爪迹尚存相傳有仙人憩沼上觀神龍出沒亦曰仙人沼○夷堅丁志云武寧縣有復唐村乾道己丑一日白書人雷雨牧童見電光中龍鬬良久震定數聲二龍介解一物如車輪自半空墜入田中衆童競取之其光漸微大僅若鳬卵圓明如珠富人余氏易以數十錢映空而視中有形如好女○紀勝云雪精觀在縣東十里相傳丁令威故居志云卽仙觀也在遼山之東是丁仙中舉處其南有鶴鶴橋北有禮斗壇志又有青牛洞

南昌府志勝不卷之一

天

紫鹿岡爲王喬丁仙相遇處○柳山在縣西十里峰巒峭拔甲于群阜唐史柳渾棄官隱居武寧山卽此有讀書臺遺址尚存○伊山潭以姓而名按志伊山在縣北三十里昔有伊叟獨居山中織屨爲業偶石洞湫水湧出一卵大如盂叟得而寶護之歲久卵破出一蛇叟死蛇成龍迴湧沙石瘞之乃去○譚田寺在安樂鄉四都舊有詩云我愛譚田寺短橋橫碧波數椽松竹裏靜夜不須多宋江西轉運使蔣金部作也○嚴陽山在縣東南四十里嚴陽尊者結菴其中菴側有石如錢舊傳尊者

秦龍之處宋分寧知縣韓駒詩石根路轉白雲深壞屋遺椽足細尋只道來時無一物尚留陳迹到如今按志嚴陽名善信唐天祐間杖錫來遊居明心寺踞坐蟠石嘗有二虎一蛇馴繞左右及入滅建勝寺中宋淳祐時敝塔髮垂至踵指甲過臂其地又有飛洞山俗傳盧尚書女于此飛昇後跡猶存○石鏡山在縣東北四十里面平色墨其形如鏡故名○詩話總龜云武寧縣有鄭氏草堂黃庭堅與僧靈源過此題詩云高居大士是龍象草堂丈人非熊羆不縫壞衲乞香飯惟見白頭番釣絲

南昌府志勝不卷之一

天

駕鵞終日愛水鏡菡萏晚風凋舞衣開徑老禪來者茗還尋密竹徑中歸○羊腸灘在縣東四十里宋分寧知縣韓駒詩云小灘嘈嘈大灘惡朝行羊腸暮鹿角盡日拖舟不得前忽然笳斷千尋落上梁左側石子多兩舷與石鳴相摩卧聽舟師倚篙哭將如二十四灘何又三十里爲三洪灘亂石橫列俗呼和尚原○分水泉出縣東北七十里之梅崖西流七十里至興國州入楊新河○魯溪洞去縣八十里幽邃嵌空有樓臺宮闕之狀峭拔瓌奇龕像交列有真仙古佛容儀雖絕世工巧追琢不

能及○太平山在縣西九十里與興國州相連有
太平宮宋章自然真身在焉元揭傒斯詩太平最
高峰署亭更瀟灑但有日與月晝夜繞簷下此詠
極高亭作更分爲二十二景不具錄○九宮山在
縣西北一百八十里與湖廣通山縣相連世傳有
九龍降于山池一云昔晉安王氏兄弟九人造九
官于此又云山自下而上高降九層故名其上有
瀑布下有溫泉宋方士張道清住此敕建欽天瑞
慶宮信州謝枋得詩真人何代結幽棲累世奎章
煥紫泥日月高奔黃道近衡廬傍出玉繩低先是
南昌府志勝入卷之一

辛

書官額

寧州任府西三
百六十里

漢書有艾縣豫章郡所領晉分置永脩縣以脩水
爲名隋省入建昌縣析建昌置武寧縣貞元中又
分武寧置分寧縣宋因之元至元二十三年陞爲
寧州 國朝更寧縣弘治間復爲州○宋郡縣志
以縣分自武寧故名分寧古艾地也左傳吳公子
慶忌出居于艾今縣西一百里龍岡坪有艾城存
後漢書劉陵豫章艾城人爲侍中車駕出祠南郊

上升輦欲卧陵晚曰陛下爲萬乘上升車不正立
雖早欲寢不當上爲天地所鑒下爲萬姓所觀耶
上有愧色曰敬受侍中之言○圖經云分寧本當
縣之亥市也其地凡十二支周十里之內聚江鄂
洪潭四州之人去武寧二百餘里豪富物產充牣
按志嶺南謂市曰虛虛者以不常會多虛日也西
蜀曰疲疲者以如疲瘡間日一發也江南惡用病
名故只稱亥余記雲南以十二辰名市則當州用
亥字爲市名亦通○寅山宋黃太臨結茅之處大
臨爲魯直從兄自號寅菴道人寄魯直四詩有云

南昌府志勝入卷之一

辛

一溪婉婉如平篆四野青青似畫圖仙客放船迷
洞府化人携袂到仙都庭堅次答曰四詩說盡菴
前事遠寄如開作墨圖畧有生涯如谷口非無卜
肆在成都志佚其處或在州之寅向如亥市者耶
○黃山谷故宅先在脩水後乃遷焉酈道元注水
經脩水在艾縣南東流屈曲六百三十八里出建
昌城又百二十里入于彭蠡以其流長故曰脩水
宇記云脩水去分寧縣南二百步宋孔平仲送分
寧宰詩西安瀟灑我常遊多自脩川泛小舟西安
見武寧縣下口秀江亭俯瞰脩水宋分寧隱士吳

叔元築黃山谷有詩按秀水發源鳳山出浮橋渡
舍人脩水紀勝云鳳山多靈草仙藥在治西北口
南山與州治隔溪跨橋穿石竇而入有精寺及龍
祠懸崖峭壁下瞰脩水有釣磯上溜石積雪石冠
雲亭多黃庭堅題字趙崇猷宰分寧泐亭名曰
一翠何異爲之記云古木蒼蔚軒檻豁然出亭後
循崖而上至山巔有冠雲亭止與鳳山對登四望
濶遠周覽邦之景○雲巖院在州東二百步宋
紹聖間僧悟新主院作轉輪蓮花藏山谷作記益
其幼年肄業之所元祐間法清結草庵于枯木間
南昌府志勝不卷之一

空

河東柳敬叔名之曰願菴○韓駒集云余宰分寧
惠洪覺範從高安來館之雲巖寺寺僧三百各持
一紙求詩于覺範覺範斯須立就余曰詩多少苦
思豈若是容易覺範笑曰取快吾意而已○旌陽
山在州東一里獨峙孤秀烟雲廻泊許真君曾遊
焉志謂在州東隔水曠截水口上有旌陽觀舊名
得月觀唐大中歲襄陽李質未第來遊詩云曾入
桃源路桃源信少雙洲霞標素練壁鮮豔陰窓古
木愁障月危峰欲墜江自吟空向夕誰爲倒秋缸
一說質投宿觀中夢神告以當爲地主已而登第

後二十年果爲江西觀察使○觀內有磨劍池蔣
之奇詩聞說旌陽舊築壇故浮脩水一來看至今
磨劍池猶在冷浸一天星斗寒○銅鼓石在州西
南武鄉大馮山石屹立數丈形類銅鼓相傳旌
陽遂蛟過此石中有聲揮劍劈之一石中分如劍
劈狀今守備營是其地○犀津潭在州西三里每
夜中風靜光景湛然石壁上有光狀若月輪倒影
于水過客疑以爲寶盜鑿而去自後光滅今石穴
猶存卽所謂西津也○州南有東津其側有丹霞
觀是吳猛故宅卽名吳仙里○州西五里有雞鳴
南昌府志勝不卷之一

空

峰青嵐峭絕上無人迹時聞咿啞之聲古老以爲
天鷄翔鳴又二里爲瀑布水水從雞鳴峰西流出
脩水北崖石下飛流直下三十餘丈又里許爲鹿
源山源上九峰高聳峻直宛轉四顧勢如對楫相
傳昔有仙人嘗乘白鹿出入雲間搜神記云武寧
縣有戴氏女久疾出覓藥見一石立肖人形禮之
曰汝能令我疾瘥否當事汝是夜石見夢曰吾廬
山君之弟也當祐汝寤而遂差因立祠在州東十
五里名石侯祠其石高峻仰之炫日○雙井在州
西三十里黃庭堅所居也其南溪心有二井土人

汲以造茶爲草茶之第一傳直送雙井茶與蘇子瞻詩人間風日不到處天上玉堂森寶書想見東坡舊居士揮毫百斛雙明珠我家江南摘雲腴落磴霏霏雪不如爲君喚起黃州夢獨載扁舟向五湖口雙井傍有釣亭宋黃襄築魯直之從父也少時嘗遊釣其上手書釣臺二字鐫石臺下有水一泓鐫曰明月灣雙井有山谷祠卽其壑所按魯直卒于宜州歸葬也○清水巖在州東北二十里巖南北有二南巖石室眼界最佳北巖多蘭蕙魯直詩云嘗聞清水巖空洞極明好雲生卧龍石水入

南昌府志勝入卷之一

古

煉丹竈其自序調巖號天下極勝處巖前平衍可坐千人有解空院院中雪山春洞奇勝甚多○杭山在州西四十里昔有章姓者嘗宦餘杭歸結廬山下揭杭爲扁其裔丞相鑑卽以杭山爲號章鑑杭山詩買得漁磯繫釣船魚龍吹浪駭鷗眠從來白石清泉地勝似青山小洞天○又十五里有石池潭亦黃氏別業也庭堅詩云吾家溪潭動百咫坐見遊魚可倒指月明無風水不動釣絲鑑中出朱鯉乘閒具席于草岸呼網一舉常百尾膾霜炙玉眠鳴夷樹掛落日醉不起○石潭院在州東南

六十里唐末僧棲蟾建詩云灘聲依舊水溶溶岸影參差對梵宮楚樹七迴凋茂葉江人兩至宿秋風蟾蜍竹老搖疎魄菌苔池乾落碎紅多謝支郎念行止晚年生計祇如蓮志云院在州東糧口市亦名禪濟○崇勝院白石尊者道場也蔣之奇詩到門先見如絲瀑恰稱淵明醉石傍地與石潭院相近○鶴源水在州東北七十里冬夏不絕旧疇賴之嘗有群鶴飲集故名志云鶴湖發源九官山下南流與脩水合○龍安山兜率院唐咸通中惠日禪師建徐忠愍公爲記去州西八十里仁鄉有

南昌府志勝不卷之一

五

曾鞏院記其地有南屏山在脩水之上臺源之濱山谷詩云裴積嵐光刻削成主人題作正南屏世間萬事已頭白相對百年終眼青○櫻桃洞在州西南百二十里魯直之弟曰公準者家稚川志趣高明嘗于此洞結茅木杪號雲巢居士後人稱黃氏書院○毛竹山在州南百二十里產毛竹圖經云宋治平間有余爽者以家財鑿山徑至閭尾坪通奉新道凡數山高千仞周迴三百餘里宋章鑑詩斷崖雲影掛孤樹劈澗雷聲走怒湍元雷仲益詩官舍連雲猶古驛人家燒竹煮新醅皆此山之

作也○黃龍山在州西百八十里山之東有鳴水
澗水從雙石間數十丈直下聲如雷霆十餘里始
達平田韓子蒼詩大聲如雷寢細者亦竿瑟末流
垂半山十里見沸白山上有冷煖水其泉共脈一
冷一煖相去數尺東坡詩萬山不隔中秋月一
鴈能傳寄遠書黃龍院作也騶馬都尉王詵嘗參
禪于此故黃龍崇恩院在仁鄉唐釋超慧辨宋知
洪州張商英記黃龍鳳凰幕阜三山連屬皆秀峰
翠巖多靈草仙藥有黃龍舊屬武昌今隸豫章吳
志黃武八年黃龍見于武昌是也耆老傳云此山
南昌府志勝入卷之一 矣

之頂有湫池中有黃魚二能致風雨院自唐乾寧
中晦機禪師得法于玄泉彥嘗遊嶽麓會神僧謂
曰此去東北行遇洪即止逢龍可仕至是因父老
遙指高峰名黃龍山上有雙峰菴主曰馬和尚師
往謁之歡若風契以菴付師而去久之禪侶雲集
宗風大振黃龍一派被潯人

瑞州府在省城西南三百八十里

寰宇記之筠州也記曰州城即建成縣屬豫章
郡唐武德五年安撫使李大亮宣撫江南乃于此
置靖州七年改米州又改筠州後三年省南唐復
置宋因之後賜名高安郡寶慶初避理宗諱改名
瑞州因其時有靈芝之瑞故名元改瑞州路國
朝設府領縣三

高安縣附

漢高帝六年置建城縣于豫章以初郡城邑為名
後漢靈帝析建城置上蔡縣顧野王輿地志云以
瑞州府志勝入卷之二 一

汝南上蔡人分徙于此孫吳增置陽樂宜豐二縣
晉武帝太康元年以上蔡人思本土改為望蔡又
改陽樂曰康樂隋開皇中廢望蔡康樂宜豐三縣
入建城唐武德五年以避隱太子諱改今名縣治
在宋為水北先鋒營故址○黃庭堅江西道院賦
序畧云江西之俗士大夫多秀而文其細民險而
健以終訟為能由是玉石俱焚名曰珥筆之民雖
有辯者不能自解免也惟筠為州獨不黨于訟故
筠州太守號為江西道院然與南康廬陵宜春三
郡並蒙惡聲元祐八年武陵柳侯子儀守筠之明

年也樂其俗之儼使爲政者不勤乃新燕居之堂榜曰江西道院以鼓舞其國風且爲高安之父老雪耻焉秋七月遣使來告成于雙井永思堂于是爲之賦曰勾吳之墟維十所直半入于楚終蝕于越高安之城豫章之別雖風氣之未遂亦儼俗之可悅故柳侯下車解牛而不割未嘗發矜初不折缺則喟然嘆曰江西道院名不虛生云云今扁其名于府廳後○南唐昇元中陳承昭來牧始築羅城濬溝洫于縣治泝虛窓閣逕廡深院見殷觀筠州關城碑記○志云錦水自州西南來折而東

瑞州府志勝八卷之二

二

注界爲兩厓漢晉舊有城池世遠圯塞唐武德中李大亮始築上城浚濠以受之○碧落山在府治後上有碧落堂登之一郡井邑盡在目中宋楊廷秀留題詩云仙人白日上青冥千載如聞月下笙南北萬山俱在下中間一水獨穿城○歐陽守道記畧曰碧落仙籙中有之碧天之蒼蒼色也落始也猶言太初元始也高安郡于江西稱道院郡治在山間相傳爲上古仙人李八百修煉之所異時守者因山爲園亭盡曲折登覽之趣其命名率取方外語而最高處有碧落堂下俯萬山一水穿城

南北岸萬家巍巍樓臺皆可指數誠齋先生在郡日詩爲此堂賦者八章景定庚申北兵奄至焚郡堂在山巔不得免焉後四年余友文君天祥宋瑞自著庭出守其秋堂復成刻誠齋詩其上九月九日携客落之爲詠秋晚風高君意更在極目之外遣使以圖與詩屬余爲記夫此誠齋所謂滕閣鬱孤皆不及者附余列名不亦幸乎○碧落山一名鳳皇山唐武德中應智瑱爲州刺史時鳳皇集此山故名智瑱州之調露鄉人○鳳皇山下卽郡廨也後有五龍岡前臨蜀水明香真人學道處明香

瑞州府志勝八卷之二

三

蜀李八百妹也初脩道于華林山元秀峰後于峯南六十里五龍岡設壇醮祭道成冲舉唐天寶中卽其地爲元陽觀按華林實錄高安稱蜀水八百又蜀人明香得道之說必有所據相傳李八百洞在治後園五龍岡元陽觀在治西逍遙山上今爲妙真宮○輿地紀勝州後園有洞閉塞不可入紹興壬申太守羅薦建屋洞傍名曰迷仙洞○蜀江志云郡圖崎嶇高下斷厓深壑宛如洞府澄江遠岫層出疊見于樽俎之間乃有丹井一區名玉井有玉井亭俗傳李八百穿七井以象斗極教授廳

并是其一也又有劍池云李仙磨劍處恒產白蓮
黃山谷賦製劍池之藹蓄以爲棠卽此「棲真室
相傳李仙故居中有遺像楊廷秀詩李真宅子故
依然道院西偏古洞前一日身游八百里三番花
落九千年劍池井俱蒼蘚絳節霓旌已碧天借
問飛仙那用步步行猶是地行仙其後改爲棲真
亭有郡丞孫大雅記鍾離仙人飛墨草書又有偃
松亭在州宅陸務觀詩巨松偃翠蓋閱世歸獨存
頗疑古仙翁藏丹在其根或是結靈藥百尺有伏
龜終隨風雨化不死何足言○翠樾亭一名半山
亭

瑞州府志勝卷之二

四

亭蘇轍詩一夜飛霜點綠苔曉來黃葉掃成堆檐
前翠樾凋疎盡故却墻頭好月來○蘇子由東軒
記畧云余旣罪謫監筠州鹽酒稅未至大雨筠水
泛濫臧南市登北岸敗刺史府門鹽酒稅治舍俯
江之潛水患尤甚旣至敝不可處乃告于郡假部
使者府以居郡憐其無歸也許之歲十二月乃克
支其欹斜補其圯闕廳事堂之東爲軒種杉二本
竹百个以爲宴休之所鹽酒稅舊以三吏共事余
至二人者適皆罷去事委于一畫則坐市區鬻鹽
沽酒稅豚魚與人爭尋尺以自効暮歸筋力疲廢

昏然就睡不知夜之旣旦旦則復出管職終莫能
安所謂東軒者每旦暮出入其傍未嘗不喟然自
笑也子由又于東軒種蘭有蘭生幽谷無人識客
種東軒爲我香之句按紀勝云東軒今爲貢院地
元豐中子瞻自黃移汝取道筠州訪子山留東軒
十日而去卽此口象之又云樂城嘗假居皇華館
卽今之行衙也公病中與賈守赴中宮僧舍詩云
東鄰脩竹野僧家亂柳枯桑一迳斜遂客慣曾迂
短策使君何事駐高牙○志云小洞山在府學之
右有清規寺蘇子由與太守毛維瞻承菊于此余

瑞州府志勝卷之二

五

襄公靖謫筠州監酒稅時無事作洞山傳法記卽
此○小雲居在來賢鄉資教院藥城集有次王適
韻遊小雲居詩又紹聖間以門下侍郎再謫有雨
中遊小雲居詩右去城南七里來賢鄉有昇元
觀舊有許旌陽仙迹壇唐中和七年生瑞竹自根
至三尺岐爲兩竿宋政和八年勅取入京○廣福
寺今爲筠陽書院在水南朝天坊本宋郡學基紹
興二年學徒鳳山以此爲寺蘇子由謫居之歲子
瞻便道視之寓于此先夕無約而夢及之因名其
堂曰同夢詳見大愚山○錦江亭在水南大街東

下瞰蜀水因以爲名古讖云錦水入市河朱紫滿城多唐雀鸚婆娑集有錦溪詩其序云錦水在蜀江門外卽此蒙宇記云蜀水在縣北三里源出縣內小界山東流五百九十里入南昌縣與章水合耆老傳云詩逕爲蜀旌陽令時人皆疾病多往蜀請救遙與器水投上流飲者無不愈邑人神之因名蜀水口舊圖經云唐顯慶四年漁人于蜀水江中網得青石長四尺濶九寸其色光潤異于他石懸而擊之其音清越都督表納于瑞府口子由有乘小舟出高安詩朝來催酒江南寺白暮歸爲瑞州府志勝八卷之二

六

江北人又云徵官終日守糟缸風雨淒淒夜渡江卽蜀水也隄上有蜀江觀觀有聖水井○上蔡門府之西南城門也有龍化山和傳東晉時有龍于山上噓雲化去山之閒善院唐俱低和尚自婺州金華來結菴於此傳燈錄以俱低參天龍天龍出一指示之得悟○龍岡在城西一里顏魯公戒壇記畧曰惠欽乃徐孺子之後削髮于高安之龍岡寺開元末北游京師名動輦轂祿山亂乃南歸洪州之西山○朝陽門府之東南城門也踞大愚山唐有大愚禪師得法于歸宗結菴大愚灘頭因以

大愚爲號宋呂祖儉安置筠州寓山之真如寺亦號大愚叟蘇轍詩東郊大愚山自古蘆蒿林卽此東坡訪子由時值端午遊行真如同陸游轍謁照公長老留詩下韻輿地碑曰有東坡書大愚石臺山詩在本山○宋時城南有建山寺冷齋夜話云蘇子由謫高安時雲菴居洞山有聰禪師居聖壽寺一夕雲菴夢同子由出迷五祖戒禪師聰亦夢俄而東坡書至曰已至奉新旦夕可相見子由携二衲候之建山已東坡至坐定二衲共理夢事坡曰軾八九歲時常夢是僧往來陝右又先妣方娠

七

瑞州府志勝八卷之二
夢一僧來托宿瘡而眇雲菴驚曰戒故陝右人失一目暮年棄五祖來高安終于大愚逆數恰五十年東坡時年四十九矣乃與雲菴啟其捨曰戒和尚不識人嫌強顏復出亦可笑○蒙宇記云康樂故城在縣東北四里宋武帝二年封臨川內史謝靈運爲康樂侯就第卽其地也其城外週迴山水謝公無日不游宴有書臺石硯存有墓在治南三里○吳虎臣湯錄云豫章康樂縣有淥水烏程鄉酒官每取以爲釀其旨美與湘東鄱湖水同世稱鄱淥酒本此○幸龍王潭在府西五里世傳唐幸

南客在汴京托鄉里寄書曰城北門數里有潭其傍古木卽吾家也叩之必應持書者如所成果有二童子出俄一丈夫繼之宛如汴京所見邑人聞而神之爲立廟以祈雨賜按南客高安人舉貞元進士與柳子厚同年柳送之歸序畧云登太常之籍應邯鄲之召文章之美雖枚生長卿無以過之仕至祭酒墓在縣西七十里○釣山在縣南十里有宋劉渙故宅山北有劉道原恕讀書堂山巔有劉仙翁洞仙翁廬陵人來游蜀水逐鹿入洞而遇仙渙其裔也渙字凝之天聖中進士及第歸隱廬

瑞州府志勝

卷之二

山三十年歐陽脩廬山高詩爲其作幸元龍記云公縣之釣山人仕爲額上令以忤上官歸隱廬阜田于落星之灣秦續爲騎三十餘年忍窮如鐵石呂西澗先生嘗與嘉禾陳公舜俞自南康反筠訪凝之干淨慈院留詩壁間志云淨慈院在城西南六十里劉屯田故居也壁上有歸來重喜訪僧鄰之句子怨孫義仲皆聞于時○風俗記云黃紫庭故宅在城東北二十里古祥符觀是其處紫庭名仁覽許旌陽之婿也仁覽得旌陽道術嘗爲青州從事家在高安每夕取青竹杖喂水化龍騎歸曉

又騎去後亦舉家上仙里人于其騎杖處立簡竹廟祀之廟去宅一里志云在城北十五里東岡上又云仙人黃昌宅在玉晨觀按絕勝觀直縣東七里晉黃仁覽煉丹淬劍之所俗呼黃仙觀元豐中蘇子山偕太守毛祖瞻來游有白鶴翻飛終不返黃冠憔悴只躬耕之句寰宇記又載祈山觀在縣東北二十五里晉元康六年道士黃輔全家上昇之所按輔字萬頃建城安仁鄉人有高行郡舉孝廉穆帝時仕至御史以晉室不綱權臣拔命見幾而退子仁覽仕從事非其志父子寒裳歸西山從

瑞州府志勝

卷之二

許旌陽游黃昌或與仁覽是一人○荷山在治南二十五里上有蓮池豫章記云仙人王子喬駕白象至此象化爲石今山頂有丁王二仙壇山下有棲霞觀古之三皇觀也唐武德初室中有自然鐘磬音慶雲集其上山前一峯如橫琴曰琴嶺上有仙跡楊廷秀碧落堂曉望荷山詩荷山非不高城裏自不見一登碧落堂山色正對面如人卧平地躍足立天半晨光到岩壑人物俱倚絢綠屏紛開闔翠旗閃舒卷安得垂天虹爲橋度雲嶽予友人高安陳德遠邦瞻有荷花山房集其名本此○米

山在城北二十五里豫章記云此山四面流泉水地膏沃生禾香茂爲米精美唐立米州之名取焉按志米山廟神李英本州人唐武德中爲高安尉刺史應智頊命伐金牛而卒歿後爲神○鐘口江在縣南三十里豫章記云昔有人于此水濱獲古鐘九乳形制奇古因以名江江源出于荷山歸于蜀水○紀勝云真君栢在縣西南四十五里集仙觀中栢三株皆許旌陽手植又丹井一○塚記云城西五十里有唐沈彬墓彬字子文縣人能詩遭世亂隱雲陽山楊吳辟之授校書郎及南唐篡吳

瑞州府志勝入卷之十

十

遂不仕進李璟優擢吏部尚書不受嘗手植一樹命諸子曰吾死塋此樹下及卒發之得石櫨刻云添燈猶未滅留待沈彬來因就塋焉其渡湘江詩數家漁網疎烟外一片殘楊細雨中人爭傳誦之○華陽實錄云鳴水在城西北六十里北流合奉新江碧澗飛流空谷振響絕頂有石高數丈以物扣之其聲如鼓其比有噴雪泉仙人呂洞賓游憩時以劍插地而泉散出故名○又十里爲白雲山下有起果寺寺東西澗皆有瀑布水柳州教授孫伯湜有記謂之小麻姑○輿地紀勝云縣之調露

鄉有白鶴山山下有崇元觀梁太清二年置按觀記晉丁義真君女秀英煉丹之所吳采鸞嘗就學焉今石圖中猶有丹井及仙去塋衣冠于觀北俗云丁仙姑塔是也觀右半里有石峽噴雪如廬山玉泉志云在城西北七十里仙姑騎鶴飛去山名觀名皆因之○碑曰云唐中和二年石刻在調露鄉唐兩賢祠中兩賢者應智頊幸南容也貞觀初里人爲靖州刺史應君專祀元和時廟壞進士幸南容脩之寶曆中里人併祀應幸二公莆田黃滔爲碑記字德裕時爲袁州長史爲書祠額○豫章

瑞州府志勝入卷之二

土

記云吳真君每齋醮日輒有鶴數百棲息垓所旬日方去又多彩霞覆其上因名其處爲飛霞山山南半峯有一塘塘中有石臺在縣西南七十里○華林山在城西北七十五里相傳西王母第九子玄秀真人于此築壇以祭靈仙唐初應智頊遣義軍羅武于壇西立三將軍廟至今呼爲羅武廟先是隋大業間蕭銑林士弘攻掠江南智頊于華林山置雲柵城召義兵保安此土武德五年歸唐高祖以爲靖州刺史○紀勝云華林山玄秀峯有浮雲觀唐孫志諒湘室隱居處玄宗時兩召見闕下

時人常見其室上雲氣飄飄因號浮雲觀又云浮雲山是唐張忠載事舉之地上有應智頂飲馬池去縣北五十里○宋永初山川記云建城縣西有羊山山上產燃石色黃白而理粗以水沃之旋熟猶石炭着鼎其上可以熟物晉元康中雷煥入洛以示張華後先仰此物也于是始識此名今蜀江志載高安縣有石炭嶺王象之云土產篴竹故唐以米州改筠州○按蜀水水經注作濁水其文曰濁水出康樂縣故陽樂也濁水又東逕建城縣漢武帝元元四年封長沙定王子劉拾爲侯國王莽瑞州志勝入卷之二

圭

更名之曰多聚矣縣出然石異物志曰石色黃白而理疎以水灌之便熱若鼎其上炊足以熟置之則冷灌之則熱如此無窮晉元康中雷煥入洛齎石以示張茂先仰此物也

上高縣

在府西
南百里

本漢建城地顧野王輿地志云靈帝時分建城置上蔡縣晉改爲望蔡唐武德中併入高安僖宗朝鍾傳始建上高鎮于此家宇記曰以地形高上得名僞唐保大十年昇爲縣迄今不改按志縣城週迴五里舊載新昌之水匯于凌江而界其中縣治

前蜀江之上有流花亭多宋人題詠化龍巷口有桃李春風樓亦宋時建○縣學前深潭中有二石相疊似合而分各曰金石有金石倚在學左水自敖峯發源經橋下入蜀江有學碑蘇轍記○羅漢石在水南聖果寺之側其東爲鷓鴣洲正當縣之水口卽地餘所云鷓鴣洲合狀元生者其南十里石石豐上鏡下名葫蘆石○鏡山在縣東二里山有三峯端圓如鏡相對而峙一逕可通人行○敖嶺在縣北三里晉敖真人得道于此煉丹之迹猶存上有磨劍石一作敖峯○縣北十五里白馬山瑞州志勝入卷之三

圭

舊時常有白馬齧草山頭人至輒不見他日復然○西北十五里顧城山下有米城亦取米州之義○縣南二十五里靈峯山風雨晦冥之夜山放赤光其大如斗相傳以爲金雞神也峯前有銅丁嶺舊云許旌陽以銅丁釘蛟于此一名銅精嶺○近靈峯有寶蓋山嵌巖茂業蕭翠玲瓏中有寶雲院又五里有寶珠嶺世傳道明禪師自度嶺來卓錫夜恒以寶珠照示十方○蒙山在縣南五十里峭壁橫險厥材千尋常有烟霧蒙蔽其上週迴一百四十里山有多寶峯上下兩洞上洞玉沼常戶不

堪游歷下洞廣僅四丈深遂難窮中有石佛石僧
石獅子羅漢坐之類又有一石立巖間上下摩附
謂之無根石山之陽有元正德書院提舉姜榮建
承旨趙孟頫碑宋蒙山務設于山下○慈光洞在
縣西四十里綠梯而下然後有門得入昔有避兵
其中者題壁云唐乾符二年黃巢作亂在此逃避
其處又有鄧敖二仙洞○碑曰云施肩吾淨居寺
碑在縣西四十五里舊曰龍居寺隋置唐貞觀廢
大曆中重興太和中進士施肩吾立碑○又五里
爲仙聖洞洞中石佛石鐘等宛類蒙山九峯踞其
瑞州志勝入卷之三 主

頂奇秀峻拔莫可名狀蔣之奇詩綠澗攀厓入翠
霞寺僧猶記舊鍾家芙蓉秀出天河外我欲名爲
小九華蓋九峯寺乃南平王鍾傳捨宅也又十里
別有九峯山突兀出于雲表亦名末山○寰宇記
云謝山奇峯惟石卅竈履迹猶存有高真人祠去
縣西六十里按卽志之謝君魯舊傳謂仲初尋真
至此○縣西北六十里有禮架嶺嶺峻多石洞深
且澗兵燹時土民多避此寇亦不能近之有石笋
高七八丈號插天石○縣西八十里香山院唐建
有過客題其壁云誰將萬斛珊瑚撒向千春古

道場萬壑曉風吹不斷至今猶有蒲山香其處有
四溪洞深數里有後門供一石佛在樓真院側○
又十里爲黃鳳嶺俗傳有鳳凰集此山色不衫而
純黃故名按豫章記王子喬跨黃鳳至白象山疑
卽一事○洞山記云金剛嶺在本山昔第十代祖
智慧禪師栽松于此處每栽一本誦金剛經一卷
又名萬松山○王象之記曰上高有法恐寺初無
井每以行汲爲病許真君過之拔劍插于半山之
間水泉湧出人呼聖井云

新昌縣在府西百四十里

瑞州志勝入卷之二

主

宋太平興國六年分高安縣之太平等七鄉置新
昌縣元元貞初陞爲州 國朝仍爲縣治在鹽溪
之東古鹽臺也鹽溪一名若耶溪自分寧縣發源
出凌江入上高東流入蜀江遠治南鹽嶺高出群
山下瞰邑市鱗鱗可數故以爲名○宋劉愿新昌
門樓記云初鹽步鎮有蔡氏兄弟曰岑曰嵩相與
議于州曰鎮去高安之西百里而遙其地盤紆
川原迴遠且南與蒙山爲隣不置縣恐非所以便
民而戢奸也願竭力以佐公家費州請于朝乃縣
之今主簿縣東有鹽椿廟以祀蔡氏兄弟者門樓

柳子鉅野兆達子開以紹興二十七年知縣事
宋黃庭堅芝亭記云晉陵邵君叶爲新昌宰視事
之三月靈芝五色十二莖生于便坐之室吏民來
觀無不動色相與言曰昔令尹始將有嘉政以福
我民乎山川鬼神其前知之矣乃相與廊其室四
達爲亭而來謁記于庭堅云云按新昌瑞芝是元
祐八年事今縣東二十五里有瑞芝橋乃元時產
芝處○縣尉廳石刻詩云到此未逾月沿封十往
還路危頻駐馬力倦怯登山親老難辭祿時平可
養閒自憐清節苦誰爲達天顏蓋宋呂吉甫父鎮
瑞州府志勝入卷之二

大

國公惠照院之作公嘗爲新昌尉生丞相于解舍
云○方輿勝覽云縣有丞相堆蓋晏元獻殊舊宅
也志謂在新安鄉○輿地紀勝云濯湖在東門外
昔許旌陽濯衣其中至今水清澈不受垢汚土人
名爲真君濯衣湖○縣西有龍泉洞其源出離相
院穿地十里乃出宋崔鵬爲筠州推官嘗來游有
記○五色泉在縣西十里淨慧院土人謂之乳泉
取而酌之五色鮮瑩○石臺山在縣南二十里上
有清涼院蘇子瞻兄弟來游有贈長老問公詩東
坡筆刻寺中按方外志問公嘗手寫蓮華經字如

黑蟻卧不就席者二十年故東坡詩有誰信吾師
非不睡睡蛇已死將安眠樂城詩有蒲團布衲一
繩牀心地虛明睡亦忘之句○五雲觀在縣北二
十里許旌陽嘗游今石上有仙人跡○淵明洗墨
池在縣東二十五里紀勝云陶元亮讀書堂在新
昌延禧觀之七里山有洗墨池在書堂前觀後有
淵明墓按圖經載陶潛家宜豐縣親老家貧起爲
州祭酒徙家柴桑暮年復歸故里今縣東二十里
義鈞鄉有淵明里其居人多陶姓鄉之南山有靖
節祠城隍記云宜豐故城在天寶鄉去縣三十里
瑞州府志勝入卷之二

七

乃孫吳析自建城縣者隋唐間廢○志云天寶鄉
有楊將軍住場楊行密之居也又有廣門院舊名
石門聶樞密山之居也○樂城集聰禪師塔碑云
唐肅宗少子出家居逍遙山號國師賜田甚廣至
宋紹興寺廢真身塔猶存按逍遙山在縣之天寶
鄉塔在資壽院○三聖嶺在洞山金剛嶺之東昔
雪峯欽山巖頭三禪師菴居此嶺各著異迹因名
志謂嶺在縣東北五十里其處普利寺中有黃庭
堅所書新豐吟碑刻○洞山院在縣西南五十里
有宋太宗仁宗所賜碑本御書飛白草字及經傳

等六十卷并鍾傳鐵釜經又有楊行密銅鐘元豐間蘇轍與洞山文長老詩又有雪中洞山黃蘗二禪師相訪詩○縣東北五十里洞山寺水口有夜合石高丈餘土人謂二石夜間常合爲一○吉祥山在縣北五十里一名瑞雲唐悟本禪師居此山有聰明泉及吉祥院○縣東北六十里玄道觀東有雲峯壇仙石迹龍潭及許仙葛仙二橋○西嶺在縣北六十里坐西而望東山兀起蹲伏若翻舞狀亦曰攀龍山北嶺在東北七十里截出雲外如屏障峯巒相倚紫翠萬疊陰晴異色有飛瀑三四

徽州府志

卷之二

六

道頗爲奇觀○高湖山在縣西北七十里劉禹錫記云自漢時已有仙煙在于絕頂水旱禱焉○尉山在縣東七十里南昌尉梅君所游陟上有宅仙觀祀梅福舊記云今爲靈虛觀亦名梅仙觀謂梅真人故家于此○八疊山其形盤鬱疊嶂縱橫斷而復續因以八疊爲名在縣西北九十里○庚溪詩話云黃蘗山一名鷲峯在新昌縣西百里廣賢鄉唐宣宗徵時以武宗見忌逃迹爲僧至此與黃蘗禪師同行觀瀑布黃蘗詩句云千巖萬壑不辭勞遠者方知出處高宣宗續云溪澗竟能留得住

終歸大海作波濤余聞中亦載之○碑目云淨覺寺唐柳公權書額距黃蘗山二十里環寺皆奇峰按傳燈錄爲常觀禪師駐錫之地寺舊藏蘇文定公夫人史氏印施楞嚴標指要義十卷每卷末有文定親書佛弟子史氏印施局益公跋記後併刻于石

徽州府志

卷之二

七

饒州府在府城西南三里領縣七

春秋楚境史記吳伐楚取番是也秦併天下番陽屬九江郡漢初屬淮南國後屬豫章郡東漢屬廬陵郡建安十五年吳始置鄱陽郡治舊縣未幾徙治吳芮故城歷晉宋齊不改梁置吳州陳曰鄱陽隋初江州總管千金公權璋奏罷鄱陽郡置饒州按徐湛記鄱北有荒山地加饒衍益食而爲饒矣自是唐宋之季或稱鄱陽郡或稱饒州更置不一國初尚曰鄱陽府尋改饒州○唐劉長卿貶南巴至鄱陽題李嘉祐江亭詩巴嶠南行遠長江萬里饒

饒州府志勝入卷之三

隨才耳謫去流水亦何之地遠明君棄天高酷吏欺青山獨往路芳草未歸時流落還相見悲歡話所思猜嫌傷意以愁慕向江離柳色迎高鳴荷衣照下帷水雲初起重暮鳥遠來遲白首看長劍滄洲寄釣絲沙鷗驚小史湖月上高枝稚子能吳語新文怨楚辭憐君不得意川谷自逶迤又至鄱陽尋陶十七不遇詩謫宦投東道逢君已北轅孤蓬向何處五柳不開門去國空回首懷賢欲訴冤梅枝看嶺嶠竹路過湘源月下高秋鴈天南獨夜猿離心與流水萬里共朝昏李白送弟赴鄱陽司

馬詩桑落洲渚連滄江無雲烟潯陽非剡水忽見子猷船飄然欲相近來遲杳若仙人乘海上月帆落湖中天一觀無二諾朝歡更勝昨爾則吾惠連吾非爾康樂朱衣白銀章上官佐鄱陽松門拂中道石鏡迴清光搖扇及干越水亭風氣涼與爾期此亭期此秋月滿時過或未來兩鄉心已斷吳山對楚岸彭蠡當中洲相思定如此有盡窮年愁願况憶鄱陽舊游悠悠南國思夜雨江南泊楚客斷腸時月明楓子落宋王十朋送莫志歸鄱陽鄱湖秋水落日買舟還遠夢驚新鴈歸帆謝舊灣打

饒州府志勝入卷之三

碑過薦福携酒看芝山却憶曾游處清溪萬柳間○輿地碑目云鄱陽郡志史定之序○容齋隨筆云鄱陽舊無圖經元祐六年餘干進士都頡作七談一篇其叙土風人物云張仁有篇徐濯有說顧雍有論王德璉有記其所引張徐顧王諸書俱不存矣○三筆云饒州良牧自吳至今以政緒著者有九賢郡圖立祠祀之按九賢吳周鮒賈虞博王廙梁陸襄隋柳莊梁文謙唐張廷珪顏真卿李復等後又增李吉甫馬植爲十一人也○輿地碑目引白樂天集有鄱陽吳府君碑又有唐紫極觀鐘

銘天寶九載上官經野文南唐能仁寺菩薩堂記
邊鎬文俱在城內○文獻通攷鄱陽集十卷徽猷
閣直學士鄱陽洪皓光弼撰皓奉使金虜守節不
屈既歸爲檜所忌謫英州死之迺遵遺俱其子也
○東臆集四十卷中書舍人鄱陽張廣彥撰與
呂若仁爲詩友○游宦紀聞十卷鄱陽張士南光
叔撰○絳帖二十卷鄱陽姜夔堯章校定

鄱陽縣志

秦番縣也吳芮爲令土人稱爲番君漢加陽字王
莽改曰鄉亭東漢復舊而番字始從也爲鄱○通
饒州府志勝六卷之三

三

志云府城漢吳芮築廣周七里孫吳周魴增九里
三十步宋紹興間史定之又增至十二里皆因舊
基按今縣東六十里之故縣渡又有鄱陽城不詳
何始漢末吳初曾一居之尋卽移吳芮城至今不
改○我明洪武元年

太祖克江州因幸鄱至南門外御書城隍之神爲
額祀以少牢然後翼騎而入駐蹕于南城○郡之
西南桃源山麓孫吳之理所也元季捨據吳宏據
之爲行省今千戶所是其地有流杯池宋范仲淹
爲守所鑿 國初洪武己酉卜安國寺故址以建

郡治宣德庚戌改建于梁蕭恢遺宅按恢榮鄱陽
王也故宅之西永寧寺卽王所建又名永福寺與
地紀勝云永寧寺九眼井是蕭王宮故蹟永福寺
東廂脂橋昔時蕭氏粧樓宮人棄脂水流山橋下
故名○方輿勝覽云州宅有識山堂望廬山于三
百里外最爲楚東之勝慶朔堂范希文爲守時剏
取古諸侯藏朔之義後作詩云慶朔堂前花自栽
便移官去未曾開年年憶着成離恨祇託春風管
勾來公于堂前又栽九松未幾移潤州故作此詩
所謂芝產三莖松栽百尺卽此○徐淮鄱陽記曰

四

饒州府志勝六卷之三
東晉王廙爲鄱陽內史立學北門內圖孔子及七
十二弟子學徒八百餘身按廙傳以壬申歲見用
爲鄱陽內史于時郡內有枯樟更生卽松陽門豫
章之事○塚廟記云吳臣廟在鄱陽縣北一里其
廟神與閩越王無諸並坐梅銅配享按漢書臣乃
吳芮子成王也志有長沙吳文王廟在城中毛家
巷卽鄱君廟廟傍作芝山道院度道士以掌之我
太祖旣滅僞漢乃入鄱城謁吳芮廟循行廊壁見
有畫竹其傍題云幽人無俗懷寫此蒼龍骨九天
風雨來飛騰作雲物嘆想之間誰作或對郡人胡

閨也卽日召見留帳下官都督府經歷遷補進夫
理少卿靖難死馬○澹津湖在城中央一名市中心
湖納一城之水由大龍小龍二橋經德化橋穿城
而出合鄱江水雖淺而大旱不竭湖西古有鳳池
湮塞已久洪武初有游得一小臺乃起磚甃命工
鑿開得銅可互石不知其由○大龍橋在澹津湖
心梁天監中建者小龍橋在湖西德化橋卽朝宗
橋也在延賓坊又有斷橋卽王公橋宋隆興中王
十朋出知饒州踰年乃移夔州民走諸司乞留不
得斷此橋以阻之公乃以輕車從間道去○方輿

饒州府志勝

卷之三

五

勝覽云郡城上有四望亭范仲淹建王昶記汪彥
章詩縱橫盡得江山勝俯仰方知宇宙寬千里風
煙環廣坐四時星斗轉危闌王十朋詩有澤宜觀
水無簷不礙山番君千里國俯仰一亭間○秋水
觀在子城上王雪坡在州宅西江湖偉觀樓在行
春橋側俱宋時建○東城曰永平門取南唐名郡
爲永平軍也唐時鑄錢之處有問鑄堂宋時于此
立永平監洪邁詩澤國春寒未見花一江流水夕
陽斜我來試上津噴望問鑄堂前有幾家○玄妙
現在永平門西晉咸寧二年建舊址在湖水北層

樓迴閣樹樾森秀唐大中二年稍圯忽一夕地震
如雷殿堂四十餘間盡移湖水之南布列不殊舊
制郡守上聞易名神運閣後改名開元觀宋周伯
恭建望戴軒于觀東取望戴叔倫故宅之義元元
貞二年改今名張景脩望戴軒詩開元觀前莫騎
馬叔倫宅在湖水濱高閣隱士不趨府瀟灑使君
爲作堤胡不乘輿泛短艇湖中自有尋幽徑白雲
隨過水晶天清風載入琉璃境我來此軒逢羽人
何必見戴寂寞濱君不見子猷當時風雪夜至今
扁舟在圖畫吳金部前題茂林脩竹岸西東白鳥

饒州府志勝

卷之三

六

行邊釣舸風市井恰當荷蓋外樓臺渾在柳絲中
煙濃湧出金仙塔雲薄飛來王帝宮更問戴家何
處是放生池沼畫橋通○鄱江樓在南城上唐錢
起有陪使君叔鄱江樓宴鄭中丞詩按郡中諸樓
觀皆屢更名惟此不改○鄱江在城南一名長港
其源有二一出泊山合婺源經德興樂平而來一
出祁門張公山經浮梁而來會于城東唐白居易
夜泊鄱江明月滿深浦愁人卧孤舟煩寃寢不得
夏夜長于秋苦乏衣食資遠爲江海游光陰坐遲
暮鄉國行阻脩身病向鄱陽家貧寄徐州前事與

後事豈堪心併憂憂來起長望但見江水流雲樹
靄蒼蒼烟波澹悠悠故園迷處所一念堪白頭○
鄱江之濱多柳宋知州史定之所植以休息行人
今呼史公柳柳林港之名本此○懷蛟水在縣南
二百步江中流石潑潭中往往有蛟浮出時傷人
馬歲五月五日鄉人競渡于此○柳公樓在城西
北角梁柳惲爲鄱陽守所創凭眺顯豁實江國之
勝景唐大曆中第五琦改爲望陽樓貞元十九年
李吉甫復其名循舊迹也舊經云柳惲字文暢聽
吏屬得盡三年喪禮署之文教百姓稱焉○北城
饒州府志卷之三

七

爲靈芝門外一里爲芝山本名上素山楊盈川
集云唐龍朔元年薛振爲刺史北岡巔產芝草三
莖郡人爲立芝亭危坡屹起可眺匡廬范仲淹詩
樓殿冠崔嵬靈芝安在哉雲飛過江去花落入城
來得食鴛朝聚聞經虎夜回偶臨西閣望五老夕
陽開○葉夢得石林詩話云劉季孫以左班殿直
監饒州酒稅題詩務壁云風吹燕語落簾間底事
驚回夢裏閒說與傍人渾不解杖藜携酒看芝山
王荆公爲江東提刑巡歷按務見之大稱賞問誰
作或以季孫對召與語嘉嘆乃升車去不復問務

事○山頂舊有鹿頭廟其神爲樊噲宋范仲淹守
饒時禱雨有應遷廟于山麓元豐三年郡守馬淵
爲請于朝封福寶侯○宋末宗室有隱居芝山者
不署名氏間或自稱爲綠督人但呼之爲綠督先
生習天官遁甲鈴式諸書一日坐山下酒肆逢一
丈夫索酒酣飲因曰先生曰汝來何遲乃遣以囊
中丹書自稱爲扶風石得之先生自是往來海上
獨居十年註周易數萬言已而棄去乘青牛山水
之間人不見其有所齋而資用未嘗乏所著易注
及兵家方技諸書皆不存所存者革象新書而已
饒州府志卷之三

八

○郡人丞相江萬里見忌于賈似道退居饒城會
襄樊破萬里乃鑿池芝山後圃扁其亭曰止水人
莫喻其意及聞警執門人陳偉器手曰大勢不可
支矣余雖不在位當與國存亡城破竟赴池死子
鎬及家人相繼皆赴之積屍如登明日萬里屍獨
浮從者壘焉贈太師益國公謚文忠○芝山詩塚
國初宋濂銘云鄱有奇男子曰魯脩結詩社朋十
人皆緣情喜賦于時鄱數罹兵脩懼其詩失傳擬
埴爲甃刻瘞之芝山瘞已屬某爲之銘銘曰河清
嶽明効神之靈何幾歲今馬文龍章於燦其英昌

厥辭分冥智歛真反諸至神苑黃墟今洩于醴泉
三秀千珎合真符今鄱山可夷鄱川可夷道如初
今○縣學在東門外范文正公所遷也初學在城
內興賢坊景祐間公見城東地因拈曰東湖爲研
督軍臺爲印浮圖爲文筆峰使學遷此當出大魁
至慶曆間始從其言而彭汝礪馬廷鸞江萬里相
繼及第○宋毛滂采芹亭記云此邦俯仰几席間
無時不與山水接東湖其最佳處東湖一名督軍
湖在城東下流入鄱江泰番令吳芮將梅鋗習水
軍于此宋治平二年于湖中建寺曰浮洲元吳存
饒州府志卷之三

九

詩橋邊翠掩小家樓新釣魚肥酒旋斂可是東風
能喚客青帘飛過柳梢頭黎廷瑞詩游絲窈窕織
春暉楊柳人家半掩扉一片暖風篩雨過杏花跡
處見鶯歸葉楚庭詩百花洲渚漾晴暉野色青葱
好染衣寂寞離亭春欲暮水田漠漠鷺鷥飛○薦
福山在城東三里督軍湖之北山有萬松關茶園
百花洲唐儀鳳間有慈濟禪師自閩來居寶應山
因往來于此常與虎偕行號伏虎禪師後乃築室
而居至開元間始建寺名薦福德宗時潤州戴叔
倫來訪刺史馬戴戴爲築宅湖上居之或曰薦福

寺其址也寺中有歐陽詢書碑冷齋夜話云范文
正公守饒時一書生獻詩甚工自言平生未嘗飽
公私憐之未得其策時薦福寺碑墨本直千錢文
正擬榻千本俾售之京師紙墨已具一夕雷擊碎
其碑○志云顏真卿爲刺史日作亭以覆歐陽碑
後人目爲魯公亭方輿勝覽載歐陽率更法帖云
余年二十至鄱陽喜其地沃土平衆士往往輳聚
則寺碑或卽鐫茲時輿地碑曰云唐薦福寺庄田
記乾興元年僧志全文○贛洲門郡西門也門外
有觀魚臺相傳番君所築其下有落照池濶九十
饒州府志卷之三

十

步池內有走馬埒○門外有盤洲洪丞相別墅在
馬有野處二字宋孝宗爲洪邁書邁字景廬樂平
縣人皓之季子中博學宏詞科紹興中充金國報
聘使至金閤門見書不合式令改陪臣二字鎖之
使館三日不通水漿不屈歸授端明殿學士致仕
所著述有四朝史記夷堅志容齋隨筆續筆三筆
四筆○北朝天門外有洪樞密遵別墅名曰小隱
又名盤洲恭遵字景嚴其兄近字景伯弟卽邁也
迺遵同中博學宏詞科迺仕樞密使有盤洲集遵
仕樞密同知資政殿學士又有雲竹莊瓊花園皆

諸洪別墅云○嶽廟山在城北五里一名千峰山
上有東嶽行祠宋時山下民楊致有一犬甚愛之
每出入必與俱一日醉過嶺北酣卧草間野火將
逼犬急以身受水濡草者數四因而得免鄉人異
之遂名其鄉曰義感○五里堡有崩壙中露微光
傳是鄱陽忠烈王墓薛用弱集異記云蕭穎士南
游清八洲有二少年熟視穎士相顧曰此人甚肖
鄱陽忠烈王穎士固是鄱陽曾孫卽自歎陳二人
遽負擔去穎士方驚以爲神至明年過盱眙見堦
下伏囚則二少年也因述業語邑長遂詰之對曰

饒州府志勝

卷之三

士

嘗發鄱陽王塚當門有貴人姿狀正類蕭功曹固
知其爲胤耳○閭山在縣南十里舊傳宋太守毛
祐之巡境宿于山下夢見人自稱楚王陳涉來謁
遂與造樓閣祀之因以爲名山有古仙白子高壇
宇常有睥目獸依祠不爲人害○風雨山在城北
十五里古之零壇也禱之必應○馬跡山在城東
北二十里山勢縈旋衆峰環拱道書五十二福地
也山石上有馬蹄跡故名漢末邑人王遙有神術
治病不用符水針藥但以八尺布帋敷之卽愈有
邪魅者卽畫地作獄叩石呼魅入之居常佩一竹

篋忽一夕大雨使弟子錢未以九節杖擔篋出行
衣皆不濕前有炬火引導三十里許登一小山入
石室中有二仙名謝稚堅繁陽子先在室中遙至
開篋出古竹黃三枚三人並鼓良久仍納篋中
使未擔還百日許天復雨獨擔篋而去越三十餘
年弟子又見遙在此山煉丹晉元康二年白日飛
昇宋范仲淹題馬跡仙壇詩靈壇拱上百神清碧
塢紅霞相映明曲徑已無青草合亂峰時有白雲
生亭亭翠嶺高山盡隱隱狂雷落石轟待得九雷
驚鶴馭玉書應改地仙名○縣西南二十五里嶺

饒州府志勝

卷之三

一

洲水際唐貞觀末中天忽雨雹因而生蚌自後土
人往往採珠于洲中洪內翰贛洲居取此○堯山
在縣西水路三十里鄱陽記云堯時九年大水民
皆避此因以爲名他時大水山不見沒謂是浮山
元祐中餘干進士都頡稱堯山百姓有閩唐之遺
風焉唐劉長卿題王少府堯山隱處簡陸鄱陽故
人滄洲更深與世情薄解印二十年委身在丘壑
買田楚山下妻子自耕鑿群動心有營孤雲本無
著因收溪上綸遂接林中酌對酒春日長山村杏
花落陸生鄱陽令獨步建溪作早晚休此官隨君

求棲托○鄱陽湖在城西四十里收江饒衢徽之
流會大江入海跨南昌南康饒州三郡廣袤數百
里東界屬饒春漲則與鄱江接聯水縮則黃茅白
葦曠如平野宋趙抃詩拾陸事川程霜天曉色明
長波萬頃濶大舸一帆輕靜唱溪漁樂斜飛渚鴈
驚雲開見樓閣隱隱是芝城○陶母墓在城南四
十里晉司空侃母湛塋處卽形家牛眠地也按氏
族大全侃本鄱陽人今城中延賞坊有故居其後
乃徙潯陽○雷義宅在城東北六十里南和鄉地
名大雷岡宅基中有井井中有鐵鑊按義字仲公
饒州府志勝八卷之三

十三

鄱陽人初爲郡功曹常免人于死謝以金不受乃
密置其承塵上而去後舉孝廉又舉茂才讓于
陳重鄉里爲之語曰膠漆自調堅不如雷與陳志
云南和鄉兩峰並峙東爲大雷岡雷義所居西爲
小雷岡雷煥所居○南和鄉有黃金采西漢地里
志云鄱陽武陽鄉有黃金采者采取金之處今
按本鄉有武陽縣故址當卽其地○鄱陽舊縣城
東三里有螺螄洲鄱陽記曰吳太平二載大饑猛
獸害人孫權使趙達占之曰天地川澤如人四體
患齟齬脚其疾卽今鄱陽水口暴起一洲形如

鼈食此郡風氣宜祝以太牢掘其背以壓之今掘
處猶可驗按卽螺洲也○螺螄洲爲鄱江之上流
南岸夾汀其水最清隋梁文謙刺饒日嗜此水後
人思其廉因名清潔潭○韓山在城北六十里上
有韓信祠未詳一作寒山今改安山我朝淮殷
下宅安在焉○紀勝云縣西北石步山有石室石
堂殿其中恒烟霧人不可近縣北有二石碣立兩
山夾澗者名石門山又北有車門山形如兩輪有
梅餉廟在其處今屬車門村宋慶元六年五月村
人曹氏屋上生白蓮花高二寸濶三倍之久日化

十四

饒州府志勝八卷之三
爲菊○仙鶴山在縣東八十里有三峰峰有湖
春冬不竭衆鳥翔集中峰古觀壇地高三丈松竹
森聳古老相承是張道陵學道處今立仙鶴壇○
廢鄱陽縣在縣西北百里漢高帝六年置宋末初
二年廢志謂鄱陽山在縣南百里一名郭璞山相
傳郭景純嘗寓山下未詳○西峰井在縣南一百
里唐有西峯禪師好吹鐵笛嘗登妙果寺塔其高
十七丈吹笛于塔尖風雨驟至一日至白湖山以
錫杖插地遂成此井○巍石山亦去縣百餘里又
名獅子山高十丈自頂至趾皆石巖巖峭壁下臨

溪流有龍居寺宋岳飛統兵過此題詩云魏石山
前寺林泉勝後幽紫金諸佛相白雪老僧頭潭水
寒月生松風夜帶秋我來鸕龍語爲雨濟民憂○
三國志云吳天璽元年鄱陽歷陵有山石文理成
字凡二十字曰楚九州渚吳九州都楊州土作天
子四世治太平始又云石印發封天下太平按志
卽鄱陽山也在城西北一百十五里鄱陽湖中初
名力士山亦名石印山江表傳云歷陽有石山臨
水高百丈其三十丈所有七穿駢羅穿中色黃赤
俗相傳謂之石印下有祠堂巫祝言石印神有三
饒州府志勝不卷之三

十五

郎昭運遣使以太牢祭併以印綬拜三郎王○
徐鉉初學記云鄱陽山中有木客自言秦時採木
造阿房宮避役于此木客能詩嘗來城市中與人
飲作詩云酒盡君莫沽壺傾我當發城市多塵囂
還山弄明月○志云獨角山卽獨山在縣北一百
五十里高二十丈峭石瀕湖唐王德璉記有獨角
獸居此故名○白沙在縣西水路一百二十里沙
白如雪因以爲名史記索隱豫章接鄱陽界地名
白沙有小水入湖名白沙湖湖東南有武陽亭亭
東南有地名武林當閩越之京道漢元鼎初東越

王餘善使吞漢將軍入白沙武林唐劉禹錫答元
饒州書餘干有祔鐘之地武林有千章之木卽此
○浩山在城西北八十里界鄱陽彭澤建德三縣
高數百仞周迴百餘里唐武德間李大亮奏置浩
州于此英布城在縣西北百五十里布爲吳芮
婚使之將兵屯此漢書英布敗于會稽遂南走渡
江爲長沙哀王所誘至鄱陽鄱陽人殺之茲鄉志
云布塋在城北麓文皆作虎像墳高三丈八尺○
漢蜀太守文翁宅在縣東一百五十里基址俱存
東帶鄱陽左連溪水西接望夫岡有井清澄隴前
饒州府志勝不卷之三

十六

栽梧桐樹○鐘潭在縣東北一百五十里梁大同
間靈鐘寺鐘鳴徹百里太清二年詔取入朝扣之
不鳴送還至此遂沉于潭使者命縋百餘丈壯士
千人取之甫出而縋絕竟莫能舉○廣積故城在
縣西北一百八十里今名廣晉鄉有城基晉書有
廣晉縣云

餘干縣

在府南百二十里

漢之餘干縣也淮南王書田于餘干卽此隋開皇
始去水傍曰餘干○史記貨殖傳云譬猶我狄干
越之不相入韋昭注干越越之別名今餘干縣也

古謂越之餘地亦曰餘干○寰宇記云干越渡去縣西南二十步置津吏主守四時不絕有浮橋唐大中元年縣令倪衍置按卽餘水處也漢書地理志餘水北至鄒陽入湖本自信州貴溪縣流入○志云餘水者會縣之西南諸溪餘水故名以其三道而入又名三餘水或曰吳楚越之餘也○舊經云餘干山在治東南山轉相向狀若羊角舊名羊角山唐天寶八載勅改今號亦名雙覆峰宋邑人饒魯號雙峰本此山有龍池及梁天監中昌谷寺王安石詩老龍天上四峰頂石池開噬浪亂晴旭

饒州府志勝八卷之三

七

鰲沙驚凍雷益指此也池畔爲乘風亭晴天開朗可望匡廬宋熙寧中建張樞密浚寓餘干時嘗與二子栢杓登之趙丞相汝愚別業在焉自題吳楚冠冕四字□山下爲葵泉亭相傳唐陸羽每汲水煮茶于此今石竈猶存按鴻漸毘陵人居餘干時號東岡子居若溪號桑苧翁居故鄉號毘陵子□雲風堂在羊角峰之東山書院宋趙汝覲建汝愚從弟也朱晦菴嘗寓其中及汝愚死來吊復館焉以暇註離騷經于此○藏山在縣西一里懸崖處多古梅口梅巖有宋理宗御書梅巖二字刻于石

有溪山風雨亭是趙忠定讀書處山雖不甚高而崖壁微峭爲奇○玉馬山在縣南上有白石如馬舊呼白馬山唐天寶間勅改今名山自撫州南城縣過入臨川縣凡歷三邑乃分一支入當縣○冕山與冠山相對隋末林士弘退保餘干敵至市民避居此山上因而得免號曰免山後乃作冕○冠山卽羊角山也峰多奇樹惟石前瞰琵琶洲寰宇記云江山迴抱積沙而成洲狀如琵琶也唐時韓賓客裴尚書李侍郎皆曾居此○于越亭唐興元中李德裕爲令時建去縣東南三十步屹然孤嶼

饒州府志勝八卷之三

六

多古習題宋顯苑云楊億咸平初罷處州赴闕道經餘干登于越亭亭前瞰琵琶洲後枕思禪寺林麓森鬱千峰競秀真天下之絕景也古今習題凡百餘篇○劉長卿詩天南愁望絕亭上柳條新落日獨歸鳥孤舟何處人生涯拔越嶠世業陷胡塵草色迷征路鶯聲傍逐臣秦臺悲白首楚渚怨青蘋杳杳鍾陵暮悠悠鄱水春獨醒翻一笑直道不容身得罪風霜苦全身天地仁青山數行淡滄海一窮鱗流落機心盡空憐鷗鳥親張祐詩扁舟亭下駐烟波十五年游重此過洲嘴露沙人渡淺樹梢

藏竹鳥啼多施肩吾詩琵琶洲上行人絕千越亭
中客思多月滿秋江山冷落不知誰問夜如何王
十朋詩我來郡君山水州山水入眼常遲留絕勝
遙瞻雲錦洞清音下瞰琵琶洲千越亭上越風起
湖繞鄱陽三百里曉來一雨洗清秋身在江東畫
圖裏汪洋元渤詩塞外風烟能記否天涯淪落自
心知眼中風物參差是只少江州司馬詩姜夔詩
松尾颼颼石浪寒胡啼蕃曲轉聲酸人間無此春
風手應是江妃夜夜彈梅堯臣詩餘水之千越之
鄱築臺相對琵琶尾琵琶日日有秋聲鴈過洞庭

饒州府志勝

卷之三

尤

風入葦唐韋莊過饒州餘干縣琵琶洲有故韓
賓客裴尚書李侍郎舊居遺址猶存莊因感舊爲
之和吟云琵琶洲水斗牛星鸞鳳曾于此放情已
覺地靈因昴降更聞川媚有珠生一灘紅樹留佳
氣萬古清絃續政聲戟戶盡移天上去里人空說
舊簪纓○白雲亭亦贊皇公建在縣西南八十步
與千越亭對峙跨古城之危瞰長江之深取劉長
卿登餘干古城起句因以爲名黃庭堅詩裴誰築
孤亭勝日有感遇未懷劉隨州目榜白雲句遺老
不能談歲月忽成屢按志謂縣治西白雲古城隋

末林士弘築白雲亭之名或本此○寰宇記云龍
窟河在縣南十五里源出廣信之興業溪西流入
鄱陽湖古有龍窟驛○鄒子港在縣西北二十里
餘水之支也水口卽擔石湖唐寶叔向詩曉發漁
門戍晴看擔石湖日銜高浪出天入四空無咫尺
分洲島織毫解舳舻渺然從此去誰念客帆孤擔
石湖已見南昌○雕峰山在縣西南三十里有宋
物塋趙丞相汝愚及子尚書崇憲墓○漢東越傳
餘善使吞漢將軍出武林白沙以禦漢白沙已見
鄱陽縣下武林卽志之武陵山也在縣東北三十

饒州府志勝

卷之三

二

里元末兵亂吳宏立營于此山下有溪爲武陵塘
俗名後溪劉長卿宴餘干後溪詩迹遠親魚鳥城
高壓城聲林中阮氏集池上謝公題戶牖垂藤合
藩籬挿槿齊夕陽山向背春草水東西看竹誰家
好尋花幾路迷何勞問秦漢更入武陵溪○族亭
湖在縣西水路八十里湖中流分當縣及南昌二
界按鄱陽記後漢張邈字子遠餘干人七歲日記
萬言嘗侍徐稚過陳蕃時郭泰吳炳在坐稚曰此
張子遠也知易義蕃問易大旨邈對以易無定體
強名曰太極云云蕃顧炳曰若何炳良久曰得之

矣舉孝廉補郡功曹不就關西楊震曰遐年未二十積書若此當爲天下後世儔宗建寧間召爲學士以疾還四方學者萃其門卒贈族亭侯所著有五經通義並原龜原吳越春秋外紀○康郎山去縣五十里卽鄱陽湖之南涯也山上有忠臣廟祀國初征僞漢死事之臣公一人侯十二人伯二人子十三人男八人序其位次塑其像貌凡三十六人相傳昔康姓者居之故名又謂山名抗浪謂能與浪相抗語訛康郎○龍女井在縣西南六十里五代楊吳時有蔡氏女十六不嫁父母強之不可

餘州府志勝

卷之三

三

因投此井竟之無迹但見雙履浮水上時以爲龍女早則祈于井上○縣東南七十里小廬山後亦有龍井以禱雨宋安仁人尚書湯漢讀書之所名黃蘗山○縣南七十里有小華山謝枋得嘗陟其巔曰此宜居隱德之士又十里爲李梅峯高百丈餘周三十餘里一名平原峰又名貞女峰五代時李峻梅用居之故名○縣西南八十里有五彩山相傳吳王夫差六世孫吳申事楚考烈王以諫封春申君謫居于番又自番徙居此山下生子卽芮也初生時有五彩雲氣繞山故名

樂平縣

在府東南二十里

雷次宗豫章記云漢末元中置樂安縣按在銀城去今縣東水路三百二十里德興縣界中陳天嘉元年嘗廢唐初建立亦在銀城後因歛寇程海亮剽掠兼山勢險峻地壠高下乃移于常樂水口卽今所也元和郡縣志以南臨樂安江北接平林故取名焉○寰宇記云樂安江源出縣東北扶餘嶺合餘干水入又有明溪銀溪石吳溪並流注之舊圖經樂安鄉有釣臺巨石上有雙膝迹宋許惟中詩何代何人把釣緜至今猶有釣臺存身名俱隱

餘州府志勝

卷之三

三

成真隱呂涓嚴灘未足論○輿地記云吳溪山在縣西有石室東西相去七十步中有石鼠石人等像○薛塘在縣北隅以薛仁輔得名也按仁輔字汝弼河東人官大理少卿秦檜構岳武穆下獄理官拱手而聽惟仁輔不署奏牘且明岳無罪檜怒謫編管饒州得赦移樂平卜居此塘上○天仙池在縣東北天仙觀前相傳唐貞元中月夜有二羽衣對語橋上久之各跨鶴上天後人因于此立觀○蕭家庄蕭梁元帝封子恢爲鄱陽王此庄乃給王宮脂澤者王去郡捨庄爲因果寺俗呼爲使君

庄按卽今安隱寺也在會昌鎮唐會昌末刺史表請以因果寺爲花曆鎮以本縣權知鎮事自後將權重令權輕民苦培克歷五代迄宋鎮始廢○儒富庄在縣界馬廷鸞記曰叔翔旣築儒富庄余往過焉縹囊細帙魚魚雅雅其崇如壙云云攷志叔翔不載其姓名馬廷鸞則字翔仲樂平人登淳祐進士爲國子司業著作甚多端臨其子也增續杜佑通典名文獻通考○登高山在縣東五里元人九日登高于此朱公遷詩有苦無黃菊供人摘只爲青山了此行之句公遷邑人得饒雙峰之學烏饒州府志勝不卷之三

三

處州學正○汰金洲在縣西十五里平沙臨水先有楚金塲開元已後廢又五里水口亦出楚金郡國志云鄱陽之土出金披沙淘之粒大者如豆小者如楚山中亦生銀苗唐饒州刺史制詞都有鎔銀之利指此○饒娥雙闕在縣東三十里長城鄉其制作有廳事步闕前列屏樹烏頭正門開闕一丈二尺烏頭兩柱相去一丈柱頭安瓦埴墨染故號烏頭門外築雙闕在烏頭門南高三丈一尺夾街十五步對植槐柳蓋唐制也柳子厚碑記云娥旣入饒姓娥名雖小家未嘗出游治締葛供女事

循整世漁鄱水父醉風卒起不能舟遂以溺死求屍不得娥走哭水上三日不食耳鼻流血氣盡伏死明日屍出龜魚鼈蛟浮死萬數塞川下流鄱傍小民悲泣怨號以爲神奇縣人鄉人會錢具儀塋之鄱水西橫道上追思不足相與作石以貽後世云云按娥居于長城鄉淡灘里墓亦在是建中二年黜陟使鄭叔則爲列于朝得旨卽所居爲建雙闕唐魏仲兗魏愔俱有饒娥碣□朱晦翁跋饒娥卷云予少嘗學書而疾腕弱不能立筆遂絕去不復爲今觀沙隨程迥此卷饒娥辭一紙益有意于饒州府志勝不卷之三

三

黃綃之碑者亦可愛也娥故居小廟在樂平縣東三十餘里予嘗持沃茗酌之雙闕已不復存因語州縣宜爲增葺且請勅額列祀典而莫有應者可嘆也慶元戊午十一月二十六日劉伯醇携此卷來求跋爲書以歸之○鄱陽記云石墨山在樂平縣西三十八里其山出石似墨天寶六年勅改名樂平山併改石硯山爲乳泉山乳泉去縣北六十七里內有石如硯山西出泉色白如乳○石城巖在縣南六十里一徑縈迂而入行十餘里間皆惟石少卿李常題曰叢玉龍眠李伯時寫爲圖曾肇

彭汝礪諸人皆有詩一名仙人城城內有會仙洞
○縣東六十里芙蓉山形如茵萐上合下開宋楊
萬里詩看山須是高處看低處看山元不見君看
矮子仰高人祇見長身不見面今晨雨止升火輪
一光鋪盡千山雲千山數目眼中失今晨頭角都
崢出初登峻嶺心猶驚上到絕頂忽眼明天外數
枝青玉筆飛入錦囊何突兀問來還是芙蓉尖闊
開兩窓高捲簾○縣北六十里鍊銅山唐置場冶
山下以供水平監歲鑄後開鑿無度山傾其水發
爲河○縣東七十里一山有石像肖吳番君芮謂

饒州府志勝不卷之三

圭

之石吳山有吳王墓以爲芮葬處近石吳者爲葛
山相傳葛仙翁曾來游上有李氏讀書精舍宋邑
人郎中許錫詩平時西北望山峰我忽西行山又
東東望不如西望好只緣身在此山中○天井巖
在縣東北九十里高聳百餘丈盤亘四十餘里中
有洪巖風巖桐木巖冷水巖而洪巖最著其中雲
氣與泉聲相雜山腰有石室南北相通方四十丈
石之如門如堂如帳如象如馬者甚多志謂洪源
山下金山鄉是洪忠宣公故府○梅花巖月山巖
俱在縣東界梅花巖深三十丈南北相通有井有

田有龜有澗有池皆石也池深莫測一山之水皆
歸焉上有古梅數十株宋程夢子詩烟中脩竹列
千竿空裏疎花尚可攀喚醒羅浮山下夢江南還
有廣南山○月山巖又名月巖宋晁公富來游題
云古松夾道行行漸高殿堂室廬皆在虛實中如
月之初弦然○縣東北八十里鳳游山山勢盤礴
爲微饒間一巨鎮舊名潞源唐始改今名山麓有
石竅廣尺許日常雨潮其出洶湧洑則乾涸謂之
潮泉宋楊簡詩妙藏天地秘神斧爲誰開水性元
流下山靈強勒回○志云靜里鄉有鴈塔宋丞湯

饒州府志勝不卷之三

圭

鑄建以題進士名第者譚應斗記○桐山鄉有長
樂舊城唐開元建樂平縣處今名長樂水口○永
善鄉披雲閣下有靜蛙池馬廷鸞讀書閣上苦蛙
夜闌戲以楮爲三木曰再喧罪汝自後池無蛙聲
問產蛙皆白頸○豐樂鄉之鴈鵠山萬全鄉之石
潭山樂安鄉之軍山皆有黃巢駐迹按志巢寇兵
禍樂安凡三罹王仙芝攻饒太守顏標死之淮南
高駢將張濬擊賊至饒敗死其黨黃揆縱兵焚樂
平柳宰尹拒不克又死之

浮梁縣在府東一
百八十里

唐武德二年析鄱陽東界置新平縣尋省開元初復置名新昌治在昌江口正東臨江○輿地志云新昌治當齊安平王祠對衙前後宰多不得終秩開元二十四年制署治有不穩者任從吏改于時鄧暕爲新昌令移于梓縣城北昌水之西天寶元年以溪水時汎伐木爲梁因名浮梁元和間觀風使裴戡請徙高阜爲令治宋因之元陞州國朝仍爲縣○白樂天琵琶行云商人重利輕別離前月浮梁買茶去蓋唐時此縣產名茶故宋郡國志云浮梁茶美也○昌江源出縣東八十里外西流

饒州府志

卷之三

志

會諸溪水經縣城南入鄱江鄱陽記云水口有廟百姓禱無虛日興元道士屈蘭子棄木人急流曰靈則汙流否則焚汝木人竟逆流于是爲之改建卽所謂齊安平王也○唐末黃巢之亂縣令金日安徙百姓居于南城直昌江之南其地有浮碧亭山水奇勝宋張景脩詩一潭秋水不見底十里曉山無盡頭○漫吾亭在縣東龍潭上宋尚書程珌自記其畧曰暇日與二三友縱步潭東南隅披榛斬荆臨渠而植樹則水聲嘈如鼓鏞入渠澄甚逶迤徐行出菱荷延蔓數十丈可俯而翫也外瞰

長溪波光映人泫泫滔滔番水之源發焉遠則奇峰層嶽卓然拱立輪青而聳翠爰卽渠上爲亭名之曰漫吾昔元次山浪漫于世故人呼爲漫郎久更以爲漫更願其溪曰吾溪其亭曰吾亭又竊其山之高絕處其臺曰吾臺遂欲擅有此亭此臺此山此溪曾不知其無往而非漫余方因此溪山爲是亭也兼三吾樂之以漫又豈特爲叟爲郎有仕與處之殊哉○瑀讀書處名青峰山去縣東一里古識青峰圖出狀元瑀詩云爲問青峰圖也未不應久負壯圖人後果登第爲名臣○縣北湖有進

饒州府志

卷之三

志

士庄元邑人趙源置其孫鎮遠請以庄建書院名曰雙溪聘進士趙介如爲山長○石崖山在縣北臨溪山如鼓狀又曰鼓樓山在縣東里人保聚之所也其處有新田書院宋李椿年建○朱貌孫宅在縣東五里山先是有道人至此云文自秀板當出王者師貌孫杲拜太子論德爲度宗帝後因名王師山○陽府山在鎮前冬無積雪凡物皆早成金君卿詩聞雷已薦雞鳴筓未雨先嘗雀舌茶以其地暖故也山形峭立溪側下有陽府寺泉石稱幽勝屬西興鄉水土宜陶宋景德中置鎮以陶

調景德鎮也 國初因元舊置稅課局正德初年
始置御器廠于是有官窰民窰之分□宋彭器資
尚書文集有送許屯田詩曰浮梁巧燒蕤顏色比
瓊玖因官射利疾衆喜君獨不父老爭嘆息此事
古未有註云浮梁父老言自來作知縣不買蕤器
者一人許君是也作饒州不買者一人今程少卿
嗣宗是也惜不載使君之名○志云縣西三十里
萬戶山其北有石鼓山東有金魚山古老言晉郭
璞過此曰當有封萬戶侯者出至宋程節始應之
按節字信叔其弟筠字德休俱登嘉祐進士節

饒州府志勝入卷之三

堯

帥桂府至寶文閣待制筠知陳留縣宣仁太后稱
之擢戶部郎中蘇軾詩君爲赤縣有古風政聲直
入明光宮者節之子鄰負有將畧節既卒官蠻夷
反側廷議以鄰代父蠻人帖服如初○洞靈巖在
縣東三十里有洞四謂慶雲蓮花含虛張公也唐
文宗時邑人鄭全福入靈巖洞脩煉嘗游桃花溪
見老人乘鐵船全福曰願借船還人間老人許之
曰後三年當復來時已百餘歲語門人曰死必塋
我浮梁白水鄉及舉棺輕疑而發之惟杖屨而已
有夕陽嶺在洞靈巖後世傳藍采和嘗吹笛于嶺

上○水龍巖在縣東四十里有水潛行地中而出
于巖左迤南曰鳳游巖有大石室避亂者居之○
九英山在縣南五十里唐末邑人寧宸據此以禦
黃巢唐九子名皆從山故名九英也今有寧將軍
廟在常尚都○縣東北五十里有一沙堆狀如覆
船鮮淨特異每年豐稔其沙即堆如舊若沙移向
岸即薄收○石藏山在縣西六十里有鐘乳穴
十數處其南爲石門山宋寶文待制彭汝礪讀書
其上汝礪治平中狀元也有龍池在其山上○程
山卽石吳山在縣東六十里陳時程靈先之裔居
龍州府志勝入卷之三

予

之族旣盛大遂以姓呼山焉○徐誌記云鄱陽源
水吳芮所居處今有廟鄉人時祀之祠東有石澗
澗三尺祀時需水以牲牢告啟擊鼓三通水即湧
流隨用並足輿地紀勝謂內宅有馬迹石有龍泉
寺泉出石壁四時不絕漢梅鉞宅亦在其處

安仁縣在府南二
百十里

漢餘汗東南地西晉析置晉興縣永嘉七年改興
安尋廢陳乃置安仁隸鄱陽郡隋開皇九年併入
餘干今有故城去餘干百五十里唐武德初置長
城縣在今長城鄉又廢宋開寶八年置安仁場于

此巋拱元年陞縣迄今因之○縣治前雲錦樓下
瞰錦水舊設雲錦驛于此水發源福建之光澤縣
峭壁千仞絢錯成章故有雲錦之稱○楚東錄云
縣東五十步一山名張微微爲漢人學道于此十
餘年仙去有丹竈存 玉貞山在縣治北唐進士
柳敬德讀書其上刻玉貞臺三字于石壁宋朱熹
詩夙駕安仁道行行得此娛荒山園野濶遠樹出
林孤景晦暮烟合天寒岩草枯歸心懷遠路極目
上平蕪 元歐陽玄張孝忠祠記畧云饒安仁玉
貞山之惠寧廟左寓祠張將軍宋末將軍從江陵

饒州府志勝不卷之三

三

守高達至元十二年兵下江陵達降將軍帥其徒
淮上百人去之洪州是冬洪又降去之信州會提
刑謝枋得守安仁斷橋柵爲拒乃帥所從赴謝軍
授爲帳前都提點明年二月我師來自江右旣而
自饒攻安仁將軍逆戰于團湖坪矢盡揮雙刀擊
殺百餘人尋中流矢卒邑人憐而祀之廟享不絕
○綵衣堂安仁周氏之居也宋無爲楊傑記云龍
唐周氏五世同時子養其父而逮養其祖之祖父
鞠其子而及鞠其孫之孫州閭鄉黨稱爲令族縉
紳士大夫樂爲歌詠榜其堂曰綵衣傑謂前此百

有餘年僭僞未克日尋干戈父不得保其子者有
之子不暇養其父者有之矧有五世一時而安居
者耶觀周氏綵衣之樂則海宇之昇平可知矣○
孝烈橋在縣北二都弋陽謝齊山女嫁安仁周氏
早寡聞其母李氏獄中死節遂出貲奩爲里人造
此橋橋成投其下死因以孝烈名○衣錦橋在玉
石澗上有唐人逢汝舟玉石寺碑中稱玉石雲岫
巖巖甚奇澗亦幽絕去縣北已三十里○吳嶺在
縣西南六十里相傳番君芮與車王戰于此其巖
有洗馬池石上有巨人跡○仙巖在縣東南七十

饒州府志勝不卷之三

三

里巖半有二十四穴人不能到與貴溪縣聯界此
外又有燕巖鎖巖白雲巖金龜巖馬嘴楊子金仙
諸巖相去不過十里○仙人城在縣東南二百里
峭壁危石亭亭千仞每天淨無雲秋日清皎則其
上宮殿倉廩鐵冶棺槨之屬歷歷可見世傳武夷
山仙人歸葬于此○輿地紀勝云將軍墩在縣東
七十里世傳郭元振葬處按元振開元中爲饒州
司馬道病卒又有唐咸通元年柳將軍墓碑○積
烟山在縣西南八十里宋末陳卒死節處今字隆
芳安仁人德祐初謝枋得辟置幕中益王即入

觀領江東安撫使戰北被執得遁去復戰敗于積
烟山與弟年同死之○縣東馬祖巖有瀑布泉其
泉從山腰直下飛瀉百丈餘有白塔河源發廣信
龍虎山及撫州金谿縣合流入錦江○興業水一
名安仁港發源貴溪縣潘石村經縣界合餘干江
水港中有崩巖橫石懸水千仞湍奔浪激聲合風
雷舟楫所歷少有程準篙工失手以毫釐便成壑
粉然居人賴其膏澤之利概曰百二十餘頃云○
碑目云南唐雙溪觀記乾德二年葉雷文曰唐自
鳴山記咸通十年歐陽證文曰上石寺記唐逢汝
僊州府志勝八卷之三 三

安仁

德興縣 在府東二
百四十里

元和郡縣志云樂平有銀山在縣東百四十里每
歲出銀十萬兩收稅七千兩亦名銀峰山宋程迥
廳事記云唐貞觀中權萬紀上言宣饒銀大發帝
斥之蓋謂銀峯也至武后之世用鄧遠議置場權
銀號曰鄧公場晉天福三年南唐割據始置德興
縣四面皆水取其地產銀惟德乃興之義耆老言
方產白金時邑無後遺之民自元祐四年廢銀場

以來與計偕登科級者甲于饒之諸邑名儒巨公
相望而出矣范仲淹詩三出專城鬢已霜一封奏
罷鄧公場卽此○聚遠亭在縣治前邑人俞氏建
郭祥正詩晴空風卷浮雲落萬里秋毫瑩寥廓婦
娥泛月中夜來撲撲山川銀粉落天垂斗柄掛簾
鉤地接明河浸闌角誰傾世界入冰壺混淥仙春
迷海嶽○紀勝云唐末徽二年土人張蒙逐白鹿
至銀峰失其所在有少年指示之乃獲銀筍里人
謂是五通神見其立廟祀之卽靈順廟也在縣東
二百八十步廟記云天下之事此神實始于鄧陽
僊州府志勝八卷之三 三

之區矣○官堂山在縣東南二里宋余欽持節使
江南詔許歸省乃揭堂山下丞相張商英扁曰繡
綵其子瀚復新之朱文公改曰官堂山因以爲名
○歲寒山在縣西二里周冕隱居其上鑿歲寒二
字于石壁其下卽歲寒溪也水流通入龍溪宋汪
藻故居在焉○洪雅山在縣西北五里宋洪雅王
貴宦此地國祚云亡因赴水死里人獲其屍塋此
山下○紀勝云吳闡縣在縣南七里世傳番君嘗
試馬于此又有吳王鑄印堆鳳凰臺走馬堤淬劍
池大小花山今參政張燾居之亦名吳園也○銅

山在縣城北三十里唐置銅場處山麓有勝泉先是土人汲以浸鐵數日輒類朽木刮去其屑煅煉成銅○大茅山在縣東南百里千峰萬壑深林邃谷爲縣諸山之冠○鄱陽記云石虹山有石室平砥如牀可容數百人旁列石郭如屏風篆書凡八十三字有橫石跨水而渡文采青赤若虹蜺焉○建節水在縣西南源出廣信弋陽縣西北流經縣境下入樂安江○蘓文忠長子蘓長德與舒公送之湖口見石鐘山記

萬年縣在府東南百二十里

本鄱陽餘干樂平貴溪四縣之達鄙我朝正德

七年姚源盜平析置以治倚萬年峰爲名○江西

重

大志云德興界有萬年嶺宋廣王山此入閩曾駐蹕嶺下我正德六年江西盜起七年調兩廣土兵勦之前後俘斬萬餘姚源洞賊尚猖蹶復俘斬五千餘人以土官受賂遁去者多遂設萬年東鄉二縣○犁壁山在縣南四週突起盤旋如犁明參政吳廷舉平姚源賊師于此○武山近貴溪縣界磅礴數里卽廷舉分守武山斷賊歸路者○姚源洞在縣東其深可十五里兩山並峙林木參天土田肥美曩爲盜藪○東門外有泉爲吳廷舉鑿土人

德公被賊以比于東漢耿恭井

饒州府志勝入卷之三

五

南康府

在府城北二里

領縣四

輿地記云在唐屬江洪二州地楊吳以立星子鎮屬德化宋太平興國三年升鎮爲縣六年相繼張師亮轉漕表請改爲軍明年詔下有曰南康之俗其在康哉可賜名南康軍仍割洪之建昌饒之都昌屬焉元改路國朝爲府文獻通考南康志八卷郡守朱端章撰淳熙十二年續廬山記四卷南康守廣陵馬玕錄山中碑記之文以續前記

星子縣

附

本漢彭澤縣地因境內有落星石而立星子鎮也

南康府志勝

卷之四

一

今治西南半里許有落星樓宋胡致隆詩云葛巾藤杖竹簾蔭夜靜江樓縱目初海獸擎山出彭蠡玉龍銜水下匡廬三更雲淨猿啼露十里月寒人捕魚已問湖山借圭角他年來此老樵漁寰宇記云落星石橫度之過廻一百五十丈高丈許志作五丈在城南五里圖經云昔有星墜彭蠡化爲石南陳書王僧辯破侯景于落星灣卽此處宋史新編孟太后過落星舟覆宮人溺死十數惟御舟無虞因立落星寺夏秋之交水漲石泛於波瀾之上隆冬水涸可以步涉後改福星院又改法安

南康府志勝

卷之四

二

黃魯直詩巖巖康裕先生廬其下宮亭水所都北辰九關隔雲雨南極一星在江湖東坡外紀云南屏謙師妙於茶事聞軾遊落星遠爲設茶作詩贈之云道人曉出南屏山來施點茶三昧手先生有意續茶經今使老謙名不朽石隄在治南江潯舟楫之衝每風濤驟至艤泊無所宋元祐中知軍吳審禮始柵木爲障崇寧中孫喬以石爲隄內浚二陂可容千艘朱晦翁時增築之呂祖謙爲記西潯在城西二百五十步石隄內徐端輔朱熹知軍相繼作石閘以泊客舟處當夏秋水漲商旅牽舟縈迂循繞人力疲乏故又號爲西疲灣湖西北神林灣多林木中有神廟商賈阻風泊此必祈禱而去縣西一里附郭爲後山宋陳圓隱馬黃山谷贈以詩云城中咫尺雲橫棧獨立前山望後山又一里爲少府嶺因其上劉凝之墓得名按凝之名渙均州人宋天聖間穎上令歸隱廬山歐陽修廬山高爲其作凡居落星灣三十年嘗乘黃犢往來山中尤愛栖賢西澗之勝寶峰僧爲結茆以居之號西澗居士嘉祐中陳舜俞令舉謫監市稅亦乘牛山中與之往來龍眠李伯時爲繪圖

作歌以紀勝事按吳順義中史虛白先生避地星
子亦嘗騎黃牛遊山云○疑之墓近能仁寺有壯
節亭朱元晦記畧云淳熙己亥守南康始至
訪求先賢遺迹得故尚書屯田員外郎劉公疑之
之墓於城西門外草棘中乃爲作小亭於其前郡
之詩人史駟請川歐陽公語名爲壯節因屬友人
黃銖大書以揭焉○城東一里神運石在陶公祠
前石方色黑傍有大指痕文理隱然陶祠祀靖節
也○又二里爲宋張叔夜墓公於靖康元年以南
道總管率二子入援與金人轉戰而前至于京城

南康府志勝

卷之四

二

道君皇帝御南薰門見之既隨北轅在道中不食
粟或時飲水至白湍河御者曰過界河矣叔夜矍
然起仰天大呼扼吭而死○又轉爲層城山卽烏
石山在縣西五里陶淵明斜川詩自序云辛丑正
月五日天氣澄和風物開美與二三隣曲同遊斜
川臨長流望層城又云若夫層城傍無依接獨秀
中皇遙想靈山有愛嘉名自昔曾城有落星寺○
城西七里爲玉京山一名上京山下有淵明舊居
其詩云疇昔居上京卽此當湖之濱一峰最秀東
西雲山矧水數百里浩渺縈帶皆列几席○

東玉里爲宮亭湖卽彭蠡也一名楊瀾湖四十里
長三百里有雁泊小湖西接省城東抵饒州北
流入于楊子○宮亭者或曰因廬山三宮得名按
爾雅大山曰宮不必盡由三宮矣水經云宮亭湖
傍有石鏡水經註山東有石鏡照水之所出有一
圓石懸崖明淨晨光初散則延耀入石毫末必察
謝靈運詩板厓照石鏡卽此○宮亭廟其神能分
風廟以周武王十五年置魏曹毗詩分風爲二擘
流爲兩者也南康志諸書宮多作郡宋景德間勅
著之祀典高僧傳云孫權時神能分風送舟施捨

南康府志勝

卷之四

四

山積西域安世高南遊過祠下神忽人語云其前
身爲僧以瞋恚故積業受報良苦求高爲立法營
救覲得善生高令現形乃出首座下與高膝齊蓋
大蟒云高撫其首爲梵語讚頌數四蟒悲淚如雨
無何死柴桑縣山壑中今德化楚城鄉蛇村木此
其長數里自後不復著靈庾仲雍荊州記安世高
以所得郡亭廟神財立白馬寺於荊州東南隅云
○錄異傳曰廬陵歐陽明從賈客道經彭蠡湖每
以船中所有投湖中後忽見一人來召明云是青
洪君明甚怖吏曰無可怖青洪君感君前後有禮

故要君必有重遺君勿取獨求如願耳明既見青
洪君乃求如願吏語明曰如願者青洪君之婢也
明將如願歸輒得數十年大富荆楚歲時記詳載
之○城西南十里有東古西古二山山各有寺東
古寺麓有釣魚臺西古與師林嶺接有陳準石屋
書堂嶺下卽師林港也按準字正臣星子人其祖
圓父墓三世皆盛年納祿鄉里高之○城西十五
里鷄籠山傍有二石一赤一青望之如鷄籠山下
有湧泉如潮信畧刻不差朔望尤大○廬山在府
西北方山以廬名其說不一周景式記謂匡俗周

南康府志勝

卷之四

五

威王時人生而神靈居於山上世稱廬君釋惠遠
記謂俗生殷周之際結廬山上因名廬山豫章古
今志謂俗父當秦末與番陽令吳芮佐漢定天下
而亡漢封俗於潯陽及武帝南巡封俗爲明公云
○開先寺在城西十五里匡廬山之麓也宋黃庭
堅開先修造記云南唐中主年十五參廣陵政事
浮慕物外名無經世意問舍五老峰下有野夫獻
地買之萬金朔爲書堂及卽位改口開先寺以獻
地爲有國之祥也後遷都洪州嘗節馬寺有元
宗故榻及列祖元宗後主圖像有中主讀書臺

側有聰明泉寺僧珍之口讀書臺半厓有黃庭堅
書七佛偈宋元章書青玉峽周堯書風泉雲壑俱
大字口寺側爲青玉峽龍池潭蓋西峽之水注於
池支流石間寺僧鑿爲大渠長丈餘承以石枳聯
絡數十引水而下從寺前流入于湖有漱玉亭在
其右口桑喬山疏云瀑布泉在開先寺側其源出
於漢陽峰西流爲康王谷之谷簾泉東流爲開先
寺之雙瀑方冬泉脉微循厓而流涓涓然如一綫
春夏汎溢直落霄漢間裊裊如垂匹練日光灼之
燦爛作黃金色條爲驚風所掣則中斷不下久之

南康府志勝

卷之四

六

忽飄入雲際如飛毬捲雪迸珠散玉頃刻萬狀殆
難以名言也廬山之南瀑布以十數皆待積雨方
見惟開先之瀑不窮掛流三四百丈望之如懸索
水所注處石悉成井深不可測云○西原菴在府
治北十七里宋元晦記略云成紀崔君名嘉彥壯
歲避地巴東三峽之間修神農老子術東下吳越
以耕戰之策干故相趙忠簡公趙公是之會去相
不果行君自是絕迹此山按陳令舉所述圖記得
西原菴故址于臥龍瀑泉之東築室居處耕田種
藥僅足以自給而四方往來之士皆取食焉其疾

病老孤無所與歸之人至者皆收養之蓋年踰七十矣而神明筋力不少衰予往造之而君不予避也一旦爲予道說平生相與太息會予結屋臥龍以祠諸葛丞相世蓋少識其意君相爲經紀以迄有成淳熙辛丑閏月予旣罷郡來宿臥龍君曰臥龍之後夫子旣書之矣顧西原獨未有記復能爲我書之乎予於是悉次其說俾刻焉○臥龍菴在治西北二十里五乳峰下蒼崖四壁大壑淵澄有上中下三潭黃石數丈在激浪中若龍朱晦翁作墓於側繪諸葛孔明像其中○山疏云西澗之西

南康府志勝

卷之四

七

三里有山鄰於七尖者爲五乳峰峰肖乳凡五在臥龍潭側有香積院朱晦翁石刻題名在焉今爲憨山德清禪師居之○簡寂觀在城西二十三里一名太虛觀劉宋時吳興人陸修靜有道術文帝慕之製停霞寶輦賜馬明帝爲設崇虛館通仙堂以待之至卽求歸不許遂卒于京賜謚簡寂先生赴召時挾布囊出逝之日布囊還懸廬山舊居岩樹上○紀勝云簡寂觀古碑有六一梁太子僕射沈瑯撰本觀碑二唐御史大夫王路撰靈寶殿齋記碑三唐掌元師表奏徐憲撰本觀石路記碑四

唐實應中翰林供奉吳筠撰簡寂先生碑五虞部員外郎陳覺撰本觀新建石壇記六安西將軍張崇撰本觀重建大殿記唐韋應物詩曠歲懷茲賞行春如重尋聊將橫笛吹一寫山水音卽題簡寂觀者○夢溪筆談云觀有竹相傳修靜手種出笋苦而味能甜歸宗寺造鹹壺而味反淡蓋山中佳物也○山中人語云簡寂山中甜苦筍歸宗寺裡淡鹹壺○志云道士譚紫霄泉州人事閩王杲封正一先生閩亡居廬山栖隱洞其徒百餘人南唐後主召至建康賜道號紫金皆不受開寶六年尸解

南康府志勝

卷之四

八

有白鶴祥雲逸送之○紫霄峰以譚先生得名或云譚子因居此峰頂故號紫霄也在廬山西二十里西北塔院後九江志名上霄有石室禹刻未詳是一峰否宋洪駒父詩魂視落星石杯觀彭蠡湖荒哉秦漢君抗旌上崎嶇永懷太史公九江觀禹拳○峰頂有定心石言遊者扳蘿至頂坐此石久而心始定也峰有翔鶴展翼之勢山下流泉潏洄數里而下爲鸞溪所謂鸞溪滴泉也其下有先天觀梁大同鄱陽太守李支所建南唐韓熙載撰碑文碑陰有當時嬪御姓氏十餘名號真風觀其

文略云廬山之陽有女真觀千尋落水萬仞危峰
晝夜若風雨盛夏如素秋信洞府之絕境神仙之
勝遊也○歸宗寺在城西二十五里晉王羲之求
爲江州刺史卜居廬山之南時梵僧耶舍尊者來
自西域義之飲其風規遂捨所卜宅以處之卽歸
宗也相傳有墨池鵝池在寺側寺內有貝多葉經
耶舍尊者所遺歸寂後葬于鍊塔時現舍利白光
俗呼白塔蘇子瞻詩墨池湧墨溪中石白塔微分
嶺上松卽此塔久崩壞近歲果清上人公居士邢
懋禮募緣建□唐寶曆初智常住歸宗一目重瞳

南康府志勝八卷之四 九

每以毒藥自按摩之使俱赤世號赤眼禪師與刺
史李渤問答有語錄宋洪芻詩未窮黃石岩但聞
赤眼禪是也寺後石壁有金輪峰三大字峰側有
石鏡峰相傳其處有石鏡隱見無時近歲以來人
亦間見之其下爲石鏡溪有黃山谷書石鏡溪三
大字○祥符觀在城西三十里觀舊碑言秦末有
武士三人留此一夕雷電化成二溪溪中磐石上
有王簡天篆曰神化靈溪金簡標題真人受旨王
潤潜栖十六字攷通志南康城西有三將軍廟世
傳是秦時武士唐僊載李德父宋刁雲棄官學道

隱於廬山者豈卽一事耶靈溪今在觀後碑則南
唐秘書正字宋渙撰○谷簾泉在城西三十五里
瀑廣如簾布巖而下者三十餘派陸羽茶經品爲
第一水桑倚山疏云在康王谷中故名谷簾其源
卽出自漢陽坡頂者上元之序云泉爲石崖所束
湍怒噴湧散落紛紜數千百縷班布如瓊簾懸注
三百五十丈志謂谷中別有水簾洞云○與谷簾
相對有楞伽院卽白雲菴也有南唐徐鉉石刻蘇
長公集云余友李公擇少時讀書於五老峰下白
石精舍公擇旣去山中之人思之指其所居爲李

南康府志勝八卷之四 十

氏山房蓋藏書九千餘卷之有張孝祥詩云硃砂
峰下楞伽院白髮書生乙丑年乞我一盂清淨水
爲扶脚力上層巔○山巔有白雲洞洞口有大石
如床人行山中望懸瀑直上數百尺乃知其出白
雲也輿地紀勝云白雲菴前寶陀巖石壁上有御
駕親至數字隱隱可辨人以爲南唐元宗也與寶
陀相近有聖僧巖馬祖巖羅漢巖般若峰○栗里
原在城西三十六里梁昭明集淵明旣賦歸去來
江州刺史王弘欲識之不能致嘗往廬山弘命淵
明故人龐通之齎酒具於半道栗里之間邀之卽

此○志云栗里有五柳館淵明宅在是馬先是淵明居玉京山後居柴桑里戊申六月火始遷於南村卽栗里也栗里原當澗有醉石淵明每醉輒坐臥其上○又數里卽康王觀昔秦并吞六國楚康王避難此地故有康王谷去觀又二十里也○周景式記云梁時道士張施深栖深谷中學老子術武帝詔以其間爲康王觀宋熙寧中改今名隋丁亥真移建於銅馬廟場廟王莽時建久能爲妖丁投之澗中越宿馬自還又賣之遠村買者家皆病懼而送還廟乃愈紀遊集云觀舊有珍珠柏盜焚

南康府志勝八卷之四

士

之枯死有異人以丹一粒納于裂處旋復生○志云黎仙峰在廬山頂舊傳黎母昇仙之處又上爲漢陽峰望數百里外江漢極目故名漢陽峰南有兩岩踔而深晝日嘗黯黯漢陽坡上有寺曰廬山寺晉僧曇翼宋慧慶道慧並居之唐劉昫虛詩孤峰臨萬象秋氣何高淩庭際南郡出林端西江明卽此寺作○五老峰在山頂東南自府治北望森然如施簾幕者是尋陽記謂其形勢如河中虞鄉縣前五老山故名商丘漫語云自下望之狀似僂立其上相距甚遠不聯屬也曉削壁直數千仞軒

軒然如人箕踞而窺重湖又如五雲翩翩欲飛李白詩廬山東南五老峰青天秀出金芙蓉九江秀色可攬結吾將此地巢雲松舊有太白書堂楊衡符載隱居今不存作以萬曆甲辰歲同守心禪師及其徒海湧建大叢林額曰青蓮寺○五老之西一峰嵯峨狀如刻削是名獅子九江錄云通隱橋南有獅子峰峰上凡三蘭若曰吉祥頭陀芝山相傳天子障在獅子峰下對天子障者爲金闕岩亦見太白詩句○獅子南有凌雲峰五老西有凌霄峰凌霄西南爲白鶴觀觀有唐劉混成丹井藥臼

南康府志勝八卷之四

士

及手種杉杉木徑丈餘歲久孫枝亦數十圍包佶有贈白鶴觀劉尊師詩卽混成子也蘇長公云余嘗獨遊五老峰白鶴觀松陰滿地不見一人惟聞棋聲然後知司空表聖棋聲花院靜幡影石幢高之句之工也○寰宇記云廬山三宮上宮有三石梁次宮隔一谷有界城下宮在彭蠡湖際又云三宮卽山海經三天子都也○屏風疊在五老峰東北亦曰九疊雲屏屏之上有三石梁長數丈廣不盈尺橫絕青冥人迹罕至述異記言吳猛見玉宇金房處詳見德化下○三疊泉卽水簾洞一名三

級泉泉下注磐石三疊而後至地在五老峰背尋真觀後廬山之泉多循厓而瀉此則由五峰北厓口懸注而下凡三級落大磐石上裊裊如飄雲垂練中級如碎玉摧水下級如玉龍翔舞○尋真觀在城北二十五里道經三十六洞天之一也廬山記謂漢武帝所築羽章館者是嵩山野錄云唐德宗朝女冠蔡尋真居屏風疊下尋真觀僧祖可詩此身未是尋真客慚愧尋真觀裡人卽此蔡嘗有詩名闕干曲□三登之南有相辭澗山疏云初李騰空事蔡尋真入廬山學三洞法以丹藥符籙救

南康府志勝

卷之四

古

世其後道成告歸別於此澗故名○延真觀在城北四十里女真李騰空所居李白贈李騰空詩云多君相門女學道愛神仙素手掬青靄羅衣躡紫烟一往屏風疊鸞着玉鞭又贈內云君尋騰空去應到碧山家水春雲母碓風掃石楠花若戀山居好相邀弄紫霞騰空宰相林出女也其所居乃昭德皇后施建故又名昭德觀觀前溪水 flowing 下名昭德源○又五里爲仙居洞記勝云有慧日院並澗行兩山間岡嶺重複宛若洞府其處去白鹿洞五里○白鹿洞在白鶴觀東南唐貞元中李渤與

兄涉隱此蓄一白鹿甚馴人稱爲白鹿先生及寶曆中爲江州刺史卽其地舂臺榭白鹿之名始著南唐中名爲廬山國學以國子監九經李善道爲洞主宋初置書院與睢陽石鼓嶽麓三書院齊名宋淳熙己亥朱晦翁爲浙東提舉以錢三十萬屬南康守建禮殿其中洞在水簾山澗中去書院十里○洞西有釣臺臺西有瀨石東有枕流橋多宋賢題刻洞南數里爲羅漢嶺有寺宋章聖皇后夢十八應真乞歸廬山已而高麗來貢佛及羅漢金像詔就寺安置因賜寺額併藏經土田瑪瑙琴象

南康府志勝

卷之四

古

皮鼓鼓圍二十三尺擊之聲動山谷輪藏以石爲柱○李渤所讀書處爲棲賢寺在栖賢谷中三峽澗水出焉澗受大小支流九十九派中有臥石如羊不可勝計蘇子由寺記栖賢谷中多大石岌嶮相向水行石間聲如雷霆如千乘車行者震掉不自持雖三峽之險不是過也棲賢以李江州而名○寺門外有張孝祥刻玉澗二大字玉澗之南有栖賢橋卽三峽橋也其長幾百尺橫絕大壑締構鬼壯神施鬼設非人力所能爲從橋上俯視澗底可深百餘尺宋楊廷秀詩棲賢與楞伽初本共一

山古潭宅神龍睡醒厭久踰是夕起雷雨震得天
地顛此山折爲兩一溪斷中間下窺黑無地上攀
青到天從此兩禪寺路絕不往還祖師見之笑彈
指見神軒問天借橫霓搭渡溪兩邊倒傾千崖雲
飛下一玉淵餘怒尚雷吼聲拔諸峰根我來不能
去輕坐倚危欄忽然心爲動毛骨森以寒土人指
斷岸猶帶初圻痕口橋北有石梁方整如棺而大
橫亘淵上紀勝謂之方橋其下卽石梁潭也陸羽
評其水爲天下第六口辟寒集載樓玄碑刻云予
以嘉定十一年仲冬甲戌于歸宗訪墨池鏡溪乙

南康府志勝八卷之四

主

亥自俞峰天宮萬華重雲上紫霄峰歎杏林覺性
丙子至靈谿三將軍洞由隆教過離經臺栗里醉
石歸去來館濯足靈湯暮抵康王觀丁丑泝澗酌
谷簾泉還山與朱洙陳伯賢段日嚴向公莫同來
子瀟侍釋元澄鐫石

建昌縣

在府西南

本漢海昏艾二縣地漢志豫章置縣十八有艾海
昏艾城詳見分寧縣下雷次宗豫章記云後漢永
元中分海昏立建昌縣宋永嘉二年廢海昏移建
昌居焉○類要云隋大業十年移理于縣西太史

慈古城唐武德五年於縣立南昌州八年州廢以
縣屬洪州宋太平興國七年移屬南康軍元元貞
乙未陞爲建昌州 國朝仍爲縣○唐權德輿載
之集有云鍾陵之西名曰海昏呂溫裴氏集序云
平節裴公遠河洛之患以其族行攀大別浮彭蠡
望洞庭伺翔于康溢流盼于海昏海昏有歐山之
奇修江之清陽溪之遠陽泉之靈竹洞花塢仙壇
僧舍鷄犬鐘梵相聞於青嵐白雲中數百里不絕
○按修水在治南源出寧州幕阜山而遠達于章
江江北五里有蓮花洲郭璞識云有水名修有魚

南康府志勝八卷之四

主

名儵天下大亂此地無愁邑人稱曰西河水○輿
地紀勝云建昌尉廳前有遠明閣前揖西山俯瞰
修水宋元祐中建昌修水南有喚渡亭白居易謫
江州司馬過此作詩云建昌江水縣門前立馬教
人喚渡船好似昔年歸蔡渡草風沙雨渭河邊宋
黃庭堅爲書于亭有碑刻按建昌府亦收之非是
○七靖觀卽隆道觀在縣治東舊學宮側世傳晉
永嘉中許旌陽旣誅巨蛇乃法北斗七星於海昏
立七靖每靖置一井以鎮之讚曰海昏之地府屬
當陽南昌之州龍安之塲上繚父縣古城之圖地

運蛇穴侵截川江占其地上爲民之殃于今立靖
萬古吉祥舊學宮地在第四靖井上有一老栢云
旌陽所植相近有唐大厠所建大果寺寺有梨樹
結子大如斗故以爲名○寰宇記云齊庾臺在治
東三里當白湖中蕭梁尚書庾肩吾築于齊永明
二年故名○紀勝云智顗院在治東四里有唐海
昏處士顏君碣黃庭堅云其歲於竹林中得顏家
華斷碑乃魯公大書清勁秀發可喜志復載有李
公擇智顗院記按寓賢傳顏真卿之後善詞翰
謹禮法子姪三十餘人皆受經白鹿洞家海昏三

南康府志勝不卷之四

七

十餘年進修不輟今祀于洞中○寰宇記吳猛泉
在縣北五里相傳晉仙吳猛遊息之處有臺有泉
其泉甘冽異他水亦名冷水泉以洗瘡痍立愈時
人多以上已重九日就此祈福觀前有磨劔池相
傳許遜斬蛟時於此磨劔故名觀側有千歲靈根
亭晉植松樹盤屈奇怪名曰壽松相傳真君嘗掛
劔其上亦名挂劔松宋寶慶初知縣曹嗣初亭刻
石又云縣南有壽樟黃山谷作記紹定間縣令陳
文孫繪圖○志云炭婦鎮在縣南十里卽妙明觀
也許旌陽領弟子數百行經此地乃化炭爲婦以

試其操明日視之不涅者僅十餘人又云有娉婷
鎮是仙女吳彩鸞舞鶴之處按在縣南六十里采
鸞吳猛女也詳見南昌○九域志云蛇骨洲在縣
東南十七里晉永嘉末有蛇長三十餘丈斷道以
氣吸入被吞噬者以百數吳猛率弟子往殺之蛇
死處聚成洲有小蛇得脫猛云大蛇是蜀精蛇死
之口而蜀賊杜弢滅○蛇子逕水在縣南二十里
永豐鄉之西舊傳吳仙旣殺大蛇其小蛇穿地成
穴江水灌穴通流至今水勢屈曲如蛇形至唐儀
鳳中始通舟楫○輿地紀勝云黃龍山在城南三

南康府志勝不卷之四

六

十里許真君煉丹處也唐廣明中有黃龍見于山
上故名或云山壁有黃龍之像能興雲雨每以爲
驗○歐山在縣西南三十里世傳歐岌先生得道
之所紆迴峻極頂常出雲又名雲居山有寺爲唐
太常博士顏雲洽宅頗莊嚴俗稱天上雲居地下
歸宗中和間南平王鍾傳居此奏賜額龍昌宋仁
宗改賜真如爲書飛白額晏殊記洪芻駒父詩有
云曲肱聊寄吉祥卧緩帶來嘗安樂茶註云雲居
山產茶草茶中最稱絕品者山有卧龍洞宋佛印
禪師了元結菴居之韓宗古贈詩云雲居古道場

縹緲若化土西有卧龍洞傳聞結菴在曉日射寒
巖翠光入窓戶時有僧自順爲佛印侍者蘓長公
過此偕遊一寺讀古碑順侍行比歸長公徧問頗
能記憶否衆皆口塞惟順誦得其十六七蘓大奇
之問何名曰自順蘓曰逆則煩惱順則菩提自此
叢林稱爲順菩提類要云布水在縣西南四十
里歐山之上週迴三百步噴湧懸流三十餘丈形
如故名如故名○紀勝云赤烏觀一名壽聖在縣南四十
里時有赤烏來集故名今名廣福觀○迴城山在
治西五十里中有高峰鬼戕望之如城闕其下有

南康府志勝八卷之四

尤

順利廟○長山在縣南五十里與龍安山相對宋
岳飛屯兵於此李成屯兵山龍安之北飛登長山
望賊陣遂邀擊於樓子莊大破之故城在縣南六
十里龍安鎮唐初置縣尋廢爲驛○類要云石姥
宮在上繚水西五里漢昌邑王所建水經註云上
繚水經海昏縣謂之海昏江分爲二水西自建昌
界入南昌石姥宮○雷次宗豫章記云昌邑王賀
封海昏侯就國築城仍曰昌邑城按在建昌縣北
六十里昌邑鄉○昌邑城內有墳二百許云是昌
邑宮人葬處志謂王卒亦葬焉又云今舟楫從建

昌縣界上過有昌邑山山中有漢中尉王吉廟在
新建西界雷記昌邑城東十二里江邊名慨口
昌邑王每乘流東望輒慨慨而還故名○志云城
門山在縣西八十里山形雙峙遠望如城門中出
飛泉溉田甚廣○志云文縣黃龍山下有溫泉四
時常暖以生物投之即熟白居易詩一眼湯泉流
向東浸泥澆草煖無窮驪山溫水因何事流入金
鋪玉甃中○紀勝云建昌有溫冷二泉發源相去
數尺其溫可以煖鷄豚冷者常若冰雪流出數丈
外始復爲一名曰合溪○寰宇記云孫慮城在縣

南康府志勝八卷之四

手

南百里城南門有青石井用綆十丈四時可汲吳
書孫慮字子智權之子黃武七年封建昌縣侯○
志云桃花峰在縣西百二十里昇仙鄉世傳丁令
威煉丹於此山多桃樹桃花水流經河而合
修江予按丁令威遼東人煉丹之事或者是武寧
丁義義吳猛之師也寰宇記又云建昌縣百八十
里有美門鄉古仙美門子得道之處

都昌縣

在府東一
百二十里

本漢彭澤鄒陽二縣地唐武德五年安撫使李大
亮謂土地之饒井戶之阜道塗之遠近水路之阻

礎遂刈鄱陽西鴈子橋之南地置此縣以屬浩州
及州廢屬江州大曆間徙治彭蠡湖之東屬饒州
宋置南康軍又移屬焉○與地紀勝云鴈子橋饒
州之北壤也唐始立縣在獅子峰之南其地先有
古城莫知年代遂因之枌縣以地名都村遠與建
昌相望近與南昌相接遂號都昌○王象之碑目
云縣有永徽五年受業寺碑龍紀元年南山寺鐘
銘乾寧四年流霞觀碑皆唐物顯德七年永安院
碑後周物○晏公類要云陳令塘在縣上一里唐咸
通元年陳杲知縣築長堤以禦湖患百姓便之其
南康府志勝入卷之四

三

年邑有金芝白雀之瑞杲又立鄖陽亭于治東○
白蓮池在縣西三十步唐元和十二年縣令李偁
立美魚亭以寄思焉○紀勝云修江寺在縣北今
爲祚聖院南唐時縣令廖凝題壁詩云五斗徒勞
更折腰三年兩髮爲民焦今朝解印吟歸去還挈
來時舊酒瓢○新開河在治西里宋紹聖間綱運
船泊湖邊以大小磯湍急請開此河以避風濤其
處有新開寺志謂是唐馬祖禪師所建○珠溪在
縣東五里漢章帝時出明月珠處伏侯古今註漢
元和三年明月珠出豫章之海昏大如鷄子圍四

寸八分按都昌建昌皆海昏縣地○志云大磯山
在縣西七里一名望仙山山頂有平石世傳晉許
旌陽拔宅之日蘓耽登此望拜之○寰宇記石壁
山在縣西南十里許傍臨清江有石如壁山西有
繡經臺本謝康樂舊宅其石壁精舍詩云昏旦變
氣候山水含清輝清輝能娛人遊子澹忘歸出谷
日常早入舟陽已微林壑欲暝色雲霞收夕霏
古精舍傍有陶母墓唐舒元與陶母墳版云太歲
在卯予帆彭蠡見謝靈運石壁詩壁東南行百步
許有高墳嵯峨墳前有碑書跡照湖小子蹶起疾
南康府志勝入卷之四

三

眩視之則陶母之字存及落帆上陸式修恪禮鳴
呼賢母之風可以章往赫來爲千萬年光墳版不
書豈斯意耶徘徊聳慕龔成斯文詞曰彭蠡之濱
峨峨高墳有晉陶君哲太夫人前瞻千年上孟爲
鄰後千萬年上誰爲鄰西江悠悠東湖滔滔彭蠡
有竭斯墳更高○類要云鄱陽湖源出饒州遠城
南過都昌縣入于彭蠡湖按在縣治東南二十里
西北與九江分界○異苑云釣磯石在縣西三十
里傍臨浦嶼陶侃微時釣於此得一織梭歸以插
壁他日化爲赤龍從空去迺志云在治南○類要

云元辰福地吳時道士蘓耽居之上有韓迹源馬蹄洞丹灶石曰卽元辰山也在縣西四十里又五里有彭澤故城晉陶潛實理此元和志云揚瀾湖北曰左理有城晉盧循所築在都昌西九十五里盧循爲宋公所敗自蔡州南走還潯陽乃悉力柵斷左理卽此地○紀勝云松門山在縣南五十里俗呼爲岩崑山謝靈運詩板厓照石鏡牽葉入松門者此○靈溪院去縣五十里昔梅福辭南昌尉曾隱此地靈溪詳見星子○志云後港河在縣北六十里自左蠡石流觴引入吳江山北廟至王家

南康府志勝不卷之四

五

市有九十九灣春夏水漲廣通舟楫○彭蠡戍在縣西北七十里西臨彭蠡湖北連釣磯山舊爲鎮唐武德五年以江湖濶遠遂重置鎮景龍元年復爲戍以備要衝○檀山戍在縣北九十里與馬頰相對唐武德五年以水陸之衝置戍寰宇記檀頭山有石室宋檀道濟領兵登壇故名○潯陽記云黃金山在縣東北一百里上有楠樹一年東榮西枯一年西榮東枯張華所謂交讓之木也輿地紀勝昔有煉金丹於此得仙故名黃金山頂有龍湫下有磐石數十丈飛泉噴落又名飄水巖○志云

縣境內有五井相傳五代范越鳳過此喜其地合形故浚之萬松齡有碑記○丞相栢在縣之孝行鄉宋江古心先生萬里之居也宋亡先生一門赴止水死手植之栢猶存清陰覆地高翰凌霄人以爲義氣所培○吳都官墓在縣之長城里都官名舉南唐時爲彭澤縣主簿殺曹彬使爲李煜死守後城破王將義而釋之入宋爲都官員外郎子卽中復爲龍圖閣學士墓銘歐陽修作梅聖俞書

安義縣在府西南一百五十里

國朝正德十一年以建昌縣安義等五鄉依山據

南康府志勝不卷之四

五

洞壩聚不時副使宗璽知府陳霖議題割安義上鄰南昌依仁控鶴五鄉立縣因安義鄉爲名○志云龍江水在縣南一里其源自靖安經縣境而入義興與修水合流注彭蠡因晉司馬鈐記軍帳大塘五龍奔江故名其上跨龍津橋○文山在縣南十里朱晦翁知南康嘗登覽此山愛其峰巒秀麗故名筆架山在縣東四十里其秀色猶文山也○縣南二十里南昌鄉龍潭鎮其處有深潭蛟龍所宅晉司馬鈐記云龍潭上龍潭下水水真如画君子居之名滿天下○會仙峰在縣之依仁鄉上

有廣福觀舊傳晉時許旌陽會西山十二真君治蛟之所○縣東南三十里有梅仙峰漢梅福自靈溪院來遊於此○風雨池山在縣東四十里山下有吳王廟廟前長潭舊時土人聚漁于此神見夢求爲立祠今有二王像左曰吳右曰越靖康間陳禹爲祠記○志云東陽新逕水在縣界源出靖安流與奉新江兆州源二水合其會處謂之三合口縈洞九輪田中有大川逕達東陽津口發源有破石潭相屬三里昔有漁者垂綸試之直下三十餘丈○兆州山亦在縣界厓巘磊落其形如兆下多南康府志勝不卷之四 三五

瘦田人居鱗集如州郭故名其水東流合修江

中安族
定其書

九江府在府城西領縣五

中安族

禹貢彭蠡既豬九江孔殷郡界江湖之間彭蠡在東南五十三里九江在西北二十五里劉歆云湖漢等九小水入彭蠡乃名九江矣周景式廬山記云柴桑彭澤之郊三苗故國也秦爲九江郡地漢爲廬江豫章二郡地三國時此地雖屬督護要津其實未立郡吳志分潯陽隸武昌則尚爲廬江武昌二郡地矣○晉立江州在太康十年猶今之節鎮故割揚州之豫章潯陽等七郡荊州之武昌等三郡立焉其時理在豫章建武元年自豫章移理九江府志勝不卷之五 一

武昌太元九年乃自武昌移理潯陽其時潯陽治在江北今蘄州蘭城是咸和九年自江北後移治湓城則今理也○寰宇記云江州彈壓九派襟帶上流自晉已來頗爲重鎮隋平陳郡廢而州存大業廢州爲郡名曰九江唐復置江州玄宗改潯陽郡後復改江州南唐立奉化軍節度宋降爲軍州後陞定江軍安撫司元置江州路 國朝爲九江府○唐白居易詩九派繞孤城城高生遠思人家半在烟野水多於地此地亦淪落與君同飄寄潯陽酒甚甘相勸時時醉元稹聞樂天授江州司馬

詩殘燈無焰影幢幢此夕聞君謫九江垂死病中驚坐起暗風吹雨入寒窓○玉海云祥符二年十二月癸卯令江州修白居易舊第以廬山有居易草堂江州有故宅畫像猶存故命葺之

德化縣附

宋書曰潯陽本漢縣屬廬江郡以潯水注于江得名宋宇記隋開皇十八年改爲彭蠡縣大業二年改爲潯城縣唐析置楚城貞觀八年復曰潯陽縣自州東移治今所僞唐改曰德化縣予按梁元帝碑有云廬山南國之德鎮也名或因之○九江者

九江府志勝八卷之五

二

尚書註云江至此分爲九道唐詩所謂江至潯陽九派分也攷其名曰一烏江二蚌江三烏樵江四嘉靡江五畝江六潯江七廩江八隄江九齒江晁公武云九江一水而名九者何猶太湖一湖而名五湖昭餘和一澤而名九澤耳○九江一名白馬江潯陽記云九江去州五里白馬江是大禹所疏治於桑落洲上三百餘里合流志云府東北渡江五十里爲桑落洲昔江水泛漲有系流至此洲自植焉柴桑之名或本諸此○程史云九江郡治正對廬山之雙劍峰乾道中蜀文直方爲守謂昔曹

霸嘗屠此洲後李成亦嘗入郭皆雙劍之祟及關雎樓前地築爲二城夾樓而蓋其上謂之匣劍云○徐度國紀云開寶八年十一月曹翰攻江州州軍校胡則嘗爲壽州裨將從劉仁贍守城歷年盡知備城方畧至是據州不下驅迫丁壯日夜守禦會則病篤翰以巨石敗其樓船薪焚東門城陷衆猶巷戰北兵多死則側卧床上爲翰所擒自十二月至明年五月城乃拔○府治後百餘步有庾公樓磯石突出江千百許步爲岷嶓以來滔滔東流之少駐云庾公元規也晉咸和中都督荆江等州

九江府志勝八卷之五

三

軍事嘗與參佐咏譔於武昌城南樓江州北樓特寄其風致耳白樂天庾樓晚望詩于城陰處猶殘雪衙鼓聲前未有塵三百年來庾樓上曾經多少望鄉人王貞白詩庾樓遙望色夏口欲西照虹截半汀雨風驅大澤雲江邊漁艇聚天畔鳥行分此景誰堪畫文翁請屬文口浪井在庾樓側相傳濯嬰築湓口城所繫年久湮寒後孫權至此自立標今人摘之正得故處有石函銘云穎陰侯所開開三百年當塞塞不百年又爲應運者所開相傳井與江通每江風起井輒有浪李白詩浪動灌嬰井

潯陽江上風□白居易以元和中貶江州司馬時
刺史崔某起新樓於庾樓故基因作崔史君新樓
詩憂人何處可銷憂碧甃紅欄潯水頭從此潯陽
風月夜崔公樓替庾公樓□庾樓下有水亭月榭
涼廳煥室山砌石池號北林院言可以分東西二
林之勝也○樂天江州司馬廳壁記畧云郡之南
樓山北樓水潯亭月百花亭風篁石巖漆布廬宮
源潭洞東西二林寺泉石松雪司馬盡有之矣苟
有志於吏隱者舍此官何求焉按百花亭梁刺史
邵陵王綸建元帝詩云極目幾千里何由望楚津

九江府志勝

卷之五

四

落花灑行路垂柳拂砌塵卽此輿地紀勝謂百花
亭倚天閣俱在都統司後司對雙劍峰張孝祥取
長劍倚天外以名閣都統司在州城南隅今府治
卽其處○九疊樓在府治後百二十步長慶間李
渤爲勅史時建面對廬山九疊雲錦峰故名○北
亭在府城北隅與匡廬山相對白傅詩云廬宮山
下州潯浦沙迢宅宅北倚高岡迢迢數千尺茅亭
居上頭豁達門四闔江風萬里來吹我涼浙浙○
生意堂在府治後周惇頤領江州按刑時建窓前
蔓草不除人問之曰與自家意思一般黃魯直瀟

溪詩序云春陵周茂叔中年乞身老於潯城有水
發源於蓮花峰下潔清紺寒下合於潯江樂之築
屋其上名曰瀟溪蓋取故里之川以名云□廬山
疏云周元公祠在石塘橋西北黃土嶺初先生在
南昌時過潯陽愛蓮花峰之勝築書堂于上期以
他日歸隱其後果定居焉○城西濱江潯浦港側
琵琶亭唐白司馬送客潯浦聞舟中夜彈琵琶問
其人本長安倡也年長色衰嫁爲浮梁商嬾於是
爲之作琵琶行凡數百言按今移在東城外新館
驛之左○去城西一里卽龍岡河源發瑞昌縣清

九江府志勝

卷之五

五

潯鄉東由大江逆泛爲鶴岡湖舟楫停泊以避江
濤之險世傳古有龍岡此河因名○府西門名潯
浦按郡國志有人於此洗盆忽水暴漲墜浦中遂
投取之見一龍銜盆而去蕭子顯齊書世祖於潯
城得五尺刀十一口應永明亭曆之數焉○潯陽
記云晉義熙中吳隸於雲湖中爲魚寨有人語之
曰晚當有大魚攻寨幸勿害之隸口諾頃之大魚
至羣魚從之同侶不知殺之其夕風雨晦冥魚悉
飛上木間因呼爲飛魚遂去城西二里○志云海
天隄在府治西舊爲湖澤資舟楫以濟我正德初

始募築隄長五六里植楊柳千株以防崩潰行旅便之蓋以春夏水漲若海之連天也日來被水來圯移置東關禪堂之側○甘棠湖在縣南二十步唐長慶二年春刺史李渤徑湖心爲堤長七百步以利行旅立斗門以蓄水勢人以比於甘棠李文公翱爲之銘初渤隱廬山學者望之如景星慶雲亦曰景星湖湖跨巖橋曰思賢湖心一土墩如月白居易亭之名曰沒月○方輿勝覽云天慶觀去州二里卽唐之紫極宮也李白宿紫極宮詩云何處聞秋聲蕭蕭北窓竹迴薄萬古心悅之不盈羽靜

九江府志勝

卷之五

六

坐觀衆妙浩然媚幽默白雲南山來就我簷下宿懶從唐生訣羞訪李生卜四十九年非一往不少復野情轉蕭散世道有翻覆陶令歸去來田家酒應熟○唐歐陽詹集云祖亭者魯國顏公頃爲湖州牧州產碑材公選其尤者載還次江州蛟奔螭引直至湖心則茂林峭石勢環氣勝有神祠曰祖將軍廟異之乃爲捐金建此亭製文勒碑以紀其事後被典州者削去爲修九江驛碑歐陽行周作文吊之○稽亭在舊驛傍寰宇記云使客經過于此歷覽江山勝槩爲之稽留時口故名作潯陽客

園內有稽亭祖亭其名本此○懷玉城在府西十五里本漢潯陽縣治其城晉義熙八年孟懷玉所築隋因水患移縣入城爲附郭今名故州彭蠡溢城皆其地也有鶴問湖在故城側晉陶侃擇地葬母至此遇異人言前有牛眠處可葬已化白鶴飛去行又里許果得牛眠因葬焉志云陶母墓在縣之白鶴鄉大木壠上有白鶴觀後改隸南康見虞集記○廬山在府南二十五里古名南鄱山高二千三百六十丈週二百五十里其山九層川亦九派山海經所謂三天子鄩亦曰三天子都也一名

九江府志勝

卷之五

七

匡廬山亦曰康廬○豫章記云匡續周武王時人一名匡裕字君平夏商之苗裔也漢廬江郡以此山得名○潯陽記云匡先生字子孝一曰子希師於老聃得久視之道結茆於南鄱虎溪上修煉七百年至定王嘗問太史伯陽方今神仙之在世者伯陽舉五嶽諸仙以對先生其一也定王因召之不應又二百年當威烈王後以安車迎之使未至先二日先生白日輕舉矣已使者至僅得其草廬焉後人呼爲匡山又曰匡阜道家第三十六福地漢祀典以南鄱山爲嵩嶽卽此○寰宇記云匡裕

兄弟七人皆有道術結廬于此仙去官廬尚在故
曰廬山漢武元封五年南巡狩登潛之天柱峰既
而射蛟浮陽江中顧問此山何神或以先生對乃
封爲南極大明公稱廬君焉有廣福觀以顯祀先
生者在香谷西一里許卽記所謂南臨驛道有匡
先生廟也一桑喬疏云廬山有三宮上宮居巖表
人不能及有三石梁長十丈濶只盈尺其下虛懸
晉術士吳猛嘗於此巖樹下見一老翁以玉杯承
甘露漿與飲次宮隔一谷有界城悉是平石兩邊
有小圓峰呼爲左右帳立碎石如馳馬之形下宮

九江府志勝天卷之五

八

在彭蠡湖際其山有紫芝田四十畝常有二仙童
採芝人若逐之但聞呼曰狷客若覓芝草寂無所
見云□上霄峰在山頂有石梁瀑布秦始皇嘗登
其上謂與霄漢相接故名郡國志云上霄峰石室
中有夏禹石刻其大如掌文皆隱起有絕而攀之
僅得百餘字皆不可辯止有鴻荒濛余乃攢六字
可識今石室迷不知處金石錄有秦皇漢武之刻
太史公司馬遷亦嘗登之文今俱失載□宋錢昌
武山居記云陶景先嘉祐中始遊匡廬登上霄峰
得鹿谷乃董奉昇仙之地因卜居焉廬山記有董

奉嶺在第三嶺巖下□紀勝云董奉植杏處在縣
南三十五里今太乙祥符觀是沼中有游魚尤爲
番狎又新橋有煉丹井傳云晉董君異吳人也有
道術居廬山爲人治病不取錢病重而愈者令栽
杏五株輕者二株或一株數年成林子熟作一舍
令買者隨器之大小易以穀若置穀少而所取多
虎輒爲吼逐之所得穀悉以贍貧者後仙去志
云雙劍峰在府城南兩峰屹然壁立如劍正與郡
治對下有雙劍閣雙劍西北有太乙官卽祥符觀
董奉仙人之道場也南康府亦載此峰一雙劍西

九江府志勝天卷之五

九

南有鷄公山卽蓮花三峰之首鷄公東北爲圭壁
峰圭壁西南爲錦繡峰又西南爲蓮花峰有董奉
館周茂叔墓在其下□志云蓮花峰在山北治南
直望如芙蓉南城蓮花門名本此山疏云三峰之
下爲蓮花洞是三峰之墟也四山壁立中豁而虛
去城南二十五里洞門高丈許上圓下濶常有風
出洞中藤蕪交蔭晝日常黯洞出泉冬夏不竭水
通新橋大河□錦綉峰下爲神泉真仙通鑑云皇
甫坦字履道夷江人有道術紹興中顯仁太后患
目詔入慈寧殿嘘呵布氣內人病瘥扇之皆旋愈

詔築室廬阜御書清虛菴以賜菴苦水遠坦荷鋤
廬菴側應手出泉德壽間之爲大書神泉二字鐫
之石壁□與地紀勝云龍泉菴在縣南二十一里
晉江州刺史桓伊爲達法師建初結菴時師以錫
卓地應時泉出爲溪歲旱師于溪上誦龍王經俄
而龍起雨大足其後乃立東林寺□太平宮與東
西林相次亭北碑略云開元十九年八月二十一
日勅曰廬山使者廟青城山丈人廟宜準五嶽真
君廟例抽德行道士焚修勅置廟使內供奉將使
者真圖建立祠廟其額爲明皇御篆親筆曰九天

九江府志勝

卷之五

十

使者之殿南唐名曰通玄府宋始稱觀以紀元易
名熙寧中又置奉祠官以寓祿道流常三數千人
宣和中稱宮唐時四方期以八月朔會使者祠下
取蓮花以獻名蓮花會□宋臨川守王阮錄奇事
實云開元二十年壬申正月廬山使者廟成詔使
者獨孤正訪諸工文辭者製碑以進作者凡六百
八十一人獨黃梅李珣文稱旨詔召不赴繫年錄
云紹興二十八年詔以太平興國宮新建本命殿
曰中殿□錄異記云明皇夢朱衣金冠神乘輿自
天而下曰我九天使者上帝命來詢人間事可館

我於廬山西北隅明日又降於庭乃命吳道子貌
其真形焉□志云太平宮上有烏龍潭遠公初立
東林寺時潭中龍實與有勞焉寺旣成歲以六月
致祭謂之送龍飯潭側大磐石號祭龍拜石□烏
龍潭水逕分水嶺嶺西有耶舍塔緇經臺在塔院
中謝靈運以北本涅槃經緇爲南本凡三十二卷
於此臺有唐李湜撰佛馱舍利碑明乾節書蓋晉
佛馱耶舍自西域携佛舍利來瘞塔中云○緇經
臺南下三里卽東林寺晉僧慧遠自樓煩至廬山
結菴於西林寺之東以居曰龍泉精舍其後刺史

九江府志勝

卷之五

十一

請爲立廟曰東林寺內有神運殿宋張天覺記畧
云釋迦文佛殿遍天下無慮萬計而此獨曰神運
何初達師將適羅浮宿廬山之逆旅感山神見夢
徘徊登覽溪流湧衍無可托足一夕雷雨晦冥水
暴至向之中流化爲平陵且有花木羅列其上因
以名之按達法師年譜云初建寺鬼夜爲之累墻
弟子慧要立芙蓉十二葉於溪泉上因波流轉以
定十二時所謂蓮花漏也康樂謝公負才傲物一
見慧遠肅然心服鑿東西二池種白蓮求入淨社
又曰二池紅白蓮花光華殊特其白花四方有之

實由茲始。今白蓮亭是昔池處。與地紀勝云。晉武帝太和十年。始建東林寺。唐名太平興龍寺。寺中藏有達公袈裟。梁武帝鉢。龔謝公繡經。貝葉五六片。今俱不存。廬山記云。東林寺有晉輩備龍蛇之飾。舊號桓帝輩。唐貫休詩。桓玄舊輩殘雲濕。卽此按。大亨二年。桓玄篡位。遷安帝於潯陽。及義師起。玄亦奔潯陽。旌旗輿服。猶備帝者之儀。追帝西上。留輩東林。俗亦稱爲安帝輩。法師傳云。初陶士行刺廣州時。漁人得金文殊像於海中。欸云阿育王之所造也。以獻于侃。後商人於海東獲一

九江府志勝大卷之五

十一

圓光持以合像。恰稱侃命。送武昌寒溪寺。及都督江州。使迎像來治所。積十力不舉。比入舟。舟沈及東林。落成。遠公至江上。默祝像忽浮出。遂迎祀神運殿。重閣中。長慶集云。白樂天以所著文二千九百六十四首都爲六十卷。納東林藏中。約曰。不借外客。不出寺門。集古錄。宋謝靈運撰慧遠法師碑銘。張野序。唐開元十九年。李邕撰東林寺碑。并書。大中十一年。崔黯撰復東林寺碑。柳公權書。會昌五年。李德裕撰大孤山賦。僧記。周鼎篆書。俱在本寺中。山疏云。唐李邕元虞集東林寺二碑。

在寺東山麓。宇多剝落。趙孟頫所書中峰修東林寺疏。斷碑在寺內。他皆無存。舊載李太白東林寺詩。孟浩然舟中望東林寺詩。王昌齡送廬上人還東林寺詩。俱有詩刻。黃滔東林禪詠。平生愛山水。下馬虎溪時。已到終嫌晚。重遊頂作則。寺寒三伏雨。松偃數朝枝。翻譯如曾見。白蓮開滿池。貫休東林寺詩。赤旛檀塔六七級。白茵苔花三四枝。禪客相逢只彈指。此心能有幾人知。虎溪在東林寺前。上有三笑亭。遠公送客不過此溪。過則虎輒鳴吼。他日送陶淵明。陸修靜。不覺過溪。虎忽作聲。

九江府志勝大卷之五

十二

三人愕然大笑。而別。李白詩。東林送客處。月出白猿啼。笑別廬山遠。何須過虎溪。宋蘇長公書三笑圖後云。近於士人處。見石恪畫此圖。三人者皆大笑。至於冠履衣服手足。皆有笑容。其後三小童。罔測所謂。亦大笑贊云。彼三士者。得意忘言。盧胡一笑。其樂也。天嘆此小子。麋鹿狎猿。爾各何知。亦復粲然。萬生紛綸。何鄙何妍。各笑其笑。未知孰賢。東林寺西爲遠公塔院。院內有遠公塔。相傳墓門在塔南階下。近日有竊開之。見遠兀坐。其貌如生。唐僧靈澈詩。古碁石稜稜。寒烟晚景。凝空悲虎。

溪月不見鴈門僧」十八高賢傳法師慧達鴈門樓煩人十三通六經尤喜莊老弱冠見釋道安於太行山歎曰九流異議皆糟粕耳遂與母弟慧持投簪受業與同門慧永約結屋於羅浮太元六年至潯陽立龍泉精舍於慧永舍東故號東林至義熙十二年八月六日順寂年八十三葬所號旋寂塔所著廬山集十卷」法師慧永河內人慧持達公同母弟道生鉅鹿人慧順黃龍人僧徹冀州人道暉潁川人慧說廣陵人雲恒河東人道敬瑯琊王凝之孫佛馱邪舍劉賓國人佛馱跋陀羅迦維

九江府志勝八卷之五

古

羅衛國人劉程之字仲思彭城人張野字萊民居潯陽柴桑周續之字道祖鴈門人張詮字秀實野族子宗炳字少文南陽人雷次宗字仲倫南昌人已上共達師爲十八賢之數」凝寂塔旁晉杉圍二十九尺義熙十二年植」五松橋在山之澗北達公與殷仲堪席間談易聞此樹下泉湧達指謂曰君侯聰明有若此泉以其才辯也」塔西北有谷常發空香是爲香谷谷之南下爲西林寺寺故沙門竺曇現之禪室其徒慧永自太行至此居之太府卿陶範爲之立寺曰西林而永又別立菴於

寺後山上以精禪思嘗有二虎夾侍故名伏虎菴百居易詩木落天晴山翠開愛山騎馬入山來心知不及柴桑令一宿西林去後回」輿地碑目有隋大業十三年歐陽詢撰西寺道場碑碑上有顏真卿題名集古錄云道場碑渤海公撰有唐太和六年西林齊明和尚碑碑陰有大中十四年江州刺史裴行誨作記俱在本寺」佛手巖在城南四十里廬山北巉生石壁形如佛手垂下故名巖有洞三間大巖腹中有白石脈理宛然如龍狀頭角尾鬣俱全其長盡巖之廣南唐行因禪師居焉中

九江府志勝八卷之五

古

主詔居棲賢寺未幾一夕大雪逃居舊隱嘗煮茶延僧托巖扉立化作偈曰前朝詔住棲賢寺雪夜逃居巖石間想見煮茶延客處直緣生死不相關○圖經云甘泉水在縣南甘泉驛側其水飲之常有餘香故名泉口故侯氏居南唐後主取以爲功德院命僧緣德居之曹翰下江州以兵入寺而德不起於座翰怒口而知有殺人不眨眼將軍乎德曰若亦知有不畏死和尚耶及凱旋以聞宋太祖詔賜功德院名圓通寺今通遠驛沿此名」寺有歐陽永叔與居訥禪師夜話亭蘇文忠集云圓通禪

寺先君舊遊也。賦四月八日晚至宿焉。明日乃先君忌日。故手書寶積獻蓋頌佛偈以贈長老仙公。公撫掌笑曰：「昨夜夢寶蓋飛下著處。輒出火。豈此祥乎？」香爐峰在縣西南五十里。李德裕賦輕烟冒於爐峰。微香散於空谷者也。高峯尖圓若博山爐狀。峰南有石巖石橋。其下澗水邊有石如人立。白居易詩：「倚石攀蘿歇病身。芒鞋竹杖白紗巾。」他時畫出廬山障。便是香爐峰頂人。香爐峰之北有白居易草堂。自記曰：「廬山奇秀甲天下。山北峰曰香爐峰。有寺曰遺愛。介峯寺間。其境絕勝。又甲九江府志勝入卷之五。」

六

廬山元和十一年秋。太原人白樂天見而愛之。若遠行客過故鄉。戀戀不能去。因而面峰腋寺作爲草堂。明年春草堂成。凡三間兩柱二室四牖。廣袤豐殺一稱心力。洞北戶來陰風。防徂暑也。敞南甍納陽日。備祁寒也。木斲而已。不加丹墻。圻而已。不加白礧。階用石。幕牕用紙。竹簾紵幃率稱是焉。堂中設木榻四屏二漆琴一張。儒道佛書各三兩卷。樂天既來爲主。仰觀山俯聽泉。旁睨竹樹雲石。自辰及酉。應接不暇。俄而物誘氣隨。外適內和。一宿體寧。再宿心恬。三宿後。頽然若然。不知其然而然。

自問其故。答曰：「是居也。前有平地。臺輪廣十丈。中有平臺。半池。平臺南有方池。倍平臺。環池多山竹。野卉。池中生白蓮。白魚。又南抵石澗。夾澗有古松。老杉。大僅十尺。圍高不知數百尺。偃柯戛雲。低枝拂潭。如幢。豎如蓋。張如龍蛇。走松下多濯叢。羅葛。枝葉曼駢。纖翳日月。光不到地。盛夏風氣如八九月時。下鋪白石。爲出入道堂。北五步據崖。積石嵌空。厓坳雅不異草。蓋覆其上。綠陰蒙蒙。朱實離離。不識其名。四時一色。又有飛泉。植茗。就以烹燂。好事者謂可以永日。堂東有瀑布水。懸二尺瀉階。」

七

九江府志勝入卷之五。隅落石渠昏曉如練。色夜中如環珮。琴筑堂西倚北崖。右趾以剖竹架空。引崖上泉脈。分綫懸自簾。注砌。累累如貫珠。霏微如雨。露滴瀝瀝。隨風遠去。其傍耳目杖履可及者。春有錦繡谷。夏有石門澗。秋有虎溪。月冬有香爐。雪陰晴顯晦。昏旦吞吐。千變萬狀。不可殫紀。覲縷而言。故云：「甲廬山者。噫。凡人豐一屋。華一簣。而起居其間。尚不免有矜矜之態。今我爲是物。主物至致。知各以類至。又安得不外適內和。體寧心恬哉？」矧予自思。從幼迨老。若白屋若朱門。凡所止。雖一日二日。聊覆簣土爲臺。

聚拳石爲山環斗水爲池其喜山水病癖如此一日蹇剝來佐江郡郡守以優容撫我廬山以靈勝待我是天與我時地與我所率獲所好又何求焉尚以冗員所羈餘累未盡或往或來未遑寧處待余異日弟妹婚嫁畢司馬歲秋滿出處行止得以自遂則必左手引妻子右手抱琴書終老于此斯以成就我平生之志清泉白石實聞此言時二月十七日始居新堂四月九日與河南元集虛范陽張允中南陽張深之東西二林長老奏明滿晦堅等凡十有二人具齋施茶果以落之因爲草堂記□

九江府志勝入卷之五

大

按遺愛寺爲唐侍御鄭弘憲遺愛草堂也大曆間韋應物來刺江州有詩記之百公草堂詩云香爐峰北面遺愛寺西偏其下無人居終日空風烟時有沈冥子姓白字樂天傲然意自足箕踞於其間舍此欲焉往人間多險艱□香爐峰頂爲講經臺遠公講涅槃處也臺上有上下化城寺臺西爲中下二大林寺志云大林在城西南六十里有新羅嚴鷄冠石飯牛池謝靈運詩積峽忽然起半途俄已絕巒隴有合沓往來無蹤轍大林峰北爲擲筆峰遠公製涅槃疏旣成擲筆於地峰有瀉油定

心二石上有文殊臺唐會昌間毀寺東林二僧藏晉文殊瑞像于此輿地紀勝云文殊臺崖白石英名菩薩石□天池在城西南五十里山谷中有一池四時湛碧謂之天池峰頂嘗見神燈其下名錦繡谷遠公種藥處也宋王安石詩還家一笑即芳辰好與名山作主人邂逅五湖來興在相邀錦繡谷中春□天池寺之左爲白鹿井仙二臺相傳有白鹿于此上昇國初洪武二十二年御製周顛仙傳立碑亭于臺上其麓乃文殊寺寺側爲石門澗遠法師與弟子同游處今新安畢觀之居

九江府志勝入卷之五

九

士結石門社于此□世傳天池之南有竹林寺仙境也有名無寺惟鐘聲燈影可憑有時見之今鐫竹林寺三字于石壁空同李夢陽云非篆非隸周顛仙筆也投我洪武二十六年建聚仙亭于天池寺西于時周顛仙天眼尊者徐道人赤脚僧靈跡咸集于此故作亭以彰之官湖在縣西三十里赤松鄉臨於大江每江漲泛湧菱葦合生不容舟楫湖中產魚多菱芡因設河泊所其傍○匡山之末爲吳章山或作吳鄣謂吳之保障也或曰山卑不足當鄣昔有吳章家其下云山巔有官亭見南

康○吳章東南爲馬祖山有洞又東北爲大孤山
山脚入彭蠡湖水經注云孤石介立大湖中上生
林木而飛禽罕集又云其上有玉膏可採謝靈運
詩嘗及之○寰宇記云彭蠡湖在縣東南週迴四
百五十里湖心有大孤山以別都昌之界四面洪
濤大孤屹然獨聳上有神祠過必祭焉唐顧況詩
大孤山盡小孤出月照洞庭歸客船○女兒浦內
有女兒廟禱雨亦靈應未詳所置水源出廬山東
北流二十五里入彭蠡湖水漲可容百餘艘因大
孤在其側俗訛爲姑因呼女兒港元揭傒斯詩女

九江府志勝

卷之五

三

兒浦前湖水流女兒浦口過湖舟湖中日日多風
浪湖邊人人還白頭○金沙洲在女兒港東北洲
本白沙水磧初日照之燦然作黃金色我
太祖征陳友諒有術士嘯風揚沙已忽風轉我師
大殲其軍洲上云○金沙洲東大湖中有鞋山澤
陽記山形如鞋高數十丈神禹嘗刻石紀功有乞
食鳥嘗逐客舟而鳴舟人搏飯投之競接高下不
失○吳障山北爲洞林山迤北長嶺有陶九相公
墓元紀略云至正壬辰天完將陶九陷瑞州癸巳
江西行省左丞火你赤復瑞州陶九敗走墓在長

嶺末方塘湖濱高僅一二尺其地九水所會曰九
龍灣正德中九江大旱有僧詣湖濱父老曰神中
能救此旱惟陶九耳其像乃在黃梅五祖寺之廡
下父老怪而訪之果然乃雕沈香爲之質其尚未
粧飾相率迎歸而禱果大雨○山岫云鄱湖故有
鯀魚怪能鼓浪乘風雨而飛歲率以九月上旬入
方塘湖抵墓而還謂之朝墓來時風雨晦冥水勢
驟湧魚柵木拱杷者當之皆斷折○志云巢湖城
在治東四十二里按楚有二巢在廬江六縣此其
一也因名南巢俗訛爲放桀處○駱駝山在縣西

九江府志勝

卷之五

三

四十里踰踞一峰形似駱駝故名○龍門山在西
南五十里與駱駝相對如門狀溢水經此二山間
縣入于大江○株嶺山在西南六十里其山尖秀
如木故名又二十里爲高良山以有高良氏居之
因名○岳飛母墓在株嶺山麓飛鎮江州時母卒
葬此後夫人李氏亦附焉○株嶺山下有白鶴洞
門高二丈許四時出泉灌田百頃洞深無際相傳
白鶴仙人居之○義門山在城西六十里與株嶺
高良相接義門陳氏居其下故名○柴桑山在府
西南九十里晉史陶淵明家於柴桑卽今之楚城

鄉也而陽馬首桃花尖諸處皆是靖節墓在而陽
山北麓去墓三里許有淵明故宅□按唐書武德
初年改柴桑縣爲楚城縣後併入潯陽今楚城鄉
馬頭山西有故倉基及城隍遺址荆林街蛇村等
處白樂天早發楚城驛詩過雨塵埃滅沿江道徑
平月乘殘夜出人趣早涼行寂歷開吟動冥濛聞
思生荈塘翻露氣稻壠瀉泉聲宿天聞鈴起棲禽
見火驚曉曉烟樹色十里始天明又有訪陶公舊
宅詩云今來訪故宅森若君在前不慕尊有酒不
慕琴無絃柴桑古村路栗里舊山川不見離下菊

九江府志勝

大卷之五

主

但餘墟中烟□淵明初居柴桑里去彭澤後三年
歲在戊申也改本集六月中遇火詩云草廬寄窮
巷甘以辭華軒正夏長風急林室正燒燭一宅無
遺宇舫舟蔭門前乃晉安帝義熙四年事先三年
乙巳已解彭澤令歸後二年庚戌始移居南里之
南村栗里是也栗里詳見南康□宋武帝永初二
年辛酉王弘爲撫軍將軍江州刺史欲識陶潛不
能致潛嘗九月九日出宅邊菊叢中坐久之滿手
把菊忽值弘遣白衣送酒至卽便就酌至醉而歸
志云王弘岡在府西南九十里○縣之南昌鄉去

府西九十餘里有清源洞門高一丈許內深如屋
春夏間嘗有篋纜木葉魚蝦之類從洞流出可以
濯田○文獻通考廬山記五卷宋陳令舉舜俞撰
先是劉煥嘗爲記今舉因而增廣之又爲俯視圖
記尋山先後之次云○廬阜紀游一卷開封孫惟
信季蕃撰嘗大雪登山至絕頂盡得其景物之詳
嘉定初年也惟信善爲詩詞喜談謔嘗有官棄
去不仕自號花翁游江湖間人多愛之○潯陽志
十一卷宋廸功郎晁百俟元采撰淳熙二年太守
開封曹訓爲序○思遠筆錄一卷宋翰林學士九

九江府志勝

大卷之五

主

江王寓撰寓以靖康元年七月由禮部尚書入翰
苑雜記當時聞見凡二十七條寓父易簡以布衣
召爲說書遂顯用寓後拜左轄使虜辭行謫散官
嶺表父子俱南下沒於盜時論哀之

德安縣

在府南一百五十里

本春秋楚東鄙名曰蒲塘漢歷陵縣之地王莽改
爲蒲亭東漢後漢省入柴桑隋爲潯城縣南境
唐武德初廢潯城入潯陽貞元後分三鄉於敷淺
水之南立蒲塘場僞吳順義七年陞爲德安縣○
蒲塘驛唐武德八年置今縣西一里蒲塘院是其

故址東之問寒食江州蒲塘驛詩去年上巳洛橋
邊今年寒食廬山曲逢憐華樹花應滿復見吳洲
草新綠吳洲春草闌杜香感物思歸懷故鄉驛騎
明朝發何處損聲今夜斷人腸羣應物自蒲塘驛
迴駕經歷山水詩宿宿風雨滯始晴行蓋轉潯陽
山水多草木俱紛紛嘔嘔綠岩澗蒼翠踐苔蘚高
樹夾潯溪崩石橫陰嶺野杏依寒所餘雲自嵐淺
性慙形豈勞境殊路惟緬憶昔終南下佳遊亦屢
展時禽下流暮紛思何山遣○尚書過九江至于
敷淺源孔安國注云敷淺源一名博陽山在今縣

九江府志勝八卷之五

五

南十三里漢書豫章歷陵縣有博陽山是也山上
有祠廟根盤三十餘里奇峰疊秀四面如畫□寰
宇記云敷淺水卽博陽川在長樂下鄉碧色清冷
常流不息源接瑞昌及鄂州永興縣界屈曲流二
百餘里方至縣三時通舟楫惟冬水涸止容小舸
敷淺源有宋鄭良葬所良嘗登紫巖峰觀敷淺
源見白鹿躍於馬前曰吉地也歿因葬焉名其處
爲萬家坂子孫繁衍者六千餘家○志云
縣西南有義豐山邑人好義聚居如陳王梅鄭多
至千口以爲此山之應山下有義豐亭○縣北八

里烏石山之半有獅子巖高十七丈在仙壇鄉官
道旁出泉甘美亦曰烏石泉行者利之○方輿勝
覽云谷簾水在縣東北十里景德觀詳南康府下
或曰二水並流其輕重不同也源發廬山西南六
十里流于德安之東溪其泉布瀉如簾故名○輿
地紀勝云淨土院在縣南三十里南唐時有鐵羅
漢五百軀宋開寶九年曹翰拔江州調發巨艦十
餘艘以載金帛乃移鐵佛伴載而回置於潁川新
造佛舍時號爲押鐵羅漢長幡○寰宇記云葛洪
山在縣北四十里相傳葛仙翁曾游此山有青石

九江府志勝八卷之五

五

泉碑仙翁見田蛭害人爲書符錄于石置田畔蛭
害旋止石刻見存○石鼓山在縣西北四十五里
每天陰輒聞鼓聲或曰有龍潛或曰懸泉瀉激也
山海經長石之山有鼓鳴亦類此○使君山在縣
西北五十里高二百丈與廬山縣接界唐李渤爲
江州刺史置書堂讀書于此○玉華洞在縣西七
十里洞中泉湧有聲如雷唐時一僧居洞中獲錢
及磬皆漢物宋趙汝談詩唐僧復漢寶山洞得天
名○東佳山在縣北八十里其下有紫巖泉巖洞
深窅昔有乘炬窮之阻一巨澗不得渡而出其泉

上下二竅迭爲通塞三日一週又云山巔有巖色瑩潔名白石夾□東佳山下有義門書院卽陳氏書堂也堂聚書數千卷族長擇其子弟之秀者延師教讀堂中□氏族大全陳伯宣唐宜都王叔明之後父確生伯宣於閩之仙游縣後隱廬山註司馬史記詔徵不起就領著作佐郎遂占籍德安太平鄉六世孫崇爲江州長史至僖宗代宗族七百餘口有畜犬百餘一犬不至羣犬爲之不食南唐復其家表立義門宋長編云淳化元年江州言德安民陳競十四世同居老幼千二百餘口常苦食

九江府志勝

卷之五

主

不足今歲貸官米二千石詔每歲貸粟以爲常拜

陳旭江州助教凡十八世同居

瑞昌縣

在府西九十里

吳孫權時有赤烏見此地因而改元蓋柴桑之舊域也按圖經晉建興初立潯陽郡領潯陽柴桑彭澤上甲九江五縣其後併潯陽入柴桑後廢柴桑爲潯陽於是一縣始有二名赤烏之地蓋在潯陽縣西柴桑縣北云至唐建中四年以潯陽西偏僻遠立赤烏場其改縣爲瑞昌則自南唐昇元三年始後代因之□赤烏場有地曰蠓口相傳郭璞所

名其左右二泉爲蟹口井又名蟹眼○縣治在潯溪北唐元結次山居其傍作井銘序云戊戌浪生元結始浪家潯溪之濱其詩云久愛一溪水而能存潯名□結瑞昌人年十七始折節學問楊役見其文曰一第溷子耳天寶中擢上第舉制科先入荷玕洞稱荷玕子後家潯溪自稱浪士及棄官居樊上更曰聲叟□次山祠在潯溪傍倉城墩宋蘇子瞻謫黃州過謁祠下登亭子山題詩石壁以筆灑竹竹生墨斑邑人異之嘉泰二年祠蘇公曰二賢祠其亭曰東坡亭○志云昇龍觀在縣南半

九江府志勝

卷之五

主

里許觀四楹雕龍爲飾忽曰一柱龍文不見而揚林湖上有龍戲水次日但見柱上鱗角粘帶水草○廣福玉隆觀乃漢蘇耽得道之地志云縣西北有蘇山是蘇仙冲舉處○白龍山在縣西二十里安泰鄉懸崖洞中有潮信之異昔李成寇境白龍顯靈泉霧四起賊不敢近拜禱而去○赤湖在縣東北二十五里湖中有石沃山世傳赤松子嘗遊此其水沃潤因名○潯陽新隱錄云清虛玉華洞在縣東二十五里千形萬狀不可殫紀按德安

亦有洞名玉華云與之相遇○下巢湖在縣北四十里古巢父嘗居焉月里山在縣南四十里漢月里先生嘗居焉月里稍東有梧桐嶺不樹而其子常落里人異之○玉清觀在縣西四十里王喬赤松曾修道其地南唐中始立觀觀有徐鉉碑○馬春山在縣西北五十里與羊腸嶺對峙皆以形似而名宋何宋英詩羊腸有路地多險馬春無人天一隅○清淦山去縣一百餘里高三百四十丈週迴三十里正淦水之源也清淦之西爲書堂山有王喬讀書處石洞如房房壁有朱墨迹○縣西北九江府志勝八卷之五 无

一百二十里赤顏山亦赤松子所登也其山與玉華洞相通

湖口縣在府城東六十里

漢鄆陽鎮之地屬彭澤縣劉宋之湖口戊也寰宇記云戊本南朝舊鎮上標鐘石傍臨大江唐武德五年安撫使李大亮以其要衝復置鎮在彭蠡湖口南唐保大中以彭澤二鄉析置湖口縣屬江州○謝靈運入彭蠡湖口詩客游倦水宿風潮難具論洲島漸迴今圻岸屢崩奔來月聽哀猿洩露覆芳蓀春晚綠絲垂秀巖高白雲屯千念集日夜萬感

盛朝昏攀巖照石鏡牽葉入松門三江事多在九派理空存靈物去珍怪異人秘精魂金膏滅明光水碧綴流溫徒作千里曲絃絕念彌敦○湖口彭蠡驛對虹橋港港源發上寺北接江流秋冬湖爲平陸春夏舟航咸泊于此○石鐘山二上鐘在縣南下鐘在縣北水經注云石鐘西枕彭蠡連峯崖壁直峭削其西南北皆水四時如一白波撼山響如洪鐘唐李渤石鐘記云水經謂彭蠡之口有石鐘山鄒道元以爲下臨深潭微風鼓浪水石相搏響若洪鐘因受其稱予幽棲者因尋練東湖浴九江府志勝八卷之五 无

瀾窮此遂躋巖穿洞訪其遺蹤次于南隅忽遇雙石欹枕潭際影淪波中詢諸水濱乃石鐘也有銅鐵之異焉扣而聆之南音兩胡北音清越杳止響騰餘韻徐歇若非澤滋其山山舍其英聯氣凝質發爲至靈安能產此奇石乎乃知山仍石名舊矣如美長之論則瀕流庶峰皆可以斯名貫之聊刊前誤留遺將來貞元戊寅歲七月八日記○集古錄云渤字溶之任江州刺史諫議大夫給事中權管觀察使作此記至太和元年八月七日故吏湖口鎮將吳文翰爲刻石○宋蘇軾石鐘記畧云石

之鏗然有聲者所在皆是也而此獨以鐘名何哉
元豐七年六月丁丑余自齊安舟行適臨汝長子
邁將赴饒之德興尉送之至湖口因得觀所爲石
鐘者寺僧使小童持斧於亂石間擇其一二扣之
鏗鏘焉余因笑而不信也至暮夜月明獨與邁乘
小舟至絕壁下大石側立千尺如猛獸奇鬼森然
欲搏人而山上棲鶴聞人聲亦驚起磔雲霄間又
有若老猿欸且笑於山谷中者或云此鶴也方心
動欲還而大聲發於水上噌吰如鐘鼓不絕舟人
大恐徐而察之則山下皆石穴罅不知其淺深微

九江府志勝八卷之五

三

波入焉洶澹澎湃而爲此也舟回至兩山間將入
港口有大石當中流可坐百人空中而多竅與風
相吞吐有窾坎鏗輅之聲與向之噌吰者相若樂
作焉因笑謂邁曰汝識之乎噌吰者周景王之無
射也窾坎鏗輅者魏獻子之歌鐘也古人不余欺
也事不目見耳聞而臆斷其有無可乎酈氏之所
見聞殆與余同而言之不詳士大夫終不肯以小
舟夜泊絕壁之下故莫能知漁工水師雖知而不
能言此世所以不傳也而陋者乃以斧斤考擊而
求之自以爲得其真余故記之蓋嘆酈道元之簡

而笑李渤之陋也○潯陽記云衍士吳猛過石鐘
山遇天神曰此江神不守其官覆溺生人吾奉帝
命按之言終而失卽此處○上石鐘有宋觀音閣
蘇長公詩云巖上觀音巖下湖儼如南海舊規模
庭前翠竹千竿有門外紅塵半點無水遶三江同
楚地勢連五老共洪都夜來一片無私月照見摩
尼頂上珠○與上鐘相接者爲幞頭山山有馬狀
元墓宋建隆三年及第馬適其祖葬馬家灣卽此
二近幞頭一山名小嶺又東二里名大嶺蓋負郭
山之高大者志云大嶺在彭澤鄉東去縣二十里

九江府志勝八卷之五

三

卽漢彭澤縣治所晉隋縣皆理焉其處有靖節祠
元學士吳澄記略云晉靖節先生家潯陽之柴桑
嘗爲彭澤令後析彭澤創湖口縣湖口亦彭澤也
故其境內往往有靖節遺跡孫侯文震宰湖口因
歷其鄉立三學寺民間相傳以爲靖節讀書之地
旁有望月臺遺址猶存○志云皂湖發源劉家市
橋入于江傍有巨石其色皂類鐵故名皂湖支流
有土目河商賈舟楫所經也與都昌密通○禁江
者下接小孤上通九江值冬水涸成池乃魚鰕所
聚○方輿勝覽云湖口西南有射蛟浦浦上積水

相傳漢武帝教樓船處一名黃牛渚漢武自潯陽
浮江親射蛟江中獲之卽此蘇子山詩萬騎巡遊
徧千帆破浪輕射蛟江水赤教戰越人驚山轉樓
船影听摧連弩聲祈昭無爲賦酣寢盡平生○石
門山在湖口縣南後漢地里志廬山西南雙閣壁
立千餘仞瀑布出其中按卽天池鐵船二峰也天
池見德化縣下世傳許旌陽與吳猛乘鐵船二龍
挾舟戒舟人瞑目至紫霄峰林木受擊有聲舟人
竊視龍卽委去船墮於此山下有船底池潯陽記
云刺史桓伊嘗造人尋山之奧見絕頂有蓮池池

九江府志勝入卷之五

五

側有編槽崇山峻嶒極舟楫之所不到也以爲吳
仙遺跡云○周景式廬山云石門澗水出康王谷
吐源遶遠爲衆泉之宗每夏霖秋潦轉石發樹聲
動數十里○系喬山疏云石門者天池鐵船二山
並峙如門也澗水源於長衝漾於擲筆之下與九
奇水會而西注於石門峽又與上霄之水會文殊
寺旣在溪谷中又迫近石門四山壁立巉巖如積
鐵水聲淙然遇雨漲溢喧聲終日不聞人語聲○
潯陽記云石門下有磐石可坐數十人元興二年
甲辰刺史建威將軍劉敬宣每登陟焉當雙石之

間懸流數丈迫視之者毛骨竦然○晉遠法師居
廬山三十年凡再至石門其時諸道人來游作詩
有序略云石門在精舍南十餘里一名障山釋法
師以隆安四年仲春之月因詠山水杖錫而游于
時交徒三十餘人咸拂衣晨往悠然增興援木尋
葛須臂相引僅乃造極擁膝倚巖詳觀其下始知
七嶺之美蘊奇於此雙闕對峙其前重巖映帶其
後其中則有石臺石池官館之象觸類之形致可
樂也清泉分流而合注綠淵鏡淨於天池文石發
彩煥若披畫檉松芳草蔚然光日其爲神麗亦已

九江府志勝入卷之五

五

備矣其詩云趣興非有本理感興自生忽聞石門
游奇唱發幽情褰裳思雲駕望崖想曾城馳步乘
長巖不覺質自輕矯首登靈闕眇若臨太清端坐
運虛論轉彼玄中經神仙同物化未若兩俱冥○
謝康樂集石門新營所住四面高山迴溪石瀨茂
林修竹詩云躋險築幽石披雲卧石門苦滑誰能
步葛弱豈可捫嫋嫋秋風過萋萋春草繁美人游
不還佳期何由敦結念屬霄漢孤景莫與談俯濯
石下潭仰看條上猿早聞石飈急晚見朝日暎崖
傾光難留林溪響易奔感往慮有復理來情無存

庶特乘日車得以慰營魂其後鮑明遠曰樂天俱有作○縣東四十里山土色赭謂之黃嶺上有李武真人祠又十里有武山山有雙峰如卓錫然○縣南三十里九曲池晉彭澤令陶潛所穿與陸修靜周續之流觴而飲今成小港其處又有洗墨池

彭澤縣在府東一百里

本漢縣屬豫章郡禹貢彭蠡既豬陽烏攸居縣名取焉晉永嘉初屬潯陽郡隋置龍城縣屬江州尋復舊今縣北龍城驛沿其名○地形志云彭澤東西廣長南北枕帶江壩爲吳地首境自漢以來號

九江府志勝卷之五

孟

爲積石○漢晉之時縣治在今湖口縣東三十里彭澤鄉陶潛耻以五斗米折腰遂解任去蓋爲彭澤令時也唐徙縣于浩州爲附郭南唐昇元二年遷于小孤江次即今治○唐天授中狄仁傑爲令其生祠記云武后革唐爲周公至邑塑高宗聖像于修真觀朔望朝拜凡五年歲不雨奏免本縣當年租稅則天從之又有縱囚寧家之政民立生祠今縣南十五里白雲亭是輿地碑目云唐皮日休撰狄梁公碑在彭澤縣錢雅書又唐景龍中馬澤撰陶狄碑在彭澤南門意必淵明與陶公並祀者

今治東乃有靖節祠云○朱梁開平間廖凝爲彭澤令有惠政其解印詩云五斗徒勞自折腰三年兩鬢爲誰焦今朝官滿重歸去還挈來時舊酒瓢○鳳凰山在治西山之下爲學宮有讀書巖巖側有潛玉洞宋石振尉此縣構亭巖處黃山谷爲書讀書巖刻于石元吳澄有記○治西一山與縣廳事相對曰西山有西山祠○縣有四洲曰新洲在縣前我成化間洪水新湧者曰得勝洲在縣西國初天兵克陳友諒處洲尾即新洲也曰鴈來洲在縣北安慶趙雙刀夜泊得陳友諒鴈傳偽書因

九江府志勝卷之五

孟

而誤斬于此曰楊葉洲其西之半屬彭澤東之半屬秋浦以洲上多楊林故名又云洲腹潤而首尾尖長狀如楊葉也亦謂之蛾眉洲○觀音山在縣北一里元至正元年四月八日雪巖前六花集石壁間現觀音大士迹因立佛堂山中其山一洞有石肖龍名曰龍洞其下爲胭脂港水出無源遇江漲北注入港可容泊舟漲回則涸昔種芭花于此有胭脂橋○母鯉湖在縣南十五里元縣人李時母病日携釜求魚于港不得大慟叩天俄有一鯉教之云時下舉釜魚可得也如其教得一鯉以奉

母疾乃痊○定山在縣南三十里晉天福元年有羅漢現此峰頂隱隱在白雲中久乃滅遂於山中立定安寺其處卽建安鄉也有鼓樓潭其深莫測○龍山在縣東南三十里爲梁尉文光修煉之地松壇石室丹竈猶存又十五里爲黃漿山疊石如甃有上下二洞高丈餘深可二十丈泉流不涸宋黃鵬舉詩清泉徹底瑩無泥喚作黃漿恐未宜若見洞仙還寄語住名當換碧琉璃○石壁山在縣南四十里下有玉壺洞一名仙人巖高七丈深三十丈泉流不竭宋時縣僚祈雨山中見石壁有題

九江府志勝

卷之五

五

詩云洞前流水碧如苔洞口桃花撲面開轉頭望斷意不斷長嘯一聲湏再來墨迹未乾亟追之不得○其下有青山湖仰天池屬新興鄉大江之支也池有二派一支西流合于湖洲一支東流合于大江水漲則泛漲無涯水落則注于馬當○馬當山在縣東北四十里其形像馬橫枕大江迴風撼浪舟航艱阻山腹在江中有洞甚深不可涯浹山際有馬當廟唐王勃舟過其下遇神人助以順風一夕而至洪都○魯望亭在馬當麓唐陸龜蒙邀游江湖寓此眺覽作山銘云天下之險者在山曰

太行在水曰呂梁合二險而爲一今吾又聞乎馬當焉王十朋詩此地水如峽有山名馬當猶疑是灩澦更合戒舟航注有估客曲今錄其二解云莫作江中馬朝朝無人買但作舟中鷄夜夜逐村啼又平過小孤石穩度馬當山前途何處險湖口有新關○潯陽記云垂魚洞在縣西南五十里洞門高數丈中有溪西南流入小巴水洞口垂石如魚故名有石橋基局鍾乳○輿地志云梁武帝所立太原郡屬潯陽陳末廢按在今治東北五十里其太原屬縣有晉陽隋省在舊治東北百九十四里

九江府志勝

卷之五

五

又有天水擬西水縣而置在舊治東五十里唐末廢有和城在古縣東北二百二十里隋省○樂城縣在舊縣南三十九里傍山爲之南北高險東西平下隋大業十三年爲張善安所據唐武德五年以縣屬浩州八年以州併省入彭澤○志云鮑家嶺在縣南八十里其下有姚興墓興宋名將戰歿和州其麾下義旅爲歸葬于此○歐陽敷墓在十三都筠塘原敷事漢隱帝爲中書舍人繼秉天雄軍節鉞郭威稱兵畿甸遣使以相位招之敷義不屈棄官隱彭澤山數宋淳化中卒○浩山在治東


九十里東流建德二縣界唐武德初自彭澤鄉遷縣治於此以其北臨大湖颶波浩蕩故以浩名唐碑畧云武德五年李太亮安撫安南張善安歸降江表既靜奏於此古城處立州卽以浩山爲名又分楊梅嶺已南更置都昌東南至樂城縣分饒州鄱陽縣北境置廣晉合四縣並隸浩州八年廢浩州立彭澤縣其年移縣治入廢浩州內昇元初又自浩州故城移縣向南四十里江次○小孤山在古縣西北九十里高三十丈週迴一里孤峰聳峻半入大江迷異記云尋陽孤石在江之坻初桓玄九江府志勝入卷之五 三六

西下令人登之中嶺便聞長嘯聲甚清徹及至峰頂見一人箕踞石上而坐宋劉丞相沆詩擎天有八柱此一柱仍存石聳千尋勢波流四面痕江湖中作鎮風浪裡盤根平地安然者饒他五嶽尊○與小姑對者名彭浪磯歐陽詩話云江南小孤山側有彭浪磯俗訛爲姑爲彭郎曰彭郎小姑婿也余嘗過小孤廟乃女像而勅額爲聖母豈止俚俗之謬哉陳龍圖簡夫詩山稱獨孤字廟塑女郎形過客雖知誤行人但乞靈有詩云祇應誤一字便害小姑羞天間玉鏡石水拂蛾眉洲口張勃吳

錄云彭澤有鳥接食團飯投之高下無失往往于大江濱見之漁者偵其多匿小孤山窟中○迷異記云潯陽孤石廟嘗有估客下都經其廟見二女子云可爲買兩量絲履自相厚報估客至都市好絲履并箱盛之自市書刀亦內箱中卽還以箱及書置廟中而去忘取書刀至河中流忽有鯉魚跳入船內破魚腹得書刀焉

九江府志勝入卷之五

三六



廣信府

在府城東南五里

領縣七

中興縣

秦郡縣以干越分置餘汗鄱陽太末府地

三國吳有葛陽晉有晉興唐初有玉亭皆舊縣

州之北境也唐乾元元年江淮轉運使元載奏以

鄱陽縣川原遠關防襟帶請置州從之乃割玉

山于衢弋陽于饒又析弋陽之地置上饒析上饒

之地置永豐又以撫建之三鄉益弋陽而割其西

境及餘干之東北境置貴溪凡五縣制以信美所

稱因名信州偽唐保大中大又出弋陽所得撫建之

地益以上饒三鄉置鉛山縣宋因之元改信州路

廣信府志勝

卷之六

一

國朝為府名廣信郡有信安之地拓之而為廣信

也○唐韋應物有古朗歌畧云三年糾一郡獨飲

寒泉井江南鑄器多鑄銀罷官無物多古朗蓋贈

信州錄事參軍常曾作

上饒縣

附

本秦番縣界西漢為鄱陽縣地今縣吳始置以地

在饒州之上而名○唐白居易詩有云地僻山深

古上饒土風貧薄道程遙○隱居詩話云楊察侍

郎謫信州及召還有士子十二人送于境上臨別

察即席賦詩皆用十二事而引喻精至士子少能

屬和者其詩曰十二天之數今宵席客盈位如星

占野人若月分卿極醉巫山側聯吟嶠管清他年

為舜收叶力濟容齋五筆云慶元三年上饒

尉陳莊發土得唐碑乃婦人為夫君所作云君姓

曹名因祖父皆仕于唐高祖之朝惟公三舉不第

居家以禮義自守及卒于長安之道朝廷公卿鄉

鄰耆舊無不太息惟予獨不然謂其母曰家有南

畝足以養其親室有遺文足以訓其子肖彤天地

間範圍陰陽內死生聚散特世態耳何憂喜之有

哉予姓周氏公之妻室也○陶南村輟耕錄云宋

廣信府志勝

卷之六

上

李城信州掘土處為濠百畝許在郡南曰南池池

旁可居舊為里人屋歸附後達魯花赤滅徹據有

其地每春夏之交羣黿聒耳寢食不安會三十八

代天師張廣微朝京回因以告天師朱書符篆新

瓦上使人投池中戒之曰汝黿母再喧自是寂然

○王荆公信州興造記晉陵張公治信之明年皇

祐二年也夏六月乙亥大水水降於是募人城水

之所入垣郡府之缺考監軍之室司理之獄營州

之西北亢爽之墟以它屯駐之師除其故營以時

教士刺伐坐作之法故所無也作驛曰饒陽宅曰

回車築二亭于南門之外左曰仁右曰智山水之所附也梁四十有二舟于兩亭之間以通車徒之道築一亭于州門之左曰宴月言所以屬賓也凡爲城垣九千尺爲屋八以楹數之得五百五十二自七月甲午卒九月丙戌爲日五十二爲夫萬一千四百二十五張公名衡○宋時羅城週迴七里五十步其中又有子城週迴一里二百八十三步先是開四門南曰廣信北曰靈山西曰闔閭東曰玉溪後復闢爲八門大觀三年何白門記云以朝宗爲望雲以廣信爲信溪以弋陽爲葛溪以玉山廣信府志勝八卷之六

三

爲玉溪以靈山爲香塚以上饒爲祿溪以上郭爲泰浦以下郭爲三港是也 國初羅城圖九里二十步寶葛二元帥所脩其城濠自南至東通溪流西北濬深可丈許廣四之三歲入菱蓮魚課千有四十貫○治內中和堂香遠臺面山晦冥終日捲簾看賦成夜燭纔銷寸衙退朝曦未半竿○信美坊在城中大橫街宋天聖中江鄰幾休復爲州司法時尹師魯燕子美每燕集其廳事俗呼爲鄰幾堂○吳周瑜故宅在府治後十數武今半爲天寧

寺半爲上饒學基天寧者唐覺範洪禪師開山也相傳鐘樓猶是故物其地名鐘樓街○學門之東有收泉其銘曰高不谷卑不溢井其井勿用幕明方豪之筆○察院堂西偏有生生泉 皇明餘姚翁大立記云嘉靖丙午予以刑部郎中審錄江西踰年五月至廣信卽御史臺居之將復命從史皆病疫臺中有帷物狀類狗而大每夜分卽來來卽食厨其去縑垣無竇爲戶皆弗啓也時信城大疫民間鳴金伐鼓驅疫鬼聲徹昏曉從史聞之皆恐恐畏死泣且告予予乃蕭衣冠藏燈密室待之夜

四

廣信府志勝八卷之六
分果來命隸人遮擊擊數百乃死疫者疑稍解忽夢神人語曰君從者病惟天乙生能治之明日且至明日爲六月朔也予蚤起戒門者曰有稱天乙生者至毋留門日晡無報至者予循除散步且疑且思忽堂之西偏有地津津然以物發視至尺許清泉湧出竇從乾左來若噴沫狀飲之寒且甘予喜曰天乙生水神人告我哉遂命疫者人飲數瓢卽愈既而城中疫者羣飲之無不愈乃命工采石甃爲井而名曰生生○城南隅下郭有回車館卽饒陽驛古真慶宮址也今爲葛陽驛○南池廣里

許相傳舊爲州學泮池中多菱芡起居舍人汪應
辰通判趙不慳嘗築室其傍有古亭新亭水村半
僧寮南峰諸勝○上饒江出懷玉山分流兩道一
東入衢州常山縣入浙江一西南流從玉山縣過
合淦溪志云上饒江在城北流會諸溪水下經弋
陽貴溪流入饒州府○溪南祥符寺宋建有御書
閣靈山亭宋晁太史詩寶刹千尋出天外靈山三
面落樽前徐俯詩遊客乍驚人外境居僧初識面
前山○西爲孔雀寺自登山移建于此寺南一臺
其地高爽登之望見一城名曰跨窠又有南臺爲
廣信府志勝入卷之六

五

宋趙忠定所立有一杯亭在南臺左汝愚爲郡未
踰年政成惠洽郡人于祥符寺傍建祠設像爲之
祝壽汝愚因觴客于中命撤其像戲名曰一盃亭
取且盡生前一盃酒之義○溪南有白雲洞志云
鄭望之弟吏部侍郎資故居也今山川壇是○城
西北天津橋之原爲古縣基卽隋開皇中省入弋
陽者今爲社稷壇○西門外有百花庄宋太守章
良朋所泐城外南山之嶺面直靈山有溪山堂會
南豐輩遊歷之地也○景德寺溪南里許舊有十
六小院曰薌巖曰浴佛曰報恩曰水陸曰孔雀曰

文殊曰普賢曰慈氏曰禪月曰玉白曰戒壇曰齋
庫曰泗州曰廣信曰尊聖俱宋景德間建今存者
報恩孔雀水陸慈氏而已洪武二十四年立爲叢
林○南屏山在溪南二里許與譙門相值絕浮梁
以南一峰尖聳名曰狼牙勢自東南來拱抱府治
岳廟景德祥符二寺在其下舊有太霞宮草衣寺
靈山閣跨窠臺○太霞宮多竹諫議尹樞構軒居
之曾文清爲名友直贈詩云直哉少稷甫一室清
於水危坐對書帙曲几非所凭日暮無人來踈籬
上空藤惟有手種竹挺然得其朋○宋韓元吉字
廣信府志勝入卷之六

六

先杜龍圖學士先自潁川徙居上饒所居之前有
澗水故號南澗涉澗而南有園築亭號蒼簑○君
遷潭在城西南四里潭上有君遷樹也舊經云每
郡守解任羣公祖餞必於是故名亦曰五龍潭○
勃泥國土叔慕在城南三里皇朝永樂十年王叔
自西洋梯航進貢峻事而還道卒于此有司爲築
馬○唐陸羽宅在縣東五里羽竟陵人初隱吳興
苕溪自號桑苎翁寓信城時號東園子刺史姚驥
欽其風每枉駕焉並郊集有題陸鴻漸上饒新開
山舍詩可証○茶山寺在城北三里圖經廣教寺

有茶園數畝陸羽泉一勺羽性嗜茶環居皆植之
後人以廣教爲茶山寺云○宋有茶山居士曾吉
甫名幾以兄開忤秦檜和議幾奉祠僑居上饒茶
山寺七年杜門讀書不問世故嘗有詩云似病元
非病求閒方得閒殘僧六七輩敗屋兩三間野外
無供給城中斷送還同行木上座相與往茶山口
清波雜誌云劉輝在上饒三四年日從寓士遊徧
歷溪山奇勝廖明畧徐師川呂居仁鄭顧道曾宏
甫諸公風流未遠邦人類能道之輝嘗欲哀集賦
咏爲一編目爲玉溪唱酬以侈一時人物之盛因
廣信府志勝人卷之六

七

循不克成按呂本中字居仁紹興進士累遷中書
舍人秦檜既相私有引用意本中封還除目隨風
御史劾罷之因屏居上饒茶山寺齋心以沒寺僧
祀焉鄭望之字顧道彭城人少有文名靖康初再
使金營官吏部侍郎僑居上饒扁其居曰寓屋第
資之字深道亦吏部侍郎徙居上饒溪南嘗開山
路成兩巖對拱其上名壽松巖師川名俯宏甫名
開○巖山在府城北葛源其脉由重山來迂紆昂
伏數十里再折而南平巖絕壁竊然巨巖空窪可
容萬人有石泉甚甘美○南巖在縣西南十里巖

旁巨石儼然北向其下寬平可坐千餘人土女遊
賞之地下有僧舍十數楹不假瓦覆雖大雨無簷
溜聲上有一滴泉五級峰幽人詞客多所題詠朱
晦翁詩南巖兜率境形勝自天成崖雨前楹下山
雲後殿生泉堪清病目井可濯塵纓五級峰頭立
何須步玉京○石橋山在府城西二十里山半巖
洞遠望如月又名月巖其上平坦如橋可步山半
一穴嵌空穿透中有老木扶疎昔有人見白鹿來
遊至亢陽橋上雲生靄然而雨陸務觀詩幾年不
作月巖遊萬里重來已白頭雲外連娟何所似平

八

廣信府志勝人卷之六
菴江上半輪秋○婦石在府城西三十五里其脉
由靈山來頂圓如毬又名毬山南有石鞋一對西
有仙橋一所以木爲之自毀自換人莫能測又有
緝女石絕類紅女之形○石黃山在縣東南三十
五里出燠黃石人或採之鍊爲丹藥○銅山在上
饒永樂鄉脉自鉄山來近永豐故縣西連霍山下
有天井廣一丈餘井有倒懸石可四五丈如蓮花
覆蓋其水碧色莫測淺深春夏不增減天欲雨井
中卽有白霧上騰鄉人以爲驗○古良溪破石水
俱在縣南五六十里之交源出福建建陽縣界北

流與丁溪山合入上饒水丁溪之山卽鉄山也治鉄之所任百姓開採官收什二之稅後屬永平監今廢○縣南六十里永樂鄉有唐淨隱院宋出禪師二一名石橋一名吳端○靈山一名靈鷲山在府城西北七十里道書第三十三福地實郡之鎮山也有七十二峰高七千餘丈綿亘百餘里上有龍池中產異木奇草及水晶等珍東北峰挺立孤石高百餘丈宛如人形下有石井石室西峰絶頂有葛仙壇遺址溪五派西流入江唐天寶中嘗投金龍于此○續夷堅志云靈山出水晶小民百十

廣信府志勝入卷之六

九

爲羣入山尋採且閩百草爲戲有朱秀才者獨行院落間忽見一石塊光輝射人就視之眞寶石也高潤如大甕懼爲衆所見取亂葉蔽之還呼田僕二十輩乘夜昇歸市僮傳開相率來觀共酬價六千貫猶未許臨安內苑匠請于院瑞求假至此復增三千貫始付之麗水人盛庶來仕得二片高四寸許潤稱之中有青葉成行全如管芽初抽懷寶藏之間遇好事者乃始出示○按宋時有水晶場設在白雲尖下歲貢水晶器十事元初停採至國朝天順中遣內官採進多不堪仍罷之宋王介甫詩靈山寧與世爲仇斤斧侵凌自不休冰玉比來聞長價市人無數起相酬梅聖俞送袁信州詩橫青歷歷向靈山刺史日坐雲屏間楚人競握水晶璞漢女買作玉珮環○塚廟記云靈山石人先無廟貌自貞元六年禮部侍郎劉太真典郡其年早禱雨足因出俸錢立廟○宋氏水源出靈山西流入上饒江唐天寶間有宋姓居其傍勑改今名○重山在府城北其脉山靈山來重巒疊巘巖峻絶宋謝枋得嘗築室讀書于其下因號叠山取重山之義昔有叠山書院今移府城南○思默堂

廣信府志勝入卷之六

十

宋徐元杰夢神人繫二犬過堂下初未知何義是歲登第文有默通主司以爲神語乃悟默於字爲黑犬也元時裔孫子奇建堂以志之韓性爲記○侄以萬曆辛丑歲過信州登故相桂州夏公言樓作丹榴行以紀其事父老傳云貴溪被難時榴樹忽僵復爵仍活則榮瘁關之矣其詩曰君不見信州丞相第十二高樓稱綺麗雕甍共倚黃金堂繼柱遙連白玉砌瓊恩寶澤錫嘉名睿藻宸題照日明方圓法式頒儀部多少金錢給水衡復道文窓開扇扇極目欲窮西楚甸靈山黛色稠疊來彭蠡

湖光微渺見山川如故人事非 聖王元施不測
威胥江已見浮鷗去華表空聞化鶴歸魂招歸來
上不得寂寂高樓徒嘆息火燒崇甯落劫灰塵飛
綺棟無顏色可憐歿後見精忠青史相傳貫白虹
欲知血淚何時滅秋老榴花開尚紅

玉山縣在府東一百里

唐證聖三年置以懷玉山爲名也峰嶺合沓溪谷
相互雖步通三衢而水絕干越○唐李翱南來錄
云自常山至玉山八十里陸道謂之玉山嶺自玉
山湖七百有一十里順流謂之高溪○清波襍志

廣信府志勝卷之六

十一

云衢信之間有驛名兌谷謂其水從三道來作多
字形鮑娘有詩云谿驛舊名多煙光滿翠嵐須知
今夜好宿處是江南後蔣穎叔和之云盡日行荒
徑全家出瘴嵐鮑娘詩句好今夜宿江南○志云
玉山未立縣時號沙礫鎮相傳天寶十四年草寇
竊發里有徐叔倫者倡衆保障一方後人因立沙
礫廟以祀之○製錦堂在舊縣內宋令浦城章得
象有治績後人思之乃取楊大年贈詩名其堂詩
云懷玉烟霞接武夷因思祖德淚沾衣縣齋製錦
留遺愛庭木藏環長舊闔彭澤公田今已廢逢東

邑里半應非津亭送別空搔首籍在金門未得歸
億祖先令玉山詳下○信州圖經云玉光亭在縣
廳之東不知所自章子厚及王荊公詩碑在焉鄒
公詩千層懷玉對軒窓池上新亭號玉光祗此便
堪爲隱吏神仙官職水雲鄉荊公詩傳聞天玉此
埋湮千古誰分僞與真每向小庭風月夜却疑山
水有精神○東尉廳名水雲堂蓋尉喻樛建取章
鄒公詩中語以爲名今稅課局是○冰玉亭宋淳
熙間江東提舉周文正建取唐戴叔倫送嚴明府
詩語名之詩云家在故林吳楚間水爲溪水玉爲

廣信府志勝卷之六

十二

山更將舊政化隣邑遙望通人相逐還○治西隅
臨溪有杏花村附近有蔡家園今皆廢爲桑地桑
壇水不能侵諺云水侵蔡家園玉山出狀元○縣
市中有七星井昔人開闢坊巷穿七井象天之北
斗以鎮壓地脉邇者街爲水衝井在東南方者悉
沒於溪○君子亭在縣南二里宋直龍圖閣趙賜
字文若嘗居此呂頤浩以書寄信州守連南夫曰
趙文若父子皆士林宿望治封有賢人君子可厚
加禮後人因取其語名之○水南山俗呼大王山
又呼黃谷山其脉自閩來銳如卓筆東有功曹山

下爲水溪一名大王潭實上干溪玉溪所會處也
又東爲武安山距一里許三山並列下亦有泉世
謂暖水三山卽此○下干溪在治東南二里其水
一自江山縣干溪發源歷大干溪而來一自江山
縣上陽發源歷柳都溪而來俱至瀆口合而爲一
抵酒務後與上干溪合流○上干溪在縣東五里
源出懷玉山舊記云溪源乾淺秋冬不通舟船故
名乾溪漢書地里章昭注云干越餘干之別名也
此爲上干志云上干溪水所經處間與衢之常山
接自信而衢不可舟行而間以陸運者此而已矣

廣信府志勝卷之六

三

縣之玉山鄉金砂水所發源歷干溪小葉而來一
源導務林鄉常山縣界卽縣令汪杞欲鑿以通常
山者二水至是始合爲一直抵新安堤南與下干
溪合流而去○柳居山在玉山縣東南二十里唐
柳先鋒宅墓在焉其居有古井一泓井後石崖壁
立遇人聲激之輒有泉迸出如瀉○太甲山在縣
北二十五里安平鄉山勢磅礴當縣治之後昔人
建太甲廟于巔配以伊尹未詳何義汪應辰詩君
王自古幸遊多未必南從到澗阿龍虎直藏金鼎
火鳳凰朝食玉山禾雲霞落日舒旌幟琪樹西風

響珮珂伊尹樂耕南畝日想應高隱碧嵯峨○滄
溪在縣南惠安鄉源出江山境逶迤至是下流二
里許與瀆口合中有石陂瀦水又呼爲石倉人多
漁釣於其處○茅尖山去縣治三十里有瑞峰三
學二院及銀晶大王廟未詳又里許爲洞崑林壑
掩映峰崑奇秀俯身下四五尺乃平寬可數十人
坐崑上垂乳如纓絡水流出其聲清壯越溪以往
可行數里其傍構尤美軒取醉翁亭記林壑尤美
之義○齊峰山在縣南三十五里其脉自永豐來
形如屏風元魏玄德居山下善製墨今土人猶傳
廣信府志勝卷之六

十四

其業○泉水嶺去縣四十里嶺下有泉湧出石間
清冷可鑑流下玉山麓聚沫成塊歲久堅硬如石
俗呼爲假山人多取以爲供○沙溪嶺在縣北五
十里與懷玉山相連出硯石蓋歛硯之佳者水流
下二十里注于沙溪入上饒江○金仙巖一名白
龍洞去縣治六十里中空如室容數百人轉曲昏
黑莫辨稍前復有天窓透光于洞始明其下有泉
清潔莫知來去神物潛焉歲旱虔禱甘雨立應傳
昔人結菴于此夜燃佛燈輒有物形現○高平山
又名霞山去縣治八十里上有石壇相傳有李仙

姑得道此山中○鄱陽記云界內之山出銅及鉛
鉄者有玉山及懷玉山梁氏所謂山鬱珍奇者也
懷玉山去縣已百四十里高四百餘丈盤亘饒信
兩郡當吳楚閩越之交爲東南望鎮按方志云天
帝遺玉此山山神藏焉改名懷玉或云山有異光
夜燭因名輝山舊有輝山驛今改懷玉卽此唐魏
國公賈耽華夷圖云其山上與天際勢聯北斗又
名玉斗山循山之麓升降凡有十五里至大洋坂
地寬曠約數百畝而奇峰峻嶺怪石深池環列于
前後左右仙靈之窟宅也山有龍潭一十八潑又

廣信府志勝

卷之六

五

有二十四奇曰王瑯峰銀尖峰獅子峰石牛峰雲
蓋峰天門峰飛泉峰屏風峰蟠龍岡金鷄墩洗墨
池望香墩七盤嶺九蓮池誓陂石浴佛池彩霞巖
過雲洞連理木天聖松金剛嶺石鼓山羅漢峰志
初巖俱稱絕勝○宋楊億其先浦城人祖文逸南
唐時爲玉山令視事頃見一道士來謁自稱懷玉
山人斯須遽失所在遂生億七歲能屬文十一歲
應神童科真宗朝歷龍圖學士時年三十七嘗寐
於玉堂忽夢來謁者稱懷玉山故人袖中出一帖
曰內翰加官閱其上草三十七字億曰非數乎曰

然又曰許添乎則點頭命添一點至四十七果卒
○懷玉法海院中有龍溪溪上作新亭曾南豐子
固嘗遊焉法堂壁有禪月貫休畫羅漢十六軀○
澄心院中有三老堂堂壁有畫維摩詰上龍南禪
師及李彌大尚書三像按彌大姑蘇人仕宋顯謨
閣學士世亂居于玉山衣錦鄉依山爲堂額以老
山赤松之名○三清山在縣北百二十里玉山鄉
高七百餘丈週迴二百餘里三峰峻拔與懷玉並
峙山嶺有霄葛洪與德興李尚書修煉處自麓二
十五里陟至山巔稍下得平地寬可八九畝有老

廣信府志勝

卷之六

六

翁結屋其上作三清觀石刻三清葛仙翁李尚書
像又二十五里始及其巔李丹爐在觀上六七里
山之水西出則入於江東出則入于瀾蓋江湖山
水之宗也○金砂水玉洞龍潭俱在山麓水中石
色白瑩李尚書刻石字盈尺大潭之外巨石斜覆
如屋名曰龍門遊者由此而入寒氣凜冽仰望飛
瀑直瀉入洞底深不可測龍潛其內○結髮巖二
石橫亘路出其下俗傳李尚書與葛洪修煉時尚
書結髮度此○羅漢洞石如彌陀巖觀音中坐如
龜如龍如磨如人以手指天○神仙洞有石可登

其頂望之惟石羅列如二人奕如一人試坐如錦如旗如蓮花者三如浴盤如僧如道士如將軍如人所疊橫五縱四如人飯列碗于前○衣錦鄉有方齋宋諫議大夫尹穉居懷玉時所名而自爲之記曰紹興六年十月予始客於懷玉山下未及謀屋卽佛祠居焉念雖客也而無他業業於書而書不可以無屋而廢讀越明年夏乃度法堂之西南隅爲齋凡書策几硯外不以窳其間既成命之曰方齋東萊呂舍人詩世皆尚同君獨方富貴可取君不忙閉門讀書聲琅琅書車堂唯在床跼勸

廣信府志勝入卷之六

七

同異分偏傍運情竭思心力彊十年足不離僧房荒山野路秋水長客雖欲來嫌路妨幽蘭無人爲君芳采菊落英充餽糧客雖不來有餘香○衣錦鄉石僧院有歸雲堂汪應辰詩浮雲本無心人心逐雲去更作歸雲堂雲歸竟何處○鬼谷洞在鬼谷山其洞幽黑入必以燭周迴四里可數千人能容旁有一洞洞口狹小相傳昔有人入其中迤邐漸遠見人物廬舍儼然○思計亭宋趙叔元祐中館職也先居鄭州作思計亭宇文黃中爲亭賦其子賜以提點坑冶來居玉山亦作亭於章泉上刻

舊賦于石○谷隱堂呂丕問家東萊時所居名谷隱及來玉山又作此堂其猶子居仁賦詩云客舟不顧生事窘所至有堂名谷隱○鄭驤墓在縣東郭宋李驤同張叔夜死節後人爲塋其衣冠○汪應辰墓在北鄉二十三都界常山上球按應辰初名洋幼疑重異常童五歲出語驚人未冠首鄉舉試禮部高選十八舉進士第一人唱名時上以其年少與王拱辰及第相類乃錫今名故字曰聖錫以論和議忤秦檜三謫通判而志無所撓更歷學省鎮閩蜀終於祠官其集曰玉山翰林詞草○宋

廣信府志勝入卷之六

十八

弋陽縣在府西百二十里

漢餘汗縣地孫吳析置葛陽縣隋改今名以地有弋水而治在其陽也唐初屬饒州乾元割屬信州○志云縣南有大面石如鑄弋字名爲石耳唐置玉亭縣在治西宋置寶豐縣在治南淳化中以寶豐場立縣尋廢爲鎮卽今故縣基○唐時有弋陽館張祐詩云一葉飄然下弋陽殘霞昏日樹蒼蒼葛溪漫淬干將劍却是猿聲斷客腸按其址在縣治東今爲葛溪壩○舊記云葛溪水源出上饒縣

靈山過李城鄉去縣西二里昔歐冶子居其側以此水淬劍有葛玄冢在溪傍其南爲重潭水每春月有鯀夷魚浴流從南湖而上泳於此潭○其東南有神石橫出大溪捍截東流縣治賴此無衝潰之患故以神名東壁岩壑奇秀淵深魚聚西南有狀可以艤舟上有亭可眺山回水長晚碧相照是爲絕景○唐李華寄趙七侍御詩序云自餘干谿行經弋陽至上饒山川幽麗思與雲卿同遊邈不可得因敘疇年之素寄懷於篇詩曰搖槳曙江流江清山復重心愜賞未足川迴失前峰交灘出極

廣信府志勝

卷之六

九

浦曠若天地通君陽青嗟峨開坼混元中九潭魚龍窟仙成羽人宮陰奧潛鬼物精光動烟空玄猿啼深籠白鵲戲葱蒙飛喘鳴金石激溜鼓雷風雨濯萬木鮮霞照千山濃草閒長餘綠花淨落幽紅渚烟見晨釣山月聞夜春覆窈窕波涵石洶溶浴丹丘忽聚散素壁相奔衝白日破昏靄靈山出其東勢排昊蒼上氣壓吳越雄迴頭望雲鄉此恨發吾衷○顧况弋陽溪中望仙人城詩何草之靈姿無山不孤絕我行雖云蹇偶勝聊換節上界浮中流光響洞明滅晚禽暝霜羽寒魚依石髮自有

無還心隔波望松雪○碧落洞天在治東北里許山甚巖險石壁有碧落洞天四大字書法甚精妙相傳爲仙筆○南巖在縣南十里有大石高聳百尺壁間鐫古篆二十三字筆法大佳今漸剝落○輿地碑目弋陽城下有權德輿草衣寺碑按本集云信州南巖有草衣禪師宴坐之地師所由來莫得而詳初州人析薪者遇之中野其形塊然與草木俱谷於州長乃就延茲地三十年矣州人不知其所以然遂以草衣號焉足不蹈地口不嘗味日無晝夜時無寒暑寂默之境一繩床而已萬有輩

廣信府志勝

卷之六

十

然此身不動古所謂遺物離人而立於獨者禪師得之○潭石距邑治十里許其源東出鉛山分水北出玉山鎮頭演迤下流數百里至是始合淳漚而爲重潭潭中多異石故名有山躡然以起隤然以止石林峰巒翩翩然若彩鸞之欲翥而還伏者名鸞還石石有平臺可坐十數人又有石崖峰高出天半憑立四望則靈鷲山諸峰近在眉睫橫峰緒亭待賓瑄山爭奇獻秀以趨膝下○弋溪卽弋陽江源出上饒之靈山過當縣太平鄉水口其峰上數十步有九石如卵名九子石石去縣東二十

里○弋溪者以溪濱大石如鐫弋字又以水形橫斜似弋也唐元絳送張承義知信州詩玉露精祠山合沓溪從弋字水橫斜○擣藥山在縣東十五里有石橋長二十步相傳葛仙公搗藥處有石臼曰傍石井水甚美唐天寶七年勅置壇掃洒○鄱陽記云葛公得道弋陽縣北黃石山古壇今有葛仙觀在縣東二十里梁大同三年建其水名信義水源出建州邵武縣從當縣太平鄉過出礪石鉞者求之○弱水在縣西二十里流入葛溪唐刺史孫成改曰明溪其處有妙香僧寺有桃花臺在溪

廣信府志勝

卷之六

主

濱高而平坦昔人種桃煉丹于此處有桃源院○龜峰山在縣南二十餘里唐乾寧中僧茂蟾所開有蜃樓吐納雲氣以驗晴雨記畧云龜峰其山有物其高不知幾百尋尺也其山石異形厥有千萬或牙或爪或屬或倚呀然而怒俯然而踞獸視欲搏鳥飲將翥管星隕墜不周折落海怪間見戎帳叢置可得而脫不可得而形且高而石橋卑而石床竇谷之雲歛變異色杉松之風脫無俗聲一日之內一山之中而景物相勝應接不暇山之峰幾百其所得而名者二十有二或得之往記取之狀

類皆筌植芴立極於峻拔猗雖善綠無得至也謝枋得詩三十二峰峰最高脚踏高處真人豪近觀靈山一培塿俯視彭蠡無波濤眼明始見滄海闊心閒却憐塵世勞後百千年誰獨立萬古一覽皆秋毫趙閱道詩桃花灘下紫輕舸直上崢嶸未憚勞立視羣峰三十二一峰還壓一峰高○縣南二十里響石其廣可容數千人聲傳響答非有穴竅蓋出自然又五里爲謝疊山墳舊在京師文明門外後其子定之奉柩歸葬於此○縣東二十里有待賓山梁大同七年嘗置待賓院隋始廢卽今之

廣信府志勝

卷之六

主

獅子巖○軍陽山在縣南三十里玉亭鄉方輿志云昔有將兵屯於山陽者故名層崖壁立衆山龍從迥不相接有數石挺出如筌唐李翱有恠峰對聳似華山之句貞元中銀鑛開鹽鉄使差官臨督什一而稅以備貢開成元年割屬鉛州乾符後廢又嘗置寶峰鎮卽寶豐也○寶峰山廣袤數十里白雲吐吞飛瀑清響與靈山龜峰並峙鄱陽記寶豐山有石亭高七十餘丈傍有仙人石橋長五十丈廣二丈○縣北三十里七星山林木翳鬱下有沃壤可以樹秔因昔有七星墜此而名○寰宇記

云都陽東大山有一石臨河如廩高數丈號曰錢倉戶如六尺床晉太和中漁人從戶過遇戶開其錢自出因收得錢四○仙人城山在縣南四十里有峰壁立形如層城相傳有仙人蛻骨於此其巔坦平有池水澄冷可掬亦名赭石唐顧况刻詩于上舊記山峰壁立高五十丈爲昇仙之室與揭藥山相對○十二臺山在縣西四十里萬全鄉峻峭秀拔下有大山寶壽寺又五里爲桃花灘水中石子橫絕縷錯如桃花片故名又五里有潮巖巖上有水痕能隨潮水消長○丫頭巖在縣東五十里

廣信府志勝

卷之六

圭

里有大石如人首而岐故名或題詩云何不梳粧便嫁休長教人喚作丫頭後施達續云只因未有良媒在直到如今幾百秋○赭亭山在縣東五十里山形方正如削望之亭亭其色赤無林木旁一小山相肖曰小赭亭東漢李恂封赭亭侯卽此按恂當作恂○石泉洞在縣北五十里洞東有小穴泉流滴乳堅凝爲石狀若列屏掩蔽洞戶南北六十餘里有石房室坐卧之所復有小穴漏明○石城巖在縣北六十里其廣可容萬人上有石乳泉竇或方或長下有仙人跡浮出石面前環衆山○

晉張石室其名不可考按都陽記云居弋陽南六十里琢石爲室其形如困郡守鄢陵庾翼欲表薦之隱不見所居號隱士石室○葛溪在縣東七十里源出靈山合晚港水下流經鄉溪入鄱江王安石葛溪驛詩曉月昏昏漏未央一燈明滅照秋牀病身最覺風霜早歸夢不知山水長坐感歲時歌慷慨起看天地色淒涼鳴蟬更亂行人耳正抱疎桐葉半黃○縣之太平鄉有師溪方輿記云昔隱者胡延居溪上遠近師之故名○都陽記云弋陽嶺上多蜜巖宋元嘉中有人見其巖內有三鉄鏹

廣信府志勝

卷之六

圭

可容百斛中生蓮花他日往尋不知所在

貴溪縣

在府西一百九十里

本漢餘汗縣因介弋陽餘干兩縣之間地方闊遠山水迴合舟行沿沂累費旬日之久故晉永嘉元年就須溪口置脊溪縣以便停宿志云須溪者以水疾流駛斯須之間也源出福建光澤縣大源官山經火燒山北流戛南鄉三十六水至中坑渡而入鄉溪俗呼羅塘港○鄉溪東南五十步出鬱金香縮酒降神制用惟貴故又名貴溪○今治西里許舊教場爲故縣基從昔未城國朝正德三年

桃源賊起始議城週七百餘丈○治儀門以石爲臺臺上之樓曰承宣有鄭節碑記○韓元吉貴溪尉舍記畧云舊有黃梅出於垣間元符己卯歲廖明畧舉宋廣平之事題曰能賦堂以况尉君曾敬之也後八十有二年福唐鄭肇之來尉于此乃葺堂而更新之訪梅之枿而增培之榜曰絕塵蓋取晁无咎詩中語○張南軒枳縣簿廳題跋畧云紹興間盜起焚掠邑治三日內鞠爲荒墟惟簿舍獨存以簿陸筠有善政盜不忍殘之也○花園芒洲俱在治東里許芒洲亦產鬱金香花園爲唐詩人

廣信府志勝人卷之六

五

吳武陵所朔○長廊巖在縣南二里相傳西漢末王表隱所有煉丹井洗藥池飛昇臺元趙孟頫詩脩巖如長廊下有流泉注中有古仙人步月自來去○宋洪芻山水記云王表巖太玄觀有會昌中人題名大篆溪南三峰畧時一名天冠山高三十餘丈與縣治相對東連王表巖西接五面山南北雙絕○徐巖在三峰之下宋員外郎徐紹景讀書處舊有三峰堂後更象山書院右爲王表逍遙堆錢諸峰長廊龍口馨香諸巖左爲小隱巖五面峰石祝金沙諸嶺南爲蛾眉石仙人峰利益嶺望火

樓北望神峰白石八斗諸峰盡在目中王荆公贈紹景詩茂林脩竹翠紛紛坐占山阿與水濱笑傲一生雖自樂有司還欲選方閑○馨香巖在縣東五里舊名腥臊巖鄱陽記許旌陽斬蛟于此巖下又以板塞巖曰尋蛟潛通洪州橫泉井每天景澄霽見水底板木尚在後惡其名遂改焉○五面山在縣西南七里五面如削成東面連接弋陽鉢山南面屹然却立最爲孤絕遊者必泛貴溪而入至懸崖處攀蘿而上可坐數百人趙孟頫詩洞中卽仙境洞口是桃源何殊武陵路鷄犬自成村○唐

廣信府志勝人卷之六

五

人吳勗自濮陽徙貴溪讀書五面峰之一線天元和中間以白衣召拜水曹郎年四十卽懸車學者稱爲潛谷先生○覆船山在縣東十里有泉眼八十四以山形似覆船而名或曰泉反覆旋繞名覆泉也○大尖山在縣南十里當上清宮之南張宗師父信國文簡之居在馬里人相傳張公授一秩山輒墜一石大官墜大石小官墜小石○石堂溪寰宇記云在縣西二十里水自歸化南流出縣西上源數十里皆生苔竹苔痕點暈狀如琢玉幹直可爲杖水旁山嶺幽映堪爲賞說溪岸竹樹蒙密

○貴溪山在縣南二十里相傳鬼谷先生學道處有五花磚遶壇四面孤巖○積翠巖恒蓄煙靄與五面峰相對鄱陽記云昔有仙人於岩下採藥有搗臼存○靈鷲山在縣東三十里有光相洞其中兩崖如削其西有寶積院張忠文公之墓在焉墓前有鄭威愍公廟按宋亡死難張叔夜鄭驥俱信之永豐人○白鳴山邑鎮山也在縣西七十里巍然羣峰之上時出雲雨晦冥之際風雷挾瀑泉作澎湃訇轟聲舊志云山上有湖湖中有簾圍丈餘上干雲霄天欲雨則水湧沸有聲如雷又云晉

廣信府志勝

卷之六

志

石孝子戮父讐於山麓歿而爲神配享山靈又名神山仲秋望縣官以少牢致祭如山川之儀宋時名孚惠廟王象之云世傳廟神爲石勒之姪若子按勒未嘗至江南惟永興中季龍與勒相失後劉琨送勒母及季龍於葛陂時年十七或葛陂與弋陽地名相亂而附會云○望姑山在縣西南六十里昔有方外張鎮棲止此山每與仙人接麻姑爲期佇望於此○三岩山在縣東六十里高三百餘丈周迴七十里屹立孤高與六石峰相望羣山皆處其下三岩寬廣凡五六丈建院宇其中四面皆

林泉澗谷○百丈嶺在縣北七十里有路自此通饒徽二州鄱陽記云長沙王屯兵於百丈嶺卽此○象山在縣西南七十里初名應天山宋儒陸九淵以山形如象更今名嘗與晦翁書曰山間自爲原塢良田清池無異平野比來結廬相從者衆精舍前兩山迴合如肘臂臂間之田亦不下百畝兩腋間有二池東曰濯纓西曰浸月一家結廬於東塢之上北精舍之地爲少高雲所自出故名以儲雲一家結廬於前山之右北精舍之地爲少卑有石澗飛瀑縈紆而帶其側因名以佩玉其瀑每春

廣信府志勝

卷之六

志

夏流壯勢如奔雷因石賦形小者如線大者如練一日風練二日吐玉三日翻濤四日跳珠五日米簾六日雙練七日沸銀八日飛雪巨石錯落長林陰翳木石自爲階梯可浴以觀東山之崖有緡經石可憇十許人西山之崖有歇石可坐五六人皆有蒼松蟠其上山之陰有塵湖在其巔天成一池泓然如鑑可結廬以居又與同志書曰雲山泉石之奇殆吾人平生所鮮見終焉之計于此決矣其作詩云我家應天山山高數百丈上開園池美林壑千萬狀山西有龍虎烟霞耿相望寒清漾微波

暖翠圍層嶂天光入行舟野色隨支杖吾黨二三
子幽賞窮清曠引興谷雲邊題名巖石上碧桃吹
曉笙玄鶴驚春帳一笑咏而歸千載應可尚○象
樓山在縣西南八十里兀然獨聳如樓閣之狀古
名石樓山天寶六年勅改爲象樓山○仙宮在縣
西七十里峰巒削立高出雲表崑石嵌空多爲洞
穴房空窓牖床榻倉廩棺槨鷄犬禽鳥之狀晁太
史以爲洪荒時人宅山上所作詩云稽天巨浸洗
南荒上有千峰骨立僵民未降丘應宅此舉頭天
壁有因倉口明徐學謨遊仙巖記畧云出龍虎山
廣信府志勝天卷之六 无

一里南迫大溪溪水澄瑩可鑒毛髮巖凡二十有
四總之名仙巖云其初一巖若三人頎然立水側
拱客而前者曰三教巖其一人俯而瞰溪者曰觀
水巖巖之凹置厫具數處局木橫列差若貝齒或
啟或閉或整或墜者曰仙倉巖其下爲酒甕巖有
陶甕歌貯巖中中頭若古塚囊一棺而暴其半者
爲仙棺巖其材色白他巖棺亦纍纍有規形而銳
首者其次曰藥羅巖有石磨一旁施藥羅卽今醫
肆中所陳其次曰丹竈巖巖之故竈彷彿頽壞惟
敗墜壅之尚有水沐火煉之色其次爲木屐巖石

形如履網其次曰杆機巖若轉空軸而待織者曰
馬廐巖兩柱間懸一櫪若將秣馬曰鷹架巖一木
衡之鷹已飛去而洩澤常積又其次曰梁具杆曰
二巖而架軸春碓之器宛然森列口仙樂巖志云
山中常聞絲竹聲又若有物伏巖際跳梁驚躍是
爲獅子仙犬仙羊離列之爲三巖由三巖而下爲
轆轤巖舊有突尺木閣巖上外懸汲器以綆斂縱
之有土爐一具旁羅諸鐵器者曰鐵爐巖雜委諸
工料狼籍不除似將營室者曰泥料巖又有壑而
舟橫者竇而床列者雖去人遠甚儼有形似其名
廣信府志勝天卷之六 无

曰仙船巖曰仙床巖惟棲真巖最高無他奇以其
巍壯偉恠有重樓複閣之勢故名其末爲奕棋巖
巖中設石棋枰若有兩人對奕者足跡罕至口唐
王貞白六言詩白煙晝起丹竈紅葉秋書篆文二
十四巖天上一鷄啼破晴雲又風呼山鬼服役月
照衡薇結花江暖客尋瑤草洞深人嚙丹霞宋白
玉瞻題仙機巖織就霓裳御冷風玉梭隨手化成
龍天孫歸去星河畔滿洞白雲機杼空王文卿題
轆轤巖天上霞開金井曉山中風引玉繩秋長江
萬古吸不盡斷岸夕陽飛白鷗○龍虎山在縣南

八十里象山一支西行數十里乃折而南兩峰對峙狀若龍虎天下第二十九福地漢張道陵煉丹於此山下有演法觀丹竈丹井飛昇臺口上清宮在龍虎兩岐之間前對琵琶諸峰其右爲仙巖爭奇効勝縈紆一水循岩而西蓮花石橫塞水口其外排衙石如武夫千群臨陣赴敵猙獰品類形勝炳靈佳氣鬱積真神仙窟宅口太平廣記云張道陵沛國人漢留侯之六世孫隱於信州龍虎山受道者四方而至章和二帝召皆稱疾不起聞蜀多名山因携家遊之以其地爲二十四化身居比平

廣信府志勝

卷之六

三

化而妻孫氏居陽平化後白日昇舉於雲臺峰遺簪符印劍以授子孫其四代曰盛還居此山歷朝重之今世襲真人其所居上清宮之三清殿有信州防禦使遷貴溪雄石鎮邊使光祿大夫開國侯封奉化郡王倪亞墓址唐常建題張天師草堂靈谿宴清宇傍倚孤松根花藥繞萬丈瀑泉飛至門四氣閉炎熱兩崖敗朝昏夜深月漸皎亭午朝始散信是天人居幽幽寂無喧萬壑應鳴磬諸峰接一魂遂登仙子谷因醉田中尊時節開玉書宵映飛天言心化便無影目睛焉累煩忽而上霄漢寥

落空南軒吳筠詩道士身披魚鬣衣白日忽上青天飛龍虎山頭好明月玉殿珠樓空翠微宋江萬里詩鑿開風月長生地占却煙霞不老身虛靖當年仙去後不知丹訣付何人楊南野詩長陵楊柳茂陵花幾度朝鶯幾暮鴉陸海蓬瀛秋滿眼至今猶屬子房家口志云龍虎山有聖井三試劍石一元人觀碑二祐聖揭後斯作繁禧虞集作○藐姑岩在縣南七十里高四十餘丈廣三十餘里有封鬼洞幞頭石瀑泉影若馬尾灑於雙鯉石下經印石入三洪溪其處有張開府祖塚相傳幞頭隕石

廣信府志勝

卷之六

三

則張氏晉秩○壁魯洞在縣南八十里又名西源塢洞居絕壁之上濶二十丈內有小洞不可入白真人嘗指授漢天師降虎之法于此唐皮日休詩劉根昔成道茲塢數千年珍珍被玉體號曰綠毛仙○璩嶺在縣南八十里或曰據嶺閩越偏據時以此爲界按南唐書命璩大夫守此有祠堂在嶺西嶺之得名以此其下卽雄石鎮唐武德八年置有巨石雄踞溪許爲邑左障俗呼陳石口鎮有資國寺僧所藏本鎮請僧文移宋紹熙辛亥陸子靜爲之跋曰象山西址瀨溪有渡曰石龜曰西山西

山之背有山峭峙與西山同出曰聘君山相傳古
有隱者在其上累聘不就人號聘君因名山麓有
寺曰資國猶藏其立官時帖乃雄石鎮帖也字體
結密行書有法非今時吏書所及年曰龍紀元年
仍書歲次已酉亦不類今時文移官曰鎮遏使御
史簽書者曰押衙兼副將印曰信州雄石鎮文乃
正篆不繆疊今其地屬貴溪史傳所記故老相傳
皆未嘗知有雄石鎮鄉人嘗言永泰二年置貴溪
縣考之唐史貴溪之建在永泰元年而次年為大
曆元年改號在長至日是永泰嘗有二年矣建議

廣信府志勝不卷之六

圭

至已立涉兩年亦事勢之常置縣之年至龍紀後
永泰百餘年而人不復知有雄石鎮何也六典鎮
有鎮將鎮副掌鎮捍防守兵部條中又曰凡鎮皆
有使一人曰鎮遏使曰副將蓋互見又曰凡諸軍
鎮兵三百人置押官一人曰押衙者豈幾是哉施
其地者曰周承鄴爵曰押衙兼都監似亦鎮官然
則此鎮有兩押衙又有都監唐百官志本於六典
考承鄴稱鎮長曰中丞而其官實御史唐供奉官
御史中丞侍中御史聯班由此足以知非後人所
能偽也其地則曰承鄴宅曰東坑曰聘山初無君

字然山上有井其深無底水流出為石坑謂之君
坑實有聘君二字云寺僧名守瓊乃周氏子承鄴
之後也好文學詩懼此帖久之磨滅將刊諸石求
予為跋余觀唐於今為近其年為尤近龍紀距今
纔三百有三年史傳所紀不復知有雄石鎮髮巖
是帖之傳亦足為考古者之監故備論而書之○
張鎮嶺在縣西百里仁孝鄉高二十丈昔有賢士
張鎮隱居于此屢聘不起上出黃蓮○月山以形
似名宋鄭之秀居山下卽以月山為號其族子名
會因而號亦山蓋二鄭才名相埒云○石堂在縣

廣信府志勝不卷之六

圭

南一百六十里中可坐數百人臨貴溪水源古老
云是鬼谷先生之居水下為石堂溪○秋香原在
縣北十四都原多桂樹涼秋着花清芬襲人一名
周原○貴原在縣南五十四都南通光澤西連昂
山廣七十餘里內多良田美地物產蕃庶民俗淳
厚故以貴原名山間居民成聚有新豐街葉夢得
謁真西山歸經此呼酒獨酌悠然有馬周之想因
題其壁曰新豐云

鉛山縣在府城南
八十里

本唐撫建二州之境後益以弋陽上饒五鄉置為

場南唐保大間始立縣屬信州宋初鉛山縣直隸京師後復隸信元陞鉛州 國朝仍爲縣○寰宇記云地出銅鉛青綠置場以收其利舊在寶山僞唐昇元二年遷置爲湖山郭水西解署存○志云北關外三里霞落岡有元時鉛州及相公府故址蓋宋紹興間閩寇范汝爲之亂丞相李綱將兵萬五千人駐於霞落故名○縣南六十步有玉壺泉在教場山下邑尉吳紹古得之莎薄中宋武尉司在其處○輿地紀勝云縣西一里有江家湖內生菱荷旁多高柳沙與曲折景趣瀟灑亦名西湖湖廣信府志勝八卷之六

三

旁一寺中涵鵞湖山影○膽水在縣西三里鎮山門處或湧自平地或自出石罅神農本草云膽水能化鉄爲銅今廢分溝其地官主之餘流入溪至于泇口○石井在縣東北四里資聖院之後周廻六丈深二三丈許有巖去水二丈三面回抱瞰于井上石文隱起錯錯垂下如蓮花倒生縣多膽水味澁此獨甘晝夜流不竭溉田數百頃舊名玉洞泉然石井之名唐光啓中賜額也洪芻有石井記以相傳大義禪師駐錫於此院壁有宋狀元劉輝偕程遠劉沔傳樂聯句題名○白石底在縣西四

里懸崖倒壁空嵌處可坐五六人色微白絕頂壁上有天成八字極端楷俗傳呂真人逐蛇入穴巖中以劍畫成其處與積翠巖相近○清風峽在縣西北五里嘉祐中劉輝所居之旁有土山洗而出石得巨礫兩崖峭崿寒氣逼人石有讀書巖古藤皆數十丈盤結左右躡級而上隨形賦勝若小蓬萊輝常讀書於此峽長五丈濶五尺在裂石間行覺清風透體六月如秋上有留題云余藻自閩回同主人劉輝邑長方蘋遊時嘉祐八年九月十五日外有石洞方圓一丈八尺高一丈許可安几榻○廣信府志勝八卷之六

三

鉛山在縣西北七里又名桂陽山又名楊梅山舊經云山出鉛先置信州之時鑄錢百姓開採得鉛什而稅一建中元年封禁貞元年置永平監其山亦出銅及青綠又有寶山連桂陽山出銅朱晦翁詩雪擁山腰洞口春回楚尾吳頭欲問閩天何處明朝嶺水南流○銅寶山在縣西南七里一名七寶山下有竹葉猓平坑石竅中膽泉湧出浸鉄成銅天久晴有鑿可拾建隆三年置銅場今廢其銅以土垢淋水浸鉄爲之○突字書在縣北八里黃土嶺一酒肆中題其柱曰趙慶老過此下詳歲月

字細莫辨其文皆隱起世傳惟其人能突字書○
鵞湖在縣西南十五里有葛玄冢舊經謂昔有
龔氏居山傍畜鵞成羣張濱詩有豚欄鷄柝對掩
扉之句蓋指此其山周迴四十餘里諸峰連絡若
犀象獅狔者殆一二十計最高處名峰頂有三峰
揭秀鄒陽記云山上有湖多生荷名荷湖東晉時
有雙鵞育子數百羽翮成乃去更今名唐大曆中
大義禪師植錫山中雙鵞飛還山麓有仁壽院乃
禪師所建今名鵞湖寺舊載有江隣幾所作三門
記又曾鞏亦有記葉夢得有詩曰宋淳熙間朱晦

廣信府志勝

卷之六

七

菴與呂祖謙陸九齡九淵兄弟相約講學於鵞湖
皆不遠數百里至止相與極論不合罷去而斷以
書劄往復辨難動盈卷帙淳祐間立書院賜名文
宗卽鵞湖書院○賈元放故宅在縣北舊圖經云
邯鄲賈逸元放作半隱齋陸游爲之記畧曰天下
之名常晦於有餘而著於不足彼真隱者山巔水
涯草衣木食其身且不欲見於世矣又何自得而
名故吾常謂自漢魏以來以隱名世者非隱之志
也而况若元放者方且騷屑下吏身雜鈐下伍百
之間折腰抑首以冀斗升而顧自謂隱誰則許之

務觀曰不然人之出處視其所存何如耳審能羞
世利薄富貴折腰抑首何害爲隱否則終南少室
是仕宦捷徑也賈有墓在縣北十五里○雲巖在
縣西十八里直嵩山之前松逕逶迤始陟其巔兩
崖峻峭怪石作蛟螭盤屈狀其上天窓竇蓋不可
形模地勢漸高道人爲橋爲堂爲殿皆因其次第
一穴可容百許人若陰晦中雲氣翳然而興則斯
須雨降巖以是得名穴盡處有疊石爲室甚隘其
初有異物以黃泥封之與道人分界泥今亦化爲
石指痕尚存辛稼軒菩薩蠻詞遊人占着巖中屋

廣信府志勝

卷之六

七

白雲只向簷頭宿誰解探玲瓏青山十里空 松
篁通一徑嚙啖山花冷今古幾千年西鄉小有天
○石城洞卽新巖在縣西二十五里石門如城偃
僕而入得石室明朗四壁嶙峋怪石皆作磬聲又
有石鐘高不可擊左一竇可容百許人俗呼仙人
田仙人倉甚衆又有層水洞由一竇入深里許無
天窓非秉燭莫辨所履皆瓦石凌凌有聲如層水
故名又五里有石龍洞在正悟院一竇入深半里
許明徑如掌斷柱垂乳類神剎鬼刻巖下石獨溫
潤隱然雙龍盤旋其上有甘泉時滴又有仙人頭

懸出石頂眉目皆具治平間僧文政所開舊名普光巖已上三洞皆紹興間吳紹古更名○汭川與三洞相去不遠有兩小溪合流入河唐李翱經其地載於本集汭水流下五里名汭口街有葡萄井昔此菓生井上蔓延至街其井可用汲○觀音山在縣東十里俗傳宋時民於此山取銅鑛掘入空洞深不可測山將壓忽有一美女提籃盛一金魚來賣坑中人皆視山遂傾壓其女不知所之咸以爲大士所救拔○麗籍武城人祥符間侍其父爲鉛山稅官嘗肄業於觀音山之崇壽院院有經繪

廣信府志勝公卷之六

三

臺至今畫像存焉有所作崇壽院記○女城山在縣東三十里志云山形似乳故以女名之其處有藥雲洞極山之巔循澗六七里始至有飛瀑臨其前洞口如門者三中倚一石若屏周旋可轉最後懸一龍首水出不竭由外而內類碧玉池中起藥雲嶺客可玩宰稼軒鵬鵠天詞云山下流泉萬斛珠懸崖千丈落颼颼已通樵徑行還礙似有人聲聽却無又開畧約遠浮屠溪南脩竹有茅廬莫辭杖屨頻來往此地偏宜置老夫○章巖在縣北四十里一石斗起下開巖竇如半規狀中爲宣梵院

巖心有石鏡一巖赤色鏡獨如玉往來題記殆遍宣和間洪芻王師心刻表其上○章法院在縣東四十里踞天柱山唐僧道和駐錫其下四方諸禪競宗之初結草菴後代遂爲精藍昭宗乾寧中名西林院宋治平賜今名高林翁鬱○湍激酒有中

廣信府志勝公卷之六

四

和堂山光閣芙蓉軒水月池諸勝又有吳順義三年簡校廬州刺史張崇等所鑄銅鐘○紫溪嶺在縣南四十里高可四百餘丈其水流爲紫金溪紹興間崇安人童才仰微時夢人以詩告之有春風先到紫金溪之句後調官監鉛山場過紫溪質之耆舊方証前夢其下爲紫谿驛陸游詩云嘉陵棧路吾能說畧似黃亭到紫溪○葛仙山在縣南五十里由山北直冲寺循澗且盡始緣鳥道至山之半猶歷三十六扉一扉一高方至絕頂有上下馬試劍息心等石丹井仙壇孝先以吳赤烏七年甲子八月十五日平旦于此上昇○燕洞在縣西六十里前臨澗水必葦航始可渡洞口高敞中亦深明直十餘丈有石臺石蓮之屬其色黃山巔石之瑰奇者青潤可愛俗呼燕洞巖○鎖山門浸銅之所在縣鷺湖鄉去治七十里許有溝槽七十七處

興於宋紹聖四年更創於淳熙八年縣尉馬子巖有銘至淳祐後漸廢其地之水有三膽水礮水黃礮水各積水爲池每池隨地形高下深淺用木板開之以茅蓆鋪底取生鐵擊碎入溝排砌引水通流浸染候其色變鍛之則爲銅餘水不可再用信州鉛山膽水自山下注勢若瀑布用以浸銅鑄冶是賴隨天旱澇而有涸溢大抵盛於春夏微於秋冬古傳一人至水濱遺匙鑰翌旦得之已成銅矣近年水流斷續浸銅頗費工力凡古坑有水處曰膽水無水處曰膽土膽水浸銅工省利多膽土煎

廣信府志勝公卷之六

聖

銅工費利薄水有盡土無窮今上林三官提封九路檢踏無遺膽水膽土官亦兼收其利□按浸銅之說自昔無之始因饒州布衣張甲獻言可用膽水浸鐵爲銅紹聖元年始令本州差廂軍興浸其利漸興紹興二年朝議以坑冶所得不償所費悉罷監官以縣令領其事○鉛山崇安之交界有分水嶺在縣南七十里閩楚自此分流故名朱文公詩水流無彼此地勢有西東若識分時與方知合處同又有宣和五年白水翁擬作嶺銘詳見崇安縣○鉛山趙氏書樓宋直敷文閣宗人趙不迂所

建邑之人舊無藏書者士病於所求今所儲凡數萬卷經史子集分四部立一人爲司鑰掌之有來者導之登樓樓設几席使得縱觀東坡記李氏山房書九千卷謂將以遺來者供其無窮之求蓋仁者之心也今又寓於李氏是宜特書○辛棄疾歷城人稼軒其號也紹興末金虜南寇與義士耿京糾合義兵以圖克復高宗授以天平軍掌書記未幾京被殺棄疾遂家鉛山之期思渡屢平劇賊歷官兵部侍郎樞密都承旨卒家無餘財僅遺詩詞奏議謀著書集而已平生每以股肱王室經綸天下

廣信府志勝公卷之六

聖

下自負爲朱文公所敬愛謝枋得嘗爲文以祭稱其精忠大義不在張忠獻岳武穆之下紹定間勅獎於龍虎門外七都舊有金字牌立驛路傍曰稼軒先生神道碑說云咸淳七年冬謝疊山偕同志關大猷等十七人會於金相寺夜宿稼軒祠堂前稼軒之孫徽在會時暮暮有疾聲大呼至三鼓近寢室愈悲一寺人驚以爲神枋得秉燭作文祭之文成而聲始息□志云過期思橋五里辛棄疾舊居有瓢泉爲稼軒覓得答客視英臺會詞引云予居瓢泉上客以泉聲喧靜問予醉未及答或以

蟬噪林逾靜代之今其瓢泉書院其子孫世守之
○宋孝宗御筆旌忠顯德碑爲陳康伯樹也在邑
之方龍岡

永豐縣在府東南四十五里

唐乾元初江淮轉運使元載請置信州時併請將
饒州之弋陽縣進賢鄉永豐里置一縣卽以永豐
爲名元和中省人上饒爲鎮至宋熙寧七年始陞
永豐鎮爲縣自後因之按永豐山在縣西北二十
五里山如石困下瞰溪流傳云山生石乳赤則歲
旱白則年豐故名永豐城塚記云廢永豐縣故城
廣信府志勝卷之六 聖

路通閩川越客擔荷者磨至焉舊設有乾封驛今
亦廢○乾封以乾封溪而名卽永豐溪也發源盤
亭入當縣界流三十里與雙山柘陽溪合又十里
與杉溪合又十五里至縣前○縣之名賢有王貞
白居西一里曰高風門唐劉滄過王校書山空詩
猿鳥無聲書掩扉寒原隔水到人稀雲晴古木月
初上雪滿空庭雀未歸藥圃地連山色近樵家路
入樹煙微棲遲慣得滄浪思雲閣還應夢釣磯□
按貞白字有道登乾寧二年進士先是崔凝鼎文
衡士論不合詔陸崇復試武德殿貞白遂占優等

授校書郎遭時不淑隱居著述以斯道自任文獻
通考云靈溪集七卷唐校書郎上饒王貞白有道
撰其集有自序永豐人尚有藏之者洪景盧得而
刻之今治西里許唐時王有道墓碑尚存○呆思
山拱縣治之南相去一里臨溪山形端秀有若呆
思○釣臺石在縣東十里東權橋上有石巋然可
踞坐十數人以臨水而名之曰釣臺○博山在周
安鄉去治北十五里形似匡廬之香爐峰故名上
有龍禪寺唐詔國師開基之時山高難汲卓錫而
得泉今釋大藏居之○周安鄉有河源書院地名
廣信府志勝卷之六 聖

嚴裡下有泉源出如星宿海故名宋嘉定間校書
郎周天驥與陳克齋趙章泉徐梅埜劉端明楊息
恭趙崇楫建院於此○星石山在縣東二十五里
永平鄉周廻二三十里高百餘丈羅列周布若霞
星然故名俗傳黃巢之亂嘗居其巔有藏金銀夜
分每見火燄起洪駒父名之爲星嚴○霍山方輿
記云下有天井廣二丈龍池中有懸石如蓮花覆
蓋其水湛碧四時不竭接在縣西三十里○雙門
山在縣東三十五里本志云兩峯並峙迂廻二十
餘里東接衢州北連玉山遠望之如雙門○靈鷲

山在縣雙門山之左巖石秀潤樹木環密有光相洞幽深不可窮有寶積院院中有唐元和碑宋蔣之奇詩舊碑聊一讀惟有記元和□山下有張叔夜墓叔夜字藉仲縣人也仕宋僉樞密院事靖康之難都城危迫父子勤王千里赴難卒以廟笑猶豫不能有成及都城既陷從淵聖北行不食至白溝河仰天大慟扼吭而卒建炎紹興間奕衣冠於寶積院之西○洪芻遊信州山水記云白永豐縣三十五里靈鷲院得光相洞亦巖也入洞行百餘步穴塞不可進相傳舊兩浮屠同入洞中一人不

廣信府志勝

卷之六

哭

復出云出沙溪門四十五里至黃雲巖窈窕邃深前後通達自道傍望之半山白堊者是也又深行二十里至扶竹巖山形如覆鐘兩巖重複上下皆可容數百人復出大道二十里餘至星巖余所名也亦曰仙巖巖巒仰綴白石甚夥夜秉燭則昭然如羣星麗天○雨石山在縣東南四十餘里舊經云歲旱禱之多應山西有崑洞石如螭盤虎跳霍立鸞翔之狀○六石峰在縣東六十里永平鄉與三巖對峙上有六石對峙曰筆峰抱兒嶺蜂窠主諸峰高峻極天中有聖泉每歲以立夏七日應期

而至有聲如雷則為年豐之兆過期則旱冬至則泉竭右史徐直方扁曰靈雨○五面山又名五面石以純石體也方輿記云削成五面欲登峰頂必從貴溪攀援蘿薦而上○昂山在縣南七十都東連貴原山西接梅潭南入福建北帶上清溪廣四十餘里山形昂聳物產蕃庶與鰾魚諸山相類○縣南仙源鄉有雲臺山唐羽人葉氏居之與雲臺接者為塵湖山相傳仙人墜塵柄於內○雲臺西行十里許為雲原山石壁削立兩旁如門闊僅尋丈行半里許有洞在山椒高約三十餘丈即所謂

廣信府志勝

卷之六

哭

壁魯洞也內有石竈石卓石床 皇朝永樂初天使胡濙梯板而上得綠色蓑衣以獻輿地碑目云南唐欽道觀記在永豐縣舊名玉陽有朱輦記乃唐徐鍇八分書徐鉉篆額今移在縣治

興安縣

新設在府一百五十里

本弋陽縣之橫峯鎮設了嚴寨巡司以守之我正德間因密民弗靖巡撫孫燧請銓除通判一員名曰鎮寧公署嘉靖庚申歲始立縣治割弋陽三都上饒十都共成之其地兩山環匝周圖餘里民居以陶冶為業其所取土即橫峯之匪也

原缺

撫州府在省城東南二百四十一里領縣六

圖經云後漢和帝分南城西北置臨汝縣屬豫章郡三國吳以二縣置郡曰臨川治臨汝晉宋因之至齊徙郡治南城即今之建昌府也梁歸臨汝廢郡稱州于時使總管楊武通來州安撫即以撫爲州名至今沿之

臨川縣附

初名臨汝以臨水汝水爲名梁分臨汝西北境置定川縣定川即臨水也其治在今之雷坊去縣北五十里○寰宇記云汝水在縣東北一里源接肝撫州府志勝八卷之七

水從石門以下沿流三百二十四里入洪州界其上流自千金陂分派流至郡城東抱城而北合豫章水入于鄱陽湖○臨川水在縣東北五十里源出定川沿流十里與汝水合本名定水天寶六年勅改今名通志云臨水源自崇仁巴山西北流三十里與寶唐諸水經臨川山下流至西洋與汝水會○荀伯子臨川記云其渚出宜黃連紫山四十里流至吳家渡注汝水東興人以木甌浸井後于連礮橋下其渚中得之鼓角樓取此水以充滴漏晷刻無差宋謝無逸吳家渡詩碧浪鄰鄰見淺沙

丹楓林裏兩三家舟橫渡口漁翁醉夢覺清山落荻花○按汝水西臨水東有平陸曰赤岡古州治也上有古城有城西寺或以城西五里地藏院是宋淳化中有異僧募刻羅漢像將畢工入城買拜石歸至中途遂隱形石間袈裟革履悉具曾擬摩詩吾聞大幻師種種示方便雖于土石中神力亦周徧君看此翠珉乃有羅漢面殷勤作禮相形質皆可辨初觀頂相殊次觀雙足現僧袍如輕綃風舉勢轉旋得非方廣華影落此石片○唐寶應中太守王國自赤岡移治于連礮小溪之西隋中和撫州府志勝八卷之七

五年刺史危全諷始于羊角山築子城周廻一里二百二十二步其時張保和爲之記又包五峰而築羅城長十五里二十六步即今子城西湊羅城是也關爲門三東名承春稍西而南名通教直北名望雲關閣輻輳自昔稱三市荀伯子記郡有五峯三市以此明興平章吳宏始大改革削去西南六里僅存九里三十步易爲四門今自青雲峯迤西至于後湖田平岡一帶逶迤若游龍者皆舊城遺址也○舊時東南一隅有五門民間米鹽薪蒸藁鮮貨賄民生日用之利雖五尺童子皆可取

諸門戶外近東有清風門俗稱鹽米門近南有鳳鳴門今城外七郎廟前猶有鳳鳴渡○青雲峯在治南二里元吳澄記畧云宋咸平庚子建縣學于城東南隅青雲第一峯之右嘉熙庚子令李義山作亭山巔名曰青雲亭董君誼詩溪傍好山添翠濕亭依喬木得陰濃有人欲踏青雲路認取城南第一峯今縣學已遷順化門外卽寶應寺故址○天慶峰在治之東城中第五峰也宋有天慶觀初祥符六年聖祖殿圯解殿柱木中有文成雲物峯巒狀又有像人形衣冠悉具其陽卽縣治也伏而撫州府志勝八卷之七 三

西昂爲羊角山府治位焉左有石筍出土中如羊角故名昔有自蜀青城來者叩角致書而石間後人目爲羊角洞天今石在譙樓前元趙孟頫有玉漏不催閒日月禁城空鎖別乾坤之句○譙樓俗名鼓角樓在府門外稍南累石爲臺高三尋橫廣十尋而闕其下通道東出上起樓三層高四丈有六尺元吳草廬詩巍樓橫中天濶視納宇宙其闕肆可想○唐撫州設廳危全諷記其文不具錄諷字上諫南城人豪俠任氣仙乾符末所在盜起諷聚衆保鄉里悉平群盜特詔爲撫州刺史諷又有

州衙宅堂壁記乃乾寧五年作○宋時瀛洲玉茗二亭俱在府治內亭下種玉茗花大如山茶而色白黃心綠蓋人以比揚州之瓊花亭前有石聳立如筍呼筍石宋元名賢多題味焉玉茗亭北爲椿秘閣閣下爲春草亭皆嘉定中建○瀛洲亭在金桃園西亭中景物爲一州冠宋晏殊金桃園詩臨川樓上桃園中十五年前此會同一曲清歌滿樽酒人生何處不相逢○荀伯子記云王羲之爲臨川內史置宅于郡城東高坡名曰新城旁臨廻溪特據層阜其地爽塏山川如畫今舊井及墨池猶撫州府志勝八卷之七 四

存每重陽日太守從事多游于斯因立茱萸亭其上隋開皇十二年于此置九仙觀尋又爲寺並廢按荀伯子仕劉宋武帝爲尚書左丞相曾爲郡刺史王右軍故宅卽今府學地也北據大丘東抵城西抵大街前有朱井墨池遺跡○府治前爲香楠山楠一作枌又名交讓木其枝直上柯葉不相妨山先時多此木也其右爲寶應寺寺舊有繡經臺顏真卿記畧云撫州城東南四里有翻經臺宋康樂侯謝公于此翻譯涅槃經因以爲號公諱靈運陳郡陽夏人也元嘉初除臨川內史公以曇無讖

所翻大涅槃經語小朴質不甚流靡乃與沙門范
惠嚴匡慧觀依舊泥洹經共爲潤色勒成三十六
卷義理昭暢質文相宣歷代寶之惜乎階崩不改
棟宇咸無真卿叨刺是邦茲用懷息有高行頭陀
智清緒發弘誓精心住持法堂之遺構克崇先達
之高蹤不泯大曆已酉歲四月丙午都人士庶相
與大會設嚴供而落馬以真卿業于斯文見容紀
述後之君子其志增脩乎銘曰摩訶般若解脫法
身是則涅槃衆經中尊曇無竭敬嚴觀是因實賴
同德弘茲法輪謝公發揮精義入神理絕史野文
撫州府志勝八卷之七

五

兼郁彬一番刊削百代咸遵遺跡忽睹高臺嶮岫
載悲徂謝曷踐音塵真卿慨然閑故孰新檀那衣
鉢悉力經綸不日復之周邦仰仁緬懷敦慕予亦
何人徒願神交愧非德隣刻銘金石永永不泯寺
僧相傳康樂繙經時有白鹿跑地湧泉宋陸游詩
泉聲落環佩肝肺爲清涼益詠此按放翁以淳熙
中爲常平使者至止是邦○宋謝逸詩吾祖牧臨
汝滯訟清公庭雙旌引五馬駕言出郊欄足蹕雲
端展手展貝葉經稅駕妙高臺几研陳前牕朱墨
紛在眼梵宇森如星臺傾人已寂聲名藹餘馨想

公忘言處角掛山中麝○謝無逸號溪堂先生縣
人也屢舉不第以詩文自娛有寄隱士詩云先生
骨相不封侯卜居但得林堂幽家藏玉唾幾千卷
手校韋編三十秋相知四海孰青眼高卧一菴今
白頭襄陽耆舊節獨苦只有龐公難與儔其弟邁
字幼槃自號竹友時稱二謝李商老嘗過幼槃語
及五代時有沙陀將卧疾僚佐入卧候之見其錦
衾曰爛兮怒曰我沙陀也安得奚偶記其事而忘
其名遣稚子入內問之曰康福也幼槃妻董氏蓋
賢而好學云○春風樓在城南隅桐林嶺下宋州
撫州府志勝八卷之七

六

人董侍郎居誼建誼字仁夫卒官四川制置使鎮
靜不擾居鄉溫和坦易樓雖圯時人猶以春風目
之○文公坊在十字口志云從春風樓通鹽步嶺
爲王安石故居○鹽步嶺卽香耕之東畧也其前
有臺臨谿曰擬峴臺晉南豐記畧云尚書司馬員
外郎晉國裴君治撫之二年因城東隅作臺以游
而命之擬峴謂其山谿之形擬乎峴山者焉王安
石詩君作新臺擬峴山羊公千載得追攀歌鐘殷
地登臨處花木移春拾韻問城似大隄來宛宛溪
如清漢落潺潺時平不比征吳日緩帶尤宜向此

閣○天寧萬壽寺在府治東楊吳時建寺壁有陳海珠所繪龍首及一滴泉文夏不竭宋楊長孺詩法眼三泓井曹溪一滴泉經秋杜宇血遺老徑山禪衲子非常釋叢林別是天方諸多少淚分洒汝江邊○祥符觀在府治東隋建南唐爲甘露觀宋改今名紹興三年知郡高微言甘露復降本觀爲圖上之即此地祥符間建有九曜閣王安石記○唐撫州景雲寺律大德上弘和尚塔銘白樂天撰存今寺中○北景德律寺在府治東北有應夢羅漢閣宋曾鞏王安石題名壁間其記則謝無逸筆撫州府志勝入卷之七

七

也畧云顯謨閣待制朱公治撫之二年華北景德律寺爲叢林敦請真淨法子惠洪委以禪席余嘗與惠洪周覽寺中得古畫一束于敗壁之下展而脉之乃十八大阿羅漢也然亡其一焉是爲第五啗矩羅尊者洪作詩嘲之曰知他何處避齋去不見雲堂第五尊後兩月武雄副指揮使杜益之女夢一老僧入其室杜氏曰此軍營也僧胡爲乎來哉僧曰我非凡僧也乃北景德羅漢耳今失其侶傾遇翁爲我尋之杜氏覺而診其夢益恍然後數日益與其女過旁舍見壁間有畫古羅漢女驚曰

此夢中所見老僧也益得之以示洪洪笑曰吾詩所謂不見雲堂第五尊汝何自得之哉益悲喜再拜爲言其事乃施財裝飾及新其閣而居之云爾○正覺寺在港東廟寺前舊有湖通文昌橋下水諸賢夜泊多所題詠曾季狸詩正覺江邊寺風烟羅畫然庭羅合抱栢門泊釣魚船暮雨凉初過中秋月正圓無人來共賞獨自占江天衲子惠嚴詩野水痕俱落擎舟日未西斷溝橫畧釣支徑入招提方廣源深似竹林境可齊徘徊未能返暝色起前溪詩話云寶應寺僧惠嚴姓彭氏金谿人也于撫州府志勝入卷之七

八

時蜀人韓子蒼駒僑寓寺中與師商畧調詩演吟盡蘊惡而後可施箝鉞此後乃大進李侍郎浩至中都朝士問曰斷橋橫畧釣支徑入招提是臨川嚴上人句耶李曰特其一斑耳後悟爲綺語業乃棄筆研陸放翁延至行臺問其所作笑而不答○正覺寺中有釋龍軒王介甫詩仙事茫茫不可知繹龍空此見孫枝壺中若有聞天地何苦歸來問葛陂○城外南廂有古南湖湖上有臨汝書院曾子固詩云二月南湖春雨多春風蕩漾吹湖波看紅年少里中出百金市上裁輕羅棉花步步行看

影手中棹旗鳴吳歌放船縱櫂鼓聲促蛟龍擘水
爭馳逐條親忽遠誰可追朝在西城暮南溪奪錦
得雋惟恐遲雷轟電激使人迷紅旛綵舫觀者多
萬人坐上揚青蛾斷瓶取酒飲如水盤中白筍兼
青螺生長江湖樂卑濕不信中州天氣和擬齋詩
葛巾藜杖興何長爲愛南湖六月涼雨在山頭作
雲氣風來水面散荷香登臨稍喜市聲遠徙倚猶
嫌歸興忙後日重來携枕簟不妨午夢到斜陽
元虞邵菴集記畧云城西二里許有滙澤曰南湖
延廣數百畝受東南諸原之水霖雨不溢旱乾可

撫州府志勝

卷之七

九

瀕與屬縣臨汝諸水俱合于肝江而北書院雖以
臨汝名實主于茲湖也故宋天聖中脩唐故事郡
置放生池太守朱公正辭用詔書卽此湖爲之又
云湖至元季堙塹爲汙萊至正辛巳始濬作瀨石
亭于其上○古今詩話云唐末邕州蔡大夫京遷
撫州刺史游汝水放生池禁採捕忽有人乘小舟
而釣使執之釣者獻詩曰投却長竿捲却絲手携
簑笠詠新詩臨川太守清如鏡不是漁人下釣時
及宋太守朱正辭始卽吳陂莊南之塘爲置斗門
以均蓄洩○千金陂在臨汝鄉一都唐咸通中州

刺史李渤所築于時相虔再作記畧云橫截汝水
置千金陂南北百二十五丈又鑿冷泉故基九百
七十餘丈接汝江江水小長則感陂之水文餘而
入于冷泉新渠以通舟楫之利起文昌橋北沿流
三十餘里灌注原田新舊共百頃有餘按冷水陂
者唐貞元刺史戴叔倫所築○千金陂從東南趨
城下略擬峴臺抱城而東過文昌橋後遶城而北
爲北津有渡謝無逸北津渡詩云竹籬茅舍掩柴
扉衰草荒烟野逕迷只有白鷗無俗韻年年相伴
老清溪相傳無逸故宅在此○寰宇記云魏夫人

撫州府志勝

卷之七

十

壇在縣西北六里二百步志云在外南廂按神仙
內傳夫人晉成帝咸和九年托劍化形而解年八
十三旣化乃會群仙于陽洛之宮卽世所稱紫虛
魏元君也顏真卿有南嶽魏夫人仙壇碑文不具
錄○復齋漫錄云臨川出城南里許有觀曰魏壇
蓋晉南嶽夫人經游地具于顏魯公之碑崇寧間
陳虛中守郡有詩云夫人在兮若冰雪夫人去兮
仙踪滅可惜如今學道人羅裙帶上同心結洪覺
範有長短句云十指嫩抽春筍纖纖玉軟紅柔人
前欲展強嬌羞微露雲衣霓袖最好洞天春晚黃

庭卷罷清幽凡心無計奈閒愁試撚花枝頻喚此
似朝後之女真而作○舊圖經云臨川縣東南七
里有九十九井俗傳周仙王與夫人共約曰一夕
之內爾織百縑我開百井至四更夫人百縑已就
效雞鳴以給之群雞皆和仙王方得九十九井聞
雞遂止鄉人因立周仙王祠于長流鄉其井泉出
于此○仙臨山在城南十五里有集仙觀亦曰
仙臨觀王郭二仙嘗臨其上故名○晉季狸仙臨觀
晚望詩相公嶺上雲頭起郎官坑前雨脚垂牛羊
下來日已暮城中燈火望中迷○金石臺山在城

撫州府志勝

卷之七

土

西十五里有山如臺者五列于赤岡之外色赭者
曰金石臺色白在中流者曰玉石臺又名五虎臺
以形如虎峙也上有仙隱觀乃宋林司封藏書山
房遺址○志云水南崖有石丘昂聳北向巉巖如
狻猊者玉石臺也諺謂之獅子石又云獅臺在府
城北俯瞰大江與五虎臺相望○北崖有宋林秘
丞書屋按夢英字叔虎大父自閩清徙撫州遂爲
臨川人登淳熙二年第知武岡軍退居城西于金
石臺上建樓藏書徜徉山水復除秘書丞年踰八
十卒人號山房先生○石頭渡在縣東南二十里

東岸有蝦蟆石張右丞記云石飲于水峭露縈渚
磯瀨駛激上多美竹茂林菲茨幽絕山花參錯疑
非人世石丞名徵舒州人建炎南渡嘗宰臨川縣
因僑居焉號澹巖有澹巖集○荀記云英巨山在
郡城東二十三里巖內有石似人坐盤石上天晴
則瑩淨如玉塵集則風潤沾則雨○城西南三十
五里有石巖高丈五尺周迴六百五十步其下有
石長丈二尺隱起似龍形頭尾鱗甲皆具其下寒
潭澄澈謂之龍泉謝竹友詩揭來龍泉上杖履隨
沙鷗卽此○井山在城南二十五里有舊真觀

撫州府志勝

卷之七

土

石丹井是唐黃華姑脩煉處張右丞詩有雷嶺泉
深方潤澤井山丹就已空飛卽此顏魯公黃華姑
仙壇記云姑姓黃氏諱令微撫州臨川人也少好
道風神卓異天然絕粒十二度爲天慶觀女道士
年八十髮白面紅如處子嫋嫋而行奔馬不及聞
魏夫人仙壇在本州草木榛翳結廬求之不得長
壽二年冬十月朔訪于洪州西山胡天師天師名
超見其懇切遙指姑所居南二百步曰烏龜原中
有石龜每蹂踐田苗百姓患之而擊斷其首卽其
處也旣還至州虔誠尋訪遂獲石龜于壇中央掘

其下得刀鋸油甕燈盞之屬姑嘗于想像之間忽有告曰壇南九曲池汝可開之姑從而獲焉磚砌盡在他日夢有人謂曰井山道場何不脩葺延明入山果獲壇殿餘址半峯有自然石井深可三尺濶丈餘故名井山天欲雨卽雲霧先起姑既建置精舍時聞仙樂之音環壇五七里間莫敢樵採人或不潔必遭蛇虎恠異之難至今猶然□丹井昔有蟄龍宋僧惠洪詩臨川富山水井山最稱幽愧我今日來自作清散游試問井中龍吾行汝知不高秋嗜醢卧此計非良謀晚稻已及穗一雨定可

撫州府志

卷之七

七

收曷不躍而起沛然滿南州○銅山在城西三十里一曰銅陵一曰峩峩山南有龍泉觀其下有小峯廟祀華子期口華子岡由觀後間道踰嶺而北兩山間濶諸峯環抱如城其北二三里正對明水山有明水寺其後餘支東下有溫泉西下有冷泉昔人謂其象日月故以明名山下良田二頃危全諷所施也章之藻詩環山清淺一溪水夾逕高低十里松烟鎖石門疑路斷斜陽影裏忽聞鐘黎師侯詩寒日荒荒野外昏亂山深處訪祇園一條澗水穿龍洞十里松陰蔽寺門□明水寺唐建有雙

石號石門關道皆古松俗呼十里松風峽中澗石不涸渟處皆澄碧舊有九曲蓮池謝靈運詩銅峩峩澗石磴瀉紅泉卽此地也晁南康碧澗書院曾景建銅陵精舍皆在焉按紅泉碧澗今建昌府並收之麻源谷下宋林秘丞詩云臨川遇鄉君示我銅陵辯相邀游其間百間湏一踐自從雙耳聳已辨兩足繭武夷乃招隱仙都聊策蹇遙睇麻源村夢思勞展轉今披碧澗記華岡訂訛舛疑信吁莫論是非爭之褊但欣泉石奇堂成書可輦晁侯雲夢胸妙處衆墳典徘徊康樂舊此興元不淺

撫州府志

卷之七

七

□銅陵谷口左有仙巖右有虎巖峽益東石益奇水益駛懸爲短瀑穿石落十數丈聲如迅雷注于巨池風磴峻仄循澗而上二三里乃至石門又里許乃至寺其北數里有雙峯最高曰龍會卽明水銅陵之來脉○寰宇記云銅山出銅在縣西四十里天寶六年改爲峨峯山山頂有仙壇○靈谷山在縣東四十三里有石室靈像懸崖半岫有瀑飛流分于木杪映日望之如掣練王安石詩序略云吾州靈谷江南之名山也龍蛇之神虎豹聲翟之文章梗楠豫章竹箭之材皆自山出神木鬼冢魘

魁之穴與夫仙人釋子恢謫之觀咸附託焉劉漫翁詩去雲歸黛眉橫點染溪頭六曲屏春入翠微殘照紫空碧斷峯青城藏綠樹江明滅人沒蒼烟路渺冥定有子真耕谷口移文不費北山靈○按志靈谷在城南四十三里諸峯連抱如障多石有謝靈運墨池其陽屬金谿其陰屬臨川東北數里曰月塘王荆國祖衛尉瑩在焉近靈谷有水梁羅漢院院內鐘樓上饒毛君超所建經始于紹聖丁丑落成于元符戊寅歲汪革華記○龍會山在城西四十里雙峯聳立上有曾真君仙壇中撫州府志勝卷之七 圭

有四穴如馬蹄出泉清冽人呼爲馬蹄泉舊傳雙峯高者爲陽南五里有溫湯低者爲陰北五里有冷水○與龍會相錯峙者爲萬歲嶺宋隆祐太后經過指問此山與人權以萬歲嶺爲對胡荅詩云宮闈珍重此經行贏得青山萬古名陳迹只今何處覓差栽一片白雲橫○又爲筆架山以群峯卓立似之與筆架連抱者名金雞城其上有承興觀觀有積翠樓白玉蟾常棲真其中作詩曰萬頃平田指掌間松蘿直上與簷干雲粘暮色月華濕樹顫秋聲天籟寒窓外好山千翡翠庭頭脩竹萬琅

玕樓中嘯龍玉龍去浩蕩天風生羽翰林夢英詩云謂天高高由積氣調山巖巖由積翠山中雲霧皆寶本天上星辰有奇字相傳筆架幾千年此是仙樓三十二落霞孤鶩近西江青帶碧簪如八桂按白林之祖皆閩清人白仙以宋嘉定間來臨川居筆架山三十年藍縷不脩飭善談仙幻好吟詠有筆架山詩二十八首○通志云虎頭洲東接龍步灣西望宜黃水宋治平中郡士人李權夢親友張樂送至洲上解者曰此必有虎頭字應俄而登第授虔州司理按權登第在治平二年□志云臨撫州府志勝卷之七 未

水由金玉臺折而北過虎頭洲至高洲港受樟原櫛山之水而至金雞城范西堂詩夢裏家山竹裏鐘金雞山下快掀蓬垂楊不傍他樓月宿酒吹殘蘆荻風也○宋嘉祐間知撫州王周于臨川縣盡安鄉之戰坪得金山子一座重二十餘斤獻上詔書獎諭焉按盡安鄉爲都者八戰坪未定其處○雷次宗豫章記陶母墓在臨川南五十里抱岡山村母姓譙豫章淦人卒葬于此侃至孝感仙人來弔禮畢化雙鶴而去○通志母城在府北五十二里雷坊梁所建定川縣治所也又云雷公山在城

南六十里舊名大華山山外有池生碧蓮南隅有井魏末居人李天明禱雨至古樹下遇五老人云吾姓雷久居此井已別去或云天明禱時霹靂出井出因號雷公山寰宇記雷山祠宇有司四時祭焉張右丞詩雷祠蔽深莽靈谷俯層巒下視萬壑趨遙見千峯攢○破石在城南六十里高五尺昔一女子浣衣水次被蛟引入石中數日雷擊石破蛟及女子俱浮出石外又五里爲戚姑山姑長安戚文步之女脩道于此其後乘雲而升後人呼爲凌雲山上有仙壇觀宋李梅亭詩云踏翻碧澗泉

撫州府志

卷之七

七

中石飛透丹霞洞裏天更問戚姑無恙否約渠東去看桑田○馬峽在城南八十里受上麓八十一源之水兩山拱合如門石壁谿澗流洶湧曾不容舸又五里爲良安峽兩山峙立如爭雄長貯水徑其間一名石門峽元揭傒斯詩云長安峽裏子規啼峭壁蒼蒼北斗低雲氣倒連山影合石稜斜鬪浪聲齊南風盡日迎歸棹落月空江夢故樓一室十人分數郡百年幾處候晨雞○白楊山在新豐鄉唐元和中縣人王仙休出家白楊山寺苦行精一他日荷鉢至山下紙營村鋤田忽聞普潤禪

師化在長沙卽彈指倚鍾而化今真身在院中號白楊禪師也按普潤亦縣之長樂鄉人與師同學者今縣南八十里樓撫山有普潤院元虞集樓撫山詩有高人出世間木志鄉里思靈骨萬里還高丘依母慈卽其事○陳理山在府東北百二十里漢豫章太守陳蕃行部至此爲理獄訟故名○白沙河在府城北安元獻祖墳在焉相傳其祖自高安遷臨川而殺謂子部曰我死葬牀下從之掘地得白鯨三而損其一以其二投水中部生固固生殊及頴兄弟七歲能文真宗景德二年俱以神童

撫州府志

卷之七

六

薦召與進士千餘人並試廷中殊年甫十四神氣不懾賜同進士出身歷官叅知政事○宋高宗時李綱罷相撫州布衣歐陽澈徒步詣行在伏闕連上三書詔與陳○東吳輒于市微字德明有飄然集

崇仁縣

在府西百二十里

蕭梁之巴山縣也巴山郡治此隋開皇九年郡廢改縣曰崇仁以屬撫州自後因之○志云溪流界于縣中縣治直而通浮橋爲南北市岸北曰北耆岸南自大街中分東曰東耆西曰西耆城西北門古曰巴陵門今曰巴山門○東耆有御書閣中藏

宋理宗翰墨曰藏脩經訓竹閣梅亭共八字皆用御璽其餘制詔尚多梅亭者邑人李劉之別號也嘉定元年進士卒官吏部侍郎工詩屬辭以騷麗著名趙汝騰志其墓曰斯近世文人學士之可稱者○又有元子哲碑晏公類要云崇仁縣南五步有唐大曆五年縣令元子哲遺愛碑準尚書考功符建立顏真卿爲文并書○北耆有化龍池宋樂史所居昔池旁有巨蟒鱗甲爪距如金一日風雨大作化爲龍去正史登科之目也今爲化龍坊存按史登太平興國五年進士讀書于東林寺亦在撫州府志勝卷之七

九

北耆地史字永言祖自京兆徙崇仁居玉清觀之北母夢異人授五色珠而生及長力學能文南唐時齊王景達鎮臨川召問故家子弟得史奏牋授秘書郎後舉進士知陵州獻金明池賦召三館編脩遷著作郎賜緋魚袋卒年七十八所撰有太平寰宇記二百卷總記傳百三十卷坐知天下記四十卷商顏雜錄廣卓異記各二十卷諸仙傳二十五卷宋齊丘文傳十三卷杏園集李白別集神仙宮殿窟宅記各十卷掌上華夷圖一卷洞仙集一百卷惟寰宇記傳于世子黃裳黃中黃日黃庭皆

先後登進士黃目仕最久卒官通進銀臺司兼門下封駁事文集五十卷又撰學海搜奇錄四十卷○無爲觀金谿何異讀書處亦在北耆其詩云樓居草草假三閭便覺星辰手可攀最喜座中先得月不妨眠處也看山林疎啼鳥秋彈曲天濶飛鴻曉捲班此景清吟無限好典衣冷債幾時還○通志云縣西北有塔山元虞伯玉常游之有詩云縣西北塔極蕭疎投老能來幾度餘山色已隨樵斧盡崖塵猶散醉翁書遠懷天上多騎鶴近愛槎頭可釣魚九日懸崖多細菊可能無意再巾車○縣

撫州府志勝卷之七

十

東二里昭清觀舊名游仙晉王郭二真人嘗游之所元吳澄有記虞集詩云仙游亭子此門東樹水烟霞野逕通秋淨華峰千仞表春濃仙縣百花中昔人黃鶴何年去九日清尊此會同醉插菊枝歸路晚莫令狂客惱山公○三山小隱在縣南十五里何同叔搜扶而出者三山曰浮石曰玲瓏曰巖石其實一山也奇崛鼎峙中貫一溪可容小舸洪邁爲作浮石山莊記不具錄其處有浮雲洞蕪沒不可深入有田家子夜寐驚牕見偉丈夫自稱回巖客令語世人曰此浮雲洞也因而得名○又里

許有玉華山山上有仙人壇輿地紀勝云縣南三十里玉田晉蕭子雲種玉之地今立玉田觀或謂卽玉華山○縣西三十里高富嶂其下有過至孝墓謝逸序云臨川過源有從孫名勗字紹古博覽能文性至孝沒塋崇仁人呼爲過至孝墓所著有通神集三十卷入秘閣○東二十五里爲紅旗山山形三疊如展旂然又五里爲黃華姑巖凡三層下巖廣三丈深如之當中滴水不絕極其冽崖石壁立東上爲中巖上巖正當下巖之巔南壁有斧劈痕其下爲棲真觀黃符詩有手扶風雷穿月窟

撫州府志勝入卷之七

止

坐當星斗直天門之句○縣東南三十里天寶山青蔥峭拔郡界之偉觀也又五里爲招仙山觀王荆公記云在崇仁郭西四十里祥符中廢其後道士全自明以醫游是邑邑之疾病者賴以活而皆憂其去相與言于州出材力因廢基築宮而留之于是復興○縣南四十里沸湖山唐杜光庭煉丹之所湖水常沸宋紹興中山頂夜有光旦穴其處得古陶器有款曰沸湖山下有龍居之宋鄧廸詩竹石飄飄雪作衣沸湖秋興莫相違青天雲白海上出白晝雨從山下飛峽角巖崖西面削石梯一

逕北來微百神長護蛟龍劍待斬群妖奉國威○崇仁山在縣西四十一里跨撫洪吉三州之境晉道士羅文通學道于此本名羅山唐改今名絕頂有石仙祠下有池冬夏不竭又名池山半山有田數百畝泉洳注其間吳魯以爲縣之望山也其詩云兒時聞羅山窟穴居神仙念念每欲往終爲俗累牽茲辰復何夕風日媚晴暄偶與二三子徑來踐前言崎嶇涉岡澗峭嶮凌雲烟崖斷或如渴坡平俄若川有泉白日來但覺聲泠泠紫迂若虵走往往注山腹田徘徊一濯足去袖風翩翩俄登最

撫州府志勝入卷之七

止

高嶺中觀屋數椽嶙峋老石像摩挲不記年桃花破叢菅一笑爲嫣然石屏與翠壁擁從相後先物色恣觀覽萬界滯眼前誰知塵外客一壑能此專按魯字虎臣本縣人十五游上庠胡騎南牧乃挾書歸爲學益力高宗朝以獻書得官累遷吏部郎中知嚴州致仕有君臣論負貽策毛詩辯疑左傳發揮新唐書糾謬得朋文集待試詞學千一策南征北伐編年南山事類能改齋漫錄下至醫藥方書近二百卷悉入秘府○臨川山在縣南六十一里舊名巴山以山有豫章小縣巴祠故也唐天寶

六年勅改臨川志云宋邑宰孫慙命改相山以避
藥仙諱蓋巴山舊有四仙祠祀漢藥巴梅福唐鄧
思璞熊法善也思璞居麻姑山一名紫陽法善處
州人一說俱南城人隱其名梁天監初昇舉巴巴
山彩嶺之傍有石自地峭拔如筍亭亭獨立一石
如斗正附其上曰斗石山下白沙溪傍有石澗數
丈其平如砥上有縱橫紋曰打禾石巴山有黃
法麤墓陳書云司空黃法麤崇仁人侯景亂法麤
于鄉里聚徒以助高祖有功薨故老相傳麤有奇
術常欲變置鹽池于家山凡六十餘畝至今其處
撫州府志勝入卷之七

三

水味獨鹹于他地而湛然清澈禽畜不敢觸云○
寶唐隄在縣西南一百里宋何異記畧云寶唐崇
仁水源之所自出也載于樂侍郎史寰宇記近世
洪內翰適賦短歌亦曰他年從子今一葦航乎寶
唐余嘗委所親窮其源而問之一山高入雲際間
環峭崿其中良田廣袤浮屠氏擇占勝處亦有居
民數十耕鑿生聚自成一村導餘水以出山則層
崖峭峽奔湍而下半峽有巨石橫卧激浪如山迅
霆飛雪俱駭視聽是名砲石灘怒濤勢不可遏瀉
入碧潭是名石庫旁又一水相合至寶唐凹而聚

焉溪始濬發稱迅過寶唐源而溪始安流自是迤
邐而東凡一百二十餘里合支流遠近者五曰西
寧曰芙蓉曰巴源曰杯山曰羅山凡一山之水支
派再三見者不數焉相與舒徐入境回旋于崇仁
之邑治而溪始平且澗如倦如歇如喜如舞如愛
戀其所西不見其來東不見其去際天一碧澄湛
千古陰陽家謂其洋洋悠悠行欲留而我顧信而
有證下流至于嚴陀同流會巴水一百二十餘里
則又灘稠竹節與上流等然則邑治實寶唐氣脉
之中齊也○寶蓋山在縣南百二十一里形如寶
撫州府志勝入卷之七

四

蓋一名華蓋上有浮丘先生壇王郭二真人上昇
之所通志云山號江南絕頂傍有雷洞天將雨則
雲氣如爐烟直上頂更雷聲殷殷而出上有仙祠
下有紫玄洞宋末望氣者言華蓋臨川二山之間
當產異人已而吳草廬先生澄生于山麓之咸口
里云○紫玄洞在華蓋三峯西麓深數丈廣半之
中有石屏屏後座几四碁局石牀各一又有金雞
巖相傳浮丘養雞之所雞皆金色見則歲豐○黃
茅岡在華蓋山下虞邵叅集精舍在焉其詩云華
山東下有茅岡云是毛公舊隱場清露尚餘丹瀟

曰白雲今許草爲堂冬憑野火開荒墟春托山泉
洗石牀從此便爲千載計洞天先拜紫玄章○志
云青雲鄉有鐘山寺樂史詩千峰夾一逕一逕花
枕泉聽泉復看竹行到鐘山前古寺雲生屋高僧
月伴禪自慚留一宿匹馬又朝天○七都有岐源
寺孫觀詩樵子應門立老僧迎客入湛湛玉甃寒
唧唧銅瓶泣小軒風雨過窓戶青紅濕晚花發秋
妍黃蜂正衙集○禮賢鄉有南源寺范季隨詩懶
逐兒曹載酒行竭來蕭寺作清明江湖萬里此身
徒風雨一春今日晴露地野花雙戲蝶並湖烟樹

撫州府志卷之七

七

獨啼鶯挂冠神武何時見只合深藏諱姓名○惠
安鄉有禪峰寺饒南諒詩禪山喬木飽蒼烟柿葉
能來老鄭虔樓閣暮寒風鐵定與僧分展對牀眠

金谿縣

在府東
百十里

金谿場本臨川之上幕鎮其山岡出銀鑛嘗爲監
周顯德二年析臨川近鎮一鄉併取饒州餘干之
白馬一鄉立金谿場復置爐以烹銀礦宋淳化五
年改場爲縣○志云縣治後有錦繡谷以春月花
開如繡故名王安石詩還家一笑卽芳辰好與名
山作主人邂逅五湖乘興往相邀錦繡谷中春卽

此○射亭卽飲歸亭也曾鞏集序曰金谿注君爲
尉之三月斤其西垣爲射亭旣成教士于其間而
名以飲歸之亭王荆公詩因射築茲亭序賢仍闕
兵戢民觀禮教群寇避威聲○金溪先賢傳云陸
九齡授桂陽軍教授未上會湖南茶寇剽廬陵旁
郡震懼舊有義社佛御衆請以九齡主之門人多
不悅子壽曰文事武備一也古者有征討公卿爲
將帥比閭之長卽五兩之帥也士而耻此則豪俠
武斷者主之矣遂領其事屯禦有法郡縣倚以爲
重講學暇則與鄉之子弟習射曰男子之所有事

撫州府志卷之七

七

也歲惡有剽劫者過其門相戒曰其家射命中無
自取死云云○白馬塢在縣東一里與金谿並高
有石白色而卓立號曰面虎蓋南唐李煜開採銀
場上有銀坑記字畫漫滅又一里有廢妙音觀卽
唐時礦地名銀山者其處有泉名伯清出石罅清
澈味美又有出石中者名石眼泉寒暑如一傍中
一澗自北下與泉接宋嘉定間縣令樓鏐葺蒙剔
穢泮二亭取荆公詩待霖字扁其一猶有一未扁
而去邑人遂以鏐字伯清名其泉永嘉毛鉅記陸
梭山魯巖齋並有題○翠雲山在縣南四里其

脉分自上幕嶺之南岡巒迴合處亦名翠雲門僧
寺在焉寺壁上有陸象山題識云淳熙己酉長至
後二日予寓許昌朝家約游翠雲明日飯餘乘興
一行劉伯協諸君不期而會者盈于翠雲之堂翠
雲五題始于王文公父子六詠增于吾家庸齋校
山二兄之游乃今始得親目昔年嘗東游會稽探
禹穴西登五老窺玉淵比歲又開象山于龍虎之
上游啟半山礫潭風練飛雪水簾梔子諸瀑今秋
之杪登雲臺瞰鬼谷窮石人之龍湫觀千尋之玉
帶乃獨未覩躍馬鳴玉之奇可謂道在近而求之
撫州府志勝入卷之七

七

遠然則斯游之得亦已多矣盛冬水泉既縮又值
久晴長老敏公俾畦丁決田間蓄水大作水供陳
師淵作飯供胡無相作茶供成此一段奇事因
紀會者姓字具列于後童子書名象山翁書翠
雲寺側有石洞嘗見古貌僧出入其中因名羅漢
洞洞左有巖竇正圓如月名月巖上有瀑布懸注
丈餘二石之瀑中如躍馬狀因名躍馬泉傍爲試
茗泉又傍爲鳴玉泉陸梭山詩玉兎愛佳泉飲之
化爲石規圓立山趾萬古終不息應厭舊經踰盈
稀多闕夕自從寄茲蹤表表無胸饒光彩雖輪埋

體素得不易神物豈終潛早晚照九域曾經齋躍
馬泉詩山靈從何來崩騰躍萬馬初疑夫差軍水
犀光照夜又疑關與戰聲撼武安瓦森然毛骨竦
舌挂不能下對此神駿姿可以一戰顯王安石試
茗泉詩此泉地何偏陸羽未嘗閱抵沙光散射竇
乳耳潛洩靈山不可見嘉草何由掇但有夢中人
相隨掬明月謝過鳴玉泉詩山路秋陽何赫赫山
亭淒涼多秋色豈惟醉耳玉琮琤照眼寒光如練
白苔間瀑布垂雲間恍疑銀河墮天關西望香爐
不得往个中元有小廬山○上幕嶺在縣東五里
撫州府志勝入卷之七

七

同仙卓筆諸峯並列東南如帷幕旋繞而此嶺最
高金谿水之源出于此○仙山與縣治相對舊傳
有雙鶴集其上因就半山建三仙祠按輿地紀勝
云白華巖在金谿卽仙巖也巖主是寶月禪師熙
豐間人居巖之絕頂持戒誦經猛獸馴伏客至則
遣去又能以慧眼知人善惡事李生元咎慕師之
風棄儒從之荆公送李生白華巖脩道詩白華巖
主是金仙假託山僧學道禪珍重此行吾不及爲
傳消息結因緣○金谿山在縣東五里連接銀山
中有石竇云是前代金谿石上有仙人麻鞋跡按

祥異志宋淳化中金谿縣進生金山子一座重三百七十五兩或卽得之此山○志云福水在縣南十里源經南城梅峯至波樓岡下會石門港水又三十里有清江水其水清澈宜漚楮清江紙名本之又轉而北十五里爲苦竹水乃汝水之上流也梅峯在縣南十五里近南城界來自閩山至古樓岡分脉數十峯如筍簪傳劉仙師嘗吹鐵笛呼雨其上有遺跡○銅斗山在縣南二十里山靈能出雲雨彈指爲一州七縣之望與芙蓉山對峙傍有一峯望之如城上有池泉爲昔人讀書脩道撫州府志勝卷之七 尤

之處曾文昭銅斗院記云院無圖記有識于佛像者曰唐麟德二年歲在乙丑距今四百二十有七年矣然則其興蓋高宗之世抑院在其前歟○黃蜂泉在縣西三十里源出百歲峯寬不盈畝而泉脉星燦多于蜂房歲旱可灌千畝按百歲峯在縣西三十里與崇嶺相連下有周王廟徐霖詩悠悠難了百年身得倚高峯作主人已辱堂靈疑出處且持山意壽君親雲深老屋長留陰雪盡窮原剎得春他日一區容我老谷神原只是詩神○雲林山在縣東四十五里率律數百仞界撫信建昌三

郡爲縣巨鎮上有三十六峰與貴溪仙巖龍虎琵琶諸峯綿亘參差起伏而此獨峻削雲際故曰雲林山脊有三十六尖宋元忠義之士往往產此山下宋建炎間南渡鄧雲傳安二人潛起鄉兵以保鄉社號傳鄧二社賊犯郡境鄉兵赴援郡城保障多得其力勞之後有名烈者舉進士不第元至正壬辰賊據金溪烈與族人思誠謀曰吾家世忠義奈何坐視賊充斥如此不思翦之乎乃率衆攻賊焚其二寨烈引弓斃賊酋一人深入死焉後烈子石亦攻賊于白沙戰死○烏石岡在縣西南四十

撫州府志勝卷之七

三

里王介甫寄黃吉甫詩朱顏去似朔風驚白髮多于野草生挾策讀書君有得求田問舍我無成解鞍烏石岡邊坐攜手辛夷樹下行今日追思真樂事黃塵深處走雞鳴又過外弟家飲云一日君家把酒杯六年波浪與塵埃不知烏石岡邊路垂老相尋得幾回○烏石岡西十里有紫霧山又十里曰柘岡多辛夷樹王荊公外家居其下有送吳彥珍詩云挾策窮鄉滿鬢絲畝田荒盡豈常窺未應谷口終身隱正合畱川舉國推握手百憂空往事還家一笑卽芳時柘岡空有辛夷發亦見東風使

我吹又烏塘渺渺水平堤堤上行人各有携借問
春風何處好辛夷如雪柘岡西○紀勝載荆公送
黃吉甫將赴南康官歸金谿詩二首柘岡西路自
雲深相子東歸得重尋若見舊時紅躑躅爲言春
至每傷心又萬事紛紛只偶然老年容易得新年
柘岡西路花如雪回首春風最可憐○柘岡之西
有巖穹曠可坐數百人中有寺曰東巖元虞集詩
雲林流水到巖前山色溪聲意宛然昨夜一竿脩
竹外東西無影月孤圓○東巖又西稍南曰疎山
山去縣西北五十里濱于汝崖本深周迪起兵之

撫州府志勝

卷之七

世

地唐大中有何仙舟棄官讀書其上因名曰書
山中和三年始翺白雲寺南唐改疎山曾艇齋詩
來往疎山四十年主人與客兩華顛此心不改恒
河見往事休論過鳥然無復仙舟遺跡在空餘矮
叔一燈傳危亭獨上窮登眺古木蒼藤帶暮烟李
商叟詩忙中偷得此身閒杖策西風自往還今日
一償雲水債籃輿帶雨下疎山○疎山白雲長老
號圓照大師嘗以木藤三入許刻爲人首蛇身號
曹家女以接引來學蓋師住曹山從此有塔存白
雲寺大藏記晉陵孫觀作○崖山在縣東五十里

南接雲林東接貴溪有琵琶峰三老石龍潭湯洞
諸勝○張祖山在縣東北六十里與安仁界張天
師嘗脩道于此以姓名山見雲林志○延福鄉有
地曰青田在縣北三十里爲陸氏世居有三陸祠
卽青田書院也宋贈宣教郎賀生六子長曰九思
字子疆舉進士以恩授從仕郎次九韶字子美築
室前山讀書講學以山形如梭號梭山老圃次九
皐字子昭登進士九齡字子壽已見上又次九叙
字子儀善治生鄉人服其行義末九淵字子靜卽
世所稱象山先生初幼弟九淵之始生也鄉人有

撫州府志勝

卷之七

世

求抱養爲子者二親以子多欲許之子疆力請以
爲不可是年適生子煥之因說其妻曰我子轉付
田婦乳之且以乳小叔其妻忻然而從故象山終
身事兄嫂如父母焉○縣之順德鄉有楊源寺曾
艇齋詩落月郊原獨杖藜偶尋蕭寺坐移時下臨
稻隴如棋局細數僧房似蜜脾風裏長松能遠韻
霜餘黃菊尚多姿因吟竹院詩人語笑我勞生力
已疲○有安樂寺謝竹友詩着鞭蒼崖陰下馬古
寺門老僧乞食去獨瞻無上尊相將二玉人盤礴
共一樽境靜悟塵垢林香識蘭蓀何年鉢羅老同

訪花柳村□有蔣坊寺張無盡詩九十光陰欠五
年寒灰枯木老雲泉眼明尚可穿針鼻齒硬猶能
嚼石蓮疑是合知諸佛印果然別得一枝禪不因
勘破真贗物安得囊中出小編□有香林院張商
英詩瑟瑟松上風冥冥竹間露窓虛簾色寒石側
蒼苔古長廊寂無人殿閣下鈴語此意兩蕭然徘徊
不能去○延福鄉有中宮院熊郎中詩我昨投
文清冷淵稍責老龍多睡眠鐵笛穿雲入寂寞作
詩真然劉高禪劉高泰龍龍與語一夜風雷共謀
雨雨師荷鍾破天河阿香應門充桴鼓不用藥巴

撫州府志勝八卷之七

世

西嶼酒那能出龍煩魯叟殷勤寄語望雲人高僧
自是調元手今朝夏抵明日秋一夕不雨還自休
南陌沾濡北阡渴東隣感激西家愁安得黑雲如
漏卮處處家家日作池予有鉢飯便可飽雨我公
田遂及私郎中志佚其名

宜黃縣

在府西南一百二十里

沈約宋書云宜黃縣吳立也樂史寰宇記于撫州
下云宜黃吳孫亮增置而于本縣下則云梁立巴
山郡因立此縣于宜黃水側水在縣南二百六十
三步因以名縣水側有圓石激之則響名爲石鼓

□按樂史家宜黃于本鄉沿革不宜矛盾如是或
者梁時移理于水側非新立也隋併入崇仁唐初
復置尋省宋太祖時李後主始割崇仁之仙桂崇
賢待賢三鄉立宜黃場尋陞爲縣○舊圖經宜黃
二水名宜水發源于縣東南平峰百餘里經三十
二灘磯至丁家洲而與黃合黃水發源于崇仁之
黃土嶺一百二十里經四十四灘磯至教場演武
廳前與宜合○乾德六年南唐李煜雖已奉宋正
朔猶未納土其立場在今治南百步及陞爲縣尚
卽舊場蒞事尋議欲于水東待一都建治或言水

撫州府志勝八卷之七

世

西形勝尤佳邑胥氏乃獻祖遺田宅丘壠爲之卽
黃填鎮也今水東百花洲上有小廟尚稱舊縣云
○縣北隅顯陽寺卽自西晉大安三年 國朝洪
武十七年寺火有于古佛腹中得胥氏禱佛青詞
一通其畧云胥仕隆等先願水東睡虎祖壠施作
縣治會前名進士于水東高峰上觀華蓋發龍黃
山權住雞籠居其左城嶺居其右秀水來潮獅石
鎖口就同衆于顯陽佛前告許水陸無礙大佛事
保祐面聖開縣得請以開寶元年四月十三日同
前進士某等前去奏請果蒙佛天有感得面聖君

就命左丞相陳脫兒中書省差黃平章陳監省帶
領仕隆等回鎮改水東待一都爲縣治興四十八
工適有道人來言是山不若水西晉氏祖山佳此
佛地彼仙地不信將兩地水上稱之果水西者重
隨奏聖君就發監縣陳山童判簿廖伯貞區畫云
云明年三月建置完成復請本官會集開明寶殿
酬答心因重修殿宇佛像俱載于後中三尊山童
脩傍二尊伯貞拾十八羅漢仕隆脩金剛二吳延
光脩三年浴佛日題○縣城周廻二里奇百步東
通溪水西南北多山舊不能城 國朝邑人襄敏

撫州府志勝

卷之七

七

譚公始建議而城之環曹黃宜水以爲池枕鳳皇
諸山以爲塹命曰鳳皇城○宋孫覲丞廳記畧云
宣和六年春太上皇御集英殿唱進士第覲時以
尚書員外郎參詳貢舉待罪庭中見周君執羔表
卿中甲科第二人傳臚一出自天子至于公卿左
右侍從之臣闕寺宮伯持盾執干宿衛之士皆指
目歆艷以爲寵明年太學選建師儒而表卿以高
第入爲博士行且用矣會乘輿幸江淮區內倣擾
百官奔走失職頓仆道路表卿曰方寸亂矣吾不
能遠去吾親遂調宜黃丞以歸時宜黃新被兵環

數百里爲瓦礫之場令丞維處民間夾于茅葦望
竹之間余南遷道臨川表卿勞余境上道舊以爲
笑樂無戚戚不滿之意逾年而鄧令延年端友始
大其治所表卿亦有事于丞廳挑遂糴糴壤垣
故基而一新之云○丞治昔有大蛇長三丈縱之
十里外復至者數回宋紹興三十年庚辰歲記○
城北隅鳳臺山其下有獅子石山平地掘起百十
仞陡絕難攀上有鳳山觀密邇縣治昔多題詠○
卓望山在縣東三里涉水而渡相傳王郭二仙訪
浮丘伯不值憑望此山故其上有仙壇可眺舊志

撫州府志勝

卷之七

七

高二百丈周廻十里許○縣南有塗黃嶺其下鑄
玉斧泉三字乃仙跡也今呼爲玉井圖經玉井近
岳嶺卽塗黃宋寶祐戊午宜黃南嶺嶺前產靈芝
徧地卽此○南史宋武帝孝建二年縣南七里塗
坊嶺下民耕田得銅鐘七口各重七百斤臨川內
史傳徽以獻塗坊卽塗黃俗作兩音○宋提刑鄒
極置別墅在玉井傍時有道人自稱姓呂來輒索
酒飲醉假枕眠公以珊瑚枕與之戲擲地而碎袖
往井中浣濯復完隨于井上書玉斧泉三字人爭
井上頓足則起二泡合成呂字又傳洞賓于鄒壁

間畫一圓圖徑不滿八寸樓閣女樂皆具洞賓遽躍入圖亦漸褪夫人急以衣裾印之遂成一圖子孫世藏于家○縣西南十里花嶺一名赤松山上有龍福寺穗珠泉小簾泉昔鄉度支隱此號赤松子按鄒拙宋治平進士熙寧中擢度支員外郎與執政議不合乞祠歸隱自號一翁葬在玉田寺○縣南十五里玉草山三向壁立惟南一徑可通中有田可二頃人居脩竹間小橋流水泉泠泠然令人起桃源之想附石麓背有泉飛瀉曰簾泉一名玉泉仙壇上有石如靴如繖又五里爲石碧突起

撫州府志勝

卷之七

七

百餘丈最高處開一罅爲馬祖法窟孫觀序云在義泉寺傍磴道高里許有石梁數十丈橫絕兩崖間中空無柱高出雲表神剗鬼刻不可名狀而僻在一隅游客無因而至乃賦詩以告云云○志謂石碧夏涼冬溫北阜有書屋義泉寺卽溪旁寺也觀詩云何人手執造化關服此虹蜺跨兩間烏鵲填成天上路鬼神鞭出海中山飄飄尻駕凌空舉側身下瞰千峰雨河漢淘淘聲西流風電相纏濟萬弩始信通天有一門便欲輪髮扶桑根○逢支機石柱杖直到洗頭盆後誇雄

近一觀如電掣冥冥滄海會揚塵大字唐崖書歲月黃希詩誰賦阿房未霽虹祗誇複道峭凌空那知海石驅來處都在巖花宴坐中鯨背遠衝千嶂雨鰲頭高占一天風漫郎更有中興頌倩把蒼崖子細礪○石碧有潯溪亭鄒度支詩危亭跨幽澗澗水日潯溪響與鐘鼓應靜無車馬喧布金因利物漱玉自盈源練引千尋遠珠傾萬斛繁倚空橫石壁夾岸帶山樊漲駭天河決湍流地軸翻僧樓真夢覺客至滌塵煩不盡登臨意忘言愧有言○石碧禪師名慧藏本邑人明皇時馬祖道一結菴

撫州府志勝

卷之七

七

于此師逐鹿過問祖見鹿否祖曰爾解射一箭射幾箇曰一箭一箇祖曰未也師問祖解射否曰一箭一群師曰彼此是命豈宜多射祖曰爾既知此何不自射師曰無下手處祖曰這漢曠劫無明煩惱今日頓息師遂悟棄獵爲僧竟傳祖法常以弓箭接機無敢問者獨三平和尚領悟其旨○縣西北二十五里有孤嶺蔣之奇過之作詩云鰲綃剪下碧雙垂歸挹清流背紫微北向更登孤嶺去此身還傍白雲飛○縣南四十里黃山其山四面黃茅無際故名上有雷公嶺有如意禪寺謂是唐如

意中勦者山下有龍潭水出爲溪流之稱宋邑令胡士恂每曲有鑄字店月輪禪師住此山一說跌化塔于院之西北隅○縣北三十里荷玉山有寶積寺唐咸通中本寂禪師住持學者雲集改名曹山山上有羅漢峰前有迴龍亭下有泉曰三潮皆白眉禪師結菴泉上孫觀詩道人西歸餘隻屐結茅安坐千巖底草根瀝瀝暗泉鳴樹外騰騰青嶂起翠竹掩冉蒼雲屯老藤蔽日白晝昏天低尺五雷雨上身強丈六佛祖尊和老悽悽厭行旅逢人欲問前生語不見高僧杖錫飛山下空流千斛

撫州府志勝

卷之七

梵

乳按觀晉陵人宋宣和六年以尚書員外郎叅詳貢舉謫建州道臨川寓宜黃最久○荷玉山上舊傳有羅漢笠宋崇寧二年八月嘗有胡僧群至其巔人追視之但存一僧笠而已其製甚異元至正甲辰失之○白土寺去縣四十里待賢鄉宋文申詩正爾炎官火傘張幅巾來坐此僧房箇中豈是都無暑畢竟心清身自涼○慧大師者唐武宗時人也會昌中至宜黃白土寺舍妻遜家問其名居不答但曰頗憶山饒州來故人以饒公稱之每出決渠荷鍤溉田不以彼我爲間後坐亡于水濱

常有雲氣護之遜以香泥傳其全身龕于寺之西廂曰饒氏菩薩○縣西四十里爲霍嶺按樂史傳史自崇仁徙宜黃之霍源父子既通顯乃家洛陽南渡後子孫仍歸臨川其留居轉徙或在臨川或在宜黃或在崇樂之間世次不可攷或以史諸子命名以黃爲序亦不忘故鄉云○妙常觀在縣南九十里漢元初中李洞真人冲舉之地有煉丹井朝斗壇望仙峰仙女池誦經臺諸跡唐大曆中重建宋宣和賜額曰龍巖觀方輿記云近妙常觀有化龍池唐大曆邑令許渙禱雨谷中有黃龍驤首

撫州府志勝

卷之七

罕

徘徊而至涓吏霹靂一聲耳澍大注其處流水瀉入潭中喧闐之極俗呼搗鼓潭○漢東方朔碑在合陂市去縣五十里輿地碑目云德州有晉夏侯湛作東方朔畫像贊碑顏真卿作大字勒之今在宜黃富民家凡爲石六丈高一丈五尺按王安石兒時師杜子野宜黃之鹿岡人安石拜相杜來省之京師瀕行問所欲時壁間有顏真卿書東方朔贊指曰欲得此荆公曰墨本不足貴碑在河北德州當爲致送于是示意州官輦至其家併以金帛遺之子野受碑而已他無所取碑世久爲徐院判

所得後歸柿林譚氏元季爲合陂黃司令携去泐
琴樂堂以居焉至正壬辰燬○邑人應厘者通天
文著有圖說有賦名曰義府又著有渾天圖臨川
令勉齋黃幹爲之刻石○元虞集長春觀記畧云
觀在宜黃治西有林麓之勝邑人紫山鄉廷佐所
作也廷佐初游臨川見鉢堂之制歸而歎息曰我
當爲之經營屋室十數間請全真末嘉金石志陽
以爲師表併奉閩神李元帥者祠之于中及元統
乙亥住持劉天素始遷祠于他所以奉老君焉按
拏公者相傳余閩漢越王無諸之外氏其說近誕

撫州府志勝八卷之七

四

不知宜黃何以祀之及縣二十二都有拏山古寺
亦未詳○去縣百里有梅山寺韓駒子蒼送梅山
僧詩云寺門岑寂知何處想對千巖萬壑開待得
梅山梅子熟莫辭先折一枝來又近聞僧說宜黃
寺一道松門夜不關投老有田三百把亦隨君去
住梅山

樂安縣在府西二百里

宋會要云樂安縣紹興十九年江西諸司奏以崇
仁疆土濶遠山嶺重複盜賊出沒不時請析本縣
及永豐二縣間地泐置從之于是刈撫之崇仁三

鄉吉之未豐一鄉建縣于詹墟因樂安鄉爲名○
輿地紀勝云鰲頭山在縣治前山麓皆石骨下瞰
溪流似靈鰲赴海之狀山腰有泉甘而冽○鰲溪
源出芙蓉山東流三十里至縣又西流與賴水合
上有亭曰釣鰲樂安尉謝諤詩數板小橋橫曉晴
兩行古木弄春榮不知多少夜來雨水至岸頭渾
欲平又藹藹烟雲望眼昏亂紅翻徑綠遮門一聲
啼鳥在何處山外人家桑柘村○輿地紀勝云象
眠山在縣治東突起闌闌如眠象故名上有山月
堂知縣唐元齡九日登象眠山詩作令苦無俄頃

撫州府志勝八卷之七

四

開喜逢佳節一開顏無人送酒來彭澤有客登臺
倍魯山慨想鶴汀鳬渚外盤桓鰲水象峰間賞心
未盡天將晚遍插黃花帶月還○石陂水在縣北
流與鰲湖合入臨水下有大巖春夏水泛涯涘不
辨秋冬水落石門砢然中若可容大廈舊有漁舟
泛入巖中水暴漲橫抵巖穴間水落而後得出○
縣東三十里芙蓉山卽鰲溪之源也元邑人何中
太虛詩岩岩青芙蓉峻秀琢寒玉危流千丈飛鏗
錫石相觸幽閭魚龍宮荒寒霧雨蓄婁神不可留
前登散遐矚參差雜花動香氣散幽谷日照丹霞

開萬峰洗晴綠○金華山在縣西北三十里形如覆瓢舊志云昔王郭二仙登此山以望華蓋相顧曰絕似婺女金華但無白石可叱爲羊耳○巴陵府有巴山故城通志謂卽梁置巴山郡理也在樂安西南三十里○縣南四十里玉庭觀中有丹井是魏夫人遺跡曾半詩云仙人上昇處花草四簷荒去鶴青霄外空山白日長瑤琴絃久絕丹井水猶香靜者依靈跡鐘聲送夕陽按玉庭觀在雲蓋鄉雲蓋因吳真人得名真人名自宣唐昔拱中居于瀨湖山嘗以瓦壺貯丹而瘞後山頂恒有雲氣撫州府志勝六卷之七 四

護之縣聞于朝命改鄉爲雲蓋立觀曰吳仙相傳真人上昇時餘丹十七粒瘞于楓下環山數十里紫雲紛郁覆累日鄉之白水洞小溪中有石窠大如斗鄉人有禱以窠水盈涸爲吉凶名香爐石○縣西四十里兩山間有石巖穹窿望之如梁曰石橋一名高岩其下空曠軒豁可以游觀前有石竈出泉五色後有大石肖人小石肖牛鼻俗呼牛鼻巖傍有動石風作則運動如輪○梅仙潭在縣南五十里張右丞澈嘗曰梅山潭石磯出于水裔松竹森潤其源有梅百十株時或徘徊其下真若

瑤林瓊樹中也○縣北六十里頑石上有鐫蒲州永樂縣人姚賓八字筆畫遒勁或人題詩云神力鐫頑石銀鈎字字勻又羅家潭下石上鐫有大字漁者沒水摸之不識一日水涸乃見羅隱墳三字○縣南六十里南曹山曾幼度丰同令君禱雨過此詩云氤氳猶積氣膚寸忽層陰甘雨新來足青山舊隱深隨緣酬萬戶及早遂初心彭澤曹溪意亭前無古今按幼度本縣人宋乾道進士有文名仕至太守築室曰樽齋何柳塘穀爲之贊○豐材山在縣北八十里本名麻山天寶六年勅改今名撫州府志勝六卷之七 四

荀伯子記云登之者望廬岳彭蠡皆在其下出黃連厚朴常山又有楓樹數千年者如人形眼鼻皆全而無臂入山者往往見之或斫卽出血俗呼槐子鬼○豐材又北爲杯山以山頂圩似杯故名有仙人祠在上○大盤山在縣西北八十里界新淦永豐二縣境山有十二峰環列如盤乃寶唐水源所自出○寶嶺在縣南一百里高數十里昔里中楊氏得怪石此山濯之溪中石忽瑩澈有人影見遂實之故名○忠義鄉七都有燒香寺宋甘泳詩暑熱不可度須此日暮涼况爾得佳友共約棲禪

房行吟發幽興空澗入水鄉蕭散意自適輕風動
衣裳誰歎遠有望烟影生冥茫已復入古寺樹色
交青蒼蓮花在清池靜坐乃聞香仰視天無塵素
月升東端百年亦如寄萬事何其長冰宇冰之崇
仁人讀書不拘繩尺尤工于詩性剛正不與時俯
仰平生不娶如林和靖元至元庚寅卒所作甚富
鰲溪刻本止七百三十餘篇號東溪集○樂安鄉
十七都有玉山觀謝良齋詩微明燈火夜堂幽
聽徹絲桐萬慮休骨冷竟清眠不得竹風蕭瑟滿
林秋李北之道士詩密岡經亘翠環中中有山形

撫州府志

卷之七

望

如覆鏞懸崖積鍊數百尺輪菌老木參天碧時有
金雞擊膊鳴鏗鉤響通石屋石屋去山三里餘
潭潭若有神龍居漁人爬戾入深處聞得山椒奏
步虛○樂安鄉二十都苦竹市有龍回院曾艇齋
苦竹舟行詩船頭觸處浪花生船尾隨人山影行
一水到家能幾許順流東下斤時程又碧草送春
晚綠陰迎夏涼輕風搖細麥淺水出新秧歲月催
人老田園引興長一愿如可辦吾亦學耕桑又水
落見沙春霜餘明燒痕魚隱一岡市雞犬數家村
只有山圍屋初無客到門半年來佳地愁絕向誰

論龍回院謝良齋詩堂殿塵埃外軒檻紫翠中凭
欄千嶂雨欹枕半窓風得意何妨僻尋幽豈易窮
分張閒草木一一見春工又晴意祛愁寂山川氣
象新天涯嗟久客物外見閒人未會詩無敵纔知
懶是真柳梢鵲一點疑挂小烏巾○天授鄉有西
隱寺曾季靈詩彷彿兒時住此間重來不記舊山
川却因久坐僧相問細數于今二十年○雲蓋鄉
有雲水寺曾斗南翠屏詩夜雨鳴榔放曉晴春江
網石浪如烹重來只爲青山好老去空悲白髮生
雲鎖重門僧榻靜鳥啼深樹客魂驚禪心詩思無

撫州府志

卷之七

吳

尋處寂寂庭花管送迎○雲蓋鄉三十八都有坊
三宋董氏進士題名曰董洙董師道董師德董儀
董汀董儉董僑董國鎮董唐臣董偕董乾粹董與
乾董倘董正董陟董強立董繪董夢得董雲從董
伋董德元董良史董淳董倚董敦逸等凡二十五
人三坊俱紹興十八年未割縣以前立

東鄉縣

在府正東
七十里

本臨川金谿進賢餘干安仁之遠鄙國朝正德
八字始置縣以地居府之東偏故名○縣治在庾
嶺北大夫岡之左三港口其鎮曰螺首湯息菴螺

首寺詩山勢南來萬馬奔就寬平處着祗園門無
俗駕真堪隱院有禪僧已斷喧百頃霜黃收穰種
一泓寒綠發蘭蓀因來訪道連宵宿共撥爐灰仔
細論○城南三里爲使領一名長林楊誠齋宿長
林詩霽月撩人白風燈惱客清倦多資美酒薄
免遲醒○嶺之南爲金峯縣治發脉于此王安石
詩一群啼鳥望中明重疊青山晚更清松葉喚風
陪客語夕陽過雨看蜩鳴忽思在已不窮事况有
懷人無恨情便欲吟詩浣塵思不知新月上高城
初去臨川宿金峰云東浮溪水渡長林上坂回頭
撫州府志勝入卷之七 四

一拊心已覺省煩非仲叔安能養志似魯參窮愁
觸事紛紛出疾病乘虛叠叠侵未有半分求自贖
恐填溝壑更沾襟○城東數里爲七寶山又東爲
積烟山山半有龍池瀑布其南麓爲安仁縣界宋
忠臣陳奎與元兵戰死于此偕侍郎恩積烟山寺
詩縈紆石磴挂岩崖遶微禪閣最上頭蒲座松風
生布衲一軒花雨落茶甌歸雲點破青山色逝水
衝分碧澗流爲問楞迦疑悟字此生何處覓湯休
○一統志云吳備在縣東南二十里漢番君吳芮
與車王嘗戰于此其嶺有洗馬池及吳王廟○長

壽鄉有驪塘王荊公嘗題驪塘院壁云稻畦藏水
綠秧齊松鬣初乾尚有泥縱寒草間歸獨卧東菴
殘夢午時雞○習泰鄉有潤溪朱晦菴詩云我行
欲安適莽莽窮山陂晨裝遠林表午憩通川滑曠
望思慈親行役嗟吾兒喟然陟屺嘆歸心浩無涯
曉霜徒御寒暮雨朋儔悲前程諒非遠無爲苦愁
思○又有清溪觀劉長卿清溪道院詩山行二月
春留宿意何真掃榻蒙高士浮盃慰逐臣鳥鳴朱
觀老花發碧桃新明日天涯去相思不可親

撫州府志勝入卷之七

四

建昌府在東省城

中興

漢書地理志豫章郡下有南城縣註云縣有城水

今肝江驛沿其名沈約宋書吳分豫章東部置臨

川郡治臨汝臨汝者南城所分也晉宋因之齊徙

郡治南城隋罷郡爲撫州仍治臨汝而南城屬焉

唐武德二年省南城入邵武縣以隸建州至南唐

李煜因于南城故縣置建武軍宋改武爲昌元改

軍爲路國初置肇昌府尋改建昌領南城南豐

新城廣昌四縣萬曆初年增設瀘溪一縣共領縣

五○文獻通攷云肝江志十卷續十卷郡守胡舜

建昌府志勝八卷之八

舉紹興戊寅俾郡人童宗說黃敷忠爲之續志慶

元五年三山陳岐脩亦郡守也論語本指一卷建

昌軍教授永嘉姜得平撰

南城縣附郭

漢紀高帝六年命灌嬰立豫章郡其年分豫章南

境立南城縣以地在郡城之南故名吳太平初分

置臨汝縣晉初改新南城江左復舊自後因之○

宋建昌軍治記畧云建昌軍卽臨川郡之南城也

本豫章舊屬邑據江西之上游山多隱逸谷通華

子之岡地富仙靈壇近蔡經之宅有軍山以鎮其

離有肝水以流其惡開寶三年陞南城縣爲建武

軍太平興國三年改爲建昌軍咸平二年詔賜太

祖御書一百二十軸于麻姑之仙都觀鎮柘崇牙

門施行馬挈壺宵警節漏刻之盈虛抱關曉開壯

重城之容衛知軍屯田員外直史館盛公乃命幕

下吏王平叔記之云云○集古錄云顏魯公手書

小楷仙壇碑碑陰附刻衛夫人褚河南虞永興歐

陽率更薛稷柳河東李北海諸小楷俱稱神品志

云碑刻不知何代逸去于時郡中所存止翻刻新

本及我朝正德間一樵豎偶于山澗鋤得之幸

建昌府志勝八卷之八

只斷去一角今篋置郡庫中○文獻通攷云金碧

古文龍虎上經一卷陳氏曰不著名氏麻姑所錄

本無金碧字○按魯公麻姑壇記曰麻姑者葛稚

川神仙傳云王遠字方平欲東之括蒼山過吳蔡

經家教其尸解如蛻蟬也經去十餘年忽還詣家

言七月七日王君當來過到期日方平乘雲車駕

五龍各異色旌旗夾從威儀赫奕如大將焉既至

坐須臾引見經父兄因遣人與麻姑相問亦莫知

麻姑是何神也言王方平敬報久不行民間今來

在此想麻姑能覺來有頃信還但聞其言不見所

使人曰麻姑再拜不見忽已五百餘年尊卑有序
脩敬無塔思念久煩信承在彼登山顛到而先被
記當按行蓬萊今便暨往如是便還即親覲願不
即去如此兩時間麻姑來時若先聞人馬聲既至
從官當半于方平也麻姑至蔡經亦舉家見之是
好女子年十八九許頂中作髻餘髮垂之至腰其
衣有文章而非錦綺光彩耀日不可名字皆世所
無有也得見方平爲起立坐定各進行厨金盤玉
杯無限美膳多是諸華而香氣達于內外擗麟脯
行之麻姑自言接待以來見東海三爲桑田向間
建昌府志勝八卷之八 三
蓬萊水乃淺于往者會時畧半也豈將復還爲陸
陵乎方平笑曰聖人皆言海中行役揚塵也麻姑
欲見蔡經母及婦經弟婦新產數十日麻姑望見
之已知曰噫且止勿前即求少許米便以擲之墮
地即成丹砂方平笑曰姑故年少吾了不喜復作
此曹狡獪變化也麻姑手似鳥爪蔡經心中念言
背痒時得此爪以爬背乃佳也方平已知經心中
念言即使人牽經鞭之曰麻姑者神人也汝何謂
其爪可以爬背耶見鞭著經背亦不見有人持鞭
者方平告經曰吾鞭不可妄得也大曆三年貞卿

刺撫州按圖經南城縣有麻姑山頂有古壇相傳
麻姑于此得道壇東南有池中有紅蓮近忽變碧
今又白矣池北下壇南有杉松松皆偃蓋時聞步
虛鐘磬之音東南有瀑布淙下三百餘尺東北有
石滌觀高石中猶有螺蚌殼或以爲桑田所變西
北有麻源謝靈運詩題入華子圖是麻源第三谷
恐其處也源口有神祈雨輒應開元中道士鄧紫
陽于此習道蒙召入大同殿脩功德二十七年忽
見虎駕龍車二人執節于庭中顧謂其友竹粉猷
曰此迎我也可爲吾奏願歸壑本山仍請立廟于
建昌府志勝八卷之八 四
壇側玄宗從之天寶五載投龍于瀑布石池中有
黃龍見玄宗感焉乃命增脩仙宇真儀侍從雲鶴
之類於戲自麻姑發跡于此嶺南真遺壇于龜源
花姑表異于井山今女道士黎瓊仙年八十而容
色益少曾妙行夢瓊仙而餐花絕粒紫陽姪男曰
德誠繼脩香火弟子譚仙巖法錄尊嚴而史玄洞
左通玄鄒爵華皆清虛服道非天地氣殊異江山
炳靈則曷由蒸鬱流光若斯之盛者矣真卿幸承
餘烈敢刻金石而志之時則六年夏四月也陶隱
居云麻姑降蔡經宅是吳天璽間事○輿地紀勝

云平遠臺在府治東宋郡守張允建地勢高爽眺望江山宛若圖畫取郭熙善畫山水平遠爲名臺之西爲極目亭宋人有落霞斷鴈斜陽裏萬里江山盡不成之句有崇山閣亦在治東崇峰現壯平遠臺之亞也○治西七仙閣舊係城門俗傳仙人黎母盱母蔡經王方平葛仙翁謝靈運鄧紫陽俱曾游陟○登高山在府城內一名高空山俯揖雉堞遠覽江山之勝宋侍郎聶子述舊居聶以制置使帥西蜀有名及致政歸適盜殺郡守朝廷遣將欲屠城子述單騎至麾下力陳民寃乃只殲厥渠

建昌府志勝八卷之八

五

鬼郡人賴之○府城內有侍宸祠按仙志王文卿字安道宣和初遇異人授以掌心雷法奇驗能召風雨賜號金門羽客凝神殿侍宸時揚州旱詔求雨乃仗劒噴水曰借黃河水三尺後數日揚州奏得雨水皆黃濁又文卿預爲壽具題其上云此身是假松板非真半籠俗眼跳出紅塵擲筆卧于棺中是夕風雨雷電交作厥明視之已解化矣祠在治西南玄妙觀中有詩刻在麻姑山逍遙峯頂○治東盱江館本太守陳岐所建在景德寺前卽唐景雲寺也白居易集有景雲寺上弘和尚塔銘序

云竺乾出世法要有三曰戒定慧戒生定定生慧慧生八萬四千法門是三者迭爲用若次第言則定爲慧因戒爲定基根植則苗茂因樹則果滿無因求滿猶夢果也無根求茂猶掘苗也雖佛以一切種智攝三界必先戒菩薩以六波羅密化四生不能捨律如來弟子中稱善持律有景雲大師諱上弘姓饒氏臨川南城人童而有知故生十五歲發出家心從舅氏剎落壯而有立故生二十二歲立菩提願從南嶽大圓大師具戒樂其所由生故大曆中不去父母之邦請隸于本州景雲寺脩

建昌府志勝八卷之八

六

道應無所住故貞元初居于洪州龍興寺說法隨順化緣故坐甘露壇而誓衆主盟者二十年救拔群生故娑婆男女由我得度者甚五千五百七十三人示生無常故元和十年十月己亥遷化于東林精舍示滅有所故是月丙寅歸合于南岡石墳○按紀禪師從南嶽大圓受具大曆初肄業景雲與姜相國輔頰太師真卿本道廉使韋君丹相友善坐姑山仙壇講四分律度男女萬餘人○圖經云盱水在縣東二百一十步一名建昌江源出南當山西北沿流至臨川縣石門名汝水○南唐韓

熙載肝江亭記云江南之肝村有老姥生三子掛五銖衣游于物外久之能變化母嗜魚子日子黎沮溪中取雙鯉爲膳數年挈母登洪之西山仙去當時號爲肝母江或謂因肝真君窮此水源至血木嶺得名白居易建昌江詩建昌江水縣門前立馬教人喚渡船何似往年歸蔡渡草風莎雨渭河邊○中洲在通會門外大江之中草木葱蒨雖春水漲而洲不没人咸異之地識云中洲毛羽出翰林卽此○志云東郭水傍肝江驛卽唐王昕所立客館新亭處昕于廣德初爲南城令獨孤及集中建昌府志勝八卷之八

七

記其善政頗詳○沿肝江而東至中坊寺其城門曰天酒西連七星閣北止天寧寺蓋軍城之舊也○城西池舊有清暉水心冉香碧圓垂絲漣漪六亭環列其上宋許抗詩一上清暉俯碧漣半兼村樹半神仙青山剩得雲間日明月饒分水底天○鳳凰山在城北二里郡之主山也宋太守黃師道建翔鳳曦光望仙凌雲朝真五亭于上側有李泰伯書堂開慶初知軍事雷宜中于山麓築堡城五百三十丈濶濠九百二十丈○觀字泰伯縣人也爲文自成一家嘗試制科六論不得其二曰吾書

無不讀必孟子注疏也擲筆而出及再簡視果然以薦補海門簿召爲太學說書堊鳳凰山下無子孫每歲春秋守令同學官爲之拜掃○觀作疑仙賦其自序云觀家肝江其西十里則麻姑山顏太師真卿有記存焉少北則麻源謝靈運詩所謂人華子圖是麻源第三谷者其山水清媚與仙趾跡相附者在人口吻吾母初無子凡有可禱無不至祥符元年夢二道士奕棋戶外往觀之其一人者取局之一子授焉遂娘及觀生十餘歲從先父適田間宿東郊旣寐有人以書與觀方制如巖袂用建昌府志勝八卷之八

八

黃其目曰王狀元文集夢中以爲沂公之文也就學以來果不甚覺或時開卷愾然憶念謂曾讀此書再思之未嘗見也墨筆著辭雖未善顧出自自然不多勞力私心喜幸以所從授頗靈異而不敢言今茲年三十有八矣乃用自疑作疑仙賦儒者不言仙益患乎傷財舍生以學之者也苟異于彼宜無害焉賦曰噫嘻仙乎爲有爲無爲天之居爲地之靈爲山之國爲水之都爲古爲今爲智爲愚爲崇爲卑爲肥爲臞與人類乎與人異乎將天下之利乎將一身而已乎旣匪聞而匪見我焉知其所

如繫我之生卓犖瑣性地氣殊絕神休合會道惠
公之趨驟犯古人之畿界攀或無高搏或無大戲
釣天之遺音曷慶雲之渥彩意靈物之所右達速
成于當代難得而易失者時哉青春走今素髮催
銜金丹而不售撫道殣而銜哀然則何爲而生何
爲而來已矣乎嵩高降神生申甫收拾中興還聖
至長庚入夢生李白叫噪江南爲逐客今之生我
豈無意二者他年終一得仙人若在金銀宮歸去
來兮誰阻隔○從姑山在郡東南五里以山次于
麻姑故名其形魁然圓頂若人踞而坐登山綠石

建昌府志勝

卷之八

九

磴而上數百級有雙石峙如門名鐵關又上數十
級爲靈峰寺殿閣皆倚巖嵌空爲棧道左有小巖
名觀音山泉聲淙然懸巖下爲井清寒襲人名玉
井又左右石洞查而深黑名玉洞一名伏虎洞中
竇名玉竇洞貫石中石壁立而中裂一痕若齒名
天梯一山巋然當空名天柱據天梯仰窺天小僅
如線名一線天岐出稍上數十級可至絕頂有石
如枰世傳仙人奕于上二江如雙虹自天蜿蜒而
下勝槩千狀真足爲麻姑之從也○從姑秋澤巖
東有伏虎巖宋元符中僧延正夢老父謂曰吾守

伏虎巖二百年今以畀汝翌日大雷震巖東得一
竇可容人沿入其中漸廣周迴數丈得香爐刀器
石榻若曾有人居者○紅屏山在城西五里又名
赭面石其高百仞如赤城郡治目爲印山萬曆壬
寅夏日雷震石罅中擊死一物攝至田中其身如
蛇長不盈尺其大如椽首似貓而無尾不知何物
又其山有數千年楓樹其人形眼鼻口臂而無脚
入山者見而碎之皆出血蓋楓子鬼也人蓋冠于
其頭明日輒得之又有一楓人生樹下似人形長三
四尺夜雷雨驟長與樹齊見人輒縮依舊旱時以

建昌府志勝

卷之八

十

竹束其頭禪之卽雨古人取以爲式盤極神驗此
或楓天棗地之說云○芙蓉山在城東十里高五
里連枝疊瓣宛若芙蓉上有三仙祠宋杜庠詩東
上芙蓉十里遙盤迴路轉半山腰火漆石鼎煎茶
葉水潤枯田灌藥苗松壑晝閒秋早到竹窓風細
暑全消道人愛客來登眺招到仙壇聽洞簫○按
志作西芙蓉山麻姑之來脉也云陟其巔望彭蠡
如盂匡廬如垓大江以南最高處其上磐石週丈
餘深僅咫湧泉四時不竭名玉女澡浴盆○精神
錄云有人于西芙蓉山中伐木木中得肉可五觔

食之如豚志謂此山異草奇花毒蛇巨蟻與他山異信然○萬壽峯在縣西南十里有元和院院門首左右羅漢松二株人數十圍唐宋前物殿堂不施梁棟而成○道書稱麻姑山爲三十六洞天之一系次于二十八小有洞天其高百丈週百五十里發派軍峰奔騰數百里至西芙蓉結爲道場復盤旋三十餘里中結丹霞第十福地又輓輿東行結爲飛爐王仙秦人雲錦諸峯而聚于仙都觀東瞰郡城西跨宜邑西南帶麻源三谷北則豐草長林虎狼蛇蛟居焉誠仙靈之窟宅也□方輿勝

建昌府志勝

卷之八

土

覽云麻姑山在城西南十五里高九里五十步週迴四百一十四里至山麓有尋真亭東隅石磴盤旋山腰而上乍平乍峻至山之半有界青軒對二谷水攀援十里間有瀑布淙下三十餘丈立雙練枕流二亭又登萬嶽旁有石池百餘步乃入山門榜曰丹霞小有洞天至忘歸亭亭踰清流之上有水簾巖夾兩山間東望遠峰烟雨杳靄秀出如畫自是而入地勢寬平膏腴數百畝路之東南隅則碧蓮池仙壇記所謂紅蓮變白今又碧之處也珉琚石介其左由池畔坦途一望間有會仙亭入觀

建昌府志勝

卷之八

土

門澗水冬夏長流乃蔡經宅麻姑王方平所會之處頂有古壇卽麻姑所得道名壇邊杉松皆偃蓋時聞鐘磬步虛之音山頂多石螺蚌殼益滄海變桑田云□麻姑廟在本山相傳卽蔡經故宅開元中道士鄧紫陽初隱此山及遷化遺奏乞立廟于壇側南唐昇元二年臨川王嘉命道士楊體仁重修仍繪圖以獻始造廟宇宋咸平二年賜名仙都觀曾鞏作三門記□雲笈七籤云麻姑宣城人今寧國路有麻坊其地舉皆麻姓麻姑遇老君示以禳除災厄法故寶錄有遺麻姑蒼老等語耆老相傳姑仙妙齡嘗與嫂出山中嫂訝其滛答云適遇女童共戲水傍其來其去莫知所之嫂曰再來則以緋線綴其衣他日如教因踵其後至于大松下忽不見但遺緋線于地掘之得茯苓若嬰兒狀嫂烹之適有故他往姑輒自嘗之就飲其汁殆盡自此得仙姑少時與弟入山拾薪甚難惟姑獨往得薪多弟恠而伺之見姑宴坐林中群鳥皆鳴薪而至歸告其母母強詰其故姑知神異已淺明日遂棄家去莫知所之後數年間忽歸人問何自姑言自青城山回家人見所穿衣垢弊欲使更新姑曰

不須一自拂拭衣裳皆精潔文彩非世物也姑南游吳地至盱江小洞天遂棲息焉唐劉禹錫詩會游仙跡見豐碑除却麻姑更有誰雲蓋青山龍卧處日臨丹洞鶴歸時霜凝上界花開晚月冷中天果熟遲人到便湏拋世事稻田還擬種靈芝劉滄詩麻姑此地煉神丹寂寞烟霞古竈殘一自仙娥歸碧落幾年春雨洗紅蘭帆飛震澤秋江遠雨過陵陽晚樹寒山頂白雲千萬片時聞鸞鶴下仙壇白居易詩籍庭雲色卷青山昔有真人種得仙金骨已隨鸞馭去古壇猶在石巖邊鳥啼花笑空朝

建昌府志勝

卷之八

古

日樹老松高積歲年願學麻姑長不老嶢嶢開宴話桑田□仙都觀宋時祠官典領之所觀後嶺上七古杉圍二三丈高切霄漢名七星杉正殿左側爲鄧紫陽墓先是玄宗遣中使送櫬還本山明年改塋棺中惟有玉簡香爐而已石櫬猶存按紫陽名思瓘臨川人開元中應召能使神兵以却西戎雷霆中影影見焉西戎退帝益神之二十七年感虎駕雲車之異而化石刻輓詩玄宗所作詩云太乙三門訣元君六甲符下傳金板術上刻玉清書有美探真士囊中得秘書自茲三醮後翊我滅殘

胡□范攄雲溪友議云麻姑山谷之秀草木亦奇鄧仙客至延康四五代爲國道師而錫紫服洎自京輦歸葬本山則尸解也今悉爲丘壠松栢相望詞人經過興詠不下千百忽有一少年題絕句云鶴老芝田鷄在籠上清那與俗塵同旣言白日昇天去何事人間有殯宮末書天嶠游人自後無敢題詩者而鄧氏之名亦因漸泯志謂此紫陽之姪德誠也墓在姑山常隨紫陽侍禁中玄宗奇其穎異以巾簡授之曰他日必爲教主紫陽旣化召至禁中時石堡爲邊患請燃燈七盞以象北斗焚香

建昌府志勝

卷之八

古

冥祝一燈飛去若流星而石堡城中正以此夜灰燼云□仙都正殿右有御書閣宋皇祐三年御書明堂及明堂之門篆飛諸體藏諸名山麻姑與馬李觀爲之記去仙都三里有秦人洞相傳秦時逃難至此有樵者見之其面黎黑追則走疾如飛鳥有題詩云秦人雖甚苛秦吏若猶拙山林不數里便爾逃得脫此李泰伯作也洞下爲虎跑泉泉側有玳瑁石琢之可以爲器□本朝胡中丞栢泉其母夫人夢麻姑山松處士托生故以爲名及貴雖在軍旅中得暇卽面松默坐此事見公本傳按松

滁陽人世廟末年爲都御史巡撫江西有祠在山麓祠前松二株名唐大夫松卽中丞公母見夢者元時曾枯死數十年至本朝復茂□去觀數百步有橋翼然所謂龍門橋也架石澗上石峽束水倒流又名三峽橋石罅出泉極其冽取以釀酒名神功泉卽麻姑酒也故老相傳先年泉出如酒色微紅飲之醉人想爲諸仙丹液後人以穢器取之色變味淡然比他水尤勝絕□龍門橋傍桃源洞相傳其中有千歲老蟠橋下水簾洞懸瀑如簾隱隱若半月一鈎掛壁其洞明敞可容數百人紀勝云

建昌府志勝不卷之八

五

洞在金龍潭側沈彬詩有水簾巖底見龍眠之句□龍門橋左壁豎一小碣云唐詩僧墓昔有僧游仙壇歸題詩于石有自從宴罷歸來後寶殿瑤臺空月明之句一樵者弛檐頃戲于自字上畫一字他日僧見以爲自不如一之工忿而死塋此壁下至今一畫未泐又名一字石○丹霞山在麻姑西七里道書第十福地宋時有觀祀浮丘王郭二仙觀西七里有洞彌望皆黃茅白草其山舊名出雲山紹興中人見坡下有小菴一道人兀坐觀書字畫奇恠似非世間旁安矮榻前有一穴風從中

出名風洞又有祥符觀其三清星宿仙官諸像皆鐵爲之有古鐘一口及齊王景達畫像□謝靈運入華子岡麻源第三谷詩有云銅陵映碧澗石磴瀉紅泉皆山中景也攷麻源西距郡城十五里過駝鞍嶺循溪而入多茂林脩竹有靈豐祠祠內設夢牀夢枕其側爲雲門寺寺前古木森列飛橋跨溪上憑欄俯臨丘壑如畫寺後層巒疊嶂有太霄觀西入數百步四望虛豁平田沃衍銅陵石磴在其右華子岡緒經臺在其左所謂華子相傳九江人角里弟子受仙隱靈寶方服之曰行五百里舉

建昌府志勝不卷之八

六

能千斤一歲十易皮如蠅蛻後乃仙去翔集此岡繡經因謝康樂名也又有田南田北柵前柵後雲蓋諸軸紅泉碧澗名殆不一總謂之三谷第一麻姑山南澗第二北澗第三雲門寺前□雲門院乃唐德琳禪師卓菴之地院後寢堂取謝公經行之處立康樂軒宋元豐中僧思顯善書太守陳繹命書卷石巖三字于寺側巨石上石臨溪有卷阿之勢□夷堅志云雲門寺多魘惟常有游客至主僧邦彥館之于三門傍小室冬夜附火不覺昏睡及開目見一物長三尺蓬髮鬚髯正相對坐客驚呼

出戶僧聞之笑視曰何害何害原非別惟是蓬頭小鬼耳○紀勝云麻源銅陵俱在縣西十五里有三谷循溪而入中有銅陵谷口諸橋唐釋靈一送陳元初卜居麻源詩欲向麻源隱能尋謝客蹤空山幾十里幽谷第三重巖宇寧瀟岸何木不待縫因君見往事爲我謝喬松紅泉在三谷張銑文選註云泉自丹砂中流出故其色紅山居賦亦云賦紅泉于丹砂是也然以康樂自註山居賦攷之半岡林源俱在始興山今浙江紹興之上虞縣界但自顧魯公引用已來相沿不改耳○丁紹雲石建昌府志勝卷之八

七

門亦辯之非臆說也○志云東界山在縣東十里宋元祐癸酉冬甘露降于山頂松栢受之沾凝數十里逾月而釋太守王敷猗神液亭其上距五里有高志潭其深莫測宋元豐間有沒而捕魚者信宿乃出云潭中近驛路有石巖廣約四五丈穴復高燥時陰晦直入巖底遂迷所出明日霽巖穴映光尋得故道而出○蛤湖在縣南二十里有石滌百丈飛瀑淙下入湖中多產蟹蛤宋治平寺碑云蛤湖石鑑卽其處○天湖在縣東四十里五藏巖之側一石山如困高逾數百仞其頂有田數十畝

極旱而常稔名曰天湖○五藏巖去縣五十里石勢相仍前層後疊形若洞然洞前有溪溪流縈帶而出中卽石困左右翼出高七八丈橫開一巖深踰數畝又其田中一石高八九尺方平如棋局近石羅列小石峰數十刻畫如畫視之可愛世傳爲仙君石○仙人巖與五藏巖相近臨溪峭壁數百仞五巖連屬深廣各數丈上二巖有棺二具小瓦石乎其下餘巖散木縱橫如天氣晴明巖中光彩動搖隱隱若一童子出沒其中舊傳望仙巖有仙宋政和中政和中邑尉安時留題有仙骨留來不記

太

建昌府志勝卷之八
春仙巖石欲化爲塵之句○鑄錢巖在縣東五十里覺海寺一望間其巖在平石之際橫廣數丈中有石座高數尺上豐下殺宛如佛龕石背有小竇僅廣三尺斜袤深一以瓦石擲之如撞石鐘移時方息里老云昔巖中多破壞古錢因以爲名○鑄錢巖之東爲綿纏石其初低小凡禱者以綿一幕纏其上今漸高大雖綿十倍繞不能過○落峭石在縣東南六十五里飛猿水邊鬼戕嵌通數里可望謝公詩朝發飛猿嶠暮宿落峭石卽此樂史云落峭石去飛猿館百十有五里○白雲山在縣南

六十里唐時有虎巖師仙化其上宋楊傑詩白雲隨師來師逐白雲止山空師何在木末白雲起○磁龜在縣南七十里石伏溪中若龜人曰此磁石也其地罕覩若舟之艤于絕巘而其水之滙而出也若門門之外人可躍而過自是犬牙阨塞水行嵌窞間衝激怒號凡袤四里注爲瀑四時如雷鳴俗傳其下爲九龍之窟自上世以來未有窮其處者如是凡十五六里山始開水始平又十里乃達于肝江 余幾記游磁龜畧云由梨木灘沿小溪溪水清激韻中琴筑絕可聽人居半山曲接竹

建昌府志勝入卷之八

尤

引寶泉入厨間至數十丈每弗茨瞰高倪入幽邃雞豚魚鳥隱見雲氣使人卽之者咸以爲有異世桃源之想焉數里入孤川上緣藤磔磔下皆冰雪水流兩崖逕其間大石塞道下墜深壑以大藤緣而過過磔前後凡六涉溪水亂石碁峙急流淙淙濺濕人面至不得側足立力少懈苔滑幾墮人足五水深廣加其半逮陰山麓乃蹲焉陰山無陽光崖木槁積土石硝發攀琅玕履瑤瑤被珠璣披戈劒踰時乃出山半縈長腰而望乃見前峰又一渡水一捫嶺如蛇升水而昂其首者再乃盡嶺而見

民居焉○魚輪山山下有潭人呼爲海眼旁有龍廟成化中旱巫者主壇命兒投鐵符潭中雷雨立至一黑犬迫兒沒入水中右去磁龜里許○文獻通攷雲壑隱居集三卷陳氏曰南城蔡柟堅老撰宣和以前人没于乾道庚寅魯公卷呂居仁輩皆與之唱和○周易變卦自序我 明嘉靖八年夏良勝以罪繫獄中作良勝又有進大學衍義表按公字子中仕至太常寺少卿以諫南巡得罪謫知茶陵州

南豐縣在府南

建昌府志勝入卷之八

辛

寰宇記吳太平二年置隋開皇九年廢入南城唐景雲二年又置先天又廢入南城開元七年刺史盧元敏奏田地豐饒川谷重深時多剽劫乃復置宋因之元曰南豐州 國朝仍爲縣○沿革志云太平二年初置縣曰豐因徐州有豐縣乃加南字以別之實漢後主延熙十九年也其地常產嘉穀故又名嘉禾按通志唐開元中縣宰游茂洪始徙治于嘉禾驛開成二年再徙西理坊卽今治宋蔣之奇題嘉禾驛詩肝江清淺見游鱗百尺飛橋跨碧津行過水南看更好風光駘蕩百○方輿

勝覽云南豐縣有麗禾石宋紹興四年五月十日風雨晝合雷震石上圻裂成大字縱橫交互不可識乃鏤板傳觀有道人辨之曰此介嘉泰稷字也既得其譯競熟視之果然自是郡境屢豐按在縣東四十里又云近南城寰宇記云盱水在縣西南源出南當山流經縣下至南城界入撫州按酈道元水經注盱水出南宮縣北流南昌縣南西注潁水豈南豐字誤而爲南宮耶宋元祐辛未張商英爲江西轉運使疏鑿以通運道然水勢蕩沙不時壅塞春夏可通舟楫秋冬止容竹筏而已自廣

建昌府志勝八卷之八

三

昌流至縣之京潭乃止盱水自此直下與新城水合爲郡大江亦號盱江志云花園在縣治後今名花園背前代春月官司開園縱民游觀迴闌曲檻花卉叢茂有塍坊錦園之號城中西理坊有江樓宋劉元載建爲南唐節度仁瞻之曾孫生長名家多才嗜學手抄古書千百卷與魯密公爲文輩友于安禪寺南築長隄架層構榜曰江樓占江山之勝號江樓居士曾致堯詩劉八江樓雅詩家不易言春風花對岸夜月水當軒卽此處也安禪寺舊名禪丘宋治平中建江樓之下爲秋雨堂

魯密公被遇太宗適江南歲旱所部以狀聞帝因語密公以外帑之藏朽貫莫校公對曰未及江南一夜秋雨之富也後以名堂治南二十步舊有江南李主所建靈都觀國舅魏表童棄官學道開山名元真觀後改靈都輿地紀勝云南山去縣二百步每歲重九邑人登高于此四山環青天水一色稱上盱勝絕之處東宜春門卽朝天門也門外里許有湖曰萬歲今名蔓翠湖湖口水流會于盱湖側有三將軍墓相傳勦邑之初瘞劒印戟三物于乾方以厭兵火仙君嶺在縣北揖仙門

建昌府志勝八卷之八

三

外曾致堯築室讀書其中忽日羽衣七人披髮自外至環坐室中須臾不見後以語方外咸曰仙君下降超遙臺在揖仙城北隅卽琴臺也唐獨孤及爲宰月夜携琴登臺有詩云年長心易感况爲憂患繩壯圖迫世故行止兩茫然王師方伐叛虎臣皆披堅魯人着儒服其就南山田學榘上登高超遙望平川滄江大如縋隱映入遠天荒服何所有山花雪中燃寒泉得日景吐雷鳴潮潮舉杯勸白雲唱歌慰頽年微風度竹來韻我號鐘絃一彈一引歸耳熱知心宜商終余亦酣起舞山水前人

生幾何時堪爲百憂莫今日鷄愁破始知濁酒
○西迎肝門外臨溪石佛潭中有蒸餅石歲饌則
見其大如箕里人聚天下太平四字溪之南爲南
臺山宋開覺禪師于此運沙築塔壇工砌之上大
下小望之卓立于雲漢夜靜鈴聲達數里外舊傳
其上銅蓋銅瓦約千鈞有人南澗繞南臺山下小
南澗在縣南二里發源牛頭坑神龜岡在縣東
北五里王侍宸尸解之地按侍宸諱文卿字安道
南城人少游方外將渡楊子江遇瞑館老嫗家
見案上異書因得縱抄至天明乃息在樹下初無

建昌府志勝不卷之八

五

館舍也既渡復遇人自稱爲玉府火師授以秘文
自是法術有驗及應召還山欽法書劍印藏之軍
峰石室而化○碑亭在縣東南十五里溪東亭覆
歐陽公及王荆公所撰曾公肅公布兄弟神道碑
其傍崇覺寺蔡經書額曾公請爲功德院以祠其
先云○按志肝登進士自曾致堯始官西川安撫
文集凡二百卷以孫布貴追封密國公五子易簡
易占最知名○易簡年十三舉禮部試清明日煬
新火詩令節傳龍蠟君恩賜近臣乍燃烟尚短初
出烟猶新于時盛傳之召試舍人院卒○易占用

蔭補太廟齋郎以子貴追封魯國公子六韋布聲
最知名○鞏字子固世稱爲南豐先生者登嘉祐
二年進士力爲文章本原六經斟酌于司馬遷韓
愈歷知齊襄洪福明毫滄七州入爲中書舍人時
除吏日數十人人舉其職事以戒辭約義盡與歐
陽脩前後齊名有元豐類稿行世先生讀書在南
源莊有詩曰牀頭不廢看青山門前更踏南源路
○鞏字子開治平四年進士爲文溫潤有法歷官
十一州入爲中書舍人與兄布同居翰苑時人榮
之謚文昭宋史謂其博覽經傳而有能吏才著曲

建昌府志勝不卷之八

五

阜集行世○布字子宜與兄鞏同榜自瀛州移知
江寧府與弟曲阜公聲易地人亦榮之徽宗朝爲
右僕射累官觀文殿太學士封魯國公謚文肅○
布子紆字公堯號空青以詞翰名世有志節上書
辯雪宣仁誣謗官直寶文閣知衢州中興曆云建
炎三年勤王有檄至湖州守臣梁端會稽紳謀之
衆未及言曾紆曰此逆順甚明出師無可言者趣
端張榜用建炎年號其壯決如此○石仙巖在縣
西十五里南唐昇元中張天師遠孫洞宣自龍虎
山來聚石爲壇作石室方廣二十丈脩煉其中先

是巖爲軍山神栖飛石擲人人不敢近洞立巖村
石壁上惠始息今五指掌印壁上隱隱猶存巖初
名石仙觀後改冲寂至宋太宗世觀內寄迹有冷
真人無知之者惟縣尉王博文與之往還一日詣
王別云欲有所往乃坐蛻于巖前椅樹穴中時咸
平辛丑歲也至治平中樹穴復合縣官斷而視之
其貌如生實祐癸丑風雷拔樹仆地軀尚儼然○
東十五里爲東林寺唐開元年建曾致堯有題寺
壁云江南楊柳春日暖地無塵渡口驚新雨夜來
生白蘋晴沙鳴乳鴈芳草醉游人向晚前山下誰

建昌府志勝

卷之八

美

家賽水神○西五十里齊雲寺亦開元年建宋乾
德中因掘地得銅鐘內覆白石大士治平中賜名
慈雲邑人朱彥齊雲院詩玉像傳香火金鐘警旦
昏建藍知有自種德豈無門善力歸慈母餘波到
遠孫看碑應墮淚空洒舊松根仁宗嘗覽彥謝官
表有揚航數舍江山無跋涉之勞持節十城兄弟
有交承之幸喜曰朱彥真才士他日語張商英云
近日制誥文氣凋弊可具文采十人以聞商英首
進彥上曰得之矣可中書舍人商英曰彥已刑部
侍郎上曰使立班特在六侍之上○朱褒題齊雲

詩云崩岸落雲外怪石相交撐穿林出蒙密忽
見青山橫古寺瞰山腹飛檐浮太清寒流出其右
泓瀦循堦鳴我昔作勝游芒鞋弄飛輕今來四十
年白首徒自驚高僧延我入巾冠聳崢嶸假榻寄
清夢飛泉夜澎湃殘燈間奕棋勝負時分爭機心
亦何有戰罷漫虧成鐘聲隨曉風昂宿西南傾驪
駒僕在門吾亦問歸程衰與弟京同舉進士朱軾
之子亦南豐世家也○寰宇記云軍山在縣西北
二十五里下有神祠能興雲雨歲旱輒祈之其上
產斑竹蒼翠挿天自衡廬而下此山爲第一有三

建昌府志勝

卷之八

美

仙祠王母池羅漢石金沙洞頭陀峰山茶洞桃花
源諸勝三仙卽三應祠也昔晉有得道于浮丘山
者王衷郭奴共師之他日三人相與出山約于江
南絕頂會聚未幾王郭相遇于孤荷橋已同尋師
不得乃歲一會于華蓋山王亭館復同飛馭至軍
山居焉今遠近祠禱日恒數百人身心不潔則跬
步難進至有僊仆者曾子開軍山廟記畧云山南
豐之望也攷圖記其高十有九里餘二百步其上
四峰崛起望之蒼然其傍飛瀑一瀉千尺其下爲
龍穴投以鐵石雨輒注其產竹箭財阜利及比壤

縣固多大山而茲傑出見于百里之外其勢險氣秀若蹲虎兕而翔鳳鸞宜其能出雲雨見怪物給民財用以爲此邦之望也舊傳吳芮攻南越駐軍此山其將梅翁祭焉禮成若有士騎麾甲之狀彌覆山上因號軍山邦人祀之蓋自茲始唐開元中復見靈跡迺大建祠宇承祀益虔其廟屢徙今在盱江之陽距縣七里者南唐昇元三年之遺址也元符三年丞相曾公布奏賜廟額廣而新之屬其弟肇爲之記云□軍山下護國寺有德齊禪師俗姓潘脩行于此不下山三十餘年形如枯木善陰

建昌府志勝人卷之八

寺

陽知人禍福嘗于暑月濯足溪澗有小龍數十蜿蜒足旁○志云縣西三十里龍池橋壁上山石古惟巉巖有圓光二十四徑三八許石疊隱然若世俗所謂羅漢者因名羅漢石其處又有羅漢峰石獅口鼻額具足頂有兩湖相隔若日月名日月湖○雞籠峰在縣東五十里如雞籠狀上有窾如杯以石投之玆然不知所止或塞之則聲愈怒而窾復通○桃源寺在縣東六十里唐天祐二年有謝禪師者自閩中開山于此忽日以兩缸相合坐化囑小師七日後開缸小師先二日開之禪師即步

入化城寺踟蹰而逝舊名覺源宋治平中賜額有塔在寺洞中爲禪師藏骨處相傳孟太后避兵曾經宿焉明胡寬覺源環翠閣詩靜聞寒犬吠雲根自掩柴門閉水濱四海未清眠不得此身猶欲畫麒麟○白舍鎮在縣西南六十里鎮之東有康太保廟先是土人謝氏之居冬夜宿火地爐有香菌生火中亭亭如蓋次夕神見夢曰種菌子爐中者我也子能福我我當福子謝乃徙居爲神立廟○縣東南八十里有僧坐化山頂衆鳥嚙土蔽身已半牧童戲爲剔之僧乃去入閩界壁立峰跌坐而

建昌府志勝人卷之八

天

化人名其處爲禪山舊經云禪山遠望如定僧端聳而坐山側相傳有金船時時放光卽此○壺公巖在縣西九十里紫霄觀後昔有懸壺先生委蛻于此巖有梯雲洞穿石磴百餘級方至洞口巖巖巘絕人不能到有羽士拜黃籙齋戒而上見洞中一木榻堅黑如沉檀久而不壞又有石函貯七星劍木匙及五色鎖子骨又有小木船及桅竿不知何故□紫霄觀本唐壹先生道場初勸殿爲玉皇像有仙鶴搏空來朝觀下有半霄巖上有昂霄閣閣側有環翠軒飛芝軒古松一株圍過三丈昔道

士李洞卷不知何許人仕觀已百餘年童顏不衰
忽作詩辭去云游子離魂隴上花風吹浪捲到天
涯一年十二回圓月十一回圓不在家○百丈嶺
在縣西南八十里高可百丈與建州將樂縣分界
○宋呂潛南人測幽記曰熙寧中農夫游鰓魚鰓
劉氏浴于溪遇黃人迫之有嫖期年產兩鰓魚鰓
異以大缸貯之水中須臾雷電晦冥魚失其所甫
三日劉亦死葬于溪東磯阜之旁連日天雨溪大
漲衆見兩魚游繞墓旁所行處輒陷里人呼爲
龍母墓在縣南八十里○少時聞人吟落花詩有
建昌府志勝入卷之八 无

云拾得紅英不忍殘慙慙更覓舊枝安情知不似
開時好猶勝磯頭水面看不知作者及閱南豐志
乃知爲縣人李商卿作其名楫八十餘吟筆不衰
此特其碎金剩璧云○搜神記載臨川聶包死數
年忽詣南豐相沈道襲作歌其言笑甚有倫次歌
曰只聞行當歸不聞死復生

新城縣

在府東南
九十里

本南城東境宋紹興八年新立縣故曰新城或云
晉武帝更南城縣曰新南城取名爲新存古意也
中興小曆江西安撫使李綱轉運使逢汝霖合奏

畧云伏觀本路建昌軍兩縣繁劇爲最非各添一
縣則難以督租賦息盜賊制曰可于是分南城上
五鄉就黎灘鎮建縣邑號黎川以此○志云黎水
源發福山之赤帝澗及巖嶺流四十里至孔家渡
卽今南津雙港也或云水自黎汾祖墓傍出故名
雙港合流至本縣又西北經峭石至郡城下一百
四十里而會盱水○輿地紀勝云三清樓在縣城
東邑何淵何潛何濱同登慶曆進士淵謚清節潛
謚清敏濱謚清忠後人闢江起三清樓以紀其盛
焉余攷科目志慶曆二年榜只有何潛無淵濱二
建昌府志勝入卷之八 子

名未詳其故○照碧亭在縣北二里仙居觀之左
前向石峽下臨深潭治平中無爲楊傑游此題詩
有山水相照碧之句故名其詩又有右顧唐相碑
下有天師宅古人安在哉劒履空遺跡三句蓋唐
相鄭畋撰鄧仙師墓銘碑在觀廡下又有新刻二
石並存昔鄧延康住此觀殿後古塚相傳藏劒履
于其中去觀里許地名城頭古廢宋城縣城址也
○溪老東資福橋始名千羊舊經云昔有傳舍在
溪東縣官索羊于里人不與因曰當喪爾千羊遂
遷舖于溪西使造橋困民民日用日蹙後郡幕王同

過此今改舖還舊仍易今名○日山在縣西陽漢形勢峭拔日初出此山先見之上有井深不可測一名天略俗呼爲日岫海門○西溪去縣西南十里宋儒呂南大君子溪上善古文章詩歌自號灌園先生嘗修三國志先朝齋名曰袞斧○五福港在縣東十里發源閩之杉關菡蒲塘在縣東南二十里其處有坐禪石大數圍石上有古人跡一雙縣東南二十里山澗中黃沙石上有馬蹄膝一傍有蹄跡五世傳仙人騎馬憩其上○龍泉寺在縣南二十里地名卓陂有地孔徑尺餘水深不

建昌府志勝八卷之八

三

可測父老呼爲海眼○陳高祖先墳在縣東二十里地名小合嶺其西名東山障世傳初葬時有神出謂霸先曰急行勿回首高祖行至三十三步忽復回顧神曰子之興止三十三年矣其後果驗○鶴源在縣北三十里慈源寺前後臨廣阜復際澄澗每有靈鶴飛鳴水上○東園嶺在縣西三十里因唐東興縣得名晉史載東興嶺卽其地嶺之西有二山平坦可容數千人一名上桂一名新荷南唐時土人避亂置柵山頂至今耕者往往得箭鏃皆陶瓦所成上桂則平岡廬原謂之九里原口有

廟○廢東興城在東興鄉石門里地名城口臨川記曰東興人家墜木甕于九龍井後得之樊溪其渚中今九龍井尚存○石籠在縣東二十里宋王綱石籠游記云龍安自陂下東入其山蹶浮雲而上之極十里有群石環會突立石頂有雙瀑淙下有石澗廣六七尋傍無荒茅荏葦之穢而其水無泥沙清冷可啜游魚沉泳靡歷可見而水間之石或峭然如巖或剝然如臼或偃然如槽或落然如孟端正瑩澈類非鑄鑿之所能及凡若此行數十步卽至其所謂石籠者狀類巨槽而圍圍斗壁上

建昌府志勝八卷之八

三

澗五丈會一澗之水而環之已卽後泄而爲澗前之巖者槽者孟者又紛羅錯列亦無苔蘚泥沙之穢焉由此少進而澗下之石乃坦然成盤縱數十尺盤之中直發小岫廣纔盈咫而一澗之水又悉流于盤之下其聲瓏瓏若雷窺其底廣深不可窮而水洶洶可愛熙寧九年余在龍安時與諸生尋泉流乃得其處于是樂而忘歸焉夫天作而地藏之以遺其人者可謂至矣惜其不出于通都大邑之郊而藏乎窮山絕壑之下不爲好游而有勢者之所知也使專時爲柳宗元李愿等見之則其爲

名也豈特石潭盤谷之比哉○淨居寺去縣三十
五里川谷幽邃景物珍絕楊次公詩達人到岸不
須船留寄寒雲幾百年欲問上方多少遠爲言先
過淨居天○寰宇記云南城山舊名覆船山天寶
六年改名按通志福山在縣西南四十里邑之鎮
山也舊名覆船山唐懿宗更賜今名宋儒朱晦菴
嘗講學其中祠堂尚存其詩云迢迢百里外望望
皆闕山皎日中天揭浮雲也自開闢福山寺紹隆
禪師得道之地寺後有文殊臺昔文殊大士示現
于此有七佛嶠亦名七佛淵世傳鴻存登山于此

建昌府志勝八卷之八

三

見七佛有忘歸石禪師每坐說法瞑而忘歸有紹
隆嚴童子峰乃師得道日天仙童子降迎之所絕
頂疊嶂橫空晴嵐凝碧亭榭相望前賢碑刻具存
○豐南洞在縣西四十里石崖間可達南豐縣故
名曾有秉燭入洞欲窮其路盡七燭未止疑懼而
返其處有水壺水發源自閩泰寧之李嶺清冷斗
瀉若出自水壺中○蕭曲峰在縣西南四十里每
有靈禽鳴呼幽咽其音如簫管故名○志云唐相
鄭畋所鑿隱泉在縣西北四十里其井底鋪銅爲
之○金籠山在縣西五十里上有長生觀下有孔

林爲宣聖之裔○飛猿嶺在縣東七十里謝康樂
詩有朝宿悲猿嶠之句卽其處也後人訛悲爲飛
宋末豐令傅異詩參差茅屋帶村烟驛路崎嶇不
憚邊風物盡成三谷景溪山分斷七閩天夜猿乘
月悲霜樹秋葉和雲瀉澗泉謝守游來幾千歲何
人能爲續佳篇按志作飛爲嶺又作悲猿嶺其實
一山也飛猿水源流此嶺沿流入肝江有飛猿館
登之可望峭石按飛猿港在縣東五十里合藍田
溪北至城下岸傍有穴世傳仙人換骨處其內棺
器尚存春月神仙來游人或見之時有異香山下

建昌府志勝八卷之八

三

一石方廣三尺餘上有脚指全模其大倍常足名
仙人石○縣東七十里有烏孤峯一峯特起如鳥
孤翔○縣南七十里有危王墓五代時巢賊之黨
黃可思竊發危全諷弟曰仔昌者聚衆保鄉里相
拒逾年力戰而勝歷官新撫僉信四州刺史後爲
楊氏所敗奔杭州有子改姓元名德昭字明遠事
吳越掌文翰錢氏用兵閩都機務悉委之累遷丞
相贈太保至宋太宗朝元終爲參知政事則其後
也○宋新城蕭雷龍字顯承登景德三年進士通
判衢州權知府事元兵薄城下勢不可支將趨閩

爲恢復計西安武人執以媚權縣劉聖仲劉素與
蕭有怨殺之後聖仲北行泊舟小孤山有巨艦衝
前建大旗書曰蕭知府兵繼見雷龍坐船上聖仲
大呼左右或有見者有頃卽死予意此卽江湖所
祀蕭公也附錄于此○郡志有蛇舌巖註云失其
處按聖政記中書右丞建昌王溥遣人來言近督
工以財木建昌蛇舌巖衆見巖上有黃末者歌曰
龍蟠虎踞勢岩巖赤帝重興勝六朝八百年終王
氣復重華從此繼唐堯其聲如鐘已忽不見予意
國初采木多在蜀地此蛇舌巖疑爲建昌越舊諸

建昌府志勝八卷之八

三

衛非盱江也

廣昌縣

在府西南二
百四十里

宋會要云紹興八年安撫使李綱等以南豐縣舊
管六鄉濶遠難治奏析上三鄉置廣昌縣三鄉曰
天授興城南豐實其南境也因道通二廣而屬建
昌故以爲名○周必大學記云嘉泰二年奉議郎
朱陽曹進之來宰邑金芝產于縣廨嘉禾生于田
間政可知矣先是邑令王珪建平西臺于治西北
故廣昌邑號平西○通志云軍營嶺在縣北一里
世傳吳芮征南越時遣將梅鋗營其下謂前多稻

田左右皆平阜惟北嶺獨高舊志載在南豐縣志
未立廣昌時耳稍西有山童然無草木勢若雲屯
色如鐵積名烏石雖天朗氣清滄鬱不改○輿地
紀勝載天堆者在縣東南江流之中紹聖甲戌一
夕雷雨大作有聞沙礫之聲旦日視之屹然一山
高丈餘童謠曰天雷飛石頭一夜成汀洲五十年
內卿公侯暨至立縣恰四十五年至淳熙十一年
何坦始登第官學士○志云劉季尖在縣南五里
尖者嶺也世傳漢祖曾登之上有壇平坦水旱疾
疫必禱焉下有漢王巖瑩然如掃樵夫野叟咸神

建昌府志勝八卷之八

三

之不敢入而紀勝載南豐縣西八十餘里有陳平
嶺相傳漢丞相平登焉稍東有水口鴈塘冬月蘆
花生鴈多聚此○聖棲巖在縣西北七十里有
乳泉二派元縣人揭伯相易名靜樓作詩云蒼石
墜太古危根儼空懸溪流走其下百折不得穿上
有孤亭峙遙禮巖中仙妙哉雙古乳玉液清涓涓
攀蘿躡石磴一飲銷煩煎曉從諸子游過午未擬
還車廂沒林藪側徑忽倚天登高得素願異境相
縈牽乾坤辨清濁惟詭如雕鐫自非神仙者能絕
穀粟綠寒飈近昏黑巖上招青猿陰火夜出沒百

靈耀旌旆緬懷謝康樂開我三谷杳茲行寫爲圖
益與靜者傳○米洲潭在縣西北七里故老相傳
陰聖墓下有一洲號曰米洲歲熟則洲草茂凶則
洲草枯牙梳嶂在縣南十里嶂有三穴大風自
出當寒則暖當暑則涼縣東北十里有黃土巖
雷神居其內有燕巖在黃土巖徑口石罅僅容一
人其中深廣不受風日梁燕至秋皆蟄其中○潘
田山在縣東北十五里山下巖廣百步林木茂稠
人迹罕至有程禪師隱其中人莫知也歲旱着蒼
褐立巖上謂人曰將爲霖雨鄉人競齋之旣而雷
建昌府志勝八卷之八 三

雨大至如桶注水人號之爲程水桶歲餘化于巖
中○石壁潭在縣南十五里臨水石壁高三十餘
丈上有海眼昔人于溪上滌甌漂去至龍潭而沒
他日于石壁上俯瞰海眼見一物以繩鉤即舊甌
也○中華山在縣東二十里巖然獨秀上有浮丘
王郭之祠縣志又有東華西華金華三山金華夜
見金光西華有古叢桂東華在南上里超絕于諸
峰○寶陀巖在縣東北二十里中有靈泉疫者得
杯勺輒愈壁上鐫詩則本朝家宰邑人何文淵作
也其詩云仙人西方來手持白玉斧劈開蒼石巖

雲烟互吞吐高空千餘丈深淵五千步四時總是
秋六月不知暑清泉縹石澗香風繞窓戶雲移樹
影斜花落雞唱午龍歸月正圓大吠天欲曙山搖
覺撞鐘林響初擊鼓天台與蓬島未必能勝此來
游佳三日酷愛神仙府題詩鐫石壁記我爲巖主
先生字巨川椒丘先生之父王象之云縣東二
十里龜潭舊有龜出潭面巨者徑四五尺近日亦
時見之潭畔萬氏所居其堂號發一竅極深內多
寶器築以上或謂龜穴在其下○金障山在縣西
北四十里高出雲表如屏障縣治之鎮也○學溪
建昌府志勝八卷之八 三

自金障發源經永興院縈紆遶學分爲二溪一自
拱北門入循舊河一自外遶迎恩門至學前城外
仍合流于佛流口入河與盱水會永興院在縣
西南水之源曰佛流源水之口曰佛流口若老云
古有木像自水口逆流而上卽其地建永興院焉
○白蓮池在縣西南五十里唐儀鳳間居民曾延
種紅蓮其中數年變爲白于白花中得金範觀音
像因捨宅爲寺後一年白蓮又變爲碧稍西有虎
巖唐光化中僧惠政來掛錫未幾旱乃于巖上曝
身祈雨日見二虎伏于巖側輿地志亦載之○縣

東七十里禪嶺唐明皇世有僧結菴其上跌坐不食者凡十年一旦化去里人祀其真身下菴龍溪在縣東北八十里發源高陂流入石門通臨汝宋樞密李山甫愛其山川佳勝自南城來居號曰龍溪釣翁血木嶺在縣南一百二十里肝水發源之處肝烈真君遂蛟窮源至此始知之自血木二百八十里至南豐自南豐自二十里至府東南與新城之飛猿水會梅嶺在縣西南一百二十里與贛州廢虔化縣分界上象之云廣昌上流梅嶺之水出焉廣昌長上里有空軍山以俯視南

建昌府志勝

卷之八

元

豐軍峯也突兀萬仞中有巖洞佛相獅龜錫袋棋盤水簾諸石形悉天然分布左右古人贊剡于壁十四字云是不動尊王佛現此金剛不壞身宋景定間樞相陳崇禮名其樓曰光明堂曰觀在菴曰覺林門曰雲關本里有松花山嘗有仙鶴來巢松上其樹開花如蓮安上里有金雞山昔人見金鷄于此逐之飛入穴中明日復于山後見之而羅不可得方知一竅相通又有陽石磐石也上容千百家里人避兵于此今名陽石磐德興里有石壁出泉白如乳泡沫皆成佛面名佛面泉

縣西南有黃潭嶺形家者言邑乃牌形住牌頭出公侯住牌心斗量金住牌尾神靈異今何氏住牌頭出顯官揭氏住牌心饒于財張巡廟在牌尾禱多應

瀘溪縣志

萬曆六年新設本宋元祐之都巡寨也其境東西九十里南北八十里設縣始于令長孫文政越三年八月築城成則知縣陳王廷也周廻五百丈廣八尺高一丈五尺濠廣七尺深如之瀘民朴而尚耕縣門外卽田也故有辛犁春雨之景瀘溪發

建昌府志勝

卷之八

單

源閩界之黃石口其水深黑故名又有稅溪龍溪稅溪曲礪椒澗諸水皆匯焉里人孫奎著有曲澗稿續郡志云瀘溪有牛耳石在法水寺之右舊傳漢南城縣治也去縣十里有梳粧樓石刻云宋哲宗妃石氏膏沐之所縣龍溪傍有宋樞密副使李山甫墓又有宋通判饒廷直墓在翁嶺宋隱士黃叔美墓在水東元隱士陳子野墓在陳坊

吉安府

在府城西南
五百九十里領縣九

中六

秦置廬陵安平新淦三縣以屬九江郡置安城縣以屬長沙郡後漢興平初始置廬陵郡吳分置安城郡治安福晉徙廬陵郡治石陽卽舊州東北故城也隋廢安城郡改廬陵郡爲吉州因吉陽水得名宋置吉州軍元以軍爲路改曰吉安 國朝設府其名因之○按廬陵故城在今治南一里晉咸康末太守孔倫築宋永初山川記云此城中有井出泉二色半青半黃黃者如灰作飲粥並金色而且芬香曹叔雅廬陵異物志以郡人呼灰汁爲金

吉安府志勝

卷之九

一

水云○吉陽故城在治北六十里後漢和帝分新淦地立石陽縣屬豫章獻帝劉屬廬陵郡隋開皇十年改廬陵郡爲吉州并改石陽爲廬陵移州治于今郡理故城猶存○今郡治乃唐開耀初所移理也州人劉智以郡逼贛水東通大山地湫隘請徙之故遷自石陽至天祐中始闢城池週迴二十里元至正間增築十三里 國初截東北一隅更築新城損于舊三之一週迴九里九十一步又于城內西北築子城週迴二里闢三門○宋建炎二年脩廬陵城掘土數尺得石函傍有鏡役工以

吉安府志勝

卷之九

二

報太守楊淵淵洗鏡視其文在背曰唐興元初仲春巳日吾季役築殞于西壘之垠就瘞焉後當大德九五世衰喪亂浙梁相繼章貢邦昌之日吾子亦出于足邦東平鳩土決聽命于水府矣京兆逸工深甫記淵覽畢急遣問石函所在役夫已投之江○唐大曆中王無功刺吉州其从子牧往謁之李嘉祐送以詩云細草綠汀洲王孫耐薄游年華初冠帶文采舊弓裘野渡花爭發春塘水亂流使君憐小阮應念倚門愁○宋蘇軾送江公著詩有云奉親官舍常有擇得郡江南差可喜白紵連襦一萬艘紅粧執樂三千指簿書期命得餘閑亦念人生行樂耳公著元祐四年知州事也○熙寧中蔣之奇穎叔寄范道卿吉州詩云好在廬陵守年來強健無一麾新佩印三瑞更爲圖蓋其時城西池產並帶荷花玉虛觀產芝草天慶寺降甘露皆神宗二年五月八月十月事○六一堂在三瑞堂左宋嘉泰中郡人胡銓繪六一居士歐陽脩像及刻遺墨于其中楊萬里爲之記卽墨妙亭也○宋歐陽守道籌安堂記云開慶元年秋金人自廣右湖北深入如衡州以至臨江我擊柝相聞之地皆

卷至如升虛天子乃起蕭公逢辰于家爲江西副
帥拜命之日警報卒至衆驚曰公所爲公泰和人
家在城西巫望入州宅于是城中外始有固志未
幾有謂當用邊郡例清野以待之公以城外居人
三倍城中卽徙必表撤而裡孤驚而且潰必不許
卒賴以安全于時戍事小暇徘徊籌安故址久爲
墟燼會取公私木數萬作棚公家有茂林首捐以
爲民倡得巨木百餘然非棚材也卽以成斯堂焉
夫太守古號郡將有城池甲兵凡百武備以保衛
其民而發令行事惟召蒙稔禍是懼此等安之名
吉安府志勝入卷之九

三

所由起歟公居第雖小亦有園林竹石之勝今守
此土值此時鄉郡雖榮不足以易私居之樂然且
起斯堂于久廢者意固有所在也○宋周必大吉
州通判廳記郡丞秦官惟掌兵馬自漢迄唐其名
不常曰別駕曰司馬曰治中口長史雖均號上佐
其實從事之長耳故緹油屏軾下與主簿同賜而
州牧或得辟置間以處王子及近臣之左降若起
廢者其至政事罕嘗與聞邦國不容之謠宜其寥
寥也藝祖皇帝勦業之四年首置諸州通判是亦
又詔凡公事非守倅僉議連署勿行嗚呼盛哉嘉

嘉二年五月朝請大夫開封鄭臨寔來初升廳事
支傾折朽懼將壓焉是月庚申僞工藏事七月乙
巳落成用成材仍舊貫加顯敞焉以其東有風月
軒又闢西偏以相映帶遂成佳勝云○顏魯公祠
在判廳之左歐陽守道記云咸淳四年古卽孫君
洙爲吉通判卿魯公祠于其廳事西謂洙曰今通
判唐司馬也竊聞州治自唐至今官與民安未有
遷改則魯公爲司馬時必居于是廳事西古栢十
二蒼皮黛色與廟貌相宜公平生勁直之氣必肯
棲神其間洙讀唐藝文志公有廬陵集十卷又城
吉安府志勝入卷之九

四

東青原山畱題在焉夫公以謫來膏澤不得下于
民而徜徉山水游戲翰墨有得待公之杖屨書策
雖輿臺卒伍猶以爲榮況爲士者乎況于身親炙
之者乎○府治南有唐司戶廳則天后時杜審言
嘗居是職後人卽其廳事立詩人堂今湖西道是
其處宋移堂于西原寺淳祐中移于龍岡咸淳三
年仍移西原寺勝處構亭祀之世傳城北有吟溪
橋以老杜魯行吟其上也○府治後有晉藥師寺
中有池相傳昔仙女來戲池中後人洗臙脂者恒
汲池水以取色澤因名臙脂池有石闌井亭仙女

梳粧亭今俱湮沒

廬陵縣附郭

釋詳郡輿地碑目云廬陵縣廳壁記唐皇甫湜撰
○廬陵官下記段成式撰見唐書藝文志○廬陵
志宋周必大編纂○廬陵異物志曹叔雅撰○程
伊川家傳廬陵尉解中多惟一日家人忽告郡君
有鬼執扇者郡君曰天熱故爾又一日報曰鬼鳴
鼓郡君曰予之桴自是家人不敢復言惟亦絕蓋
先生父晌嘗尉此縣太夫人侯氏從之官封上谷
郡君云○治西學宮之後有義井在講書臺下元
吉安府志勝八卷之九 五

末吉水蕭生字彝翁用薦爲建州學正未赴江西
參政全子仁復辟參謀平袁州會僞漢陷廬陵子
仁遁去彝翁嘆曰有城不守非忠也遇敵不戰非
勇也謀人軍而不死何面目見天下士卽投井中
不死爭出之三日不食仍赴井死郡人哀之塋于
臺傍○東山在治東南上有吳建興中東山禪林
歐陽脩詩有寒山帶郭穿松路瘦馬尋春踏雪泥
之句○按志城南龍興坡上召墜而面市卽東山
之麓也有隋仁壽時舍利塔唐天祐十四年一夕
風霆大作塔忽左旋因呼神運塔宋黃庭堅有神

運塔記因作詩云十二觀音無正面誰令塔戶向
東開定知四梵神通力曾借六丁風雨摧蠅說水
霜如夢寐鷄聞鐘鼓亦驚猜從今不信維摩詰斷
此三千世界來今塔廢新遷儒學于此○東山頂
有真常觀在東山昔時楊仙師名善者雲游至郡
適歲旱于東城植竹爲壇以禱雨大澍遂于山下
結茅居焉道成脫而化今懸巖石上有迹可徵○
玉堂閣部云吉州龍興坡觀有巨鐘頂上一竅古
老相傳唐則天時鐘忽自鳴聲達于長安有詔令
鑿之此竅是也又有永興觀在縣常澤鄉晉永嘉
元年有王子瑤居此自言子喬爲其兄明年白日
昇去後改觀曰王仙○紀勝云城西五雲觀有唐
天祐十二年鑄大鐘西原能仁寺有南唐韓熙載
墨迹又有宋黃庭堅清涼軒詩刻○相山詩社唐
杜審言爲司戶時置在郡西城隍岡一名西原平
衍幽曠步入令人有林壑思致宋咸淳三年郡人
周平園與危恕齋歐陽寓菴爲布衣交買地西原
八泉勝處起詩人堂元時堂廢入本寺平園者郡
人丞相周必大也慶元初上表引年以少傳致仕
卒寧宗親篆其墓碑曰忠文耆德之碑塋在七都

吉安府志勝八卷之九 六

山斗岡○僧傳云吉州西原能仁寺常見二童子來攪香積一日執饌者叱之跳入寺井井水遂湧恐以告主僧宗受禪師師急以木盤掩井口跏趺其上水得不湧○城西隆慶寺有五百羅漢像蘇東坡書額按隆慶寺在仁山去城二里梁天監起居注五年廬陵太守王希冊于高昌縣仁山獲銅劍二口卽此地也廬陵在梁陳以前爲高昌今山有隆慶禪院是○澄波門在城東北隅卽古之當通門也輿地紀勝澄波門外有朝霞閣應詔叙錄云朝霞閣乃今之白鷺亭葛敏修賞春樓詩序每吉安府志勝八卷之九

七

太守燕集于賞春樓時或使旆未至則徘徊於白鷺洲亭○由郡城南來折而北者顧江也有洲環于江中曰白鷺其長數里方物志玉版筍出自鷺洲宋徐俯詩云金陵與廬陵俱出白鷺洲相望萬里江中同二水流□白鷺洲書院宋淳祐間知州江萬里勸請額于理宗御書五字刻石尚存元季設山長一員○澄波門外有金牛池其泉自城壁中流出注于池冬夏不竭□金牛寺池源自安福潛流經府治城壁出井冽宜烹茶爲郡中第一元監郡者增培府治基址泉遂涸 國初莫已知爲

守夷平之泉湧如舊○城南柵門外崖上有鐵鑄十字款云保大二年五月置重一千三百斤世傳南唐造鐵艦以此繫纜又云當時多水場商人于此編筏官爲經紀故置此以繫筏云○南城門曰興賢以府學在門內縣學在門外故名其處有習溪源山古塘渡流入贛江有橋以渡曰習溪橋舊以櫺木爲之亦名櫺木橋唐貞元中安史之亂有龍興寺僧曹姓常以竹筒盛金剛經佩誦刺史劉寧見其強壯括爲軍呈閱之次選充行營小將不從遂亡命已被捕得劉怒令押至櫺木橋斬之三吉安府志勝八卷之九

八

下刀俱折惟問之對曰平生佩持金剛經問所在曰被獲時已失去令人于失處覓得見竹筒中有刀痕者三乃異而釋之使仍出家號三刀法師○雲騰嶺在治西北三里下有沸泉人游其上則沸起嶺有廳御廟卽雲騰廟也按志唐貞觀七年吳世雲爲吉州刺史罷郡隱玉笥山大順中立廟賜額雲騰卽此○螺子山在城北十里南臨橫江宛委如螺子與神岡相拱揖爲主賓圖經云昔有漁者于大風雨中見神螺光采五色取而懷之至北岡而南涉水螺失所在因以名山宋周巽亭有江

流如夢酒山好若爲杯之句山下有忠義祠祀文天祥勤王數家有石刻丞相年譜及諸忠義小傳又有泉井冽及靈泉寺歐陽守道爲記云掘地不盈尺得金螺大如珠者無數則螺子山應以此名

○志云螺川石在文山祠前二石東西並壁高四尺許其一穴文宛變如螺形其一轉摺如川字故郡名亦曰螺川宋郭祥正廬陵樂府不作巫山雨螺川久住家○神岡在城南十里高三百尺廻環數千步與螺子對峙賴江流其下蒼翠相映按卽所謂神岡水也一源自萍鄉縣羅霄山來一源自

吉安府志勝八卷之九

九

永寧縣鵝嶺來會于永新又經十餘小水乃入賴江○神岡惠祐廟祀陳廬陵太守劉竺于時百姓公家鈔負租私家有餘貨相傳竺每出郭有白鹿隨車云○城南十五里坊廓鄉永和市中有山曰金鳳池曰金錢觀曰清都蘇子瞻自僊耳來游留書清都臺三字其上時與黃魯直戲擲金錢于池池中開花如金錢至今猶盛東坡有則永和清都道士童顏詩鏡湖勅賜老江東未似西歸玉局翁羈枕暫容春夢斷清都宛在默存中每逢佳境携兒去試問行年與我同自笑餘生消底物半篙清

漲百灘空○相傳東坡游清都行至米巷曰此地好開井市人隨指處穿得井泉因呼爲東坡井○永和市有佛母塋墓上四時芳草青翠異常亦有碑字模糊不可讀泰和志云距縣東北八十里有晉置東昌城隋省入西昌唐復置尋省今之永和鎮卽其地也近入廬陵○青原山在水東十五里山勢根蟠外望蔽虧旁有一逕縈礪而入其流清駛詰曲過待月橋石壁峭倚中曠衍處淨居寺在焉寺有唐天寶六載大和尚碑大中五年段成式撰記顏魯公真卿題名及祖關隸字宋文天祥書

吉安府志勝八卷之九

十

扁○按淨居寺七祖真寂禪師思公道場也上有虎跑泉錫泉雷泉胡銓拜衡又有噴雪泉詩獅象二山羅列左右峯巒聯絡泉石笑嬉改步而具宋張商英青原寺詩所至紛紛簿領堆也瀟風月洗塵埃明朝相與尋師去況是同行掉臂來黃庭堅詩市聲固在耳一澗謝塵埃俯看行磨蟻車馬度城隈水猶曹溪味山自思公開蟬蛻三百年只今猿鳥哀心花照十方初不落梯階廬陵米貴賤傳與後人猜文天祥詩鐘魚開日月竹樹老風烟一逕溪流滿四山天影圓無言都是趣有想便成緣

夢破啼痕雨開元六百年又空庭橫蟬蛩斷碣偃
龍蛇活火參禪筍清泉透佛茶晚鐘何處雨春水
滿城花夜影燈前客江西七祖家○香城山在城
南四十里高七十丈週迴百里號三縣山爲南圻
麓與永豐吉水界也周益公云香城之名見唐皇
甫持正所作碑碣言其拔峻廣袤中一峯尤奇秀
諺所謂文筆者胡氏世居其下至忠簡公遂以直
節脩能名震當世○鶴林玉露云胡忠簡爲舉子
時值建炎之亂團結丁壯以保鄉井隆祐太后幸
章貢虜兵追之廬陵時太守楊淵棄城走公所居

吉安府志勝八卷之九

圭

曰鄉城去郡四十里乃自領民兵至郡城固守市
井惡少乘間欲攘亂斬數人乃定張榜責淵棄城
之罪募人捕淵淵懼自歸隆祐太后赦之降勅胡
銓爲解事定新太守至疑公有他志不敢入城公
笑曰吾保鄉井耳豈有他卽散遣民兵徒步歸鄉
城○香城寺碑皇甫湜作在郡西景德寺已見周
必大記又有南唐保大十五年薛良寶築院碑在
縣西六十里按卽吉祥院○龍須山在城西四十
里上有法雲菴曹輔送周吉州詩廬陵太守告我
行先把廬陵爲君說龍須山對鳳凰池池面山容

兩清絕註云廬陵殷侯浩築臺鳳凰池按殷浩廬
陵侯無考惟殷仲堪爲安成太守嘗築臺城西池
上安成今安福縣爲晉時郡理○廖仙嶺在縣西
南六十里盤旋迴合一名曲山唐會昌中有廖仙
姑棲真于山巖之下常聞異香產嘉藥○城北六
十里一山高三百丈週迴二十餘里兩峯高峙如
竹名金竹峰金竹之西一山高二百丈週迴十五
里山頂有巨石末銳少曲如箭名石箭峰○城邑
志云墟口城在廬陵縣北七十里陳永定元年廣
州刺史蕭勃遣其子孜及將歐陽顥傳泰等出兵

吉安府志勝八卷之九

圭

南康傳泰據墟口城周文育使其將丁法洪攻泰
擒之卽此○又六十里爲虎口石石臨贛水高三
丈出一穴狀如虎口梁侯景之亂交州刺史陳霸
先將兵三萬越海赴難景將止柵邀之霸先以舟
排柵而潛軍出其不意敗之乃此地○文筆峰在
城東南百二十里淳化口宋文天祥居其下別號
文山本此志云紫瑤山下有黃土潭龍所穴也宋
文章齊嘗夢潭中龍繞其居尋生文山先生雲霧
暝室中自後潭日淺塞及文山畢命燕京之日土
人復夢有乘輿入潭中者旦日風雨雷電畢至潭

派如舊○江西大志云文丞相舉義時都統輩信
行府值永豐兵潰元兵追及于石方嶺信據險死
戰飛箭被體不動猶格殺十數人自投崖死按石
方嶺在廬陵縣八十八都

泰和縣在府南八十里

西昌古城在今縣南三里東漢志豫章有西昌縣
卽此隋初曰安豐開皇十一年改名太和至今仍
之治據郡之上游道交廣者所必由也○梁幅廬
陵記云郎詠隱西昌采樵爲業或擔至都中謂人
曰我西昌逸士酒中人也今獻公所缺公當惠我

書樂府志勝八卷之九

三

所好按李煜曾都豫章故稱都○文天祥過西昌
詩書生曾擁碧油幢恥與兒童對樹降漢節幾回
登快閣楚囚今度過澄江丹心不改君臣義清淚
空拋父母邦復恐鄉人知我瘦下帷絕粒坐蓬窓
○白下驛建自隋唐時今在東門外王勃于白下
驛餞唐少府詩下驛窮交日昌亭旅食年相知何
用早懷抱卽依然浦樓低晚照鄉路隔風煙去去
如何道長安在日邊○近驛有白口城城中有陳
霸先祠南史梁天監三年高州刺史李遷仕據大
臯城陳武帝先屯軍南康遣杜僧明將兵二萬築

城于白口卽白下也其明年生擒遷仕送于南康
今臨賴水有大臯城去縣北八十三里○輿地紀
勝云縣圃有讀書堂皇祐五年狀元呂溱舊游處
溱江寧人天聖中隨侍其父士元爲太和中讀書
于此明宣德間曹華由太和中典史登第故今題
爲狀元舊署云○宋元豐四年黃庭堅令太和蘇
子瞻和其食筭詩有漂漂白下宰之句相傳黃魯
直爲宰時嘗出東郊勸農聞竹林中哭聲歸登快
閣隱卧夢飯鮮魚及覺猶若在口也起散步竹林
中見一老嫗哭墓下前置有飯鮮試詢之則曰只

書樂府志勝八卷之九

南

有此女死若干年矣訊其月日卽堅所生之辰遂
輿老嫗歸終身養之因自贊曰似僧有髮似俗無
塵非夢中夢無身外身○方輿勝覽云快閣在縣
東慈恩寺中黃山谷祠在快閣西澄江之上山谷
嘗作詩云癡兒了却公家事快閣東西倚晚晴落
木千章天遠大澄江一道月分明朱絃已爲佳人
絕青眼那因美酒橫萬里歸船弄長笛此心吾與
白鷗盟○碑目云太玄觀在縣北龍門山有唐牛
僧孺碑記○紫陽觀在縣南有南唐西昌令碑○
白鶴觀在縣西二里南唐徐鉉碑畧云晉王子瑤

華陰人自云王喬之裔以晉永嘉中自玉笥來泰和卽黃茅岡築壇醮籙感白鶴翔舞事聞賜名白鶴觀給錢千緡買田贍之○槐安閣在縣之南塔寺山谷詩云薰爐茶鼎暫來同寒日鴉啼柿葉風萬事盡還杯酒裏百年俱在大槐中○魯直有普覺寺藏經記云寺藏真宗宸翰三十軸仁宗飛白四軸在太和縣城東隅○縣南古岡菴是唐文悟禪師道場菴前有羅漢樹二株縈纏糾結屈曲交加常年一樹花而不實一樹實而不花劉子高詩東樹開花西樹子誰從枝葉認雌雄子高名崧國吉安府志勝入卷之九 五

初人○縣東北有花石潭潭中生大小石五色朝日照水色燦如花故名○龍洲去縣南百步澄江之上古偈云龍洲過縣前泰和出狀元宋周益公龍洲書院記述之我朝永樂有陳循魯鶴齡宣德有典史曹罷成化有魯彥皆應此識□相傳龍洲上有高漚潭是定光僧繫龍之處定光宋時南安巖主也姓鄭氏泉州同安人嘗過太和懷仁渡時方暴漲待渡者曰此高漚潭中蜃爲患也師乃投偈潭中曰溪澗豈能留爾住終歸大海作波濤翌日水退隱隱成洲渚卽龍洲云○滄浪臺在西

門外面瞰秀溪越里許曰文溪舊有西溪寺相傳有溪破罽張之識以魯氏居溪左也與文溪相對者名武溪有武溪橋在大江濱世傳隋越公楊素建○縣西十里有越公臺亦素建者以其形似月又呼爲月臺臺東有盧光稠墓昔有盜發之土石堅甚強穴之飛出黑蜂無數按光稠仕唐爲節度使○觀山在縣西十五里水流石間冬夏不竭其西南山平正若屏障關小軒對之宋知縣趙海謨名曰光明觀黃山谷詩觀山千尺夜泉冷卽此○減飯嶺在縣東三十里濱江形如側月每江水泛吉安府志勝入卷之九 五

則山圯一層俗傳此山日減則民食豐足○武山在縣西三十里一名新山週迴六十里傍出一峰最高曰武婆岡世傳有武母脩真于此又有陶皮石室龍玉洞珍珠泉虎鼻峰望歸石禮斗石衣籠石南巖石西巖洞石鉞丹井雲峰寺佑仙觀十四景邑人劉崧遊記言此外又有釣臺風門觀音巖獅子峰仰天湖石房十八間補陀出水等巖試劒屏風棋盤雞冠等石步虛天寶高明等壇梵雲白雲等華□陶皮二仙姓石室在武山北蓋其脩煉處二仙惟食山菓以度歲月室容百人有大士像

又謂之觀音巖天將雨巖竄出泉禱者以爲候亦名北巖○縣東盤古山有宋御神童墓名有興八歲能誦九經通春秋大義入太學 國朝楊文興公爲立墓道○又有曾戟者中慶元五年神童科楊廷秀贈以詩云吾嘗當重宋叔榮八歲文科誦童子舌端九經若翻水屬句方圓超阿泌精神玉雪照人寒骨格麟駒夾道看金殿前頭奏篇了一日風雲生羽翰其家住神童村去縣五十里○十龍巖在縣南四十里空洞可容百人其中有井曰十龍井又十里爲三顧山三峰筆立如人相顧故

吉安府志勝

卷之九

七

名下有洗馬池相傳是郭子儀遺跡南史隱逸傳云始興人盧度晉元嘉末從張永歸魏兵敗至淮不得渡自誓若得免死從今不復殺生湏臾見兩水流來接之得渡隱于西昌三顧山出入嘗有鳥獸隨之屋前有池池魚皆有名呼之則次第來食嘗有鹿夜觸其壁度曰勿壞我壁鹿應聲去○傳擔山在縣西五十里山高路隘攀援傳置而後可度其西南有石笋峰九龍潭玉溪泉凡四十八窺至巖前復合爲一又名六八泉九龍潭邊有溫道者手種茶稱名品道者龍泉人不依師落髮居傳

擔山手撒花果皆茂實入巖罅中取蓮藕花果遺人雖多亦辦○潮山與之同里唐武德間四祖禪師結菴其上江水逆流至菴前奔湍迅急如潮汐狀山有寶峰如意巖通天聖巖羅居洞舍利塔四祖石室席帽石觀音石佛座石東巖鹽穴錦草諸勝 通天巖在寶峰側有亂泉自巖而下入石罅中祖巖在寶峰下可容十數人巖有亭曾安強爲石記○縣西北五十里有清水巖廣可容數百人深不可極下有石穴亦可容百餘人有泉自巖注入石穴中好事者齋糗糧入行約十餘里開撒網

吉安府志勝

卷之九

六

聲乃還○禾山與之同里唐時嘗產嘉禾又曰禾澗二水出焉九十月間嘗出浮笋最佳○郡國志云太和縣有禾山廟雨暘禱之輒應後有道士焚廟荒歉數年宋郭祥正樂府云英英玉田禾乃是鳳凰食鳳凰殊未來禾生亦何益卽此山也○浪川嶺在縣南八十里兩傍列峰十一廣袤三十餘里劉子高詩一洞深連三十里兩巖高聳百千峰○王山在縣東八十三里週迴三百里以王子喬控鶴來遊故名山形類卓筆有十二境曰送龍潭釣魚臺駕鶴峰禮斗壇煉丹井衣冠園棋石磎

書巖通仙橋白蓮池崇玄觀滾泉池又有定光巖
觀音巖八耳鍋宋錫記「按王山舊名義山一
名佳山志謂晉子瑤自白鶴觀而東至義山悅
之就送龍洞口建壇禮斗于是玉女降九鼎之方
脩煉四十八年而上昇」唐貞觀中長安匡智入
廬山脩行忽一老翁謂曰此山屬陰不可仙盍往
吉州尋陽山乎乃去之義山于送龍洞尾建壇數
年感帝降仙衣服之足下生雲去今鶴架峰有衣
冠冢是也故亦名佳山○異物志云太和有瀨石
山其山有木客鳥大如鵲千百爲群飛集有度異

吉安府志勝入卷之九

充

于衆鳥俗云是木客所化按郡國志木客鳥左翼
後有文飛特高者謂之五馬前正黑翎下霜色而
頰者謂之功曹右脇有毛狀貌似盤囊者謂之主
簿是五曹官局土人次第呼之凡飛不過百餘步
又有山都獸不知其流緒髮長五寸而不能結裸
身見人便走避種類踈少曠時一見亦自有男女
焉

吉水縣

在府北
四十里

輿地記云舊爲吉陽石陽二縣地按今縣東一百
二十里有吉陽城吳後主二年置也縣東北七十

五里有石陽城梁天監中所改也隋時吉陽石陽
俱省入廬陵按薦福寺鐘銘南唐時吉水尚爲場
五代周廣順二年有吉水人歐陽廣授本縣令是
歲實南唐保大十年也故紀勝謂保大八年刈廬
陵水東十一鄉置吉水縣云至元陞州國朝復
爲縣○寰宇記云吉水在縣東北十里源出水安
鄉北會于贛水古老傳云吉水出有波文成吉字
亦如巴水屈曲成巴字也按志十八灘水自泰和
而下經府城又東北四十五里注于墨潭爲吉文
水與永豐江之水橫出者合有清湖洲橫亘江中

吉安府志勝入卷之九

十

委蛇繚繞狀若吉字故灘曰吉陽縣曰吉水又曰
文字水又曰文江今縣之北門曰文江門也其上
爲文江樓樓側有飛霞亭爲餞送之所○瀟瀟水
在縣南文昌鄉瀧江口有石方丈餘或時發五色
光爛如霞彩照映水面塚廟記云瀟湘廟在縣南
義昌江邊安福王庭珪有記○石材廟在縣北一
里傍有二石縱橫如柩鶴林玉露云隆祐太后避
虜御舟泊廟下一夕夢神告曰速行虜至太后驚
悟卽命發舟指章貢虜旋躡其後追至造口不及
而還事定特封廟神爲剛應侯口胡銓以乞斬秦

槍得貶大府寺丞陳剛中以啟賀之亦貶安遠寺
丞南行題詩石材廟柱云疏爵新剛應論功舊石
材能形文母夢還訝佞人來海市爲誰出衡雲豈
自開乞靈如見告逐客幾時回其後竟死謫所○
其露山在縣東二里舊名虎丘山紹興初其露降
其上因改今名又三里爲鳳山上有桃花院下瞰
文江山半有鳳凰巖瀑布出焉○張華山在縣南
下有石洞洞有清泉相傳龍所穴也洞口玩龍亭
爲張國賓立○神洞在縣南五里一逕如綫依山
俯淵略可容足不數步即寬平中有田百畝肥沃

吉安府志勝入卷之九

廿

兩山含翠峰高入雲洞口有石棺石香爐○午岡
在縣西十五里五柱連延而其一獨聳世傳楊仙
師飛昇處上有廟廟中有所遺白角吹以祈禱雷
雨隨作仙師故宅在岡下環宅左右不產螺蚌之
屬又名齋坑○東山去縣二十里綿亘二百餘里
昔劉智請移郡謂東詔大山卽此山上有田可耕
茶葉可采山之陽有瀑布直下數百丈有解空清
涼二寺般若菴楊師壇師三國時人名善卽楊仙
師○中華山在縣東二十里秀出如懸鐘上有浮
丘王郭三仙壇朝謁者至自數都有半山亭玉真

觀俗傳嘗見夜光似燈耀耀浮空而來○日岡在
縣北四十餘里廣數丈圓如日與月岡相距五里
月岡者以狀如偃月故名○石牛潭在墨潭下流
四十里每江水暴漲見石牛浮水上又云牛眠石
方廣丈餘或傳秋高夜靜有金牛來往蹄跡尚存
○石牛之下卽玄潭也晏公類要云懸潭古來船
過者鑿山爲路避之後有方士懸身入水與蛟龍
鬪三日夜始出乃冶鐵爲柱以鎮焉潭側有玄壇
觀晉旌陽令許君鎮蛟處今爲崇元觀觀中有
雪浪閣呂洞賓留詩云寒棠懶步華真宿清景一

吉安府志勝入卷之九

廿

宵吟不足月在寒潭風在松何必洞天三十六○
崇元觀後有試劍石世傳許真君試劍處劍尚留
本觀長僅尺許似銅非銅似鐵非鐵宋楊萬里詩
贛江東來千里許流至閣前虎須怒旌陽橫劍居
上頭喝命長江教倒流跳作旋花雪山立濺得琳
房滿間濕秋來水落未足看桃花浪煖君來觀一
波打窓心膽寒○朝元嶺在縣西北五十里有方
石亂點如金名爲黃金臺上鐫詩云落落萬古石
悠悠千載心人間不相遇白雲深處尋乃楊仙師
留題嶺之下爲南溪源自中鵝鄉來東流二十里

爲螺陂經柘溪又五里出柘口江入于贛水「楊誠齋自秘書監將漕江東年未七十退休南溪之上老屋一區僅蔽風雨長鬚赤腳繞三四人聰明強健享清閒之福十有六年徐靈暉贈詩云清得門如水黃惟帶有金蓋紀實也寧皇初元與朱晦翁同召晦翁出公獨不起嘗自贊云江風索我吟山月喚我飲醉倒落花前大地爲衾枕此鶴林玉露所載「慶元間周益公以宰相退休嘗訪誠齋于南溪之上留詩云楊監全勝賀監家賜湖直比賜書惟廻環自闕三三徑頃刻能開七七化門外

吉安府志勝不卷之九

世

有田供伏臘望中無處不烟霞却慙下客非摩詰無話無詩只謾誇好事者繪爲南溪圖以進誠齋題其上曰平叔曾過魏秀才何如老子致元台蒼松白石青苔徑也不傳呼宰相來○天獄山在縣南五十里一名黃原嶺相傳此山鎮伏奸宄上有地方廣丈許履之覺下虛如鼓聲俗謂之鬼監一日天獄○縣北五十里石佛山有佛相高數丈頭目皆具袈裟環繚之狀迫近無別○縣東六十里韓相嶺世傳南唐相韓熙載嘗陟其上因名○縣北六十里南山有石數株聳立號石人峰宋儒王

子俊築書堂名曰振古楊文節陸放翁楊子直朱晦菴皆遊焉子直詩云南山高且明其下有深谷文豹識顯藏終朝霧如沐晦翁讀而喜之比之輞川添園○吉水谷村宋神童李如圭故居七歲中童子科隨父宦京孝宗召見卽誦尚書無逸上書撫綈和之至終篇明日賜宴父在賜珠簾隔之燕罷撤簾以賜後再舉進士官至福建安撫使乃于村中起凌雲樓懸珠簾以彰君親同邑李獻可六歲能詩文奇對一日有參政避雨廟中遇獻可試而奇之爲言于朝孝宗召入宮時宮女正午睡

吉安府志勝不卷之九

苗

帝指曰以此賦一詩卽跪吟曰御手指嬋娟青春白晝眠粉勻香汗濕髮壓翠雲偏柳妬眉間綠桃憎臉上鮮夢魂何處是應繞帝王邊帝拊其背曰何不作我家兒命官人綉御掌于背以歸

永豐縣

在府東一百三十里

元和郡縣志云本漢廬陵地吳卽其地立陽成縣晉太康元年改曰陽豐隋併入廬陵宋會要云至和元年割吉水之報恩鎮置永豐縣卽今所也去縣七十里至白行坳而爲樂安之西四十里至長源舖而爲吉水之東二百四十里至金牛岩吳公

山而爲興國之北五十里至白嶺而爲新淦之南
○宋初置縣命太常博士段綬宰之于時廳舍未
立權治于延慶寺寺在舊報恩鎮鎮西有報恩寺
相傳後漢時邑有孝子歐寶居父喪廬于墓側密
邇此寺里人搏虎虎投廬中寶以衣覆之逐虎者
至詰寶寶曰此獸可藏乎虎因得免自後月置一
鹿于其廬人奇虎知恩故名其水曰恩江鎮與寺
皆以報恩名寺爲唐中書侍郎徐安貞宅宅後仍
爲寺今縣西張王廟後有曹國夫人墓徐安貞夫
人也昔有農夫入墓見堂堂室宛然與人世無異○

吉安府志勝人卷之九

共

恩江之源出自撫之樂安嶺之寧都興國三縣界
合麻江諸流過吉水入于贛江有恩江橋在治南
百餘步元人揭侯斯碑記○輿地紀勝云龍華山
在縣南五里晉有龍華真人于此得道舊志漢桓
帝時上苑白鹿遺落人間常見于此帝遣使持節
求之不得使人就其地建白鹿觀今改爲鴻都又
二里卽孝子歐寶墓又三里爲西華山山形如覆
鐘有浮丘王郭三仙殿○陽山在縣西北十里晉
葛玄嘗于此煉丹上有集靈觀丹井亭丹泉自井
出也絕頂丹爐藥臼尚存○縣南二十里有聖嶺

世傳五代間夜有神人震動其上旦視之突起土
城週圍數里因以爲名宋紹興中鄉人避寇其中
多所全活紀勝云聖嶺有石井深濶丈餘大旱不
涸每風雨晦冥見有金鴨出沒其中前有峻峰曰
仙人臺又十里爲獅子嶺唐禪和大師結茅于此
一旦雲烟滃鬱振錫凌空而去山有巨石肖獅子
故名○巖山在縣北三十里五峰森列如圓廩如
穹碑然凌空閣遇仙館俱在山上題詠者多 韶
山在縣西四十里大江之西相傳虞帝南巡嘗登
其上奏九韶之樂五代時遷永安寺于韶山卽此

吉安府志勝人卷之九

共

仍立舜廟于江濱○郭山在縣東八十里連屬三
縣之境由崎嶇棧道行七八里而臻坦夷得田數
百頃郭山寺在焉○又四十里爲仙游觀舊名吳
仙觀晉吳猛嘗居之○龍山院去縣南一百里巨
石對峙如門又有石如倉廩狀下小溪中石崖峭
立高三丈往來舟楫所經其上爲石空嶺形如覆
斗室內空濶可容二三百人中有石像 禪和洞
在縣南百二十里樓源嶺上有石殿三層石佛
鐘鼓其像咸備秉燭而入歷歷可見卽先居獅子
之禪和也又二十里爲石泉院院後石室凡廣丈

餘深不可測故老言有龍窟云前有巖廣二丈餘傍有泉曰沙井一口三潮湧水移時復乾溉田可十數畝號曰潮田又十里爲醴泉院宋楊仙師所居先是市人艱于汲楊以拄杖卓地水湧出如醴自後市汲不竭○又二十里爲鳳凰山屬明德鄉之沙溪市宋歐陽脩故居在焉一名案山一名龍岡有龍岡阡封崇國公歐陽觀萃處阡表曰嗚呼惟我皇考崇公卜吉於龍岡之六十年其子脩始克表于其阡云云二阡之左卽脩故居右爲文忠前胥楊二夫人墓其前有西陽宮表碑乃脩奉母

吉安府志勝不卷之九

宅

韓國鄭夫人合塋時自青州錦來者石色綠光可鑑高可丈餘○相傳歐陽文忠公于青州刻瀧岡阡表以歸舟泊采石夜夢神人從公借觀明日水裂舟危公悟始投碑于江時黃魯直爲文以誌龍君頃之靈龜湧碑出沙溪沼中有龍王墨跡數行如鏤取置西陽宮爲亭覆之後室火獨碑亭無恙按宋朝執政故事待立功德院公素排佛教雅不欲立寺崇公諱觀又不可立觀乃立西陽宮以奉牲祀焉○公自塋鄭夫人之後樂穎昌山水因居之其作吉州學記有云幸餘他日因得歸榮故鄉

將見吉之士皆道德明秀而可爲公卿問于其俗而婚喪飲食皆中禮節入于其里而長幼相孝慈觀于其家行于其郊而少者扶其羸老壯者代其負荷于道路然後樂學之道成而得時從先生耆老席于衆賓之後聽鄉樂之歌飲獻酬之酒而以詩頌天子太平之功不亦美哉雖有此志而竟乃不能踐後周益公歸田日尹直卿以詩賀之曰六一先生薄吉州歸田去作穎昌遊我公不向螺江住羞殺青原白鷺洲○志云明德鄉雞籠山下有幽王冢不知何代宋朝占有異氣命掘之其冢遂

吉安府志勝不卷之九

宅

廢又二十里有相石亭文天祥募兵勤王空坑兵敗將趨劔南追兵至此幾及之忽巨石墜塞途次胡騎驚伏丞相乃得脫去後人以爲神所相也因名相石作亭其上石傍遺跡曰屯軍丘卽丞相扎營之所曰斷事廳丞相斷事所也曰胡馬伏李恒馬驚伏所也○輿地廣記永豐縣有雲蓋山佚其處按梅聖俞送董君登科歸永豐詩云山東桑柘多江南松桂茂種桑待春添栽桂待華構予聞雲蓋下聚書爲大富往往見子孫綠天撒星宿掇星星若珠光彩出屋漏秋收萬頃田作酒日爲壽亦

有十里歸錦衣行白晝董即敦逸也登宋嘉祐八年許將榜進士殿中侍御史左司諫會秘獄成奉詔錄問敦逸上疏論之至徽宗時復極言蔡京蔡卞之惡敦逸在朝鬚髮皓白既久于外上一日思之問近臣曰白鬚御史安在其見重當時如此○永豐有魯民瞻字南仲少通天文初爲南昌尉置畧清圖遂範金爲壺刻木爲箭壺後置四盆一斛壺之水資于盆盆之水資于斛其一注水則爲銅十張口吐之箭之木傍爲二木偶左者畫司刻夜司點其前設鐵板每一刻一點則擊板以告右

南安府志勝入卷之九

尤

者畫司辰夜司更前設銅鉦每辰一更則鳴鉦以告父爲二木圖其一用木薦之以測晷景其一水平之以法天運制作精密今江西諸郡有用其法者其晷景圖自謂得古人所未至云

安福縣

在府西一百二十里

本漢安平平安成二縣地安平屬豫章郡平安成屬長沙國東漢改安平曰平都吳置平安成郡治平都今治南百步有廢平都縣址○王烈之平安成記云縣本有兩鄉漢縣理西鄉卽張普侯國吳于東鄉置郡而縣亦移焉至晉始改爲安復然則西鄉是安

成漢故縣東鄉是平都吳所移也○隋廢平安成郡併二縣爲一仍曰平安成屬吉州開皇中又改安復郡改安福以其音相近云唐之靖州取安靖之義也元之福州亦沿安福之名也宋及我朝俱爲安福縣○寰宇記云去縣東六十七里平安成故城卽漢平安成侯張普理處人撤其故軀輒有虎禍以爲普之靈在○廢安平縣秦置屬九江郡漢以屬豫章王莽改曰安寧後漢永元八年改爲平都屬廬陵郡○謝承後漢書劉陵爲平安成長先是境內多虎百姓

南安府志勝入卷之九

卅

皆徙避之陵脩政月餘虎皆出境流民復還顧野王輿地志云晉永康元年朱居爲平安成太守築郡城凡濶八里闊八門中有雙闕高數丈廢帝太和中殷仲堪爲平安成太守于郡西大池之上築臺讀書遺址猶存○劉史仙壇記云晉太和末年任城劉遐爲平安成太守母夫人魏氏司徒魏舒之女性好神仙從遐之官以成帝咸和九年逝去卽魏夫人也詳見後○文選謝瞻有于平安成答靈運詩云跼行安步武鏘翮周數仞豈不識高遠遠方往有客歲寒霜雪麗過峴路途峻量已畏友朋勇退不

敢進行矣。勵令猷寫誠酬來訊。蓋宣遠以晉義熙十一年任安成太守云。○齊武帝末。明中范岫爲安成內史。沈休文有別范安成詩。平生少年日。公手易前期。及爾同衰暮。非復別離時。勿言一樽酒。明日難重持。夢中不識路。何以慰相思。○輿地碑目云。讀書齋石刻在安福縣中。唐李昇爲令時。刻也仙壇記。唐咸通中。劉史刻亦在縣中。○宋建中靖國間。李康成知縣。作先春愛竹二堂。時黃庭堅知泰和。以詩貽之。云淵明喜種菊。子猷喜種竹。託物雖自殊。心期俱不俗。千載得李侯。異世等風流。

吉安府志勝不卷之九

世

爲官恐是陶彭澤。愛竹最知王子猷。猷寒窓對酒聽雨。雪簾簟烹茶。卧風月山僧知。今不凡材自掃竹。根培老節富貴于我如浮雲。安可一日無此君。右愛竹堂。官殿繞飛烟。江山壯城郭。今君執桃李。面春築飛閣。春至最先知。雨露偏花藥。是日勸農桑。未鋤土膏作絃歌。出縣齋徘徊問民瘼。雞犬聲相聞。嬰此簿領縛。安得攜手嬉烹茶。煨鴨脚。若先春堂。○輿地廣記云。安福縣有廬水。東至廬陵。入贛江。志謂卽廬溪也。縣南有宋廬溪先生草堂。邑人王廷珪別號乞祠歸隱。築室于城南。胡安國嘗過

之。與先生商榷春秋傳義數月。乃去。跨廬溪有鳳林橋。亦曰上官橋。宋元豐上官公穎爲令時。剏○北門外有市橋。宋紹興間。邑令向子賁建。相傳每夜有仙樂。繚繞橋上。旦往視之。惟見橋柱上題昌洞賓三字。後因改名集仙。○寰宇記云。安福治南有長嶺。其上產石。墨可以種火。爲不灰石。志云有西雲嶺。晉鑒義禪師遺銅印一枚于此。後人得之一。剏可度數十紙。嶺半有福善菴。下瞰平疇。殊堪矚目。又云。縣西有羅漢資福二寺。羅漢傍有陽岡。澄潭。狀碧巨石崖側。其狀若鐘。俗呼石鐘。資福傍

吉安府志勝不卷之九

世

有尋潭。衆石錯落中有如鼓者。俗呼石鼓。宋紹興間。此鼓常夜鳴。○安成記云。郡渚江川發源同。會落亭石上有芝草。下有紫金。又曰落亭與浮整相近。縣童曹翺得仙之所。○輿地志云。浮整在縣西七里。其下有古石羊。獅子又名四望。整南有符表墓。表爲符朗兄之子。隨父徙安成。太元中。年十六。母有疾。晝夜侍省。母一食。表亦一食。如是數年。母將絕。表不忍見一慟而絕。官爲葬之。四望岡。○通志云。疊石山在縣東十五里。臨江有山輪困特起。狀若魚。疊山腰有二石。高數丈。其一俯首若將

壓焉其一壁立勢相支柱中可容往來又有石榴
峰勢濱江潭深不可測昔有漁人入潭洞中見有
石牀一老人卧其上蓋龍也○紀勝云東湖在縣
東南水石幽勝爲唐趙居士故居按志居士名原
陽安福人博通經史夢神語曰汝神仙中人何望
富貴也乃絕意人間事從遊塵外不知所終按東
湖一名密湖去縣十五里中產尊絲鯽係有石窟
容百人坐其水味甘如蜜故名○近密湖有峰曰
東陽磅礴高聳四面視之形勢各異絕頂一石可
坐數十人其西有石巖如屋土人以祀唐安福令

青安府志勝

卷之九

世

劉像相傳像爲令時試劍于桑田今其處有試劍
石是也南唐劉侑爲安福簿秩滿眷慕湖山不忍
去留家密湖卒附塋其先令君像墓傍在白馬峰
下○東陽之西石屋北向衍然中空如廣堂光明
周正可坐百餘人洞角開一竅攀緣而上有逕自
山頂出其下爲東陽行窩石屋山館已在湖之傍
山之腹矣其南有白雲峰卽白馬峰也葛仙壇在
焉○郡國志云浮岡山石壁上恒有光明五色迭
相照耀望之如龍虎有浮山洞虛觀觀爲南岳魏
夫人脩真處去縣南十五里夫人諱華字賢安少

知吐納鍊液之法年二十四始歸太保掾劉幼彥
生璞及瑕瑕爲安成太守夫人因得脩真于浮山
咸和間用藏景之法而逝又云瑕二女亦學煉丹
今丹霞觀中丹石尚存風月之夕光彩絢爛所謂
思衛二真人也○縣之清化鄉有洞陽山是晉青
州從事黃仁覽全家上昇之所仁覽旌陽令許遜
聳也見安成記○寅陂在縣西三十餘里橫截蘆
水下流繞于縣前宋蘆溪先生集云陂溉田萬三
千畝歲久湮塞治平中貳令趙師日始浚溪港築
隄闕水灌溉如故乃作寅陂行以紀之安成城頭

青安府志勝

卷之九

尚

烏夜宿啼鳥未起雞登木傾村入城來送君馬首
有摩挲相屬但見麗眉不識名何物老翁出山谷
老翁持酒前致詞家住西村大江曲大江兩崖多
腴田古有寅陂置官屬自從陂廢田亦荒官府無
人開舊漬只沿故道堰橫流陂傍稅稻年年熟今
年雖旱民不慮田頭已打新春穀誰云此陂會當
復老父曾聞兩黃鵠嗟哉如君不負丞躬行阡陌
勸農耕監司項背只相望風謠漕路胡不聽胡不
聽寅陂行爲扣天關叫一聲○梅花公主墓在縣
東三十里志云南唐李煜以其女梅花公主配周

廣封柳國公以疾終歸塋于此其地有福聖院院前羅漢栢二株每歲西樹著花東樹結實唐天寶間女仙吳采鸞栽雙栢于福聖之觀音閣前枝葉繁陰交年而花實又云吳仙子嘗入寺小室中寫法苑珠林凡百二十軸一夕棄去不知所往其軸卷粘連處至今不斷○志云縣南四十里有書岡怪石層聳其嶺有平石名淵明讀書臺相傳陶元亮解組後嘗棲此山○縣北四十里有鳳停廟唐元和間有異人以鳳毛浮水而下約土人曰毛止處可立廟至宋雍熙間道士朱龜岳就廟前架木

青安府志勝八卷之九

壘

爲橋以渡因名鳳停橋或曰北門外鳳林橋名亦始此○新茨山在縣西五十里昔賈萌與張普約共起兵誅王莽普後背約誅莽自陳萌惡其反覆遂先伐普戰于新茨之野故今縣側有新茨亭○晉桓脩墓在縣南五十里元興中桓玄篡位以弟脩爲安成郡王及玄敗脩亦卒于國又十里爲太泉泉凡兩穴中有石室狹不通船濶三尺有自然蟠石肖人坐其傍巖穴奇峭如削成竹樹交蔭冬夏常茂有石潭水入王溪○近大泉有石如卧牛名石牛泉土人嘗以葛蔓相續墜入竟莫測其際

又名九女窟相傳古有九女遊戲溺死于此○鶴湖山在縣北六十里有雁峰白鶴峰石人峰三渡橋桃花洞諸勝境物幽絕唐人多所留題○輿地碑目云安福縣西九十五里有芸亭碑爲齊永明二年立其文磨滅不可攷又五里有神楓其狀如人面目巖阜以泥封之乃得雨○志云武功山在縣西百餘里根盤八百里南接長沙跨吉衆二郡晉葛玄葛洪二仙先後脩煉于此又名葛仙峰○輿地紀勝云葛仙峯極高險仙壇傍有四石塔時起火焰若金雞有仙翁壇登石方丈許瓦皆以鐵

青安府志勝八卷之九

壘

祀葛仙其中山椒有集雲雞峰二壘南向爲圖坪菴昔有異人遊憩於此潑墨門壁忽不見山人洗之有行草詩云仙境幽尋採藥翁草堂留語數宵同欲知山上雲深處直是人間路不通泉傾藕花來洞口月將松影過溪東求名心在關難遂明日馬蹄塵土中書法甚奇墨刻至今行世或以爲白玉蟾筆○武功山者昔有武氏夫婦遠來脩煉夫止瀘瀘婦止西昌遂以武公名故太和有老姥山也及陳武帝時陰助王師平侯景更名武功高踰三十里中夜登頂可觀日出有瀑布甚長○雷巖

在武功最高處峻削奇古延袤數十里林風時起
隱隱雷吼其中雲氣開朗恒見巖戶開闔若有神
仙居之雨聚散莫測○武功山之水從迎仙橋橫
流注于一潭神龍所出沒遊人坐流側水濺拂之
如珠又有筍箕飛雪黃龍烏狗諸潭皆奇勝攀緣
而下疑非人世○紀勝云月山在縣西山巔有石
如月遇晦夕即明照映百餘步有月山寺○蹲山
在縣南其山形如獸之蹲伏然上有風窟繚繞百
餘步不生草木每有飛砂揚塵之意○王水在縣
東南水口有漢時平都縣址後以地險徙去舊城

吉安府志勝

卷之九

世

猶存右各去城百里○王江之源發于陳山會山
東流與瀘水合其匯爲龍陂顧野王謂是掣材之
處土人言孫皓時伐木順流至此陂而沉以繩挽
之即有風雷之變後歲旱試相牽拽之風雨立至
宋元嘉十六年水忽自浮水面厚可五寸其半猶
沉水中垂成沙洲○石廊洞去縣西百三十里洞
門廣丈餘其中可容千人者數處有石鐘鼓石林
石蓮花之類不一洞中澗水流岨田數百頃乘
燭而入初疑路絕稍前數步則坦然空曠以洞口
奇石四面牆立如廊故名石廊也相去五里許又

有一洞俗呼爲響林洞洞口雲樓石館環十餘里
○更生山在縣南百五十里古老傳云山有豫章
樹伐而更生故名按顧野王輿地志以吳時有女
子居樟樹下樹大數十圍孫皓造宮室令人伐之
斧斤莫能入丁夫苦之女子祝曰汝今且去他時
更生應聲舉斧遂伐之後果復生其下有廟即祀
更生夫人者更生在永在平都四鄉流出青山口會
于王溪○郡國志云封溪有大樟樹即聶友繫梓
桐處今安福有聶友祠墓以此○塚記晉司馬道
子墓在縣東宋略載彭城王義康墓在縣南按志

吉安府志勝

卷之九

世

桓玄徙道子于安成以元興元年九月至平都十
二月晦使人鵠之宋文帝元嘉二十年免康爲庶
人絕屬籍幽之安成郡御史監之後八年有徙南
海之命康私語使者曰人生會有死吾豈愛吾生
獨耻屢爲遷客耳後有中詔殺之以諸侯禮塋于
平都縣南○王孚字烈之安成人宋文帝時爲郡
文學主簿沈約誄之曰行潔業淳去華息競志學
脩道老而彌篤其所撰安成記詮次獨詳

龍泉縣

在府西百七十里

後漢初平二年廬陵南部都尉統九縣中有新興

卽此晉泰康元年改爲遂興齊崔恭祖平王敬則封遂興男者隋開皇十年併入太和今縣本太和之龍泉鄉什善鎮地也僞唐保大中新龍泉光化遂興和蜀四鄉置場仍曰龍泉以爲採木之區其地水源周匝八百里宋顯德七年升爲縣宣和中改泉江紹興仍舊以迄于今○志云古龍泉場距今治二十里水南之十七都慈雲寺其遺址也宋明道二年徙于今所○輿地紀勝云金山在縣西銀山在縣東各去城一里形冢以縣名龍乃起兩塔以爲角像亦呼雙筆峰而東塔有龍興寺○飛

吉安府志勝

卷之九

苑

鴨洲在縣西十里南灣陂塔嶺龍二水合流中央○又十里爲西龍山峰頂皆石有風穴其地多寒父老云昔有異僧觸暑過山下求飲民家不得怒拂衣登峰頂卓錫石上于是冷風應杖而起至今謂之西龍風每霜夜穴中怒號至卯辰中始定陰雨則息他日樵者以土石室穴風乃自山下潭中出波濤洶湧久之乃復○又十里爲仙人嶺地名武陵舊有仙人經此桃花盛開宋周必大經龍泉武陵瀧題云人家篁竹作藩籬大半和烟鎖碧溪中有小桃千萬樹開時全似武陵西○又十里爲

鵝嶺勢插層霄之上有飛雲洞集雲峰仙鵝池金龜石石人峰老蛤石諸蹟嶺下爲漢丞相王陵墓鄉人訛曰王小姑歲仲春祀之輒有疾風甚雨○紀勝云葛仙巖在縣東南十五里上有石室可容數十人舊傳仙翁煉丹之地山空月霽時聞搗藥聲○又五里爲石牛嶺高可百仞兩山相望謂之大小石牛○縣東南三十餘里有巾子峰頂尖而秀高數百仞孤絕巖巖面面可見舊志龍泉巾子石產龍須草卽此○蓬萊嶺在縣西北五十里上有石巖石筍仙鵝池諸勝人謂其如海上神山故

吉安府志勝

卷之九

罕

名又有石龍巖高數十丈可容三四十人巖下清流激湍五祖禪師脩道于此其泉曰龍洞泉直垂百仞下有巨石可坐數十人溪流廻抱松竹森列有山曰盤渦山○遂水在縣南產抱石魚其源有二左溪之源一自柳之桂陽堀出一自南安上猶之大林出至南江口始會經西庄稅與石溪合○右溪之源出茶陵州界經雙溪坑與左溪會東歷八十四灘乃入于贛江○紀勝云龍泉縣有湯泉三曰溫湯在新田院側曰熱湯在縣西南百里皆南鄉也其北鄉有熱湯在朱砂礮下可熱羊豕○

有御史灘昔未豐董端逸末第嘗浴此水尋登嘉祐進士官至御史因以名灘端逸嘗館于金田里郭氏郭名知微宋元豐進士爲桂陽令三年無警去後民常思之後峒民嘯聚當路撫之不可曰使郭知微來吾卽歸附時知微已卒當道遣其子登仕郎獬至峒旋即解散○宋時龍泉令有王繹者五報政而民留之在縣凡十五年又有陸若濟者秩滿將歸其妻謂曰君清可矣今舟中亦載一清歸耶○潘昌言鯁爲軍事推官時龍泉令捕得私酒三十家曰法當徙鯁曰龍泉小邑一日徙三十

萬安縣 在府南百八十里

家于汝安乎乃減出之

楊吳時置萬安鎮宋熙寧四年始割龍泉太和賴三縣地以益鎮而立縣胡銓萬安縣廳壁記云吉州萬安古遂興之地南唐始立鎮關地向南得石符一帙有漢八分書云地界兩川神秀所蟠更爲都邑萬民以安遂奉白帥府乘其字義爲萬安焉興國界其東龍泉界其西賴縣界其南泰和界其北賴水初落奔激響溜聲似環珞俯惶恐之灘皆粵王之臺鼓棹中流劃然開目爲廬陵上遊之最

勝也○唐時有玉山館張籍題詩云長溪新雨色如泥野水陰雲盡向西楚客天涯行漸遠山山樹裏鷓鴣啼按玉山當作王山泰和有王子瑤脩真之山曰王山萬安在此山南故曰王山館非玉山也○五雲驛在縣門外唐宣宗大中中虔州刺史賈琮入覲維舟遂興江口見洲上有五色祥雲起因此號萬安爲五雲○輿地廣記云萬安龍頭山下有雲洲卽五雲洲也在賴水之濱龍泉水出其左江上有五雲閣宋時建正對水西芙蓉山故戴復古有凌空傑閣爲誰開隔岸芙蓉不用裁之句

萬安府志勝不卷之九

聖

王象之紀勝云芙蓉山隔江五里端正秀麗高出衆峰○志云賴水有三百灘在萬安縣者十八灘皇恐灘其一也趙抃守虔州時嘗疏通之按陳書云賴水本有二十四灘武帝發虔州水暴漲高數丈三百灘巨石皆沒止存十八灘蘇子瞻南旋過之作詩云七千里外二毛人十八灘中一葉身山憶喜歡勞遠夢地名惶恐泣孤臣長風吹客添帆腹積雨浮舟減石鱗便合與官充水手此生何止畧知津今縣西有知津園取此又天祥過萬安縣詩青山共折水天平不是南征是北征舉世更無

巡邏死當年誰道甬中生遙知嶺外相思處不見
灘頭惶恐聲傳語故園猿鶴好夢回江路月淒清
○魚梁城在縣南十里昔李遷仕據太原渡遣人
入贛石魚梁築城陳武帝命周文郁敗之今呼爲
城頭○遂興城在西北十五里漢之遂興卽吳之
新興也以當遂水口爲名今龍泉江口金城卽其
地○龍頭山在縣東二十里有仙壇嶺葛仙翁
之所登也又有龍峽仙聖羅漢二巖下有感應院
○志云龍泉山高數百丈形如几案又有搗藥臼
仙人迹巖前臨溪溪中有大小石鑊東注黃龍潭
吉安府志勝不卷之九

三

西注龍溪唐何敬龍溪詩云龍溪之山秀而峙龍
溪之水清無底狂風激烈翻春濤薄霧冥濛溢清
泚奔流百折銀河通落花滾滾浮霞紅四時佳境
不可窮彷彿直與桃源通○縣西三十里有石屋
屋中可進數十船邑人春夏遊賞畢集有窮其源
者云與龍溪相通○韶水在縣西北三十里源自
西韶來經黃鵠水東入于贛江又十里爲韶山山
上昔有舜廟古老言虞帝南巡狩嘗登此奏簫韶
九成云○皂口江在縣南六十里源出贛縣三龍
經上造下造流入贛江○皂口有金船嶺昔有胡

僧過此見神物光怪乃掘江壩得金船而去其下
有金牛廟○方輿勝覽金船嶺有香林寺趙抃自
虔州赴召通判周惇願餞之香林倡和詩云軒車
更共入山脚旌旆且從留渡頭更遊蕭寺千山好
不惜蘭舟一日留按今爲法輪寺○縣西六十里
有三峰嶺聳秀相連下有三峰院又迤南二十里
有五馬山五峰驂驪如五馬然○黃塘巖在縣東
八十里其中空洞宛然樓閣殿庭併有像設鐘鼓
皆石爲之又有書院數處中有石秀才石學生之
名巖尾一隙上通天光巖前二樹瑰異不知何木
吉安府志勝不卷之九

四

巖下有蛟穴冬夏湧泉不涸巖上卽西平山也三
面削拔惟西南夷坦故名梁口江水出于此○紀
勝云和蜀鎮有天井湖今謂之梅陂濶三百餘頃
舊隸龍泉宋何嗣昌爲宰疏蜀江水伐石立趾以
捍鬻隄之害百姓至今利賴之

永新縣

在府西
二百里

漢廬陵之地吳寶鼎中立永新縣以屬安成郡有
故城在治西二十五里隋郡廢以縣併入泰和唐
初復置又立南平州以領之州尋廢復以縣併泰
和顯慶四年永新舊民以泰和道路阻遠請復置

卽今治也元陸永新州 國朝復爲縣○治內有
春風亭宋時元絳爲今所建作詩云三年到此別
無功種得桃花滿縣紅此日不能收拾去一時分
付與東風楊萬里有春風堂記○八碑影亭在舊
學聖殿儀門後宋史譚烈婦趙氏永新人當德祐
末元兵陷城趙抱嬰兒隨舅姑匿禮殿中叛卒執
其舅姑及夫殺之以刃臨婦頸曰從則生不從則
死婦罵曰吾能從舅姑與夫死耳大甕敢汚我哉
母子遂俱遇害血漬禮殿八軌間如婦人抱嬰兒
狀久而宛然如新或磨以沙石不滅又燬以熾炭
吉安府志勝天卷之九

聖

其狀益顯○通志云三姓勤王之家在永新城
中丙子江南亡知縣彭震龍文丞相之次妹婿也丞
相出師被執震龍乃結縣人張履翁顏斯理及諸
嗣豪傑歃血城中聞丞相自嶺海出江西軍聲復
振乃引兵出迎之值元兵奄至有少年無賴爲之
內應遂屠城以快私憤三人同時死之于時有蕭
燕夫者能詩有豪俠氣與兄敬夫俱天祥客協贊
震龍兄弟亦俱被害里人至今稱爲勤王三姓○
城南有忠義潭宋末邑人復有八姓勤王弗克相
率赴潭水死俱佚其名時人爲之語曰蒼蒼義山

湯湯義潭是生烈士義膽忠肝○輿地碑目云道
遙樓爲顏魯公書額東嶽之行宮也香城廟在縣
北三里神爲漢循吏召信臣有香城菴乃信臣遺
跡事見廬山記○永慶院在縣中舊有銅像周世
宗時昇以備銅網至京像現毫光得免○塚記云
唐丞相姚崇先塋在縣學東三十步許○鄱陽侯
墓在縣北三里唐平南將軍鄱陽侯尹濯也本汴
州人黃巢入廣授濯廣州刺史巢平留鎮洪州及
朱溫代唐討事二姓遂家永新卒塋于此○志云
東華山爲近郭勝區上有東華觀下臨深潭林木
吉安府志勝天卷之九

興

森秀元時道人文月堂結菴山上永新判薛均用
始爲剏觀其陽爲東山有寺歐陽脩陪丁元珍遊
東山寺詩幕府文書曰已稀清尊歲晏喜相携寒
山帶郭穿松路瘦馬尋春踏雪泥○紀勝云永新
山三峰相顧若龍廻名龍頭山又名義山周廻三
百里遠峰去縣九十里卽泰和王山也近峰去縣
二十里爲義山○義山重嶂中起伏如飛鳳者南
華山也相傳唐智棲化其中今有仙壇瀑布泉疏
磯洞仙人壺諸勝其山西交柳崖南控度吉峰巒
攢竦如少長相顧之形故名上有美湖中列石鼓

下有聰明泉唐牛僧孺讀書堂在此泉側宋劉沆詩云義山之下有靈泉泉號聰明自古傳四百年中三出相不才何幸繼前賢舊傳姚元之牛思黯皆少長于末新云「聰明臺五代時邑人劉景洪築沆之魯祖也事揚行密爲牙將有僞刺史彭玕脅以兵使附湖南景洪僞許之竟以州歸行密遂不仕歸自言曰我不從彭玕全萬人命後必有隆盛者因各所居後山曰後隆山山在唐時陝州姚崇嘗奉母寓居其後涇州牛僧孺因姚故址居之景洪築臺山下丞相沆母太夫人將婉嘗夜夢牛

吉安府志勝八卷之九

哭

相公來謁遂產焉沆後登天聖進士至和中入相請立儲竟與文富二公定策禁中薦歐陽永叔脩唐史嘉祐中罷知陳州慶樞過都門仁宗製詩挽之云早富經綸業終成輔弼功立朝無黨比爲國盡公忠此日悲遺直誰人嗣匪躬深嗟亡一鑑何以慰予衷墓在縣北十里御篆思賢之碑碑陰有楚公刻像○石灰山在縣東二十里有寶仙洞亦曰梅田洞前洞有石天窓觀音羅漢二聖像又有石鼓擊之有聲石龍噴水不竭後洞最深長行可半里得石牀一二所石帳數所及石獅石筍石

縣又有石乳石燕其石色白而細邑人鑿以爲灰隱隱隱完唐天寶中人言洞藏妙寶真符玄宗命張均等祠之其陽名玉虛洞中宏敞容千人巨石壁立十數仞上開天門行可一二里無阻阨中有石房石田石池之類右爲合璧洞洞門雙闕宛如合扇○縣北二十里中村淨覺菴前石碑二宋郴州守張鋼墓所也鋼淳熙進士爲靖江司戶未平令蠻徭懷之其墓表周益公必大撰神道碑章穎撰○聖嶺在縣南三十里上有井深廣數丈前爲仙人臺相傳五代時夜中嶺上大震及旦視之忽

吉安府志勝八卷之九

哭

見土城巍然過數里宋紹興中鄉人脩築資以避寇○牛母墓在縣西南三十里相傳牛僧孺之祖仕交廣罷官爲賊所掠惟僧孺母子獲存寓于禾川卒塋焉○王象之云顏魯公搗衣石在永新縣前市故老相傳顏嘗盤桓其上以爲石可搗衣故名志謂石在縣北四十里平原村廣四尺長倍之其色瑩黛公爲吉州司馬行部過此撫石而憩扣之聲音清越今更千年土花不蝕○通志云綏原山在縣南四十里勢連鵝嶺其址可六十里許上有阿育王塔下頽重淵傍有飛來佛像○禾山在

縣西北六十里連跨五百里其巔平袤背產嘉禾處故名奇峰巒與衡潭相接有覆釜之形七十二一紀勝禾山居于兌方又名秋山其最高者名赤面峰下有唐甘露寺一鑊徑可丈餘半瘞于土或古昔僧徒盛時物二禾山大智院唐大德中西域僧吳達錫處宋改甘露內藏太宗賜物有南唐所進佛牙舍利及磨竭提國所進釋迦真身舍利有唐姚崇讀書處及元絳題詩○禾山下爲龍門溪懸流數十丈奔厓飛瀑湧爲溪潭最稱奇絕顏魯公大書龍溪二字刻巖上先特字去地二丈

吉安府志勝八卷之九

兗

許摹榻者必附梯緣之今字漸近平地而巖壁無少損○王孚安成記云永新縣復山有二石室其一虛間幽深其一水流渟蓄距二十里有石廊洞在西亭鄉中有白石幢石鼓石繁石蓮花等深一二里巖竇通後嶺甚奇去石廊十里乃元陽洞也亦有石鼓二洞泓泉湧出注溉一方旁爲元陽觀世傳唐相姚崇嘗讀書其中故山稱書堂嶺下有墨池元提舉李祈棲隱處○寰宇記云姚公石室在禾山足下去縣西北一百二十里室豁然宏敞中有大洞潤數丈可以行舟前不知極自古謂有

精靈龍蛇穴之姚元之布衣時愛其奇勝卜居洞側讀書數載而業成今遺墟泉石猶可想見世傳崇父宦蜀中留崇與母夫人寓禾山新不去○留亭水去縣七十里自梁傳鎮合百丈洞水至西陽江口與勝業水合入于禾江○三株樹在縣西八十里溶湖村唐顏魯公後裔居其地古樹三株鼎立山上丈餘仍合爲一其下可坐十數人歷七百餘年茂盛猶故至宋有顏翊少孤兄弟數人事繼母以孝著一門千口男女異序少長輯睦區架無主厨饌不異平生家人不見其有喜怒卒塋溫塘在

吉安府志勝八卷之九

辛

縣北五十里之八都○縣西有地名水窓宋末劉友益居之學者稱水窓先生友益少貧傭書以給膏火積十數年凡經傳子史天文地志律曆象數靡不淹貫著通鑑綱目兵法五十九卷寸較錄評微詞隱義悉窺千載之秘相傳水窓嘗遇神挾一冊謂曰吾奉帝命勾攝應死者其上有友益名註云三刀下死又熟視之謂吾視若乃善士乃改下爲不字倏忽不見及逃亂賊猝至死者狼籍先生避不及乃伏亂尸中祥爲已死賊斫之三刀脛猶不斷得善藥越宿始甦○開天遺事云玄宗天寶

中上元賜醺上御花萼樓觀燈時陳魚龍百戲百姓聚觀樓下譁聲如雷使羽林執挺遏之譁愈甚湏臾高力士領一女上樓清謳未及數聲萬籟俱悄上大悅問何處人荅曰永新于是宮中稱為永新娘子

永寧縣在府西二百里

本永新州之勝業鄉元至順初守土官以鄉去州城道險而遙民罷征役乞別置縣從之初立治于鵝嶺之西至正壬辰縣遭兵燹偽相周安政築于瓦岡之東西拒小澗南阻鄭溪治北百五十步有吉安府志勝業卷之九

至

圓峰華秀布列如星者七名七星峰○縣西三里之銀岡發脉于鵝嶺連接七溪有萬馬騰驤之勢○白霧橫玉潭水澄碧爲此方之大觀○勝業水發源掘鐵山以其水并冽灌田勝于餘鄉也今有勝業巡簡司○七溪嶺在縣北十里兩山夾峙若隘巷其長可二十餘里林木交映有泉縈洄流爲七溪三十六洞○娥皇峰在縣西十里舊傳二妃从帝南巡經此後人立廟祀之又二十里爲紫山危峰迂削出甘泉有蜀先主行祠紫山之水來自楚之荅陵州東流至外江口會○小玉筍山在縣

西四十五里曰小者以別于新淦之玉筍也南唐孟賓隱居其上號群玉峰叟亦出英采又五里有高士山山陰卽永寧之柴坑也其麓有古庵以祀高士者或云卽孟賓○縣東南五十里有周侯廟相傳本里周氏子少年力田夜灌遇異人曰吾憐子勤苦無以爲助吾能富人能力人二者將何欲荅曰富多事不若力可以耕異人乃自嚙指血令飲力遂兼人○又十里爲揚湖山山腰湧泉直瀉山下蕩爲深湖與柴山水鵝嶺水俱會雙江口繞于廻碧亭亭在城南○鵝嶺在縣東五十里雙峰

吉安府志勝業卷之九

至

聳翠左有巨石爲屋廣丈餘其傍峰巒昂起如鵝項欲鳴狀嶺外卽荅陵矣初立縣治在鵝嶺卽此○佚志云城南鄭溪有仙井先有姬居其傍以桑麻自活一日感異人至其家覓飲姬自遠汲溪水來餉問何遲曰地枯泉少曰何不掘井荅無力異人遽命取椀覆米于地指曰後七日此地當得泉如期啟椀土陷而泉湧人以爲呂仙也此姬陳姓

臨江府在府城內二領縣四

漢志豫章郡十八縣新淦建城在焉三國志吳置
安成郡新淦隸焉今新淦新淦不改而建城在唐
改爲高安卽今之吉安也若清江則分古新淦
新淦而設者峽江又分自新淦而設者宋淳化三
年轉運使張鑑始議建臨江軍于清江元改軍爲
路 國朝改路爲府領縣四其地東界豐城南界
吉水西界分宜北界高安廣一百九十里袤一百
五十里幅員不廣舟車之衝○輿地碑目唐乾元
二年詔諸道置放生池顏魯公手書序銘其畧云
臨江府志勝不卷之十
去殺流惠好生立辟率土之濱臨江是宅寶勝如
來瞻瞻允格真卿勒銘敢告凡百右放生池在閣
皂山碑豎本軍○天慶觀有後唐徐鉉手書記及
寥陽天闕之殿六字又有宋天禧中所賜金寶碑
○府治西風義堡有于進士陳京剛中掘得斷碑
曰毛玠之墓四字○臨江軍在黃雀鮓宋呂嘉問
爲守王荆公送之詩云黃雀有頭顱常行萬里餘
想因君出守暫得免苞苴攷故事本軍歲遣朝貴
雀鮓率三萬計遂至悉罷之○福州人王伯大以
嘉定中知軍值歲旱乃置荒政局延士客日講求

之民賴以存活乃作歌曰紅黃黑白園甲乙丙丁
戶若非王知府餓殺人無數○河東人李偁元大
德間爲臨江路總管以方正明察與憲司滅夢解
不合坐視職郡民數十百人爲訴寃于宜撫使作
大布幢書詩云十萬居民血淚流李侯端的是賢
侯早知若被聰明悞何不當初惱突迭○臨江田
徑夾山谿間厥土多沙善潰洩一雨輒盈止卽涸
故里諺曰三夜月明齊告旱一聲雷響便撐船

清江縣附

縣本吉州蕭灘鎮僞唐升縣取大江清流爲名至
臨江府志勝不卷之十

今仍之按城東萬勝門外有驛名蕭灘卽縣之東
江也梁武帝南幸曾駐此水有女死焉帝乃鑄金
人爲婿合葬之每遇風雨晦冥如有影響後人因
立昭明太子廟于此○志云郡有蕭灘以腐舟濟
必敗宋天禧中王益字損之判臨江軍吏懷欺求
判輒不得售諸豪大吏皆側目因呼蕭灘爲判官
灘○宜春逸事云縣人盧肇與黃頗同里同舉于
鄉公車偕發太守獨餞頗而肇不預明年肇魁多
士守延聲觀競渡肇席上作詩云扁舟鼓浪去如
飛鱗鬣崢嶸各關機向道是龍剛不信果然奪得

錦標歸按傳肇未第時樂蕭灘山水之勝讀書于石溪寺寺內之覽勝亭卽肇觀競渡處○鐵佛寺在石溪右唐咸通中嶺南節度常宙征南蠻道由蕭灘泊舟岸傍夜見江中有光命漁者入水漉得鐵佛相五軀及師捷乃建寺安之奏賜額名興化宋收光孝寺今俗呼鐵佛寺○鄉林在東門外宋孫觀銘序云兩浙轉運使右朝請大夫秘閣脩撰向子諲博極群書尚友千載治一室手植衆香草環之而讀離騷經其中自號鄉林居士建炎末崎嶇兵亂轉徙江漢間年四十餘上書謝事徘徊玉臨江府志勝入卷之十 三

筍之下淦水之濱登高探勝築屋居焉菰蘭九畹采芝三秀群芳衆草羅生堂戶蓋真得所謂鄉林者乃欣然笑曰孫興公賦遂初韓吏部賦復志皆謂此耶紹興五年詔起爲江東轉運明年徙兩浙召見奏事實勞甚寵因從容自言有終鄉林之意上嘉嘆良久親書鄉林二大字賜之龍文龜畫妙絕一時群公在廷驚顧動色子諲侈上之賜書屬觀爲銘銘曰肝膽一如薰蕕殊臭鼻識妄聞六鑿交關螭蛆甘帶蜣螂轉圜嗜痴脂鼠逐臭則然一國之齊人所服媚君子好脩綬之爲佩手按紫籟

掉芙蓉旗蕙肴蘭藉飲芳食非若非淵堂薦馨在德葵傾草靡偃風就日帝闔九閭執播厥芬神交夢蘭基千獻芹扁榜峨峨來從天上璧月流輝浩寨帷帳天命不諂惟德興儲錫慶毓瑞充公之間○里許爲百花洲相傳晉陶侃讀書處有百花寺國初練子寧詩云閒抱瑤琴訪百花上人還與論三車能分香積厨中飯慣煮孤山雨後茶洗墨池荒秋草吟讀書臺古夕陽斜壁間正好題詩句留取他年護碧紗○章山在城西偏亦名富壽岡晉時有羅浮道人章昉脩真于此因以爲名其山北臨江府志勝入卷之十 四

真蒙陽南羅閣筍西朝淦水東抱貢章宋宣和中汪師心爲守掘郡圃得碑石始知古名富壽岡云○城南里許爲瑞筠山山瀕江週廻五里本唐歐陽處士宅有瑞竹色如爛銀故名山有慧力寺宋熙寧建臨江慧力周禪師居之見五燈會元 明太史解縉詩云慧力寺前春水流茸茸芳草滿汀洲十年不到臨江郡依舊青松接畫樓○又八里爲龍岡當驛路有赤土如環者二所相去數丈父老相傳爲龍眼穴掘出輒雨雨過色赤如初○城西望仙門外十里有青龍淵雷公池池傍有晉吳

猛所建讀書臺門名望仙亦以此○城東北三十里有化梭亭晉陶士行故迹也土人謂侃微時漁雷澤中得一織梭歸懸之壁一日雷電起梭化爲龍去後人爲立亭于陶母墓前有碑刻甚多近墓圯于江心按陶母墓舊載新淦縣而茲地之清江鎮古新淦縣在是也有廢新淦城俗名樟樹○淦水在城南三十七里發源茂才鄉流經紫淦山至清江鎮○紫淦山去城東四十里淦水經其下舊有紫淦院地名水東○聶將軍廟在清江鎮吳錄云聶友新淦人爲功曹諸葛恪欲北伐以書諫不臨江府志勝八卷之十 五

從果無功既退軍友知其將敗出與滕嗣言甚悲愴後與陸凱共伐朱厓儋耳封丹陽太守及恪誅後孫峻忌之欲徙儋林友發病死○鎮北有都尉城漢地里志云南昌都尉治此又有晏公廟舊傳晏本鎮人名戊仔元季爲文錦局堂長因病歸登舟卽尸解去嘗見神于江湖 國朝封平浪侯○仙女塔在縣西南三十五里黃岡舖之上東晉時王長史遇仙女張麗英居棲梧山沒塋于此黃岡卽棲梧之山岡也蕭灘之水出于此山有靈茹丹井靖蛭塘蟾蜍谷葛峰觔竹岩真君泉聖水亭玉

虛觀諸勝□棲梧山前潞河有石曰河阜石昔周公瑾留鎮巴丘時嘗憩焉今呼其處爲河阜寨○夏山在城東北六十里山中有寺亦名夏山寺門枕石潭人言潭有龍居之水下溉田數百畝○閣阜山道書二十三福地是張道陵葛孝先脩煉之所爲神仙之攸館去縣東六十里周廻延亘餘二百里踰樂安新淦豐城三縣地舊記云形如閣色如阜故以名之山分東西二峯之外更有凌雲玉女鳳游蓮華諸峯岩有藏錄金鐘嶺有觀舍雞坑西巘原有石曰葛憩仙鐵桃花石有雙鯉馬迹朝臨江府志勝八卷之十 六

斗臺有鳴水着衣壇有禮斗上昇橋有會仙南澗壑有卧雲郭老其下又有投龍潭九龍塘漱玉泉磨劍池石門皆群仙之遺跡也石曰原有宋澤廟前有石枕溪如臼者大小以十數上有磨劍故痕宋陶弼詩萬仞天然阜閣形陰陽不似衆山青一區海上神仙宅數曲人間水墨屏華表鶴歸春谷響玉京龍起夜潭青可憐張葛無人繼三級高壇拂杳冥□隋時山前有靈仙館唐改爲閣阜觀以祀葛仙相傳漢建安中葛玄于東峯作壑脩煉一夕衣冠入室卧而氣絕弟子守之越三日夜半

忽大風發屋拔木有聲如雷燧燭盡滅良久失屍所在即卧雲菴也宋元晦詩疊疊烟霽鎖闕宮扶節特地訪靈踪葛仙去後無川龜弟子今成白髮翁○縣有墨莊池坊風義巷志皆佚其處按紀勝云清江未立縣以前常有寇警里婦曾姓將二兒走手抱長者而令幼者步行寇遇詰之答曰幼者妾所生長者而人所生也寇義併釋之而遺以財物後官榜其所居里爲風義巷云○謝小娥不知何許人父自廣州卸金銀綱携家入京舟過前灘遇盜全家被害娥溺水不死行乞于市久乃備干臨江府志勝入卷之十 七

高李家見所用酒器皆父手澤乃置利刃懷之李生宴會口全家酣醉娥盡殺其家以聞于官事聞諸朝特命以官不願曰得小菴脩行此志足矣朝廷特勅建尼寺使居今池坊有古尼寺是也○墨莊見朱文公記云乾道四年熹之友劉清之子澄拱而起立且言曰清之五世祖磨勘工部府君諱式仕太宗朝佐郡計者十餘年既沒而家無餘貲獨有圖書數千卷夫人陳氏以語諸子曰此乃而父所謂墨莊也按志宋紹興中朱晦菴被召歸自長沙買舟臨江賦詩云征驂聊駐近江樓南

市津頭問買舟共說明朝乘雪水長歌一日到洪州因過桂山謝昌國宴飲而別郡人咸謂德星會聚繪圖傳示云

新淦縣

在府治南六十里

漢地理志豫章郡有新淦縣南部都尉居之其時治所在清江鎮因鎮東南二十里有紫淦山淦水出其下爲名今屬清江縣界而今治所則隋開皇中縣令李子樂請遷于市南村者也吳時屬廬陵郡陳屬巴山郡隋屬吉州宋淳化置臨江軍始收屬焉○唐時舊縣爲五州巡簡使治所南唐楊行

臨江府志勝入卷之十

八

密得吉州欲圖南顧用嚴可求之策以新淦爲都制置使治所置戍兵城而守之按志渡江而西十里地名城口有監軍城亦楊吳時制置使所築宋紹定間樊知古奏廣都制置使二城以備緩急卽此地也○縣治訓慈坊有陶母墓當關閣之間其地縱廣可二尋有半昔有南唐徐鉉碑記今圯按母姓湛氏新淦人爲陶丹妾家貧紡織以資士行學鄱陽孝廉范逵當過侃宿會大雪湛撤所卧薦秣其馬截髮以易酒殺問者嘆惜曰非此母不生此子而樂年節請吉州新淦縣東北百步有陶母

基卽舊縣在清江鎮者○東山去縣二里上有永壽寺宋劉次莊卜築處寺堂前鑿池名戲魚自號戲魚翁按次莊湖廣長沙人元祐間爲殿中侍御史謫居于此嘗募淳化禁中帖十卷刻石置戲魚堂中又自爲法帖釋文十卷與武岡帖淳化帖並傳而戲魚堂獨擅云○東山有孚惠廟舊記云永壽寂空禪師病足忽有二士人來謁詞貌不凡因授一方名曰龍丸使脩合之曰不惟愈疾且可濟衆明年郡城多風疾競來市之因爲立廟○縣西南有祥符觀宋徽宗晝寢夢二道士立殿下問其

臨江府志勝八卷之十

九

姓名對曰龍化基何得一旣寤訪之不得令以諸郡免丁帳求之得于臨江軍州籍中皆新淦祥符觀道士也得一應召至闕賜住太乙官號冲妙大師補丹林郎遷右街鑒義而歸今觀有煉丹井是其蹟○惠政橋在縣治南宋元祐中蘇軾遷僑南道此題其橋曰惠政建炎燬于兵碑石尚存泥溪之水經此有泥溪城南史廣州刺史蕭勃舉兵反詔周文育討之勃將歐陽頔屯兵苦竹灘入泥溪作城拒守卽此處按志以爲去縣四十里又四十里爲黃蘗館唐權載之集有奉使宜春夜渡新淦

江陸路至黃蘗館遇雨詩駢車振轂越山川候曉通宵月烟雨青楓浦上魂已消黃蘗館前心獨苦輿地紀勝以黃蘗山在縣西二十里臨江○縣東北二十里有秀溪南流與淦江合註水經云南水過新淦縣注于豫章名秀水亦名淪水宋曾宏父請宸翰篆秀溪二字以賜刻置石上○城北四十里大洋洲有蕭公廟本縣人名伯軒宋咸淳間卒其神顯靈江湖元時以其子祥叔配享在淪水上○秋山在縣東五十里有蘇官廟相傳陳永定中巴丘令蘇姓者卒官塋此廟卽蘇令祠其南有漸

臨江府志勝八卷之十

十

山資國寺○何君洞在縣西五十里秦逸人何紫霄隱處也一作鄧紫霄黃庭堅詩九真承詔上龍湖盡是驪山所送徒惟有鄧公留不去松根猶鼎煮菖蒲朱熹詩大地何人鑿小空儵然一榻幸相容巨靈劈破三千丈西竺飛來第二峯出洞風寒疑有虎藏舟夜半忽來龍怪來索我題詩句稽首何君怪石供○寰宇記云子淦山在舊縣北六十里有水流其下色如金因以爲名按淮南王安傳曰前時南海王及陛下先臣使將軍開忌將兵擊之以其軍降度之上淦卽此水也○豐城山在縣

東五十里過迴百里舊名百丈山唐天寶六年改
今名其東十里爲尚樂山上有宋武帝廟禿女岡
皇后陵六尺源羅公坑三百陂諸迹又東爲淦山
環擁十二峯絕頂有王郭二真壇又東爲伏泉山
寰宇記云在縣東北七十里上有泉飛空而下皎
然如素舊名泉山亦天寶年改○連伏泉者爲墓
山有寶林寺又爲仙女峯唐乾符中黃巢逼境里
人有李姓舉義兵拒之賊中占候者言新淦有神
人生紫氣不可犯也遂去後李女果以脩行得仙
鄉人爲立廟于峯頭

臨江府志勝八卷之十

十一

新淦縣在府西百
二十里

吳寶鼎二年自宜春縣分來者采淦水爲名唐志
本作淦天寶後相承爲淦聲之變也縣江南三里
龍池墅卽古治所隋大業時以水患遷治距村唐
武德七年仍還舊理○今縣治南曰虎牯山屹臨
淦水勢如虎距自大曆八年遷來未之有改山下
有泉兩眼其上有臨梁館廢以爲學宮○舊圖經
云隋大業二年勅于新淦縣東三十五步作鍾山
府明年因喪亂遂廢天壽元年十二月移臨梁館
于府基重建按天壽乃宇文文化及弒煬帝之二

自稱許帝之僞號也○寰宇記云袁水在縣南五
十步西至一灘計長二里其地峻險號曰五浪灘
灘頭立五浪館○輿地紀勝綠陰亭在新淦學宮
俯瞰袁水唐盧肇詩亭邊古木晝陰陰亭下寒潭
百丈深黃菊舊連陶令宅青山遙負向平心○淦
水一名秀水自蘆溪匯于縣南以達于清江跨江
有橋曰秀江橋宋秘書楊萬里記隱士吳叔元建
秀江亭于側黃庭堅嘗訪之題詩云因循不到此
江頭足馬黃埃三十秋舊社只今人共老清波常
與月分流○志云淦水受距河水縣東三里通濟

臨江府志勝八卷之十

十一

橋跨之灼江受萍水縣北六十里龍鏡橋跨之○
宋龔公王欽若本縣人嘗代真宗郊祀回上問卿
家何積累乃有今日對曰術者言臣祖墳佳上令
圖以進訣曰通濟橋下水朝流世代出公侯睦宦
橋下水來衝分土作三公上乃舉筆引水出墳前
曰水何不從此去明年水決遂罷相○仰天岡在
縣西北十五里上有仰山祠祠前有仰天池水茸
歲旱不竭池中有仙人石橋○紀勝云江西有一
種小白花玉潔而幽香土人以爲瑒花縣東三十
里有瑒岡多此花也按卽今之山碧山俗名水

仙又一名之金盞銀臺殘冬始放○縣西三十里有醴泉黃山谷嘗過此飲之而甘曰惜張又新陸鴻漸輩不及知也因題其傍石柱曰醴乳○縣東三十里相公嶺其下有張平子祠漢張衡也宋邑人蕭則家祠額前爲紹定進士史館校勘有小山集○志云城南道院卽古九仙觀宋縣人蕭尚書達所建初達引年歸鄉作縱目樓以學仙忽一寢病者叩門求謁閤者辭之曰第通報尚書不吾卻也及達出視則已去矣但以所食新橘皮書桂岩來三字于階石字跡透徹磨之不滅時嘉定十年臨江府志勝八卷之十 古

丁丑寒露前一日也章尚書頴貽詩云深居無事卽神仙閱到丹經第幾篇桂樹花閒臨舊國榴皮書字徹新碑瓊書玉篆行將見鐵畫銀鈎燦可鑄他日功成昇舉去願分餘庇及姻聯○陳靜甫新喻人以大業中得華陰道士傳鍊白石法及渡湘水又遇何仙娥授以浮田之地爲治所乃歸浮田取白石煮之清泉湧出已化爲霜服之飄然若生羽翰時唐武德二年八月事今其地爲洞真觀○縣南四十里周山有雲隱寺左吟峯右嘯亭宋初吳筠與其弟鳳吟嘯于其上故名○西北四十五

里爲白梅峯一名猴竹嶺產猴笋上有習鑿齒廟○又五里爲吳州城隋大業八年析新喻置者卽距村舊治也○裴子野宋畧云永嘉元年廬陵洪水有大鐘從山峽流出時人得之送上驗銘云是秦時樂器因以鐘爲山名安成記云鐘山臨水阻峻春夏則湍湫湧沸噴上白沙如米兩岸石上各九十餘里名曰米沙以之候歲若一岸偏饒則其方豐穰民以爲準輿地紀勝謂是秦時驅山鐸按袁州分宜縣已載此山而縣西與分宜接界故得並收袁宇記所謂水南曰南鐘山水北曰北鐘山臨江府志勝八卷之十 古

也隋設鐘山府其名本此○唐盧肇讀書鐘山嘗扁舟往來于其間有讀書潭在縣西南十五里○寰宇記云縣南七十二里爲百丈山有飛來石及雷祠其山頂濶百丈因以爲名頂上有葛仙翁井井畔有廟○石門峯在縣北七十里峯北有賜護臺臺西有紫雲寺又二十里爲蒙山迴迴踰百里有曹王洞靈隱寺道鳴禪師塔相傳梁寅嘗讀書于此作蒙山賦寅字孟敬本縣人元至正間辟集慶路學官棄歸國初徵考禮制至京攷郊祀書成授官以老辭賜白金還鄉築蒙山莊隱居著述

○宋蕭氏在縣爲望族有蕭貫者未第時嘗感疾夢綠衣人召至帝所命官人授之簡曰爲賦禁中曉寒歌宮人曰此衍波殘也賦就謂曰子詩有奇語異日必貴後祥符八年與弟貫同舉進士貫果居第二其詞云寶獸宮扉三十六宮樹迎霜紅簇簇翠紗盤鳳珠網垂百刻香殘墮蓮燭炭倪呀餇壁椒馥輓轡欲轉霏紅玉渴烏涓涓不相續十二曉關隱官綠長廊四注簾旋濕海牛壓檐風不入文輝侍嬪常宸闈壺箭傳呼鑰魚濕尚衣次進入堵墻千門萬戶聞天香九龍鼓氣號寒蛩醉客澤

臨江府志勝

卷之十

五

玉迎晨光綵衣佩魚無左璫兩兩趨走瞻扶桑紅萍半規山波面煥煥觚稜九霞綢鳴鞘一聲天上來長劍高冠滿前殿貫兄賀登咸平三年陳堯咨榜進士○城塚記云廢吳平縣在縣東百里漢曰安平隋改吳平開皇中省入○廢治平縣在縣北八十里廢廣豐縣在縣東八十里俱唐武德五年置七年省入○黃魯直新喻道中寄元明用觴字韻中年畏病不舉酒孤負東來數百觴喚客煎茶山店遠看人刈稻午風涼但知家裏俱無恙不用書來細作行一百八盤攜手至如今猶夢遶羊

陽見本集

峽江縣在府南百三十里

本新淦之地漢末元間分置石陽縣吳分置巴丘縣俱屬豫章至隋皆省入新淦國朝置峽江鎮巡簡司于巴丘故城夫新淦治百里而遙小民動以不便爲辭且危礮峻嶺巨盜出沒不常嘉靖五年知府錢瑋建議立縣乃仍峽江之名拓巡簡司故址爲治所負山阻江地盡巴丘兼有石陽遂成岩邑○顧野王輿地志云周瑜據在巴丘故城南始周瑜進潯陽破劉勲討江夏定豫章廬陵遂留

臨江府志勝

卷之十

六

鎮巴丘焉○石陽廢城在玉筍鄉之仙居里遺址存西北去新淦五十里巴丘故城北去新淦八十里○志云縣治距鳳凰山東三十里爲大羅山有井泉又東十里爲吳嶺有龍潭○柳木山在縣東南二十里道書第八福地有柳木洞舊傳漢梅福初入玉筍作壇投龍潭側遇神人授以採柳木碧茸法忽日見青衣童子謂曰司命君奉勅令子權司柳木福庭幸勿稽遲詰旦衣冠別同隱者入洞中竟不知所終後有人賦詩云雲霞一徑通遲日鎖溶溶春色桃花岸谿頭採綠茸郡志以爲卽子真

作非是○書苑云柳木山有梁蕭子雲隱宅宋黃庭堅詩柳木山頭春鳥呼雲迷帝子舊時居風流掃地無尋處只有寒藤學草書○又三十里爲安山有陳岳陽王基及廟塚記云岳陽王墓在玉笥鄉館頭安山地名大溪按通鑑隋開皇九年平江南陳岳陽王叔謹自湘州起兵繼而兵敗被執送秦王俊死于漢口則墓不應在此舊經以爲王乃高帝第十六子貞明二年臺城陷被害至唐武德中子嵩爲吉州別駕遷葬于此云○縣西二十里爲寶林山有大長寺又十五里爲峭山有峭泉寺

臨江府志勝入卷之十

七

瀑泉出焉○縣南三十里爲黃金山在黃金江上紀勝云黃金水去新淦西南百三十里自新喻東流入斷金鄉九十里達于贛江昔有人欲窮黃金水源緩步涯溪忽入一岩洞門扉微暗既行數步天日朗然若非人世旁穿一石隙得黃金如珠者數升乃持歸及再往則迷路矣○黃金鄉有雙秀亭南唐時縣人鄧佑權童子科其弟佑權三禮科里人榮之爲築亭于峽江上朱象爲之記○玉笥山在縣南四十里道書第十七洞天曰大秀法樂之天舊名群玉峯漢武帝時嘗降玉笥于是山因

以爲名漢梅福及晉郭桂倫彭真一裴景立梁杜曇蕭子雲皆嘗學道于此○陶弘景玉隱書云玉笥福地也有水東流山蟠踞數十里地產稻穀肥美宜避兵相傳秦時孔丘明略法通等十人避亂山中俱得道後九人仙去獨何紫霄爲地仙隱居山洞名曰何君洞已詳新淦縣下○清居觀卽梁杜公被流南歸而隱此山因置觀焉司徒左長史蕭子雲爲作銘○魏夫人壇在大秀峰頂相傳南岳夫人嘗治于此黃廷堅題魏夫人壇詩獨拂蛾眉上遠山春風瑤草照朱顏我來欲問揮玉斧二

臨江府志勝入卷之十

六

十四峰如髻鬟又題大秀峰詩大秀仙峰齒齒開玉梁高接九仙臺預從頂上結茆屋擬待先生跨鶴來○秀峰之外有覆箱峰黃魯直詩上天下地似探梯怪石巉岩襯馬蹄擬是客程行不得隔林猶聽杜鵑啼○名山記云玉笥山爲峰者三十有三太白覆箱送仙上方仙女投龍芙蓉正一赤松金桂下方三會元秀魏仙泰望太陽雙龍雲臺瑞蓮彩雲掛帽象石金亭紫虛降真丹竈西平石橋碧石元皇獅子紫霞金井是也曰壇者二十有四降真司命梅仙金碧麻姑宋帝紫虛葛仙白窰太

乙皓素陰君步虛太清元皇七元杏花洞虛蘭金
精思白鹿埋金玄帝王喬是也曰臺者十二九仙
東華送仙著衣望仙百靈君經望月讀書琴臺石
臺白雪是也曰洞者六大秀郁木元龜零儲歸雲
白雲是也曰亭者十一百花澄心麻姑梅君元君
者經待鶴下箔迎仙五節會仙是也曰源者七金
井碧玉九真養龍流杯白蓮墨池他如曰潭曰石
曰井曰宅曰坡曰嶺名類不一而足又有天柱岡
高千仞形若天柱又有杏花桃花塢形露棲霞
靈春川陽四谷白乳醴泉雙淵玉淵諸水輿地紀
臨江府志勝入卷之十

九

勝云玉潤迴互紆曲號三十六澗之一流出縣東
比十五里爲玉潤橋郭祥正詩橋名玉潤玉琮琤
覆水松陰兩岸清野色花香仙露濕客來從此問
長生口雜志云漢武帝元封五年行巡南部受上
清籙于群玉之山見有玉箱如笥委壇中忽失去
因改玉笥山每天陰氣清有聲出空中如衆樂並
作莫知其名物雖一時同在山中或聞或不聞及
夜深聞寂又聞如車馬金革之來若神物有所効
治者居民相率畏忌遷其居數十里外獨學道之
士居之不疑碑目云玉笥太陽峯廳御廟神乃

吉州刺史吳雲儲唐天寶六載中使崔明至玉笥
夢神告之云吾吳雲儲也蒙上帝新封華陽府主
請爲立廟使還奏立之于此按貞觀七年吳世雲
罷廬陵郡歸隱此山全家得道故有廟祀宋政和
中賜額國初練子寧賦曰我所思兮玉山之岩
崑嶽芙蓉對清霄謫仙一去已千載至今誰續廬
山謠熊侯家住劍江側慣掃秋山之黛色間予此
興爲寫之彷彿梅仙舊時宅梅仙今何在邈清風
兮滄海寒夷猶兮孤舟吊遺跡兮千載舟中所載
非凡流羌故人兮李與周按玉笥兮明月下黃鶴
臨江府志勝入卷之十

十

分清秋洞天兮石扇蘆鴈兮路轉橫余劒兮視八
荒訪蓬萊兮幾清淺張侯兮昂藏驟白雲兮青霓
裳窺玉梁之寶笈醉石髓之瓊漿千岩萬轉路莫
測酒酣一笑三山窄待得君王賜鑑湖錦袍重訪
山中客按子寧名安以字行新淦人洪武中一甲
第二人靖難師起併親族以下皆生死徙子孫流
落于外○塚廟記云孔母墓在新淦縣南八十里
雜志云秦時有孔丘明學家學道玉笥此墓是其
母塋所○孝通廟在峽江鎮相傳秦時有溫姬者
經程溪得一巨卵藏之家生七龍放于江中它日

媿至江口龍輒獻嘉魚爲饌若奉養然及死塋程
溪傍年深將圯一夕雷電遷之高岡鄉人爲立祠
唐賜額曰孝通元揭傒斯作記

臨江府志勝八卷之十

廿

袁州府在省城西南二百九十里 領縣四

漢宜春侯國地也吳孫皓寶鼎二年分豫章廬陵
長沙立安成郡宜春縣屬焉晉迄陳因之隋廢安
成于宜春縣立袁州袁人姓亦山名大業三年改
州爲宜春郡唐復爲袁州天寶初又稱宜春郡自
乾元迄宋皆曰袁州我明因之○輿地碑目袁
州文宣王廟記唐黃頗撰頗宜春人○袁州學記
宋皇祐中祖無擇營建李泰伯爲之記章友直篆
柳洪書世號三絕熙豐間館閣第宇內學記以袁
爲冠○唐相國房公銘柳子厚書碑陰畧云唐之
袁州府志勝八卷之十一
大臣以姓配公最著曰房公相玄宗肅宗其理袁
袁人不勝其懷李華銘公之德刺史王涯爲刻石
房公瑄也○韓文公祠堂記范陽祖無擇撰昌黎
刺袁州有善政感慶雲見民間生子多名曰韓以
志公惠今郡廳內有景韓堂宋紹興中知州事陳
婦改燕衍堂而爲之者慶元三年郡守高諷之重
脩黃綸記○右燕衍之名本于唐之需宴亭也亭
爲天寶年太守房瑄建在府治南傍東多種竹樹
五代劉仁贍因建借翠軒于上○澄源閣在府治
後圃宋乾德初郡守呂延真建其右有深樾亭沈

昭遠爲序併詩○紅陰亭在倅廳王冀公布衣時
作記○叢桂堂在府學內宋嘉定間林垞記○晏
公顗嬰云唐之刺史蕭定治最第一柳渾理行高
第朝廷嘉之按志蕭以大曆初年刺袁是時第天
下刺史最績只三人常州蕭復濠州張鑑與定而
已○劉長卿送柳使君赴袁州詩宜陽出守新恩
至京口因家始領遣五柳閉門高士去三苗按節
遠人歸月明江路聞猿斷花暗山城見吏稀惟有
郡齋窓裏岫朝朝空對謝玄暉按渾初名載代宗
大曆中刺史袁有聲召拜諫議未幾朱泚亂署以爲
袁州府志勝入卷之十一 二

相載羸服至奉天奏曰臣名爲賊所污且載字於
文從戈非偃武之兆乃改名渾○韓昌黎集有祖
席得秋字送王涯赴袁州詩淮南悲木落而我亦
傷秋况與故人別那堪羈宦愁榮華今異路風雨
昔同憂莫以宜春遠江山多勝游涯字廣津退之
時分司東都預祖餞焉至元和十四年亦自潮州
移袁○宋羅誘傳信錄序云郡自東漢陳重以後
寂無其人逮唐有鄭谷獨以詩名得綴于文藝傳
末又無顯赫功業于世如彭構雲之隱逸盧肇之
文學亦有足尚者而史皆佚之予因憤焉作傳信

錄三卷上卷則序前世之事自陳景公始中下二
卷則述當代之事自王冀公始與夫守令之治狀
過往之遺迹僧道之高行山川之靈異皆附于錄
信以傳信疑以傳疑春秋之志也

宜春縣附

漢舊縣屬豫章郡武帝封長沙定王子成爲侯國
晉孝武帝改名宜陽避母諱也隋開皇末復爲宜
春自後因之○寰宇記云縣側有暖泉從地湧出
夏冷冬暖清澄若鏡登婦如春飲之宜人故以名
縣按在治西四里卽宜春水也晉地道記謂縣出
袁州府志勝入卷之十一 三

美酒隨歲舉上貢蓋由此水得名○邵國志云縣
南鄉有溫泉泉有魚投以生卵卽熟按去城三十
五里脩仁鄉是泉出定光院前凡三處一在東岸
上院僧菴以爲池一在江心磐石上石寬五尺許
平坦可坐游者每至此酌水爲樂宋黃叔萬詩離
火自天燦濕火日地生我來需晚汲聊川濯塵纓
○志云袁有五臺三峽宜春臺其一也在府治東
南隅闌閣之傍岫起數百尺陰森竹樹掩映棟宇
遠而望之峻不可陟按輶徐行坦如平地迴覽川
原下望人烟爲一州之壯觀宋建炎中立仰山行

祠于其上。盱江李觀詩：謫官誰住小蓬萊，惟有宜春最古臺。千里待看毫末去，萬家攢作畫圖來。○仙女臺在城東南隅，與宜春臺相望，又城管之左爲鳳凰臺，有鳳臺觀在城西南隅，枕城爲臺樓觀，突兀竹松交翠，亦堪競勝。餘二臺詳見後。○城塚記云：漢宜春侯成始於城中立五臺，其最勝者宜春也，高凡五十餘丈，植桃李以萬計，及薨，塋臺下西北偏，有祠存，篆宇記州東南一里有定王塚，卽此。韓文公刺袁時，有姪孫滂卒于官舍，椎塋宜春郭南里而爲之銘，亦近此臺側。文公有祠在焉。

袁州府志勝八卷之十一 四

自西講堂移來者，學士錢習禮撰記：○治有五井，象龜相傳，袁天罡教民鑿之，不顯爲汲用，以尅火。鼻曰雙清，濶丈餘，內有兩小石孔，在其棠坊府學左畔，舊永積庫東左，肩曰揚清，橫二尺，長六尺，在達理坊右，肩曰澄清，橫直同，左在縣治前，文會坊西去西明井十步，左曰東明，濶丈餘，在達理坊西去揚清井三十步，右曰西明，在古開元寺浴院後，卽今縣治前三十步，文會坊西開元寺卽梁丞相袁璞宅也。○難禪閣在燕樓外街，南宋李冲元建，黃庭堅曰：龍眠道人李元中爲宜春決曹掾。

盡心行獄事，既飭于是築閣以退聽，已無憾而後安。禪乃乞名于其友山谷道人山谷曰：菩薩久習勝妙禪，定于諸三昧心得自在，哀憫衆生欲令成熱捨第一禪樂而生欲界，是名菩薩難禪，可名曰難禪閣。冲元又撰有鞠城柳門杖，桔匣，緹衣，孟陰德堂凡十一銘，以自勗其官云。○落驢橋一名湛郎橋，在治北七十步，唐進士彭伉墜處，丁竹巷在府東，乃唐湛責讀書處，按據言云：彭伉湛責俱宜春人，伉妻卽責嬖也，伉舉貞元七年進士，擢第湛猶縣吏，妻族置賀宴，皆官人名士，伉居客之。

袁州府志勝八卷之十一 五

右一座盡傾湛至命飯于後閣，殊無難色，其妻忿然責之曰：男子不能自勵，客辱如此，復何爲容湛？感其言，孜孜學業，又五年爲貞元十二年，舉登第，時伉方踰長耳，縱游于郊郭，忽有僮報湛卽及第，伉失色而墜，故袁人謠曰：湛郎及第彭伉落驢。○東城外三十步爲東湖，太守祖無擇建亭榭其上，爲游觀之所，有樂游堂、廉堂、休亭，因城之高，有月臺，抗水而榭，有來香閣，樂游之西爲讓堂，堂北有射棚，堂南有石高丈餘，奇秀可愛，定曰盧聲，故宅徙焉，爲盧石堂，軒城南東爲來珠閣，閣後有石。

亦惟舊廉讓來香米珠皆東西相值銷暑亭則據城之隅也與月臺相屬而小者曰風亭其浮有航其絕有梁其登有石磴其南北有門後溪而前市山烟水風淵魚林鳥袁人以爲樂區○湖南有介亭廣漢張杓知州時南軒先生杖過之爲書東湖扁額且易盧石堂爲介亭仍題榜側云介亭之石本盧肇家故物也挺然特立望之有汲黯在朝氣象予旣攷豫六二之義以名亭併訪來者○城北袁山門外爲秀江其源出雞雷山潄泓深碧故以秀名有樓有驛俱名秀江○秀江之上有化成岩袁州府志勝八卷之十一 六

唐州刺史李德裕讀書殿內後人因山石以鐫公像爲亭而祀之絕頂浮岡宋郡守王古所立○秀江之北宜春縣學卽唐盧肇故宅學後有洗研池每產綠毛龜則此邦文物必興盛池上有亭亭傍有石如筍峙肇故物也肇赴舉別故居云秋天草木正凋疎西望秦關別舊居庭上清樽今日酒簾中黃卷古人書離山且作噉蘆雁入海終爲帶角魚長短九霄看直上不教毛羽發空虛按肇會昌三年狀元先是贊皇公爲宜春長史雅重之及爲太尉而肇適薦送德裕曰此榜已有狀元矣○西

池在城西三百步唐乾元中刺史鄭審所開有故城渾木底島薈薇洲柳隄釣磯諸勝其府治內有鳴玉池蓋疏西陂之水入之後改爲疏泉亦唐時鑿宋宣和中知州魯孝序記○寰宇記云袁山在縣東北五里晉隱士袁京居其下卒塋于側今高士坊是其處山以人名州以山名也袁山有二曰大袁山小袁山迴聳相對唐人詩袁山大小雙螺並秀水東西一帶橫○志云梁丞相袁璞墓在袁山東北墳高四尺翁仲石獸尚存近袁山有崇勝寺唐建方丈內有竹尊者軒按紀勝云崇勝法堂袁州府志勝八卷之十一 七

後新竹一叢數竿挺出雲表于時賞識標目爲竹狀元郡相與儲以狀元之名不雅請更名竹尊者至今稱之黃魯直有竹尊者軒記○龍興寺晉建在府治北今名靖嚴觀中有古松唐人易偈詩百尺古松松下寺寶幡朱蓋豈珊瑚閑庭茸露幾回落古石綠苔猶未乾○易偈者狀元易重之族也重以會昌五年繼盧肇及第時內庭再考復中魁選有寄弟姪詩云六年雁序恨分離詔下今朝遇已知上國風光初喜日御街恩渥偏身時內庭再考稱文異聖旨宣名特大奇故里仙才若相問一

春奉折兩重枝○袁山門外江北嶺下有都官墓
唐鄭谷爲都官郎中塋此藝文志云谷宜春人永
州刺史史之子幼負雋聲司空圖許其爲一代風
騷主而薛能李頻當世名士咸愛重之詠物詩尤
工世號鄭鷓鴣○范陽祖擇之集云予既作韓文
公祠成因讀尚書都官鄭公像于東壁以配未幾
都人之戴白者以公墓所在來告乃率僚屬亟往
視之距城纔七里而獲焉于是增封樹植宇隧前
周以垣墉限以閤閤伐石爲碣表于路隅公名谷
字守愚光啟三年進士及第始爲京兆府鄠縣尉
袁州府志勝八卷之十一 八
終以都官郎中老于鄉退居仰山東莊高尚其事
有雲臺編與外集凡四百篇行于世曹鄴送鄭谷
詩無成歸故國上馬亦高歌况足飛鳴候殊爲喜
慶多暑銷嵩岳雨涼吹洞庭波若便閒吟去須期
接盛科又有送魯德邁詩湘東山水有光輝袁水
詞人得意歸幾府爭馳毛義檄一鄉耆侍老萊衣
庭開湖岸臨清淺路去藍關入翠微想到宜陽更
無事併將歡慶奉庭闈谷與德邁同時同鄉邁成
進士而志不之載聊附以資考○方輿勝覽云宜
陽門外半里玉溪洞李從遜觀所翺觀少過日成

誦慶曆二年試南宮賦偶失韻主司憐其才特爲
奏名登第時方冠卽知清江縣元祐初司馬溫公
薦之除知虔州不赴自號玉溪叟于洞中種列名
草名錦繡谷○城東北七里有雷塘方三頃韓昌
黎文集所載有雷塘祈雨文按卽志之雷潭也秀
江所匯龍潛其中上有峭壁石罅龍鱗印苔成痕
潭邊有古寺○震山在城東十里俗名馬鞍山山
下一岩幽隕深險盧肇記云宜春郡東五里有山
望之正若冠冕同麓而異峯四首相屬兩仰成形
況在東方如畫震卦郡人故名之曰呼崗意者亦
袁州府志勝八卷之十一 九
謂其若長幼相呼同在一處于義不顯予無取焉
其西北有石室臨游溪之浹邑人彭先生嘗釣此
岩下先生諱構雲伉之祖也善黃老言寶應中以
玉帛召不至時太守命其鄉曰徵君鄉岩曰徵君
釣臺咸通七年予罷新安守以俸錢易負郭二頃
在震山之西又得楓樹之林于溪南日與郡守高
公游其下公名厚衣纓之茂士也爲政嚴簡民悉
安之予以震山易呼崗之名白公公喜命刊其事
于岩下予既得西林而羅烏置兔挾彈走馬于其
間亦請命其林曰盧氏弋林以對其東彭氏釣渚

也高公下令禁郡人無得樵漁于是林之植鬱杉
檜不日豐茂以冠于郡高公因戒吏以丹書貽盧
氏使西疇之人世世掌之郡民相率言曰二刺史
俱好事者吾儕幸寓目焉遂以刊之是歲景戌十
一月二十三日謹記按彭氏釣臺與湖岡臺俱在
五臺之數湖岡臺距城南十五里晉時鄧表居之
上有丹臺丹池及禮斗石○三峽者城東二十里
牛欄峽其一也有金雞銀屏二山翼之若欄檻焉
故名其二峽在分宜縣界因詳于彼○宜春記云
郡有石室山數穴相連高十餘丈皆相似素壁如
袁州府志勝入卷之十一 十
雪萬象森羅右去城東三十里深里許或游宴其
中殺核狼藉經宿如掃洞前有石亭衡二十五步
廣三步有奇崇五十尺坦明無翳礙亭之中有門
自門入密不容光若廣室大厦間然而夜半也執
炬循行歷歷可數曲而深度百尋其廣自三步其
崇自五十尺而殺之環蓋雖石入門而殺之初則
平土也可驟可馳已而降登旋折所觸惟石素乳
蟠結下垂傍出異狀爭進人物可命若觀音若羅
漢若鐘者若田者若井者田之上有小洞方廣二
十餘尺峻不可入號爲石倉井之傍深入可十尋

梨兩岐終合而一號南市比市○城西北有石屋
山洞深百餘丈內有石柱石鐘鼓西南有書堂山
卽盧肇讀書處宋元豐中王雲晉卿買之築堂爲
燕居所李觀李冲元爲之賦詩作銘石各去城三
十里○小仰山以別于大仰也在城南三十里晉
鄧表脩煉于此又號鄧表峯又名水晶山上有星
壇石曰藥竈宋蕭炳詩萬丈青山插碧天真人煉
藥石依然功成自此飛昇去屈指如今八百年○
城西二十五里地名清瀝有仙女嶺其下爲恭成
皇后居宋孝宗后也姓夏氏生而異光穿室及貴
父已亡訪得其兄執中官閣門宣贊舍人執中與
其徵時妻至京官人諷使出之別擇貴族欲以嬪
后后亦親言之執中誦宋弘舊語以對孝宗聞而
賢之屢遷奉國軍節度○蟠龍山在城南四十里
自山椒至巔凡三十六曲上有蟠龍寺爲夏太后
功德院剏始于唐南平王鍾傳四面峭壁湍瀑飛
瀉前有龍門關雄據一州之勝○寰宇記云李渠
唐元和中刺史李將順于州西南十里脩堰引仰
山水入城以通航船時人謂之李渠○益州塘同
時所鑿在城西北方廣三十畝形家以州城地勢

低傾爲塘以受之于州利益故曰益州其中有因
龍洲○齋溪在城西北六十里流入秀江相傳吳
采鸞與文蕭曾游此水傍有蕭史臺○夢水在州
東八十里源出袁水背鍾儀欲相此村立縣遇夜
乞夢果符所祝及寤名爲思縣占跡見存其水因
爲夢水○郡國志云仰山古廟在城南六十里仰
山嶺徑潭之側相傳邑有徐璠者家縣東十里浦
村自揚州回船至大孤石見二生一稱蕭大分一
稱蕭陸言家在仰山石橋求與同載璠許之先過
浦村將別二生言他日見訪叩石橋大聲呼叔季
袁州府志勝入卷之十一 三
自後璠每經過輒如誠相見離宴之次大分問何
所欲璠言所需田土信宿間大水倅至摧木蕩竹
俄而平高就下出田五頃今浦村西徐田是也璠
往謝之忘扣石橋徑窺其穴乃見二生爲龍自後
不復見形而橋亦斷會昌三年大風拔廟前杉樹
移植于文明鄉嘉猷堵田村去舊廟三十里復建
今廟前進士黃頌撰碑○仰山實錄云長沙王客
以淳熙癸卯冬赴省道過仰山禱焉其夜宿州東
旅舍夢人歌玉樓春半闋而醒詞云玉堂此去春
風暖正飛絮馬前撩亂嫦娥剪就綠羅衣待來到

瞻宮與換明年果登第 南唐保大中郡人朱
廟記畧云廣惠公廟漢文之世立在仰山之阿
蕭氏不知何許人季曰七郎亦立像別殿自徐璠
遇靈之後里民歸之如流水恃之如慈母莫不盼
嚮垂祉威靈愈彰有唐代宗朝廣德末神感夢于
太守閻公瑜曰我龍之伯仲也定姓蕭氏其祠在
仰山旣險且阻我其徙焉將近爾郊詰旦視之板
其殿宇去舊祠一舍地卽今新廟也朝廷勅廣惠
公贈太保其次曰昭靈侯贈司徒保大十年壬子
記○志云仰山在城南八十里州之鎮也週迴數
袁州府志勝入卷之十一 三
百里高聳萬仞不堪登陟只可仰觀因名上有雪
谷潭水極冷雖盛夏不可濯龍所處也絕頂爲集
雲峯夏時雲氣覆頂則雨立至冬天微陰雪積輝
映李冲元詩孤雲欲作人間雨流水空傳物外聲
老栢倚巖高轉瘦寒花著雨墜還生 集雲峯下
有太平園宋大觀四年產異禾一本兩莖七穗高
踰九尺張商英進瑞禾圖高躡作大雅十三章末
云豐年之象何以昭宣爰有異粟八節如鞭一本
之上雙莖相向穗葉敷榮挺拔尋丈高而不危神
力扶持同而能異濟物是宜 集雲峯下有二神

廟卽二龍也旱時峯上雲集卽雨故名太平興國寺卽世傳二神捐地與小釋迦者唐開成中慧寂俗姓葉入郴州王莽山山神謂曰袁之仰山是師居處及至袁久無定棲忽有二白衣前曰弟子仰山神也願捨地與和尚遂削麓以居自後學徒雲集有異僧乘空而來與師講論大有所契乃嘆曰特來東土禮文殊却遇小釋迦矣因以貝多葉梵經爲贈復騰空而去今貝多佛牙舍利飛塔俱唐物尚存仰山寺唐會昌中賜名棲隱宋改今名記畧云仰山以水勝石運紫廻之中有飛瀑湍駛

袁州府志勝入卷之十一

古

泉流瀟瀟鳴殿庭下雙巖人境山半分流而合于正廟唐宋賜經及御書碑碣甚多今皆燬惟元程鉅夫一碑存唐張喬贈仰山禪師詩仰山因久住天下仰師名井邑身雖到林泉性本清野雲看處盡江月定時明彷彿曾相識今來隔幾生宋胡致隆仰山寺詩山下清泉迸石流山前松竹自春秋猿吟古寺偏深處雲集諸峯最上頭一老有靈飛宰堵二神無語鎖寒湫諸天更在藤蘿外欲到峯前恨末由○與仰山相埒者爲木平山在城南七十里三峯秀拔左曰瑤光右曰慈光中曰妙慶山

下爲興化禪寺中有飼龍亭善道禪師嘗呪飯飼龍于此又有嘯月亭景物清絕不減仰山○江西大志云大軍嶺在城西北九十餘里週迴十里山腰有水漿湖故老相傳隋煬帝時戰塲也按志隋末林士弘蕭銑迭據其地卽此○將墳山在城西百里週迴四十里高三里世傳漢武帝時將軍易洸領兵至州卒因葬焉○碑曰云舊宜春記童宗悅編宜春新志郡守勝強恕序○集古錄云乘廣禪師碑劉禹錫撰併書元和二年立

分宜縣

在府城東南八十里

袁州府志勝入卷之十一

五

宋雍熙元年分宜春縣之神龍宜春等十鄉置縣故名分宜寰宇記云當宜春新喻二縣界之中地名鈴岡鎮曰安仁四山週合若城縣治濱水如渾將之奇過分宜縣詩分得宜春地東偏一畫屏洪陽仙洞古龍姥舊祠靈雨過溪痕長春回草徑青道傍人下馬楷鮮讀碑銘○按鈴岡在水南二里卽縣前之秀江也自紅花仰延袤數十里而來新澤水出其右長壽水出其左而夾于山末故名鈴有神泉可以愈疾涓江秀水環遶山前唐張景脩有江抱羅村盤玉帶池開石井湧銀濤之句○志

云渭江在縣東三里源自新社溪峴江在縣南五
十里源自雷同嶺而縣北有赤江介溪水縣西北
有楊江野江俱流入于秀江朱熹集云分宜晚泊
江亭望南山之勝絕江往游將還而舟子不至擇
之刺船徑渡呼之予與伯崇拱立而俟因得絕句
云寒水粼粼愛晚風輕船來往思無窮何妨也向
溪南去徙倚空林暮靄中 仙臺山在縣東南五
里衆山中突聳一峯如臺昔有牧兒遇兩仙奕翠
真謂曰子下界人何爲至此故其處名下界村
落是湖在縣西五里廣五十餘畝其深莫測相傳

袁州府志勝八卷之十一

去

唐時農人白氏居此夜見巨星流止其屋且遂成
湖今湖傍有龍廟○近湖有福勝寺吳寶鼎中建
元時僧一初居之虞伯生過寺作詩云江頭說與
老禪知甌水觀山豈定期白髮自來無處所黃花
更老不嫌遲爐煙送座寒留宿缺月窺禪夜誦詩
惟有峽中三石經千年幾度見來時一初和云老
却黃花客未知回舟旬日設相期龍江話月銜盃
久傾逕看雲步履遲天地長懸司馬記山川有待
杜陵詩錦囊收拾同誰讀側耳蛩聲入思時○謝
恩橋在城西七里宋屯田郎中夏侯錫家其傍子

孫至元時猶盛虞集詩五代屯田宅三爲列
綠袍分草色畫袖別花枝雨過雙虹舉風生駟馬
遲惟應橋下水常見拜恩時○鐘山在縣東十里
去州九十里裴子野宋畧云永嘉元年袁州洪水
有鐘從山流出上人得之送上驗銘云是秦時樂
器因名爲鐘山○安成記云鐘山臨水阻峻春夏
則湍湑湧沸噴上白沙如米兩岸各長九十餘里
名曰米沙可占豐歉傍水南口南鐘傍水北曰北
鐘其中爲峽宋范子長郡縣志云峽水卽宜春江
也曾有漁人于此釣得金鎖引之數百尺已出一

袁州府志勝八卷之十一

去

鐘如鐸漁者舉之聲如霹靂天地晝晦山川震動
忽而山摧沉漁人于水識者謂是秦始皇驅山鐸
鐘山之高鐘水綠昔有佳人在幽谷臺荒只見草
萋萋萬卷不留誰更讀○袁嶺在城西北十餘里
七峯聳起狀如列戟舊傳後漢袁閔以陳蕃薦登
三事安車徵上及黨事將作乃避地至袁築室山
下○縣北二十里有唐羅隱讀書臺後有石倉前
有硯池其側爲車書巷○昌山在縣西二十里舊
名傷山袁江流于其間巨石屹岸潺湲激湍舟行

上下多覆沒晉永嘉四年羅子魯于山峽堰斷爲
岐從此灌田四百餘頃時人以傷非善徵改名爲
昌○昌山峽卽三峽之一也水中有望夫石相傳
唐太守鄭望夫于此脩堰溉田後人思之因以爲
名唐人王了山昌山渡詩疎柳離江驛殘花別楚
雲未甘魚共塋猶得雁同群久矣離騷國居然恍
散文厚顏蒼水使深謝閔城君元歐陽玄詩昌山
峽口日西斜一帶垂楊近酒家水漱樹根龍露爪
石排江岸虎交牙爲尋佛寺穿深竹且趁漁舟過
落花再拜靈均獻蘋藻月明環佩下汀沙 閩城
袁州府志勝入卷之十一 尤

石廟在昌山渡頭唐虛肇廟記畧云昔者秦毒天
下鬼神之主英精勁質潛躍失次故龍遁乎漲海
之涯托乎嫫婁之室圓苞不陣霞錦相光鱗鱗未
生風雨如晦嫫婁既就之在手覆之以衣一夕威靈
欲震雷電皆至龍遂育焉厥後嫫婁以母龍以子提
護縈繞如乳如嬉或游于泉或躍于澣嫫婁每朝膳
必薦鮮鱗他年嫫婁斷鱗于溪值龍游亦下尾觸鉗
鋒忽墜數尺因游泳去于是蟠天乘風出幽入冥
倏恍變幻竟不復至而嫫婁亦逾乎鮀鮀克慎厥化
無細戚閩城人塋之水涯龍乃寓形于人衰杖如

瘞澳苦涕塊哀呼決日謂人曰藏我母卑他日
水齧之非塋所也其將假爾牛馬爲役以遷于壇
爽一夕風雷大至明日視之則封若覆夏屋矣在
于山巔里之中牛馬皆怠不飲甃齊衰者亦失所
在閩城人立嫫婁及龍之像以禮祠之旣而龍降于
祠堂大小長短視無常質遇誠禮之則飲卮酒循
衣繞軀猱狎如喜其能司人禍福若有推衡度量
焉自秦至于聖唐千六百餘歲厥靈不泯有龍伯
龍叔龍季焉伯則舊也叔季不知何代相踵而來
故宜春縣令盧府君嘗游宦南越乞靈于龍夢龍
袁州府志勝入卷之十一 尤

伯謂之曰君將宰邑江西其致我焉許之及太和
五年歲在壬子府君來宜春遂立祠于邑東昌山
津右府君諱寧舉孝廉三遷爲宜春令始至遇邑
大饑令豪族以陳積周賦貧民故得不佻不病不
橫不流民從其化夫神物流乎陰府君之美政惟
龍之輔乎余于府君爲宗姪故悉始終龍嫫之事
及府君置祠之旨焉嫫溫姓閩城人也閩城爲秦
南越邑民謂之曰龍母其言近質吾思以文之追
書嫫爲閩城君記刻銘于祠之闕西云○按龍嫫
廟元在廣州悅城縣盧寧嘗假州錄事參軍嫫見

夢云云旦日占之得見龍之貞夙神其事故復建
祠于昌山渡云據文標集作壬午若以通鑑紀年
考之太和五年寔辛亥太和六年寔壬子也○昌
山北岸有洪陽洞在袁嶺三峯之麓世傳洪陽先
生所居故名洞門去地高四十丈峻險巉岩寒泉
清冷下羣杉檜蒼鬱參天又云洞乃葛洪委陽二
人所居故曰洪陽也洞口有岩巉峴如蓋山門入
室東向去地高數十丈初入一間平爽明爽可容
百人由西竇而進始幽暗曾有探至第七十二間
聞昌山渡櫓聲者今人但可至第十二間而已其

袁州府志勝八卷之十一

廿

中白沙如鹽傍有人形如鹽翁又有如傘如船如
鐘鼓如土田如仙佛之像變幻不一有石燕能飛
翔洞中流泉春盈冬涸雲霞網緼覆其上中有穴
可陟絕頂而漏日光俗云天心古今留題甚衆□
小洪洞在大洪洞之頂門甚隘其中廣容千人有
石倉石閣石磨之類舊傳晉宋人有題名在深窈
處非火不可入○靈仙洞在縣北三十里洞內去
地三十丈景物不減洪陽但差小耳中有丹爐瀾
二尺厚三寸許其間如甌傍有一石磨狀與丹爐
尺寸不差毫杪或曰此爐蓋也○白岩山在縣南

五十里山有永清院元歐陽玄詩道人獨坐白岩
阿岩下皚皚白石多曾到補陀南海岸白華無數
擁盤陀○洞靈觀在縣南玉華山相傳晉時一女
子脩煉誓言遇三玉必成丹初至玉華山次至玉
虛觀又次至安福之玉仙院丹果成飛昇去今洞
靈有煉丹池是其蹟按玉虛觀亦在縣南○縣東
有上真觀晉鄧表飛昇之地輿地碑日上真觀碑
南唐徐鉉文○仰嶺寺在縣南六十里嶺極高峻
登之可見吉安城唐時尚雅祖師騎虎至此因建
寺○縣北八十里棗木山有晉治中襄陽習鑿齒

袁州府志勝八卷之十一

廿

墓相傳鑿齒避苻堅之亂隱居萬載縣卒塋于此
□其地有陳重山漢陳重墓在焉重卽與雷義齊
名者又有雞足山山下有勝因寺寺背有石竅日
出少鹽一寺需之後食僧鑿大其穴鹽遂絕相傳
寺乃陳重故宅也○桃源洞在縣北上樂里岩宇
虛曠石鐘石磬扣之有聲直北一室天窓明透有
石帆至地攀躋而上所見愈奇直北之室有石階
梯如田塋田傍有池四時澄澈石龍夭矯其上按
志云去縣七十里又里許有風洞居山之陽人不
可入傍有寒湫冷冽清風起其上冬溫夏冷避暑

者或置盤冷洞口食頃輒冰凍○縣北有文標鄉
宋雍熙中合十鄉爲縣文標旌儒二鄉與焉鄉有
盧肇墓歙州塘肇爲歙州刺史及歸築此塘遂以
名之肇有文標集故鄉以其集名也重宗說文標
集序云子發諱肇姓盧氏宜春人子發字也武宗
會昌三年以詞賦魁天下仕至集賢學士歙州刺
史歿後三百年郡人許衷集其遺文僅百篇目曰
文標集傳筆日久序存而集亡文粹所載海潮賦
漢隄詩新興寺碑銘上王僕射書共四篇而已其
餘如通屈賦注大統賦志在藝文中學者亦罕見

袁州府志勝

卷之十一

七

之自建中靖康辛巳迄紹興庚辰又六十年矣會
建安邵公來守是邦崇鄉化以厚風俗謂宗說蒐
綴闕文子職也既授以雲臺編廣其傳又俾求子
發遺書得古律詩二十六篇于劉松宜陽集得閱
城碑震山記于古廟嶽巖中得劍贊于清江玉虛
觀合賦序圖狀四十有二篇分爲上中下三卷名
從其初序取其舊附以成應元舉榜祖擇之梅聖
俞諸公墓石題詠鏤木于郡庠以貽永久又論其
出處之大槩而尾諸集焉子發少貧篤志好學器
識宏邁而濟之以瑰奇拔出之才故其爲文馳騁

上下偉麗可觀自長慶以來雖善鳴者罕有其比
當時達官宿儒皆推重之然最爲相國李衛公所
知當衛公再主魁柄炙手可熱子發廷試第一稍
自求顯何爵不廉而乃謫晦州縣屢從外辟未嘗
奔走于形勢之塗迨咸通初通籍金闕出任牧守
獻賦進狀結知九重雖其遇于命者不至于大用
然比于阿附而得富貴至于失勢頓挫一跌而不
振者蓋有間矣則子發雖久窮亦何恨哉

萍鄉縣志

卷之十一

七

昔楚昭王渡江獲萍實于是邑故孫吳立縣取以
爲名本漢宜春縣地也先隸吉州自隋開皇十一
年迄今皆屬當郡其疆域西至醴陵縣北至瀏陽
縣西南至攸縣皆湖廣長沙之屬邑也宋蔣之奇
萍鄉卽事詩地接長沙近鄉名自古聞毛山千嶂
雪玉女一墩雲又云人家白雪中鳥道青雲裏畊
鋤競畲田漁樵喧會市綉出羅霄山倒流楊岐水
三真不可尋寥寥忽千祀更想用兵時徘徊甘卓
壘縣之形勝大畧如斯矣○黃山谷集萍鄉縣廳
壁記云庭堅航荆江畧洞庭涉脩水程經七十二
渡出萬載宜春來省伯氏元明于萍鄉初元明自

陳留尉抵許昌渡漢沔畧江陵上夔峽過一百八盤涉四十八渡送予安置于摩闢山之下淹留數月不忍舍士大夫共慰勉之廼肯行掩淚握手爲萬里無相見期之別發中九年白頭來歸相見于茲訪舊撫新悲喜交集其情有不可勝言者矣末云庭堅之來實崇寧元年夏四月乙酉而去以四月之已亥按元明譜大臨山谷伯兄以紹聖中宰縣士民稱之○志云縣治百步內鳳凰池宋宣和間縣令三山鄭強所鑿池凡二勢如鳳翅相傳縣多瞽鑿池之後皆復厥明○萍川水在縣前二十步發源楊岐山西流四十里至此又九十里入醴陵出渌口過潭州入洞庭蔣詩倒流楊岐水者此也○縣東來秀門外有館埠橋卽古之皇華渡南秀江門外有萍實橋以楚昭王得名橋下洲長百餘步狀如潮水之魚頭分兩派至尾復合號金魚洲○秀江門外寶積寺周廣德中賜建常現毫光以爲寶氣寺中淨樂堂德味厨八還堂皆黃庭堅書額脩爲記又有題本寺詩云古今今路長長短短亭倦依衡岳寺歸看楚江萍會卽新開徑重翻舊帶經稍甘魚白白雲間麥青青唐袁皓嘗

袁州府志勝

卷之十一

詩

積寺詩梵林遺址在松蘿四十年來兩度過蘆水東奔彭蠡浪萍川西注洞庭波村墟不改居人換官路無窮過客多衣紫腰金成底事凭闌惆悵欲如何梵林乃寶積之舊名也○龍鳴寺在縣西南二里寺顏唐證聖中宋之問書有廻鸞返鶴之態○縣東二里蘇將軍廟有唐歐陽率更碑其畧云按氏族譜將軍本雍州京兆仰望族蘇秦後也以石勒之亂徙居常州晉陵縣晉泰和間凡神于邑人許氏云云○徐仙山在縣西門外三里兩峯相峙如丫髻相傳邑人徐翁嘗于西郭外山間煉藥有黃犬常從外來旋遶丹鼎之傍心異之翌日犬至以紅線繫其頭隨其所之至桐坡側枸杞叢中卽不見餘紅線在外掘之得枸杞根其形如犬持歸蒸之芬芳滿室由此服食得仙○夷堅志云萍鄉縣興教寺後有徐仙亭古老相傳初有徐君居此地每日見黃犬往來頗異之訪其主無能知者遂誘而烹食之蓋黃精也因而仙去後人于故居築亭壁間留題詩詞數百千篇惟卓世清和東坡卜筮子一闕最可稱云流水一灣西晚坐孤亭靜不見高人跨鶴歸風竹搖清影往古與來今休用

袁州府志勝

卷之十一

荦

重平十里梅花雪正晴月挂遙山冷○方輿
覽云縣東有檀香樹客川六十緡買去將伐之其
夜樹上生鱗甲分明匠者不敢伐按縣東四里龍
橋之側地名三里頭是龍鱗木處今有名龍鱗茅
者蓋其種然亦松檜之類毛仙山在縣東二十
里方輿記云昔有過萍鄉山逢一人徧體皆毛言
辭異常自云毛姓宋朱晦翁集云二十七日過毛
山舖壁間題詩云者皆言有毛女洞在山絕頂問
之驛吏云狐魅所爲耳因作詩云人言毛女住青
冥散髮吹簫夜夜聲却有鄰童解端的向儂說是

袁州府志勝入卷之十一

共

野狐精○古湘東驛在縣西三十里近醴陵界宋
建炎間移于黃花渡建阮閱湘東驛至萍鄉詩萍
鄉路與醴陵通溪上長亭草木中行盡江南有山
處門前隔水是湘東又馬蹄西去夕陽催濃淡空
山翠作堆比雁無情怕秋熱帶將寒信過江來○
古愛直驛在縣東三十里有古樹亭亭直上宋張
孝祥寄題愛直驛杉樹此杉已百年森立官道側
鬼神所呵護芥片不敢迫愛此遺直安凜凜有正
色未云支大厦卿以蔭行客作詩贈令尹爲我鐫
驛壁但使杉長存遙知令清白○輿地紀勝云泉

江水在縣東二十里有泉脉脉出自江心故名江
水中產絲花菜可食黃山谷喜之有絲花出泉村
之句○黃花渡在縣西三十五里相傳有隱者種
菊橋榜一名黃華橋宋姜夔詩回首瀟湘二十春
江南投老未安身如今再過黃花渡遙憶湘山似
故人○真如洞在縣南二十五里有石如龜如鐘
如人形前有真如院黃魯直曾游有題真如院石
乳卽此去真如五里間有二洞其山形圓如覆鐘
上洞名雪峯下洞山腰有石如屏石竅斜穿中有
小溪可愛二洞合可容千人又金山里有石陂洞

袁州府志勝入卷之十一

廿七

亦可容千人巨石室其中一夫守口萬夫莫入去
縣可四十里稱險絕○城塚記云萍鄉故城在縣
東四十里晉太興元年陳敏儋王江東與杜歟謀
相應元帝遣鎮南將軍陶侃水陸二道來伐又使
甘卓領兵至縣東築壘連接五所號爲甘卓壘○
志云甘卓壘近蘆溪鎮又名教里有石室與壘相
近四圍高峭中虛如室人不可到室中有石房九
門素壁若雪一名教里有聖圖嶺衆山迤邐蒼翠
重重其上卽甘卓築壘處其下有聖圖廟碑記云
甘敬公名卓字季思元帝渡江時官揚威將軍歷

陽內史討周虓征杜弢拜豫章太守遷涪州刺史
進爵于湖侯及定計討王敦柅鳴謀洩以及于難
○聖圖廟側爲盧溪水源發羅霄山去縣五十里
東流一百里入于府之秀江盧溪通舟楫有小市
爲縣衝要○顧野王輿地志云盧溪鎮東有玉女
峯峯南一臺高三丈廣八尺呼爲玉女臺亦曰玉
女梳粧臺天將雨則峯生五色雲氣名爲玉女披
衣宋洪炎詩玉女何時見茲峯獨挺群古容餘佛
座虛室但爐薰林隱投壺電山橫出岫雲自慚非
屈宋欲賦不成文○志云香水渡在縣北六十里

袁州府志勝

卷之十一

文

乃得萍實之處孔子家語楚昭王渡江有物來觸
王舟舟人取之以獻于王群臣莫有識者王使聘
魯問孔子曰萍實也剖而食之可以弼昭王復令
使者問何以知之孔子曰丘昔之鄭過陳聞童謠
曰楚王渡江得萍實大如斗赤如日剖而食之其
如蜜是以知之按渡近夢醴陵界○又十里卽楊
岐山世傳是古楊朱泣岐之所石下傍有玉女殿
內有石房九所相映如屏風山下有普通寺及隋
煬帝壇碑曰云楊岐山廣利禪師塔碑乃唐開元
中劉禹錫文按志廣利寺卽普通寺又有唐太和

六年王觀所作甄叔祥塔銘唐廣普通寺詩逗竹
穿花越幾村還從舊路入雲門翠微不蔽樓臺出
清吹頻回水石喧天外鶴歸松自老岩間僧逝塔
空存年來白首良堪喜朝露浮生未足言按志唐
廬萍鄉長平里人昭宗乾寧元年進士著貞觀新
書三十卷○舊記楊岐作煬岐以隋煬帝曾陟此
山也劉賓客有煬帝遊文唐士觀詩云大業君王
萬里行玉輿此地昔曾經荒淫自是違天意不省
當年見德星又題景星觀詩甘卓祠東流水西挿
雲梁棟跨鯨鯢桷驚蓬島在平地又恐桃花出此
溪露草池塘鋪翡翠風筠欄檻撼玻璃景星舊事
雖優劣名實纔分自不齊按景星觀隋大業時建
後改爲虛靈觀○金山在縣西七十里五峯連絡
皆因西方得名宋時其上有五峯寺黃魯直送客
老住五峯詩我行高安過萍鄉七十二度遶羊腸
水邊林下逢衲子東西南北古道場五峯秀出雲
雨上中有寶坊如側堂去與青山作主人不負法
昌老禪將○九嶷山在縣東七十里以連帶九峯
得名晉時三真人得道之所山側二峯峭拔若雙
鶴飛舞又名仙鶴嶺舊置九嶷觀今名崇真前有

袁州府志勝

卷之十一

尤

丹竈遺跡蔣之奇詩三真不可尋卽此晉時易退
字棲隱楊惠字法道陳眺字歸真三人結廬此山
煉氣二十餘年以永嘉九年正月既望同昇去又
云陳眺妻周氏仰視空中有人物隊仗亟呼其夫
眺聞聲而隊明日眺于石上今之泥源廟基是其
墜處○宣風驛在縣東七十里宋時遷驛于名教
里驛遂廢今爲宣風鎮臨水東西小街凡三里車
馬之衝驛壁間有留題曰奴本蜀郡越王之裔一
年良人登第二年邵陽獄吏三年輒學衛世子之
天遂挈遺孤還故里舉目無親投此何地作小詩

袁州府志勝八卷之十

卅

以書于壁士君子幸莫誚焉清河季華書男秀郎
捧硯其詩云淚痕拭盡懶梳妝遙倚西風憶故鄉
昨夜夢魂留不住暗隨流水下錢塘○楚昭王廟
在縣北九十里楚山之下上有昭王臺其下卽廟
也相傳昭王出奔至此攷史記昭王十年吳唐蔡
伐楚楚大敗吳人入郢昭王出奔卽又奔隨吳進
擊隨王從臣于棊深匿王自以爲王謂隨人曰以
我與吳隨人上與吳不吉始謝曰昭王亡不在隨
吳請自入索之隨人不聽吳亦罷去次年王歸郢
又攷廟古碑謂子棊自以爲王之時昭王實分領

行御潛經此地後人卽其所屯山巔爲廟祀之一
夕大風雨又移之平地云云志又以縣東十五里
靖教鄉有韓許廟相傳許亦從昭王渡江來奔歿
于此亦一證也韓愈楚昭王廟詩丘墳滯目衣冠
盡城闕連雲草樹黃猶有國人懷舊德一間茅屋
祀昭王○王孚安成記云萍鄉大安里羅霄山澤
水所出傍出石乳旱時禱者以三四丈大木投之
井中卽雨水懸湊井溢輒自湧出雨卽止蓋潛龍
之窟宅云按志羅霄山在縣東百二十里與武功
山相連高數千丈廣袤百餘里山下石潭深不可

袁州府志勝八卷之十一

卅

湖卽輿地志之黃龍潭也有井可以禱雨曰羅霄
井羅霄人姓名○武功山亦名葛仙峯根蟠八百
餘里跨袁吉二郡之地宋紹興間洞寇猖獗趙展
統軍勦之立柵山上故名今樵者往往得斷戈遺
甲○武功山有葛仙壇上生叢竹風來垂地如掃
名掃壇竹有煉丹井浴丹池又有石屋丈許祀稚
川先生像範銅爲之門額鐫雷霆玄省四字壇右
一峯高出雲霄號石笋峯○縣之大安里白鷺坑
有羅漢影石宋元符中巨石忽然中裂聲如雷震
居人往視石分爲兩各有羅漢影一尚屹立一墜

田間

萬載縣在府城北九十里

本漢建成縣地吳置陽樂縣于此晉太康元年改康樂唐初仍舊名屬靖州即今之高安也南唐保大十年分高安四鄉置萬載縣宋割隸袁州宣和改建城紹興仍名萬載自後因之○寰宇記云康樂古城在縣東北四里宋武帝封臨川內史謝靈運爲康樂侯以侯就第卽此地也其城週迴山水謝公無日不游宴有書堂石硯猶存○治南百步再思橋名橋之意欲訟者至此而再思也其右爲袁州府志勝入卷之十一

世

綠陰池池右爲崇信寺有黃魯直題壁詩云鴉啼殘照下層城僧舍初寒夜氣清風動竹枝垂地影霜乾梧葉落堦聲不遑將母傷今日無以爲家嘆此生都下苦無書信到數行歸雁月邊橫○輿地紀勝云白塔山在縣東南二里上有明真院下有白將軍墓志云將軍秦白起也○縣東南里許東山其下爲荷花池山岩側有石高僅數尺上有孔游人吹之若巨羅酒器迴風入竅亦然○縣北五里獅子石以形肖也下有潭水上鐫獅岩二字傍鐫大德二年春月書九字○紀勝云縣北龍江上

有市縣中呼爲龍方市其下有穴曰龍潭與獅岩潭通山頂有龍江亭今廢○多江在縣北七里源出石洞及金鐘湖二水會流至此平泛水涸時露小洲三五橫阻江水交流合派故名○仙游岩在縣西十五里有石鐘扣之清越又有石如道士狀稱爲仙人石其地有銀山山下巨石潔白如銀故名石中有洞可容數百人邑有寇至多避其中○紫蓋山在縣西北十五里山勢崇聳屹若車蓋舊名雲蓋山昔謝仲初嘗游此有紫雲上覆故名○石洞在縣南二十里中濶一里深五里高數丈前

世

後有門水經其中有石如田如屋游者自後洞入自前洞出○石筍在縣北二十里紀勝云南唐鍾傳宅前石峯聳立人以爲鍾令公石筍按鍾傳本縣人少業負販僖宗時討王仙芝有功拜江西團練使俄拜鎮南節度使檢校太保中書令爵潁川郡王尋徙南平故江西人皆稱爲南平王也黃巢亂後州縣貢舉多廢傳雖武人歲薦士公車行鄉飲禮率官屬資以紫齋故士不遠千里赴之性好射獵嘗醉遇虎與鬪持虎不置及貴歎曰士處世尚智謀効此何益因寫照令工作搏虎狀以戒子

孫○五雷山在縣北五里對山卽逍遙觀黃山谷
集衝雨萬載道中得逍遙觀遂托宿戲題有逍遙
近道邊懸息憊憊之句○陶逸岩在縣東三十
里世傳唐竹溪六逸陶沔者晚歲居此岩穴出平
田約高三丈岩巒清潤中有石室人稱陶家石訛
曰桃花石今縣西二十里陶家坊有司空廟卽陶
沔也○峯頂塔在縣西南三十里相傳馬祖脩道
之所山巔舊有三塔今圯其二惟中央亭亭然塔
下有泉清冽可掬○輿地紀勝云湯周山在縣西
三十里晉時有湯周二人脩仙其上碁盤石試劍
袁州府志勝入卷之十一 世
石其遺址也上有鐫刻相傳爲紫微觀碑畧云觀
祀二仙香火西晉之亂二人棄官隱此逸其名又
有燕王塞鐵槍石壇迄今猶存亢旱時舞雩壇下
雨卽至○寰宇記云康樂水在縣東北水口去縣
三十五里源自謝山出南流卽康樂侯常游之所
○十八渡嶺在縣北四十里舊路在嶺下循環一
水往來凡十八渡後闢路嶺上行者便之俗呼十
八洞者非○謝仙石在縣西四十里一名麻鞋石
以石上有麻鞋跡志云是謝仲初所遺仲初本縣
人脩煉于閤阜山得道來歸至縣西門外見其地

乏井乃拔劍刺地湧泉應手今有卓劍泉及過江
無舟折竹而渡後登謝山冉冉飛去後人名其處
曰上昇嶺按謝山在縣北七十里輿地廣記及九
域一統志皆以爲因謝靈運得名又以其上有仙
臺丹井試劍石及履迹曰因謝仲初得名又云山
有靈應觀觀中有劉長者讀書堂○黃波嶺與謝
山相對去縣八十里上有石屋一間相傳黃皮二
人脩真處土人卽屋祀之○書堂山在縣西八十
里山谷深邃雖霽恒雲霧相傳晉習鑿齒讀書其
中今分宜縣有習墓○龍成岩在縣西九十里岩
袁州府志勝入卷之十一 世
深九房有石如列仙者以百數有如鐘者扣之鏗
然有如研如墨如筆者若水流注研中墨橫其上
筆閣其傍有石人坐白沙傍作鸞盤狀或掃去有
頃復積宋元祐間獵者逐獸至其處獲骨一具其
頂穿然如角識者謂龍蛻也○志云龍成岩在梅
陂山近山有黃茅岡岡下有雲峯洞門濶丈餘中
虛敞循級而下卽漸黑有石若鐘磬若仙佛者甚
多不可計有澗水產石燕里人因霽雨日相牽窮
其源以辰時入比出口晏矣○劍池在縣西百里
池廣丈餘別有魯家源水經過此池合流入金鍾

湖舊傳許旌陽捕蛟洪州時蛟潛避至此許以劍
擊池而獲之○塚記云縣東北五十里清泉山有
徐鉉墓鉉此縣人宋齊丘與之同里有曾文迪者
零都人游方至萬載卒塋邑北冠丘山墳高三尺
在曾仙塘者是文迪堪輿家所稱曾公也

袁州府志勝／卷之十一 藝

贛州府去省城一百二十里領縣十二 中民侯

唐虞三代以五嶺限百粵贛在嶺表為揚州屬城
楚使吳起南平百粵贛地屬焉漢興始立贛縣
城以防尉佗今州西南益漿溪城是也西漢志豫
章郡領縣十八有贛有零都後漢分豫章置廬陵
郡吳孫權分廬陵立南部都尉理零都晉罷都尉
為南康郡宋號南康國亦理零都梁陳皆為郡隋
改虔州以寧都縣虔化水為名○志云隋唐之初
為虔州煬帝玄宗皆名南康郡肅宗之世仍改為
虔南唐唐昭信軍宋初因之尋仍曰虔州紹興中
贛州府志勝／卷之十二 一
復名贛州相仍至今○唐包何和孟虔州間齋即
事古郡隣江嶺公庭半薜蘿府僚閒不入山鳥靜
偏過睥睨論花柳闌干枕艾荷麥秋今已至君聽
兩岐歌○許渾南康郡阻涉詩晴灘水落漲虛沙
西去秦吳萬里賒馬上折殘江北柳舟中閒遍嶺
南花離歌不斷如留客歸夢初驚似到家山鳥一
聲人未起半牀春月在天涯

贛縣附

圖經章貢二水合流為贛因置城邑漢縣也○興
地紀勝云晉太康三年罷南部都尉為南康郡其

時理零都末年洪水忽有大鼓隨波而下止葛姥故城衆力齊曳蹲而不動卜于其地置縣吉遂徙以就焉劉宋昇明中移置贛水東三里東晉永和五年郡始理贛縣太守高琰築城二水之間梁神聖初復遷贛水南志云舊城基在林華坊今古城巷是隋初改爲南康縣大業復舊名唐貞觀中徙今理後刺史盧光稠斥廣其城東西南三隅鑿爲隍宋守孔宗翰以東北隅易塾甃石冶鐵鋼之卽今城也○宋中興小曆云紹興二十三年校書郎董德元上言虔州號虎頭城非佳名也今天下

贛州府志勝入卷之十二

二

安獨此郡有小警意其名有以兆之旣廷臣議亦調有虔劉之義遂改州名贛因古縣名張子容寄贛縣袁少府瑾山遠樓臺出溪通里開斜曾爲謝客郡多有逐臣家海氣朝成雨江天晚作霞題書報賈誼此地似長沙張祐送沈下賢尉南康秋風江上草先是客心催萬里故人去一行新鴈來山高雲緒斷浦迥月波頽莫惟南康遠相思不可裁○宋時贛縣有東西尉見洪邁記畧云贛尉分東西久皆治郡下仍其方以居東部廨殘于兵寄而卽西偏蕭寺歷年所不能自還與西俱西地爽其

實尉官掾參軍氣力差卑碌碌塵埃間視景早暮勢不暇小有建立指日得踐更逝如脫兔如是殆三十年予之來守也尉缺南康田橡捧檄來攝丞忘其身之羈畢力關策經行空曠地度可容百室者得南距橋僅百丈愚民致喜或持圖券以獻古道旁出尚約畧可尋政走雷岡逕也郡有邸一區其左物或憑焉不售撤之以爲堂又取聖廬三楹以立廳事蓋不伐一木而迄成云云乾道八年十月○治後翠玉樓舊名逍遙州守寄正重建取賴軼山爲翠浪湧水作玉虹流之句文天祥詩皆鴉

贛州府志勝入卷之十二

三

何處落野渡少人行黃葉聲在地青山影入城江湖行客夢風雨故鄉情試問東南信梅花三兩英□翠玉之左爲阜蓋樓文天祥詩一水樓臺遠半空圖畫開鰲涎行葦蒹葭影上莓苔碧落人千載青山酒一杯晚烟看不盡明月却歸來○輿地碑目云虔州衙後門城樓上有唐咸通二年刺史李振碑唐代本州石刻無恙者惟此○貢水東江也漢志名湖漢水發源閩中汀州府之新樂山經雲都至府北會于章水○章水西江也一名豫章水漢志名彭水發源南安府之聶都山東北至大庾

縣又過南康而會豫水是爲豫章水漢置豫章縣因此名又由南康縣至府城西環北而會貢水○贛水在府城北章貢二水會處北流至吉之萬安縣其間有九灘曰白澗天柱小湖潏大湖銅盆落瀨青洲梁俱屬贛縣又經九灘乃至萬安灘之惟石廉隅如精鐵舟行患之右此下水也若上之信豐寧都石磧視十八灘尤險故俗稱上下三百里贛石寰宇記云贛水從當縣北百九十二里流入吉州泰和縣界○孟浩然下贛石詩贛石三百里沿洄千嶂間沸聲常活活洄勢亦潺潺跳沫魚龍

贛州府志勝

卷之十二

四

沸番藤猿欲攀榜人苦奔峭而我忘險艱放溜情漸愜登臚目自開曉帆何處泊遙指落星灣○八景臺在郡治東北城邊蘇文忠集云南康江水歲歲壞城孔君宗翰始作石城城上有樓觀臺榭東望七閩南望五嶺覽群山之參差俯章貢之奔流乃作詩八首題臺上其後序云軾爲膠西守孔君實見代臨行出八景圖求文與詩以遺南康人使刻諸石其後十七年軾尚遷過郡得徧覽所謂八景者則前詩未能道其萬一也南康士大夫相與請謂詩文昔嘗刻石或持以去今亡矣

後書而

刻之時孔君既沒不忍違其請紹聖元年八月十九日□按八景石去城東一里下瞰奔湍白雀樓在八景臺北鬱孤臺章貢臺塵外亭螺石亭詩俱見後○鬱孤臺一名賀蘭山在府治麗譙坤維百步隆阜傳然孤峙故名唐李勉爲州刺史登臺北望慨然曰余雖不及子牟心在魏闕一也鬱孤豈令名乎乃易扁爲望闕蘇子瞻詩烟雲縹緲鬱孤臺積翠浮空雨半開想見之翠觀海市絳宮明滅是蓬萊○趙抃章貢臺記云江右遐陬南康古郡水別二派來數百里合流城郭于文爲贛奇峰惟

贛州府志勝

卷之十二

五

巖環視萬狀予嘉祐六年夏孟以言出守仲冬始至視事屬歲穰盜息渝劇成簡英條佳賓間爲觀遊望闕鬱孤軒豁于前阜蓋白鵲瞰臨左右治西北隅有野景亭舊址墜圯于是斲榛剪蔓復臺其上前所謂二水離合氣象左右擁抱一舉目無毫髮遺處旣而命儔舉觴援筆爲記以新其名章貢云蓋不失實也明年六月二十三日記○貢水東有佛日峰下爲馬祖巖道一禪師初棲此將安焉一夕山鬼爲之築牆師曰學道不至乃爲邪鬼所測此非吾居也因去之龔公山○巖上有馬禪關

及雲端駒巖一憩塵外四亭蘇長公塵外亭詩在
山澹無塵賴水清可厲散策塵外游麾手謝斯世
山高惜人力十步輒一憩却立浮雲端俯視萬井
麗幽人晏坐處龍虎爲斬雄馬師獨何疑空墮山
鬼計夜垣非助我謬欲欲其近戲留一轉語千載
起撥秧○輿地紀勝云景德寺劉宋建舊名安天
在府治東南隅地勢夷曠瞰覽城南山水梵宇雄
麗以間計者二千六百佛像萬餘又有慈雲寺亦
在城東南唐建舊名景德宋黃庭堅詩城東寶坊
金碧重道人脩慧剪蒿蓬一瓶一鉢三十載瓊樣
贛州府志勝入卷之十二 六
碧瓦上秋空稻田摩納擁黃髮更築高閣諸天中
三后在天遺御墨百神受職扶琳宮文思帝澤餘
滋潤雨露下國當年豐貢川章川結襟帶梅嶺桂
嶺來朝宗參旗斗柄掠關楮清坐耳聞河漢風道
人飽參口挂壁頗喜作詩如已公家風秀句刻琰
琬邀我落筆何能工安得雄文壓勝境九原喚起
杜陵翁○景德寺西爲精忠祠宋紹興二年度吉
盜彭友連兵寇掠循梅嶺惠英韶南建邵汀諸州
岳武穆討平之初高宗以降祐太后震驚之故密
令飛符度城飛請但誅首惡而已于是度人德之

繪像建祠曰精忠二字蓋平度後高宗手書以賜
飛者○輿地碑目景德觀碑徐錯記徐鉉篆額天
慶觀石梁徐錯作詩仍爲銘○社岡一名鼓嶺去
城二里舊俗每社日邑人祀神群聚岡頭會飲○
建春門外水東雷岡之上有嘉濟廟俗呼江東廟
神姓石名固縣人也當漢灌嬰捍南粵時道經祠
下神降于絕頂峰告以克捷之期乃立石固王廟
于崇福里唐大中改建雷岡珠石爲像宋周延雋
趙壯曾阜三公皆以六月解邵水洞乞靈于神坐
間漲數尺又孔守平仲祈山父風其應如響建炎
贛州府志勝入卷之十二 七
三年隆祐孟太后自洪州移蹕至度金人深入至
阜口彷彿見陰兵甚衆乃去詳見 國朝宋景濂
江東廟記舊有唐進士楊知新及楊吳人薛光範
二碑○鳳凰池在治東南二里池中石竹叢生俗
傳鳳棲其上紹興丁卯太守魯慥脩譙門掘地得
石識有鳳皇池上田名賢之語○貢水傍有玉虛
觀志云在治東二里宋治平中提刑某自城中望
見觀中隱隱祥光起使人踪迹得道人劉繼先
脩煉于玉虛劉常坐叢棘中光從此起提刑異之
固請入城至水際忽不見或有言去之空同山矣

有雙趺隱然石上今觀中有五丹井最後有丹堂
卽叢棘處 國朝大學士解大紳繙碑記其事○
縣南三里有路嗣恭祠寰宇記云唐大曆九年嶺
南將哥舒晃反嗣恭統五嶺兵討斬之師之所處
民不疲勞爲置生祠以顯遺愛○盧光稠墓去縣
三里東林寺前俗呼盧王墓唐光啟元年南方盜
起州人譚全播與衆推光稠爲刺史據虔州天復
二年出兵陷嶺南之韶州梁初江南嶺表悉爲楊
吳及南漢分據光稠獨以虔韶請命京師願通道
輸貢梁遂以爲百勝軍防禦兼五嶺開通使開平
贛州府志勝卷之十二 八
三年卒○天竺山出城四里貢水東舊有脩吉寺
唐元和間僧韜光自錢塘天竺駐錫于此蘇文忠
集云予年十二先君自虔州歸爲予言近城山中
天竺寺有樂天親書詩筆勢奇逸墨迹如新今四
十七年矣予來訪之則詩已亡惟刻石存感涕不
已而作是詩云香山居士留遺迹天竺禪師有故
家空詠連珠吟疊壁已亡飛鳥失驚蛇林深野桂
寒無子雨池山葍病有花四十七年真一夢天涯
流落涕橫斜○廉泉在治東南隅之光孝寺方輿
勝覽云在報恩寺本張氏居宋元嘉中一夕霹靂

忽湧地爲泉時以歸功太守名曰廉泉蘇子瞻詩
水性故自清不清或撓之君看此廉泉五色爛摩
尼廉者爲我廉何以此名爲又云贛水雨已湧廉
泉春未流同烹貢茗雪一洗瘴邪秋東坡又有崇
慶院訪廉泉觀寶輪藏記 輿地碑目云臨池禪
院四大字唐鍾紹京書在城東五里惠靈院紹京
工書時人號小鍾興國人詳見本縣 康廟記云
葛姥祠在縣東北五里葛姥者漢末避黃巾賊來
自交趾資財巨萬僮僕數千于此築城爲家沒後
有靈異鄉人祠之卽晉太康末年遷縣處 述異
贛州府志勝卷之十二 九
記云贛縣西北十五里有余公塘上有大梓樹可
二十圍樹老中空山都穴焉晉元嘉中縣民哀道
訓道靈兄弟伐樹取窠山都見形謂曰我處荒野
何與汝事今當焚汝宇以報汝之無道至二更火
起合家蕩盡又云南康有神名山都能隱形形如
人長二尺餘黑色赤目黃髮巢于深山樹中窠如
豎鳥卵高三尺許內甚光澤以鳥毛爲褥五色鮮
明旁開孔如規體質輕虛○通天巖在城西二十
里有廣福院院後嵌石如房穴透山巔巖洞高廣
數十丈中歷三級有石象石田石鐘鼓之異內通

小洞亦廣數十丈深五六丈有石井石基盤宋元祐中郡人陽行先隱此巖下有趙清獻題名張無盡所琢石佛 國朝正德丁丑新建伯王公平龍川洲班師游此作平南記刻洞壁扁曰陽明小洞天其詩云青山隨地佳豈必故園好但得此身閒塵寰亦蓬島西林日初暮明月來何早醉卧石林涼洞雲秋未掃○儲潭山在治北二十里晉咸和初有漁者釣潭中得金鎖引之可數百尺忽一物隨鎖而來似牛眼紅角白見人驚駭曳鎖急走漁人以刀斷鎖得數尺南康記云咸和二年刺史朱贛州府志勝八卷之十二 十

瑋率兵赴討蘇峻至此忽有神人曰予弋釣于此百餘年帝以予司此水府君能爲立祠宇當有報焉瑋卽爲置廟山下江山迴沓濬而成潭故名儲潭君廟及瑋至建業果有功而還○南康記云赤石山大石連聳繁若舒霞山角多赤石有王房瓊室狀者舊相傳宋元嘉中有安道士棲此中數十年唐天寶改爲王房山在縣東南二十四里○寰宇記云龍翁穴在治東二十六里昔有女道士丘氏于汶山之中降松樹下白日上昇汶山距穴西二百步有昇仙峰爲梁天監年事按卽文潭嶺也

巨石盤亘其下有潭廣數十丈舊傳有源于潭中得大小銅龍五枚大者長丈餘小者半之○丘貞仙汶潭山居人自勿慕道擇汶山剏觀脩煉嘗鑄五龍以鎮五方鄉民遇旱禱之卽應東廊壁戲寫墨雀能飛下啄食○玉石山在城北四十里俱黑壤惟有片石鮮白如玉昔有瞿氏釣山下有二少年皎若冰玉謂曰別來此石長殊駛已忽不見石上有冬桃樹及石杖云昔有引杖擊桃去而留杖于此○至德觀在城東四十里宋至和中有方外人于道堂東壁畫墨鵲觀中時聞鵲噪之聲鎮觀有五銅龍今失其一卽得自文潭中者又有銅錢徑二寸文曰天策都師楚王尚父八字○崆岡山在城南六十里一名空山自南康數十里宛延而來章貢二水夾以北馳蓋一郡之望也山麓周廻百里唐十道記及南康記皆云山巔有湖湖有艣艣底人或動之風雨立至晉咸康五年太守庾恪于山西麓建空山祠祈雨皆驗○黃唐山在治北六十三里登山右行六里有石室口方八尺如數十間屋上通天窓下有方榻二石人巾櫛而坐旁有小石室七所相通悉有石人室前有車馬跡春

夏不草無毒虫林木繁茂水石幽絕山下居人
丙日輒聞室有箏鼓笙樂之音蓋靈仙窟宅也
德明南康記云山角有石子如彈丸至丙日則不
見他日皆在其山獨立高千三百丈呼爲黃堂廟
○螺亭山在縣東南七十里巨石臨水處昔有貧
女采螺爲活與伴侶暮宿此亭忽中夜聞風雨聲
見衆螺張口亂吸其肉伴侶驚走貧女死焉旦日
但存白骨殞之水濱其冢化爲巨石螺殼無數凝
結石畔○縣北百里有合龍山其地荒寂無人居
惟一僧卓菴山下農家生子用胞卽唐翁三尺不
贛州府志勝入卷之十二 圭

食母乳七歲不能言其家送之菴中宋仁宗朝令
郡縣津送至京入宮忽能語詔削髮御筆賜名行
本時年十二錫資併後宮凡直千萬餘貫放還鄉
悉以所賜爲寺其師市木于虔化深谷中一夕大
雷雨江漲合抱檣棟隨流而至菴前及寺落成行
本對佛合掌而逝今寺中金龕羅漢及御書法名
尚存○龔公山在城北一百二十里今爲寶華寺
有馬祖遺迹及泐潭龍井其上奇峰翠巖前後連
延羅木泉池左右襟帶昔邦人龔毫棲舍于此馬
祖道一禪師自水東佛日峰遷來者山有鄧隱峰

松蘿居士竹靈照女蓮蓋皆馬祖座下

零都縣在府東百五十里

本漢南海揭陽縣地漢高帝六年使灌嬰防趙佗
立縣在城東四里東溪之上屬豫章郡陳時遷治
太昌村隋還故處唐初治復仍陳貞觀中大水安
撫大使任懷玉移置南康古郡卽今治○研譜云
零都有灌丘可以爲硯按志云灌嬰築城東溪零
人卽其駐壘處廟食之嘗有掘其地得瓦以爲硯
太守洪邁作灌丘硯銘曰范上作瓦既埴既已何
斷制于火而卒以陶水廟于漢侯今千幾年何址
贛州府志勝入卷之十二 圭

慶祀歎而此獨也存縣贛之零曰若灌池硯爲我
得而銘以章之○零山在縣北二十五里蓋古望
祭之山因名零水出其下入于貢卽贛水也零山
倒影入于瑞蓮池池去縣西二百步產蓮甚奇花
曰雙頭曰丫髻曰三夢曰念四葉子曰覆鐘曰金
鉞葉曰雙捲曰劍脊移植他池則不能奇以此知
爲倒影所致○南康記云貢水有金雞山石色如
霞旁有穴廣四尺一石正當穴口如彈丸晉義熙
中金雞三見山中人彈之化爲石宋永初中又見
志云在縣城西三里○羅田巖在縣南五里巖凡

三中高二丈深丈五尺兩旁相通其形如虎一云是虎穴峭壁懸崖中有曲水流觴茶竈藥爐悉具宋時翫華嚴院岳飛過此作詩云手持竹杖訪黃龍舊穴空遺虎子踪雲鎖斷崖無覓處半山松竹撼秋風周茂叔作郡時亦有詩刻又五里曰通巖高丈餘周丈五尺前後洞徹中通人行宋紹興知縣鵠額慶元知縣勒銘○又三十里曰需巖凡二洞上下懸隔鑿磴而通高三丈深二丈其形如獅邑人王鴻者義獻之後也工篆籀詩畫效元次山嘗隱于此福州劉翬詩云冬寒夜憶王夫子獨

贛州府志勝入卷之十二

古

坐需巖治古書○祈山在縣西南二十里前有小阜七名北斗山唐時有梁真人者脩道于山之紫雲觀被召不赴乃折檜樹一枝倒懸丹竈傍湏臾登木杪而去不知所之○縣西四十里三洞聯絡嵌空玲瓏各可容百餘人石乳重重欲墮五色約爛扣之鏗然作玉聲音彭彭若鼓溪流貫注之上曰白雲嶂中曰太虛巖下曰龍巖○雲水在縣北三十二里源出雲山上流寧都江挾石城水自東北會昌江挾安遠瑞金水自東南皆達雲城而西稍南出峽又稍南則興國江水自西北又前二十

里則信豐江挾龍南水自西南皆與雲水合入郡城東會章水志云上流之灘其名曰葛湫八賴井洲鷓鴣藥口大傳車頭小萬苦竹長灘率口牛牯凡十二○雲峽在縣西北五十里兩崖陡絕可二十餘里有砂洲長二百餘丈砂生三角與常砂異色白如粳名米砂土人視其厚薄以占米價云○南康記梓潭有大樹其本丈餘垂陰數畝吳王芮會都尉蕭武伐爲龍舟旣成挽之不動占云須童男女數十人爲歌樂引之乃行如其言舟忽飛入潭中挽者皆溺至今夜宿潭邊者猶時聞歌唱聲

贛州府志勝入卷之十二

古

按志潭在縣東南六十里而窠宇記作樟潭山在縣東百八十里言漢時有阿隄樹伐以爲龍舟槽砍而出血伐人並皆沉死福建漳浦亦載之其壤相錯○寒信峽在縣東北六十里黃金鄉中重巖夾壁每歲峽中先寒俗訛爲韓信立祠其傍○黃金鄉安下里有唐楊筠松墓甯州人僑昭之亂斷髮避地虔州盧光稠使卜天子地改葬父母已問尚有此地否曰有一席十八面皆王者地盧忌之遂毒楊楊携其徒曾文迪劉江東夜遁去至此問名爲藥口悟曰藥到口吾其死矣遂葬焉○文迪

雲都人天文識緯內經地理之書無不精究其墓在袁之萬載西山○柴侯墓漢靈帝時劉叔裔也避地于雲都東南七十里山中預爲柩概自書曰漢柴侯人始知之爲墓村側晉末盜發其冢忽大風雨山之松柏悉飛棺化爲石○縣西七十里石室穴有葉船從下流還縣者未至岍數里一衣黃人擔黃楮兩籠求載因而乞食船主食之及濟唾于盤徑入穴去此人異之而視唾悉是黃金○夜光山在縣西北八十里者老相傳時有夜光若燎原之火從峽汧流十里至于蛟窟而沒其處有太

贛州府志勝入卷之十二 七

平山瀑布幽蘭馨香時發可供遊賞今卽太平公館○干霄山在縣東南七十里南康記云產松杉莞筍石蜜○珠玉山在縣東南二百六十里上古產珠玉本名官山唐天寶改今名南康記云山高峻有珍禽香草○高沙寶山在縣東北百二十里兩峰並高勢如伯仲宋時有樵者遇白兔逐之入地掘地尺許銀鑛溢出○雲有明覺寺僧伽院五季末邑人事吳僧伽以爲生佛院後竹林中一竿特巨僧伽常五夜擊竹而歌寺僧厭之伐去巨竹俄而芝生其根宋祥符已酉示寂之日有商蜀中

者過之僧伽化後竹筍生其牀下明解縉紀其事○縣東紫陽觀內一泉間日其酸其日汲以釀特美宋洪邁四言詩慈彼其泉出自東方發源雲山鍾于紫陽水清玉潔源深流長君子至止鑑亦有光○縣東有龍鐘潭相傳吳王芮遣將軍蕭武自盤古山運鐘過此沒焉漁者時或見影岍有蕭將軍廟今廢

信豐縣 在府東南百七十里

本漢豫章南雋縣地吳置南安縣晉改南康唐末淳初析置南安及天寶改天下縣名相同者因泉贛州府志勝入卷之十二 七

州有是縣奏改信豐以民信而禾豐也今城西南二城閉名因之○城中孝義坊有寶塔寺塔九層日中無影寺左有鴨公池俗有鳳凰來宴鴨公池之識卽此○縣之奉真觀右有鳳凰井井脉通石陂潭出五色魚○西廂外二百步九日岡勢如翼登其頂方而夷可坐百人每重陽日士女登高于此○南廂外二里南山有寺曰南山寺宋呂大防墓在寺之右紹聖四年以紹述說行連貶大防安置循州行至信豐病語其子景山曰吾不復南矣汝歸呂氏尚有遺種乎天下哀之哲宗聞計顧左

右曰大防何以至虔州皆莫敢對○夷堅志云信豐縣水南有瑞蔭亭亭前兩巨樟相去百餘步其高拂雲枝幹扶疎類煙霄中物紹熙癸丑秋大水浸縣鼓樓兩樟之間爲水淘洗露出一連理枝自東阻西長四十五丈枝下去地丈許○穀山在縣西二十里有石如人下臨穀水山半有芙蓉屋懸巖乳泉下滴幽勝南康記云晉葉率爲九江太守與兄大司馬混太守仲通避劉曜之亂奔豫章南楚東界率卒于穀山混卒于首方口仲通卒于烏漾灘按皆今縣地有廟祀焉○鐵石巖在縣西南贛州府志勝卷之十二

太

二十里二門相對中可容百人又有石井龍巖昔龍穿而過見右爪歲旱禱巖中鳴鼓水洄洑而已節金則長瀉○巫山在縣西北三十里接南安之南康界有峴嶺其上多怪石有巨人跡巫水出其下會綿水入于桃江○按桃江在縣東源出龍南縣東桃山北五百三十里至信豐營入貢水有灘十五曰烏漾枯木三摺梓木石瀨龍江圓潭上寒下寒上智咽人三港下順劍門車輪斷龍諸灘惟烏漾石峻舟楫難通近年始鑿大陂山在縣西四十里山下有湖水出五色鯉高一千五百五

十丈○縣南四十里金鐘山上有二石筍高數丈絕頂有古寺又其處有三明山三峰鼎峙五層石塔一勺泓泉灌注于中○吉錢岡在縣南六十里土色赭而圓如錢故名又十里爲香山根蟠三十里有九十九峯小溪十八多藥物昔人見百鶴飛來各棲一峰其一不下群鶴復飛去○黃石洞在縣西南八十里高數十丈中有石人兜鑿作按劍狀後有石獅石象踞其左右甚肖有飛淙綠崖噴珠濺玉出山半小洞中○松子石筍在縣南百餘里筍有三十餘條約高五百尺其處三峰屹立如贛州府志勝卷之十二

尤

筍皆高數十丈○大龍山在縣南百二十里有龍井夜則紅光燭天巖洞數十處紫草藥果又嘗見異花如白蓮○猶山在縣西百二十里分九十九面亦產異藥○新龍山在縣南百五十里有塔一座乃普濟禪師學佛之地

興國縣

在府東北一百八十里

宋太平興國中析贛縣七鄉益以廬陵泰和之地立縣于湓江鎮四年號爲名○縣舊無城元末始築方五里開八門其北泰和門南曰奉符門下南曰朝宗門有玉川館在奉符門外○湓江在縣東

北源出衣錦鄉吳公山西谷子溪○減水在縣西
流至東澗口二百里與歙水合而名爲平川行百
六十里至平固江口又八十里入于黃○治西宋
天乘寺唐之萬年寺也有銅鐘爲唐物宋紹興初
一夕失去贛縣漁者得之文潭中鬻于天寶寺考
之無聲他日大衆僧一扣其音愈洪乃以歸○縣
手物試扣之大衆僧一扣其音愈洪乃以歸○縣
西北二里治平觀晉葛仙翁洪游豫章過此觀其
靈秀遂居焉留詩于觀之洗藥池云陰洞冷冷風
珮清清仙居未劫花木長青觀門外有葛洪丹井

贛州府志勝

卷之十二

三

深三丈許底有亘石仙蹤竅中出泉殊勝○太
平巖在縣東常清觀後內有石龜石人水臺竹橋
之勝○玉山在縣西十五里視衆山獨高有五峯
曰獅象香爐鉢盂錫杖南康記云興國玉山上
有石桃故老云昔寒桃生于嶺巔隱淪之士將取啖
之因變成石按志靈山在縣東十五里山腰石窟
中有石如桃卽此山也山下龍華寺側有靈泉清
冽不涸一名玉珠泉○東龕巖在縣東北二十里
舊爲鍾紹京讀書處巖前有石截焉中分上有飛
泉百尺下垂如練兩旁壁立不可徑水流石罅間

下通小舟巖中可坐數十人正面一峰奇峭如筍
惟松異卉交羅其上一石如舫倚其旁巖水由靈
湖來○紀勝云東龕寺東巖有唐中書令鍾紹京
書堂石案石硯石臼具在鍾傳手放巨魚于靈湖
帶以銅環人時見之○十道四蕃志云興國上洛
山有木客形語似人遙見分明近則藏隱自言秦
時造阿房宮採木者食木實得不死能砍杉枋與
人交市易人刀斧交關者前置物枋下却走避之
木客尋來取物下枋與人隨物多少甚信直不欺
有死者亦哭泣殯塋嘗有山人行遇其墓日出酒

贛州府志勝

卷之十二

三

食啖人南康記又云山都形如昆崙奴通身生毛
見人輒閉目張口如笑好在深澗中翻石覓螭
之嘗就民間飲酒賦詩云酒盡君莫沽壺傾我當
發城市多驚塵還山弄明月○縣北八十里有小
石如人立而冠分岐爲秦娥峰相傳娥來自楚得
道能行風雨卒人立廟祀焉廟有東西二井及曬
衣石衣影尚存○覆筍山在縣北百七十里東望
金精西望芙蓉北接青原南瞰章貢爲邑群山之
宗○雲隱私志云洵子至平固縣山中扣石忽聞
中有宮室額曰輪寥之館發石筍得書十二卷讀

之欣然遂著天人經四十八篇故名其山曰羅箭
按平固孫吳析贛地置平陽縣晉改平陽曰平固
隋文帝時併入贛縣興國蓋自贛析來者真仙通
鑑云山頂有湖周數里多靈草異物有石鴈春秋
時能辟飛湖旁有石井及小石筍筍藏玉牒記名
山靈地及得道人姓名石井通泉口廣二丈高七
丈石筍中玉牒云是王孝子所習書○山堂肆考
云興國之儒林鄉有石圓如龜項背皆具人謂之
龜背石彷彿八卦形象逐月隨十杓旋轉士人疑
其惟移置他所翌日復歸故處人因祀之○縣志

贛州府志勝

卷之十一

至

錦鄉有文天祥勤王壘累石爲墉三層其隘上署
都督行府額禡祭之夕扁爲雷擊破尋兵敗鄒嶧
先爲元兵所執不屈而死○太平鄉有統制石宋
末統制輩信從文丞相勤王元李恒追至方石嶺
將及信以短兵接戰元人疑有伏不敢進信坐巨
石箭雨集被體斃不動至死不僵後人呼爲統制
石至今行旅過其下必式○空坑在縣界宋德祐
元年安撫使知贛州文天祥本詔勤王自引兵從
梅州出江西復會昌敗元軍于零都復吉贛諸縣
遂圍贛州元將李恒遣兵援贛而自將襲天祥于

興國之空坑兵潰趙時賞等死之天祥走循州○
蓮花山崖石俱在縣東百四十里舊傳文丞相駐
兵處累石爲城基尚存後人于崖石獲寶劍卽此

會昌縣

在府城東
二百里

宋太平興國七年又析零都六鄉于九洲鎮地置
縣未立名適鎮人掘井得古甌甌十二其上皆有
會昌篆字事聞因以名之紹興元年陞寧元爲州
國初仍爲縣○明山在縣河北二里邑主山也寒
泉飛瀑巨石對蹲上有六祖寺下有五坡石○又
三里爲三門洞爲湘洪水水合綿湘兩江西北過
贛州府志勝

卷之十二

至

零都流入貢水蛟蜃居之其深莫測多怪石○西
巖在縣西南七里邑人尹天民讀書處前有石廳
石鼓瀑布水簾試劍石六和精舍○魚潭石在縣
南二十里亭立江潯爲遺老周伯綸釣磯又十里
有大明巖寺廣數丈下爲法堂旁有水簾隨風舒
散○注米巖在縣東三十里深廣二丈許伏虎禪
師駐錫處有小竇相傳出米隨人多寡可給後人
鑿之僅有泉流○九仙巖在西北五十里深廣三
里許相傳巖內有九龍後爲九道士乘之飛去○
蕭帝巖一名佛圖巖在縣南百里狀類伏獅而口

仰張內虛可容百餘人舊爲齊武帝避兵之地南
史蕭順爲贛令江州刺史晉安王子勲反帝不從
勲命南康相繫帝郡獄帝族蕭欣祖等破獄迎之
帝于是率部曲百餘人起義○揭陽山或云梁武
帝徵時讀書于此有古院○仁峰在縣西一百里
舊傳有石室石臺祀張賴二神臺旁有竹一竿風
來則偃而拂之其屋潔淨無塵石竅中泉不涸飲
之可愈疾○仁峰張十郎祠舊在羊山人以羊供
祠中縱之不去虎亦不傷縣令余文震遷其祠羊
乃化爲石○舊傳有余侯獲神龜將招山塞海無

贛州府志勝

卷之十二

五

何龜亡而侯亦卒堃縣北百里余侯峽其傍有廟
及故宅遺址或云卽會昌峽也○聖姑石在縣南
一百十里瀕江如人形高師過必擲石以卜吉凶
○四望山羊角水俱在縣南百二十里東通福建
武平縣界南抵廣東程鄉縣界羊角水一名卽溪
湘水發源于此○鴈門峽以狀似鴈門而名兩岬
高山中列三石破江水爲三道又號三門峽○榮
陽水在縣東南會東水上輔水總一百九十里抵
潮州海陽縣界○盤古山在縣東南一百二十里
周圍石壁亦號盤固石有羅漢殿可容數十人有白

蓮池廣一畝唐十道記盤古山有獸如車輪而其
聲似雞犬或六足或八足能負兩三人○北堂書
鈔盤固山其峰有石井井側有大銅人常守之五
十年水一涌高起數十丈銅人每以手掩之卽止
其山盤紆峻峭因號盤固○漢仙巖在縣東南一
百二十里舊名漢溪深廣數十丈相傳爲秦王讀
書處有石室僅容一人匍匐而入至讀書堂又橫
過石壁有石龍數丈兄者咸呀爲真又有枯木一
枝大不盈握橫亘絕壁山風狂吼終古不墜俗謂
之仙女挂降真又有鷹蹲僧帽羅漢龍頭葫蘆蟾

贛州府志勝

卷之十二

五

除天河天開諸石玉筍天竺二峯天開閣月鏡臺
會仙亭金剛窟滴水汜白龍激萬松菴一線天白
蓮池石罅泉石獅石龜笏硯仙人奕諸景人謂可
匹閩之武夷○巖洞相傳爲漢仙煉藥處日久秦
無皇朝穆宗五年僧明圓自寧都來安坐洞口
中夜鬼擲沙石盈膝不爲動詰朝里人聚觀圓合
掌曰山靈果許我居此當以鐘鼓三聲爲信視未
已俄聞巖中有鐘磬之聲遂誅茆焉左右石壁斧
鑿難施圓日夕向壁持呪不輟至五月十四忽
雷電晦冥剴然石開五尺許于是次第施功爲會

昌著勝○述異記南康郡有君山高秀重疊有類臺榭名女媧宮有殿名格形似猩猩自知吉凶人無機心則可馴狎欲執害之則去不來按志在縣東南一百八十五里與盤古山接中有玉臺方廣數丈周廻盡白石覆如屋四面多松杉亦曰女媧石輿地紀勝以雲都君山距盤古之北五十里風雨過後景氣明淨頗聞有鼓吹聲皆山都木客爲唱舞之節

安遠縣

在府南三百四十里

梁大同十年置此縣唐德宗貞元四年以雲

贛州府志勝人卷之十二

美

都地僻人稀每有賦役動逾星歲復析雲都南三鄉併信豐一里再置宋因之元至元中省尋復置國朝因之○唐書云建中三年刺史路應請建定遠縣築臺縣治內曰萬壑堂○治左南山觀有題云何年建此南山觀今日來游東海仙詩草漫留黃竹逕墨花亂酒綠羅烟蓋皇朝張汝弼別號東海善草書志調詩即汝弼作非是乃和汝弼者耳○打鼓嶺在縣南十餘里巔有石鼓鼓旁二石人對立邑譙樓鼓鳴輒應之後斷石人手遂不然○又五里爲九龍嶂上有龍潭可以禱雨○寰宇記

云欣山凡十有二面高五百丈上有蓮花池石巖如室巨石如牀產朱橘異竹林木芳潤登覽令人怡悅其水南流入循州雷鄉縣○馬鞍山在縣東十五里有小池巖桃竹亦佳又五里曰熊嶺高峻可二百餘丈○蓮花巖在縣西二十五里循山嶺穿石徑而入兩山峭立中藏一洞巨石倒懸下爲佛寺傍有石龕二古塔一又有飛瀑從天際而下經洞口流入溪澗中○縣南一舍許有南逕逕路長十數里逕口卽石也高三十餘丈狀類狻猊○三百坑水在縣南四十里源出三百坑東流一百五十里至縣九洲河始通舟楫出縣二百五十里入廣東龍川縣○紀勝云眉山程子山以紹興癸亥自西掖謫知安遠過凝福院見其西一峰如黛爲名擢秀而留詩院中子山諱敦厚以忤秦檜由右史左任者擢秀峰在縣西八十里龍清巖在縣東百二十里巖前清流縈帶大小巖穴凡數十宋建隆中僧靈照住此巖之壽昌寺絕粒咽氣居巖罅中至淳化五年示寂諡其徒曰吾去三日入塔後二十載可開視之祥符中其徒啟塔梵相如生○大帽山在縣之黃鄉保萬曆四年刈馬新

贛州府志勝人卷之十二

三

寧都縣去治三百餘里○紀勝云安遠水在縣西二百二十里縣以茲得名

寧都縣在府東北二百六十里

按郡乘吳析寧都置陽都縣晉太康初改爲寧都五年又析寧都置陂陽縣○南史宋永初元年南康國領七縣有寧都有陂陽大明五年領八縣其一爲虔化益又析自寧都者隋開皇中寧都陂陽俱併入虔化宋紹興二十三年改虔州爲贛因復虔化縣爲寧都○通志云吳析寧都東北陂陽鄉置陂陽縣晉太康徙縣治于陽田營劉宋昇明間贛州府志勝八卷之十二 天

又徙縣治之徐觀始改今名及隋開皇改虔化徙徙今治宋紹興中復曰寧都元陞州 國朝仍爲縣○按陽田營在桂竹里徐觀在太平里以太平而改名寧也白鹿洲在縣南五十里仁義鄉吳時治也虔化屯在縣西五里隋時治也輿地紀勝云其處有石如虎下有陂又云虎化爲石縣不曰虎化而曰虔化蓋古文從几而譌虎之名○縣有子城唐太和間築宋紹興增脩五百餘步環以外池紹定六年復築羅城○長春谷在縣東一里邑人孫立節胡楚讀書處○延春谷在縣南里許其下

贛江也有雙魚洲浮卧江中狀如游魚巨浸不沒畫錦亭建其上○貧簪谷在縣西北七里與金精山相望脩竹數十畝翠篠蒙密中有飛來獅子二峰翠巖釣臺縣泉諸勝水竹幽居宋儒曾與宗所築以處從游者 輿地紀勝云縣西八里安國寺有五代末御史大夫郡人裴愉碑記在隔江崇福寺有脩寺碑及食堂二記皆裴愉筆志云裴愉墓在縣之石城宋江後唐禮部尚書也○官人山在縣西北十里石崖環立無路可通須捫蘿而上唐李黃巢之亂官吏多避難于此上有天宮寺山贛州府志勝八卷之十二 天

麓泉湖浣淥人謂之小桃源○金精山在縣西北十五里中有石室容萬人又有金牀王枕兩面懸崖百餘丈圓如鼓元名石鼓山○舊記有十二峰峰頭皆石望之如陣雲道家列爲三十五福地秦漢之際山下居人張芒女名麗英字金華年十五面發奇光家有白紵扇恒對以爲鏡他日登山得二桃食之遂忘饑渴長沙王吳芮伐閩越道此強委禽焉女曰山有石室中通洞天能穿石當爾見芮乃發兵通穴復使聘焉女曰吾爲金星之精降治此山豈塵凡能近乃仰卧被髮覆石上使者以

爲苑矣忽紫雲鬱起失女所在雷冲舉時歌詩十八章今存其五一曰石鼓石鼓悲哉下土自我來觀民生實苦二曰哀哀世事悠悠我意不可闕兮王威不可奪兮余志三曰有鸞有鳳自舞自歌何爲不去蒙垢宵多四曰凌雲燦漢遠絕塵羅世人之子于我其何五曰暫來期會運往卽乖父兮母兮無傷我懷至今石鼓一處黑色直下儼如垂髮精神錄云金精山巖高數百尺有二木鶴仙女各一乘之鐵鎖懸于巖下二鶴恒隨四時轉不差忒百勝軍小將陳師榮者嘗與鄉里女子遇于巖

贛州府志勝

卷之十二

三

下求娶焉女子指鶴曰能射中此目乃許師榮一發而中臂卽無力歸而病卧見二女道士繞牀行以手拂其目數四而去竟失明卒所射之鶴自爾不復轉其一如故舊志縣西南八里東陽巖中藏有木鐘金精木鶴鳴則木鐘應之金精山人者宋廖瑀之別號也年十五過五經建炎中以茂異薦不第所著有懷王經行于世○君子峰在縣北二十里形如卓筆與濠山對下有裴愉舊廬○釣洲在縣南二十里彎環曲折如鉤地不數百武舟行必遲回半日始至東華山在縣西北二十里

閭闔爲青陽洞耳泉巖○輿地紀勝云桃林寺在耳泉巖寺內有李後主重陽詩及禪月師畫十八羅漢孫志康題名○蓮花山在縣西二十五里峰巒聳聳如花巔有三峰中爲仙女湖下有龍湫鎮以巨鐘掛祠祀焉○濠山在縣北二十五里山間雲氣濛濛懸崖飛瀑注石池中頂有巖方丈前爲戶牖石牀石梯不假斧鑿皆天成中虛一巖可容百餘人自餘巖穴小大各極其妙相傳晉時里人賴其廬于此○璜溪在縣南三十里流自梅川形如半壁水聲珊珊如觸玉璜○白茅峰在縣西三十里生白茅下亦有龍潭四時常吐雲氣又有龜湖亢旱不涸○武頭山在縣東四十里發脉自閩盤據數十里爲邑祖山南康記南宋大明中有人至其巔者見一池廣可百丈水色如丹旁有顆粒如珠有光再往竟失其所原名虎唐避諱改武○宋德祐乙亥歲文天祥勤王使趙時賞一軍取寧都未至邑西北六十里竹林偶爾作書有所徵發泚筆竹葉上自後此林竹葉生有墨華○寰宇記云梅嶺在縣北一百二十里古多梅樹閩越及漢使諸校屯梅嶺卽今邑界也嶺下卽梅川經麻源

贛州府志勝

卷之十二

三

丁坡梅口東南會白沙白鹿東北會盤溪小溪西北會龍溪桃溪爲西江流經零都入貢水○虔化水源出陰山接撫州崇仁縣界在縣北二百四十里流至零都則名零都水○清音水在縣清音里源出天林山過逕步釣峰錦口陳池城口崔坊會王觀渡入西江

臨金縣在府東一百八十里

唐瑞金監昭宗天祐元年析零都象湖鎮淘金場置南唐保大十一年陞爲縣宋太平興國七年割地益之合編戶八里○紀勝云宣和壬寅鄧衍領贛州府志勝入卷之十二

三

邑事于縣之圓通院建六友堂蓋同時承方庭實簿張參東尉余誼西尉方某監務何常併衍凡六人同登政和甲午進士科紀其盛云○鄧令于東明觀建潔襟亭以覆陸公泉者泉在縣西南一里按郡志宋大觀中縣尹陸蒞搜尋勝跡得唐人陸藻軒前山色依然綠溜下泉聲漱玉寒之句因于石竇間浚得此泉後被召去邑人以其姓名泉也通志謂唐陸藻兄弟來游導泉淪茗題詩而去致候官陸蒞以太常少卿坐議原廟不合謫任藻其弟也登崇寧二年進士而二志俱云唐人未詳觀

內有蘇子瞻七言題詠一首○黃芝園在縣南里許雲龍山麓嘗產靈芝有黃雲覆之○縣東里錦被嶂狀如簾幙下有錦陂按卽鼎都山山海經云鑛水出鼎都山卽此也○寶蓋峯在縣西北二十里其水流爲蜀溪僞唐有師郭璞術者卜地寶蓋下或竊之以葬其人在家忽耳聞金鼓聲驚曰此必有盜吾地往視之已無及後葬者歲發疫癘忽大雷雨見黑龍由墓中湧水而出遂成溪○龍霧障在縣東北二十五里有仙女池謝仙翁祠仙翁後周時人登龍霧障採樵偶于池側見二女奕從贛州府志勝入卷之十二

三

旁觀之女食桃遺核因取食之不饑突能恍失所在謝駭而歸不知若干年矣後翁入山莫可踪跡時有見者急追之莫能及里人爲立祠名曰寶仙呼池曰仙女○縣西北三十里石螺嶺亦有仙女湖方二畝又云螺石山人跡罕到如螺如仰龜如躍馬如屏障與香山對峙○皇恩巖舊名月圓巖在縣西四十里有龍穴水中二珠每秋霽月澄珠時出游水際燦燦然亦神異也巖狀如魚橫潤十餘丈前有二潭曰龍曰龜宋天聖中僧法明結廬其上勅名皇恩○陳石山在縣東北五十里有巖

深居一丈餘舊傳陳霸先嘗寄跡于此故嚴之上
有將臺有兵寨內有劍門九曲洞打屠巷石窓石
梯石鼓龍湫龍池外有天柱劍峰玉峽水簾注水
嚴試劍石六和精舍□綿江源出陳石嚴流五十
里抵縣前合貢水又合烏村智水銅鉢山瀾水羅
田浮圖水流經會昌步都統府城入于章○銅鉢
山在縣西北五十里爲縣祖龍巖巖高聳雖天氣
晴朗而烟霧常蔽其巔下有龍井井中露石如爪
龍山見爪則多應前有香爐山有騰雲石上有昭
靈祠祠者不絕相近有九仙巖爲九道人乘金龍
贛州府志勝之卷之十二 蓋

處○埤雅廣要云瑞金江氏浴一牝馬于江潭馬
迸入急流四塞雲合風起水波高丈餘遙見一物
光彩耀日鱗甲森然繞馬數匝明年生駒肉赤如
血頭方而腹大耳豎而脊強嘶鳴與凡馬異蓋龍
駒也○縣有龍湖乃在藍田山湖中有龍有蟾蜍
窟乃在泮池嘉靖中池產兩蟾蜍白如玉

龍南縣在府南四
百一十里

唐天寶元年于信豐縣置百丈鎮尋改名虔南五
代吳改鎮爲場南唐保大十一年陞縣改今名以
在百丈龍灘之南也編戶五里○桃水在縣西門

外源出冬桃山會昌山銀山馬坑井口南北
山及筋竹三指尖于水尾葛溪諸山水入三江
○玉石巖在縣北五里有石瑩如白玉山半有洞
廣數十丈旁有巨人跡宋太宗賜書百二十卷
嚴建閣藏之下有玉跡寺治平間賜額此上巖也
嚴之後重重深入可五六丈傍有石鐘鼓石田圳
之類進登高臺大寶通天明爽空濶正德丁丑督
府王守仁平龍川淵寇班師作平南記刻于洞壁
扁曰陽明小洞天郡守邢珣篆其門曰鞠躬此下
巖也下巖後諸石柱石門扇之類雖刻畫不及凡
贛州府志勝之卷之十二 蓋

六七洞或下而深入或升而上穿視一巖尤勝○
石龍窟在縣北十里四面皆石水從中出陰雲始
合大雨隨之○三江口水在縣北二十里合桃溪
渥三水流程信江營會寧都水入貢有大龍飛湍
駛如建瓴又五里爲靈應山圖巒重複吞吐烟嵐
望之如列畫屏昔嘗建寺艱于水有禪僧飛錫東
行泉如湧出故名○上皇山在縣南三十里樹木
森鬱中有古巷曰上皇山名從之又五里爲油瓶
山路自上而下平臨溪濱中有巖洞左鐘右鼓又
名鐘鼓巖隔水有三石筍森立相向又五里爲清

脩山其高千仞開局一二里上有環山曲水茂林
脩竹有寺肇基于唐 國朝改建者登山四顧迥
出塵俗別是一洞天也○松梓山在縣南八十里
古松瘦梓森然蒼翠石筍三十各高十餘丈○松
林巖在縣西南八十里寬曠可居中有古佛三軀
至今猶新有峰卓立半壁懸開一竅時平則聞鼓
樂聲將亂則聞鉦角聲○歸美山在縣南一百里
一名龜尾一名神闕高百餘丈有自然石城左右
石峽如雙闕山產水晶果以與龍山對謂之龍頭
龜尾南康記云歸美山高數百丈遠望嵯峨有水
潁州府志勝卷之十二 異

通始興據險當關可制三面更番戍守又遠有大
岳山上有五岳廟素著神靈○龍南龍川之交有
三洲水渠魁池仲容渠穴也池大髻者有幻術急
則遁形水草名爲挿青正德丁丑王陽明旣平橫
水桶圖遂計誘之觀燈使人與之格鬪傷其目因
醫而醫其腫子搗其巢穴而盡殲之奏立和平縣
屬廣東

石城縣

在府東北四
百六十里

本漢雩都石城塲三國吳析置揭陽縣石城其封
內也南唐保大十一年陞爲縣○輿地紀勝云峰
潁州府志勝卷之十二 毛

子山在縣東一里山之太極觀中有紫竹昇仙二
臺相傳徐王二真人飛昇之處太平興國中道士
吳子真脩龍華會日有二道士同赴已而于雲霧
中失去各留詩一章乃徐王也按徐名繼先王名
齊祥大中祥符時里有犯魅塑之龍虎山主人曰
太極觀有二仙盍不就近求之遂還扣觀門見紫
竹臺上有對奕者拜而求之爲書符訖擲筆去不
知所之○去城三里崖之半石洞軒豁有二仙壇
一名迎恩石又名李獵石○西華山在縣西五里
舊名烏石嶂高可千仞登眺之時滿城若翠溪澗

分流白如一線凌晨雲罩至午方撤○五龍巖在縣西五里兩崖奇峭潭倚山隈唐貞觀中樵採者見龐眉五老拄杖倚巖傍蹕而從之無有也止見五龍交戲潭中樵者驚怖而走○縣東北有雙溪閣雙溪水之所逕也前對劉仙姑山亦名梓仙閣○琉璃山在縣東五里秦人劉華之女名瑤英避亂此山得異果食之能絕粒天下既定出山視里族已失所在乃去縣西南二十里一山峭拔人跡罕至因獨棲其上常跨白鶴往來久之仙去○宋邑人許褒記云劉仙姑名瑤常騎白鵝騰空所居

贛州府志勝

卷之十二

庚

之山亦名白鵝峰蔣之奇詩有已跨白鵝歸紫府空留丹竈在人間之句輿地紀勝云劉仙姑飛昇遺地在蓬萊觀地介于寧化石城之間寧化福建汀州屬邑也○志云仙姑埋鏡處在縣南十里之貴人峰又二十里有石梁爲仙姑紡緝所棲兩峰夾澗上架脩梁亦名仙女石○筍石在縣東十里板地侵天高百餘丈其山皆石望之若丹霞左從石門入洞仰觀一竅如牖天光直射洞中右傾一石亦復如是○燕巖潭在縣西十里旁有石崖海燕往來飛止其上○通天巖在縣南十五里石壁

嶙峋深若巨室登其巔方平若原一竅通天獨樹入雲洵佳境也○丈夫嶂在縣西北十五里其中凡三十六巖俱有泉石之致舊傳陳邦光宅其下陳之內子魏宅在縣南三十里名夫人嶂嶂有神祠按邦光邑人登宋崇寧丙戌進士仕爲沿江措置使○洪石巖在縣南四十里攀磴而入石門寬衍如屋奇卉叢生耳泉湧出北有倒巖云出米轉而南爲獅子巖四面峭石如壁路止一線○樓蓋山在縣北六十里有巖洞相傳楊真人煉丹之所又云許褒許國讀書處上有石几石牖午夜嘗見

贛州府志勝

卷之十二

庚

燈光○中華山在縣南六十里一名鑿龍山上有菴壇產佳茗○魚骨瀑在縣東七十里萬山間石崖倒垂小潭深靚巖上飛瀑下注蔽潭口內有拳石曰雞心禱雨者由石上舉篙投詞頃更旋波若吸而入既入卽出緣崖上奔風雨立至○牙梳山在縣北一百里盤據廣昌寧化二界有三十六面元時蔡五九所聚爲巢穴者也今石將軍石牛欄石馬槽曰缸曰牀曰燈曰幃曰簪曰鏡○瀾水源出栢中里遙嶺會境內古文江諸水西南經瀾口會虔化水入貢

定南縣

在府南四百里

皇朝隆慶二年都御史吳百朋剿撫下歷高砂二巢奏置次年築城于高砂之蓮塘週四百四十丈開東西南三門又明年乃立縣治○編戶四里高興即高砂保下歷即下歷保江南即橫江保皆龍南縣地伯石即大石小石伯洪三保皆安遠縣地又割信豐之南方十里圓魚逕腦及潭慶上保龍頭嶺內坑諸鄉以益之○白雲山在縣東三十里其高百仞隆慶初上人欲于此建菴掘地得一石題曰白雲深處蓋宋淳熙二年勒○又十里爲指

贛州府志

卷之十二

聖

揮嶂峰最高峻而中平窪可容數千人元時嘗有指揮屯兵于此上有瀑布○龜尾山在縣西四十里有僧舍花香鳥韻烟霞光可供游賞○神仙嶺在縣北四十五里有仙人題字微跡山下人時見火光燦燿○程嶺在縣西北六十里以分水爲龍南界○葉竹障在縣東七十里頂有長流水莫知其源山下田資其灌溉○九洲河在縣東北一百里會高砂橫江下歷楊梅諸水流入龍川其處有圓魚溪源自南坑咽分水會龍頭嶺下水流入信豐龍洲出內江會大河嘉靖末年丙寅渠

魁賴清規爲邑大害知贛州府黃炭單騎入下歷招撫之賊防稍懈都御史吳百朋督參將蔡汝蘭以六月初三日進兵首破楊梅牌斷賊右臂遂奪神仙嶺賊懼退保鐵爐坑已件樟木嶺及銃鉞寨賊窘率親信六百人據銅鼓嶂待援銅鼓爲廣東龍川縣地宋時僞智高據以爲窟穴者七月初四破銃鉞初六破銅鼓賊夜走葫蘆洞反匿苦竹嶂林中自殺髮長七尺高砂渠首謝允樟始悔罪自縛詣軍門獻地

長寧縣

在府南四百里

贛州府志

卷之十二

聖

皇朝萬曆三年都御史江一麟計平安遠黃鄉保賊巢穴奏置明年築城于馬蹄岡週四百六十二丈有奇立四門于治後建鎮山樓閣○青龍巖在縣南三十里大小十餘穴清流縈抱有佛閣陟降俱由棧道以登○登頭嶺在縣西北四十里經行者必登其絕頂路乃得通故名○尋鄔水在縣東五十里流入廣東龍川縣之赤石渡○丹竹樓在縣南五十里即丹竹嶺也與平遠興寧接壤其民悍健可藉爲兵○頂山在縣東南五十里圍廣之交雙峰從翠內有飛瀑○鈴山帽山俱在縣西七

十里鈴山有僧舍秀拔冠于群山○大帽山在黃鄉保去安遠縣三百餘里與廣東平遠和平興寧龍川等縣接壤山綿亘數百里中有老虎臨林木深阻鳥道三十里內絕無人烟群盜窟其間多歷年所最後程鄉人葉芳來併諸盜有衆七千分爲七哨號曰滿總芳死妻曾氏代領其衆同黨杜栢欲娶之不許又辱其妹因而相仇嘉靖乙未年尚有衆三千頭目數十號曾婆兵曾死芳兄廷春領之愈橫壬寅秋兵備副使薛甲計擒廷春併其二子伏誅萬曆乙亥都御史江一麟偕知府葉夢熊贛州府志勝入卷之十二 聖

發兵分道入其窠渠魁葉楷匿于賴舍廟兵環廟焚楷死黨盡殲之○杜栢于正德末年與葉芳同受王新建招撫王安插其衆于縣百里外號新民與芳從征宸濠不盡受約束攫數萬金而還栢又與安遠三十六族有怨就中孫宏最深葉天序者宏姻也糾族千人併孫族千人合曾婆兵三千共五千人爲窠相持數月署南贛兵備周蓐崖計杖殺之蓋嘉靖乙未年事

南安府在省上流南領縣四

史記秦始皇三十三年使屠睢將兵十萬守南楚之嶠此卽漢鄱郡之南楚縣地吳始置南安縣屬南部都尉晉太康元年改爲南康郡隋復改郡爲虔州南康縣皆屬焉宋淳化初始于大庾縣立南安軍從知南雄州查陶之請也元改路 國朝改府

大庾縣附

漢武帝遣將軍庾勝討南越築城于此隋因立大庾鎮唐神龍元年陞爲縣○志云古城池在水南南安府志勝入卷之十三 一

驛使門之南舊北達庾嶺之路也其西南隅卽今城隍廟後郡人猶稱土城背蓋是時章江自西而南折若規故城因其勢元時水流經過郡治城遂中斷郡分爲二至元壬辰始改築今城南瀕章江東北帶溪惟西稍高爲陞城狹而長微銳類魚名魚城相傳有二井爲魚目一在城內一在城外魚背岡○城中有三臺府後堂東偏者爲中臺後改風月臺嶺北道公署後爲東臺侍郎劉節宅內爲西臺又有超然臺宋建者下有池多花木二中臺自宋周濂溪先生爲軍司理時程大中爲通判遣

三千箇等。明白沙先生陳獻章應召宿此臺作詩云黃菊花開又一年南山無分對陶潛不知風月隨懷不惱殺臺中此獨眠○同知解內有尊勅樓宋司法廳掌勅令也通判解內有延松堂宋寶慶間石曼卿書扁淳熙戊戌軍倖胡藻又劉張九成題寶界寺柱數語嵌于東楹○府治西有宋僉判廳元爲南安寨兵萬戶府舊有碑刊烟瘴藥方其上今爲民居○又有宋甲仗庫中藏甲冑刀盾之屬二三百具城守維器稱是蓋狄青收僕智高之餘物也○治門外宋公使酒庫有二堂曰芙蓉南安府志勝八卷之十三 二

堂曰燕堂郡酒名宜城春其坊皆刻務女依酒經造元豐間黃庭堅典南安試貢院飲酒有詩○寶界寺在府城西北宋皇祐初建地勢本崇寺復闔敵內有劉器之經偈刻石江民表輪藏記翻刻吳道子佛像及劉江張三公小影碑按劉安世以紹聖中謫知本軍尋改提舉洪州玉隆觀本軍居住奉母夫人寓止寶界後一年復徙鎮南瀕危數四蘇東坡嘆口真鐵漢也今寺西廊有鐵漢樓本此○蘇長公外傳云以紹聖元年甲戌安置惠州八月度嶺丁丑復責授瓊州別駕昌化軍安置

唐辰始命提舉玉局觀任便居住辛巳元日始度嶺北歸南安守曹登等與郡士人爭相款待于此有譙樓及觀音寺千佛閣題壁廣化寶界寺墨竹常樂院偈又過南康田氏九經堂楊孝本別業游詠倡和諸生隨行至吉州清都又爲作本軍學記後張九成手書勒于石按長公墨竹在寺東廊鐘樓下有譙樓僦者刻其壁兩盛以戲京師因渡錢塘江溺焉今墨君樓竹乃元人補爲之者蘇文忠集題東常樂院作經藏銘云佛以一口而說千法千佛之口則爲幾說我法不然非千非南安府志勝八卷之十三 三

一如百千燈共照一室雖各徧滿不相壞雜口文忠又戲掃竹石于院壁張九成跋云東坡先生自海上北歸過橫浦到常樂戲掃竹石于壁輪囷離奇跌宕傲兀想風月中磅礴乎萬物之表而徜徉乎八極之外豈世間筆墨所能到耶埋沒荒寺又矣紹興癸酉十一月郡守王徽倅李知止恐風霜剝落命工摹刻置之郡治以傳不朽俾范陽張九成書其後云○名臣言行錄云紹興中張子韶與僧宗杲爲莫逆交時時往還泰檜恐其議已于是言者伺意論之遂有南安之謫既至寓寶界

寺結廬日與生徒講藝退則手一篇倚柱就明積
久柱下蹉跎雙趺隱然因自號橫浦居士題柱以
識云平生對書老來病日執書就明于此者十四
年矣淳祐中軍卒胡元質剽其題柱去曰恐久而
壞也知軍李大正曰筆迹之壞孰與跡明日訪
于寺則併跡亦失之○寶界法堂之後有龜泉
烹茶煮藥皆宜無所亟稱之蓋其初掘井及泉下
有石龜泉從龜雙目中洎洎出云○金蓮山在城
北狀若蓮花下有法華寺俗呼金蓮堂爲迎送候
館因有松風壇墨花亭舞劍臺諸勝寺左鐵岡上
南安府志勝入卷之十三 四

有猴獅臺一名候使臺前稍左爲立屏山又名木
魚山皆以形似而名○嘉祐禪寺在城之東隋建
唐改大雲其左廣化寺卽大雲之羅漢堂也有蘇
子瞻畫竹 皇朝萬曆中大宗伯王弘誨倡範鐵
佛一菩薩二諸天二十四俗呼鐵佛寺寺左有湛
泉二○石壁去城東一里延八十餘丈瀕于章江
舟人挽纜之路其石爲獅山山腰有惠泉泉石有
龍母祠○言行錄云橫浦炎方隆寒無雪邦人或
垂白莫之識故癘疫爲多郡有龍君廟所祈必應
張九成曰吾無職祿而歲耗廩祿盡思所以惠之

因禱焉朝暾杲然而陰雲倏起晡時寸積矣邦之
童稚駭走觀瞻以爲異二其處有惜母嶺俗傳許
旌陽旣斬蛟追小蛟至此小蛟回頭顧其母今嶺
下有惜母村左轉石勢峻峭盤渦曲折得一坵處
立大通院其中有石洞石竈○東山在城東南二
里限以橫江山半西凹林木蒼翠中有仙翁菴五
山亭花雨樓志云仙翁菴元爲真覺寺小河橫山
下大河西來相會若縈帶然從寺俯瞰兩城如合
璧寺之檐有泉鑿爲曲水蒙川館在其上又有下
馬松醉石左折爲亞東山山稍左牌峽中石坂如
南安府志勝入卷之十三 五

砥泉冷泠漱嚙之又名南山○蒙川先生劉黼之
別號也黼爲太學生時劾丁大全之奸安置南安
軍及少帝航海委身與陳宜中俱至羅浮病卒而
家死于海明太守張弼爲作館表童之傳性定者
住蒙川館從下汲爲勞以符呪之曰泉且上來與
老僧洗鉢逾時香積傍石竇出一水名曰上泉其
麓有漢臺侯廟祀梅鉤○驛使門在城南一里前
後臨溪卽貢院舊址是爲橫浦驛○印山在驛使
門內南安有七丘舊名七星此其一也週遭爲池
山阜巋然中央如印產鶴來巢蓮一莖五夢○章

江水自西來橫郡治南門外有迴龍石長數丈背弓起下空如龍踴躍勢江水發源湖廣郴州上章界因名曰章經崇義縣西南距郴州東流百二十里至府北流一百六十里至南康之芙蓉江又北百二十里至吉慶州會貢水爲贛江○志云水自石陂頭而南橫驛使門外五板橋邊合大小沙五板水下東山麓會爲江至龍母祠前○水南城在章江南與郡城夾江而時民居稠密倍于郡城明嘉靖辛酉勅築周四百二十四丈闊東西南三門其北瀕江爲水門橫亘三百五十七丈有奇水

南安府志勝

卷之十三

六

南城之南門曰梅山門外卽梅嶺路街也有五里折梅亭○由驛使門出嶺路街至庾嶺而達南雄始唐開元中內供奉張九齡鑿開山巔爲路宋知軍蔡挺始甃甃之按庾嶺之路交廣要衝貢殿從入民以僱值爲利而迎送勞費亦因之自昔南雄南安兩府共給其役騾馱載少壯負擔皆于中途轉換○路碑略云北貨過南者悉皆金帛輕細之物南貨過北者悉皆鹽鐵粗重之類過南者月無百駄過北者日有數千先是南雄人創議南貨過北直至南安城下北貨過南直至南雄城下以

專擅其利知府張弼始會南雄復古規中站轉換立石道傍○水南之西管界都有玉池坊池產青蓮其蔬差小不結房色如碧玉與凡蓮迥異地勢高洪水不能及故有水滿玉池蓮之識○水南濱江有寶積寺新城南門外有石佛寺寺有雪巖居明景泰中知府金潤爲禪僧善寧作記自書丹刻石留小影以鎮之○縣西四里有宋解太尉墓太尉名潛謫居于此又有太尉巷遺址松林森鬱近城之山惟此中有林○城北五里有牛相公墓在金湖坊鄧家山下墓高五六丈旁環列小塋三十

南安府志勝

卷之十三

七

餘陪塋今多夷乃犁鋤之下往往得銅錢器物無名可考○其處有五指嶺一名五侯山卽玉枕也爲郡之主山高三百仞連延三里與五峰相屬有慧覺院周茂叔亦嘗游焉陳獻章應召經南安寓此與知府張汝弼酬和有玉枕詩話白沙先生詩云一枕秋橫碧玉新金鰲閣上見嶙峋使君得此全無用賣與江南打睡人按金鰲水南城北門名也○縣西八里黃林鎮之漢洞崖口如門爲石十有八排列左右若羅漢泉灌其頂又有石梁丈餘危峻不可度○歐公洞江縣西十里山隈水

多產菖蒲一寸十二節有卧石上竅爲槽似劍匣然巨石中斷名試劍石其處有西華山石壁如削循磴而上平行可田有宋僧院前有澗兩岸及底俱石名曰石澗無魚蝦傳是神龍所游明弘治間知府鄧公闢澗傍得一石甚平命曰釣月臺澗底有卧僧遺迹嵌入石內五體俱全澗水流掛石壁爲瀑布凡三十餘丈南有石洞可坐十餘人左有松數千株皆直幹無傍枝又有老樹五幹自地摩空亦無枝蔓志云小梅嶺有二其一在城北里許一在城西南十五里游仙鄉唐開元已前南安府志勝卷之十三

八

入粵之路由此相傳騎羊五仙人由此過章水灘○縣東北二十里丫山兩峰尖削如馬耳故名山有巨人迹靈巖院有辟支佛牙及宋棲真塔○嫦娥障在縣南二十五里峰開撒如幙帝故名舊傳葛洪煉丹其上丹液入土而產仙茅本草大庾出仙茅服之輕身東海張弼詩云庾嶺仙茅舊有名隨時采服可長生使君昨日纔持去今日昔來乞墓銘載玉枕詩話○大庾嶺漢志名亭嶺嶺有石平如臺在縣南二十五里鎮山也形如庾更又曰漢有庾勝者梅嶺之將隸番君從高帝定天下使

分兵守臺嶺築城嶺下名庾嶺又名梅嶺白氏六帖大庾嶺多梅南枝既落北枝始開張無垢語錄云大庾舊多梅居士到此數年始登嶺不見一枝吟云詩人嘗說嶺頭梅往往春風自此來我到嶺頭都不見空將春夢又空回嶺上有寺無名氏題壁云妾幼侍父任英州司寇既代歸以大庾有梅嶺之名而反無梅遂植三十株于道傍因題詩云英江今日掌刑司上得梅山不見梅輟俸買將三十本清香留與雪中開宋嘉祐中丘闢于嶺上植柱揭名梅關以分江廣之界嶺下舊有官驛南安府志勝卷之十三

九

庭院甚整宋郡守趙孟邁扁曰梅花國蓋自此而上嶺曲皆梅故名○通鑑秦始皇三十三年以謫徒五十萬戍五嶺大庾其第一塞之嶺也秦使屠睢將兵十萬守南楚之嶠卽此嶺記名東嶠以在五嶺之極東處圖經云山延袤二百里上有橫浦關卽秦塞上又名塞嶺張子壽集云初嶺東廢路人苦峻極開元四載冬俾使臣左拾遺內供奉張九齡緣磴道披灌叢相其山谷之宜革其坂險之故自後歲久驛路荒遠室廬稀疏往來無蔭庇宋嘉祐間蔡挺詳刑江西弟抗漕廣東乃商度工

用陶土爲甃各甃其境北路廣八尺長一百零九丈南路廣一丈二尺長三百一十有五丈至今猶有存者仍復夾道種松以休行旅遂成車馬之途其支山曰南源飛瀑百丈下有湫潭深不可測其寺口雲封又名掛角在庾嶺上有唐六祖開明真空大鑒禪師塔左有卓錫泉右有展衣坪放鉢石檀經云六祖自黃梅傳衣鉢圓曹溪五百僧爭之追至大庾嶺久立告渴祖拈錫杖點石泉湧清冷其美衆駭而退按今張曲江祠卽雲封寺處口嶺下有庾嶺驛宋之問題壁詩云陽月鴈南飛傳聞

南安府志勝八卷之十三

十

至此廻我行殊未已何日復歸來江靜潮初落林昏瘴不聞明朝望鄉處愁見隴頭梅末蓋用陸凱寄范曄詩中語及本郡之驛使門亦用此詩其實非大庾事○橫浦關在縣西南三十里秦時關也劉嗣之南康記云漢命楊僕討呂嘉出章郡下橫浦卽今縣西南故橫浦關以郡城臨章江自西流東橫繞南岸而名○關內曠谷可容寨柵卽古入關之路及張九齡開鑿庾嶺此關遂廢又云安庾里有游仙徑崎嶇陘石中六七里乃抵關路南山對峙相去表丈關之外南下亦峻關之內有廣谷

九相故址蓋隋開皇十年番禺王仲宣反立九柵大庾嶺詔裴矩進兵擊破之○吳錄云南竺縣有大庾山其路峻阻螺轉而上踰九磴二里至頂下七里平行十里至平亭平亭者橫亭也爲古入關之路○志云縣東三十里有蜜水源出雲上山南流經小蜜橋入于章江有大龍山延亘三里狀如游龍山下登山計八里許上有幞頭及梳粧二巖○青龍岡在縣東北三十里大岩村以頂有青龍見得名郡國志云徐道覆欲上青龍岡大龍繞身雷震而止祥符圖經載岡與傀儡山俱在庾嶺左

南安府志勝八卷之十三

土

右上有石時放光明號鏡石爾雅云山多大石曰磐註曰多磐石也鏡石右有慧光菴後有聖果寺寺後松萬株○漢陳蕃子孫家在岡上南康記云蕃被誅家徙日南又追至此滅之因塋其處漢史不載今其墓高大南安志以爲或仲舉友人朱伯厚輩爲之收塋嘗有發冢見大蛇纏墓風雨晦冥乃止○輿地紀勝云穀山在縣東北五十里高千仞上有石頂圓如人形有池產魚能五色○玉泉山亦在東北五十里兩山峙立如門一逕入山二里許相傳晉蘇耽居之泉側清涼無暑玉泉菴前

壘石爲橋溪水嘗峭橋巷僧劉石爲函貯金剛經以鎮之○大明水在縣西南六十里水出僊偶山北流至大明江口入江○龍山在縣西北六十里四山環列有坪有溪二石如獅象背有巨石如人騎之○雲山在縣東北七十里產異桃先禱之乃敢食然不敢持歸○涼熱水在縣西百五十里同源而異性熱水池闊二丈餘深又餘流四步而合凉水東入章江○城池志云度嶺北四十里爲新田城又五里爲鳳皇城以近鳳皇山也鳳皇西十里楊梅村有楊梅城俱嘉靖四十四年築楊梅北

南安府志勝

卷之十三

圭

十里爲小溪城舊有小溪驛今遷去先十年築小溪東五里爲九所城亦四十四年築小溪北十五里爲峰山城其人善弓弩皆撫臣王守仁所勦也

南康縣

府東北一百二十里

元和郡縣志云本漢灌嬰所置南荳縣也至獻帝時孫權析立南安縣晉太康中改曰南康按今南荳水馬驛卽漢縣處在學宮之左而晉縣在今治西南隅二百步○南荳水卽桃水也出紅桃嶺故名桃水下流合蓮塘水入章江有南荳灣源出豫水歷南坑與蓮塘水會西符水在縣北源出雙

東流二百里至南荳口入章○綠微臺在縣治內宋相陳升之父爲主簿時以石爲臺亭其上扁曰綠微後宰易名陳公臺○宋縣尉司在今治東迎恩門內洪武中築城于其處○縣前有秀公坊以升之嘗宰是邑民思其德因謚曰秀乃立坊以志不忘○治東七十步有蘇步坊蘇子瞻南遷經此過田如鼇六經堂得題因名坊側有井深而冽石其底如盤而九竅泉自中湧汲之者衆終無涸時

南安府志勝

卷之十三

圭

一點故名○南街有壽龜池池形稍低衆水所聚而瀦爲池青囊者言城中地形偃伏連接如五龜此其一○綠池在縣東宋初出石祿處白鶴池在縣西今爲民居○祥符寺在治東北宋大中間南康士人鍾福讀書寺中嘗手植一小松夜夢人曰松圍三尺子當策名霽而惡之後三十年始登科南歸視松一如所夢松高百餘尺凡四十九枝偃亞如蓋畫工圖南康松以傳者此○西城外仙臺觀宋建炎間偶有羽士僦居觀中未幾示疾鄧道士遇之不厭謂鄧曰死後我後三日幸發視之鄧如其言惟見白石一雙本觀三清殿東二井相對

如呂字相傳呂巖傲居時以杖拄地所成又云洞
賓棄丹井中因名丹井○城東門外有唐貞元間
六祖院宋蘇子瞻南遷改名傳法寺城南南山嶺
有宋紹聖初寶梵院相傳南齊朝夕鐘鳴與蕪樓
鼓相應又名南山院○芙蓉江在南門外源出聶
都山章水委注至此澄渌泓深江之南平沙橫衍
數里皆民居從下行里許入東山徑有芙蓉巷又
東去十里有芙蓉橋相傳唐時沿畔多植芙蓉一
夕盛開初日映江纖妍可悅○鴨子湖在縣水南
湖水漣漪丘阜突起左有龍珠巷紫荆山湖傍建

南安府志勝

卷之十三

古

亭榭平疇周環多古松喬聳蒼翠東坡先生嘗憩
其上有詩○東華山在治東一里江水潏洄若帶
甃石爲長隄前有平臺後有僧舍及叢桂觀瀾兩
亭稱郭外佳勝鯉山髻山俱在其北鎮下流爲水
口關○九日山在縣北一里治之主山也陳升之
母方媛夢神人謁見自稱從九日山來已誕升之
實有蛇蛻之異因名旭旭登第後復宰南康因築
旭嶺書臺後避神宗廟諱改升之仕至宰相謚秀
公今山椒有旭亭○南臺山去縣五里舊名南山
後以山出莎草名南臺山詩云南山有臺註曰臺

天須也卽莎草服之已疾卽此有石巖可坐十餘
人月夜風簾過客時時聞鐘磬聲○東山在縣東
南五里盤迴突起與二南山連峙章江自上流來
逶迤邇而下里許有七星巖琪平衍十餘畝中錯
起七堆如北斗因名焉山半有寺有古塔塔前有
女貞樹傳是宋劉元亨所植○潛仙山在縣西五
里相傳建炎初呂洞賓化爲羽士潛寓山中故名
○蓮華山在縣西北五里周圍豁澗縈遶田疇田
中一丘全體凸而內凹形若出水蓮花池左有百
家湖右爲安舒橋又東北行一里爲龍岡前有龍
潭山與蓮華對峙○獨秀峰在縣東南二十五里

南安府志勝

卷之十三

古

俗名雞籠山下有龍湫宋紹興甲戌蘇軾南遷登
之見其秀拔更今名及北歸作詩云倚天巉絕玉
浮圖宵與彭郎作小姑獨秀江南知有意能三二
別四方壺謂大小別及方丈蓬壺瀛洲也○高靈
山在東南三十里與獨秀峰並峙山勢巍峻踞踞
而上爲三天門相距各里許門各磨崖鐫字最上
爲朝元閣時有雷電遶之山周迴十餘里有田有
瀑布泉水四注折而左爲塔院嘉靖初大安禪師
坐化處迤東數里有勝龍山北出九斗抵玉潭山

爲往來通逕山麓有菴曰盤龍晴日從上眺城市
風烟繚緲稱爲奇觀又東去一山名青隱與贛縣
武林山相望○浮石在縣西三十里形如覆鐘水
環其外爲上游勝槩有唐顯聖院宋建中靖國辛
巳蘇子瞻艤舟訪元師題院壁云渺渺昏林集曉
鴉村村烟火梵王家幽人自種千頭橘遠客來尋
半結花浮石已乾霜後水蕉溪閒試雨前茶不如
一夢歸南去翠竹江邊繞白沙○去浮石五里許
有寶石雄踞如虎高二十餘丈連亘五十餘丈因
踞實旂名之以與浮對○蕉溪在縣西三十五里

南安府志勝

卷之十三

夫

源出鍋坑流至浮石入章水因蘇公有蕉溪閒試
雨前茶之句因名○封侯水在縣南三十里源出
布尾東流至校溪又西南入涼熱水經此入章江
以漢梅鋗曾列營水濱後封侯故有封侯水之
名○鹿鳴山在縣北四十里鹿鳴鄉塘江之西南
沉塘裏爲沙溪迤東二十里爲入三江口經湖頭
而會貢水○玉潭山在東北四十里地名潭口濱
大江水經云豫章水導源東北流逕南野即自此
潭東注潭水澄澄如碧玉○禽山在縣西北六十
里俗名蒙山高二百餘丈連亘百里入上猶界禽

之水東流百五十里乃至南埜口○蓮塘水在太
平嶺下去縣八十里源出余源嶺東流二百四十
里經刀石湖至芙蓉江而會章水○河田水在縣
西一百四十里黃雀埭源出至坪里船塢派分爲
二其一界茹平桑湖注龜湖而出長龍其一自新
溪逕長龍合爲至坪江又四百五十里至太平里
瑞陽江合于章水○唐蔡母潛能詩南康

上猶縣

在府東北
二百里

後唐同光二年黎求代盧光稠爲州刺史遣判官
李照劉南康縣之西南一鄉半置上猶場于靈巖
南安府志勝

卷之十三

七

寺北以地有猶水爲名南唐保大十年陞爲縣○
志云猶水在治東半里源出湘廣桂陽縣經猶石
而下入南康界又半里爲鎮前潭即猶水所派注
○湖南益漿水四百二十里至上猶縣名縣前水
按在南門外數十步是○龍歸坑在治北學宮後
因制置使李綱過此立李相亭其上今改騰龍嶺
○南山在治南方山在縣東各去城二里高聳插
霄形如覆斗○縣西三里一山形如香爐屹立水
中名香爐石○大猶山即猶石障在治北二十五
里遠望如獸蹲立故名山後有月巖窺圓如月經

數十尺表裏不隔其中有池神龍居之名龍池○
馬迹嶺在東北二十五里石路間有馬蹄迹十餘
涖傳云昔仙人騎而過此○小梅嶺在縣北三十
里俗傳梅福嘗煉丹于此今井竈祠址尚存有天
池乃其藥臼所陷泥塘因之積水四時不竭○琴
龍山在縣西三十里地名琴江其下有龍潭水派
流二十里琴口渡○縣東北四十里有九十九曲
水源出上坪逶迤凡有此數○輿地紀勝云縣西
介于江西湖廣廣東三路有大章山延袤數百里
出巨木美材通鑑晉義熙六年云初徐道覆使人
南安府志勝八卷之十三 九

崇義縣

在府東北一百里

本上猶縣地峯人謝志珊等嘯聚于此先是廣東
湖廣旱饑流民遁逃至上猶深山安插種山薯旱
禾高粱官司未遑驅逐後遂爲盜編民苦之號曰
峯歲益甚督臣守仁以聞詔許三省會剿兵自南
康入破橫水溪左賊徒走桶岡崗我兵連戰破崗
誅其渠帥脅從者釋使服業詔立今縣割大庾之

義安里南康之至坪上龍崇德三里上猶之崇義
鴈湖上保三里益之乃正德十二年事○縣治設
于橫水地近上猶之崇義鄉因以鄉爲縣名築城
周廻五百四十餘丈闢門四三面臨溪南有太平
橋跨溪抵門惟西南鑿濠治後半里其山名旗因
縣名改曰崇山其地多產茶及水竹有符水山在
西南五十里一名浮竹坳產符竹小而輕又有西
符水在縣東南六十里入于章江○南原水在西
南五十里出南原山東流合符水口入章江○聶
都山在縣西南六十里高一百六十仞連亘四十
南安府志勝八卷之十三 九

里相傳昔有聶姓者開都以聚民故名產雜木石
其水流入南康縣爲南礬溪山海經云聶都之山
聶水出焉其山出礬石卽此○雙鶴洞在聶都山
右舊名石室近洞有石室寺今名妙因洞有井正
圓廣尺而深不可測相傳神龍居之昔游人涸此
井龍化雙鶴飛去翔翥久之不知所在洞可容百
人石乳凝結上如列星下如鐘鼓擊之有聲又有
如佛像牀榻別有巖穴相通泉清可酌名觀音池
○聶都山下有獅子巖巖內明爽可坐百人巖西
斗田其上多礬石遠望如雪○縣出茶磨以石問

山石爲之蒼碧縝密鑄琢堪施以磨盤與輪同璞
 者爲佳其最謂之白石猶硯之舊坑也脉紅如線
 極鮮明不過三兩線今亦艱得土人又以白脉者
 爲銀線黃脉者爲金線○麟潭在治西百里水竹
 坑口源出益漿山昔有獸見潭上或以爲麟潭之
 水東北入章水○潛水在治西百三十里源出樟
 山洞流數里入地而復歛出形家謂之潛水土人
 曰鑽水○寰宇記云益漿水源出聶都山東流入
 貢水合西符水至南野口合良熱水○封侯水源
 出封侯山水淺不通船西南入良熱水○良熱水
 南安府志勝入卷之十三 辛
 昔名豫水漢置豫章郡因此源以爲名



ZW 21181888516858